



5-101



FD
229


Don Juan de la Cruz . . . Page 25
Del Sr. Obispo -



IACOBI SIMANCAE
PACENSIS EPISCOPI,
DE CATHOLICIS INSTITVTIONIBVS
LIBER,

Ad præcauendas & extirpandas hæreses admodum
necessarius, tertio nunc editus.

Cum Priuilegio, & licentia Superiorum.



ROMÆ, In Aedibus Populi Romani Anno Iubilei. M. D. LXXV.

Rec. 1088 bis
R. 52565

JACOBI SIMONE

PACENSIS EPISCOPI

DE CATHOLICIS INSTITUTIONIBUS

L I B E R

Ad praecavendas & extinguendas haereticas admodum
necessarias, tertio nunc editus.

Cum Privilegio Ecclesiae Superiorum.



ROBERTO, Institutio Typographica. M. D. LXXX.

GREGORIO XIII PONTIFICI MAXIMO

IACOBVS SIMANCAS EPISC. PACENSIS.



UNQVAM existimaui, Pater beatissime, fore, ut liber hic ad sacras tuas perueniret manus; aut, si in eas forte incidisset; ut non displiceret prorsus iudicio tuo sapientissimo. Qui enim id suspicari, aut sperare potuissem? cum iam olim primo, illum mihi uni utcunque fecissem: deinde, ante uigintitres annos iuuenili calore, inconsulto edidissem, non alia meliore methodo, quam ordine alphabetico: plenum fastidiosa multitudo authorum, ac multis parergis, superuacaneisque rebus refertum: quæ quidem a quouis censore rigido facile damnari possent. Tu autem, sanctissime Pater, ea legens, & incredibili animi candore boni omnia consulens, non solum in meis ineptijs conuiuere uoluisti, sed etiam semel & iterum præcepisti, ut opus hoc recognoscerem, & ijs, quæ mihi uiderentur, additis uel detractis, illud typis excudendum traderem: adiungens, tibi non ingratam eam operam esse futuram. Quid hic facerem, qui sciam, quam sit mihi curta supellex? Pontifici Maximo non obtemperare, grande est nefas: putare autem, quicquam te dignum a me effici posse, magna temeritas. malui tamen inter has angustias insipientiam meam prodere, quàm crimen inobedientis incurrere: præsertim cum onus tanto fauore impositum, summi beneficii loco iure ac merito sit habendum. Magna igitur alacritate ad rem ipsam aggressus, relegi ea, quæ alteri editioni adieceram, & correxi, deleui atque
a 2 addidi

addidi multa: ordinem uero non immutauī, ne omnia de in-
tegrō texerem, & quia id mihi, de reditu in episcopatum quo-
tidie cogitanti, per temporis breuitatem facere non licuisset.
neque deleui frequentes illas citationes authorum, ita enim
fert nunc iurisperitorum usus: qui plerunque sententias nume-
rare magis, quam ponderare solent. alia plurima (fateor) in-
ornata, superfluentia, & parum emendata reliqui: sed scio
equidem ea in re neque animum, neque diligentiam, sed inge-
nium & industriam mihi defuisse. quod si, pro tibi innata sin-
gulari humanitate, qualemcunque laborem hunc benigne su-
sceperis, & libro, qui tuo iussu iam tertio in publicum
prodit, uel paululum faueris, sperare ausim, catho-

lica fidei negocijs utilitatē aliquam cum esse
allaturum. Christus Dominus ac Deus

noster, cuius uicē in terra pruden-

tissime geris, post foelicitissi-

mum uitæ cursum, in

cælo secum tibi

regnare cō-

cedat.

LECTO-



L E C T O R I.



VI rerum ordinem, quam verborum in hoc opere sequi maluerit, is primo legat partem primam tituli de pœnis, ubi quam iustum ac necessarium sit hæreticos punire, copiose disputavi. Deinde, legere poterit, quid sit hæresis, quis hæreticus, quis apostata, quis

schismaticus, & qui sint alij religionis violatores: quæ omnia in suis titulis requirat. Ad hæc, de istorum indicibus, nimirum, de episcopis, ac de inquisitoribus apostolicis, de ministris eorum, de ordine procedendi in causis violatæ religionis, suis etiam locis consequenter inueniet. Postremo, ne longum faciam, cetera omnia, ex titulorum indice facile cognita, ut cuique libuerit, perleget. quod si viam illam sequi velit, quam ipse in enchiridio seruavi, fortasse non aberrauerit.

I N D E X

I N D E X

ARGVMENTORVM TOTIVS OPERIS.

A		
<i>Abiuratione.</i>		<i>Inquisitoribus.</i>
<i>Absentibus.</i>	Tit. 1.	<i>Iudæis.</i>
<i>Absolutione.</i>	Tit. 2.	<i>Indicibus secularibus.</i>
<i>Accusationibus.</i>	Tit. 3.	<i>L</i>
<i>Aduocatis.</i>	Tit. 4.	<i>Lamijs.</i>
<i>Appellationibus.</i>	Tit. 5.	<i>Libris.</i>
<i>Apostatis.</i>	Tit. 6.	<i>M</i>
B	Tit. 7.	<i>Mahumetanis.</i>
<i>Blasphemis.</i>		<i>Matrimonio.</i>
<i>Bonis hæreticorum.</i>	Tit. 8.	<i>Ministris & eorum officijs.</i>
C	Tit. 9.	<i>O</i>
<i>Cæremonijs.</i>		<i>Occultis.</i>
<i>Communicatione hæreticorum.</i>	Tit. 10.	<i>Officio receptoris.</i>
<i>Concilijs.</i>	Tit. 11.	<i>Ordine procedendi.</i>
<i>Confessis.</i>	Tit. 12.	<i>P</i>
<i>Contumacibus.</i>	Tit. 13.	<i>Papa.</i>
<i>Credentibus, defensoribus, fautori-</i>	Tit. 14.	<i>Pænis.</i>
<i>bus & receptoribus.</i>		<i>Pænitentibus & conuersis.</i>
<i>Custodia reorum.</i>	Tit. 15.	<i>Pertinacibus & impænitentibus.</i>
D	Tit. 16.	<i>Prædicatoribus.</i>
<i>Defensionibus reorum.</i>		<i>Præsumptionibus & suspicionibus.</i>
<i>Defunctis.</i>	Tit. 17.	<i>Probationibus.</i>
<i>Denunciatione.</i>	Tit. 18.	<i>Procuratoribus.</i>
<i>Disputatione.</i>	Tit. 19.	<i>Promotore fiscali.</i>
<i>Diuinationibus & reuelationibus.</i>	Tit. 20.	<i>Propositionum qualitate.</i>
<i>Doctoribus ecclesiæ.</i>	Tit. 21.	<i>Protestatione.</i>
<i>Dominis temporalibus.</i>	Tit. 22.	<i>Purgatione canonica.</i>
E	Tit. 23.	<i>R</i>
<i>Ecclesia.</i>		<i>Relapsis.</i>
<i>Episcopis.</i>	Tit. 24.	<i>S</i>
<i>Errore & ignorantia.</i>	Tit. 25.	<i>Schismaticis.</i>
<i>Excommunicatione.</i>	Tit. 26.	<i>Scripturis diuinis.</i>
F	Tit. 27.	<i>Sententijs.</i>
<i>Fide catholica.</i>		<i>Seruis.</i>
<i>Filijs & minoribus.</i>	Tit. 28.	<i>Sortilegis.</i>
H	Tit. 29.	<i>Superstitionibus.</i>
<i>Hæresi.</i>		<i>T</i>
<i>Hæreticis.</i>	Tit. 30.	<i>Testibus.</i>
I	Tit. 31.	<i>Tormentis.</i>
<i>Idololatria.</i>		<i>V</i>
<i>Imaginibus.</i>	Tit. 32.	<i>Vsuris.</i>
	Tit. 33.	
		Tit. 34.
		Tit. 35.
		Tit. 36.
		Tit. 37.
		Tit. 38.
		Tit. 39.
		Tit. 40.
		Tit. 41.
		Tit. 42.
		Tit. 43.
		Tit. 44.
		Tit. 45.
		Tit. 46.
		Tit. 47.
		Tit. 48.
		Tit. 49.
		Tit. 50.
		Tit. 51.
		Tit. 52.
		Tit. 53.
		Tit. 54.
		Tit. 55.
		Tit. 56.
		Tit. 57.
		Tit. 58.
		Tit. 59.
		Tit. 60.
		Tit. 61.
		Tit. 62.
		Tit. 63.
		Tit. 64.
		Tit. 65.
		Tit. 66.



INDEX

COPIOSISSIMVS RERVM OMNIVM, QVAE IN HOC VOLVME SCITV DIGNAE REPERIVNTVR.



A

- Abiurare apud antiquos, & iuris pontificij peritos quid sit. pag. 2.
Abiurare qui teneatur. pa. 2.
Abiurandi formula. pa. 5.
Abiurare publice qui non debeant. pa. 6.
Abolitio in quibus criminibus praestari non possit. pa. 16.
Absentes cur damnari non debeant, & quando id liceat. pa. 9.
Absentes contumaces olim etiam dabantur. pa. 9.
Absens de cuius haeresi plane iudicibus constat, missio executore in carcere est committendus. p. 10.
Absens tribus edictis adesse iussus, si non compareat, quo pacto puniendus sit. pa. 10.
Absens haereticus iusta aliqua suspitione pressus, quo preestendus si vocatus non compareat. pa. 10.
Absens haeretici causa quae in provincia tractanda sit. pa. 11.
Absens haereticus missis requisitorijs literis, in aliena provincia comprehendi potest. pa. 11.
Absens causa, quem in alijs provincijs haereticum esse constat, quibus inquisitoribus committenda sit. pa. 12.
Absens haeretici causa, qui nullibi domicilium habet, quo in loco tractanda sit. pa. 12.
Absens haereticus qui intra annum seipsum coram iudicibus exhibuerit, ita audiri debet, ut eius bona non publicentur. pa. 21.
Absens suspectus de haeresi a quocunque excusari potest coram iudicibus. pa. 41.
Accusari debet ab omnibus quicunque reipublice perniciosus fuerit, dummodo eius crimina idoneis testibus comprobari possint. pa. 15.
Accusator haeretici ab accusatione desistere non potest impune. pa. 16.
Accusationis copia reo fieri solet. pa. 33.
Actiones in re ubi sunt, & ubi in personas. pa. 50.
Adorationis genus triplex est. pa. 246.
Admonitio qualis esse debeat, ut haereticum pertinacem faciat. pa. 400.
Admonitio quae censenda sit legitima. pa. 400.
Adulterij crimen grauius esse quam homicidium, quidam Scaeuolam sensisse aiunt. pa. 312.
Aduocati haereticorum quales esse debeant, & eorum officium. pa. 17.
Aduocati haereticos nequeunt defendere, nisi id eis ab inquisitoribus permillum fuerit, & quid do reis concedendi. pa. 18.
Aduocatis unde dandum sit stipendium. pa. 18.
Aduocatorum verba, praesente reo prolata, quomodo sunt accipienda. pa. 18.
Aduocatus qui scienter defendit haereticos, & tabellio qui facit illis instrumenta, infamia notandi sunt. pa. 105.
Alcibiades & Demosthenes accusati aufugerunt. pa. 500.
Alexandri mos in decidendis causis. pa. 9.
Alexandri Seueri in eligendis magistratibus prudentia & integritas. pa. 307.
Alfonso Castus censet haereticum a iudice nondum condemnatum, neque accusatum ab aliquo, teneri bona sua fisco offerre in foro conscientiae. pa. 55.
Aliena in re qui magnas impensas facit, quo pacto rei domino satisfactorius sit. pa. 48.
Alimenta non publicantur. pa. 42.
Ambrosius de matrimonio loquens, nuptias infidelis & haeretice cum christiano ex aequo prohibuit. pa. 304.
Amoris furor & vis. pa. 123.
Amoris furore percitus, licet haereticum aliquem dicat, aut faciat, defendi nonnunquam potest. pa. 124.
Amoris impatientia sortilegia facere & ceteras imagines, quo pacto superstitiosum, non haereticum sit. pa. 225.
Ancyrani concilium non negat ea fieri posse, quae sepe a demonibus cum lamis perpetrantur. pa. 279.
Apostoli.

I N D E X.

- A**postasia quid sit. pa. 21.
 Apostata an sit censendus infans baptizatus, qui captus ab infidelibus, eorum impietatem didicit. pa. 229.
 Apostoli & sancti viri diligentissime consuetudinem hæreticorum deuitarunt. pa. 88.
 Appellationes vanæ & friuolæ suscipiendæ non sunt. pa. 19.
 Appellationes in re dubia admittere tutius est. p. 20.
 Aquilæ nomen quid significet in sacris literis, cum dicitur: Vbiunque fuerit corpus, illuc congregabuntur & Aquilæ. pa. 152.
 Armis vti generaliter cuiusque veritum est. pa. 261.
 Arrhæ, & donationes propter nuptias vxori datæ, marito hæresis damnato, non confiscantur. pa. 43.
 Astrologi & alij qui ex syderum inspectione ea diuinant, quæ sunt homini cognitu impossibilia, suspectissimi sunt de societate demonum. pa. 145.
 Assessores siue consultores ab inquisitoribus conuocari debent. pa. 310.
 Athenis ante bis mille annos fuerunt iudices violatæ religionis, sacerdotes. pa. 258.
 Auguria obseruare, & futurorum euentus rimari ex stellarum cursu, quam impium sit docet diuus Hieronymus. pa. 462.
 Authores qui cæremoniarum derisores confutant. pa. 84.

B

- B**lasphe-mare quid sit, & quot modis in Deum blasphemus quis dicatur. pa. 22.
 Blasphemia quæuis continet falsitatem. pa. 22.
 Blasphemum quiuis accusare debet, & eundem quiuis iudex punire potest. pa. 22.
 Blasphemus inique absolutus, aut remissius punitus ab aliquo iudice, puniri potest ab alio. pa. 23.
 Blasphemiæ discrimina inter se, & ad quos iudices cognitio vniuscuiusque pertineat. pa. 23.
 Blasphemi in Virginem Mariam duplo maiori poena coercentur. pa. 23.
 Blasphemorum poena. pa. 24.
 Blasphemix poena, qua rei nudo capite & sine chlamyde in ecclesia esse iubentur, vnde fuerit deriuata. pa. 24.
 Blasphemus absolutus in foro conscientix, an sit puniendus in foro iudicij. pa. 25.
 Blasphemus qui plures eodem impetu blasphemias dixerit, durius puniendus, sed vna tantum poena. pa. 26.
 Bona omnia vxoris de hæresi damnatæ publicantur. pa. 36.
 Bona materna filij familias hæretici ad fiscum pertinent. pa. 36.
 Bona hæretici, ab eo die quo in hæresim incidunt, publicari solent. pa. 37.
 Bona hæretici qui defecit in purgatione, aut propter contumaciam damnatus est, a quo die publicanda sint. pa. 37.
 Bona ab hæreticis alienata, cum fructibus restituere tenentur male fidei possessores. pa. 41.
 Bona futura non confiscantur. pa. 42.
 Bona aliena inter hæretici bona reperta legitimis dominis sunt restituenda. pa. 42.
 Bona parapherna vxori restituenda sunt. pa. 43.
 Bona quæ sita constante matrimonio inter coniuges, an diuidenda sint inter fiscum & vxorem, quæ sciens nupsit hæretico. pa. 43.
 Bonis filij familias publicatis, non confiscatur portio illa legitima, quæ post mortem patris ei debetur. pa. 44.
 Bona ecclesiæ publicanda non sunt propter hæresim clerici. pa. 45.
 Bona restitutioni subiecta quæ possidebat hæreticus, non publicantur. pa. 45.
 Bona hæretici ad regem illius regni pertinent, in quo ipsa reperta fuerint. pa. 50.
 Bona hæreticorum quo pacto olim diuidebantur. pa. 50.
 Bona hæreticorum vsu capi possunt etiam contra ecclesiam Romanam, tempore quadraginta annorum. pa. 51.
 Bona quæ in singulos annos hæretico debentur, quando publicari non possunt. pa. 51.
 Bona constante matrimonio quæ sita, an spectanda sint ex domicilio, an ex loco vbi contractum fuit matrimoniū, cum confiscari debent. pa. 51.
 Bonorum omnium iactura solet morti æquiparari. pa. 69.
 Bona aliena conscripta cum bonis hæreticorum, proprijs dominis sunt restituenda: æs etiam alienum protinus soluendum est. pa. 324.
 Bona reorum quæ seruari possunt, locanda sunt a receptore & sequestro. pa. 324.
 Bona reorum vendi non debent nisi auctione constituta, quod & in locatione seruandū est. pa. 325.
 Bona hæretici, postquam ille fuerit damnatus, cui & quomodo tradenda. pa. 325.
 Bona reorum de quibus lis est, & quæ pignori nexa sunt, quomodo & quando vendi possint. pa. 325.
 Bonorum publicatorum distractio propter temerarias lites differenda non est. pa. 325.
 Bona fisco & alijs communia, si commode diuidi nequeant, a quo vendenda sint. pa. 325.
 Bona reorum æstimari debent antequam vendantur, & præconia in loco celebri faciendæ. pa. 326.

C

- C**aduera reorum, modo hæretici non fuerint, cur puniri non debeant. pa. 127.
 Caduera

I N D E X

- Cadavera punitorum insepulta relinquenda non sunt: & quando id liceat. pa. 128.
- Cadavera & ossa hæreticorum punienda cur sint. pa. 128.
- Cæremonias ecclesiæ quantopere detestentur Lutherani, & quantus earum fructus sit. pa. 82.
- Cæremoniarum magnus vsus erat in veteri testamento. pa. 82.
- Cæremonijs vsus est Christus Redemptor noster. pa. 82.
- Cæremonias docuerunt apostoli. pa. 82.
- Cæremoniæ etiam apud ethnics magnificabant. pa. 83.
- Cæremoniarum utilitates. pa. 84.
- Cæremoniæ quid sint, & cur talem quis religionem tenere creditur, qualibus cæremonijs utitur. pa. 84.
- Carcereis assignandus est, pro criminum & personarum qualitate. pa. 110.
- Carcere poenitentium qui ad perpetuum carcerem damnantur. pa. 110.
- Carcere hæreticorum neque ipsemet iudex solus ingrediatur. pa. 111.
- Carcerebus secretis hæreticos coerceri quantopere expediat, ut Plato multis retro seculis præsentit. pa. 111.
- Carcere iure ciuili ad quid habeatur, & ad quid iure pontificio. pa. 111.
- Carcere inquisitores quoties & quomodo visitare teneantur. pa. 111.
- Carcere perpetuo damnandos esse illos qui cum Catilina coniurarunt, Iulius Cæsar olim censuit. pa. 112.
- Carcere perpetuo qui dånari nõ debeant. pa. 112.
- Carcereis perpetui poenam minuere vel commutare, ad quem pertineat. pa. 113.
- Carcereis perpetui poena quomodo soleat aliquando condonari. pa. 113.
- Carcere species tormenti est. pa. 108.
- Carolus magnus arcanum concilium integerrimorum hominum sine prouocatione instituit. pa. 259.
- Catechumenus qui constanti animo baptismum suscipere statuit, & postea in hæresim lapsus fuit, an sit proprie dicendus hæreticus. pa. 229.
- Catholici scriptores quibus in rebus salua fide dissentire possunt. pa. 221.
- Causæ fisci quomodo agendæ. pa. 326.
- Caritatis lex. pa. 137.
- Christianus quo pacto se gerere debeat aduersus insurgentes opinionum tempestates. pa. 150.
- Christianos docet ipsamet veritas per Matthæum, quam doctrinam sequi debeant. pa. 151.
- Christiani quid explicite scire & credere teneantur. pa. 196. 197.
- Christianus veritatibus illis credere debet, quæ ex sacris literis legitime deducuntur. pa. 198.
- Christianus Mahumetis sectæ se addicens, quomodo puniendus. pa. 293.
- Christianis graue & nefarium iugum est, hæreticis societatem coniungere. pa. 302.
- Christianum virum cum muliere hæretica coniungi non licere, docet canon. 72. sextæ synodi generalis. pa. 303.
- Christus saluator noster cur dæmones veritatem dicentes loqui prohibuit. pa. 288.
- Christi membrum efficitur quisquam, non solū per sacramentum fidei, sed per fidem etiam sacramenti. pa. 302.
- Christus multis in locis nobis præcipit, ut vnum simus. pa. 446.
- Citandi qui sint ad defuncti hæretici defensionem. pa. 130.
- Citatio realis quid sit, & quid verbalis. pa. 330.
- Clerici qui uxorem ducunt, eodem stylo ac monachi coercendi sunt. pa. 297.
- Clericus qui sit hæreticus pertinax, relapsus vel impoentens, quo pacto puniendus sit. pa. 370.
- Clericorum hæreticorum degradatio siue exauguratio, quo pacto facienda sit. pa. 371.
- Clericis cur non soleat publica poenitentia iniungi. pa. 391.
- Clerici & monachi an torqueri possint, & a quo torqueri debeant. pa. 305.
- Clerico, qui per sex menses prætermiserit lectionem officij canonici, quam poenam imponat Lateranense concilium. pa. 65.
- Concilia quæ matrimonium inter Christianos & hæreticos prohibent, a pontificibus maximis approbata sunt. pa. 300.
- Concilium quid sit, & quot illorum genera, & quæ autoritas sit. pa. 90.
- Conciliorum generalium autoritas & utilitas. pa. 91.
- Concilia vniuersalia, quæ dicantur legitime congregata. pa. 91.
- Concilium generale quando conuocari liceat absque autoritate Papæ. pa. 92.
- Concilium vniuersale, neque alius quispiam iudex Papam condemnare potest. pa. 93.
- Concilium sacerdotale quid sit, & quod robur habeat. pa. 94.
- Concilia prouincialia quam autoritatem habeant. pa. 94.
- Cõfessio potissima est probatiõis species. pa. 96.
- Confessione sola hæresis probari potest, sed poena ordinaria non punienda est, nisi aliter probetur. pa. 96.
- Confessio quæcunque contra confitentem reum plenam probationem non facit. pa. 97.

I N D E X

- Confessiones suas an reuocare possint rei. pa. 97.
 Confessionis reuocatio quocunq; tempore admit-
 titur in iudicio sanctæ inquisitionis. pa. 98.
 Confitens factum, & negans impiam intentionē,
 an sit audiendus. pa. 98.
 Confitens inquisitoribus hæresim prorsus occul-
 tam, occulte ab eis est absolueudus. pa. 99.
 Confessio an reuocari possit, postquam est ab al-
 tera parte accepta. pa. 99.
 Confitens hæresim non prorsus occultam, quo
 pacto sit tractandus. pa. 99.
 Confessarij copia quando ijs faciendā, qui in car-
 cere ob crimen hæresis detinentur. pa. 115.
 Confessio illorum recipi non debet, qui post plenam
 confessionē, sibi manus inferunt. pa. 134.
 Confessio reorum qualis sit iusta & vera cen-
 senda. pa. 387.
 Confessio criminis extra iudicium facta, ad reum
 torquendum sufficere creditur. pa. 499.
 Confessio in tormentis extorta quando reo no-
 cere non possit. pa. 508.
 Confessio quando dicatur extorta metu tormen-
 torum. pa. 509.
 Confessio tormentis extorta q̄ vim habeat. pa. 509.
 Confiscatio bonorum hæretici non debet alijs
 esse damnosa. pa. 42.
 Confiscationis executio quando faciendā sit in
 bonis hæreticorum. pa. 50.
 Confiscationis ius si duo sint domini temporales,
 alter inferior, alter superior, vtri eorum per-
 tineat. pa. 50.
 Communicatio hæreticorū cur vitanda. pa. 86. 87.
 Communicantes cum hæreticis plus minusue
 suspecti sunt habendi, considerata personarū,
 loci, ac temporis qualitate. pa. 89.
 Communicare cū hæreticis quando liceat. pa. 89.
 Consanguinei reorum vtrum defensionē alle-
 gare possint, & ad earum probationem ad-
 mitti. pa. 126.
 Consanguinei reorum admittendi non sunt ad
 probandas exceptiones, contra testes accusa-
 toris. pa. 487.
 Consuetudines antiquissimæ ecclesiæ vim eccle-
 siasticæ legis habent. pa. 176.
 Consuetudo antiqua non minorem vim habet,
 quam scripta lex. pa. 177.
 Consuetudinis & amicitie vis. pa. 412.
 Consuetudo antiqua, qua tormentis, purgatione,
 aburatione, tandem arbitrarijs pœnis rei cor-
 cebantur, crudelis & iniqua erat. pa. 436.
 Consuetudo fauorabilis quādo extendenda. pa. 55.
 Consultores simul cum inquisitoribus deliberare
 debent, & ea tenenda sententia, cui maior il-
 lorum pars adhæserit. pa. 311.
 Contestatio litis cur necessaria non sit in causa
 hæresis. pa. 475.
 Contumaces qui sint. pa. 100.
 Contumax nisi post integrum annum a die exco-
 municationis computandum compareat tan-
 quam hæreticus damnandus non est. pa. 100.
 Contumax suspectus de hæresi an sit citandus in
 personam. pa. 101.
 Contumax quocunq; tempore compareat au-
 diendus est. pa. 101.
 Continuo & confessum ad ecclesiæ vnitatem re-
 currere, quomodo quis dicatur. pa. 386.
 Conuersi qui dicantur. pa. 393.
 Conuersi & eorum liberi an veteribus christia-
 nis in omnibus æquandi sint. pa. 394.
 Conuersi recenter, & nondum satis edocti catho-
 licam fidem, si labantur in hæresim, quo mo-
 do sint tractandi. pa. 394.
 Conuictus proprie dici non potest, qui sponte
 crimen confessus est. pa. 442.
 Corpora hæreticorum non sunt inter Christia-
 norum corpora sepelienda. pa. 128.
 Correctio fraterna an sit necessaria ante denun-
 tiationem hæreticorum. pa. 136.
 Credentes qui dicantur, & ipsorum species quot
 sint. pa. 103.
 Credere hæreticis qui censeantur. pa. 104.
 Custodes carceris hæreticorum quot, & quales
 esse debeant. pa. 110.
 Custos carceris vnus tātū hodie ponitur. pa. 110.
 Custos carceris a quo hodie creari soleat. pa. 308.
- D
- D**æmonem qui inuocat ad tentandam pudici-
 tiam mulieris, an hæreticus sit. pa. 145.
 Dæmones inuocare per modum imperij, aut eis
 comminando præcipere posse homines, fieri
 non posse, censet Augustinus. pa. 225.
 Dæmones an fieri possit, vt sint incubi & suc-
 cubi. pa. 277.
 Dæmones ab homine cogi non possunt, vt iuui-
 ti in annulo aut pyxide trahantur. pa. 467.
 Dæmones fingunt se captos & vinctos a Magis,
 vt eos ita capiant. pa. 468.
 Dæmones a nulla re corporea pati possunt. pa. 469.
 Defensorū hæreticorū varia sunt genera. pa. 104.
 Defensio quid sit, & quomodo hæreticis pertina-
 cibus denegetur. pa. 117.
 Defensio prima & potissima qualis sit. pa. 117.
 Defensio optima quæ sit. pa. 117.
 Defensio etiam magna est, testes refutare. pa. 118.
 Defensiones aliæ, quibus rei omnino excusan-
 tur. pa. 118.
 Deficere in purgatione quis dicatur. pa. 434.
 Defuncti, qui suspectus de hæresi lite pendente
 obiit,

I N D E X

- obijt, quo pacto tractanda sit causa. pa. 130.
 Defunctus hæreticus accusari potest atque dam-
 nari, etiam post quadraginta annos. pa. 130.
 Defuncti memoriam qui defendere possint corā
 iudicibus. pa. 130.
 Defuncti causa ab instantia iudicij absoluti, si
 aduersus eum alij testes superuenerint, denuo
 tractari poterit. pa. 131.
 Defunctorum hæreticorum causa quomodo sit
 tractanda, colligitur ex octaua sessione Con-
 cilij Constantiensis. pa. 134.
 Denunciare quid sit apud iuris peritos. pa. 135.
 Deprecatio quid sit, & apud quos locum ha-
 beat. pa. 379.
 Discipuli credentes magistris hæreticis, an sint
 puniendi. pa. 104.
 Disputandum publice non est cum hæreticis per-
 tinacibus. pa. 138.
 Disputare publice de fide catholica, & de ijs quæ
 semel definita sunt, multis constitutionibus
 ac decretis prohibitum est. pa. 141.
 Disputare cum hæreticis quando liceat. pa. 141.
 Disputantes cum hæreticis quo pacto se gerere
 debeant. pa. 141.
 Disputare quomodo debeant inter se viri catho-
 lici. pa. 141.
 Disputandum quomodo sit cū hæreticis. pa. 434.
 Diuinitas quid sit. pa. 143.
 Diuinationum authores sunt dæmones, qui suæ
 naturæ subtilitate, & rerum experientia, præ-
 noscunt aliqua euentura. pa. 144.
 Diuinationis artem pestiferam quos potissimum
 dæmones docere soleant. pa. 144.
 Diuinationis varia genera enumerantur. pa. 144.
 Diuinatorum causa ad quos iudices pertineat.
 pa. 145.
 Diuinatores qui præsentia vel præterita occul-
 ta patefaciunt, puniendi sunt ab inquisito-
 ribus. pa. 146.
 Diuinatorum quæcunque genera quomodo exe-
 crentur lex Theodosia, Pacuius, Artemido-
 rus, & multi alij. pa. 146. 147.
 Diuinatorum & Ariolorum poena, in Leuitico
 eis imposita. pa. 147.
 Diuinatores quibus poenis coercendos esse do-
 ceant iuris periti. pa. 147.
 Diuinatores quo pacto puniatur in foro inqui-
 sitorum. pa. 148.
 Diuitias, si cum sapientia coniunctæ sint, multi
 sapientes viri merito laudant. pa. 347.
 Doctorum ecclesiæ communem doctrinam con-
 temnentes, hæretici sunt censendi. pa. 150.
 Doctorum sanctorum dignitas & autoritas ex
 Paulo probatur. pa. 151.
 Doctorum sacrorum dignitas ex multis scriptu-
 raz locis ostenditur. pa. 151.
 Doctorum sacrorum dignitas ex multis conci-
 lijs deducitur. pa. 153.
 Doctorum sacrorum dignitas ex ipsimet sanctis
 doctoribus colligitur. pa. 154.
 Doctorum sacrorum autoritas multis miracu-
 lis comprobata fuit. pa. 155.
 Doctorum sacrorum sententiæ standum est, cum
 controuersia de aliquo scripturæ loco excitabi-
 tur. pa. 156.
 Doctorum sacrorum autoritatem quibus ratio-
 nibus labefactare studeant lutherani. pa. 156.
 Docti viri cur multis in rebus suspecti sunt, in
 quibus suspecti non essent idiotæ. pa. 197.
 Dolor inexpectatus & repentinus ab hæresi ex-
 cusare solet. pa. 124.
 Dominia rerū quo pacto acquirenda sunt. pa. 71.
 Dominium duplex eiusdem rei inueniri po-
 test. pa. 73.
 Domini temporales quibus poenis subiaceant
 nisi aduersus hæreticos inquisitoribus auxilio
 sint. pa. 162.
 Domus in quam hæretici conueniunt ad hæreses
 docendas, an sit confiscanda. pa. 376.
 Donatio inter maritum & uxorem reuocatur, si
 post mortem mariti memoria propter hæresim
 damnatur. pa. 35.
 Donatio causa mortis ab heretico facta irrita cen-
 setur. pa. 35.
 Donationes ab heretico quantumuis occulto fa-
 ctæ, irritæ sunt. pa. 37.
 Donationes factæ vxori a consanguineis sui viri,
 quando publicari possint propter hæresim ma-
 riti, & quando non. pa. 43.
 Donatio facta filio arrogato, & vni ex socijs,
 nō publicatur propter alterius hæresim. p. 77.
 Dormientes cum infantibus & dementibus auu-
 merantur. pa. 119.
 Dotes quoque ab hæreticis datæ reuocantur a
 fisco. pa. 37.
 Dotem an vxori restituiere debeat fiscus, marito
 eius impietatis damnato. pa. 42.

E

- E**cclesiæ quando ab hæresi excusare possit.
 pa. 119.
 Ecclesiæ catholica nullo modo consistere posset
 asque vno supremo capite, cum quo in terris cō-
 municaret. pa. 339.
 Ecclesiæ catholica in quem finem hæreticos puni-
 re soleat. pa. 360.
 Ecclesiæ quid sit. pa. 166.
 Ecclesiæ multis modis accipitur. pa. 166.
 Ecclesiæ vna est, & sententia fertur. pa. 166.
 Ecclesiæ

I N D E X.

- Ecclesia** cur dicatur catholica, & apostolica. p. 167.
Ecclesie initium. pa. 167.
Ecclesia mater est christianorum, extra quam nullus saluatur. pa. 168.
Ecclesia hæreticorum qualis sit. pa. 168.
Ecclesiam suam qualē hæretici esse dicant. pa. 168.
Ecclesia militans non tantum bonorum & iustorum est. pa. 169.
Ecclesia an fuerit a temporibus apostolorum vsq; ad Lutherum, quærendum est a lutheranis, vt ipsi conuincantur. pa. 169.
Ecclesia catholica multas ecclesias complectitur, sed Romana omnium caput est & magistra. pa. 171. 172.
Ecclesiam Romanam cur in caput ecclesiarum Deus elegerit, non est nostrum scire. pa. 173.
Ecclesia in rebus fidei errare cur nō possit. p. 174.
Ecclesie traditiones quantæ sint authoritatis. pa. 174.
Ecstasis & raptus quomodo fiat. pa. 280.
Edicta, quibus reus qui latitat in ius vocatur, præconijs diuulganda sunt. pa. 10.
Educatio bona vel praua quantum valeat in filiis. pa. 411.
Emptori, qui bona fide cum hæretico occulto cōtraxit, an pretium sit restituendum. pa. 38.
Emptor quomodo probabit in utilitatem fisci versam esse pecuniam. pa. 39.
Emptori qui bona fide ab occulto hæretico aliquid emit, quid sufficit probare. pa. 39.
Emptoribus & creditoribus sola rei confessio nocere non potest in probationes emptoris, ex quo in hæresim incidit. pa. 42.
Emphyteusis hominis priuati in fiscum transit propter hæresim emphyteutæ. pa. 46.
Emphyteusis ecclesiastica an transeat in fiscum, publicis bonis emphyteutæ. pa. 46.
Emphyteusis an reddenda sit ecclesie cum meliorationibus. ita vt nihil pro eis fisco soluat. pa. 47.
Episcoporum munus proprium ac fere præcipuum. pa. 181.
Episcopi quam diligentissimi esse debent in euclendis hæresibus a suis gregibus, & ad id iure diuino tenentur. pa. 181.
Episcopi & inquisitores quo pacto se gerere debeant apud Hispanos in hæreticorum causis. pa. 182.
Episcopi hæretici ab omnibus accusari possunt. pa. 182.
Episcopus hæreticus cur amouendus sit episcopatu. pa. 183.
Episcoporum causæ ad quem pertineant. pa. 183.
Episcopi (quos titulares vocant) a quibus puniri debeant. pa. 184.
Episcopi, cardinales, & cæteri huiusmodi publicam pœnitentiam agere debent, si hæretici sint. pa. 391.
Episcopi absoluerè possunt occultos hæreticos in foro conscientie. pa. 14.
Episcopus sine inquisitore, aut e conuerso, an possit absoluerè reum de hæresi accusatum. pa. 14.
Episcopus quando non debeat fugere mortis periculum. pa. 123.
Epistolæ quantam vim habeant. pa. 89.
Errare quid sit, & quot modis errare contingat in fide. pa. 184.
Erroneæ propositiones, & varię de illis theologorum sententię. pa. 125.
Erroneas propositiones quomodo distinguat Canus ab hæreticis. pa. 425.
Eumolpidarum munus. pa. 358.
Exceptiones quæ admitti debeant aduersus testes. pa. 487.
Excommunicationis pœna maxima & formidanda. pa. 189.
Excommunicationē Lutherani contemnūt. pa. 190.

F

- Falsi** testes quot malorum causa sint, & quibus pœnis coercendi. pa. 488. 489.
Falsi testes qui sint pessimi omnium. pa. 489.
Falsus testis in causa hæresis quomodo puniri debeat. pa. 489.
Falsi testes, qui suo testimonio parum nocuerūt, qua pœna afficiendi sint. pa. 489.
Falsi testis, qui combustus fuit, vtrum filij & nepotes infames sint. pa. 490.
Falsus testis in causa hæresis an admittendus sit ad pœnitentiam, si prius veniam petat, quam curiæ seculari relinquatur. pa. 490.
Falsus testis qui seipsum detulit, mitius puniendus est. pa. 490.
Famæ crebræ & constantis vis. pa. 501.
Fama quam mendax & vana plerunq; sit. p. 502.
Fama quo pacto à Fabio describatur. pa. 502.
Famæ mala Tertullianus, & Hieronymus enumerant. pa. 503.
Fama vnde ortum habeat. pa. 503.
Famosos libellos suppressere statim tenentur, qui eos inueniunt. pa. 291.
Familiarium siue stipatorū munus & numerus, & quales sint eligendi. pa. 311.
Familiaribus immunitates quædam nuper concessæ fuerunt iussu Regis, & eorum numerus fuit præfixitus. pa. 311.
Familiarium catalogus in vnaquaque prouincia dandus est consistoriis ciuitatum. pa. 312.
Familia-

I N D E X

- F**amiliares in causis ciuilibus coram iudicibus secularibus conueniendi sunt. pa. 312.
- F**amiliares comprehendi possunt a iudicibus secularibus. pa. 312.
- F**amiliaris qui simplex homicidium committit, ab inquisitoribus puniendus est. pa. 312.
- F**autores hæreticorum in eadem esse causa cēsendi sunt, cum eorum defensoribus. pa. 105.
- F**autores hæreticorum quo pacto magistratus, & quomodo priuati homines cēseantur. pa. 105.
- F**eudum, quod hæreticus habuit, an sit confiscandum. pa. 49.
- F**eudi argumentum ad primogenita recte valet. pa. 77.
- F**ides catholica quid sit, & qualis sit hæreticorum fides. pa. 193.
- F**ides multifariam diduci solet. pa. 194.
- F**idei cōfessio quādo necessario fieri debet. p. 198.
- F**ide constanter hærepta, veritas eius rationibus munienda est. pa. 198.
- F**iguras aut stigmata fieri, quomodo prohibebatur in Leuitico. pa. 465.
- F**ilius receptor patris hæretici, aut vxor viri, aut frater fratris, vel leuissime, vel puniendi non sunt. pa. 107.
- F**ilius viuo patre de hæresi accusato, cur ad eius defensionem non admittatur. pa. 130.
- F**ilios interdum punire propter parentum scelera, iustissimum est. pa. 202.
- F**ilios nonnūquam Deus ipse punire solet propter peccata patrum. pa. 202.
- F**ilij hæreticorum catholici an sanguinis nobilitate priuentur. pa. 208.
- F**ilius an accusare teneatur patrem, si ille fuerit occultus hæreticus. pa. 213.
- F**ilius an patrem hæreticum exhæredare possit, & pater filium. pa. 215.
- F**ilij Iudæorū, & infidelium vtrum baptizari debeant inuitis parentibus. pa. 216.
- F**ilij & hæredes defendere possunt causā defuncti per procuratorem. pa. 421.
- F**iscus vendicans res ab occulto hæretico vēditas an pretium teneatur restituere. pa. 37.
- F**isci in dubijs quæstionibus non magna habenda est ratio. pa. 40.
- F**iscus sub optimo principe sæpenumero vincitur. pa. 41.
- F**isco in rebus certis fauere decet. pa. 41.
- F**iscus propter actionem competentem ad petenda hæreticorum bona, intelligi quodam modo potest esse dominus illorum bonorū, ipso iure. pa. 73.
- F**iscalis esse non potest quis in ea prouincia, ex qua originem ducit. pa. 422.
- F**isci causas quis defendere teneatur. pa. 423.
- F**orū cōscientiæ multū differt a foro ciuili. p. 74.
- F**raus in rebus ab hæreticis alienatis quomodo probari possit. pa. 41.
- F**ructus beneficiorum confiscari possunt. pa. 45.
- F**ructus an restituere teneantur successores hæreticorum, si eorum bona post mortem publicentur. pa. 131.
- F**ugientes e custodia quo pacto puniri debeant. pa. 113.
- F**ugere e carcere an is licite possit, qui iniuste damnatus est, & ille qui iuste damnatur. p. 114.
- F**ugientes, antequam accusentur de commisso crimine, non semper vehementer suspecti sunt. pa. 499.
- F**undus seruiens, vel is cui debetur seruitus, si publicetur, vtroq; casu durāt seruitutes. pa. 35.
- F**uturorum causæ tripliciter se habent. pa. 143.
- F**utura prænosce nemo potest, nisi dæmonis arte. pa. 143.
- F**uturorum prædictio solius Dei est. pa. 143.

G

- G**arcias Sanctius poeta celeberrimus in furorē versus est, quod Iobi lectiones profanas amoribus accommodauerit. pa. 452.
- G**regorijs Saxoniz Ducis in lutheranos egregiū dictum. pa. 239.

H

- H**æredes eorum qui suspecti erant de crimine hæresis, condemnari non debent ad penas pecuniarias præstandas. pa. 372.
- H**æredibus hæreticorū an appellare liceat. p. 20.
- H**æreditas adita ab occulto hæretico an acquiratur fisco. pa. 49.
- H**æretici cum ad mentis sanitatem redeunt, quatuor efficere debent, vt recipi possint. pa. 2.
- H**æretici qui se ad fidem conuertunt, necessario errores suos prius detestari debent. pa. 2.
- H**æretici qui in gremium ecclesiæ recipi student, authores errorum, & libros prius execrari debent. pa. 3.
- H**æreticus se ad bonam frugem recipiens, non solum errores suos damnare debet, sed fidē etiam catholicam suis erroribus contrariam planissime confiteri. pa. 3.
- H**æreticus qui errores abiurat, iurare etiam debet, se nunquam ad eos esse rediturum. pa. 3.
- H**æreticus & voce & scripto errores abiurare debet. pa. 3.
- H**ereses scriptis abiurare, inueteratus & solennis mos est. pa. 4.
- H**æretici abiurantis libellus ad eas ecclesias mitti potest, quæ scandalum passę sunt. pa. 4.
- Hereses*

I N D E X

- Hæreses omnes abiurare debet, qui ad ecclesiam catholicam redit, etiam si in vnam tantum inciderit.** pa. 4.
- Hæreses nominatim sunt abiurandæ.** pa. 4.
- Hæreses qui abiurant propter vehementem suspicionem, & ij qui propter leuem, quo modo sunt puniendi, si postea hæretici deprehendantur.** pa. 6.
- Hæreses quomodo olim abiurabantur, & quo pacto nunc.** pa. 6.
- Hæreses nolentes abiurare ad arbitrium episcopi & inquisitorum, quomodo puniendi.** pa. 6.
- Hæreticus suspectus citandus est, vt verus contumax censetur.** pa. 10.
- Hæreticus cur ad prouinciam, in qua crimen commisit, remitti debeat.** pa. 11.
- Hæreticus in ea prouincia comprehendi puniri que potest, in qua fuerit repertus.** pa. 11.
- Hæreticis cur non liceat tutos esse in his prouincijs, vbi nihil admiserunt.** pa. 11.
- Hæretici tanquam animalia venenosa & pestifera, antequam virus euomant, sunt puniendi.** p. 17.
- Hæreticus damnatus audiendus est, etiam si eius statua fuerit combusta.** pa. 12.
- Hæretici a quibus possunt absolui.** pa. 13.
- Hæretici absolui nequeunt ex clausula generali diplomatis, siue bullæ apostolicæ.** pa. 13.
- Hæretici in mortis discrimine positi a quocunque sacerdote absolui poterunt, si episcopus, & inquisitores desint.** pa. 13.
- Hæretici, qui dum viuerent absolutionem petierunt, & signa pœnitentiæ ostederunt, post mortem absolui poterunt.** pa. 13.
- Hæreticus in sacro pœnitentiæ foro errores suos confitens, quo pacto a parcho, vel ab alio sacerdote sit tractandus.** pa. 13.
- Hæreticus absolutus a Papa an sit tutus in foro inquisitorum.** pa. 14.
- Hæreticus ab omnibus accusari debet.** pa. 15.
- Hæreticus post mortem accusari potest.** p. 16.
- Hæreticis publicis accusator quare sit positus.** pa. 16.
- Hæreticis an aliquando concedi possit, vt locus & dies commissi criminis ipsis declaretur.** p. 16.
- Hæretici patrocinium qui suscipit, non debet rogari de eadem causa sententiam dicere.** p. 18.
- Hæreticus damnatus superiorem iudicem adire nequit, & eius receptatores ad neminem prouocare possunt, & quâdo prouocare illis liceat, & ad quos.** pa. 19. 20.
- Hæreticorum bona iure optimo publicantur, & filios eorum egestate laborare rei publicæ interest.** pa. 34.
- Hæreticorum filijs bona adimere cur inhumanum non sit.** pa. 35.
- Hæreticis quæcunque ex contractu conditionali debentur, quomodo ad fiscum pertineant.** p. 35.
- Hæretici pradium quod censum debet ecclesiæ, confiscatur saluo iure pensionis præstati.** p. 37.
- Hæreticus ex quo die tale crimen contraxit, nihil ex bonis suis alienare potest.** p. 37.
- Hæreticus occultus qui bona sua vendit, peccat.** pa. 37.
- Hæreticus ecclesiæ reconciliatus, cuius bona sunt publicata, an partem dimidiam lucrorum, quæ uxori eius adiudicata sunt, ipsa inuita alienare possit.** pa. 45.
- Hæreticus si rogatus sit aliquid filio suo restituere, id a fisco illi restituendum est.** pa. 46.
- Hæreticus nondum a iudice condemnatus, neque ab aliquo accusatus, vtrum teneatur in foro conscientie bona sua fisco offerre.** pa. 55.
- Hæreticis familiariter scribere non licet.** pa. 88.
- Hæreticum occultum non teneri bona sua fisco tradere, quomodo probetur.** pa. 98.
- Hæreticis qui credunt, nulli tamen errori scienter adherere, quo in numero habendi sint.** p. 104.
- Hæreticus manifestus an a priuato homine comprehendi possit.** pa. 109.
- Hæresis a furioso dicta impunita cur esse debeat.** pa. 118.
- Hæretici qui in furorem incidit, quomodo per agenda sit causa.** pa. 118.
- Hæreticus non est, qui errat sine pertinacia contra aliquam veritatem fidei, quam explicite scire non tenebatur.** pa. 119.
- Hæretici non sunt qui coacti aliquid impium patrauerunt.** pa. 121.
- Hæresis qua in re differat ab alijs criminibus.** pa. 122.
- Hæreticus non est, qui victus supplicijs, Deum sermone tenus abnegat.** pa. 122.
- Hæreticus an sit, qui magna animi perturbatione quidpiam hæreticum dixerit.** pa. 123.
- Hæreticus post mortem condemnatur, ac si viuus esset.** pa. 128.
- Hæreticos etiam occultos quiuis catholicus indicare iudicibus tenetur.** pa. 135. 136.
- Hæreses esse idola, aiunt Diuus Hieronymus & Augustinus.** pa. 136.
- Hæreticos qui non indicauerint, qua pena afficiendi.** pa. 138.
- Hæretici an sint de ecclesia.** pa. 179.
- Hæretici omnes ipso iure sunt excommunicati, & tantum a summo Pontifice, vel eius delegatis absolui possunt.** pa. 189.
- Hæretici tanquam excommunicati deuitari solent, etiâ priusquàm hæretici declarentur.** p. 192.
- Hæreticus minor viginti annis qui in hæresim inciderit, & maior factus conuictus fuerit de crimine,**

I N D E X

- crimine, quomodo puniendus. p. 217.
 Hæresis qualis vox sit, & quid significet, & eius definitiones. pa. 219.
 Hæresis, vt consummata dicatur, quid habere debeat. pa. 220.
 Hæreses vnde oriri soleant. pa. 222.
 Hæresum remedia. pa. 223.
 Hæresim manifestam quæ propositiones sapiant, & quæ crimina præferant. pa. 224.
 Hæresum primus inuentor. pa. 227.
 Hæreticus quid sit. pa. 228.
 Hæreticus vt quis proprie dici possit, debet esse Christianus baptizatus. pa. 229.
 Hæresis esse non potest consummata sine intellectus errore. pa. 230.
 Hæreticus vt efficiatur Christianus baptizatus, opus est vt erret in fide catholica. pa. 230.
 Hæreticus habere debet scientiam vel notitiam contrariæ veritatis, vt hæreticus censeatur. pa. 230.
 Hæreticus, & apostata qua in re differant. p. 231.
 Hæretici vnde cognosci possint. pa. 232.
 Hæretici obscenis & noxijs animalibus in sacris literis comparantur. pa. 233.
 Hæreticorum nostri temporis scelerati magistri qui fuerint. pa. 233.
 Hæretici christianorum titulum nō seruant, sed nomine suorum præceptorum aut errorum gaudent. pa. 239.
 Hæretici quid catholicis obijciant. pa. 241.
 Hæreses esse cur oporteat. pa. 244.
 Hæreses nonnunquam idola appellatur. p. 244.
 Hæreticus ipso facto censetur, qui sacrificia idolis offert. pa. 247.
 Hæretici, & impij homines apud omnes nationes, & potissimum apud Athenienses seuerissime puniebantur. pa. 258.
 Hæresis cognitio ad solum ecclesiasticū iudicem pertinet. pa. 272.
 Hæreticorum consuetudo periculosior est, quam infidelium. pa. 301.
 Hæreticus infidelis dici potest. pa. 304.
 Hæreticus occultus an sit excommunicatus ipso iure. pa. 317.
 Hæreticus pure mentalis inueniri potest, contra Pighium. pa. 319.
 Hæreticus pure mentalis qui hæresim occultissimam amico detegit, ab eo consilium petens, an incidat in excommunicationem. pa. 319.
 Hæresis pure mentalis, quæ nunquam prodijt in actum exteriorem, non eget absolutione inquisitoris. pa. 320.
 Hæreticus occultus qui alios inficit, debet statim iudicibus indicari. pa. 320.
 Hæreticus occultus an seipsum prodere teneatur. pa. 321.
 Hæreticum se quispiam esse confitens in foro penitentiae, & neque penitentiam agere, neque alios quos scit hæreticos esse, prodere volens, an indicari possit a sacerdote. pa. 321.
 Hæresim in confessione dictam quando sacerdos indicare debeant. pa. 321.
 Hæretico quot monitiones fieri debeant. p. 331.
 Hæresis causa simpliciter, & de plano tractanda est. pa. 334.
 Hæreticorum causæ, quanta potest fieri breuitate, tractari debent. pa. 334.
 Hæreticorum causæ non sunt differendæ ab inquisitoribus, vt reos complures simul puniant. pa. 334.
 Hæretici propter multas causas iustissime puniuntur. pa. 353.
 Hæretici asserunt neminem propter hæreses esse puniendum. pa. 354.
 Hæreticos puniri debere vnde deducatur. p. 355.
 Hæreticus perniciosissimæ seditionis causa est in repub. pa. 356.
 Hæreticis cum catholicis nulla pax neque amicitia esse potest, neque inter ipsosmet hæreticos. pa. 357.
 Hæretici multo maiori supplicio digni sunt, quā qui muros ciuitatum demoliuntur. pa. 358.
 Hæreticos quantum oporteat puniri, docet experientia. pa. 362.
 Hæreticos vltimo supplicio affici debere ex Numerorum libro deducitur. pa. 362.
 Hæretici iure optimo cōburuntur. pa. 363.
 Hæretici qui igni tradendi sint. pa. 364.
 Hæreticis perunacibus, & manifestis bellum inferre licet, illoque indicto, eos occidere & spoliare. pa. 365.
 Hæreticis data fides seruanda non est. pa. 365.
 Hæreticis fides a Principe, vel publica potestate data, seruanda est. pa. 366.
 Hæreticis quare omnia commercia sint interdicta. pa. 367.
 Hæreticis quæ legata fuerint quando ad fiscum pertineant. pa. 367.
 Hæretici ab omnibus iudiciorum actibus repelluntur, & iudices esse non possunt. pa. 367.
 Hæretici non possunt aliquod officiū publicum gerere. pa. 368.
 Hæretici nullam ecclesiasticam potestatem habere possunt. pa. 368.
 Hæreticus ad ecclesiam fugiens, non defendetur præsidio sanctitatis loci. pa. 369.
 Hæretici perpetua notantur infamia. pa. 369.
 Hæreticis manifestis eorum vasalli obedire non tenentur. pa. 371.
 Hæreticus priuatus est omni dominio, naturali, civili,

I N D E X

- ciuili, & politico. pa. 372.
- Hæresiarchæ & magistri errorum durius punien-
di sunt. pa. 373.
- Hæresiarchæ & errorum magistri curiæ seculari
sunt relinquendi. pa. 389.
- Hæretici nō modo pēnis temporalibus, sed æter-
nis etiam puniuntur. pa. 374.
- Hæresim qui dixit, aut fuit hæreticus ante multos
annos, mitius puniendus est, si correctus fue-
rit. pa. 376.
- Hæreticis ad ecclesiam redeuntibus quanti olim
temporis pœnitentia præstiniebatur, & quanti
hodie. pa. 380.
- Hæretici qui ad ecclesiam redeunt, non solum pu-
blicam pœnitentiam agunt, sed eorum etiam
bona confiscantur. pa. 381.
- Hæreticus manifeste deprehensus, nisi continuo
post deprehensionem, veniam sponte petat, an
seculari iudici relinquendus sit. pa. 384.
- Hæreticus quousque admitti debet. pa. 384.
- Hæretici, quos lex pontificia exigit, vt sponte
sua conuertantur, qui sint. pa. 385.
- Hæreticus qui errores confitetur ante sententiā
definitiuā, quomodo admittendus sit. pa. 386.
- Haereses qui docet, an recipiendus sit si redire ve-
lit. pa. 388.
- Hæreticus qui regi, aut principi, aut reginæ, aut
filijs eorum, aut fratribus aut sororibus hæ-
reses persuadere tentauerit, iudici seculari ab-
sque vlla miseratione relinquendus est. p. 390.
- Hæreses qui docere voluit, & nulli nocuit, an reci-
pi possit. pa. 391.
- Hæreticus ille, vtrum iudici seculari iterum sit
relinquendus, qui ab eo restitutus est inquisi-
toribus, eo quod dixisset, se pœnitere velle, &
alios hæreticos indicare, si plenissime confes-
sus fuerit. pa. 391.
- Hæreticus incorrigibilis quis sit dicendus. p. 401.
- Hæretici qui errores omnes, de quibus manifeste
conuincuntur, confiteri nolunt, merito curiæ
seculari relinquuntur. pa. 402.
- Hæresis quomodo probari possit scriptis hære-
tici. pa. 420.
- Hæreticus in carcerem coniectus per procurato-
rem causam suā tueri potest, si neget. p. 421.
- Hæreticis, etiam si milles in hæreses labantur,
parcendum esse, quidam hæretici contendunt.
pa. 441.
- Hæretici recentes nō vnum sunt, sed varijs sectis
& opinionibus se addicunt. pa. 446.
- Hæretici noui aiunt, nihil esse credendum, quod
in sacris literis non sit expressum. pa. 449.
- Hæretici, quorum nullus est, qui sacra paginæ
testimonijs suos errores nō tueatur, diabolum
patrem suum in hoc imitantur. pa. 450.
- Hæretici euangelij verba perperam interpretan-
tur. pa. 450.
- Hæreticis ad tormenta damnatis sententiæ copia
facienda est, vt si velint, appellare possint. p. 498.
- Hector Polydamantem augurem quomodo ir-
rideat apud Homerum. pa. 466.
- Hierosolymis cur nō posita fuerit sedes aposto-
lica. pa. 173.
- Hispaniæ felicitas. pa. 292.
- Homo non cadauer est, sed animus. pa.
- Hominum imbecillitas & ignorantia. pa. 235.
- Honorij & Arcadij constitutio, qua filij eorum
qui rei sunt læsæ maiestatis, parentum bonis
priuantur, abrogata non est ab iisdē. pa. 35.
- Hostiam non consecratam petere tempore mor-
tis, an sapiat hæresim. p. 225.

I

- I**dololatriam quis primum docuerit. pa. 245.
- Idololatria quid sit, & quid idolum. pa. 246.
- Idololatria maxima quæ sit. pa. 247.
- Idololatria vnde cognosci possit. pa. 248.
- Idololatriæ quomodo puniendi. pa. 248.
- Iezabelis facinus. pa. 491.
- Ignis pœna aduersus impios & hæreticos anti-
quissima est. pa. 363.
- Ignorantia quot modis erretur in fide. pa. 185.
- Ignorantiæ prætextu quando nō excusatur Chri-
stianus. pa. 197.
- Imaginum vsus nouus non est, neque ab homi-
nibus inuentus. pa. 250.
- Imaginum sanctarum vsus quæ commoda chri-
stianis hominibus importet. pa. 250.
- Imaginibus eadem veneratio exhibenda est, quæ
sanctis ipsis. pa. 252.
- Imagines sanctorum improbandæ non sunt,
propter periculum quod hæretici confin-
gunt. pa. 253.
- Imaginum sanctorū violatores & irrisores qua
pœna sint coercendi. pa. 256.
- Impœnitens quis dicatur. pa. 401.
- Impœnitentes diminuti qui dicantur. pa. 402.
- Impœnitentes quando sint curiæ seculari relin-
quendi. pa. 403.
- Incontinentiæ binę species numerantur ab Ari-
stotele. pa. 124.
- Index seu denunciator hæretici alijs testibus an-
numeratur. pa. 138.
- Indicia vrgentia vbi bene probata fuerint, eorū
exemplum reo exhibendum est. pa. 497.
- Indicia arbitrio iudicis æstimanda sunt. pa. 498.
- Indicia non ita perspicua & euidentia esse pos-
sunt, vt fallere sepe non queant. pa. 512.
- Infantes, si quid impium dicant, cur puniendi
non

I N D E X

- non sint. pa. 118.
- Innocens qui metu testium, aut carceris tedio confessus est se hereticum fuisse, quid facturus sit. pa. 99.
- Innocens constantissime negare debet obiecta crimina. pa. 117.
- Innocentię & veritatis vis. pa. 117.
- Inquisitores quid facere debeant, quoties vel promotor fiscalis, vel rei, aut eorum haredes appellant. pa. 20.
- Inquisitor sine episcopo, & episcopus sine inquisitore, hæreticum in custodiam mittere potest. pa. 110.
- Inquisitor suspectus magni momenti est ad defensionem rei. pa. 125.
- Inquisitor apostolicus quomodo recusatur apud Hispanos. pa. 125.
- Inquisitores quo pacto se gerere soleant cū reis, qui defensionibus suis renuntiant. pa. 125.
- Inquisitoribus cur datum sit munus inquirendi in hæreticos, quod olim solis episcopis iniungebatur. pa. 182.
- Inquisitores dicta testium aduersus episcopum hæreticum possunt recipere. pa. 183.
- Inquisitorum apostolicorum munus. pa. 259.
- Inquisitionem sanctam aduersus hæreticos qui in Hispaniam inuexerint. pa. 259.
- Inquisitor generalis qui sit, & quod munus exerceat. pa. 259.
- Inquisitoris munus quibus committendū. pa. 260.
- Inquisitoris officio functurus quot annos natus esse debeat. pa. 260.
- Inquisitoris officium cur nō finiatur morte Pont. Max. a quo delegatus est. pa. 261.
- Inquisitores quid sine episcopo, & episcopus sine inquisitoribus facere possint, & quid non. pa. 262.
- Inquisitores committere possunt vices suas. pa. 263.
- Inquisitor alter sine altero ad reorum capturam procedere non potest. pa. 264.
- Inquisitores qui dona accipiunt, quo pacto puniendi. pa. 265.
- Inquisitores relinquentes curiæ seculari quoscunque hæreticos pertinaces, non incidunt in irregularitatem. pa. 266.
- Inquisitores an cognoscere debeant de causis eorū qui plures habent vxores. pa. 295.
- Inquisitores cognoscere etiā possunt de crimine monachi occulte vxorem ducentis. pa. 296.
- Inquisitores & ministri nihil emanant ex bonis publicis. pa. 314.
- Inquisitores, consultores, & cæteri iurare tenentur, se arcana omnia fideliter celaturos. pa. 314.
- Inquisitorum & ministrorum stipendia, & a quibus eis soluenda sint. pa. 315.
- Inquisitores, & cæteri omnes ministri per se ipsos officijs inseruiant. pa. 315.
- Inquisitores quid facere debeant, cum primum prouinciam aliquam, aut ciuitatem ingrediuntur, quas nunquam ingressi fuerant. pa. 327.
- Inquisitorum alter visitare debet prouinciam, alter in ciuitate vbi sedes eorū constituta sit, manere. pa. 328.
- Inquisitores & eorum ministri quorum hospitio vti non possint. pa. 328.
- Inquisitio generalis quando fieri soleat, & quid sit, & quid specialis. pa. 329.
- Inquisitores an procedere possint aduersus hominem bonæ famæ, propter literas secretas alicuius. pa. 329.
- Inquisitores iuxta causarum merita ad sententias, vel interlocutiones procedere debent. pa. 333.
- Inquisitores generaliter interrogare debent reos de socijs criminum, & de his a quibus hæreses didicerunt. pa. 333.
- Inquisitor qui prius cognoscere cepit de aliqua causa, alijs in eadem præferendus est inquisitoribus. pa. 334.
- Inquisitoribus Hispaniæ, quomodo perscripsum est, vt procedant in causis hæreticorum. pa. 334.
- Inquisitores multis, prudentibusque interrogationibus vti debent. pa. 335.
- Inquisitores Hispaniæ, si scandalum timeatur, ex qualitate, aut multitudine eorum qui de hæresi suspecti sunt, quid facere debeant. pa. 348.
- Inquisitores moderari non possunt tempus ab eis præfinitum, ad veltitum pœnitentiæ ferendum. pa. 381.
- Inquisitores ad misericordiam proniores esse debent, quam ad crudelitatem. pa. 392.
- Inquisitores cognoscere possunt, an pœnitentes iniunctam pœnitentiam agant. pa. 403.
- Inquisitores contra illos procedere debent, qui ad ecclesiam redeuntes, de seipsis, aut de alijs plenam veritatem non dixerunt. pa. 403.
- Inquisitores cur in prima parte actorum reos tam diligenter interrogent de eorum natione, patria, familia, &c. pa. 413.
- Inquisitores apostolici sortilegos & supersticiosos quando punire possunt. pa. 466.
- Inquisitores torquere possunt & debent vehementer suspectos. pa. 496.
- Locus & facies quando ab hæresi excusari possint. pa. 119.
- Ira vis & impetus. pa. 124.
- Ira perciti, licet hæreticum aliquid dicant, hæretici censendi non sunt. pa. 124.
- Iudæi genere, aut Mahumetani, si carne suilla

I N D E X.

- aut vino abstineant, cur suspecti habeantur. pa. 85.
- Iudeorum cæcitas. pa. 267.
- Iudæi falsa & vana spe perpetuo torquentur. pa. 268.
- Iudæi cur tolerentur in nonnullis prouincijs. pa. 268.
- Iudæi an iuste expelli possint ex christianorum prouincijs. pa. 269.
- Iudæorum expulsionis ab Hispania eleganter meminit Ioannes Picus Mirandulæ comes. pa. 269.
- Iudæi quando ab inquisitoribus puniri possint. pa. 270.
- Iudæorum superstitiones multi authores irident. pa. 271.
- Iudæi cuiusdam in augurem quandam scomma. pa. 466.
- Iudex non potest illum reum condemnare, quem certissime scit crimen commississe, nisi ex probatis hoc illi constiterit. pa. 57.
- Iudicum discordia quot incommodorum sit causa. pa. 261.
- Iudex secularis cognoscere non potest de causis ad inquisitores pertinentibus. pa. 272.
- Iudices seculares punire debent illos, quos inquisitores hæreticos declarauerint. pa. 272.
- Iudices seculares propter illa crimina punire non possunt lamas sibi relictas, nisi causa cognita. pa. 283.
- Iudices ecclesiastici ad verbera damnare possunt reos. pa. 296.
- Iudex bonorum publicorum qui eligendus, & quod sit eius munus, & ad quem ab eo prouocari liceat. pa. 308.
- Iudices plures & diuersi, eodem tempore contra eundem hæreticum procedere possunt. pa. 368.
- Iudex quo pacto se gerere debeat in pœnis arbitrarijs. pa. 372.
- Iudex cum causa id exigit, pœnas etiam legibus præfinitas augere vel temperare potest. pa. 373.
- Iudex an possit arbitrio suo pœna mortis aliquæ afficere. pa. 373.
- Iudices quali animo esse debent ad iudicandum. pa. 375.
- Iudices ordinarij, cum delicti perpetrati veniam quis petit, eam concedere non possunt. pa. 379.
- Iudicum arbitrio an relinquendum sit tempus admittendi hæreticum. pa. 385.
- Iudices expectare vsque ad sententiam definitiuam, non longum tempus alicui videri debet. pa. 387.
- Iudices crudeles & atroces perniciose errant. pa. 393.
- Iudici suspectus reus esse non debet, ubi iura omnem suspicionem purgatam esse declarant. pa. 435.
- Iudex qui per imperitiam, vel dolo malo alium torserit, quæ pœna afficiendus sit. pa. 498.
- Iudex præsens esse debet, dum quæstio habetur. pa. 506.
- Iudex quando & quomodo alloqui debeat illum, quem adit, vt confessionem ab ipso tormentis extortam, ratam habeat. pa. 509.
- Iudices quid in quæstionibus habendis considerare debeant, vt veritatem explorare possint. pa. 512.
- Iura conditionalia an transeant ad fiscum. pa. 42.
- Ius ipsum, per antonomasiam usurpari solet ab antiquis iuris peritis pro iure legum. 12. tabularum. pa. 72.
- Iuramentum deferendum non est accusatori in crimine hæresis, ad supplementum imperfectæ probationis. pa. 418.
- Iuramentum a suspecto de veritate dicenda præstari debet, a testibus vero de credulitate. pa. 437.
- L**
- L** Amiæ plerunque mulieres esse solent, & vnde id accidat. pa. 276.
- Lamiarum nomina & vnde sic dictæ. pa. 276.
- Lamiæ, an fieri possit, vt a dæmonibus deferantur per aera. pa. 278.
- Lamias ferri per aera facilius est creditum, quam easdem pro veris falsas illusiones habere. pa. 279.
- Lamiæ quo pacto puniendæ sint, si constet eas hæreticas fuisse. pa. 282.
- Lamiæ quando iudicibus secularibus tradendæ sint. pa. 283.
- Lamiarum filias in vitium maternum succedere, falsa est opinio. pa. 283.
- Lachrymæ nonnullis nihil profuerunt. pa. 387.
- Legatis data munera, an possint publicari. pa. 44.
- Lex regia de lucris factis inter virum & uxorem, quo pacto intelligenda. pa. 54.
- Lex humana non habet maiorem potestatem quàm princeps. pa. 57.
- Leges quare ferri non possint de quacunque re, quæ non sit contra ius naturale, aut diuinum. pa. 63.
- Legislatori non licet condere legem, quæ reum obliget in foro conscientiæ, ad magnam aliquam pœnam in seipsum exequendam. pa. 66.
- Lex neminem cogit vt seipsum prodatur. pa. 67.
- Legem aut magistratum occultata crimina punire non posse, sine accusatore, Redemptor noster ostendit

I N D E X.

- ostendit, apud Ioan. cap. 8. pa. 68.
- Leges optimæ ac perfectissimæ non sunt condende. pa. 68.
- Leges debent esse possibiles, & secundum consuetudinem patriæ. pa. 68.
- Lex condenda non est de re nimium difficili, sicuti nec de impossibili. pa. 69.
- Legis pontificiæ verba, quibus decernit, bona hereticorum ipso iure confiscata esse, quomodo accipienda. pa. 70. 71.
- Leges magistratibus egent, aliisque ministris. Neque enim sufficit aliquid per legem statutum esse, ut illud statum fiat nemine petente. pa. 71.
- Leges quare ferri non possint de quacunque re, quæ non sit contra ius naturale, aut diuinum. pa. 63.
- Lex non inuenitur, quæ prohibeat hæretico, ne bona sua retineat. pa. 73.
- Legem iustam obligare in foro conscientiæ, quomodo intelligendum sit. pa. 74.
- Leges regiæ quæ obligant expresse ad pœnam in foro conscientiæ præstandam. pa. 75.
- Legibus & consuetudinibus antiquis multum semper tribuerunt Plato & sapientes omnes. pa. 238.
- Legis officium. pa. 361.
- Lex, quæ de aliquo crimine simpliciter loquitur, seruanda non est, cum alia concurrunt crimina. pa. 389.
- Lex pœnalis non debet extendi ad eum casum, in quo non eadem ratio prorsus inuenitur. pa. 440.
- Libertas Lutheranorum pessima. pa. 354.
- Libellus accusatorius quomodo proponendus. pa. 14.
- Libelli formula aduersus hæreticum. pa. 16.
- Libros noxios tam catholici quam ethnici damnare solent. pa. 285.
- Libri hæreticorum inquirendi sunt a catholicis, & inuenti concremandi. pa. 286.
- Libri quorum authores damnantur, similiter damnari intelliguntur. pa. 286.
- Libri fontibus comparantur, & cur plus nocent hereticorum scripta quam eorum praua colloquia. pa. 287.
- Libri sancti ab hæreticis deprauati comburendi sunt. pa. 287.
- Libros hæreticorum quomodo & qui legere possint. pa. 289.
- Libros hæreticorum habentes quo in numero ponendi sint. pa. 290.
- Libris hæresum conuinci possunt qui eos ediderunt. pa. 290.
- Libros hæreticorum retinentes quomodo puniendi. pa. 290.
- Libri, quos impij hæretici reiiciunt, pro sacris habendi sunt. pa. 448.
- Licentia & impunitas homines deteriores reddit. pa. 354.
- Lingux lapsus puniri non debet. pa. 119.
- Ludouicus Viues reprehenditur, quod locum Ciceronis in oratione pro Deiotaro perperam intellexerit. pa. 494.
- Ludouicus Viues reprehenditur, quod tormentorum usum iniquum esse dixerit. pa. 495.
- Lutheri hæresis asserentis monachos posse ducere uxorem, iam olim condemnata est. pa. 297.
- Lutherani sedis apostolicæ & pontificis max. auctoritatem ac potestatem negant. pa. 341.
- Lutherus, ecclesiarum & pontificum bona diripienda esse impijissime docebat. pa. 346.
- Lutherani cur graui supplicio afficiendi sint. pa. 458.
- Lutheranarum hæresum magistris cur nullo pacto sit ignoscendum. pa. 389.
- Lutheranarum hæresum magistri seuerissime omnium hæreticorum puniendi sunt. pa. 391.
- Lutherani quomodo interpretentur scripturas sacras. pa. 449.
- Lutherani ecclesiæ prohibitionem contempta, asserunt licere quibuscumque cibis sine defectu vti. pa. 86.
- Lutheranorum mos cum argumentis conuincuntur. pa. 140.
- Lutheri flagitia. pa. 233. 234.

M

- M**agicæ artes ex pactis dæmoniorum constant. pa. 464.
- Magos peregrinos Tiberius Cæsar morte affecit. pa. 464.
- Magicas artes quibus verbis detestentur Cyprianus & Augustinus. pa. 464.
- Magicæ artes quæ vanæ & perniciosæ sint. pa. 464.
- Magos & excantatores quomodo censet Plato puniendos esse. pa. 468.
- Magistratus quantum deceat arcana celare. pa. 314.
- Mahumetanorum appellatio quos complectitur. pa. 291.
- Mahumetis vitia, & sectæ ab eo introductæ turpitudinis. pa. 291.
- Mahumetani ad inquisitorum iurisdictionem, quando pertineant. pa. 292.
- Maiores bona Hispanorum, longe differunt a maioratu Gallorum. pa. 75.
- Malitia errare in fide quis dicatur. pa. 185.
- c 2 Malum

I N D E X.

- Malum infinitum incertumque est, bonum certū**
atque finitum. pa. 223.
- Malus specie boni fallens duplici pœna dignus**
est. pa. 241.
- Maranatha quæ dictio sit, & quid significet.**
pa. 192.
- Maritus an possit alienare partem dimidiam lu-**
crorum, quæ regijs legibus ad vxorem perti-
nent, si eo tempore vxor hæretica sit. pa. 44.
- Maritus donare non potest ea lucra, quæ legibus**
regijs ad vxorem pertinent. pa. 45.
- Maritus qui vxore viua, absque eius iusto consen-**
su ad sacros ordines promouetur, quæ pœna sit
afficiendus. pa. 298.
- Maritus an habitare teneatur cum vxore hæreti-**
ca ecclesiæ reconciliata, & vxor cum marito.
pa. 299.
- Martyrium temere appetendum non est.** pa. 122.
- Matrimonium inter hæreticos vel infideles, &**
christianos, quibus verbis improbet Diuus
Hieronymus. pa. 304.
- Matrimonium contractum inter catholicos &**
hæreticos an ratum sit. pa. 299.
- Matrimonium inter hæreticos & christianos mul-**
ta concilia prohibent. pa. 300.
- Matrimonia legitima & iusta separantur, pro-**
pter hæresim superuenientem. pa. 301.
- Matrimonium & societas cum hæreticis diuino**
iure prohibetur. pa. 301.
- Matrimonium iisdem de causis quibus irritum**
est inter infideles & christianos, inter hæreti-
cos & fideles irritum censetur. pa. 301.
- Matrimonium catechumeni, aut apostatæ, cum**
catholica, aut infideli, an sit ratum. pa. 302.
- Matrimonium inter christianos & infideles, aut**
hæreticos, leges septipartitæ prohibent.
pa. 304.
- Matthæus monachus Græcus de Canonæ sextæ**
synodis generalis magnifice sentit. pa. 304.
- Medici & custodes ianuæ quales sint eligendi**
in sancta inquisitione. pa. 309.
- Memoria & fama defuncti hæretici iure damna-**
tur, & quando id fieri liceat. pa. 129.
- Metu deficiūm a fide par culpa non est, nec pœ-**
na eadem. pa. 121.
- Metus vis & potentia.** pa. 308.
- Ministros reipub. optimos & idoneos eligi per-**
magnum interest. pa. 307.
- Ministri sanctæ inquisitionis quot sint, & eorum**
nomina. pa. 308.
- Ministri sanctæ inquisitionis, oportet vt interdū**
suorum munera rationem reddant. pa. 313.
- Ministri omnes sanctæ inquisitionis iurare tenē-**
tur corā inquisitoribus & episcopo, quod offi-
cia sibi cōmissa fideliter exercebunt. pa. 314.
- Ministri sanctæ inquisitionis si iter facere velint,**
a quo veniam petere debeant, & quot dies ab-
esse possint. pa. 315.
- Ministri omnes suis stipendijs contenti sint, &**
munera non accipiant. pa. 315.
- Minister nemo esse debet in ea prouincia, in qua**
inquisitor sit eius consanguineus, vel domi-
nus. pa. 316.
- Ministri sanctæ inquisitionis a quibus puniendi**
sint. pa. 316.
- Minoribus viginti quinque annis, in causa etiā**
hæresis, curator ad litem ab inquisitoribus de-
cernendus est. pa. 218.
- Minores viginti quinque annis torqueri possūt**
propter hæresis suspicionem. pa. 304.
- Miracula vera quam auctoritatem habeant.**
pa. 199.
- Mocenatis consilium in nouarum religionum**
authores. pa. 357. & 390.
- Monachi Franciscani hæretici, libri confiscari**
possunt. pa. 45.
- Monachus post professionem solemnem, matri-**
monium contrahens, si occulte id faciat, an ab
inquisitoribus puniendus sit. pa. 296.
- Monarchiæ regimen omnium aliorum optimū**
est. pa. 339.
- Mortis metu, aut alterius mali, qui impium**
quidpiam dicit aut facit, mitius puniendus.
pa. 121.
- Mortis metus excusare eum non potest, qui fidē**
abnegat. pa. 121.
- Mortis metu fidem abnegare impiissimum faci-**
nus. pa. 121.
- Mortis & tormentorum metu, an timore infamiz**
vel exilii, vel minoris mali quis deficiat, mul-
tum interest. pa. 121.
- Mortis metu Deum verbis tantum abnegans,**
quid facere debeat, ne hæreticus censetur.
pa. 122.
- Mortis metu lapsi, si statim resipiscant, humane**
recipiendi sunt. pa. 122.
- Mors iustorum ab ecclesia cur laudetur, hæreti-**
corum vero memoria damnetur. pa. 127.
- Mortuis reis crimen cum pœna extinguitur, nisi**
hæretici fuerint. pa. 127.
- Mortem sibi consciscere, non licet cupiam: & cur**
id non liceat. pa. 131.
- Mortem sibi inferre non licet, multa tamen li-**
cent, ex quibus mors vel sequitur, vel accelera-
tur. pa. 133.
- Mulieres cur facilius excusari, & mitius puniri**
debeant, quam viri. pa. 120.
- Munera accipere quam sit periculosum iudici-**
bus. pa. 165.
- Mutuata hæretico pecunia, quando creditori res-**
tituenda

I N D E X

- A**tituenda fit. pa. 38.
- M**utuam pecuniam ciuitati aut ecclesiæ, in eorum vtilitatem esse versam, perspicue probandum esse, quidam affirmant. pa. 39.
- M**utuam pecuniam qui ignorantia insuperabili occulto hæretico dedit, quid probare teneatur. pa. 39.
- N**
- N**atura dedit virtutum omnium initia, & quid quid contra eam fit, peccatum est. pa. 132.
- N**obilis in hæresim incidens, infamis & vilis habetur, & plebeiorum pœna puniendus est. pa. 370.
- N**otarii qui eligendi, & eorum officium quod sit. pa. 309.
- N**ouitas plebi quam gratissima esse solet. pa. 236.
- N**ouas & singulares doctrinas, Petrus, Paulus, & omnes sancti semper execrati sunt. pa. 236 237.
- N**ouitates suspectæ sunt & periculosæ, potissimum in rebus fidei. pa. 238.
- N**ouitates & mutationes ob quam rem grate sint. pa. 239.
- O**
- O**ccidentes seipsos in carcere vbi propter hæresim coercerantur, quales censendi sunt. pa. 134.
- O**ccultorum criminum, variæ species sunt. pa. 317.
- O**fficijs duobus sanctæ inquisitionis nemo præesse potest, aut duobus salarijs frui. pa. 316.
- O**fficialem sanctæ inquisitionis qui vulnerat, aut occidit a quibus puniri debeat. pa. 316.
- O**fficialem sanctæ inquisitionis, qui se finxerit, quomodo puniendus. pa. 376.
- O**piniones nouas asserens in materia morali calque pertinaciter defendens, suspectus in fide merito censetur. pa. 417.
- O**ratio quid sit, & quot modis fiat. pa. 248.
- O**ssa & cineres hæreticorum, & non solum cadauera, sepultura priuari debent. pa. 129.
- P**
- P**acta & cõuenta cum dæmone quomodo distinguantur. pa. 224.
- P**actum cum dæmone facere, quam impium sit. pa. 463.
- P**actum cum dæmone non solum expresse, sed etiam tacite fit. pa. 463.
- P**acta cum dæmone facta rescindi non posse, nisi dæmon ipse consentiat, vulgus imperitum falso credit. pa. 463.
- P**actum cum dæmone habere, qui iudicandi sint. pa. 467.
- P**apa iudicari ab alijs non potest. pa. 93.
- P**apa hæreticus manifestus an per vniuersale concilium puniri possit. pa. 93.
- P**apam Lutherani & Sacramentarii conuicijs & mendacijs primatu expellere conantur. pa. 336.
- P**apæ, si concedat rescriptum seu priuilegium in præiudicium officij sanctæ inquisitionis, quomodo obtemperandum. pa. 349.
- P**apa quidpiam contra publicam vtilitatem decernente, quid faciendum sit. pa. 349.
- P**apæ, si hæreticus esset, quomodo obuiam ire oporteret. pa. 349.
- P**articipi criminis an sit fides habenda. pa. 478.
- P**atrimonium & alia bona clerici hæretici an ad episcopum pertineant. pa. 45.
- P**atronatus ius ecclesiasticum, patroni bonis publicatis, vtrum ad fiscum pertineat. pa. 46.
- P**auli doctrina, qua docet, hæreticum hominem post vnam & alteram correctionem deuitandû, quomodo interpretanda. pa. 137.
- P**aupertas quantum imminuat auctoritatem antistitum & presbyterorum. pa. 348.
- P**aupertas neque ex se ipsa quidpiam habet. magna commendatione dignum, neque vituperandum diuitiæ. pa. 347.
- P**eccata quæ sine electione ab inuitis cõmittuntur digna sunt clementia & venia. pa. 124.
- P**eccata in Deum grauius puniri debent, quam quæ in nos cõmittuntur. pa. 441.
- P**eccata omnia in tres classes distribuit Augustinus. pa. 120.
- P**eculium castrense filij hæretici confiscatur. pa. 36.
- P**eculium profectitium, quod patris est, bonis eius publicatis, etiam confiscatur. pa. 36.
- P**ericulis superstitio cum langueret ex morbo. pa. 465.
- P**ertinacia consummatum facit hæreticum, & qua in re consistit. pa. 234.
- P**ertinacia quid sit, & quis pertinax dicatur. pa. 295.
- P**ertinacia nonnullorum hæreticorum, & constantia martyrum Christi. pa. 295.
- P**ertinacium hæreticorum furorem eleganter exprimit Augustinus. pa. 396.
- P**ertinaces hæreticos quomodo describat Bernardus & Albertus Campensis. pa. 396.
- P**ertinaces hæretici dæmonibus peiores sunt. pa. 397.
- P**ertinaces quomodo puniendi sint. pa. 397.
- P**ertinax hæreticus an sit, qui credit aliquam propositionem esse veram, cuius contrariam scit

I N D E X.

- scit esse catholicam. pa. 398.
- Pertinaces ex iuris præsumptione qui sint. pa. 398.
- Pertinax hæreticus an sit, qui asserit aliquam heresim, cuius contrariam veritatem catholicam prius docuerat. pa. 398.
- Pertinaces hæretici qui sint censendi. pa. 399.
- Pertinax quâdo censendus sit, qui probabili ignorantia errat. pa. 400.
- Pertinacia quare in dubio præsumenda non sit. pa. 401.
- Perturbationes animi quomodo definiat Cicero. pa. 121.
- Perturbationum animi potentissima quæ sit. pa. 121.
- Petri primatus ex pluribus locis euangelicæ historiæ ostenditur. pa. 336.
- Petro plus eminentiæ datum est in actis apostolorum, quam cæteris omnibus. pa. 337.
- Petro qua ratione promiserit Christus claves regni cælorum. pa. 340.
- Philippus pater magni Alexandri quendam iudicem officio priuauit, eo quod capillos sibi inficeret. pa. 368.
- Plato libro 10. de legibus quid de hæreticis dicat. pa. 403.
- Plebis insipientia & temeritas. pa. 504.
- Plebis vitia. pa. 504.
- Pœnæ triplici de causa a sceleratis hominibus repeti solent. pa. 352.
- Pœna eorum qui delinquant, documentum, doctrina, & exemplum est aliorum. pa. 352.
- Pœnis cur impios affici oporteat. pa. 361.
- Pœna eadem in plebeios & nobiles constituta est in crimine heresis. pa. 369.
- Pœna cur publica esse debeat. pa. 375.
- Pœnitentia post crimen admissum nihil prodest ad veniam & impunitatem coram iudicibus secularibus. pa. 379.
- Pœnitentia & vera peccati confessio magni momenti est ad veniam impetrandam ab inquisitoribus. pa. 379.
- Pœnitentibus hæreticis leges etiam Cæsareæ veniam concedunt. pa. 380.
- Pœnitentia hæreticis imposita publice agenda est. pa. 380.
- Pœnitentes publici quo vestitu induti esse debent. pa. 380.
- Pœnitentiam olim agentes cilicio & sacco inducebantur. pa. 380.
- Pœnitentiæ insignia qui furantur, quomodo puniri debeant. pa. 381.
- Pœnitentium bona interdum non confiscantur, quod non ipso iure, sed principum indulgentia sit. pa. 382.
- Pœnitentibus, qui ad rectam fidem redeunt, intra tempus ab inquisitoribus præfinitum, quid concesserint reges catholici. pa. 382.
- Pœnitentes an sint exempti a iurisdictione regia. pa. 382.
- Pœnitentibus ecclesiæ reconciliatis, & filijs ad nepotibus damnatorum, quibus rebus interdicitur. pa. 383.
- Pœnitentes videntur neque asinis, neque vehiculis vti posse. pa. 383.
- Pœnitentes hæretici, quo tempore, & quomodo admittantur. pa. 383.
- Pœnitens qui publice in alio regno hæreticus vel apostata fuit, & priusquam ab aliquo accusaretur, veniam petit, quomodo admittendus sit. pa. 383.
- Pœnitens, qui metu imminentium probationum ad inquisitores venit, quomodo excipietur. pa. 384.
- Pœnitens, qui in carcere veniam petit, quomodo tractandus. pa. 384.
- Pœnitens qui admonitus confitetur hereses, priusquam ei dicta testium edantur, quomodo excipiendus. pa. 384.
- Pœnitens, qui post editam accusationem confitetur, quomodo admittendus. pa. 384.
- Pœnitens, qui postquam testibus se conuictum videri confitetur, quomodo admittendus. pa. 384.
- Pœnitens errores confitens priusquam testibus publicatis conuincatur, damnandus non est ad perpetuum carcerem. pa. 384.
- Pœnitentes hæreticos vsque ad definitiuam sententiam admitti posse, sapienter maiores nostri decreuerunt. pa. 385.
- Pœnitens qui non confessus est, nisi vi & tormentis adhibitis, an admittendus sit. pa. 386.
- Pœnitentes benigne sunt recipiendi. pa. 387.
- Pœnitentiæ veræ optimum signum, humilitas est. pa. 388.
- Pœnitentiæ iniunctæ qui plane non satisfecerit, quomodo puniendus sit. pa. 392.
- Pœnitentia ab inquisitoribus, diligenti consideratione præcedente imponenda est. pa. 392.
- Pœnitentiæ iniunctæ qui non satisfaciunt, quomodo puniendi sint. pa. 403.
- Pœna eius qui in purgatione defecit, & quis dicatur deficere. pa. 434.
- Pœna duplex pro eodem crimine infligi non debet. pa. 435.
- Pœnam in seipsum exequi nemo tenetur. pa. 75.
- Pœnæ magna pars hæreticis debita in bonorum publicatione consistit. pa. 79.
- Pontificis summi munus est, reges admonere vt catholicam fidem teneant, & subiectorum hæreses puniant. pa. 162.
- Pontifex

I N D E X

- Pontifex maximus** Christi vicarius est sub ex-
lo. pa. 336.
- Pontificem max.** Petro successisse in apostolica
sede apertissimè ostenditur. pa. 337. 338.
- Pontificem maximum** vnum esse oportet in ec-
clesia, aliter enim multa incommoda orien-
tur. pa. 339.
- Pontificis maximi** auctoritatem & potestatem
quomodo Lutherani cleuare student. pa. 341.
- Pontificum** maximorum successio. pa. 342.
- Pontifex summus** quomodo eligendus esset ab
ecclesia, etiam si Petrus nihil olim de succe-
ssore prouidisset, aut hodie Cardinales omnes
perirent. pa. 343.
- Pontifices maximi** vt nunquam defecerunt a fide
catholica, sic nunquam defecturos esse, multi
sanctissimi viri docent. pa. 343.
- Pontificis summi** amplissima potestas, & quo-
modo ab eo inciperit & pendeat Romanorum
imperium. pa. 345.
- Pontifex max.** in ordine ad finem spiritualem,
amplissimam habet potestatem in omnes prin-
cipes orthodoxos. pa. 345.
- Pontificibus & episcopis** necessarius est rerum
externarum splendor & affluentia. pa. 346.
- Possessores bonæ fidei** post litem contestatam,
& controuersiam motam incipiunt malæ fidei
possessores esse. pa. 59.
- Prædicare** nullus audeat qui examinatus & ap-
probatus non sit. pa. 404.
- Prædicare publice** non debent laici, neque fœ-
minæ. pa. 404.
- Prædicator**, si aliquid scandalosum aut suspectu
dixerit, quomodo puniendus sit. pa. 404.
- Prædicator** qualis esse, & quid fugere debeat.
pa. 404.
- Prædicator irreprehensibilis** esse debet, & vita &
doctrina insignis. pa. 405.
- Prædicatores** qui in suis concionibus episcopos
reprehendunt, perperam faciunt. pa. 405.
- Prægnans** mulier etsi hæretica sit, non punien-
da est, donec pariat. pa. 365.
- Præscriptio** quinquennij, aut certe. 20. an-
norum, vtrum hîsc submoueri possit.
pa. 51.
- Præsumptio ex parentibus.** pa. 410.
- Præsumptio ex educatione.** pa. 411.
- Præsumptio ex moribus.** pa. 412.
- Præsumptio ex malefactis & maledictis.** pa. 414.
- Præsumptiones** efficaciores sunt, quæ verisimi-
liores. pa. 414.
- Præsumptiones & coniecturæ** non satis sunt, vt
aliquis condemnetur, præsertim in crimine
hæresis. pa. 414.
- Præsumptio non leuis** contra illos est, qui ex Ma-
hometanis descendentes, vinum non bibunt, &
suillam carnem non edunt. pa. 417.
- Presbyteri** in carcerem quando coniciendi.
pa. 115.
- Primogenitorum** bona (quæ vulgo maioratum
vocat) an propter hæresim possidentis confis-
centur. pa. 75.
- Primogenitus** vere dominus est illorum bono-
rum, perinde ac aliorum quæ pleno iure ac-
quisierit. pa. 77.
- Primogenita** si confiscari non possent, quæ absur-
da sequerentur. pa. 79.
- Primogenita** confiscari possunt in præiudicium
transuersalium. pa. 80.
- Primogenita** quo casu confiscari nequeant.
pa. 80.
- Princeps** qui facultatē dat vt primogenita obli-
gentur, & alienentur, ea potest confiscare in
hæresis vindictam. pa. 79.
- Probare** probitatem suam, reis quid vtilitatis af-
ferat. pa. 126.
- Probationes** quales requirantur in crimine hæ-
resis. pa. 418.
- Probationes imperfectæ** aut semiplenæ quid va-
leant in crimine hæresis. pa. 418.
- Probationes** in crimine hæresis, leuiores quam
in aliis criminibus sufficere, falsa est opinio.
pa. 419.
- Probatio** minus plena ad quid sufficiat. pa. 420.
- Probatio indirecta** contra violentam iuris & a iu-
re præsumptionem quomodo recipienda.
pa. 420.
- Probationum**, argumentorum, & indiciorum in
ter se consensus, plurimum refert in omnibus
reorum causis. pa. 420.
- Probatio** quæ testibus fit, cur inartificialis dica-
tur apud Rhetores. pa. 471.
- Probati** posse aliquem hæreticum esse in genere,
ridiculum est. pa. 484.
- Probatio dilucida** exigenda ab eo non est, qui bo-
na fide rem aliquam ab occulto hæretico eme-
rit. pa. 39.
- Probatis** extremis, media quoque probata esse vi-
dentur. pa. 39.
- Probatio impossibilis** nunquā exigitur. pa. 40.
- Probationem** debere necessario concludere, quo-
modo intelligendum. pa. 40.
- Probandi** onus lex regia in eum transfert, qui di-
xerit, alienationem lucrorum dolo aut fraude
a marito esse factam. pa. 44.
- Probatio sufficiens** requiritur, vt aliquis ob cri-
men hæresis in carcerem mittatur. pa. 109.
- Processus** contra defunctum breui tempore fiat.
pa. 131.
- Procurator** quos possit defendere. pa. 421.
- Procura-

I N D E X.

- Procurator generalis sanctæ inquisitionis Hispaniæ** quis sit eligendus. pa. 422.
- Promotor fiscalis** quomodo se gerere debeat in hæreticorum accusationibus. pa. 17.
- Promotor fiscalis** quando & quomodo proponere debet accusationem reis. pa. 332.
- Promotor fiscalis** quid sit, & eius officium. pa. 422.
- Propositiones** examinare ad quos pertineat. pa. 424.
- Propositio** quæ sit dicenda hæretica, & quomodo hæretica esse possit. pa. 424.
- Propositio** hæresim sapiens, quæ sit. pa. 425.
- Propositio** male sonans quæ sit, & quo pacto quicquam protulerit coercendus sit. pa. 425.
- Propositio** temeraria quæ sit. pa. 426.
- Propositio** scandalosa, quæ sit, & quæ schismatica, & quæ seditiosa, & quæ blasphema: & quæ hæreticis favens, & quæ iniuriosa. pa. 426.
- Propositio** eadem varias habere potest qualitates. pa. 426.
- Propositiones** ambiguae a quibus explicari possint. pa. 426.
- Propositionum** interpretationes quas admitti debeat, & quas non. pa. 427.
- Protestationes** cur faciant docti & catholici viri, cum de rebus fidei agunt. pa. 428.
- Protestatio** authoris. pa. 428.
- Protestationis** finitio, & quam vim habeat, & quando fieri possit, & quando excusare soleat. pa. 428. 429.
- Pseudoprophetae** quibus signis cognoscantur. pa. 148.
- Puellæ Cordubensis** quæ sedivino afflatu plenam esse fingebat, memorabile exemplum. pa. 148.
- Pueri & impuberes** cur vix hæretici censeri debeant. pag. 120.
- Purgatio Canonica** in sacro inquisitorum foro etiam nunc in usu est. pa. 431.
- Purgatio Canonica** quid sit, & quando facienda. pa. 432.
- Purgatione** multi etiam Pontifices max. vsi sunt. pa. 432.
- Purgatio** quando indicenda sit, & quibus indici non debeat. pa. 432.
- Purgatorum** numerus iudicis arbitrio relinquatur. pa. 433.
- Purgatores** qui dicantur, & quales eligendi sint. pa. 433.
- Purgatio** an illis indicenda sit, qui ex parentibus Iudaïs, aut Mahumetanis nati sint. pa. 433.
- Purgare** se volens ab hæresi, & in ipsa purgatione succumbens, an statim curiæ seculari sit relinquendus. pa. 434.
- Purgatio**, vel quæcunque alia poena in suspectis de hæresi statuta, efficax est per se ad quaslibet suspensiones purgandas. pa. 435.
- Purgatorum** numerus & quæstionis modus quando augeri possint. pa. 435.
- Purgatio Canonica** quo ordine & ritu indici soleat. pa. 436.
- Purgationis** Canonici origo. pa. 437.
- Purgatione Canonica** non temere quoscunque homines iudices probare debent. pa. 438.
- Q
- Quæstiones** dubiæ de fide quæ ad Papam referri debent, quando ab inferioribus prælatu decidendi possint. pa. 348.
- Quæstio** quid sit. pa. 494.
- Quæstionum** & tormentorum usum multi sapientes viri non probant. pa. 494.
- Quæstionibus** resiliendum esse docet Cicero in partitionibus. pa. 494.
- Quæstionum** & tormentorum usum improbat Cicero in libris ad Herennium. pa. 494.
- R
- Ratio** quid sit, authore Augustino. pa. 198.
- Rati** habitio etiam necessaria est, quando reus vel testis in tormentis contra alios testificatur. pa. 509.
- Receptores** pecuniam a sequestro acceptam, vel ex bonorum venditione coactam, intra tres dies proximos deponere debent in arcam publicam. pa. 325.
- Receptores** debitoribus fiscali nequeunt remittere, aut donare pecunias. pa. 326.
- Receptores** quo pacto se gerere debeant cum fiscali debitoribus. pa. 326.
- Receptor**, si aliquid emerit ex pecunia fiscali suo nomine, non fisco, sed sibi acquirit. pa. 326.
- Receptor**, si rem alienam vendidit putans esse heretici, tenetur domino pretium restituere. pa. 326.
- Receptores** & fautores hæreticorum, nisi hæretici & ipsi fuerint, post mortem acculari nequeunt. pa. 16.
- Receptores** hæreticorum quo pacto puniendi sint. pa. 106.
- Receptor** quid sit, & qualis eligendus, & eius officium quale. pa. 323.
- Receptor** quæ bona reorum distrahere debet. pa. 324.
- Receptorum** poena, si secus fecerint ac tenentur, in his quæ sui muneris sunt. pa. 325.
- Receptores** & alij officiales non possunt quicquam emer

I N D E X

- emere ex bonis publicatis. pa. 325.
- Receptores vnius provinciae non debent occupare bona hæreticorum, quæ ad alios receptores pertinent. pa. 325.
- Reconciliatus ecclesiæ; qui se hæreticum fuisse negat, sed metu confessum ait, an impœnitens iudicandus sit. pa. 59.
- Referentes aliorum hæreses quando puniri non debeant. pa. 119.
- Relapsus non est censendus, qui posteaquam ob leuem suspicionem hæreses abiuravit, inuentus fuit hæreticus. pa. 6.
- Relapsi qui dicantur, & quotupliciter quis dicatur relapsus. pa. 439.
- Relapsorum pœna, & an illis sit concedenda venia. pa. 440.
- Relapsus pœnitentibus quæ bona concedat catholica ecclesia, & quæ auferat. pa. 441.
- Relapsus pœnitentibus cur vinctio extrema denegetur. pa. 441.
- Relapsus vere pœnitentibus concedendam esse ecclesiasticam sepulturam perperam testatur Alfonso Castrensis. pa. 441.
- Relapsus hæreticis interdum veniam concedi posse, sunt qui asserant. pa. 442.
- Relapsus nullus iudicari potest, nisi bis fuerit cõuictus de hæresi. pa. 442.
- Relapsus hæreticis cur parcendû non sit. pa. 442.
- Relapsus quando audiendus sit. pa. 443.
- Religionis violatores apud omnes nationes seuerrissime semper puniti sunt. pa. 359.
- Religionis contemptores reos esse mortis celeberrimi philosophi senserunt. pa. 366.
- Rempublicam gerere quam sit periculosum. pa. 476.
- Renuntiatio, qua reus de defensionibus suis renuntiat, an sit alicuius momenti. pa. 125.
- Revelationes diuinas qui se habere dicunt, aut fingunt, quam suspectissimi esse debent. pa. 148.
- Revelationes ineptas, cur plerunque mulieres factuæ vel improbe habere soleant. pa. 148.
- Revelationes quando suspectæ sint censendæ. pa. 148.
- Revelationes frequentes cohibendæ sunt, & ab inquisitoribus diligentissime examinandæ. pa. 149.
- Reus torqueri potest vt respondeat. pa. 101.
- Rei de hæresi, quare non ita facile in carcerem conici debeant. pa. 109.
- Reus negans factum, quo pacto id probare queat. pa. 118.
- Rei quid ab inquisitoribus interrogandi sint prius. pa. 330.
- Reus citatus ex diuersis locis, & eodem tempore, ab episcopo, & ab inquisitoribus, coram quibus se sistere debet. pa. 330.
- Rei decem primis diebus post eorum capturam, benigne admonendi sunt, vt veritatem fateantur. pa. 331.
- Rei admonendi sunt, vt relictis & abiuratis erroribus conuertantur. pa. 331.
- Rei ter admoneri solent, antequam a promotore fiscali accusentur. pa. 332.
- Rei, si suspicione aliqua premantur, interrogari debent de socijs, & sceleribus suis, adhibitis etiam tormentis. pa. 333.
- Reos in carcere inclusos æquum est aut quam citissime puniri, si pœna digni sint: aut absolui, si culpa careant. pa. 334.
- Reos vehementer suspectos, prius tormentis, deinde purgatione, mox abiuratione, tandem arbitrijs pœnis opprimendos esse, verus & iniqua consuetudo docebat. pa. 434.
- Rei pluribus pœnis simul puniendi non sunt. pa. 435.
- Reum post tormenta purgandum, aut post purgationem puniendum, neque lege, neque ratione probari potest. pa. 436.
- Regis hæretici regnum, cum superiorem non habeat, an confiscari possit. pa. 372.
- Rex hæreticus non solum regno pellitur, sed & eius filij regni successione priuantur. pa. 77.
- Reges & alij domini temporales hæreses diligenter exquirere debent. pa. 161.
- Regum munus. pa. 161. 162.
- Reges non solum suorum scelerum, sed & sui populi, rationem reddent. pa. 161.
- Reges si hæretici sint, subiecti populi eorum dominatu liberantur. pa. 163.
- Reges hæretici cur grauiori pœna digni sint. pa. 163.
- Regum exemplum quanti momenti sit. pa. 164.
- Rusticitas nimia ab hæresi excusare potest. pa. 119.

S

- Sacerdotibus blasphemis an publica pœnitentia imponenda sit. pa. 25.
- Sacerdotibus magnum honorem deferebant antiqui. pa. 25.
- Sacerdos blasphemus quemodo puniendus sit. pa. 25.
- Sacerdotum est corripere hæreticos, iudicium vero eos punire. pa. 162.
- Sacerdos qui filiam spiritualem nefario incestu contaminauerit, quemodo puniendus sit. pa. 299.
- d Sacra

I N D E X

- Sacræ scripturæ intelligentia donum Dei est: nec enim naturaliter acquiritur.* pa. 156.
Sacræ literæ vnde habeant authoritatem. pa. 178.
Sæuolæ verba, ex quibus colligebant nonnulli, grauius esse adulterii crimen, quam homicidium, declarantur. pa. 313.
Salaria ministris sanctę inquisitionis, vnde & quomodo soluantur. pa. 315.
Salomonem qui authores damnatum esse dicant, qui vero eum sanctis annumerent. pa. 221.
Sanfon qui seipsum occidit, qua ratione defendatur. pa. 133.
Sapientium authoritas quanti sit facienda. pa. 156. 157.
Schismatici abiurare debent schismata. pa. 5.
Schisma abiurandi formula. pa. 5.
Schisma quid significet, & quam graue malum sit, & quot sint eius genera. pa. 444.
Schismatici eisdem fere pœnis coercentur, quibus hæretici. pa. 445.
Schismaticorum communicationem fugere debent catholici. pa. 445.
Schismaticorum tertium genus. pa. 445.
Scriptura quid sit, ex mente Cassiodori. pa. 4.
Scripturæ & literarum vis. pa. 88.
Scripturæ diuinæ intelligentia vnde sumenda. pa. 450.
Scripta sacra viri docti & pii frequenter legere debent. pa. 451.
Scripturæ sacræ verba ad profanas res non esse detorquenda, cauetur in 4. sessione Concilii Tridentini. pa. 451.
Scripturas sacras qui profanis rebus admiscunt, grauiissime a Deo puniri solent. pa. 452.
Scripta sanctę inquisitionis, & actorum, quomodo custodienda sint, & quibus eorum cura demandanda. pa. 309.
Scripturas diuinas veraces esse, credere debet qui cunque catholicus. pa. 448.
Scripturas diuinas qui homines inter Lutheranos interpretari soleant. pa. 448.
Scripturas sacras perperam & oblique in confirmationem suarum hæresum adducere solent hæretici. pa. 449.
Seditio quam pestifera & perniciosa sit reipublicæ. pa. 356.
Semiebrius si blasphemias aut hæreses dixerit, puniendus est, mitius tamen. pa. 125.
Senes decrepitæ ætatis infantibus exequantur. pa. 119.
Senes summa senectute confecti pueri censendi. pa. 120.
Sententia in absentem hæreticum & cõtumacem lata, coram omni populo est recitanda. pa. 10.
Sententiam bonam cuiusdam flagitiosi hominis quomodo approbauerint Lacones. pa. 289.
Sententias per alios proferre possunt inquisitores, & coram quibus id faciendum. pa. 452.
Sententia condemnatoria quomodo formanda sit ab inquisitoribus. pa. 452.
Sententia condemnatoria quid debeat continere. pa. 453.
Sententia qua in hæresim lapsi ecclesię reconcilianur, quid continere debeat. pa. 453.
Sententia condemnatoria quid continere debeat. pa. 453.
Sententię forma contra relapsum vnde sumi possit. pa. 453.
Sententia reconciliationis iam lata, quomodo iterum examinari possit reus. pa. 454.
Sententia reconciliationis sit ne magis interlocutoria, quam definitiua. pa. 454.
Sententia quomodo ferenda est, cum inquisitores dissentiant. pa. 454.
Sententię cum publice proferuntur aduersus hæreticos, quis ordo in illis seruari soleat. pa. 454.
Septuaginta interpretum translatio Ptolemęo Regi fuit quam gratissima. pa. 451.
Sepultura ecclesiastica cur priuentur hæretici. pa. 129.
Sequestratio & depositum quomodo differant. pa. 324.
Sequestratio quo pacto fieri debeat. pa. 324.
Sequestro quomodo tradenda sunt bona reorum, & quando illi non traduntur. pa. 324.
Sermo breuis laudatur. pa. 404.
Serui quales fuerint apud antiquos. pa. 455.
Serui christianorum non efficiuntur alij christiani bello capti. pa. 456.
Serui ex quo genere hodie, & quales sint. pa. 456.
Seruorum genus cur nequam & peruerum sit. pa. 457.
Serui quo pacto educari debeant. pa. 457.
Seruorum libertas cur neque pia sit, neque vniuersi nostris temporibus. pa. 457.
Serui eorum qui labuntur in hæresim, si christiani sint, liberi manent ipso iure, etiamsi eorũ domini ad fidem catholicam redeant. pa. 457.
Serui christiani potideri non debent ab hæreticis, Iudeis, aut Mahumetanis. pa. 458.
Serui hæretici quomodo puniendi sint. pa. 458.
Seruus si iussu domini sui imagines sanctorum fregerit, mitius puniri debet. pa. 458.
Seruus in quibus causis contra dominum suum testis esse potest. pa. 459.
Sextę synodi generalis canones magnam habent authoritatem. pa. 303.
Sorores peccatrici Hierusalem, quarum meminit

I N D E X

- nit Ezechiel, quæ sint. pa. 444.
- Sortilegiorum & diuinationū cognitio ad quos pertineat. pa. 225.
- Sortilegi qui sint, & quando ab inquisitoribus puniri possint. pa. 459.
- Spe duci quam laboriosum sit. pa. 268.
- Sponte, non semper significat liberam voluntatē sine respectu cuiusquam. pa. 385.
- Sponte sua confiteri, quis dicatur. pa. 386.
- Statua Christi, quam illi erexit mulier sanguinis profluui laborans. pa. 251.
- Stilponis & Theodori facetiæ de Minerua. pa. 120.
- Stryx quid sit, & vnde dicatur. pa. 276.
- Superstitio quid sit, & quot eius species. pa. 461.
- Superstitiosum & impium est somnijs credere. pa. 462.
- Superstitiosi sunt, qui quosdam dies fortunatos, alios esse infelices putant: & qui ex syderibus & cometis futura prædicunt. pa. 462.
- Superstitiosum est per sortes de futuris aut occultis inquirere. pa. 463.
- Superstitutionibus annumerantur ligaturæ & remedia, quæ medicorum etiam disciplina condemnat. pa. 464.
- Superstitiosa remedia quibus verbis reprehendat Chrysostomus. pa. 465.
- Superstitutionibus qui se addicunt, christianæ fidei & baptismi præuaticatores sunt. pa. 465.
- Superstitiosos quomodo multi authores irrideant. pa. 465. 466.
- Superstitiosum esse aliquid, quomodo cognosci possit. pa. 478.
- Suspectus de hæresi abiurare etiam debet errores de quibus suspectus est. pa. 5.
- Suspectus de hæresi quare cogatur errores abiurare. pa. 6.
- Suspicio hæresis tormentis, abiuratione, & purgatione canonica diluenda est. pa. 6.
- Suspecti de hæresi quando puniri possunt pœnis pecuniarijs. pa. 372.
- Suspicio quomodo differat a præsumptione, & eius definitio. pa. 415.
- Suspicionum variæ species, & earum definitiones, & vnde augeantur, & quomodo infirmari soleant. pa. 415.
- Suspicio tum leuis, tum vehemens, tum violenta, vnde sumatur. pa. 415. 416.
- Suspicio de hæresi an possit duci ex signis & indicijs leuib. pa. 416.
- Suspicio de hæresi nascitur aliquando ex grauissimis criminibus perpetratis. pa. 417.
- Suspicio nulla ferenda est in hæresi & impietatis crimine. pa. 432.
- T
- T**Abellionem alium possunt inquisitores creare, si id postulet necessitas. pa. 309.
- Talionis pœna non vti debent inquisitores, nisi ob maximam causam. pa. 490.
- Testamentum an facere possint ad perpetuum carcerem damnati. pa. 115.
- Testes in causa reorum de hæresi, qui non admittantur. pa. 126.
- Testes quomodo ab inquisitoribus excipi debent, cum ad illos veniunt testificandi gratia. pa. 330.
- Testium ratificatio quomodo, & coram quibus fieri debeat. pa. 332.
- Testes cum sibi & prioribus testimonijs non constant, quomodo tractandi sint. pa. 333.
- Testimonia si inter se cohæreant, quomodo & quando reis edenda sint. pa. 333.
- Testis vnus cum fama publica ad plenam probationem non sufficit in crimine hæresis. pa. 418.
- Testibus in causa hæresis quando non sit adhibenda plena fides. pa. 418.
- Testes duo an sufficiant in causa hæresis ad plenam probationem. pa. 418.
- Testes duo quales esse debent, vt plene iudici fidē faciant. pa. 419.
- Testes excommunicati, & socij criminis, cur in causa hæresis recipiantur. pa. 419.
- Testes vnde dicantur, & testimonium quid sit. pa. 471.
- Testibus omnibus non eadem habenda fides. pa. 472.
- Testes quomodo doceat Cicero esse examinandos. pa. 472.
- Testium mores, naturam, fortunam, animum & statum humanæ leges considerare solent. pa. 472.
- Testes qui esse nequeant. pa. 472.
- Testes quid admoneri debent ab inquisitoribus. pa. 473.
- Testis quid in primis iurare debeat coram iudicibus. pa. 473.
- Testes quo modo examinandi sint ab inquisitoribus. pa. 473.
- Testimoniorum fidem diligenter perscrutari debent inquisitores. pa. 473.
- Testium examinatio an semper ab ipsismet inquisitoribus fieri debeat. pa. 474.
- Testes, quicunque illi sint, cogi possunt ab inquisitoribus, vt coram eis se sistant. pa. 474.
- Testes quando sint recipiendi. pa. 474.
- Testimonia recepta inquirente iudice, aut informatio

I N D E X

- formatio summam facta neminem damnare debent. pa. 474.
- Testimoniūm recognitio an fieri debeat post litem contestatam. pa. 474.
- Testes quando reperi possint ante litem contestatam. pa. 475.
- Testes iterum ab inquisitoribus vocandi, & rursus interrogandi sunt, cum obiecta crimina negat reus. pa. 475.
- Testes iterum examinare & interrogare debent iudices, quanuis reus dicat, se eos habere vel le pro ratificatis. pa. 475.
- Testium publicatio quando fieri debeat, & eorum exemplum quomodo reis exhibendum sit. pa. 475.
- Testium nomina an reis ipsis edenda sint. pa. 476.
- Testes quot sint necessarii ad plenam cuiusque rei probationem. pa. 477.
- Testimonio vnus an aliquando plena fides habenda sit. pa. 478.
- Testimonia, etiam fide dignissimorum hominū nullum habent pondus in his quæ ab alijs audierint. pa. 479.
- Testes oculati magnum pondus habent ad faciendam fidem. pa. 479.
- Testificari nequeunt hæretici contra catholicos. pa. 479.
- Testimonium hæretici aduersus hæreticum admittendum est. pa. 480.
- Testibus hæreticis an alias credendum sit. pa. 480.
- Testimonium aduersus consanguineos an quis cogi possit vt dicat. pa. 480.
- Testes etiam publicatis testimonijs, semper admittendi sunt in causa hæretis. pa. 481.
- Testes concordēs esse debent, vt fides eis haberi queat. pa. 481.
- Testimonijs illorum plena fides habenda est, qui concordant in rerum substantia. pa. 481.
- Testimonium illorum suspectissimum est, qui eundem, præmeditatumque sermonem afferunt. pa. 481.
- Testis legitimus in causa hæresis is etiam est, qui hæreticum iudicibus indicat. pa. 482.
- Testi, qui contra hæreticum dixit, & moriens testimonium suum reuocat, an sit credendum. pa. 482.
- Testibus singularibus seu discordibus, tamen si plurimi sint, hæresis probari plene nequit. pa. 483.
- Testibus singularibus probari non posse aliquem hæreticum esse, ostenditur. pa. 484.
- Testes in specie debent sui testimonij rationem reddere. pa. 486.
- Testibus singularibus, neque in genere neque in specie probatur hæresis. pa. 486.
- Testibus singularibus quando sit fides adhibenda. pa. 486.
- Testes quomodo idonei probari possint. pa. 487.
- Testes quomodo refutare possit reus. pa. 487.
- Testis periuurus, qui testimonium suum quod iurauerat se celaturum, patefacit, quomodo puniendus sit. pa. 487.
- Testem qui auro, aut quouis alio modo corripit, vt falsum testimonium diceret, quo pacto puniendus sit. pa. 490.
- Testes si testibus aduersentur, qui præferendi sint alijs. pa. 491.
- Theodorus Balsamon Antiochenus Patriarcha Canoni. 6. synodi generalis multum tribuit. pa. 340.
- Theodosij & Valenti. lex de schismaticis & hæreticis a communione catholicorum expellendis. pa. 446.
- Theologorum responsa de propositionum qualitate, actis iudicij processu inserta sunt, ab eisdem subscripta. pa. 424.
- Theudericus Afer diaconum suum occidit, quod ad Arrium defecisset. pa. 368.
- Tormenta qui auctores improbant. pa. 494.
- Tormentorum vsum necessarium esse. pa. 495.
- Tormenta non condemnant rhetores. pa. 496.
- Tormentorum vsum viri sanctissimi probant. pa. 496.
- Tormentis neminem debent iudices exponere, nisi prius an id iura permittant, accuratissime expendant. pa. 497.
- Tormentis quando vtendum. pa. 497.
- Torqueri non debet aliquis, nisi indicia magna sint, & vehementer vrgentia. pa. 497.
- Torquere hominem inauditum, valde iniquum est. pa. 497.
- Torqueri vt quispiam possit, exigitur vt accusator id postulet. pa. 498.
- Torqueri possunt hæretici, cum id iudicibus expedire videbitur. pa. 498.
- Torqueri potest reus, si vnus hominis fide digni testimonio infametur, nisi ipse bonæ sit mæ. pa. 498.
- Torqueri potest reus, cum eius hæreses semper ne probatae sunt. pa. 499.
- Torquendus nemo est solo testimonio eius, qui particeps fuit criminis. pa. 499.
- Torqueri vtrum possit, qui post commissum crimen fugit, antequam accusetur. pa. 499.
- Torqueri nonnunquam potest reus, qui suspectus cum sit, vacillat, mentitur, & peierat. pa. 500.
- Torqueri

I N D E X

- Torqueri an possint rei propter sola signa externa vultus, aut similia, aut propter publicam famam. pa. 501.
- Torqueri possunt in crimine hæresis, omnes qui torqueri possunt in crimine læsæ maiestatis. pa. 504.
- Torqueri possunt ob crimen hæresis monachi, & sanctimoniales, & religiosi omnes. pa. 504.
- Tormentis occulta crimina debet iudex diligentius explorare. pa. 505.
- Torqueri potest, qui confitetur se dixisse aut fecisse aliquid hæreticum, negat tamen intentionem hæreticam. pa. 506.
- Torqueri publice non solent rei apud Hispanos. pa. 506.
- Tormentis condemnatos quid iudices admonere debent. pa. 506.
- Tormentis condemnati rei, quo pacto a iudice interrogandi sint. pa. 506.
- Tormentis hæretici damnati de quibus rebus interrogari debeant ab inquisitoribus. pa. 507.
- Torqueri potest suspectus de hæresi, & plene cuius conuictus in caput alienum. pa. 507.
- Tormenta quomodo & quando habenda sint. pa. 507.
- Torquendi si multi sint, a quo incipiendum. pa. 508.
- Tormentis extorta confessio an sit satis ad condemnandum reum. pa. 508.
- Tormenta qui pernegans vincit, hoc ipso obiecta crimina diluit. pa. 510.
- Torqueri iterum quando reus debeat. pa. 510.
- Torqueri quoties possit reus. pa. 510.
- Tormenta sæpius olim repetita iniustissime aliquando fuerunt. pa. 510.
- Tormenta an repeti possint, cum reus quod tortus fuerat confessus, postea negat. pa. 511.
- Tormenta quando fortassis tertio repeti poterunt. pa. 511.
- Tortores quales eligendi sint. pa. 506.
- Traditio ecclesiastica quid sit. pa. 174.
- Traditiones & consuetudines ecclesiasticas necessario amplectendas esse, rationibus probatur. pa. 177.
- Transactio nulla est, quæ de crimine hæresis a quocunque facta fuerit. pa. 224.
- Tutore confiscato, aut prodigi vel furiosi curatore, aduersus fiscum cui danda sit actio. pa. 49.
- V
- Venia quibus concedenda sit. pa. 402.
- Verba improprie accipi tolerabilius, imo etiam rectius & iustius est, quam quod operentur absurdum. pa. 73.
- Verba & colloquia prauorum hominum & hæreticorum vehementer nocent. pa. 88.
- Verborum curiositas vitanda est. pa. 238.
- Verba nisi operibus consonent, parui momenti sunt. pa. 405.
- Veritatis amplitudo. pa. 420.
- Veritatis robur. pa. 420.
- Vespasianus cum æger esset, de cometa quodam quid dixerit. pa. 463.
- Vestitum pœnitentiæ qui abiecerit, aut occulta uerit, puniendus est ut impœnitens. pa. 381.
- Vestitus pœnitentium, & sacculus hæreticorum damnatorum suspendendus est in ecclesia, in cuius parœcia habitauerunt. pa. 381.
- Vicarius episcopi, vel capitulum sede vacante, assistere possunt loco episcopi. pa. 182.
- Vincentij Lirinensis explanatio illius loci Pauli, o Timothee depositum custodi. pa. 236.
- Visitatoris munus, & qualis is eligi debeat. pa. 313.
- Vita nostra nobis necessaria est, fama vero nostra alijs. pa. 432.
- Vlpiani sententia de absentibus exploditur. pa. 9.
- Voces ecclesiæ innouare non decet. pa. 237.
- Voluptatis vis effrenata. pa. 234. 292.
- Vsucaptionis lex bono publico introducta est. pa. 64.
- Vsuras iure optimo omnes semper execrati sunt. pa. 513.
- Vsurarum cognitio ad quos iudices pertineat. pa. 513.
- Vsurarios quando punire possint inquisitores. pa. 513.
- Vsus fructus patri debitus confiscatur publicatis bonis filii familias. pa. 36.
- Vsusfructus bonorum, quæ rogatus erat hæreticus restituere post mortem suam, fisco adiudicandus est, quoad hæreticus moriatur. pa. 37.
- Vsus fructus quem habuit pater in bonis filii aduentitius, non confiscatur propter patris hæresim. pa. 44.
- Vsum prauum lex, & ratio vincere debent. pa. 436.
- Vultus & coloris mutatio signum est animi sibi male conscii. pa. 500.
- Vxor, si quidpiam alienauerit infcio viro, & in hæresim postea inciderit, id omne reuocabit fiscus. pa. 41.
- Vxori dimidia pars lucrorum, quæ regis legibus communia sunt coniugum, restituenda est. pa. 43.
- Vxor,

I N D E X

- V**xor, quæ sciens nupsit hæretico, an sicut priuatim dote, sic etiam priuetur arrhis. pa. 43.
- V**xor an fundum dotalem reperere possit a fisco, quem maritus ea consentiente & iurante vendidit, deinde fiscus vendicauit. pa. 43.
- V**xorem propter hæresim damnatam ad perpetuum carcerem, an maritus alere illic teneatur. pa. 112.
- V**xores duas aut plures habens a iudice seculari puniendus cit. pa. 255.
- V**xorem alienam qui sciens ducit, & mulier quæ scienter nubit alterius viro, a quibus puniendi sint. pa. 296.
- V**xores plures habentes quæ poena affici solent ab inquisitoribus. pa. 296.


Z

ZElotypiæ impotentia.

pa. 123.

F I N I S.









DE ABIVRATIONE

TITVLVS I.

S V M M A R I V M.

1.  Biurare apud antiquos in qua significatione vsurpabatur.
2.  Abiurare quid significet apud iuris pontificij peritos, & apud nonnullos ex antiquis.
3. Abiurare debent errores, qui defecerunt a fide catholica, priusquam recipiatur.
4. Hæretici cum ad mentis sanitatem redeunt, quatuor efficere debent, ut recipi possint.
5. Hæretici qui se ad fidem conuertunt, necessario debent errores prius detestari.
6. Hæretici qui in gremium ecclesiæ recipi student, authores errorum, & libros prius execrari debent.
7. Hæreticus se ad bonam frugem recipiendus, non solum errores suos damnare debet, sed fidem etiam catholicam suis erroribus contrariam planissime confiteri.
8. Hæreticus qui errores abiurat, iurare etiam debet, se nunquam ad eos esse rediturum.
9. Hæreticus & uoce et scripto errores abiurare debet.
10. Hæreses scriptis abiurare inueteratus et sollemnis mos est.
11. Hæretici abiurantibus libellus ad eas ecclesias mitti potest, quæ scandalum passæ sunt: & quare id cautum fuerit.
12. Hæreses omnes abiurare debet, qui ad ecclesiam catholicam redit, etiam si in unam tantum inciderit.
13. Hæreses nominatim sunt abiurandæ, neque sat est, ut generaliter abiurentur.
14. Hæreticus abiurare debet pure, perspicue, & simpliciter.
15. Schismatici abiurare debent schismata.
16. Schismaticos quo pacto recipiendos præcipiat Leo Papa.
17. Schisma abiurandi formula.
18. Suspectus de hæresi abiurare etiam debet errores de quibus suspectus est.
19. Hæreses qui abiurant propter uehementem suspicionem, & ij qui propter leuem, quo modo sunt puniendi, si postea hæretici deprehendantur.
20. Relapsus non est censendus, qui posteaquam ob leuem suspicionem hæreses abiurauit, inuentus fuit hæreticus.
21. Suspectus de hæresi quare cogatur errores abiurare.
22. Suspensionem hæresis tormentis, abiuratione, & purgatione canonica diluendam esse, catholica ecclesia diuine admodum constituit.
23. Hæreses quomodo olim abiurabantur, & quo pacto hodie abiurari debeant.
24. Abiurare publice qui non debeant.
25. Hæreses nolentes abiurare ad arbitrium episcopi & inquisitorum, quomodo puniendi.
26. Ut hæreticus abiuret, an solus inquisitor sine episcopo diocesano efficere possit.
27. Episcopus aut inquisitor solus non potest

- test ad sententiam procedere contra ha-
resis reos.
- 28 Abiurationis sententia cōtra reum pro-
fertur.
- 29 Constitutionis illius ratio, quæ uelat ne
ad sententiam episcopus sine inquisito-
re, nec inquisitor sine epō procedat.
- 30 Abiurandi formula.



P V D Ciceronem & Plautum abiurare est periurio uel iuramento negare. Atque ea dē significatione lex quædā codicis Theodosiani ait: Breues plenissimi bonorum uacantium conficiantur, ne fraudibus Cæsarianorum minuantur, uel petentibus aliquid abiuretur. Est & abiurare simpliciter negare, vel denegare. Theodosius imperator libro primo legum nouellarum: Vnde ver solitam gratiam abiurauit? Prudentius contra Sabellianos hæreticos: Abiurare Deo titulum, nomenque paternum, Credimus esse nefas. Honorius quoque & Arcadius obscure quidem abiuratum pretium, pro pretio denegato, vsurpasse uidentur: aiunt enim, holobara uestimenta, contra legem facta, ærario esse reddenda: nec esse cur quisquam de abiurato, idest, de negato pretio illorum uestimentorum conqueratur, quia sufficit ei calcata legis impunitas: nam gratias agere debet, quia non alia poena se uenire damnat, quam uestimentorum publicatione. [l. temperent. C. de uestib. holoba. lib. 11.]

- 2 Sed in pontificijs nostris abiurare errores, est damnare ac detestari errores: in qua significatione hoc uerbo vsus esse uidetur poetarum princeps libro octauo, rapinas abiuratas uocans, execratas ac detestabiles. Statius quoq; lib. 6. Thebaidos, abiurare sacrum færale dixit, pro detestari. & Eutropius lib. 1. rerum Romanarum: Quanta mala Romani continua illa regum dominatio-

ne pertulerint, non solum vnus regis expulsio, uerum etiam abiuratio regij nominis & potestatis ostendit. Aliter quoque atq; aliter idem uerbū usurpat Alexander pontifex: abiurare cōcubinas, abiurare ecclesiam, pro repudiare iuramento & renunciare. Quæ significationes confines sunt antecedenti: nam is qui abiurat hæreses, iuramento repudiat errores, & renuntiat illis. & Gelenius in enarratione Philonis lib. 1. de uita Moysis, Non est fas, inquit, habere te mecum uoluptatis consuetudinem, nisi abiurato ritu patrio colas eadem mecum numina. [c. 3. de cohabi. clerico. & mulie. c. 2. qui cleri. vel uouen. c. audita. de restitu. spoliato.]

- 3 Qui naufragium fecerunt in fide catholica, & ad mentis sanitatem redeunt, non ante recipiendi sunt, quam errores abiurent, & palinodiam canant: idest, recantent errores, & meliorem sententiam corrigant, & contraria erroribus afferant: quod quidem ab apostolis ipsis traditum & constitutum est, ut Basilii episcopus Ancyræ in septima Synodo generali est author.

- 4 Ne autem hæreticorum conuersio simulata esse videatur, quatuor ab eis exiguntur: primum, ut errores detestentur: alterum, ut fidem catholicam ueram, sicuti est, confiteantur: tertium, ut promittant, & iuramento confirmet, se nunquam a recta fide discessuros: quartum, ut hæc omnia libello ab eisdem subscripto comprehendant.

- 5 Iam uero de his singulatim differendum est. Ac primum quidem errorum detestatio necessaria est, ut conuersus ad ecclesiam

ecclesiam ex animo redire censeatur. Hoc enim est signum verę cōuersionis, odio ac detestationi habere peccata.

Quamobrem in secundo concilio Arlense decreuerunt patres, Nouatianū in communionem recipi non debere, nisi, suscepta pœnitentia infidelitatis, præteritum damnet errorem. Et in concilio Laodiceno cap. 7. vetitum est, ne recipiantur hæretici, prius quā cōdemnēt oēm hæresim, in qua detinebātur.

6 Damnandi quin etiam sunt authores errorum, & libri. Ita enim legitur in sexta synodo generali, can. 95. Venientes ad ecclesiam hæreticos suscipimus secundum morem & ordinem traditum, scilicet, si libellos afferant, & execrentur quamlibet hæresim, & authores hæresum. & Augustinus Innocentio Papæ epist. 95. de Pelagio hæretico his verbis scribit: Anathemet ergo Pelagius scripta sua, vbi contra gratiā Dei, & si non per contumaciam, tamē per ignorantiam disputat: aut si sua esse negat, aut scriptis suis ab inimicis suis dicit immissa, quæ sua negat; anathemet ea tamē, & damnet paterna exhortatione, & autoritate sanctimonix tuę. & Leo ille magnus in epistola tertia inquit: Saluberrimum & spiritualis medicinæ vtilitate plenissimum est, vt cuiuslibet ordinis clerici, qui se correctos videri volunt, atq. ad catholicam fidē, quam pridem amiserant, rursus reuer ti ambiunt, prius errores suos & ipsos authores erroris a se damnatos sine ambiguitate fateantur. [c. saluberrimū. 1. quæst. 7.]

7 Non solum autem errores damnare debet hæreticus, sed fidem catholicam erroribus suis contrariam planissime confiteri. Hoc autem innumeris exemplis intelligi potest: ego tamen breuitatis causa duobus ero cōtentus. In Ephe

sina synodo sub Cælestino primo scribunt patres Nestorio: Non sufficit, quod sono vocis fidei symbolum hæreticus proferat: sed consequens est etiā, fateri te quod anathemes tua polluta & profana dogmata: sentias autem & doceas, quæ nos vniuersi per orientem & occidentem episcopi & magistri, præfulesq. populorum credimus & docemus. Et Leo ille maximus, in epistola, quæ est ad episcopos Africanos, inquit: Donatum ex Nouatiano cum sua plebe conuersum, ita dominico gregi volumus præsidere, vt libellum fidei suæ meminerit ad nos dirigendum, quo & Nouatiani dogmatis damnet errorē, & plenissime confiteatur catholicam veritatem. [c. donatum. 1. quæst. 7.]

8 Præterea hæreticus, qui abiurat errores, iurare debet, se nunquam ad eos esse rediturum, quemadmodum omnibus abiurandi formulis constitutū est: idque rectissime, quia indignus est, vt eius simplici affirmationi credatur, qui ab ea fide, qua se in baptismo obligauerat, impie discessit. Est autem iuramentum, vt ait Philo, libro de plantatione Noe, signum firmissimum coniunctum cum Dei testimonio: & vt ait Cicero lib. 3. offic. Iusiurandum est affirmatio religiosa: quod autem affirmatiue quasi Deo teste promiseris, id, inquit Cicero, tenendum est.

9 Postremo, abiurandi sunt errores, non modo voce, sed etiā scripto: quod quidem frequentissime constitutum & vtitum est. In prima Nicena synodo cap. 8. decreuerunt patres, vt hæretici Nouatiani conuersi recipiantur: ita tamen, vt ante omnia hanc habeant ab eis confessionem, quam per scripturā exigi oportet: vt fateantur, se cum omni consensu ecclesiæ catholicæ statuta obseruatuos. Et in alia synodo sub

Martino primo cautum est, vt quicumque in alicuius hæresis opinionione offenderit, non recipiatur in communionem, nisi prius in communi concilio porrecto suæ fidei libello, satisfaciat omnibus. Et Leo ille Papa in epistola secunda inquit: Plurimos impietatis Manichææ sequaces & doctores in vrbe, inuestigatio nostra reperit, vigilantia diuulgauit, autoritas & censure coercuit: quos potuimus emendare, correximus: & vt damnarent Manichæum cum prædicationibus & discipulis suis, publica in ecclesia professione, & manus suæ subscriptione compulimus: & ita de voragine impietatis suæ confessos, poenitentiam concedendo, leuauimus. & sanctus Cyrillus ad Nestorium, epist. 10. Conueniet, vt & scripto, & iureiurando confiteare; cum quod scelestum & profana dogmata anamatzes, tum quod sensurus sis & docturus eadem; quæ & nos omnes, & qui in oriente sunt & occidentem episcopi, & doctores, & populorum præsidem. [c. si quis episcopus. 1. quæst. 7.]

10. Ad hæc, in septima synodo generali, actione prima, tres episcopi oblati libellis hæreses abiurarunt. & id ipsum quidam alij fecerunt in octaua synodo generali, actione secunda: & itidem Hieronymus de Praga in concilio Constantensi, & Berengarius in synodo sacerdotali temporibus Nicolai secundi.

Quid plura? Basilii episcopus Ancyra in septima generali synodo huiusmodi orationem habuit: Constitutio ecclesiastica habet, canonice tradita ab antiquo a sanctis apostolis, & successoribus eorum sanctis patribus nostris apostolicis viris & magistris, & sanctis vniuersalibus sex synodis, & localibus synodis orthodoxis, vt qui ab aliqua hæresi reuertuntur ad orthodoxam fidem, & tradi-

tionem catholice ecclesiæ, scripto negare debeant hæreses suas, & confiteri catholicam fidem. [c. conuenientibus. 1. quæst. 7.]

11. Id propterea cautum, vt abiurantis libellus mitti possit ad eas ecclesias, quæ scandalum passæ sunt: vt quæ prius doluerant de homine auerso & peruerso, postea gaudeant de reuerso & cōuerso: & qui eius sermonibus fuerant, præceptisq; collapsi, quid tandem habeat fides vera cognoscant: facilius enim reuocari poterunt, cum ea senserint ab authore damnari: & vt libello suo conuincatur hæreticus, si forte relapsus fuerit. Est enim scriptura, vt Cassiodorus lib. 11. variatū ait, humanorum actuum seruans fidele testimonium: præteritorum loquax: obliuionis inimica. nam memoria nostra, etsi causas retinet, verba tamen commutat: illic autem secure reponitur, quod semper æqualiter audiatur. [Diuus Augusti. epist. 96. cap. ego. de conf. distin. 2. Nicephorus lib. 16. hist. ecclesiast. cap. 26.]

12. Præterea omnes hæreses abiurare debet qui ad ecclesiam catholicam redit, etiam si in vnam tantum inciderit, quod quidem antiqua consuetudine inductum est, & omnibus abiurandi formulis planissime continetur. Quo efficitur, vt superuacanea sit quæstio illa difficilis, quæ pontificios torquere solet: An is qui abiurat vnam hæresim, & in aliam incidit, censendus sit omnino relapsus: quæ ego nunc prætereundam censeo; nec enim longas & inutiles disputationes conficere instituo, ne in illud Ciceronis incurram: Vitium est nimis magnum studium multamq. operam in res obscuras atque difficiles conferre, easdemque non necessarias.

13. Abiurandi sunt errores nominatim: nec sat est, vt generaliter abiurentur: quia

quia hæc est pœnitentis confessio, quæ speciatim fieri debet. Cuius rei exemplum videre licet in magna synodo Chalcedonensi, actione octaua: vbi Theodoretus coactus fuit, clare & nominatim errores abiurare. Id autem fieri solet hoc modo. Recitantur ex libello errores oēs, & statim reus inquit: Abiuro has hæreses, de quibus sum accusatus & suspectus: vel, Abiuro errores, quos confessus sum vobis, & omnes alios. [Antiqua decisio rotæ. 875. & noua sub titu. de hæreti. Decius conf. 137. Boherius decisi. 343.]

14 Item reus abiurare debet pure, perspicue, simpliciter: & extat exemplum elegans Leonis Papæ, qui epist. 84. inquit: Damnent apertis professionibus sui superbi erroris authores, & quidquid in doctrina eorum vniuersalis ecclesia exhorruit, detestentur: omniaque decreta synodalia, quæ ad excisionem hæreseos apostolicæ sedis confirmauit autoritas, amplecti se, & in omnibus approbare, plenè & apertis, ac propria manu subscriptis protestationibus eloquantur: nil in verbis eorum obscurum, nil inueniatur ambiguum. [Gerson tractatu de protestatione, consideratio. 9.]

15 Schismatici quoque abiurare debent schismata, quod apud Cyprianum epistola vndecima, libri tertij, quidam fecisse memorantur, his ipsis verbis: Nos Cornelium episcopum sanctissimæ catholicæ ecclesiæ erectum a Deo omnipotente & Christo domino nostro scimus: nos errorem nostrum cōfitemur: circumuenti sumus perfidiæ loquacitate factiosa amentes: videbamur quasi quandam communicationē cum schismatico homine habuisse; syncera tamen mens nostra semper in ecclesia fuit: nec ignoramus, vnum Deum esse, & vnū

Christum esse dominum, quem confessi sumus: vnum Spiritum sanctum: vnum Episcopum in catholica ecclesia esse debere.

16 Et Leo Papa epistola tertia præcipit, vt schismatici, qui ad vnitatem ecclesiæ redire volunt, id faciant cum legitima satisfactione, & erroris damnatione. & idem Pontifex epist. 85. cap. 3. non aliter schismaticum recipiendum esse decernit, quam si proprio libello catholicum se esse manifestet. Abiurauit schisma Ioannes episcopus Constantinopolitanus in epistola ad beatum Hormisdam: abiurarunt & cardinales quidam in concilio Lateranensi sub Leone decimo: & item alij alibi. [cap. omnis cuiuslibet. 1. quæst. 1. cap. maximum. 1. quæst. 7.]

17 Formulam abiurandi schisma retulit diuus Gregorius epist. 3. 1. lib. 10. cuius summa hæc est. Promittit schismaticus sub anathematis obligatione, se nunquam ad schisma reuersurum: sed semper in vnitatem catholicæ ecclesiæ, & cōmunionem Romani Pōtificis per omnia permanens: quod iuramento confirmat, & manu sua libello subscribit. [c. quoties cordis. 1. quæst. 7.]

18 Non solum hæreticus & schismaticus, sed is etiam, qui in suspicionem hæresis venerit, abiurare debet errores, de quibus suspectus est. Cuius rei exempla videre licet in magna synodo Chalcedonensi, vbi actione octaua Theodoretus, qui de hæresi suspectus erat, coactus fuit, Nestorium & omnes hæreticos palam anathemare. Et actione nona eiusdem synodi simile quippiam factum est cum Iba episcopo: qui de quibusdam erroribus accusatus, quamuis fuerit inuentus innoxius, propter suspicionem tamen coactus est dicere, etiam in scripto: Anathemaui Nestorium, eiusque dogmata,

- dogmata, & nunc anathemo eum decies millies: & omnem illum, qui non sapit sicut hæc sancta synod⁹, anathemo.
- 19 Sed plurimū refert, vtrum quispiam propter vehemētem suspicionem abiuret errores, an propter leuem. Is enim qui propter vehementem suspicionem abiurat hæreses, & postea inuentus fuerit hæreticus, censetur quadam iuris fictione relapsus, & confestim iudici seculari relinquendus est. Qui vero ob leuem suspicionem abiurat, quamuis postea hæreticus esse reperiatur, grauius quidem puniri debet, non tamen relapsus esse censetur. [c. accusatus de hæreti. lib. 6.]
- 20 Vnde perspicue patet, errasse illos, qui aiunt, eum quoque relapsum esse, qui postea quam ob leuem suspicionem hæreses abiurauit, inuentus fuerit hæreticus. Id enim neque vsquam decretū, neque vsquam receptum est. [Anchara. in c. accusatus. de hæreti. lib. 6. Matth. de Affli. in constitutionibus Siciliae titu. 1. col. 8.]
- 21 Quare autem suspectus abiurare cogatur errores, in pròptu causa est: quia hæresis vitiat catholicam fidem, quæ virginitas mentis est, ab erroris corruptione seruans intellectum: sicuti docet Origenes in Leuiticum, homilia 12. Nam etsi aliorum criminum suspicio dissimulari possit, hæresis tamen suspicio dissimulanda non est: cum sit hæresis fornicatio & adulterium animæ, vt plurimis sacræ scripturæ capitibus planissime proditur. [Deutero. 31. Oseæ 4. Ieremie. 3. Ezechielis. 16.]
- 22 Quo factum est, vt quemadmodum olim ad eluendam suspicionem adulterij, durissima lege uir zelotypus uti poterat, ut in libro Numerorum cap. 5. legitur, sic hodie catholica Christi ecclesia diuine admodum constituerit, ut suspicio hæresis, tormentis, & abiuratione, & purgatione canonica diluatur. Est enim anima nostra Deo Christo desponsa, cui uirginitatem fidei omnino seruare tenetur, dicente Paulo apostolo: Despondi uos uni uiro uirginem castā exhibere Christo. Et, ut Chrysostomus in Matthæum, homilia 52. operis imperfecti scriptum reliquit: Hæretici uirgines dici non possunt, quia sensu adulterino corrupti sunt, & uirginitatem ueritatis Christi adulterino sensu corrumpunt. Et, vt Cyprianus ait, Quisquis ab ecclesia separatur, adulteræ iungitur, nec pertinet ad Christi præmia. Denique Augustinus in epistola, quæ est ad Bonifacium, inquit: An fidem non seruare leuius est animam Deo, quam fornicam uiro? [2. Corin. 11. Augustin. epist. 50.]
- 23 Olim abiurabantur errores in concilijs generalibus & prouincialibus: hodie uero sat est, ut coram clero & populo abiurentur: sed semper id publice fieri debet, etiam ab eo qui impubes doli capax in errores incidit. [c. si quis episcopus. 1. quæst. 7. c. ad abolendam. de hæreti. c. inter sollicitudines. de purgatio. cano. Leo ad Anatholium epistol. 75. Menochius, de arbitrarijs, casu. 372.]
- 24 Publice tamen abiurare non debent pueri intra pupillarem ætatem: neque hi qui occultas hæreses sponte confessi sunt. Nec propter leuem suspicionem publice abiurari solet, sed priuatim in foro siue auditorio inquisitorum. [Prima instructio Hispalensi. c. 5. & tertia Valdelitana cap. 12.]
- 25 Qui errores abiurare non uult ad arbitrium episcopi & inquisitorum, is vt pertinax & impœnitens iudici seculari relinquendus est: quemadmodum Lucius Papa constituit. Et Leo ille magnus in epist.

epistola, ad Aquileiensem episcopum : Qui correctos, inquit, se videri uolunt, ab omni suspitione se purgent : & obediendo nobis probent se esse nostros. quorum si quisquam salubribus præceptis satisfacere detrectarit, ab ecclesiæ societate pellatur : ne proditor animæ suæ, salutis infidietur alienæ. Et in epistola ad Flavianum loquens de Eutychete hæretico, post alia scribit : Cum anathe mando impio dogmati noluisse adhibere consensum, intellexit eum fraternitas uestra, in sua manere perfidia: dignūque esse, qui iudicium condemnationis exciperet. De quo, si fideliter atque utiliter doler, & quam recte mota sit episcopalis autoritas, uel se reum cognoscit: uel si ad satisfactionis plenitudinem, omnia quæ ab eo male sunt sensa, uiua uoce, & præsentis subscriptione damnauerit, non erit reprehensibilis erga correctum quantacunque miseratio. [cap. ad abolendam. de hæretic. Leo epist. 10. & epist. 84. & Papa Cælestinus inter opera Cyrilli, epist. 12.]

26 Quæri solet, utrum inquisitor sine episcopo diocesano possit efficere, ut hæretici uel suspecti abiurent hæreses. Quidam putant, id fieri posse: quod persuadere nituntur his argumentis. primo, quia Clemens quartus cum inquisitoribus loquens, inquit: Si uero aliqui ex prædictis, hæretica labe prius abiurata, redire uoluerit ad ecclesiæ unitatem, ei iuxta formam ecclesiæ absolutionis beneficium impendatis. [c. ut officium. §. 1. de hæret. lib. 6.] Deinde, quia episcopus ordinarius id ipsum solus facere potest, ergo & inquisitor, cum sit delegatus, & tantundem possit in causa sibi delegata, quantum ordinarius. [c. ad abolendam. de hæret. & cap. ne aliqui. eodem tit. lib. 6.] Postremo, quia hoc non est de illis prohibitis, quæ non

potest inquisitor sine diocesano; & quod de uno prohibetur, de alio permittitur. [clem. 1. §. 1. de hæret. c. nonne. de præsumptio.] Hæc author lucernæ inquisitorum paulo post principium.

27 Contrarium tamen uidetur esse uerissimum. non enim episcopus aut inquisitor solus potest ad sententiam procedere contra hæresis reos: quod si secus præsumptum fuerit, nullum est, & irritum ipso iure, ut expresse Clemens quintus constituit. [clem. 1. §. 1. de hæret.]

28 Itaque opinio antedicta prorsus contraria est clementinæ constitutioni: quia sententia abiurationis contra reum profertur. Nec obstant argumenta supra memorata. non primū, quia illic episcopus non excluditur. non alterum, quia tunc nondum creati erant inquisitores: non postremum, quia illud est a Clemente quinto manifeste prohibitum. [dicta clement. 1. §. 1.]

29 Notanda uero sunt uerba, & mens, et ratio illius constitutionis, quæ generaliter uetat, ne ad sententiā procedat episcopus sine inquisitore, aut inquisitor sine episcopo: idque propterea cautum, ut hæreticæ labis indago solennius, diligentius, & cautius peragatur; nimirum, ut integrius sit iudicium episcopi, & inquisitoris sententijs comprobatum. Unde de plane relinquitur, quod alter sine altero reum absolvere nequit, ut alibi dixero. Quid enim, si propter naturalem hominum ad dissentiendum facilitatem, alter alteri dicat: quem tu iudicas esse absoluendum; ego iudico curiæ seculari relinquendum, aut saltem damnandum ad abiurationem, uel ad purgationem, uel ad tormenta, uel ad poenas alias arbitrarias? quid si temerarius alter aut corrupti iudicij, uellet hæreticos absolvere, aut remissius punire? Iure igitur ac merito illa opinio e tribunalibus Hispaniæ

spaniæ explosa eieciatq. est: sicut & illo-
rum abusus, qui reos præpostere abiur-
rare faciunt ante sententiam; cum na-
turæ, nedum iuris ordine, prior senten-
tia sit, quam eius executio. Huc adde,
quæ scripsi in adnotationibus ad Zan-
chinum. cap. 1.

30. Superest vt vnam abiurandi formulam
referamus, cæteras indicemus. In con-
cilio Constantiensi, sessione 19. Hie-
ronymus de Praga stans, publice, alta
voce, libellum abiurationis legens, di-
xit: Ego Hieronymus de Praga cogno-
scens veram & catholicam ecclesiam,
& apostolicam sedem, anathematizo
omnem hæresim, præcipue eam, de
qua hætenus infamatus fui. Et erroribus
enumeratis, subiungit: Insuper iu-
ro per sanctam Trinitatem, & per hæc
sacrosancta Euangelia, me in veritate

ecclesiæ catholicæ semper & sine dubio
permanfurum: & omnes qui contra
hanc fidem venerint, cum dogmatibus
suis æterno anathemate dignos esse pro-
nuncio. Et si ipse aliquando (quod absit)
aliter contra sentire, aut prædicare præ-
sumpsero, canonum seueritati subia-
ceam, & æternæ pœnæ obligatus inue-
niar. Hanc autem confessionem & pro-
fessionis meæ paginam coram hoc sacro
concilio voluntarie porrigo, & eidem
me propria manu subscripsi, & hæc sin-
gula conscripsi. Hæc eadem formula
inserta est in instructionibus nostris.
Alteram inuenies a Gratiano relata in
c. ego Berengarius. de conf. dist. 2. Ter-
tiam a Ioanne Torquemada. lib. 4. de
ecclesia, parte. 2. cap. 22. Quartam ab
Alfonso Castro. lib. 1. de iusta hæretic.
punitio. cap. vlti.

De Absentibus Titulus II.

SUMMARY.

1. **A**bsentes in criminibus damnari non debent, & cur id statutum sit.
2. Absentes non esse damnandos summorum virorum auctoritatibus comprobatur.
3. Absentes quando damnari debeant.
4. Vlpiani sententia de absentibus exploditur.
5. Absentes contumaces olim etiam damna-
bantur.
6. Absens de cuius heresi plane iudiciis
constat, missio executore in carcerem
est coniiciendus.
7. Absens tribus edictis adesse iussus, si non
compareat, quo pacto puniendus sit.
8. Sententia in absentem hæreticum & con-
tumacem lata, coram omni populo est
recitanda, eiusque statua comburenda,
& bona publicanda.
9. Absens hæreticus non plane conuictus,
sed iusta aliqua suspitione pressus, in iu-
diciū vocatus, si non compareat, quo-
modo plectendus.
10. Hæreticus suspectus citandus est, vt ve-
rus contumax censeatur.
11. Hæreticus suspectus si fugiat & latitet,
quid in eum constituendum sit.
12. Absentis hæretici causa qua in prouincia
tractanda sit.
13. Absens hæreticus missis requisitorijs lite-
ris, in aliena prouincia comprehendi potest.
14. Hæreticus cur ad prouinciam, in qua cri-
men commisit, remitti debeat, & in ea
puniri.
15. Hæreticus in ea prouincia comprehendi
puniri que potest, in qua fuerit reper-
tus, quauis ibi nihil dixerit aut fece-
rit impium.
16. Hæreticis cur non liceat tutos esse in his
prouincijs, vbi nihil admiserunt, cum
id ceteris facinorosis concedatur.
17. Hæretici tanquam animalia venenosa
& pesti-

pestifera, antequam virus euomant, sunt puniendi.


- 18 Absentis causa, quem in alijs prouincijs hereticū esse constat, quibus inquisitoribus in patria sua committenda sit.
- 19 Absentis heretici causa, qui nullibi do-

miciliū habet, quo in loco tractanda sit.

20 Hereticus damnatus audiendus est, etiā si eius statua fuerit combusta.

21 Absens hereticus, qui intra annum se ipsum coram iudicibus exhibuerit, ita audiari debet, ut eius bona non publicentur.

De Absentibus.

- 1  **A**BSENS in criminibus damnari nō debet, ut imperator Hadrianus cōstituit, & plurimis sanctorum patrum decretis comprobatum est. Nam cum se absens defendere nequeat, non est indicta causa damnandus: sed accusatores præsentes habere debet, & locū defendendi accipere ad abluenda crimina, quæ ei obijciuntur. [l. absentem. de pœnis c. 1. de causa posse. & proprietate. Act. 2 §. c. 1. & seq. 3. quæst. 9.]
- 2 Huc accedit, quod ut Hieronymus in epist. ad Iulianum scribit, Inter absentes incerta cognitio est: & sicuti Menander ait: Qui prius condemnauerit, quam causam luculenter audiuerit, is malus est, quia male credidit. Et Seneca in Medea: Qui statuit aliquid parte inaudita altera, Aequum licet statuerit, haud æquus fuit. Et Ouidius quadam in epistola: Cur reus infelix absens agor? & mea cum sit Optima, non vlllo causa tuente perit? Quam ob rem Alexander ille magnus, cum in causis capitalibus ius diceret, orante accusatore, altera manu aurē solebat occludere, ut ipsa reo omnis expers calumniæ conseruaretur, ut Plutarchus in Alexan. & Zonaras tomo. 1. annaliū authores sūt.
- 3 Caterum absens ille, qui fugit & latitat, & qui neque denunciationibus, neque edictis iudicū optemperat, damnandus est ut contumax: efficit enim contumacia, ut absens pro præsente habeatur. Accedit eo quod crimina obiecta fateri

- videtur, qui sæpe monitus purgandi se occasione non utitur. & ut Bonifacius Papa primus inquit: Nullus dubitat, quod ita iudicium nocens subterfugit, quem admodum ut absoluaatur, qui est innocens, quærit. cōfiteatur enim de omnibus quisquis se subterfugere iudiciū dilationibus putat. hæc ille. [epist. 2. tomo. 1. cōciliorū. l. absentē. de pœnis. l. 1. & seq. de requir. reis. cap. absens. cap. decernimus. 3. q. 9.]
- 4 Vlpianus tamen censuit, melius esse in absentes pecuniarias quidem pœnas, vel eas quæ existimationem contingunt, si sæpius moniti per cōtumaciam desint, statui posse, & usque ad relegationem procedi: verum si quid grauius irrogandum sit, puta in metallum, uel capitis pœnam, non esse absentibus irrogandā. Sed ea sententia ex omnibus tribunali- bus explosa eiectaque est: nam quo grauius crimen fuerit obiectum, eo magis absens contumax damnari solet.
- 5 Nec id quidem recens est, sed suppetunt exempla plurima, ex quibus liquido perspicui possunt, iam olim hoc vsitatū fuisse. Fabricius beneficij reus absens cōdemnatus est, ut ex oratione Ciceronis pro Cluentio constat, & cū primum Augustus Cæsar consul factus est, statim aduersus conspiratores de patrata cæde C. Cæsaris proposuit: quia virum dignitate maximum indemnatum occidissent. Accusatorem Bruti constituit L. Cornificiū, Cassij M. Agrippam. Qua in re cum illorum causa respondente nullo deserta foret, coacti iudices sunt proferre sententias.
- B Fertur

Fertur, cum præco, ut consuetum extiterat, e tribunali Brutum absentem vocaret ad iudicium, vulgus manifesta duxisse suspiria: optimatesque oculis defixis in terram, silētium egisse, Publium vero Solitium lacrymasse, moxque parua interiecta mora ex proscriptis vnum neci damnatum. Hæc Plutarchus in uita Brutī, & Dion Cassius Romanæ historiæ lib. 46. ait, alios multōs absentes tūc damnatos fuisse. Et cum Romæ quæstio haberetur in eos, qui sceleratissimis bacchanalibus initiati erant, Posthumius consul ex decreto senatus edixit, præmium indici propositum esse, si quis quem ad se deduxisset, nomenue absentis detulisset: qui nominatus profugisset, diem certam se finiturum, ad quam nisi citatus respondisset, absens damneretur. Author Liuius lib. 39. Thebis quoque Ismenias prætor, capitalis poenæ absentes quosdam exules decreto damnavit, ut idem Liuius retulit lib. 42. Et Alcibiadem tanquam impium, & eos qui cum illo erant, Athenienses, deserto iudicio, capite cōdemnarunt. Author Thucidides lib. 6. Multi quinetiam præsentēs, cum citati non respondissent, damnati sunt, ut ait Pædianus in commentario Milonianæ orationis. atque hæc quidem hæcenus.

6 Cum autem de absentis hæresi plane iudicibus cōstat, mittendus est executor, qui reum comprehendat, ut in carcerem coniectus, ex uinculis causam dicat. Si uero fugerit reus, aut comprehendere nō possit, vocandus est edictis, quibus ei denunciatur, ut intra triginta dies compareat, innocentiam suam ostensurus: & ea dilatio peremptoria esse debet, id est, una pro tribus: in qua etiam citandus est reus ad omnia acta iudicij; monendusque est, iudices de absentis causa cognituros, & pronuntiuros, nisi reus ad diem constitutum & condictum adfuerit. [l. ad perem-

ptorium. & ll. sequen. de iudi. c. de illicita. 24. quæst. 3.]

- 7 Quod si reus tribus edictis adesse iussus, coram iudicibus nō comparuerit, & copiam sui non fecerit, accusanda est eius cōtumacia in singulis edicti terminis: ac deinde promotor fiscalis edet accusationis libellum, & omnia iudicij acta ordine fient: quibus peractis, si de crimine absentis constiterit, statim sententia in eum proferenda est. [prima instruct. Hispal. cap. 19. Ioan. Bernar. in practi. cap. 142.]
- 8 Atque easententia, ne frustra lata esse videatur, solet e loco superiori corā omni populo pronunciari, & hæretici absentis statua cōburi, & eius bona publicari.
- 9 Sed cum absens plene conuictus nō est, verum iusta aliqua suspicione premitur, vocandus est in iudicium, ut intra tempus certum præsentia sui faciat: qui si euocatus non uenerit, pronunciari debet, eum esse excōmunicatum. Si uero per annum in excommunicatione permanserit, damnandus est tanquā hæreticus. [c. cū contumacia. de hæret. lib. 6. Contra. Brunus lib. 4. de hæret. c. 11.]
- 10 Citandus tamen est suspectus ipse, ut verus cōtumax esse censeatur: nec enim propter contumaciam præsumptam de grauissimo crimine quispiam condemnandus est: præsertim cum sit necesse ipsummet reum citare, quoties de re aliqua magni momēti agitur. [Clem. 1. de iudi. l. 4. §. p̄tor ait. de damno infecto.]
- 11 Cum autem reus fugit & latitat, & edictis iudicum in ius vocatur, edicta ipsa præconijs diuulganda sunt: & nomen absentis est inclamandum in ea ciuitate, in qua domicilium reus habet, atque affigenda sunt ad ianuas ecclesiæ maioris, ut in eius notitiam peruenire queat. [prima instruct. Hispalen. cap. 19. l. hæc autē. quibus ex caus. in posses-

catur

- eatur. l. 4. §. toties. ff. de damno infecto.]
- 12 Nunc videndum est, qua in prouincia hæretici absentis causa tractari debeat. Ac primum extra controuersiam est, quod in ea prouincia cōprehendi & puniri potest hæreticus, in qua deliquit: hoc enim generaliter & uniuerse in omnibus criminibus cōstitutum est. [c. 1. cum seq. 3. quæst. 6. c. vt commisi. §. & contra illos. de hæret. lib. 6. l. 1. cum seq. C. vbi de crimi. agi oportet. Cyprianus epist. 3. lib. 1. Lucas in. l. vlti. C. de veteranis. lib. 12.]
- 13 Vnde fit, vt inquisitores persequi possint hæreticum, & in aliorum prouincia comprehendere. Sed literas requisitorias mittere debent ad inquisitores illius prouinciæ, vt adiumento sint ad cōprehendendos reos. Et ita epistolis senatus sanctæ ac generalis inquisitionis cautum est. [l. 1. ff. de requi. reis. Pet. Rebuffus tractatu de literis requisitorijs.]
- 14 Est sane rationi consentaneum, vt causa peragatur in prouincia commissi criminis, & ad eam delinquens remittatur: quia illic melius de crimine constare poterit, & quia expedit, vt in his locis rei puniantur, in quibus deliquerūt: vt conspectu cæteri deterreantur. Oportet enim illic criminum iudicia agitari, vbi facinus admissum fuerit. [Authen. vt nulli iudicium. §. si quis comprehensorum. Tostadus numerorum. 3 §. quæstio. 14. l. 10. & l. 16. titul. 1. libr. 9. C. Theodosiani. Couar. lib. quæst. c. 11.]
- 15 Illud quoque omnium consensu comprobatum est, quod in ea prouincia cōprehendi & puniri possit hæreticus, in qua fuerit repertus, quamuis in eadem prouincia nihil dixerit aut fecerit impium. Nam si constiterit, istum alibi fuisse hæreticū, perinde puniendus est, ac si in eo loco deliquerit, in quo fuerit inuentus. Hoc tradunt Cynus, Albericus, Ioannes Andreas, & innumerabiles alij. [Iacob. & Cynus. in. l. 1. C. de summa trinit. Ioannes Andreas & Philip. Franc. in cap. vt commissi. de hæretic. lib. 6. Albericus in rubr. cap. de hæreti. Cardinalis in Clement. 2. §. de nique. de re iudi. Anani. in cap. 1. de hæreti. Bonifa. in Clementi. pastoralis. §. nostram. de re iudica. Gonsal. de hæretic. quæst. 8. Probus ad Ioan. Mona. in rubri. & in c. inquisitores. de hæreti. lib. 6. Alberti. libro de agnoscen. assertion. quæst. 2 §. Hermas libro. 2. de instauran. religio. cap. 9.]
- 16 Alijs quidem facinorosis, vt Demosthenes in oratione aduersus Aristocratem ait, sat est, vt eorum quos læserint patria cedant, in aliorum ditionem, quibus nullam fecerunt iniuriam, tuto commigrantes: at vero hæretici qui hostes sunt christianæ reipublicæ, vniuersam ecclesiam lædunt, & quæ in religionem diuinam isti committunt, ad omnium christianorum iniuriam pertinet: vnde religionis labefactor quocunque loco repertus fuerit, comprehendere & puniri, & ad iudicium pertrahi potest per quemcunque catholicum: quia religionis integritatem vbique seruari magni interest christianæ reipublicæ. [l. Manichæos. C. de hæreti.]
- 17 Accedit illa quoque causa, quod hæreticus animal pestilentissimum est: quāobrẽm puniri debet, antequam virus impietatis euomat, forasque proiciat. Suffragatur huic sententiæ Demosthenes in oratione contra Aristogitonem, dicens: Oportet, Athenienses, hanc belluam exterminare, eijcere e ciuitate, tollere e medio: nec eousque spectare, dum accipiatis malum, quod absit vt sit reipublicæ perniciosum: sed mature præcauendum est. Sic enim considerate: neminem fortasse vestrum serpens,

aut araneus momordit, & absit ut unquam mordeat: sed tamen eas animantes, ut videritis, statim occidetis. Ad eundem igitur modum, Athenienses, etiam cum natura serpentina præditum hominem videritis, ne dum vestrum singulos mordeat spectate, sed prius quisque qui in eum inciderit, vlciscatur. Qua similitudine Philo quoque libro secundo de specialibus legibus, usus est. inquit enim: Sicut viperas, scorpiones, aliasque venenatas bestiolas, prius quam mordeant, aut sauciant, aut omnino se commoueat, sine mora ad primum aspectum occidimus, præcauendo genuinam eorum malitiam, prius quam noceant: eodem modo etiam homines plectendi sunt, qui cum sint animalia rationalia, nihilo secius a nativa mansuetudine in ferinos mores degenerant, & pro delectamento habent lædendi quotquot possunt licentiam.

18. Quæritur autem, si constiterit Hispanum aliquem in Germania, aut alibi, hæreticum esse, apud quos inquisitores Hispaniæ de crimine illius agi possit. Et quauis in alijs criminibus, nisi reus reperiatur in ea prouincia, in qua domicilium habet, vix puniri queat propter crimen alibi commissum; in hæreticum tamen absentem, qui fidem orthodoxam & ecclesiam catholicam lædit, merito inquiri poterit, ubi domicilium habet: quia is pro præsentem habendus est, ut iam ante dixi. [c. postulasti. c. cum contingat. cap. ultimo, & illic Pontificij. de foro compet. l. 1. §. 1. C. ubi de crimi. agi oport. l. relocatorum. §. sed nos. §. si quis. ff. de interd. & relegat. Alciat. responso. 324.]

19. Si vero nusquam domicilium habeat

hæreticus absens, inquiretur tamen in eum in prouincia originis eius, vel parentum, & ubi bona possidet, vel sacerdotium siue beneficium ecclesiasticum habet. Nam ut ante dictum est, vocari potest edictis, & memoria eius damnari, & statua exuri, & bona publicari. [l. 1. l. filios. de municip. & origina. l. ciues. & l. vlti. C. de incolis. lib. 10. l. 2. C. ubi de cri. agi oport. c. vergentis. de hæreti. c. cum secundum. c. ut commissi. §. priuandi. eodem tit. lib. 6. Ioan. Bernar. in practi. c. 8. cum seq. Nenizan⁹ consil. 68. in fine. Bosius tit. de foro competenti. Siluanus consilio. 103. l. 110. titul. 1. lib. 12. C. Theodo.]

20. Hoc autem notandum, animaduertendumque est, quod absens damnatus, etiam si statua eius combusta fuerit, nihilominus tamen audiendus est, ut quodam Barcinonensi decreto continetur: idque siue sponte se obtulerit, siue inuitus comprehendatur. Nam sicuti rectissime Marcellus inquit, Nulla temporis præscriptione a causæ defensione summoueri debet, qui absens damnatus est. [l. pen. de requiren. reis. l. 2. C. eodem tit.]

21. Caterum, is qui intra annum præsentiam sui fecerit, audiri quoque debet, ut ne bona sua publicentur. Post annum vero etsi audiatur, nihilominus bona eius confiscantur: excepto si de innocentia illius plane constiterit, aut intra annum in iudicium venire nequiverit. [l. 1. cum seq. & l. vlt. de requi. reis. l. 2. C. eodem tit. l. 2. ff. si quis cautio. l. qui commeatus. ff. de re militari. l. 2. de accusationib. lib. 9. Codicis Theodosiani.]

De Absolutione Titulus III.

S V M M A R I V M.

- 1 **H**æretici a quibus possunt absolui.
- 2 Hæretici absolui nequeunt ex clausula generali diplomatis sine bullæ apost.
- 3 Hæretici in mortis discrimine positi a quo cunque sacerdote absolui poterunt, si episcopus & inquisitores desint.
- 4 Hæretici qui dum viuerent absolutionem petierunt, & signa pœnitentiæ ostenderunt, post mortem absolui poterunt.
- 5 Hæreticus in sacro pœnitentiæ foro errores suos cõfiteus, quo pacto a parochio vel ab alio sacerdote sit tractandus.
- 6 Episcopi absolvere possunt occultos hæreticos in foro conscientie, imposita eis pœnitentia salutari.
- 7 Hæreticus absolutus a Papa an sit tutus in foro inquisitorum.
- 8 Episcopum sine inquisitore, & inquisitorem sine episcopo absolvere posse reum accusatum de hæresi, multi existimant.
- 9 Episcopum sine inquisitore, & inquisitorem sine episcopo, reum de hæresi accusatum non posse absolvere, verior est sententia.

De Absolutione.



HÆRETICI omnes iure pontificio excommunicati sunt, & quotannis a Pontifice maximo excommunicantur: quamobrem ab

inferiore absolui non possunt, nisi id alicui specialiter commissum sit: quaratione inquisitores apostolici, & episcopi hæreticos pœnitentes absoluunt. [c. excommunicamus. de hæreti. c. cum inferior. de maiori & obed. c. ad abolendam. de hæreti. c. ut officium. eod. tit. lib. 6. Zanchi. de hæreti. cap. 34.]

- 2 Hi vero, qui eliguntur a pœnitentibus ut sacras confessiones audiant, quamvis ex clausula generali diplomatis siue bullæ apostolicæ multis criminibus absolvi tene possint, hæreticos tamen absolvere nequeunt, quia id specialiter inquisitoribus reservatum est: nec sit verisimile, id generaliter esse concessum, quod specialiter denegaretur. Nec enim probabile est, Pontificem maximum, tot legibus in fidei favorem latis, tam facile derogare voluisse. [c. in generali. de

regul. iuris lib. 6. l. si quando. C. de in offi. testa. Couar. in c. alma mater. parte. 1. §. 11.] quamvis Dom. Soto in lib. 4. sent. distin. 22. quæst. 2. art. 3. dissentire quodam modo videatur.

- 3 Hæretici quoque morientes, si episcopus & inquisitores desint, absolui poterunt a quolibet sacerdote. Quod in concilio Arausicano c. 2. his verbis decretum est: Hæreticos in mortis discrimine positos, si catholici esse desiderent, si desit episcopus, a presbyteris cum chrismate & benedictione consignari placuit. [c. his qui tempore. c. seq. 26. quæst. 6. concilium Tridentinum sess. 14. c. 7.]

- 4 Quin etiam absolui, & ecclesiæ reconciliari possunt post mortem ij qui absolutionem petierunt, & signa pœnitentiæ ostenderunt: & per eos non stetit, quominus absoluerentur. [c. a nobis. 2. de sent. excommuni. quarto concilio Carthaginensi. cap. 76. cum seq. Gerson tract. de absolutione defuncti.]
- 5 Existit autem hoc loco quæstio subdificilis: cum hæreticus in sacro pœnitentiæ

- ritæ foro errores suos fatetur, quid faciet parochus, aut alius sacerdos, qui nec confitentem absolueret potest, nec eum proderet? Suadeat ei ut ad inquisitores confugiat: quod si persuadere non possit, sacerdos ipse consulat eos, petatque ut ei delegent iurisdictionem, qua confessum absolueret queat. Sed magnam dubitationem habet, an id liceat inquisitoribus. Nam etsi delegati sint ad vniuersas hæreticorum causas, quæ in iudicijs peragi solent: de occultis tamē eorum criminibus ipsimet inquisitores quodam modo iudicant, & confitentes absolunt. Itaque tutius est, ut consulatur generalis inquisitor: qui pro qualitate causarum arbitrio senatus iurisdictionem sacerdoti mandare poterit: & eo magis, quod absolutio illa in foro pœnitentiæ, nihil obstat eorundem criminum cognitioni forensi.
- 6 Hodie autem episcopi absolueret possunt occultos hereticos in foro conscientie imposita pœnitentia salutari: & id gratis facere debent per se ipsos, non per vicarios: quemadmodum decretum est in concilio Tridentino sess. 24. c. 6. Sunt autem qui putant, decretum illud abrogatum esse verbis generalibus bullæ in cæna domini: quod si verum est, oportet alia via consulere occultis hæreticis, ut ne illorum conuersio impediat. pauci enim erunt, qui velint se ipsos iudicibus manifestare, aut alios hæreticos proderet, a quibus verisimile sit, quod ipsi quoque prodentur: quia utrumque durissimum ac periculosissimum eis esse videbitur.
- 7 Quid si hæreticus absolutus sit a Papa, num tutus erit in foro inquisitorum? Dubitationem affert, quod fisco regio ius quæsitum esse videtur ad bona hæretici vendicanda: sed si Papa eum absoluerit antequam pronunciatum fue-

rit eundem hæreticum esse, sine vlla dubitatione respondeo, in omni foro impunitum esse debere. [c. cum secundū. §. vlti. de hæreti. lib. 6. Decius consil. 137. Parisius consil. 1. lib. 4.]


- 8 Multi putant, episcopum sine inquisitore, & inquisitorem sine episcopo absolueret posse reum accusatum de crimine hæresis, etiam si alter sine altero hæreticum damnare non queat: quia hoc non est nominatim vetitū, & quia fauorabilior est absolutionis causa, quā condemnationis. [glo. Paul. & Bonifa. in Clement. 1. de hæreti. Præpo. in. c. inferior. 21. distin. Ias. & alij quidam in. l. qui condemnare. de re iudi. Alciat. lib. 2. de verbo. significa. Carerius de hæreti. num. 72. Zanchi. cap. 15. Fran. Bursalus consil. 24.]
- 9 Contraria sententia verior est, & multis quoque placet, quibus assentior, & consuetudine Hispaniarum merito recepta & comprobata est. Nam constitutione noua abrogata sūt iura antiqua, quibus olim permissum erat, ut episcopus & inquisitor seorsum de his causis cognoscerent, statuerent, & iudicarent. Et qui condemnare prohibetur, ne absolueret quidem potest, cum hæc aduersa & contraria eiusdem sint potestatis. Accedit etiam quod eadem omnino ratione, qua condemnatio vetita est, absolutio ista prohibita quoque videtur: quia simul conferre sententias debent, ut integrum sit eorum iudicium: ne alterius duntaxat iudicio, vel innocens damnetur, vel nocens absoluat. [Clement. 1. §. 1. de hæreti. l. qui condemnare. de re iudica. & illic Rapha. Cuma. Areti. Soci. & quidā alij. Stepha. Ioan. And. & Imola in Clement. 1. de hæreti. Siluester & Caietanus in verbo excommunicatio. & quæ ipse scripsi in adnotationibus ad Zanch. cap. 1.]

De Accusationibus Titulus IIII.

S V M M A R I V M .

- 1 **A**ccusari debet ab omnibus quicumq; reipub. perniciosus fuerit, dummodo eius crimina idoneis testibus comprobari possint.
- 2 Hæreticus ab omnibus accusari debet.
- 3 Hæreticum hominem quare quilibet possit accusare.
- 4 Hæreticus, quamvis bonæ existimationis fuerit, post mortem accusari potest.
- 5 Receptatores & fautores hæreticorum, nisi hæretici & ipsi fuerint, post mortem accusari nequeunt.
- 6 Crimina in quibus, neque cōsentientibus etiam partibus, præstatur abolitio.
- 7 Accusator, in hæreseos crimine ab accusatione desistere nequit impune, abolitione petita.
- 8 Hæreticis publicus accusator quare sit positus.
- 9 Libellus accusatorius quomodo proponendus.
- 10 Hæreticis petentibus ut locus & dies commissi criminis declarentur, quo pacto concedi debeat.
- 11 Libelli formula aduersus hæreticum.
- 12 Promotor fiscalis quomodo se gerere debeat in hæreticorum accusationibus.

De Accusationibus.

- 1  **Q**UONIAM ciues accusare debet hominem reipublicæ perniciosum, si modo crimina eius idoneis testibus comprobare possint: quia unusquisq; ciuium pars & membrum est ciuitatis: & ut Aristoteles libro 8. Politicorum inquit, ciuium quisque se non suum, sed omnes ciuitatis esse, putare debet: est enim unusquisque ciuitatis pars. Et sicut Seneca noster quadam in epistola scribit, membra sumus corporis magni [episto. 96. l. 1. §. & generaliter de vetre in posse. mitten. Theologi in lib. 4. sent. distin. 19. Chrysoft. lib. 3. aduersus vituperatores vitæ monasticæ.]
- 2 Quam ob rem plus salutis reipublicæ consulere debemus omnes, quam vitæ nostræ, ut alibi plenius disserui. Itaque ab omnibus est accusandus hæreticus vniuersæ Christianæ reipublicæ hostis pestifer & exitiosus. Quod si is qui accusat authorem libelli famosi, deuotio-

nis suæ ac salutis publicæ custodiam gerere dicitur, & inde maximam laudem consequitur; quanto id verius dici poterit, de impij & hæretici accusatore? Præsertim quod, ut Ambrosius ait lib. 2. offic. cap. 24. in causa Dei, vbi communionis periculū est, etiā dissimulare, peccatū est non leue. [l. 1. C. de famosis libel. l. Manichæos. C. de hæreti.]

3 Quamuis autem in alijs criminibus multi repellantur ab accusatione: hæreticum tamen hominem quilibet accusare potest. Hæresis enim crimen publici iudicij est, & quilibet e populo idoneus eius est accusator: quia nihil tam omnium interest, quam religionem incorruptam & inuiolatam esse. Quod legibus quoque Mosaycis confirmatur: quæ quidem non tantum accusationem hanc popularem esse, verum etiam ipsam iudicij executionem ad vniuersum populum attinere voluerunt. Et olim Athenis in causa violatæ religionis licebat accusare publice, abducere in carcerem, causam apud Eumolpidas agere,

- re, proponere apud regem. Author De molsthenes in oratione aduersus Andro-
tionē. [c. præsumunt. cum seq. 2. quæst.
7. c. nos sequentes. 6. quæst. 1. l. Mani-
chaos. C. de hære. Deu. 13. & 17.]
- 4 Quinimo post mortem accusari po-
test hæreticus, vt eius ossa comburan-
tur, & bona publicentur, & memoria
eius dannetur, quamuis bonæ existima-
tionis fuerit. [c. accusatus. §. in eo. c.
filij. de hæret. lib. 6. c. vlti. 24. q. 2.]
- 5 Aliud constitutum est de fautoribus,
defensoribus & receptatoribus hæreti-
corum: ij enim accusari nequeunt post
mortem, nisi & ipsi heretici fuerint. [c.
accusatus. §. porro. de hæreti. lib. 6.]
- 6 In cæteris criminibus cōcedi solet ac-
cusatori, vt abolitione petita ab accu-
satione desistere possit impune. In
quibusdam tamen criminibus, ne con-
sentientibus quidem partibus, præsta-
tur abolitio: vt sunt illa, in quibus aut
violata maiestas, aut patria oppugnata
vel prodita, aut peculatus admissus,
aut sacramenta deserta sunt: interest
enim rei publicæ vt probentur & puniā-
tur. Accusator vero, qui ea non pro-
bauerit, pœnam quam passurus erat
reus, excipiet. [l. vlti. C. de abolitio-
nib. l. 2. & 3. eodē tit. C. Theodo.]
- 7 Et quamuis de crimine hæresis in præ-
notatis constitutionibus nihil sit dictū:
dubitabile tamen non est, quin com-
prehensum esse intelligatur: quia lædit
hæreticus non humanam, vel tempora-
lem, sed æternam diuinamque maie-
statem. Cæterum qui ab accusatione
hæretici discedit, non est puniendus ta-
lionis pœna, sed calumniatoris, vt ple-
rique aiunt. [Authent. Gazaros. C. de
hæreti. Iacob. de Aret. Cyn. & Bald.
in. l. vltima. C. de accusatio. Io. Andr.
Anto. Cardina. & Ioan. de Ana. in. c.
pen. de hæreti.]
- 8 Sed pœna talionis accusatoribus im-
posita, iam pridem exoleuit: ne autem
calumniatoris pœnam accusator hære-
tici timeat, nec probare omnino te-
neatur idoneis testibus obiecta crimi-
na, positus est hæreticis publicus ac-
cusator, quem promotorem fiscalem
vocant: qui nunquam accusat, nisi te-
stes habeat: nec pœnam calumniatoris
timet, quia officij necessitate compul-
sus reos accusare tenetur. [l. post lega-
tum. §. aduocatum fisci. ff. de his quæ
vt indignis. l. qui cum maior. §. penul.
ff. de bo. liberto. l. 2. C. de delat. lib.
10. Alciat. lib. 9. parergon cap. 8.]
- 9 Libellus autem accusatorius simplici-
ter pponendus est, vt iudex instrui pos-
sit, & reus plane intelligat obiecta cri-
mina. Nam vt Iulius Paulus lib. 5. sen-
tentiarum tit. de seruorum quæstio-
nibus, inquit, reis suis edere crimina
accusatores cogendi sunt: scire enim
oportet, quibus sint criminibus respon-
suri: nec solet declarari dies aut locus
commissi criminis, ne reus testes co-
gnoscat, aut quippiam fraudis exco-
gitet, quo veritati nebulas offundat.
Quam ob rem editiones nonnunquam
sine die & consule fiunt: mensis tamen,
& ciuitas aut oppidum designari solet.
[l. 1. §. editiones. ff. de edendo.]
- 10 Verum si reus peteret vt locus ac dies
declarentur, & id iudicibus necessari-
um esse videatur ad diluenda crimina:
posset quidem id concedi, sed cautione
adhibita, ne quid detrimenti testes ca-
pian. facultas enim defensionis nulli
vnquam auferenda est. [l. defensionis.
C. de iure fisci lib. 10. Bartol. Bald. An-
gel. & Iaso. in. l. 2. §. vlti. de eo quod
certo loco.]
- 11 Formula libelli aduersus hæreticum,
huiusmodi est: Accuso Bucerum, qui
cum sit Christianus baptizatus, multas
hæreses

hæreses credit & docuit, speciatim autē hanc & illam. Quibus enumeratis, concludit promotor fiscalis, petens vt Bucerus tanquam hæreticus pertinax puniatur: & pœnas grauissimas hæresis exposcit. Aliam prolixiorē formulam alij tradunt, nos tamen hac vtimur [vide Specul. titul. de hæreti. Brunum lib. 4. cap. 7.]

12 Promotor fiscalis præsentē eo quem accusat, in scriptis iudici accusationem offerre debet, & propria voce literas suæ accusationis legere, vt Calixtus Papa constituit: & statim iurare solet, accusationem illam a se non malitiose editam esse, sed vt suum officium faciat, quia obiecta crimina probare intendit. [c. vlti. 2. quæst. 8.]

De Aduocatis Titulus V.

S V M M A R I V M.

- 1 **A**duocati hæreticos nequeunt defendere, nisi id eis ab inquisitoribus permissum fuerit.
- 2 Aduocati quando hæreticis concedendi.
- 3 Aduocati in hæresis iudicium qui sint adhibendi, & quid ab eis exigendum sit.
- 4 Aduocatorum in causa hæreseos officiū.
- 5 Hæretici patrocinium qui suscepit, non debet rogari de eadem causa sententiā dicere.
- 6 Aduocatis vnde dandum sit stipēdium, vt pauperum causas defendant.
- 7 Aduocatis, ex bonis reorum qui pauperes non sunt, merces tribuenda est.
- 8 Aduocatorum verba, quæ ipsi reo præsentē allegant, quando tanquam ab ipso reo prolata, & quando non ita sunt accipienda.

De Aduocatis.

1 **B**ONIFACIUS octauus iam olim cōstituit, vt in inquisitione prauitatis hæreticæ procedatur simpliciter, de plano, & absque aduocatorum ac iudiciorum strepitu & fignra. Sed nonnunquam opus est aduocatis, vt reus se defendere possit. Multæ enim sunt exceptiones ac defensiones, quibus accusati de hæresi vt poterunt, vt alio loco dixero. Cæterum aduocati defendere reos nequeunt, nisi id eis ab inquisitoribus permissum fuerit. [c. vltim. de hæreti. lib. 6. Laudu. in Clementin. 1. de excessib. prælator. Matthæus in constitut. Sicilię titu. 1. Ponzinibius, de lamijs. nume. 78. Ca-

rerius de hæreti. num. 114. vide Godofred. in. l. curiales. 7. C. de hæreti.]

- 2 Nam cum reus fatetur obiecta crimina, nullo aduocato eget. Cum autem post tres monitiones reus negat, se vnuquam hæreticum fuisse: tunc aduocatus ei dandus est, etiam non petenti. Nam & si quadam instructione caueatur, vt reo petenti detur aduocatus: mea tamen sententia, vbi id expedire videbitur, iudices providere debent, vt aduocatus adsit, ne reus defensore careat: inquisitores enim non iudices modo, sed & patres reorū esse debent. [prima instruct. Hispalen. cap. 16.]
- 3 Non quilibet aduocatus adhibendus est in hoc iudicium: sed is tantum, qui sit idoneus ad reorum causas defendendas:

C

das: idest; vir doctus, & pius, & qui non sit de hæresi suspectus: nec malo genere natus. Is autem iurare debet, causam illam bona fide se defensurum, & iustis duntaxat exceptionibus vsurū: & quodcumque cognouerit iniustam esse causam, id in primis ipsi reo, deinde inquisitoribus denuntiaturum, & iniustam causam deserturum. Postremo iurabit arcana celaturum, & nulli ea proditurum. [c. vlti. 5. quæst. 3. prænotato. cap. 16. & quarta instruct. Toletana cap. 4.]

- 4 Ad officium aduocati pertinet, vt breuiter cum reo colloquatur, eique suadeat, vt si vera sunt crimina obiecta, protinus ea fateatur, & petat, preceturque veniam a pijsimo Deo, & clementiam inquisitorum imploret: si vero cõficta crimina esse dixerit, consulat ei, vt vel falsos testes reiiciat, vel iustam aliquam exceptionem ac defensionem excogitet, paratumque se esse dicat, ad iustam eius causam tuendam: & ea cum reo colloqui debet coram inquisitoribus, arque ita vtimur.
- 5 Is autem qui rei patrocinium suscepit, non debet rogari de eadem causa sententiam dicere: id enim & legibus, & se-

natus consultis vetitum est. [l. quisquis. C. de postulan.]

- 6 Stipendium ex bonis fisci datur aduocatis, vt pauperum causas defendat, quod perexiguum esse quidem solet, sed honorificum. Adde, quod aduocati lege charitatis tenentur, pauperum causas gratuito defendere: quemadmodum a theologis magno consensu traditur. [Alex. 3. parte. quæst. 44. Tho. 2. 2. quæst. 71. Cõrad. de cõtract. quæst. 19. Gabri. in lib. 4. sent. dist. 15. quæst. 6. Soto. lib. 5. de iusti. & iure. quæst. 8. Caccialup. de aduocatis. quæst. 3.]
- 7 Si vero rei pauperes non sint, merces aduocatis ex bonis eorum tribuenda est. [prima instruct. cap. 16. vide Lucã i. l. 1. C. de lucris aduocatorũ. lib. 12.]
- 8 Ea quæ aduocati allegant, reo præsentare, perinde habenda sunt, ac si ab eodem reo proferantur: nisi forte aduocatus errauerit, & reus intra triduum contradixerit. Sed in causa hæresis etiã si post triduum de errore aut imprudentia aduocatorum constiterit, reo nocere non debet: quia simpliciter & summa æquitate in hoc iudicio agitur, reiecto iuris rigore. [l. 1. & vlti. C. de errore aduocato. c. vlti. de hæreti. lib. 6.]

De Appellationibus Titulus VI.

S V M M A R I V M.

- 1 **H**æretici, & eorum receptatores & fautores ad neminem prouocare possunt.
- 2 Felini sententia, dum asserit, hæreticum damnatum superiore iudicẽ adire posse, licet appellare nequeat, exploditur.
- 3 Hæretici, de quorum crimine non satis constat, appellare possunt: & ad quos prouocandum sit.
- 4 Appellationes vanæ & friuolæ suscipiendæ non sunt.
- 5 Appellationes frustratoriæ, & quæ non habent causam probabilem, reiiciendæ sunt.
- 6 Appellationem admittere in re dubia, tutius est.
- 7 Hæredibus hæreticorum an appellare liceat.
- 8 Hæredum appellatio, nisi friuola omnino sit,

no sit, tutius est vt admittatur.

9 Inquisitores quid facere debeant, quoties

vel promotor fiscalis, vel rei, aut eorū
heredes appellant.

De Appellationibus.



HAERETICI, & eis credētes, fautores quoque, defensores & receptatores eorum, ad neminem prouocare possunt. Quod quidē

nec durum est, nec crudele: tum quia id generaliter & vniuerse constitutum est, quoties reus crimen fatetur, aut testibus plane conuincitur: tum etiā quia cum haeretici, & ceteri commemorati, confessi vel conuicti fuerint, appellare nequeunt a pœna legis, quæ ipso iure illis est imposita: alioqui nō de facto iudicis, sed de iniquitate legum conquererentur. [c. vt inquisitionis. de hæreti. lib. 6. l. 2. C. quorum appell. non recipia. l. si qua pœna. de verb. signifi.]

2 Nec audiendi quidam, quorum est Felinus, qui putant, hæreticum damnatū appellare quidem non posse, sed superiorem iudicem adire posse, vt sententiam iniustam in melius reformet: est enim istis vetitum, ne appellare, aut prouocare, aut proclamare possint. [c. vt inquisitionis. de hæreti. lib. 6. Abbas in c. pastoralis. de appel. Felinus in c. ad abolendam. de hæreti.]

3 Ceterū ab omnibus interfationibus, siue interlocutionibus iudicum prouocare licet, si nondum satis constet, reos hæreticos esse. Itaque si reus ad subeunda tormenta, vel ad purgationem, vel ad ictus fustium, dannetur, vel multa aliqua ei imponatur, prouocare poterit: quia non liquet, eum hæreticum esse, sed suspectum duntaxat: nec appellat a lege, sed a iudicibus, qui arbitrio suo pronuntiarunt. Et hæc quidem com-

muni sententia & vsu quotidiano probantur. [Archid. Ioan. And. Anchara. Dñi. Zenzeli. Phi. Fran. in c. vt inquisitionis. de hæreti. lib. 6. Henri. in c. si aduersus. Ioan. de Ana. in c. vergentis. Feli. in. c. ad abolendam. de hæreti. Brūnus lib. 4. cap. vlti.]

Ab inquisitoribus appellandum esset ad Papam, nisi iam in Hispania inquisitor generalis cum consiliarijs sacri senatus, iudices harum causarum essent: hi enim de appellatione cognoscunt. Ad hos igitur est prouocandum, qui causas iudicatas recognoscere ac reformare debent. [c. vt cōmissi. §. inquisitores. c. per hoc. de hæreti. lib. 6. l. imperatores. de appell. c. super quæstionum. §. porro. de offi. delega. c. si delegatus. §. ad eundē. eodem tit. lib. 6.]

4 Prouocationibus friuolis cedendum non est, nec malitijs reorum est indulgendum: & vt lex ait, appellationes vanæ suscipiendæ non sunt. Nam, vt beatus Bernardus libro tertio de consideratione ad Eugenium inquit: Qui nō grauatus appellat, liquet quia aut grauari intendit, aut tempus redimere: non est autem suffugium appellatio, sed refugium. [c. cum appellationibus friuolis. de appell. lib. 6. l. in fundo. de rei vendicat. l. 6. de iure fisci. li. 10. C. Theodos.]

5 Non tantum appellationes friuolæ, id est, quæ causam afferunt, nec iustam, nec satis idoneam, recipiendæ non sunt: sed illæ quoque sunt reiiciendæ, quæ nō habent causam probabilem: sed frustratoriae sunt, atque moratoriae. Vt enim Iulius Paulus lib. 5. sententiarū,

titulo de reddendis causis appellationū, inquit: moratorias appellationes recipi non placuit. Et imperator Constantinus edixit, moratorias & frustratorias prouocationes, quæ non tam appellationes sunt, quam ludificationes, non esse admittendas. Et alia lex ait: Frustratoria prouocatio minime admittatur. Est quippe frustratoria prouocatio, quæ morandi causa interponitur. [l. tutor. ff. de vsuris. l. 1. & l. 4. quorum appellationes non recipiantur li. 11. C. Theodo. c. quicūq; 2. quæst. 6.]

6 Sed in re dubia tutius est appellationi deferre: satius est enim differre iudiciū, quam defensionis facultatem reo auferre. [c. vt debitus. de appell. l. defensionis. de iure fisci. Paulus in. l. 1. ff. si quis cautionib. Socinus senior consil. 300. lib. 2.]

7 Quæri autem solet, an hæredibus hæreticorum appellare liceat: & cum hæreticus testibus plane conuictus, aut crimen confessus fuit, sine vlla dubitatione respondeo, hæredum appellationem recipi non debere: quia nemo plus iuris in alium transferre potest, quam ipse habet: & qui in ius succedit alterius, eodem iure quo ille vti debet. His accedit, quod iure pontificio vetita est filijs defensio, cum ex violenta præsumptione constat, patres eorum hæreticos decessisse. Postremo, sententia lata contra reum hæredi quoq; nocet, ad quem bona defuncti peruenerunt. [c. filij. de hæreti. lib. 6. l. quisquis. C. ad. l. lul. ma-

iestatis. l. 1. vbi causæ fiscales. l. vltim. §. vlt. ff. de bonis eorum. Bartol. et cæteri in l. cum filius familias. de verbo. oblig.]

Sed si rei damnati sunt propter præsumptiones, nec liquido constat, eos fuisse hæreticos, dubitabile non est, quin hæredes eorum prouocare possint. Verbi gratia, si reus mortuus est antequam eius causa perageretur, aut se ipsum occidit, aut absens damnatus est: eius hæredes appellare poterunt. [l. vlt. de bonis eorum. l. eius qui delatorem. de iure fisci. Bal. Angel. Ias. & cæteri in l. 2. C. qui test. facere possunt.]

8 Ad hæc, recipienda erit hæredum prouocatio, quoties iusta aliqua causa id postulare videbitur. Mitius enim agi debet cum hærede, qui iustam ignorantie causam habet: quam ob rem concedi solet illi noua dilatio. Et nisi friuola prorsus fuerit hæredum appellatio, tutius quidem erit, vt recipiatur. [l. oratione. ff. de ferijs. l. vlt. C. si pend. appell. mors interue. l. 1. ff. eod. tit. gloss. & interpretes in c. ut debitus. de appell.]

9 Quoties promotor fiscalis appellat, statim inquisitores mittere debent acta omnia ad summum senatum, antequam id eis præcipiatur, quemadmodum epistola quadam eiusdem senatus continetur. Quod mea quidem sententia faciendum quoque est, cum rei, aut eorum hæredes appellant, ne fatigentur sumptibus: & quia ignorant, an eorum prouocationi cedendum sit.

De Apostatis Titulus VII.

S V M M A R I V M.

1 **A**postasia quid sit.
2 Apostasia, qua tota fides deseritur, deterior est omni hæresi.


3 Apostatas, etiam conuersos & penitentes, non esse recipiendos, quidam censuerunt.

4 Apo-

- 4 Apostata conuersi et pœnitentes cur sint recipiendi.
- 5 Apostata pœnitentes sunt recipiendi, peritines vero curiæ seculari relinquen-

- di sunt.
- 6 Apostata causa eodem ordine atque hæretici est tractanda.

De Apostatis.

- 1  POSTASIA græca vox, latine defectio est: cæterum nō quælibet defectio apostasia vocari solet, sed ea qua quis discedit ab instituto priori, quod tuendum suscepit: vnde etiam apostata desertor appellari potest. Et quamuis qui statum susceptæ religionis deserit, apostata quoque sit: in præsentia tamen de impio & nefario fidei catholicæ desertore breuiter differemus.
- 2 Itaque apostasia, qua disceditur a tota fide, deterior est omni hæresi: quia est impietas maxima, & omnem perfidiam & infidelitatem superat. Melius est enim viam iustitiæ non cognoscere, quam post eius agnitionem retrorsum conuerti. [2. Petri. 2. c. quidam. de apostatis. Tho. 2. 2. quæst. 12.]
- 3 Quam ob rem quidam putarunt, apostatam, etiam conuersum & pœnitentem, recipiendum non esse: quod & lege quadam ciuili cauetur. [1. 3. C. de apostatis. Matthæus in constit. Siciliæ tit. 3. Nicol. Arela. de hæreti. notab. 44.]

- 4 Sed eam opinionem & ius pontificiū, & sententia cōmunis, & vsus forensis explosit. Nam cum huius criminis cognitio inquisitorum apostolicorum sit, pontificia iura potius, quam cæsarea in eorum foro & iudicio seruanda sunt. [c. quidam. de apostatis. c. contra Christianos. de hæreti. lib. 6. concilij Eliberitini. c. 46. decretorum Siritiij. c. 3. omnes doct. in eodem. c. quidam. Alfonso Castrus. lib. 1. de iusta hæret. punitione. cap. 23.]
- 5 Ex quibus intelligere licet, apostatas perinde atque hæreticos pœnitentes recipiendos esse: pertinaces vero curiæ seculari relinquendos: quamuis apostata proprie hæreticus non sit, vt recte Canus disputat. [lib. 12. de locis theologicis cap. 9. vide Alfonso. lib. 1. de iusta hæreti. punit. cap. 7.]
- 6 Quæ cum ita sint, superuacaneū fuerit plura separatim de apostatis commemorare: quandoquidem omnia, quæ de hæreticis dixero, de apostatis quoque dicta esse intelligi possunt. [addo. l. 1. & pen. C. de apostata. regiam. l. 1. tit. 1. lib. 4. fori regij. Godofre. in rubrica. C. de apostata. Soci. in rubr. de hæret. lib. 5.]

De Blasphemis Titulus VIII.

S V M M A R I V M.

- 1 Blasphemare quid sit, & quot modis in Deum blasphemus quis dicatur.
- 2 Blasphemia quæuis continet in se falsitatem, saltem in affectu maledici.
- 3 Blasphemum quilibet accusare potest, & debet.
- 4 Blasphemus a quouis iudice puniri debet.
- 5 Blasphemus inique absolutus, aut remissus

- sius punitus ab aliquo iudice, puniri potest ab alio.*
- 6 *Blasphemiæ discrimina inter se, & ad quos iudices cognitio vniuscuiusque pertineat.*
- 7 *Blasphemia, quæ omnium leuissima censetur.*
- 8 *Blasphemia maxima quæ sit.*
- 9 *Blasphemos qua pœna soleant afficere regis leges.*
- 10 *Blasphemi quo pacto puniantur pro atrocioribus blasphemis in iudicio inquisitorum.*
- 11 *Blasphemi de leuioribus blasphemis cõuicti qua pœna afficiendi.*
- 12 *Blasphemie leuioris pœna, qua rei nudo capite, & sine chlamyde in ecclesia esse iubentur, vnde fuerit deriuata.*
- 13 *Pœnitentia publica blasphemis sacerdotibus imponenda non est.*
- 14 *Sacerdotibus blasphemis quare publica pœnitentia non est iniungenda.*
- 15 *Sacerdotum blasphemie nõ impunita relinquantur.*
- 16 *Blasphemus sacerdos quo pacto sit puniendus.*
- 17 *Blasphemus absolutus in foro consciẽtiæ, an sit puniendus in foro iudicij.*
- 18 *Blasphemus in foro consciẽtiæ absolutus, in foro iudicij etiam puniri debet.*
- 19 *Blasphemus qui plures eodem impetu blasphemias dixerit, durius puniendus, sed vna tantum pœna.*

De Blasphemis.



- 1 **BLASPHEMARE** est maledicere: non tamen qualibet maledictio, blasphemia solet appellari, sed ea duntaxat, quæ est execratio, aut conuicium impium contra Deum, vel contra diuos. Blasphemi autem sunt, qui sacrilego maledicto se obstringunt, vt ait Budæus. Multifariam autem blasphemia in Deum dicitur: vel ab eo mouẽdo, quæ Dei sunt: vel ei attribuendo, quæ Dei non sunt: vel alicui tribuẽdo, quæ solius Dei sunt: vel affirmando falsum de Deo: vel negando verum: vel maledicta in Deum conferendo: vel inhonesta de eo loquendo: vel iurando per membra pudenda: vel detrahendo, vel irridendo, in Dei contumeliam: & totidem fere modis honori & dignitati diuorum derogari potest.
- 2 In quacunque blasphemia inuenitur falsitas, saltem in affectu maledici: nam

etsi vera nonnunquam dicere videatur blasphemus, nominando membra pudenda diuorum: in eo tamen falsitas est, quod cum illi nihil habeant vituperabile, maledici vituperatione vtuntur, ea contumeliose nuncupando. Et eodẽ pacto falsitas inest blasphemie imprecandi, cum maledicus ea diuis imprecatur, quæ eis euenire non possunt.

3 Quilibet autem potest ac debet accusare blasphemum: quia id crimen in maiestatem diuinam committitur, nec dissimulare debemus eius opprobriũ, qui probra nostra deleuit. Et vt Pius papa inquit: Si quis talem hominem non indicauerit, dubium non est, quin diuina condemnatione coerceatur. Et imperator Theodosius ait: Tutum non est, negligere diuinitatis iniuriam, & impunitum relinquere scelus. Et Chrysostomus in Mattheum homi. 5. operis imperfecti, enarrans verba illa Saluatoris nostri; Vade retro satana: In præcedentibus, inquit, non est exasperatus: sed

- sed quando diabolus Dei sibi præsumpsit honorem, iratus est, & increpauit eum, vt nos illius discamus exemplo, nostras iniurias illatas ab impijs magnanimiter sustinere: Dei autem iniurias nec vsque ad auditum sufferre. Quoniam in proprijs iniurijs esse quempia patientem, laudabile est: iniurias autem Dei dissimulare, nimis est impium. Et idem diuus alibi multa in eadem sententiam dixit ad populum Antiochenum. [hom. 1. c. in nonnullis. de Iudæis. c. si quis per capillum. 22. q. 1. c. si is qui. 23. q. 4. C. Theodos. l. 1. tit. 2. legum nouellarum.]
- 4 Non solum quicui vnus e populo accusare potest blasphemum, sed etiam iudices omnes eum punire debent: nam & iudices Pontificij & regij, & inquisitores quoque apostolici, pœnas blasphemis irrogant. Verum ab vno iudice punitus, ab alio non plectetur: id enim iniquissimum esset, multisque legibus prohibetur. [l. senatus. de accusatio. l. licet. §. vlti. nautæ, caupo. c. de his. de accusatio. c. presbyter. 81. distin.]
- 5 Cæterum blasphemus inique absolutus, aut remissius punitus ab aliquo iudice, puniri potest ab alio: ne quod in odium est constitutum, in fauorem eius conuertatur: quemadmodum id generaliter communi sententia traditur. [in l. placet. C. de sacrosan. eccle. in c. fœlicis. §. per hoc. de pœnis. lib. 6. Abba. Felinus. Augusti. Beroius. & cæteri in c. de his. de accusatio. Couar. l. 2. varia. resolutio. c. 10. Albertinus lib. de agnoscen. assertio. q. 25. conclu. 6.]
- 6 Notandum igitur animaduertendumque est, multas esse blasphemias, quarum punitio ad inquisitores pertineat: quales sunt, hæresibus confines, & quæ speciem hæresis præferunt. Sunt & aliæ plures, quæ nihil prorsus commun-
- ne habent cum hæresi: verbi gratia, si quis iurauerit per membra pudenda diuorum, vel impia iurandi consuetudine aliquid inconsiderate & inconsulte dixerit: is puniendus est a iudicibus regijs, aut ab ecclesiasticis ordinarijs, non autem ab inquisitoribus. [quinta instruct. Hispalen. cap. 4. Alfonso lib. 1. de iusta hære. punitio. cap. 12.]
- 7 Ex qualitate verborum & circumstantiis personarum, temporum, & locorum, magis ac magis nefaria & sacrilega blasphemia censenda est: illa uero est omnium leuissima, quæ inconsulto dolore profertur, & statim eâ dixisse pœnitent. [l. aut facta. de pœnis. glo. in c. denique. distin. 4. Ias. in l. si duo patroni. §. vlti. de iure iuran. Alberti. lib. de agnoscen. assertio. quæst. 27.]
- 8 Maximis autem blasphemijs annumeranda est, quæcunque dicta fuerit contra sacratissimam virginem: cuius rei exemplum memorabile Nicephorus retulit lib. 18. ecclesiast. hist. cap. 33. Græci quidam, inquit, siue gentiles, in cuiusdam domo conuiuantes, & vino sese inuitantes, post prandium, simularque fati adbiberant, blasphemare, & conuicijs proscindere Verbi matræ cœpere: postremum hoc computationi adhibentes studium, vt quæcunq; aliquis eorum excogitare posset absurda atque indigna, per ea ridens œconomix, & dispensationis salutis nostræ mysterio illuderet. Impietas ea postquam innouit, illi quidem condignas petulantis linguæ pœnas dedere: ædium autem dñs a sacris nostris non alienus, tum quidè periculum effugit. Non multo vero post, noctu ei dormienti in somnis Dei genitrix astitit: cui diligentius percunctanti, ecquid se, quænam esset, nosset: postquam ipse, nosse se eam professus est: illa ei cõtumeliarum indignitatem

- in memoriam reuocauit. Tum ille miser supplex illi esse, veniamque delicti petere: & netā cito morte mulctaretur, sed tēpus ei pœnitētię relinqueretur, orare. Illa daturā se hoc ei, neq; in præsētia ipsum ita morte pœnas luiturum, promittere: vimine autem, quod manu gestare videbatur, genua eius circumcirca veluti exarans, circumscribere. Id vbi factum, auolans ei postea non apparuit. At ille somno discusso membra ea, quæ vimine notata fuerant, statim ab reliquo corpore disrupta inuenit, recenti sanguine profluente, & in publicum productus iustum omnibus iudicium promulgauit. Qui vero id audierunt, laudes Deo, propter tam inopinatum miraculum, cantarunt: matrem itidem Dei celebrarūt, quæ ita semper christianorum genus tueretur, quæque nouo quodam modo affectionem erga nos suam, quamuis præter naturam eius sit, vt quemquam puniat, vi quadam adacta ostenderet, vt scilicet religio nobis stabilis & firma esset. hæc ille. Iustissima igitur lex regia est, quæ duplo maiorem pœnam imponit ijs, qui blasphemant, & vituperant beatissimam virginem, quam eis, qui cæteros diuos. [l. 3. tit. 28. parte. 7.]
- 9 Cum varia sit maledicorum culpa, varia quoque pœna illis imponi debet, vt pro mensura peccati sit & plagarum modus. Lex ait: Qui blasphemauerit nomen Domini, morte moriatur: quod & Iustinianus nouella constitutione sancit: legibus vero regijs, pro grauioribus blasphemijs lingua maledici amputatur, & pars bonorum eius publicatur; pro alijs autem, triginta diebus blasphemus in vinculis detinetur. Alia item & alia pœna iure pontificio in blasphemos constituta est. [Deutero. 25. Leuit. 24. Authen. vt non luxurien. c. si quis per capillum. 22. quæst. 1. c. 2. de maledi.]
- 10 Cæterum in iudicio inquisitorum hæc pœna vsu recepta est: vt pro atrocioribus blasphemijs maledicus plebeius trahatur in spectaculum publicum, infami quadam mitra capiti imposita, & lingua ligata, & sine chlamyde: & publice sententia pronuncietur, & confestim flagellis casus in exilium mittatur. Si vero blasphemus nobilior aut honestior fuerit, sine mitra illa pœnitentiam publicam similiter agit, & ad certum tempus in monasterium detruditur, & mulctam aliquam soluit: & nonnunquam propter suspicionem abiurare cogitur: honestiores enim fustibus cædendi non sunt. [l. capitalium. §. 1. ff. de pœnis.]
- 11 In alijs autem blasphemijs leuioribus, solent inquisitores damnare blasphemum, vt aliquo die festo in ecclesia, dum sacra solemnia celebrantur, stet nudo capite, sine chlamyde, sine crepidis & calceis, resti succinctus, dextra præferens ardentem facem: & sacris peractis legitur publice sententia, qua ieiunia quoque & preces inducuntur, & præterea mulcta aliqua punitur maledicus.
- 12 Atque ea quidem partim ex iure pontificio, partim ex veteri testamento deducta videri possunt. Nam & maledici pœnitentia huic fere similis est, quæ lege quadam pontificia continetur. Et in republica Hebræorum leprosus separatus ad arbitrium sacerdotis, habebat vestimēta disruta, caput nudū, os veste contextum. Et rex ille Dauid pœnitentiam agens, ascendebat cliuum oliuarum, scandens & flens, nudis pedibus incedens, & operto capite: sed & omnis populus, qui erat cū eo, operto capite ascendebat plorans. [c. 2. de maledi-

maled. Leuiti. 13. & 2. Reg. 15.]

13 Sed publica pœnitentia sacerdotibus imponenda non est, ne grex fidelium scandalum patiatur. Nam vt Constantinus Magnus prudentissime dixisse ferur, Non oportet sacerdotum peccata vulgo innotescere, ne illis offensi, ad delinquendum reddantur audaciores: author Theodoretus lib. 1. ecclesiast. hist. cap. 11. Huc accedit quod Leo ille ter maximus in epistola nonagesima scribit, apostolicam esse traditionem, vt ne sacerdotes publicam pœnitentiã agant. [c. de his. 50. dist. c. presbyter. 82. dist.]

14 Accedit etiam, quod publica & infami pœnitentia iniuncta maximo esset opprobrio sacerdotum dignitas, quæ quidẽ semper omnibus veneranda esse debet: quemadmodum Ambro. lib. de dignitate sacerdotali, Chrysost. lib. 3. de sacerdotio, alijque tradiderunt. Nec mirum id: nam & Aegyptij, & Græci iã olim sacerdotes suos in summa veneratione habuerunt: quod Plato in libro ciuili testatur, post alia dicens: Sacerdotũ & vatum ratio, magnanimitate, intelligentiaque & claritate abundat, propter eorum, quæ tractant, magnificentia. Quapropter apud Aegyptios non licet, regem absque sacerdotio imperare: & in plurimis Græcorum ciuitatibus reperies, præcipua sacra a magistratibus summis institui. Et Diodorus Siculus lib. 2. Aegypti vestigalibus trifariam partitis, priorem portionem percipit collegium sacerdotum, magna apud incolas autoritate, tum propter deorum curam, tum propter doctrinã, qua plures erudiunt: & immunes sunt sacerdotes omnes, secundumque post reges honoris dignitatisque locum tinent. Et, vt Statius Papinius lib. 5. sylvarum ait, Qui bona fide Deum colit,

amat & sacerdotes. [Prætereo Echium homilia. 59. de sacramentis, Brunum lib. 5. de legationib. cap. 6.]

15 Sed quamuis sacerdotes nõ agant pœnitentiam publicam, non tamen idcirco eorum blasphemix erunt impunitæ: imo tanto seuerius puniri debent, quanto clerici grauius quã laici delinquant. Vt enim Cyprianus libro de singularitate clericorũ inquit: Cum quid laicos decet, ne occasionem blasphemandi opponant: tum maxime clericos id vehementer constringit, quibus aut religio blasphemata, aut fraternitas perditæ, pœnas duplices irrogabit. Quod etiam confirmat Chrysost. in Matthæum hom. 38. operis imperfecti.

16 Itaque sacerdos blasphemus durius puniri debet, multa, ieiunijs, & orationibus: & præterea sacris interdicens est ad certum tempus, & in monasteriũ detrudendus. Nam vt communiter traditum est, in pœnis quæ ad corpus & estimationem non pertinent, grauius puniendi sunt honestiores, quam humiliores. [regia. l. 2. cum seq. tit. 28. parte. 7. Barto. in l. quædam. de pœnis. Felinus in c. cum quidam. de iure iurando. Tiraquel. de nobilitate cap. 20. nu. 120. vide Ioan. Bernar. in præct. cap. 103.]

17 Sunt qui putant blasphemum absolutum in foro conscientix, puniendum non esse in foro iudicij: cuius opinionis causam afferunt nec probabilem, nec satis idoneam: quod blasphemus absolutus a sacerdote, pacem habet cum Deo, quem in primis offenderat. [Bartolus consil. 167. Ancha. & Ana. in cap. 2. de maledi. Felinus. c. de his. de accusatio. de eius consil. 137.]

18 Atqui ea opinio si vera esset, multa cõsequerentur absurda: nam & apostata, & hæreticus, & idolatra, & quicumque Deum palam offenderet, absolutus a

D parocho,

parcho, puniri nō posset a iudice: quo
quid absurdius dici, cogitative potest?
præsertim cum forum illud arcanum,
nihil commune habeat cum foro iudi-
ciario. Merito igitur ac iure istorum
opinio alijs displicuit, quibus assen-
tior. [Ias. in lib. 3. §. iurari. de iure iu-
ran. Matth. in constit. Siciliæ. lib. 3. ru-
bri. 54. Couar. lib. 2. varia. resol. c. 10.]
19 Siquis autem eodē impetu plures bla-

sphemias dixerit, durius quidem puni-
dus est, sed vna tantū pœna, quia vnum
duntaxat crimen committit. [l. inficiē-
do. §. infans. ff. de furt. glos. in l. nun-
quam plura. ff. de priua. deli. Cepola
consil. criminali. 77. Alciat. in. c. cum
non ab homine. de iudi. num. 33. Co-
uar. lib. 2. variarum resolutionum. c.
10. Boherius decif. 301. Hippolytus in
l. ult. ff. de fcar.]

De bonis hæreticorum Titulus IX.

S V M M A R I U M.

1 **H**æreticorum bona iure optimo pu-
blicantur.

2 Hæreticorū bona cur publicari oporteat.

3 Hæreticorum bona filijs eorum catholi-
cis olim relinquebantur.

4 Hæreticorum filios egestate laborare, rei
pub. interest.

5 Hæreticorum filijs bona adimere, acer-
bum & inhumanum non est.

6 Lex, qua sancitum est, vt filij eorum, qui
rei sunt læsæ maiestatis, parentum bo-
nis priuentur, non est abrogata.

7 Hæreticorum bona iure publicari, con-
cluditur.

8 Hæreticorum fundus seruiens, vel is cui
debetur seruitus, si publicetur, vtroq;
casu durant seruitutes.

9 Hæreticorum bona, quæ ipsi mortis cau-
sa donauerint, cum ceteris eorum bo-
nis ad fiscum etiam pertinent.

10 Donatio inter maritum & uxorem reuo-
catur, si post mortem mariti memoria
propter hæresim damnetur.

11 Hæreticis quæcunque ex contractu con-
ditionali debentur, quomodo ad fiscū
pertineant.

12 Bona omnia uxoris de hæresi damnatæ
publicantur.

13 Peculium castrense filij hæretici, con-

fiscatur.

14 Peculium castrense proprium est filij fa-
milias.

15 Filij familias, qui de hæresi damnan-
tur, peculium castrense confiscandum
esse concluditur.

16 Bona materna filij familias hæretici ad
fiscum pertinent, tametsi ille in patris
sit potestate.

17 Peculium profectitium, quod patris est,
bonis eius publicatis, etiā confiscatur.

18 Filij familias bonis publicatis, vsus fru-
ctus patri debitus confiscatur.

19 Vsus fructus bonorum, quæ rogatus erat
hæreticus restituere post mortem suam
fisco adiudicandus est, quoad hæreticus
moriatur.

20 Hæretici prædium quod censum debet ec-
clesiæ confiscatur, salvo iure pensionis
præstandæ.

21 Hæretici bona an publicanda sint ab eo
die, quo in hæresim incidit.

22 Donationes ab hæretico quantumvis oc-
culto factæ, cur pondus non habeant.

23 Dotes etiam a fisco reuocantur, quas fi-
lij donant hæretici.

24 Dotes ab occultis hæreticis filijs sancti-
monialibus datæ, fisco vendicantur.

25 Hæreticus ex quo die tale crimen cōtra-

- xit nihil ex bonis suis alienare potest.
- 26 Bona hæretici qui defecit in purgatione, aut propter contumaciã damnatus est, a quo die publicanda sint.
- 27 Fiscus vendicans res ab occulto hæretico venditas, an pretium teneatur restituere.
- 28 Hæreticus occultus qui bona sua vedit, peccat.
- 29 Emptori, qui bona fide cum occulto hæretico contraxit, quando pretium sit restituendum.
- 30 Emptori quacunque pars numorum reperiatur restituenda est.
- 31 Emptori reddenda est etiam pecunia, si ex ea factus sit hæreticus locupletior.
- 32 Emptori reddendi sunt etiam numi, si illis hæreticus res suas meliores fecerit.
- 33 Emptori restituenda est adhuc pecunia, si ex ea occultus hæreticus suis creditoribus soluerit.
- 34 Emptori pretium etiam restituitur, cum in hæretici rem versa est pecunia, vel tantundem consumpturus esset hæreticus ex bonis suis.
- 35 Pecunia mutuo data occulto hæretico, qua seipsum & familiam aluit, restitui debet creditori.
- 36 Pecunia reddenda est emptori, si ea hæreticus ædificauerit, aut simile quid fecerit.
- 37 Pecunia similiter reddenda est, quam in suam, aut suorum valetudinem, occultus hæreticus impenderit.
- 38 Pecuniam, in qua re sufficit impensam esse ab occulto hæretico, ut emptori restituatur.
- 39 Emptor qui seruatis solemnitatibus emerit, nihil præterea probare tenetur.
- 40 Probatio dilucida exigenda ab eo non est qui bona fide rem aliquam ab occulto hæretico emerit.
- 41 Pecuniam qui mutuo dederit ciuitati & ecclesie, an sit perspicue probaturus in earum vtilitatem versam esse.
- 42 Pecuniam qui ignorantia insuperabili occulto hæretico mutuo dedit, est satis, si probabili cõiectura ostendat in rem hæretici versam esse.
- 43 Pecunia occulto hæretico inopia laboranti mutuata, quãdo ex bonis hæretici publicatis restitui debet.
- 44 Pecunia reddenda est creditori, si is probarit, occultum hæreticum, quo tempore illam ab eo mutuatus est, ea indiguissse.
- 45 Probatis extremis, media quoque probata esse videntur.
- 46 Pecuniam versam esse in hæretici vtilitatem, creditorem ius nunquam grauandum esse præcipit, ut probet.
- 47 Probatio impossibilis nunquã exigitur.
- 48 Probationem debere necessario concludere, quomodo intelligendum sit.
- 49 Pecuniam in rem hæretici versam esse, quando sit verisimile.
- 50 Pecuniam creditoris in rem hæretici esse versam, quibus insuper coniecturis fiat probabile.
- 51 Emptori, qui bona fide ab occulto hæretico aliquid emit, quid sufficit probare, ut ei numi soluti restituantur.
- 52 Pecunia cur emptori & creditori restituenda sit in aliquibus casibus.
- 53 Fiscus in dubijs quæstionibus non magna habenda est ratio.
- 54 Fiscus sub optimo principe sæpenumero vincitur.
- 55 Fisco in rebus certis fauere decet.
- 56 Bona ab occulto hæretico alienata a quo tempore reuocanda sint a fisco.
- 57 Vxor, si quidpiam alienauerit inscio viro, & in heresim postea inciderit, id omne reuocabit fiscus.
- 58 Bona ab hæreticis alienata cum fructibus restituere teuentur malæ fidei possessores.
- 59 Possessores bonæ fidei post litem contestatam,

- statam, & controuersiam motam, incipiunt mala fidei possessores esse.
- 60 Emptoribus & creditoribus sola rei confessio nocere non potest in probatione temporis, ex quo in hæresim incidit.
- 61 Bona futura non confiscantur.
- 62 Iura conditionalia ex vltima voluntate pendentia, si conditio extiterit post hæretici condemnationem, ad fiscum non transeunt.
- 63 Alimenta non publicantur.
- 64 Confiscatio bonorum hæretici non debet alijs esse damnosa.
- 65 Bona aliena inter hæretici bona reperta legitimis dominis sunt restituenda.
- 66 Fiscus dotem vxori reddere debet, marito impietatis damnato.
- 67 Vxori hæretici quomodo dos restituenda sit.
- 68 Dotis numeratio quo pacto probari conueniat.
- 69 Fiscus qui successor est mariti damnati, vti potest aduersus vxorem exceptione dotis non numerata.
- 70 Bona parapherna vxori restituenda sunt.
- 71 Vxori dimidia pars lucrorum, quæ regijs legibus communia sunt coniugum, restituenda est.
- 72 Arrhæ & donationes propter nuptias vxori datæ, marito hæresis damnato, non confiscantur.
- 73 Vxor, quæ sciens nupsit hæretico, an sicut priuatur dote, sic etiã priuatur arrhis.
- 74 Bona quæ sita constante matrimonio inter coniuges, an diuidenda sint inter fiscum & vxorem, quæ sciens nupsit hæretico.
- 75 Vxor an fundum dotalem repetere possit a fisco, quem maritus ea consentiente & iurante vendidit, deinde fiscus vendicauit.
- 76 Donationes factæ vxori a cõsanguineis viri sui, quando publicari possint propter hæresim mariti, & quando non.
- 77 Donatio facta filio arrogato, & vni ex socijs, non publicatur propter alterius hæresim.
- 78 Donatio legatis facta, si ipsi in hæresim incidant, publicanda est, nisi expresse aliud sit adiectum donationi.
- 79 Filij familias bona, quæ post patris mortem ei debentur, publicari non possunt.
- 80 Filio familias impietatis damnato, non publicatur peculium profectitium ei a patre concessum.
- 81 Patrefamilias hæretico damnato, non confiscatur vsus fructus, quem habuit in bonis filij aduentitijs.
- 82 Maritus an possit alienare partem dimidiam lucrorum, legibus quæ regijs ad vxorem pertinent, si tempore alienationis vxor hæretica sit.
- 83 Maritum, si occultam vxoris hæresim ignoret, probabile est supra dicta bona alienare posse.
- 84 Fides bona & ignorantia in dubio præsumitur.
- 85 Probandi onus lex regia in eum transfert, qui dixerit, alienationem lucrorum dolo aut fraude a marito esse factam.
- 86 Maritus donare non potest ea lucra, quæ legibus regijs ad vxorem pertinent.
- 87 Hæreticus ecclesiæ reconciliatus, cuius bona sunt publicata, an partem dimidiã lucrorum, quæ vxori eius adiudicata sunt, ipsa inuita alienare possit.
- 88 Bona ecclesiæ publicanda non sunt propter hæresim clerici.
- 89 Bona clerici hæretici, quæ ex ecclesia, vel eius respectu acquisierit, publicari non debent.
- 90 Fructus beneficiorum quos clerici possident, propter ipsorum hæresim publicari possunt.
- 91 Patrimonium & alia bona clerici hæretici, an ad episcopum pertineant.
- 92 Bona clerici hæretici ad fiscum pertinent.
- 93 Bona restitutioni subiecta quæ possidebat hæreti-

hereticus non publicatur.

- 94 Hereticus si rogatus sit aliquid filio suo restituere, id a fisco illi restituendum est.
- 95 Ius patronatus ecclesiasticum, patroni bonis publicatis, utrum ad fiscum pertineat
- 96 Ius patronatus non publicatur.
- 97 Emphyteusis hominis privati in fiscum transit propter heresim emphyteutę.
- 98 Emphyteusis ecclesiastica, an transeat in fiscum, publicatis bonis emphyteutę.
- 99 Ecclesię res in emphyteusim data, an trāfire possit ad heredem extraneum.
- 100 Emphyteusis ecclesię ad extraneos successores peruenire non potest.
- 101 Emphyteusim ecclesię ad extraneos successores peruenire posse, alij opinantur.
- 102 Emphyteusis rei ecclesiasticę, quando ad extraneos heredes & fiscum non transeat.
- 103 Emphyteusis rei ecclesiasticę, quādo ad extraneos heredes & fiscum transeat.
- 104 Ecclesia potest rem suam in emphyteusim datam recuperare.
- 105 Ecclesię optio datur, ut intra biennium deliberet, an velit habere fiscum in emphyteutam.
- 106 Ecclesia virum possit restituere aduersus lapsum huius biennij.
- 107 Emphyteusis an reddenda sit ecclesię cū meliorationibus, ita ut nihil pro eis fisco soluat.
- 108 Emphyteusis quando sit ecclesię restituenda cum meliorationibus.
- 109 Emphyteusis propter heresim possessoris confiscata, cur ad ecclesiam cum meliorationibus redire debeat.
- 110 Emphyteusis dominus quid reddere teneatur, cum ei fundus cum meliorationibus traditur.
- 111 Emphyteusis dominus cum fundus ei redditur cum meliorationibus, an compensare debeat impensas cum fructibus perceptis.
- 112 Emphyteusis dominus non debet com-

pensare impensas cum fructibus perceptis, si is qui fecit impensas, bonę fidei possessor erat.

- 113 Possessor malę fidei, & is qui bona fide possidebat, post litem contestatam, cū fructibus perceptis compensare debent meliorationes.
- 114 Compensatio meliorationum cum fructibus perceptis, quatenus facienda sit.
- 115 Fructus percepti a malę fidei possessore, si plures sint quam meliorationes, quo pacto compensatio sit facienda.
- 116 Fructus percepti a bonę fidei possessore, post litem contestatam quo pacto non sint restituendi, ut quidam sentiunt.
- 117 Fructus percepti a bonę fidei possessore, post litem contestatam quando sint restituendi.
- 118 Aliena in re qui magnas impensas facit, quo pacto rei domino satisfacturus sit.
- 119 Aliena in re cum quis magnas impensas facit, quid cum rei domino tunc agendum sit, iudicis arbitrio potissimum committendum est.
- 120 Feudum quod hereticus habuit, quo pacto confiscari non possit.
- 121 Creditoribus heretici ante eius heresim, fiscus satisfacere debet ex publicatis bonis.
- 122 Creditoribus heretici quantopere fiscus teneatur satisfacere.
- 123 Tutore confiscato, aut prodigi vel furiosi curatore aduersus fiscum cui danda sit actio.
- 124 Hereditas adita ab occulto heretico an acquiratur fisco.
- 125 Hereditatem an hereticus adire possit, quę ei defertur cum iam heresim confessus est, quamuis nondū sit absolutus.
- 126 Confiscationis executio quando facienda sit in bonis hereticorum.
- 127 Confiscationis ius, si duo sint domini temporales alter inferior, alter superior, utri eorum pertineat.
- 128 Con-

128. Confiscationis ius quando inferiori domino pertinere potest.
- 129 Bona heretici ad regē illius regni pertinent, in quo ipsa reperta fuerint.
- 130 Actiones in rem ubi sint.
- 131 Actiones in personam ubi nam sint.
- 132 Bona hereticorum quo pacto olim diuidebantur.
- 133 Bona hereticorum vsu capi possunt etiā contra ecclesiam Romanam, tempore quadraginta annorum.
- 134 Prescriptiōe quinquenij, aut certe uiginti annorū vtrū fiscus submoueri possit.
- 135 Bona quæ in singulos annos heretico debentur quando confiscari possunt.
- 136 Bona quæ in singulos annos heretico debentur quando publicari non possunt.
- 137 Quæstiones tres deciduntur.
- 138 Domicilij ne an loci ubi contractum fuit matrimonium habenda sit ratio in confiscandis bonis constante matrimonio quesitis.
- 139 Pacta conuenta in contractu matrimonij de lucris constante matrimonio acquirendis, seruanda omnino sunt.
- 140 Loci consuetudo ubi matrimonium fuit contractum, quando considerata, in lucris inter virum et uxorem quesitis.
- 141 Loci consuetudo quando absque dubio vim habeat.
- 142 Vlpiani responsum, quo ait, inspiciendū esse locum domicilij mariti, non illū ubi contractum fuit matrimonium, aut dotale instrumentum conscriptum.
- 143 Vlpianus quid hoc responso voluerit.
- 144 Locum contractus nō inspicere debere, sed locum domicilij mariti, speciale esse in contractu matrimonij, communis est sententia.
- 145 Vlpiani sententia de loco domicilij mariti aliter explanatur.
- 146 Vlpiani prædictum responsum quando locum non habeat.
- 147 Loci ne consuetudo in quo bona inter coniuges multiplicata sunt, an loci ubi domicilium habent, inspicere debeat in confiscatione bonorum.
- 148 Leges & consuetudines illarum prouinciarum seruari debent in bonorum confiscatione, in quibus prædia & alia bona omnia consistunt.
- 149 Leges & consuetudines prouinciarum in quibus prædia sunt, esse seruandas iuris periti omnes tradunt.
- 150 Leges & consuetudines non extendunt vim suam extra territorium.
- 151 Leges & consuetudines territorijs esse terminatas, exemplis illustratur.
- 152 Loci consuetudinem in quo matrimonium fuit contractum, tamen postea coniuges in aliam prouinciam migrauerint, aspiciendam esse, lege regia generaliter cautum est.
- 153 Consuetudo Cordubensis, qua quicquid alter ex coniugibus acquirit, sibi soli acquirit, odiosa non est.
- 154 Consuetudinem, qua lucra fiunt communia, exorbitantem, & contra ius esse, nonnulli tenent.
- 155 Lex regia, de lucris factis inter virum & uxorem quo pacto intelligenda.
- 156 Consuetudo fauorabilis quando extendenda.
- 157 Hereticus nondum a iudice condemnatus, neque ab aliquo accusatus, vtrum teneatur in foro conscientie bona sua omnia fisco offerre.
- 158 Alfonso Castri sententia in questione illa, vtrum hereticus nec damnatus, neque accusatus, bona sua fisco offerre teneatur in foro conscientie.
- 159 Alfonso Castri tria argumenta, quibus prædictam questionem difficilem reddit.
- 160 Alfonso Castri alia argumenta in hanc eandem sententiam.
- 161 Alfonso Castri de hac re primum dūtaxat argumentum fortissimum est.
- 162 Hereticum adhuc non damnatum, neque accusa-

- accusatum, debere bona sua fisco offerre in foro conscientie, cui fundamento innitatur.
- 163 Declaratoria sententia in hæreticum, quo pacto accipienda.
- 164 Declaratoria sententia vim expressæ condemnationis habet.
- 165 Declaratoria sententia propter quid requiratur.
- 166 Sētētia necessaria est in crimine notorio.
- 167 Bona sua fisco tradere, quid sit quod reum obliget.
- 168 Lex condemnans vniuersos hæreticos, nihil aliud esse videtur, quā generalis quēdam sententia principis aduersus hæreticos omnes.
- 169 Lex humana non habet maiorem potestatem, quam princeps.
- 170 Hæreticus licet sibi ipsi sit conscius, nō tenetur ad executionem pænæ in se faciendam in foro conscientie, donec a iudice iure sit damnatus.
- 171 Alfonsi Castri tertium argumentū inane prorsus est.
- 172 Alfonsi Castri confirmatio, qua tertium argumentum fulcit.
- 173 Possessio hæretici ante sententiam non est iniusta.
- 174 Fiscus non potest occupare bona hæretici ante latam sententiam.
- 175 Fiscus possessio in bonis hæretici ante latā sententiam violenta & iniusta est.
- 176 Fiscus, si ante latam sententiam bona occulti hæretici inuaderet, teneretur furti actione.
- 177 Iuris regula, qua habetur, quod a quoq̃ pænæ nomine etc. quo pacto intelligēda.
- 178 Decius & Montanus quomodo recte dixerint, neminem cogendum restituere in foro conscientie, quod pænæ nomine a quoquam exegerit.
- 179 Alfonsus Castus perperam pro se adducit Innocentium & Baldum asserentes in executione non esse cognitionem aliquam necessariam.
- 180 Executio ante latam sententiam facta, reprobata & iniusta est.
- 181 Alfonsi Castri quartum argumentum debile & infirmum est.
- 182 Alfonsus Castus fortius urget illis verbis quæ in fine argumenti quarti adducit.
- 183 Alfonsi Castri quartum argumentū quo modo primo possit dilui.
- 184 Alfonsi Castri quartum argumentū quo pacto secundo diluatur.
- 185 Alfonsus Castus in quarto argumento quo pacto occurri possit.
- 186 Exactio aliquando iusta esse potest, & illū a quo inuito pecunia exigitur, eā restituere non teneri in foro conscientie.
- 187 Hæreticus verum atque naturale dominum habet bonorum suorum.
- 188 Possessio hæretici iusta est, & iure pontificio illis relinquitur & defenditur.
- 189 Alfonsus Castus quid sexto suo argumento nitatur probare.
- 190 Alfonsi Castri opinionem qui authores sequantur.
- 191 Alfonsi Castri argumento primo & omnium fortissimo respondetur, motis prius tribus questionibus.
- 192 Alfonsus Castus censet legē ferri posse, qua reus ad penam subeundam obligetur in foro conscientie.
- 193 Alfonsus Castus quomodo primo responderi possit.
- 194 Alfonsus Castus quo pacto secundo respondetur.
- 195 Alfonsus Castus asserit ecclesiam posse leges condere de quacunque re, quæ non sit contra ius naturale aut diuinū.
- 196 Leges quare ferri nō possunt de quacunque re, quæ non sit contra ius naturale aut diuinum.
- 197 Alfonsi Castri opinio reiicitur, dum existimat ecclesiam posse leges condere de quacunque re, quæ contra ius naturale aut diuinum non sit.

- 198 *Alfonsus Castrus quomodo suam opinionem secundo corroboret.*
- 199 *Alfonsus Castrus quo pacto suam opinionem tertio confirmet.*
- 200 *Alfonsus Castrus quomodo suam opinionem quarto fulciat.*
- 201 *Alfonsus Castrus quomodo suam opinionem quinto stabiliat.*
- 202 *Alfonsus Castrus quo pacto quintum argumentum roborat.*
- 203 *Leges usucapionis & prescriptionis pœnales esse, nullo iure probatur.*
- 204 *Usucapio ad quid fuerit introducta.*
- 205 *Alfonsus Castrus quid sexto afferat ad defensionem suae sententiae.*
- 206 *Alfonsi Castri opinio quomodo septimo probetur.*
- 207 *Alfonsi Castri octauum argumentum parui ponderis.*
- 208 *Clerico, qui per sex menses pretermiserit lectionem officij canonici, quā pœnam imponat Lateranense concilium.*
- 109 *Pœnarum diuisio posita a Bonifacio octauo.*
- 210 *Ecclesia non potest condere legem, quæ sub pœna peccati mortiferi præcipiat reo, ut meram pœnam in seipsum exequatur in foro conscientiae, priusquam damnetur.*
- 211 *Legislatori non licet condere legem, quæ reum obliget in foro conscientiae, ad magnam aliquam pœnā in seipsum exequendam.*
- 212 *Legislatori legem condere non expedit, quæ hæreticus (licet id fieri possit) obligetur in foro conscientiae bona sua omnia non accusatus offerre fisco.*
- 213 *Legislatori, quare huiusmodi legem condere non conueniat.*
- 214 *Leges non sint condendae nisi de his tantum rebus, quæ necessariae sunt ad reipublicae tranquillitatem.*
- 215 *Hæretici, quare in foro conscientiae non obligantur, ut antequam condemnentur, bona sua fisco offerant.*
- 216 *Rei se ipsos prodere in publicum non tenentur.*
- 217 *Lex, aut magistratus occulta crimina punire non possunt, sine accusatore.*
- 218 *Legem, aut magistratum occulta crimina punire nō posse sine accusatore, Redemptor noster ostēdit apud Ioan. c. 8.*
- 219 *Crimina omnia, etiam si publica sint, legibus puniri non oportet.*
- 220 *Leges quales condere oporteat.*
- 221 *Leges quid amplius continere debeant.*
- 222 *Lex durissima esset, quæ reum cogeret in foro conscientiae, ad offerenda fisco omnia sua bona.*
- 223 *Bonorum omnium iactura solet morti equiparari.*
- 224 *Lex condenda non est de re nimium difficili, sicuti nec de impossibili.*
- 225 *Legis, quæ reos obligaret in foro conscientiae ad offerenda fisco omnia sua bona, durities ostenditur.*
- 226 *Lex prædicta, cur vel ferri non potest, vel certe nullo modo ferri debet.*
- 227 *Legislator nunquam existimandus est velle, nisi quod possibile, iustum, bonum, & equum fuerit.*
- 228 *Alfonsi Castri primum argumentum.*
- 229 *Alfonso Castro multifariam responderi potest.*
- 230 *Lex fieri non potest, per quam hæreticus obligetur in foro conscientiae, ut ante sententiam teneatur omnia sua bona fisco tradere.*
- 231 *Legis pontificiae verba, quæ decernit bona hæreticorum ipso iure confiscata esse.*
- 232 *Lex, quæ inquit, statim dominium bonorum desinat eius esse qui crimen commisit, & fisco acquiratur, quomodo intelligenda.*
- 233 *Dominia rerū quo pacto acquirēda sunt.*
- 234 *Hæreticū nō teneri ante latam sententiā bona sua in foro conscientiae fisco offerre duo-*

- re duobus argumentis conuincitur.
- 235 Leges magistratibus egent alijsque ministris: neque enim sufficit aliquid per legem statutum esse, ut illud statim fiat nemine petente.
- 236 Iudex nihil facere debet ad priuatam utilitatem, nisi is cuius interest, id prius postulauerit.
- 237 Legis hæc verba, ipso iure, non tantam vim habent, ut executio statim a lege fiat parte non petente.
- 238 Legis hæc verba, ipso iure, quid valeant & significant.
- 239 Legis hæc verba, ipso iure, si aliter intelligantur, quid inde sequitur.
- 240 Verba hæc, hæreticorum bona ipso iure decernimus confiscata: quid significant.
- 241 Fiscus, propter actionem competentem ad petenda hæreticorum bona, intelligi quodam modo potest esse dominus illorum bonorum ipso iure.
- 242 Dñi duplex eiusdem rei inueniri potest.
- 243 Verba improprie accipi tolerabilius, imo etiam rectius & iustius est, quam quod operentur absurdum.
- 244 Lex non inuenitur, quæ prohibeat hæretico, ne bona sua retineat.
- 245 Hæreticos obligatos esse ad rerum suarum restitutionem varijs argumentis probare volunt nonnulli.
- 246 Hæreticos obligari ad rerum suarum restitutionem secundo probatur.
- 247 Legem iustam quomodo intelligendum obligare in foro conscientie.
- 248 Forum conscientie quantum differat a foro civili.
- 249 Iuris periti sapissime docuerunt, neminem obligatum esse ad pœnam in se ipsum exequendam.
- 250 Responsio ad duas leges regias, quæ obligant expresse ad pœnam in foro conscientie præstandam.
- 251 Legislator nõ obligat nominatim hæreticum in foro conscientie, ad offerendũ
- si õte bona sua fisco, neq; id facere põt.
- 252 Primogenitorum bona (quæ vulgo maioratum vocant) an propter hæresim possidentis confiscentur.
- 253 Primogenita tripliciter fieri solent, ex quibus quæ principis cõcessu sũt, cõfiscari possunt ppter hæresim possessoris.
- 254 Primogenita, licet rex nominatim concedat ut publicari nequeant propter hæresim, Galindus tamen censet posse confiscari.
- 255 Primogenitis aliquando relinquuntur bona in testamento aut contractu sine decreto principis.
- 256 Primogenitorum institutor si hæreticus deprehendatur, priuabitur illico illis, & alijs bonis.
- 257 Primogenita legis regie concessu, sub ea conditione relicta, ut ne propter hæresim primogeniti cõfiscari queant, an confiscari possint.
- 258 Primogenita prædicta confiscari possunt propter hæresim possessoris.
- 259 Rex hæreticus nõ solũ regno eiicitur, sed et eius filij a regni successione pellũtur.
- 260 Feudi argu. ad primogenita recte ualet.
- 261 Primogenitus vere dominus est illorum bonorum perinde atque aliorum, quæ pleno iure acquisierit.
- 262 Bona subiecta restitutioni, quæ alicui, certaue personæ relicta sunt, quare non confiscantur.
- 263 Maioratus institutores quid præcipiant in illis instituendis.
- 264 Bona etiã restitutioni subiecta, & alienari prohibita quãdo possunt alienari.
- 265 Lex regia, quæ cõcedit generaliter omnibus ut in tertia et quinta bonorum parte possint quacũque velint vincula et onera ponere, huic sententiæ nõ repugnat.
- 266 Princeps, qui facultatem condendi primogenita tribuit, semper excipere solet, ut propter hæresim & læse maiestatis crimen ea publicari possint.

- 267 *Morientium voluntates quo tēpore valeant & quomodo.*
 268 *Pænæ magna pars hereticis debite in bonorum publicatione consistit.*
 269 *Princeps, qui facultatem dat ut primogenita obligentur & alienentur, ea potest confiscare in heresis vindictam.*
 270 *Primogenita, si confiscari non possent, que absurda sequerentur.*
 271 *Primogenita confiscari posse in damnū filiorum qui concedunt, & minime in præiudicium transversalium, improbantur.*
 272 *Maiores bona quando publicari non posse quidam asseuerabant.*
 273 *Primogenita an confiscentur cum de origine illorum non constat, tractatio superuacanea est.*
 274 *Primogenita confiscari non posse, quando nonnulli sentiant.*
 275 *Primogenita, quo casu confiscari nequeant.*

De bonis hæreticorum.

- 1 **B**ONA omnia hæreticorum iustissime publicantur, ne sint fomenta malorum, & scelerum instrumenta. Scribit enim verissime Plato lib. 4. de legibus, bona externa sine virtute, non modo nihil iuare, sed esse quoque damnoſa: & quæ in sceleratis hominibus aliud non sint, præter paratissima flagitijs, magnisq; malis instrumenta. Aristoteles quoque lib. 2. magnorum moralium, inquit: Ne languori corpus incumbat, volens conualeſcere, aquam prius & inediam exhibet: ita qui nequam habuerit animam, ne quippiam mali exerceat, ei opulentia, & imperium, & dominatus & omnino alia id genus sunt auferenda: ac tanto id magis, quanto mobilior mutabiliorque est corpore anima. Item Demosthenes oratione aduersus Midiam: Magnam pecuniam in hominis confidentis & improbi manu relinquere, id est ense illi porrigere, quo iugulemini. At si ei res familiaris adimatur, fortasse fiet in posterum modestior.
- 2 Accedit illa quoque causa, ut improborum audacia coerceatur formidine pœnæ. Ut enim Tryphonius ait: Male me

- ritus publice, ut exemplo alijs ad deterrenda maleficia sit, etiam egestate laborare debet: etenim nemo est, qui non speret, fugiendo & latitando, pœnam vitare posse. quid enim saluis infamia numis? Bonorum vero publicationem omnes homines, præsertim diuites, formidare vehementer solent. Quamobrem sapientissimi legum latores grauiora quæque crimina publicatione bonorum frequentissime puniunt, & cū olim locupletes eo facilius scelere se obligarent, quod integris patrimonijs exulabant, parricidas, ut Cicero scribit, bonis omnibus; reliquos, dimidia parte mulctarunt. Author Suetonius in Iulio Cæsare [cap. 42. l. bonafides. ff. de positi.]
- 3 Sed olim bona hæreticorum filijs eorum catholicis relinquebantur: quod quidam iustius esse aiunt, quam id quod hodie constitutum est. [l. Manichæos. l. cognouimus. authen. idem est. C. de heretici. c. Iudæi. r. q. 4. Corasius in. l. qui liberos, de ritu nuptia.]
- 4 Horum benignus affectus laudandus quidem est: expedit tamen reipublicæ, ut filij quoque hæreticorum egestate laborent. Merito igitur antiqua illa iura sunt abrogata: quamuis non desint, qui

- qui putent, ea hodie seruanda esse: verum opinio eorum communiter damnata est. [authen. Gazaros. C. de hereti. l. vlti. C. de bonis proscripto. glo. & omnes in. c. cum secundum. de hære. li. 6. Henricus & cæteri in. c. vergentis. Aluarotus post alios in. §. Gazaros. de statu & consuet. li. feudo. Fortunius in l. Gallus. §. & quid si tantum. Lupus in c. per uestras. §. 72. Bru. lib. 5. de hæreti. c. 6.]
- 5 Nec id acerbū aut crudele videri debet, cum pater non minus bonorum dominium habeat, quam si pater non esset: nec sit ideo minus puniendus, quia pater est. Accedit huc, quod pater pro libidine bona sua perdere & consumere potest: quid est igitur, quamobrem propter maximum scelus publicari nō queant? Accedit etiā, quod eius bona, qui lædit humanam & temporalē maiestatem, iustissime confiscantur, sine vllō filiorum respectu: quanto rectius publicari debent heretici patris bona, qui diuinam & æternam maiestatem impie lædit? Postremo, multorum patrum bona, qui heretici & impij esse putabantur, iam olim publicata sunt, vt in ecclesiastica historia proditur. [c. cum secundum. de hæreti. lib. 6. authen. Gazaros. C. eo. tit. Eusebius lib. 6. eccles. hist. c. 2. Nicephorus lib. 5. cap. 4.]
- 6 Nec audiendi sunt Budæus & Igneus, qui opinantur, Honorij & Arcadij constitutionem, qua filij eorū, qui rei sunt læsæ maiestatis, parentum bonis priuantur, abrogatam esse recentiore lege eorundem imperatorum, qua generaliter est constitutum, vt peccata suos teneant authores. Nec enim verisimile est, quod tam celebris constitutio verbis generalibus sublata fuerit: quod Arnaldus Ferronus, & Ioannes Robertus, & Franciscus Duarenus mecū sen-
- tiunt. Adde quod regijs legibus septipartitis id ipsum reuocatum est. [l. quisquis. C. ad leg. Iul. maiest. l. sancimus. de pœnis. Budæus in. l. 1. ad le. Iul. maiesta. Igneus in. l. vlti. ad Sillania. Ferronus in consuetudi. Burdigalen. tit. de furibus. §. 3. Ioa. Robertus lib. 2. sententiarum iuris c. 22. Duarenus lib. 2. disputa. anniuersari. c. 24. regia. l. 2. tit. 2. & l. 9. tit. 31. parte. 7.]
- 7 Iure igitur ac merito bona omnia hereticorum ipso iure publicantur, mobilia, immobilia & mouentia: iura quoq; & actiones, & iura sepulcrorum. [c. cum secundum. de hæreti. lib. 6. l. bonorum & l. mouentium. de verb. sign. l. 1. §. interdum. ff. de suis & legit. hæredib.]
- 8 Quod si fundus seruiens, vel is, cui seruitus debetur, publicetur, vtroque casu durant seruitutes: quia cum sua quisque conditione fundus publicatur. [l. via cōstitui. ff. de seruitu. præd. rust.]
- 9 Si autem aliquis mortis causa donauerit, & in hæresim inciderit, ac bona eius confiscata fuerint, reuocatur donatio vt imperfecta, & cum cæteris heretici bonis ad fiscum pertinet: quia donationes causa mortis vice legatorū funguntur. [l. 3. §. pen. ff. de bonis liberto. l. 1. §. 1. siquid in frau. patro. l. si aliquis. l. & si debitor. l. illud. ff. de mortis causa donat.]
- 10 Si maritus vxori donauerit, & post mortē propter hæresim memoria eius damnata sit, reuocabitur donatio: quāuis ea, quæ alijs donauerit, valeant. Nec enim impij morte donatio inter virum & vxorem confirmatur. [l. cum hic status. §. si maritus vxori. ff. de donatio. inter virum & vxor.]
- 11 Sed etsi aliqua heretico ex contractu cōditionali debeantur, ad fiscum quoque pertinent, existente conditione, &

- ius conditionis implendæ ad fiscum transit, si modo fiscus commode conditioni parere possit, vt Leiuia noster copiose tradit: [l. inter socerum. §. vltimo. ff. de pact. dora. l. qui balneum. l. potior. qui potio. in pigno. habean. l. necessario. ff. de peri. & commo. rei vendi. l. qui in fraudem. ff. qui & a quib. l. is cui. ff. de obliga. & actio. Marianus Soci. in .c. vlti. de hæreti. Couar. lib. quest. c. 39. Anton. Gome. lib. 3. commenta. c. vlt.]
- 12 Omnia bona vxoris impietatis hæresisque damnatæ, publicantur, siue dotalia sint bona, siue parapherna, siue donationes illæ, quas Hispani vocamus, arrhas, siue lucra, quæ regijs legibus ad vxores pertinent. Sed omnes actiones saluas habet maritus contra fiscum, & in id, quod facere possit, duntaxat condemnandus est. [l. si maritus. ff. solut. matri. l. quinque legibus. cum seq. ff. de bonis damna. l. 3. §. sed vtrum. in fine. ff. de minorib. l. res vxoris. C. de donatio. inter virum & vxor. regia lex Taurina. 78. vide. l. si quis officium. ff. de ritu nuptia.]
- 13 Peculium castrense filij hæretici confiscatur: quia filius familias in castrensi peculio vice patris familias fungitur: nec patribus aliquid ex castrensibus bonis filiorum debetur. [l. 2. ff. de senatus consul. Macedo. l. 4. & l. ex nota Marcelli. ff. de castren. pecul. l. senatus consulto. §. 1. ff. de senat. consul. Sillan. l. filius fa. in fine. ff. de donatio.]
- 14 Accedit eo, quod peculium castrense proprium est filij familias, nec in eo vltimum ius patris est. Nec enim pater familias in castrensi peculio proprietatem habet, aut vsum fructuum: quinimo actionem persecutionemque castrensium rerum semper filius etiam inuito patre habet. [l. 3. C. de castren. pecul. mi-
- lit. lib. 12. l. miles. & l. pater. in fine. ff. eod.]
- 15 Ex quibus omnibus perspicuum est, filio familias impietatis damnato, peculium eius castrense publicatum esse. Quæ quidem vera multorum sententia est, a quibus plurimi male dissentiunt. [Angel. & Roma. in. l. si finita. §. si de vectigalibus. ff. de damno infecti. Nellus de bannitis. prima parte secundi temporis. q. 25. Contraria opinio crebrior est, vt Alexan. & ceteri aiunt in. l. 3. §. si filius. quod quisque iuris. & alibi sæpe. Quemada. q. 19.]
- 16 Ob easdem omnino causas verissimum esse puto, bona materna filij familias hæretici ad fiscum pertinere, tametsi pater cum habeat in potestate: nam proprietates eorum bonorum filij familias est. [l. 1. & 2. C. de bonis maternis. c. cum secundum. de hæreti. lib. 6. quamuis multi contrarium tradant. in. §. si de vectigalibus. & in alijs locis.]
- 17 Publicatis quoque patris bonis, peculium profectinum, quod eiusdem patris est, confiscatur: nam filius administrationem duntaxat peculij profectiui habet. Quod Cynus, Baldus, Imola, & Alexander, mecum sentiunt in dicto. §. si de vectigalibus, licet multi aliter sentiant. [in. l. 3. §. sed vtrum. ff. de minoribus. & alibi. Quemada. q. 19.]
- 18 Publicatis bonis filij familias per consequentiam vltus fructus patri debitus confiscatur, etiam si filius ecclesiæ reconciliatus sit. Nam maxima capitis diminutione ius illud patriæ potestatis soluitur, cui consequens est, vt vltus fructus amittatur, & cum proprietate ad fiscum perueniat. [l. 1. l. si viua marre. C. de bo. mater. l. amissione. §. qui deficiunt. ff. de capit. diminutio. §. cum autem. instir. quib. mod. ius patriæ pot. sol.]

- 19 Vfus fructus eorum bonorum, quæ rogatus erat hæreticus restituere post mortem suam, fisco adiudicandus est, quoad hæreticus moriatur. & hoc iure vtimur. [l. Statius. §. Cornelio. ff. de iure fisci.]
20. Etiam prædium illud, quod censum debet ecclesiæ, propter hæresim domini confiscatur, salvo iure pensionis ecclesiæ præstande: quia dominij translatio non impeditur propter cōtractum illum, quem censualem vocant. [glo. in. c. constitutus. de religio. domib. Alexand. consil. 14. lib. 2. Decius consil. 146. & 164.]
- 21 Nunc videndum, an bona heretici publicentur ab eo die, quo in hæresim incidit: non enim vsquam id plane sancitum est: nam lex pontificia nihil aliud ait, quam bona hæreticorum ipso iure confiscata esse. Verum communi omnium consensu receptum est, ut exemplo eius qui in crimen læsæ maiestatis incurrit, a die criminis bona hæretici omnia publicentur. [c. cum secundum. de hæreti. lib. 6. & illic interpretes omnes. l. vlti. C. ad leg. Iul. maiesta.]
- 22 Quo efficitur, ut donationes ab hæretico, quantumvis occulto, factæ, imperfectæ sint, & non valeant. [l. post contractum. l. donationes in concubinam. §. vlt. ff. de donationib.]
- 23 Dotes quin etiam filijs datæ reuocantur a fisco, quamvis pro oneribus matrimonij dentur, & officium paternum sit filias dotare. [l. quisquis. §. emancipatio. C. ad leg. Iul. maiesta. l. pro oneribus. C. de iure dotium. l. qui liberos. de ritu nuptia.]
24. Dotes quoque ab occultis hæreticis filijs sanctimonialibus datæ, ut vitam monasticam exigant, eadem omnino ratione fisco vendicantur. [dicto. §. emancipatio. Cōfert. l. hac in factum. ff. quæ in frau. credito.]
- 25 Et generaliter atque vniuerse constitutum est, ex quo quis tale crimen contraxit, nihil ex bonis suis alienare posse, & quarumlibet rerum alienationes, ex eodem tempore factas, nullius esse momenti. [l. quisquis. §. emancipatio. & l. vlt. C. ad leg. Iul. maiesta. vide. l. emptori duplam. ff. de euictione.]
26. Sed bona eius qui defecit in purgatione, aut propter contumaciam damnatus est, non publicantur nisi ab eo die, quo hæreticus esse præsumitur, non autem a tempore, quo testes aiunt, illum fuisse hæreticum: atque hæc opinio benigna interpretatione recepta est. [Gabriel Quemada quæst. 8.]
- 27 Sed est quæstionis, vtrum fisco vendicans res ab occulto hæretico venditas, teneatur emptori pretiū restituere. Dubitationem affert, quia id iniquum esse videtur, nec lege aliqua expresse sancitum est: per consequentias tamen iuris periti aiunt, non esse pretiū emptori restituendum, quia rem fisco debitam hæreticus male vendidit, eamque fisco iure dominij vendicat: & ita quodam instructionum capite cauetur, & communi sententia receptū est. [Arg. l. 2. C. de furtis. & l. commissæ. ff. de publica. & vestigialib. l. 1. §. si quis in fraudem. ff. si quid in fraudem patroni. 2. instruct. Hispalen. cap. 6. omnes interpretes in. c. cum secundum leges. Siluester in summa, verbo restitutio. 3. §. 7.]
- 28 Quamobrem quidam rectissime tradunt, peccare occultum hæreticum, qui bona sua vendit: quia emptorem in discrimen adducit amittendi rem & pretium. Aliud esse putant, si donationes fecerit, aut alio lucratiuo titulo hæreticus alienaret: sed cum id in fraudem fisci sit, amplius deliberandum

- randum cenfeo. [Siluefter, verbo hære-
fis. 1. q. 8. Franc. Victoria in relectio-
ne, de Indis.]
- 29 Multi tamen sunt casus, in quibus pre-
tium restituitur ei, qui bona fide cum
hæretico occulto contraxit. Ac primū
quidem si numi soluti in bonis hæreti-
ci extant, reddēdi sunt protinus empto-
ri, ne fiscus & rem & pretium habeat.
[l. ex his. ff. quæ in frau. credito. l. pe.
in fine. ff. de rebus eorum.]
- 30 Quod si non omnes numi, sed pars
eorum reperta sit, ea sine dubio empto-
ri restituenda est: quod enim iuris in to-
to, idē est in parte. [l. quæ de tota. ff. de
rei vendicat. l. an pars. ff. pro derelicto.]
- 31 Pecunia quoque reddēda est emptori,
& ei, qui occulto hæretico bona fide
mutuum dedit, si ex ea pecunia factus
sit hæreticus locupletior. vt puta, si præ-
dium aut rem aliam emit, nam aut nu-
mi restituendi sunt, aut certe res numis
empta. [l. si cum dotem. §. vlt. ff. solut.
matrim. l. imperator. §. vlti. cum. l.
seq. ff. de legat. 2. l. quod dicitur. §. vlti-
m. cum. l. seq. ff. de impen. in reb.
dotalib. factis. l. si res. §. quod seruus.
ff. de in rem verso. l. pater. ff. de adi-
men. legat. l. apud Celsum. §. 1. ff. de
doli except.]
- 32 Idemque est, si hæreticus numis illis
res suas meliores fecerit, aut hypothe-
cas liberauerit, aut censum redemerit.
[l. emptor. ff. de rei vendicat. 2. instruct.
Hispalen. c. 6. & omnes doct. in c. cum
secundum leges. Siluefter, verbo hære-
fis. 1. q. 4. Conradus de contractib. q.
7. conclus. 3.]
- 33 Idem seruandum erit, si proprios cre-
ditores ex ea pecunia dimiserit, id est,
si occultus hæreticus suis creditoribus
soluerit. Nam & ea pecunia in corpore
patrimonij retinetur, nec absumppta vi-
deri potest. [l. idem seruandum. ff. de
- lega. 2. l. emptor. de rei vendicat.]
- 34 Non solum pecunia restituenda est ei,
qui cum hæretico bona fide contraxit,
cum extant numi, aut locupletior fa-
ctus est occultus hæreticus: sed etiam
cum in rem eius versa est pecunia, vel
tantundem consumpturus esset hæreti-
cus ex bonis suis. Quod multis quidē
exemplis cōprobare possum, sed non-
nullis contentus ero. [l. 3. §. & regula-
riter. ff. de in rem verso. l. in pupillo. ff.
de solutionib.]
- 35 Si pecuniam mutuo dedisti occulto
hæretico, qua se ipsum & familiam ve-
stiuit & aluit, ea tibi restituenda est:
quia in rē eius versa est. [l. 1. §. in rem.
& §. proinde. & l. vltim. ff. de in rem
verso. l. mortuo. ff. de statu libe. Que-
mada. q. 7.]
- 36 Si tuis numis occultus hæreticus hor-
reum necessarium, aut quippiam simi-
le ædificauerit: si ædificium ruens refe-
cerit, si oliueta defecta restaurauerit, si
vites propagauerit, vel arbores curaue-
rit, vel seminaria aut aggeres fecerit,
aut flumina auerterit, vtique numi tibi
reddendi sunt. [l. 1. & 3. & l. impense.
ff. de impen. in rebus dotalib. factis.]
- 37 Si in valetudinem suam, aut familiæ,
aut in funus suorum pecuniam meam
hæreticus occultus impenderit, tantun-
dem a fisco recuperare possum, quia in
rem eius pecunia mea versa esse uide-
tur. [l. 2. ff. de impen. in reb. dotalib.
factis. l. & ideo. §. illud. l. filius fami-
lias. ff. de in rem verso. l. si necessarias.
ff. de pignora. actio.]
- 38 Sat est autem impensam esse pecuniā
in res necessarias aut vtilis, quamuis po-
stea casu perierint. res enim domino
perit, id est, aut hæretico aut fisco. Ver-
bi gratia, frumentum comparauit hæ-
reticus ad alendam familiam, & in hor-
reo reposuit, & hoc perijt, vel corruptū
est,

est, vel arsit, nihilominus in rem verum esse videbitur. Idemque est, si seruuum necessarium emerit, isque decesserit: vel insulam fulcierit, eaque ruerit, aut exusta sit. [l. pignus. C. de actione pigni. l. 3. §. nec non. l. seruus. ff. de in rem verso. l. 4. ff. de impen. in reb. dotilib. factis.]

39 Sed quomodo probabit emptor in utilitatem fisci versam esse pecuniam? Si ciuitas vendiderit, pretiumque receperit, communi sententia receptum est, ut emptor, qui seruatis solennitatibus emerit, nihil præterea probare teneatur. [Bar. & cæteri in authen. hoc ius porrectum. C. de sacro san. eccle. Alciat. in. l. ciuitas. ff. si cert. pet.]

40 Quod magno quidem argumento est non esse dilucidam probationem exigendam ab eo, qui bona fide rem aliquam ab occulto hæretico emerit: nec enim est, quod ei possit imputari, qui diuinare non valuit, nec plane sibi prospicere. [l. 3. ff. de senatus consulto Macedo. l. Barbarius. de offi. præto. l. si fide iussor. §. si cum debitor. ff. mandati.]

41 Quamobrem etsi plerique putent, cum qui ciuitati & ecclesiæ mutuam pecuniam dederit, perspicue probare debere, in utilitatem earum versam esse pecuniam, neque coniecturas sufficere: quia scire potuit ac debuit ecclesiæ conditionem & ciuitatis, ut iuris periti tradunt [in authen. hoc ius porrectum. C. de sacro san. eccle. & in. l. ciuitas si cert. pet.]

42 In eo tamen, qui ignorantia insuperabili mutuum dedit occulto hæretico, verior proculdubio sententia est existimatum, probabiles coniecturas sufficere, ne fiscus ex alieno damno sit locupletior. [l. cum hi. §. sane. ff. de transactio. gloss. in dicta authen. hoc ius porrectum.]

& inibi Pet. Cynus, Sali. Paul. & alij multi in. d. l. ciuitas.]

43 Proinde si quis egenti hæretico bona fide pecuniam mutuam dederit, & postea probauerit eum indigentem eo tempore fuisse, & adsint præterea aliquæ præsumptiones, quibus verisimile sit, pecuniam in alimenta familiæ, aut in rem aliam utilem aut necessariam consumptam esse: utique boni viri arbitrio restituenda est creditori ex bonis hæretici publicatis. [Decius, & Alcia. in dicta. l. ciuitas.]

44 Atque hoc multo magis procedet, si creditor probare potuerit, tempore mutui indiguisse hæreticum pecunia mutuata, & post receptam pecuniam, id consecutum esse, propter quod mutuū datum fuit. Verbi gratia, domus hæretici occulti minabatur ruinam, ego illi indigenti mutuum dedi, ut eam resisteret, atque ille domum refecit, verisimile quidem est, mea pecunia id factū esse: quod ipsum in alijs speciebus similibus locum habebit. [l. ult. ff. de exercito. actio.]

45 Huc accedit, quod si probentur extrema, media quoque probata esse videntur. Nec omnino male inferitur: indigens ædificat, seruos emit, fundum colit, & pecuniam mutuatus est: ergo ex pecunia illa ædificat, emit, expendit: hoc enim probabile atque admodum verisimile est. [c. inter dilectos. de fide instru. l. talis scriptura. de legat. 1. l. as. conf. 46. lib. 3.]

46 Accedit eodem, quod nusquam in iure probatur, creditorem, qui occulto hæretico pecuniam mutuam dedit grauandum esse onere probandi, pecuniā versam esse in utilitatem hæretici: quinimo, ut Vlpianus in specie non valde dissimili ait non debet pecuniam perdere, qui mutuum dedit, nec ei imputari

tari cur dederit; aut cur non diuinauerit. [l. 1. §. si mutuam. ff. si quid in fraud. patroni. l. si fideiussor. §. si cū debitor. ff. mandati.]

47 Accedit etiam, quod quæ liquido probari non possunt, sat est ut argumentis probentur: nec enim vnquam impossibilis probatio exigitur: qualis proculdubio foret, si creditor probare teneretur, in hanc aut illam rem pecuniā eandem impensam esse, quam occulto hæretico bona fide mutuam dedit. [l. non omnis. §. a barbaris. ff. de re milita.]

48 Nec moueat quenquam, quod vulgo dicitur, probatio debet necessario concludere: id enim ciuilitate accipiendum est, iuxta subiectam materiam. Sæpe quidem præsumptiones & argumenta pro plenis probationibus haberi solent: & hac in re plurimum arbitrio iudicis tribuendum est. Nam quæ argumenta, ad quem modum probandæ cuique rei sufficiant, nullo certo modo satis definiri potest. Ideoque iudex magis scire potest, quanta fides testibus sit habenda, & confirmabit motum animi sui ex argumentis & testimonijs, quæ rei aptiora, & vero proximiora esse compererit. [l. 3. §. tu magis. & §. eiusdem. & l. ob carmen. ff. de testib.]

49 Quoties igitur creditor probat occultum hæreticum indiguissè, cum ab eo accepit mutuam pecuniā, toties verisimile est, pecuniā in rem hæretici verisimilem esse. Nec enim præsumi potest, eam perdidisse, aut vento vixisse: sed ex ea se ipsum & familiam suam aluisse. [l. si defunctus. C. arbit. tutelæ. l. vlti. C. de alimen. pupillo præstan.]

50 Ac multo id magis procedet, si præterea creditor probet, hæreticum post acceptum mutuum, ædificasse aut refecisse, aut emisse, aut simile quippiam

fecisse: quia verisimilius est, ex pecunia creditoris ea esse facta, quā quod aliunde alij numi ei obuenerint. Quāobrem, mea quidem sententia, his probatis, pecunia reddenda est creditori: nec equū est euidenti & impossibili probatione eum onerare. [l. vlti. ff. quod cum eo.]

51 Idemque seruandum, cum is qui emit rem aliquam ab occulto hæretico, eandem probauerit. Par enim ratio utrobique est: nec vsquam in iure cautum inuenies, ut is qui bona fide cum occulto hæretico contrahit, euidentiorem probationē facere teneatur. Nec fiscus hac in re priuilegium aliquod habet: sed iure priuatorum hominum uti debet. [l. item veniunt. §. in priuatorum. ff. de peti. hæredi.]

52 Addendum eodem est, quod in speciebus supra memoratis, liquido constat, pecuniā emptori & creditori debitam esse: incertū est autem, an fiscus eandem habeat. Satius est igitur eam reddere creditori vero, quā fisco in dubio relinquere, qui bona hæretici & aliorum innocentium simul occupare solet. In dubijs enim rebus, ut Aristoteles in problem. ait, ad eam partem vergere oportet, in qua si forte sit erratum, peccetur leuius. [Conferat. l. quoties nil sine captione. de regul. iuris & l. absentem. ff. de pœnis.]

53 Accedit huc, quod in dubijs quæstionibus facile contra fiscum respondendum est: præsertim cum lucrum quærit cum aliorum iactura. Tamen si non desint, qui Modestini sententiam corruptentes, dicant, non facile delinquere eum, qui in dubijs quæstionibus contra fiscum responderit. Sed magis minor Franciscum Duarenum, virū quidem eruditum, scribere non esse verum quod plerique asserunt, in dubijs quæstionibus contra fiscum iudicandū esse.

Quam-

Quamuis enim responsum sit, eū non delinquere, qui contra fiscum responderit: nam id, inquit, ideo responsum est, quia pledebantur olim, qui fisco parum fauebant: quod nusquam legimus, nec vnquam arbitror esse relatū. [l. non puto. ff. de iure fisci. l. vlti. C. de codicil. Duarenus in. l. 1. ff. solut. matrimo.]

54 Quin etiam id nos generaliter accipere debemus: quia sub optimo principe viuimus. Scribit enim Plinius in Panegyrico ad Traianum: Quæ præcipue tua gloria est, sæpe vincitur fiscus: cuius mala causa nunquam est, nisi sub bono principe. & Iulius Capitolinus in vita Marci Antonini: Fisco in causis compendij nunquā iudicans fauit, & a Plotina vxore correptus Traianus, quod calumnijs procuratorum prouincię diuexarentur: mox detestari cœpit improbas exactiones, fiscum lienem vocans, quod eo crescente, reliqui artus tabescunt. Itaque Traianus, Hadrianus & Iustinianus cōtra fiscum respondisse traduntur: & multi contra eundem multa scripsere. [l. 1. de interdi. & relega. l. cum ratio. ff. de bo. damna. l. 1. §. vlti. C. de cadu. tollen. Eutropius lib. 11. rerum Romanarum. Cælius lib. 4. lectio. antiqua. c. 18. Guil. Benedi. in. c. Raynutius. parte, mortuo itaque. 1. Ripa in. c. inter ceteras. de rescript. Alciat. lib. 8. Parergon. c. 6. Lazius lib. 2. cōmentario. reip. Romanæ cap. 14.]

55 Quod autem diximus pro creditore contra fiscum facile respondendum esse, id locum habet in dubijs quæstionibus, vt ait Modestinus. Aliud est in rebus certis: nam si quispiam sciens aliquem hæreticum esse, ab eo emit, aut ei mutuam pecuniam dederit, non solum pretio carere debet, sed etiam in eum inquiri poterit, quia hæreticum homi-

nem inquisitoribus non indicauerit. [c. decreuit. de hæreti. lib. 6. l. si debitor. ff. quæ in frau. credito. nouella. 131. de ecclesiast. cano. §. pen.]

56 Non tantum a die hæresis alienata ab occulto hæretico reuocantur: sed ea etiā quæ in fraudem fisci paulo ante alienauerit. Fraus autem probabitur verbis & factis hæretici. Verbis, si dixerit se metu confiscationis ea bona alienare: factis, si omnia bona sua sine euidenti causa alienauerit: si post alienationem possidere reperiatur: si statim post alienationem hæresis eius reiecta fuerit. [l. in fraudem. ff. de iure fisci. l. omnes. §. Lucius. ff. quæ in fraud. cred. l. pignus. §. superuacuum. quib. mod. pignus vel hypo. sol. & l. & qui sub imagine: C. de distra. pigno. l. si ventri. §. vlti. ff. de priuil. credi. traditur ab omnibus in. l. post contractum. ff. de donat.]

57 Sed & si vxor aliquid alienauerit sine licentia viri, & postea in hæresim incidat, reuocabit fiscus rem alienatam: quamuis contractus confirmatus fuerit iuramento. Leges enim regiæ tales contractus prohibentes, non in vxorē quidem, sed in fauorem virorū factæ sunt. [Bar. in. l. vlti. C. ne fideius. dot. dentur. Lucas in. l. extrema. C. de præd. decurio. Ang. confi. 160. Areti. confi. 54. Ale. confi. 27. lib. 1. Corne. confi. 121. lib. 4. Soci. consil. 77. lib. 1. Ti-raquel. post leges connubiales glo. 3. nu. 37.]

58 Cum autem alienata ab hæreticis reuocantur a fisco, malę fidei possessores bona cum fructibus restituere debent. [l. ait prætor. §. per hanc. cum seq. & l. vlti. §. non solum. ff. quæ in fraud. credito. l. videamus. §. in Fauiana. ff. de vsuris.]

59 Quin etiā bonæ fidei possessores post litem contestatam & controuersia motam,

ram, incipiunt malæ fidei possessores esse, & quasi prædones tenentur: cœpit enim scire rem ad se non pertinentem possidere, is qui interpellatur. [l. sed & si lege. §. etiam. ff. petit. hæredita. l. 2. C. de fructib. & lit. expensis.]

- 60 Animaduertendum vero est, in probatione temporis, ex quo quis in hæresim incidit, quod sola rei confessio emptoribus & creditoribus nocere nō potest, nisi testibus cōprobata sit. Nec enim vnus dicto fides haberi debet, ēt si Cato is esset: quod rectissime Bartho. tradit. [c. licet vniuersis. de testi. l. ius iurandi. C. cod. tit. Bar. in. l. edicto. ff. de iure fisci.]
- 61 Sed quamuis tam multa, quam dixi, propter hæresim publicentur: quædam tamen sunt, quæ in confiscatione non veniunt, qualia sunt bona futura. Nā publicatis bonis, quidquid postea acquiritur, non sequitur fiscum, sed publicatur duntaxat id quod hæreticus habuit, cū damnetur. [l. si mandauero tibi. §. is cuius bona. ff. mandati. l. eius qui. §. 1. ff. de testam. c. felicitis. §. verū. de pœnis li. 6. Curtius Senior cōsil. 59.]
- 62 Qua ratione iura conditionalia ex vltima voluntate pendentia, si conditio extiterit post cōdemnationem, ad fiscū non transeunt. [l. 1. §. si autē aliquid. C. de cadu. tollen. l. intercidit. ff. de condit. & demonstra. glo. recepta. in l. nō ad ea. eodē titu. Quemada q. 10.]
- 63 Alimenta quoque non publicantur: aut enim alimentarius exuritur, & eo casu ius alimentorum finitur: aut ecclesiæ reconciliatur, & ei alimenta præstantur. [l. is cui alimenta. ff. de alime. & ciba. legat. l. pen. de capite minutis. l. si in metallum. ff. de his quæ pro non script. habent. l. qui bonis. ff. decessione bono. Feli. in c. apostolicę. de exceptionib. Bart. & ceteri omnes in. l. si

viſtum. ff. rei iudica.]

- 64 Et generaliter confiscatio bonorū hæretici non debet alijs esse damnosa: nec perendus est pius cum impio, nec est alius pro alio puniendus. Denique natura equum est, neminem cum alterius detrimento fieri locupletiores. [Genesis. 18. l. sancimus. C. de pœnis. l. nam hoc natura. ff. de cond. indebi.]
- 65 Quo efficitur, vt siquid alienum receptū fuerit inter hæretici bona, vt puta, depositum, commodatum, conductū, id omne illico domino eius sit restituendum. Par enim culpa est, iniuste detinere, atque inuadere alienum. [l. in fraudem. §. ex his. ff. de iure fisci. l. si vtrū. ff. de reb. iudi. auto. possi. c. sepe. de restitu. spoliato.]
- 66 Hinc plurima decidi possunt: ego tamen ea nunc referam, quæ dignum tractatum habent. Marito impietatis damnato, fiscus dotem vxori confestim reddere debet. Nec fiscus vendere potest fundum dotalem, excepto si sciens marito hæretico nupserit. [l. si marito. ff. solut. mari. l. 2. ff. de fundo dotali. c. decreuit. de hæreti. lib. 6.]
- 67 Dos autem restituenda est vxori, non quæ inaniter dotalibus instrumentis cōscripta fuerit, aut quæ sola mariti confessione probatur: sed quam vxor alijs quoque probationibus viro traditam fuisse docuerit. [l. 1. C. de dote cauta non numera. l. si quis post hac. C. de bo. dannato. glo. & omnes in. l. absi. duis. C. qui potio. in pigno. habeant.]
- 68 Sed cum dotis promissio ac dotal instrumentum præcessit, & postea confessio consecuta est, plerique putant, his solis plene probatam esse dotis numerationem: mea tamen sententia alijs quoque præsumptionibus & verisimilibus coniecturis opus est, ne confessio illa in fraudē fisci aut creditorū sorte simulata sit. [l.

- At. [l. in contractibus. §. sed quoniam. C. de non nume. pe. Soc. & ceteri in. l. 1. ff. solu. matri. Aymo. confi. 40. Co-uar. li. 1. resolutio. cap. 7.]
- 69 Hæredes mariti, atq; adeo fiscus, qui eius successor est, vti possunt aduersus vxorem exceptione dotis non numeratæ: ita tamen, vt intra annū continuum a morte, vel condemnatione mariti, ea exceptio proponatur. [l. vlti. C. de dote cauta non nume. l. si cui. C. de non nume. pecu. l. 2. §. ex his. ff. de ver. obli. l. quod id hærede. ff. de tributo. Rolan. con. 31. Quema. q. 4.]
- 70 Restituenda quoque sunt vxori bona parapherna, & alia eiusdem propria, quocunq; titulo quæsitæ. [l. si quis post hac. C. de bonis damnato. l. si ego. §. dotis. ff. de iure dot. l. 2. C. ne vxor pro marito.]
- 71 Idemque est in parte illa lucrorum, quæ regijs legibus communia sunt coniugum: quia dimidia pars ad vxorem pertinens, ei restitui debet; cuius augmentum crescit vsq; ad sententiam publicationis bonorū declaratoriā. [regia lex Taurina. 77. Segura li. de bonis lucrati. Lupus in rubri. de donatio. inter vir. & vxor. §. 66. Chasse. in cōsuetudi. Burgun. rubri. 2. §. 2. Quemada quæst. 6.]
- 72 Neque donationes propter nuptias, neque arrhæ vxori datæ, marito hæresis damnato, confiscantur, sed ad vxorem pertinent: quia pudicitie præmio cedūt. Idem iuris est in parte eorum, quæ data sunt sponsæ, osculo interueniente. [l. res vxoris. C. de dona. inter vir. & vxor. & l. si quis post hac. de bonis danna. l. si a spōso. C. de donatio. ante nup. Lupus in rubri. de donat. inter vir. & vxor. §. 66.]
- 73 Quæri autē potest, an vxor quæ sciens nupsit hæretico, sicut priuatur dote, sic etiam priuetur arrhis, siue donatione propter nuptias. Sed ea quæstio fatua est: quia hæreticus non potest donare propter nuptias. [c. cū secundū. de heret. lib. 6. l. post contractū. ff. de donatio.]
- 74 Plusculum dubitationis habet, an bona quæsitæ constante matrimonio inter coniuges, diuidenda sint inter vxorem & fiscum: & cum vxor deliquerit nubens hæretico, & turpia ea lucra esse videantur, consequens est vt nihil eorū ad vxorem pertineat. [c. decreuit. de hæreticis lib. 6. l. 1. §. plane. ff. de tute. & ratio. distrahen. l. siue hæreditaria. ff. de nego. gestis. l. quod seruus. de acqui. posse. l. quod autem. ff. pro socio. l. 1. ff. vnde vir & vxor.]
- 75 Occultus hæreticus fundum dotalem vendidit, consentiente atque iurante vxore: deinde fiscus vendicauit fundū, quem vxor vendicare non poterat: quæsitum est, an vxor fundum illum repetere possit a fisco: & quia nouū nō est, vt ex alterius persona quispiā consequatur, quod ex sua consequi non valebat: nec æquum est vt fiscus locuples sit cū vxoris detrimento, pro vxore contra fiscum pronunciauimus. [l. non putauit. §. si exhæredatus. & l. si post mortem. ff. de bon. posse. cōtra tabu. l. per procuratorē. ff. de acqui. hæredi. l. Aristo. ff. quæ res pigno. obliga. non possunt. l. si filius. ff. de bo. liberto.]
- 76 Propter hæresim viri non publicantur donationes factæ vxori a consanguineis eiusdem viri, excepto si nominatim dictum sit tempore donationis factæ ab eo, qui donauit, vt marito acquirantur. [l. si mater. C. de donatio. ante nupt. l. si ita stipulatus. §. Chrysogonus in fine. ff. de verbo. obli. Lupus in rubri. de dona. inter vir. & vxor. §. 45. Alcias. lib. 1. de præsumptio. cap. 18.]
- 77 Idem dicimus in donatione facta filio arrogato, itemque vni ex socijs: ea enim ei acquiritur, cui facta fuerit: nisi

- forte aliud sit dictum tempore quo facta est donatio: ergo non publicabitur propter alterius hæresim. [l. socium qui in eo. §. vlt. ff. pro socio. l. sed si plures. §. in arrogato. ff. de vulga. & pupilla. & illic Bar. & cæteri. Corne. consi. 81. & consi. 149. li. 1. Soci. consi. 33. lib. 3.]
- 78 Eadē dicenda sunt in muneribus, quæ legatis dari solent: quia legatis acquiruntur, & ab eis auferuntur, si hæretici fuerint: nisi expresse aliud sit adiectum donationi. atque hæc quidem communi omnium consensu recepta sunt. [in l. si vero. §. item quidquid. ff. solu. matri. & in. l. qui proprio. §. procurator. ff. de procurato. Alcia. li. 1. de præsump. cap. 18. Brunus li. 4. de legationib. c. 6.]
- 79 Quamuis filiusfamilias viuo patre dominus bonorum eius quodammodo existimetur: publicatis tamen bonis filij, non confiscatur portio illa legitima, quæ post mortem patris ei debetur. [l. in suis. ff. de libe. & posthu. l. si qua pœna. de his qui sunt sui vel alie. iuris. l. qui superstitis. de acqui. hæredi. omnes interpretes in authen. nouissima. C. de inoffi. testa. & in. c. 2. de deli. puero.]
- 80 Filiofamilias impietatis damnato, nō publicatur peculium profectitium ei a patre concessum: quia proprietas eius non filij, sed patris est. [l. 3. §. sed utrū. ff. de mino. l. 3. C. de bo. proscript. l. depositi. & l. quam Tiberonis. ff. de peculio. communiter omnes in. l. si finita. §. si de vectigalibus. ff. de damno infe.]
- 81 Patrefamilias hæretico damnato, non confiscatur vsus fructus, quem habuit in bonis filij aduentitijs. nam cum filius efficiatur sui iuris, consequens erit, vt vsus fructus ad eum cum proprietate pertineat. [c. 2. §. vlti. de hæreti. lib. 6. l. cum oportet. & l. quæcunque. C. de bo. quæ libe. l. si viua matre. de bo. mater. §. finitur. instit. de vsu fructu.
- Ruinus cōf. 24. lib. 5. Boherius decis. 7.]
- 82 Quæsitum fuit, an maritus alienare posset partem dimidiam lucrorū, quæ legibus regijs ad vxorem pertinebant: si tempore alienationis vxor hæretica erat: & magis puto, reuocari posse alienationem, si sciebat vir, vxorem hæreticam esse: quia nec vxor ipsa, si vidua foret, res illas alienare posset. [l. quisquis. §. emancipatio. & l. vlt. C. ad leg. Iuli. maiest. c. cum secundum. de hæreti. lib. 6.]
- 83 Si autem occultā vxoris hæresim maritus ignoret: probabile quidem est, vt talia bona maritus alienare queat. Lege enim regia viro concessum est, vt inscia & inuita vxore lucra illa possit alienare: quo iure propter occultā vxoris hæresim non videtur esse priuatus: quandoquidem alia lege regia declaratum est, vt lucra illa possint augeri vsque ad sententiam definitiuam. Ergo per consequentias maritus interim res administrat, & eas bona fide minuere, sicut augere poterit. [l. vlti. tit. 4. lib. 5. ordinatio. & regia. item lex Taurina. 77. l. secundum naturam. ff. de regul. iuris. l. 1. §. pro secundo. C. de cadu. tollen.]
- 84 In dubio autē bona fides & ignorantia præsumitur: & vt eleganter inquit Vlpianus, plerunque credendum est, qui partis dominus est, eum iure potius suo vti, quam furti consilium inire. [l. pen. C. de euictio. l. verius. ff. de probat. l. merito. ff. pro socio.]
- 85 Adde quod lex illa regia onus probandi transfert in eum, qui dixerit, alienationem lucrorum dolo aut fraude a marito esse factam. Sub qua quidē regula comprehenditur fiscus: tum quia in ius succedit vxoris: tum etiam, quia nisi excipiat fiscus, iure priuatorum vtitur. [l. vlti. tit. 4. lib. 5. ordinat. l. qui in ius. ff. de regul. iuris. l. quod in hærede.]

- hærede. ff. de tributo. l. item veniunt. §. in priuatorum. ff. de peti. hæredi. l. 2. & 3. de alimen. & ciba. legat.]
- 86 Sed etsi maritus ea lucra vendere, aut iusta ex causa alienare queat, donare tamen non poterit: nec enim ad hoc libera eorum administratio concessa est, vt perdat. [l. filiusfamilias. ff. de donat. l. contra iuris. de pact. regia. l. 206. styli. Suares in l. 1. tit. 3. lib. 3. fori regij.]
- 87 Bona viri hæretici Ecclesiæ reconciliati, publicata sunt: deinde alienare voluit partem dimidiam lucrorum, quæ vxori adiudicata erant: quæsitum fuit, an id facere posset, vxore inuita. & cum societas illa publicatione soluta fuerit, & vir partem lucrorum perdiderit, & altera pars vxoris propria sit: denique cum maritus ad inopiam culpa sua peruenierit, probabile quidem est, vt non magis ea bona alienare queat inuita vxore, quam alia vel dotalia, vel parapherna. [l. 4. & l. verum. §. vlti. l. actione. §. publicatione. ff. pro socio. l. vbi adhuc. C. de iure dot.]
- 88 Propter hæresim clerici ex bonis ecclesiæ nihil est publicandum: & qui seculus fecerit, in sententiam excommunicationis incurrit, & ab ea non est absolvendus antequam Ecclesiæ satisfaciatur. Sed ea sanctio locum non habet in eo qui confiscat libros Monachi Frânciscani hæretici: quia non sunt monasterij, quod nihil proprium habet. [Clem. 1. de hæreti. Aymo. de antiquitate. parte 4. §. 1. in fine.]
- 89 Cui confine est, vt bona clerici hæretici, quæ ex ecclesiâ, vel eius respectu acquisierit, publicari non debeant, sed eidem ecclesiæ restituenda sint. et ita pontificij tradunt. [c. relatum. 2. c. requisisti. de testamen. c. excommunicamus. 1. §. primo. de hæreti. & ibidem glos. collecta. & cæteri. Ancha. in cap. cum secundum. de hæreti. lib. 6. Card. in Clem. 2. Feli. in c. vergentis. & Brunus lib. 5. cap. 6. de hæreti.]
- 90 Sed cum vera sententia sit, quod clerici verum dominium habent fructuum suorum beneficiorum: & moribus ac legibus Hispaniæ receptum sit, vt clerici libere eosdem fructus etiam in vltima voluntate, alienare ac distribuere possint: relinquitur plane, vt propter hæresim confiscari queant. [Ioan. maior in lib. 4. sent. distin. 24. q. 20. Gabriel. distin. 15. q. 8. Syluester verbo, clericus. 4. Corne. consil. 314. lib. 3. Zasius consil. 9. lib. 2. Couar. in c. cum in officijs. de testamen.]
- 91 Et quamuis multi putent patrimoniū & alia bona clerici hæretici, ad episcopum pertinere: ita tamen vt ea distribuât in vsus pios. [Abb. Socinus, Ana. Feli. & cæteri in c. excommunicamus. 1. §. 1. de hæreti.]
- 92 Verior tamen & iustior sententia est, vt ad fiscum ea bona pertineant pro alimentis eorundem clericorum pœnitentium, & aliorum pauperum, & salarijs, atque alijs impensis sancti huius officij: idque cautum est constitutione extrauagante Bonifacij, vt Bossius retulit: & eo iure maiores nostri, & nos semper vsi sumus: nec desunt idonei eius sententiæ authores. [c. placuit. c. quicunque. 12. q. 3. c. nulli. c. fixum. c. si episcopus. 12. q. 5. melius in c. de lapsis. 16. q. 6. Oldra. consil. 17. Ioan. And. ad speculum. tit. de feudis. §. pen. Ancha. in c. ea que. de regul. iuris lib. 6. q. 22. Paul. consil. 154. Benedi. in c. Raynutius. parte, & vxorem. num. 240. Couar. lib. 2. resolutio. cap. 9. Pet. Rebuffus in proce. consti. regiarū. nu. 35. Bossius nu. 33. tit. de hæreti.]
- 93 Bona restitutioni subiecta, quæ possidebat hæreticus, non publicantur: sed

- sed ei restituenda sunt, cui post aliquod tempus relicta erant. [l. imperator. ff. de fidei commissa. liberta. l. Statius. §. Cornelio. ff. de iure fisci. Alex. consil. 23. lib. 1. Ruinus consil. 124. lib. 2. & consil. 23. lib. 5. Caseneus in consuetudi. Burgun. rubri. 2. §. 2. Quemada quæst. 17.]
- 94 Quin etiam si filio suo rogatus sit hæreticus aliquid restituere, id a fisco restituendum est illi: quia pertinet ad filium, non tanquam ad hæredem, sed ut ad creditorem. [l. vnum ex familia. §. 1. & seq. ff. de legat. 2. Probus ad Ioan. Mona. in c. cum secundum. de hæreti. lib. 6.]
- 95 Ius patronatus ecclesiasticum transit natura sua etiam ad hæredes extraneos: quam ob rem bonis patroni publicatis ius illud ad fiscum pertinere videtur: quia loco hæredis extranei fiscus est. [Inno. & ceteri in rubri. de iure patrona. Decius consil. 149. Igneus in l. necessarios. §. non alias. num. 403. ff. ad Sillania.]
- 96 Obtinuit tamen, ut ius patronatus non publicetur, sed ecclesia libertatem consequatur: sicut alij liberantur, qui iure dominij & obsequij hæretico erant astricti. [c. vlti. de hæreti. l. iura libertorum. ff. de iure patrona. Imo. in l. infulam. ff. solu. matri. Caseneus in consuetudi. Burgun. rubri. 2. §. 2. nu. 9. plenius Cæsar Lamberti. lib. 3. de iure. patro. quæst. 8. arti. 8.]
- 97 Emphyteusis hominis priuati in fiscum transit propter hæresim emphyteutæ: sed ius suum integrum domino cõseruatur, quia fiscus in ius priuati succedit. [Quemada quæst. 11.]
- 98 An emphyteusis ecclesiastica transeat in fiscum publicatis bonis emphyteutæ, quæritur: & iam ante dixi de re quæ pensionem, siue censum soluit Ecclesiæ. Tabelliones autem hos contractus, longe dissimiles, miscere & confundere solent: sed natura eorum potius, quàm verba, consideranda est: nec enim mutatur vocabulis vis rerum, ut ait Fabius lib. 9. cap. 1. [l. insulæ. ff. de præscrip. verbis. l. sed Celsus. §. 1. ff. de contrahen. empt. las. in l. 1. C. de iure emphyteu. col. 11.]
- 99 Quæstio autem proposita pendere videtur ex alia. Num res ecclesiæ in emphyteusim data, transire possit ad hæredem extraneum. Nam si id non: neque ad fiscum perueniet; qui extraneus successor est. [l. iura libertorum. ff. de iure patrona.]
- 100 Crebrior quidem opinio est, emphyteusim ecclesiæ ad extraneos successores peruenire non posse: ut Decius, Gozadinus & alij authores sunt. [Decius in c. in præsentia. de probatio. Gozadi. consil. 39. Casene. in consuetudi. Burgun. rubrica 2. §. 2. nu. 10. Rolandus consil. 96.]
- 101 Multi vero aiunt contrariam opinionem esse veriore. Quin etiam Felinus, & Corneus testes sunt, hanc esse communiter approbatam. [Felin. in eodem cap. in præsentia. de probat. Corne. consil. 13. l. 3.]
- 102 Ea tamen distinctio vera & recepta est, qua & vtrique opinio defendi potest, & soluitur quæstio supra tacta. Aut enim emphyteusis rei ecclesiasticæ fit, non præcedentibus iuris solennibus, alias necessarijs ad eas res alienandas: & eo casu, neque ad pronepotes, nec ad hæredes extraneos, nec ad fiscum transit. [nouella. 7. de non alienan. §. emphyteusim.]
- 103 Aut res ecclesiæ in perpetuam emphyteusim traditur, antecedentibus necessarijs solennibus ad alienationem rerum ecclesiasticarum: & in ea specie ad extr

- ad extraneum heredem transit, atque adeo ad fiscum. [nouella. constitu. 120. de aliena. & emphy. §. licentiam. Matth. Neapolita. decis. 100. Curtius iunior consil. 4. Gozadi. consil. 86. Gratus consil. 55. lib. 1. & consil. 128. lib. 2. Couar. lib. 2. resolutio. cap. 17. Bossius tit. de bon. publicatione. nu. 60.]
- 104 Sed hoc est ecclesiæ ius singulare, vt possit rem suam in emphyteusim datam, recuperare, & fiscus eam restituere teneatur: quod & senatusconsulto cauetur. [c. scilicet. §. si qua vero. de poenis lib. 6. Oldra. consil. 17. Ancha. in c. cum secundum. de hæreti. lib. 6.]
- 105 Optio quoque datur ecclesiæ, vt intra biennium deliberet, an velit habere fiscum in emphyteutam, vel rem suam in emphyteusim hæretico datam, recuperare malit. [nouella. 120. de alienat. & emphy. §. porro si quamlibet rem. Bar. Roma. & Alex. in l. si finita. §. si de vectigalibus. ff. de dam. infe. Anch. in c. postulasti. de foro compet. Imo. in c. ex parte. de feudis. Guil. & Bal. in l. si quis presbyter. C. de episcop. & clerici. Decius consil. 442. Ruinus consil. 23. lib. 5. Quemada quæst. 12.]
- 106 Vtrum ecclesia possit restitui aduersus lapsum huius biennij: verius & benignius est vt id ecclesia facere queat: quia melior eius causa est, quam fisci lucrum captantis. [Quemada. q. 13.]
- 107 Ex facto tractatum fuit, an ecclesia posset rem suam in emphyteusim datam, recuperare cum meliorationibus, & nihil pro eis fisco soluere. Quæstio quidem anceps erat: plerisque tamen placuit, quia hæreticus rem illam post hæresim, meliorem fecerat: vt ecclesia expensas ex numis ad fiscum pertinentibus factas eidem fisco redderet.
- 108 Si vero emphyteuta rem ecclesiæ meliorem fecerit, & postea in hæresim in-

- cidat: publicatis eius bonis, emphyteutis gratis restituenda est ecclesiæ cum meliorationibus: quæ quidem iure accessione ac veluti consolidationis ad ecclesiam pertinent. Adde quod ecclesiæ fundus propterea solet in emphyteusim pro exigua pensione dari, vt melior pretiosiorque factus aliquando ad ecclesiā redeat. Et ea quidem fuit olim emphyteusis origo: dabatur enim fundus in emphyteusim, id est in plantationem, vt qui acciperent, plantando & inserendo, rem sterilem, in meliorem statum reductam, fertilem redderent. [l. 2. & 3. C. de iure emphy. Corasius in l. qui pignori. ff. de seruit.]
- 109 Accedit eodem, quod quoties propter culpam priuatur emphyteuta iure suo, toties res in emphyteusim data reddit ad dominum proprietatis cum meliorationibus. Ad ecclesiam ergo redire debet pleno iure emphyteusis propter hæresim possessoris confiscata. [Athen. qui res. C. de sacrosan. eccle. & inibi Decius. Ias. in l. 2. de iure emphy. Decius consil. 171. & 518. Quemada q. 12. Fran. Bursatus conf. 43.]
- 110 Cum autem fundus cum meliorationibus traditur, dominus reddere debet impensam, eo usque duntaxat, quo fundus pretiosior factus est: & si plus pretij fundo accessit, solum restituet, quod impensum est. Itaque fundi dominus eligit vtrum soluere malit, quod impensum est, aut quod fundus pretiosior factus est. [l. in fundo. ff. de rei vendi.]
- 111 Sed an impensæ compensandæ sint cum fructibus ex eodem fundo perceptis, quæstio quidem implicita est, & quæ distinctione indiget. Nam si eo tempore dominus fundi fuit, quo impensas fecit, fructus fundi suo iure percepit, eosque compensare non debet. Et ita omnium sententia receptum est. [glo.]

- [glo. & omnes in. l. emptor. ff. de rei vendi. Tiraquel. de retractu conuentionali. §. 7. glo. 1. Couar. lib. 1. resolu. cap. 8.]
- 112 Idemque erit, eademque ratione, si is qui fecit impensas bonæ fidei possessor erat. Non enim compensare tenetur fructus perceptos ante litis contestationem: quia eos omnes & naturales & industria sua perceptos, suos iā fecerat. [l. emptor. & l. sumptus. ff. de rei vñdi. l. Paulus respondit. §. vltimo. ff. de pignoribus. l. qui scit. & l. in pecudum. ff. de vsuris. l. bonæ fidei ff. de acquir. rerum domi. Forcatulus in penu iuris ciuilis. c. 18. Vasquius Menchacensis lib. 3. quæst. c. 70.]
- 113 Possessor vero malæ fidei, & is qui bona fide possidebat, post litem contestatam, fructus perceptos compensare debent cum meliorationibus: quia eos non faciunt suos. [l. plane. in fine. & l. sed & si lege. §. etiā. ff. de peti. hæredi. l. emptor. & l. sumptus. ff. de rei vendi. l. domum. C. eo. tit.]
- 114 Hæc autem compensatio fit vsq; ad concurrentem quantitatem. Quod si meliorationes a possessore factæ, fructuum perceptorum summā excedant, dominus fundi superfluū possessori restituere cogitur. [l. sumptus. ff. de rei vñdi. regia. l. 40. cum seq. tit. 28. parte 3. l. in insulam. §. 1. ff. solut. matr. l. 1. §. vlt. & l. Paulus. §. domus. ff. de pigno.]
- 115 Quid, si fructus pcepti a malæ fidei possessore pluri sint, quam meliorationes? & hoc etiam casu id quod excedit restituendum est domino fundi: alia quoque ratione, quia fructus mala fide percepti vero domino restitui debent. [l. item veniunt. §. cæterum. cum seq. l. sed & si lege. §. quod autem. & §. perinde. l. illud. §. præd. ff. de. peti. hæredi.]
- 116 Quidam putant fructus perceptos bonæ fidei possessore, restituendos nō esse post litem contestatā, neque compensandos cum meliorationibus: eo scilicet casu, cum percepti sunt ex fundo sterili pretiosiore facto, sumptibus & industria eius. Nam in ea specie satis esse videtur, vt fundi sterilis dominus, fertilem eum gratis recipiat, nec improbus sit exactor, & locupletior fiat cum detrimento alterius. Et hac sententia Senatus noster contra fiscum vti solet: quidquid alij tradant. [Confert. l. vlti. C. de alluui. & illic Bal. & Salice. l. cæterum. ff. de rei vendi. Platea in l. vlti. C. de omni agro deser. l. 11. Capi cius Neapoli. decis. 72.]
- 117 Si vero fundus non erat prorsus sterilis, sed sumptibus bonæ fidei possessoris pretiosior factus est, ante litem contestatam fructus quidem suos facit, vt ante dixi: post litis vero contestationem fructus perceptos compensare debet, sicut malæ fidei possessor. l. sūptus. & l. emptor. ff. de rei vendi.]
- 118 Sed & ea sententia æquissima, & a plerisque recepta est: vt qui magnas impensas in re aliena fecerit, soluere domino possit eius rei æstimationem, id est, quo res illa æstimanda foret, si melior facta non esset: & ea æstimatione domino præstita, nihil præterea soluere teneatur: sed deinceps rei dominus sit. [l. 2. & inibi Bar. & cæteri omnes. C. de præd. Nauicula. lib. 11. Paul. Soci. & alij relati a Couar. li. 1. resolut. cap. 8.]
- 119 Ego tamen hac in re plurimum arbitrio iudicis tribuendum censeo: nam si domini fundi nihil interest, ei vero qui impensas fecit, multum prodest, rem ei iudex adiudicare debet: id enim æquitas suggerit, etiam si iure stricto deficiamus. Sed interim meminisse oportet, nō esse malitijs indulgendū. [l. 2. §. item

item varus. ff. de aqua plu. arcen. l. in creditore. ff. de euictione. l. 2. solut. matri. l. in fundo. ff. de rei vendi.]

120 Sed iam ad bonorum publicationē reuertamur. Illud quidem in confesso est, feudum, quod hæreticus habuit, non esse confiscandum, sed catholico Domino restituendum: excepto si feudum huiusmodi sit, vt libere alienari queat: tunc enim vt cætera hæretici bona confiscabitur. [c. excommunicamus. §. mo- neantur. de hæret. l. imperialē. §. illud. de prohi. feudi. alie. per Federi. c. scælicis. §. si qua vero. de pœnis. lib. 6. Curtius in feudis parte. §. quæst. 7. Neuizanus consil. 68. Bossius. tit. de bon. public. nu. §. 4.]

121 Præterea creditoribus hæretici, qui ante hæresim creditores erant, fiscus satisfacere debet ex bonis eius publicatis. Creditores enim præferuntur pœnis fiscalibus: nec possunt vlla bona ad fiscum pertinere, nisi quæ creditoribus superfutura sunt. Nam vt Iabolenus ait, id bonorum cuiusque esse intelligitur, quod æri alieno superest. [l. 1. C. pœnis fisca. credito. præse. l. nō pos sunt. l. in summa. l. quod placuit. ff. de iure fisca. l. 2. ff. de alimen. vel ciba. legat. l. 2. C. ad leg. Iul. de vi. l. in facto. §. fiscus. ff. de condi. & demonstra. l. Marcellus. §. vlti. ff. ad Trebellia.]

122 Vsq̃ue adeo autem fiscus tenetur cre-
ditoribus hæretici satisfacere, vt etiam si ecclesiæ reconciliatus locuples postea efficiatur, aut aliquid bonorum suorum ex indulgentia principis impetrauerit: creditores ex ante gesto non habeant cum eo actiones, sed ære alieno ex præcedenti tempore pœna liberatus sit: excepto, si partem bonorum recuperauerit: nam pro rata portione obligatus erit. [l. si debitor. l. tutor. C. de senten. passis. l. 2. & l. 3. ff. eo. tit. Quemada-

quæst. 20.]

123 Si fuerit tutor confiscatus aduersus fiscum danda est actio ei, qui loco eius tutor datus sit, vt ait Vlpianus. Idemq; erit si curator furiosi vel prodigi, aut quiuis alius confiscatus sit: quia fiscus rationes reddet, & reliqua soluet. [l. si tutor reipublicæ. §. vltimo. ff. de tute. & rationib. distrahen. l. qui neque. l. si prædia. ff. de rebus eorum.]

124 Sæpe tractatū est, an hæreditas adita ab occulto hæretico, acquiratur fisco. Anceps quidem quæstio, nisi lege regia contra fiscum decisa foret ea ratione: quia hæreticus ex testamento & ab intestato nihil capere potest, itaq; ad substitutos, vel ad proximiores consanguineos hæreditas illa perueniet. Idemq; erit in legatis & fidei commissis: quare, sicut in plerisque alijs, non est opus disputatione: quia, vt ciuis meus Seneca inquit, Satiū est ire aperta & recta via, quam sibi ipsi flexus disponere, quos cum magna molestia debeas relegere. Et libro quinto de beneficijs, idē Philosophus ait: Quid boni est, nodos operose soluere, quos ipse, vt solueres, feceris? [regia. l. vlti. tit. 7. parte 6. l. Manichæos. C. de hæreticis. nouella. 144. de Samaritanis regia. l. 4. tit. 3. parte. 6. & l. 4. tit. 26. parte. 7. Neuizanus cōsil. 73. Quemada. quæst. 18.]

125 Inde quæritur, si eo tempore quo delata est hæreditas, iam hæreticus hæresim confessus erat, quamuis nondum fuerit absolutus, an hæreditatem illam acquirat. Et cum ad Ecclesiæ sinum admissus non erat, quo tempore delata fuit hæreditas, probabile quidem est, ab eodem adiri non posse. Aliud vero dicendum esse videtur, cum iam suffragijs & calculis iudicum admissus erat, quamuis sententia prolata non fuerit. Nam priori casu, nec erat capax, nec

- fatis compertum, an recipiendus esset: posteriore autem, omni modo ecclesię gremio excipiendus fuit. Et cum vtroque casu nihil ad fiscum pertineat, aliorum ius alij curiosius perquirant. [l. si alienum. 49. §. 1. de hæredi. instit.]
- 126 Quamuis bona hæreticorum ipso iure sint publicata: occupatio tamen bonorum, & executio confiscationis non ante fieri debet, quam per episcopum & inquisitores sententia heresis declaratoria fuerit promulgata. [c. cum secundum. de hæreti. lib. 6. Alciat. in c. 1. de offi. ordina. nu. 74.]
- 127 Sed cum bona publicata ad fiscum principis, vel domini temporalis pertineant: inde potest quæri, si duo sint domini, alter inferior, alter superior, vtri eorum ius cōfiscationis competat. Quidam putant, inferioris domini ius illud esse: quia fiscum habent ietiam, qui dominum superiorē habent. [Guido pape quæst. 76. Bonifa. in clem. 2. de hæreti. quod habeant fiscum. glo. & Imo. in c. quia diuersitatem. de conce. preben. Ana. & Feli. in c. excommunicamus. 1. §. de hæreti. Couar. lib. 2. re solutio. cap. 9.]
- 128 Cæterum ea opinio vera esse potest, vbi inferiores domini summum imperium habent, & iura regia vsurpant: quales multi sunt in Italia & Germania. Sed viri principes subiecti regibus, nec ius confiscandi habent, nec verum fiscum. Ad regem igitur ea bona pertinent. [ca. 1. quæ sint rega. & illic interpretes. regia. l. 12. titu. 2. parte. 1. Bal. in rubric. de priui. fisci. Plat. & alij in rubri. de iure fisci. lib. 10. Alexand. ad Barto. in l. 1. de bo. vacan. co. lib. Mat. in principio constitut. Siciliæ. quæst. 15.]
- 129 Quid si bona hæretici reperiuntur in alijs regnis: num omnia pertinebunt ad fiscum eius, sub cuius dominio hæreticus damnatus est? minime omnium. imo quilibet rex occupare poterit ea, quæ in suo regno inuenerit. Et hæc est a plurimis recepta sententia. [c. vergētis. de hæreti. tradunt omnes in c. cum secundum leges. Collecta. post alios in c. excommunicamus. 1. Alexan. consi. 31. lib. 1. & consi. 111. lib. 4. Gonfal. de hæreti. prauis. quæst. 15. Aymo. consi. 128. Brunus lib. 5. de hæreti. cap. 6. Cotta in memorabi. verbo confiscatio. Bosius tit. de bonorum publica. nu. 62.]
- 130 Vnde quæstio ea exoritur: quo in regno esse censeantur iura & actiones. Ac primum quidem dubitabile nō est, quin actiones in rem ibi esse cēseantur, vbi res ipsę sunt, ad quas persequendas competunt. Veluti ius pignoris, ius annuę pensionis, & alia eiusdem generis. [clem. exiui. §. cumque annui reditus. de verbo. signifi. l. qui actionem. ff. de regul. iuris. l. vlti. C. vbi in rem actio. Cirierus lib. 2. de primoge. quæst. 9. Tiraquel. de retractu municipali. §. 1. gloss. 6. & lib. de iure primige. quæst. 49.]
- 131 Plusculum dubitationis habet quæstio, de actionibus in personam, & nominibus debitorum: varij enim varia tradiderunt. Sed in proposito ea sententia verior esse videtur: vt illic esse cēseantur, vbi debitores cōueniendi sunt: nam ibidem a fisco fieri debet exactio. [l. Titium. §. tutores. ff. de adminis. tu. l. quæro. ff. de solutionib. Lopus allega. 92. Roma. in l. si constante. §. vlti. solut. matri. Alex. consi. 16. lib. 1. Soci. consil. 101. lib. 1. Bertra. consil. 74. lib. 2. Alciat. in l. cum stipulamur ff. de verbo. obligat. vide Tiraquel. de iure primige. quæst. 46. & deinceps.]
- 132 Bona hæreticorū diuidebantur olim, quibus-

quibusdam pontificijs cōstitutionibus, in tres partes : quarum vna tribuebatur domino temporali, altera officio sanctæ inquisitionis, tertia Ecclesiæ Romanæ. Hodie autem seruādę sunt recentiores constitutiones apostolicæ, quæ latę & in vsu fuerint, vt iurisconsulti Italiæ tradunt, relati a Camillo in Zanchinum cap. 26. & a Fran. Bursato. confi.

43. Sed in Hispania omnia ea bona data sunt, a regibus nostris catholicis, officio sacrosanctæ inquisitionis, pro salarijs, alimentis, & alijs plurimis necessarijs impensis. [2. instruct. Hispanen. cap. 12. Ioan. And. Domini. & Fran. in cap. cum secundum leges.]

133 Bona hæreticorum vsu capi possunt, etiam contra Ecclesiam Romanam, tēpore quadraginta annorum. Idemque iuris est contra fiscum, vt quodam instructionum capitulo continetur. Quin etiam alio capite cautum erat, vt etiam post quadraginta annos fiscus ea bona petere posset: id tamē abrogatum & ad ius pontificium redactum est, & ita vt iur. [c. 2. de præscript. lib. 6. 3. instr. Hispanen. c. 1. abrogatum. cap. 20. primæ instructionis. Zanchi. cap. 40.]

134 Nec me fugit, esse aliquos existimantes, præscriptione quinquennij, aut certe viginti annorum, fiscum submoueri posse. Sed quantum attinet ad bona publicata, hæc opinio e tribunali- bus nostris explosa eiectaque est. [l. 2. C. de apost. l. 1. §. vlti. ff. de iure fisci l. quamuis. ff. de vsu capio. l. in omnibus. ff. de diuer. & tempo. præscriptio- nib. glo. in l. vlti. C. de sacrosan. eccle. Bartol. in l. commissa. de publica. & vecti. Ancha. in c. cum secundum. de hæreti. lib. 6. Abbas & Feli. in c. cum nobis. de præscriptionib. Quemada quæst. 16.]

135 Si quid in singulos annos hæretico

debeatur, plurimum refert, quod ad publicationem attinet, an ex contractu, vel ex vltima voluntate, id illi compe- tat: nam priori casu, quia vna & per- petua obligatio est, publicatis eius bo- nis omnia quæ illi singulis annis præ- standi erant, confiscabuntur. [l. si Sti- chum. 16. de verb. obligat. l. senatus. §. vlti. ff. de donat. causa mort.]

136 Posteriori casu non publicantur præ- stationes futurorum annorum, quia plura censentur esse legata primi anni purum, sequentium conditionale: & ideo tale legatum ad hæredem non trā- sit. Adde quod cum sint plura legata, per singula legata ius capiendi inspicitur: ergo vt bona futura, & quæ postea videntur acquiri, non sequuntur fiscū. [l. si in singulos. l. cum in annos. ff. de annuis legat.]

137 Hactenus plures quæstiones resoluimus, quę breuiter concludi potuerunt: superest, vt tres alias prolixiores quan- ta fieri poterit breuitate tractemus. Vnam, de lucris coniugum: alteram, de restitutione ab hæretico facienda in foro conscientię: tertiam, de bonis primogenitorum confiscandis.

138 Prima ea quæstio est, quam frequen- ter tractatam esse Cordubæ scimus, vbi mihi natalis patria, & scilicet, & incli- ta est: contingit enim sæpe aliquos il- lic matrimonium contrahere, ac po- stea in aliam ciuitatem domicilium transferre, vel contra: post hæc alter coniugum in hæresim incidisse depre- henditur: dubium est, in confiscandis bonis quęstis, & auctis constante ma- trimonio, vtrius loci consuetudo in- spici debeat, contractus ne matrimo- nij, an domicilij: Mouet dubitatio- nem, quia vt vere testatur noster Lu- pus, Cordubæ non diuiduntur inter coniuges bona quęstita constante ma- trimonio.

- trimonio, quemadmodum in reliqua fere tota Hispania iuris & vxoribus communia sunt, sed solis acquirentibus deferuntur: quod & apud alias nationes moribus receptum est: nam in libro legis Saxonum, tit. 8. sic habetur: De eo quod vir & mulier simul cõquisierint, mulier mediam portionem accipiat, hoc apud Vuestfalaos: apud Ostfalos & Angrarios, nihil accipiat, sed contenta sit dote sua. Affert quoq; dubitationem lex quædam regia, quæ prima facie videtur iuri communi contraria: ea enim cauetur, vt quantum attinet ad huiusmodi lucra, semper cõsideretur consuetudo loci contractus matrimonij, non autẽ domicilij. [Ioa. Lup. in rubri. de donat. inter vir. & vx. §. 60. regia. l. 24. tit. 11. parte. 4.]
- 139 Illud sane dubitabile non est, quod pacta conuenta in contractu matrimonij de his lucris, siue vni, siue alteri, siue vtrique coniugum in toto vel parte acquirendis, seruanda omnino sunt, reiecta differentia locorum & consuetudinum. Quia tales conuentiones non sunt contra leges, aut bonos mores, sed ex consensu partiũ legem accipiunt. [c. 1. de sponsali. et illic Anto. Feli. & cæteri. c. 1. de filiis nat. ex matrimo. ad Morga. contra. lib. feudo.]
- 140 Sed cessantibus pactis cõuentis cum locorum consuetudines variant, tunc semper consideranda videtur consuetudo loci, in quo matrimonium fuit cõtractum, quod attinet ad acquirenda ea lucra: quia regia lex generaliter hoc dicere videtur: & noster Lupus author est, ita sæpe fuisse pronunciatum. [regia. l. 24. tit. 11. parte. 4. Ioan. Lupus in rub. de donat. inter. vir. & vx. §. 55. nu. 12. & §. 62. prope finem.]
- 141 Verum quia nonnunquam aliud sciimus esse vsitatum, & secundum varietatem casuum, varie quoque fuisse iudicatum: prædictam sententiam tunc sine dubio veram putamus, cum bona acquisita & multiplicata fuerunt in eodem loco, in quo matrimonium fuit contractum: tametsi postea in aliam ciuitatem migrauerint coniuges, & ibidem domicilium constituerint: in quo iura & interpretes plane consentiunt.
- 142 Supradictis tamen prima fronte ob stare videtur quoddam Vlpiani responsum, quo ait, inspiciendum esse locum domicilij mariti, non autem locum vbi instrumentum dotale conscriptum est, neq; locum in quo matrimonium fuit contractum: quemadmodum illic iuris interpretes tradunt. [l. exigere dotem. de iudi.]
- 143 Sed Vlpianus de alia specie longe diuersa loquitur, quam lex regia: ille. n. de exactione dotis locutus est, cuius actio tractari debet in loco domicilij mariti: regia vero lex de acquisitione lucrorum statuit, quæ secundum statuta & consuetudines lucrorum, in quibus multiplicata sunt, acquiruntur.
- 144 His adiice quod communi fere omnium consensu traditur speciale esse in contractu matrimonij, vt non inspicitur locus contractus, sed locus domicilij mariti: quia illuc videntur coniuges destinasse dotis exactionem. & solutionem, vbi mulier secutura est virum, & eius forum sortiri debet. [l. cū quædam. de iurisd. omni. iudi. & est communis intellectus. l. exigere dotem. de iudi. illic. & in l. 1. C. de summa Trini. quem sequuntur Archid. & Prepo. in c. illud. 12. distin. Ioan. Andre. Anto. Bal. Abbas. & Feli. nu. 24. in c. 1. de sponsa. And. Siculus consil. 4. lib. 2. Alex. consil. 129. l. 7. Ias. in l. qui certo loco. de condi. inde. Decius consil. 19. & 283. & 402. Tiraquel. post leges connu-

- connubi. nu. 46.]
- 145 Sed & regia illa lex accipi potest, cū coniuges animum habuerunt permanēdi in loco, vbi matrimonium contraxerunt: Vlpianus autem loquitur de alia specie, cum maritus contraxit, vt aduena, & statim redijt in locum habitationis suæ: quod & Suares noster ait. Accedit eo exemplum eius, qui contraxit cum aduena, quem sciuit cōfestim recessurum, is etenim videtur destinasse contractus executionem loco domicilij aduena. [Suares in l. 1. tit. 3. lib. 3. fori legum. limitatione. 6. & l. hæres absens. §. proinde. de iudi. cōfert l. si ita legatum. de legat. 3. & l. nihil interest. de capti.]
- 146 Conuestiri potest hæc sententia traditione illa, quæ plurimis placet, ac vera est, quod Vlpiani responsum locum non habet, cum vir transit in domicilium vxoris, & suum relinquit: tunc enim domicilium illud nouum consideratur, non autem locus contractus, aut veteris domicilij. Et hoc etiam casu legem regiam restringit Ioannes Lupus. Nec nouum est, vt posteriores leges per priores declarētur. [Ioan. And. Imo. & Feli. nu. 26. in c. 1. de sponsali. Bal. in l. vlti. C. si a non compet. iudi. Ias. in l. cum quedam. de iuris. omni. iudi. Barba. consi. 4. lib. 2. Decius consi. 283. Hippoly. singula. 267. Purpura. in l. 1. de summa Trini. nu. 120. Cassene. in consuetu. Burgun. rubr. 4. §. 2. col. 8. Tiraquel. post leges connubi. nu. 47. Gratus consi. 113. lib. 2. Ioan. Lup. in rub. de donat. inter vir. & vxor. §. 55. l. sed & posteriores. de legibus.]
- 147 Sed iam ad supra tactam quæstionē reuertamur: & iterum videamus, an quantum ad acquisitionem & confiscationē lucrorum attinet, inspicere debeat consuetudo loci, in quo bona inter cō-

- iuges multiplicata sunt, vel potius illius loci, vbi domicilium ipsimet coniuges habent. Cui quæstioni ex mente omnium supra respondimus, inspiciendā esse consuetudinem loci, vbi bona fuerunt acquisita: præsertim cum consuetudo fuerit in rem scripta, qualis consuetudo Hispaniæ generalis est: quæ bona multiplicata afficit, ac de lucris inter virum & vxorem diuidendis loquitur. [l. cum seq. tit. 3. lib. 3. fori legū.]
- 148 Inter omnes autem iuris peritos cōuenit, vt quod attinet ad omnes fere iuris effectus, seruari debeant leges & cōsuetudines illarum prouinciarū, in quibus prædia & alia bona omnia consistunt. Quæ sententia multis iure consultorum responsis, & Cæsarum constitutionibus comprobatur. [l. forma. §. si vero. de censu. l. pupillo. de tuto. & curato. dat. ab his l. venditor. §. si constat. commu. prædi. l. Titium. §. tutor. de admi. tuto. l. constitutio. ad municipia. l. an in totum. C. de ædifi. priua. l. vlti. vbi in rem actio. l. certa forma. de iure. fis. l. 1. de mulie. & in quo loco. lib. 10. & cap. ecclesias. 13. q. 1. & cap. de decimis. cum seq. 16. q. 1.]
- 149 Sed & iuris periti sepissime hanc sententiam communi consensu tradunt. [in l. 1. C. de sacrosan. eccle. Iacob. de Raue. Pet. Cynus & Bar. nu. 42. & illic Bal. col. 12. Alci. glo. vlti. col. 1. & pen. Alex. consi. 16. lib. 1. & iterum consi. 44. lib. 5. Soci. consi. 288. & rursus consi. 292. lib. 2. Rubeus consi. 71. Gozadi. consi. 49. Cirierus de primogenitura lib. 2. q. 7. Couar. in epitome parte 2. cap. 7. nu. 9. plenius Tiraquel. de iure primoge. q. 49. nu. 2.]
- 150 Id quoque confirmat eandem sententiam, quod leges & consuetudines non extendunt vim suam extra territorium: præsertim cum consuetudo Cordubensis

- lis odiosa esse videatur, & contra societatem illam diuinę & humanę domus, quę inter coniuges quidem arctissima est. [l. vlti. de iurisd. omni. iudi. c. illa. 12. distin. l. 1. de ritu nupt. l. aduersus. C. de crimi. expila. hære.] & est communis opinio quod odiosa consuetudo non extenditur. [Bar. nu. 32. Bal. Sali. & cæteri in. l. 1. de summa Trinita. Pau. consi. 223. Cardi. consi. 2. Alex. cõsi. 16. lib. 1. Capra. cõsi. 42. Barba. cõsi. 38. lib. 3. Corne. consi. 115. lib. 2. Decius consi. 276. & 314.]
- 151 Itaq; si cõiuges Cordubenses aliqua bona acquirerint in alia prouincia Hispaniæ, vbi ea lucra communia sunt viri & vxoris : quamuis antea vel postea Cordubę domicilium habuerint, nihilominus illa lucra æqualiter inter illos diuidentur: neque considerabitur locus, in quo matrimonium contraxerint. Hanc sententiam sequuntur multi iuris periti, quibus ego supra dictis alijsque argumentis persuasus vehementer assentior. [Oldra. consi. 249. Ioan. And. ad Specul. titul. de instrumen. editione. §. compendiose. Signorol. consi. 166. Ancha. consi. 163. Curtius senior cõsi. 43. Cassene. consi. 7. & in consuetu. Burgun. rubri. 4. §. 2. col. 8. plenius Aymo. consi. 30.]
- 152 Sed huic sententię fortiter obstare videtur lex illa regia, quę generaliter ait, considerandam esse, ad acquisitionem horum lucrorum consuetudinem loci, in quo matrimonium fuit contractum, tametsi postea coniuges in aliam prouinciam migrauerint. Dubitationem auget, quod assertionem nostra redderetur quodam modo superuacua lex regia, quę otiose meminisset loci, vbi matrimonium fuit contractum, cum potius considerare deberet locum, in quo bona sunt acquisita. [regia. l. 24. tit. 11. parte. 4.]
- 153 Neque illud verum est, quod supra ceu indubitatum assumpsimus, consuetudinem Cordubensem odiosam esse. Nam & illa iuri communi consonat, quo quidquid alter ex coniugibus acquirit, sibi soli acquirit, & fauorabilis censenda est, quia redit ad ius antiquum, & quia in fauorem virorum introducta est, nõ autem in odium vxorum. Quapropter id præualere debet, quod præcipue intenditur. [l. ex pecunia. C. de iure. dot. l. si vnus. §. quod & in specie. de pact. l. qui exceptionem. de condi. inde. Bar. Pau. & Alex. in. l. 2. C. quod mer. causa.]
- 154 Accedit eodem, quod nonnulli iuris periti recte asserunt, consuetudinẽ, quę lucra fiunt communia, exorbitantem & contra ius esse: multique alij putant consuetudinem fauorabilem extendendam esse ad bona existentia extra territorium. [Ioan. And. in. c. 2. de donat. inter. vir. & vxor. Nico. de Vbal. de successio. ab intesta. parte. 4. Cassene. in. consue. Burgun. rubr. 2. §. 4. col. 2. quod consuetudo fauorabilis extendatur. l. propter litem. §. licet. de excusa. tuto. l. 2. C. eodem tit. l. magis puto. §. illud de rebus eorum. Roma. consi. 39. Alex. consi. 41. lib. 5. Capra. consi. 21. Barba. consi. vlti. libro. 3. Corne. consi. 222. lib. 4. Decius in. l. si. de iurisd. omni. iudi. nu. 13.]
- 155 Sed tamen hæc argumenta non vsq; adeo vrgent, vt propterea necessarium sit a cõmuni & vera sententia discedere. Nam regia lex cum dicit, seruandam esse consuetudinem illius loci, in quo vir & vxor matrimoniũ contraxerunt, quantum ad lucra, quę fecerunt: Et rursus cū dicit, non esse seruandam consuetudinem prouincię, in quā postea migrauerint, quantum attinet ad illa lucra: nil aliud

aliud sine dubio significare voluit, quā de lucris coniugum iudicandum esse, secundū leges & consuetudines prouinciae, in qua matrimonium fuit contractum, & lucra facta: non autem secundum eam consuetudinē, quā in alia prouincia viget, in quam post lucra acquisita domicilium transtulerint. Quam intelligentiam verba illa copulata praeteriti tēporis satis indicant: neq; aliquid habent absurdi, neque iuri communi, aut receptis doctrinis aduersantur. [l. 24. tit. 11. parte. 4. lib. 3. §. hęc verba. de nego. gestis. l. in delictis. §. 1. de noxali.]

156 Quod vero multi putant, consuetudinem fauorabilem interdum extendi posse: id tunc tantum locum habet, cum ea praecipue personas respicit, & in consequentia bona: quod & illimet iurisperiti fatentur, aliud autem prorsus est, cum consuetudo in rem scripta fuerit, qualem hanc nostram esse paulo ante probaui.

157 Altera quaestio prolixae quidē ac difficilis tractationis, sed magni momenti est: an haereticus non dum a iudice condemnatus, nec ab aliquo accusatus teneatur in foro conscientiae bona sua omnia offerre fisco, alioqui tamquam res alienas retinens, tandiu sit in reatu peccati mortiferi, quandiu bona, quae possidet, non restituit fisco.

158 Hanc disputationem difficilē nobis reddit Alfonsus Castrus, qui copiosius & neruosius, quam reliqui omnes communem sententiam impugnat: is enim lib. 2. de potestate legis poenalis, vsque adeo acriter argumentatur, & tam fortiter vndique vrget, vt propemodum receptas doctrinas subuerterit: cuius argumenta, quanta potero breuitate referam, & consutabo. Quod equidem non eo animo aggredior, vt contra vi-

rum doctissimum dicam, sed vt benigniorem & receptiorem sententiam, veriorē quoque esse, euidenter ostendā.

159 Primo sic argumentatur noster Alfonsus. Haereticus priuatus est ipso iure dominio bonorum suorum, quod in fiscum translatū est: ergo vero domino bona illa reddere debet, alioqui lethali-ter peccat retinens rem alienam inuito domino. Secundo, si iudex declararet illum haereticum esse, teneretur statim sine aliqua condemnatione bona sua in foro conscientiae reddere fisco: ergo & ante sententiā ea restituere debet. Tertio, si fiscus occuparet ante sententiam bona haeretici etiam inuiti, quem tamen constaret fisco haereticum esse, non teneretur ea haeretico restituere: ergo haereticus antequam fiscus ea occuparet, tenetur ei bona illa dare.

160 Quarto, fiscus posset occupare secreto ab haeretico tot bona, quot ille retinet ex his quae ad fiscum pertinent, quando fiscus non posset in iudicio haeresim testibus probare: ergo haereticus ex conscientia tenetur eadem bona fisco reddere. Quinto, haereticus iniuste possidet bona, quia sine titulo ea retinet: ergo restituere fisco tenetur. Sexto, si dominium haereticus retineret, transmitteret illud in haeredem: haeres autē non posset illis bonis priuari, quia nunquam aliquis sine culpa vera, vel praesumpta, priuari potest dominio bonorum suorum. Demū citat aliquos huius quoque opinionis auctores.

161 Hęc summa est argumentorum, quibus prolixius relatis & confirmatis, suā opinionē tuetur Alfonsus. Quorum, vt verū fatear, omnium primū duntaxat, fortissimū esse mihi videtur. Quam ob rem illius dissolutionem in alium locū reijciam, vt cetera argumenta omnia breuiter iam diluere possim.

162 Secundum fundamentum illius opinionis est, quod per solam sententiam declaratoriam super crimine latam, tenetur hæreticus in foro conscientie bona omnia tradere fisco, etiam si nulla alia iudicis cōdemnatio adiecta sit: ergo ante sententiā tenetur id ipsum facere: quia sententiā declaratoria nullā inducit obligationem. Neque ob aliud ea sententia exigitur, quam ut constet crimen esse commissum. Quod cum hæretico sit notissimum, frustra spectat sententiam declaratoriam ad faciendam restitutionem: eo præsertim accedente, quod iuxta quorundam opinionem, talis sententia necessaria non est in crimine notorio. [hæc Alfon. l. 2. de potesta. legis pœnalis. ca. 10. citans. c. cum secundum. §. vlti. de hæreti. lib. 6. & Felinum. in. c. canonum. de constitu. & alia quædam.]

163 Hoc argumentum facile (ni fallor) dissolui potest: nam quod ait sententiā declaratoriam absq; alia cōdemnatione sufficere, ut hæreticus restituere bona teneatur in foro cōscientie, quamuis ab eo non petantur, negari quidem posset: quia decretum Bonifacii viii. ab Alfonso prolatum, non probat eius sententiā: tum quia nihil illic agitur de restitutione bonorum in foro cōscientie faciendæ: tum etiam quia promulgare sententiam super crimine, (quod in eodem decreto adiicitur) non sic accipiendum est, ut iudex ita pronuntiet: declaro Bucerum hæreticum esse: quis enim tam breuiem & mancam sententiam proferat? Sed sententiam super crimine promulgare, hoc quoque includit, ut Bucerus declaretur hæreticus, & per cōsequentiam incidisse in pœnas iure statutas, in quas per eandem sententiā cōdemnari debet: alioqui nullius momenti sententia est, quæ cōdemnatio-

nem vel absolutionem non continet. [c. cum secundū. §. vlti. de hæreti. lib. 6. l. præses. C. de sent. & interlo. omni. iudi. l. 1. de re iudi.]

164 Sed age concedamus, illam sententiam ferri posse, fingamusque aliquem iudicem laconem, qui pronuntiet his tantum verbis: declaro Bucerum hæreticum esse. Nunquid hæc sententia vim expresse cōdemnationis non habet? imo nihil prorsus ab ea distet, quæ Bucerum nominatim cōdemnet ad subeundas omnes pœnas iure statutas. Nā si iudex ita pronunciauerit: calumniatus es: cōdemnavit accusatorem. Et quāvis nihil de pœna subiecerit: tamen legis potestas aduersus eū exercebitur. [ut recte Marcellus iure consultus tradidit. l. 1. §. 1. ad senatus cōsu. Turpilia.]

165 Vnde manifeste relinquitur, infirmā esse consequentiam illius argumenti: quia longe alia causa est reorum ante sententiam, & post sententiam, quemadmodum omnium consensu receptū est, neque id Alfonso ipse negaret: sed in eo forte labitur, quod putat sententiam declaratoriam vim cōdemnationis non habere. Nec moueat quæquam quod ille ait, sententiam declaratoriam propterea necessariam esse, ut manifestum fiat crimen fisco & alijs: quia meo quidem iudicio longe alia ratio est propter quam ea sententia requiritur: nepe, ut antequam proferatur, causæ cognitio præcedat, & reus accusetur, audiatur, ac defendatur: & tandem iuris ordine seruato absoluator, vel cōdemnetur. Nec enim proferitur sententia, ut per illam de crimine constet: sed ubi de crimine constat, tunc sententia proferitur, ut reus vel absoluator, vel damnetur: & ut leges executioni mandentur antecedente sententia.

166 Inde quoque sequitur, falsam esse opinionem,

opinationem illam, quam Alfonso tanquam indubitatam assumit, quod in crimine notorio non sit necessaria sententia: id enim nullo iure, aut euidenti ratione probatur, quinimo crimina manifestissima egent causę cognitione, atq; sententia iudicis competentis: neque tamen euidentia potest esse delictum, quod aliqua iusta defensione in toto, aut parte, defendi aut excusari non queat: quod & Alfonso ipse fatetur. Euidencia quidem patrati sceleris non eget clamore accusatoris, sed tamen eget sententia iudicis. [c. euidentia. de accusatio. & illic glo. vlti. & interpretes.]

167 Postremo, illud etiam falsum esse convincitur, quod propterea reus tenetur omnia bona tradere fisco, quia sibi ipsi manifesta est hæresis. Non enim est id quod eum obligat, sed iudicis iusta sententia super crimine promulgata: quæ quamuis declaratoria sit, applicat tamen pœnam singulis hæreticis, quæ generaliter per leges statuta est aduersus oēs.

168 Etenim lex condemnans vniuersos hæreticos, nihil aliud esse videtur, quam generalis quædam sententia principis aduersus omnes hæreticos lata. Vnde cum eiusmodi lex non condemnet nominatim Lucium vel Titium, nec reorū defensiones audire possit, necesse est, vt per iudicem custodem legis atque ministrum, reus examinetur, & iuris ordine seruato, causa cognita damnetur, ac declaretur pœna & sententia legis comprehendendi. Nam quemadmodum generalis sententia principis non designatis certis personis, incerta esset, ac neminem in indiuiduo comprehenderet: sic sententia illa legis generalis, qua omnes hæretici condemnantur, & eorū bona confiscantur, incerta est, & nullam vim habere videtur, antequam per iudicem Lucius ac Titius hæretici decla-

rentur, & secundum legem condemnentur. Quod Gerson quoque fere mecum sentit. & sanctus Thomas in librum. 5. ethi. lect. 12. inquit: Sententia iusta sunt applicationes iustorum legalium ad particularia facta. [l. in sūma. de re iudi. §. curare. institui. de actioni. Gerson parte. 3. lectione. 4. de vita spiritali, Corollario decimo quarto, in fine secundę propositionis.]

169 Accedit eodem, quod lex humana non habet maiorem potestatem, quam princeps: nam princeps leges ipsas condit: & vt inquit Xenophon lib. 8. de pædia seu disciplina Cyri: Princeps ipse lex videns est: & Philo. lib. 2. de vita Moysis: Rex animata lex est, lex vero rex est iustissimus: & Iustinianus in authenticis constitutionibus ait, Principem esse legē viuam & animatam, cui Deus leges humanas subiecit: sed princeps non potest hæreticum aliquem ante damnare, quā cum hæreticum esse constet: idque non aliter fieri potest, quam antecedente citatione, atq; omni causa diligenter cognita: ergo neq; per legem potest quispiam sic damnari, vt priusquam de crimine legitime constet, iam sit ipso iure ita cōdemnatus, vt se ipsum prodere, atque accusare teneatur, & ante iudicis sententiam astrictus sit ex conscientia omnia bona offerre fisco. [l. princeps. de legi. l. 1. de constit. princi. authen. de consuli. §. vlti. actorū. c. 25. Clem. pastoralis. §. vltim. de re iudi. c. 1. de causa posse. & propria.]

170 Præterea quamuis crimen sit ipsi reo manifestum, non tamen propterea tenetur ad executionem pœnæ in se ipsum faciendā in foro consciētia, priusquam in foro exteriori sit per iudicem iure damnatus: quemadmodum nec princeps, nec iudex debet, aut potest illum reum condemnare, quem certissime

scit crimen commisisse, nisi tanquam iudici hoc illi constiterit, id est, ex fide eorum, quæ probata fuerint ex actis causæ, ordine iuris seruato. Denique omnes pœnæ legibus statutz publicis accusationibus, publicis actis, & sententijs, item publicis egent executionibus: nihilque aliud legum latores suis legibus aut præcipiunt, aut volunt: quem admodum plenius alio loco dicemus. & hætenus de secundo argumento fortassis satis & super. [l. illicitas. §. veritas. de offi. præsi. l. prolatam. C. de senten. & interlocutio. cap. si peccauerit, cum seq. 2. quæst. 1.]

- 171 Tertium Alfonsi argumentum inane prorsus est, ab imis vnguibus vsque ad verticem summum. Sic enim argumentatur. Si sciret fiscus per euidentiā rei, quæ nulla posset tergiversatione celari, Petrum hæreticum esse, & eo inuito ante sententiam bona illius caperet, non teneretur illi reddere: ergo Petrus antequam fiscus ea capiat, tenetur ex conscientia restituere. Sed age, perpendamus iam singulas argumenti partes. Si sciret (inquit) fiscus: hic subistere possem, atque negare, fiscum, qui inanimus est, posse quippiam intelligere aut scire: sed nihil moror. Fingam ergo fiscum esse hominē aliquem, quid tum postea? Si sciret, inquit, per euidentiā rei, quæ nulla posset tergiversatione celari. Hoc quoque videtur impossibile: nam cum hæresis omnis in intellectu & voluntate consistat, vix tam cognita cuiquam videri potest, ut non excusari ac defendi aliqua ratione queat: quod ipsemet Alfonsus in præcedenti argumento ingenue fassus est. Sed fingamus iterum id evenire posse: quid deinde? innuere videtur, posse fiscum hæretico inuito ante sententiam bona illius inuadere: quod quidem fieri pos-

se nego: non enim quispiam hæretici bona inuadere, aut occupare prius poterit, quam publice sit ille citatus, accusatus, auditus, defensus, conuictus, damnatus.

- 172 Sed pergit Alfonsus, & in confirmationem argumenti ait: fortasse peccare fiscum eo modo hæretici bona occupando: verum quia hæreticus ea iniuste possidebat, fiscus autem post apprehensionem iuste possidet, non teneri fiscum, ea bona hæretico restituere. Quod vero ad restitutionem eo casu fiscus non teneatur quadam regula iuris probatur, cuius verba sunt: Quod a quoquā pœnæ nomine exactum est, id eidem restituere nemo cogitur. Quod illic Decius & Montanus aiunt locum habere in foro conscientiz. [l. quod a quoquā. de regu. iuris.]

- 173 Hic iterum nego, possessionem hæretici ante sententiā esse iniustam: quia hæreticus adhuc retinet naturale dominium suorum bonorum: habet etiam titulum & possessionem, & bonorum administrationē: ergo non iniuste possidet. Quod autem habeat naturale dominium, ex eo satis constat, quod naturaliter insistit rei cuius titulum & causam habet, neque aliqua lege tale dominium ante sententiam auferitur ab eo: nec propter hæresim illud, aut eius titulum iure naturali aut diuino ipso facto amittit: possessionem autem omnes concedunt permanere apud hæreticū, ea igitur iusta & legitima est. [l. auferitur. §. in reatu. de iure fisci. Ancha. in c. cum secundum leges. Curtius Senior. consi. 20.]

- 174 Vnde consequitur euidētissime, fiscum neque occupare, neque inuadere posse talem possessionem: neque enim manu propria ius sibi dicere, aut vim inferre debet hæretico nondū condemnato:

nato: quod generaliter innumeris fere legibus prohibetur: & nominatim de hæretici possessione loquens Almainus id ipsum tradit, & reliqui omnes consentiunt. [l. nullus. C. de Iudæis. l. 1. & seq. quando lice. vnicuiq. l. si quis in tantâ. C. vnde vi. Almainus. in li. 4. sent. dist. 15. q. 2. de restitutione in principio.]

175 Inde etiam perspicuū fit, talem fisci possessionem violentam & iniustā esse. Nam vt recte Fabius ait: Quidquid iure possidetur, iniuria aufertur. Vnde illud quoque relinquitur, fiscum teneri ad restitutionem illius possessionis: quā doquidem spoliatus etiam a iudice iuris ordine prætermisso, confestim restitui debet, etiam si prædo sit, nec iniuste priuandus est commodo suæ possessionis. [Fabius declamat. 13. c. in literis c. conquerente. de resti. spolia. c. licet episcopus. de præben. lib. 6. §. retinen de. instit. de interdi.]

176 Quinimo fiscus teneretur occulto hæretico furti actione tametsi verus dominus esset: quia eius interest, bona illa subrepta non esse. [l. itaque Fullo. §. vlti. l. cum es pignori. l. qui iniuriæ. §. vlti. ff. de furtis.]

177 Nec probat Alfonsi opinionem supra scripta regula iuris, quæ quidem de iusta exactione loquitur, non autem de violenta inuasionē. Ait enim quod a quoquam pœnæ nomine exactum est: exactum ait, non raptum, non spoliatum, non violenter inuasum: nec aliud est in iure ciuili exigere, quam instituta actione petere. Quod si exactionem illam, pro violenta inuasionē accipiamus: vide ne cuilibet permissum esse videatur, autoritate priuata pœnas ab inuito extorquere. Quo quid absurdius, aut periculosius dici excogitariue potest? [l. exigere dotem. de iudi. l. 1. §. exactio. C. de rei vx. actio. Alcia. in l.]

transacta. de verbo. signi.]

178 Nec abnuerim, Decium & Montanum recte dixisse, neminem cogendum restituere in foro conscientiae, quod pœnæ nomine a quoquam exegerit. Id. n. verum & extra controuersiam est: nam pœnas ob maleficia solui magna ratio suadet. Verum nihil nostræ sententiæ obstat: sed aduersus quorundam puerilem errorem id illi dixerunt, qui falso putabant, nil pœnæ nomine salua conscientia exigi, aut retineri posse: quos plenius confutat Fortunius noster. [lib. de vltimo fine iuris, illatione. 18. l. si a reo. §. vlti. ff. de fideiusso. lib.]

179 Atqui Alfonsus instat, & suam opinionem comprobatur autoritate Innocentij & Baldi assentientium, in executione non esse cognitionem aliquam necessariam: sed neque inde aliquid contra nostram sententiam sequitur: illi enim de iusta executione loquuntur, non autem de violenta inuasionē. Is enim cui mera executio a iudice mandata est, potest eam ad effectum perducere sine causæ cognitione, imo de iustitia causæ cognoscere nequit. Et id est quod patres illi docent. [Inno. in c. ex ratione. de appellatio. Bal. in c. 1. de feudo sine culpa non ami. c. pastoralis. §. quia vero. de offi. delega. l. executorem. C. de executio. rei iudi. Felinus post alios in c. de cetero. de re iudi.]

180 Præterea conatur Alfonsus opinionem illam suadere, lege quadam pontificia, sepe a nobis memorata, & sepius adhuc memoranda, quæ quidem tantū abest, vt ei suffragari valeat, vt vel ea sola hoc eius argumentum facile subuertatur. Prohibet enim lex executionem & occupationem bonorum, antequam sententia sit super crimine promulgata. Vnde perspicuum fit, occupationem & executionem antea factam, repro-

- bam & iniustam esse. Sed addit Alfonso, lex eadem nō dicit, apprehensionē bonorum esse inanem & nullam: ergo necessario erit firma & valida. Cui illud respondeo, quod lege ciuili iam olim declaratum est: nempe, consequētiam hanc inualidam & inanem esse. Lex. n. ait, legislatori, quod fieri non vult, tantum prohibuisse sufficiat, cætera quasi expressa, ex legis liceat voluntate colligere: hoc est, vt ea quæ lege fieri prohibentur, si fuerint facta, non solum inutilia, sed pro infectis habeantur, licet legislator fieri prohibuerit tantum, & non specialiter dixerit, inutile esse debere quod factum est, sed & si quid fuerit subsecutum ex eo, vel ob id, quod interdicente lege factum est, illud quoque cassum atque inutile esse præcipimus. Hæc sunt verba legis. Ex quibus & alijs paulo ante commemoratis illud quoque relinquitur, in specie proposita fiscum esse inuaforem iniustum, hæreticum vero defensore possessionis iustum. [c. cum secundum. §. vlti. de hæreti. lib. 6. l. non dubium. C. de legibus. l. 3. de his qui ad eccle. confu.]
- 181 Quartum Alfonso argumentum debile & infirmum est, quia fiscus non potest ante sententiā hæretici bona occupare, vt iam luculenter ostendimus: nec minus iniusta est clandestina possessio contra legem vsurpata, quam violenter oblata. [l. 1. §. denique quod vi aut clam. cap. item cum quis. de resti. spoliato.]
- 182 Fortius vrgeri videtur id quod in fine eiusdem argumenti addidit: debitor intelligitur is a quo inuito exigi pecunia potest, vt ait Modestinus: hæreticus autem est fisci debitor, quia ab eo inuito bona omnia fiscus exigere potest: ergo hæreticus tenetur in foro conscientię restituere bona omnia fisco, dicente
- Paulo apostolo: Reddite omnibus debita. [epistolæ ad Roman. cap. 13. l. debitor. de verb. signi.]
- 183 Cui argumento responderi multifariam potest. Primo quod non ab omni debitore inuito exigi pecunia potest: nec enim ab eo qui debitor est in diem, exigi poterit pecunia ante illud tēpus: multo igitur minus occupari clanculū bona hæretici poterunt, antequam sententia sit promulgata: nec in foro quidem conscientię quispiam debitū soluere tenetur ante tempus. [l. cedere diē. de verb. signi. l. 1. C. de plus peti.]
- 184 Nec oberit si dicatur, tempus ferendæ sententiæ statutum esse occupationi & executioni, non autem obligationi: quia is, qui in legem prænalem incidit, non tenetur exequi pœnam in se ipsum ante sententiam. Quinimo probabile est, quod nec post sententiam teneatur ad executionem, sed tantum ad eam patienter tolerandam: nisi forte iudex pronūtiauerit, vt reus prius aliquid præstet, quod tamen nec leges nec sententiæ dicere solent: sed leges pœnam statuunt, iudices vero condemnant, vt pœna legis Lucio vel Titio irrogetur, quam pœnam illi soluere teneantur intra certum tempus, postea quam fuerint admoniti cum literis executorijs illius sententiæ.
- 185 Alio quoque modo respondeo supra scripto argumento, quod cum aliquis lege humana debitor tantum est, quamuis ab eo inuito pecunia exigi possit, nihilominus tamen ipse non tenetur in foro cōscientiæ illam restituere. Quod probo duplici exemplo, & alijs quoque multis comprobare possem. Primo, qui per literarum obligationem aliquid spe futurę numerationis se debere confessus est, is post biennium debitor eius modi est, vt ab eo inuito pecunia exigi possit,

possit, & tamen eam in foro conscientiae ante executionem soluere non tenetur. Similia prorsus de eo dici possunt, qui per falsas probationes condemnatus est, a quo inuito pecunia exigi potest, quam tamen in foro conscientiae soluere non tenetur: hereticus autē lege tantum debitor est, & quidem lege poenali, & quae non illi praecipit, ut bona sua offerat fisco, sed duntaxat ait, ea esse confiscata, nec ante permittit executionem, quam sententia super crimine fuerit promulgata. [l. in contractibus. C. de non nume. pecu. l. Iulianus verum debitorem. de condi. indeb.]

186 Sed forsitan quispiam dixerit, supra scripta exempla in eo dissimilia esse, quod in utroque foret iniusta exactio: fiscus autē haeretici bona exigere iure potest. Cui respondeo, similitudinem nihilominus in eo manere, quod utrobique debitor lege tantum humana tenebatur. Quid quod fieri potest, ut exactio iusta sit in illis speciebus, videlicet si actor in ius alterius successerit, & scriptura vel testibus deceptus iustam ignorantiae causam habet? Quid quod possem alia sexcenta proferre, in quibus exactio sit iusta, & is a quo inuito pecunia exigitur, eam restituere non teneatur in foro conscientiae? Sed alia duo exempla verbi gratia posuisse sufficiet. Si pater tuus rem aliquam secreto mihi donauerit, vel in minus solemni voluntate aliquid mihi praesenti reliquerit: nō teneor ego tibi, patris haeredi, res illas restituere: tu vero easdem exigere a me etiam inuito potes: nil ergo prohibet quin fisco exigere possit haeretici bona, haeticus autem ea restituere ante sententiam in foro conscientiae non teneatur. [l. 2. C. de fidei commi. l. duo sunt Titij. de testamenta. tute.]

187 Postremo, ne longius abeam, supra

dicto argumento respondeo, Modestini sententiam plerumque in foro conscientiae locum non habere: multi siquidem in foro conscientiae vere debitores sunt, a quibus inuitis nil exigi potest: e contrario multos reperire licebit, a quibus multa exigi possunt, qui tamen nihil debent in foro conscientiae. Denique titulum habet haeticus, & verum ac naturale dominium bonorum suorum, habet item iustam possessionem, ut supra quoque dixi: relinquitur ergo, non esse illum obligatum ex conscientia ante sententiam, bona sua dare aut offerre fisco.

188 Quinto argumento Alfonsus prolixè probare conatur, possessionem haeretici esse iniustam, quia (ut inquit) nullo iure aut iusto titulo eam habet. Nos autem verisimilius paulo ante probauimus, haeretici possessionem esse iustam, neque aliquo iure prohibitam, aut improbatam esse: non iure naturali, non diuino, non gentium, aut civili: quinimo iure ipso pontificio, quo praecipue bona haeticorum confiscantur, possessio illis non tantum relinquitur, verum etiam defenditur: & prohibetur, ne fiscus ante sententiam occupare illam villo modo queat. Adde quod haeticus pro suo possidet, ac verum dominium & titulum retinet: nec animo aut corpore possidere propter haesim desinit. Non ergo tenetur in foro conscientiae fisco possessionem tradere ante sententiam. [c. cum secundum. §. vlti. de haeretici. lib. 6.]

189 Sexto argumento probare nititur, dominium bonorum haeretici translātū esse in fiscum ipso iure, a tempore commissi criminis: quia si haeticus verum dominium haberet, utique transmississet illud in haeredem, a quo auferri non posset, nisi propter ipsius haeredis culpā veram,

veram, vel præsumptā: sed omni culpa hæredis cessante, auferuntur ab eo illa bona: ergo verum illorum dominium nec hæreticus habuit, nec ad hæredes transmisit. Hoc argumentum nullas omnino vires habet: quia hæredes repræsentant personam defunctorum, & nō secus atque illi, si viuerent, conueniri possunt. Proinde non solum ex contractibus defuncti conueniuntur, sed in interdum etiam ex delictis: scilicet, si illis fuit cēpta cū defuncto, vel pœna ipso iure imposita, ita vt post mortem accusari possit reus, vt fit in crimine hæresis, vel si ex maleficio aliquid ad eos peruenit: quibus casibus hæredes soluere debent etiam innocentes, quamuis verum dominiū ad eos traslatum sit. [l. i. C. ex delictis defun. c. a nobis. 2. de sent. excōmu. c. accusatus. §. in eo. de hæreti. lib. 6. l. i. vt actio. ab hære. & contra hered. incipi.]

190 Ad postremum Alfonso citat non nullos suæ opinionis authores: verum pro nobis e regione pugnant agmina ingentia theologiæ ac iuris peritorum: quorum sententiā benignior quidem & longe receptior est. [Opinionē Alfonso sequuntur Abbas & Felin. in. ca. 1. de constitu. Pau. in. l. 1. §. ad bestias. de postulan. Angel. in authen. de incestis nupt. Barba. in. c. Rainaldus. de testamō. Corsetus in singularibus. Maynerius in l. quod a quoquā. de regu. iur.: quibus addo Cardi. in. c. fraternitas. 12. q. 2. Parpa. in. l. si quis maior. C. de trasact. Matthæ. in consti. Sicilia, violentias. rub. 29. lib. 1. q. 2. quos & alios similiter errans allegat Tiraquel. in. l. si vnquam. C. de reuocan. donat. parte, reuertatur. nume. 236. cui adde Ludouic. Gómez. in. capit. 1. de rescript. lib. 6. nu. 9.]

191 Superest iam, vt ad primum illud

Alfonsi argumentum, quod fortissimū esse diximus, reuertamur. Sed priusquā illud dissoluere aggrediamur, tria breuiter tractare oportet, quæ quidem nec extra propositum, nec inutiliter disseremus. Primum an princeps possit legem condere, qua expresse obliget reū ad magnam aliquam pœnā in se ipsum exequendam in foro conscientię. Secundum, esto quod possit, an id facere debeat. Tertium, vtrum id voluisse in dubio credendus sit.

192 In prima quæstione Alfonso ait legē fieri posse, qua reus ad pœnam subeundam obligetur in foro conscientię: quod probat quibusdam legibus diuinis, quas prolixè inducit ad suam opinionem cōfirmandam: & inde postea deducit, idē quoq; legibus humanis fieri posse. [Alfon. Castren. libr. 2. de potesta. legis pœna. c. 4.]

193 Cui equidem ita posse respōderi censeo. Primo, quod longe alia causa est diuini legislatoris atque humani. Deus enim cōdere potest leges pœnales æque obligantes in omni foro: homo autem nihil statuere potest extra suum territorium, extra quod sine dubio forum conscientię est. [l. vlti. de iurisd. omni. iudi. cap. inquisitioni. de senten. excommuni.]

194 Deinde leges ab Alfonso citatæ vel de satisfactione offensæ, vel damni dati loquuntur, vel de aliqua exigua quantitate offerenda pro expiatione peccati: at in quæstione proposita nullam offensam vel damnum hæreticus fisco fecit, & nihilominus omnia bona in meram pœnam eidem offerre deberet. Postremo iudicialia illa veteris testamenti nō sunt in exemplum nostræ actionis trahenda. [c. vltim. 6. distinctio. & in summa. 15. quæst. 3. Tho. 1. secundæ quæst. 100.]

195 Præterea sic argumentatur Alfonsus.

Ecclesia potest leges condere de quacunque re, quæ non sit contra ius naturale aut diuinum, præsertim si res illa iuuat ad meliorem obseruationem mādatorum Dei: at hominem peccatorem obligari per legem in foro conscientiæ ad pœnam subeundam sine iudicis sententia, non est contra ius naturale vel diuinum: quia si talis esset, hoc posset ex sacris literis manifeste ostendi, quini mo eadem lex utilis esset ad meliorem obseruationem legum diuinarum & humanarum: ergo nil prohibet huiusmodi legem fieri. hæc ille. [lib. 2. de potestat. legis pœna. ca. 5.]

196 Nos vero negamus posse leges fieri de quacunque re, quæ non sit cōtra ius naturale, aut diuinū: quia lex debet esse necessaria, possibilis, & utilis, vt postea probabimus: & multa quidem inueniuntur, quæ non sunt contraiura diuina, quæ tamen per leges præcipi, aut statui nequeunt. Verbi gratia, legislator non potest per legem statuere, vt si quis percussus fuerit in dextram maxillam, præbeat percutienti alteram, alioqui teneatur in foro cōscientiæ omnia bona sua tradere fisco: nec sub eadem pœna sanciri posset, vt volenti tunicam tollere, dimittatur & pallium: & tamen ista non solum non sunt contra legem diuinam, sed etiam Dei nostri consilia diuinissima sunt. [Math. 5.]

197 Deinde negari potest, legem illam non esse contra ius naturale aut diuinū: quia satis videtur omni iuri contraria lex, quæ obligare velit aliquem extra territorium legislatoris: & quæ insuper etiam confundat rationem ipsam pœnarum, quæ quidem in tolerantia & patientia consistit: & quæ crimina etiā occulta velit sic punire, vt idem facinorosus reus sit & accusator, testis, iudex,

& executor: & nisi bona oīa offerat fisco, in peccatum incurrat mortiferum. [1. pen. ff. de noui operis nuncia.]

198 Secundo sic argumentatur: Sicut iudex potest reum condemnare ad aliquā pœnam, & reus illam tenetur soluere in foro conscientiæ: sic etiam lex potest condemnare ad pœnam in eodem foro soluendam: quia non minoris auctoritatis est lex, quam iudex. Hoc argumentum sine dubio cōcludit, cū omnia fuerint paria: nam sicut iudex potest cōdemnare reū ad pœnam soluendam: (id quod tunc demum facere potest, cum reus est accusatus, defensus, atque conuictus) sic etiam lex potest illum obligare ad pœnam postea quam fuerit accusatus, auditus, & conuictus. Sed eregione quemadmodum iudex nullo modo potest quempiam indicta causa damnare ad aliquam pœnam: sic etiam lex nequit Lucium vel Titium in foro conscientiæ obligare, antequā illi audiantur, & conuicti sint.

199 Tertio probat Alfonsus opinionem suam dicens, ecclesiam interdum indixisse ieiunia ad expiationem peccatorum: idque facere atq; statuere posse sub obligatione peccati mortiferi: & tamen eam legem esse pœnalem, & obligare ad pœnam illam subeundam ex conscientia. Sed hoc longe dissimile est quæstioni propositæ: quia licet ea omnia concedamus, ieiunia tamen illa forum conscientiæ respiciunt, & non magnam pœnam imponunt. Quid? quod negari potest, eam legem esse pœnalem.

200 Quarto argumentatur sic. Homo potest se ipsum obligare ad pœnam in foro conscientiæ soluendam, & sine aliqua iudicis sententia: ergo ecclesia potest illum eodem modo obligare: quia circa pœnas inferendas plus potest superior erga inferiorem, quam inferior erga

erga se ipsum. Consequentia huius argumenti falsa esse videtur: quia quilibet se ipsum obligare potest, præsertim Deo, ad longe plura, maiora & grauiora, quam lex vlla humana eum obligare queat: quod in eis videre licet, qui consilia euangelica profitentur, ad quæ nulla lex inuitum obligare valet in foro conscientiæ. Accedit eodem, quod quilibet contrahere potest in foro conscientiæ: legislator autem in foro illo leges dare, aut condere nequit.

- 201 Quinto probat Alfonsus opinionem suam argumento quodā, vt sibi videtur, fortissimo, dicens: Multa sunt iuris pontificij decreta, quæ pro certis criminibus imponunt ipso iure suspensionem, aut excommunicationem, aut irregularitatem, in quas pœnas incidunt facinorosi, absque aliqua iudicis sententia: ergo Ecclesiā potest obligare aliquē ad pœnam subeundam ante condemnationem. Sed huic argumento recte respondit Caietanus, distinguens pœnam, quæ nullam actionem exigit ad executionē, ab ea pœna, cuius executio aliquā actionem requirit. Prior enim per solam legem habet plenum effectum, etiā si reus non cooperetur ad executionem: Posterior vero aliam exteriorem actionē requirit: quapropter nec per solam legem executioni mādari potest, nec reus in foro conscientiæ tenetur ad legem in se ipsum exequendam. Quam distinctionē Alfonsi argumenta nō destruūt: quia in exemplis ab eo positis, nec lex potest facere vt reus volens, fame, aut permanens in carcere, moriatur: nec reus ipse ad talem executionem tenetur, ad quam requiruntur multi actus cōtra ius naturale, diuinum, gentium & ciuile. [Alfons. li. 2. de potesta. legis pœna. cap. 5. Caietanus super Thomam 2. 2. q. 62. art. 3.]

202 Pergit Alfonsus, & idem argumentū comprobatur exemplo incestuosi, qui cognouit consanguineam vxoris suæ: cui Cælestinus iij. imponit pœnam, vt exigere debitum ab vxore non queat, nec post mortem vxoris aliam ducere possit, nisi prius legibus soluatur. Sed vt incertum est, an in has pœnas incestuosus incidat ipso iure in foro conscientiæ: sic illud extra controuersiam est, nullū factum esse necessarium ex parte incestuosi ad executionem earundem pœnarum: & ideo Caietani responsio huic obiectioni quoq; satisfacit. Adde quod omnia hæc argumenta & exempla, longe dissimilia sunt quæstioni propositæ. [c. transmissæ. de eo qui cogn. consangu. vxor. suæ.]

203 Illud autem quod in fine eiusdem argumenti Alfonsus addit, de legibus vsucapionis & præscriptionis, dicens, eas esse pœnales, & tamen obligare ad subeundam pœnam in foro conscientiæ, nil prorsus ad hanc rem facit: quia nullo iure probatur, eas leges esse pœnales: nec aliquam pœnam dominis rerū imponunt: alioqui præscriptio non curret aduersus eos, qui in ius alterius succedunt, nec aduersus absentes & ignorantes, quibus nullum crimen aut culpa imputari potest: iniqua enim lex esset, quæ puniret innocentes. Accedit eo, quod non foret opus omnino, vt præscribens haberet bonam fidem, titulum & possessionem: ea siquidem superflua viderētur ad punishmentē alterius.

204 Sed vt leges illæ pœnales essent, nullum tamen factum ad executionem requirunt. Adde quod verius est, bono publico introductam esse vsucapionē, ne diu incerta dominia sint: ne lites perpetuæ rempublicam turbent: ne bonæ fidei possessores post longissimum tempus priuentur suis possessionibus: ne de
seratur

feratur agrorum cultura : denique quia domini qui res suas negligunt intra statuti temporis spatium concessum ad eas inquirendas , hi videntur pro derelicto res suas habere, vel earum possessoribus eas concedere , ac proinde nullam pœnā patiuntur. [l. 1. de vsu capio. Plato lib. 12. de legibus. Tho. quolib. 12. arti. 25. Scotus in lib. 4. sent. dist. 15. q. 2. & illic Ioan. Maio. q. 11. & Almainus & cæteri. Abulen. in lib. iudicum cap. 11. q. 38. & 58. & innumerabiles alij.]

205 Sexto, ad defensionem sententiæ suæ Alfonsus etiam illud affert, quod decreto quodam Alexandri. iij. cauetur: id est, vt hæretici & fautores, & eorum filij arceantur ab ecclesiasticis beneficijs, & officijs publicis : quam pœnam, ait locum habere in foro conscientiæ, quia in eorū decreto adiicitur, irritum esse, & inane, si secus actum fuerit. Posset quidē negari, eam pœnam obligare in foro conscientiæ ante accusationem & sententiam: quia non ante quispiam damnari debet. Sed etsi id concesserimus, nihilominus tamen nullus requiritur actus ex parte eorum ad executionem. [c. 2. §. hæretici. de hæreti. lib. 6.]

206 Septimo, probatur opinio Alfonsi alio supra scripti decreti capite, quo filij hæreticorum ipso iure liberantur a patris potestate. Videtur ergo quod illa pœna locum habeat in foro cōscientiæ absque vlla sententia. Cui argumento responderi potest, quod prius quam filius efficiatur sui iuris, necesse est vt pater pronuncietur hæreticus: nec illa pœna liberationis requirit aliquem actum ex parte patris, nec obligat patrem ad aliquid exequendum in foro conscientiæ. [dicto. c. 2. §. vltimo.]

207 Octauum argumentum fragile est, & vix ad propositam quæstionem applicari potest. Ait enim, clericum concu-

binarium vitandum esse ab omnibus. In quo non video quam pœnam ipse concubinarius in se ipsum exequi teneatur, imo nec in pœnam illam incurere videtur in foro conscientiæ: nil enim propter constitutionem, qua ea pœna imponitur, ipse concubinarius facere cogitur in foro conscientiæ. [c. quæsitū, de cohabi. cleric. & mulie.]

208 Nonum argumentum fortius vrgere videtur: nam decretum concilij Lateranensis imponit pœnam clerico, qui per sex menses prætermiserit lectionē officij canonici, vt fructus beneficiorū suos non faciat, sed tanquam iniuste perceptos, in fabricam ecclesiarum, vel pauperum eleemosynas eos erogare teneatur. Dubitari tamen probabiliter posset, an illa pœna obliget omnino in foro conscientiæ ad executionem in se ipsum faciendam: nec enim decretū illud vsu receptum est, & vix paucis innotuit. Sed vt concedamus ad eam pœnam exequendam clericum esse obligatum ex conscientia: habet tamen decretum illud causam singularem, quia beneficium datur sub ea conditione, & sub onere illo, vt clericus quotidie suis precibus & orationibus intercedat pro populo, & ob eam rem dantur illi fructus: vnde si ipse non facit id, propter quod fructus ei conceduntur, mirum non est, si eos restituere teneatur in foro conscientiæ, etiam si nulla lex eum specialiter ad eam restitutionem obliget. Sicut is cui prædium relictum vel datū est sub ea conditione, vt aliquid faciat, si non satisfacit voluntati eius, a quo illud accepit, restitutioni quidem obnoxius est: non quia pœna aliqua ob eā rem punitur, sed quia prædium habet sine causa, contra voluntatem eius, qui sub ea conditione dedit illud. Sic & clericus, qui altari non seruit, vel non

I orat

orat pro populo, non facit fructus beneficij suos, non tam virtute legis pœnalis, quâ ex natura & onere beneficij. Nil mirum ergo si teneatur ad restitutionem in foro conscientie, cum fructus non fecerit suos. [l. 1. cum seq. de condit. causa dat. l. 2. de condit. & demonstr.]

209 Decimo, argumentatur ex diuisione quadam pœnarum posita a Bonifacio viii. dicente, aliquos esse priuatos bonis suis per sententiam, alios autem ipso iure: ergo sicut priores obligantur in foro conscientie, sic & posteriores. Cui responderi potest primo, quod neque illi qui per sententiam condemnati sunt ad pœnam, tenentur in foro conscientie eam in se ipsos exequi, nisi forte in sententia hoc illis fuerit præceptum: quod tamen rarissimum est. Deinde argumentum soluitur concessa æqualitate rationis ac diuisionis quantum ad multos effectus fori iudicialis, non tamen quantum ad forum conscientie, in quo nemo tenetur ad pœnam in se ipsum exequendam. Postremo respondetur iuxta communem sententiam, necessariam esse iudicis declarationem in talibus pœnis ipso iure impositis, & ante quam illa promulgetur, & reus defendatur, non esse illum obligatum in foro conscientie, quemadmodum alibi plenius ostendimus. Quod autem Alfonsus addit, ad probationem eiusdem argumenti, alio quoque loco a nobis confutatum est. [c. 2. de præscriptio. lib. 6.]

210 Postremo argumentatur dicens, ecclesiam posse condere legem per quam præcipiat, facere aliquid sub pœna peccati mortiferi: ergo potest condere legem, quæ sub pœna peccati mortiferi præcipiat reo reddere pœnam aliquam. Cui argumento respondetur, negando consequentiam: quia longe dissimilis

est casus iste ab eo, quem assumit in propositione. Potest enim ecclesia præcipere aliquid vsque adeo iustum & graue, vt obligat ad illud subditos sub pœna peccati mortiferi: at vero facinorosum aliquem obligare ad meram pœnam in se ipsum exequendam in foro conscientie, prius quâ accusetur & condemnatur, id quidem videtur iniustum, tam ex parte statuentis, propter defectum iurisdictionis ad condendas leges in foro conscientie, quam ex parte delinquentis, qui non debet cogi, vt sit accusator simul & reus, testis, iudex, & executor. Tyrannicum esse ait Dionysius lib. 7. antiquitatum Romanarum, vt sit quispiam accusator & iudex, idem que pœne arbiter. [c. 1. 4. q. 4.]

211 Ex quibus omnibus perspicuum esse poterit, non esse villo pacto legislatori licitum, talem condere legem, qualem in principio huius quæstionis proposuimus: scilicet, qua reum obliget in foro conscientie, ad magnam aliquam pœnam in se ipsum exequendam. Nam etsi ad pœnam aliquam subeundam lex obligare possit, ad cuius executionem nulla sit actio necessaria, vel ad mediocrem aliquam pœnam pro satisfactione damni dati, vel pro aliqua offensa, vel pro peccati expiatione, aut pro causa quapiam simili: non tamen ad pœnam magnam obligare poterit reum in foro conscientie: multoque minus obligare poterit hæreticum, ad maximam totius patrimonij pœnam offerendam fisco in foro conscientie.

212 Sed quia vt vulgo dici solet, possibilitas est res ampla, & vt ait Apostolus, Multa licent, quæ non expediunt: fingamus legem fieri posse, qua hæreticus obligetur in foro conscientie, bona sua omnia non accusatus offerre fisco: tum quæro, vtrum legislatori expediat,

expediat, legem eiusmodi condere. Cui quæstioni respondeo, nullo modo talem legem fieri debere. [1. ad Corin. cap. 6. & cap. 10.]

213 Quod quidem multis argumentis facile probari potest. Primo, quia non sunt imponenda subditis onera grauiā & importabilia, vt est apud Matthæum: nec iugum durum imponi debet super ceruices, quod portari nequeat: quemadmodum diuus Petrus docet in actis apostolorum, & vt Cassiodorus libro quarto variarum inquit, Non potest imperari multis, quod nequeant custodire paucissimi. Adde quod lex humana, vt iusta sit, respondere debet legi diuinæ, vt post Augustinū libro primo de libero arbitrio reliqui omnes fatentur. Iugū autem Domini suauē est, & onus eius leue, vt ipsa veritas per Matthæum inquit: ergo non debet fieri tam dura & grauis lex, quam in quæstione proposita diximus: quis enim talem legem ferret? [Mat. 23. act. 15. Mat. 11.]

214 Deinde, non sunt condendæ leges nisi de his tantum rebus, quæ necessario constituere oportet, vt pacatus & tranquillus sit status reipublicæ. Vnde Plato libro nono de legibus inquit: Legislator necessitate coactus leges imponit: ipse namque nullum vellet vsum, necessitatemque legum vnquam fore. Et Isocrates in arcopagitico ait, Multitudinem & nimis exquisitam legum constitutionem, signum esse mali status rei publicæ: nam dum delicta, quasi aggeribus obiectis coercere nitantur, necessario cumulari leges: decere autem prudentes magistratus non porticus implere legibus, sed efficere, vt ciues animis institum iustitiæ studium habeant. Nam homines male instituti, leges etiā exquisitissimas negligere audent. Quid quod multitudo legū insidiari videtur

hominibus: quia difficile est tanta innocentia viuere, vt de tot legibus nullam vsquam offendamus. Diuus quoque Augustinus libro primo de libero arbitrio hæc verba scripta reliquit: Ea vindicanda sibi lex populi assumit, quæ satis sint conciliandæ paci hominibus imperitis, & quanta possunt per hominem regi: at vero nulla impellit necessitas, vt lex ista feratur, neque necessaria est, vt pacatus sit status reipublice, nec quicquam confert ad pacem conciliandam. Denique nō potest per iudicem quamuis oculatissimū seruari. [Augusti. lib. 1. de libero arbitrio cap. 5. Fran. Connanus libr. 1. commentario. iuris ciuilis cap. 9.]

215 Huc accedit, quod hæresis illa, quæ nullum habet accusatorem, qualem proposita lex punire vult in foro cōscientiæ: illa inquam hæresis occulta fere semper erit, ac proinde potius Deo relinquenda punitio eius est, quam ab humana lege vsurpanda: occulta enim homo iudicare non debet, qui tantum videt, ac punire potest quæ apparent: Dominus autem occultissima etiam intuetur & punit. [lib. 1. reg. 16. cap. si omnia. 6. q. 1. cap. qualiter. de accusa.]

216 Adde his, quod nemo cogendus est, vt seipsum prodat in publicum, iuxta doctrinam Chrysostomi super epistolā Pauli ad Hebræos. Lex vero supra tacta cogeret hæreticum ad sui prodicionem: quandoquidem vix bona sua omnia offerre potest fisco, quin seipsum simul infamet, prodat, & perdat: quod quam sit iniustum, nemo est, qui non plane intelligat. [c. quis aliquando. de pœni. distin. 1.]

217 Accedit Cicero libro 2. de legibus dicens: Vere dici potest, magistratum legem esse loquentem, legem autem mutum magistratū. Nam lex occulta

crimina punire non debet sine accusatore, nec potest obligare quenquam, vt pro crimine occulto omnia sua bona nõ accusatus offerat fisco: quemadmodũ nec magistratus crimen occultũ punire potest, si legitimus non fuerit accusator: æqualitas enim iustitiæ non est nisi inter duos, vt Aristoteles, Thomas, & cæteri omnes tradunt. [c. 1. de accusat. l. rescripto. §. si quis. de mune. & hono. actorum. 2 §. Arist. lib. 5. ethi. Tho. 2. 2. q. 63. art. 3.]

- 218 Hoc quoque Redemptor noster, apud Ioannem cap. 8. docuisse videtur: Mulier vbi sunt, qui te accusabant? Nemo te condemnauit? nec ego te condemna-
bo. Vnde Ambrosius super caput quintum prioris epistolæ ad Corinthios inquit: Iudicis non est sine accusatore dam-
nare quẽquam: quia & Dominus Iuda-
dam, cum fur esset, sciebat: sed quia nõ
est accusatus, minime abiecit. Et Scipio
minor C. Licinium cum prætereun-
tem vidisset: Istum, inquit, hominem
ego peierasse scio: sed cum illum ne-
mo accuset, non possum ipse & accusa-
tor esse & iudex: author Plutarchus in
apophthegmatibus. Satis quidem consul-
tum est tranquillitati reipublicæ, si pu-
blica & notoria peccata non dissimulẽ-
tur, & ius suum petentibus tribuatur,
& accusatoribus dāna resarciantur: nec
enim debent legislatores, aut magistra-
tus, tanquam hostes, occulta peccata
præter ius & æquum prodere, sed vt pa-
tres charitate corripere, vel dissimula-
re. Quod & recte noster Soto docuit.
[lib. de regendo secreto, membro. 2. q.
6. dubio. 1. cap. si quis potestatem.
23. q. 4.]

- 219 Quinimo nec omnia crimina etiam
si publica sint, legibus punire oportet:
sed multa interdũ iuste dissimulantur:
qualia sunt lupanaria, simplex fornicati-

tio, & si qua sunt alia generis eiusdem:
quia ut inquit sapiens, Qui multũ emũ-
git, elicit sanguinem. Et Plato lib. 7. de
legibus docet, non expedire, vt singula
quæque per leges statuuntur, ne dũ cun-
ctis providere uolunt, in omnibus con-
temnantur. Diuus quoque Aug. lib. 1.
de libero arbitrio, cap. 5. inquit: Vide-
tur tibi lex ista, quæ regendis ciuitati-
bus fertur, multa concedere, atque im-
punita relinquere, quæ per diuinam ta-
men prouidentiam vindicantur, & re-
cte [prouerb. 30. c. inter opera. de spõ-
sali. Alexan. Ales. 3. parte. q. 46. Tho.
2. 2. q. 10. art. 11.]

- 220 Addendũ eodem est, quod non sunt
condendæ leges optimæ ac perfectissi-
mæ, sed illæ duntaxat, quæ imperitiæ
multitudini quadrare queant: nam per-
fectissimæ leges, & quæ tolerari nõ pos-
sent, pessimæ censerentur: quemadmo-
dum sapiẽter docet Alfonso Tostadus
libro de optima politia. Vnde Plato lib.
5. de leg. inquit: Illud etiam legislato-
ribus multi præcipiunt, vt leges huius-
modi ferant, quales multitudo & popu-
lus libenter suscipiant. Arist. quoque
libro 4. polit. scriptum reliquit, leges
omnes ad rem publicam accommodan-
das esse, non autem rem publicam ad
leges esse trahendam [Abulen. nume.
102. polit. 4. cap. 1. Dom. Soto lib. 1.
de iusti. & iure. q. 6. art. 2.]

- 221 Præterea leges iuxta Isidori senten-
tiam, debent esse possibiles, & secun-
dum consuetudinem patriæ, ac subdi-
torum moribus congruentes: quia fir-
mantur, cum approbantur moribus
vtentium, & abrogantur per contra-
riam consuetudinem. Vnde Demosthe-
nes oratione contra Timocratem: Ve-
rum illud, inquit, mihi videtur, quod
quendã dixisse ferunt, omnes cordatos
in ea esse sententia, vt leges nihil aliud
esse

esse putent, quam mores ciuitatis. Et Arist. lib. 3. polit. Leges quæ moribus, quam quæ literis continentur, maiorem auctoritatem habent. Quid leges sine moribus uanæ proficiunt? ut canit Horatius. At uero quisque secum reputare poterit, an lex obligans in foro conscientiæ ad poenam omnium bonorum in se ipsum exequendam, possibilis sit, & imperitæ multitudini congruat, & an moribus ventium fuerit vsquam recepta, uel sit vnquam recipienda. Quid quod sine causa necessaria onerare subiectos multis legibus, & eorum conscientias illaqueare, durum est & inhumanum, & species quædam tyrannidis: non secus atque id ipsum illicitum esse in præceptis voluntariis recte docuit Adrianus p̄t̄fex. [lib. quæst. c. erit autem. cum seq. 4. distin. Adrian. quolibet. 6. Aristote. 3. polit. c. vlti. Flaccus lib. 3. carminū oda. 24.]

222 His adijce, quod si quispiam dixerit, legem illam obligare uelle ad impossibile, meo quidem iudicio non aberrabit: quia in materia morali nimia difficultas impossibilitati æquipatur. Durissima uero lex esset, quæ reum cogeret in foro conscientiæ ad offerenda fisco bona sua omnia: foretq; difficillimum unicuique, uniuersum patrimonium fisco tradere, se ipsum, domum atque familiam in paupertatē sordidam deijcere: denique sui proditorem esse. [l. idem Iulianus. §. vlti. de legat. 1. l. cōtinuus. §. illud. de verbo. obliga. l. cum sanc. de his qui deiece. & effu.]

223 Accedit eodem, quod iactura omnium bonorum solet morti æquiparari: nam ut inquit Arist. Patrimonij dissipatio interitus quidam esse uidetur ipsius dissipantis, propterea quod patrimonio ac facultatibus uiuitur. [4. ethi. cap. 1. glo. in. l. aduocati. C. de aduoc.

diuer. iudicio. & in l. illicitas. §. ne tenuis. de offi. præsi.]

224 Iure itaque idem Alфонsus fatetur, non esse legem condendam de re nimium difficili, sicuti nec de impossibili. Cui accedit Plutarchus, in uita Solonis. dicens: Decet in ferendis legibus possibilitatis & facultatis rationem habere, si quis uelit utiliter in paucos, quam sine utilitate in multos animaduertere. Demosthenes quoque oratione contra Timocratem inquit, Arbitror igitur constitutum esse omnibus, probam legem, & multitudini profuturam, primum simpliciter, & omnibus æque aperte scriptam esse oportere, ne eam alius aliter interpretetur. Deinde fieri posse oportere ea quæ iubeat. Nam si præclare constituta sit, sed aliquid tamen quod fieri nequeat, proponat: id uoti potius, quam legis fuerit officium. [Alfonsus lib. 1. de potestate legis poena. c. 1.]

225 Durities autem prædictæ legis ex eo planius intelligitur, quod si quispiam hæreticus intellectualis, siue pure mentalis, occulte vel submurmurās proferret hæresim, quamuis nullus id audierit, & ille sit emendatus, nihilominus tamen teneretur statim in foro conscientiæ bona sua omnia tradere fisco: quia communi sententia talis hæreticus, ipso iure incidit in excommunicationem, & in alias poenas aduersus hæreticos statutas. Quod quam sit graue atque intolerabile, cuius facile perspicuum esse poterit: Alфонsus uero putat, ad eam restitutionem hæreticum illum occultum obligatum esse. [l. 2. de potestate legis poenalis. cap. 15.]

226 Concludimus ergo ex omnibus ante dictis, quod uel talis lex fieri non potest, uel certe nullo modo fieri debet: Nam ad ferendam eam legem nulla necessitas

- cessitas cogit, nec tolerari posset, nec populus illam susciperet, nec est accommodata reipublicæ, quia vehementer emungit. Quid? quod tali lege magis illaquearetur animæ, quam hæretici ab hæresibus deterrerentur: nam qui leges Dei & hominum non formidat, ut hæresim fugiat, is quidem supradictam legem in foro conscientiæ non timebit: essetque lex superuacua, quod esse non debet. Quid? quod hæreticus, qui ad ecclesiam sponte redire voluerit, si noverit, se teneri ad bonorum omnium restitutionem, is proculdubio in desperationem incidet. Nec enim fuit ullus, aut erit vnquam, qui ultro bona sua omnia non condemnatus offerat fisco: & iuxta Ciceronis sententiam: Ea quæ sunt in usu, vitæque communi, non ea quæ finguntur, aut optantur, spectanda sunt. [l. postliminij. ff. de captiuis.]
- 227 Ex supra scriptis quoque illud, quod tertio loco tractandum proposui, facile resolui potest: nempe, in dubio non esse interpretandum, aut præsumendum, quod legislator voluerit obligare quempiam ad pœnam omnium bonorum in se ipsum exequendam. Quia nunquā legislator existimandus est velle, nisi quod possibile, iustū, bonum, & æquum fuerit. [c. 1. cum seq. 4. distin. 1. ex facto. de vulga. & pupilla.]
- 228 Superest, ut iam tandem ad primum illud Alfonsi argumentum redeamus: quo suam opinionem ita confirmat. Hæreticus ipso iure priuatus est dominio bonorum: ergo non potest salua conscientia retinere bona aliena inuito domino: quia omni iure prohibitum est, ut quispian ea bona retineat, quæ ad aliū pertinent: nec enim multum interest, quantum attinet ad periculum animæ, an iniuste quis detineat, vel alienum inuadat. [c. sæpe. de resti. spolia. c. cum secundum. de hæreti. lib. 6.]
- 229 Huic argumento multifariam respondere potest: primo, quod hæreticus non est priuatus ante sententiam vero dominio bonorum suorum: quia nec propter hæresim, nec propter alia, quantumuis horrenda crimina, priuatur aliquis ipso facto dominio bonorum suorum iure naturali, diuino, aut gentium. Nec enim ius aliquod eorum ostendi potest, quo talis priuatio probari queat: nec dominium bonorum temporalium pendet a charitate vel gratia, ut per peccatum amittatur: sed sicut acquiritur apprehensione, ac iustis causis & titulis: sic etiā e contrario certis ex causis amittitur, quarum nulla est peccatum eius, qui dominium habet: quod verum quidem est, & omnium consensu receptū. [Tho. 2. 2. q. 12. arti. vlt. Valden. tom. 1. lib. 2. cap. 81. cū seq. Scotus, Gabriel. Almainus et ceteri in li. 4. sent. distin. 15. Conradus de contractibus quæst. 7.]
- 230 Relinquitur ergo quod si dominium bonorum hæretici per solam hæresim transfertur in fiscum, id iure tantum potest fieri, aut ciuili statutum foret: sed non potest fieri lex, per quam hæreticus obligetur in foro conscientiæ, ut ante sententiam teneatur omnia bona sua tradere fisco, ut supra planissimū fecimus: Igitur quibuscunq; verbis leges loquantur, non sunt interpretandæ, ut id statuere velint, quod & iniustum est, & præcipere nequeunt.
- 231 Age tamen perpendamus attentius duriora verba legis pontificiæ, quibus contraria opinio potissime nittitur. Verba legis hæc sunt: Bona hæreticorum ipso iure decernimus confiscata. Nunquid tanta vis est horum verborum, ut obligent hæreticū in foro conscientiæ ad restituenda fisco bona sua omnia, priusquā cōuincatur & iudicetur? equidē nil tale mihi

mihi persuaderi poterit. Nam etsi lex nominatim diceret: Iubeo, vt hæreticus teneatur statim in foro conscientie bona omnia tradere fisco, non posset illum obligare, vt in seipsum tam durā pœnam exequi teneretur: ergo multo minus verba illa, ipso iure decernimus confiscata, id ipsum efficere poterunt. [c. cum secundum. de hæreti. lib. 6.]

232 Proinde quamuis lex dicat, vt Vlpianus dixit, statim dominium bonorum desinat eius esse, qui crimen commisit, & fisco acquiratur: nihilominus tamen id ciuili modo intelligendum esset, vt fiscus eam rem petere possit, non autē vt reus teneatur in foro conscientie illam fisco restituere antequam sententia super crimine promulgetur: & eo magis, quod nō præsimitur legislatorē voluisse, nisi quod iustum & æquum est, vt & alibi dixi. [l. cōmissa. de publica. & vestiga.]

233 Vnde illud quoque manifeste relinquitur, quod si per verba illa, ipso iure decernimus confiscata: dominium aliquod in fiscum statim transfertur, id accipiendum est, vt sit dominiū quoddam ciuile & improprium, & quod nō sit aliud, quam ius persequendi in iudicio bona illa: quæ quidem non antea proprie fisci esse poterunt, quam de crimine sit pronunciatum: & fortasse ne tū quidem fiscus eorum dominus erit, nisi & apprehensio subsecuta sit: traditionibus enim & possessionibus dominia rerum acquiri solent, non autem verbis legum. Adde quod Iulius Paulus inquit: Qui maiestatis crimine reus factus est, ante damnationem dominus est. [l. traditionibus. C. de pact. l. quesitum est. ff. qui & a quibus.]

234 Conuestiri potest ea sententia hoc argumēto. Ad effectum harum pœnarum hominis executio necessaria est, ea ve-

ro in factō consistit: facta autem per sola verba legum perfici nequeūt: vnde illud Demosthenis, oratione aduersus Midiam, Legum vis in quo est? vtrum in eo, si quis affectus iniuria exclamarit, vt ipsæ accurrant, & præsentia sua opitulentur? Non: literę enim sunt, & scriptura constāt, neque hoc facere possunt. In quo igitur earū vis est? Si vos, inquit, eas confirmabitis, & semper ratas exhibebitis omnibus earum opem implo rantibus: ita & leges per uos firmę sunt, & vos per leges. Adde quod etsi princeps millies dicat: volo vt dominium bonorum Titij sine factō cuiusquam transferatur in Petrum, nunquam per ea sola verba dominium verum erit in illum translatum: & tamen princeps non minorem habet potestatem, quam lex: quippe qui lex viuā est, & legū conditor, vt alio loco diximus. [l. deniq; ex quib. cau. maio. l. in bello. §. factæ. de capti. & postlimi. reuer.]

235 Huc accedit, quod nō sufficit, aliquid per legem statutum esse, vt illud statim fiat nemine petente, aut exequente: sed leges magistratibus egent: qui iura reddant, alijsque ministris, vt iudicum iussa exequantur. Solius quippe Dei est, velle simul & posse, & facere. Ipse enim dixit, & facta sunt: ipse mandauit, & creata sunt. Quod nec ethnicos quidem latuit. Nam & Mercurius Trismegistus in Asclepio inquit: Voluntas Dei, ipsa summa est perfectio, vtpote cum voluisse & perfecisse vno eodemque temporis puncto compelat. Et post pauca: Placitum Dei necessitas sequitur, voluntatem comitatur effectus. [l. 2. §. post originem. de origi. iuris Plato libro. 6. de leg. in principio. ca. 1. §. vlti. de statu regula. lib. 6. Gen. cap. 1. Iudith. vltimo. nouella. constitutu. 161. in principio.]

236 Adde quod iudex ipse nil facere debet ad priuatam vtilitatem, nisi is, cuius interest, id prius postulauerit: nec lex impartire solet beneficia & remedia sua parti non petenti. Qua propter verisimile non est, quod legislator velit reum obligare in foro cōscientiæ ad executionem tam grauis pœnæ, antequam condemnetur: sed iuxta ordinē iuris fiscus debet illum accusare, & iudex pronunciare sententiam: ac tunc demum reus tenebitur pœnam subire. [l. 4. §. hoc autē. de dam. infecto. l. peto. §. fratre. de legat. 2. l. vlti. §. 1. quorū lega.]

237 Præterea verba illa, ipso iure, non habent vim tantam, vt executio statim a lege fiat parte non petente: sed necessesse est, vt ab eo postuletur, in cuius fauorem lex ea verba posuit. Quod innumeris fere exemplis comprobari potest, quorum pauca verbi gratia subiiciam. Supplementum legitimæ portionis filij debita, fit ipso iure: quod tunc demum locum habet, cum fuerit a filio petitum. Sic & compensatio fit ipso iure, sed opus est, vt petatur. Similia quoque dici possunt de refecatione illa, quæ fit ipso iure per legem Falcidiam, ac de alijs multis: igitur ad eundem modum accipienda est illa confiscatio bonorum hæretici, quæ ipso iure fieri dicitur: vt tunc scilicet verum effectum habeat, cum fiscus postulauerit, & iudex reum condemnauerit. [l. fancinus. C. de in offi. testa. l. vlti. C. de compensat. l. linea. ad leg. Falc. Tiracquel. in l. si vnquam. C. de reuo. donat. verbo, reuertatur. nu. 8.]

238. Item hæc verba, ipso iure, perinde valent, ac si quispiam dicat: per ipsum ius. Veteres autem iure consulti, ipsum ius, per antonomasiam, appellare solēt ius illud antiquissimum duodecim tabularum. Sic Vlpianus inquit: Serui-

tutes quoque prætorio iure constituuntur, & ipsæ ad exemplum earum, quæ ipso iure constitutæ sunt. Et alibi: Siue ipso iure quis vsum fructum habeat, siue etiam per tuitionem prætoris. Et iterum: Satis ipso iure munitus est. Et paulo post: Non enim ipso iure, sed per conditionem munita est. Et rursus: Valebit per tuitionem prætoris, nō ipso iure. Sic etiam Caius: Inter fideiussores non ipso iure diuiditur obligatio, sed ex epistola diui Adriani. Sic & Iulius Paulus: Petere hæreditatem ipso iure poterunt. Demum Iustinianus ait: Omnes actiones aut ipso iure componunt, aut a prætore dantur. Ex quibus omnibus alijsq; similibus locis perspicuum fit, horū verborum significationem nō semper illam vim habere, quæ vulgo putant. [l. 1. §. vlti. de superficie. l. si vsus fructus. §. illud. vsu fructu. quæ admo. caueat. l. in causæ. 2. de mino. l. 1. quod fal. tuto. auto. l. inter. de fideiuss. l. post legatum. de his quib. vt indig. §. 1. instit. de perpe. & temp. act.]

239 Sed vt concedamus aliū quoque sensum horum verborum interdum inueniri: vt ex eisdem intelligatur vis alicuius constitutionis, mox & sine hominis ministerio operantis: nihilominus tamen in prædicta lege pontificia, non alia est eorundem verborum significatio, quam quod bona hæreticorum per legem illam decernuntur confiscata. Sed non eam vim habent, nec habere quidem possunt, vt propterea teneatur hæreticus in foro cōscientiæ, omnia sua bona ante sententiam offerre fisco. [l. 3. §. sciendum. l. cum hic status. de donat. inter vir. & vxor. l. 1. de curato. furio. l. græc. §. 1. de fideiuss. l. in suis. de suis & legi. hæredi. l. qui decē. de solut.]

240 Deinde omnia illa verba, hæreticorum bona ipso iure decernimus confiscata,

scata, nil aliud significant, quam quod ea bona iure ipso delata sunt fisco, & obnoxia cōfiscationi, & ad fiscum pertinent: sed tamen opus est, vt fiscus ea perat, & hæreticus accusetur, & ordine iuris seruato condemnetur, vel declaretur hæreticus, & bona eius occupentur a fisco. Quod ex his, quæ supra dixi, manifestissimū esse potest: & satis probari videtur quodam Callistrati iurecōsulti responso: vbi semel & iterū inquit, bona quædam fisco delata, ipso iure ad fiscū pertinere. [in. l. 1. ff. de iure fisci.]

241 Igitur propter actionem competentem ad petenda hæreticorum bona, intelligi quodammodo potest, fiscum esse dominum illorum bonorum ipso iure, non tamen propterea statim verus dominus est: sæpe enim dominus alicuius rei dici solet is, qui ius habet ad rem illā consequendam: eo quod iuxta regulam iuris, Qui actionem habet ad rem recuperandam, ipsam rem habere videtur. vnde sæpissime quoque in iure, meum dicitur id, quod mihi lege debetur. [l. qui actionem. de regu. iur. l. qui autem. §. apud Labeonem. de his quæ in frau. credi. l. 1. in fine. de eo quod certo loco. l. vt mihi donares. de donat. l. si & me & Titium. si cert. pet. l. 1. quod cum eo. l. si pecunia. C. de nego. gestis. l. si fratres. §. idem respondit. 2. pro socio.]

242 Adde quod, cum eiusdem rei duplex dominium inueniri possit, aliud naturale, aliud ciuile: posset concedi, vt alterum apud fiscum sit, alterum vero apud hæreticum. Nam in seruo dotali maritus habet ciuile dominium, vxor autē dominium naturale: filius quoque viuo patre dicitur quasi dominus bonorum eius: quorum tamen verum dominium apud patrem est. [l. 3. C. de iure dot. l. quamuis. ff. eod. tit. l. doce ancillam. de rei vendi. iuncta. l. in rebus. C. de

iure dot. & l. 1. §. si vir. ad Sillaniam. l. in suis. de libe. & posthu.]

243 Quod si quispiā pertinacius vrgeat dicens, non esse illa verba interpretanda sic, vt accipiantur improprie: huic ego respondeo, necessariam esse supra tactam interpretationem, vt tot absurda vitentur, quot ex diuersa opinione sequerentur. Tolerabilius enim, imo etiam rectius & iustius est, vt verba improprie accipiantur, quin etiam vt interdum nil operentur, quam quod operentur absurdum. Quemadmodum sæpissime viri docti aiunt, quibus ego vehemēter assentior. [glo. in c. paratus. 23. q. 1. in. l. vlti. §. in computatione. C. de iure delibe. & illic Alex. nu. 10. Corne. nu. 9. Decius consi. 374. Gozadi. consi. 88. nu. 9. Ruinus consi. 60. lib. 5. Aymo. consi. 70. Ripa in. l. ex facto. de vulga. & pupi. nu. 9. Salomonius in l. gallus. §. & quid si tantam. de libe. & posthu. nu. 1.]

244 Ex ante dictis quoque aliud Alfonso argumentum facile dissolui potest: Ait enim hæreticum retinere non posse bona, quæ ipso iure fisco delata sunt: quia iure diuino prohibitum est retinere alienum: nec esse aliquam legem, quæ concedat expresse illorum bonorum retentionem. quod autem generaliter prohibitum est, & expresse non conceditur, intelligitur denegatum. Hoc inquam argumentum soluitur: quia vt ante dixi, fiscus non est verus dominus illorū bonorum, sed hæreticus. Nec lex aliqua est, quæ prohibeat hæretico, ne bona sua retineat: quinimo lege canonica prohibetur fiscus, ne bona hæretici occupet, antequam sententia sit super crimine promulgata. Quod cum ita sit, nec lex vlla præcipiat hæretico, vt bona sua offerat fisco, aut ea p derelicto habeat: relinquitur plane, vt hæreticus nondū

condemnatus, bona sua omnia iuste retinere queat. [ca. cum secundum. de hæretic. lib. 6. l. aufertur. §. in reatu. de iure fisci. l. reo. de solut.]

245 Ne quid tamen dissimulem, alia quoque argumenta in fauorem illius opinionis breuiter hoc loco subiiciam. Primum, quod Augustinus epistola quadam de hæreticis loquens, inquit: Quamuis res quæque terrena recte a quoquam possideri non possit, nisi vel iure diuino, quo cuncta iustorum sunt: vel iure humano, quod in potestate regum est terræ: ideoque res vestras falso appellatis, quas nec iusti possidetis, & secundum leges regum terrenorum amittere iussi estis. Quibus verbis significare videtur, hæreticos obligatos esse ad rerum suarum restitutionem. Sed hoc accipiendum est, esse dictum de illis manifestis hæreticis, qui per sententiam vel iusto bello indicto, iussi erant amittere res suas. Et nihilominus, non dixit beatus Augustinus, eos teneri ad poenā in se ipsos exequendam in foro conscientie: sed quod iuste ab eis auferri possunt bona propter hæreticam prauitatem. [Augusti. ad Vincentium epistola. 48. c. quicumque. 23. q. 7.]

246 Alterum argumentum sumi potest ex constitutione illa Bonifacii VIII. qua hæredibus hæreticorum dimittuntur bona titulo præscriptionis, si ea possederint bona fide spatio quadraginta annorum. Vnde colligi posse videtur, quod eorundem bonorum dominium vere fisci erat: alioqui non opus fuisset præscriptionem longi temporis. Cui respondetur, quod non usu capitur illic verum dominium, sed actio & ius competens fisco excluditur præscriptio. Quod satis in eadem constitutione significatur, ubi bona illa, bona hæreticorum vocantur. [c. 2. de præscrip.

li. 6. l. 2. §. 1. de religio. & sumpti. func.]
247 Vltimum argumentum est, quod lex iusta obligat in foro conscientie: lex ergo quæ decernit bona hæreticorum ipso iure confiscata, obligat in foro conscientie, quia lex iusta est. Cui respondeo verissimum esse, quod lex iusta obligat in foro conscientie, sed non sequitur inde, obligatum esse hæreticum ad tradenda fisco bona sua omnia: quia lex id non dicit, & si hoc diceret, iusta non esset. Etenim lex humana suos limites habet obligandi, & sua remedia exequendi. Obligat quidem, ne contemnatur, & ne iudici iuste exequenti resistat reus: obligat in foro conscientie, ut illic se ipsum peccator accuset, ac salutarem poenitentiam fubeat: non tamen ita lex obligat, ut omni iuris ordine prætermisso hæreticus, nemine persequente, in substantiam propriam, in liberos, atque familiam acerbissimum iudiciū exequi teneatur. Demum lex iusta obligat quidem in foro conscientie, sed tamen iuxta metas potestatis, equitatis & rationis, seu causæ finalis: quemadmodum recte docet Adrianus pontifex. [lib. quæst. quodlib. 6.]

248 Accedit eodem, quod iudicium illud occultissimum inter Deum & hominem, quod forum conscientie vocant, tantum distat a foro ciuili, quantum cælum a terra: ideoque nil minus legumlatores cogitare debent, aut possunt, quam ut in forum illud falcem immittant. In eo siquidem foro solus Deus, & eius vice sacerdos, testis & iudex est, homo vero accusator & reus. Neque aliud illic exigitur, quam spiritus contritulus, cor contritum & humiliatum, ac damni dati satisfactio. Legales autem poenæ ab accusatoribus petendæ sunt a iudicibus declarandæ, & ab executoribus exigendæ. Nec ordo iudicii

iudicij exterioris prætermittendus, aut peruertendus est. [l. prolatam. C. de sent. & interlocu. c. forum. de verborum significatio. c. i. cum sequen. 4. q. 4. Alfonso Tostadus 2. parte defensorij cap. 67.]

249 Præterea multi viri doctissimi videntur, & considerarunt leges illas, quæ pœnam ipso iure imponunt, & tamen omnes illi sapissime docuerunt, neminem obligatū esse ad pœnā in se ipsum exequendam: quod & nonnulli eorum de hæreticis nominatim asserunt: cæteri autem, qui fere sunt innumerabiles, id ipsum generaliter tradūt. [Cōradus de contractibus quæst. 7. conclu. 2. Siluester in summa, verbo, hæresis. 1. q. 8. Fran. Victoria in relectione de Indis. Couar. in lib. 4. decreta. parte. 2. cap. 6. §. 8. nu. 10. Domin. Soto lib. 1. de iusti. & iure, quæst. 6. arti. 6. gloss. in c. fraternitas. 12. q. 2. Felin. Decius & cæteri in c. 1. de constit. Thom. & Caieta. 2. 2. q. 62. ar. 3. Gabriel in. 4. sent. distin. 15. q. 4. Driedo. lib. 1. de liberta. christia. cap. 2. arti. 3. Corne. confi. 119. lib. 2. Siluester verbo. pœna. quæst. 25. Fortu. de vlti. fine, illatione. 18. Felin. in c. audiuius. de simo. Adrianus quolib. 6. art. 1. & alij relati ab Alfonso lib. 2. de potesta. legis pœna. cap. 9.]

250 Postremo nobis obijci poterūt duæ leges regiar, quæ obligant expressim ad pœnam in foro conscientiar præstandā. Quibus respondeo, eas constitutiones duplici ratione tolerari posse, tum quia de quibusdam hominibus loquuntur, quibus officia publica commissa sunt ea lege, ne quid ultra salarium accipiat, alioqui ad pœnas illic statutas teneantur: tum etiam quia suo iuramento se illi astringunt ad eas pœnas soluendas. Quibus casibus dubium non est, quin pœnas illas soluere teneantur: quod lō

ge distat a quæstione proposita. [l. ea lege. C. de condi. ob causam. c. debitores. de iure iurando. l. vlti. ti. 3. & l. fin. tit. 9. lib. 2. ordinat.]

251 Concludimus tandē, quod legislator non obligat nominatim hæreticum in foro conscientiar ad offerendum sponte bona sua omnia fisco: nec id facere potest, nec vult, nec velle præsumitur. Vnde sententia nostra non solum crebrior & æquior, sed verior quoque atq; iustior est: opinio autem contraria durissima est, ac pene impossibilis. Ea etenim pœna hæreticis poenitentibus & redire volentibus grandem difficultatem imponit. Nam etsi Pont. Max. eos a crimine absolueret, nihilominus tamen obligati forent ad bonorū restitutionē. Pertinacibus autem parum eadem opinio prodest, quia in sua perfidia viuere ac mori parati sunt, ac proinde nil minus, quam de tali restitutione cogitare solent. Sententia itaque nostra tenenda est, etiam si argumentorum vi, aut stricto iure nimium disputando fortasse subuerti posset: hanc enim æquitas suggerit, quæ stricto iuri præferenda est: hanc denique mos publicus comprobauit: & vt eleganter Iulianus ait, Multa in iure ciuili contra strictam rationem disputandi, pro vtilitate communi recepta sunt. [c. peccatum. de regu. iuris. c. sape. de resti. spolia. Alfon. lib. 2. de potesta. legis pœna. c. 4. l. 1. §. si quis a principe, nequid in loco publi. c. per venerabilem. qui filij sint legi. l. 1. §. itē varus. de aqua. pluui. arcen. l. ita vulneratus. §. pen. ad legem Aqu.]

252 Extrema illa quæstio magni momenti est, an bona primogenitorū, quæ vulgo maioratū uocant, propter hæresim possidētis confiscentur. Cui quæstioni priusquam respondeamus, illud animaduertendum est: quod hæc primoge

nita longe distant ab illis bonis, quæ apud Gallos filijs primogenitis deferuntur: ea enim bona libera sunt, & nullis vinculis subiecta. Nostrates vero, ea bona maiorum uocant, quæ ab aliquo ea lege alligantur, ut integra & indiuidua primogenitis perpetuo deferantur.

253 Tripliciter autem hæc primogenita fieri solent: vel principis concessu, vel regis legis beneficio, vel antiqua successione: de quibus seorsum differendum est. Et in primis illud omni dubitatione caret, quod ea primogenita, quæ principis concessu fiunt, confiscari possunt propter hæresim possessoris. Id enim expressim in ipso principis decreto declarari solet. Nam quoties rex noster concedit, ut quispiam bona sua posteris primogenitis in perpetuum relinquat, & ut quas velit conditiones adiciat, & præterea dat priuilegium, ut ne bona illa propter aliqua crimina publicari queant: toties excipit crimen hæresis, & læsæ maiestatis, propter quæ permittit, ut primogenita cõfiscantur.

254 Quinimo si in ipso regis decreto nominatim concessum sit, ut primogenita publicari non queant propter hæresim, & alia maxima crimina: nihilominus tamen confiscari possent, ut Galindus noster rectissime censuit. Cuius sententia mihi vera videtur: ne ansa de licitis atrocioribus relinquatur, ne ve pars magna pœnæ, quæ talibus debetur sceleribus, facile condonata esse videatur: denique ne ius confiscationis, quod regale est, datum esse censeatur in præiudicium ipsorum principum: præsertim, cum eiusmodi decreta & beneficia, facile impetrari soleant, ac sine causæ cognitione iusta. [Galin. in disputatione regia, cap. 18. l. si vnus. §. illud. de pactis c. 1. quæ sint regalia li. feudo.]

255 Nonnunquam relinquuntur hæc bo-

na primogenitis in testamento, aut contractu sine decreto principis: quod quidem fieri potest beneficio aut permisso regis legis, qua generaliter omnibus conceditur, ut qui filios habent, possint inter liberos suos in tertia & quinta bonorum suorum parte, quasunque voluerint conditiones, & quasunque vincula & onera ponere. Qui vero liberis caret, id ipsum quoque facere potest in omnibus bonis suis. [regia. l. Taurina. 27.]

256 Illud autem in confesso est, quod si is qui hæc primogenita instituit, hæreticus factus fuerit, priuabitur illico illis & alijs bonis: nisi forte tradiderit filio possessionem bonorum, vel scripturam primogenitorum: vel id factum sit per contractum onerosum, prius quàm ille, qui primogenita relinquit, in aliquam hæresim inciderit: tunc enim ius illud quæsitum alteri, non fisco, sed bonorum domino acquiritur. [l. filius familias. §. diui. 2. de legat. 1. regia. l. Taurina. 17. c. cum secundum. de hæreti. lib. 6. l. 1. C. pœnis fiscali. credi. præf. lib. 10.]

257 Sed hinc magni momenti exoritur quæstio, an primogenita legis regis concessu, sub ea conditione relicta, ut ne propter hæresim primogeniti confiscari queant: si hæreticus factus fuerit eorum possessor, publicari nihilominus possint: quod multi quidem negant copiosissimum argumento, quo supra diximus, bona subiecta restitutioni confiscanda non esse. Nam primogenita restitutioni obnoxia esse videntur. [l. Statius. §. Cornelio. de iure fisci. l. impetrator de fideicommiss. liberta. Igneus in l. vlti. ad Sillani. nu. 19.]

258 Sed, ut mihi quidem videtur, contraria sententia verior est: quam & Galindus confirmat, & argumenta non pauca comprobant. Primum, quod nulla

lex inueniatur expressim prohibens, ne primogenita propter hæresim confiscetur. Deinde, quia si publicari possunt maioratus, quamuis princeps nominatim concesserit, ut propter hæresim ea bona non confiscentur: multo magis publicari poterunt, cum priuatus aliquis confiscationem prohibuit. [Franc. Galin. in disputatione regia. cap. 18.]

259 Ad hæc, regnum defertur primogenito, & in alia primogenita succeditur eodem ordine ac iure, quo in ipsum regnum: sed propter hæresim regis, non solum rex regno priuatur, sed & eius filij a regni successione pelluntur: ut notat Lupus luculenter probat: ergo primogenita pari ratione confiscari possunt. [Ioan. Lupus de iure Nauarræ parte. 5. §. 7.]

260 Deinde a feudo ad primogenita recte argumentari solemus: vassallus autem propter atrociora crimina non tantum feudo priuatur, etiam antiquo, sed & filij & successores eius ab eodem feudo excluduntur: igitur propter hæresim publicari possunt primogenita. [c. 1. §. denique. quæ sunt pri. causa benef. amit. c. 1. si vassal. feudo priue. c. 1. §. si vassallus. si de feu. sue. contro. inter domi. lib. feudo. l. 2. C. de liber. & eorum liber. & illic Bal. & alij. Bar. in l. 3. de interd. & relega. Bal. in l. qui se patris. C. vnde libe. Imo. & ceteri in. c. 2. de feud.]

261 Accedit huc, quod primogenitus vere dominus est illorum bonorum, perinde atque aliorum, quæ pleno iure acquisierit. Quid igitur prohibet, quin princeps ea bona confiscare queat, quæ heretici esse inuenerint? Nam quod vere dominus illorum sit, nemo est, qui negare valeat. Quia dominium maioratus non est ablatum a primogenito, qui succedit in eum, nec per principem, nec per aliquam legem, nec per eum qui

maioratum fecit. Relinquitur ergo, ut simul cum ipsis bonis in primogenitum transeat: alioqui vacaret, ac nullius esset. Preterea, cum princeps facultatem concedit obligandi, permutandi, vendendi, & alienandi maioratum, non dat eo tempore dominium, sed tantum vincula soluit. Adde, quod non minus dominus est, a quo dominium abire potest. quid? quod maioratus dominium usque ad mortem primogeniti durare solet: neque ideo minus dominus est, quod libere alienare non potest: quia nec pupillus, nec is, cui bonis interdictum est, alienare bona sua possunt, & tamen veri domini sunt. [l. non ideo, de rei vendica. l. ex asse. ad Trebel. l. is cui bonis. de verbo. obliga. l. vlti. §. sed quia. C. commu. de lega. Seneca lib. 7. de beneficijs. Oldra. consil. 203. Decius consil. 419. Tiraquel. de retractu conuentionali. §. 2. gloss. 1. nu. 36. nuncupatim Soto in relectione de dominio. & lib. 4. de iusti. & iure. quest. 1. ar. 1.]

262 Nec nostræ sententiæ obstat fundamentum superscriptum contrariæ opinionis: nam bona subiecta restitutioni, quæ alicui, certæque personæ relicta sunt, propterea non confiscantur, quia statim ius illi acquiritur, cui bona restituenda sunt, quod longe aliter habet in Hispaniarum primogenitis: quæ quidem proprie non sunt restitutioni subiecta, sed potius ordine successionis legitimæ a primogenito in primogenitum transeunt: nec vnus aliquid alteri restituit, sed iure regio ab vno in alium transferuntur, & hæreditario iure deferuntur, ut Oldrado, Alberico & alijs placet. [regia. l. Taurina. 45. Oldra. consil. 94. Alberi. in proce. digesto. Marti. Lauden. de primogenitura. quest. vlti. Abbas cōsil. 3. lib. 2. Ioan. Ciriterus lib. 3. de primoge-

- mogenitura. q. 2. Iacobus 2. Saa libro de primogenitura, nu. 37.] *mod. l. i. i. v.*
- 263 Accedit etiam, quod hi qui maiora-
tus faciunt, non solent iubere, ut quis-
piam alteri ea bona restituat, sed tantum
præcipiunt, ut in ea bona primo succe-
dat aliquis, deinde alius, & itidem alij
deinceps: ita ut ordine legitimæ succe-
ssionis ea bona perpetuo maneant in co-
gnatione alicuius: ut proculdubio non
tam sit hæc bonorum restitutio, quam
legitima quædam successio: ac proinde
longissime distat ab eis restitutionibus,
de quibus aduersæ opinionis assertores
loquuntur: nec enim veteres unquam
legumlatores primogenita nostra vi-
derunt.
- 264 His adijce, quod bona etiam restituti-
oni sub ecta, & alienari prohibita,
possunt nihilominus certis ex causis p
cõmuni utilitate, legis autoritate alie-
nari: possunt quoque legumlatoris ar-
bitrio post aliquod tempus ab eo resti-
tutionis & prohibitionis onere liberari.
Quod olim post quartam generationem
desinebat, ut prudenter admodum Iu-
stinianus constituit. Possunt denique
bona primogenitorum, decreto & in-
dulgentia principum, propter priuatam
etiam utilitatem libere ac iuste alienari:
multo igitur magis confiscari poterunt
propter hæresim domini, in quo quidem
magna versatur utilitas reipublicæ: cu-
ius in primis interest, ne crimina sint
impunita. [Authen. res quæ. C. commu.
de legat. Authen. de restitu. fidei com-
missi. c. vi. fam. de sent. excommu.]
- 265 Sed neque refragatur nobis lex illa
regia, quæ concedit generaliter omni-
bus, ut in tertia & quinta bonorum par-
te possint quæcunque velint vincula &
onera ponere. Nam illic nulla facultas
datur, ut priuatus queat bona illa per-
petuo liberare a periculo confiscationis:

nec aliud prorsus addit libertati natura-
li, qua quisque in re propria moderator
& arbiter est, quam quod permittit. one-
rare liberos in tertia parte legitima, quæ
illis regio iure debetur: & quod ea one-
ra prorogat ultra quartam generationem.
[regia. l. Taurina. 27. l. in re mandata.
C. mandati. Authen. de nuptijs. §. di-
sponat. collatio. 4.]

266 Nec est cur quispiam putet, sub ea
legis concessione generali, permissum
etiam illud esse, ut possit quilibet hanc
addere clausulam: Ut maioratus & ea
bona prohibita alienari, nunquam cõ-
fiscari possint, ne pro crimine quidem
hæresis, aut læsæ maiestatis. Ea enim
adiectio non solum otiosa & inutilis,
sed licentiosa etiam, atque temeraria
est. Nam quis unquam priuatis homi-
nibus tantam licentiam concessit, ut le-
gè principibus suis imponere possint,
qua regale ius confiscationis eludant, &
horrenda crimina magna ex parte im-
punita relinquant? Etiam sub generali
concessu nunquam ea permessa esse vi-
dentur, quæ legissator specialiter con-
cessurus non esset. At vero, sicuti iam
ante dixi, princeps, qui facultatem cõ-
dendi primogenita tribuit, semper exci-
pere solet, ut propter hæresim & læsæ
maiestatis crimen ea publicari possint.
Nec mihi sit verisimile, ut quod prin-
ceps magni beneficii loco, quibusdam
tantum nobilioribus hoc priuilegium
concedens, expressim denegare solet:
id generalibus verbis regie legis cõces-
sum esse intelligatur omnibus, futuri-
bus etiam atque consortibus: ut queant
isti pro libidine bona sua liberare a cõ-
fiscatione, tametsi eorum successores
hæretici fiant, aut proditores. [c. in ge-
nerali. de regul. iuris lib. 6. c. cum in-
ferior. de maio. & obedi.]

267 Accedit eodem, quod legumlatorum
indul-

indulgentia concessum est, vt morientium voluntates eo tempore valeant, quo illi mortui sunt, & quo iam rerum dominium amiserunt, & ab huius mūdi commodis & incommotis liberati sunt: hæc tamen disponendi ac testandi facultas suos modos, suosque limites habet: id est, vt ne contra leges quidquam disponere, aut tentare audeant. Nemo enim, vt apud Pomponium est, efficere potest, vt leges in suo testamento locum non habeant. At qui contra leges est, vt hæreticorum bona publica non queant. [l. nemo potest. de leg. 1. c. cum secundum. de hæreti. lib. 6. Abbas in rubri. de transactio. Decius in l. eū qui. de iurisd. omni. iudi. quid. Viglius dixerit in. §. sed prædicta. instit. de testa.]

268 Accedit etiam, quod pars magna pœnæ, impijs & hæreticis debita, in bonorum publicatione cōsistit: quemadmodum plenius in exordio huius tractatus ostendimus. Illud quoque iustum & a republica est, vt hæreticorum filij non solum perpetua notentur infamia, sed vt parentum bonis, patrimonioque priuentur. Quia parentes in filiis acerbissime puniuntur: ac diuitiæ filiorum, parentum censentur: & quia hæreticorum filij debent paupertate fordere. Quam obrem a parentum quoque & consanguineorum successione habentur penitus alieni. Quis igitur ferat, vt hæreticorum filij, quos pauperes & infames esse legumlatores iustissime voluerunt: cautionibus priuatorum hominum, in parentum maioratus succedentes, diuitijs & insignibus, alijsque prærogatiuis nobilitentur? Nonne hic priuatorum pactioes iuri publico derogant? nonne hæretici & horum filij iustæ punitio ni subtrahuntur? quis ergo tot & tanta absurda tolerare queat? [l. bona fides.

de positi. l. isti quidē. quod met. causa. c. vergentis. de hæreti. l. ius publicum. de pactis.]

269 Deinde incredibile mihi videtur, quod possit princeps (vt quotidie facit) facultatem dare, vt hæc primogenita obligentur, & alienentur: & tamen ea cōfiscare non queat in publicā vindictā, & subiectorum exemplū, ac scelerum debitam meritamque punctionem. Nec placet opinio quorūdam existimantiū, principem concedere non posse supra tactā facultatem, præsertim cū primogenita condita fuerint regis legis auctoritate: quia par aut maior est ratio, quā princeps eo casu id facere possit, quā cū eius cōcessu primogenita facta sunt: maiora siquidem ac fortiora cōcedi solent in indulgentia ab ipso principe data, quam a lege regia. Sed vtrobique disputare de principis potestate, sacrilegij est instar. Quid? quod odiosum est (ne quid durius dicam) quod ea bona, quæ libera cunctis creata sunt, ita vinculis obligata permaneant, vt eorum commercium pene sublatum sit. Iure igitur princeps ad naturalem statum ac libertatem illa reducere potest: in quo meaquidē sententia rex noster difficilis esse non debet, si modo aliqua iusta vel probabilis causa existat. [l. 2. C. de crimi. sacrile. l. altius. C. de seruit. & aqua. l. 2. si a paren. quis manu. sue. l. si vnus. §. qd & in specie. de pactis.]

270 Postremo absurdum id ex contraria opinione, præter alia multa, consequeretur: quod possent vniuersi ciues omnium bonorum confiscationem perpetuo prohibere, vt legibus publicorum iudiciorum nullum omnino locum relinquerent: neque posset princeps quæpiam facinorosum omnibus bonis, aut eorum parte priuare: quo quid absurdius dici, cogitariue possit, ignoro.

- 271 Supra scriptis quoque argumētis falsam esse quorundā opinionem existimo, qui concedentes, primogenita in damnum filiorum confiscari posse: aliud esse putabant in præiudiciū transuersaliū, si hæreticus filios non haberet. Maior enim causa confiscationis tunc esse videtur. Nam si a filiis proximioribus auferuntur ea bona, multo magis a cæteris consanguineis auferri poterunt, qui a filiis excluderentur. Adde quod primogenitus hæreticus, qui vere dominus est, in sui locum admittit fiscū, qui cæteros omnes tam filios, quam extraneos excludit. [l. si sequens gradus. ad Sillania.]
- 272 Sed inueni viros doctos, qui constanter asseriebant, bona maioratus tunc saltem publicari non posse, cum eorum origo ex contractu est: vt puta, si in cōtractu matrimonij primogenita facta fuerint. Mea tamen sententia par causa est huius casus & illorum: nam si semel in perpetuum bona fuerint obligata, & is ad quem peruenerunt, in hæresis crimē inciderit, nil dubito, quin princeps iure suo vtique queat: quia priuatorum paetionibus ius publicum mutari non potest: nec pars illa pœnæ, qua bona sceleratorum publicantur, a priuatis impediri valet: eo accedente, quod non leuior, nec debilior est prohibitio facta in testamento, quam in contractu: nec magis seruanda sunt pacta, quæ contra leges fiunt, quam testamenta. [l. ius publicū. de pactis. c. cum inferior. de maior. & obedi. l. ea. lege. C. de condi. ob causam. l. cum. pater. §. libertis. & l. peto. §. vlti. de legat. 2. l. pacta quæ contra. C. de pactis.]
- 273 Vnde superuacanea est illius questionis tractatio, an primogenita confiscentur, cum de origine illorum non constat: sed antiqua successione, ac rebus senioribus secundum legem regiam comprobantur. Quia siue a lege, siue a rege origo eorū sit, semper propter hæresim confiscari poterunt. Quid? quod antiqua illa primogenita, quorū origo antiquior est hominū memoria, & eam excedit, a regio concessu & beneficio plerunque manarunt. Si quidem ante Taurinas leges nemo fere putabat maioratus fieri posse sine decreto Regis. Quinimo sæpe decreto principis præcedente nihilominus ab eodem confirmari solebant. Cum igitur in his beneficijs principum assidua sit illa exceptio, vt propter hæresim confiscari primogenita possint, relinquitur inde, quod quamuis de ea clausula non constet, nihilo secius adiecta esse censi debeat. [l. quod si nolit. §. quia assidua. de edilit. edicto. l. vlt. C. de fide iuss.]
- 274 Est & alia species, in qua quidam putant, primogenita eripi posse a periculo confiscationis, cum is qui ea instituit, hac vtitur clausula: Quod si quispiam primogenitorū in hæresim (quod absit) inciderit: volo ac iubeo, vt ab hora præcedente hæresim, priuatus sit maioratus, & protinus in proximiorē transeat. Sed nihilominus verum esse existimo, vt eo etiam casu publicari queant: tum quia in fraudem confiscationis ea clausula excogitata est, & priuatorum cautione legibus non est refragandum. Tum etiam quia non sane dispicio, quo iure, aut qua ratione id facere possit priuatus, cum & illa hora occultissima & incertissima sit, & rerum dominia non tam facile ab vno euelli, aut in alium transferri queant sola hominis voluntate, absque aliquo naturali actu. Adde quod homo nequit eam fictionem inducere. [l. traditionibus. C. de pactis. l. 1. de acqui. posse. l. vlt. ff. de suis & leg. hæredi. l. quod bonis. §. primo. ad leg. falsi. l.]

falci. l. si forte. ff. de castren. pecul. vide Ruinū consil. 129. lib. 2. Oroscium in. l. in traditionibus. ff. de pactis.]

275 Demum eo tantū casu existimo primogenita confiscari non posse, cum iā ius plene quāsitum erat successorī sequenti: veluti cum relicta sunt primogenita illi, vt post mortem alteri ea restituat: tunc enim de hāresi condemnato illo, alter ante pœnam erit: quia ius certum ei quāsitum fuerat. Quod longe secus est, cum primogenita successionē perpetua ad incognitos primogenitos transeunt. Et ita superioribus annis seruatum fuisse scimus, inter initia felicissimi principatus Caroli nostri Maximi: quo tempore multa primogenita desertorum, seditiosorum, ac proditorum, confiscata fuerunt, nullo habito

delectu, inter illa, quæ a lege, vel a rege, a contractu, vel ab vltima voluntate originem habuerunt. Quod quidem a christianissimo principe, & iudicibus doctissimis factum non esset, nisi iure quam optimo id fieri posse compertum habuissent. Et hic est interdum iustissimus finis harum vanitatum, vt quemadmodū ille ait, Quæ male parta sunt, male dilabantur. Ea tamen omnia vera equidem ac iusta nunc esse cenſeo: sed si falsa doctis videbuntur, sequar auctoritatem eorum, mutabo meam sententiam.

Contra hanc sententiam disputarūt duo iuris periti eruditissimi, quibus ego respondi libro disceptationum: an autē eorum argumentis satisfecerim, aliorum esto iudicium.

De cæremonijs Titulus X.

S V M M A R I V M.

- 1 Cæremonias ecclesiæ quantopere detestantur Lutherani, & quantus earum fructus sit.
- 2 Cæremoniæ ab impijs & nefarijs Lutheranorum conuicijs vindicantur, adductis ex veteri testamento auctoritatibus quamplurimis.
- 3 Cæremoniarum laus, & fructus ex euangelica lege ostenditur.
- 4 Cæremoniarum fructus ex apostolorum & sanctorum patrum traditione declaratur.
- 5 Cæremoniarum dignitas ecclesiæ catholice auctoritate perspicue probatur.
- 6 Cæremonias, ab ipso Deo, ab apostolis, a sanctissimis patribus institutas fuisse, concluditur: & quare in usu sint.
- 7 Cæremoniæ magni momenti sunt ad deponendam superbiam, & ad alia bona innumera.

- 8 Authores, qui execrandam hereticorum opinionem de cæremonijs, scriptis suis confutarunt.
- 9 Cæremoniæ quid sint, & cur talem quis religionem tenere creditur, qualibus cæremonijs vtitur.
- 10 Cæremoniæ cur tanti momenti sint ad coniectandum, cui quilibet religioni sit addictus.
- 11 Cæremoniarum prauitas hæresis indicium est.
- 12 Iudæi qui sunt genere, aut Mahumetani, si carne suilla aut vino abstineant, cur suspecti habeantur.
- 13 Pseudoprophetas venerantes, videntur eos illorum nomine venerari, a quibus missi putantur.
- 14 Carnes, vinum, & alia huiusmodi qui execrantur, & ab inquisitoribus moniti gustare nolunt, quo numero habendi

bendi sint.
 15 Lutherani, ecclesiæ prohibitionem con-

tempta, afferunt licere quibuslibet cibis sine delectu uti.

De cæremonijs.



LUTHERANI, alijq; huius tēporis perniciosissimi hæretici, vt religionem Christianam funditus euertant, nihil intentatum, nihil incontaminatum, relinquunt. Scilicet hoc meditantē, vt extirpentur ab imis iura, fides, pietas, religionisque vigor. Inter alia autem innumera impia & profana dogmata, hoc quoque miscuerunt: ecclesiæ cæremonias nil aliud esse, quam virus & venenum pietatis: cum tamen cæremoniæ pietatem maxime promoueant, atque conseruent. Tantus quippe est cæremoniarum fructus, vt illis sublati, cultum diuinum frigescere atque perire necesse sit. Paucissimi enim sunt ad res diuinas percipiendas idonei, nisi ad eas sensuū adminiculis cōuertantur.

- 2 Quod si cæremoniæ venenum pietatis essent, nunquā profecto Deus omnipotens, tam frequenter illas populo suo custodiendas mandasset. Nam si attentius vetus testamentum legeris, nullam fere paginam sine cæremonijs inuenias. Vnum tamen locum, aut alterum indicasse sat erit. Iethro ad Moysen in Exodo loquens, inquit: Esto tu populo in his, quæ ad Deum pertinent, vt referas quæ dicuntur ad eum, ostendasq; populo cæremonias, & ritum colendi, viamque per quam ingredi debeant. Et in Deuter. Moyses ipse ad populū: Quæ est alia gens sic inclyta, vt habeat cæremonias, iustaque iudicia, & vniuersam legem, quam ego proponā hodie ante oculos vestros? Postremo Dauid iā moriturus ad Salomonem filium: Confor-

tare, inquit, & esto vir fortis, & obserua vt custodias mandata domini Dei tui, vt ambules in vijs eius, & custodias cæremonias eius, & præcepta eius, & iudicia & testimonia. [Exo. 18. Deut. 4. & 3. Reg. 2.]

- 3 Deinde in euangelica lege, qua nouitij hæretici falso gloriantur, passim cæremonias multas traditas & vsitatas inuenies, quibus ipse etiā saluator noster Christus sæpe vsus est. Nam & genibus flexis, & in faciem procidentem ipsum orasse, euangelica testatur historia. & suscitaturus Lazarum eleuatis sursum oculis, voce magna clamauit: Lazare veni foras. & paruulos complexans, & imponens manus super illos, benedicebat eis. & accepto pane benedixit, & fregit, deditque discipulis suis. Apostolus quoq; docet, vt viri capite detecto, mulieres velato ōrent: aliasque non paucas cæremonias tradit. & Publicanus veniā petens, percutiebat pectus suum, & discelsit iustificatus. [Ioa. 11. Marci. 7. Lucæ. 22. 1. Timo. 2. Lucæ. 18. & alibi sæpe.]

- 4 Ad hæc Apostoli plerasque cæremonias ecclesiæ docuerunt, & nonnullas in suis canonibus insertas reliquerunt. Sanctissimi quoque & antiquissimi patres omnes fere cæremonias, quibus hodie vtimus, tanquam ab Apostolis traditas venerati sunt, easque obseruauerunt, & scriptis suis celebrant: quorum aliquos breuiter hoc loco memorabo. Dionysius lib. de ecclesiastica hierar. Clemens lib. 3. recognitionum, Iustinus philosophus quæst. 107. Tertullianus lib. de corona militis, Origenes in librū numero-

numerorum homin. 5. Basilii lib. de Spiritu sancto, cap. 27. Epiphanius in fine operis contra hæreses, Ambrosius sæpe in libris de sacramentis, Hieronymus ad Heliodorum in epitaphio Nepotiani: denique omnes ecclesiæ Doctores veteres & recentiores id ipsum frequentissime tradiderunt.

5 Præterea, catholica Christi ecclesia, quæ columna est & firmamentum veritatis, ceremonijs in omni diuino cultu, & in omnibus sacramentis, semper & vbique vsa est: nec fuit vnquam vlla vera, vel falsa religio, quæ ritibus & ceremonijs prorsus carere potuerit. Quod quamuis hæretici verbis negare videantur, factis tamen fateri coguntur: in quo sicut in ceteris omnibus merito deridendi sunt, qui damnantes antiquissimas & sanctissimas ecclesiæ ceremonias, alias ipsi nouas & profanas inducunt: Scilicet, omnipotens placitos tot secula ritus

Retrahet pater, & mentem sententia vertat:

Quæ noua tempestas? ea ne inconstantia cælo?

Hos hæreticos vel Iamblicus ethnicus mouere debuisset, qui lib. de mysterijs, lumine naturali tantum illuminatus, inquit: Oportet ritus adorationis antiquos, tanquam sacros conseruare semper intactos, nec demere quicquam, nec aliunde quid addere. Ferme namq; & hoc causa extitit, vt sacra fere omnia debilitata iam sint: propterea quod propter ipsam innouandi cupiditatem, permutata sunt semper, & permutari non desinunt. Hæc ille, cap. de nominibus diuinis. Plato quoque in epinomide, loquens de his rebus, inquit: Homini omnium legislator, qui vel minimum mentis habeat, nunquam aliquid innouabit: cauebit enim ne ad nouum reli-

gionis cultum ciuitatem suam vertat: nec quæ patria lege, vel cōsuetudine de sacrificando firmata sunt, mouere audebit. Scire namque debet, mortali naturæ non esse possibile certi quicquid de his cognoscere. Posthumius quoq; vt Liuius lib. 39. author est, innumera bilia extare dixit decreta pontificum, & senatus consulta, quibus negotium fuit magistratibus datum, vt sacra externa fieri vetarent, & omnem disciplinam sacrificandi, præterquam more Romano, abolerent. Iudicabant enim nihil eque ad dissoluendam religionem esse, quam vbi non patrio, sed externo ritu sacrificaretur.

6 Sunt igitur ceremoniæ ab ipso Deo, ab apostolis, a sanctissimis patribus institutæ, ad honorem Dei & hominum vtilitatem inductæ. Illis quippe instrui mur, monemur, erudimur, ad sublimiora prouocamur, illisque præparamur & proficimus in gratia & charitate. Nimirum graui nos mole corporis oppressi, valde quidem egemus, ad somnolenti animi excitationem, commonentibus rebus: nam secularibus curis enervata virtus nostra, externis & corporalibus incitamentis, siue vocū, seu figurarum indiget, vt animi nostri vigor, spiritali operi robustius instet, & contemplatio nostra, tanto acrius in sublime prouehatur, quanto magis attoniti, antea obstupuerimus. Quamobrem orantes, manus leuamus, & nunc stamus, nunc in faciem procidimus, pectus tundimus, frontem cruce signamus. In administratione sacramentorum, vestibus, vasis, alijsque rebus sacris vtimur, multaq; alia similia agimus, quæ ad externum Dei cultum pertinent. Quæquidem vniuersa propter nos ipsos fiunt, vt nos moueant, nos incitent, nos auertant, nos conuertat a

visibilibus scilicet ad inuisibilia: fidem augeant, spem confirment, & veram inter nos charitatem Deo gratissimam, diligenti anacephalæosi, in diuinorum amorem transferant.

- 7 Valent profecto cæremoniæ, vt ceruicem superbâ dimittamus, illam subdentes rebus sensibilibus: valent rursus, vt per eas, veluti per gradus quosdam ad mysteria diuina euehamur: valent demum, vt qui corpore peccauimus, holocaustum etiam de nostris corporibus Domino faciamus, qui & corpus & animam a Domino recipimus. Aufer cæremonias ab ecclesia, & apud maximam christianorum partem Dei cultum extinctum videbis. Fac ne quisquam orandò, ad cælum oculos, aut manus leuet, ne flectat genua, ne peccatò tundat, ne humi prostratus adoret, ne caput orans detegat, ne cum legitur euāgelium audientes erecti stent in pedes, ne eucharistia cum ostenditur populo omnia reuerentiæ & honoris signa exhibeantur, vtque id genus cætera prætermittantur omnia: & intra paucos dies omnem pietatem, & quam vocamus deuotionem, quæ ritibus modisque huiusmodi & excitatur, & fouetur, augeturque, penitus extinctum videbis in pectoribus hominum, & prorsus fugere Dei cultum.

*Tolle Dei cultum: diuine muneris mentis
Virtutem & sapiam tolle: fera omnis
homo est.*

- 8 Abeant ergo pestiferi hæretici, & ecclesiæ catholicæ ritus & cæremonias irrideant, contra Dominum & Christum eius, contra Spiritum sanctum & Ecclesiam, contra vetus & nouum testamentum, contra Apostolos & Apostolicos viros, contra summos Pontifices & sacra concilia, contra religionis naturam, contra consuetudinem hominum, con-

tra sententias omnium: sed Dominus subsannabit eos, & in interitu eorum ridebit. Et quamuis seductores isti, non argumentis sint conuincendi, sed igne: multi tamen viri docti hæc illorum insanissimam hæresim, scriptis suis liquido confutarunt. [Alber. Piglius. l. 1. hierar. ecclesiasti. c. vlti. Catharinus secunda clauæ scripturarum. Bunderius in compendio concertationis tit. 27. plenius Contra. Brunus libris de cæremonijs. Confessio Polonica, c. 86. & deinceps.]

- 9 Cum autem cæremoniæ sint ritus quidam externi ad cultum diuinum celebrandum, relinquitur inde, quod tale quisque religionem tenere creditur, quilibet cæremonijs utitur. Vnde si quis Mahumetem, aut eius ossa, cinerem, vel sepulchrum adorauerit, aut se circumciderit, aut mori vel sepeliri voluerit ritibus Iudæorum, aut aliorum infidelium: is proculdubio tali religioni addictus vehementer esse præsumetur: idque vsque adeo legum latoribus & iuris peritis placuit, vt qui talia faciunt, hoc ipso pertinaces hæretici iudicentur, & pro manifeste cõuictis habeantur. [c. contra christianos. c. filij. de hæreti. li. 6. Archidi. Ioan. And. & Dom. in c. 2. de hæreti. lib. 6. Ioan. de Ana. in c. excommunicamus. §. credentes. eo. tit. lib. 5. Lopus, Butri. & Ioan. Imolen. in clem. 1. §. vlti. de vsuris. Siluester in summa verbo. hæresis. 1. q. 7. Fran. Squilacensis de fide catho. cap. 15. Nicola. Arelata. de hæreti. nota. 5.]

- 10 Cõuestiri ea possunt distinctione quadam ab Alfonso Castro tradita, quæ quidem vera & memoratu digna est: quamobrem hoc loco eam describendam duximus. In quædam peccata natura ipsa proni sumus: puta, in auaritiâ, gulam, aleam, venerem, & alia id genus: & in hæc interdum ruimus præcipites, etiam

etiam repugnante conscientia; capti-
 tamen voluptate, quæ quidem esca est ma-
 lorum omnium, sed interim nil minus
 credimus, quam ea licere: nam vt sepe
 Aristoteles ait, Intemperans quæ mala
 sunt, mala ille quidem esse nouit, sed
 agit ea victus & debilitatus, obiecta spe-
 cie voluptatis. Alia sunt peccata, in-
 quæ natura non fertur eo, quod nil ha-
 beant, quo illam allicere queant: qua-
 propter cū ad peccata eiusmodi volun-
 tas indifferens ac dubia sit, consulit in-
 tellectum, qui est voluntati a consilijs,
 & nil in his agere solet repugnante con-
 scientia, neque spreto intellectus iudi-
 cio: id circo in his maior est præsum-
 ptio malitiæ, ac maior deliberatio cre-
 datur præcessisse, atque longe maior in-
 tellectus error præsumi potest. [Arist.
 lib. 7. ethi. cap. 1. & lib. 1. magno. mo-
 ra. cap. 2. 5. & iterum lib. 2. cap. 6. Al-
 fonfus lib. 1. aduersus hæreses cap. 1.
 & lib. 1. de iusta hæreti. punit. cap. 1.]

11 Hinc pater veritas huius assertionis,
 ex prauis cæremonijs hæresim præsumē-
 dam esse: nam ad eas seruādas nulla est
 a natura pronitas: quamobrem vehe-
 mens inde suspicio nascitur, quod in
 illarum electione voluntas regitur ab
 intellectu, ita vt quod facit, sic esse fa-
 ciendum credat. Vnde facile intelliges
 differentiam illam, cur magis præsuma-
 tur hæreticus, qui prauis ritibus vtitur,
 quam qui alterius generis peccata com-
 mittit: alioqui omnes qui ex quacunq;
 causa peccarent, hæretici essent, quia
 violent Dei omnipotentis legem.

12 Ab eodem fonte nascitur suspicio ve-
 hemens aduersus eos, qui cum sint ex
 genere Iudæorū, abstinent a carne suilla,
 vel ab his rebus, quæ in Leuitico & alijs
 Hebræorū legibus dicebantur immun-
 dæ. Pari quoque ratione vehementer
 suspecti sunt, descendentes ex Mahume-

tanis, qui vinum & suillam carnem exe-
 crantur, & qui cæremonias alias con-
 ficiunt, quæ maiorum suorum legibus
 cauebantur: & item illi qui precesiones
 Mahumetis, aut Iudæorum recitant,
 & memoria retinent. Nam ad ea & id
 genus alia, nulla est pronitas a natura:
 quinimo isti contra naturalem appeti-
 tum ea operantur. Sunt enim pleraque
 horum sapida, & voluptatibus, quibus
 Maumethani vnice student, valde ac-
 commodata: vt nulla inde benignior cō-
 iectura capi possit, quam quod ista fiunt
 animo hæretico. Similia dici possunt
 de ieiunijs istorum, ac de talibus mul-
 tis, quorum nullam illi rationem red-
 dere valent. [Leuit. 11.]

13 Eadem dici possunt de his, qui pseudo-
 prophetas adorant. Videntur namque
 venerari eos nomine illorum, a quibus
 missi putantur. Vnde cum superiori-
 bus annis impostor quidam se missum
 a Mahumete simularet, ac multos ex il-
 lius gente conuersos palam decepisset:
 dubium de nonnullis fuit, qui tantum
 conuicti erant de veneratione illi exhi-
 bita. Placuit tamen omnibus, vt hi qui
 ex genere suo alioqui suspecti erant, ha-
 berentur ob eam rem suspectissimi. Et
 sicuti qui prophetam recipit in nomine
 prophete, mercedem prophete accipiet,
 & qui recipit iustum in nomine iusti,
 mercedem iusti accipiet: sic etiam qui
 pseudopropheta recipit nomine pseu-
 doprophete, dignus est qui mercedem
 pseudoprophete accipiat. [Mat. 10. c.
 accusatus. §. ille quoque. de hæretic.
 l. 6.]

14 Quod si quispiam carnes, vinum, aut
 alia eiusdem generis excreetur: & mo-
 nitus ab inquisitoribus, ea gustare no-
 luerit, is tanquam suspectus de here-
 si, & vt contumax puniri potest. Non
 tamen ob eam tantum causam con-
 summatus

summatum hæreticum esse censebitur, quemadmodum quidam falso putarunt. Si vero crederet aliquis, non licere vesci carnibus, aut alijs cibis in usum hominum creatis, is proculdubio pertinax hæreticus esset: sicuti canonibus apostolorum, & concilio Ancyrano, & Vigilij Papæ decreto plenius continetur. In concilio quoque 1. Bracarensi hoc decreuerunt patres: Quicumque in clero cibo carniū non vtuntur, pro amputanda suspitione Priscillianæ hæresis, vel olera cocta cum carnibus præ gustare cogantur: quod si contempserint, necesse est pro suspitione hæresis huius, vt excommunicentur, & ab officio reinoueantur. c. vlt. vbi errat Prepositus. [30. dist. cano. apostol. 50. &

52. concilio Ancyrano. c. 14. epistola decretali Vigilijs ad Eutherum. c. concilij Bracarensis. cano. 32.]

15 Demum Lutherani, quorum Deus venter est, vt lautius gulæ indulgeant, asserrunt, licere sine delectu omni loco & tempore, quibuslibet cibis vti, ecclesiæ prohibitionem contempta: quorum impium dogma iam pridem damnatum est, & multi docti viri hac tempestate illud clarissime confutarunt. [Hieronymus. lib. 2. aduersus Iovinianum. Faber contra Lutherum tracta. 4. in responsione ad arti. 17. Echijs in Enchiridio. c. 14. Alphon. aduersus hæreses, verbo, cibus. Bunderius in compendio concerta. tit. 35.]

De communicatione hæreticorum vitanda Tit. XI.

S V M M A R I V M.

- 1 **H**æreticorum communicatio cur vitanda.
- 2 Communicationem hæreticorum quæ concilia prohibeant.
- 3 Fœdera inter hæreticos & catholicos damnantur.
- 4 Communicatione hæreticorum multa adducuntur causæ cur christianis interdixit sit.
- 5 Hæreticorum consuetudinem cur vitare oporteat.
- 6 Hæreticorum verba & colloquia declinare debemus.
- 7 Hæreticorum consuetudinem fugiendam esse, apostolorum & sanctorum exemplis comprobatur.
- 8 Hæreticis familiariter scribere non licet.
- 9 Communicantes cum hæreticis plus minusue suspecti sunt habendi, considerata personarum, loci, atque temporis qualitate.
- 10 Communicare cum hæreticis quando liceat.
- 11 Communicare cum hæreticis neque in testamentis licet, neque in contractibus.

De communicatione hæreticorum vitanda.

- 1 **M**ULTIS ex causis fugienda est communicatio hæreticorum, ac sæpe catholicis est interdicta. Scribit Paulus apostolus in priore ad Corinthios, epist. Ne ci-

bum quidem cum illis esse sumendum: & in epist. ad Titum, Hæreticum hominem post primam & secundam correctionem deuita. Ioannes quoque Apostolus inquit: Si quis venit ad vos, & hanc doctrinam non affert, nolite recipere

pere eum in domum, nec aue ei dixeritis. Ad hæc, pluribus apostolorum canonibus id ipsum vetitum est. aiunt enim canone quodam: *Qui cum hæreticis orauerit, communione priuetur: si uero hortatus fuerit eos orare, damnetur.* Et alibi *Episcopum aut presbyterum: hæreticorum suscipientem baptisma, damnari præcipimus: Quæ enim conuentio Christi ad Belial? aut quæ pars fidei cum infidelis? & rursus: Qui synagoga Iudæorum, aut hæreticorum cõuenticulum ingressus fuerit, ut preces cum illis coniungat, deponitor, & a cõmunionem secluditor.* [1. ad Corin. 5. ad Tit. 3. Ioan. epist. 2. num. 16. canon. apostolorum 45. & 46. & 53. & 69. cū seq. vide. l. 53. & 55. & 56. de his qui super religione contendunt. C. Theodo. Clemen. lib. 6. de constitutionibus apostolicis, cap. 17.]

2 In concilio quoque Laodicensi prohibetur, ne cum hæreticis matrimonia celebremus, nec benedictiones ab eis accipiamus, neque cum eis, aut schismaticis oremus, neque ad eorū falsos martyres, aut execrandas congregationes eamus. Et in quarto concilio Carthaginensi, interduntur conuiuia & sodalitates hæreticorum, & schismaticorum: & prohibetur, ne cum eis aut ore tur, aut cantetur. Quod & sæpe alibi a sanctis patribus vetitum est. [c. cum quibus. 24. quæst. 3. cap. si quis inquit. 1. quæst. 1. concilij Laodicensi. c. 31. cum seq. & 4. concilio Carthagi. c. 70. & 72. Cypria. epist. 3. lib. 1. Cõra. Brunus lib. 6. de hæreti. c. 2.]

3 Qua ratione illa fœdera damnantur, quæ a catholicis cum hæreticis & schismaticis fiunt: nam cum eiusmodi hominibus non solum nullæ amicitiae coiri, sed ne vlla etiam communio esse potest. Nec licet inter catholicos & hæ-

ticos pacem his conditionibus facere, ut catholici cum hæreticis in fide & religione communent: nec ut hæretici in iudicijs ob sacrilegia ne conueniantur: nec ut exceptio hæreseos & excommunicationis hæreticis in iudicijs obijci ne possit: nec ut qui bona ecclesiarum ab hæreticis per vim recuperant, fractæ publicæ pacis rei habeantur. Hæ namque conditiones, & si quæ sunt aliæ generis eiusdem, inhonestæ sunt, & Christianis prohibita, quemadmodum eleganter tradit Brunus lib. 3. de legationibus, cap. 11.

4 Multæ quidem sunt causæ huius prohibitionis. Prima, quia hæretici ab ecclesia abscissi sunt, cum quibus catholici nil commune habere possunt. Quæ enim conuentio Christi ad Belial? aut quæ pars fidei cum infidelis? Præterea, quo modo in vna domo conuenire possunt fide & moribus diuersi, animisq; dissentientes? at ecclesia hospitium vna nimitatis est (ut inquit Cyprianus) quæ designat Spiritus sanctus in psalmo, dicens: Deus qui inhabitare facit vnanimis in domo. in domo Dei vnanimis habitant, concordēs & simplices perseuerant. Deinde catholici simplices, mansueti, & simplices sunt, sicut columbæ, oues, & agni: hæretici contra, superbi, subdoli, seductores: quos Christus lupos, prophetæ vulpes, coruqs, miluos appellant: animalia sane rapacia, subdola, & ad discordiam magis, quam vnitatem nata: quibus certe cum catholica simplicitate nil prorsus conuenit, ideoque in communione cum catholicis esse non debent.

5 Præterea vitare debemus hæreticos, ne illis communicantes, eorum peccatis inuoluamur. Inquit enim Dominus per Moysen lib. numer. Recedite a tabernaculis hominū impiorum, & nolite

lite tangere, quæ ad eos pertinent, ne inuoluamini peccatis eorum. Et Apostolus in epist. ad Titum scribit: Hæreticum hominem post vnam & alteram correptionem deuita, sciens quia subuersus est, qui huiusmodi est. Deuita hæreticum, quasi viperam, quasi scorpionem, quasi basiliscum: ne te non solum tactu, sed etiam visu, afflatuque percutiat.

- 6 Deinde, declinare debemus verba & colloquia hæreticorum: quia sermo eorum vt cancer serpit, vt pestis inficit, vt lethale venenum animas etiam ipsas morte perpetua occidit. Nā sicut Apostolus ait: Corruptunt ingenia bona, confabulationes pessimæ. Et in Proverbijs Sapiēs: Peruersus in ore suo portat perditionem, & in labijs suis ignem condit. Et Iuuenalis de alia contagione non ita pestifera loquēs, satyra secunda inquit: *dedit hanc contagio labem, Et dabit ī plures, sicut grex totus in agris Vnius scabie cadit, & porrigine porci.*

Et vt est apud Xenophontem lib. 1. de factis & dictis Socratis: Bonorum hominū conuersatio exercitium virtutis est, prauorum vero destructio. Testatur hoc etiam qui dicit poeta; Bona qui dem discēs a bonis: quod si te misceas prauis, amittes etiam insitam mentē. Postremo heretici ipso iure in excommunicationem incidunt: cum excommunicatis autem communicare non licet. [2. Timo. 2. & 1. Corin. 15. Prouer. 15. cap. excommunicamus de hereti. c. excellentissimus. 11. quæst. 3. cum seq. vide Brunum libro. 6. de hereti. c. 2.]

- 7 Hæc eadem docemur exemplis memoratu dignis: nam dilectus Domini discipulus, cum apud Ephesum balneas lauandi gratia fuisset ingressus, & audisset ibi Cherinthum, exilijs continuo, & discessit non lotus, dicens: Fugiamus

hinc, ne & balne ipsæ corruant, in quibus Cherinthus lauatur veritatis inimicus. Eadem cum Ebione hæretico eundem Ioannem fecisse, author est Epiphanius lib. 1. contra hæreses. Et ab eodem Apostolo edoctus Polycarpus, Marcioni aliquādo cum occurrisset, dicenti sibi, Agnosce nos? respondit, Agnosco, agnosco primogenitū satanæ. Tāta tunc Apostoli & eorum discipuli in religione cautela vtebantur, vt ne verbi quidem communionem cum aliquo eorum, qui a veritate deuiauerant, habere paterentur. Quorum exemplorum Irenæus, Eusebius, Beda, Nicephorus & quidam alij meminerunt: quibus addo exemplum Origenis, qui nullo pacto, vel pro honoris gratia, vel pro necessitate coniunctionis flecti potuit, vt cum Paulo hæretico, dominæ suæ adoptiuo, saltē in oratione confisteret: ita ei a prima ætate ecclesiasticæ regulæ obseruantia honorabilis fuit, & hæreticorum societas execrabilis. [author Eusebius lib. 6. ecclesiasti. histo. cap. 2. quæ vide lib. 4. cap. 14. Epiph. heresi. 30. Irenæum lib. 3. aduersus hæreses ca. 3. Bedam super epist. 2. Ioan. cap. omnis qui 24. q. 1. Nicephorus lib. 3. eccles. histo. cap. 14. quem vide lib. 12. ca. 8.]

- Neque prætereundum illud est, quod Baptista Fulgosius lib. 1. memorabiliū scribit: Martyres, inquit, Caius & Alexander, cum capite damnati ad supplicium vna cum Marcionistis quidā christiani ducerentur, muneris ingentis loco a carnificibus petierūt, vt separatim a Marcionistis occiderentur, ne eorum sanguis, cum ijs misceretur, qui parum recte de catholica fide putabātur scire.
- 8 Non solum loqui non licet cum hæreticis, sed neque illis familiariter scribere: nam per epistolas cū absentibus, & tanquam cum presentibus loquimur, & maiore

maiore cum deliberatione scribere, quā verba facere solemus, ac multa literis committimus, quæ coram puderet verbo dicere: epistola enim non erubescit. Par itaque, aut maior causa prohibitionis est in scribente, atque in loquente. Turpilius Comicus differens de vicissitudine literarum: Sola, inquit, res est, quæ homines absentes, præsentis facit. Cuius meminit Hieronymus epistola ad Nitiam, addens: Quid est, ut ita dicam, tam præsens inter absentes, quam per epistolas & alloqui, & audire quos diligas? Sic igitur prohibitus loqui cum sanctimoniali, nec epistolā mittere potest: sic non licet scribere Cardinalibus existentibus in conclavi: sic in epist. synodi Sardicen. de quibusdā episcopis Arrianis dicunt patres, illos in ecclesias luporū instar ingressos, nec episcopos nominandos, nec christianos: nec quālibet penitus cum eis habendam communionem, nec eorum literas recipiendas, nec scribendum eis. Et paulo post: Seruate vos, fratres charissimi, ut neque scribatis eis, neque eorum scripta suscipiatis. Sic demum male audit Erasmus, eo quod epistolas familiares dederit ad Lutherum & Oecolampadium etiam, ubi eos esse hostes ecclesiæ nouerat. [c. clericus. 81. distin. c. ubi periculum. §. nulli. de electio. lib. 6. Theodorus lib. 4. hist. trip. c. 24. & lib. 2. eccl. histo. cap. 8. Alber. Pighius. lib. 4. hierar. ecclesiasti. c. 18. Roma. & Corasius in l. 1. nu. 24. de verbo, obliga. idē Cora. lib. 1. Miscella. ca. 24. & lib. 3. c. 4.]

9 Quæ omnia, quod ad rem forensē attinet, eo pertinent, ut pro personarū qualitate, loci ac temporis circumstantijs, habeantur plus minusue suspecti; qui cum hæreticis communicauerint. Vnde propter familiaritatem hæreticorum indicitur interdum purgatio: ali-

quando vero hi, qui post abiurationem hæreticos comitantur, visitāt, accipiūt, vel deducunt, eo ipso relapsi esse censentur: quia ex approbati a se prius erroris consequentia, ea fecisse iudicantur. Hi quoque, qui sunt recenter conuersi, fugere omnino debent communicationē illorum, qui suam sectam antiquam tenent: qui si secus fecerint, in christianorum seruitutem redigendi sunt, & illi cum quibus prohibitum est eis conuersari, publicis cædibus deputari debent, quemadmodum maiores nostri decreuerunt in quarto concilio Tolitano. [cano. 60. cap. inter sollicitudines. de purga. cano. c. accusatus. §. ille quoque. de hæreti. libro. 6. cap. sæpe. 28. q. 1. & sessio. 19. concilij Basilien.]

10 Aliquando tamen cum hæreticis communicare licet: puta cum tractatur de salute spirituali, & conuersione illorū. Hoc autem fieri debet seruatis debitis circumstantijs personarum, temporum & locorum: quemadmodum Alexander, Thomas, alijque tradiderunt. Item propter necessitatem cōmunicare possumus cum hæreticis, dum tamen eorum erroribus non consentiamus. Id quod olim catholici, cum hæreticorum factiones præualebant, sæpe facere coacti sunt: Necessitatis namque (ut ille ait) amarissimæ sunt leges, & truculenta imperia. [Alexan. Ales. 2. parte. q. 181. memb. 10. Tho. 2. 2. q. 10. art. 15. Alberti. in rubri. de hereti. lib. 6. quæst. 4. Alfon. lib. 1. de iusta hæreti. punit. c. 20. Brunus lib. 1. de legatio. cap. 6. & lib. 6. de hæreti. c. 2.]

11 Nec in testamentis, nec in contractibus licet cum hæreticis communicare: nec enim ex testamento quippiam capere hæretici, nec ex vllō contractu, nec testamenta facere possunt. [1. Manichaos. C. de hæreticis. l. 8. l. 30. l. 39.

l. 49. l. 56. de his, qui sup religione cōtē- dūt. C. Theo. l. cū filius. §. vlt. ff. de leg. 2.]

De concilijs Titulus X I I.

S V M M A R I V M.

- 1 **C**oncilium quid sit.
- 2 Conciliorum plura sunt genera, sed tria potissime memorantur.
- 3 Concilij vniuersalis autoritas.
- 4 Concilij vniuersalis autoritas, ex veteri & nouo testamento ostenditur.
- 5 Concilij vniuersalis autoritas, sanctissimorum patrum testimonijs declaratur.
- 6 Conciliorum generalium vtilitas.
- 7 Concilia vniuersalia que legitime congregata dicantur.
- 8 Concilia vniuersalia autoritate Papæ congreganda, ex lib. 1. Machabeorum etiam deducitur.
- 9 Concilium generale quando conuocari liceat absque autoritate Papæ.
- 10 Concilium generale conuocari debet autoritate Papæ, & acta omnia synodalia eiusdem autoritate fieri debent.
- 11 Papa iudicari ab alijs non potest.
- 12 Concilium vniuersale, neque alius quispiam iudex Papam cōdemnare potest.
- 13 Papa hæreticus manifestus, an per vniuersale concilium puniri possit.
- 14 Papam nullum hæreticum fuisse, neque in futurū esse posse, pia & erudita Alberti Pighij, & Hosij sententia est.
- 15 Concilium sacerdotale quid sit, & quod robur habeat.
- 16 Concilia sacerdotalia antiquiora & frequentiora sunt quam generalia, nec minus vtilia.
- 17 Concilia prouincialia quam auctoritatem habeant.
- 18 Concilia prouincialia quoties singulis annis celebrari debeant.
- 19 Prouincialia concilia nunc frequentari non esse admodum vtile, nec dammandū est qđ ecclesia facere pretermittit.

De concilijs

1 **C**ONCILIUM ecclesiasticum nil aliud est, quam iustus conuentus præsulum, & episcoporum ad ecclesiastica negotia tractanda. Definitur autem multifariam a multis, sed in eandem fere sententiā. Sed cum cōcilia ecclesiastica omnibus notissima sint, non est cur definitionibus immoremur.

2 Sunt autem plura conciliorū genera, sed quod ad propositum attinet, tria duntaxat memorabimus: vniuersale, sacerdotale, & prouinciale. Vniuersale

le concilium est, in quo totius ecclesie tractatur negotium, ex omnibus prouincijs cōuocatis orthodoxis episcopis. Sacerdotale concilium est, in quo causa, quæ tractatur, vniuersalis est, fidem, aut ecclesiasticam obseruationem cernens: sed conuocatio non est generalis. Prouinciale est, in quo sub vno metropolitano, vnius tantum prouinciæ episcopi conuenientes, eiusdē prouinciæ negotijs consulunt.

3 Vniuersale concilium, rite ac recte cōgregatum, diuinam auctoritatem habet: eiusque decreta, in his, quæ pertinent ad fidem & mores, pro veris ecclesie

clesiæ definitionibus tenendæ sunt : & quisquis illis sciens cōtradicit, hereticus pertinax est. Hanc veritatem semper secuti sunt quotquot vnquam fuere catholici : aduersus hæreticos tamen breuiter illam hoc loco probabimus.

4 Primo, ex veteri & nouo testamēto. In Deuteronomio, & in actis Apostolorū satis constat, concilia recte congregata autoritatē habere ab ipso Deo & Spiritu sancto. Deinde vniuersalia cōcilia catholicam ecclesiam repræsentant: quæ quidem errare nequit, cum sit columna & firmamentū veritatis. Ad hæc, in concilijs generalibus recte cōgregatis adest autoritas sedis apostolicæ, cuius fides deficere nequit. Præterea, in his concilijs conueniunt ecclesiæ pastores & doctores, & ex scriptis sacris & ecclesiæ traditionibus & sanctorum doctrinis peraguntur omnia: quæ quidem nec fallere, nec falli possunt. Deinde Christus redemptor noster per Matthæum promisit nobis, futurū se in medio eorum, qui cōgregati fuerint in nomine suo, tametsi illi nō sint nisi duo, aut tres. Quis igitur credat, Christum non adesse plenarijs concilijs legitime congregatis?

5 Sanctissimi quoq; patres eandē veritatem sæpissime confessi sunt. Diuus Cyprianus: Qui de manibus, inquit, conciliorum gubernacula extorquent, ecclesiasticæ salutis nauem in scopulos illidunt. Et Augustinus in epist. ad Ianuarium scribit, saluberrimā esse in ecclesiā cōciliorū generalium autoritatē. Quod & lib. de vnico Baptismo, & sæpe alibi testatur. Et diuus Gregorius lib. i. epist. quatuor prima vniuersalia cōcilia, sicut sancta euāgelia suscipere se ac venerari fatetur. Id ipsum docuit Isidorus lib. 6. etymol. & Theodosius apud Nicephorum lib. i. 6. ecclesiast. hist. cap. 33. sed & reges Hispaniarum iam olim hanc veri-

tatem professi sunt in cōcilio Toletano decimo tertio, & quinto decimo. Ad extremum, patres nostri in professione fidei, quam decimo sexto concilio Toletano inferuerunt, constanter asserunt, illum hæreticum esse iudicandum, qui plenarijs concilijs quoquo modo contraxerit: cui sententiæ orthodoxi omnes semper & vbiq; assentiunt. [c. illa. 12. distin. c. canones. c. sicut 15. distin. Torquemada lib. 3. de ecclesia. cap. 38. Alfonso Tostadus. 2. parte defensorij cap. 68. cum seq. Guido. de hereticibus cap. 6. Rossensis contra Lutherum art. 29. Gaspar aduersus hæreses lib. 2. art. 4. confessio Polonica, de fide & symbolo, cap. 24. Canus libro 5. de locis theologicis cap. 4. cum seq.]

6 Generalia concilia recte congregata vtilia, & salutaria sunt ecclesiæ ad extirpandas hæreses, sarcinā schismata, & reformandū ecclesiasticę disciplinę vigore. Quibus nisi fidē indubiā adhibeamus, quid certi relinqueamus ecclesiæ? Nimirum omnia decreta patrū, omnes sacri canones vacillarent, hæreses damnatę reuiuiscerent: ideniq; nil nō esset in religione cōfusū, dubiū, & incertū. In vanū hætenus sūmi pontifices, imperatores, principes, & sanctissimi patres laborassent in cōcilijs cōuocandis: frustra fideles omnes hucusque synodis paruissent, & credidisset: ac proculdubio grauissime decepta foret diffusa p orbē catholicā & apostolica Christi ecclesia, quæ oīa impia sunt & absurda. [Vide Vinc. Lirenē. li. aduersus hæreses Niceph. li. i. 6. c. 35.]

7 Ea vero concilia vniuersalia legitime cōgregata dicuntur, quæ autoritate Papæ cōuocata sūt. Apostoli enī cōstituerunt, vt nulla generalis synodus fieret præter autoritatē Rom. Pōtificis: quod asserit sanctus Marcellus in epist. ad episcopos Antiochenos: & Iulius primus aduersus

Canum contra. lib. 6. de locis theologicis cap. vlti.]

- 15 Sacerdotale concilium est conuentus aliquorum patrum ad aliquem locum, de his quæ ad fidem & reformationem status ecclesiastici pertinent, a summo pontifice consulendi causa legitime coactus. Sunt autem ea concilia eiusdem fere roboris, atque vniuersalia: quia eis accedit autoritas summi pontificis: & pastorum atque doctorum ecclesiæ consensus: & non minus ex literis sacris hæc, quam illa originē habent. Etenim concilia veteris & noui testamenti, sacerdotalia verius, quam vniuersalia videri possunt. Quamobrem cum questio aliqua de fide, aut religione difficilis oritur & ambigua, tunc summus pontifex conuocare solet concilium sacerdotum, vna secum in cathedra apostolica Domino ministrantium, hoc est, cardinalium: nonnunquam vero aliorum, vel plurium, vel pauciorum, vel distantium, prout pontifex ipse pro rerum qualitate expedire censuerit: & eorum consilio certissimam sententiam profert. [Gaspar contra hereses lib. 2. arti. 4. cap. 11. Brunus lib. 5. de legato. c. 3.]

- 16 Sunt quoque sacerdotalia concilia antiquiora & frequentiora, quam generalia, nec minus ecclesiæ vtilia: celebrantur enim commodius & breuius, & sine magno cuiuspiam dispendio: neque in his concilijs episcopi sumptibus, aut itinere longo fatigantur: neque diu ecclesiæ pastoribus suis carere coguntur, cum e contrario vniuersalia concilia celebrari non queant, sine magno totius orbis motu, molestia, & impensa. In hoc tamen vtilissima sunt plenaria concilia, quod in eis notior sit ecclesiæ vniuersalis sententia, & quia quod a pluribus queritur, facilius inuenitur: & quia

salus erit vbi multa consilia: & quia integrum est iudicium, quod plurimorum sententia confirmatur: & quia plus vident oculi, quam oculus: & per ampliores homines perfectissima veritas reuelatur. [proverb. 11. cap. vlti. 20. dist. c. prudentiam. de offic. delegat. l. vlti. C. de fidei commissis.]

- 17 Concilia vero prouincialia, quæ per singulas prouincias celebrantur, multo minoris autoritatis sunt, quam vniuersalia & sacerdotalia: quia solummodo roborantur autoritate metropolitani qui eis præsidet: ac proinde inualida censentur ad definiendum & constituendum: profunt tamen ad correctionem & exhortationem, & habent auctoritatem imponendi & renouandi ea, quæ auctoritate Romani pontificis statuta sunt. Postremo vtilia sunt ad controuersias inter prouinciales dissoluendas. Quod si per summum pontificem concilia prouincialia examinata & approbata fuerint, exinde pontificiam auctoritatem habebunt, secundum modum approbationis & confirmationis.

- 18 Hæc autem prouincialia concilia, bis singulis annis, aut saltem semel celebrari debent, vt sæpissime constitutum est: id enim cauetur in epistola Hormisdæ ad Episcopos Hispaniæ, & in secundo & quinto concilio Aurelianensi, & in quarto ac duodecimo concilio Toletano, & in sexta Synodo generali, & in synodo Zachariæ, & in concilio Lateranensi sub Innocentio. III. in cuius canonico sexto huiusmodi decretum erat: Metropolitani singulis annis cum suis suffraganeis prouincialia non omitant celebrare concilia, in quibus corrigendis excessibus, & moribus reformatis, præsertim in clero, diligenter habeant cum Dei timore tractatum: Quod etiam in alijs multis locis a Gratiano

tiano relatis definitum est. Quid autē in causa sit, cur hoc tam sancte ordinatum, toties repetitum, tam diligenter cautum, in defuetudinem abierit, aliorum esto iudicium: equidem vtilissimum fore existimo vt hę synodi restituerentur pristinę dignitati & rigori: frustra enim in vniuersalibus concilijs necessaria statuuntur, nisi & singulis locis minores conuentus eadem curent seculo obseruari. [c. de cōcilijs. cum seq. distin. 18. Hermas lib. 5. de instauran. religione cap. vlt.]

- 19 Hęc olim inexpertus scripseram: postea vero cum metropolitano tredecim episcopi conuenimus in prouincia Cōpostellana: & experientia didicimus, non esse nunc admodum vtile, vt prouincialia concilia frequententur: neque

temere damnanda ea esse; quę catholica ecclesia facere pretermittit. Adde quod iam olim Gregorius Nazianzen⁹ de eadem re ita scripsit: Ego, si vera scribere oporteret, ita animo affectus sum, vt omnia episcoporum concilia fugiā: quoniam nullius concilij finem letum, faustumque vidi: nec quod depulsionē malorum potius, quam accessionem & incrementum habuerit. & alibi: Mihi enim uero posthac anserum, aut gruum temere inter se pugnantium synodis interest: in quibus omnia contentione ac bello ardent: flagitiaque prius obscura atque incognita, in vnum collecta ab inimicis in lucem proferuntur. hęc ille. [episto. 55. & tracta. de vitę differentijs.]

De confessis Titulus XIII.

S V M M A R I V M.

1 Confessio potissima est probationis species: quippe qua crimina omnia probari possint.

2 Confessione sola heresis probari potest, sed pœna ordinaria non punienda est, nisi aliter probetur.

3 Confessio quęcunque contra confitentem reum plenam probationem non facit.

4 Confessio non vsque adeo generalis, pro speciali haberi potest.

5 Confessionibus quibus natura repugnat standum non est.

6 Confessioni non verisimili fides adhibenda facile non est.

7 Confessiones suas renocare nequeunt rei.

8 Confessiones reorum, quę possint renocari.

9 Confessionem renocare potest minor viginti quinque annis.

10 Confessio quęlibet incontinenti renocari

potest.

11 Confessio in carcere emissă, nullis precendentibus iudicijs, renocari potest.

12 Confessus crimen, impunitate sibi a iudice proposită, suam confessionem renocare potest.

13 Confessus aliquid per errorem, id renocare potest, probato errore.

14 Confessionis renocatio quocunque tempore admittitur in iudicio sanctę inquisitionis.

15 Confitens factum, & negans impiam intentionem, an sit audiendus.


16 Confitens se Iudeorum, Lutheranorumve ritus seruasse, & id bono animo se fecisse dicens, puniendus est vt impunitens.

17 Confitens crimen, sed praua id intentione commississe negans, quando & quomodo audiendus.

18 Probare

- 18 Probare cur difficile possit reus impietatis accusatus se bono animo fecisse.
- 19 Confitens impietatem, & intentionem negans, quando ut impænitens non damnandus.
- 20 Confessiones quæ in auditorio inquisitorum sunt, miste sunt.
- 21 Confitens suas hereses, indicare etiam debet authores & confcios illarum heresum.
- 22 Confitens inquisitoribus heresim prorsus occultam, occulte ab eis est absolvendus.
- 23 Hereticum occultum non teneri bona sua fisco tradere, id argumento est, quod occultam prorsus heresim confitens, bonorum confiscatione non punitur.
- 24 Confitens heresim non prorsus occultam, quo pacto sit tractandus.
- 25 Reconciliatus ecclesie, qui se hereticum fuisse negat, sed metu confessum esse, ait, quæ non commisit, quomodo puniendus.
- 26 Reconciliatus ecclesie, qui se hereticum fuisse negat, sed metu confessum, ait, quando impænitens non iudicandus.
- 27 Innocens qui metu, aut carceris tedio confessus est se hereticum fuisse, quid facturum sit.
- 28 Innocens qui testes refutare nequit, neque confessionem iuste reuocare, fateatur id peccatum paracho suo.
- 29 Confessionem reuocari non posse, postquam est ab altera parte accepta, multi existimant.
- 30 Confessionem reuocari non posse, cum eam accusator admiserit, an vera sit opinio.

De confessis.



CONFESSIONE reorum crimina omnia probari possunt, & ea ferre sola est, cui contradici non potest. Nam cōfidenti, ptinus illud obijci solet, quod apud Lucam est: Ex ore tuo te iudico. Inter omnes autem species probationis, confessio obtinet principatum: nec enim vlla clarior, aut efficacior probatio inuenitur, quam reorum confessio quemadmodum Romanus & Alexander docent. Fortior quidem est quam ea, quæ sit per testes, si Felino credimus, qui eam dicit notoriam rem facere. Nec solemnitas probatoria exigitur, vbi adest confessio partis, sicuti Baldus & cæteri tradunt. Accedit huc Demosthenes, oratione contra Timocratem, dicens: Facinorosos, qui scelera fatentur, sine iudicio puniri

leges iubent. Et Iulius Paulus ait: Cōfessus pro iudicato est: quia quodam modo sua sententia damnatur. [l. 1. & l. 3. ff. de confessis. Luca. 19. Gonsal. de hereti. quest. 13. Roma. consi. 329. Alex. consi. 19. lib. 4. Feli. in c. 1. de exceptio. & in c. cum super. de re iudi. Bal. in authen. sed nouo iure. C. si cert. pera. Hippoly. in rubri. de probat. Gratus consi. 61. tit. 2.]

- 2 Quamuis in alijs criminibus sola cōfessio non sufficiat ad condemnationem, nisi de crimine aliter constet: sola tamē cōfessione probari potest hæresis, quia cum in animo latere soleat, plerumque alio pacto probari nequit: quomobrem ea sola sufficit ad condemnationem, secundum Baldi, Felini, & quorundam opinionem. Sed nisi alio modo hæresis probata sit, non debet pœna ordinaria puniri, qui occultam hæresim confite-

tur,

- itur, vt paulo post dicturi sumus. [l. i. §. itē illud ad Sillani. l. i. §. diuus. de quēst. Baldus in. l. si quis non dicā. C. de episc. & cleri. Feli. in c. auditis. de præsript. Ponzini. de lamijs. nu. 70. Arelata. de hæreti. notabi. 2. Carerius in practica. nu. 169.]
- 3 Sed non omnis confessio contra reum confitentem plenā probationem facit. Nam neque confessio generalis, dubia & incerta probat: veluti si reus dixerit, ego sum hæreticus, nec præterea declarauerit, quibus sit hæresibus infectus, is proculdubio damnandus non est: vrgeri tamen debet, vt certum confiteatur. [l. certum. ff. de confessis. Bal. cōsil. 98. lib. i. Felin. in. c. at si clerici. de iudi. Aymo. cōsil. 262.]
- 4 Quod si confessio nō esset vsque adeo generalis, pro speciali posset haberi: præsertim si ad alia esset relata, vnde redderetur certa. Verbi gratia, si reus dicat: Ego sum Lutheranus, & credo ea omnia, quæ Lutherus docuit: quamuis adduci non possit, vt certius aliquid cōfiteatur, damnari quidem poterit vt hæreticus pertinax. [argu. l. asse toto. ff. de hæredi. instituen. l. ait prætor. §. i. de re iudica.]
- 5 Nec standū est confessionibus, quibus natura repugnat: hoc enim ipso, quod quis ea confitetur, errare conuincitur. [l. confessionibus. l. si is cuius. §. vlt. ff. de interrogationib.]
- 6 Nec facile adhibenda est fides confessioni non verisimili: nam cōfessiones reorum pro exploratis facinoribus habere non oportet, si nulla probatio religionem cognoscentis instruat. Quod autem verisimile non est, id non bene instruet iudicis animum. [l. i. §. diuus Seuerus. ff. de quæstio. glo. & interpretes in. l. i. C. de confe. c. quia verisimile. de præsumptio.]
- 7 Nunc videndum an rei confessiones suas reuocare queant: ac primum quidē generaliter dicendum est, confessiones reorum retractari nō posse: nimis enim indignum est, vt quod sua quisque voce fassus est, id reuocet, ac testimonio suo resistat: quam ob rem confessi pro iudicatis habentur. [l. generaliter. C. de non nume. pecu. l. i. C. de confessis.]
- 8 Excipiuntur tamen species multæ: nā confessio tormentis extorta libere reuocari potest. Idemque est, cum extorquetur metu imminentium tormentorum: quemadmodū sub tit. de quæstio. plenius dicemus.
- 9 Minor viginti quinq; annis reuocare poterit confessionem in integrum restitutione petita. [l. certum. §. vlti. ff. de confe. las. in. l. nam & postea. §. si minor. ff. de iure iuran.]
- 10 Poterit & incontinenti confessio quælibet reuocari, tanquam aut lapsu linguæ, aut sine deliberatione facta. [l. Stichus imo Pāphilus. ff. de manu. testa. glo. in c. vlti. de iure iuran. lib. 6.]
- 11 Item illa confessio reuocari potest, quam aliquis carcere clausus emisit nullis præcedentibus indicijs: ea enim iniuste ab eo fuit extorta, & nullius momenti est. [glo. & omnes in. l. pen. ff. de quæstio. Alciat. in c. i. de offi. ordinaria. Boherius decif. 90.]
- 12 Excipitur & ille casus, cum iudex reo promisit veniam & impunitatem, si crimen fateretur: nā is qui deceptus a iudice confessus est, poterit eā confessionē reuocare: quidquid Collectari⁹ dixit in c. in eos. de hære. [Imol. cōsi. 109. Deci⁹ in. l. i. c. de sent. quæ pro eo qđ inte. Hipolyt. in. l. i. §. quæstioni. ff. de quæstio. Alciat. in. l. ea est natura. ff. de verb. fig. Duaren⁹ in. l. cōuentionū. ff. de pact. ludo. Gomes. in c. i. de cōstitu. li. 6. Couar. li. i. resolut. c. 2. Bossius tit. de confessis.]

- 13 Item, qui per errorem aliquid confessus est, errore deposito potest id reuocare: nō enim fateatur, qui errat, vt inquit Vlpianus. Et qui iusto errore ductus confitetur, venia dignus est, & pœnitere potest, maxime si postea plenius instructus confessionem reuocauerit. Sed is qui reuocat, probare debet errorem. [l. non fateatur. ff. de cōf. l. de ætate. §. vlti. ff. de interrogatio. c. vlti. de cōf. l. vnde Neratius. §. vltimo. ad legem Aquil. l. i. si quis vltro. de quæstionibus.]
- 14 Verum in iudicio sanctæ inquisitionis, quocunque tempore & modo reus confessionem reuocet, quamuis nec asserat causam probabilem, nec satis idoneam, admittitur tamen eius reuocatio: & siue pro eo, siue contra eum, extremæ confessioni statuitur: hæc enim est, quæ efficit, vt reus pœnitens aut impœnitens esse videatur: & hoc iure vtimur.
- 15 Quæri autem solet, an is, qui confitetur factum, sed negat intentionē impiam, audiendus sit; & quidem in malis factis præsumitur malus animus, & nemo existimandus est dixisse quod nō mente agitauerit: & cum in verbis nulla est ambiguitas, non debet admitti voluntatis quæstio. [l. si non conuitij. C. de iniurijs. l. Labeo. ff. de supel. lega. l. ille aut ille. de legat. 3.]
- 16 Itaque si quispiam ritus ludæorū, aut hæreticorum seruauerit, si impias propositiones affirmauerit, vel tale aliquid confessus fuerit, & id bono animo se fecisse dixerit, puniendus est vt impœnitens: quia cum plane de crimine confiteretur, is tamen crimen diffitetur. [cap. contra christianos. de hæreti. lib. 6. c. 1. de præsumptionibus.]
- 17 Nonnunquam audiendus est, qui negat, se praua intentione fecisse, nimirū si res dubia sit, & probabilitatem aliquam intentionis negatio præferat: ei tamen onus probationis incumbit, qui confessionem criminis ita moderatur, vt crimen excludat: & ita omnium sententia receptum est. [Bar. in. l. Aurelius. §. idem quæsiit. de libera. legata. Feli. in. c. cum venerabili. de exceptio. Hippoly. in practica. §. post quā. Salomo. in. l. vt vim. ff. de iusti. & iure prope finem. Bohe. decisio. 164. & 243.]
- 18 Cæterum vix fieri potest, ac fortasse ne vix quidem, vt reus impietatis accusatus, probare queat, se bono animo fecisse. Animus enim nec apparet, nec cernitur: & ea quæ in animo latent, iuramento probari non possunt, quando præsumptio stat contra. [c. vidua. de regularib. Bar. in. l. inter omnes. §. recte. ff. de furt. Alex. in. l. i. §. per procuratorem. ff. de acqui. posse.]
- 19 Ergo qui negat intentionem eius improbitatis, quam falsus est, damnari potest vt impœnitens: excepto, si res dubia fuerit: tunc enim aut purgandus est, aut propter suspicionem reus abiurabit, aut deniq; torqueri poterit: quod scimus esse vtitatum. [Lanfran. in. c. quoniam contra. de probat. part. confessiones. Bosius in tractatu criminum. tit. de confessis.]
- 20 Hæc autem confessiones, quæ in auditorio inquisitorū fiunt, mixtæ sunt: quia partem habent sacre occultæque confessionis, partem vero iudicialis. Nā & si vltro quispiā cōfiteatur, nihilominus confessionem in scriptis tradere debet inquisitoribus coram notario, & alijs duobus vel tribus testibus officialibus: & iurare debet, vera ea esse omnia quæ confessus est: & præterea interrogandus est de circumstantijs omnibus, personarum, locorū & temporū: quorum pleraque in sacra confessione locū non habent. [c. quem pœniter. de pœnitent. distin. 1. & prima instructio. ca. 4.]

- 21 Interrogandi quoque sunt de authoribus, & conscijs, & partibus hæresum: quos omnes indicare debent, etiam nõ interrogati. Vt enim diuus Hieronymus inquit: Sapietes illi in Christo sunt, qui satisfactione pœnitentiæ, peccata sua, vel errores hæresos, conuertendo se ad Deum fideliter, cõfitentur, & auctores vel criminum suorum, vel dogmatũ manifestant. Et beatus August. Hæretico pœtenti pœnitentię locum, tunc creditur, si & alios, quos illic nouit esse, manifestauerit nobis. [Hiero. in cap. Iob. 15. August. Deuterio, epistola 74.]
- 22 Qui prorsus occultam hæresim confitetur inquisitoribus, occulte ab eis est absoluendus: nec bona eius sunt confiscanda, nec publice abiurare debet: quia secreta peccata secreta cõfessione, & occulta satisfactione purgantur. [prima instruct. c. 5. c. quis aliquando. §. itẽ illud Ioannis. de pœnit. dist. 1. Archid. in c. filij. de hæret. lib. 6. Matth. in cõstit. Sicilię. tit. 1.]
- 23 Quod magno quidem argumento est, vt occultus hæreticus non teneatur bona sua tradere fisco: quandoquidem cõfessus occultam hæresim inquisitoribus ipsis, bonorum publicationẽ non patitur. Sed plenius de his diximus alibi.
- 24 Si vero hæresis non fuerit prorsus occulta, sed sola rei confessione probatur, absoluendus quidem ille est, & consulendus inquisitor generalis, vt indulgentia principis bona relinquantur sponte confesso.
- 25 Reconciliatus ecclesiæ, qui ait, se nunquam fuisse hæreticum, sed metu falsorum testium confessum esse, quæ non commisit, is vt impœnitens puniendus est, nisi resipuerit. [Calderi. cõsil. 2. de hæreti. & prima instruct. cap. 13.]
- 26 Id tamen locum habet, cum his nondum pœnitentiæ iniunctæ satisfecerat: nam si iam eam peregerat, temerarius magis est, quam impœnitens: temerarij autem puniendi sunt arbitrio iudicum, & nonnunquam fustibus castigandi: addita comminatione grauioris pœnæ, si deinceps in eandem temeritatem incurrerint. Et hoc iure vtitur. [l. si duo patroni. §. vlti. de iure iuran.]
- 27 Quæsitum fuit, quid innocens faceret, qui metu testium ac tadio carceris confessus est se fuisse hæreticum? & si quidẽ innocentiam suam probare possit, non debet negligere famam, sed causam de integro apud inquisitores agere. [c. nolo. 12. q. 1. c. peccatum. de regul. iuris libro. 6. Soto. libro. 5. de iusti. & iure. quæst. 10.]
- 28 Si vero neque testes refutare, neque confessionem iuste reuocare potuerit: fateatur id peccatum parochæ suo, & nihil præterea faciat, ne quid deterius inde contingat: nec enim superuacua tentanda sunt, quæ nocere possunt, & non prodesse. [l. hæc stipulatio. §. vlti. ff. vt legato. nomi. cauea. l. ad probationem dominij. C. de probatio.]
- 29 Multi putant, confessionem reuocari non posse, cum eam accusator admitterit, vel acceperit: siue vt vulgo loquuntur, post quam est ab altera parte accepta. [Bal. in. l. Gallus. §. 1. ff. de libe. & posthu. Alex. & Iason. in. l. quidquid astringendæ. de verbo. obligat. Cotel. Cotta. in memorabilibus. verbo, confessio.]
- 30 Sed quamuis ea opinio in alijs iudicijs vera esse possit, in causa tamen hæresis (mea quidem sententia) non est recipienda. Primum, quia nulla lege probatur: deinde quia solemnia iuris obseruanda non sunt, cum simpliciter, & sine figura iudicij res agitur:

Postremo, quia quocunque tempore reus veritatem dicere voluerit, confessio eius recipienda est, ut alibi copiose


disputabo. [c. vlti. de hæreti. lib. 6. Clem. sæpe. de verb. signi. Et quæ scripti. tit. de peniten. & conuer.]

De contumacibus Titulus XIII.

S V M M A R I V M.

- 1 **C**ontumaces qui sint.
- 2 Suspectus de heresi, qui vocatus subterfugit, aut abest, & excommunicationem per integrum annum negligit, velut hereticus est condemnandus.
- 3 Annus quo quis contumaciter abest, quo modo computandus.
- 4 Contumax, nisi post integrum annum a die excommunicationis computandum, tanquam hereticus damnandus non est.
- 5 Contumax suspectus de heresi, an sit citandus in personam.
- 6 Contumax, si latitet, satis est si per edita solemniter vocetur, ut multorum sententia est.
- 7 Contumax in respondendo, & articulos fidei cōfiteri nolēs, in quibus suspectus est, ut conuictus damnari poterit.
- 8 Confessio fidei necessaria est loco & tempore.
- 9 Reus torqueri potest ut respondeat.
- 10 Contumax quocunque tempore compareat, audiendus est.

De contumacibus.

1  V M secundum Apostoli doctrinam, principibus, & iudicibus, obtemperandum sit: hi qui secus faciunt, & contumaciter eis vel resistunt, vel contradicunt, vel non obediunt iusta præcipientibus, iure meritoque multentis, & poenis, & pro modo contumaciæ puniri solent: quod in causis civilibus & criminalibus, in foro ecclesiastico & seculari semper & ubique seruatur. [Ad Roma. 13. & 1. Pet. 2. l. 1. si quis ius dicen. non obtempe. c. 1. cum seq. de dolo & contuma. Iulius Paulus lib. 5. sent. tit. 5.]

2 Quam ob causam suspectus de heresi, qui vocatus ab inquisitoribus, ut de fide respondeat, subterfugit, aut contumaciter abest, & propter hoc excommunicatus, animo contumaci per an-

num in excommunicatione persistit, ex tunc velut hereticus est condemnandus: quia satis videtur innocentiae suæ diffidere, qui iudicium refugit. [c. cum contumacia. de hæreti. lib. 6. & illic interpretes. c. christianis. 11. q. 1. c. decernimus. 3. q. 9. c. nullus. de præsumpt.]

3 Ille autem annus cōputandus est, non utilis (quod aiunt) aut intermissus, sed continuus, perpetuisq; diebus: id enim generaliter sic est accipiendum, nisi forte aliud expressim constitutum fuerit. [l. non solum. §. annus. de excusa. tuto. glo. in rubrica de varijs & extra ordi. perscript. Lopus. loa. Andre. Domi. & Francus in c. cum contumacia. de hæreti. lib. 6.]

4 Contumax igitur damnari non debet tanquam hereticus, nisi post integrum annum, ab eo die, quo fuit propter contumaciam excommunicatus. Vnde si

iura

intra illum annum fuerit mortuus, integri status decedit: nec bona eius ob eam causam confiscabuntur, nec alias hæreticorum pœnas patietur: quia constitutio Alexandri IIII. qua hæreticorū pœna aduersus contumaces decreta est, exinde illos tāquam hæreticos damnat, ex quo per annum animo contumaci sustinent excommunicationem. [prædicto. c. cum contumacia. & illic Archid. Ioa. Andre. Domi. & Philip. Alberti. in rubri. de hære. lib. 6. q. 13. nu. 39. quod ex dictione ex tunc, aperte colligitur. l. 4. §. 1. de condi. & demonstra. l. pen. de testamen. tutela.]

5 Sed illud probabilem dubitationem habet, an is contumax, de quo supra tractauimus, citandus sit in personam, vel satis sit, eum in domum, aut per edicta citari. Multi putant omnimodo necessarium esse citationem in faciem, ut quispiam excommunicari queat: ergo multo magis ut condemnetur tāquam hæreticus. Quæ sententiā verissima est, planeque locum habet, cum reus inueniri potest. [Inno. Collecta. & Abbas in c. vlti. de eo qui mitti. in posse. Vincen. in c. ad reprimendum. de offi. ordi. Bal. in l. in actionibus. de in litem iuran. Faber in §. vlti. instit. de pœna temereligan. decisiones rotæ in nouis. 271. & 367. Paul. in l. 4. §. prætor ait. de dam. infe. Roma. confi. 482. Feli. in c. cum sit romana. de appellati.]

6 Quid autem si suspectus latitat? respondendo, tunc secundum plurimorum sententiam, satis esse, si solemniter per edicta vocetur: meo tamen iudicio durum admodum, ne dicam iniquum atque crudele foret, propter solam suspicionem procedere ad illam tam seuerā sententiam contra non citatum: qui quidem, ut Angelus ait, fidei contumax est. Tutius igitur & æquius erit, ut suspe-

ctus in faciem citetur, nisi forte probatione plena constaret, contumacem hæreticum esse: tunc enim ter citatus damnari poterit, ut Nicephorus in ecclesiast. hist. bis factum fuisse memorat. [c. 1. qui matri. accusa. pos. c. quoniam. §. 1. ut lit. non contesta. c. perlatum. qui filij sint legitimi. c. de illicita. 24. q. 3. Bar. Alex. & cæteri in l. 4. §. prætor ait. de dam. infe. Nicephorus lib. 15. cap. 4. & lib. 17. cap. 9.]

7 Ille vero qui contumax est in respondendo, & interrogatus de fide ab inquisitoribus, confiteri non vult articulos fidei, in quibus suspectus est, merito damnari poterit, ut pertinax & conuictus.

8 Nihil autem interest, neget quis, an taceat interrogatus, an obsecrante respondeat, vel non respondeat ad interrogata. Et ita sua tempestate factum fuisse cum quodam schismatico, Bonifacius de Vitalinis testis locuples est. Simile quippiam actum fuit cum Photio in octaua synodo generali: cui ter interrogato, si susciperet statuta sanctorum patrum, & non respondenti verbum, præsidentes synodo dixerunt: Per silentium non effugies manifestiorem damnationem. Et ut in phor. Terentius inquit.

*An quisquam index est, qui possit nocere
Tua iusta, vbi tute verbum non respondeas?*

Est quippe confessio fidei necessaria loco & tempore, ut alibi dicam. [Bonifacius in Clem. 1. de vsuris. nu. 96. synodo. 8. act. §. 1. de ætate. §. qui tacuit. §. quod autem. §. nihil interest. de interrogationib.]

9 Potest quoque torqueri reus ut respondeat, sicut Baldus, Iason, alijque tradunt. [Bal. in l. accusationem. C. qui accusa. non possunt. Ias. in l. qui aliena. §. Celsus. ff. de acquir. hæredi. Capicius de cisi. 145.]

10 Sed tamen quocunque tempore contumax

tumax comparuerit, audiendus est, quē admodum in tractatu de absentibus, plenius disseruimus. Poterit autē probare, se non fuisse contumacem, si forte fuit ita impeditus, vt intra annum cō parere nequiuert. Soletque qualiscunque causa excusare a dolo: quam facile in hoc iudicio admittendam censeo, ne

innocens indicta causa propter contumaciam fictam, & præsumptionem incertam de tam graui crimine condemnatur. [l. 2. cum seq. si quis cautio. l. contumacia. ff. de re iudi. Ioan. Andre. Domi. & Francus in c. cum contumacia. Brunus lib. 4. de hæret. c. 11. Petrus Rebuffus tracta. de contumacia.]

De credentibus, defensoribus, fautoribus, & receptatoribus. Titulus XV.

S V M M A R I V M.

- 1 Redentes qui dicantur, & ipsorum species quot sint.
- 2 Credentium secunda species.
- 3 Credentium tertia species.
- 4 Credentium quarta species.
- 5 Credere hereticis qui censeantur.
- 6 Hereticis qui credunt, nulli tamen errori scienter adherent, quo in numero habendi sint.
- 7 Discipuli credentes magistris hereticis, an sint puniendi.
- 8 Defendentes hereticorum errores scienter, pertinaces sunt.
- 9 Defendentes hereticos, ignorantes illos esse impios, & qui eos scienter, non eorum errores defendunt, quibus pœnis afficiendi sint.
- 10 Defendentes hereticos, si quoquomodo negotiū sanctę inquisitionis impedian, quo pacto puniendi sint.
- 11 Fautores hereticorum in eadem esse causa censendi sunt, cum eorum defensoribus.
- 12 Aduocatus qui scienter defendit hereticos, & tabellio qui facit illis instrumenta, infamia notandi sunt.
- 13 Fautores hereticorum quo pacto magistratus, & quo modo priuati homines censeantur.
- 14 Receptatores hereticorum eisdem pœnis coercentur, quibus defensores & fautores.
- 15 Receptatores hereticorum tanquam hereticos puniendos esse, Baldus & multi putant.
- 16 Receptatores quo pacto puniendos esse sentiat Plato lib. 12. de legibus.
- 17 Hereticos, qui coactus per vim, aut illos nesciens, receptat, non censetur hereticis fauere.
- 18 Receptator utrū teneatur probare ignorantiam, an accusator eius scientiam.
- 19 Receptator qui iure iurando affirmauerit, se, quem receptauit, hereticum esse ignorasse, absolui debet: nisi scientia probetur.
- 20 Receptans scienter hereticum consanguineum, non excusatur omnino a pœna receptatoris.
- 21 Receptator filius patris heretici, aut vxor viri, aut frater fratris, vel leuissime, vel puniendi non sunt.

De credentib. defensorib. fautorib. & receptatoribus.



1 **VIDAM** sunt hæreticorum discipuli, qui eis fauent, eos sequuntur, defendunt, & receptant: de quibus, quia catholicis nocent, & valde suspecti sunt, breuitate solita hoc loco paucula perstringemus. Primi eorum sunt, quos credentes nominare solemus: quorum nō vna tantum species est. Quidam enim explicite credunt hæreticis, scientes eos deuiare a fide catholica: qui quidem non tam credentes hæreticis, quam hæretici dicendi sunt: hi namque pertinaces hæretici vere dicuntur, qui damnatis hæresibus scienter adhærent: quia non sunt parati ad suscipiendam correctionem ecclesiæ, cuius doctrinam eo ipso contemniunt. Digni autem sunt hæreticorum pœnis, non solum qui docent hæreses, sed etiā hi, qui consentiunt docentibus. [Ad Rom. 1. & c. pen. de hæreti. Torquemada. 2. parte summae de ecclesia. cap. 21. Brunus lib. 1. de hæreti. cap. 4.]

2 Alij sunt hæreticis credentes, qui adhærent quibusdā erroribus contrarijs alicui catholicæ veritati, quam explicite credere non tenentur, sed tantum implicite: & hi non sunt hæretici reputandi, quia ignorantes decipiuntur imagine quadam veritatis. De qua re loquens Augustinus in exordio libri de vtilitate credendi, ait: Credens hæreticis est homo imaginatione quadam veritatis ac pietatis illusus. Si vero isti crediderint hæreticis contra catholicas veritates, quas sciunt, vel explicite scire tenentur: hi proculdubio hæretici sunt censendi, & pœnis hæreticorum coercendi. Et enim, vt Cicero inquit, libro de amicitia, Improbis pœna statuenda est: nec

minor vero ijs, qui sequuti sunt alterum q̄ ijs, qui ipsi fuerint impietatis duces.

3 Sunt & alij, qui quamuis nullam hæresim in specie credant, de hæreticis tamē bonam habent opinionem, credentes illos esse viros bonos, & recte de fide sentire, quamobrem generali quadam credulitate assentiunt illis: qui quidem exinde efficiuntur hæretici, ex quo in sua mala credulitate pertinaciā habuerint, & admoniti illos hæreticos esse, nihilominus in sua opinione persistunt. Nam vt sat est generaliter & vniuerse credere atque fateri catholicam fidem, vt quispiam habeatur catholicus: sic e contrario sat est, generaliter credere, vera esse, quæ manifestus hæreticus credit & docet, vt is male credulus censeatur hæreticus: alioqui credulitas, vt ait Cicero, error est magis quam culpa, & quidem in optimi cuiusque mentem facillime irrepit. [Paludanus in lib. 4. sent. distin. 13. q. 3. Alson. lib. 1. de iusta hæreti. punit. cap. 17.]

4 Alij credunt hæreticis, quos viros bonos & catholicos esse putant, nec vllum errorem eorum explicite credunt, nec pertinaciam habent: & hi nec hæretici sunt, nec pœnam merentur. Nam vt scribit Prosper in epist. ad August. de reliquijs Pelagianæ hæreseos: Simpliciores quique apud quos magna est de probitatis contemplatione reuerentia, hoc tutissimum sibi æstimant, quod audiūt eos, quorum autoritatem sine iudicio sequuntur, asserere. Et vt quidam recte inquit: Magnæ cuiusdā autoritatis doctrinæque magistrum sequi, quamdiu & vitæ merito commēdatur, nec aperta ecclesiæ censura perstrictus est, utique probabilē excusationē recipit, & venia misericordiaque dignum est: cum vero iam

iam detracta illi persona est, sub qua fefellerat, incautosq; deceperat, cum iam palam est, lupum esse, qui se ouem, aut pastorem simulauerat: qui ad illum iam palam rabientem ferocientemque vltro occurrunt, necesse est, aut cecos esse, aut lymphaticos, nec venia digni sunt, nec misericordia. Quam sententiam Leo magnus, & ceteri omnes docent. [c. dixit Apostolus. 24. q. 3. c. 1. 29. q. 1. Leo sermone. 4. de epiphania Domini. Vincen. Lirinen. lib. aduersus hærefes. Siluest. in summa, verbo hæresis. 1. q. 7. Pighius lib. 1. hierar. eccl. c. 5. Paluda. & Castrensis locis prenotatis.]

- 5 Præsumuntur & illi hæreticis credere, qui cum eis conuersantur, & nimiam familiaritatem habent: & hi qui libros eorum frequenter legunt, & sermones assidue audiunt: & qui eos laudant, & venerantur: & qui alia faciunt, quæ ad eorum religionem & ritus pertinent. Nam huiusmodi factis, non secus atq; verbis animi affectu demonstrant. Hæc tamen omnia ex circumstantijs personarum, & rerum, locorum & temporum æstimanda sunt. [Archid. in. c. quicunque. de hæreti. lib. 6. Torquemada. 2. parte summæ de ecclesia, lib. 4. cap. 21. Alfonso lib. 1. de iusta hereti. punit. cap. 17. Brunus lib. 1. de hæreti. cap. 4. Zanchi. cap. 3.]

- 6 Qui autem hæreticis credunt, sed nullo errori scienter adhærent, quamuis aliquo modo censeantur hæretici, non tamen puniuntur pœnis hæreticorum: sed hi sunt qui in excommunicationem incidunt, in qua si perstiterint, & intra annum satisfacere contempserint, ex tunc ipso iure sunt infames, nec testari possunt, nec ex testamento capere, nec in iudicio quempiam cōuenire, nec sententiā ferre, nec patrociniū præstare, nec instrumēta cōficere, nec alios actus

legitimos facere. Quod si clerici fuerint, ab omni officio & beneficio depōnuntur, nec ministrantur eis ecclesiastica sacramenta, nec sepulturæ traduntur: nec eorum eleemosynæ, aut oblationes recipiuntur, & qui communicant illis, excommunicantur: & tandem omnibus priuilegijs priuantur, quemadmodum quibusdam constitutionibus prolixius cauetur. Sed mea sententia vtilius erit, vt breuius aduersus istos procedatur, tanquam contra suspectos: vt vel abiurent, vel se purgent, vel tormentis subiciantur, vel si opus fuerit, aut ecclesie reconcilientur, aut in ignem mittantur. [c. excommunicamus. §. credentes. de hæreti. constitu. credentes. C. eodem tit. Brunus lib. 5. de hæreti. cap. 15.]

- 7 Præterea discipuli, credentes magistris hæreticis, interdum excusari possunt, sepe etiam puniendi sunt. Illi enim excusationem habent, qui errant a magistris decepti, circa veritates illas, quas explicite credere non tenentur: dum tamen parati sint assentiri cognitæ veritati: sed qui sequuntur magistros aduersus illas veritates, quas explicite credere tenentur, hi proculdubio nullam habent excusationem. Alioqui nō peccassent illi, qui Ario, Sabellio, Luthero, cæterisque hæresiarchis crediderūt: quod quid absurdius dici, cogitariue potest? Alia multa in eandem sententiam Thomas, & ceteri theologi tradunt. [Tho. quolib. 8. arti. 14. & quolib. 3. arti. 10. Henri. Gandauen. quolib. 4. q. 33. Torquemada. 2. parte de ecclesia. lib. 4. c. 17. Adria. in lib. 4. sent. fol. 85. Conrad. de contractibus q. vlt.]

- 8 Defensores hæreticorum, sicuti credentes, varij sunt: quidam enim scienter defendunt errores hæreticorum, & hi hæretici pertinaces sunt: de quibus Urbanus ait: Qui aliorum defendit errorem,

rorem, multo damnabilior est illis, qui errant: quia non solum errat, sed etiam aliis offendicula erroris præparat, & cōfirmat: vnde quia magister erroris est, non tantum hæreticus, sed etiam hæresiarcha dicendus est. Et in primo cōcilio Bracharensi hoc decretum extat:

Qui hæreticorum figmenta sequitur, uel defendit, anathema sit. Et ut inquit Isidorus: Qui consentit peccantibus, & defendit alium delinquentem, maledictus erit apud Deum, & homines, & corripietur increpatione seuerissima. & alius sanctorum ait: Si quis peccantē defendit, acrius quam ille qui peccauit, coerceatur. [c. qui aliorum. 24. q. 3. & in decretis concilij primi Bracharensis cap. 17. & c. qui consentit. 11. q. 3.]

9 Alij defendunt hæreticos, ignorantes illos esse impios, & hi pro mensura culpæ coerceri debent, non tamen hæretici sunt. Alij defendunt scienter hæreticos ipsos, sed non errores eorum, & hi patiuntur easdem pœnas, quas credentibus hæreticis impositas esse, paulo ante commemorauimus. Sed non omnes defendentes hæreticos in eadem culpa sunt: quamobrem alij leuius, durius alij puniri debent. Sunt enim qui defendunt verbis, alij factis: quidam in iudicio, alij alicubi: quidam cum armis, alij sine armis: quorum causa diuersa facit rem dissimilem. [Alfon. lib. 1. de iusta hæreti. punit. cap. 17. Zanchi. c. 4.]

10 Sed qui defendentes hæreticos, impediunt quoquo modo negotium sanctæ inquisitionis, puniendi sunt iudicium arbitrio, iuxta quantitatem culpæ. Et quamuis exempti sint, aut alioqui priuilegijs muniti, possunt nihilominus ab inquisitoribus excommunicari, & per brachium seculare coerceri. Statuta quoque hæreticos defendentia, vel hoc negotium impediunt, iniqua sunt, &

nullius momenti, & per censuram ecclesiasticam reuocanda. [c. accusatus. §. vlti. de hæreti. lib. 6. c. vt officium. §. vlti. c. statutum. 1. eo. tit. Torquemada. 2. parte de ecclesia. lib. 4. cap. 21.]

11 Fautores hæreticorum eodem iure censentur cum defensoribus, & per omnia eis exequantur. Proinde quidquid aduersus defensores diximus, id omne de fautoribus quoque dicendum est. Is enim vere defendit hæreticos, qui eis fauet, nec ullus fauet illis, qui nō eos hoc ipso defendat. Sunt autem fautores, qui quolibet modo fauent hæreticis, verbis, aut factis, vel eos excusando, vel occultando, vel alimentis, aut pecunia iuuando, vel alijs iniustis defensionibus eis fauendo. Cuilibet autem eorū dici poterit hoc, quod lib. 2. paralip. legitur: Impio præbes auxiliū, & his qui oderunt Dominū amicitia iungeris: idcirco iram Domini mereris. [Ioan. Torquemada prædicto cap. 21. lib. 2. paralip. cap. 19. Zanchi. cap. 5.]

12 Aduocatus autem, qui scienter defendit hæreticos, & tabellio qui facit illis instrumenta, hoc ipso notantur infamia. Et lege regia constitutum est, ut is qui in sua iurisdictione defendit hæreticos, & monitus, atque excommunicatus, intra annum non satisfacit ecclesiæ, exinde sit infamis, & omni officio ac dignitate priuatus, bonisque publicatis exulet. Quod ipsum quadam cōstitutione regni Siciliæ fere cautum est. [c. si aduersus. de hæreti. regia. l. vlti. tit. 26. parte. 7. in constitu. Siciliæ rubrica. 2.]

13 Aliter censentur fautores, hi qui magistratus gerunt: aliter homines priuati. Nam ex omissione sola magistratus censentur fautores, quando hæreticos non comprehendunt, nec puniunt: nō enim caret scrupulo societatis occultæ, qui

manifesto facinori definit obuiare: & qui crimina, quæ poterit emendare, nō corrigit, ipse committit. Vnde Seneca in Troade: Qui non vetat peccare, cū possit, iubet. Quamobrem Theodosius imperator cōstituit, vt nulli iudicum liceat, delatum ad se impietatis crimen, minori, aut nulli coercioni mā dare, nisi ipse id pati velit, quod alijs dissimulando concesserit. Priuati vero non censentur fautores, ommittendo ea, quæ ad eorum officium non pertinent: nisi forte a magistratibus aliquid eis fuerit mādatum aduersus hæreticos, & sine causa id facere noluerint. Sed fautores priuati etiam homines dicentur, qui ex officio tenentur hæreticos indicare, vel comprehendere. Et cum id facere possint, dissimulant. [c. qui potest. 23. q. 3. cap. qui vitij. 23. q. 8. cap. ita corporis. 11. q. 3. c. negligere. 2. q. 7. c. error. 83. dist. c. facientis. 86. dist. Godofre. in. l. 8. quicunque. in fi. C. de. hæreti. Ioan. Torquemada supra dicto cap. 21. Brunus, lib. 1. de hæreti. c. 4. l. 56. in fine de his, qui super religione contendunt. C. Theod.]

- 14 Receptatores hæreticorum, iure pontificio eisdem pœnis coercentur, quibus defensores & fautores: nec enim aliud facit, qui receptat, quā defendere atq; fauere. Honorij autem & Theodosij lex ait: Quisquis hæreticos fugientes propositam ultionem, occultandi causa suscepit, sciatur & patrimonium suum fisci nostri compendijs aggregandum, & se pœnam, quæ his proposita est, subiturū: quod idem alijs quoque legibus ciuilibus fere constitutum est. Iure autem regio aliter puniuntur: nam qui receptat sciens hæreticum, patitur publicationem domus in qua illum receptauit, & fisco ecclesiæ defertur: nisi forte domus illa fuerit alterius: tunc enim

decem libris auri mulctatur: quas nisi protinus soluat, luit pœnam fustibus casus: quæadmodū legibus septipartitis plenius continetur. Qui vero receptat hæreticos damnatos fugitiuos, vel eos non indicat iudicibus, morte punitur, bonis etiam publicatis: quorum pars tertia iudici, altera tribuitur accusatori, tertia fisco regio. [c. excōmunicamus. 1. §. credentes. de hæreti. l. 44. de his, qui super religione cōtendūt. C. Theod. l. 1. C. de his qui latro. occulta. l. 1. & 2. ff. de receptato. regia. l. 5. tit. 26. parte 7. lex pragmatica. 7.]

- 15 Alijs quoque pœnis receptatores puniuntur iure ciuili, & alijs item Siciliae constitutionibus. Baldus autem & multi putant, receptatorem hæreticorum puniendum esse tanquam hæreticum: quia, vt aiunt, crimen alienum facit suū. Sed mea sententia puniri debet arbitrio iudicis pœna extraordinaria iuxta qualitatem culpæ, legum tamen disciplina seruata: quia vix eadem causa esse potest diuersorum receptatorum: causa autem, vt ille ait, facit rem dissimilem. [l. 1. de receptato. l. pen. c. ad leg. Iulij. de vi publi. rubr. 2. constit. Siciliae, & illuc Matthæ. Bal. in. l. 1. C. de his qui latro. occulta.]
- 16 Sed prætereundus non est Plato ille diuinus, qui libro duodecimo de legibus huiusmodi leges de receptatoribus tulit: Si quis rem furto sublatam sciens receperit, in eadem culpa sit, qua ille, qui furatus est: Qui exulem, seu quemuis huiusmodi fugientem suscepit, moriatur. Quippe quem ciuitas amicum sibi vel hostem decreuerit, eundem sibi quisque similiter existimare debet. Et Iulius Paulus lib. 5. receptarum sententiarum tit. 3. inquit: Receptores latronum eadem pœna afficiuntur, qua ipsi latrones: sublati enim susceptoribus,
- grassan-

grassantium cupido conquiescit.

- 17 Ille autem qui receptat hæreticū, ignorans illum hæreticum esse, non incidit in supra scriptas pœnas, quia non fauet hereticis, nec peccat in ecclesiam catholicam: quod & in alijs quibuscunque receptatoribus iure receptum est: ignorantia enim excusat illos, quemadmodum & illi excusationem habent iustam, qui per vim coacti sunt hereticos, aut alios facinorosos recipere. [l. 1. C. de deserto. & occultato. lib. 12. & illic interpretes. l. 3. ff. de incen. ruina, naufr. Platea in l. omnes pro fugi. de agro. & consil. lib. 11. Bar. in leg. prima §. ultimo. de receptatorib. Signorolus consil. 125. Aretinus consil. 122. Bartolomæus Socinus consil. 262. lib. secundo.]
- 18 Quæri autem solet, vtrum receptator teneatur probare ignorantiam, an accusator eius scientiam. Alfonso noster putat, receptatori hoc onus incumbere, ut se innocentem, & a culpa immunem ostendat. Quod ego tunc demum recipiendum censeo, cum verisimiliter præsumi possit, receptatorem sciuisse hæresim eius quæ occultauit: puta quia publice notum erat, quod ille hæreticus erat, vel quia erant amici, vicini, consanguinei, vel quippiam simile. [Alfon. lib. 1. de iusta hæreti. punit. cap. 17. Sed & si pupillus. §. de quo palam. de instit. c. cum oporteat. de accusat. l. si vicini. C. de nup. l. octau. vnde cogniti. l. de tutela. C. de inte. resti. mino. Alex. in l. Titius. §. Lucius. de libe. & posthu. Feli. in c. literis. de præsumpt. Decius consil. 445. Ripa, & Alciat. in leg. prima, si cert. peti. Godofre. in leg. quarta prope finem. C. de hæreticis.]
- 19 Alioqui enim regula notissima iuris est, quod in fact. alieno præsumitur ignorantia, & onus probandi contrariū

incumbit alleganti scientiam: quod & in receptatore locum habere aiunt Accursius, Bartolus & alij. Nec obstat præsumptio illa, quæ oriri videtur contra receptatorem, eo ipso quod aliquem occultauit: nam qui male agit, odit lucē, & se abscondere solet: quia nemo tam perditus est, qui plane fateatur, quod se ipsum occultat, quia hæreticus est: imo fingere solent omnes, quod metu creditorum latitant, vel saltem ob leue aliquod crimen. Quam ob causam tutus est, ne dolum & crimen de receptatore præsumamus, sed misericordes simus, & omnia in partem benigniorem interpretemur: & nisi scientia probetur, aut vehementer præsumatur: nos eum receptatorem absoluamus, qui iure iurando confirmauerit, se illud ignorasse. [l. verius. de probat. Roma. consil. 403. Decius in c. a nobis. de except. glo. & Bar. in l. 1. §. vlti. de recepta. Platea in l. 1. de deserto. & occulta. lib. 12. Roma. consil. 473. decisio rotæ. 415. Care. de Hæreti. nu. 170.]

20 Demum qui receptat scienter consanguineum hæreticum, non excusatur omnino a pœna receptatoris. [glo. in c. excommunicamus. §. credentes. de hæreti. c. legi. 23. quæst. 8. c. si infidelis. 28. q. 1. Gonsa. de hæreti. q. 13. & Grillan. de hæreti. q. 9. & idem Ludo. Care. nu. 168.]

21 Mea tamen sententia si filius receptauerit patrem hæreticum, aut vxor virū, aut frater fratrem, vel puniendi non sunt, vel certe pœna leuissima coercendi sunt. Nam & si isti hæretici sint, nihilominus tamen iure naturæ coniunctissimi sunt: nec potest quispiam eos deferere, nisi prorsus humanitatem exuerit: plurimum autemtribuendum est affectioni naturali: nec aliquid humanum a nobis alienum esse debet.

Sit quantumvis hæreticus pater, maritus, frater: nihilominus pater est, maritus est, frater est. Nec enim iura naturalia deleri possunt hæresibus: quinimo hi, qui consanguineos hæreticos receptant, non sunt seuerè admodum puniendi: nec enim par est eorum delictum, & illorum, qui nihil ad se pertinentes recipiunt. Credendi quidem sunt isti receptare consanguineos, tanquam consanguineos, non autem tanquam hæreticos: nã, vt ait Cicero in Leilio: Cum propinquis amicitiam natura

ipsa peperit: causa vero naturalis potior & honestior est: quamobrem illa semper considerata & preferenda est. [l. vlti. de receptato. & illic interpretes. l. qui cum vno. §. vlti. ff. de re milita. l. 3. de tutelis. c. requisisti. de testamen. Ripa. in l. ex facto. de vulga. & pupi. Feli. in c. cum quidam. de iure iuran. Hippoly. in l. diuus. de parrici. & consi. 119. Ayimo Crauetta consi. 309. Tiracquel. de pœnis, causa. 20. & 21. Albericus, Igneus, & qui eos retulit, Gigas. lib. vlt. de crimine læsæ maiestatis. quæst. 5.]

De custodia reorum

Titulus XVI.

S V M M A R I V M.

- 1 **P**robatio sufficiens requiritur, vt aliquis ob crimen hæresis in carcerem mittatur.
- 2 Rei de heresi, quare non ita facile in carcerem conijci debeant.
- 3 Hæreticus manifestus quando a priuato homine comprehendi possit.
- 4 Inquisitor sine episcopo, & episcopus sine inquisitore, hæreticum in custodiã mittere potest.
- 5 Carcer reis assignandus est, pro crimini & personarum qualitate.
- 6 Carcer pœnitentium, qui ad perpetuum carcerem damnantur, qualis esse debeat.
- 7 Carceris hæreticorum custodes, quot & quales esse debeant.
- 8 Carceris custodes quot hodie in vnaqueque prouincia ponantur.
- 9 Custodes carceris quales eligendi.
- 10 Custodes carceris quid coram episcopo & inquisitoribus iurare debent.
- 11 Carcerem hæreticorum nemo officialium solus, neque ipsemet index ingrediat: & quis, & quomodo eos alloqui possit.
- 12 Carceribus secretis hereticos coerceri quantopere expediat, vt Plato multis retro seculis præsensit.
- 13 Inquisitores quo pacto bis singulis mœsibus vinctos teneantur visitare, & carcerem cõmodum vnicuique assignare.
- 14 Carcer iure ciuili ad quid habeatur.
- 15 Carcer iure pôtificio ad quid habeatur.
- 16 Iulius Cæsar, & Cicero eius sententiam exornans, quid olim de illis faciendum censuerint, qui cum Catilina conuenerunt.
- 17 Carceri perpetuo qui damnari non debeant.
- 18 Vxorem propter heresim ad perpetuum carcerem damnatam, an maritus alere illic teneatur.
- 19 Vxorem propter heresim ad perpetuum carcerem damnatam illic a marito sustentari debere, sententia verior est.
- 20 Carceris perpetui pœnam minuere vel commutare, ad quem pertineat.
- 21 Carceris perpetui pœna quomodo soleat aliquando condonari.
- 22 Carceris irremissibilis pœna, quando remitti soleat.

- 23 Fugientes e custodia quo pacto puniri debeant.
- 24 Fugiens e carcere, ad quem perpetuo erat damnatus: puniri debet tanquam relapsus, vt multi sentiunt.
- 25 Fugiens e carcere ad quem perpetuo erat damnatus: impœnitens, non relapsus habendus est.
- 26 Fugere e carcere an is licite possit, qui iniuste damnatus est, & ille etiam qui ad mortis pœnam iuste condemnatur.
- 27 Fugere e carcere ruptis vinculis & so-

- ribus effractis, an liceat ei, qui iuste morte affici potest.
- 28 Carcere & vinculis ruptis licite aufugere posse reum, censet Caietanus.
- 29 Presbyteri in carcerem quando coniiciendi.
- 30 Confessarij copia quando facienda ijs, qui in carcere ob crimen heresis detinentur.
- 31 Testamentum an facere possint, ad perpetuum carcerem damnati.

De custodia reorum.



- 1 T reus aliquis in custodiam mittatur, antecedere solet cognitio summaria criminis: qua inspecta iudex præcipit executori, vt reū comprehendat: idque est, quod lex ait, annotare requirendū reum, id est, decernere, & in acta referre ac præscribere, vt reus requiratur. Cæterū pro crimine hæresis nemo mittendus est in carcerem, absque sufficiti ad eam rem probatione: qua antecedente nihilominus deliberandum est, quemadmodū quarta instructione Toletana cauetur. [c. 6. Sali. in l. 2. C. de exhiben. reis. l. 1. §. diligens. ff. de fugitiuis. l. 1. de requi. reis. Gonsa. de hæreti. quæ. 11. Hippolyt. in practica. §. constāte. Paul. Parisius confi. 147 li. 4. Blancus in l. vlti. de quæst. Duarenus lib. 1. annuversariarum disputationum. cap. 8.]
- 2 In alijs autē criminibus facile potest iudex aliquem in carcerē mittere: quia custodia momentanea leuis præiudicij est: at pro crimine hæresis graue est in carcerem coniici: etenim durior est infamia, quæ propter eam rem oriri solet, quam aliorum quorundam criminum pœna. Quamobrem prudentis-

sime a maioribus nostris constitutum est, vt nullus condatur in carcere pro leuioribus criminibus, & ex quibus hæresis nō plane colligitur. Hoc amplius decretum est epistola quadam senatus, vt non ante mittatur in carcerem reus, qui alioqui fuerit homo religiosus, quā senatores ipsi consulantur, missa ab illis criminum informatione. [5. instructio. Hispalen. cap. 4.]

- 3 Quamuis autem comprehendere reos, & eos in custodiam tradere, solius executoris sit: neque id priuatis hominibus liceat, ne occasio sit maioris tumultus faciendi, nihilominus tamē Gofredus, Hostiensis, & Albericus aiunt, hæreticum manifestum a quocunque priuato comprehendī posse, quia hostis communis est. Quod equidem sine delectu admittere periculosum fore existimo: tum propter scādalum, tum etiam quia reus aduersus priuatū se defendere potest: postremo, quia facile iudicibus indicari valebit: non est igitur id permittendum cuilibet, nisi cum bellum fuerit contra hæreticos indictum, vel nisi forte fugiat hæreticus, & copia iudicis desit. [l. non est singulis. de regu. iuris. Gofre. in summa tit. de hæreti. & item Hosti.

Hosti. in. §. qualiter deuitentur. Alberi. in rubri. C. de hæreti. nu. 5. l. ait prætor. §. si debitorē quæ in frau. credito.]

4 Inquisitor sine episcopo potest hæreticum in custodiam mittere, & illum vincire compedibus, catenis, vel manicis ferreis: quod pari iure fieri potest ab episcopo sine inquisitore. sed tamen alter sine altero nequit hæreticum damnare ad perpetuum vel temporalem carcerē. [Clem. 1. §. 1. & §. duro. & §. sane. de hæreti.]

5 Caterum nō omnibus reis idem carcer assignandus est: nam lenius custodiari debet qui lenius deliquit. Vnde pro qualitate criminū & personarum possunt iudices iubere, vt reus domum suā vel alterius, vel ciuitatem (vt plerunq; assolet) cum suburbijs, pro carcere habeat. Et pœnitentibus præcipere queunt, vt monasteria, hospitalia, vel domos religiosas pro carcere habitēt, sub aliqua pœna in eos exequenda si inde fugerint. [l. diuus. de offi. præsi. l. 1. ff. de custo. reo. l. as. in l. si pecuniam. §. vlti. de condi. causa data. 3. instructio. Val. dolitana cap. 10.]

6 In singulis prouincijs eligi debet aliqua domus, in qua habitent pœnitētes damnati ad perpetuum carcerem: & illic debent suis manibus victum quærere. Solet quoque permitti aliquibus eorum, vt per totam ciuitatem eleemosynam petant. Carcer autem mulierum separatus esse debet a carcere hominū, quia periculosa est sexuum commistio. [3. instruct. Valdoli. c. 14. & quarta Toletana. c. 27. l. quoniam. C. de custo. reorum. Iacob. de Aluaro. & And. de Isernia. in. §. credentes. de statu. & consue. lib. feudo.]

7 Duo sunt constituendi cuiuscunq; carceris hæreticorum custodes, industrii, & fideles: vnus ab episcopo, alter ab

inquisitoribus. Quilibet autem custodum habere potest ministrum idoneū. Præterea, in vnoquoque conclauī esse debent duæ clauēs diuersæ, quarum singulas vnusquisq; custodū habeat: quas possunt ministris suis committere, vt vinctis conferant necessaria. Nec potest conuenire inter episcopum & inquisitorem, vt vnus tantum sit custos carceris: quia hoc nō satis tutum videtur, nec id lege illis permittitur, nec est eorū causa vel fauore constitutū. [Clem. 1. §. sane. de hæreti. & illic glo. Zenzili. & Bonifa.]

8 Hodie tamen vnus tantum custos carceris in vnaquaque prouincia ponitur, electus ab inquisitore generali, qui non debet ministrare vinctis alimenta: sed vir aliquis idoneus eligendus est ab inquisitoribus in id ministerium, vt 4. in instructione Toletana cauetur: cum vulgo dispensatorem vocant. Custos autē carceris ac dispensator nihil vinctis tradere debent ex his rebus, quæ illis mittuntur a consanguineis, vel domesticis, nisi prius cōsulerint inquisitores: quæ admodum decreto quodam senatus cōtinetur. [4. instru. Toleta. c. 26.]

9 Cum autem custos huius carceris plurimum possit vinctis nocere: prouidendum est solerter, vt viri boni ad hoc munus elegantur: est quippe horum officiū, Aristotele authore, maxime rei publicæ necessarium, & viri probi recusare illud solent: improbis vero non recte cōmittitur, qui custodiri magis debent, q̄ alios custodire: quis autē custodiet malos custodes? [Aristo. lib. 6. politi. cap. 8.]

10 Custodes carceris coram episcopo & inquisitoribus iure iurando promittere debent, quod in custodiendis reis curam & sollicitudinem fidelem adhibebū: & quod neuter eorum alloquetur eos, nisi coram altero custode: & quod nil subtrahent ex alimentis, nec ex his rebus, quæ

- quæ vinctis deferuntur: quod etiam iurare debent ministri eorum. Vnde relinquitur, carcerem hæreticorum secretum esse debere, vt nullus cum eis colloquatur. Quod quidem vsque adeo necessarium est, vt vix erui possit veritas in his causis, nisi hoc diligenter fuerit seruatum. & ita rebus ipsis quoridie perspicuum fit. [Cle. 1. §. porro. de hære.]
- 11 Recte igitur maiores nostri quibusdā instructionum capitulis decreuerunt, vt nullus officialium, nec ipsemet iudex, carcerem solus ingrediatur, nec loquatur cum vinctis, nisi coram altero ex officialibus, idque iussu inquisitorum antecedente: quod se ita seruatu-
 12 Profecto miratus sum tot ante seculis, hæc expedire, præuidisse Platonem: is enim lib. 10. de legibus, de custodiendis illis, quos hæreticos esse putabat, legem huiusmodi tulit: Impij secretis carceribus mediterraneis coerceantur: & nullus cum ipsis ciuium colloquatur, præter aliquos viros, qui admonentes, ad salutem animæ colloquantur. Cibum autem illis a iudicibus præfinitum serui afferant. hæc ille. Præsensit homo diuinus hoc ipsum valde expedire, quod & nos hodie vtilissimum esse, re ipsa cõpertum habemus. Magnum sane detrimentum (vt perhibent) sensit Portu-
- galliæ regnum, propterea quod superioribus annis carcerem hæreticorum apertum habere tentauit: nam plurimi eorum fugerunt, & pauci comprehensorum veritatem confessi sunt.
- 13 Inquisitores autem bis singulis mensibus tenentur visitare vinctos, & ab eis sciscitari, an illis necessaria ministrantur, & an bene vel secus habeant. Sic Honorius ac Theodosius cõstituerunt, vt iudices omnibus dominicis diebus productos reos e custodia videant & interrogent, ne his humanitas clausis per corruptos carcerum custodes negetur: victualem substantiam nõ habentibus faciant ministrari, libellis duobus, aut tribus diurnis, vel quor existimauerint, commentariensi decretis, quorum sumptibus proficiant alimoniam pauperum. Inquisitorum quoque prudentiam relinquitur, vt carcerem commodum vnicuique reo assignent, & vt provideant, ne vincti inuicem colloquantur, nec simul plures in eodem cubiculo custodiantur: nisi forte aliquos cohabitare, vtile fore intellexerint. [1. 7. tit. 3. lib. 9. C. Theodosiani. 3. instructio. Valdo-
 14 Carceri iure ciuili ad continendos & custodiendos homines, non ad puniendos habetur: ideoque eodem iure cautum est, nequis liber homo ad vincula perpetua damnetur: neue intra septa carceris subtracti audientie longa tabe cõsumantur: quod innocentibus miserum, noxijs non satis seuerum esse cognoscitur. [1. aut damn. §. solent. & 1. mādatis. de pœnis. l. incredibile. C. eodem tit. l. 1. de custo. reo.]
- 15 Caterum pontificio iure carcer non solum ad custodiam habetur, sed etiam ad pœnam. Nam cum sacri canones ecclesiastica mansuetudine mortis pœnam irrogare non queant, consequens est,

- est, ne crimina sint impunita, ut pro grauioribus delictis poenam perpetui carceris imponant: quæ quidem grauissima est, & morti comparatur. Et hæc inter alias hæreticorum poenas iure pontificio aduersus hæreticos ad ecclesiam redeunt iustissime statuta est, clericis prius degradatis. [c. tuæ. de poenis. c. quamuis. eo. tit. lib. 6. & l. omnes. C. de poenis. c. pen. de here. c. 1. eodem tit. lib. 6. Brunus. lib. 5. de here. c. 12.]
- 16 Iulius Caius Cæsar astute olim cœsui, eos, qui cum Catilina contra Romanam rempublicam cōiurationem fecerant, non esse occidendos, sed publicatis eorum pecunijs ipsos in vinculis per municipia perpetuo habendos: cuius sententiam caute Cicero exornans, verba quædam addidit, quæ perpetuo hereticorum carceri non male quadrare videtur. inquit enim: Intelligit Cæsar mortem a dijs immortalibus non esse supplicij causa constitutam, sed aut necessitate nature, aut laborum & miseriarum quietem esse: itaque eam sapientes nunquam inuiti, fortes etiam sæpe libenter appetiuerunt: vincula vero, & ea semperiterna, certe ad singularem poenam ne farij sceleris inuenta sunt. [Sallust. in coniuratione Catilinæ. Cic. in eundem Catili. orati. 4.]
- 17 Tamen si autem iure pontificio hi, qui post deprehensionem, ab hæresi ad fidem catholicam redeunt, condemnandi sunt ad perpetuum carcerem: quibusdam tamen instructionum capitulis rigor ille iuris temperatus est: nam qui sponte ad ecclesiam redeunt antequam sint accusati, non debent ad perpetuum carcerem damnari: sed neque illi, qui statim post capturam de se ipsis, atque de alijs, quos hæreticos esse sciunt, confessi fuerint integre veritatē: illis quoque poena perpetui carceris potest ab inquit-
- 18 fitoribus condonari, qui puro corde redierint priusquam dicta testium publicata sint: quod episcoporum & inquisitorum arbitrio relinquitur. Qui vero post publicata testimonia redeunt, ac tunc demum confitentur, cum vident se esse conuictos, hi iure quam optimo poena perpetui carceris coercendi sunt. [c. pen. §. 1. de hæreti. prima instructio. Hispalen. cap. 8. & cap. 11. cū seq.]
- 18 Si vxor propter hæresim dānata sit ad perpetuum carcerem, maritus eam illic alere non tenetur, si modo vera est Ioannis Lupi de hac re sententia: quæ quidem nonnullis rationibus prima fronte fulciri posse videtur: nam eo casu marita culpa sua indotata est, propter hæresim publicata dote: quo casu maritus non tenetur vxorem alere, ut fert multorum iuris peritorum opinio. Deinde ut vxor a viro petere alimenta queat, opus est, ut cum viro habitet atque laboret, eiq; seruiat, & in officio sit: quæ omnia facere nequit carcere inclusa. Sunt & alia pro illa opinione argumenta debilio-
ra, quæ sciens prætereo. [Lupus in rub. de donatione inter virum & vxorem. §. 64. l. vlti. C. ad velleia. Roma. consi. 517. Alex. in l. quod in vxorem. de negot. gestis. Lupus in. c. per vestras. §. 49. Bohe. decisio. 22. l. sicut patronus. de ope. liberto. & illic glos. Alex. consi. 133. lib. 4. Soci. consi. 286. lib. 2. Gratius consi. 57. lib. 1. Tiraquel. in prima l. connubia. nu. 26.]
- 19 Sed verior mihi videtur contraria sententia: quia iure naturali, diuino, gentium, pontificio, & ciuili, vir alimenta debet vxori: præsertim si diues ille sit, & illa pauperrima: qualem vtrumque in proposita questione ponimus. Nulla autem lege vir ab ea obligatione liberatur propter vxoris hæresim, nisi forte ob eam causam diuortium petat: neque nos

nos de marita hæretica loquimur, sed de conuersa & pœnitente. Quid? quod vir vxorem etiam indotatam alere tenetur, iuxta veriorē & æquiorē sententiam, sicuti noster Leyua recte tradit. Inhumanum quidem est, vt vxori maritus deneget alimenta, quinimo crudele id esse censeo, & sceleratum etiam & nefarium. Postremo, vxori, mea quidem sententia, domus viri nonnunquam assignanda est pro perpetuo carcere: tum vt simul cum viro habitet, eique seruiat: tum etiam vt quos Deus coniūgit, non separet homo. [1. aduersus. C. de crimi. expila. hæredit. Authē. præterea. vnde vir & vxor. Chrysosto. in epist. ad Ephe. sermone. 20. Cuma. consi. 175. Alex. consi. 78. lib. 5. & consi. 26. lib. 6. Matt. de Affli. neapoli. decisio. 10. Couar. Leyua in lib. 4. decreta. parte. 2. cap. 7.]

20 Quamuis autem constitutione Bonifacij. viij. cōcessum sit inquisitoribus, vt simul cum episcopis possint minuere, vel commutare. pœnam perpetui carceris: hodie tamen ad solum inquisitionem generalem hoc pertinet: quia etiam solus habitum publicæ pœnitentiæ tollere potest, quamuis pœnitens dānatus sit, vt in perpetuum eo vtatur. [c. vt cōmissi. §. nec nō. de hæreti. lib. 6. quinta instru. Hispalen. c. 7. & quarta Tolitana cap. 9. l. acta. §. de amplianda. ff. de re iudi.]

21 Solet præterea pœna perpetui carceris post lapsum triennij plerumque remitti, si eo tempore victi humiles & veripœnites fuerint. Nam vt Iustinianus ait: ad mediocrem purgationem peccatorum, & ad virtutis augmentum, sufficit triennalis temporis testimoniū. Quod ipsum Plato de impijs pœnitentibus iam olim fere decreuit, excepto quod pro triennio quinquennium præ-

finiuit. Inquit enim lib. 10. de legibus: Impius, qui post quinquennium in carcere transactum, modestior factus fuerit: ille in posterum vna cum modestis habitet. [Authen. de Monachis. §. si vero. c. legem. 53. dist. c. si seruus. 54. dist. c. de viro. 12. q. 2. Alciat. lib. 2. præsumptio. cap. 7.]

22 Vbi autem pœnitenti imposita est pœna carceris irremissibilis, remitti solet post octo annos, benignitate sola id suadente: nam decennium saltem exigebatur iure ciuili, nisi ad aliam considerationem confugas. [1. in metallum. ff. de pœnis. l. hæreditatum computationi. ad leg. falcid.]

23 Si vero quispiam in carcerem fuerit coniectus propter suspicionem hæresis, & post aliquod tempus e custodia fugerit, de pœna eius distinguendum est. Nam si ruptis vinculis, aut foribus effractis fugerit, durius puniendus est: sin autem custodis negligentia euaserit, mitius coercebitur, vt Vlpianus censuit. Vulgo autem dici solet, fugiens e carcere pro confesso habetur, & crimen pro quo victus erat, fateri videtur: sed id iure communi mihi non probatur: legibus tamen regijs planius id ipsum constitutum est, meo quidē iudicio, seuerè admodum. Quamobrem moribus receptū est, vt si honestior sit is, qui e carcere fugit, diligentius custodiatur, & puniatur durius propter fugam: si autem vilior sit, fustibus cēdatur, & iterum causa eius tractetur, nec fateri crimen propter fugam censeatur. Quod si cōprehendi non possit, tunc procedatur contra illum, tanquam contra confesum: & in crimine heresis tanquam cōtra contumacem & impœnitentem. [1. de effracto. & expilato. l. in eos. de cussio. reo. regia. l. 13. tit. 29. parte. 7. Bal. in c. cū dilectus. de ordi. cognit. Cuma. P. consil.]

consil. 105. Zanchi. cap. 10. Feli. in c. nullus. de præsumptio. Igneus in l. 3. §. subuenitur. & in l. lege. ad Sillani. Ripa. in l. admonendi. de iureiuran. nu. 170. Bohe. decisio. 215.]

24 Verum ille, qui damnatus erat ad perpetuum carcerem, & ab eo fugit, hoc ipso relapsus habetur, & omnis audientia est illi deneganda: quia, ut aiunt, videtur fiste conuersus, & simulate confessus, & in errorem pristinum recidisse. Hæc est multorum opinio meo iudicio crudelis & falsa, & quæ nullo iure, aut urgente ratione probari potest: eam tamen sequuntur Archidiaconus, Dominicus, & ingens agmen. [Archid. Ioan. And. Domini. & Anchara. in c. ut cōmissi. §. necnon. de hære. lib. 6. Ioan. de Ana. & Feli. in c. pe. eodem tit. lib. 6. Squillacen. de fide catho. c. 27. glo. in l. 1. tit. 26. parte. 7. Arelata. de hære. notabi. §.]

25 Ego vero ab illorum opinione vehementer dissentio: quia is, qui e carcere fugit, impœnitens est, non relapsus: ideoque si pœnitere velit, audiendus & recipiendus est. Quippe relapsus non est, nisi qui iterum in hæresim labitur: quod vel ex ipso relapsi nomine quiuis facile intelliget. Ille autem qui fugit, nullam hæresim fuga ipsa committit: nec iudices præsumere, aut fingere debent quempiam esse relapsum, quem lex nominatim relapsum esse nō dicit. Itaque quamdiu ille in fuga fuerit, & iniunctæ pœnitentiæ non satisfecerit, cōdemnari poterit, tãquam impœnitens: si vero vel ipse redierit, vel comprehensus fuerit, & paratus sit ecclesiæ satisfacere, tunc maiore pœnitentia coercendus propter fugam, sed tamen ecclesiæ gremio benigne excipiendus est. [I. aut damnum. §. quisquis. ff. de pœnis.]

26 Non solum is, qui iniuste damnatus

est, potest e carcere licite fugere, sed etiam ille, qui ad mortis pœnam iuste condemnatur a iudice: quia nemo tenetur id facere, ex quo mors consequatur: quod faceret victus, si maneret in carcere, cum fugere posset: tamen si aliud longa & eleganti disputatione defendat Socrates apud Platonem in Critone, non tamen debet resistere iudici iuste sententiam exequenti. Et hæc est recepta sententia theologorum, ut Almainus testatur. [vterque Thomas. 2. 2. quæst. 67. Archid. in c. cum homo. 23. q. 5. Anchara. & Imol. in Clem. pastoralis. de re iudi. Almainus tracta. de suprema potestate laica quæst. 3. c. 1. Driedo lib. 1. de libertate christiana. pag. 226. Couar. lib. 1. varia. resolu. cap. 2.]

27 Plusculum dubitationis habet, an liceat ei, qui iuste morte affici potest, ruptis vinculis, & foribus carceris effractis fugere. Multi enim consentiunt, id nullo pacto licere: quia iudici quodammodo resisteret in his, in quibus habet potestatem: & iniuriam illi atque reipublicæ ceret, publicam custodiam violando. Nam quemadmodum licitum est, per alienum agrum transire sine iniuria vel damno domini: non tamen licet sepere illius, ut quispiam agrum ingrediatur, demoliri: sic victo licitum est e carcere fugere, sed non licet illi vincula rupere, aut fores effringere: quæ sententia probabilis est, & plures habet authores. [Henri. Ganda. quolib. 9. arti. 2 §. Ioan. Maio. in lib. 4. sent. distin. 1 §. quæst. 22. Siluester in summa, verbo, fugere. Almainus prænotato cap. 1. Couar. eodem cap. 2.]

28 Caietanus tamen contrariam opinionem tuetur, dicens vincula frangere aliud esse, quam resistere aut pugnare: nec magis facere iniuriam iudici, aut reipublicæ illum qui ruptis vinculis euasit, quam

cum, qui damnatus ad bestias, occiso leone fugit. Nec veram esse superscriptam similitudinem: quia in disruptione sepius agitur de damno dñi: hic autem non est quæstio de damno rupti carceris, sed vtrum hæc fractio redigatur ad fugam, vel potius ad repugnantiam. Hæc ille subtilius iudicio meo, quam verius: quia multa absurda, & reipub. noxia ex hac opinione sequerentur, quæ facile quivis intelligere poterit. [Vi de Angel. in summa, verbo, fugere. Bohe. decis. 215. Dom. Soto. lib. 5. de iusti. & iure quæst. 6. arti. 4.]

29 Illud autem animaduertendum est, presbyteros non esse in carcerem coniiciendos, nisi aduersus eos duo vel tres testes dixerint testimonium: quia nec accusatio contra illos est recipienda nisi sub duobus, aut tribus testibus, vt Paulus Apostolus inquit: & diuus Thomas ius illud singulare esse ait, in honorẽ pres-

byterorum. [1. Timo. 5. & inibi Thomas. c. accusatio. 2. q. 7.]

30 Illis autem qui sunt carcere clausi, copia confessarij faciendâ nõ est, excepto, si plene iudicibus hereses confessi fuerint, aut in extremum vitæ discrimen venerint. Tunc enim absoluedi a confessario, & ab inquisitoribus reconciliandi sunt ecclesiæ, & in loco sacro secreto sepeliendi, donec sententia publice proferatur, & ita in Hispania vtimur: in Italia vero facilius datur vinctis copia confessarij.

31 Vtrum damnati ad perpetuum carcerem testamentum facere possint. Multi quidem id negant: sed contraria sententia mihi magis probatur: quia non est ille seruus pœnæ, sed agit illic pœnitentiam: nec iure aliquo cautum est, vt testamentum facere nequeat. [Abbas in c. tuæ. de pœnis. Bal. in l. 1. c. de sacrosan. eccle. Bertrandus consil. 194. lib. 1.]

De defensionibus reorum Titulus XVII.

S V M M A R I V M.

- 1 **D**efensio quid sit, & quomodo hereticis pertinacibus denegetur.
- 2 Defensio prima & potissima reorum innocentium, qualis sit.
- 3 Innocens constantissime negare debet obiecta crimina.
- 4 Veritatis & innocentie vis.
- 5 Negare tantum obiecta crimina, quare innocentibus non sit defensio sufficiens.
- 6 Defensio optima qua sit.
- 7 Reus negans factum, quo pacto id probare queat.
- 8 Reus, si pluribus & melioribus testibus probet, se nihil eorum fecisse, aut dixisse eo loco & tempore, quo crimen commississe accusatur, absolui debet.
- 9 Defensio etiã magna est testes refutare.
- 10 Defensiones aliæ, quibus rei omnino excusantur.
- 11 Excipere ea, quæ exceptione non indigent, cur iuris periti nonnunquam soleant.
- 12 Hæresis a furioso dicta impunita cur esse debeat.
- 13 Hæretici qui in furorẽ incidit, quomodo peragenda sit causa.
- 14 Infantes, si quid impium dicant, cur puniendi non sint.
- 15 Senex decrepita ætatis, qui suæ mentis compotes non fuerint, eodem in loco atque infantes & dementes habendi sunt.
- 16 Dormientes eodem in numero reponendi sunt cum infantibus & dementibus.

- 17 Ebrietas, quando ab hæresi excusari possit.
- 18 Referentes aliorum hæreses, quando puniri non debeant.
- 19 Lingua lapsus puniri non debet.
- 20 Hæreticus non est, qui errat sine pertinacia contra aliquam veritatem fidei, quam explicite scire non tenebatur.
- 21 Rusticitas nimia ab hæresi excusare potest.
- 22 Locus & facetia quando ab hæresi excusari possint.
- 23 Locus & facetia impune sonans, impie præteriri non debent.
- 24 Stilponis & Theodori facetiæ de Minerva.
- 25 Peccata omnia in tres classes distribuit Divus Augustinus.
- 26 Pueri & impuberes, cur vix hæretici censeari debeant.
- 27 Senes summa senectute confecti, pueri censendi.
- 28 Mulieres cur facilius excusari, & mitius puniri debeant, quam viri.
- 29 Hæretici non sunt, qui coacti aliquid impium patrauerunt.
- 30 Mortis metu, vel alterius mali, qui impium quidpiam dicit, aut facit, mitius puniendus.
- 31 Mortis metus excusare eum non potest, qui fidem abnegat.
- 32 Mortis metu fidem abnegare, quam impium sit facinus.
- 33 Metu deficientium a fide par culpa non est, nec poena eadem.
- 34 Mortis & tormentorum metu, an timore infamiae vel exilij, vel minoris mali quis deficiat, multum interest.
- 35 Hæresis qua in re differat ab alijs criminibus.
- 36 Hæreticus non est, qui victus supplicij Deum sermone tenus abnegat.
- 37 Mortis metu Deum verbis tantum abnegans, quid facere debeat, ne hæreticus censeatur.
- 38 Mortis metu lapsi, si statim resipiscant, humane recipiendi sunt.
- 39 Martyrium temere appetendum non est.
- 40 Episcopus quando non debeat fugere mortis periculum.
- 41 Hæreticus non est, qui magna animi perturbatione quidpiam hæreticum dixerit.
- 42 Perturbationum animi potentissima quæ sit.
- 43 Amoris furore percitus, licet hæreticum aliquid dicat, defendi nonnunquam potest.
- 44 Amore nimio insaniens, si imaginem amicæ suæ adoret, aut quidpiam simile committat, defendi etiam potest.
- 45 Incontinentiæ binæ species numerantur ab Aristotele.
- 46 Dolor inexpectatus & repentinus ab hæresi nonnunquam excusat.
- 47 Ira vix & impetus.
- 48 Ira inflammata, licet hæreticum aliquid dixerint, hæretici tamen censendi non sunt.
- 49 Peccata quæ sine electione ab inuitis committuntur, digna sunt clementia & venia.
- 50 Semiebrius si blasphemias aut hæreses dixerit, puniendus est, mitius tamen.
- 51 Inquisitor, si suspectus sit, magna reorum defensio esse poterit.
- 52 Inquisitor apostolicus, cum apud Hispanos recusatur, arbitri non eliguntur, ut de suspitione cognoscant.
- 53 Renuntiatio, qua reus defensionibus suis renuntiat, nullius momenti est.
- 54 Renuntiatio rei, quando ex nonnullorum sententia, robur habere credatur.
- 55 Inquisitores quo pacto se gerere soleant cum reis, qui defensionibus suis renuntiant.
- 56 Testes in causa reorum de hæresi, qui non admitti debeant.

57 Consanguinei reorum, vtrum defension-
nes allegare possint, & ad earum pro-
bationem admitti.

58 Probare probitatem suam, & actus re-
ligionis ab eis factos, contrarios errori-
bus objectis, reis quid utilitatis afferat.

De defensionibus reorum.



AERETICIS pertina-
cibus omnis defensio
denegata est: rei tamē
nondum plene conui-
cti iustis defensionib⁹
vri possunt: nec enim

defensionis facultas vlli vnquam prohi-
benda est. Vt autem Aristoteles lib.
rhetori. ad Alexandrum cap. 4. ait: De-
fensio est delictorum & iniuriarū, quæ
vel in accusationem, vel in suspiciōē
venerint, dissolutio. [l. defensionis. C.
de iure fisci lib. 10.]

2 Prima reorum Innocentium, eademq;
potissima defensio est, negare crimina
falso illis obiecta. Vt enim Fabius lib.
3. c. 8. inquit, Longe fortissima tuendi
seratio est, si quod obijciatur, negari
potest: nam accusatore non probante,
reus & si nihil præstiterit, absoluendus
est: vt habetiuris regula vulgaris & per-
uagata. [l. qui accusare. C. de edendo. l.
actor. de probatio.]

3 Innocens vero constantissime negare
debet obiecta crimina, ne se ipsum in-
iuste condemner, & falsum pro testimo-
nio dicat. Nam & si præceptum diui-
num sit, Falsum testimonium nō dices
aduersus proximum tuum: non ideo ta-
men si aduersus seipsum quisquam fal-
sum testimonium dixerit, ab hoc se pu-
tauerit crimine alienum: quia regulam
diligendi proximum a semetipso acce-
pit: quoniam quidem scriptum est, Di-
liges proximum tuum sicut te ipsum. &
cætera, quæ diuus Augustinus persecu-
tus est. [lib. 1. de ciuit. Dei. cap. 20. c.
si non licet. 23. q. 5.]

4 Constantem eum efficient innocentia
& veritas: Iustus enim quasi leo confi-
dens absq; terrore erit, vt inquit in pro-
uerbijs Sapiens. Et Cicero pro Milo-
ne: Magna vis est conscientie; iudices,
& magna in vtranque partem: vt neq;
timeant, qui nihil commiserint: & pœ-
nam semper ante oculos versari putet,
qui peccauerint. Et in oratione pro Cæ-
lio: O magna vis veritatis, quæ contra
hominum ingenia, calliditatem, soler-
tiam, contraq; fictas omnium insidias,
facile se per se ipsā defendat. Et Aeneas
Siluius, quadam in epistola: Nihil est
mendacio instabilius, nihil veritate cō-
stantius. Et Plautus: Quæ nō deliquit,
debet audacem esse & confidenter pro
se, & proterue loqui.

5 Verum & nocentes, & improbi mani-
festa etiam crimina persæpe inficiari so-
lent: vnde illud Demosthenis oratione
de falsa legatione: Scitis vtique hoc, ex
quo nati sunt homines, & iudicia exer-
centur, neminem vnquam, qui crimen
fateretur esse condemnatum: sed frontē
perfricant, negant, mentiuntur, causas
comminiscuntur, omnia faciunt, ne pœ-
nas luant. Alijs ergo defensionibus o-
pus est vt ab improbis testibus tuta sit
innocentia.

6 Ea igitur defensio erit optima, si reus
probare poterit, se nihil eorum, de qui-
bus accusatur, dixisse, aut commisisse.
Quod & Aristoteles docuit, lib. rheto-
ri. ad Alexandrum, cap. 4. dicens: De-
fendendi species tribus præceptis con-
stat. Aut enim defensori ostendendum
est, se nihil eorum, quorum accusatur,

patra-

- patrauisse: aut si cogatur fateri, & cætera. Et Fabius loco prænotato: Longe fortissima tuendi se ratio est, si quod obijci tur negari potest: proxima, si non, id quod obijci tur, factum esse dicitur.
- 7 Sed quia valde difficile est, ne dicam impossibile, id probare directo: cū negātis factum nulla sit directa probatio, quia quod non est, non habet causas cognitionis & probationis, id est, non potest aliquo sensu cognosci, nec testis potest reddere causam per aliquē sensum corporeum, qua bene concludat, se id nosse: necesse est, ut tempus & locus perpetrati criminis assignetur, quo reus probare queat, se ab eo loco per id tempus abfuisse: id enim causas habet cognitās, & quæ facile probari possunt, ut rectissime docuit Alfonso Tostadus in 2. parte defensorij. [c. 77. c. quoniam contra. de probat. c. bonæ. de electio. l. optimam. C. de contrahen. stipulatio. c. ex tenore. de testib.]
- 8 Reus ergo absolvendus est, cum probauerit pluribus testibus & melioribus, quod eo loco & tempore, nihil eorum ab eo dictū est, aut factum, de quibus testes accusatoris testimoniū dixerint: addita ratione, quia id nec dici, nec fieri potuit, quin ipsi testes audisēt, aut vidisēt. [Decius consil. 94. Ripa. in l. in illa. ff. de verbo. obligat. Feli. in c. tertio loco. de probat. Ruinus cōs. 145. lib. 5. Decius in l. 1. C. de bo. possē. secun. tabu.]
- 9 Magna item defensio erit, si reus testes refutauerit: nam si probare potuerit, accusatoris testes inimicos esse, aut ab inimicis pecunia subornatos, aut contra reum coniurasse, nulla eis fides habenda est. [c. per tuas. de simo. c. in fidei fauorem. de hæreti. lib. 6.]
- 10 Sunt & aliæ reorum defensiones, quibus omnino excusantur, de quibus ci-
- uis meus Seneca prudenter, ut solet, inquit: Multa quamuis non excipiantur, intelliguntur: scriptum legis angustū, legis interpretatio diffusa est; quædam tam manifesta sunt, ut nullam exceptio nem desiderent. Quid interest lege excipere, ne fraudi sit ei, qui per insaniam patrem pulsauerit? cum illi non supplicio, sed remedio opus sit, & cætera. [de clamar. 4. & controuersia. 27.]
- 11 Sed quamuis hæc ita sint, iure cōsul ti tamen, dubitationis tollendæ gratia, hæc eadem excipere solent. Cū autē hæ resis crimen sit magnum, quod errore intellectus, & pertinacia volūtatis per ficitur: ubi hæc defunt, nec hæresis erit peccata enim omnia, nisi volūtaria sint, peccata dici non possunt: quamobrem neque puniendæ sunt. [c. 1. cum seq. 15. quæst. 1. l. foedissimam. C. ad leg. Iul. de adulte.]
- 12 Hinc est, quod hæresis a furioso dicta, impunita esse debet: idemque erit, si ab insano, amente, fanatico, & furijs seu dæmonibus agitato, dicatur. ij enim omnes & id genus alij, nec errorem intellectus habent, nec pertinaciā volūtatis. [l. diuus. ff. de offi. præsi. l. vlti. ff. de administra. tuto. c. aliquos. cū seq. 15. q. 1. l. infans. ff. de sicarijs. Tiraquel. de pœnis. causa. 2.]
- 13 Quid, si hæreticus incidat in furorē? causa quidem bonorum peragi poterit, aut curatore bonis dato, aut certe vocatis eius hæredibus, ipse tamen custodiendus est, donec ad sanam mentē redeat: nec damnari potest ante quam in furorē moriatur: quia forte prius resipiscet, & ecclesiæ reconciliabitur. [l. patre furioso. ff. de his qui sui vel ali. iuris sunt. Bal. Alex. & cæteri in l. furiosum. C. qui testamen. face. possunt. Tiraquel. de pœnis, causa. 3.]
- 14 Infans quoque si quid impiū dixerit, punien-

- puniendus non est: quia ea ætas, quæ dicit, non intelligit. Et infantes innocentia cõsiliij tuetur. [l. 1. C. de falsa mone. l. infans. ff. ad leg. Corne. de fica.]
- 15 Idem iuris est, in senibus ætatis decrepitæ, qui suæ mentis nõ fuerint composites: hos enim Plato lib. 9. de leg. furiosos & infantibus sapienter exæquat: senes quippe desipiunt, cum debilitate nimia confecti sunt, vt Cassiodorus tradit libro de anima. Aliud statuendũ est, cum senex integrum haberet iudiciũ, qualis ille fuisse videtur, cuius Menochius meminit consi. 82. nam duo medici testificati sunt, se nõ habere illum pro insano, neque pro stulto, vt ibidem retulit. nu. 231.
- 16 Eadem & in dormiente dicimus: nec id superuacaneũ est: nam persæpe multi dormientes, non solũ loqui, sed ambulare etiam, aliaque facere visi sunt: quod illis euenire solet, quorum sensus exteriores somno ligati sunt, interiores liberi atque soluti. [Clem. 1. de homici. l. 1. §. adipiscimur. ff. de acqui. posse. l. 1. ff. de autho. tuto. Aristo. lib. 5. de genera. cap. 1. Albertus in com. lib. de somno & vigilia. Barto. Sybilla in speculo peregrini. quæst. primæ decadis cap. 8. quæst. 2. Pet. Crinitus lib. 11. cap. vlt. in l. 3. §. hoc autem. ff. ad Sil. lania. Alberti. de assertio. catho. quæst. 36. Tiraquel. de pœnis. causa. 5.]
- 17 Ebrietas quoque ab hæresi excusare potest, tunc scilicet, cum omnino mente priuauit: nesciunt enim ebrij quid loquantur, qui nimio vino indulgent, & sepulti iacent: ideoque qui per vinũ delinquit, ij apud sapientes iudices, venia donantur. [c. sane. c. inebriauerũt. 15. q. 1. vide Athenæum lib. 10. cap. 15.]
- 18 Qui refert aliorum hæreses, nisi dolo malo id faciat, puniendus non est: doctus autem nõ præsumitur, excepto si ex circumstantijs aliud sit verisimile. Vidi ego multos suspectos homines, qui testibus conuicti, illud in ore habebant: Referendo diximus, nõ affirmando: sed nihil eis profuit istud perfugium. [l. qui iniuriæ. ff. de furtis. l. obligationum substantia. ff. de obligat. & actio.]
- 19 Nec is, qui lapsu linguæ aliquid hæreticum dixerit, hæreticus censendus est, præsertim cum se incontinenti correxerit: nec enim lubricũ linguæ ad peccatum facile trahendum est: quia vt ecclesiasticus inquit: Est qui labitur lingua sua, sed non ex animo. Et vt ait Augustinus: Ream linguam nõ facit, nisi rea mens. [l. famosi. ff. ad l. Iuli. maiesta. l. Stichus imo Pamphilus. ff. de manu. testamen. l. si ita scriptum. de hæredi. institu. c. homines. 22. q. 2. ecclesiastici. 19.]
- 20 Is etiam hæreticus non est, qui errat siue pertinacia cõtra aliquam veritatem catholicæ fidei, quam explicite scire nõ tenebatur: & eo magis, si ab aliquo deceptus fuit, cui credere tenebatur. [c. dixit Apostolus. 24. quæst. 3.]
- 21 Nimia quoque rusticitas excusare potest ab hæresi, etiam si in ijs rusticus erraret, in quibus nulla esset prudentiũ defensio. Aliud erit seruandum in rusticis sagacibus, qui ingenio valent, & in eis, de quibus diuus Gregorius inquit: Multos obtusi sensus homines cernimus, & tamen eos in malis actibus astutos videmus, propheta quoque testante, qui ait; Sapientes sunt, vt faciant mala: bene autẽ facere nesciũt. [Grego. lib. 14. in Iob. cap. 27. glo. recepta cõmuniter in l. Athletæ. §. de rusticis. ff. de excusatio. tuto.]
- 22 Locus autem & faceria efficere non nõquam possunt, vt diæterium aliquod impie sonans, ne sit hæreticum, defendi queat. Videlicet, cũ repente, celeriter, incon-

inconsulto, & ex occasione, ac sine deliberatione dictū fuerit: nec id aliam ob causam, nisi vt qui illud dixerit, factus esse videatur, præsertim cum suspectus non erat insulsus & ineptus ille. [l. obligationum substantia. ff. de obligat. & actio.]

- 23 Sed & si hæreticus non sit is, qui talia temere effutiuit: puniendus tamen est, vt maledicus, & temerarius. Pessimus enim exempli res est, cum diuis aut rebus diuinis iocari. Quamobrem suspectus quidem efficitur, qui diçteria impia per iocū dixerit, vt recte tradit Gerson, addito versiculo memorabili.
- Non patitur ludum fama, fides, oculus.*
Quod si ludus noxius & perniciosus iure punitur: si merito vituperatur ab omnibus iocandi genus intempestiuum, illiberale, petulans, & obscœnum: multo maiore vituperatione & punitione dignum est iocandi genus irreligiosum, contumeliosum, flagitiosum, impium & hæreticum. [Gerson parte. 2. tractatu vlti. l. nam lusus. ff. ad leg. Aquili. l. in furti. §. vlti. ff. de furtis. Cicero lib. 1. offi. Fabius lib. 6. cap. 4. Gellius lib. 4. cap. vlt. Chrysost. in epist. ad Ephe. serm. 17. & in posteriore ad Corin. homil. 2. & in cap. Matth. 2. homil. 6.]
- 24 Laertius lib. 2. Stilponem, aiunt, maxime facetum, dixisse, Mineruam non esse Deum. Qua ex re cum in arium pagum pertractus fuisset, nihil inficiatū, ferunt, imo recte se locutum asseruisse: non enim Deum esse, sed deam: Deos quippe mares esse. Areopagitas tamen nihilo placitiores factos, iussisse continuo ipsum vrbe excedere: quo etiam tempore Theodorū iurgio dixisse; Vnde hoc nouerat Stilponum amota palla ipsam inspexerat?
- 25 Diuus Augustinus peccata omnia in tres classes distribuit. Alia, inquit, sunt

peccata infirmitatis, alia imperitiæ, alia malitiæ. infirmitas contraria est virtuti: imperitia sapientiæ: malitia bonitati. Peccata malitiæ defendi nō possunt: de errore & ignorantia alibi dixero. Superest, vt de peccatis infirmitatis aliqua perstringamus. [Augusti. lib. 83. questionum, quest. 26.]

- 26 Pueri & impuberes vix hæretici esse possunt, nisi forte malitia eorum ætatis defectum suppleat. Fragile enim & infirmum est eorum consilium, & errare facile queunt: præsertim cum seducti fuerint a parentibus suis. Et quamuis perfecti hæretici esse credantur, mitius tamen puniendi sunt: & miseratione ætatis ad mediocre pœnam iudicem deducere debet. [l. 1. l. auxilium. §. in delictis. ff. de mino. c. dixit Apostolus. 24. q. 3. Tiraquel. de pœnis. causa. 7.]
- 27 Senes quoque, qui summa senectute confecti, ad ingenium puerorum redierunt, in eadē causa sunt: rursus namque puer est quisquis consenuit. Et eo magis, cum simplicitas coniuncta est cum senectute. [c. tanta nequitia. 86. dist. 1. si quis ingrauescente. §. ignoscitur. ff. ad Sillania. Clemens Alexandrinus lib. 6. Stromatum. Tiraquel. de pœnis, causa. 8.]
- 28 Mulieres ferme vt pueri, leuis sententiæ sunt: facilius ergo excusari possunt, & mitius puniri debent, quam viri: & ignorantia defendi solent, in iis præcipue, quæ explicata fide scire non tenebantur: in cæteris enim excusationem non habent. Quinimo Lutheranorum vxores & filia pudicitiam, vt audio, cum religione abiecerunt: nam subleto pudore sacræ confessionis, omnes se re impudicæ pariter & impia factæ sunt. [c. indignantur. 32. quæst. 6. l. quisquis. §. ad filias. C. ad leg. Iuli. maiesta. l. 2. in fine. ff. de iure fisci. Tiraquel.]

raquel. de pœnis. causa. 9.]

29 Qui autem vi coacti sunt manus imponere sacrificijs idolorum, aut simile quippiam facere, ij proculdubio hæretici non sunt: principium enim extrinsecus est adhibitum, neque aliquid adiumenti attulerunt ij, qui coacti sunt. Quamobrem in cōcilio Ancyrano decreuerunt patres, vt hi ad communionem admitterentur. [c. 3. l. foedissimā. C. ad leg. Iul. de adulter. c. sacris. de his quæ vi met. ve causa fiunt. c. presbyteros. 50. distin.]

30 Sed cum aliquis metu mortis, vel alterius mali, impium quippiam dicit, aut facit, is quidem puniendus est pro modo culpæ, sed mitius. Nam & si id facere noluisse, maluit tamen facere, quā talia pati: & in ipso positum fuit principium commouendarū partium, quas actibus eiusmodi perficiendis quasi instrumenta adhibuit: itaque voluntarius fecit. [3. ethi. cap. 1. l. si mulier. §. si metu. ff. quod met. causa. l. si patre cogente. ff. de ritu nuptia. c. merito. 15. q. 1. Cyprianus epistola secunda lib. 1. August. super lib. nume. quæst. 24. Tho. 1. 2. quæst. 6. Tiraquel. de pœnis, causa. 36.]

31 Nec metus mortis excusare potest eū, qui fidem catholicam abnegauit. Sunt enim quædam (vt Aristoteles ait) partim ita foeda, partim ita flagitiosa, nemo vt ad ea impelli iure possit, potiusque oppetenda mors est grauissimis toleratis cruciatibus: & vt præclare inquit Cicero, præter culpam ac peccatū, homini accidere nil potest, quod sit horribile aut pertimescendum. [3. ethi. cap. 1. Cicero lib. 5. familiarium, epistola vltima.]

32 Maximum esse scelus istius impietatis, palam est, Inquit enim Saluator noster: Nolite timere eos, qui occidunt corpus,

animam autem non possunt occidere. Et paulo post: Qui negauerit me coram hominibus, negabo & ego eum coram patre meo, qui in cælis est. Et per Esa. dicit Dñs: Nolite timere opprobriū hominū, & blasphemias eorū ne metuat: ego ego ipse consolabor vos. Quis tu vt timeres ab homine mortali, & oblitus es Domini factoris tui? Et Paulus ait: Si negauerimus, & ille negabit nos. Et Origenes: Qui denegat fidem in persecutionis tempore, omnia euacuauit, nudus repente & inanis effectus est, & omnes iustitiæ eius, quas fecit, non commemorabuntur. [Matth. 10. Luca. 12. Esa. 51. 2. Timo. 2. Origenes in lib. iudicum. homil. 7. c. non solum. 11. quæst. 3.]

33 Non omnium, qui metu deficiunt, par culpa est, nec eadem pœna eorum esse debet. Aliter enim peccant sapientes, & graues viri, aliter qui medio officio tenentur, aliter humiliores & fragiliores homines: nec exigitur eadem virtus in his, atque in illis. Nec enim ad virtutes heroicas perinde tenentur fragiliores atque perfectiores. Itaque grauius delinquant principes, episcopi, clerici, monachi, nobiles, theologi, philosophi, sapientes, & fortes, quam plebei, mulieres & reliqui. Seuerius ergo puniri debent. [c. Lotharius. 31. q. 2. c. eos quos. de cons. dist. 4. c. hoc ipsum. 33. q. 2. l. si quid venditor. ff. de ædili. edicto. l. isti quidem. quod met. causa. c. ne quis. 22. q. Salomon in l. 1. ff. de leg.]

34 Plurimum refert, vtrum quispiam deficiat metu mortis & tormentorum, an timore infamiæ, vel exilij, vel etiā minoris mali. Nunquid eadem est causa eius, inquit Ambrosius, qui sponte negat, & eius quem tormenta inclinauerunt ad sacrilegium? Nunquid Christus ipse Athletas suos, quos viderit grauiter

Q

paulisper

- paulisper cessisse supplicijs, sine venia patietur permanere? veniæ quidem tunc locus est, cum ea quis facit, quæ non sunt facienda, ijs impulsus omnibus, quæ & humanam naturam longe multumque superant, & nemo possit sustinere. Et hæc Aristotelis, Cypriani, & sapientium omnium sententia est. [3. ethi. cap. 1. Cyprianus sermone de lapsis. c. potest fieri. de pœnitent. distin. 1. c. cū dilectus. de his quæ vi. met. ve cau. fiunt.]
- 35 Sed inter hæresim & alia crimina hoc interest, quod ea metu commissæ, nihilo minus perfectæ sunt: hæresis vero non ante perficitur, quam pertinax cōsensus accedat. Nec enim hæresis in dictis aut factis, sed in intellectu & voluntate consistit: atqui cætera potest homo nō lens, credere vero non nisi volens. Vnde fieri potest, ut aliquis victus supplicijs, sermone neget Deum, & corde adoret. Et ut inquit Cyprianus libro de duplici martyrio: Cū tyrānus dicit, abnega Christum, & immola Ioui, & esto amicus noster, aut morere: sepe lingua negat, corde reclamante: & manus adolet thus, cū animus intus adoret Christū. Quamquam hoc quoque grauissimū est crimē: tamen aliquam impietatis culpam eleuat humanæ naturæ imbecillitas. [c. potest fieri. de pœnitent. dist. 1.]
- 36 Quinimo qui tali metu lapsus est, & corde nō discessit a fide catholica, is nec hæreticus fuit, nec hæreticorum pœnis affici debet. [Cyprianus lib. de duplici martyrio. Ambrosius li. 1. de pœnitent. cap. 3. Alex. Ales. 1. parte, quæst. 183. Alberti. in rubri. de hæreti. lib. 6. quæst. 13. Brunus. lib. 1. de hæreti. cap. 4.]
- 37 Sed ut verissimile sit, quod is non consensit, nec hæreticus, nec apostata fuit: opus est, ut doleat, & metu cessante statim redeat, agatque pœnitentiam. Nā si diu tacuit, & non reclamauit, utique cōsensisse ac ratum habuisse videbitur. [3. ethi. cap. 1. concilio Ancyrano, cap. 3. l. 2. C. de his quæ vi metus causa gestæ sunt. Salomo. in l. 1. ff. de legibus.]
- 38 Circa eos vero, qui post lapsum confestim redeunt, aliquid humanitatis debet ostendi, & benigne recipiendi sunt: quæ admodum a sanctis patribus identidem decretum & vītatū est. Nam ut inquit Lactantius lib. 5. diuina institutio. cap. 13. Multo firmior est fides, quā reponit pœnitentia. [concilio Niceno cap. 11. Arelatensi. cap. 11. Ancyrano c. 6. Cyprianus sermone de lapsis, Nicepho. lib. 6. ecclesiast. hist. cap. 2. & 5.]
- 39 Obiter autem admonere volui, martirium non esse temere appetendum. ait enim redemptor noster: Cum persequetur vos in ciuitate ista, fugite in aliam. Quod exemplo quoque docuit, cum se abscondit a Iudeis, & abiit in regionem iuxta desertum in ciuitate Ephrem, ut est apud Ioannem cap. 11. vbi Theophilactus inquit: In cōdemnationem Iudeorum, secedit Dominus: interim & nos docens, ne nos temere periculis ingeramus etiam pro pietate: sed stemus quidē fortiter deprehensi, non deprehensi autē ne in voluntarium periculum proper incertum euentum irruamus. Et Eusebius li. 4. ecclesiast. hist. cap. 15. memorans, Cointhum quendam, natione Phrygen, bestias ceteraque tormēta sponte lapsisse, ac tandē fracto animo defecisse: Quæ res, inquit, cū ad martyriū procacia potius & temeritate, quam deuotione prosiluisse declarat: ipse namque se iudicijs ingesserat. Itaque victus exemplum euidens omnibus dedit, cautius in rebus talibus & circumspectius agendum: quia non temeritas, sed fides & modestia coronatur. [Matth. 10. Nazanzenus in vita Basilij. Ambro. lib. 1. offi. cap. 37. Chrysosto. in episto. ad Hebr.]

Hebr. homil. 5. & ad populum Anthio. homil. 67. Clemens Alexan. lib. 4. Stromatum. Sozome. lib. 6. tripartitæ, cap. 22. Nicepho. lib. 10. histo. eccl. c. 16. Theophyla. in Matth. c. 10. & in Lucã. c. 22.]

40 Excipitur tamen episcopus ab ea regula: nam fugere non debet, si eius fuga nocitura sit ecclesiæ, ne mercenarius potius, quam bonus pastor esse videatur: sicuti diuus Augustinus ad Honoratum scripsit. Et Ambrosius cum a Iustina Arriana, Valentiniani matre, de ecclesia iuberetur exire: Ego, inquit, sponte hoc non agam, ne lupis ouium septa contradere videar, atque blasphemantibus Deum: hic si placet, occide, hoc loco mortem prona voluntate suscipiam. Author Paulus diaconus li. 12. rerum Romanarum. Quod si nihil sit profuturus, & episcopus ipse fugere potest. Nec moueat quenquam, quod fugam timidi hominis esse putetur: nã & Paulus ille, qui certus erat, quia nec mors, nec vita, nec angeli, nec principatus, nec virtutes, nec alia creatura, poterat eum separare a charitate Dei, ille inquam Paulus, Athleta Christi fortissimus, modo per fenestram, modo per murum fugiens, & manibus tyrannorum euasit. Fugit & Athanasius, fugerunt & alij multi sanctissimi, constantissimi & sapientissimi viri: pudendo Tertulliani errore, libro, de fuga in persecutione. [Ioan. 10. August. epist. 180. ad Roma. 8. posteriore ad Corin. c. 11. act. 9. c. poen. & fin. 7. quæstio. J. Thom. 2. 2. quæst. 124.]

41 Sed iam ad propositum reuertamur. Qui magna animi perturbatione commotus aliquid hereticum dixerit, is proculdubio hæreticus non est: nisi ea forte concurrant, quibus perficitur heresis. Sunt autem perturbationes, vt ait Cicero, turbidi animorum, concitatieque

motus, auersi a ratione, inimici mentis vitæque tranquille, vel sunt commotiones animi, quæ rem consilio & ratione videre non sinunt.

42 Omnibus ex animi perturbationibus, vt inquit Cicero, nulla vehementior est, quam amor: addit Gerson. Nulla violentior nulla rapacior, nulla denique minus sinens animam sui iuris esse. Diotima quoque apud Platonem, magnum dæmonem vocabat amorem: & Hieronymus lib. 1. aduersus Iovinianum scribit: Amor formæ rationis obliuio est, & insanitiæ proximus, scædum minimeque conueniens animo sospiti vitium: turbabat consilia, altos & generosos spiritus frangit: a magnis cogitationibus ad humillimas trahit, querulos, iracundos, temerarios, dure imperiosos, seruiliter blandos, omnibus inuitiles facit. Hæc ille. Amor igitur præsertim improbus, & furor est & insania. [Gerson sermone de sancto Bernardo. §. vlti. & inibi interpretes instit. de successio. sublati.]

43 Itaque si furore amoris aliquis perturbatus, offensione scilicet, aut zelotypia, vel desperatione, verba dixerit heretica, defendi nonnunquam poterit, ne hæreticus esse credatur. Nam & zelotypia, vt ait Chrysostomus, violentissimus affectus est: & qui talia dixit, velut ebrius, non vt hereticus puniendus est. [Chryso. in cap. Matth. 1. homil. 4. Tiraquel. de poenis causa. 4.]

44 Idemque erit, si quispiam amore nimio insaniens, amicæ imaginem adoraret, aut aliqua verba emisisset, quæ idololatriam sonent. Est enim hoc eius, qui vehementer amat, vt horreat metuque: deinde inspiciens dilectam, vt eam tanquam Deum colat, & nisi vereretur insanitiæ crimen, sacra amatæ non aliter, quam Dei statum faceret, quemadmodum eleganter Plato diuinus tradit in Phædro.

45 Sed notanda distinctio est, quam Aristoteles posuit lib. 2. magnorum moralium cap. 6. Incontinentiæ, inquit, binæ sunt species: vna quidem prorumpens, & improuisa, & confestim proueniens: veluti cum speciosam mulierem viderimus, & confestim afficiamur, & ab affectu erumpit impulsus ad aliquid perpetrandum, quod fortasse non expediat. Altera vero velut quædam imbecillitas, quæ cum ratione auertente insurgit. Prior igitur non admodum sub reprehensionem cadere videtur, quandoquidem etiam virtutis studiosis potest euenire, callidis & ingeniosis: secunda autem frigidis & melancholicis: tales nimirum reprehendendi. Ex hac igitur sententia, illi nonnullam defensionem habent, qui amore obcæcati sine deliberatione delinquant: hi vero nullam, qui amoris prætextu aliquid præmeditatum committunt. ac de his quidem Propertius ait:

*Non semper placidus periuros ridet amâtes
Iupiter.* Et Plautus in aulularia.

*• nimis vile est vinum, atque amor:
Si ebri, atque amanti impune facere quod
lubeat, licet.*

46 Ij quoque defendi possunt, qui inexpectato & repentino dolore impietatem aliquam dixerint. vt enim Plato in timæo inquit: Dolores admodum vehementes, morborum animæ omnium grauissimi sunt iudicandi. Et mox: Qui dolorem vitare obnixè conatur, neque cernere, neque audire recte quicquam potest: sed rabie furit, & in eo habitu constitutus, minime rationis est compos. Et Fabius: Dolor sæpe egit in laqueos, in præcipitia compulit, & cruciatus laborantis animæ vulneribus emisit. Et Plutarchus in oratione consolatoria: Cum multæ sint animæ perturbationes, omnium quam grauissima est

dolor: multi enim dolore in furorem, nonnulli in incurabiles ægritudines reducti memorantur: sibi ipsis quidam præ dolore mortem consciuerunt. Mulieres igitur, quæ improuisa inopinataque morte maritorum, aut filiorum commotæ, aliquid impium repente dixisse, conuictæ fuerint: nec hæreticæ sunt, neque seuerius puniendæ. [1. si adulteriũ. §. imperatores. ff. ad leg. Iulii. de adulter. l. Grachus. C. eodem tit. Tiraquel. de pœnis, causa. 1.]

47 Ira furor brevis est, inquit Horatius. & Cato senior, irascentem a furioso tempore solum distare dicebat: & Aristoteles: Ira non nullos in furorem & insaniam adigit. & Chrys. Ira fera est vehemens & furibunda. Et mox: Inter iram & insaniam nihil differt, sed brevis quidam dæmon est, imo quam qui dæmonio vexantur grauior. Et Cicero lib. 4. tusculan. quæst. Quid est quo non progrediatur eodem ira, quo furor? itaque iratos proprie dicimus exiisse de potestate, id est, de consilio, de ratione, de mente. [7. ethi. cap. 3. & 6. Chyfolto. in Ioan. homilia. 47.]

48 Quæ omnia eo pertinent, vti, quæ ira inconsulta hæreticum aliquid dixerint, non protinus censeantur hæretici. Hæresis enim ab electione est: Ea vero quæ proficiscuntur ab ira, non diiudicantur ex electione fieri: quia non ille incipit, qui facit, sed is qui prouocauit ad iram, vt Aristoteles tradit: benignius ergo cum his agendum est. [c. hæresis. 24. q. 3. ethi. 5. c. 8. l. si ex plagis. §. 1. ff. ad l. Aquil. l. quidquid calore. de regul. iur. Tiraquel. de pœnis. causa. 1.]

49 Et generaliter ea peccata digna sunt clementia & venia, quæ sine electione ab inuitis fiunt, secus vero si antecessit deliberatio. Diuinus quidem Plato lib. 9. de leg. inquit: Per iram facit, & qui subito absque

absq; voluntate interimendi interficit, ita vt confestim post imperum poenitentia sequatur: & qui cōtumelia laeessiti, ideoque in vindictē cupiditate perseuerantes, postea volentes interfecerunt, nec poenitet ei fecisse: altera cades consulto, altera inconsulto commissa dicitur: maiora vero supplicia illis decet imponere, qui consulto per iram delinquunt: illis contra, qui repente & incōsulto, leuiores. Et Cicero: In omni iniustitia permultum interest, vtrum perurbatione aliqua animi, quā plerūque brevis est, & ad tempus: an consulto & cogitato fiat iniuria: leuiores sunt enim, quā repentino aliquo motu accidunt, quā ea, quā meditata, quā preparata inferuntur. [5. ethi. c. 8. Demosthenes oratione aduersus Midiam. Cicero lib. 1. offi. & lib. 2. de inuentione. Tho. 1. 2. quæst. 24. l. Grachus. C. ad l. Iul. de adulte.]

50 Et quamuis delicta ab ebrijs cōmissa, inter crimina non sint ponenda, cum ad imperium vini admissa esse videantur, vt diuus Ambrosius scribit in lib. de Elia & ieiunio: is tamen qui semiebrius blasphematur, aut hæreses dicit, puniendus quidem est, sed mitius, pro modo volūtarij & scandali. [l. omne delictū. §. per vinum. ff. de re milita. l. respiciendū. §. delinquūt. de poenis. vterq; Thom. 2. 2. quæst. 150. arti. vlt. Tiracquel. de poenis. causa. 6. Albertinus de assertionib. catho. quæst. 36.]

51 Magna reorum defensio esse poterit, si forte inquisitor suspectus sit, vt reijciatur, propositis in eum iustis reiectionis siue recusationis causis. Veluti si inimicus sit, si cōiurauit in reos, aut si tale quippiam probari possit: nec enim ob causas leuiores recusatio admittēda est. [argu. c. per tuas. de simo. Cardi. in clem. 1. de hæreu. Angel. in summa,

verbo inquisitio. §. 5. Parisius consil. 2. lib. 4. c. vlti. 3. q. 5. Rebuffus tracta. de recusatio.]

52 Sed in Hispania cum inquisitor apostolicus recusatur, nō eliguntur arbitri, vt de suspicione cognoscant: ne iudiciū eludatur, & causa fidei catholicæ differatur: sed in senatu causa recusationis summatim cognita, vel recusatus reijcitur: vel friuola & frustratoria recusatione repulsa, inquisitor iudicare iubetur. Neque id iniuria: quia sicut proceditur appellatione remota, sic etiam spreta friuola recusatione procedi poterit. c. super eo. 2. c. cum speciali. de appellationib. & inibi interpretes.

53 Quid autem si reus defensionibus suis renuntiet, dicatque se habere rata testimonia, nec velle vt repetantur testes? & communi sententia receptum est, hanc renuntiationem nullius esse momenti: quia non est audiendus reus perire festinans. [l. non tantum. ff. de appellat. glo. omnibus probata in l. pactū inter hæredem. ff. de pact.]

54 Plerique tamen excipiunt eam specie a iudicibus vñtatam, cum reus id ipsum fatetur quod testibus comprobātū est: tunc enim superuacūū esse videtur iterū testes producere. [Bal. in l. si accusatoribus. C. de accusat. Paul. Orosius, & cæteri in dicta. l. pactum.]

55 Verum vtcunque in alijs iudicijs res habeat, inquisitores nostri id seruare nō debent. Primo, quia veritas apertior erit publicatis reo testimonijs, & ab eo singillatim probatis: deinde, vt iustus sit actorum processus, & reus ipse ac testes semel atque iterum interrogentur: postremo, quia sapere rei solent reuocare suas confessiones, quamobrem oportet, vt cōiuncti sint: adde quod mitius agitur cum confesso, quam cum conuicto. [c. non dicatis. 12. quæst. 1. c. asserte. de præ-

de præsumptio. l. 1. §. si quis ultro. ff. de quæstionib. Tiraquel. de pœnis. causa. 30.]

- 56 Consanguinei reorum integri testes nō sunt ad probandas defensiones: quia eorum interest reos absolui, quorum in famia ad eos vsque porrigitur, si fuerint impietatis hæresisq; damnati: non sunt igitur admittendi consanguinei, neque affines, aut familiares, sed alij testes integri & fide digni. [l. 1. & 2. ff. de liber. causa. c. filij. de hæc. lib. 6.]
- 57 Sed est quæstionis, vtrum reorum consanguinei defensiones allegare possint, & ad earum probationem sint admittē-

di. & cum rei viuunt & ætatem habēt, ipsi per se loquentur, nec ab alijs defendi possunt: sed audiendi sunt consanguinei duntaxat vsque eo, vt inquisitores instruantur: & si quid ab eis fuerit prolatum, quod reo prodesse queat, id officio suo inquirant: & ita senatusconsulto cauetur.

- 58 Solent rei probare probitatem suam, & actus religionis ab eis factos, contrarios & aduersos erroribus obiectis. Quod quidem prodesse potest ad præsumptionem hæresis diluendam. [c. pen. de præsumptio. Bertrandus consil. 37. lib. 2.]


De defunctis Titulus XVIII.

S V M M A R I V M.

- | | |
|--|--|
| <p>1 Mortem iustorū ecclesia laudare cur soleat, improborum vero & hereticorum memoriam damnare.</p> <p>2 Reis vita functis, in alijs criminibus ab hæresi, crimen cum pœna extinguitur.</p> <p>3 Cadauera reorum de alijs criminibus ab hæresi, cur puniri non soleant.</p> <p>4 Cadauera punitorū insepulta relinquenda non sunt.</p> <p>5 Cadauera & ossa hereticorum puniendā cur sint.</p> <p>6 Hereticus, post mortem condemnatur, ac si viuus esset.</p> <p>7 Corpora hereticorum non sunt inter christianorum corpora sepelienda.</p> <p>8 Corpora hereticorum inter christianorū corpora non esse sepelienda, Iosē, & aliorum exemplis comprobatur.</p> <p>9 Sepulture ecclesiasticę priuatio, ab hereticorū excommunicatione descendit.</p> <p>10 Ossa & cineres hereticorū, & non solū cadauera, sepultura priuari debēt.</p> <p>11 Heretici defuncti memoria, & fama iure damnatur.</p> | <p>12 Defuncti heretici memoria quando damnanda sit.</p> <p>13 Defuncti, qui suspectus de heresi lite procedente obiit, quo pacto causa tractanda sit.</p> <p>14 Defunctus hereticus accusari potest atq; damnari, etiā post quadraginta annos.</p> <p>15 Defuncti memoriam qui defendere possint coram iudicibus.</p> <p>16 Filius viuo patre heretico, cur ad eius defensionem non admittitur.</p> <p>17 Citandi sunt presentes & certi ad defuncti defensionem: absentes vero & incerti edictis generaliter vocandi.</p> <p>18 Bonis defuncti publicatis, an teneantur successores ad fructuum restitutionem.</p> <p>19 Processus contra defunctum breui tempore fiat.</p> <p>20 Defuncti causa ab instantia iudicij absoluti, si aduersus eum alij testes superuenerint, denuo tractari poterit.</p> <p>21 Mortem sibi consciscere, nō licet cuipiā.</p> <p>22 Mortem sibi consciscere quam horrendā & execrandum facinus sit.</p> |
|--|--|

- 23 Mortem sibi consciscere, cur non liceat.
 24 Mortem sibi voluntariam inferre, nulla auctoritas est, qua christianis concedatur.
 25 Occidere se ipsum quibus prohibetur, diuino illo precepto, Non occides.
 26 Occidere se ipsum contra naturalem inclinationem est.
 27 Occidendo se ipsum iniuria fit reipublice et Deus leditur.
 28 Occisor sui multo magis peccat, quam miles qui iniussu ducis a statione discedit.
 29 Occidere se ipsum nequaquam licet, nisi id Deus specialiter preceperit.
 30 Mortem sibi inferre non licet; multa tamen licent, ex quibus mors vel sequitur, vel acceleratur.
 31 Occidentes se ipsos in carcere ubi propter heresim coercerantur, quales censi sint.
 32 Confessio illorum recipi non debet, qui post plenam confessionem sibi manus inferunt.
 33 Defunctorum hereticorum causa quomodo sit tractanda, colligitur ex octaua sessione Concilij Constantiensis.

De defunctis.



SCVTI pretiosa est in conspectu Domini mors sanctorum eius, ut Propheta regius ait: sic mors prauorum & impiorum execranda & detestabilis est.

Et sicut durat semper memoria iusti cum laudibus: sic nomen impiorum putrescit, & eorum est immortalis infamia. Quemadmodum igitur sanctorum mortem ecclesia catholica quotidie celebrat: sic & impiorum & hereticorum damnare solet memoriam, ut & iusti latentur, & confundantur iniqui. [Psalm. 115. Prouer. 10.]
 2 In alijs criminibus, reis vita functis, crimen cum poena extinguitur: quia praeventi sunt a summo iudice Deo, & vocati ad maximum eius tribunal: & ut inquit Vlpianus: Is qui in reatu decedit, integri status decedit: extinguitur enim crimen mortalitate, & reus morte crimine liberatur. [l. 1. cum seq. C. si reus vel accusator. l. is qui in reatu. ad l. Iul. maiesta. l. contra pupillum. §. is qui ad maius. de re iudi. l. si poena. ff. de poenis. c. ex epistola. c. quorundam. 23. distin.]

Tho. 2. 2. quest. 104. arti. 5.]
 3 Sed neque cadauer puniri solet, quia sensu & anima caret, ac poene capax non est. Viuos castigare decet, non mortuos, ut apud Stobaeum est, qui Sophoclem refert, ita dicentem: Quid iuuat mortuos, qui amplius non sunt, affligere? Fabius quoque ait, Mortem quidem finem esse, nec saeuitiam ultra fata procedere: illumque valde crudelem iudicat, qui adeo hominem exuit, ut ibi poenam quaerat, ubi sensum doloris non inueniat. Postremo totius hominis crimen in solo cadauere iniuste punitur: quia ut Plato in Alcibiade inquit: Non est homo hoc, quod videmus fragile & terrenum: sed animus est, sed intellectus, qui omnem ambitum caeli, omnem decursum temporis excedit. Et iterum in Axiocho: Soluta simul hac compage, animoque rursus in proprium restitutum locum, relictum istud corpus terrenum, atque rationis expers, amplius nequaquam est homo. Et Ouidius lib. 3. de trist. Hector erat tunc, cum bello certabat; & idem Tractus ab aemone non erat Hector equo. Quibus consentanea tradiderunt, Mercurius, Lactantius, Ambrosius, & alij. [Stobaeus]

[Stobæus sermone. 122. Fabius declamatione. 12. Mercurius trismegistus in Asclepio. Lactan. de officio Dei. c. 20. Ambro. lib. 6. exameron. c. 6. cū seq. Cælius lib. 2. lect. antiq. c. 17.]

4 Sed neque punitorum cadauera infelpulta relinquenda sunt, sed cognatis, vel quibuscumque petentibus ad sepulturā danda sunt: vt Vlpianus, Iulius Paulus, Diocletianus quoque atque Maximianus, crudeles alioqui, tradiderunt. Accedit eodē lex illa Deuteronomij: Quando peccauerit homo, quod morte plectēdum est, & adiudicatus morti appensus fuerit in patibulo, non permanebit cadauer eius in ligno, sed in eadem die sepeliatur: quia maledictus a Deo est, qui pendet in ligno: & nequaquam contaminabis terram tuam, quam dominus Deus tuus dederit tibi in possessionem. Quem locum eleganter explicat Hieronymus in tertium cap. epistolæ ad Galatas. Quam ob causam nonnulli putāt peccare iudices, qui corpora punitorū sepeliri vetant: quod equidem verum esse cōseo, nisi forte ad terrorem id pro magnis sceleribus receptū sit moribus, aut legibus constitutum: est enim hoc inhumanum, crudele, & horrendum. [l. 1. & vlti. de cadaue. punito. l. obnoxios. C. de religio. & sumpti. fune. Deuteron. 21. Siluester verbo, sepultura. quæst. 10. Ioan. Maio. in lib. 4. sent. dist. 45. quæst. 4. Couar. lib. 2. varia. resolut. cap. 1. nu. 11.]

5 Sed quamuis in plerisque alijs criminibus hæc ita sint: in crimine tamen heresis propter atrocitatē eius, & reipub. documentum, non solum ad viuētem hominem, sed etiam ad cadauer, ad sepulchrum, ad ossa & cineres, ad memoriam & famam pœna peruenit. Quod quidem iustissimum est, vt non modo corpora multorum, sed etiam plurimo

rum animæ saluæ fiant. Nam si iure ac merito ab vltimo parricidio, vt Fabius ait, exigitur pœna trans hominem: quāto rectius ab heretico grauior pœna exigenda est, qui suam primum animam, deinde familiæ suæ, postremo totius rei pub. perpetua morte studet occidere. [Fabius decla. 6.]

6 Itaque aduersus hæreticum inquiritur etiam post mortem: & si de eius heresi plane constiterit, condemnatur ac si viuus esset, bonaque illius publicantur, & ab hæredibus auferuntur: & insuper declaratur excommunicatus: & iterum excommunicatur, quod attinet ad operationes viuētiū, vt pro eo non fiant preces, neque oblationes, neque in loco sacro sepeliatur. [c. accusatus. §. in eo. de hereti. lib. 6. c. a nobis. 2. de sent. excomuni. c. sane. pferitur. 24. quæst. 2. l. Martinichos. c. de hereti. Alphon. lib. 2. de iur. sta hereti. punit. cap. 19. cum. seq.]

7 Corpora igitur hæreticorum, defensorum, & receptatorum non sunt inter corpora christianorum sepelienda. Qui nimo, qui scienter ea ecclesiasticæ sepulturæ tradiderit, excommunicationis sententiæ subiacebit: & ab illa nō est absoluentus, donec proprijs manibus hæreticorū corpora publice effodiat, & extra har, & eorum ossa eruat atque projiciat: quod tamen tunc fieri debet, cum a fidelium corporibus discerni possunt. [c. sicut. de heret. cap. 2. eo. tit. libro. 6. prima instr. Hispanen. cap. 20. cap. sacris. de sepultu.]

8 Sic etiam Iosias occidit omnes sacerdotes hæreticos, & eorum ossa commisit igni: & aliorum hereticorum ossa de sepulchris tulit, & combussit ea. Et Irene Augusta effodijt ossa socii sui hæretici, & combussit illa: quod merito a catholicis viris laudatur. Plato quoque diuinus huic sententiæ legibus suis accedit, lib. 10.

lib. 10. statuens, impios vita sanctos extra regionis fines, insepultos ejcien- dos. Qui autem, inquit, eos sepelierit, impietatis crimine a volente accusetur. [lib. 4. regū. cap. 23. & lib. 2. paralipo. cap. 34. Nicephorus. lib. 17. ecclesiast. hist. cap. 27.]

9 Poena hæc priuationis ecclesiasticæ sepulturæ ab hæreticorum excommunicatione descendit: non enim alij sepeliendi sunt in sacris locis, quam hi qui in religione christiana initiati, & in vera fide, & pœnitentia decedunt. Vnde a sepultura ecclesiastica excluduntur omnes infideles, pueri nec dum baptizati, hæretici excommunicati, & qui in manifesto peccato, de quo nō egerunt pœnitentiam, moriuntur: veluti qui sibi ipsis consciscunt mortem, qui furti, rapinæ, aut vsurarum damnati fuerunt, de quo satisfacere noluerint: nam hi a communione fidelium excludendi fuerunt: & quibus in vita non communicamus, ijsdem nec post mortem communicare debemus. Postremo indigni sunt ecclesiastica sepultura, hi pro quibus orare non licet: nō enim præcipue ob aliam causam corpora defunctorū in sacris locis sepeliuntur, quam vt hi, qui eadem loca ingrediuntur, Deū pro illis precentur: quamobrem sepulchra mortuorū dicuntur monumenta, quia monent viuorum mentes, vt defunctorum recordentur, authore August. lib. de cura pro mortuis agenda [c. cū gratia. 13. q. 2. c. ex parte. c. sacris. de sepulchris. Clemen. 1. eo. tit. Alfon. lib. 2. de iusta hæreti. punit. c. 18. Brunus lib. 4. de cæremonijs. cap. 2. & cap. 7.]

10 Non solum hæreticorum cadauera sepeliri non debent, sed neque ossa, neque cineres eorum: quia eadem omnino ratio prohibitionis, in his, atq; in cadaueribus est. Adde quod olim corpora

defunctorum cremari solebāt, sed ossa & cineres sepeliiebantur. Alia multa de sepulchris, & ritibus sepeliendi ac de alijs id genus, plures ante nos frequentissime tradiderunt. [Dionysius de eccles. hier. c. 7. Ambrosius & Nausea lib. de Tobia cap. 1. Chrysost. in Gen. homi. 66. August. lib. 1. de ciuit. Dei cap. 12. & iterum lib. de cura pro mortuis gerenda. Plato lib. 12. de leg. Lactantius lib. 6. diuina instit. cap. 12. Plutarchus in vita Lycurgi. Stobæus sermone 120. Cælius lib. 17. lectio. antiqua. cap. 19. cum seq. Thomas. 2. 2. quæst. 32. Abulen. Leuitici. 10. quæst. 10. & vlti. Titelmanus in ecclesiastem cap. 6. Gerson parte. 2. tractatu de solitudine ecclesiasticorum. conclu. 6.]

11 Memoria & fama hæretici defuncti iure damnatur, vt supra diximus. Vnde in concilio Cōstantiensi patres huiusce modi sententiam protulerunt: Concilium pronuntiat hæreticum Ioannem Vuicleff. ac memoriam eiusdem condēnat, & mandat exhumari ossa ipsius, & cremari. [sess. 8. & cap. accusatus. §. in eo. de hæreti. lib. 6. l. Manichæos. C. eodem tit.]

12 Procedi tamen contra memoriam defuncti non debet, priusquam de illius hæresi plane constiterit per legitimas probationes, quæ ad condemnationem sufficiant. Quod prudenter admodum quarta instructione Toletana cauetur: cui accedit, quod non est accusandus defunctus tanquam hæreticus, propterea quod aliquā hæresim dixerit, vel scripserit, nisi ante constiterit de pertinacia eius: quia non sequitur necessario, illū hæreticum fuisse, qui dixit vel scripsit hæresim. Adde quod plenior, clariorque probatio exigenda est contra defunctum, qui se defendere nequit, quam contra hominem viuum: qua ratione

R plura

plura iuris solemnia necessaria esse in testamentis, quam in contractibus viuentium, cunctis legumlatoribus equum visum est. [4. instruct. Toleta. cap. 7. Arist. problemat. 3. parti. 29. Bal. in c. 1. §. si quis, si de inuesti. inter do. & vassa. lis oriatur. lib. feudo.]

- 13 Si vero quispiam suspectus de hæresi mortuus fuerit lite pendente: recte iudices poterunt causam peragere, vt vel absoluant eum, & eius hæredes, vel famam & memoriam condemnent, bonis etiam publicatis: non tamen imponere debent hæredibus poenam pecuniariam propter solam suspicionem, quia morte suspitio extinguitur. [l. 1. C. ex delictis defuncto. & illic Bal. c. accusatus. §. porro. de hæreti. lib. 6. Aegidi. Bellame. decis. 677. & 680. Ioan. de Ana. in c. si quis episcopus. de hæreti.]
- 14 Nonnulli putant, hereticum defunctum accusari non posse post quinquenium, quia post hoc tempus legibus ciuilibus non licet accusare apostatam. Verior tamen sententia est, quod accusari potest atque damnari hereticus etiam post quadraginta annos: & ea tantum bona confiscantur, quæ spatio quadraginta annorum fuerint bona fide ab hæresibus possessa. [l. 2. & ibidem glo. & Bar. C. de apost. c. vlti. de præscript. lib. 6. prima instruct. Hispalen. cap. 20. Felinus in c. cum nobis. de præscriptio. Brunus lib. 5. de hæreti. cap. 17.]
- 15 Filij, & successores, & alij omnes quorum interest, vocandi sunt ad memoriã defuncti defendendam: hi enim audiri debent, quibus nocere potest sententia, ne in dicta causa damnentur. Sed hoc amplius aiunt Albericus & Aegidius, quemlibet sine delectu audiendum esse, qui velit memoriam & famam defuncti defendere. Quod equidem non omnino reiiciendum censeo, si modo

probabilem causam defensionis, quisquis ille sit, attulerit: nam & vnicuique Deus mandauit de proximo suo: & natura inter omnes homines cognitionem quandam constituit: & in omnibus rebus, præsertim fidei & religionis, omnes sumus fratres in Christo. Postremo humanitatis ratione cuiuslibet appellatio pro homine ad mortem damnato admitti solet, nec quærimus cuius intersit: multo ergo rectius admitenda pro defuncto defensio est, qui se defendere nequit. [c. filij. de hæreti. lib. 6. prima instruct. Hispalen. cap. 20. l. nã ita diuus. de adoptio. Aegidius decis. 678. & 679. Alberi. in rubri. C. de hæreticis. l. vt vim. de iusti. & iure. l. non tantum. de appellat. l. ad dictos. C. eodem tit.]

- 16 Ceterum viuo patre filius non admittitur ad eius defensionem, quamuis ipsius filij plurimū intersit. Quod ideo fieri solet, quia pater se ipsum defendere longe melius poterit, cum certior sit de veritate causæ. Demum principaliter tractatur de damno patris, ad filium autem peruenitur ex consequentia: quo casu filius non est audiendus, nisi forte pater esset mēte captus, qui loco absentis & mortui habetur. [glo. Alex. & ceteri in l. de vno quoque. de re iudi. glo. vlti. in c. quamuis pactū. de pactis lib. 6. Alex. & alij in l. sæpe. de re iudi.]
- 17 Qui autem præsentis & certi fuerint ex his, quorum interest, citandi sunt ad defuncti defensionem: absentes vero & incerti vocandi sunt generaliter editis, vel præconiis secundum consuetudinem prouinciæ. Si vero non compa-
ruerit, qui defunctum defendere velit: iudices defensores idoneos eligent. [Prima instruct. Hispalen. cap. 20. c. vlti. de electio. lib. 6. Aegidius decisio. 679. l. si eo tēpore. C. de remissi. pigno.]

18 Quæstionis est, an publicatis bonis defuncti, teneantur successores, ad restitutionem fructuum: & æquius est, vt non teneantur, si bonæ fidei possessores fuerint, nisi ad fructus perceptos a tempore litis contestatæ: hoc enim æquum est, & multis iuris capitulis continetur. Quamuis autē prima instructione Hispalensi generaliter caueatur, vt bonis defuncti publicatis auferantur bona cū fructibus a quocunque successore: id tamen accipiendum est, de malæ fidei possessoribus, vel de fructibus perceptis post motam litem, vt paulo ante dixi. [l. sed & si lege. §. 1. cum seq. de peti. heredi. l. terminato. C. de fructi. & lit. expen. prima instru. Hispalen. cap. 20. l. non est nouum. de legib.]

19 Illud quoque iudices obseruabunt, quod quarta instructione Toletana prudenter cauetur: vt processus contra defunctum breui tempore fiat, longis reiectis ambagibus, & vt in causa non supersedeant propter defectum probationum: nisi forte sit verisimile, quod intra breue tempus alii testes superueniēt. Si vero plena probatione defunctus cōuictus non fuerit, protinus absoluendus est ab instantia iudicii, & bona successoribus libere dimittēda. [c. accusatus. §. porro. de hæreti. lib. 6. 4. instruct. Toletana. c. 7.]

20 Si vero postquam defunctus fuerit ab solutus ab instantia iudicii, superuenerint aduersus eum alii testes, tractari de nouo causa poterit, & alterius instantiæ testimonia vim suam integram seruāt, vt cum istis cōiungi queant ad plenam hæresis probationem. Nam etsi perēpta instantia pereant acta ordinatoria, quæ instantiam illam respiciunt: vt datio fideiussores, iudicio sisti, citatio, litis contestatio, & si quæ sunt generis eiusdem: ea tamen acta, quæ ad causam ma-

gis, quam ad instantiā pertinent, perēpta instantia, nihilominus vim suam habent, vt in alia instantia noceant eidē reo, eiusque successoribus. Quæ quidē vera est & recepta, & vsu etiā comprobata sententia. [Bar. in l. cum lite. iudi. solui. Hosti. Abbas & Felinus in c. causamque. 1. de testi. Alex. consil. 58. lib. 2. Ias. Alciat. & cæteri in l. is apud quem. C. de edendo.]

21 Antequam de eis differā, qui propter hæresim vincti, mortem sibi consciuerunt, quod sæpe ab his fieri contingit, quos totos dæmon possedit: nō erit alienum breuiter nūc aliqua de hac execranda morte perstringere. Fuit quippe multorum perniciosus error, sed eorū, qui verum Deum ignorarunt, existimantiū quod spe vitæ melioris, aut pro gloria adipiscenda, vel tædio vitæ, vel pro dedecore, vel dolore fugiendo, liceret vni cuique mortem sibi consciscere. Vsque adeo autem hæc insania apud quosdam inualuit, vt Plinius dicere nō dubitarit, esse id optimum, quod homini dedit natura in tantis vitæ pœnis. Vnde Chrysippus, Empedocles, Zeno, Cleantes, Lycurgus, Demosthenes, Themistocles, Annibal, Cleomenes, Brutus, Cato Vticensis, Marcus Antonius, aliique multi, qui viri fortes, prudentes & sapientes habebantur, mortem sibi ipsis nefariā consciuisse traduntur: contra quos verissima rectius philisophantium sententia est, nulli vnquam id licuisse, nec esse hoc viri sapientis, aut fortis. Nam vt apud Curtium est lib. 5. hist. Alexādr. Fortium virorum est, magis mortē contemnere, quam odisse vitam. Quod & Pythagoras, Plato, Aristoteles, & cæteri omnes docent. [Plato in Phedone & lib. 9. de legib. Arist. lib. 3. ethic. cap. 7. & li. 5. cap. 11. & illic Buridanus q. 28. Alciatus lib. 4. parergon. cap. 4.]

- 22 Hoc amplius habet christiana philosophia: non solum id non licere, verum etiam horrendum, & execrandum facinus esse, mortem sibi aliqua ex causa consciscere, quia locus salubri poenitentiae non relinquitur. Quam sententiam Origenes, Chrysostomus, Hieronymus, Augustinus, & vniuersi theologi comprobant. [Origenes lib. 2. in Iob. prope finem: Lactan. lib. 3. diuina. institut. c. 18. Chryso. in Epist. Pauli ad Galat. Cypria. lib. de duplici martyrio. Diuus Petrus apud Clemenem lib. 7. recognit. Hiero. epist. ad Paulā. Theophylactus in Matthae. cap. 27. Augusti. lib. 1. de ciuit. Dei. c. 17. cum seq. c. si non licet. c. placuit. 28. quaest. 5. Alex. Ales. 3. parte quaest. 34. memb. 2. Tho. 2. 2. quaest. 64. ar. 5. & innumerabiles alij.]
- 23 Sunt autem huius sententiae fundamenta fortissima, verissima, & euidentissima. Primum, quod homo non est vitae dominus, sed solus Deus vitae largitor: iuxta quod ipse in Deuteronomio inquit, Ego occidam, & ego viuere faciam. & alibi Sapiens ait: Tu es Domine, qui vitae & mortis habes potestatem. Grauiissime igitur in Deum peccat, qui quod eius solius est, usurpat violentissime. [Deuter. c. 32. sapient. c. 16.]
- 24 Deinde nulla est autoritas, (vt ait Augustinus) quae christianis in qualibet causa ius voluntariae necis attribuat: nec enim frustra in sanctis, canonicisque libris, nusquam nobis diuinitus praecipit, praemissumue reperiri potest, vt vel ipsius adipiscendae immortalitatis, vel vilius carendi, cauēdiue mali causa, nobismet ipsis necē inferamus. Quod quidem non fuisset omisum a summo Deo legislatore nostro, si id villo modo liceret. [August. li. 1. de ciuit. Dei. c. 20.]
- 25 Accedit eodem, quod in diuino illo praepcepto, Non occides, quo non alia

quam hominis occisio prohibetur, euidentissime includitur, neminem se ipsum vnquam occidere posse. Nam qui alterum occidere prohibetur, multo magis prohibitus est, ne sibi ipsi mortem consciscat. Nec enim qui se occidit, aliud quam hominem occidit. Quinimo sui ipsius homicida magis contra charitatis ordinem peccat, quā occisor alterius: charitas quippe ab illo incipere debet, qui habet eam. Vnde praepceptū diuinum dicit, Diliges proximum tuū sicut te ipsum. Et ecclesiasticus inquit: Qui sibi nequam est, cui alij bonus erit? Martianus quoque iure consultus, puniendum esse illum ait, qui sibi manus intulit: quia is qui sibi non pepercit, multo minus alij parceret. Contra hos, vt ait Seneca, inuentum est, vt aliquid post mortem timerent. Nihil non ausus fuit, qui se potuit occidere. [1. praeses. C. de seruit. & aqua. ecclesiast. 14. l. vlti. de rebus eorum. Tho. 2. 2. quaest. 26. & ceteri theologi in. lib. 3. sent. distin. 28. cum seq. Seneca declamatione quarta.]

26 Praeterea se ipsum occidere, facinus est horrendum, & contra naturalem inclinationem, sicuti apud omnes theologos fatis constat: Dedit enim natura ipsa, vt ait Cicero, virtutum omnium initia, eademque rebus omnibus eam vim inseruit, vt appetant sui conseruationem, & resistent corruptioni. Quod experientia docet, & Aristoteles tradit libro secundo de generatione. Vnde vim atque iniuriam propulsare omni iure cuiuslibet concessum est. [1. vt vim. de iusti. & iure.]

27 Ad haec, is qui se occidit, iniuriam facit reipublicae, cuius membrum erat, quod temere autoritate priuata, imo satanica, praecidit inuita reipublica. Nectatū sibi ipsi & vniuersae reipub. iniurius

iniurius est, qui nefandum hoc facinus perperrat: verum etiam Deum ipsum grauissemelædit, seruum eius occidendo contra Domini & creatoris voluntatem atque præceptum. Vnde Plato in Phedone, sapienter admodum ait, nefas esse, hominem sibi met manus afferre: nec aliter irasci Deum, si faciat, quam dominum, si quod se mancipiorum occiderit. Iosephus quoque inquit lib. 3. de bello Iudaico: Qui Dei depositum ex corpore proprio eiecerit, maxime peccat. Nam qui corporis vincula dissoluit, quæ lege diuina innexa sunt, is proculdubio legem Dei subuertit: non enim licet animam soluere, nisi ei, qui ligauit, qui posuit thesaurum istum in vasis fictilibus. [Iosephus lib. 3. cap. 14. plenius Aegessippus lib. 3. de excidio Hierosolymitano. cap. decimo septimo.]

28 Accedit etiam, quod militiæ defertor, qui a statione discedit iniussu ducis, capite puniendus est: sed multo magis delinquit vitæ defertor, qui ab huius vitæ militia iniussu Dei discedens, seruum eius occidit, & illius opus dissoluit: ergo maiori supplicio, & execratione maiore dignus est. Quamobrem Pithagoras recte vetat, iniussu imperatoris, id est, Dei, de præsidio & statione vitæ decedere. Sumus enim hic omnes velut in acie, loco vnicuique suo ab imperatore Deo assignato: nec aliud est vita hominum super terram, (authore Iob) quam militia: & vt est apud Apostolum, Colluctatio nobis omnibus est aduersus carnem, & mundum, & contra principes tenebrarum: & facti sumus spectaculum mundo, angelis & hominibus. Præclare igitur Cicero in somnio Scipionis inquit: Pius omnibus retinendus est animus in custodia corporis. Nec iniussu eius a quo ille est no-

bis datus, ex hominum vita migrandum est: ne munus humanum assignatum a Deo, defugisse videamur. Quod & Macrobius illic post Plotinum comprobatur. [1. non omnes. §. defertor. de re milita. Pythagoræ sententiam retulit Cicero lib. de senectute. Macrobius lib. 1. de somnio Scipionis.]

29 Quod si quo casu liceret sibi ipsi mortem consciscere, tunc esset maxime, cum homo absque peccato est: puta post baptismum, vel statim post iustam poenitentiam: sed tunc minus id licet, quia maius peccatum est occidere innocentem: ergo nullo casu licet. In summa illud constantissime credendum est, nulli vnquam licuisse sibi met manus inferre, nisi fons ipse iustitiæ Deus specialiter hoc, aut præceperit, aut certissima inspiratione suaserit: qua ratione recte defenditur Sanson, & laudantur ab Eusebio martyres quidam: & Hieronymus ait, non licere propria perire manu, absque eo vbi castitas periclitatur. Quod si qui leguntur sibi alijs ex causis fortiter consciuisse necem, aut infirmitas erat, morte quærens dolorum finem, aut ambitio, aut dementia. Id enim & Deo displicet: et gentium etiam legibus prohibetur, vt eleganter Cyprianus inquit libro de duplici martyrio. [c. si non licet. c. non est nostrum. 23. q. 5. Crysosto. in Ioan. homilia. 84. Ambrosius lib. 3. de virginibus. Eusebius li. 8. histo. ecclesiast. cap. 12. & cap. 17. cap. displicet. 23. q. 4. Paulus diaconus lib. 15. de gestis Romanorum, cum loquitur de pugna. Nicepho. lib. 7. cap. 12. cum proxi. & cap. 21. Callimachus in vita Attilæ.]

30 Multa tamen licent, ex quibus mors vel sequitur, vel acceleratur, sed præter intentionem inferendi sibi mortem: licet enim se non defendere ab interfectore: licet

re: licet panem alteri largiri in extrema famis necessitate: licet damnato ad mortem, non fugere: licet ægros visitare tempore pestis: licet nauigare tempore periculoso: licet in bello iusto præliari: licet abſtinentia vitam breuiorem reddere, aliaque multa id genus licent: in quibus & ſi mors interdum ſequatur, id tamen euenit præter intentionem morientis: de quibus omnibus ante nos multi multa dixerunt. [Gerson parte 2. tract. de non eſu carniū. Bartholo. Sybilla in ſpeculo peregrinarum quæſtionum decadis primæ cap. 5. quæſt. 2. Fran. Victoria reſeſtione de fortitudine. Couar. lib. 1. varia. reſolut. cap. 2. l. cum autem. §. malus. de edilit. edic. l. peculium. §. ſi ipſe. de pecu. l. lege Cornelia. §. vlti. de ſica. c. maritum. 33. diſt. cap. 3. de corpo. vitia. Seneca epiſt. 24. Gellius lib. 15. noſtium attica. cap. 10. Valerius maximus. lib. 7. cap. 7. Baſilius lib. de virginitate. Euſebius lib. 6. hiſto. eccl. cap. 6. Plutarchus lib. de claris mulieribus cap. 11. Tiraquel. de nobilitate cap. 31. nu. 520.]

- 31 Hi autem, qui propter hæreſim vincti, ſe ipſos in carcere occidunt, credendi ſunt conſcientia criminis mortem ſibi conſciuiſſe: niſi forte aliud hæredes eorum oſtendere poſſint: quibus nihil probantibus, illi punientur perinde, ac ſi eorum hæreſis fuiſſet plene probata. Nec id mirum videri debet, cum etiam hi, quorum nullum aliud crimen probatur, ob hoc tamen ſolum, quod ſibi ipſis mortem conſciſcunt; omni execratione digni cenſentur: & pro illis eccleſia non recipit oblationes, neque facit commemorationes, neque cum pſalmis eos ſepelit: legibus quoque ciuilibus bona eorum publicantur, & hæredem non habent, & inſteſtabiles ſunt. [glo. Bar. & alij in. l. vlti. C. de iure

ſciſci lib. 10. & in. l. vlti. de bonis eorū. Gonſalus de hæreti. q. 22. c. placuit. 23. q. 5. & 2. concilio Aurelianen. can. 14. & concilij Altiſiodoren. can. 17. l. ſi quis filio. §. eius. de iniuſto. rupto. l. par ricidij ad leg. Pompe. de parrici. regia l. 24. tit. 1. parte. 7. Couar. lib. 2. varia. reſolut. cap. 1.]

- 32 Et quamuis poſt plenam confeſſionē ſibi manus intulerint rei, non erit eorū confeſſio recipienda: nam & Iudas confeſſus fuit crimen, ſed quia laqueo ſe ſuſpenderit, neque confeſſio, neque pœnitētia quidquam ei proſuit. [c. Iudas. c. nihil. cum ſeq. de pœnit. diſt. 3.]
- 33 Ad poſtremum, ordo procedendi cōtra hæreticos defunctos colligi poteſt ex his, quæ ſcripta ſunt in oſtaua ſeſſione concilij Conſtantiēſis hoc verborum tenore: Quia autoritate ſententia, & decreti Romani concilij, & mandato ſedis Apoſtolice, datis dilationibus debitis, proceſſum fuit ſuper condemnatione Ioannis Vuicleff & ſuę memorię, edictis propoſitis, denunciationibusq; ad vocandum omnes, qui eundem, vel eius memoriam defendere vellent, ſi qui penitus exiſterent, nullus comparuit, qui eundem, vel eius memoriam defenderet: examinatis in ſuper teſtibus ſuper impœnitentia finali, pertinacięq; dicti Vuicleff, per commiſſarios deputatos, ſeruatiſque ſeruandis, pro vt in tali negotio poſtulat ordo iuris, & eius impœnitentia, & finali pertinacia per euidentia ſigna teſtibus legitimis comprobata, fuit legitime facta fides: propterea inſtante procuratore ſicali, editoque propoſito ad audiendam ſententiam ad hanc diem: hæc ſancta ſynodus declarat, & diſſinit, eundem Ioannem Vuicleff. notorium hæreticū fuiſſe: & pertinacem in hæreſi deceſſiſſe, anathematizando ipſum, pariter & ſuam

De denunciatione

& suam memoriam condemnando : decernitq; eius corpus & ossa, si ab alijs fidelium corporibus discerni possunt, exhumari, & procul ab ecclesiæ sepultura iactari, secundum canonicas &

Titulus XIX.

135

legitimas sanctiones. Et indices interrogati, an ita placeret, Responderunt, quod placeret. Et approbauerunt omnia prædicta.

De denunciatione

Titulus XIX.

S V M M A R I V M.

- 1 **D**ENŪCIARE quid sit apud Iurisperitos.
- 2 Hæreticos etiam occultos quibus catholicis indicare iudicibus tenetur.
- 3 Lex sacra quid illum facere precipiebat, qui ab alio sollicitabatur, ut dijs alienis seruiret.
- 4 Legis huius verba obseruanda.
- 5 Hæreses esse idola, aiunt diuus Hieronymus & Augustinus.
- 6 Hæreticos occultos indicandos esse, qui authores censeant.
- 7 Authores alij qui censeant hæreticos occultos indicandos esse.
- 8 Leonis magni verba, quibus persuadet occultos hæreticos indicari debere.
- 9 Authores ethnici ex quibus elicitur indicandos esse hæreticos occultos.
- 10 Correctionem fraternam non esse neces-

- sariam ante denunciationem, cum quis hæreticus occultus est, qui authores censeant.
- 11 Correctionem fraternam quando censeant nonnulli adhibendam.
- 12 Hæretici occulti cur corrigendi non sint, sed statim ad iudices deferendi.
- 13 Hæreticum corrigere, priusquam iudicibus indicetur, nulla lex iubet.
- 14 Pauli doctrina, qua docet: hæreticum hominem post unam & alteram correctionem deuota: quomodo interpretanda.
- 15 Hæreticū occultū corrigere, & non prius indicare, charitatis lex non patitur.
- 16 Hæreticos qui non indicauerint inquisitoribus, qua pœna afficiendi.
- 17 Index seu denunciator hæretici, alijs testibus annumeretur.

De denunciatione.

- 1 **D**ENŪCIARE apud Iurisperitos, indicare, manifestare, ac deferre est, atque denunciatores pro iudice vel delatore usurpare.
- 2 Omnes catholici hæreticos, etiam iudicibus indicare tenentur: quia impietas perniciofa est vniuersæ reipublicæ, atque omnium interest, religionem christianam inuiolatam esse.
- 3 Sacra lex ait: Si tibi persuadere voluerit frater tuus, vel filius, vel vxor, vel

- amicus, clā dicens: eamus, & seruiamus dijs alienis, non acquiescas ei, nec audias, nec parcat ei oculus tuus, ut miserearis & occultes eum: sed statim interficies. Sit primum manus tua super eum, & post te omnis populus mittat manum. Deutero. 13.
- 4 Obserua legis verba: nam dogmatistes ille clanculum persuadere volebat, & tamen lex iubet, ut indicetur, & non occultetur. Indicandus autem iudicibus erat, ut ex alia lege satis constat. ait enim: Cum reperti fuerint apud te vir aut mulier, qui seruiant dijs alienis, & hoc tibi fuerit

rit

rit nunciatum, audiensque inquisieris diligenter, & verū esse repereris: lapidibus obruentur, & cetera. [Deuterono. 17.]

- 5 Atque eæ quidem leges (quod ad denunciationem iudici faciendam attinet) in republica christiana proculdubio seruandæ sunt. Nec quisquam putet, eas leges de apostatis duntaxat & idololatriis loqui: nam diui Hieronymus & Augustinus hæreses, aiunt, esse idola: & Vincentius Lirinensis, aliena ab ecclesiæ dogmata, deos alienos esse scribit, vt sub titulo de idololatria referam.
- 6 Quod autem hæretici occulti, iudicibus sint indicandi, magni in primis & præclari viri authores sunt. Hieronymus: Sapientes illi in Christo sunt, qui satisfactione poenitentiae peccata sua, vel errores hæreseos, conuertendo se ad Deum, fideliter confitentur, & authores vel criminum suorum, vel dogmatū manifestant. Augustinus: Hæretico petenti poenitentiae locum, tunc credatur, si & alios, quos illic nouit esse, manifestauerit nobis. Et hæc alibi quoque retuli.
- 7 Ambrosius: In causa Dei, vbi communionis periculum est, etiam dissimulare, peccatum est non leue. Leo magnus: Manichæos vbicunque latentes, vestris presbyteris publicate: magna est enim pietas prodere latebras impiorū, & ipsum in eis, cui seruiunt, diabolū debellare. [Ambro. 2. offi. cap. 24. Leo sermone. 4. de collectis.]
- 8 Idem Leo, sermone quinto de ieiunio decimi mensis: Illud quoque dilectissimi obsecrans moneo, vt si cui vestrum innotuerit, vbi habitent hæretici, vbi doceant, quos frequentent, & in quorum societate requiescant, nostræ solitudini fideliter indicetis: quia parum prodest vnicuique, quod protegente Spiritu sancto, ab istis ipse non capitur: si

cum alios capi intelligit, non mouetur. Contra communes hostes pro salute communi, vna communis debet esse vigilantia, ne de alicuius membri vulnerere, etiam alia possint membra corrumpi: & qui tales non prodendos putant, in iudicio Christi inueniantur rei de silentio, etiam si non cōtaminentur assensu. Assumite igitur religiosę solitudinis zelum, & cōtra sãuissimos hostes animarum, omnium fidelium cura confurgat. Ideo enim misericors Deus quandam nobis partem prodidit hominum noxiorum, vt manifestato periculo excitaretur diligentia cautionis. Non sufficiat, quod actum est, sed eadem inquisitio perseueret: quæ hoc auxiliante Deo consequetur, vt non solum qui recti sunt, incolumes perseuerent, sed etiam multi, qui diabolica seductione decepti sunt, ab errore reuocentur. Hæc ille.

- 9 Et vt Ethnicos quoque memorē: Chæ rōdas Cataneus in procemijs legum, inquit: Honestum habeatur indicare illū, cuius quis facinorū cōsciū est, vt respublica salua sit, multos habens bonæ sue constitutionis custodes. Is vero qui indicat, quamq̃ de genere sibi proximis, bonus & pius æstimetur: nihil. n. est, quā patria coniunctius. Et Plato libro decimo de legibus: Si quis impie quippiam agit, vel loquitur: qui forte præsens fuerit, deos defendat, magistratibus significet: quorum qui primi audierint, ad iudicium harum rerum secundum leges deferant. Quod si quis magistratus audierit, nec detulerit: ipse impietatis reus fiat: & qui velit, pro vltione legum prosequatur.
- 10 Ex quibus omnibus perspicuum est, hæreticum, quantumuis occultum, proptinus esse iudicibus indicandum, neque opus esse vt antecedit fraterna vlla correctio:

rectio : id enim nec legibus commemo-
ratis cautum, nec ab vilo eorum, quos
iam ante laudauimus, relatum est: & multi
præterea Theologi & Iurisperiti magno
consensu tradunt, necessariam non esse
correctionem fraternam ante hanc de-
nunciationem. [Vterque Thomas 2. 2.
quæstio. 33. & quæstio. 70. Aluaror. in
§. credentes. de statut. & consuetu. lib.
feudo. Alberti. lib. de secreto. nu. 82.
Alfon. lib. 2. de iusta hæreti. punit. cap.
25. Soto. lib. de ratione tegendi secretu,
memb. 2. quæst. 4.]

11 Quidam autem putant, eo saltem casu
fraternam correctionem fieri debere,
cum hæreticus fuerit sanabilis, & cor-
rigens vir doctus sit, & magnæ autho-
ritatis: ita vt fere compertum sit, quod
per solam illam correctionem hæreti-
cus resipiscet, ac nulli nocebit: sed ta-
men nihilominus aiunt, non esse fiden-
dum huic correctioni: sed tutius esse, vt
ad inquisitores deferatur. [Nonnulli ex
ante commemoratis, & Canus libro
duodecimo de locis theologicis cap.
9. versus finem.]

12 Cæterum, vt mihi quidē videtur, sem-
per hodie in Hispania hæretici occulti
statim ad inquisitores apostolicos dese-
rendi sunt, nulla præcedente correctio-
ne fraterna. Id enim iustissimis edictis
præceptum est autoritate apostolica,
sub pœna excommunicationis: & qui-
cunque illis non paruerit, peccatum nō
leue committit. Adde quod hæretici
subdoli sunt, & metu pœnæ fingunt se
esse correctos: & perraro solus vnus hæ-
reticus reperitur. Quo fit, vt etiam si
ille tibi corripienti resipuisse forsitan vi-
deatur: alios tamen, quos hæreticos esse
nouit, iudiciis non indicabit.

13 Tum illud addo, nullam esse legem,
quæ iubeat, hæreticum corrigendum,
priusquam iudiciis indicetur. Nam

textus ille euangelij: Si peccauerit in te
frater tuus, & cætera, de peccato con-
tra hominem corripientem commissio,
loquitur, non autem de omni peccato,
ac multo minus de peccato in Deum,
quod corripienti condonare non potest.
Et ita sensus literæ ipsius perspicue do-
cet, salua ratione recti sermonis: & eo
sensu verba illa interpretantur vtrique
glossa, Hieronymus, Chrysostomus,
Hilarius, Ambrosius, Augustinus, Beda,
Rabanus, Theophilactus, Basilus, Gre-
gorius, Tostadus, Faber, Armachanus,
vterque Thomas, & Patres concilij Co-
loniensis, & Bernardinus Areualus, qui
hos omnes, aliosque collegit, libro de
fraterna correctione, conclusione se-
cunda.

14 Nec obstat illa Pauli doctrina: Hære-
ticum hominem post vnam & alteram
correctionem deuota: quia Paulus apo-
stolus non ad quoscunque sententiam
illam dixerit, sed ad Titum episcopum:
ad quem ex officio attinebat, hæreticū
corripere, & per sententiam excom-
municationis vitare. Vnde verbum il-
lud, deuota, significat, fac deuotari ab
alijs, ne per eum cæteri inficiantur, vt
Nicolaus Lyranus ac diuus Thomas
ibidem interpretantur. Itaque Apo-
stolus de correctione a præpositis fa-
cienda loquitur: ad quos quidem per-
tinet, hæreticos admonere, atque cor-
ripere: deinde si correcti non fuerint,
ab ecclesiæ communione separare. Et
hanc quoque veterum theologorum in-
telligentiam illius loci esse, idem Ber-
nardinus, vir summa religione, ma-
gnæ doctrina & autoritate prædi-
tus, testis locuples est. [eodem libro con-
clu. 6. proposit. 6.]

15 Superest igitur, vt hæreticus sola cha-
ritatis lege corrigendus esset: atqui cha-
ritas bene ordinata bonum commune

S præfert

præfert bono particulari: bonum religionis bono temporali: denique bonum animæ bonis corporis & externis: ergo hæreticus, etiam occultus, tamen relapsus videatur, protinus ad inquisitores apostolicos, omiſſa correptione fraterna, deferendus est: non tantum, ne alios sibi ſimiles faciat, ſed etiam ut criminum participes retegat, & ut ipſe cōuertatur, & ab excōmunicatione abſoluatur. Ille hæreticū occidit, qui hæreticum cum eſſe patitur: cæterum noſtra correptione viuificatio eſt, ut hæreſi moriens, viuat catholicæ fidei. Quod & alibi ex diuo Hieronymo retuli. Addo Iansenii in cōcordiā euangelicā, c. 72.

16. Hi ergo qui ſub prætextu correptionis fraternæ occultos hæreticos non indicant inquisitoribus, & hi etiam qui id aliis conſulunt, ut occultatores hæreticorum, & qui officium ſanctæ inquisitionis impediunt, iuſtis pœnis afficiendi ſunt, præcipue improbi: ut malum conſilium peſſimū ſit conſultoribus.
17. Index ſiue denunciator aliis teſtibus annumeratur, quia priuatim eius nō intereſt hæreticum indicare, niſi ut vnus e populo chriſtiano: quo caſu integrum eſt indicis teſtimonium: & ita vtimur. [Abbas & Feli. in c. in omni. de teſtib. Alberti. libro de ſecreto. nu. 177. Zanchi. de hæreti. cap. 13.]

De diſputatione Titulus. XX.

S V M M A R I V M.

- 1 **D**iſputandum publice non eſt cum hæreticis pertinacibus.
- 2 Diſputandū non eſſe publice cum hæreticis ex Pauli epiſtola ad Titū colligitur.
- 3 Diſputationem cum hæreticis alibi Paulus improbat.
- 4 Diſputationes cū hæreticis vitandas eſſe docent etiam Tertullianus, & alij ſancti homines.
- 5 Lutheranorum mos cum argumētis conuincitur.
- 6 Diſputare publice de fide Catholica, & de ijs quæ ſemel definita ſunt, multis cōſtitutionibus atq; decretis prohibiti eſt.
- 7 Diſputare cum hæreticis quando liceat.
- 8 Diſputantes cum hæreticis quo pacto ſe gerere debeant.
- 9 Diſputare quomodo debeant inter ſe riri Catholici.
- 10 Scribentium in hæreticos laus.

De diſputatione

1



Cum hæreticis pertinacibus non eſt publice diſputandum, quia non ſunt parati ad ſuſcipiendam ſanam doctrinam, ſed contentionibus quærunt occaſionem, ut ſuas hæreſes probabiles vulgo reddāt. Ideo Paulus prohibet hāc diſputationem dicens: Noli verbis contendere, ad nil

enim vtile eſt, niſi ad ſubuerſionem audientium. Et ad Corinthios ſcribens inquit: Si quis videtur eſſe contentioſus, nos talem conſuetudinem non habemus, neque eccleſia Dei. Petrus quoque apoſtolorum princeps apud Clementem lib. 3. recognitionū inquit: Nil eſt diſcilius, (adde etiam nec periculoſius, & inutilius) quā de veritate apud permiſti populi multitudinem diſputare. Et rurſus

Et rursus idem lib. 8. apud eundem ait: In his, quæ humanis argumētis de fide, aut rebus diuinis tractantur, firmū nil esse potest: quis enim sermo est, qui nō recipiat contradictionem? & quæ argumentatio est, quæ non possit alia argumentatione subuertere? & inde est, quod ad nullum finem scientiæ & agnitionis per huiusmodi disputationem peruenire homines possunt, priusque fines vite inueniunt, quam quæstionum: oportet igitur in captiuitatem redigere intellectum in obsequium Christi, & non humanis ratiunculis & argumentis herere. [2. Timo. 2. & prioris epist. ad Corin. cap. 2. & posterioris ad eodem. c. 10.]

2. Hoc quoque ad Titum scribens Paulus non obscure prohibet, inquit: Hæreticum hominē post primam & secundam correctionem deuita, sciens quia subuersus est, qui huiusmodi est, & peccat, cum sit proprio iudicio condemnatus. Post correptionem dixit, non post vnam & alterā disputationē: nec enim est nobis cum illo disputandum, quem vitare debemus, quem scimus esse subuersum, & suo ipsius iudicio damnatū. Quæ Apostoli verba diuus Hieronymus interpretans, inquit: Quare autē post primam & secundam correptionē deuitandus sit, reddit causas dicens, quod subuersus est eiusmodi, & peccat, cū sit a semetipso damnatus: qui enim semel bisque correptus audito errore suo non vult corrigi, errare existimat corrigentem: & e contrario se ad pugnas & iurgia verborum parans, eum vult lucrifacere, a quo docetur. Propterea vero a semetipso dicitur esse dānatus: quia fornicator, adulter, homicida, & cætera vitia, per sacerdotes de ecclesia propelluntur: hæretici autem in semetipsos sententiam ferunt, suo

arbitrio de ecclesia recedentes: quæ recessio, propriæ conscientię videtur esse damnatio. Eadem quoque verba explicans alibi Ambrosius, & hæreticum Iudæ conferens, ait: Ipse enim se damnat hæreticus, cum de ecclesia ipse se proicit, & de cœtu sanctorum nullo compellente procedit: ipse enim ostendit quid mereatur a cunctis, qui suo iudicio separatur a cunctis. Ipse inquam se damnat hæreticus, quia cum omnes criminosi, episcopi sententia proiciantur de consortio christiano, hæreticus cuncta præueniens, sententia suæ voluntatis abiicitur: tali inquam hæreticus, quali Iudas pœna damnatur, vt idem sui, & reus sit sceleris, & iudex sit vltionis. [epist. ad Titum cap. 3. & illic Hierony. Ambrosius ferm. 50.]

3. Eandem disputationem improbat alibi Apostolus dicens: Si quis aliter docet, & non acquiescit sanis sermonibus Domini nostri Iesu Christi, & ei, quæ secundum pietatem est, doctrinæ superbus, nihil sciens, sed languens circa quæstiones & pugnas verborum, ex quibus oriuntur inuidiæ, contentiones, blasphemiæ, suspensiones malæ, conflictationes hominum mente corruptorum, & qui veritate priuati sunt, existimantes quæstum esse pietatem. Sunt quippe hæretici isti, cum quibus disputare prohibemur, de quibus idem Apostolus alia in epistola scribit: Mali homines, & seductores, qui proficiunt in peius, errantes, & in errorem mittentes. Sapientissime igitur maiores nostri in decimoquarto concilio Toletano dixerunt: Caueamus hæreticorum muscipulas: non nobis inanium quæstionum tendicula præparemus, quibus inanis gloriæ cupidi, discutere audemus, quæ summa sunt: nec enim quæ sunt diuina, discutienda sunt, sed

credenda: non enim se Deus discutere iubet, sed credere. Credimus ergo non sensibus nostris, sed indubitatis conciliorum priscorum dogmatibus. [1. Tim. vlti. & 2. ad eundem cap. 3. concilio Toletano decimo quarto, cap. 10.]

4. Ad hæc, Tertullianus libro de præscriptionibus aduersus hæreticos, eleganter docet, vitandas esse disputationes istas, post alia dicens, quod huiusmodi disputationibus, non modo non conuertuntur hæretici, sed audaciores etiam redduntur: & in ipso congressu firmos quidem fatigant, infirmos capiunt, medios cum scrupulo dimittunt. Chrysostomus quoque in Matthæum scribit: Malitia frequenter quidem vincitur, nunquam autem placatur. Audi ergo homo fidelis, qui contra hæreticum libenter contendis, Si pharisæi victi placati non sunt: & tu certando contra hæreticum potes eum placare, cum vinceris? nunquid fortior Christo es, & quos ille non placauit, tu placabis? Et Sisinius, apud Socratem lib. 9. hist. tripar. Imperatori Theodosio prudentissime consuluit, vt ne cum hæreticis disputari permitteret: quia disputatio non solum schismata non vniret, sed etiam hæreses ad contentiones maiores adduceret: vn de paulo post cognouit Imperator confusionem hæreticorum, & quod in disputatione solummodo, & non in antiquis expositionibus confidebant. Et vt inquit Augustinus contra Faustum: Non disputare amant hæretici, sed quoquo modo superare impudentissima pertinacia, vt congregent quæ non pepेरerunt. Ad postremum, diuus Bernardus eleganter & vere super cantica inquit: Nec rationibus conuincuntur hæretici, quia non intelligunt: nec auctoritatibus corriguntur, quia non recipiunt: nec flectuntur suasionibus, quia subuer-

si sunt. Probatum est, mori magis volunt, quam conuerti: horum finis interitus: horum nouissima incendium manet. Prætereo multa in eandem sententiam, quæ Gregorius, Leo Magnus, alijque tradiderunt. [Chrysost. in Math. hom. 42. operis imperfecti. col. 8. lib. 9. histo. tripar. cap. 19. August. lib. 13. contra Faustum cap. 12. Bernardus super cantica homilia. 66. Gregorius lib. 8. moralium, cap. 2. Leo tribus epist. 48. & 73. & 76. Nicephorus lib. 8. eccle. histo. cap. 13.]

5. Cum lutherani, alijque huius temporis hæretici, argumentis deprehenduntur, mirum est vt se expediant dicendo: nam sicuti quidam eleganter scripsit. Primum lingua implacabiles sunt, deinde more Parthico fugitiuam pugnam exercent, iaculantur verba, clamant, vociferantur, viros se euangelicos dicunt, cæteros sophistas obstreperos, boues cyprios, asinos anthronios, sues boeticas, pecora archadica: ne multa, fungos & lapides appellant. Quod si verbis diuinæ scripturæ eos premas, statim mendosum esse codicem, sinistrequē versum, homines atq; deos ingenti clamore testantur: quærunt exemplaria græca, ex græcis in hebraica, ex hebraicis in chaldaica desultoria leuitate deliliunt. Quæ si paululum aduersa animo reperiant, continuo deprauata esse omnia queruntur, lacera, hiulca, dissidentia, lacunosa: typographos maledictis incessunt, accusant gratem, characteres emendant, hisque flexibus totam scripturæ veritatem eludunt. Quæ cum ita sint, ne in concilijs quidem vniuersalibus est cum hæreticis disputandum: nam vt noster Sepulueda quadam in epistola scribit: Religionis morumque summam in huiusmodi controuersia paucorum doctorum hominum disputationi,

tationi, & quasi certamini equatis vtrinque classibus, pontificis maximi voluntate permitti, nonne simile est, ac si quos capitalium, & manifestorum scelerum reos, quos liceat iustissimis legibus grauissimis, & cum summa auctoritate damnare, summus magistratus sic suam causam agentes audiat, ut crimina plane confessi, in leges receptas, sacrosanctasque argute disputent, & cum iustitia & innocentia virtutes omnes in discrimen vocent? easdemque de veteres sua, paternaque possessione, iudicibus quoque damnatis, pellere nitantur? Adde quod isti principia fere omnia theologica negant: & contra negantes principia disputandum non esse, perspicuum est. [Canus lib. 3. de locis theologicis cap. 2.]

6 Multis constitutionibus atque decretis prohibitum est, ne quispiam publice de fide catholica disputare audeat: nec ea, quae semel definita sunt, iterum in dubium reuocet. Nam iniuriam facit legumlatori, qui semel iudicata, & recte disposita reuoluere, & publice disputare audeat. Quod si decreta salubriter cuiquam liceret iterare, nullum contra singulos quoque prorsus errores stabile persisteret ecclesiae constitutum: ac semper ipsidem furoribus recidiuis omnis integra definitio turbaretur, quemadmodum Gelasius ad episcopos Dardaniae sapienter scripsit. Non igitur verbis & disputatione agendum est cum pertinacibus impijs, sed vinculis, & carcere, & igne. [1. 3. C. de summa Trini. l. 2. de his, qui super religione contendunt. C. Theodo. actio. 3. & 6. concilij Chalcedonen. c. 2. §. 1. de haeret. lib. 6. regia. l. 46. tit. 5. parte. 1. cap. maiores. 24. q. 1. Eusebius lib. 12. prepar. euang. cap. 1. Ficinus libro de religione christiana cap. 3. Brunus lib. 6. de haeret. cap.

8. Albert. lib. de agnoscent. assertio. catholi. quaest. 13. Sepulveda epistola. 31. Godofre. in l. vlti. C. de haeret.]

7 Interdum tamen licet cum haeticis disputare, ut gloria Dei manifesta fiat, & veritas catholicae fidei defendatur: postremo ut haetici confundantur, & conuertantur. Quamobrem Paulus ad Titum scribens ait, oportere ut episcopus doctus sit, ut exhortari sciat in sacra doctrina, & eos qui contradicunt arguere possit. Vnde ipsemet Paulus, sicut in actis apostolorum traditur, cum Iudaeis & Gentibus ardentissime disputauit: verum ea disputatio fieri debet coram doctis tantum viris: & necessaria sunt ad eam rem, causa, locus, tempus, modus, & aliae circumstantiae iustae. Quemadmodum Hermas & Brunus luculenter docent. [Ad Tit. 1. actio. 17. Hermas li. 2. de instauran. religio. cap. 7. & deinceps. Brunus lib. 3. de haeret. cap. 12. cum seq. Bernardus super cantica sermone. 64.]

8 Illud autem videtur esse praecipuum in his, qui disputare debent cum haeticis, ut non solum argumentorum subtilitate, sed etiam fidei simplicitate nitantur: ea enim ipsos etiam disputantium animos potenti quadam virtute rapit & impellit: quod exemplis memorabilibus confirmant Rufinus [lib. 10. ecclesiasticae historiae cap. 3. Nicepho. lib. 8. cap. 15. & lib. 15. cap. 23. & historiae tripartitae lib. 2. cap. 3. & deinceps Brunus lib. 3. de haeret. cap. 12.]

9 Viri autem catholici, ut eruditiores ac disertiores fiant, licite inter se disputare possunt de quibuscunque rebus: quia eorum intentio iusta est, & habet circumstantias debitas. Non tamen vocare debent in dubium veritates fidei, nec publice disputando defendere propositiones haeticas, aut scandalosas, nec illas,

illas, quæ vires excedunt audientis populi, & in quibus errari facile potest. In summa publice disputandum non est de rebus diuinis irreligiose aut pertinaciter, nec scurriliter aut procaciter: nec ita vt iuxta Publij Mimi senariolū, nimium disputando veritas amittatur. Quod Origenes sapienter admodum improbat. Cicero libro secundo de natura deorum inquit: Mala & impia cōsuetudo est contra deos disputandi, siue ex animo id fiat, siue simulate. [Origenes in Exodum homilia. 10. Macrobius lib. 2. saturn. Gellius lib. 17. cap. 14. Pet. Crinitus li. 2. de poetis latinis cap. 24.]

10 Sed quamuis non semper liceat cum hæreticis disputare, semper tamen laudabile est, contra hæreticos pie, docte,

ac prudenter scribere: quod sanctissimi & eruditissimi viri cum magna ecclesiæ vtilitate, multis voluminibus semper fecerunt. Beatos ille putauit eos, quibus deorū munere datum esset, aut facere scribenda, aut scribere legenda: beatissimos vero, quibus vtrunque: ego autem illos iudico longe beatiore, qui pro fide catholica tuenda, & extirpandis hæresibus, pie atque erudite scripserunt. Cætera quæ hic dici possent, apud alios fusius frequenter inuenies. [Plinius Tacito lib. 6. epist. Stobæus sermone de imprudentia. Gerson de laudibus scriptorū. Alex. 2. parte quest. 140. Tho. & Caieta. 2. 2. q. 10. art. 7. Ecchi. in enchiridio capite 28. Alfonso lib. 1. de iusta hereti. punit. c. 19. cū seq.]

De diuinat. & reuelat. Titulus XXI.

S V M M A R I V M.

- 1 **Q**uid sit diuinatio, & quo modo per naturam haberi non possit.
- 2 Proponuntur causæ præcognitionis rerū futurarum.
- 3 Præcognoscere futurorum euentum, solius Dei est.
- 4 Præterita & futura præcognoscere opus Dei est, & humanæ prudentiæ capium excedit.
- 5 Nature suæ subtilitate, & longa rerum experientia, aliqua euentura demones prænoscent.
- 6 Dubitandum non esse, vaticinia, incantationes, diuinationes, per demones hominibus concedi.
- 7 Quo pacto pestiferas diuinationis artes demones docere soleant.
- 8 Quibus noxijs artibus demones, hominibus curiosis illuserint.
- 9 Quibus in rebus uani homines diuinabantur.
- 10 De diuinationibus inquisitores apostolici cognoscere nequeunt.
- 11 Cum rebus sacris diuinatores abutuntur, ipsorum cognitio ad iurisdictionem inquisitorum pertinet.
- 12 Qui demones vocant ad cognoscenda futura, tanquam hæretici ab inquisitoribus sunt puniendi.
- 13 Aduersus eum qui demonem inuocat, ad tentandam pudicitiam mulieris, tanquam contra vehementer suspectum inquiri poterit.
- 14 Qui ea quæ sunt homini cognitu impossibilia, inspectione syderum diuinant, puniri possunt.
- 15 Qui presentia vel præterita occulta reuelant, puniendi sunt.
- 16 Sacrificijs paganorum vtentes, et qui hærespicem, aut ariolū consulunt, acerbiori supplicio sunt puniendi.
- 17 Inuehitur Pacuuius, in eos qui linguam animum intelligunt.

18 Quidquid

- 18 Quidquid dixerint physiognomonicī, circulatorum vates, manuspices, putandū est falsum. aut improbi, vt in exēplo demonstratur.
- 19 Homines res futuras presagientes, nequaquam consulendi sunt.
- 20 De pœna quam Deus ponit magis, ariolis, aruspibus.
- 21 Quibus supplicij debeāt puniri, vaticinatos qui se Deo plenos assimulant.
- 22 Illicita perscrutantes finem aliene salutis inquirentes, qua pœna puniantur.
- 23 Quibus panis inquisitores debeant afficere diuinatores.
- 24 Suspecte debent esse reuelationes fatui, aut improbi, vt in exēplo demonstratur.
- 25 Quibus de causis reuelationes, maiori ex parte mulieres quam homines habere soleant.
- 26 Reuelationes illę, quę sacra scriptura nō probantur, presertim cum supernaturalis sint, suspectę esse debent.
- 27 Adducuntur aliquot signa quibus pseudopropheta cognoscatur.
- 28 Quibus signis cognoscantur reuelationes quę a Deo proueniunt.
- 29 Reuelationes inutiles a Deo non sunt, ideo pseudoprophete examinandi & puniendi sunt.

De diuinatione & reuelatione.



HRYSIPPVS diuinationē esse definit, vim cognoscentem, videntem & explicātem signa, quę a dijs hominibus portenduntur.

Et Cicero, Diuinitas est, inquit, earum rerum, quę fortuite putantur, prædictio atque præsentio. Sed hæc fallax prophetia, est iniusta usurpatio cognitionis futurorum euentuum, vel præteritorum, aut præsentium occultorum: & enunciatio eorum, quorum notitia per naturam haberi non potest, nec ab ipso Deo reuelata est. [Caiet. in summa. verbo. diuinitas. Alfonso lib. 1. de iusta hæret. punit. cap. 13.]

2 Causę autem futurorum tripliciter se habent. Quędam enim producunt suos effectus semper & necessario: quāobrem prænosci possunt ex cōsideratione suarum causarum: & hoc modo prædicunt astrologi eclipses futuras. alię vero causę producunt effecta non semper, sed plerunque: & ideo illarum effectus prænosci non queunt certo, sed probabiliter: quemadmodum astrologi per con-

siderationem stellarum prædicunt nōnunquam pluuiam, vel siccitatem: & medici ex signis morborum plerunque cognoscunt mortē ægroti, vel sanitatē.

3 Alię sunt causę quę non habent operationes certas & vniiformes, & ideo effectus harum prænosci non possunt per cōsiderationē causarum, nec præsciri queunt, nisi in se ipsis considerentur: quod solius Dei est, qui vt inquit, Paulus epistolę ad Romanos cap. 4. vocat ea quę non sunt, tanquam ea quę sunt. Quāobrem nemo potest usurpare cognitionem futurorum euentuum, nisi dæmonis arte. [Augusti. lib. 10. de ciuita. Dei cap. 12. & lib. 11. cap. 21. Alex. Ales. 2. parte quęst. 184. Thomas. 2. 2. q. 95. & opusc. 26. de iudicijs astrorum. plenius Michael Medina lib. 2. de recta in Deum fide cap. 1.]

4 Multa hominis afflictio (inquit ecclesiastes cap. 8.) quia ignorat præterita, & futura nullo scire potest nuncio. Et Esaias cap. 41. Annunciate quę ventura sunt, & sciemus quia dijestis vos: & Isocrates oratione contra sophistas: Omnibus perspicuum esse arbitror, futurarum

turarum rerum prænotionem non esse nostri ingenij, sed humanę prudentiæ captum vsque adeo excedere, vt Homerus, opinionem sapientiæ maximam cõsecutus, etiam Deos interdum de futuris deliberantes introduxerit. Et Chrysostomus in euāgeliū Ioannis homil. 18. Hoc vel maxime Dei opus est, quod neque dæmones imitari possunt, quamuis maiorem in modum adnitantur. In miraculis enim sæpe sub veritatis ymbra decipi possumus. Prædictio futurorum immortalis Dei duntaxat opus est.

Quod si quando dæmones aliquid prædixerunt, stultum & incautum vulgus deceiverunt: eorum namque vaticinia passim falsa deprehenduntur. Et inibi Theophylactus cap. 1. Maxime potens est prophetia, & efficacior miraculis ad alliciendum quosdam ad fidem: dæmones enim etiam possunt miracula simulare, & apparenter facere: præscientiam autem futurorum, & prædictionem eui dentem nullus habet, neque angelus, & quanto minus dæmones? addo Pacuuium illud: Si qui, quæ euentura sunt, præuideant, æquiparent Ioui.

5 Dixerit fortasse quispiam: Si dæmones futura non præuident, qui sit, vt nonnunquam diuinatores euentura prædixerint? nam ea quæ dæmones ignorant, non possunt docere diuinatores. Cui respondet beatus Augustinus, libro de diuinatione dæmonum; quod naturæ suę subtilitate, & longissima rerum experientia, & nonnunquam bonorum angelorum reuelatione, prænoscent dæmones aliqua euentura, quæ suos discipulos ad eorum & aliorum perditionem docere solent. [c. sciendum. 26. q. 4. Lactantius lib. 2. diuina, institut. cap. 17.]

6 Igitur dubitari non potest, quin dæmones sint authores diuinationū: quod

& Plato non ignorauit, qui fatetur in Conuiuio, vaticinia, incantationes, diuinationes & magiam, per dæmones hominibus concedi, atq; idipsum Apuleius confirmat, libro de Deo Socratus. Et Origenes in librum Iob, inquit: Diabolus est author diuinationis, & naturę subtilitate atque agilitate nonnunquam futura reuelat. Maleficia, auguria, diuinationes, phylacteria, & incantationes, diaboli sunt seductiones: dæmonū sunt irrisiones: idololatriæ sunt fax: animorum insatiatio, atque cordium scandalum. [Vide illum lib. 1. in Iob, colu. 40. & sup Numeros, homil. 13.]

7 Pestiferas autem diuinationis artes dæmones docere solent eos, quos vident esse curiosos præsciendi futuros euentus: nam vt Basilus inquit, concione habitata in Iacizis: Multiformes sunt diaboli veritatis: ad quod procliuiorem viderit, ad illud proprijs inescationibus vitur. Et vt Leo, Isidorus, Bernardus & alij tradunt, ex ea parte hominem diabolus tentat, ex qua eum per excrecentem humorem facile ad vitia inclinari conspiciat. [Leo sermone. 7. in natiuitate Domini. Isidorus lib. 3. de summo bono cap. 5. Bernardus lib. de ordine vitæ, prope finem. Chrysostomus in priorē Pauli epistolæ ad Thessalō. homil. 9.]

8 Vnde factum est, vt mille noxijs artibus dæmones hominibus curiosis & prauis illuserint, pollicentes futurorum cognitionē varijs modis: per peluim enim fiebat vaticinatio, quam lecanomantiā appellant: accipiebant vaticinantes peluim aqua plenam, & carminibus quibusdam adhibitis dæmones in peluim attrahebantur, & in ipsa vnda oberrantes exilem sibilum infusurrabant, quo futura prænosci possent. Hi enim spiritus vocem prætenuem emittunt, quo ipsi dæmones minus intelligantur, & obscurita-

obscuritate rei facilius hominum votis imponant. [*Per. Crinitus lib. 6. de honesta disciplina cap. 11.*]

9 Diuinabant quoque vani & impij homines per ignem & fumum, per aues, per colloquia mortuorum, per arreptivos, per iudiciariam astrologiam, per magiam, per sortilegia, & per mille alia inania signa. Sed ea omnis diuinatione ex operatione dæmonū provenit: vel quia expresse dæmones ad eam rem inuocantur, vel quia illi se ingerunt vanis investigationibus, ut mentes hominum erroribus imbuantur, & vanitatibus implicentur. [*August. sermone. 241. de tempore. c. igitur. 26. q. 4. Alex. Ales parte. 2. q. 185. Tho. 2. 2. q. 95. Cælius lib. 2. lectio. antiqua. cap. 13. cum seq. Barto. Sybilla in speculo peregrina. quæstionum decadis. 3. cap. 9. quæstio. 2. Michael Medina lib. 2. de recta in Deū fide cap. 7.*]

10 Inquisitores apostolici de diuinationibus cognoscere nequeunt, nisi hæresim sapiant manifeste: sed ipsos diuinatores relinquere debēt suis iudicibus puniendos. Hoc tamen sic accipiendum est, ut tunc demum diuinatores ab inquisitoribus non puniantur, cum illi sola animi leuitate diuinant: id enim non tam hæresis est, quam phrenesis. [*c. accusatus. §. sane. de hæreti. lib. 6.*]

11 Nam si sacramentis, aut rebus sacris diuinatores abuterentur, aut nefarijs precibus dæmones inuocarent, aut funesta sacrificia illis offerret, aut pacta cum eis facerent, ad iurisdictionem inquisitorum pertinerent: tum quia ista hæresim sapiunt: tum etiam quia, ut Alexander Theologus inquit, hi qui talia committunt, facile a dæmonibus trahuntur ad infidelitatem. [*Alex. Ales parte. 2. q. 184. cap. igitur. 26. q. 3. & in summa eiusdem causæ. q. 5. Caieta. 2. 2. q. 95.*]

arti. 3. *Alfon. lib. 1. de iusta hæreti. puni. c. 13.*]

12 Hi quoque qui dæmones inuocauerint ad cognoscenda futura, puniendi sunt ab inquisitoribus tanquā hæretici: quia dæmonibus tribuunt id, quod solius Dei est. Et ut ait Gratianus, Est quoddā genus culturæ idolorum ex dæmonum consultationibus futura prædicere. Nā qui futura ex dæmonū cōsultatione, vel quibuslibet prestigijs inuenire laborāt, hi diuinitatis iura creaturis attribuunt. Futura enim prænosce solius Dei est, qui in sui conteplatione etiam angelos interdū illa præscire facit. Vnde Esaias inquit: Priora & nouissima annunciate mihi, & dicam, quod Dij estis. [*In summa. 26. q. 5.*]

13 Sunt autem qui dicant, non fore hæreticum eum, qui dæmonem inuocaret ad tentandam pudicitiam alicuius mulieris, vel ad aliud facinus non alienum a potestate dæmoniorum: nam, ut aiunt, si se dæmoni non subiiciat, nec hæresim misceat, cum non habeat intellectus errorem, non erit hæreticus. Sed quamuis hæc ita sint, tamē aduersus eum inquiri poterit, tanquam contra vehementer suspectum: ea enim ad apostasiam & infidelitatem pertinent. [*Vterque Thomas. 2. 2. q. 95. cum seq. Fran. Picus lib. 4. de rerū prænotione cap. 7. Oldra. consil. 210. Domi. & Philip. in. c. accusatus. §. sane. de hæreti. lib. 6. Squilacen. de fide catho. cap. 8. cū seq. Alfon. lib. 1. de iusta hæreti. puni. cap. 13. Bartholomæus Spineus apologia. 4. in Ponzinibium, qui præ alijs est videndus.*]

14 Astrologi, & hi qui syderum, & natalium dierum inspectione diuinant ea, quæ sunt homini cognitu impossibilia, suspectissimi sunt de societate dæmonum expressa vel tacita: quamobrem comprehendere & puniri possunt ab in-

quisitoribus . Nam & si nonnunquam vera prædicant: id tamen Deus fieri permittit ad tentandos eos, quos ita erudiri opus est, vel decipi iustum est. [c. sed & illud. 26. q. 2. cap. igitur. q. seq. Eusebius lib. 14. præparat. euangelicæ cap. 4. Augustinus lib. 2. de doctrina christiana capite 21. Gerson in trilogio astrologiæ propositione. 11. cum seq. & in tractatu de respectu cælestium syderum. Ioan. Picus libris contra astrologos. Alciat. in. l. 5. de verbo. signifi. Casseneus in catalogo, parte. 10. consideratione vlti.]

15 Illi præterea puniendi sunt ab inquisitoribus, qui præsentia vel præterita occulta reuelant, quæ ab eis tunc naturaliter sciri non potuerunt, ea enim dæmone suggerente nouerunt. Hi fere sunt, qui diuinant, ubi sit res aliqua furto subtracta, & qui eodem die quo aliquid gestum est in longe distantibus locis, id ipsi enunciant ac si præsentis fuissent: qui quidem interrogandi sunt ab inquisitoribus, vnde talia nouerint, & confessi vel conuicti coercendi sunt, vt socij demoniorum.

16 Extat lex Theodosij in codice Theodosiano, sub titulo de sacrificijs paganorum, cuius hæc sunt verba: Ne quis mortalium ita faciendi sacrificiū sumat audaciam, vt inspectione iecoris, extorumque præfagio vanæ spem promissionis accipiat: vel, quod est deterius, futura sub execrabili consultatione cognoscat: acerbioris enim imminebit supplicij cruciatus ei, qui contra vetitum præsentium vel futurarum rerum explorare tetauerit veritatē. Et alia lex ait: Nemo aruspice consulat, aut mathematicū, nemo ariolum: Augurum & Vatum praua confessio conticescat. Chaldei ac Magi & ceteri, quos maleficos ob facinorum magnitudinem vulgus appel-

lat, nec ad hanc partem aliquid moliuntur. Sileat omnibus perpetuo diuinandi curiositas. Etenim supplicium capitis feret, gladio vltore prostratus, quicumque iussis nostris obsequium denegauerit. [l. nemo. C. de maleficijs.]

17 Contra hos fallaces diuinatores inquit Pacuius: Istos qui linguam auium intelligunt, plusque ex alieno iecore sapiunt, quam suo; magis audiendum, quam auscultandum censeo. Et Blondus lib. 1. Romæ triumphantis, sordidissimos fuisse, ait, gentium deos, qui in iecorum & viscerum sterquilinio sua occultauerunt consilia, hominibus ab infans sacrificulis manifestanda. Et Cicero lib. 2. de diuinatione retulit vetus illud Catonis admodum scitum, qui mirari se aiebat, quod non rideret aruspex, aruspice cum vidisset. Quota enim res quæq; euenit prædicta ab istis? aut si euenit quippiam, quid afferri potest, cur non casu id euenerit?

18 Multa quidem vanissima dixit Artemidorus, sed hæc recte scripsit: Quæcunque dixerint Pythagorici, Physiognomnici, talorum vates, ignium vates, circularum vates, cribrorum vates, formispices, manuspices, peluium vates, mortuorum vates, ea omnia falsa, & nullo fundamēto nixa putare oportet. Nam ipsorum artes tales sunt: atque ipsi ne minimum quidem vaticinationis sciunt: verum prestigijs illudentes & defraudantes, exuūt ac denudant obuenientes. Vani sunt atque deceptores hi omnes, & quidquid tandem dixerint, mentiuntur. [Hæc ille libro. 2. de somniorum interpretatione cap. 17.]

19 Phauorinus philosophus, vt apud Gellium est, horum omnium insaniam confutauit, & tandem nullo pacto aduocandos eos, aut consulendos esse, huiusmodi

iusmodi argumentis lepide concludebat. Aut aduersa euentura dicunt, aut prospera. Si dicunt prospera, & fallunt, miser fies frustra spectando: si aduersa dicunt, & mentiuntur, miser fies frustra timendo: si vera respōdent, ea quę sunt non prospera, iam inde ex animo miser fies, antequam e fato fias: si fœlicia promittunt, ea quę euentura sunt, tum plane duo erunt incommoda, & spectatio te spei suspensum fatigabit, & futurum gaudii fructum spes tibi iam deflorauerit. Nullo igitur pacto vtendū est istiusmodi hominibus res futuras præfagientibus. Quamobrem Eusebius quoque docet inutilem prorsus esse diuinationem. [lib. 4. de præpar. euang. cap. 2. Gellius lib. 14. cap. 1. Crinitus lib. 8. de honesta disciplina cap. 9.]

20 De pœna istorum in Leuit. cap. 20. legitur: Anima quę declinauerit ad magos & ariolos, & fornicata fuerit cum eis, ponam faciem meam contra eam, & interficiam illā de medio populi sui. Et paulo post: Vir, siue mulier, in quibus pythonicus, vel diuinationis fuerit spiritus, morte moriantur, lapidibus obruent eos, sanguis eorum sit super illos. Et Phyllo lib. 1. de monarchia, inquit: Moses veritatis amator, atque magister, cum sciret, idololatriam non mediocriter foueri prauis diuinationibus, totum hoc genus auersatur maxime, diuinos cunctos arcens in perpetuum a sua repub. sacrificos, expiatores, aruspices, prodigiorum procuratores, incantatores, & fortilegos. Omnes enim hi coniecturis ducuntur in speciem probabilibus, easdem res aliter atque aliter interpretando, tum quia subiectū eorum non habet naturam stabilem: tum quia ipsi carent ratione accurata examinandi conceptus suarum mentium, impietatis apparatus isti sunt: qua-

re? quia qui attendit his, & obsequitur, credens hinc pendere bona malaque, contemnit authorem rerum omnium: nec intelligunt, se vitæ curas committere incertissimis alituum motibus per aerem vltro citroque volitantium, & reptilium e terrę cauernis quęrendi sibi causa proreptantium: item visceribus pecudum, cruori, & cassis anima cadaueribus collapsis, vt mutantur in deterius, & cætera.

21 Iulius Paulus lib. 5. receptarum sententiarum, tit. de vaticinatoribus, inquit: Vaticinatores, qui se Deo plenos aīsimulant, idcirco a ciuitate expelli placuit, ne humana credulitate publici mores ad spem alicuius rei corrumpere, vel certe ex eo populares animi turbarentur, ideoque primo fustibus cæsi ciuitate pelluntur: perseuerantes autem in vincula publica conijciuntur, aut in insulam deportantur, vel certe relegantur. Et post aliqua: Qui de salute principis, vel de summa reipub. mathematicos, ariolos, aruspices, vaticinatores, consulit, cum eo qui respōderit, capite punitur.

22 In codice legum Theodosij extat lex notatione digna, cuius hæc sunt verba: Si quispiam spirantia extra consulere audebit, ad exemplum maiestatis reus licita cunctis accusatione delatus, excipiat sententiam competentē, etiā si nihil cōtra salutē principū, aut de salute quæsierit. Sufficit enim ad criminis molē naturæ ipsius leges velle rescindere, illicita perscrutari, occulta recludere, interdita tentare, finē quærere salutis alienæ, spem alieni interitus polliceri. Legibus quoq; regijs pœna capitis huiusmodi scelera coercetur. [l. 1. 2. titu. de paganis lib. 16. C. Theod. l. 3. cū sequētibus. C. de malef. regię leges septipartitę. tit. 23. parte. 7. & tit. 4. lib. 8. ordinatio.]

- 23 Inquisitores autem pœnis iuris pontificij diuinatores istos afficient, anathemate, penitentia quinquennii, dignitatum suspensione, monasterij carcere, verberibus, alijsque supplicijs, prout cuiusque crimen postulare videbitur. [26. q. 2. cap. illud. cum seq. cap. 1. & deinceps. 26. q. 5. cap. admoneant. cum seq. 26. q. 7.]
- 24 Nec defunt diuinatores fatui, aut improbi, qui diuinas reuelationes habere se dicant, aut fingant, quæ quidem prudentissimo cuique debent esse vehementer suspectæ: nec enim bonorum angelorum sunt reuelationes, sed pessimorum demonum illusiones: cuius rei superioribus annis Cordubæ visum est exemplum cunctis seculis memorandum. Quædam enim puella ex agro Cordubensi, a teneris vnguiculis in cœnobio arctissimo & religiosissimo eiusdem ciuitatis inclusa, tanta sanctitatis specie fulgebat, vt ab omnib⁹ putaretur esse sanctissima: quæ multa in dies vera prædicebat, & multa passim signa faciebat, & continuis pene reuelationibus affluebat: vsque eo, vt ciues meos Cordubenses, viros quidem sagaces & cautos, per triginta, & eo amplius annos, mire suspensos sui admiratione teneret. Nec eos duntaxat sefellit, sed omnes fere christiani orbis principes eadem simulatione decepit: donec tandem graui valetudine affecta, dæmonem illum, cuius pestifera societate omnia illa faciebat, omnipotentis Dei gratia reuelauit, ne populo christiano diutius illuderet. Ipsaque ab inquisitoribus comprehensa, & ad sinū ecclesiæ restituta, in aliud cœnobiū detrusa, vitam pie ac religiose transegit.
- 25 Plerunque has reuelationes habere solent mulieres fatuæ vel improbæ: cuius rei tres causas afferre solent. Vnam,

quia scemine humidiores sunt, quam viri. Humidum vero aptius est ad suscipiendas figuras, & impressiones, atque imaginationes. Alteram, quia mulieres minus prudentes sunt: quamobrem cū finguntur eis vanæ species & apparitiones atq; visiones, nō habēt fortitudinē, aut constantiam ad resistendum. Tertiam, quia magis quam viri affectibus abundant: & vt Aristoteles tradit lib. de somno & vigilia: Hi qui sunt in passionibus, ad modicam similitudinem mouentur, & facile credunt id esse verum, quod illis ita esse apparet. Quod non ignorantes dæmones sapius sceminis, quam viris, vanas reuelationes suggerunt. [Barto. Sybilla in speculo peregrinarum quæstionum, decadis primæ cap. 8. quæst. 2.]

- 26 Richardus de sancto Victore suspectas esse ait reuelationes illas, quæ sacra scriptura, aut ratione manifesta non probentur, præsertim cum supernaturalia, vel occultissima reuelata fuerint. Tum illud addo, non esse diuinas eas reuelationes, quæ inutiles sint, vel de rebus leuioribus & ad salutem animarum non pertinentibus. Nec enim verisimile est, Deum talia reuelaturū. Tum addo, quod multi subdoli doctores hæretici, & pseudopropheta reuelationes suas iactare solent. [Richar. in minore Be-niamin cap. 81. & in cantic. expositione cap. 21.]
- 27 Duo traduntur in Deuteronomio, quibus pseudopropheta cognosci possit. Primum, quod in nomine Domini propheta prædixerit, & non euenerit, hoc Dominus non est locutus. Alterum est, cum portentum, quod propheta locutus est, euenerit: sed tamen ille a lege Dei recedit: tunc. n. falsus propheta est, quia impossibile est Deū mēiri: nec Deus impijs futura reuelat. [Deute. 18. & 13.]

28 Diuus quoque Petrus, apud Clementem lib. 4. recognitionum, ait: Quod a vero Deo dicitur, siue per prophetas, siue per reuelationes diuersas, semper verum est: quod autem a dæmonibus prædicatur, non semper verum est. Idem apud eundem lib. 3. Ille qui a malo est, signa quæ facit, nulli profunt: illa vero quæ facit bonus, hominibus profunt. Et Chrysost. siue quis alter, in Mattheum homil. 19. operis imperfecti: Si quis inutile fecerit signum, falsus propheta est: quia non facit, vt alios edificet in fide, sed vt se ostendat in opere.

29. Ex quibus omnibus, alijsque multis

perspicuum est, astrologos istos qui futura prædicentes, persepe mentiuntur, a dæmonibus esse deceptos. Tum etiã reuelationes inutiles, quæ nemini profunt, a vero Deo non esse. Igitur ab inquisitoribus examinandi, & puniendi sunt pseudoprophete, & frequentes reuelationes cohibendæ: quia non nisi sanctissimi viri pauculas reuelationes habuisse produntur. [Vide tract. Gersonis de probatione spirituum, de examinatione doctrinarum, parte 2. considerat. 3. de distinctione verarum visionum a falsis. Gasparem. lib. 1. aduersus hereticos cap. 29. Zanchinum de hereti. cap. 22. & ibidem Camillum.]

De Doctoribus ecclesiæ Titulus XXII.

S V M M A R I V M.

- 1 **Q**ui contempserit ea quæ a sanctissimis & sapientissimis doctoribus cõcordi sententia scripta sunt, is iure hereticus censeatur.
2. Quid debeant facere catholici, si se aliqua ecclesiæ particula, ab vniuersalis fidei communionem præciderit.
3. Qua ratione maiorum sententiæ congregandæ sint, cum aliquid prophanum in ecclesiâ erumpere cõperit.
4. Memorantur diuisiones ministrorum, quas Apostolus posuit. prima epistola ad Corinthios.
5. Ad quid Deus ipse ecclesiæ doctores dedit in opus ministerij.
6. Quibus signis cognoscant fideles quam doctrinam debeant sequi, & vbi Christus, qui veritas est, sit.
7. In illis qui ecclesiam catholicam defendunt, Spiritus sanctus loquitur.
8. Proculdubio credendum est, fideles sanctam ecclesiam defendentes inspiratione Spiritus sancti loqui.

9. A maiorum sententia non est recedendum, dum in ecclesiâ aliquid prophanum insurgerit.
10. Adducuntur multorum sanctorum sententiæ ad probandum non esse deuiandum a sententia maiorum.
11. Veram religionem apud eos querendam esse, qui christiani catholicis & integritatis custodes nominantur.
12. Amplectendam esse conciliorum & sanctorum sententiam multis exemplis cõprobatur.
13. Quæ tradita sunt nobis a sanctis apostolis, & a localibus concilijs, seruanda & custodienda esse.
14. Laudantur sancti doctores, quos catholici sequantur in ecclesiâ procellis.
15. Vnanimem esse viam certam & tutam sanctorum authorum ad conuincendos hereticos, demonstratur.
16. Sanctorum doctorum authoritas & miracula multis exemplis comprobata, laudantur.

- 17 Qua de causa sacrosancta ecclesia catholica sanctorum doctorum doctrinam, iuste comprobauerit.
- 18 Indubia fides & autoritas sanctis doctoribus est tribuenda, etenim sacræ scripturæ explanatione sancti spiritus inspiratione agunt.
- 19 Omnis controuersia ad scripturam perti- nens excitata, non aliter explicanda est quam ecclesiæ luminaria exposue- runt.
- 20 Quantum in religione, viris sapientissi- mis & sanctissimis tribuendum sit.
- 21 Validissimum esse argumētum ab autho- ritate sapientum: & ob eam causam sanctis doctoribus maximam fidem ef- se adhibendam.
- 22 Sanctis doctoribus, apostolicisque viris, per quos Deus ecclesiam luminauit: ma- gna cum ratione fides est tribuenda.
- 23 Sanctis ecclesiæ doctoribus, qui pleni sūt Spiritu sancto, non autem schismaticis credendum est.
- 24 Apud catholicos, plus valet autoritas cuiuslibet sancti doctoris, quam omnium hereticorum.
- 25 Probatur eam esse catholicam fidem, quam sancti doctores vno ore consen- tiunt.
- 26 Improbi heretici prauis rationibus inmi- tentes audiendi non sunt, & vbi san- cti doctores, ibi Christus et veritas est.
- 27 Quibus rationibus heretici procaces san- ctorum patrum doctrinam & aut ho- rritatem eiijant.
- 28 Quibus modis, dum aliquis errauerit, eius error agnoscatur.
- 29 Ob quam causam heretici deuitādi sint, sancti doctores sequendi, & ample- ctendi.

De doctoribus ecclesiæ.

I



VIDQVID sanctissi- mi & sapiētissimi do- ctōres ecclesiæ cōcor- di sententia docue- runt & scripserunt, id omne credendum est ecclesiæ traditionem esse: proinde quisquis eorum consensum contemnit in scripturarum interpretatione, aut in doctrina aliqua, quæ ad fidem, aut mo- res pertineat, is iure ac merito censetur hereticus.

- 2 Vincentius ille Lirinensis, lib. aduer- sus hereses, sapienter admodum & con- siderate scribit: Quid faciet christia- nus catholicus, si se aliqua ecclesiæ par- ticula ab vniuersalis fidei communio- ne præciderit? Quid vtique, nisi vt pe- stifero corruptoque membro sanitatem vniuersi corporis anteponat? Quid si nouella aliqua contagio non iam por-

tiunculam tantum, sed totam pariter ecclesiam commaculare conetur? Tūc itē prouidebit, vt antiquitati inheret, quæ prorsus iam non potest ab vlla no- uitatis fraude seduci. Quid si in ipsa vetustate, duorum aut trium hominū, vel certe ciuitatis vnus, aut etiam pro- uinciæ alicuius error deprehendatur? Tunc omnino curabit, vt paucorum re- meritati vel inscitie, si qua sunt vniuer- saliter antiquitus catholicæ ecclesiæ de- creta, præponat. Quid si tale aliquid emergat, vbi nihil huiusmodi reperia- tur? Tunc operā dabit, vt collatas in- ter se maiorum consulat interrogetque sententias: eorum duntaxat, qui diuer- sis licet temporibus & locis, in vnus ta- mē ecclesiæ catholicæ communione, & fide permanentes, magistri probabiles extiterunt. Et quidquid non vnus aut duo tantum, sed omnes pariter vno eo- demque

demque consensu, aperte, frequenter, perseveranter, tenuisse, scripisse, docuisse cognoverit, id sibi quoque intelligat, absq; vlla dubitatione credendū.

3 Et post plura idem Vincentius inquit: Cum primum mali cuiusq; erroris putredo erumpere cœperit, & ad defensionem sui sacre legis verba furari, eaque fallaciter & fraudulenter exponere, statim interpretado canonum maiorum sententię congregandę sunt: quibus illud quodcunque exurget novitium, ideoq; profanum, & absque vlla ambage prodatur, & sine vlla retractatione damnatur. Sed eorum duntaxat patrum sententię conferendę sunt, qui in fide & cōmunione catholica, sancte, sapienter, constanter viuentes, docentes & permanentes, vel mori in Christo fideliter, vel occidi pro Christo feliciter meruerūt. Quibus tamen hac lege credendum est, vt quidquid vel omnes, vel plures, vno eodemque sensu manifeste, frequenter, perseveranter, velut quodam consensu te sibi magistrorum concilio, accipiendo, tenendo, tradendo firmaverint, id pro indubitato, certo, ratq; habeatur. Hos ergo in ecclesia Dei diuinitus per tēpora, & loca dispensatos, quisquis in sensu catholici dogmatis vnum aliquid in Christo sentientes contempserit, nō hominem contemnit, sed Deum.

4 Hęc autem probantur evidentissime in priori epistola ad Corinthios, vbi Apostolus memorans diuisiones illas gratiarum, ministrarionum, & operationum, quas operatur vnus & idē Spiritus sanctus, diuidens singulis prout vult: Et quosdam, inquit, posuit Deus in ecclesia, primum Apostolos, secundo Prophetas, tertio Doctores. Vides Doctores ab ipso Deo in ecclesia positos, vt verbo & exemplo, sermone & scriptis doceant, pascantque fidelē po-

pulum. Quibus ipse dedit sermonem sapientię & scientiæ, & interpretationē scripturarum. Nec fieri vllō modo potest, vt hi omnes errent, quos Deus omnipotens, ne nos erraremus, duces nostros, magistros, & præceptores constituit: Alioqui non ad docendum, sed ad seducendum: non ad edificandum, sed ad destruendum positi ac missi essent. quo quid magis impium dici, fingive potest? [1. Corin. 12.]

5 Ad hoc idē Paulus in epistola ad Ephesios ait: Et ipse dedit quosdam quidem apostolos, quosdam autem prophetas, alios vero euangelistas, alios pastores & doctores, ad consummationem sanctorum, in opus ministerij in edificationem corporis Christi: vt iam non simus paruuli fluctuantes, & circumferamur omni vento doctriņe in nequitia hominum, in astutia ad circumuentionem erroris. Hos nimirum doctores Deus ipse dedit ecclesię, in opus ministerij, in edificationem corporis Christi: hoc est, vt ministrent Spiritum sanctum ceteris, & ecclesiam, quę corpus Christi est, verbo illius edificent. Hoc autem Christus instituit, vt iam non simus paruuli fluctuantes, & circumferamur omni vento doctriņe: hoc est, vt his doctoribus fidem habeamus, & vere credamus in eis Spiritum sanctum loqui: vitemusq; ceteros, qui doceant his contraria: nisi velimus esse tanquam paruuli, semper discentes, & nunquam ad scientię veritatem peruenientes: semper fluctuantes, & omni vento doctriņe circumacti: quales hodie videmus esse Lutheranos, & ceteros hereticos omnes. [ad Ephes. 4. Roffen. contra Lutherum veritate. 6. Cathari. in secunda clauē scripturarū.]

6 Accedit eodem, quod veritas per Mattheum docet, his verbis: Si quis vobis dixerit, ecce hic est Christus, aut illic, ecce

ecce in deserto est, nolite exire: ecce in penetralibus, nolite credere. Vbiunq; fuerit corpus, illuc congregabuntur & aquilæ. Docens Redemptor noster fugiendas esse nouitates, & singularitates hæreticorum: insuper nobis ostendit, quam doctrinam sequi debeamus, nempe illam, ad quam congregantur aquilæ. Nam vbiunq; illæ congregantur, ibi veritas est, ibi Christus, & ibi corpus ecclesiastica vnitatis: quæ est illarum concors sententia, idem totius corporis sensus est. Sed quæ tandem sunt illæ aquilæ? Qui in carne præter carnem viuunt, aut vixerunt. Quorum est, & fuit, quamuis hic peregrinantium, in cælis conuersatio. Quorum omnis studium, omnis meditatio, omnis voluntas in lege Domini, quæ & vita, & moribus expresse. Qui signa inhabitantis in se Dei spiritus, euidentia ediderunt. Vbiunq; illæ aquilæ congregantur, illic certum habet, esse corpus illud, cui associari, cui consentire debeas, & in quo Christum, & salutem querere. Significantur ergo per illas aquilas, doctores sancti, qui altius ceteris volant, & ipsum iustitiæ solē acutius, & certius irreuerberatis luminibus intuentur. [Matth. 24. Pighius lib. 1. hierar. eccle. cap. 5. Pagninus in isagogis ad mysticos sacre scripture sensus lib. 1. cap. 8.]

7 Præterea, conuestitur hæc sententia ex verbis illis eiusdem veritatis per eundem euangelistam dicentis: Non estis vos qui loquimini, sed spiritus patris vestri, qui loquitur in vobis. Quæ verba enarrans Augustinus lib. 4. de doctrina christiana, inquit: Si ergo loquitur in eis Spiritus sanctus, qui persequentibus traduntur pro Christo, cur non & in eis, qui tradunt discipulis Christum? Damascenus quoque ait: Per spiritum igitur sanctum & lex, & propheta, & euangelista,

& apostoli, & pastores locuti sunt, & doctores. An ad solos apostolos dixit Christus: Non estis vos qui loquimini, sed spiritus patris vestri, qui loquitur in vobis? An non præter apostolos, quosdam, ut inquit Paulus, prophetas instituit, alios vero euangelistas, alios pastores, & doctores?

8 Deinde, Petrus apostolorum princeps in epistola canonica scripsit: Spiritu sancto inspirati locuti sunt sancti Dei homines. Quod si certissime scimus euersisse, quando non dum Spiritus sanctus missus nobis erat, quid factum esse putabimus, postquam in hoc negotium specialiter datus est? Nonne Dominus fecit sanctos enarrare omnia mirabilia sua, quæ confirmauit Dominus omnipotens stabiliri in gloria sua? [2. Pet. 1. ecclesiasti. 42.]

9 De his quoque sanctis doctoribus illud Salomonis accipere oportet: Verba sapientum sicut stimuli, & quasi clauis in altum defixi, quæ per magistrorum consilium data sunt a pastore vno. Quem locum tractans Hieronymus, inquit: Exceptis his verbis, quæ ab vno pastore sunt data, & a concilio atque consensu prolata sapientium, nil facias, nil tibi vendices: maiorum sequere vestigia, & ab eorum autoritate non discrepes. Sunt quidem sanctorum doctorum verba firma, & immobiliter vera, sicut Dionysius ait, & quæ ab vno summo pastore Deo procedunt, & per doctorum a Deo inspiratorum concilium, idest, vnanimem consensum tradita sunt: quæ admodum Titelmanus explicat, & eleganter disserit Virucius noster aduersus Lutheri dogmata philippica prima. [Ecclesiastes cap. vlti. & illic Hierony. Dionysii. & Titelma.]

10 His accedunt quam plura sacre scripture testimonia, quæ sanctorum doctorum

rum auctoritatem haud obscure nobis commendant. Quale est illud Salomonis in prouerbijs: Ne transgrediaris terminos antiquos, quos posuerunt patres tui. Et illud item Ecclesiastici: Ne despicias narrationem presbyterorum sapientium, & in prouerbijs eorum conuersare: ab ipsis enim discas sapientiā, & doctrinam intellectus. Non te prætereant narratio seniorum: ipsi enim didicerunt a patribus suis, quoniam ab ipsis discas intellectum, & in tempore necessitatis dare responsum. Et apud Daniele: Qui autem docti fuerint, fulgebunt quasi splendor firmamenti: & qui ad iustitiam erudiunt multos, quasi stellæ in perpetuas æternitates. Et in Deuteronomio: Omnes sancti in manu Dei sunt: & qui appropinquāt pedibus eius, accipient de doctrina illius. Qui autem alij post apostolos, sunt in fide patres nostri? qui alij presbyteri, & seniores sapientes? qui alij fulserūt quasi splendor, & erudierunt plures? Postremo, qui alij sancti appropinquauerunt ita pedibus Dei, & de doctrina illius tam affluenter acceperunt, quam sacri doctores ecclesiæ? qui semper effulserunt in ecclesia tanquam luminaria magna: quorum adhuc lumen ita præfulget nobis, ut in eo ambulantibus inpingere non possimus. [Prouer. 22. ecclesiasti. 8. Dani. 12. Deuterono. 33.]

11 Præterea doctoribus ecclesiæ credimus, non ut hominibus, sed ut sanctis & illuminatis a Deo, & multis miraculis approbatis: & qui humiles fuerūt, ac tremētes sermones Dei, & mundi corde, secundum spiritum ambulantē, ea docentes, quæ Spiritus sanctus dedit eloqui illis: quos eruditissimos, sapientissimos, atque verissimos fuisse constat: in quorum explicata fide, semper totius christiani populi fides com-

plicata continebatur. Quod si apud eos solos quærenda est vera religio, qui christiani, catholici, vel orthodoxi nominantur, id est, integritatis custodes, & recta sectantes, ut est apud Augustinum: & hæc est religio munda, & immaculata apud Deum, visitare pupillos & viduas in tribulatione eorum, & immaculatum se custodire ab hoc seculo, ut Iacobus apostolus testatur: apud quos alios quærenda est veritas, quam apud vnanimem sententiam sacrorum doctorum, qui in his omnibus præstantiores & eminentiores cunctis semper & vbique fuerunt?

12 Hanc insuper veritatem concilia sacra sæpe nobis iam olim tradiderunt. Ac primum, veteres Hispani maiores nostri in secundo concilio Hispalensi, dixerunt: Oportuit sententias subnecti sanctorum patrum, qui in sacris literis ingenti gloria refulserunt, ut etiam eorum traditione per pateat veritas. Deinde recēsentur illic verba Hilarij, Ambrosij, Nazianzeni, Basilij, Athanasij, Augustini, Cyrilli, Leonis, & Fulgentij, quorū testimonijs concludunt quæstionem dicentes: Hæc quidem, quæ tam diuinæ scripturæ, quam etiam sanctorum patrum eloquia docuerunt, decretis nostris breuiter inserta protulimus. Et in concilio quodam Toletano decreuerunt, ut sanctorum virorum doctrinis assentirent omnes: Quia omne, inquiunt, quod contra illos sapitur, a rectæ fidei regula abhorreere sentitur. Vbi & illud adiungunt, non esse amplius cum illis contendendum, qui ab eorūdem patrum dogmatibus ausi fuerint dissentire. [2. concilio Hispalensi. can. 13. & concilio Toletano. 15. cap. 4.]

13 Et in septima synodo generali, actione prima, hoc decretum extat: Qui doctrinas sanctorum patrum, & traditio-

nem catholicæ ecclesiæ contemnunt, execratio. Et in fine quintæ actionis, lectis fragmentis scriptorum ecclesiasticorum, tota synodus proclamauit: Diuino loquorum patrum doctrinæ nos correxerunt: ex illis haurientes, fidem & veritatem potati sumus: illos insequentes, mendacium persecuti sumus. Et actione sexta inquit Epiphanius: Gloriosos doctores, tuta monumenta ecclesiæ dicere possumus. Et paulo post: Quo modo ea, quæ sancti patres non probauerunt, nos qui circa finem seculorum occurrimus, & indigni sumus, ut discipuli eorum vocemur, recipimus? hæc ille tom. 5. Accedit octaua synod⁹ generalis canone primo his verbis: Regulas quæ sanctæ, catholicæ, & apostolicæ, tam a sanctis apostolis, quam ab orthodoxis vniuersalibus, nec non & localibus conciliis, vel etiam a quolibet deo loquo patre, ac magistro ecclesiæ traditæ sunt, seruare, ac custodire profiteamur: quibus & propriam vitam, & mores, & omnem sacerdotij catalogum regamus.

- 14 Ostendimus hæc tenus ex literis sacris, & sanctis synodis quanta sit, & esse debeat autoritas sanctorum doctorum: nunc autem ab ipsismet patribus eandem veritatem docebimur. Ac primū diuus ille Hieronymus in commentarijs ad librum Iob, inquit: Sancti doctores ecclesiæ nubes esse dicuntur, qui aquas euangelij portant populis effundendas, & gubernandas a Spiritu sancto deferunt, ut irrigentur terræ populorum, & de hac cælesti pluuiâ, virtutum fruges spiritali operatione multiplicentur. Et paulo post: Hi sancti a Spiritu sancto ita distincti sunt gratiarum donis, tanquam sydereis luminaribus. Et in Daniele ait, periculosum esse, de magistrorum ecclesiæ iudicare sen-

tentijs, & alterum præferre alteri. Et alibi de Hilario loquens, inquit: Hilarius beatus antistes, & ut ita dicam, inter procellas mundi magnus sustentator ecclesiæ. Deinde Augustinus libro secundo contra Iulianum Pelagianum de Irenæo, Cypriano, Basilio, Ambrosio, alijsque sanctis doctoribus scribēs, ait: Isti episcopi sunt, docti, graues, sancti, veritatis acerrimi defensores: in quorum ratione, eruditione, libertate, quæ tria bona iudicibus tribuuntur, non potes inuenire quod spernas. Hos excellentiores suos dispensatores per diuersas ætates temporum, locorumque distantias sicut Deo placet, atque expedire iudicat, ipse dispensat. Et post paululum: Catholicam fidem in lacte suxerunt, in cibo sumpserunt, cuius lac & cibum paruis, magnisque ministrauerunt, quam contra inimicos aperitissime, atque fortissime defenderunt. Talibus post apostolos, sancta ecclesia plantatoribus, rigatoribus, ædicatoribus, pastoribus, nutritoribus creuit. [Hieronymus in Iob cap. 26. in Danieli cap. 9. & in psal. 57. Nicephorus lib. 12. cap. 15. Vincentius Lirinensis lib. aduersus hæreses fol. 7. & 49. Canus lib. 7. de locis theologicis cap. 3.]

15 Ad hæc, Alexandrinus apud Theodorum in historia tripartita ad Alexandrum Constantinopolitanum scripsit: Sicut nos diuinæ scripturæ docent, vñ sanctum Spiritum confitemur, qui repleuit & veteris testamenti sanctos homines, & noui sacratissimos præceptores. Longum esset omnia persequi, quæ sancti doctores in laudem maiorum suorum, & in commendationem auctoritatis eorū tradiderunt: qua sola sepe multa prophana hæreticorū dogmata confutarunt. Est enim eorū sententia vnanimis, via certa & tuta ad conuincendos

cendos hæreticos, & in ecclesia firmū Spiritus sancti magisterium. Quod verbis & factis testantur Basilius, Hieronymus, Eusebius, Leo, Bernardus, & innumerabiles alij. [lib. 1. histo. trip. c. 14. Basilius lib. contra Amphilochiū. Hiero. contra Heluidium. Eusebius li. 5. eccles. hist. c. de libellis. 20. distin. c. sunt quidam. 25. q. 1. Bernar. epist. 77. Leo, Agatho, & alij relati a Martino Aiala lib. de diuinis & ecclesiasti. traditio. tit. de publico catho. eccle. magisterio. Gaspar quoque lib. 2. aduersus hæreticos arti. 6. Canus. lib. 4. de locis theologicis cap. 4. Bessarion, oratione pro vnione cap. 1.]

16 Miracula item maxima, plurima, atque verissima, quæ signa sunt euidentia diuinę voluntatis, horum doctorum autoritatem haud obscure comprobant. Hi enim sacri doctores, vt est apud Damascenum, illuminatricem spiritus gratiam adepti: tum miraculorum virtute: tum sermonis gratia, obscuratos illuminarunt, & errore deuos cōuerterunt. Et vt Longolij verbis vtar in elegantissima ad Lutherianos oratione: Horum etiam iam vita defunctorum gratia, & mortuos reuixisse, & cæcos oculorum vsum recepisse, & varijs ex morbis laborantes, furijsque etiam exagitatos mortales multos, potestati, valetudinique suæ restitutos esse, exploratum habemus. Cur autem Deus omnipotens hos patres, & ecclesię doctores, tot tantisque miraculis approbavit, & illustrauit? nunquid vt nos deciperet? nunquid, vt illi nos seducerent, & in multas hæreses præcipitarent? absit: Imo vt nos docerent, & in viam veritatis reducerent. Richardus de sancto Viatore lib. 1. de Trinitate, cap. 2. inquit: Nonne cum omni confidētia Deo dicere poterimus: Domine si error est, a te

ipso decepti sumus? nam ista in nobis tantis signis & prodigijs confirmata sunt, & talibus, quæ non nisi per te fieri possunt. certe a summæ sanctitatis viris sunt nobis tradita, & cum summa & authentica attestazione probata, te ipso cooperante, & sermonem confirmante sequentibus signis. Nos ergo tute sequamur eos, quos ab ipso Deo approbatos esse videmus, quos sacra scriptura commendat, concilia sequuntur, doctorum laudat consensus, & vera vtiliaque miracula comprobant.

17 Præterea, oues Christi vocem eius cognouerunt semper in his sanctis doctoribus, quorum doctrina perpetuo spirat vnctionem illam Spiritus sancti, qui locutus est, & quotidie loquitur per os sanctorum doctorum. Ad extremum, sacrosancta catholica ecclesia, quæ cum sit columna & firmamentum veritatis, nec fallere, nec falli potest, horum scripta probauit: horum quoque doctrinis perpetuo membra eius instruuntur & illustrantur: hos ipsos doctores tanquam iustos & legitimos filios ipsa suscipit, & amplexatur. Hos compertum habemus, nil credidisse aliud, quam quod credidit catholica Christi per orbem ecclesia, cuius extiterunt membra non vulgaria, imo præcipua, imo columnæ quædam. Proinde quidquid vno sensu & consensu hos tenuisse inueneris, cum catholica ecclesiæ, verum & catholicum sensum, veram sententiam, veram fidem, absque vlllo scrupulo teneas. Cum hos audis, ecclesiam audis. Horum concordem sententiam, puta ecclesiasticā esse traditionem. [Vide Alber. Pighium lib. 1. ecclesiasti. hierar. c. 3. & lib. 2. cap. 7. & lib. 6. cap. 3.]

18 His igitur sanctis doctoribus, quem-

admodum in ceteris omnibus, sic etiam in interpretatione sacræ scripturæ, in dubia fides & autoritas tribuenda est. Non enim naturaliter acquiritur intelligentia scripturarum, sed donum Dei est, & viris sanctis diuinitus conceditur. Nam, vt Hieronymus in proœmio commentariorum in Oseam, inquit: In explanatione sacræ scripturæ, Sancti spiritus inspiratione agemus, vt cuius instinctu scripta est, eius reuelatione pandatur. Quis autem, nisi mentis inops, negare possit, sacros ecclesiæ doctores præ cæteris omnibus abundantiorum spiritum sapientiæ & intellectus habuisse? Hi namque pars magis eximia ecclesiæ semper fuerunt, qui non solum eruditione, verum etiam vitæ sanctimonia, velut sydera quædam effulserunt: quibus cæteri fideles in sensu scripturarum vnice fidem habuerunt, tanquam viris Spiritu sancto plenis, qui nobis succum, & latentem in sacra scriptura spiritum exhibuerunt. Qui non a semetipsis interpretationes acceperunt, sed secretis inspirationibus Sancti Spiritus illustrati, dubia scripturarum nobis aperuerunt. Quorum doctorum, vt inquit Augustinus, illustris doctrina est & memorabilis, & venerabilis confessus, atque consensus. [lib. 1. contra Iulianum Pelagianum. Gaspar lib. 1. aduersus hæreticos cap. 5. & lib. 2. art. 2. cap. 14. Canus lib. 7. de locis theologicis cap. 3.]

19 Inde illud est, quod in sexta synodo generali diuinitus tradiderunt patres, his verbis: Si ad scripturam pertinens aliqua controuersia excitata fuerit, ne eam aliter interpretentur, quam quomodo ecclesiæ luminaria, & doctores suis scriptis exposuerunt: & maiorem ex his laudem assequantur, quam si quæ a se dicuntur, componant. Per prædi-

ctorum enim patrum doctrinam, populi ad eorum, quæ sunt bona & expectanda, & inutilia ac reijcienda, cognitionem venientes, vitam in melius componunt. Et in concilio Lateranensi sub Leone X. præcipitur concionatoribus, vt euangelicam veritatem & sanctam scripturam, iuxta declarationem & interpretationem doctorum, quos ecclesiæ, vel vsus diuturnus approbavit, prædicent & explanent: nec quicquam eis contrarium, vel dissonum adijciant. No uissime patres in concilio Tridentino, ad coercenda petulantia ingenia decreuerunt, vt nemo suæ prudentiæ innixus, contra vnanimem consensum patrum scripturam sacram interpretari audeat. [sexta synodo generali can. 19. concilio Lateranen. sessio. 11. concilio Triden. sess. 4.]

20 Quod si peritioribus, & prudentioribus, & magis expertis, in quacunque scientia & arte plurimum tribuendum est: si grauior & validior est, (quemadmodum pro Planco dixit Cicero) decet virorum bonorum sententia, quam totius multitudinis imperitæ: si non secus debent omnes vsu peritorum, maiorumque natu, ac prudentum, fidem adiungere sententijs, ijs etiam quæ probari non possunt, quam ijs quæ sunt ratione conclusæ, nam quoniam vsu & exercitatione, quasi aspectum quendâ sunt adepti, facile rerum causas & principia cernunt, vt ait Aristoteles lib. 6. ethic. quantum in religione tribuendum esse putabimus viris sapientissimis, sanctissimis, & Spiritu sancto plenissimis? Impossibile sane est, vt inquit in Timeo Plato, deorum filijs, id est sanctis, fidem non habere, licet nec necessarijs, nec verisimilibus rationibus eorum oratio confirmetur. [Vide August. lib. de utilitate credendi. cap. 12. Aristot. lib. 6.]

lib. 6. ethic. cap. 11. Boetium lib. 1. topico. l. semel. C. de re milita. lib. 12. & illic Bar, Lucam & alios.]

21 Hippocratis authoritati acquieuit antiquitas, vt est apud Iulium Paulum. Et Cicero de Platone loquēs lib. 1. tuscul. quæst. inquit: Vt enim rationem Plato nullam afferret (vide quid homini tribuam) ipsa authoritate me frangeret. Vnde Salomonius haud insipienter ait, validissimum esse argumentum ab authoritate sapientum, vbi ratio naturalis deficit, & eorum sententijs standū, alioqui non esset differentia inter sapientem & eruditum. Quæ cum ita sint, ac de prophanis hominibus non omnino peritis, passim recipiantur a multis: quid dicere possumus de sanctissimis ecclesiæ doctoribus, qui proculdubio sunt omniū christianorum, atq; omnis memoriæ clarissima lumina? quorum fuerunt pectora sacro spiritu plena, & qui nouerunt ea, quæ, vt inquit Hieronymus, doctus Plato nesciuit, quæ Demosthenes ignorauit? [l. septimo mens. de statu homi. & illic Salomo. & in §. responsa prudentum. instit. de iure natu. gent. & ciuili.]

22 Ad postremū, accedit ratio viua quidem & spirans: nam Spiritus sanctus missus est ad illuminandam Christi ecclesiam, & ad docendam omnem veritatem. Cum autem facie ad faciem loqui non soleat, relinquitur vt per aliquos viros ecclesiam illuminauerit, atq; erudierit. Sed id fieri non debuit, nisi per instrumenta immensæ bonitati spiritus congruentia: ergo per sanctos doctores, apostolicos viros, id factum esse perspicuum est. Nam, vt Nazianzenus ait, manifestum est, quod indignum nequaquam gratia tangit, nec organum improbum, & plane dissonum. Quoniam in animam maleficam non ingre-

ditur sapientia. Sicut econtrario demones quærunt organa digna, per quæ operentur. [quemadmodum Origenes tradit homil. 5. in Matthæ. & Sozomenus lib. 1. hist. tripar. cap. 14. cap. 12. Ioan. 14. & 16. Nazianzenus oratio. 4.]

23 Ex quibus omnibus euidentissimum fit, sanctis ecclesiæ doctoribus, non autē hæreticis, aut schismaticis credendum esse. Illi enim sacro spiritu pleni sunt, & fuerunt: hi vero extra ecclesiam positi Spiritu sancto priuati sunt: & vt nullo alio vitio teneantur, certe non possunt non esse superbissimi, qui suas hæreses patrum decretis & ecclesiæ traditionibus antepont: Dominus dat sapientiam, & ex ore eius scientia & prudentia: sapientia, & disciplina, & scientia legis apud Deum: error & tenebræ peccatoribus concreata sunt. Non est speciosa laus in ore peccatoris, quoniā a Deo profecta est sapientia. Sapientiæ enim Dei astabit laus, & in ore fideli abundabit, & dominator dabit eam illi. Et in maleuolam animam non intrabit sapientia, nec habitabit in corpore subdito peccatis. Spiritus enim sanctus disciplinæ effugiet fictum, & auferet se a cogitationibus, quæ sunt sine intellectu. Sapientia sincera est, & ideo nil inquinatum in eam incurrit, & in animas sanctas se trāsferit, & amicos Dei & prophetas constituit. Vnde anima viri sancti enunciare solet veriora, quam septem circumspectores sedentes in excelsis ad speculandum. Anima beneuola, & quæ sentiat quod iustum sit, melior est quouis sophista indagatore, vt Sophocles inquit. [Prouer. 2. ecclesiasti. 11. & 15. & 37. Sapientiæ. 1. & 7.]

24 Abeant ergo Lutherani, & hæretici omnes pestiferi, sanctas contemnant animas,

animas, & proprias adinventiones sequantur. Apud nos enim, qui catholici sumus, plus valet autoritas cuiuslibet sancti doctoris, quam hæreticorum omnium, quotquot vnquam fuerunt, aut futuri sunt conuentus. Sed inquit Lutherani: Nos sacras literas pro nostris opinionibus adducimus, ac si non id ipsum veteres omnes hæretici dixerint: vel non sint sacræ literæ a sanctis doctoribus longe melius & verius, quàm ab istis interpretatæ. Quod si hos cum illis conferre libet, quis tam perditus, vt dubitet Ambrosium præferre Luthero? Hieronymum Oecolampadio? Augustinum Bucero? Chrysostomum Melanchtoni? lucem tenebris? sanctissimos impijs? Credimus sanctis, inquit Augustinus, famæ celebritate, consensione, vetustate roboratis. Vos autem hæretici, & tam pauci, & tam turbulenti, & tam noui, nemini dubium est, quin nil dignum autoritate præferatis. [lib. de vtilitate credendi cap. 14.]

25 Et lib. 1. contra Iulianum Pelagianum, confutans illius hæreses sanctorum doctorum sententiis, idem Augustinus, post alia inquit: Audis omnes vno corde, vno ore, vna fide id ipsum dicere, & hanc esse catholicam fidem non dissonante contestatione firmatam. Vbi catholicam fidem illam esse ait, quam sancti doctores vno ore consentiunt. Et lib. 2. contra eundem, de eisdem sanctis loquens, ait: Quod inuenerunt in ecclesia, tenuerunt, quod didicerunt, docuerunt: quod a patribus acceperunt, hoc filijs tradiderunt. Confirmat hoc Basilius in epistola, quæ est ad Antiochenam ecclesiam, his verbis: Fidem vero nos neque ab alijs scriptam nobis recentiore suscipimus, neque ipsi mentis nostræ germina tradere audemus, ne humana commenta existimentur esse ver-

ba religionis. Sed quæ a sanctis patribus edocti sumus, ea interrogatibus nos annunciamus. Hi sunt magni & clari homines, qui doctrinæ, iudicij, & sanctitatis laude semper floruerunt: qui sanctissimi, & eruditissimi, & maximi omnium christianorum sapientes semper iudicati sunt. Morum mentiumque rectores integerrimi: qui rempub. christianam, post apostolos & euangelistas, tam præclare fundatam, quam videmus esse catholicam, nobis reliquerunt: quorum vitam & mortem Deus omnipotens multis magnisque miraculis illustrauit: quorum æternam memoriâ, virtutes & opera, ecclesia catholica iure ac merito consecrauit.

26 Hos tantos viros, sacrosque doctores contemnunt impudentissimi huius temporis hæretici, & sæpe illos maledictis incessunt, propterea quod, contrarij sunt operibus atque doctrinis eorum, & quia semper illi hæreticos confutarunt, & persecuti sunt. Vt enim Leo magnus tractatu contra hæresim: Euticetis, inquit, nunquam potuit hæretica impietas sic latere, vt non a sanctis patribus nostris, & semper deprehensa sit, & iure damnata. Item ex Lutheri pestifero dogmate aiunt, opus non esse doctoribus ad sacras literas interpretandas, sed melius esse, vt suo quisque sensu interpreteretur illas: quo quid sit absurdus, vel tenebrosius dici vel fingi potuit? Verum de hoc alibi fusius hæreticis occurremus. Nos interim sacros doctores sequamur, quorum quidem consensus est concors ipsius ecclesiæ sensus: cuius illi sunt columnæ quædam, & membra præcipua, præ ceteris donata abundantiori mensura spiritus, & subtiliori quodam sensu prædita, ita vt in illis vniuersi corporis ecclesiastici sensus præcipue vigeat. Vbicumque hi congregantur,

gantur, ibi Christus est, & ibi veritas.
 27 Vanissimis & stupidissimis ratiūculis mouentur heretici vt sanctorum patrū doctrinam & auctoritatem reiiciant: quas omnes confutat per singula Gaspar. Sed illa videtur esse potissima, quia inquit: homines fuerunt, & aliqui eorum interdū errarunt. Homines fuerunt, quis negat? sed homines sapientissimi, sanctissimi, & spiritu sacro plenissimi. Errarunt quidē interdum aliqui eorum: sed omnes simul errasse quis credit? errasse quosdam illorum in quibusdam fatemur: diuina tamen dispensatione ob id errare permisi sunt, vt homines fuisse eos cognosceremus: & quid recte dixerunt, a Deo accepisse, a se ipsis vero quidquid aberrarunt. Suis quippe ingenijs relictī, nōnunquam in errores aliquot inciderunt, cum tamen certum sit, quod in ceteris fulgore diuini spiritus illustrati, non nisi saluberrima dogmata, ad maximum ecclesiæ commodum tradiderunt. Adde, quod interdum errata vtilitatē afferunt, quando illis homines erudiūtur, & cautiōres fiunt, quemadmodum docet Xenophō lib. 6. rerum Græcarum. Non est igitur impium alicui sancto doctōri probabiliter contradicere, sed ab vnanimi patrum sententia pertinaciter dissentire. De qua re non sat recte sensisse videtur Arnaldus Albertinus, vir alioqui doctus & pius. [c. ego solis. 9. distin. Guido de hæresibus capite. 7. Rossensis contra Lutherum veritate. 7. Gaspar lib. 1. aduersus hæreti. c. 7. cum seq. Alberti. li. de agnoscen. assertio. catholi. quæst. 1. 5. & q. 30. confessio Polonica, de fide & symbolo cap. 19.]

28 Cum autem aliquis eorum errauerit, cognosci facile potest error, ex mutua collatione scripturarum, ex ecclesiæ catholicæ traditionibus, & Romanorum

pontificum decretis: Et, vt inquit Augustinus, per sermonem sapientiorē peritioris, per grauiorem episcoporum auctoritatem, doctiorumque prudentiā, & per cōcilia licet reprehendere, si quid a veritate deuiatum est. Si vero plures inter se dissentiant, maiori & saniori parti stabitur, id est illi, quæ non numero tantum vincat, sed etiam auctoritate, & zelo, & merito, quemadmodū elegāter differit Brunus. Maior quidem pars, vt est apud Ciceronem, eo fere deferri solet, quo a natura ipsa deducitur. [Augusti. lib. 2. de baptismo contra Donatistas. c. 3. apud Gratianum in. c. quis nesciat. 9. distinctio. Brunus lib. 5. de delegatio. c. 16. Cicero lib. 1. offi. Gaspar lib. 2. contra hæreti. arti. 6. c. 7.]

29 Postremo, quis sic insaniat, vt sacris doctōribus credendum esse non putet, hæreticis autem putet? Quasi vero & ij non sint homines, & errare non queāt. Hos corripiendos ac deuitandos esse, docet Apostolus: illos vero sequendos esse præcipiunt scripturæ diuinæ, sacra concilia, & ecclesiasticæ traditiones: quorum auctoritatem vera miracula comprobant, & vniuersi christiani semper & vbique suspiciunt. Qui quidem tam viuētes, quam mortui clarissimis effulserunt miraculis: quorum cineres & ossa per sacras ædes in summa veneratione habentur: libri eorum leguntur & approbantur ab omnibus. Hæretici contra, nullis miraculis claruerunt: nulla eorum cineribus habita veneratio: eorum dogmata per viros catholicos semper sunt confutata, detectaque plena mendacijs, fallacijs, atque venenis. Et tamen hæretici vsque adeo stupidi sunt, vt sanctissimos & sapientissimos viros contemnunt, sequantur istos procaces, atque prophanos. Nunquid Deus post aposto

apostolos & euangelistas, non posuit in ecclesia pastores & doctores, ne vnum quidem vsque ad Lutherum, Bucerum, & Melanctonem? O mirabilem infamiam. O pectora hæreticorum alto errore confusa. Quid tandem? moria-

tur anima mea morte iustorum, & fiat nouissima mea horum similia. [Numc. 23. Roffen. contra Lutherum, arti. 30. Driedo. lib. 4. de dogmati. ecclesiasti. cap. 1. Alson. lib. 1. aduersus hæreses cap. 7.]

De dominis temporalibus Titulus XXIII.

S V M M A R I V M.

- 1 **P**uniendos esse qui illa contēnunt, quæ sapientissimi ac sanctissimi doctores scripserunt, credendum est.
- 2 Quid sit regis munus, & propter quam rationem heretici sint puniendi.
- 3 Christiani principes in animum ducere debent, vt hereses tollant.
- 4 Principes & superiores maximam suorum curam habere debent, nam pro se, & pro peccatis populi tenentur reddere rationem.
- 5 Quomodo pii principes qui ecclesiæ catholicæ fauerint, & impios persecuti fuerint, a Deo mercedem suscipiant.
- 6 Munus sacerdotis est hereticos admonere, laicis vero conuenit eosdem punire.
- 7 Ad pontifices pertinet laicos admonere vt fidem teneant, principum autem est præpositis ecclesiæ obedire.
- 8 Quibus pœnis affici debeant domini temporales, qui aduersus hereticos inquisitoribus non auxiliantur.
- 9 Qui seruare noluerint in territorio suo constitutiones pontificias in hereticos latas, quomodo puniantur.
- 10 Ponuntur due constitutiones regie, quibus ponitur quo modo se debeant habere inquisitores cum illis, qui hereticos receptauerint.
- 11 Si reges, aut principes christiani facti sunt heretici, subiecti, vasalli, & serui quoq; liberi ab eorū dominio manēt.
- 12 Reges & principes heretici grauius quā alij delinquant, & ideo maiore supplicio sunt digni.
- 13 Durissime puniendi sunt heretici principes, & omnes qui alios inspicere possunt authoritate sua.

De dominis temporalibus.

1



IMPERATORES, Reges, Duces, Comites, alique principes & rerum domini, diligēter pro uidere debet, vt hæreses extirpentur, & heretici puniantur: ne sub eorum imperio impiorum augeatur improbitas, & piorum pax atque securitas perturbetur. Quod si facere neglexerint, ar-

ctissimam Deo rationem proculdubio reddituri sunt: a quo traduntur illis ad regendum prouinciæ, quasi iudicibus ab imperatore, vt est apud Hieronymum in Ezechielem cap. 28. O fortunatam Hispaniam, piorum principum prouisione in fide catholica tam præclare fundatam, & a cunctis hæresibus puram & expurgatam. Vt quod iam olim cecinit Claudianus, multo id aptius nunc dicere possim,

Quid

Quid dignum memorare tuis Hispania
terris

Vox humana valet?

Dives equis, frugum facilis, pretiosa me-
tallis,

Principibus secunda pijs.

Hæc ille versibus persecutus est, cete-
raque verissime.

2 Regis officium est, vrbes atque homi-
nes felices & beatos facere, vt Socrates,
Xenophon, Aristoteles, Iamblicus, ce-
terique tradiderunt. Vita autem beata
efficitur virtute non impedita, vt con-
sentiant omnes. Atqui nulla felicitas
esse potest vbi hæretici sunt impuniti,
vbi pullulant hæreses, vbi fides catho-
lica impiorum nouitatibus exagitur:
virtutes enim magnopere impediuntur
impietate. [Xenophon lib. 3. de factis
& dictis Socratis. & lib. 2. & 8. de cy-
ropedia. Arist. 8. ethi. cap. 11. Iambli-
cus epist. ad Dyoscolium.]

3 Quamobrem christiani principes co-
gitare debent, Deo se reddituros esse ra-
tionem propter ecclesiam, quam a Chri-
sto tuendam suscipiunt, vt Isidorus ait,
lib. 3. de summo bono. Nam siue au-
geatur pax & disciplina ecclesiæ per fi-
deles principes, siue soluatur, ille ab eis
rationem exigit, qui eorum potestati
suam ecclesiam tradidit: in qua si iusti-
tiam seminauerint, mercedem accipiet
fidelem. Si vero disciplinam, quam
ab eis Deus exigit, nõ apprehenderint,
tunc euenturum certo sciant, quod eis
minuitur: nempe, vt irascatur Domi-
nus, & pereant ipsi de via iusta. Ani-
mum enim inducere debent, vt hæreses
tollant, sicuti Hieremiæ præcipitur: Cõ-
stitui te super gentes & regna, vt euellas
& destruas, & disperdas & dissipas, &
ædifices & plantes. [Isidorus lib. 3. cap.
53. c. principes. 23. quæst. 5.]

4 Paulus apostolus in epistola ad He-

bræos cap. vlt. præcipiens illis, vt præ-
positis obediant, ipsi enim, inquit, per-
uigilant, quasi rationem pro animabus
vestris reddituri. Et Origenes super lib.
Numer. homil. 20. Principes non solũ
pro suis proprijs arguuntur delictis, sed
& pro populi peccatis coguntur redde-
re rationem. Si forte non docuerint,
non commonuerint, neque solliciti fue-
rint arguere cos, qui initium culpæ de-
derint, vti ne contagio dispergeretur in
plures. Prætereo plurima, quæ in ean-
dem sententiã Nazianzenus, Thomas,
alijque tradiderunt. [Nazianze. oratio.
30. in fine. Theophilactus in Matth. c.
24. Tho. lib. 3. de regimine principũ.
c. 3. Celsius lib. 8. cap. 1.]

5 Nec solum in futura vita condignam
a Deo mercedem accipient pij princi-
pes, qui ecclesiæ catholice fauerint, &
impios persecuti fuerint: sed etiam in
hoc mundo prospera eis omnia & felici-
cia euenient. Id quod omnibus fere se-
culis rebus ipsis compertum est, & Cy-
rillus confirmat in exordio libri de re-
cta fide ad Theodosium, dicens: Glo-
riosa in Deum pietas regijs honoribus
immobile fundamentum est. Et impij
reges miseri ac mali, male pereunt: cõ-
tra vero pietatis cultores sine labore vin-
cere solent, & aduersarijs præualere.

Quod & olim contigisse cultoribus &
violatoribus religionum, Cicero ipse
lib. 2. de natura deorum testis locuple-
tissimus est. Quin etiam Aristot. lib.
5. politic. cap. 11. inquit, curandum
esse, vt reges Deum, religionemq; sem-
per egregie colere videantur. Nam mi-
nus iniuriam homines a talibus homi-
nibus metuant, cum principem reli-
giosum esse, ac Deum vereri putant,
minusque insidiantur ei, qui Deum au-
xiliarem habere videatur. Clemens li.
1. de constitutionibus apostolicis: Lege
X regum

regum libros, vt intelligas, quot reges iuste vixerunt, eos a Deo auctos fuisse, & ijs promissionem vitæ æternæ apud ipsum permanisse. Quot vero reges a Deo defecerunt, rebellionem suam breui tempore interijisse, iusto iudicio Dei, & vitæ eius priuatos fuisse, pro requie æternum supplicium consecutos. Omitto Augustinum, Thomam, & alios [l. 1. tit. de Iudeis. lib. legum nouellarum Theodosij. l. 16. de episcopis & clericis. C. Theodo. August. ad Bonifacium epist. 50. Tho. lib. 2. de regimi. princip. cap. vlti. epist. inter claras. C. de summa Trinitate. Nicepho. lib. 7. cap. 42. Brunus lib. 3. de hæreti. cap. 9. Aiala in fine operis, de diuinis & ecclesiasticis traditionibus. & quæ ipse collegi, lib. 3. de repub. cap. 8.]

6 Sacerdotum quidem est, admonere & corripere hæreticos, sed principes & laici iudices eos punire debent. Armæ enim ecclesiæ aduersus pertinaces hæreticos nihil fere profunt, nisi a principibus laicis manu militari iuuentur. Sacerdotis, vt ait Chrysostomus, tantum est arguere, liberamque præstare admonitionem, non mouere arma, non clypeos vsurpare, non vibrare lanceam, nec arcum tendere, nec iacula mittere, sed tantum arguere, ac liberam præstare admonitionem. [homil. 4. de verbis Esaïæ, vidi Dominum. c. conuenior. 23. quæst. 8.]

7 Itaque ad officium Pontificum pertinet admonere diligenter principes laicos, vt catholicam fidem in primis teneant, & subiectorum hæreses puniât. Principum autem est, præpositis ecclesiæ obedire. Sic Anastasius papa, Anastasium imperatorem admonuit. Sic Leo ille magnus Leonem imperatorem contra hæresim Eutychetis incitauit. Sic Nestorius episcopus Constantinopo-

litanus, ante quam a vera pietate transuersus ageretur, in prima eius concione, propalam apud populum, ad imperatorem verba dirigens, decantatam illam emisit vocem: Da mihi, O Imperator, terram ab hæreticis liberam & puram, & ego tibi cælum reddam. Tu mihi hæreticos extirpa, & ego tibi Persis delendis adero. Quinetiam arguendi & excommunicandi sunt principes negligentes, qui hæreticos punire noluerint: sicut Marcellus papa Maxetium corripiebat, & Gelasius Anastasium, Gregorius septimus Henricum quartum excommunicauit, & Honorius tertius Federicum secundum. [Vide Nicephorum lib. 14. ecclesiast. hist. cap. 31. Brunum lib. 3. de hæreti. cap. 8.]

8 Hinc ortæ sunt illæ pontificum sacratissimæ leges, quibus præcipitur dominis temporalibus, vt auxilientur inquisitoribus aduersus omnes hæreticos. Quod si contumaces, aut negligentes in auxilio ferendo fuerint, excommunicentur, & honore priuentur, & eorum territorium interdicto ecclesiastico subiaceat. Præterea, vt iureiurando promittant, quod hæreticos in suo territorio commorari non sinent. Si vero ab ecclesia moniti, ea facere noluerint, vt excommunicentur, & contumaces post annum Papæ indicentur, vt ex inde Pontifex maximus declaret, subiectos abolutos esse ab eorum dominio, & prouincias illorum permittat catholicis occupandas. Sed in Hispania inquisitores proscribent illos, & manu regia comprehenduntur, & puniuntur. [c. ad abolendam. §. penulti. c. excommunicamus. §. moneantur. de hæreti. authen. si vero. C. eodem tit. constitut. statuimus. de episcopali audien.]

6 Tales quoque sunt leges constituentes, vt qui seruare noluerint in territorio suo

suo constitutiones pontificias contra hereticos latas, hi tanquam infames & hereticorum fautores, ac de impietate suspecti, omni honore atque officio priuentur. Illud item prudentissime cautum, ut rerum domini obediant episcopis & inquisitoribus, & ab eis moniti, ut inquirant, comprehendant, & custodiant hereticos, fautores, & receptatores, ac defensores eorum: & ut reos protinus puniant, cum fuerint curiæ seculari relictæ. Illa demum iustissima constitutio est, quæ vetat ne domini rerum impediunt inquisitores, nec defendant hereticos, nec de hæretica prauitate cognoscant. Si secus fecerint, ut in sententiam excommunicationis incurrant, & excommunicati per annum, exinde damnentur ut pertinaces heretici. [c. vt officium. §. vlti. c. vt inquisitionis. in princip. & §. prohibemus. de hereticis. lib. 6.]

10 Ab eodem fonte natæ sunt duæ constitutiones regiæ. Quarum priore cautum, ut qui in territorio suo receptauerit hereticos, is ius omne amittat, quod ab eisdem debebatur ei: & præterea restituat omnia bona, quæ heretici secum attulerint. Posteriore constitutum est, ut sicut in prouincijs regiæ iurisdictionis, sic etiam in aliorum territorio inquisitores in hereticos inquirant, & dominos ipsos iurare cogant in fidei fauorem, prout iure tenentur: & contumaces atque inobedientes pro sua iurisdictione puniant. Hæc, & talia reges nostri vere catholici pro sinceritate fidei constituerunt. Nam (ut apud Xenophontem est, libro octauo de pedia Cyri) hæc quoque ita habent, quemadmodum item alia: quando princeps melior est, puriora iura constituit: quando vero deterior, nequiora. Demosthenes quoque oratione secunda contra Aristogi-

tonem dixit: Eas vrbes maxime florere videmus, in quibus legulatores optimi extiterunt. Nam ut quæ in corporibus oriuntur infirmitates, medicorum inuentis curantur: sic animorum immanitas legumlatorum prudentia terminatur. [2. instruct. Hispalen. cap. 7. & instruct. omnium prima cap. 21.]

11 Si reges aut alij principes christiani facti sint heretici, protinus subiecti & vallati ab eorum dominio liberantur: serui quoque & liberti ipso iure liberi fiunt. Nec ius hoc recuperabunt, quamuis postea reconcilientur ecclesiæ. [c. vlti. de hereti. & illic Gofre. Ioa. And. Ostien. Cardi. Abbas & ceteri. Brunus lib. 4. de hereti. cap. 14.]

12 Quinetiam digni sunt maiore supplicio reges & principes heretici, quam ceteri homines. Tum quia grauius ipsi, quam alij delinquant, tum etiam quia multo magis exemplo suo nocent. Attatur mihi Cicero libro tertio de legibus, post alia dicens: Ut vitij principum infici solet tota ciuitas, sic emendari & corrigi continentia. Et paulo post: Nec enim tantum mali est peccare principes (quanquam est hoc magnū per se ipsum malum) quantum illud, quod permulti imitatores principum existunt. Ego autem nobilium vita victuque mutato, mores mutari ciuitatū puto. Quo perniciosius de republica merentur vitiosi principes, quod non solum vitia concipiunt ipsi, sed ea infundunt in ciuitatem: nec solum obsunt, quod ipsi corrumpuntur, sed etiam quod corrumpunt, plusque exemplo, quam peccato nocent.

13 Iure igitur ac merito Scythæ regem suū Scylæ occiderunt, propter externos ritus: quia bacchanalibus sacris externis initiatus erat, ut est apud Herodotum in Melopomene. Scripsit enim verissime

Plato, quales in republica principes essent, tales reliquos solere esse ciues. Quod Cicero diuinitus scriptum esse fatetur, lib. 1. epistolarum familiarium. Et Sapiens prouerbiorum. 28. inquit: Regnantibus impijs, ruinæ hominum. Et ut in corporibus, sic in imperio, grauissimus est morbus, qui a capite diffunditur, ut ait Plinius libro quarto epistolarum. Turbato Herode, turbata est omnis Hierosolyma cum illo. Et plerunque componitur orbis regis ad exemplum. Nec solum exempla regentium subiectos mouere, sed & cogere quodammodo solent. Vnde Paulus Petro apostolorum principi sapientissime dixit: Cogis gentes iudaizare.

Tanti fecit eius exemplum, quia supremus erat ecclesiæ pastor, ut non tantum suadere, sed cogere etiam videretur. Cogebat autem non docentis imperio, sed conuersationis exemplo, quemadmodum diuus Hieronymus quadam in epistola ad Augustinum scripsit. Ut ergo qui bene præfunt, duplici honore digni sunt: sic etiam iudicium durissimum fiet in his, qui male præfunt. Quæ obrem durissime puniendi sunt hæretici principes, & hi omnes qui alios inficere possunt autoritate sua. Quia ut Fabius aiebat, Perniciosissimus est malæ rei maximus quisque author. [declamat. 3. sapientiæ. 6. Tiraquel. de peccatis, causa. 51. nu. 97.]

De ecclesia Titulus XXIIII.

S V M M A R I V M.

- 1 **Q**uid sit ecclesia, & vnde dicatur.
- 2 Quotupliciter ecclesia soleat accipi, & in qua acceptione hic sumatur.
- 3 Qua ratione ecclesia vna sit, & in quo consistat eius vnitas.
- 4 Quibus rationibus ecclesia sancta dicatur.
- 5 Qua ratione ecclesia dicatur catholica.
- 6 Ob quas causas ecclesia catholica nuncupetur.
- 7 A quo tempore ecclesia incæperit, & in quibus temporibus incrementum & augmentum assumpserit.
- 8 Qui ab ecclesia catholica recedit, & adultera iungitur, proculdubio non saluabitur.
- 9 Proponitur qualisnam sit hæreticorum ecclesia, quæ non vna sed multiplex est.
- 10 Qualem dixerint hæretici veteres & recentiores suam ecclesiam esse: quorum opinio cæca esse probatur.
- 11 Quomodo intra ecclesiam boni & mali cõtineantur, & misceantur, exemplis probatur.
- 12 Interrogandos esse lutheranos, an ecclesia a temporibus apostolorum usque ad Lutherum fuerit, ut illos conuincamus.
- 13 Hæretici lutherani negare non possunt, ecclesiam Christi semper durasse, & nunquam Lutheri dogma docuisse, ex quo colligitur eos deceptos esse.
- 14 Procaces hæretici deuotandi sunt tantam pestis, isti namque in ecclesia vna non sunt: & ad catholicam ecclesiam quæ vera docet festinandum est.
- 15 Omnium ecclesiarum matrem ac magistram esse ecclesiam Romanam, & ad eam confugiendum esse.
- 16 Qui vera volunt audire, ea amplectantur, quæ primitiua ecclesia per patrum successionem ad nos usque transmisit.
- 17 Ecclesia Romana radix est ecclesiæ catholicæ, nec ab illa vnquam hæresis aliqua sumpsit exordium.

- 18 Ecclesia Romana lumen catholice & apostolicæ fidei exhibet . quod si in illa aliquid (quod absit) fuerit extinctum, credendum est finem rebus aduenisse .
- 19 Probatur autoritate sanctorum autorum, ecclesiam Romanam matrem esse omnium ecclesiarum, & nunquam in fide errasse .
- 20 Concluditur cum omnibus patribus concilij Lateranensis dicentibus, Romanam ecclesiam omnium errorum expertem esse .
- 21 Nequaquam licere ab ecclesia Romana recedere; cui primas partes non dare, impietatis summum genus est .
- 22 In ecclesia illa esse permanendum, que fuit ab apostolis fundata, & usque ad hunc diem durat .
- 23 Omnia ea quæ de Romana ecclesia dicta sunt, illi competere existimandum est, quia ibi sedes apostolica voluntate diuina erat permansura .
- 24 Proponuntur rationes propter quas non fuit conueniens, apostolicam sedem Hierosolymis collocari .
- 25 Ecclesia catholica in rebus fidei errare non potest, quia a Spiritu sancto regitur .
- 26 Plane lutheranorum hereses consulantur ecclesiæ traditionibus .
- 27 Probatur multis rationibus & autoritatibus, æqualem esse auctoritatem traditionis ecclesiasticæ & scripture .
- 28 Memorantur aliqua testimonia doctorum ecclesiæ vno ore consentientium, eandem esse auctoritatem traditionis & scripture .
- 29 Traditiones ecclesiasticæ eandem vim retinent cum scripturis, & ita sunt obseruandæ sicuti a maioribus sunt traditæ .
- 30 Nominantur authores qui tenent auctoritatem traditionis & scripture esse æqualem : & loci etiam indicantur .
- 31 Adducuntur innumeri conciliorum loci ad probandum quod debeant seruari ecclesiæ traditiones .
- 32 Hereticum esse traditiones ecclesiasticas contemnere, antiquis ecclesiæ consuetudinibus probatur .
- 33 Multa reperiuntur in ecclesia suscepta & custodita per traditionem apostolicam, quæ literis apostolorum non inveniuntur scripta .
- 34 Antiqua consuetudo non minorem vim habet quam scripta lex, ideo qui eam contemnit, ecclesiam contemnit, & hereticus contumax est .
- 35 Adducuntur nonnulla argumenta in hereticos impudentissimos, qui negabant consuetudines ecclesiasticas necessario non esse tenendas homini christiano .
- 36 Multa quæ ad nostram religionem pertinent missa fecerunt euangelistæ, neque eius integram historiam tradiderunt .
- 37 Probatur rationibus & autoritatibus, euangelistas non scripsisse omnia quæ ad ecclesiæ institutionem & sacramenta pertinent : nam maxima pars vntioni Spiritus sancti reseruata fuit .
- 38 Quomodo cognoscamus, qui libri sint canonici & Spiritu sancto spirante conscripti, ecclesiæ traditionibus .
- 39 Sacre literæ non habent auctoritatem ex suis scriptoribus, sed ab ipso Deo, & eis credimus propter ecclesiæ traditiones .
- 40 Insaniunt heretici auctoritatem ecclesiæ traditioni detrachere conantes : nam labefactant omnia vnde credita pendunt .
- 41 Quæritur vtrum heretici de ecclesia sint .
- 42 Heretici licet ad ecclesiam pertinere videantur, vere tamen non sunt de ecclesia : nam qui non manent in vnitatis fidei, non sunt in ecclesia Dei .

De ecclesia.



ECCLESIA, græca vox est, latine multitudinem, cœtum, aut conuentū significat: multitudinem inquam, nō qualem cūque, sed

conuenientem, & cōciliatam in vnā aliquam societatem. Et quamuis variæ sint formæ humanarum societatum, & varia item illarum nomina: vbi tamen inter se conueniunt homines ad finem supernaturalem assequendum in fide cultuque Dei, ac religionis, & spe salutis inde adipiscendæ, eiusmodi hominum societas in scripturis diuinis, & ecclesiasticis scriptoribus, ecclesia solet appellari. Est ergo ecclesia communitas, & collectio, seu respublica Christi fidelium, ordinata ad finem supernaturalem. Est autem ecclesia visibilis hominum cœtus, a Christo Domino & apostolis collectus, in hunc vsque diem perpetua successione continuatus, in vna fide apostolica sub Christo capite & eius in terris vicario, pastore, ac summo pontifice agens. His enim notis ab ecclesia satanæ secernitur. [Torquemada lib. 1. de ecclesia. cap. 1. Canus lib. 4. de locis theologicis cap. 2.]

- 2 Varijs modis nomen ecclesiæ accipitur: vel pro domo Deo dicata: vel pro vniuersitate christianorum: vel pro vniuersitate vnius nationis, aut prouinciæ: vel pro episcopis, aut præsentibus ecclesiæ: vel pro clericis & ecclesiasticis viris: & interdum dicitur ecclesia impiorum, & malignantium, & ecclesia satanæ. Nos tamen in præsentia, de ecclesia tantum loquemur, quæ vniuersitas, seu collectio fidelium, & quæ rectam de Deo fidem seruat, & vera reli-

gione verum Deum colit, & adorat, & ab eo salutem suam expectat. [Ioan. Torquemada eodem lib. 1. cap. 2.]

- 3 Hæc autem ecclesia, (vt iuxta Nicænā professionem credimus, & constanter asserimus) vna est, sancta, catholica & apostolica. Vna est, sicut in canticis legitur: Vna est columba mea, perfecta mea, vna est matri suæ. Hæc eadem ecclesia constat ex omnibus fidelibus, non solum præsentibus, verum etiam præteritis & futuris: alioqui tot fingeremus ecclesias, quot secula. Vnitas autem ecclesiæ consistit in multis: in vnitæ capitis, fidei, sacramentorum, spei, charitatis, spiritus viuificantis, beatitudinis, & rectoris atque pontificis præsentis. Quorum pleraque complectitur Apostolus in epistola ad Ephesios, inquit: Vnum corpus, & vnus spiritus, sicut vocati estis in vna spe vocationis vestræ. Vnus Dominus, vna fides, vnum baptisma. Cætera vero ex alijs locis scripturæ diuinæ fusiùs ante nos plurimi collegerunt. Atque hæc quidem via est certissima, qua ecclesia catholica discernitur a conuenticulis hæreticorum: ea enim vnica est, & in vnitæ consistit: sectas vero hæreticorum varias dispersasque, & sibi semper constat esse contrarias. [Ad Ephe. 4. Clemens Alexan. oratione Stromateon. Cyprianus tracta. de simplici prælato. Optatus lib. 2. contra Parmenianū. Chryso. in priorem epistolā ad Corin. homi. 1. August. lib. de fide ad Petrū cap. 43. Leo epist. 16. & 18. Torquemada lib. 1. de ecclesia. c. 6. c. loquitur. cum seq. 24. q. 1. c. No- uatianū. cū seq. q. 1. cōfessio Polonica, de fide & symbolo. c. 25. Medina lib. 5. de recta in Deum fide cap. 13.]

4 Sancta dicitur ecclesia, quia Spiritu sacro sanctificata: quia munda a corruptione: quia firmata lege diuina: quia Christi sanguine respersa: quia cultui veri Dei dedicata: quia sancta est in votis, in sacrificijs, in ministerijs, in cæremonijs & obseruationibus: quia virtutibus, gratijs, & spiritualibus bonis diues & fecunda est: quia optimis, iustissimis, & sacratissimis legibus regitur, & gubernatur: quia scientiam sanctorum habet, & notitiam diuinitatis: quia sacramenta habet, quibus homines sanctificantur. Postremo sancta rectissime dicitur, quia columna est, & firmamentum veritatis, & corpus Christi, qui caput eius est. [ad Ephe. 1. & 5. ad Collossen. 1. & 1. Timo. 3. Torque. eodem lib. 1. c. 9. Pelagius de planctu eccl. lib. 1. arti. 63. confes. Polonica, de fide & symbolo. c. 21.]

5 Catholica, id est, vniuersalis, dicitur ecclesia, quia nullo certo loco, nulla regione, aut patria, nulla gente, natione, aut populo, nullo denique tempore cõclusa aut circumscripta est: sed generaliter extendens palmites suos in orbem vniuersum, in tempora quælibet præterita, præsentia, & futura, secundum seriem successione nascentium, & decedentium continuata, sub vno duce inuisibili Deo, in vnitæte fidei & religionis: est ergo catholica, quia toto orbe diffusa: quia in finem vsque seculi permanebit: quia ex omni gente, natione & populo: quia ex omni sexu, & conditione constat: quia generalem doctrinam habet visibilibus & inuisibilibus, cælestium atque terrestrium: quia habet præcepta vniuersalia: Demum quia generaliter sanat omnia peccata. [Ildorus lib. 1. de officijs ecclesi. cap. 1. Aluarus Pelagius lib. 1. de planctu ecclesiæ arti. 63. Torque. lib. 1. de ecclesia. c.

13. Alber. Pighius lib. 1. hierar. ecclesiasti. cap. 1. Hofius lib. 5. aduersus prolegomena Brentij. confessio. Polonica, de fide & symbolo, cap. 22. & 23. Michael Medina lib. 5. de recta in Deum fide. cap. 13.]

6 Apostolica quoque dicitur ecclesia multis ex causis. Primo, quia in Apostolis initium habuit secundum tempus gratiæ reuelatæ. Ad hoc, quia superædificata est ab Apostolis, dicente Paulo: Superædificati estis super fundamentum apostolorum. Deinde, quia apostolorum fidem, prædicationem, documenta, & auctoritatem retinet, & obseruat. Præterea, quia religionis ritus, & institutiones, obseruationes, atque traditiones apostolicas habet atque custodit. Post hæc, apostolica dicitur, quia ad exemplum cælestis Hierusalem effigiata, & ordinata est. Ad extremum apostolica recte nominatur, quia cathedram habet apostolicam, quam Deus esse voluit in ecclesia, quæ ab apostolis Petro & Paulo glorioso martyrio consecrata est. [Pelagius lib. 1. de planctu ecclesiæ, arti. 63. in fine. Ioan. Torquem. lib. 1. de ecclesia cap. 18. confessio Polonica de fide & symbolo cap. 27.]

7 Incœpit autem ecclesia a primis illis parentibus humani generis, qui post diuini mādati præuaricationē a clemētissimo Deo sp̄e veniæ acceperunt in sanguine mediatoris Dei & hominū Christi agni immaculati, pro salute humani generis offerēdi: in qua fide qui cōuenērūt, ad hanc ecclesiā pertinuisse dicuntur. Ea vero ætates habuit & incremēta, vsque ad Saluatoris nostri aduētū, quo tempore ad ætatē perfectā peruenit, vbi fundator atq; sãctificator ecclesiæ natus est in ea: qui cõpletis nostrę redẽptionis mysterijs, p̄soluuntq; veteris Adẽ peccatorum debitis, reuersus ad patrē, apostolorum suorum

suorū ministerio, ex omni, quæ sub cælo est, gente, natione, populo, talē sibi cōgregauit, & ordinauit ecclesiā, qualē in veteri synagoga adumbrauerat: Et hæc est illa catholica nostra & apostolica Christi ecclesia: nec alia est ab illa veteri, sed & hæc, & illa veluti quedam ciuitas magna fundata est super Christū, quem patres expectauerunt, prophetæ prædixerunt, apostoli aduenisse prædicauerunt, Ioannes vero demonstrauit præsentē. [August. lib. 10. de ciui. Dei cap. 25. & epistola. 49. Pelagius lib. 1. art. 64. Torquemada lib. 1. cap. 22. Tho. opusculo de symbolo apostolorū. Alber. Pighius lib. 1. hierar. ecclesi. cap. 1. Gaspar lib. 4. contra hæreticos, disputatione. 1. cap. 7.]

- 8 Hæc ergo illa est vniuersalis ecclesia mater christianorum verissima: extra quam nullus omnino saluatur. Vnde Cyprianus tractatu de simplicitate prælatorum, vere atque eleganter scripsit: Quisquis ab ecclesiā segregatur, ad uitæ iungitur, a promissis ecclesiæ separatur, nec pertinet ad Christi præmia. Qui relinquit ecclesiam Christi, alienus est, prophanus est, hostis est: habere iam non potest Deum patrem, qui ecclesiam non habet matrem. Si potuit euadere, qui extra arcam Noe fuit, & qui extra ecclesiam foris fuerit, euadet. Quam sententiam Tertullianus quoque docuit libro de oratione, & Augustinus subinde, ac reliqui catholici omnes id ipsum vno ore consentiunt. Epiphanius item ait: Mater nostra catholica ecclesia, vna & innocens columba, portus pacis serenus ac tranquillius, lætitia spirans Cyprum vineæ, & borrum ferēs nobis benedictionis, quotidie largiens sanguinem Christi, meracum veritatis. Credere igitur constantissime debemus quidquid credit & docet catholica Chri-

sti ecclesia, quæ Paulo apostolo teste, cœlumina est, & firmamentum veritatis. Intra ecclesiæ murum inexpugnabilem continere nos debemus: contra quem quisquis arietauerit, (vt sapienter admodum Augustinus dixit) ipse potius confringetur. [c. quoniam verus. 24. q. 1. cum seq. c. 1. de summa Trini. Chrysost. sermone de pentecoste. August. de moribus ecclesiæ. c. 30. & in enchiridio. 39. Torquemada lib. 1. cap. 21. & cap. 40. Pighius lib. 1. hierar. eccle. c. 5. confessio Polonica, de fide & symbolo, cap. 14. Michael Medina lib. 5. de recta in Deum fide cap. 11.]

- 9 Sed age iam videamus, qualis nam sit recentium hereticorum ecclesia: nunquid vna? minime gentium: est enim plurimis heresibus scissa. Nunquid sancta? nequaquam: quid enim sancti esse potest hereticis violata & amissa fide? Nunquid catholica? non: quia vniuersalis non est: non tempore, non loco, non populo. Nunquid apostolica? nihil minus: nam quid, quæso, apostolicum habet? Non cathedram, non successionem, non doctrinam, non traditionem vllam apostolorū. Est ergo Lutheranorum ecclesia, non sanctorum, sed malignantium: non vna, sed varia & multiplex: non sancta, sed impiarum catholica, sed priuata: non apostolica, sed apostatica, atque satanica. Abeant igitur post adinventiones suas prauit homines, & seductores: nos interim vnā, sanctam, catholicam, & apostolicam sequamur ecclesiam, & eius nos filios esse gloriemur. [Vide Franciscum Sornium lib. 2. tract. 8.]

- 10 Sed inquit heretici, apud se solos esse quandam ecclesiam iustorum, & prædestinatorum, quæ sola est sponsa Christi. Dixerunt id ipsum iam olim Donatistæ, Nouatiani, Rutheni, & Armenij:

nij: sed cæca prorsus & stupida est illo-
rum omnium opinio, & iam pridem
ab ecclesia catholica cōfutata: nō enim
occulta est, & imaginaria & incerta ca-
tholica Christi ecclesia: sed cunctis sem-
per & vbique cognita, & ciuitas super
montem posita, quæ (vt apud Matthēū
est) abscondi non potest, nec includi qui-
dem in domibus Lutheranorum, aut in
deserto Sacramentariorum, aut in pene-
tralibus Anabaptistarum: sed per om-
nēs gentes toto orbe terrarū diffusa est:
quemadmodum luculenter probat Au-
gustinus multis testimonijs diuinæ scri-
pturæ, legis & prophetarum, euangelio-
rum, & apostolorum. [lib. de vnitae
ecclesiæ contra Petilian epistolam. &
lib. 13. contra Faustum cap. 13. & ele-
ganter Hosius lib. 3. aduersus prologo-
mena Brentij. Confessio Polonica, de
fide & symbolo cap. 20. Canus lib. 4.
de locis theologicis cap. 3.]

11 Nec tantum bonorum, aut iustorum
ecclesia militans est: verum etiam intra
ecclesiam, boni simul & mali vnitae fi-
dei, & sacramentorum communione
miscentur. Quod ex euangelijs aper-
tissime constat, vbi regnum cælorum,
idest ecclesia, dicitur esse simile sagine
missæ in mare, & ex omni genere pisciū
congreganti: & comparatur decem vir-
ginibus, quarum quinque erant fatuæ.
Quod apostolus quoque manifestissi-
me docuit in priore epistola ad Corin-
thios, vbi vocat illos ecclesiā Dei, quos
paulo post, de multis peccatis reprehen-
dit. Præterea, incertissima foret eccle-
sia iustorum in hoc mundo, cum sciat
nemo vtrum odio, vel amore dignus sit.
Postremo esset quidem absurdissimum
dicere, quod septies in die iustus est in
ecclesia, & septies extra illam, quando-
quidem septies in die cadit, & resurgit.
Sed istam hæreticorum impiam insa-

niam ecclesia catholica iam olim dam-
navit, & ab omnibus catholicis viris
vno ore confutata est. [Origenes eam
refellit in Hieremiam homilia. 3. &
in Ezechielē homil. 1. Hieronymus ad-
uersus Luciferianos. August. epist. 48.
Et libro de vnitae ecclesiæ. cap. 13. &
lib. 1. de ciuita. Dei cap. 35. & lib. 18.
cap. 49. Vualdensis in doctrinali tomo
1. lib. 2. cap. 8. Torque. lib. 1. de ec-
clesia, cap. 3. & cap. 55. cum seq. Faber
contra Lutherum tracta. 1. tex. 9. Pi-
ghius lib. 2. hierar. eccles. cap. 1. con-
fessio Polonica. cap. 21. Pet. Soto in
defensione catholicæ confessionis cap.
de vna visibili & certa ecclesia. Hermas
lib. 4. de instau. religione. c. 6. Virue-
sius Philippica vltima. Alfonsus lib. 6.
aduersus hæreses in principio. Martinus
Aiala lib. 1. de diuinis & ecclesiasticis
traditio. assertionem. 5. c. hæc autem. c.
quidam. 23. q. 4.]

12 Quæramus iam a Lutheranis, vtrum
fuerit vlla vnquā in terris ecclesia Chri-
sti, a temporibus apostolorum vsq; ad
Lutherum. Quod si negauerint, rem-
omnium absurdissimā facient: & men-
tientur procacissime contra Christum
dominum dicentem: Ego vobiscum sum
vsque ad consummationem seculi. &:
Vbicunque duo vel tres cōgregati fue-
rint in nomine meo, ego sum in medio
illorum. Loquentur præterea menda-
cium impudentissimum contra millia
millium clarissima scripturarum testi-
monia. Nunquid obliuisci potuit Chri-
stus ecclesiæ sponsæ suæ dilectissimæ,
per mille quingentos annos? nunquid
Spiritus sanctus missus ad docendam
omnem veritatem, derelinquere potuit
per tot continuos annos ecclesiam, quā
Christus Deus noster suo pretiosissimo
sanguine redemit? Absit ab animis fide-
lium tam prodigiosa fictio: nam vt Leo

ille magnus iam olim de Manichæo scripsit, & nos hodie de Luthero multo aptius dicere possumus, non potuit promissio domini tanta per ætatum intervalla differi: nec ille spiritus veritatis, quem mundus nō accepit impiorū, ita septiformem illam donorum suorum continuit largitatem, ut tot ecclesiæ generationes, sapientia & intellectu, consilio & fortitudine, scientia & pietate, atque ipso Dei timore fraudaret, donec prodigiosus iste turpium mēdaciū signifer nasceretur.

- 13 Si vero cōfessi fuerint lutherani, quod negare non possunt, ecclesiam Christi semper durasse, ac duraturam esse usque in finem seculi: tum ab eisdem quæremus, an fuerit vnquam ecclesia catholica apud Gentiles, vel Iudæos, vel hereticos, vel Mahumetanos? an potius apud Christianos? non poterunt, non respondere, apud Christianos semper fuisse. Tum rursus instabimus, quæretes ab eis, an fuerit seculum aliquod, aut brevius fortasse tempus, in quo docuerit catholica ecclesia, p̄fana Lutheri dogmata? profecto nō aliud nobis ostēdere poterunt, quam tritas illas veteri proverbio calendæ græcas. Usque ad hunc diem sine ista doctrina mundus Christianus fuit, ut Hieronymus in epistola de erroribus Origenis scriptum reliquit. Augustinus quoque libro de vera religione inquit: Neque in confusione paganorum, neque in purgamentis hæreticorum, neque in languore schismaticorum, neque in cecitate Iudæorū quærēda est religio: sed apud eos solos, qui Christiani, catholici, vel orthodoxi nominantur: id est, integritatis custodes, & recta sectantes. Et post paululū: Tenenda est nobis Christiana religio, & eius ecclesiæ communicatio, quæ catholica est, & catholica nominatur, non so-

lum a suis, verum etiā ab omnibus inimicis. Hęc ille. [cap. 5. & cap. 7.]

14 Cum igitur Lutherus, & alij omnes heretici, non sint in ecclesia vna, sancta, catholica, & apostolica: sed in ecclesiis satanis, atque malignantium: deuitandi sunt, tanquam pestes: & iuxta doctrinam Augustini, ad sinum ecclesiæ catholice, quæ sola veritatem docet, omni cursu festinandum est. Et quemadmodum Alexandrinus ait: Sicut nos diuinę scripturę docent, vnum sanctum spiritum confitemur, qui repleuit & veteris testamenti sanctos homines, & noui sacratissimos præceptores, in vnam & solam catholicam, apostolicamque semper ecclesiam: quę & inuincibilis est, licet omnis mundus aduersus eā pugnet, & victrix totius aduersę impietatis existit. Ad extremū cum Augustino cōtra epistolam Manichæi, quam vocant fundamenti, vnusquisque Christianus sapienter admodum dicere poterit: Multa sunt, quæ in gremio catholice ecclesiæ me iustissime tenent. Tenet consensus populorum, atque gentium. Tenet autoritas miraculis inchoata, spe nutrita, charitate aucta, vetustate firmata. Tenet ab ipsa sede Petri apostoli, cui pascendas oues suas post resurrectionem Dominus commendauit, usque ad præsentem episcopatum successio sacerdotum. Addo etiam, tenent apostolicę & ecclesiasticę traditiones. Tenent vniuersalia concilia. Tenent sanctissimi doctores, atque pastores ecclesiæ. Tenet postremo ipsum catholicę nomen: quod non sine causa inter tam multas hæreses, sic ista ecclesia sola obtinuit, ut cum omnes heretici, se catholicos dici velint: quærenti tamen peregrino alii cui, vbi ad catholicā conueniatur, nullus hæreticorum, vel basilicam suam, vel domum audeat ostendere. [August. lib. de

lib. de fide contra Manichæos cap. 45.
& contra epistolam fundamenti cap. 4.
Alexandrinus apud Theodorum lib.
1. histo. triparti. cap. 14.]

15 Hæc autem catholica ecclesia multas
ecclesias complectitur, ut ex Pauli epi-
stolis, & Ioannis Apocalypsi satis con-
stat. Sed earum omnium caput, mater
& magistra est ecclesia Romana pro-
pter cathedram apostolicam, quam Do-
minus illic esse voluit. Ad eam igitur
in causis fidei confugiendum est, quia
catholica est, & nullam unquam hære-
sim fouit, imo destruit hæreses omnes.
Et ut Anacletus epistola tertia scripsit:
Romana ecclesia non ab apostolis, sed
ab ipso Domino saluatore nostro pri-
matum obtinuit: & eminentiam pote-
statis super vniuersas ecclesias, ac totū
Christiani populi gregem assecuta est.
Et paulo post inquit: Petrus, & Paulus
eodem tempore, & vno die, sub Nero
ne principe passi sunt, & ambo sanctā
Romanam ecclesiam sua morte conse-
crarunt, & alijs omnibus suo veneran-
do triumpho prætulunt.

16 Ad hoc, Irenæus vicinus temporibus
apostolorum, libro tertio aduersus hæ-
reses, volens ostendere, quæ sit vera do-
ctrina apostolica, inquit: Traditionē
apostolorum toto orbe manifestam, in
omni ecclesia adest perspicere omnib⁹
qui vera volunt audire: eam videlicet,
quam primitiua ecclesia per successio-
nem continuam patrum & episcoporum
transmisit ad nos. Sed quoniam per
omnes ecclesias discurre, prolixum
esset, & operis infiniti, ex omnibus ma-
ximam & antiquissimam atque omni-
bus cognitam, Romæ a gloriosissimis
duobus apostolis Petro, & Paulo funda-
tam, eligens, eius fidem, traditionem-
que, quam habet ab apostolis annun-
ciatam, & per successiones episcoporum

ad nos peruenientem indicantes, con-
fundimus omnes, qui quoquo pacto,
vel per sui complacentiam, vel vanam
gloriam, vel per cecitatem & malam
sententiam, fidem, præter quam oportet
colligunt. Et antiquissimus author
Septimius Tertullianus eandem autho-
ritatem ecclesiæ Romanæ frequenter ex-
tollit. [Irenæus lib. 3. c. 3. Tertullianus
lib. de præscriptionibus aduersus hæreti-
cos. & lib. 4. aduersus Marcionem.]

17 Cyprianus quoque libro primo episto-
larum inquit: Nauigare audent, & ad
Petri cathedram, atque ecclesiam prin-
cipalem, vnde vnitas sacerdotalis exor-
ta est, a schismaticis & profanis literas
ferre, nec cogitare eos esse Romanos,
quorum fides, apostolo prædicante, lau-
data est: ad quos perfidia habere nō po-
test accessum. Et iterum libro quarto
fatetur, ecclesiam Romanam esse matri-
cem & radicem ecclesiæ catholice. Po-
stremo, in expositione symboli aposto-
lorum inquit: In ecclesia vrbis Romæ,
nec hæresis vlla illic sumpsit exordium,
& mos ibi seruatur antiquus. [lib. 1.
epist. 3. & lib. 4. epist. 8.]

18 Deinde Maximus orientalibus popu-
lis quadam epistola suadet, ut veram fi-
dem approbantes, in ecclesiam Roma-
norum, tanquam in solem respiciant:
& ex ipsa lumen catholice, & apostoli-
ce fidei recipiant. Et sanctus Gelasius
primus canone quarto inquit: Quāuis
vniuersæ terræ, per orbem catholice &
apostolice constitutæ ecclesiæ, vnus tha-
lamus Christi sit: tamen sancta Roma-
na ecclesia, nullis synodicis constitutis,
ceteris ecclesijs prælata est: sed euangeli-
ca voce Dñi & Saluatoris nostri, prima-
tum obtinuit. Et Nicolaus primus scri-
bens Mediolanensibus ait: Nō ergo quæ-
libet terrena sententia, sed illud verbū,
quo factum est celum & terra, per quod

denique facta sunt omnia, Romanam fundauit ecclesiam: illius certe priuilegijs fungitur, cuius autoritate fulcitur. [c. quamuis. 21. distinct. Chrysoſto. in epist. 2. ad Theſſa. homilia. 4.]

- 19 Deinde Lucius primus epistola prima, & Felix primus epistola ad Benignum, & Eugenius apud Victorem lib. 2. de persecutione Vandalica, & patres in sexta synodo generali, act. 4. fatentur vno ore omnes, quod ecclesia Romana mater est omnium ecclesiarum, & nunquam errauit in fide. Et in præfatione Nicenæ synodi traditur, ecclesiam Romanam, nullis synodicis decretis, sed voce Domini primatum obtinere. Sanctus quoque Marcellus inquit: Sedes Petri iubente domino Romam translata est. quod & Aegessippus narrat, & Faber contra Lutherum retulit. Sanctus item Iulius ait, ecclesiam Romanam Domini ore sacratam, & exaltatam esse. Pius quoque sanctitate pariter atq; martyrio clarus, omnibus ecclesijs hæc verba scripsit: Christus hanc apostolicam sedem, omnium ecclesiarum caput esse præcepit. Quibus accedunt Vigilius, Pelagius secundus, Alexander secundus, Eulalius episcopus Carthagenensis & ceteri catholici omnes [Faber tractatu. 5. textu. 23. Vigilius epistola ad Eutherium. c. 7. Eulalius epistola ad Bonifacium secundum. c. relatum. 11. q. 1. Raynoldus lib. 3. ad Henricum octauum regem Angliæ. confessio Polonica, de fide & simbolo, cap. 28.]

- 20 Concludamus ergo cum patribus concilij Lateranensis sub Iulio secundo, dicentibus: Sancta Romana ecclesia, fidei magistra, veritatis alumna, omnium errorum expers, vnica & immaculata, diuina institutione, sanctorum autoritatibus, conciliorum, canonumq; omnium testimonio ecclesiarum cuncta-

rum primatum obtinet. Illud profecto mirabile est: quod cum omnes fere nationum & prouinciarum ecclesiæ, etiã illæ quibus ipsimet apostoli præfuerunt, multis hæresibus semel atque iterum ac sæpius infectæ fuerint, Romana tamen ecclesia fidem catholicam puram inuolatamque semper & vbique seruauit. Defecit Achaia, vbi Andreas: Asia, vbi Ioannes: India, vbi Thomas: Persis, vbi Simon & Iudas: Aethiopia, vbi Matthæus: Hierosolyma, vbi Iacobus: Græcia, vbi Paulus: Phrygia, vbi Philippus docuit: postremo cæteræ quibus alij præfuerunt: Roma semper in fide accepta, stabilis & inuiolata permanſit.

- 21 Nunquid propter Lutherum, & ceteros impios stupidos homines, cæcos & miseros, recedemus protinus ab ecclesia catholica atque Romana? Nunquid, vt ait Augustinus, dubitabimus nos eius ecclesiæ condere gremio, quæ a redemptione generis humani, ab apostolica se de per successiones episcoporum, frustra hæreticis circûlatrantibus, & partim plebis ipsius iudicio, partim conciliorum grauitate, partim etiã miraculorum maiestate damnatis, culmen auctoritatis obtinuit? cui nolle primas partes dare, vel summæ profecto impietatis est, vel præcipitis arrogantia. [lib. de vtilitate credendi cap. 27.]

- 22 Vbi sunt ecclesiæ illæ, quæ iam olim ab ecclesia Romana defecerunt? in cuius manu sunt omnes ecclesiæ Asiæ, atque Africæ, & illæ tam multæ, quam in magna Europæ parte floruerunt? Nunquid non est demolitus eas aper de sylua, & fera pessima depasta est? cuius si causam diligenter, prudenterque perquisieris, non aliam vnquam inuenies, quam quod ab ecclesia Romana, & Petri cathedra se diuſerunt. Ad postremum, audi Hieronymum in fine operis aduersus

sus Luciferianos dicentem : Breuem tibi apertamque animi mei sententiam proferam : in illa esse ecclesia permanendum , quæ ab apostolis fundata vsque ad diē hanc durat . Sicubi audieris eos , qui dicuntur Christi , non a domino Iesu Christo , sed a quoquam alio nuncupari , vt puta , Marcionitas , Valentinianos , Monteses , siue Campates : scito nō ecclesiam Christi , sed Antichristi esse synagogam . Ex hoc enim ipso , quod postea instituti sunt , eos se esse indicāt , quos futuros apostolus prænunciavit . Hæc vir ille sanctissimus : qui eadem sententia nobis ostendit , lutheranos , sacramentarios , & anabaptistas , vel ex nomine solo hæreticos , & non Christianos esse iudicandos . [Vide Fabrum contra Lutherum tractatu . 5 . text . 18 . Pighium lib . ecclesiasticę hierar . cap . 24 . Bartholomęum Latomum aduersus Bucerū controuersia de autoritate ecclesię prope finem .]

23 Hæc autem omnia quę de Romana ecclesia diximus , existimanda sunt ex eo manare , quia illic sedes apostolica voluntate diuina permansura erat : idē prorsus futurum in quacunque alia ecclesia , vbi eandem sedem Dominus esse voluisset : non enim elegit Deus gentes propter locum , sed locum propter gentes . Quę vero causa fuerit , qua Roma omnibus alijs ciuitatibus in ea re fuerit prælata , non est nostrum prorsus scire . Quis enim cognouit sensum Domini , aut quis consiliarius eius fuit ? Non tamen desunt humanæ coniecturę satis quidem probabiles & verisimiles , quas Leo ille diuinissimus tradit , sermone primo de natiuitate apostolorum Petri , & Pauli , dicens : Beatissimus Petrus princeps apostolici ordinis , ad arcem Romani imperij destinatur , vt lux veritatis , quę in omnium gentium

reuelabatur salutē , efficacius se ab ipso capite per totum mundi corpus effunderet . Vt sicut Roma fuerat magistra errorum , eodem modo fieret magistra veritatis . [lib . 2 . Machab . cap . 5 . cap . beati . 2 . q . 7 .]

24 Et si enim Hierosolymis ponenda videretur apostolica sedes , eo quod in ea Christus crucifixus , mortuus , & sepultus , resurrexit : aliud tamen placuit sapientię diuinę , ideo fortasse , quia in vltionē mortis Christi Hierosolyma erat funditus euerrenda : tum vt ceca illa & carnalis peruicacia Iudæorum confunderetur , expectantium Messiam suum regnaturum in illa Hierusalem . Deinde translata lege , & sacerdotio translato , consequens etiam fuit , vt & locus apostolicę sedis transferretur . Quam ob rem apostolorum princeps Spiritu sancto plenus , ibi reliquit successores , vbi eorum præsentia ædificandæ ecclesię plus prodesse posset . Nam cum Roma caput esset imperij , ab ea fides catholica in vniuersum orbem melius diffundi poterat . Postremo , voluit Christus , vt Romanam ecclesiam duo luminaria cæli morte clarissima consecrarent : & vt sanguis multorum martyrum ibidē effunderetur copiosissime , vbi sedes apostolica permansura erat : vt gloriatur vniuersalis ecclesia , quoniam gloria loci cōgruit excellentiæ præfidentis . [Gratianus . 2 . q . 6 . & iterum 9 . q . 3 . & rursus . 24 . q . 1 . Chrysostomus . in epistola ad Romanos . sermone vltimo . Torquemada lib . 1 . c . 17 . Guido de hæresibus Græcorum . c . 3 . Armacanus de erroribus Armenorum lib . 7 . c . 15 . & cap . 25 . Faber contra Lutherum tracta . 10 . text . 20 . & 25 Echius lib . 1 . de primatu Petri . ca . 18 . & lib . 3 . cap . 6 . Gaspar lib . 2 . aduersus hæreticos arti . 3 . cap . 7 .]

25 Hæc autem ecclesia catholica in rebus fidei

- fidei & morum errare non potest: quia regitur Spiritu sancto, qui nūquam illā deferit. Et Christus Deus noster, qui caput est ecclesiæ, adest semper & aderit ei vsq; ad cōsummationē sēculi. Præterea, vt apud Matthæū est, portę inferi, idest, hæreses & errores, nō præualebunt aduersus ecclesiā. Et Paulus ad Timotheum scribēs ait: Ecclesiā esse columnam & firmamentum veritatis. Vnde relinquitur plane, quod si possibile esset, ecclesiā in aliquo errare, is qui sequeretur illam, nequaquam erraret: quia error ille insuperabilis esset. E contrario autem si possibile esset hæreticos non errare, qui tamen sequeretur illos contra ecclesiā, non possent non errare. Quid? quod tam est impossibile ecclesiā errare, quam hæreticos in hæresibus non errare. [Ioan. 14. Matth. 27. ad Ephe. 4. Matth. 16. & 1. Timo. 3. Torque. lib. 2. de ecclesia. cap. 91. Toftadus parte. 2. defensorij cap. 21. cum seq. Gaspar lib. 2. arti. 3. cap. 1. Cahijs lib. 4. de locis theologicis. cap. 4. Michael Medina lib. 5. de recta in Deum fide. cap. 12.]
- 16 Illud quoque verissimum est, quod solo vniuersæ lutheranorum hæreses planissime confutantur: quod ecclesiæ traditiones in rebus fidei & morum, quauis scriptæ non fuerint, non minoris sunt authoritatis, quam ipsa scriptura sacra. Est autem traditio ecclesiastica, doctrina Christi, vel apostolorum, vel discipulorum, viua voce tradita, & cōtinua fidelū successione a patribus in filios transfusa, & consuetudine peruetusta firmata. Quæ licet in libris sanctorum patrū scripta sit, nihilominus tamen traditionis nomen retinet, vt recte docet noster Aiala. [lib. de diuinis apostoli. ecclesiast. traditio. in principio.]
- 27 Veritas huius propositionis patet euidētissime: quia multa alia fecit & docuit Iesus, præter ea, quæ in euangelio continentur: & plura docuerunt, & prædicauerunt apostoli, ab eodem Salvatore & a Spiritu sancto edocti, quam quæ sacris literis comprehensa sunt. Cum ergo doctrina viua voce tradita nō minor sit authoritatis, quam si literis diuulgetur, relinquitur inde quod æqualis est authoritas traditionis & scripturæ: quod multis etiam locis sacrarum literarum perspicuum fit. Ac primum quidem Paulus scribens Thessalonicensibus, inquit: Fratres stare, & tenere traditiones quas didicistis, siue per sermonem, siue per epistolam nostram. Deinde ad Timotheum scribit: Tu ergo fili mi cōfortare in gratia, quæ est in Christo Iesu: & quæ audisti a me per multos testes, hæc commenda fidelibus hominibus, qui idonei erunt alios docere. Postremo, in actis apostolorū legitur, quod Paulus perambulabat Syriam & Ciliciā, confirmās ecclesias, præcipiens custodire præcepta apostolorum, & seniorum. Et paulo post, cum Paulus & Timotheus pertransirent ciuitates, tradebant eis custodire dogmata, quæ erant decreta ab apostolis & senioribus, qui erant Hierosolymis. [Ioan. vlti. 2. Thessa. 2. & 2. ad Timō. 2. Act. 15. cum seq.]
- 28 Eandem quoque veritatem sancti omnes pastores & doctores ab origine nascentis ecclesiæ vno ore fatentur: quorum aliqua testimonia breuiter hoc loco memorabo. Primo, sacer ille Dionysius. c. 1. eccle. hierar. testis est, apostolos partim scriptis, partim non scriptis institutionibus multa nobis tenenda tradidisse. Ad hoc, Irenæus lib. 3. aduersus hæreses, docens sumendā esse veritatem ecclesiasticæ traditionis: Quid, inquit, si neque apostoli quidam scripturas reliquissent nobis, nōne oportebat, ordinem

29 Chryſoſtomus quoq; in poſteriore
epiſtolā ad Theſſal. inquit : Hinc patet
quod non omnia per epiſtolam tradi-
dunt apoſtoli, ſed multa etiam ſine li-
ris:eadem vero fide digna ſunt tam illa,
quam iſta : itaque traditionem quoq;
eccleſię fide dignam putamus: Traditio
eſt, nihil quæras amplius. Vbi & Vul-
garius & Genadius idipſum confirmāt.
Itē Epiphanius libro contra hereses ait:
Termini nobis poſiti ſunt, & fundamē-
ta, & edificatio fidei, & apoſtolorum
traditiones, & ſcripturę ſanctę, & ſuc-
ceſſiones doctriņę, & vndeque veri-
tas Dei munita eſt. Et alibi: Oportet tra-
ditione vti, non .n. omnia a diuina ſcri-
ptura accipi poſſunt: quapropter aliqua
in ſcriptis, aliqua in traditione ſancti
apoſtoli tradiderunt. Et Hieron. epiſto-
la ad Luciniū: Ego illud te breuiter ad

30 Et ne describendo verba singulorum, vltra quam satis est morer, nomina tantum authorum, & locos indicasse sufficiat. Eandem igitur sententiam docet beatus Petrus in epistola 1. Clementis: Ignatius epistola ad Heronem: Tertul. lib. de corona militis, & rursus libro de ieiunio: Origenes homilia 5. in librum Numerorum: Cypri. epist. 8. lib. 2. Athanas. lib. de Spiritu sancto. Hierony. aduersus Luciferianos: Nazianzenus oratione quadam posita inter opera Gregorij Nissenii: Vincentius Lirinensis lib. aduersus hereses: Euseb. lib. 3. eccle. histo. cap. 36. Ruffinus in expositione symboli. Damasce. lib. 4. de fide Orthodox. cap. 13. & 17. Ambro. Theophylactus, Innocentius primus, Calix. Nicolaus. Socrates, & alij relati a Martino Aiala lib. de diuinis & ecclesiasticis. tradit. 3. parte, assert. 10. addo Hosium lib. 4. aduersus Brentium. Canum lib. 3. de locis theologicis.]

31 Ad hæc, veritatem hanc multis concilij maiores nostri posteris tradiderunt. In secūda synodo generali aiunt: Oportet nos ecclesiasticas traditiones, siue scripto, siue consuetudine in ecclesia retentas, seruare. Et in epistola synodali concilij Alexādrini: Quia prima salus est, recte fidei regulam custodire, & a patrū traditione nullatenus deuiare. Et in septi-

in septima synodo generali act. 1. Qui doctrinas sanctorum patrum, & traditionem catholicæ ecclesiæ cōtemnunt, execratio. Et in diffinitione eiusdem synodi: Fatemur autē vnanimiter, nos ecclesiasticas traditiones, siue scripto, siue consuetudine valentes, retinere velle: & catholicæ ecclesiæ, in qua Spiritus sanctus inhabitat, traditionem obseruare. Et post pauca: Si quis traditiones ecclesiæ, siue scripto, siue cōsuetudine valentes, nō curauerit, anathema. Demū in 4. sessione concilij Tridentini, sic decreuerunt patres: Sacrosancta œcumenica Tridentina synodus, traditiones ipsas, tum ad fidem, tum ad mores pertinentes, tanquam vel ore tenus a Christo, vel a Spiritu sancto dictatas, & cōtinua successione in ecclesia catholica conseruatas, pari pietatis affectu ac reuerentia suscipit, ac veneratur. In summa omnes sancti pastores & doctores nō aliud, ex quo Christi ecclesia est instituta, senserunt: non aliud a maioribus acceperunt: non aliud posteris tradiderunt: & tamen audent Lutherani traditiones ecclesiasticas contemnere, irridere atq; damnare, idque sub prætextu euangelij & scripturarum. O infelix audacia: o mentium impiarum temeritas.

- 32 Paria dicemus de consuetudinibus antiquissimis ecclesiæ, quas quidem contemnere prorsus hæreticum est: vim. n. ecclesiasticæ legis habent, & sine dubio de traditione apostolica manarunt, vt Tertullianus inquit libro de corona militis. Vnde Paulus apostolus scribens Corinthijs, consuetudinem ecclesiæ tanquam legem fortissimam obijcit contumacis: quod illic Theophylactus & cæteri obseruarunt. Neque alijs armis Hieronymus cōfodit Vigilantium irridentem venerationem reliquiarum, & vsum cæcorum, quam ecclesiæ consue-

tudine. Quod & Aug. subinde confirmat: qui scribens Casulano, inquit: In his rebus, in quibus nil certi statuit scriptura diuina, mos populi Dei, & instituta maiorum, pro lege tenenda sunt. Et iterum ad Ianuarium quadam in epistola scribit: Illa vero, quæ non scripta, sed tradita sunt, custodimus: quæ autē toto orbe terrarum obseruantur, datur intelligi, vel ab ipsis apostolis, vel ex plenarijs concilijs (quorum est in ecclesia saluberrima autoritas) commendata, atque statuta retineri. Et aduersus Donatistas: Paruuli baptizati ponuntur in numero credentium: & hoc solum ex consuetudine ecclesiæ antiqua, canonica fundatissima. [1. Cor. 11. August. epist. 86. & 118.]

- 33 Origenes quoque in epistolam Pauli ad Rom. Ecclesia, inquit, ab apostolis traditionē suscepit, etiam paruulis baptismum dari. Et Aug. lib. 2. de baptismo contra Donatistas: Quam consuetudinem credo ex apostolica traditione venientem, sicut multa non inueniuntur in literis eorum, neque in concilijs posteriorum: & tamen quia per vniuersam custodiuntur ecclesiam, non nisi ab ipsis tradita & commendata creduntur. Et rursus: Superius ostendimus; paruulum credere, & inter baptizatos computari: hoc habet autoritas matris ecclesiæ, hoc fundatissimæ autoritatis obtinet canon: contra hoc robur, contra hunc inexpugnabilem murum quis arietauerit, ipse potius confringetur. Calsianus quoque inquit: Oportet nos autoritati patrum, consuetudinique maiorum, vsque ad nostrum tempus per tantam annorum seriem protelata, etiam non percepta ratione, credere: eamque vt antiquitus tradita est, iungi obseruantia, & reuerentia custodire. Ad extremum Leo illi sanctissimus sermone

mone secundo de ieiunio pentecostes, ait: Dubitandum non est, dilectissimi, omnem obseruatiā christianam, eruditionis esse diuinā: & quidquid ab ecclesia in consuetudinem est deuotionis receptum, de traditione apostolica, & de sancti spiritus prodire doctrina: qui nunc quoque cordibus fidelium, suis præsider institutis, vt ea omnes, & obediēter custodiant, & sapienter intelligant. [Origenes in epist. ad Roma. lib. 5. c. 6. Aug. lib. 2. c. 7. Cassianus collatione. 21. cap. 12. Gratianus distinct. 11. Gaspar lib. 2. aduersus hæreticos art. 5.]

34 Accedit eodem, quod vetustissima cōsuetudo iustum initium habuisse creditur, nec minorē vim habet, quam scripta lex: quod cum ita sit in consuetudine ciuiliū rerum, ab imperito, rudiq; populo plerunque introducta, quid futurum putamus de consuetudinibus ecclesiæ, a viris selectioribus, Deoque dicatis, a prælatis, & religiosis, doctissimis & sanctissimis, obseruatis? quarū plurimas ante mille trecentos, & eo amplius annos, viguisse constat: vt iure ac merito credantur ab ipsis apostolis ex Christi doctrina, & Spiritus sancti vntione originem habuisse. Vnde per Hieremiam dicit Dominus: State super vias, & videte, & interrogate de semitis antiquis, quæ sit via bona, & ambulate in ea, & inuenietis refrigerium animabus vestris. Quisquis has igitur consuetudines contemnit, ecclesiam ipsam contemnit, & hæreticus pertinax est. [Hier. 6. l. diuturna. l. de quibus. de legibus. Fran. Picus lib. de fide, theoremate 6. Roffen. contra Lutherum, veritate 10. Pighius lib. 1. hierar. ecclesi. cap. 2. Alonsus lib. 1. aduersus hæreses ca. 5. Hermas lib. 9. de instau. religio. cap. 9. cum seq.]

35 Ex quibus omnibus relinquitur plane, doctrinas, traditiones, & consuetudines ecclesiasticas, necessario tenendas esse homini Christiano, & si non deducantur aperte ex sacris literis: cuius contrarium asserunt impudentissimi hæretici, malitia cæci: qui solis sacris literis arbitrio suo, id est pessimo intellectis, ac deprauatis, stari volunt, quibus alio loco a nobis plenius occurreretur: interrim tamen aduersus illos cursim argumenta quædam perstringemus, quibus planissime confundi queant. Ac primū quidem, non est minoris auctoritatis doctrina voce prolata, quam scripta. Ad hæc, Christus Deus noster ita ecclesiæ catholicæ semper adest, quemadmodum euangelistarum tempore: quod si Dei prouidentia ecclesiæ suæ non præsideret, nil est de religione satagendum, vt Augu. dicebat lib. de vtilitate credendi. Accedit etiam, quod par est ecclesiæ auctoritas, & scripturarum. Præterea Redemptor noster apostolis atque discipulis præcepit, vt prædicarent, vt docerēt, non autem vt scriberēt: quo factum est vt cum pauca nobis scripta reliquerint, prædicatione tamen euangelica totum orbem repleuerint, multa docētes, quæ non sunt sacris literis prodita. Demum lex ipsa euangelica viuā voce primum tradita est, non autem scriptis: nil enim scripsit Christus, nil scribendum mandauit. [Hermas lib. 9. de instauranda religione. c. 5. & deinceps Gaspar lib. 4. aduersus hæreticos disputati. 2.]

36 Accedit eodem, quod nō omnia, quæ ad religionem nostram pertinent, scripserunt euangelistæ: sed Christi tantum conuersationem in terris, nec eius integram historiam tradiderunt, vt Ioānes ipse, qui nouissimus scripsit euangeliū, ingenuè fateatur, inquiens: Sunt & alia multa, quæ fecit Iesus, quæ si scriberentur

tur per singula, nec ipsum arbitror mū-
dū capere posse eos qui scribendi sunt
libros. Vnde ex Pauli epistolis, & actis
apostolorum satis constat, aliqua ab ip-
sis euangelistis omīssa, ex his quæ Redē-
ptor noster dixit, & fecit: quale est illud,
Visus est plusquam quingētis fratrib⁹,
&c. Et illud, Quoniam ipse dixit, Bea-
tius est magis dare, quam accipere. &
item illud, Qui in diebus carnis fug, &
reliqua. [Ioan. vlti. 1. Cor. 15. Act. 20.
ad Heb. 5.]

37. Hoc quoque perspicuum est, euange-
listas non scripsisse ea omnia, quæ ad ec-
clesiæ institutionem, hierarchiam, &
sacramenta pertinent: quorum pars ma-
xima vnctiōni sancti spiritus reservata
fuit, & in aliud tempus reiecta. Quod
vel ex euangelio Ioannis euidenter con-
stat, vbi Christus ipse dixit, Adhuc mul-
ta habeo vobis dicere, sed non potestis
portare modo: cum autem venerit ille
spiritus veritatis, docebit vos omnem
veritatem. Illa itaque tam multa reser-
uata Spiritui sancto, didicerunt postmo-
dum apostoli, cum eundem spiritū sub
signo visibili acceperunt: eademq; tra-
diderunt ecclesiæ, ac veluti per manus
succedentium sibi episcoporum & pa-
trum, sibi mutuo & ecclesiæ perhiben-
tium testimonium, certa fidelique tradi-
tione ad nos peruenerunt. Et vt Cypr.
elegantē scripsit sermone de ablutione
pedum: Sicut par est Spiritui sancto &
Christo diuinitas, ita in suis statutis æ-
qua est autoritas & potestas: nec mi-
nus ratum est, quod dictante Spiritu sā-
cto tradiderunt apostoli, quā quod ipse
tradidit Christus. [Ioan. 16. Aiala lib.
de diuinis & eccles. tradi. par. 1. assert. 2.]
38. Addendum eodem est, quod ecclesia
authoritatem habet discernēdi scriptu-
ras diuinas ab humanis, & eius traditio
ne certissime scimus, quos libros reci-

pere, & quos reijcere debeamus: nec
alia via cognoscimus, qui libri sint ca-
nonici, & Spiritu sancto inspirante cō-
scripti, nisi ecclesię traditione, & autho-
ritate. Vnde Origenes ille doctissimus,
lib. 1. comment. in Matth. Ex traditio-
ne, inquit, didici de quatuor euangelijs:
quia hæc sola sunt absq; vlla contradi-
ctione, quæ suscipi debent in omnibus,
quæ sub cælo sunt ecclesijs: ita enim tra-
diderunt patres. Et iterum: Quamuis
nonnulli de epistola, quæ ad Hebræos
scripta est, dubitauerint, an Pauli sit:
sed ego dico, sicut mihi a maiorib⁹ tra-
ditū est, quia manifestissime Pauli est,
& semper omnes antiqui maiores no-
stri ita eam, vt Pauli epistolam, susce-
perunt. [Eusebius lib. 6. ecclesiast. hist.
c. 18. Nicepho. lib. 5. c. 16. Aiala, par.
te. 1. assert. 1. ad finem.]

39. Accedit etiam, quod sacrę literę non
habent auctoritatem diuinam ex suis
authoribus & scriptoribus, sed ab ipso
Deo: & eis credimus propter ecclesia-
sticę traditionis fidem & testimonium.
Vnde factum est, vt receperit ecclesia
euangelium Marci, & Lucę, qui vt plē-
rique tradunt, nunquam Christum do-
minum viderunt, & tamen reiecit euan-
gelium sub nomine Petri scriptum, eo
quod non esset consonum traditionib⁹
ecclesiæ: qua ratione alia quoque mul-
ta euangelia damnata sunt ab ecclesia,
quemadmodum Tertullianus, Orige-
nes, Eusebius, Ambrosius, Nicephorus
& alij multi testatur. Et Innocentius 1.
epist. ad Exuperium, recensens omnes
libros, qui recipiūt in canone sancta-
rum scripturarum, tandem subiungit:
Cætera autē, quæ vel sub nomine Mat-
thiæ, siue Iacobi minoris, vel sub nomi-
ne Petri & Ioānis, quæ a quodam Leu-
tio scripta sūt: vel sub nomine Andreę,
quæ a Nexocharide, & Leonide philoso-
phis,

phis, & sub nomine Thomæ, & si qua sunt alia, non solum repudianda, verū etiam noueris esse damnanda. Epiphanius quoque in septima synodo generali dixit: Decet omnem Christianum, cū aliquos libros adulterinos audit, aut legit, respuere, nec omnino animū adhibere: nam & inter epistolas diuini apostoli quædam fertur ad Laodicenses, quam patres nostri, tanquam alienam reprobauerunt. Præterea Manichæi, euangelium secundum Thomam inuenerunt, quod ecclesia catholica merito ut impium auersatur. Postremo, ut complura omittam, maiores nostri in primo concilio Toletano ita decreuerunt: Si quis dixerit, vel crediderit, alias scripturas, præter eas quas ecclesia catholica recipit, in autoritate habēdas, vel esse venerandas, anathema sit. [Terthul. lib. 4. aduersus Marcionem. Lucas in præmio euāgelij, & illic Origenes, Ambrosius, & ceteri. Eusebius lib. 3. histo. ecclesi. c. 25. & lib. 6. c. 10. Innocentius episto. 3. cap. 7. Epiphanius to. 5. distin. 15. c. vlti.]

40 Ex his omnibus cuius perspicuū esse poterit, quam misere insaniant recētores hæretici, qui autoritatē omnem de trahere conantur ecclesiasticæ traditioni: non enim intelligunt stupidi, ceci, & miseri, se omnem prorsus autoritatem canonicarum scripturarum e medio tollere, & vnum hoc conari, ut vniuersum orthodoxæ fidei & veritatis lumen, sibi alijsque eripiant: nam labefactant ea, vnde omnia credita pendēt. Siquis etenim negare veller autoritatē euangeliorum, non alijs quidem argumentis validioribus eam asserere possemus, quam ecclesiæ autoritate, eiusque traditionibus. Vnde memoratu digna est sententia illa diui Augustini contra epistolam Manichæi, quam vocant fun-

damenti, cap. 5. dicentis: Ego vero euāgelio non crederem, nisi me catholicæ ecclesiæ commoueret autoritas. Est igitur ecclesiasticæ traditionis autoritas in veritatis certitudine par auctoritati scripturarum. sed & antiquior est; & notior nobis, & ad longe plura se extendit: quinimo & magis idonea, & efficacior est in re dubia ad fidem certitudinemque faciendam, ut apud sapientes & catholicos viros satis superque cōstat. [Vide Fran. Picum lib. de fide, theoremate. 6. Fabrum contra Lutherū tract. 2. text. 1. & tracta. 7. text. 9. Roffen: contra Lutherum veritate. 9. Driedonē lib. 2. de ecclesiasticis dogmatibus. c. vlt. & lib. 4. c. 2. cum seq. Pighiū. lib. 1. Hierar. ecclesia. c. 2. & deinceps. Alfonso. lib. 1. aduersus hereses. c. 5. Heriam lib. 8. de instauran. religione. c. 10. Aralam lib. memorato, parte. 1. assertionē. 1. ad finem. copiosius Lindanum in panoplia euangelica. Canū lib. 2. de locis theologicis. cap. 7.]

41 Quæri solet, vtrum hæretici sint de ecclesia. Quod quidem probari posset, quia ecclesia de illis iudicat, eos excommunicat, & punit: & tamen nil ad ecclesiam attinet, de his quæ foris sunt iudicare. Ad hæc, hæretici tenentur præceptis ecclesiæ, & quibusdam sacramentis vtuntur: & vere baptizati sunt, & vere baptizāt: demum sacramentum ordinis retinent. [1. Cor. 5. c. quod quidam. c. si quis inquit. cum seq. 1. q. 1. Alex. Ales. 4. parte. q. 16. & quæst. 35. membro. 5. Aluissiodoren. lib. 4. tract. 3. cap. 7. & tractatu. 8. q. 2.]

42 Sed quamuis quibusdam ex causis ad ecclesiam pertinere videantur, vere tamen de ecclesia non sunt: hæresis enim diuisionem significat, & ideo dicuntur hæretici, quia diuisi sunt ab ecclesia. Accedit, quod apud Matthæum est: Si

ecclesiam non audierit, sit tibi tanquā Ethnicus & Publicanus: ergo sicut Ethnici non sunt in ecclesia, sic etiam nec heretici. Ad hæc, in ecclesia, ut apostolus ait, vnus Deus, vna fides, vnū baptisma. Hereticus igitur, qui non manet in vnitae fidei, non est in ecclesia Dei. Vnde Cyprianus ad Rogatianum scribens inquit: Hæc initia hereticorū, & ortus atq; conatus schismaticorum, sic de ecclesia egreditur, sic altare pro foris collocatur. Et Hieronymus in epist. ad Oceanum: Alieni & extra ecclesiam sunt Iudei, heretici, atque Gentiles. Et Augusti. lib. de vera religione: Ex his hominibus heretici fiunt, qui etiam si essent in ecclesia, nihilominus errarēt, cum autem foris sunt, plurimū profunt, non verum docendo, quod nesciunt, sed ad verum quærendum carnales, & ad verum aperiendum spirituales catholicos excitando. Et alibi ait: Hæretici & schismatici, & eieci a præ-

latis, ab vnitae corporis Christi sunt separati. Præterea, cū ecclesia nil aliud sit, quam fidelium respublica, & hæretici ab ea sint re & nomine diuisi, non magis ad ecclesiam pertinent, quā transfugæ ad exercitum, a quo recesserunt: quod Ioannes epistola prima confirmare videtur inquit: A nobis exierunt, sed non erant ex nobis. Et Augustinus inquit: Peior est desertor fidei, & ex desertore oppugnator eius effectus, quam ille, qui non deseruit, quam nunquam tenuit. Recte igitur definierunt patres in quarto concilio Carthaginensi, dicentes: Hæreticorum cœtus, non ecclesia, sed conciliabulum est. [Matth. 18. Ephe. 4. Aug. lib. de vera religione. c. 8. & li. 21. de ciuitate Dei. c. 25. epist. 1. Ioan. cap. 2. concilio. 4. Carthaginen. cap. 71. Hermas. lib. 6. de instau. religio. cap. vlti. Canus li. 4. de locis Theologicis cap. 2.]

De episcopis Titulus XXV.

S V M M A R I V M.

- | | | | |
|---|--|----|---|
| 1 | E piscoporum munus proprium & præcipuum. | | loco episcopi. |
| 2 | Episcopi accuratissime studere debēt, ne aliquod hæreticum dogma suam diocesim inficiat. | 7 | Episcopi hæretici ab omnibus accusari possunt. |
| 3 | Episcopi iure diuino obligantur, ut gregē sibi cōmissum diligentissime custodiant. | 8 | Inquisitores dicta testium aduersus episcopum hæreticum possunt recipere. |
| 4 | Inquisitoribus cur datum sit munus damnandi hæreticos, quod olim solis episcopis iniungebatur. | 9 | Episcopus hæreticus cur priuāus sit episcopatu. |
| 5 | Episcopi & inquisitores quo pacto se gerere debeant apud Hispanos in hæreticorum causis. | 10 | Episcoporum causæ ad summum pontificem omni iure pertinent. |
| 6 | Vicarius episcopi, vel capitulum sede vacante, assistere possunt inquisitoribus | 11 | Episcoporum consecratorum causa, aut eorū quos ipse summus pōtifex elegit, Papæ cōmittenda est, nō autem eorum qui a capitulis, vel ab alijs electi sunt. |
| | | 12 | Episcopi, quos titulares uocant, a quibus puniri debeant. |

De episcopis.



INTER alia munera
Episcoporum grauif-
sima, illud proprium
ac fere præcipuum est,
quod oues sibi com-

missas diligenter custo-
dire debent, a lupis rapacibus, idest,
ab impiorum, & hæreticorum venenatis
doctrinis. Nec enim vlla potest esse pa-
storis excusatio, vt beatus Gregorius
inquit, si lupus oues comedit, & pastor
nescit. Vnde per Ezechielē prophetam
Deus loquens pastoribus, ait: Viuo ego,
quia pro eo quod facti sūt greges mei in
rapinā, & oues meę in deuorationē om-
nium bestiarum agri, eo quod nō esset
pastor (nec enim quęsierūt pastores mei
gregem meū: sed pascebant pastores se-
metipsos, & greges meos non pascebāt)
propterea pastores audite verbū Domi-
ni: hæc dicit dominus Deus: Ecce ego ip-
se super pastores requirā gregem meū
de manu eorum, & cessare eos faciam,
vt vltra non pascant gregem, nec pascāt
amplius pastores semetipsos. Accedit
etiā, quod in Apocalypsi Ioannis Deus
reprehendit episcopum quendam, eo
quod tolerabat eos, qui sequebantur do-
ctrinam Balaam, & Nicolaitarum. Et
episcopo Thyatirę ecclesię dicit: Noui
opera tua, & fidem, & charitatem tuā,
& ministerium, & patientiam tuam, &
opera tua nouissima plura prioribus:
sed habeo aduersus te pauca, quia per-
mittis mulierem Iezabel, quę se dicit
prophetam, docere & seducere seruos
meos, fornicari, & manducare de ido-
lothytis. [c. pen. de regu. iuris. Ezechie-
lis, 34. Apocalypsis. 2.]

2 Ipsi quoque Apostoli canone quodam
præceperunt, vt bis in anno episcopo-
rum concilia celebrentur, vt inter se

inuicem dogmata pietatis explorent, &
in concilio Mileuitano decretum est, vt
negligens episcopus, qui non curauerit
conuertere hæreticos ad vnitatem ca-
tholicam, communionē priuetur: quod
si mētutus fuerit de conuersione illorū,
episcopatum amittat. Et in concilio La-
teranensi sub Innocentio tertio, sic de-
finierunt patres: Si quis episcopus super
expurgando de sua diocesi hereticę pra-
uitatis fermento negligens fuerit, vel re-
missus, cū id certis indicij apparuerit,
ab episcopali officio deponatur, & in
loco ipsius alter substituitur idoneus,
qui velit & possit hæreticam confunde-
re prauitatem. Ad postremum, in con-
cilio Basiliensi hoc decretum extat: Prę-
cipua in ipsa synodo episcopi cura sit,
inquirere, ac debitis modis occurrere,
ne aliquod dogma hæreticum, erroneū
& scandalosum, sortilegia, diuinatione-
nes, incantationes, superstitiones, &
quęuis diabolica figmenta diocesim
suam inficiant. [Apostolorum can. 38.
concilio Mileuitano cap. 25. Lateranen-
si cap. 3. Basiliensi sess. 15.]

3 Est igitur sollicitudo hæc iure diuino
episcopis iniuncta, & illis solis ea cura
olim iure pontificio commissa & con-
cessa erat, etiam ante consecrationem: si
modo erant electi & confirmati, quia
hoc iurisdictionis est. Quamobrem
Syluester Papa constituit, vt hæreticum
resipiscens presbyter nō susciperet,
nisi episcopus loci designati. Et Gela-
sius epistola quadam docet, solum pon-
tificem, & episcopos, damnare posse
apostatas & hæreticos, sine aliorum cō-
sensu: & compluribus alijs cōciliorum
& pontificum decretis id ipsum sæpius
constitutum est. [c. ad abolendam
de hæreti. Ambro. Catharinus in spe-
culo

culo hæreticorum cap. 1. Feli. in c. eam
te. de rescript. nu. 5. cum seq. Ioan. de
Selua tractatu de benefi. 2. quest. primæ
partis. nu. 32.]

4 Sed hodie munus hoc inquisitoribus
hæreticæ prauitatis mandatum est: siue
propter varias episcoporum curas, siue
propter quorundā absentiam, vel igna-
uiam, vel imperitiam: non tamen ab-
rogatur ob eam causam ordinaria iuris-
dictio episcoporum: sed vtrique possunt
cognoscere simul, aut seorsum: sed cum
seorsum procedunt, tenentur commu-
nicare sibi acta iudicij, & per vtrosque
simul sententia est proferenda, nisi for-
te prius inuicem sibi detulerint. Si vero
concordes non fuerint in pronuncian-
do, tunc remittenda est causa instructa
ad apostolicam sedem. Præterea eundē
ordinem seruare tenentur episcopi in
procedendo, quem inquisitores seruāt.
[c. per hoc. de hereti. li. 6. & illic Domi.
& alij. extrauag. ex eo. eodem tit.]

5 Sed hæc fere omnia in Hispania longe
aliter hodie fiunt: nam cum episcopi &
inquisitores non sunt concordēs, remit-
titur causa instructa ad senatum sanctæ
inquisitionis. Præterea cum episcopi nō
habeant secretum carcerem, nec mini-
stros idoneos ad procedēdum aduersus
hæreticos, non possunt seruare ordinem
illum, qui præfinitus est inquisitoribus:
quam ob rem vsque eo tantum proce-
dere debent, vt in hæreticos vel suspe-
ctos inquirant, & summariam proba-
tionem inquisitoribus secreto mittere
debent. Aut si forte reos comprehen-
derint, ne fugerent, tenentur protinus
eos mittere ad inquisitores: alioqui cau-
sam omnem ita confundent, vt vix aut
nunquam veritas inueniri queat: quod
ego frequenter vicariorū imperitia con-
tigisse scio: ideoque id mea sententia
lege pōtificia prouidendū esset. Interim

vero Rex noster scribere solet episcopis,
vt eas causas ad inquisitores mittant.

6 Illud præterea statutum est, vt vica-
rius episcopi assistere possit inquisito-
ribus loco episcopi: quod hodie frequen-
tius fieri solet: nam vel vicarij, vel alij
ab episcopis delegati adsunt inquisito-
ribus, quoties opus est: ipsi vero epis-
copi raro hunc laborem subeunt. Sed
tunc demum admittendus est vicarius
episcopi, cum suspectus non erit, nec ex
genere Iudæorum: alioqui repellendus
est, vt quadam epistola generalis inqui-
sitoris plenius continetur. Capitulum
quoque sede vacante succedit in locum
episcopi, vt in pleraque alia, ita etiam
in hoc munus. Item episcopus proce-
dere potest aduersus hæreticos, quantū
uis exemptos ab ordinaria iurisdictio-
ne: id tamen facere debet iure delegator:
non autem iure ordinario, vt Ioannes
Andreas, Felinus, & cæteri tradunt. [c.
vt commissi. §. priuandi. de hereti. lib.
6. cap. ad abolendam. eo. tit. lib. 5. &
illic Ioan. And. Cardi. Feli. & alij. glo.
& cæteri in Clem. 2. de hereti.]

7 Et quamuis episcopi non facile sint
accusandi, præsertim ob ouibus suis: si
tamen hæretici fuerint, accusari ab om-
nibus possunt: quod iam olim decretū
est in secūda synodo Romana sub Syn-
macho Papa hoc verborū tenore: Oues
quæ suo pastori commissæ sunt, eū nec
reprehendere, nisi a fide exorbitauerit,
nec vllatenus accusare possunt. Cæterū
cautius agendum est, vbi causa epis-
coporum tractatur, nec inquisitores pro-
cedere queunt aduersus episcopos, aut
superiores prælatos, nisi expressim id
fuerit eis commissum. Cæterum si co-
gnouerint illos hæreticos esse, vel in-
famos de hæresi, vel suspectos, de-
bent hoc sedi apostolicæ nunciare: sed
inquisitores Hispaniæ consulent gene-
ralem

ralem inquisitorem, & senatum, ab eis autem consulitur Papa. [c. inquisitores. de hæreti. lib. 6. cap. oues. c. accusatio. 2. quæst. 7.]

8 Sed quamuis nequeant inquisitores contra episcopos inquirere, poterunt tamen dicta testium aduersus eos recipere, vt eorum hæreses sedi apostolicæ nuncient. Nec enim aliter scire, aut inuenire possunt illos crimen hæreseos commisisse. Adde quod is etiam, qui iudex non est, nihilominus potest contra reum testimonia accipere, vt eum ad suum iudicem cum elogio mittat. [c. inquisitores. de hæreti. lib. 6. l. 1. C. de exhiben. reis. l. diuus. ff. de custo. reo. l. 3. in princi. ff. de re milita. l. ne quid. ff. de incen. ruina. naufra. extrauagan. cū Matthæus. de hæreti. in fine.]

9 Episcopus autem hæreticus priuatur episcopatu, quia ex pastore factus est lusus, & ecclesiæ membrum esse desijt. Vnde in synodo Colonienſi sub Iulio primo. Eufraata hæreticus priuatus fuit episcopatu. Et actione tertia concilij Chalcedonenſis, Dioscorus episcopali dignitate, & omni sacerdotali ministerio propter hæresim fuit priuatus. Sic etiam actione prima quinti concilij Constantinopolitani, Anthimus archiepiscopus, & quidam episcopi depositi fuere. Sic Paulus Samosatenus deiectus fuit episcopatu. author Eusebius lib. 7. ecclesiast. hist. Sic in alia synodo Constantinopolitana Marcellus episcopus hæreticus depositus fuit, vt apud Sozomenum est, lib. 3. hist. trip. Sic etiam alij hæretici priuati sunt episcopatu in concilio Sardicensi: in cuius epistola synodali patres inquirunt: Generali eos decreto sanctum conciliū episcopatu deposuit, decreuimusque, non solum episcopos eos non esse, sed neque communionem cum fidelibus promereri: quod Theo-

doritus retulit lib. 4. hist. trip. Et vt iam finiam, Nicephorus in ecclesiastica historia est author, Nestorium fuisse depositum in Ephesina synodo, & in alia synodo. Eutycerem, & alibi alios. Sed si episcopus pertinax fuerit, vel relapsus, aut impœnitens, degradandus, & cremandus est: episcopi enim & clerici pertinaces exaugurandi, refecrandi, & infulis exuendi sunt. [histo. eccl. lib. 7. cap. 26. & lib. 3. tripartitæ cap. 9. & lib. 4. cap. 24. cap. 1. & cap. super eo. de hæreti. lib. 6. c. ad abolendam. c. pen. eodem tir. lib. 5. Nicephorus lib. 6. cap. 28. cum seq. & lib. 14. cap. 34. & c. 47.]

10 Cum autem episcopus hæreticus repertus fuerit, consulendus est omnino summus Pontifex, ad quem episcoporum causæ omni iure pertinent. Quod vel ex epistola generali concilij Alexandrini satis constat: cuius verba sunt: Antiquis regulis sancitum est, vt quidquid, quamuis in remotis & longe positis prouincijs, super episcoporum querelis & accusationibus ageretur, non prius accipiendum esset, quam ad notitiam apostolicæ sedis fuisset pronuntiatio prolata, ne passim ab accusatoribus, aut calumniatoribus columnæ conuellerentur ecclesiæ. Item Anacletus epist. quam vniuersæ scribit ecclesiæ, asserit hoc statutum fuisse ab apostolis iussu Saluatoris. Quod multis epistolis docent esse seruandum, Euaristus, Sixtus primus, Anicetus, Victor, Cyprianus, Sixtus secundus, Zepherinus, Marcellus, Melchiades, & alij multi sanctissimi, doctissimi, & antiquissimi patres: quorum verba non describimus fastidij vitandi causa. Sed præterire non possum decretum illud concilij Niceni: Dudum a sanctis apostolis, eorumque successoribus in antiquis decretis statutum fuerat, non oportere præter sententiam Romani

- Romani pontificis concilia celebrari, nec episcopos damnari. [Vide Cyprianum epistola. 4. lib. 1. Gratianum in decretis patrum. 2. quæst. 7. Nicephorū lib. 9. ecclesiast. hist. cap. 8. Alber. Pighium lib. 6. hierar. ecclesiasticæ. cap. 6. & deinceps. Gonfalum de hæretica prauitate. quæstio. 17.]
- 11 Sed hæc omnia accipienda sunt de episcopis consecratis, non autem de electis a capitulis, vel ab alijs, præterquam ab ipso Papa. Nam sicut illi non dum vere sunt episcopi, antequā approbati & consecrati sint: sic etiam, qui electi sunt a summo Pontifice puniri non debent eo insciēte. [Extrauagan. ex eo. de hæreti. glo. in c. 1. de religio. domi. Feli. in c. eam te. de rescript. & illic Blasius Auriolus, & cæteri. Ioan. de Selua

tractatu de beneficio, parte. 1. quæst. 2. nu. 31. Bertachi. lib. 3. de episcopis. parte. 4. secundæ partis.]


- 12 Maius tamē dubium est, de episcopis, quos titulares nominant: qui videntur nomine tantum episcopi, ac proinde cēferi possent his priuilegijs indigni: sunt enim pastores sine ouibus, & præfules sine diœcesi: attamen cum sint creati a summo Pontifice, & vere sint episcopi, & interdum his opus sit, in magnis præsertim diœcesibus, necessarium fore cēseo, vt etiam de criminibus eorum summus Pontifex consulatur. [Clem. in ple risq; de electio. Gerson parte. 1. tracta. de statibus ecclesiasticis. tit. de statu prælatorum, consider. 8. Ludo. Gomes in regula cancellarię de annali possessor, q. 47. Alua de concilijs, parte. 2. §. 4.]

De errore & ignorantia Titulus XXVI.

S V M M A R I V M.

- | | | | |
|---|---|----|--|
| 1 | E rrare quid sit, & quot modis errare contingat in fide. | 7 | proculdubio culpa caret. |
| 2 | Errare malitia in fide quot modis possit vnusquisque. | 8 | Ignorantia errans in fide, negligentia peccatum, non heresim incurrit. |
| 3 | Ignorantia quot modis erretur in fide. | 9 | Ignorantia errans cum hæreticus non sit, pœnis hæreticorum puniri non debet. |
| 4 | Ignorantia crassa errans in fide, parum abest vt hæreticus consummatus censetur. | 10 | Ignorantia sancta curiositati contraria, virtus est maxima. |
| 5 | Ignorantia probabili errans in fide absque pertinacia, hæreticus censendus non est. | 11 | Homines docti uix excusari possunt ignorantia. |
| 6 | Ignorantia insuperabili errans in fide, is | | Ignorantia iuris naturalis & diuini neminem excusare potest. |

De errore & ignorantia.

- 1  M hæresis vix aliud sit quā error pertinax in fide, operæpretium erit videre qualis error ille sit, qui errātem facit hæreticū: non enim omnis qui er-

rat, hæreticus est. Multis autem modis errari potest in fide, sed præcipue duobus: malitia, & ignorantia. Error malitię habet pertinaciam admistam, & hic est qui facit cōsummatum hæreticum. Error

Error autem ignorantie plerumque pertinacia caret: quam ob causam interdum leuiori poena, saepe etiam venia dignus est: quod Plato, Aristo. & alij sepiissime docuerunt. Est autem errare, habere falsum pro vero, aut verum pro falso, vel certum pro incerto, aut incertum pro certo: quemadmodum Augu. in Enchiridio tradit. [Plato lib. 9. de leg. Arist. lib. 1. poster. c. 12. & lib. 3. ethi. cap. 1. Alphon. lib. 2. de potestate legis poenalis cap. 14. Titelmanus lib. 11. de consideratione rerum naturalium cap. 19. Augusti. in Enchiridio. cap. 17.]

2 Malitia errat in fide is, qui sciens veritatem catholicam, & credens illam esse veram, asserit contrarium errorem. Quod quidem fecisse creduntur multi callidi, ac pessimi haeretici, qui lucri cupiditate falsa dogmata consulto rudioribus vendiderunt: quod & beatus Gregorius tradit lib. 20. in Iob cap. 12. his verbis: Plerumque haeretici sola in verbis suis exteriora lucra sectantur: neque ignorant quia peruersa astruunt, sed erroris praedicamenta non deserunt, dum sumptus percipere quasi doctorum volunt. & Theophylactus, in epist. ad Phil. cap. 1. Haeretici de industria & praecipua intentione recta non praedicant, sed peruersa & adulterina, propter hoc, quod peruersus illis scopus est. & in epist. 1. ad Tim. cap. 4. in verbis illis: In hypocrisis loquentium mendacium, adiungit: Hoc est, ea quae mentiuntur, non per ignorantiam mentiuntur, verum scientes vana esse, simulant se tanquam vera dicere. Quamuis autem isti non videantur errorem habere in intellectu, pessimi tamen haeretici sunt, & vt tales acerbius puniendi, vt in Enchiridio copiosius disputaui. Huic affinis est illorum error, qui scientes, quid sancta doceat ecclesia, ipsi nihilominus contra-

rium pertinaciter verum esse putant, praepo-
nentes errores suos doctrinae sanctorum, & ecclesiae catholicae: cuiusmodi sunt hereticorum plurimi, & praecipue huius temporis, qui superbia, malitia, & vana gloria caeci, ecclesiae doctrinam paruipendentes, lucem dicunt esse tenebras, & tenebras lucem: atque hi quidem ignoratione, & non ignorantia errant. Nam, vt inquit Suidas: Si quis ignorationem, scientiae priuationem esse dicit, errat: est enim ignoratio habitus prauus, & errans. Illi demum malitia errare censentur, qui turpiter ignorantes aliquam fidei veritatem, quam explicite scire tenentur, contrarium errorem pertinaciter credunt, non parati ad correctionem veritate cognita: quae pertinacia eos quoque facit haeticos, qui errant in his, quae tunc explicite scire non tenebantur. De his erroribus loquitur Epiphanius lib. 1. contra haereses, dicens: Error semper pertinax est, & ad fraudem promptus: caeca enim est malitia, & error stolidus est. Et iterum, spiritus erroris est, velut flatus in tibia, diuersis motibus concitans vnumquemque stolidum contra veritatem. Et rursus lib. 2. Omnis error haeticorum habet primum caecitatem, deinde vanitatem. [lib. 1. haeresi. 19. & haeresi. 25. lib. 2. haeresi. 53.]

3 Cum autem sint plures ignorantiae species, multifariam in fide ignorantia errari potest: vt puta ignorantia affectata, vel crassa, vel probabili, vel insuperabili. Qui errat ignorantia affectata, is malitia errat, nec excusationem habet apud Deum, nec apud homines: praesertim si eius error sit in re graui, quam explicite scire tenebatur: de hac enim ignorantia loquens Propheta regius ait: Noluit intelligere, vt bene ageret. & Apostolus priori epistola ad Cor.

Corinth. Qui ignorat, ignorabitur. Iu-
dices vero ex qualitate dogmatum, per-
sonarum, & errorum, diiudicare me-
lius poterunt malitiam & culpam errā-
tis. [Psal. 36. & 1. Cor. 14. Iustinus phi-
losophus quæst. 140. c. excellentissi-
mus. 11. quæst. 3.]

- 4 Ille quoque qui crassa ignorantia errat
in fide, pene est, ut pro hæretico consū-
mato habeatur: non enim credendus
est quispiam ea ignorare, quæ cunctis
diuulgata sunt, & omnes sciunt & intel-
ligunt, & quæ illemet qui errat, teneba-
tur explicite scire: nimirum fidei arti-
culos, præcepta decalogi, & si quæ sūt
generis eiusdem: in quibus si quis er-
rauerit, iure ac merito censetur hæreti-
cus, nisi forte fuerit vsq; adeo ignorās,
rusticus, & stupidus, ut iudicibus per-
spicuum sit, illum caruisse malitia, &
ab omni pertinacia fuisse alienum: tunc
enim de culpa, non autem de hæresi pu-
niendus est, quia in re fere sola melioris
conditionis sunt stulti, quam periti.
His accedit Plato, qui dial. 9. de legib.
ait, ignorantiam quandam esse simpli-
cem leuium peccatorum causam: aliā
vero duplicem, quando non ignoratio-
ne solum quispiam detinetur, sed etiā
sapientiæ opinione inflatus, quæ omni-
no ignoret, ea scire se prorsus existi-
mat. Hanc, inquit, si vires roburque
consecuta fuerit, ingentium turpissimo-
rumque scelerum causam esse: sin autē
imbecillitate præmatur, peccata inde
profecta, peccata quidem esse, & illis tā
quam peccantibus leges præscribendas
esse, sed missimas omnium, plurima
que venia & indulgentia plenas. [1. late
culpe. de verb. signifi. 1. quod Nerua.
depositi. 1. plurimum. 1. nec Supina. de
iuris & facti ignoran. l. si Titius. 48. ff.
de fideiussori. l. 4. ff. quod vi aut clam.
Thomas in priorem Pauli epistolā ad

Corin. lect. 4. Canus lib. 12. de locis
theologicis cap. 10.]

- 5 Sunt qui errant in fide ignorantia pro-
babili: putantes aliquid esse verum, quā-
quidem contrarium est alicui veritati
catholicæ, quam explicite scire non te-
nebantur: & neque pertinaciam habēt,
neque malitiam: sed parati sunt ad susci-
piendam sanam doctrinam. Hi autem
nil minus quam heretici sunt: quia ut
Cyprianus inquit, elegantissimo illo tra-
ctatu, quem contra Demetrianū scrip-
sit: Qui ad malum motus est menda-
cio fallente, multo magis ab bonū mo-
uebitur veritate cogente. Et sicuti ait
Hieronymus in prologo in epistolā ad
Romanos: Qui cognitum illico sequi-
mur, olim utique sequeremur, si antea
cognouissemus. Et Augustinus alibi:
Qui sententiam suam, quamuis falsam
atque peruersam, nulla pertinaci ani-
mositate defendunt, quærunt autē cau-
ta sollicitudine veritatem, corrigi para-
ti cum eam inuenerint, nequaquā sunt
inter hæreticos deputandi. Demum
quisquis probabili causa non pertinaci-
ter errat, is non habet electionem con-
tradicentem doctrinis ecclesiæ, relin-
quitur ergo, ut hereticus non sit: & hæc
theologorum & iuris peritorum constā-
tissima sententia est. [c. dixit Apostolus.
24. quæst. 3. l. 2. ff. si is qui testa. liber
esse iussus erit. c. 1. 29. quæst. 1. Tho. Ca-
ieta. & ceteri. 2. 2. quæst. 10. arti. 2. Inno.
Bal. Abbas, & ingens agmen in c. 1. de
summa Trini. Ioan. Anania, & Felinus
in c. 1. de hæreti. Pau. las. & ceteri in ru-
bri. C. de summa Trini. Gersō tractatu
de protestatione considerat. 11. Cardin.
Clem. 1. de hæreti. Lupus allegatione de
hæresi. §. 5. Alber. Pighius lib. 4. hierar.
ecclesiastici. cap. 8. Alfonso lib. 1. aduer-
sus hæreses cap. 9. Alberti. lib. de agnos.
assertio. catholi. quæst. 36. nu. 6.]

6 Qui autem erraret ignorantia insuperabili, id est, quam superare non potuit, faciendo quid quid facere debuit, ut illam vinceret, is proculdubio culpa caret, nec malitiam habet, aut pertinaciam, nec aliqua poena coercendus est: sicuti nec illi puniendi sunt, qui bona fide veritatem quaerentes, in rebus difficillimis aberrauerint. Nam & ob eam causam viri sanctissimi, atque doctissimi errasse interdum deprehenduntur, nullo suo vitio, aut culpa, sed humana imbecillitate, ac rerum diuinarum sublimitate. Sic enim, Gyprianus, & alij, in rebus etiam fidei errasse nonnunquam inveniuntur: quorum errores ex ignorantia quadam naturali, ac pene insuperabili procedentes, tantum abest, ut catholicos illos patres, haereticos fecerint, ut potius intentione pia veritatem quaerentes non modo venia, sed laude etiam ingenti digni semper & ubique sint habiti. Et hic est error ille, de quo prudenter loquens Aug. dicere solebat, Ut aiunt, errare possum, sed haereticus non ero. [Vincent. Lirinensis lib. aduersus haereses fol. 9. Ioan. Maior in lib. 2. sent. distin. 22. quaest. 2.]

7 Ille vero, qui ignorantia errat in fide, credens contrarium eius, quod explicitate scire tenebatur: peccat quidem peccato negligentiae, non tamen haereticus est: aliud enim est haeresis, aliud error ignorantiae: nam haeresis pertinaciam habet cum electione contraria doctrinis ecclesiae: error autem ignorantis, etsi culpam habeat, si tamen pertinacia careat, nullo modo haeresis est. Accedit etiam, quod errans ignorantia, non eo ipso consentit errori: quid enim tam contrarium est consensui, quam error, qui imperitiā detegit? nisi forte cognita veritate nihilominus in errore persistat: quia tunc errorem approbaret, &

haereticus pertinax esset. Quinimo errorem approbare censetur, qui non dolet statim veritate cognita. Nam ut apud Aristotelem est, omne quod ob ignorantiam est actum, non sponte quidem est actum: ab inuito tamen id effectum est omne, pro quo dolet, qui egit, ipsumque poenitentia subit. Qui namque ob ignorationem aliquid egit, & non fert moleste, se illud egisse: sponte quidem sua non egit quod nesciebat: non tamen erit inuitus, quippe cum non doleat ob id ipsum. [1. si per errorem. de iurisd. omni. iudi. Aristo. lib. 3. ethi. cap. 1. 29. q. 1. Armachanus lib. 1. 5. de erroribus Armenorum cap. 2. 5. Gerson lectione 5. de vita spiritu ali. col. 5. Fran. Victoria 2. 2. quaest. 11. arti. 2. Alfonso lib. 1. aduersus haereses. cap. 9. Tiraquel. de poenis. causa. 11.]

8 Cum igitur haereticus non sit, qui ignorantia errat, coercendus quidem non erit poenis hereticorum, sed errores suos arbitrio iudicum reuocare debet pure, simpliciter, sine conditione, voce sua & asseueratione constanti: sed non tenetur fateri, se errando peccasse contra fidem catholicam, saltem mortifere: neque post eam reuocationem est illi poenitentia iniungenda, nisi forte sponte, vel ad cautelam, vel ex humilitate voluerit eam subire: neque infamia notabitur, neque aliquam haereticorum poenam patietur: quia nec est, nec fuit vnquam haereticus, nisi aliud ex circumstantijs constiterit, ut iam antedixi. nu. 4. Et ita theologi & iurisperiti sentiunt. [Extrauag. vas electionis. in fine de haereti. Gerson tracta. de protestatione consideratione. 11. Matth. Ioan. deligna. & Card. in Cle. 1. de summa Trini. Lopus. in Cle. 1. §. ult. de vsuris. Ioan. Imo. in Cle. nolentes. de haereti. Ioan. Lupus allegatione de haereti. §. 4.]

9 Alia complura de ignorantia iuris & facti, passim apud alios inuenies (nec enim omnia persequi in animo est) hoc tamen vnū præterire non possum, quod apud veteres quosdā sapientes me olim obseruasse memini: esse quandam sanctam ignorantiam curiositati contrariam, qua prudentes homines in rebus diuinis nihil ultra vires ingenij humani scire conantur: de qua ignorantia loquens Lactantius lib. 2. diuinarum institutionum inquit: Deus ea sola scire nos voluit, quæ interfuit hominem scire ad vitam consequendam: quæ vero ad curiosam & profanam cupiditatem pertinebant, reticuit, vt arcana essent. Et Theophylactus in priorem epistolā ad Timotheum: Velle curiose admodū diuina scrutari, in blasphemiam cadit. Vnde Sapiens in prouerbijs ait: Qui scrutator est maiestatis, opprimetur a gloria. Et antiquus ille Socrates dehortabatur, cælestia omnia, & quæ dij machinētur, scrutari: nec enim hominibus facile est ea inuenire, neque dijs eos facere grata arbitrabatur, qui ea quærant, quæ ipsi dij in promptu, & manifesta esse noluerunt. author Xenophon lib. 4. de factis & dictis Socratis. Vetusissimis quoque Germanis sanctius ac reuerentius visum est, de actis deorum credere, quam scire, vt Cornelius Tacitus lib. de moribus Germanorum retulit. vnde illud frequens apud eos: De Deo credendum, non quærendum. Et Isidorus lib. 2. de summo bono inquit: Interdum quædam nescire conuenit: ea enim, quæ supra hominis intelligentiā sunt, scrutanda non sunt. Et Beda in epist. ad Rom. Est in nobis quædam, vt ita dicam, docta ignorantia, sed docta Spiritu Dei, qui adiuuat infirmitatē nostram. Et alibi ait: Melior est fidelis ignorantia, quam temeraria scientia.

[Lactantius lib. 2. cap. 9. Chrysostomus in cap. 1. Ioan. homilia. 6. & homilia 23. col. vlti. & episto ad Ephe. sermone. 19. & in epist. 1. ad Timo. homilia 1. & in epist. 2. ad eundem homilia. 8. col. antepen. & lib. 1. de prouidentia Dei, charra pen. & homilia. 1. cum seq. de incomprehensibili Dei natura. Theophylactus in priorem episto. ad Timo. cap. 1. in fine. Prouerb. 25. Isidorus lib. 2. cap. 1. Beda in episto. ad Roma. cap. 8. & cap. 9. Pet. Crinitus lib. 12. de honesta disciplina cap. 8.]

10 Homines docti vix excusari possunt ignorantia, ac fortasse, ne vix quidem: turpe enim illis est, ea ignorare, quæ pfitentur, & quæ scire tenentur. Sic Nazianzenus oratione, in Athanasij laudē, inquit: Nam plebeis hominibus, qui per errorem id admiserint, ignoscendū fortasse fuerit, quibus plerunque saluti est, quod a curiositate alienum animum habent: at doctori quo tandem modo idem concedemus, qui aliorum etiam ignorantias emendat, nisi id falso sibi nomen arroget? Nam cum Romanorū legem nemini, quamlibet rustico & indocto, ignorare liceat, nec lex vlla extet, quæ facinoribus per ignorantiam commissis opem ferat: nonne absurdum est, salutis doctores & antistites, salutis principia nescire, etiam si alioqui simpliciores animo sint, crassiorique ingenio? [l. 2. §. Seruius autem Sulpitius. ff. de origi. iuris.]

11 Ignorantia quoque iuris naturalis & diuini neminem excusare potest: quia, vt inquit Chrysostomus homil. 12. ad populum Antiochenū: Ab initio Deus hominem formans, legem ipsi naturalem indidit, & quid tandem est lex naturalis? conscientiam nobis expressit, & per se discibilem cōstituit bonorum & contrariorum scientiam. non enim opus

opus habemus discere, quod malum est fornicatio, & bonum continentia, sed ab initio hoc scimus. & ut discas, quod ab initio hoc scimus, legislator leges posita ferens & dicens, Non occides: non intulit, malum enim cedes, sed simpliciter, non occides, inquit: Prohibuit enim peccatum duntaxat, non docuit. Quare igitur, qui dixit, non occides, non addidit, quod malum cedes? quoniam praeueniens conscientia nos hoc docuit, & tanquam scientibus & intelligentibus ita loquitur. & in cap. 14. epist. ad

Roma. sermo. 26. Non est putandum, ad defensionem sufficere ignorantiam: erit enim, erit inquam quando & ignorantiae poenas dabimus, quando scilicet, & ipsa ignorantia veniam non habebit. nam & Iudaei ignorarunt, sed ea ignorarunt, quorum ignorantia veniam non meretur: & Graeci ignorarunt, sed excusationem non habent. quod si ea ignoraueris, quae sciri non possunt, praeter culpam eris. Si vero quae scitu & possibilia sunt & facilia, extremas poenas merito dabis.

De excommunicatione

Titulus XXVII.

S V M M A R I V M.

- 1 **H**æretici omnes ipso iure sunt excommunicati, & tantum a summo Pontifice, uel eius delegatis absolui possunt.
- 2 Excommunicationis poena maxima, & formidanda.
- 3 Excommunicationem quid impius Lutherus esse sentiat.
- 4 Excommunicatus, si per annum in excommunicatione pertinaci animo permanserit, in heresis suspensionem incidit.
- 5 Excommunicati non prius debent absolui, quam ecclesiae plene satisfaciant.
- 6 Excommunicati, qui per mensem in excommunicatione permanserint, regijs legibus cautum est, ut a iudice seculari puniantur.
- 7 Excommunicari post mortem nemo potest, nisi fuerit hæreticus.
- 8 Maranatha quæ dictio sit, & quid significet.
- 9 Hæretici tanquam excommunicati deuiari solent, etiam priusquam hæretici declarentur.

De excommunicatione.

1 **H**ÆRETICI omnes ipso iure sunt excommunicati, & a communione fidelium diris proscriptionibus separati, & quotannis in cœna Domini excommunicantur a Papa: quam ob causam ab alio quam ab ipso Pontifice maximo, vel ab eius delegatis absolui nequeunt, ut alibi diximus. Hæc autem poena statuta est in

hæreticos iure diuino, vel certe ab eodem iure descendit. Nam quia ecclesiam non audiunt, habendi sunt tanquam ethnici & publicani: & apostoli eos deuitandos esse, docuerunt. [Matth. 18. ad Titum. 3. Ioan. episto. 2. cap. notandum. 24. quæst. 3. cap. sicut. & c. excommunicamus. de hæreti.]

2 Est autem excommunicationis poena maxima quidem, & valde timenda, ut ex Pauli epistolis constat. Vnde Hieronymus

nymus ad Heliodorum scribēs, epist. 1. inquit: Presbytero, si peccauero, licet trahere me satanæ in interitum carnis, ut spiritus saluus sit in die domini Iesu. Et in veteri quidem lege, quicumque sacerdotibus non obtemperasset, aut extra castra positus lapidabatur a populo, aut gladio ceruice subiecta contemptū expiabat cruore. Nunc vero inobediens, spirituali mucrone trucidatur: aut eiectus de ecclesia rabido dæmonum ore discerpitur. Quod planius Theophylactus post Chrysostomum docet, explicans verba Pauli: Verum quomodo aliquis dicet, satanæ tradebantur? Qui enim contumax esset, & minus obediēs, extra ecclesiam emittebatur, eijciebaturque a cætero grege, & nudus mox & desertus lupis debebatur in prædam. Nam quemadmodum olim nubes tabernaculum obducebat, sic Christi ecclesiam Spiritus sanctus. Quicumque ergo ex ecclesia fuerit eiectus, & Spiritu sancto priuatus, erit hic miser perfacilis in capturam: tanti est ab aliorum consortio, & communione repelli, censura: istius modi namque mox Deus, & peccatis obnoxios, castigandi gratia, & morbis afficit, & malis vrgebit: & Theodoretus. Ex hoc autem loco docemur, quod eos qui segregantur, & ab ecclesiastico corpore separantur, inuadit diabolus, eos gratia destitutos inueniens. Et patriarcha Tharastius dixit: Pœna dira est anathema, procul a regno cælorum expelli & a Deo emitti, ducens in tenebras exteriores, ut Paulus diaconus retulit lib. 23. rerum Romanarum. [1. Corin. 5. & epist. 1. ad Timo. c. 1. & illic Theophylactus post Chrysostomum. homil. 5. & Hieronymus ad Heliodorum epistola. 1. c. absit. 11. q. 3. Lindanus lib. 4. Panopliæ euangelicæ. cap. 58. confessio Polonica de fide & symbolo. cap. 31.

Domi. Soto in lib. 4. sent. distin. 22.] Est igitur excommunicatio horribilis admodum, & pertimescenda: sed infanus ille Lutherus inter impia sua deliramenta, hoc quoque posuit, excommunicationem plus esse diligendam, quam timendam: contra Paulum apostolum, contra sacra concilia, denique contra vniuersam ecclesiam, non alia ratione, vel argumento nixus, quam quod excommunicatio medicinalis esse dicitur: ergo non alio modo diligenda esset, quam a sanis pharmaca, vel ab innocentibus sceleratorum pœnæ temporales: Ea enim omnia medicinalia sunt, & excommunicationis sententia, non nisi pro contumacia & mortifero crimine fertur: & pœna, quæ facinorosis imponitur, medicina quædam est improbitatis, ut eleganter Plato docet in Gorgia. & lib. 9. de leg. inquit: Nullum supplicium lege factum, ad malum tendit, sed duorum alterum fere semper solet efficere: nam aut melior, aut certe minus prauus, qui pœnas dederit fieri solet: quod & Chrysostomus eleganter docet. Pereat itaque delirus hæreticus: nos vero Paulum & ecclesiam sequamur. [Vide Chrysostomum ad populum Antiochenum homil. 6.]

4 Inde illud rectissime cautum est, ut si quispiam suspectus in fide, per annum in excommunicatione permanerit animo pertinaci, exinde velut hæreticus ab inquisitoribus condemnatur. Addunt præterea iuris periti complures, quod etsi quis non fuerit alias in fide suspectus, si tamen per annum volens in excommunicatione persistat, hoc ipso incidat in suspicionem hæresis, quia de potestate clauium ecclesiæ male sentire presumitur. Et hoc iam sancitum est, in concilio Tridentino sess. 25. decreti reformationis. cap. 3. in fine. Verum eam suspicionem, aiunt, non esse usque adeo violentam, ut ob eam

eam solam damnari quispiam debeat, quamvis ad purgationem indicendam sufficiat: quā si subire noluerit, & adhuc in excommunicatione permanserit, tūc velut impoenitēs, pertinax, & hæreticus condemnari queat. [c. excommunicamus. §. qui autem. de hæreti. c. cum contumacia. eodem tit. lib. 6. Innocen. Iōā. Adre. & ceteri in c. vlti. de poenis. Hosti. Henri. Cardinalis post aduocatos Florētinos, & Felinus in dicto. §. qui autē. Hosti. in summa tit. de hæreti. col. 3. Calderi. consi. 5. eodē tit. Capella Tholosana & Stephanus decisione 365. Phi. Fran. in c. cum contumacia. Lupus in c. per vestras. §. 18. nu. 24. Gonsalus de hæreti. quæst. 9. item Arelatanus notabili. 41. Ripa. in c. 1. de iudicijs. nu. 77. Albertinus in rub. de hæreti. li. 6. q. 13. nu. 34. Brunus lib. 1. de hæreti. cap. 4. & Cærius in tractatu nu. 21. Couar. in c. alma mater. de sent. excommu. lib. 6. part. 1. §. 7. Godofre. in l. 10. cognouimus. in fi. C. de hæreti.]

5 Hi autem qui excōmunicati sunt, nō ante debent absolui, quā ecclesiæ plene satisfecerint. Vnde absolutionis tēpore solet interdū eis pro parte satisfactionis pœna pecuniaria imponi: quæ iuste potest ab eis exigi ad pios vsus, quemadmodum cœtus Cardinaliū superioribus annis Paulo III. respondit. Et ita fieri vidimus in absolutione quorundā, qui propterea fuerant excōmunicati, quod inquisitionis officium impederant. Etenim excommunicatio non est pœna eradicans, sed pœna disciplinæ: nec est pœna vltima delictorum, sed vexatio dans intellectum: nempe, vt excommunicatus corrigatur, & ea disciplina emēderetur, & redeat ad sanā mentē: Deniq; vt petens absolutionem satisfaciatur ecclesiasticæ disciplinæ: qua ratione medicinalis quoque dici solet. Quod si quispiā

excōmunicatione obduretur, alia in supradhibenda sunt amariora pharmaca. [c. 1. de sent. excommuni. lib. 6. c. notandum. 24. quæst. 3. c. excommunicauimus. §. qui autē. & §. quia vero. de hæreti. l. placet. & illic gloss. Bal. & ceteri. C. de sacrosan. eccle. Paul. in l. 1. de sūma Trinit. Felinus in c. apostolicæ. de exceptio. & in cap. qualiter. §. ad corrigendos. de accusat. nu. 51.]

6 Hinc ortę sunt quædam regiæ leges iustissimæ, quibus cauetur, vt a iudice seculari puniantur illi, qui per mensem in excommunicatione permanserint. Quod si per sex menses contumaces fuerint, maiori pœna plectantur: & longe seuerius puniantur, si per annum ecclesiæ non satisfecerint. Quod quidem exemplo non caret: nam in concilio Triburiēsi iam olim decreuerūt patres, vt qui post excommunicationem inclinati non fuerint ad poenitentiam subeundam, per principem secularem puniantur: vt quos Dei timor non corrigit, saltem pœna temporalis corripiat. Nec illud est prætereundum, quod Cæsar in commentarijs belli Gallici, mores Druidum referens, his verbis scripsit: Si quis aut priuatus, aut populus, eorum decreto non stetit, sacrificijs interdicunt: hæc pœna apud eos est grauissima. Quibus ita est interdictum, ij numero impiorum, ac sceleratorum habentur, ab ijs omnes decedunt, aditū eorum sermonemq; defugiunt, ne quid ex contagione incommodi accipiant: neque ijs petentibus ius redditur, neque honos vllus cōmunicatur. Quod profecto longe cordatius seruabāt illi, homines cetera barbari, quā hodie faciāt critici Lutherani, sub euāgelij prætextu hæretici cōfusissimi. [regia. l. 1. tit. 5. & l. 9. it. vlti. li. 8. ordinationū concilio Triburiēsi. c. 3. Cæsar lib. 6. de bello gallico.]

7 Quamuis autem nemo post mortem excommunicari possit, quia iam non est super terrā, nec sub iurisdictione uiuentium, hæreticus tamen solet mortuus etiam excommunicari, hoc est, excommunicatus declarari, vt ne quispiam oret pro illo, neque in loco sacro sepeliat. Cæterum defunctus anathematizari recte potest, idest, maledici. Anathema enim, authore Augustino, detestabile, & abominabile significat. & vt Hieronymus ait: Anathema, Hebræa dictio est, qua solent Hebræi extremam detestationē significare. Vnde in hoc differt ab excommunicatione: quia infertur aduersus eos, qui grauissimo aliquo delicto detestabiles sunt, & de quibus non est spes, quod reducentur ad pœnitentiam. Nam cum pontifices & ecclesiastici iudices dira & vltima exempla animaduersionis suæ statuunt in reos, ad capita deuouenda descendunt, & anathemate plectunt, & animas eorum inferis sacrant. [c. si quis episcopus, de hæret. c. vlt. 24. quæst. 2. Augustinus super lib. Numer. quæst. 41. Hieronymus in epist. ad Gal. c. 1. cap. Engeltrudam. 3. quæst. 4. cap. debent. 11. quæst. 3. Alciatus in c. cum non ab homine, de iudic. Couar. in c. alma mater, de sent. excommu. lib. 6. parte. 1. §. 8. Iustinus Martyr. quæst. 121. Chrysost. sermone, de anathemate, & in epist. ad Rom. sermone. 16. Socrates lib. 7. eccle. histo. cap. 33. Nicepho. lib. 14. cap. 36.]

8 Maranatha, vt inquit Hieronymus in epistola ad Marcellam, magis Syrū est, quam Hebraicum, tametsi ex confinio vtrarumque linguarum aliquid & Hebræum sonet, & interpretatur, dominus noster venit, vt sit sensus: Si quis

non amat dominum Iesum Christum; anathema sit, & illo completo deinceps inferatur: dominus noster venit: quod superfluum sit aduersum eū odijs pertinacibus velle contendere, quem venisse iam cōster. Et Beda in epist. 1. ad Cor. cap. vlti. secutus diuum Augustinum, sermone de altercatione cum Pascentio Arriano maranatha definit, donec dominus redeat. Quidam vero hanc siue fabulam, siue historiam retulit: Maranatha anathematis significationē induit ex illo euentu: quia Iudæi gloriantes de venturo Messia dicere solebant vulgo, maran, hoc est, dominus noster: contra quos Christiani dicebant, Maranatha, quod est, dominus noster venit. Hinc inimicitia orta inter Christianos & Iudæos, quorum in ore erat, maran: quos per contemptum Christiani maranitas vocabant, & illis obtrudebant, maranatha, id est, dominus noster venit, vel inuitis vobis: quasi irridentes eos, & illis male precantes. Vnde apud nostros vulgo maranos appellant eos, qui ex Iudæis descendentes apostatæ facti sunt, Messiam suum expectantes. [Vide Godofr. i rubrica. C. de apostatis. & alia plurima in defensione statuti Tolletani. cap. 37. postremæ editionis.]


9 Illud postremo, cum his seruari solet, qui propter hæresim carcere clausi sūt, quod prius etiam, quam declarentur hæretici, tanquam excommunicati deuitari solent: nec diuina officia, nec sacrificia permittuntur audire, nec alijs ecclesiæ sacramentis vti, nec traduntur ecclesiasticæ sepulturæ, donec causa peragatur: tunc enim vel exuruntur dānati, vel ad ecclesiasticam sepulturam absoluti dantur.

De fide catholica Titulus XXVIII.

S V M M A R I V M.

- 1 **F**ides catholica quid sit.
- 2 Lutherani & alij heretici plurimas fides, easque impias commenti sunt.
- 3 Fides hæreticorum qualis sit.
- 4 Fides multifariam diduci solet.
- 5 Fidei obiectū formale quid sit, & quo pacto qui eam falsam putat in aliquo, vacillat in reliquis.
- 6 Fides catholica constantissime tenenda est.
- 7 Fidem catholicā qui non firmissime amplectitur, sed dubitat an ea vera sit, infidelis est.
- 8 Christiani tenentur explicare scire symbolum fidei, præcepta decalogi, & orationem dominicam.
- 9 Christiani quid amplius explicare credere teneantur.
- 10 Christianis quid implicite credere permittatur.
- 11 Christiani, ad quos ex officio, aut professione pertinet alios erudire, tenentur explicare credere multo plura, quam reliqui.
- 12 Docti viri cur multis in rebus vehementer suspecti de hæresi sint, in quibus non essent suspecti imperiti homines & idiotæ.
- 13 Ignorantiæ pretextu quando non excusatur Christianus.
- 14 Ignorantia in quibus alijs rebus non excusat Christianum hominem.
- 15 Fidei confessio quando necessario fieri debet.
- 16 Christianus non solum quæ in sacris literis sunt, sed quæ etiam ex illis legitime deducuntur, credere debet.
- 17 Fides rationibus humanis probari nequit.
- 18 Fide constanter suscepta, veritas eius ratione munienda est.
- 19 Miracula vera diuinam habent auctoritatem ad ea probanda, in quorum confirmationem facta sunt.
- 20 Miracula vera diuinam habere auctoritatem probatur ex multis locis sacræ paginæ.
- 21 Miraculorum auctoritas ex sanctorum virorum scriptis, & veris theologorum placitis ostenditur.

De fide catholica.

1  **V**M sit hæresis vitium cōtrarium fidei, operæpretium erit nonnulla breuiter de recta fide perstringere, vt quale crimen sit hæresis planius intelligatur. Est autem fides, vt Apostolus docet, substantia sperandarum rerum, argumentum non apparentium: est enim eorum, quæ sperantur fundamentum, & quæ non videntur indicium: firmus assensus cre-

dendorum propter Dei reuelationem. Aliter definiunt alij, sed in eandem sentire sententiam. [Ad Hæbreos. 11. Alex. Ales. 3. parte quæst. 78. & cæteri Theologi in lib. 3. sent. distin. 24. Alciatus in rubr. C. de summa Trinit.]

2 Pestiferi Lutherani, alijque huius temporis hæretici, non vnam fidem catholicam tenent, sed plurimas impias cōmenti sunt: spreto Apostolo, qui ait: Vnus Deus, vna fides, vnum baptisma. Est autem miserabile, vt Hilarius ad

BB Constan-

Constantinum scripsit, tot fides esse, quot voluntates, & tot doctrinas quot mores. Istorum quidem hæreticorum non fides est, sed temeritas: non Spiritus sancti persuasio, sed humanæ audaciæ præsumptio, scriptis diuinis aduersa, & patribus orthodoxis ignota.

- 3 Hæreticorum omnium fides peregrina, profana & varia esse solet: fides vero nostra catholica & orthodoxa est, & quæ perpetuo maiorū consensu ad nos usque peruenit. Vna eademque fides nostra ab apostolis promulgata, miraculis plurimis confirmata, martyrijs heroicis obsignata, omnium sanctorum ac doctissimorum sententijs serie seculorum tradita nobis est.
- 4 Vt autem fides planius intelligatur, multifariam diduci solet. Nam alia est fides infusa, alia acquisita: alia est fides actualis, alia habitualis: quædam est fides formata, quædam informis: quædā explicita, quædam implicita. Infusa fides est habitus a Deo supernaturaliter & immediate in anima creatus, inclinans ad credendum catholicis veritatibus: & hanc habent paruuli baptizati. Fides acquisita est habitus naturaliter acquisitus ex actibus credendi frequentatis. Fides actualis est assensus veritatis reuelatæ. Fides habitualis est habitus acquisitus ex assensibus frequentatis. Fides formata dicitur, quæ per dilectionem operatur, & charitati coniuncta est. Fides informis, quæ mortua est, & sine charitate. Fides explicita siue explicata est actualis assensus catholicæ veritatis: nam quicumq; apprehendit aliquam veritatem catholicam, & ei assentitur, is habet fidem explicitam illius veritatis: itaque fides explicita est, quæ in singulari omnia considerat. Fides implicita, siue cōplicata est assensus alicuius propositionis generalis, includentis mul-

tas particulares veritates, & quæ generali cuidam principio assentit, in quo cæteri particulares articuli concluduntur. Verbi gratia, qui credit generaliter omnia contenta in scriptis diuinis esse vera: ille habet fidem implicitam: quauis ignoret in specie, quæ sint illa, quæ scriptura diuina continentur. Præterea fides implicita dupliciter considerari potest: quædam enim omnem assertionem pertinacem hæreticæ prauitatis excludit, & hæc vera est, & sufficiens vt illam habens, catholicus, & fidelis censeatur: altera fides implicita falsa esse potest: verbi gratia, si quispiam credat, fidem Christianam esse veram: sed aliā fidem, quā quæ vere Christiana est, pro Christiana habet, & illi errori pertinaciter insistit. Non ergo sufficit, credere totam fidem Christianam esse veram, nisi ea sola teneatur pro fide Christiana, quæ sola vera est, & catholica. [Thelogi in lib. 3. sent. distin. 24. Pighius controuersia de fide. Fran. Sonnius lib. 2. de fide & iustificatione. l. vlti. ff. si ex noxali causa agatur. l. emptor. §. 1. de pactis. l. cum duobus. ff. pro socio.]

- 5 Ille vero, qui non credit vnum aliquē articulum fidei, non habet fidem formatam, sed ne informem quidem: quia obiectum fidei formale est veritas prima, iuxta quod manifesta fit in scripturis sacris, & in doctrina ecclesiæ, quæ procedit ex veritate prima & infallibili, quæ Deus est. Quam ob rem quicumque non inhæret in omnibus scripturæ diuinæ, & ecclesiasticæ doctrinæ, is non habet habitum fidei: vna est enim ratio credendi in omnibus articulis. Proinde qui falsam putat esse fidem in aliquo, pari ratione vacillat in reliquis, cū omnium ratio & autoritas, & certitudo sit eadē. Vnde fit, vt qui pertinaciter errat in qualicunq; particula catholicæ fidei, non

non minus consummatus hereticus sit, quam si erraret in omnibus. [Tho. 2. 2. quæst. 5. artic. 3. Gerson. tractatu de communione sub vtraque specie. Guido in summa de hæresibus cap. 9. Almainus tract. 2. moralium cap. 3. cum seq. Fran. Sonnius lib. 2. cap. 2.]

6 Fides autem catholica constantissime tenenda est, in ea enim salus Christiana consistit: nam Dei cognitio non aliter perfectissime potest hominibus reuelari, quam fide. Illa igitur tenenda est firmissime, tantaque constantia, vt parati esse debeamus ad quæuis tormenta, & mortem, priusquam quoquomodo eā abnegemus. Hanc fidei cōstantiam docuit Christus apud Matthæum inquires: Modicæ fidei quare dubitasti? hanc exigit Iacobus apostolus dicens: Possulet autem in fide nil hæsitans: qui enim hæsitat, similis est fluctui maris, qui a vento mouetur, & circumfertur. Hanc denique Paulus docet, cum laudans constantiam Abrahæ inquit: Non est infirmatus in fide. & mox: In repromissione Dei non hæsitauit dissidentia, sed confortat⁹ est fide. Ad summā, certitudo veritatis, & firmitas adhesionis vsq; adeo sunt essentialia fidei, vt si hæc desint, nō iam fides sit, sed potius opinio. Est enim credere, actus intellectus assentientis diuinæ veritati, ex imperio volūtatis mota a Deo per gratiam. Vnde credulitas hæreticorum, non recte fides dici poterit, quia non credunt ratione diuinę reuelationis, sed propria voluntate. Tale quid fides est, inquit Chrysostomus, vt apertior etiam sit & clarior ea demonstratione, quæ ex rationibus est, magisque quam illa persuaadat. Adeo siquidē firma est, vt etiā si quauis alia fuerit impetita ratione, cōmoueri tamē nequeat. Siquidem qui rationibus persuasus est, alijs potest induci rationibus ut fluctuet:

qui vero fide fuerit solidatus, auditum suum iam dudum quasi quodam circūducto muro, ne sermonibus peruersis inficiatur, studiose muniuit. Diuus Bernardus lib. 5. de consideratione ad Eugenium: Intellectus rationi innititur, fides authoritati, opinio sola verisimilitudine se tuetur. Opinio si habeat assertionem, temeraria est: fides si habet hæsitationem, infirma est. Fides ambiguum non habet, aut si habet, fides non est, sed opinio. [c. 1. de summa Trinit. Matth. 14. Iacobi. 1. ad Rom. 4. Tho. 2. 2. q. 2. arti. 9. Chrysosto. in episto. ad Ro. sermone. 8.]

7 Inde illud est, quod Stephanus Papa scriptū reliquit: Dubius in fide, infidelis est. Nam hæreticus & infidelis est, qui dubitat, an fides catholica vera sit: & qui dubitat, an sit aliquid verū, quod scit esse traditum catholica fide. Is enim errat grauissime, habens certissima pro incertis: & hoc ipso, quod scit aliquid esse catholicæ fidei, ac de veritate eius dubitat, hæreticus pertinax est. Sceleratum quidem & impium est deliberare vtrū aliquid catholicę fidei verū sit, an falsū: in ipsa enim dubitatione facinus inest non leue. Hoc tamen est accipiendum, cum aliquis cōsulto dubitat, & in dubio persistit, æqualiter se habēs ad vtranq; partem contradictionis: aliud autem esset, si quispiam tentaretur aliquo dubio cōtra catholicā fidem cum dolore cordis, aut ignorantia aliqua, vel ex infirmitate animi sine pertinacia dubitaret, non discedēs a fide catholica, sed paratus assentiri cognitæ veritati: is enim hæreticus nō esset. [c. 1. de hereti. & illic Ioā. And. Car. Abb. Henri. Ancha. Ioā. Ana. & Feli. S. Tho. in epist. ad Ro. c. 1. lect. 6. Torquemada li. 4. de eccl. parte. 2. c. 12. Præpo. i. c. nec licuit. 17. dist. Lupus allegatione de heresi. §. 5. Adrianus quolib. 2. Ga-

briel lib. 4. Sent. distin. 13. quæst. 2.
Alfon. lib. 1. aduersus hæreses cap. 10.
Canus lib. 12. de locis theologicis c. 9.]

- 8 Omnes Christiani tenentur explicare
scire symbolum fidei, præcepta decalogi,
& orationem dominicam. Vnde
canone quodam concilij Maguntiaci
sic aiunt patres: Symbolum, quod est
signaculum fidei, & orationem domi-
nicam, discere semper admoneant sa-
cerdotes populum Christianum: volu-
musque vt disciplinam condignam ha-
beant: & qui hæc discere negligunt, si-
ue in ieiunio, siue in alia castigatione
emendentur. Propterea dignum est, vt
filios suos donent ad scholam, siue ad
monasteria, siue foras presbyteris, vt fi-
dem catholicam recte discant, & oratio-
nem dominicam, vt domi alios edoce-
re valeant. Et qui aliter non potuerit,
vel in sua lingua hoc discat. Item Au-
gustinus: Symbolum, inquit, apostolo-
rum, comprehensio est fidei nostræ, atq;
perfectio, simplex, breue, plenum: vt
simplicitas consular audientium rusti-
citati: breuitas memoriæ: plenitudo
doctrinæ. quod enim græce symbolum
dicitur, latine collatio nominatur: col-
latio ideo, quia collata in vnum totius
catholicæ legis fides, symboli colligitur
breuitate. Et Isidorus lib. 1. de sum-
mo bono: Symbolum & dominica ora-
tio, pro tota lege paruulis ecclesiæ ad cę-
lorum regna sufficit capessenda: omnis
enim latitudo scripturarum in eadem
oratione dominica & symboli breuitate
concluditur. De reliquis vero fidei
orthodoxæ dogmatibus, satis est impli-
cite credere quidquid ecclesia catholica
credit, etiam si nullam de illis explicatā
fidē catholicus habeat. [canon. 45. Au-
gu. sermone. 115. de tempore. et plu-
ribus alijs eiusdem operis, & lib. de fide
& symbolo. Isidorus. c. 23. confessio

Polonica, de fide & symbolo. c. 14. Mi-
chael Medina lib. 4. de recta in Deum
fide. c. 5. cum seq.]

- 9 His adijce, quod omnes catholici, qui
habent vsum rationis, tenentur præte-
rea explicare credere illas veritates fi-
dei, quæ sunt publice apud omnes di-
uulgatæ. Nam vt Iulius Paulus, & Vi-
pianus aiunt: Lata culpa est, nimia ne-
gligētia, idest, nō intelligere, quod om-
nes intelligunt: at in re vsque adeo gra-
ui ferenda non est nimia ista negligē-
tia. Quamobrem haud leuiter illi pec-
cant, qui salutationem quoque angeli-
cam, & alia necessaria Christianis ad
æternam salutem discere negligunt. [1.
cedere diem. §. vlti. l. latę culpę. de verb.
signifi. Gerson tracta. de protestatione,
confidera. 6. Fran. Picus. lib. de fide.
theoremate. 12.]
- 10 Hæc autē quę supra dixi, & quę non-
nulli prima credibilia vocāt, omnes te-
nemur explicare, aperte ac distincte cre-
dere: alias vero fidei veritates, non om-
nes tenentur explicare credere, sed im-
plicite: hoc est, omnes Christiani tenē-
tur generaliter credere, & esse parati ad
credendum quidquid continetur in scri-
ptura diuina, & in doctrina ecclesiæ: cę-
terum ea omnia tunc tenemur explica-
te credere, cum constiterit nobis, quod
in doctrina fidei continentur: nec enim
ante possumus omnes explicare scire ea
quæ in doctrina ecclesiæ traduntur: suf-
ficit ergo illis fides implicata, inuoluta
& intectā, qua generaliter & vniuerse
credant omnia ea, quæ catholica docet
ecclesia. Multi namque in studijs theo-
logiæ proficere nequeunt, vel propter
ingenij tarditatem, vel propter alias vi-
tæ præsentis occupationes. Nec vulgus
debet mysteria sacra discere, nec ea cu-
riosius indagare, nec omnes Christiani
debent, aut possunt esse doctores, vt re-
cte

Et inquit Aquinas. [Tho. 2. 2. q. 2. arti. 4. cum seq. Scotus, Bonaventura, & cæteri in lib. 3. sent. dist. 2 §. Ambro. Cathari. in speculo hæreticorum, consideratione. 5.]

11 Hi tamen ad quos ex officio, aut professione pertinet alios erudire, tenentur explicare credere multo plura, quam reliqui: ut sunt episcopi, parochi, prædicatores, theologi, iurisperiti, iudices, & rectores populorum, & quicumque habent acumen & perspicacitatem: quia tantum ab unoquoque Deus exigit, quantum dedit, quemadmodum ex parabola evangelica de talentis constat, & planius id ipsum Veritas per Ioannem docuit, dicens: Omni, cui multum datum est, multum quæretur ab eo: & cui commendauerunt multum, plus petent ab eo. [Matth. 25. Ioan. 3. Luc. 12. & illic Theophylactus. Origenes in Hiere. homi. 7. confert. l. 2. §. Seruius. de origi. iuris. l. 1. §. hæc actio. si me. fal. mod. dixit. l. 2. quod quisque iuris, l. si quis fundum. §. Celsus. locati. l. professio. C. de mune. patrimo. lib. 10. Michael Medina lib. 4. de recta in Deum fide. c. 6.]

12 Cum ergo hi multa debeant explicare credere, de quibus potest idiota magna probabilitate dubitare: sequitur inde, quod viri docti possunt esse vehementer suspecti de hæresi, asserentes aliquam propositionem, quam si assereret indoctus aliquis, non esset suspectus, ne leuius quidem. [Nazianzenus oratio. 18. Tho. Gerson & Picus, locis prænotatis. idem Gerson part. 1. in declaratione veritatum credendarum. corolla. 2. Conradus tractatu de contractibus, quæst. 100. suppositione. 3. Bal. in c. 1. de summa Trini. Paul. in rubrica. C. eo. tit.]

13 Nullus autem Christianus excusari potest prætextu ignorantie, si errauerit in

articulis fidei, vel in præceptis decalogi, vel in alijs veritatibus diuulgatis, & quas quilibet scire debet: sed longe magis inexcusabiles sunt peritiores, & acutiores, & illi omnes, ad quos ex officio pertinet esse doctiores: quales sunt Episcopi, & cæteri supranominati: & sacerdotes, qui in lege Domini debent esse periti, ut compluribus patrum decretis luculenter probat Gratianus, & maiores nostri in octauo concilio Toletano decreuerunt, his verbis: Solus accedat ad sacra Dei mysteria tractanda, quem morum innocentia, & literarum splendor illustrem reddunt. [distin. 37. cum seq. dist. 59. & 91. concilio. 8. Toletano cap. 8.]

14 Homines vero imperiti tenentur in rebus dubijs consulere peritiores: & cauta sollicitudine querere veritatem: quod nisi fecerint, non erunt excusati propter ignorantiam, quam facile vitare poterunt: sicuti non excusantur in rebus civilibus, qui non consuluerunt iurisperitos. Iustinus philosophus in explanatione questionis quartæ a gentibus positæ, fieri non posse, ait, quin is qui veritatem toto corde atque pro virili querit, inueniat. Testis est Dominus, qui ait: Omnis qui petit, accipit: & qui querit, inueniet, pulsantique aperietur. Vnde recte canit Hesiodus:

*Qui ex se nescit, cuiquæ nec porrigit aures,
Ut bona percipiat, demens et inutilis ille est.*

Et alius inquit:

*Infelix qui recta docet, & vivit inique:
Infelix qui pauca sapit, spernitque doceri:
Infelix, cuius nulli sapientia prodest.*

[Aristo. lib. 1. ethi. c. 4. c. vlti. 37. distin. c. vlti. 38. distin. c. peruenit. 84. distin. l. in bonorum. de bono. possessio. l. 2. §. vlt. quis ordo in bono posse. l. si auiam. C. de inge. manumif. c. turbatur. 1. q. 4. Lucas in. l. omnes iudices. C. de decurio. lib. 10.]

lib. 10. Tiraquel. de retractu cōuentionali. §. 4. glo. 7. nu. 18.]

15 Ad confessionē fidei (vt est apud theologos) tenemur praecepto affirmatiuo: quamobrem semper obligamur, sed vt loquuntur, non ad semper: non enim ea confessio temere fieri debet, nec passim, nec omnibus: necessaria tamen est loco, & tempore: tunc scilicet cum per omissionem huius confessionis detraheretur honori Deo debito: vel impediretur utilitas proximi: vel dispendium fidei pareretur. Igitur constanter defendenda fides est, prædicanda, confitenda, & testificanda, coram hæreticis, coram tyrānis, coram iudicibus, et si opus fuerit, coram populis etiam: dicente Salvatore per Matthæum: Qui me confessus fuerit coram hominibus, confitebor & ego eum corā patre meo. & alibi: Qui me erubuerit, & sermones meos, filius hominis hunc erubescet coram angelis Dei. apostolo quoque attestante, qui ait: Corde creditur ad iustitiam, ore aut confessio fit ad salutem. [c. nolite timere. 1. 1. q. 3. Isidorus lib. 2. de summo bono. c. 2. Tho. 2. 2. q. 3. arti. 2. Gerson tractatu de protestatione. considera. 1.]

16 Ad summam, tenemur credere non solum diuinis scripturis, ecclesiæ traditionibus, iustis concilijs, summorum pontificum constitutionibus, patrū decretis, sacrorum doctorum receptis sententijs: sed etiam illis veritatibus, quæ deducuntur ex his per certam consequentiam in lumine fidei, vel euidenti ratione naturali: si modo veritates ita inferuntur, vt omnibus præsertim sapientibus sint persuasæ: quia hæc illis insunt, & illic comprehenduntur, & continentur, vnde per talem consequentiam eliciuntur. Et hæc est vera, recepta, & catholica sententia. [Origenes homilia. 2. super Genesim. Gerson in declaratione

veritatum credendarum. Torquemada lib. 4. de ecclesia part. 2. c. 8. cum seq. Guido de hæresibus. c. 4. Fran. Picus lib. de fide theoremate. 7. Alberti. lib. 2. de agnoscen. assertio. catho. q. 4. & 5. Ambro. Cathari. lib. de consummata gloria folius Christi, ac diuæ Virginis.]

17 Quamuis autem in rebus fidei fragiles & incertæ sint, atque imbecilles rationes humanæ, sicuti Chrysostomus ait: quia, vt inquit Bernardus, Transgreditur fides rationis fines, humanæ naturæ vsum, experientiæ terminos: ea enim attingit inaccessa, deprehendit ignota, comprehendit immensa, apprehendit nouissima: ipsam denique æternitatem suo illo vastissimo sinu quodā modo circumcludit: & nihil peius sit, vt Chrysostomus dixit, homil. 24. in euangelium Ioannis, quam humanis rationibus spiritualia subijcere: hoc enim impedit, ne quid magnū, ne quid profundum cōtemplemur. & vt Gregorius ait: Fides non habet meritum, vbi humana ratio præbet experimentum: & ea tantum sint defendenda ratione, vt est apud August. quæ vel a sensibus corporis inchoata, vel ab intelligentia mentis inuenta sunt: quæ autem nec corporeo sensu experti sumus, nec mente assequi valuimus, aut valemus, fide tenenda sunt. [Chryso. in c. Ioan. homil. 3. & in episto. ad Coloss. homil. 5. & in episto. 1. ad Theff. homil. 7. Bernardus super cantica sermo. 67. Gregorius homil. 26. super euangelia. Augu. in enchiridio. c. 4.]

18 Quamuis, inquam, hæc ita sint, & fides nostra pendere nō debeat ab humana ratione, constanter tamen suscepta fide, veritas eius ratione munienda est. Veritas enim ratione non caret: ratio autem ad intellectum cognitionemque perducit. Est enim ratio, auctore Augustino,

gustino, quidam animi motus, visum mentis acuens, veraque a falsis distinguens: & est mentis motio, ea quæ discutuntur, distinguendi & coniectandi potens. Tamen si caligantes hominum mentes consuetudine tenebrarum, quibus in nocte peccatorum, vitiorumque vallantur, perspicuitati, sinceritatique rationis, interdum aspectum idoneum intendere nequeat. Quamobrem diuus Petrus apud Clementem lib. 2. recognitionum ait: Qui rationem quæsiuit eorum, quæ credidit & accepit, quasi vinculis quibusdam rationis ipsius colligatus, nunquam ab his, quæ credidit, diuelli, aut separari potest. Et ideo quanto quis propensior fuerit in expetenda ratione, tanto erit firmiter in conseruanda fide. Et alibi: Dominum Christum sanctificate in cordibus vestris, parati semper ad satisfactionem omni poscenti vos rationem de ea, quæ in vobis est, spe. [1. Per. 3. Augustinus de vera religione. c. 24. & lib. de spiritu & anima. c. 12. & lib. de ordine. c. 11. & lib. de moribus ecclesiæ cap. 2. adde Thomam opusculo. 70. quæst. 2. Altissiodoren. in principio summæ.]

19 Superest iam, ut nonnulla de veris miraculis differamus, quibus catholica ecclesia semper & vbique refulget: hæretici contra, nullis veris miraculis vñq̃ approbati traduntur. Est autem sententia certissima, quod vera miracula diuinam auctoritatem habent, ad ea probanda, in quorum confirmationem facta sunt. Quod multis rationibus & auctoritatibus euidentissime patet. Primo, quia vera miracula ab alio, quam a vero Deo fieri nequeunt, cum excedat omnem virtutem & potestatem creaturæ: quod vero solius Dei est, auctoritatem diuinam habet, quæ certissime probat: nec enim Deus magis fallere potest si-

gnis, quam verbis. Deinde, Veritas ipsa hoc docet, apud Ioannem, dicens: Si opera non fecissem in eis, quæ nemo alius fecit, peccatum non haberent. Et alibi, ostendere volens diuinam suam potestatem, miraculo illam probauit, Ut sciatis quia filius hominis habet potestatem in terra dimittendi peccata (tunc ait paralytico) Surge, tolle lectum tuum, & vade in domum tuam: & surrexit, & abiit in domum suam. [Ioan. 15. Matth. 9.]

20 Ad hæc, Helias hominem Dei se esse ostendit probatione diuina veri miraculi dicens: Si homo Dei sum, descendat ignis de cælo, & deuoret te: descenditque ignis de cælo, & deuorauit eum. Præterea, ut Moyse crederetur, veris miraculis Deus ipse auctoritatem eius comprobauit: nec alio fere planiori, aut efficaciori modo fides catholica primū plantata est, quam maximis, plurimis, verissimisque miraculis, ut ex multis locis veteris & noui testamenti quibus facile intelliget. Illud tamen præterire non possum, quod Christus Deus noster iam iam ad cælos ascensurus, discipulos suos mittens, ut vniuersum orbem ad veram fidem conuerterent: dedit eis potestatem confirmandi prædicationem euangelicam veris miraculis, dicens: Euntes in mundum vniuersum, prædicare euangelium omni creaturæ: signa autem eos qui crediderint, hæc sequentur: In nomine meo dæmonia eiicient, linguis loquentur nouis, serpentes tollent, & cætera: illi autem profecti prædicauerunt vbique, Domino cooperante, & sermonem confirmante sequentibus signis. [4. Reg. 1. Exodi. 4. Marci vlti.]

21 Ad extremum, veritatem hanc omnes theologi asserunt, & vniuersi catholici consentunt. Chrysostomus super apostolorum acta inquit: Ex miraculis certam & indubitatam facit resurrectionis fidem,

fidem, vt non solum euident effec eius
ætatis hominibus, verum etiam omni-
bus fecuturis. Et Hieronymus: Ne ho-
minibus rusticis, & absque eloquij
venustate indoctis & illiteratis nemo
crederet pollicentibus regna cælorum,
dat potestatem infirmos curandi: lepro-
sos mundandi: demones eijciendi: vt
magnitudinem promissorū probet ma-
gnitudo signorum. Augustinus quo-
que multa in hanc rem scribit, post alia
dicens: Homines illius temporis, aquā
in vinum conuersam, saturata quinque
millia quinque panibus, transita pedi-
bus maria, mortuos resurgētes viderūt.
Ita quædam corpori manifestiori be-
neficio, quædam vero menti occultiore
signo: & omnia hominibus maiestatis
testimonio consulebant. Sic in se tunc
animas errantes mortalium diuina cō-

mouebat autoritas. Hæc patres isti,
quibus assentiuntur innumerabiles alij.
Ab eant ergo Lutherani, & cæteri hære-
tici omnes, & cum veris miraculis de-
ficiantur, saltem prodigia, & portenta
constringant, si prætextu diuinorum elo-
quiorum, fragilioribus & incautis im-
ponere volunt: prudentes enim atque
constantes viros hæretici nunquam fa-
scinare poterūt. [Chrysostomus in acta
apost. homil. 1. Hieronymus in Matth.
cap. 10. August. ad Honoratum contra
Manichæos. cap. 16. & lib. de vtilitate
credendi cap. 16. Thom. 2. 2. q. 178.
Abulen. Deutero. 13. quæst. 1. omnes
theologi in prologum lib. 1. senten. Gal-
par lib. 2. aduersus hæreticos artic. 1.
melius Michael Medina lib. 2. de recta
in Deum fide cap. 7.]

De filiis & minoribus

Titulus XXIX.

S V M M A R I V M.

- 1 **F**ilios interdum punire propter parentū
scelera iustissimum est.
- 2 Filios nonnunquam Deus ipse punire so-
let propter peccata patrum.
- 3 Filius propter patrem Deus nunquam
puniuit pœna æterna.
- 4 Filios in quartam generationem se pu-
niturum propter parentes, quo pacto
intelligi oportet, Deum dixisse.
- 5 Filios Deum occidisse propter parentum
scelera iustissimum fuit.
- 6 Filium ob crimen patris, aut quempiam
aliū ob crimen alterius interficere nō li-
cet, aut quauis pœna corporali afficere.
- 7 Filium ob crimen patris qua pœna liceat
punire.
- 8 Filij olim vendebantur a parentibus a-
pud Hebreos, & apud alios.
- 6 Filios æquum esse ob parentum scelera

- puniri ostendit Cic. ad Brutū scribens.
- 10 Filiorum pœna magis terrentur patres,
quam propria.
- 11 Filios nobilium vt in pretio haberi equū
est propter parentum merita, ita eos
qui sceleratis parentibus nati sunt, pu-
niri decet ob patrum scelera.
- 12 Filij hereticorum paruuli cautum est a
maioribus, vt educētur & alantur in-
quisitorum cura.
- 13 Filij hereticorum catholici ad nullum
ecclesiasticum beneficium seu officium
publicum admittendi sunt.
- 14 Filij hereticorum catholici an ad sacros
ordines sint promouendi.
- 15 Filij hereticorum catholici, quorum pa-
rentes fuerint ecclesię vnitati restituti
benignius tractantur.
- 16 Filij hereticorum tam legitimi quam a-
dulte-

- dulterini infamia notantur.
- 17 Filij & nepotes eorum qui in heresim relapsi curie seculari sunt relictī, quo in numero habendi.
- 18 Filij hereticorum catholici an sanguinis nobilitate priuentur.
- 19 Nepotes hereticorum retinent ius eligendi.
- 20 Filij & nepotes hereticorum nullo modo priuandi sunt illis beneficijs, quę antea obtinuerunt, quam eorum parentes heretici declararentur.
- 21 Filij & heredes hereticorum per quos testes admittantur ad defunctorum parentum innocentiam probandam.
- 22 Filij qui nati sunt antequam parentes heretici essent, an comprehendantur pœnis contra filios hereticorum statutis.
- 23 Filios hereticorum catholicos ante parentum hereses natos, neque infames esse, neque pœnis obnoxios, multorum est sententia.
- 24 Filijs hereticorum catholicis ante parentum hereses natis, imperatoris Constantini lex fauet.
- 25 Filijs nō imputantur peccata parentum, quę post eos natos a parentibus committuntur.
- 26 Filijs hereticorum catholicis ante parentum hereses natis, Hispani legislatores, & septipartita leges fauent.
- 27 Filijs hereticorum catholicis ante parentum hereses natis, non obest quod heresis vitium sit mere spirituale.
- 28 Filius natus ante dignitatem patris, ut eius prerogatiuas & honores non consequitur, ita illi nocere non debet scelus patris post eius natiuitatem commissum.
- 29 Filij innocentes ante patris heresim geniti, benigne excipiendi sunt.
- 30 Filios natos ante patris heresim nulla lex nominatim punire iubet.
- 31 Filios natos ante patris heresim puniendos esse, cui fundamento innixi probet qui id sentiunt.
- 32 Filijs natis ante patris heresim fauet constitutio Bonifacij octauī.
- 33 Bonifacij octauī constitutio nullam continet quæstionem de filijs natis ante vel post patris heresim.
- 34 Bonifacij octauī constitutio declaratur.
- 35 Filius an accusare teneatur patrē, si ille fuerit occultus hereticus.
- 36 Filium accusare debere patrem occultū hereticum, quomodo probent qui id sentiunt.
- 37 Filium accusare non teneri patrem occultum hereticum, qui authores censeant.
- 38 Moses cum in lege iubet, patrem filium impium accusare, & punire debere, non id de filio in parentem expressit.
- 39 Pater filium accusare debet, ergo filius patrem, par ratio non est.
- 40 Filius patrem hereticum occultum cur prodere non debeat.
- 41 Filius impium parentem relinquere, accusare autem non debet.
- 42 Filius accusare debet patrem proditorē, ergo hereticum occultum, non est par ratio.
- 43 Alsonsi Toftadi sententia de patre occulto heretico a filio non prodendo, generaliter verissima est, interpretatio netamen eget.
- 44 Filius quibus in causis patrem occultum hereticum prodere debeat.
- 45 Filius prodere tenetur patrem occultum hereticum, si eius heresis reipub. perniciofa sit.
- 46 Filius iudicibus indicans hereticū patrē, an eximendus sit ab infamia, & ab alijs pœnis filijs hereticorum impositis.
- 47 Filij parentes hereticos occultos ad iudices deferentes, cur non subiaceant pœnis in filios hereticorum statutis.

- 48 Pater filium hereticum exheredare potest, & filius patrem.
- 49 Pater an filium hereticum exheredare possit, & filius patrem, etiam si hereticus ad sinum ecclesie redierit.
- 50 Filius hereticus a patre ad Iudices delatus, & pater a filio, an mitius puniri debeant.
- 51 Filij Iudaeorum & infidelium vtrum baptizari debeant parentibus inuitis.
- 52 Filios Iudaeorum & infidelium cum ipsorum parentes sub dominio nostro degunt, an liceat baptizari.
- 53 Filios infidelium paruulos ab inuitis parentibus abduci posse ad baptismum, plurimi asserunt.
- 54 Filij infidelium, quibus liberum est arbitrium, non sunt inuiti baptizandi, etiam si parentes eorum id velint.
- 55 Filij huiusmodi si sponte ad baptismum venerint, inuitis etiam parentibus baptizandi sunt.
- 56 Filij minores viginti annis, qui de se ipsis, parentibus, & alijs quos hereticos esse sciunt, plenam iudicibus dixerint veritatem, benigne excipi debent, etiam post tempus gratia.
- 57 Filij parentum praeceptis imbuti, plerumque ad eorum hereses moresque deducuntur.
- 58 Filius minor viginti annis doli capax, si hereticus pertinax fuerit, perinde ac si maior esset, iudici seculari relinquendus est.
- 59 Hereticus minor viginti annis, qui in heresim inciderit, & maior factus conuictus fuerit de crimine, quomodo puniendus.
- 60 Minoribus viginti quinque annis in causa etiam heresis, curator ad litem ab inquisitoribus decernendus est.

De filijs & minoribus.



- A** CERBISSIMUM quidem videri posset, atque iniustissimum, punire innocentem hominem propter parentis crimina: nisi Deum optimum maximum, qui vera iustitia est, id ipsum sapissime fecisse liqueret: nisi omnium fere gentium moribus receptum & seruatum foret: denique si non id antiquissimum, & compluribus legibus sancitum esset: ergo iustissimum est, interdum filios punire propter parentum scelera: non tamen mortis poena, sed infamiae, aut alia quapiam bonorum externorum.
- 2 Deus autem ipse nonnunquam filios punire solet propter peccata patrum, poena etiam mortis, non tamen poena aeterna. Sic paruuli Sodomae propter parentum scelera igne consumpti sunt: quod

in Dathan & Abiron contigisse scimus. Sic punitus fuit Dauid morte filij. Sic etiam filij Acham cum patre interfecti sunt. Et alibi: Saepè Deus visitauit peccata patrum in filios usque ad tertiam & quartam generationem. Quod Erupides quoque atque Plutarchus, ethnici homines non ignorarunt. [Gen. 19. nu. 17. li. 2. Regum. c. 12. Iosue. 6. Plutar. li. de sera numinis vindicta. Iustinus Philosophus quaest. 138. Et in principio. 24. quaest. 3. Caelius li. 6. lectio. antiqua. cap. 14. Ferus in Iob. sermone. 23.]

- 3 Illud autem nobis persuasum esse debet, nil Deum agere aliud, quam quod fas, admodumque decens sit: eius enim voluntas summa iustitia est, opera eius omnia sanctissima & perfectissima. Quam ob rem filium propter patrem, poena aeterna Deum nunquam punisse, cum Augustino & ceteris credimus: ipse enim dixit:

dixit: Non portabit filius iniquitatem patris, sed anima quæ peccauerit, ipsa morietur. Non dicent ultra: patres comederunt vnam acerbam, & dentes filiorum obstupuerunt, sed vnusquisque in iniquitate sua morietur. [Ezech. 18. & illic Hieronymus. Hiere. 31. August. super Iosue quæst. 8.]

4 Sed neque illud iniustum est, quod in Exodo legitur: Ego sum dominus Deus tuus, fortis, zelotes, visitans iniquitatem patrum in filios in tertiam & quartam generationem eorum, qui oderunt me. Nam, vt ait Augustinus, in quartam generationem repromisit quidem Dominus reddere se peccata patrum filijs, sed ijs, qui oderunt eum: hoc est, qui in paternis malis versati fuerint, vel in illis, qui contra Deum paternum odiū imitantur. Sicut enim filij Dei appellantur iusti, sic filij diaboli nominantur iniusti: & sanctorum filij, sancti: & iniquorum, iniqui. Vnde Ecclesiasticus inquit: Filij abominationum fiunt filij peccatorum. Et mox: Filiorum peccatorum periet hæreditas, & cum semine illorū assiduitas opprobrij. Vbi Dionysius recte ait, filios peccatorum intelligendos esse illos, qui nati sunt ex iniquis parentibus, & eorū vitia sequuntur, Chrysostomus quoque id ipsum explicans inquit: Reddens peccata parentū in filios, non quoniā alieni peccati quisquā supplicia luat, sed quoniam qui multos propter peccata sua vexatos esse non ignorat, neq; idcirco factus est melior, sed eadē committens nō curat, illorū quoq; pœnas iuste sustinebit. Et sanctus Gregorius li. 15. in Iob. c. 31. Quia enim vsque ad tertiam & quartam generationem, eam quā imitantur filij parentū vitam possunt videre, vsq; ad eos vltio extenditur, qui viderunt, quod male sequerentur. [Exod. 20. & inibi Aloysius in catena. Eccle. 41. Aug.

lib. quæstionum ex veteri testamento quæst. 14. Grego. lib. 15. in Iob. c. 22. cap. nisi cum pridem. §. personæ. de renuntiatio. Chrysostomus in Matth. homil. 75. & in Ioan. homil. 55. Ambrosius i. c. cito turpem. 1. q. 1. cap. homini. 1. q. 4.]

5 Illud quoque iustissimum esse scimus, quod ab ipso Deo factum nō nunquam legimus, vt filij occisi fuerint propter parentum scelera. Quidquid enim Deus fecit, sanctissimum, & iustissimum est. Ipse fecit nos, eiusque est vita & mors: ipse occidit, & ipse viuere facit, solus ipse vitæ & mortis habet potestatem: iuste nobis dat vitam, iuste, cum vult, occidit. Hæc sūma ratio iustitiæ est, nec amplius a nobis de iudicijs Dei scrutari licet. Quærenti tamen, si iudicium Dei iustum est, quare infantes in Sodomis simul cum parentibus cremati sunt? Aug. respondit: Vt nimis impium facinus Sodomitarum possit aduerti, peccatum eorum peruenit vsque ad necem filiorum, ne de origine illorum signum aliquod remaneret. Non ne prouisum est illis, ne diu viuentes exempla sequerentur patrum? a gehenna enim liberi sunt in aliena causa occisi: & sicut bonis parentum læti sunt filij eorum, quod commendetur prærogatiua eorum: sic & de morte, quæ pro malis illorum infertur, queri non possunt: vt quemadmodū participes in lucro sunt, sic sint & in damno. Hæc ille, & alia in eandem sententiam. lib. quæstionum ex veteri testamento. quæst. 13. Quod & Cyprianus noster eleganter disseruit, in verba illa Nahum, Ex te enim exiit cogitans, & cætera cap. 1.

6 Cum igitur solus Deus occidere libere possit quemcunque velit, nec liceat cuiquam hominem occidere, nisi auctoritate diuinæ legis (vt Aug. & cæteri

theologi docēt) relinquitur plane, quod nec princeps, nec respublica, nec alij omnino quempiam pro peccato alterius morte punire possunt: id enim durum, ferum, barbarumque est, ac legē diuina prohibitum, dicente Domino: Non occiduntur patres pro filijs, nec filij pro patribus: sed vnusquisque pro peccato suo morietur. Demosthenes quoque epist. 3. Iniquissimum esset, ait, quarum rerum patrem accusant quidā, ob eas filios in vincula conijci. Vnde nemo non intelligit, morem quendam Scytharum fuisse iniquissimum: apud quos, vt aiunt, cum rex aliquos morte punit, eorum ne liberos quidem relinquit, sed vniuersos mares interficit, foeminis nihil legis. cui fere similē Quinctus Curtius lib. 6. memorat Macedonū legem, qua cauebatur, vt propinqui eorum, qui regi insidiati erant, cum ipsis etiam insontes necarentur. Hæc tamē, etsi quæ sunt aliæ generis eiusdem, non sunt leges dicēdæ, sed legum corruptio nes. De talibus loquens Philo lib. 2. de specialibus legibus, inquit: Legisla tores, penes quos sunt iuris regulæ, per inique statuunt, opinionem suam māgis quam veritatem secuti, proditorem plecti vna cum liberis, tyrannum verō vna cum quinque familijs cognatione proximis. Libenter discerem cur ita. Si vna peccarunt, simul etiam punian tur: quod si nec socij fuerunt eorum, nec imitatores, nec foelicitatis voluptatisque domesticorum participes, cur in terimentur? Ideo ne tantū quia cognati sunt? genus enim non scelus punitis. Nimirum vos, o venerandi legumlatores, bonas habetis familias: alioqui si malæ essent, opinor nunquam vobis in mentem venissent instituta huiusmodi: imo ne alios quidem ferretis hæc statuere, vt ob cauenda scelera innocentes

quoque inuoluantur alienis periculis. Nam hic metus ita cautus debet esse, vt tamen non cōtemnatur cuiusquam incolumitas. Cæterum qui nimium securitati consulit, cogitur sæpe innoxius non parcere. hæc Philo. Non igitur vllō pacto licet quempiam propter crimen alterius occidere, nec excommunicare, nec fustibus cædere, nec alia corporali pœna punire, sicut inter theologos & iurisperitos satis constat. [August. lib. 1. de ciuitate Dei cap. 21. Deutero. 24. & lib. 4. Regum cap. 14. & illic Abulen. quæst. 5. l. sancimus. & de pœnis. Herodotus lib. 4. Plato. 9. de legibus. Herodianus lib. 1. c. si habes. 24. q. 3. Ioan. Bohemus. lib. 2. de moribus omnium gentium. c. 9. Alex. Ales. 3. parte quæst. 41. Tho. 2. 2. q. 108. Alfon. li. 2. de iusta hæret. punit. cap. 11. Brunus lib. 6. de seditio. cap. 6.]

7 Cæterum filij hæreticorum, & aliorū hominum iniquorum, iuste puniri possunt infamia, exilio, & quibusdam similibus pœnis. Nam vt apud Cicero nem est, quamuis illud videatur esse crudele, quod ad liberos, qui nil meruerūt, pœna peruenit: sed id & antiquum est, & omnium ciuitatum, cuius rei non desunt vrgētissimæ quidē causæ: Filius enim res patris est, & præcipua quædā parentis possessio: puniri ergo in filio pater poterit, sicut & in ceteris possessionibus. Quid? quod natura pater & filius eadem esse persona pene intelligitur? Et Philo libro de sacerdotum honoribus inquit: Liberi sunt parentum patres separabiles: imo (si verum fate mur) inseparabiles, propter communē sanguinem, & latentem quandam rationem generis demanantem a maioribus, natiua beneuolentia coniungente affectus mutuos. Et vt Picus quadam in epistola scribit, maxima patris pars in filio

in filio est. [l. 3. & vlti. C. de patria po-
testa. l. vlti. C. de impube. & alijs sub-
stit. Lactārius lib. de opificio Dei. c. 19.]

8 Sic olim apud Hebræos, & Græcos,
apud Romanos quoque, atque alios, vē-
debantur a parentibus liberi, & a pater-
nis creditoribus in seruitutem redige-
bantur. Quod ex literis sacris veteris
testamenti perspicuum fit: & id ipsum
Basilus, Ambrosius, Eusebius, & com-
plures alij testantur. Et apud Atheniē-
ses permulti oppressi ære alieno, pro-
prios liberos cogebantur vendere. nul-
la enim prohibebat lex: quinimo & so-
rores distrahere licebat vsque ad Sôlo-
nis tempora, qui lege lata sustulit ius
vendendi sorores & filias, vt in eius vi-
ta Plutarchus est author, qui de Numa
quoque Pompilio scribens: Laudatur,
inquit, ex eius institutis, emēdatio eius
legis, qua parentibus filios vendere per-
mittebatur. [Exodi. 21. lib. 4. Regum
cap. 4. Basilus in psalmum. 14. homi-
lia. 4. & in concione super illud Lucæ,
Destruam horrea mea. Ambrosius lib.
de Nabuthe cap. 5. & lib. de Tobia c.
8. Eusebius lib. 9. ecclesiasti. histo. c. 8.
l. 1. & 2. C. de patri. qui filios distra-
xe. Dionysius lib. 2. antiquitatum Ro-
manarum. Tiraquel. de retract. §. 26.
nu. 14. glo. 1. Couar. lib. 3. varia. re-
solu. cap. 14.]

9 Accedit ratio illa viuā quidem & spi-
rans, quam Cicero lib. epist. ad Brutū
elegantē his verbis scripsit: Nec vero
me fugit, quam sit acerbū, parentum
scelera filiorum pœnis lui: sed hoc præ-
clare legibus comparatū est, vt chari-
tas liberorum amiciores parentes reipu-
blicæ redderet: etenim cum potissima
fere causa pœnarum ea sit, vt homines
a facinoribus perpetrandis formidine
deterreantur: nulla alia magis acerbā,
nec quæ anxiorē afficiat tristitia, pœna

est, quam cum quis cernit filios suos,
ob sua ipsius male acta, affligi, & pau-
pertatē, & infamiam, aliāq; incommo-
da pati: quæ res multos quidem a scele-
ribus auertit, & ne similia audeant, ad-
monet atque deterret. [Cicero ad Bru-
tum epist. 12. & 15. Plutar. lib. de se-
ra numinis vindicta.]

10 Ad hæc, naturalis & vehementissimus
amor, quo parentes filios suos diligere
solent, id efficit, quod Iulius Paulus ait,
vt pro affectu magis in liberis terreantur.
Vix enim parentes in amore filio-
rum liberum arbitrium habent: nam
etsi liberi prauī sunt, & odio digni, pa-
rentes tamen haud possunt illos non ve-
hementer amare. Addendum eodem
est, quod Chrysostomus in Genesim
scriptum reliquit, enarrans verba illa,
Maledictus Chanaan filius: Ecce, in-
quit, peruenimus ad quæstionem illam
vbique celebrem: multos enim audiui-
mus dicentes, quare cum peccauerit pa-
ter, filius maledictum suscipit? quare
cum alius peccauit, ille pœnam luit? ne-
que absque ratione hoc factum est: quia
pater non minorem pœnam & crucia-
tum habuit, quam filius. Scitis enim
quomodo sæpenumero patres orant,
vt filiorum pœnas ipsi ferant: & quo-
modo grauius illis est, videre filios sup-
plicio affici, quam si ipsi his forent ob-
noxij. Eandem quoque historiam enar-
rans Ambrosius inquit: Qua ratione
cum Cham peccauerit, non ipsum, sed
filium eius seruituti addixit? & fortasse
ideo, quia plus afficitur iniuriis filii sui,
& vehementius contristatur sui pecca-
ti damnationem a filio persolutā, quia
non tam suo, quam patris merito puni-
retur, & cæt. [l. isti quidem. quod met.
cau. regia. l. 3. tit. 20. parte. 2. l. liberorū
§. vlti. de verbo. signi. Arist. 8. ethi. c.
12. & illic Buridanus. q. 16. cum seq. &
lib. 9.]

lib. 9. ethi. cap. 7. Stobæus sermone 81. Chrysoft. in Genesim homilia. 29. Ambrosius lib. de Noe & arca. cap. 32. Tho. 2. 2. q. 26. arti. 9. cum seq. Felinus in c. afferre. de præsumptio. Hippolyt. in l. 2. de sicarijs.]

11 Accedit etiam, quod quemadmodum filij hominum bene meritum in prærio sunt, & honore parentum nobilitantur, tamen si nihil ipsi fecerint, propter quod nobiles essent: ut ciuis meus Seneca lib. 4. de beneficijs eleganter tradidit: sic e contrario male meritum filij parentum scelere obscurantur, & infantes etiam infamia iuste notantur, alijsque prærogatiuis priuantur. Non igitur mirum, neque absurdum, cum ex illis procedant, si ob eorum facinora vindictæ quoque partem desumant: quandoquidem, sicuti Plutarchus ait, quæ apud homines beata censentur, propter illos cõsecuti sint, ac possideant. Bona siquidem corporis & fortunæ a parentibus in liberos naturaliter transeunt, & similiter mala. Et sicut iustorum filij, & ipsi iusti, nobilitant in se genus iustitiæ, dum & patrum, & sua iustitia sublimantur: ita & nequissimorum, & ipsi filij nequissimi (ut apud Augustinum est) crementum faciunt malitiæ: quia & malorum filij sunt, & nequitiam illorum exemplarunt ad perditionem multorum. Quis enim malum, & mali hominis filium, non duplici genere execretur, quo modo bonum, & boni filium duplici mercede non censet honorandum? [Exodi. 20. & 2. Regum. 9. Plutar. lib. de fera numinis vindicta. August. lib. questionum ex veteri testamento. quæst. 14.]

12 Iure igitur ac merito hæreticorum filij priuantur bonis parentum, ut suo loco fusius disserui. Quidam tamen ex nostratibus perquam durum id esse putant, præsertim contra filios paruulos, qui

bonis parentum, atque adeo alimentis priuati, in vitæ discrimen adducentur. Etenim ut Iulius Paulus ait, Necare videtur qui denegat alimoniam. Quamobrem quodam instructionis capite maiores nostri decreuerunt, ut filij hæreticorum impuberes, qui priuati fuerint parentum bonis, educentur & alantur cura inquisitorum apud aliquos viros catholicos & religiosos, qui eos fidem catholicam doceant. [l. necare. de libe. agnos. prima instruct. Hispal. c. 22. Lupus senior tracta. de hæresi. c. 18. Io. Lupus in c. per vestras. §. 72. Corasius in l. qui liberos. de ritu nuptia. nu. 62. Quemada quæst. 24.]

13 Filii catholici hæreticorum, fautorum, & receptatorum, usque ad secundam generationem, ad nullum ecclesiasticum beneficium, seu officium publicum admittendi sunt: sed neque ad ea officia secularia hodie in Hispania admittuntur, quibus vel honorem consequantur ipsi, vel alijs nocere queant. Non ergo medici esse debent, non chirurgi, non macellarii, & multo minus, iudices, decuriones, aduocati, executores, nec alias omnino publicas functiones gerere possunt, nisi forte hoc eis a principe concessum fuerit. Quod si secus fecerint, in pœnam publicationis bonorum ipso facto incurrunt: quemadmodum plenius legibus pragmaticis continetur. Hodie tamen inquisitores mandato regio de his causis cognoscere, & arbitrio suo statuere possunt [c. 2. §. hæretici, de hæreti. lib. 6. pragmatica. 8. cum seq. & instruct. 3. Valdolitana. c. 11. Zanchi. cap. 28.]

14 Quæri tamen solet, an hæreticorum filij catholici ad sacros ordines sint promouendi. Quod nonnullis placere video: quia, ut aiunt, hoc non inuenitur iure prohibitum. Sed contrariam sententiam

tentiam secuti sunt patres in tertia instructione Hispalensi, quam ipse verior esse censeo: tum quia filij hæreticorum nō admittuntur ad ecclesiastica beneficia, & publica officia consequenda, vt paulo ante dixi (ordines autē sacri, ad maxima ecclesiastica officia ministranda instituti sunt) Tum etiā, quia filij hæreticorum infamia notantur, & alijs inferioribus etiam honoribus priuantur. [c. 2. §. hæretici. de hæreti. lib. 6. & instruct. 3. cap. 11. cap. clericos. 21. distin. c. felices. §. nulli. de pœnis lib. 6. l. qui indignus. de senato.]

15 Cæterum benigna interpretatione legumlatoribus placuit, vt illi tantum hæreticorum filij ab honoribus & beneficijs superscriptis arceantur, quorum parentes non fuerint vnitati ecclesię restituti: & vt primus & secundus gradus generationis solummodo lineam patrem nam comprehendat: per maternam vero lineam ad primum duntaxat gradū pœna extendatur. Cuius differentiæ ratio esse potest, vel quia deterior est infectio viri, quam fœminę: maiori enim bono maius malum opponitur, sicuti Aristoteles docet lib. 8. ethic. præstantior sane est sexus mas, quam fœmina, & primæ causæ efficienti propinquior, vt ait Philo libro de victimis: nā quidquid fœmineum est, imperfectum censetur & subditum, vt quod patitur magis quam agat: vel quia, quemadmodum familiæ dignitas, nobilitas, & honores descendunt in posteros a sexu virili: sic ex contrario longiorem iacturā in iisdem soboles pati debeat pro delicto paterno. Addo illud Statij lib. 1. Thebaidos:

*nostro quoque sanguine multum
Errauit pietas, nec culpa nepotibus obstat*
[c. statutum. 2. de hæreti. lib. 6. & illic interpretes. 8. ethi. c. 10. c. cum caput.

33. q. 5. l. 1. de iure immunita. l. exēplo. C. de decurio. lib. 10.]

16 Filios autem hoc loco accipimus, non tantum ex iustis nuptijs procreatos, sed eos omnino, qui ex incesto, adulterino, nefario, aut quouis alio complexu nati fuerint: non enim melior conditio illorum esse debet, qui odio maiori digni sunt. [l. parentes. de in ius vocando. glo. in dicto cap. statutum. & ibidem Archid. Ioan. And. Ioan. Mona. Philiph. Fran. & Probus. itē Collecta. in. cap. excommunicamus. 1. de hæreti. Gonsal. in tracta. de hæreti. quęst. 23. Couar. lib. 2. varia. resolut. cap. 8. Gigas lib. 3. de crimi. lesē maiesta. q. 7.]

17 Quæsitum scio, an filij & nepotes eorum, qui relictī sunt curiæ seculari, propterea quod in hæresim relapsi fuerint, superscriptis pœnis teneantur, etiam si pœnitentiam egerint parentes eorum. Quod Ioannes Andreas & Philippus Francus verum esse putant: quia non videntur ecclesię incorporati, qui curiæ seculari relictī sunt. Contrariam tamen sententiam veriore esse aiunt Ioannes Lupus senior, ac Dominicus, quibus assentior: quia illi non decesserunt hæretici, sed pœnitentes & restituti ecclesię vnitati. Non enim relapsis denegatur sacramentum pœnitentię, nec eucharistię: quæ sacramenta his, qui sunt extra ecclesiam communicari non solent. Nec ideo putandum est, illos ecclesię non esse restitutos, quia iudicibus secularibus relinquuntur: nam & ceteri facinorosi, quamuis vltimo supplicio puniantur, si tamen suscepta pœnitentiā moriantur, nihilominus in gremio ecclesię decedūt. Sed re attentius perpensa priorem sententiam secutus sum in enchiridio, & in eadem perseuero nunc. [c. statutum. 2. de hæreti. lib. 6. & illic Ioan. And. Philip. Fran. & Domini.

Ioan.

- Ioan. Lupus decanus Segobienſis tracta. de hæreſi. cap. 18. cap. ſuper eo. de hæreti. li. 6. c. in eccleſia. cū ſeq. 1. q. 1.]
- 18 Item quæritur , an hæreticorum filij catholici priuati ſint nobilitate ſanguinis , vel antiquo parentum priuilegio ad eos deriuata . Quod quidem prima fronte magis videri poſſet , quia minoribus etiam beneficijs habētur indigni , & paterna infamia notantur : poſtremo quia omnibus excluduntur honoribus . Verior tamen eſt contraria ſententia : tū quia non inueniuntur aliqua lege nobilitate iſta priuati , nec leges pœnales extendendæ ſunt , ſed reſtringendæ : tum etiam quia ea , quæ proueniunt ab auis , atauis , & maioribus , non auferuntur a nepotibus , & alijs deſcendentibus , propter patrum ſuorum crimina : & hoc iure vtiſimur . Sed ſi is cui priuilegium conſeſſum fuit , in hæreſim inciderit , iure ac merito priuatur illo , vt noſter Otalora recte tradidit . [1. quiſquis . §. 1. C. ad leg. lul. maiesta. l. 3. de interdi. & relega. & illic Bart. Ioan. Lup. de regno Nauarræ parte. 5. §. 6. cum ſeq. Decius conſi. 318. Igneus in. l. 3. §. ſi. & in. l. vlti. ad Sillania. Otalora lib. de nobilitate Hiſpana parte. 4. cap. vlt.]
- 19 Accedit eodem , quod nepotes hæreticorum retinent ius eligendi , quia non ſunt nominatim electionis iure priuati . Sic etiam pater hæreticus non nocet filio catholico in ſucceſſione aui paterni . [1. cum pater . §. hæreditatem. ff. de legat. ij. Cardi. Abbas & Ioan. Imolen. in cap. excommunicamus. §. credentes. de hæreti. Dom. & Philip. Fran. in. c. 2. §. hæretici. eodē tit. Docto. in. l. Gallus . §. & quid ſi tantum. de lib. & poſthu. Caſſene. in cōſuetudi. Burgun. rubrica 3. §. 5. nu. 69. Iacob. Segura in. l. cohæredi . §. cum filia. de vulga. & pupil. nu. 73.]
- 20 Præterea filij & nepotes hæreticorum priuandi ſunt per ſententiam , ſed non ſunt ipſo iure priuati ſacerdotijs & beneficijs , quæ conſecuti fuerint poſt parentum condemnationem : non tamen priuandi ſunt vlllo modo illis beneficijs , quæ antea obtinuerant , quam patres eorum declararentur hæretici : quia id nullo iure cauetur , & iniquiſſimum eſſet . [c. ſatis peruerſum. 59. diſtin. & illic glo. & cæt. Anto. Abb. Ioan. Imol. Ioan. de Ana. & Felinus in c. vergentis. de hæreti. Ludo. Roma. ſingula. 686. Gonſalus de hæreti. prauita. q. 23. Couar. lib. 2. varia. reſolut. cap. 8. nu. 4.]
- 21 Filij & hæredes admittuntur ad probandam innocentiam patris deſuncti per teſtes idoneos , & fidei zelatores : non tamen cenſentur idonei filij , & familiares , neque domeſtici : niſi forte ad aliqua probanda , quæ per alios probari non queant . Citandi autem ſunt filij & hæredes cum rei mortui fuerint , nec pertinaces , nec plene confeſſi , alioqui ſuperuacanea deſenſio eſt : quia pertinenacem defendere non licet , & vt ait Ouidius .
- Non eſt confeſſi cauſa tuenda rei.*
- [1. ad probationem dominij. C. de probat. c. filij. de hæreti. lib. 6. l. ſin. §. vlt. ff. de bonis eorum. l. non omnes. §. a barbaris. de re milita. l. 3. C. de nauſra. li. 11. l. cōſenſu. §. ſin autem. C. de repud.]
- 22 Hæc autem quæſtio anceps eſt , & magnam vtrinque probabilitatem habet : An pœnæ contra filios hæreticorum ſtatutæ , comprehendant etiam eos , qui nati fuerant priuſquam parētes eorum in hæreſim laberentur . Quod prima quidem facie ſatis probari videtur duabus pontificum conſtitutionibus , quæ generaliter de filijs eorum loquuntur , qui tempore mortis hæretici erant . Deinde cauſa punitionis hæreticorum eadem eſt in

est in filiis quocunque tempore natis.

Ad hæc, hæresis vitium est mere spirituale non trahens a carne commercium: quam ob causam distinctio illa locum non habet, quæ in alijs criminibus obseruari solet: scilicet, quod hi nascuntur ex infecta radice, illi contra. His fere rationibus persuasi multi hanc opinionem sequuntur, quam quondie vsu comprobari videmus. [c. filij. cap. statutum. 2. de hereti. lib. 6. Ioan. And. Dom. & Philip. Fran. in. c. vt commissi. de hereti. lib. 6. Gonfa. de hereti. prauita. quæst. 23. Ioan. Lupus de iure Nauarræ parte. 5. §. 8. obiectione. 4. Galindus in disputatione regia. §. 18. Alfonso lib. 2. de iusta hereti. punitio. cap. vlt. & iterum lib. 1. de potestate legis poenalis cap. 7. Couar. lib. 2. varia. resolut. cap. 8. nu. 5. Grego. Lupus in regiam. l. 2. tit. 2. parte. 7. Gigas lib. 3. de crimine læsæ maiestatis quæst. 5.]

23 Alij vero complures, quibus ego vehementer assentior, benigniorem sententiam secuti, aiunt: hæretici filium catholicum, ante patris hæresim natum, nec infamem, nec superscriptis poenis obnoxium esse: quia nulla sit lex, quæ talem filium nominatim exprimat: nec eadem ratio sit huius, & aliorum filiorum: postremo, quia multa sunt, quibus probabilior sententia nostra videri queat. [Calderinus tit. de hereti. conf. 3. Petrus, Cynus, & Angelus in. l. quisquis. C. ad. leg. Iuli. maiesta. Præpositus in. c. quo iure. 8. distin. col. pen. Dom. in. c. 2. §. heretici. de hereti. lib. 6. Alfonso. Cartagena in quodam concilio quæstio. 7. Ioan. de Ana. in. c. vergentis. de heret. Tiraquel. de iure primogenitorum. q. 31. nu. 4. tract. de crimine læsæ maiestatis incerto auctore quæst. 7. Orosius in l. emancipatum. ff. de senatorib.]

24 Ac primum quidem, imperatoris Cō

stantini lex huic sententiæ fauet, qua cautum est, vt crimen patris noceat filiis nascituris, non autem illis, qui tempore criminis commissi nati, aut concepti fuerant: liberti enim, & eorū filij propter ingratitudinem reuocantur in seruitutem: quod ex Atheniensium legibus Romani accepisse videntur. Rerulit enim Valerius Maximus legem illorū his verbis: Age quid illud institutum Athenarum, quam memorabile, quo conuictus a patrono libertus ingratus, iure libertatis exuitur? Superfedeo te, inquit, habere ciuem, tanti muneris impium estimatorem: nec adduci possum, vt credā vrbi vtilem, quem domi sceleratum ceruo: abi igitur, & esto seruus, quoniam liber esse nescisti. Eandem igitur legem ferens Constantinus, post alia inquit: Filij etiam, qui postea fuerint nati, seruituris: quoniam illis delicta parentum non nocent, quos tunc esse ortos constiterit, dum libertate illi potirentur, [Valerius lib. 2. cap. 1. l. 2. C. de libertis, & eorum libe. & illic glo. Bal. & cæteri.]

25 Ad hæc, sicuti diuus Augustinus quædam in epistola scribit, non imputantur filiis peccata parentum, quæ post eorum natiuitatem a parentibus committuntur. Et super Deuteronomium idem diuus ait: Filios natos ante peccatum patris esse prorsus a poena immunes: non enim trahit, inquit, aliquid ex patre, qui iam natus erat, quando pater eius peccauit. Ecce quomodo beatus ille pater considerat rationem illam vulgarem, quod nati post commissum crimen, ex infecta radice proueniunt. Nam filius antequam generetur, dicitur esse in patre secundum corporalem substantiam, & secundum potentiam generationis actiuam: vnde Leui dicitur decimatus fuisse in lūbis Abra-

hæ: quod longe aliter habet in filio nato. Mirum ergo videri non debet, si alia sit causa horum, alia illorum filiorum. [August. epist. 75. & super Deut. quæst. 42. cap. non imputantur. & c. itaque. 1. quæstio. 4. ad Hebræ. 7. Ambro. Cathari. lib. de peccato originali disputatione. 6.]

26 Post hæc, nostrates legumlatores hanc sententiam semel & iterum approbasse videntur: & viri illi percelebres, qui in condendis legibus septipartitis strenuam operam nauarunt, eandem illam filiorum distinctionem secuti, addunt, sapientissimos ac vetustissimos Hispanos maiores nostros, in pœnis cõstituendis semper hanc rationem obseruasse. Quod mihi perspicuum fit ex decimotertio concilio Toletano, vbi quidam restitutionuntur in pristinam dignitatem, qui tunc in infidelitatem inciderant. Et mox subiungitur: Quod etiam de filiis eorum decernimus obseruandum, qui post admissum parentum præmemoratæ profanationis scelus, nati esse produntur. Ecce quod illi tantum filij egebant restitutione, qui nati erant post parentum infidelitatem: alij vero nati ante crimen, quia integri status permanserant, non egebant restitutione. [1. 6. tit. 27. parte. 2. concilio. 13. Toletano cap. 1. regiarum leges. 4. & 5. tit. 1. lib. 4. ordinatio. 1. 3. tit. 9. eodem lib.]

27 Neque his oberit, quod hæresis vitium sit mere spirituale: nam & alia vitia spiritalia, & reliqui animi mores in filios transire solent, perinde atque vitia carnis. Recte namque ille cecinit:

Qui vivet in folijs venit a radicibus humorum,

Et patrū in filios abeunt cū semine mores. Adde quod Paulus cap. 5. epist. ad Gal. inter opera carnis, hæreses posuit: & nonnunquam vitium corporale vsq; ad ani-

um peruenit, & cum vitiat. Accedit eodem, quod vita & sensus ex anima in corpus defluunt: quæ si magnis peccatis deprauata & corrupta fuerit, corpus etiam ipsum trahit secum in corruptionem, illudque mire inficit: siue coniunctione societatis, siue iure possessionis, siue deriuationis natura. Vnde fit nonnunquam, vt infirmitas corporis ex animi peccato descendat, quemadmodum Plato docet in Charmide, dicens: Quæ admodum oculos sine capite curare non decet, neque sine reliquo corpore caput: ita neque sine anima corpus: omnia namque vel bona, vel mala ab anima in corpus & hominem totum manant. Illam igitur primum & maxime curare oportet, si modo caput & vniuersum corpus bene valere debeat: quod & Chrysostomus alicubi tradit. Theophylactus quoq; in euangelium Marci: Difficiliores, inquit, morbi ex peccatis oriri solent: tanta prorsus est affinitas, vt Gellius ait, corporibus hominum mentibusque. Adde quod non in eo vis est, vtrum sit vitium spirituale, vel corporale, sed in hoc potius, quod hi filij nati sunt ex hæreticis, illi contra. [1. 1. §. apud Viuium. ff. de ædili. edict. Teophila. c. 2. Gellius lib. 4. cap. 13. cap. cum infirmitas. de pœnit. & remissioni. Chrysostomus in cap. Matth. 4. homilia. 14. & in Ioannem homil. 37. Lucas in l. 1. C. de deserto. & occultato. lib. 12. col. 7. Cyprianus noster in psalmum. 38. versu, ab omnibus iniquitatibus.]

28 Ad extremum, suffragatur sententiæ nostræ ratio viua & spirans: nam si filius natus ante dignitatem patris, non consequitur prærogatiuas, & honores eius: multo minus illi nocere debet crimen a patre post eius natiuitatem commissum: etenim quia restringi, & fauores con-

res conuenit ampliari:& iniquissimum est, vt alterius odio quispiam prægrauetur. [c. odia. de regu. iuris. l. si quis in suo. §. 1. C. de inoffi. testa. l. diuo Mar. co. C. de quæstio. l. si quis Decurio. 3. l. neque Dorotheum. l. doctitij. l. neminem. l. diuæ memoriæ. l. vlti. C. de decurionib. li. 10. l. senator. de dignita. lib. 12. l. si cohortalis. de cohortali. eodem lib. l. emancipatum. de senato. l. filij. §. senatores. admunici. c. 2. qui filij sint legiti.]

29 Ne autem catholici & innocentes filij, ante patris hæresim geniti, rigore aliquo puniantur indigne, quantacunque legum seueritas benigna interpretatione temperanda est. Et vt Fabius ait: Etiam si qua sunt iura, quæ obstant, si tamen angustus saltem detur accessus, per quæ intrare humanitas possit, vera clementia occasione contenta est. Misericordia quidem digni sunt, sicuti Iustinianus inquit, hi qui alieno laborant vitio. Narrans eleganter Plutarchus immanē Scyllæ crudelitatem, post alia dicit: Qui proscriptum acceptasset, salutique confuluisset, humanitati pœnam, mortem definiuit: non fratrem, non filium, non parentes excepit: qui necasset, cædis mercedem duo talenta constituit, seu domum seruus, seu patrem filius interemisset. Quod autem omnium iniustissimum existimatum est, proscriptorum filios ac nepotes honore priuauit, omnium bona publicauit: tanti est pro patrum scelere filios innocētes punire. [Fabius declamat. 6. l. legem. C. de natura. liberis.]

30 Adde, quod nulla lex est, quæ nominatim filios natos ante patris hæresim puniat: nec generali filiorum appellatione, hi censeri debent esse comprehensi, quos anteriores leges, quos ratio diuersa, denique quos tot viri sapientes exci-

piunt. Nec monet Alexandri III. constitutio, qua probari putant, filios quocunque tempore natos in eadem causa pœnarum esse: quia nil minus indidem colligi potest. Non enim constitutio de pœnis filiorum quippiam ait: nec de his qui nati sunt ante patris hæresim loquitur: sed id tantum definit, filios vel hæredes admittendos esse ad probandam innocentiam eius, qui tempore mortis cæremonias fecerat hæreticorum. Ex quo nil aliud intelligi poterit, quam quod filij, hoc & illo tempore nati, admittendi sunt ad probandam innocentiam patris, quemadmodum hæredes etiam extranei ab ea defensione nō excluduntur. [c. filij vel hæredes. de hæreti. lib. 6. l. sed & posteriores. de legib.]

31 Alia tamen constitutio Bonifacii viii. extat, cui respondere posse vix videor: in ea siquidem continetur, quod filij & nepotes illorum hæreticorum supradictis pœnis comprehenduntur, qui tales esse, vel tales etiam decessisse probantur. Ergo sat esse videtur, quod parentes decesserint hæretici: vnde consequitur, constitutionem de filiis quoque natis ante hæresim loqui, cum post mortem patris ab illo generari nequiverint. Hæc sunt verba legis fortissima, vt putant, quibus opinio contraria potissime sustinetur: quæ, fateor, fallere possunt parum diligenter intuentes: cæterum si constitutionem ipsam attentius considerare velimus, haud dubie reperiemus, eam sententiæ nostræ fauere, aduersæ autem opinioni ob stare: quod ex his, quæ mox dicturus sum, cuius facile perspicuum esse poterit. [c. statutum. 2. de hæreti. lib. 6.]

32 Initio, non iure faciunt hi, qui legem latam in fauorem filiorum, retorquere conatur in odiū eorū: nulla enim iuris ratio, aut æquitatis benignitas

patitur, vt quæ salubriter pro vtilitate hominum introducuntur, ea nos durior re interpretatione contra ipsorum commodum producamus ad seueritatem.

Quod si constitutionem illam diligenter excusseris, a primo eius capite vsque ad extremum reperies, omnia in fauorem filiorum decreta, nihilque aduersus illos tractatum, nihil contra illos in ductum. Excludebantur ab officijs & beneficijs hæreticorum filij vsque ad secundam generationem: id pontifex Bonifacius declarat, vt per paternam lineam primus & secundus gradus comprehendatur: per maternam vero, vt ad primum duntaxat gradum ea poena extendatur, idque fauore filiorum. Intelligere quivis poterat ex Innocentij & Alexandri decretis, filios & nepotes quorumcunque hæreticorum ad publica officia, & ecclesiastica beneficia non esse admittendos: id quoque Bonifacius idem pontificia illa constitutione in fauorem filiorum interpretatur, vt de illis tantum filijs id accipiat, quorum parentes pertinaces in hæresi decesserunt. Vides quod nihil hic sit, quod filijs noceat? [dicto c. statutum. 2. l. nulla. de legib. l. quod fauore. C. eo. tit.]

- 33 Ad hæc, nulla in eadem constitutione quaestio est, de filiis natis ante, vel post patris hæresim: nec quicquam decernitur ibidem, quo leges anteriores abrogatae credantur: nec verisimile est, pontificem illum, tam pium & benignum erga filios, in ea ipsa lege, in qua de filiis tam bene meretur, obiter tamen & aliud agentem, generali tantum filiorum appellatione, tot æquissima iura corrigere voluisse, in odium & necem filiorum, quibus maxime consultum esse volebat. [l. non est nouum. de legib. l. si quando. C. de inoffi. testamen. c. ecclesiastica vestra. 2. de electio. l. vlti. quod mer.

causa. c. quia verisimile. de præsumpt.]

- 34 Præterea, si æquitati, si verisimilibus coniecturis, denique si iustæ interpretationi locus ullus relinquitur: probabilior sine dubio ex pontificia illa constitutione sententia nostra reddetur. Nam si filij eorum hæreticorum, qui tandem ad ecclesiæ vnitatem quoquomodo redierunt, non subiiciuntur poenis superscriptis, quamuis procreati sint ab infectis parentibus: quanto iustius, relictiusque impunitatem consequi debent ij, qui ex catholicis patribus nati sunt, etiam si postea in hæresim parentes eorum lapsi fuerint? Nec obstant verba illa constitutionis, vnde nonnulli male colligunt, satis esse ad poenas omnium filiorum, si parentes hæretici sint duntaxat tempore mortis: nam ea interpretatio contra alia iura, contra æquitatem, & naturalem rationem accipienda non est. Quid? quod ob eam tantum causam exigit summus Pontifex, vt parentes probentur hæretici decessisse, quod plane constet, illos nec emendatos fuisse, nec ecclesiæ vnitati restitutos: non autem, vt filii ante illorum hæresim nati, constitutionum poenis comprehendantur indigne. Adde, quod perraro euenire solet, vt hi moriantur hæretici, qui vixerunt catholici: nec enim mala mors esse solet, quam bona vita præcessit: & vt Celsus ait, ad ea potius debet aptari ius, quæ & frequenter, & facile, quam ad ea, quæ perraro eueniunt. Accipienda ergo illa constitutio est, de filiis genitis post hæresim patris, qui persistens in errore, decessit hæreticus: & hanc sententiam Ludouicus Molina longiore disputatione defendit. [Authent. multo magis. C. de sacrosan. eccles. l. 2. C. de condit. infert. l. 3. de liber. præteri. l. nam ad ea. de legibus. l. qui testamento. de testamen. cap. cum cessante.]

sante . de appellatio . & illic Decius nu.
9. Molina lib. 4. de primigenijs Hispaniæ c. vlti.]

35 Perdifficilis autem quæstio est, An filius patrem occultum hæreticum accusare, aut saltem iudicibus indicare teneatur. Multi quidem putant, filium ad eas res obligatum esse. [Alex. Ales parte. 3. praecepto. 4. q. 33. Henricus in eodem praecepto, sermone. 5. Lupus in c. per vestras. §. 75. Alfonsus Castrus lib. 2. de iusta hæreti. punit. c. vlti. Caiet. in Deut. c. 3. Marti. Nauarrus in c. inter verba laudantium. i. 1. quæst. 3.]

36 Nec eorum leuia sunt argumenta : nã lege Mosayca pater filium impium accusare ac punire debet: ergo & filius patrem. Ad hæc, Philo in libro de victimas offerentibus ait, necandum esse fratrem & filium impium tanquam hostem publicum sine respectu priuatæ necessitudinis. Et alibi Ambrosius inquit: Præferenda est religio necessitudini, pietas propinquitati. Præterea extra controuersiam est, magis diligendum esse Deum, quam patrem: & relinquendū atque odio habendum esse patrem propter Deum. Diuus quoque Hieronymus epistola ad Heliodorū, & ad Marcellam alia in epistola scribit, calcandū esse patrem pro religione, ac solidū pietatis genus esse, in ea re esse crudelem, & genus fore pietatis impium esse pro Domino. Accedit eodem, quod filius tenetur magistratibus indicare patrem proditorem patriæ, vt eleganter docet Cicero lib. 3. offic. Postremo, in confesso est, patrem esse indicandum a filio, si principem velit occidere. Relinquitur ergo, vt pro sinceritate catholicæ fidei pater hæreticus a filio sit inquisitoribus apostolicis indicandus.

37 Contrariam sententiam tuetur Alfonsus ille Toftadus, cui equidem vehemē-

ter assentior. Nulla enim lex extat naturalis, diuina, vel humana, quæ tam graue onus humeris filiorum imponat. Etenim lex illa Moyfis de patre, aut matre non loquitur: magno sane argumento, eos prodendos non esse. Id enim haud obscure legislator excepit, qui cū legem bene longam promulgaret, in qua coniunctissimos quosq; recensuit, parentes tamē omisit, qui in primis nominandi erant. Nam si idem de patre aut matre voluisset, adiunxisset: nec enim deerant illi verba, nec obliuisci potuit legislator ille, vt vnus nostrum: nec lex illa diuina imperfecta esse potuit, nec trahenda est ad speciem longe dissimilem. [Deut. 13. & inibi Toftadus quæst. 3.]

38 Eodem fere tendunt verba illa eiusdē Moyfis: Occidat vnusquisque fratrem, & amicum, & proximum suum. Et item illa: Consecrastis manus vestras hodie Domino, vnusquisque in filio, & in fratre. Vbi semel atque iterum de patre altum silentium. Cur enim sacer Moyses non ante omnia dixit, occidat vnusquisque patrem suum, nec aliquē parricidam laudauit? Nimirum quia portentum atque monstrum est (vt inquit Cicero) esse aliquem humana specie & figura, qui tantum immanitate bestias vicerit, vt parentes occidat, cum etiā feras inter sese partus atque educatio & natura ipsa cōciliet. [Exodi. 32.]

39 Nec obstat argumentum illud: Si pater filium, quem amplius diligit, accusare debet, ergo & filius patrem. Nec enim dilectio in causa est, vt pater non sit accusandus, sed maxima illa obligatio, qua filius plus patri debet. Vnde fit, vt pater filium accusare possit, nec lex vlla id vetet: impium vero sit, filiū patri diem dicere, vt ait Plato in Euthyphrone. Adde quod maiorem dilectionem

nem filius patri debet; quā pater filio, vt Plato 1. 1. de legib. & Aristot. lib. 9. ethi. cap. 2. authores sunt.

40. Præterea, filius tenetur occultare patris crimina, nec se ipsum prodere debet: quod si patrem occultum hæreticum iudicibus indicaret, se ipsum filius prodere, quia infamis esset, simulque bonis patris priuaretur: quo quid cogitari durius possit? [Gen. 9. cap. quis aliquando. de poeniten. distinctio. 1. Ecclesiastici. 3. cap. cum secundum. de hæreti. lib. 6.]

41. Nec mouere quenquam debet, quod filius patrem impium relinquere, atque illum odio habere queat: non enim conficitur inde, vt illum accusare vel iudicibus prodere teneatur: nec ullus sanctorum patrum id vnquam docuit, nec dilectioni Dei hoc aduersatur: potest enim filius Deum diligere, sicuti debet, & tamen patrem impium nec accusare, nec indicare iudicibus.

42. Ea vero quæ de patriæ proditore retuli, longe dissimilia sunt: quia nisi patriæ proditor magistratibus indicetur, momento temporis vniuersa reipub. perire potest, cuius salus præferenda est saluti patris: hæresis autem paulatim serpit, & neminem occidit inuitum, & quandiu fuerit occulta, parum nocebit reipub. si vero latius serpsit, nullo etiam indicatæ manifesta iudicibus fieri. Hæc eadem dici possunt de patre, qui de interficiendo principe coniurasset: id enim facinus horæ memento committitur, & occiso principe tota reipub. salus periclitatur.

43. Ex quibus omnibus, alijsque multis perspicuum est, Alfonso Tostadi sententiam generaliter esse verissimam: sed vt mihi quidē videtur, eget interpretatione. Nam etsi filius non teneatur patrē occultum hæreticum iudicibus indica-

re, poterit tamen id facere: & eo magis si pater insanabilis esse videatur. Nec Tostadus, aut alius quispiam hoc negat: quinimo laudandus est filius, qui ardore diuinæ religionis naturalem amorē vicerit, & affectum hunc vehementissimum superauerit: sed omnia prius tentare debet, quā patrē ad iudices deferat.

44. Duæ autem sunt species, in quibus filius patrem hæreticum iudicibus prodere debet. Prior est, cum filius ab inquisitoribus apostolicis iuste interrogatur: posterior, cum patris hæresis perniciose reipub. sit. Nam quoties iudex iuste interrogat, toties testis & reus interrogatus tenetur ei dicere veritatem: quia magna pars iustitiæ legalis in obedientia consistit, qua parere oportet iudici iusta præcipienti: & quo iure iudex iuste interrogat, eodem interrogati tenentur ei vera fateri. Accedit eo, quod veritatem occultare in iudicio, crimen mortiferum est, præsertim cum testis, aut reus iuratus mentitur. Accedit etiā quod tunc filius iuste interrogatus se ipsum prodere debet, ergo & patrē. [Tho. 2. 2. quæst. 69. & quæst. 76.]

45. Postremo, si pater hæreticus pestifer sit, & eius hæreses perniciem & exitium afferre possint vniuersæ reipub. tenebitur filius ea facere, quæ de patriæ proditore. Lib. 3. offic. Cicero his verbis scripta reliquit: Quid si pater sana expilet, cuniculos agat in ærarium, indicet ne id magistratibus filius? nefas id quidem est: quin etiam defendat patrē, si arguatur. Ipsi patriæ conducit, pios habere ciues in parentes. Quid si tyrannidem occuparet, si patriam prodere conabatur pater? silebit ne filius? imo vero obsecrabit patrem, ne id faciat: si nihil proficiet, accusabit, minabitur etiam: ad extremum, si ad perniciem patriæ res spectabit, patriæ salutem anteponet

reponet salutis patris. Atque hæc quidē
hactenus : nam in libro, de patre hære-
tico, satis multa de hac quæstione dixi-
mus, & illinc assumi possunt, quæ ad
hunc locum pertinebunt.

46 Hinc illa exoritur quæstio, An filius
iudicibus indicās hæreticū patrē, eximē-
dus sit ab infamia; & ab alijs pœnis filijs
hæreticorū impositis? Quod magis pla-
cet Alfonso Castreñsi: quia ratio, inquit,
legis cessat in his filijs, qui parentes de-
ferunt: in eis enim paterni criminis exē-
pla non sunt metuenda. Quæ ratio in
lege pœnali expressa, cum cesset, & lex
ipsa cessare debet. Hoc tamen argumē-
tum fragile quidem mihi videtur: nec
enim ea est potissima ratio illarum pœ-
narum: quæ si non alia foret, profecto
lex ista iniustissima esset. Nam quis vn-
quam puniuit innocentem, ob eam tan-
tum causam, quia timet nē forte aliquā-
do reprobis efficiatur? pœnam culpa
præcedere debet, non autem consequi.
Nam sicuti Pætus Thrasea, apud Corne-
lium Tacitum, lib. 15. annalium, in-
quit: Culpa, quam pœna tēpore prior:
emendari, quam peccare posterius est:
nec propter incertissimam præsumptio-
nem innocens puniendus est. Deinde,
quamvis ratio illa cessare videatur, su-
persunt nihilominus alię fortiores cau-
sæ, quibus iuste ad hæreticorum filios
pœna peruenit, quemadmodum supra
luculenter differui. [Alfonsus lib. 2. de
iusta hæreti. punit. c. vlti. l. quisquis. §.
1. C. ad leg. Iuli. maiesta. c. cum cessan-
te. de appellat. c. literas. de præsumpt.
§. affinitatis. instit. de nuptiis.]

47 Eadem tamen sententia ex alijs causis
mihi non displicet. Primo, quia impu-
nitate, ac præmio etiam dignus est ille,
qui ardore, ac zelo fidei, & religionis
accensus, ne parenti quidem suo parcat.
Deinde, quia hi de repub. & catholica

ecclesia bene meriti sunt: quamobrem
honore potius, quam ignominia perse-
quendi sunt. Postremo, quia hoc fa-
uet innocentibus, & benignius est, &
imperiali constitutione sancitum. Aiūt
enim Federicum imperatorem consti-
tuisse, ut qui latentem patris hæresim
reuelauerit, aliorum filiorum pœnis ne
quaquam subiaceat. Quod pontificia
quidem & regia lege confirmari debe-
ret. [c. si quis Papa. 79. distin. 1. cum
qui. C. de decurio. lib. 10. glo. in §. pla-
ne. instit. de iure natura. Abulen. lib. 2.
Regum. c. 20. q. 21.]

48 Pater filium hæreticum exhæredare
potest, & filius patrem: ea enim est iu-
stissima causa exhæredationis, consti-
tutione quadam nouella explicata, quā
Harmenopalus retulit in promptuario
iuris lib. 5. tit. 9.

49 Sed an ea lex locum habeat etiā si hæ-
reticus ad sinum ecclesiæ redierit? & ni-
hilominus puto constitutioni tunc lo-
cum esse: parcitur enim hæretico pœni-
tenti, ut ignis pœnam euadat, sed infam-
ia eius non aboletur: & pœna quidē
illa demi potest, sed ut ille ait: Culpa
perennis erit: nec alię pœnæ abolentur
pœnitentia, ut alibi dixero.

50 Quæsitum scio, an filius hæreticus a
patre iudicibus oblati, vel contra, pa-
ter a filio indicatus, mitius puniri de-
beat? Quod Alfonso Castrensi placet,
nec mihi displicet, ne videatur se ipsos
ad supplicium obtulisse: ut in simili spe-
cie apud Martianū & Aelianum lib. 1.
relatum est. Accedit etiam, quod beni-
gnius cū eis agi solet, qui se ipsos, & qui
alios deferunt. Cæterum in casu pro-
posito magis considerare debēt iudices
spontaneam hæretici, simplicem, & hu-
milem confessionem, eiusque contritio-
nem, & conuersionem: quam extranea
isthæc, quæ metu probationum, & cau-
te, atque

re atque dedita opera interdum fieri solent. [Alfonfus lib. 2. de iusta hæreti. punit. cap. vlt. l. milites agrum. §. vlti. de re milita. Elianus lib. 1. varia historiarum cap. de patre filium suum capitis reum postulante. Hippolyt. in l. 1. §. ad questionem. de quaestio. l. 1. C. de his qui se deferunt. lib. 10. & l. 1. de deserto. & occultato. lib. 12. Igneus in l. 3. §. si ex stipulatu. ad Sillania. Tiraquel. de poenis, causa 18. cum seq.]

51 Alia quaestio subinde tractatur a theologis & iurisperitis: vtrum Iudæorum, & infidelium filij baptizari debeant, parentibus suis inuitis. Cuius quaestionis varij casus considerari possunt. Primus, cum illorum filij bello capti, aut alia ex causa efficiuntur christianorum serui: tunc autem baptizandi sunt inuitis parentibus, in quorum potestate esse iam desinunt. Nam cum arbitrio dominorum educantur, vitæ illorum perpetue potius, quam temporali providere debent. Nam & unicuique mandauit Deus de proximo suo. & Qui suorum & maxime domesticorum, curam non habet, fidem negauit, & est infideli deterior. Altera species est, cum paruuli permanent in potestate parentum, & ab eis iuxta sectam suam educantur: quo casu, nullo modo baptizari debent parentibus inuitis: quia eos non docerent fidem catholicam, sed iudaicam perfidiam. [1. Timo. 5.]

52 Ille autem casus difficilior est, cum Iudæi & infideles sub dominio nostro, & inter christianos degunt: nam de filiis paruulorum eorum ambigitur, an abduci debeant ad baptismum parentibus inuitis. Quam quaestionem breuiter ipse perstringam: quia in Hispania Iudæi, & infideles commorari nequeunt. Sunt autem plurimi asserentes, non licere in specie proposita, infantes paren-

tibus oblectamentibus, ad baptismum diripi, ne inde homicidia, & apostasia sequantur. [Tho. 2. 2. quaest. 10. arti. 12. 3. par. q. 68. & quol. 2. art. 7. Durandus, Richar. & Palud. in. 4. sent. distin. 6. Gerson. in regulis moralibus. glo. in c. Iudæorum. 23. quaest. 1. Calderi. confi. 3. tit. de Iudæis. Cardi. Abb. Præpositi. Ioã. de Ana. & Felinus, qui ait hanc esse communem sententiam. c. sicut. de Iudæis. Siluester in summa verb. baptismus. 4. §. 6. Ioan. Echius de sacramentis homil. 11. Matth. de Afflictis Neapol. decis. 151.]

53 Alia est complurium diuersa opinio, asserentium, paruulos infidelium ab inuitis parentibus auferri posse, & baptismi sacramento regenerari, cautione pro viribus adhibita, ne ex hoc homicidia sequantur. Quæ sententia tamen si probabilibus argumentis nitatur, mihi profecto non satis placet, neque vsu ecclesiæ comprobata est. [Scotus in. 4. sent. distin. 4. quaest. vlti. Ioan. Maior in lib. 2. distin. 44. quaest. 3. Ioan. And. Archid. Stepha. Ioan. Imola. Landul. Aureo. Angel. de Claua. Gabriel, & quidam alij.]

54 Hæc autem omnia de his filiis accipienda sunt, qui nondum habent vsum rationis: nam illi, quibus liberum est arbitrium, non sunt inuiti baptizandi, etiam si parentes eorum id velint. Militem enim voluntarium diligit Deus: nec est cogendus quispiam ad suscipiendam christianam religionem, sicuti Tertullianus, Isidorus, & ceteri omnes docent: nec inuitus est aliquis faciendus amicus, vt Aristoteles ait. [lib. 8. ethi. cap. 13. Tertullianus lib. ad scapulam, Isidorus lib. 2. de summo bono cap. 2.]

55 Si vero hi filij sponte ad baptismum venerint, inuitis etiam parentibus baptizandi sunt. Et hæc est vera & constans

stans theologorum omnium sententia.

Quod si Iudæi & infideles cum filijs paruulis fuerint in christianorum seruitutem redacti, possunt libere a parentibus auferri, & eis inuitis baptizari, quemadmodum maiores nostri in concilio quodam Toletano his verbis decreuerunt: Qui Iudæos in seruitutem acceperint, in nullo eos permittant rituum suorum cæremonias celebrare, aut colere: & filios eorum a septimo anno nullam cum parentibus suis habitationem aut societatem habere permittant: sed fidelissimis christianis nutriendos tradant, & filios eorum & filias christianis in matrimonium tradant, ne infidelium patrum suorum semitas quibuslibet occasionibus iterare possint. [Concilio. 17. Toletano cap. 8.]

56 De minoribus autem viginti annis, qui sponte de se ipsis, de parentibus, de consanguineis, ac de alijs omnibus, quos hæreticos esse sciant, plenam iudicibus dixerint veritatem, instructione Hispalensi decretum est, vt benigne recipiantur, etiam post tempus gratiæ: & vt leuius puniantur, quam alij maiores natu: quia ætas immatura, & praua educatio, eos quodammodo excusare possunt. Curare tamen inquisitores debent, vt hi fidem catholicam doceantur, & plenius ac melius deinceps instruantur. Huc accedit iureconsultus Tripho-nius, qui de impuberum punitione loquens, inquit: Aetatis miseratio ad mediocrem pœnam iudicem perducere debet. [prima instructio. Hispalen. cap. 9. l. auxilium. §. in delictis. de minori. c. 1. & 2. de derelictis puero. Corasius lib. 6. miscella. cap. 23.]

57 Accedit etiam, quod plerunque praeceptis parentum imbuti filij, ad eorum hæreses, moresque deducuntur: & antequam liberum arbitrium habeant, im-

pietatem illorum simul cum lacte sugunt. Ochozias rex Iudæorum, sicuti sacra testatur historia, ingressus est, per vias domus Achab, quia mater eius impulit eum, vt impie ageret. Proinde gratias ingentes omnipotenti Deo semper agere debemus, quia nos ex parentibus catholicis, & in Hispania nasci dignatus est: nam si ex hæreticis, Iudæis, aut infidelibus nasceremur, & inter illos educaremur, haud dubie quin similes eis, ac fortasse deteriores efficermur. Nam, vt ait Prudentius lib. 1. contra Symmachum:

*Vt semel obsedit gentilia pectora patrum
Vana superstitio: non interrupta cucurrit
Aetati per mille gradus: tener horruit heres,
Et coluit quidquid sibi met venerabile cani
Monstrarent atavi: puerorū infantia primo
Errorem cum lacte bibit.*

Gratias fortunæ agebant Socrates & Thales Milesius, quod græci nati essent, non barbari: quanto rectius nos Deo vero gratias habere, agereq; debemus, quod in tantis hæresum procellis nati sumus Hispani. [2. Paralipo. 22. c. dixit apostolus. 24. quæst. 3. Laertius lib. 1.]

58 Si vero minor viginti annis doli capax, hæreticus pertinax fuerit, & monitus atque conuictus ad ecclesiam redire noluerit, perinde ac si maior esset, iudici seculari relinquendus, & ab eo in ignem mittendus est. Non enim parçitur minoribus in atrocioribus delictis, præsertim in his, in quibus malitia supplet ætatis defectum, quale crimen hæresis est. [textus & glo. in l. auxilium. §. in delictis, de mino. glo. & interpretes in l. fere in omnibus. de reg. iuris. Tiraquel. lib. de pœnis, causa. 7.]

59 Quod si quispiam, dū esset minor viginti annis, inciderit in hæresim, & maior factus conuictus fuerit de crimine, videbatur prima frõie puniendū eū esse

EE mitius,

mitius, tamquam impuberem & minorem : quia, vt apud Vlpianum est, quoties de delicto quæritur, placuit non eam pœnam subire quem debere, quam conditio eius admittit eo tempore, quo sententia de eo fertur : sed eam causam sustinere, quam sustineret, si eo tempore esset sententiam passus, cum deliquisset. Verius tamen est, puniri debere talem hæreticum perinde ac si eo tempore delinquat, quo sententia in eum fertur : Quia hæresis cum eo creuit, & secum illam semper habuit, qui nunquam illam confessus est. Non secus atque si quis impubes re aliquam furto subtraxerit, & eam semper possederit, donec maior factus deprehensus cum ea sit. Adde, quod & grauius iste deliquit, qui nunquam ad ecclesiam vere conuersus est, & seuerius puniri debet, qui tandiu tacuit, occultum secum ferens sub pectore vulnus. Tanto enim grauiora sunt peccata, quanto diutius infelicem animam detinent alligatam. [l. 1. de pœnis. l. si dominium. & illic Bart. & in. l. inficiandę. §. infans. de furtis. c. vlti. de consuetudi.]

60. Quamuis autē maiores viginti quinque annis curatore non egeant, iuxta quod apud Ioannē scriptum est : Ipsum interrogate, ætatem habet, ipse de se loquatur : minoribus tamen in causa etiam hæresis, curator ad litem ab inquisitoribus decernendus est : cuius auctoritate, consilio, ac diligentia, in-

nocetiam suam rei tueri possint. Quod quidem ea cautione faciendum est, vt nec minoribus facultas defensionis auferatur, nec ipsi curatores sub defensionis prætextu impietatem illorum occultare queant. Recti quidem iudices, horum reorum curatores, defensores, & patres esse solent : nec isti curatores (vt assolent) mutam personam agere debent, sed causas impuberum & minorum diligenter fideliterque defendere. Nam inter omnes constat, fragile esse, & infirmum huiusmodi ætatis consilium, & multis captionibus suppositum, multorumque insidijs expositum. Quamobrē sanctissime Iustinianus constituit, vt in criminalibus causis minoribus viginti quinque annis omnino curatores ad sint : cum sit cautius & melius cum suasionē perfectissima, & responsa facere minores, & se defendere : ne ex imperitia sua, vel iuuenili calore, aliquid vel dicant, vel taceant, quod si fuisset prolatum, vel non expressum, prodesse eis posset, & a deteriore calculo eos eripere. Quid quid igitur cū minoribus viginti quinque annis actum fuerit in criminalibus causis sine curatoris auctoritate, nullius prorsus momenti erit. [Ioan. 9. l. 1. de minori. l. clarum. C. de auctori. præstan. Corne. consi. 198. lib. 4. Hippolyt. consi. 130. Bertran. consil. 326. lib. 3. Gratus consi. 52. lib. 2. Matth. de Afflict. decis. 208.]

De hæresi Titulus XXX.

S V M M A R I V M.

- 1 **H**æresis qualis vox sit, quid significet, & eius opera.
- 2 Hæresis definitiones.
- 3 Hæresis vt consummata dicatur, quid habere debeat.
- 4 Hæresis consummata explicatur.
- 5 Hæresis in fidei catholica materia committitur.
- 6 Catholice

6. Catholici scriptores quibus in rebus salua fide dissentire possunt.
7. Hæresis quam impium sit crimen, & quot mala importet.
8. Hæreses unde oriri soleant.
9. Hæresis alia causa recensentur.
10. Hæresis ex quibus amplius causis procedat.
11. Hæresis quare multis modis fiat.
12. Hæresum remedia.
13. Transactio nulla est, quæ de crimine hæresis a quocunque facta fuerit.
14. Hæresim manifestam quæ propositiones sapiant.
15. Hæresim manifestam quæ crimina præseferant.
16. Pacta & conuenta cum demone quomodo distingui soleant.
17. Demones inuocare per modum imperij, aut eis comminando præcipere posse homines, fieri non posse censet August.
18. Amoris impatientia sortilegia facere, et cereas imagines, quo pacto superstitionum, non hereticum sit.
19. Hostiam non consecratam petere tempore mortis an sapiat hæresim.
20. Sortilegiorum & diuinationum cognitionem, nisi manifesta in eis hæresis sit, ad inquisitores non spectare, multorum est sententia.
21. Inquisitores de sortilegijs & diuinationibus cognoscere debent.

De hæresi.



HÆRESIS, græca vox est, latine sectam sonat, olim sæpe in bonam partem accepta, hodiè vero nomen odiosum est, & apud vulgus infame. Significat hæresis, de aliquo dogmate firmatam opinionem, in qua homo tenaciter persistit: unde hæretici dicti: quo nomine significantur, qui contra Christi fidem, aut illius ecclesiam, vel docent, vel credunt. Dicitur autem hæresis ab electione, quia scilicet, eam sibi vnusquisque disciplinam eligit, quam putat esse meliorem. Sed cum lex nostra data sit ab omnipotenti Deo, non autem ab hominibus electa, iccirco christianorum nõ est electio sectæ: & quia in baptismo iuramus in verba Dei, & in ecclesiæ doctrinam, in captiuitatem redigere debemus nostrum intellectum in obsequiũ Christi: proinde quisquis aliam fidem, aut aliam doctrinam elegit, iure ac merito hæreticus, & infamis, & execratione

dignus habetur. [c. hæresis. 24. quæst. 3. Budæus in. l. 1. §. exempli. de ædili. edicto. Corasius lib. 3. miscellane. cap. 8. Couar. lib. 3. varia. resolut. c. 1. Canus lib. 12. de locis theologicis cap. 9.]

Hæresum opera sunt adulteræ doctrine, hæreses dictæ græca voce ex interpretatione electionis, qua quis siue ad instituendas, siue ad suscipiendas eas vtitur: ideo Apostolus & sibi damnatũ dixit hæreticũ, quia & in quo damnatur sibi eligit. nobis vero nihil ex nostro arbitrio indulgere licet, sed nec eligere quod aliquis de suo arbitrio iduxerit: Apostolos Domini habemus authores, qui nec ipsi quicquid ex suo arbitrio, quod iduceret, elegerunt: sed acceptam a Christo disciplinam fideliter nationibus adsignarunt. Itaq; etiam si Angelus de cælis aliter euangelizaret, anathema diceretur a nobis: hæc Tertullianus li. de præscriptionibus aduersus hæreticos, quæ Rabanus Maurus tacito auctore retulit, lib. 2. de institutione clericorum, capite. 58.

Suidas hæresim esse ait, sectam seu

disciplinam, quæ rationem aliquâ suo arbitratu sequitur, aut sequi videtur. ac Theophylactus in epistolam ad col. c. 2. enarrans verba illa: Secundum traditionem hominum, inquit: Animaduer- tis vnde sit deceptio, quod humanæ cogitationes, & ratiocinationes inter- medient: propterea & hæreses dicuntur, quia hominum sunt opiniones. Chri- stianorum autem fides, non est huma- num dogma: propterea neque tale no- men assequetur.

- 2 Hæresis autem multifariam definitur a multis, sed in eandem sententiam cōueniunt omnes. Quidam definiunt, Hæresis est propositio falsa, fidei catho- licæ repugnās. Alij sic, Hæresis est dog- ma falsum catholicæ veritati contrariū, in eo qui fidem Christianam professus est. Aliter, Hæresis est error pertinax contra catholicam veritatē: vel, Hære- sis est falsa & erronea opinio, per quam false intellectus opinatur de aliquo con- tra fidei veritatem: vel, Hæresis est fidei vitium, quo quis singulare aliquid a cōmuni ecclesiæ catholicæ fide ac senten- tia eligit, ac proinde se ab ecclesia sepa- rat, qua se rectius sentire præsumit: & ob id hæresis, hoc est electio, haud in- significanter appellatur. Demum, Hære- sis est dogma falsum contra fidem catholicam, ab eo qui fidem profitetur, pertinaciter assertum, vel in dubium reuocatum. [Cardi. Hispanus lib. 4. de ecclesia, parte. 2. cap. 1. Guido de hære- sibus cap. 3. Gabriel in lib. 4. sent. di- stin. 13. quæst. 2. Pighius lib. 4. hierar. ecclesiasti. cap. 8. Brunus lib. 1. de hæ- ti. cap. 1.]

- 3 Tria igitur necessaria sunt ad hæresim consummatam: falsa credulitas, quæ est ex parte virtutis animæ, siue poten- tiæ rationalis: peruersa voluntas, quæ est ex parte concupitiuæ: pertinax defen-

sio, seu impugnatio, quæ est ex parte ir- ritabilis. Duo pertinent ad intellectū, error, & sententia fidei: pertinacia ve- ro pertinet ad voluntatem: & hæc est, quæ consummatum facit hæreticum.

Voluntas enim est tanquam manus ip- sius animæ, quibus aggredimur, & ap- prehendimus res: quemadmodū Thea- ges Pythagoricus tradit. Vnde si quis- iam crediderit, se tenere sententiā ali- quam fidei catholicæ, cum contrariam illi teneat, huiusmodi adhæsiō non est hæresis, quia pertinacia caret. Ergo Hæ- resis est infidelitatis species, ad eos per- tinens, qui fidem Christi profitentur, sed eius dogmata corrumpunt: & est vi- tium, quod in intellectu ponitur, non tamen absolute, sed vt moto a volunta- te eligente. Vt autem Metopus Pytha- goræus ait, Voluntas constat ex intelle- ctu & appetitu: intellectus vero ex ra- tionali parte animæ, appetitus ex irra- tionali oritur. Theages quoque Pytha- goricus in lib. de virtutibus, inquit: E- lectio constat ex intellectu & appetitu, quorum intellectus quidem est partis animæ rationalis, appetitus autem irra- tionalis. [Alex. Ales. parte. 2. quæst. 181. Thom. & cæteri. 2. 2. q. 11. Torquemada lib. 4. de ecclesia, parte. 2. cap. 4.]

- 4 Hæc autem tria, quibus consummata efficitur hæresis, plane ac familiariter ita explicari possunt: vt hæresis sit dog- ma falsum, seu doctrina, propositio, assertio, vel opinio falsa, qua scienter aliquis eligit contrarium eius, quod ec- clesia catholica docet: in qua electione includitur error approbans falsa pro ve- ris, aut verā pro falsis: certa pro incer- tis, aut incerta pro certis: de qua re ali- bi plenius disserui. In eadem quoque electione concluditur pertinacia, qua quis impudenter errorem præponit ca- tholicæ veritati, quemadmodum alio loco

loco dicemus.

5 Materia quoque fidei catholicæ necessaria est, ut opinio contraria hæresis sit. Importat enim hæresis corruptionem fidei christianæ: ad quam non pertinet, si quis habeat falsam opinionem in his, quæ non sunt fidei. Vnde Didymus li. 3. de Spiritu sancto inquit: In alijs rebus ex consortio vocabulorum error eueniens, confusionem & pudorem ei, qui errauit, importat: de supernis vero & diuinis lapsus ad praua, ad æternam pœnam deducit, & barathrum: maxime cum semel deceptus noluerit resciscere, sed suum defensare impudenter errorem. Et Isidorus lib. 2. de summo bono, ait, nil obesse cuiquã, si per simplicitatem aliquam de elementis indigne sentiat, dummodo de Deo vera pronuntiet. Quod subinde diuus Augustinus, ceterique tradiderunt. [Augusti. lib. 3. de libero arbitrio, & in Enchiridio, c. 21. c. in quibus. 22. quæst. 2. Isidorus lib. 2. de summo bono c. 1. Tho. 2. 2. q. 11. arti. 2. Guido de hæresibus cap. 3. Torque. lib. 4. de ecclesia, parte. 2. cap. 13.]

6 Hinc est, quod sæpiissime catholici scriptores salua fide dissentiunt in his rebus, in quibus nihil refert, utrum hoc dicatur an illud. Cuiusmodi est, quæstio, de salute Origenis: de qua inter Hieronymum & Rufinum; inter Ioannem Picum & alios acris contentio est. Cui confinis est quæstio, de salute Salomonis, quem perijisse putant, Augustinus, Chrysostomus, Beda, Gregorius, Liranius, Rabanus, Alфонsus Tostadus, & alij multi: e contrario autem Ambrosius, Hieronymus, Thomas, Vincentius, Origenes, Isidorus, Burgenfis, Leo Papa, & Hebræorum plurimi, ut apud Aluarum Pelagium est, inter diuos eundem esse coniectant. Et passim sese cui-

cunque offerunt mille talia. [Ioan. Picus in apologia q. 7. August. lib. 17. de ciuitate Dei. c. 20. & lib. 3. de doctrina christiana. c. 21. Chrysostomus in Mat. homil. 68. Aluarus Pelagius lib. 2. de planctu ecclesiæ arti. 45. Alфонsus Abulen. in lib. 2. Regum. c. 7. quæst. vlti. Tho. lib. 3. de regimine principum. c. 8. Ioan. Ludou. Vivaldus in opera regali. Feli. in c. ne innitaris. de constit. & in c. 1. de præsumptio. Alber Pighius lib. 7. de libero hominis arbitrio. c. 2.]

7 Est autem hæresis grauissimū crimen: eo ceteris peius, quo latius se diffundit, acutius penetrat, tenacius adheret, ac difficilius curatur. Quod quam sit noxium, inde censei potest, quia fidem catholicam impetit, fundamentum totius pietatis, sine qua impossibile est placere Deo. Morbus animæ grauissimus impietas est, ut ait Mercurius in Pyramandro, dialogo. 12. & ut August. ait, Hæreses orthodoxis sunt dogmata peruersitatis, animas illaqueantia, & in profundum præcipitantia. Et Epiphanius libro Ancorato: Deterior est fidei peruersitas infidelitate: incredulitas enim fidem accipiens corrigi poterit: fidei vero peruersitas incorrigibilis est, & egre saluatur, nisi donum & gratia aliqua ex supernis acceperit. Augustinus aduersus Donatistas, hereticum hominem, quo vis ethnico, quantumlibet malo, peiorem esse iudicat. Ad hæc, tantò execrabilior est hæresis, quam idololatria, quanto deterior est, qui sub specie mutæ beneuolentiæ amicum prodit, quam qui hostem apertò Marte aggreditur. Diuus Hieronymus in Ezechielē, cap. 16. Quod dicitur, super omnem fornicationem tuam, & abominationes tuas, illud significat, quod cunctis peccatis & fornicationibus peior sit doctrina hereticorum, quæ Dei filios facit filios

hos demonum: imo interficit eos, quos vel multo labore genuerat Deo, vel suos fecerat filios, quos in fornicatione generauit. Ad summam, hæresibus vera & catholica fides & religio labefactatur: animæ & corpora occiduntur: tumultus & seditiones commouentur: pax & tranquillitas publica perturbatur: denique totius reipub. christianæ status & forma in peius commutatur, & nonnunquam subuertitur etiam, & extinguitur. Sed hæresum omnium pessime hæreticorum huius temporis sunt, quia non portionem aliquam ledere, sed ipsa christianæ religionis conantur fundamenta destruere. [Vide August. in Ioan. nem tractatu. 18. & lib. 6. contra Donatistas. c. 41. vide Alphonsum lib. 1. aduersus hæreses cap. 1. & lib. 1. de iusta hæreti. punit. cap. 2. Brunum lib. 2. de hæreti.]

- 8 Hæresum autem causæ multæ traduntur a multis: fragilitas intellectus humani, conuersio ad peccata & errores, quibus obscuratur cor insipiens: malitia, quæ corrumpit, & mutat intellectum: sublimitas rerum diuinarum: negligentia quærendi adiutorium Dei ad fidem confirmandam, & adiuuandam incredulitatem: superbia, qua omnes hæretici prudentiæ suæ innituntur. Vnde Hieremias inquit: Arrogantia tua, & superbia cordis tui decepit te. Vbi glossa, Omnis hæreticus arrogans. Et Gregorius: Tanto a Dei luce longe sunt, quanto apud se humiles non sunt. Et Bernardus super Cantica: Superbo oculo veritas non videtur, & sincero patet. Affectio quoque inordinata intellectum trahit ad contraria fidei: multi namque defecerunt, spe, amore, odio, timore, alij etiam inuidia, qua sæpe adulteratur veritas, vnitas scinditur, ad hæreses atque schismata profilitur, sicuti docet ele-

ganter Cyprianus, sermone de zelo & liuore. qui alio quoque sermone, de bono patientiæ ait: Impatientia etiam in ecclesia hæreticos facit. Quæ omnia & id genus alia, voluntatem & affectus hæreticorum vsque eo deprauant, vt in stultissimos, stupidissimos, & impiissimos errores, quemadmodum Lutheranis, Sacramentarijs, Anabaptistis, & ceteris accidit, passim præcipientur. [Hiere. 49. Peraldus in summa virtutum, tractatu de fide cap. 28.]

9 Alij aliter causas hæresis colligunt: quarum dicunt esse potissimam, immodicum sui amorem: vnde fit, vt sua semper hæreticis placeant, proprijs inuentis delectentur: quamobrem, & obstinati, & pertinaces fiunt. Nam vt Plato dial. 5. de legib. inquit: Nimius in se ipsum amor omnium peccatorum omnibus semper est causa: obcecat quippe circa amatum qui amat. Quapropter qui se amat, cum se ipsum magis quam veritatem honorandum putet, quid iustum, bonum, & pulchrum sit, male iudicat. Accedit etiam gloriæ cupiditas, & vana scientia inflans. Sed vs sapientissime Augustinus inquit: Cuiusmodilibet excellat ingenio, nisi Deus adsit, humi repunt. Posthæc, proprius cuiusque inordinatus affectus est illi causa cadendi: nempe avaritia, libido, superbia, libertas, ambitio, inobedientia, gula, cæteraque huiusmodi vitia effrenata, prout trahit sua quemque voluptas. Nam sicuti recte Gerson ait: Omnis excellens affectio trahit ad se iudicium rationis: & persæpe appetitus trahere solet intellectum & voluntatē: & item affectus rationem vincere, quæ admodum Buridanus tradit, & rebus ipsis experimur quotidie. [August. de utilitate credendi. c. 10. Gerson tract. de examinatione doctrinarum parte. 2. confide.

confide. 6. Buridanus in lib. 7. ethi. quæst. 9.]

10. Præterea, prauorum librorum lectio: zelus non secundum scientiam: prælatorum negligentia: ignorantia doctrinæ christianæ: sacrarum literarum in linguam vulgarem translatio: indifferens prædicatio verbi Dei, per quoscunque prauos & indoctos: indignitas præsulorum & sacerdotum: versutia diaboli: principum impietas, & mille talia, in causa sunt, ut hæreses nascantur, & creascant: sed illæ potissimum vigent, quibus voluptas comes est; quales iam olim fuerunt Mahumeris hæreses, & hodie sunt lutheranorum, & nouorum hæreticorum. Et ut apud Cæsarem est, Libenter homines id quod volunt, credunt. Et sicut sapiens ait, Non recipit stultus verba prudentiæ, nisi ea dixeris, quæ versantur in corde eius. Etenim verissimum est Sophocleum illud, a Plutarcho in Artaxerxe relatum: Facilis est via & prona, qua quo volumus, ducimur. Et sicuti Demosthenes tertia oratione olynthiaca inquit: Omnium facillimum est, semetipsū decipere: quod enim quisque vult, id etiam sibi fingit.

11. In summa, hæresis, quia mala est, multis fit modis: malum enim infinitum incertumque est, ut Pythagoræi coniiciunt, bonum certum atque finitum.

Vno namque modo bonus est, multisque nefandus.

Malum namque multiplex, at bonum solistimum, (id est, simplex, & vniiforme) quemadmodum ab Aristotele traditur: Boni ac veri vnica est via, mali & falsi innumerabiles: videlicet quotquot ab illa vnica aberrant, ex falsa opinione nascentia, vbi desinant non habent: nullus enim terminus falso est. Via eunti aliquid extremum est: error immensus est, ut ciuis meus Seneca inquit

epistola. 16. & sanctus Chrysostomus in epist. ad Rom. cap. 1. Hic ostendit Apostolus multas esse impietatis vias, veritatis vero vnā tantum: error enim & varius est, & multarum specierum, & confusum quid: veritas vero vna. & ibidem Theophylactus: Verus cultus, & pietas vnus est formæ: impietas vero multifida est. [Iulius Cæsar lib. 3. de bello gallico. Prouerb. 18. Aristoteles. 2. ethi. c. 6. & lib. 1. magno. mora. cap. 25. & sacer. Dionysius lib. de diuinis nominibus. c. 4.]

12. Cognitis hæresum causis, remedia quoque illarum pariter cognoscuntur: quandoquidem verum ac tritum est, contraria contrariis curari. Vt enim Aristoteles inquit lib. 5. polit. Dubitari non potest, quin cognitis ijs quæ interitum important, ea quoque quæ salutem afferunt, intelligantur: cum contraria contrariorum sint efficientia. Tunc igitur hæretica pestis præcaueri, & extirpari facile poterit, cum priuati omnes deuiterint varia & peregrina dogmata, & profanas quaslibet nouitates: cum singuli homines prodiderint, accusauerint & persecuti fuerint hæreticos: cum reges & principes catholici fuerint, ac fidei zelatores: cum prælati & prædicatores eruditione, bonitate, atque sapientia fulserint: postremo, cum iudices, retoresque populorum, prudentes, iusti, ac diligentes in hæreticis inquirendis & puniendis fuerint: hoc enim potissimum & presentissimum remedium est aduersus hæreses, ut inquirantur hæretici diligentissime & puniantur seuerissime. [Vide Gersonem tractatu de sensu literalis sacre scripture, Alphonsum lib. 1. aduersus hæreses. c. 11. & fufius lib. 3. de iusta hereti. punitione. Aristote. 5. polit. c. 8. Brunum lib. 1. de hereti. cap. 5. & iterum lib. 3.]

- 13 Illud autem extra controuersiam est, quod a quibusdam traditum scio: nullā esse transactionem, quæ de crimine hæresis a quocunq; facta fuerit. Etsi enim de alijs multis criminibus transigere, vel pacisci liceat: non tamen id vllō pacto permissum est in his criminibus in quorum punitione publico bono, & animarum saluti consulitur: ea enim res priuatorum pactionibus nequaquā subijcitur. [l. si vnus, §. pacta. de pactis. l. transigere. C. de transactio. & illic Putpuratus, & Padilla noster nu. 97. Nicol. Arelata. tract. de hereti. notab. 8.]
- 14 Quia vero quædam sunt crimina, quæ magnam suspicionem hæresis præferunt: de quibus inquisitores cognoscere nequeunt, nisi sapiant hæresim manifestam: operæpretium erit pauca hoc loco de his breuiter commemorare. Illa igitur proposito sapit manifestam hæresim, ex qua, cōcesso & assumpto aliquo, quod non potest probabiliter negari, sequitur hæresis in fide. Aliter, illa sapit manifestam hæresim, ex qua & quibusdam veris, quæ nulla tergiuersatione possunt negari, sequitur hæresis manifesta. Illa quoque propositio eundem saporem habet, quæ in prima verborū significatione, & prima fronte, sensum habet hæreticum, quamuis pie intellecta possit habere sensum catholicum. Deniq; vt Ioānes Torquemada inquit: Hæresim sapiunt propositiones hæresi propinquæ, qualis est, quæ asserit peruersum dogma, ex quo cum notorio vero, quod negari non potest, sequitur hæresis proprie dicta. [Gerson alphabeto. 14. Echius lib. 1. de primatu. Petr. cap. 6. Alfonso lib. 1. de iusta hereti. punit. cap. 3. Ioannes Torquemada lib. 4. de ecclesia, parte 2. cap. 10.]
- 15 Præterea, illa crimina sapiunt manifestam hæresim, quæ natura sua præferunt aliquid, quod est hæresis manifesta. Vt baptizare imagines, præferunt, quod illæ sunt capaces huius sacramenti. Et scienter puerum rebaptizare significat, quod baptisma potest bis conferri. Similiter, circa aras idolorum genua flectere, preces nefarias dicere, sacrificia offerre, pectus tundere, & id genus alia perpetrare, idololatriam præferunt, & manifestam hæresim sapiunt. Quamuis enim nullum factum per se sit hæresis, aliqua tamen facta sunt vsque adeo impia, ac religioni & fidei catholicæ aduersa, vt ea committens, iudicari iuste possit hæreticus: quia vt inquit Chrysostomus, in psal. 13. Quanto sunt facta potentiora verbis ad persuadendum, tanto factis, quam dictis Deum negare grauius est. [c. igitur 26. quæst. 3. glo. & interpretes in. c. accusatus. §. sane. de hereti. lib. 6. Oldradus consi. 210. Dominicus consi. 54. Siluester in summa, verbo, hæresis. 2. nu. 4.]
- 16 De inuocatione demonum, & pactis cum eis conuentis, communiter hæc distinctio approbari solet. Quædam ordinantur directo in demonum reuerentiam, qualia sunt, adorare, oblationes & sacrificia offerre, inuocare ad futura prænoscentia, tribuere illis aliquid, quod solius Dei sit, pacta cum eis facere, aut sædus percutere ad superscripta, similiaue perpetranda: & hæc omnia sapiunt manifestam hæresim. Quædam sunt oblique ad reuerentiam demonum, vt curiosi & perditii homines aliquid sciāt, aut operentur eorum ope, inuocantes demones ad quæstum faciendum, vel ad pudicitiam tentandam, vel ad simile quippiam, quod sit eorum proprium: quæ si fiant per modum imperij, non venerando demonem quasi Deum, vel infallibilem veritatem, hæc (vt aiunt) non sapiunt manifestam hæresim, [glo. Domini.

mini. Philip. Fran. & cæteri in. c. accusatus. §. sane. de hæreti. lib. 6. Oldra. conf. 210. Alberti. in rubrica. C. de hæreti. Ioan. And. ad speculum titul. de sortile. Bal. confil. 95. lib. 1. Dom. confil. 54. Gonfal. de hæret. prau. quæst. 9. Matth. de Affli. in constit. Siciliæ tit. 1. quæst. 1. Ponzini. tractatu de lamijs nu. 82. Grillan. de sortile. quæst. 10. Brunus lib. 1. de hæreti. cap. 2. Siluester in summa, verbo, hæresis. 2. nu. 4. Summa Rosella, verbo, hæreticus. nu. 3. Alphon. lib. 1. de iusta hæreti. punitio. cap. 19. Caieta. 2. 2. q. 95. arti. 4. Ludo. Care. de hæreti. nu. 23. Alberti. lib. de agnoscen. assertio. catholi. quæst. 11.]

17 Beatus tamen Augustinus, erroneum, ineptum, & ridiculum esse censet, inuocare dæmones per modum imperij, aut eis comminando præcipere: Non enim est potestas super terram (sicuti Iob inquit) quæ comparetur eis. Ceterû dæmones, vt fatuos irrideant, atque decipiant, fingunt se cogi, atque timere, sicuti multis Parisiensium decretis declaratum est: quemadmodum Gerson varijs suorum operum locis memorare solet. Illud autem præterire nolui, quod ille inseruit operi, de erroribus circa artem magicam, his verbis: Quod dare, vel offerre, vel promittere dæmonibus qualemcunque rem, vt adimpleant hominis desiderium, aut in honorem eorum aliquid osculari, vel portare, nõ sit idololatria, error. [Augusti. lib. 10. de ciuitate Dei. cap. 11. Iob. cap. 41. Gerson tracta. de erroribus circa artem magicam dicto. 3. & in fine. & sermone primo de sancto Antonio veritate. 3.]

18 Facere autem sortilegia, & imagines cereas, vel alias obseruationes vanas, ad prouocandum, & alliciendum animum ad amorem: si modo non misceatur sacra profanis, superstitiosa sunt

magis quam hæretica. Nam qui talia committunt, amoris infania obcæcatis ea perpetrare solent, nec errant in fide, nec ea licere credunt. [Oldra. confil. 210. glo. & cæteri in. c. accusatus. §. sane. de hæreti. lib. 6. Iason in. l. huiusmodi. §. vlti. de legat. 1. adde Aristote. lib. 1. magno. mora. cap. 17. & Chrysosto. in epist. ad Rom. sermo. 24. col. pen.]

19 Multi autem putant, quod perire hostiam non consecratam tempore mortis, nõ sapit manifestam hæresim. Quorum opinio sine delectu, recipienda nõ est: nam si fuerit alias in fide suspectus, qui maximo sacramento velit illudere, hunc ego vehementissime suspectum iudicarem, & commissum illud sapere manifestam hæresim crederem. Quis enim catholicus decedere vnquam voluit, non prius accepto diuinissimo illo viatico? Profecto in re vsque adeo sacra, & tam periculoso tempore, nulla simulatio ferenda est, nec præsumenda quidem. [c. de homine. de celebra. missa. Calderi. confil. 4. tit. de hæreti. Ioan. de Ana. & Feli. in. c. ad abolendam. de hæreti. Alberti. eo. tit. lib. 6. in rubri. quæst. 13. nu. 66.]

20 Cum incertum est, vtum diuinationes, & sortilegia sapiant manifestam hæresim, & propterea de iurisdictione ambigitur, inquisitores de eo cognoscere nequeunt: quia non habent in his causis iurisdictionem, nisi manifeste sapiant hæresim, vt multi iurisperiti sentiunt. [glo. in. c. accusatus. §. sane. de hæreti. lib. 6. & inibi Ioa. Mona. Archid. Ioa. And. Dom. & Philip. Fran. item Feli. in. c. si clericus laicum. de foro compet. Ludo. Care. de hæreti. nu. 24.]

21 Opinio hæc nullo iure, aut euidenti ratione probatur: quinimo contraria sententia iure, ratione, & vsu, comprobata, & recepta est. Ac primum,

FF illud

illud legibus multis cauetur, vt quoties dubium est, an aliquis iudex esse possit, eiusdem sit eadem ipsa cognitio: quæ regula iuris notissima, non habet in specie proposita aliquam exceptionem. Deinde, compluribus placet, ac verum est, quod etiam delegatus iudex, qui fragiliorem iurisdictionem habet, quam inquisitores, cognoscere potest de facti quæstione, vnde constare queat, vtrum eiusdem sit iurisdicção. Ad hæc, inquisitorum cognitio facile subuerti posset, asserente quolibet, sortilegia, vel diuinationes non sapere manifestam hæresim. Ad extremum, aduersus ea scelera

perpetrantes procedere quoque possunt inquisitores, tamquam cōtra suspectos: quod vsu receptū esse, Bonifacius auctor est. [l. si quis ex aliena. de iudi. l. ordinata. §. vlti. de libera. cau. cap. super literis. de rescript. glo. in. cap. i. de offi. delega. lib. 6. & illic Archi. Hostien. Ioan. And. & Domini. item Fran. Squillacen. de fide catholica c. 56. Federi. Senésis consi. 157. Sūma Rosella, verbo, hæreticus. nu. 3. Feli. in. c. si clericus laicum. de foro compet. Pontini. de lamijs. nu. 79. Nicol. Arelata. de hæreti. notabi. 3. Bonifa. de Vitali. in Clem. vlti. in fine. de hæreti.]

De hæreticis Titulus XXXI.

S V M M A R I V M.

- 1 **H**æresum primus inuentor.
- 2 Hæreticus quid sit.
- 3 Hæreticum quomodo definiant August. & alij doctissimi & sanctissimi viri.
- 4 Hæreticus vt quis proprie dici possit, debet esse christianus baptizatus.
- 5 Hæreticus an sit censendus, qui hæresi infectus, se baptizatum fuisse putat, cum baptizatus non sit.
- 6 Catechumenus, qui constanti animo baptismum suscipere statuit, & postea in hæresim lapsus fuit, an sit proprie dicendus hæreticus.
- 7 Apostata an sit censendus infans baptizatus, qui captus ab infidelibus eorum impietatem didicit.
- 8 Hæresis esse non potest consummata sine intellectus errore.
- 9 Hæreticus vt efficiatur christianus baptizatus, opus est vt erret in fide catholica.
- 10 Hæreticus habere debet scientiam vel notitiam contrariæ veritatis, vt hæreticus censeatur.
- 11 Hæresis potissima ratio in eo consistit, vt hæreticus consulto seipsum ab ecclesia separet.
- 12 Pertinacia consummatum facit hæreticum, & qua in re consistit.
- 14 Hæreticū proprie eū esse plerisque placet, qui totā fidem catholicam non deserit.
- 14 Hæretici vnde cognosci possint.
- 15 Hæretici huius temporis ex ipsorum pestiferis moribus cognoscuntur.
- 16 Hæretici cōuiciatores & procaces sunt.
- 17 Hæretici Lutherani Deū atque homines irrident.
- 18 Hæretici mēdaces, peruersorū dogmatū cultores, & pleni sermonibus sunt.
- 19 Hæretici obscenis & noxijs animalibus in sacris literis comparantur.
- 20 Hæretici Lutherani ieiunia, abstinentiā, & virginitatem odio habent.
- 21 Hæreticorum nostri temporis scelerati magistri qui fuerint.
- 22 Lutheri flagitia.
- 23 Lutherus & alij impīssimi heretici, fere omnes a sanctissimis religionum ordinibus,

- nibus, quibus seipſos ſacrauerant, de-
fecerunt.
- 24 Lutherani & alij ſcelerati hæretici, qui-
bus technis hoīes iperitos irretiuerint.
- 25 Hæretici prudentiæ ſuæ innituntur.
- 26 Hæretici ſuperbi ſunt.
- 27 Hominum imbecillitas & ignorantia.
- 28 Hæretici nouitatis dulcedine hominēs al-
licere ſolent.
- 29 Vincentij Lirinēſis explanatio illius loci
Pauli, o Timothee depoſitū custodi, etc.
- 30 Nouas & ſingulares doctrinas Petrus,
Paulus, & omnes ſancti ſemper exe-
crati ſunt.
- 31 Voces eccleſiæ innouare non decet.
- 32 Spiridon concionantem Thryphillum
reprehendit, quod lectum pro grabato
dixiſſet.
- 33 Nouitates ſuſpectæ ſunt & periculoſæ,
potiſſimum in rebus fidei.
- 34 Legibus & conſuetudinibus antiquis mul-
tum ſemper tribuerunt Plato & ſa-
pientes omnes.
- 35 Lutheranorum leuitas Græcorum leuita-
tem ſuperat.
- 36 Gregorij Saxonie ducis in Lutheranos
egregium dictum.
- 37 Nouitates & mutationes ob quam rem
grate ſunt.
- 38 Hæretici chriſtianorum titulum non ſer-
uant, ſed nomine ſuorum præceptorum
aut errorum gaudent.
- 39 Hæretici cum ſint iniquiſſimi, ſpeciem
pietatis præſe ferunt nonnunquam.
- 40 Hæretici qui virtutis ſpeciem præſe-
runt, multo magis vitandi ſunt.
- 41 Malus ſpecie boni fallens duplici pœna
dignus eſt.
- 42 Hæretici quid catholicis obijciunt.
- 43 Hæreticis vitia catholicorum culpanti-
bus reſpondetur.
- 44 Hæreticos qui nequiſſimi cum ſint, catholi-
corū vitia reprehendunt, quomodo Hie-
ronymus, Auguſtinus & alij cōuincant.
- 45 Hæretici licet videantur bene viuere,
propter vnum hoc ſcelus vitam æter-
nam non poſſidebunt.
- 46 Hæretici mulierculas ſibi adiutrices in
ſuis ſceleribus ſēper ſoliti ſunt assumere.
- 47 Hæretici intra breue tempus innumera-
biles perditionis ſectas, pro ſua libidine
introduxerunt.
- 48 Hæretici noſtri tēporis omnib. ſe flagitijs
addicūt, & diuina præcepta cōtemnūt.
- 49 Hæreſes eſſe cur oporteat.
- 50 Hæreſes quid vtilitatis aſſerant.

De hæreticis.



B I ſol iuſtitie, Chriſtus
Ieſus, in terris viſus eſt,
& lux euangelicę verita-
tis in toto orbe refulſit,
obtrahuerunt idola, dæ-
mones fugati ſunt, & idololatria omnis
detectis fallacijs ſatanæ reieſta, deriſa &
contempta eſt. Videns autem inimicus
(vt ait Cyprianus) idola derelicta, &
per nimium credērium populum ſedes
ſuas ac templa deſerta, excogitauit nouā
fraudē, vt ſub ipſo chriſtiani nominis
titulo fallat incautos: hæreſes inuenit, &

ſchiſmata, quibus ſubuerteret fidem, ve-
ritatē corrumperet, ſcinderet vnitatem.
Quod ipſum renouans Auguſt. inquit
Videns diabolus templa dæmonum de-
ſeri, hæreticos mouit, qui ſub vocabulo
chriſtiano, doctrine reſiſterent chriſtiani-
ne. Nicephorus quoq; in eccleſiaſt. hiſt.
ſemel atq; iterū hæc eadē proluxius retu-
lit. [Cyprianus tracta. de ſimplicitate
prælatorum. Auguſt. lib. 18. de ciuita-
te Dei. cap. 51. Nicephorus libro. 4.
eccleſiaſtica hiſto. cap. 2. & libro. 8.
cap. 5.]

- 2 Hæreticus autem est, qui sibi ex suo arbitrio doctrinam falsam eligit. Et latissima significatione nonnunquam appellantur hæretici ij, qui sunt excommunicati, & simoniaci, & quidam alij suspecti de hæresi. Sed hi per quandam similitudinem improprie dicuntur hæretici, quia perinde peccant, ac si male de fide sentirent: poenis tamen hæreticorum coercendi non sunt. [c. quisquis. 1. q. 1. c. quod autem 4. quæst. 1. Gerson. tractatu, de simonia, confid. 1. Torque. lib. 4. de ecclesia, parte. 2. c. 12. Richardus & alij in lib. 4. sent. distin. 13. Lucas in l. 1. C. de priuile. schola. lib. 12.]

Non est hæreticus, qui male viuit, sed qui male credit. beatus Augustinus, libro quæstionum ex Matthæo, cap. 11. Inter hæreticos, inquit, & malos catholicos, hoc interest, quod hæretici falsa credunt: illi autem vera credentes, non viuunt ita, vt credunt. & sanctus Fulgentius lib. 1. de remissione peccatorum, cap. 16. Inter impietatem & iniquitatē hæc solet pronuntiari differentia: quod impietas aut prauam in Deum fidē gerit, aut nullam: iniquitas autem malis moribus polluit vitam. Blasphemat impietas Deum: lædit iniquitas proximū.

- 3 Augustinus in exordio libri de utilitate credendi, hæreticum hominem definit his verbis: Hæreticus est, qui alicuius temporalis commodi, & maxime vanæ gloriæ, principatusque sui gratia, falsas ac nouas opiniones, vel gignit, vel sequitur. Aliam definitionem retulit Cassiodorus hoc verborum tenore: Hæreticus est, qui diuinæ legis vel ignorantia, vel contemptu raptus, aut noui pertinax inuentor erroris, aut alieni sectator, catholicæ vnitati mauult aduersari, quam subijci. Et Iustinianus in constitutione, de mulieribus fide hære-

ticis: Hæreticos dicimus, quicumque diuersarum sectarum sunt. Et insuper quicumque mēbrum sanctæ Dei catholice & apostolicæ ecclesiæ non sunt: in qua omnes totius orbis patriarchæ & episcopi vno ore apostolicam fidem & traditionem prædicant. Qui igitur in-contaminata communione in catholica ecclesia cum Dei sacerdotibus non participant, optimo iure vocamus hæreticos. Tamen si enim christianorum sibi nomen imponunt: eo tamen ipso, quod a verâ christianorum fide pariter & communione seipso separant, Dei se iudicio subdi cognoscunt. Hæc ille. Anselmus quoque, siue Heruæus definit hoc modo: Hæreticus est, qui generalis ecclesiæ doctrinam deferens, errorem sibi peruersi dogmatis eligit, quem specialiter sequatur. Et Thomas in epistolam Pauli posteriorē ad Corinthios: Hæreticus est, qui spernens disciplinam fidei, quæ diuinitus traditur, pertinaciter proprium errorem sectatur. Et idē alibi: Hæreticus est, qui a Christi fide, quæ catholica dicitur, discedit, contrariæ opinioni vehementer inhærens per electionem. Præterea, Lucius tertius illum hæreticum esse definit, qui de sacra mētis ecclesiasticis aliter sentire, vel docere non metuit, quam sacrosancta Romana Ecclesia prædicat, & obseruat. Gerson quoque inquit: Hæreticus est, qui scienter tenet cōtrarium eius, quod sequitur consequentia necessaria ex sacris literis. Generalius autem Siluester definit: Hæreticus est, qui circa ea, quæ sunt fidei, errat per intellectum, & pertinaciter adheret errori per volūtatē. In summa, Hæreticus est, qui errat in fide pertinaciter. [c. hæreticus 24. quæst. 3. c. ad abolendam. de hæreti. Cassiodo. in fine psalmi. 138. nouella constituit. 109. & Bonauentura in lib. 4. sent. distin.

distin. 13. Anselmus in epist. Pauli ad Titum. c. 3. Tho. in episto. 2. ad Corin. c. 11. & in lib. 4. sent. distin. 13. Silvester in summa, verbo, hæresis. 1. Fran. Victoria in 2. 2. q. 11. arti. 2.]

- 4 Nonnulla simul necessaria sunt, ut quispiam proprie dicatur hæreticus. Primum, quod fuerit christianus baptizatus: nam qui fidem Christi professus non est, iudeus, gentilis, mahumetanus, aut quidvis potius, quam hæreticus erit: etenim ab ecclesia separatur hæreticus: quam qui baptizatus non est, nunquam intrauit: eius enim ianua baptismus est. Quo pertinet Origenis definitio, ab Alberto Pighio relata: Hæreticus est, qui se Christo credere professus, aliud de veritate christianæ fidei credit, quam habet definitio traditionis ecclesiasticæ. Vel sicuti eam describit Lindanus: Hæreticus est, qui sese Christo professus credere, aliter de fidei Christi dogmatibus sentit, quam pietatis regula atque ecclesiasticæ observationis puritas exposuit. Et illa item Richardi: Hæreticus est, qui profitetur Christum, & eius dogmata corrumpit. Et hæc Alfonsi Castrensis: Hæreticus est, qui postquam verum baptismum suscepit, & fuit in fide catholica sufficienter instructus, pertinaciter errat contra id, quod scit ab ecclesia catholica pro fide teneri, siue oppositum veritatis asserens, siue de ipsa veritate dubitans. Cum autem inquisitores iurisdictionem potissimam habeant aduersus hæreticos: promotor fiscalis in accusatione primum ponit, quod ille quæ de hæresi accusat, est christianus baptizatus: nam si baptizatus non esset, a iudice seculari puniri deberet. [Alber. Pighius lib. 3. de libero hominis arbitrio, prope finem. Richard. in lib. 4. sent. distin. 13. arti. 5. Alfonsus lib. 1. de iusta hæreti. punitio. c. 7.

adde Guidonem de hæresibus. c. 3. Alberti. lib. de agnoscen. assertionibus. catholi. quæst. 1. & 2. Lindanum lib. 2. panopliæ euangelicæ cap. 5.]

- 5 Inde queritur, an is qui probabili errore ductus, putat se baptizatum esse, cum vere baptizatus non sit, proprie ceaseat hæreticus, si postea hæresi aliqua infectus fuerit. Et verius est ut hæreticus iudicetur, & poenis hæreticorum subiacet: quia iste baptizatus est baptismo flaminis: & quia in hac re plus operatur opinio quam veritas: Vnde quidam ita definiunt: Hæreticus est, qui vere baptizatus, vel pro baptizato se gerens, pertinaciter errat, vel dubitat contra catholicam veritatem. [Gabriel in lib. 4. sent. distin. 13. q. 2. Alfonsus lib. 1. de iusta hæresi. punit. c. 8. de presbytero. non ordinan. c. vlti. Felinus in c. si vero. 2. de sent. excommun. Igneus in l. 1. §. hoc autem. ad Sillaniam.]
- 6 Hinc alia etiam quæstio exoritur, utrum catechumenus, qui constanti animo baptismum suscipere statuit, & postea in hæresim lapsus fuit, hæreticus proprie dicendus sit. Quod quidem placet Alfonsio, quia baptizatus est, inquit, Spiritu sancto. Sed quamvis id verum esse possit in foro conscientie, quod tamen attinet ad iudiciale forum, ego subsisto: nam & ille scit, se baptizatum non esse baptismo exteriori, & vix est, ut Spiritu sancto baptizatus sit, qui potuit sacro baptismate ablui, & id non fecit. Postremo, iudices hominum cogitationes iudicare non debent, sed eorum facta, idque veritate inspecta. [1. cogitationis. de poenis. l. illicitas. §. veritas. de offi. præf. Alfonsus. prænotato. c. 8. confert. l. si pater. 1. ff. de manu. vindi. l. 2. §. 2. ff. pro emptore.]
- 7 Demum, queri solet, an infans baptizatus, qui captus ab infidelibus didicit impie-

impietatem eorum, censeretur debeat apostata. Cui questioni recte respondit Alfonso, minime hunc apostatam esse: quia fides infusa non sufficit ad credendum, sed præterea opus est aliquo doctore: iuxta quod Apostolus inquit: Quomodo credent ei, quæ non audierunt? quomodo autem audient sine prædicante? Non ergo puniri debet is, qui nunquam fidem catholicam didicit, & insuperabili tenetur ignorantia. Qua ratione interdum venia digni sunt recenter conuersi, si forte in aliquo errauerint, priusquam in fide catholica fuerint sufficienter instructi. Vnde inquisitoribus Hispaniæ ab apostolica sede concessum fuit, ut recenter conuersos, etiam relapsos, ecclesiæ restituere possent, si modo constaret, illos vere poenitentes esse. [Alfon. dicto c. 8. ad Rom. 10. c. quidam. de apostata.]

8 Deinde, necesse est ad hæresim consummatam, ut christianus baptizatus erret: nemo enim hæreticus fit absque intellectus errore: quod alibi plenius disserui. Vnde relinquitur, ut nullum opus exterius, quantumuis impium & horrendum, hæresis esse possit, sine intellectus errore: tamen si vehementem, aut violentam præbeat suspicionem de hæresi. Et hæc est constans theologorum, & iurisperitorum sententia. [Antonius. 2. parte summæ. tit. 12. cap. 5. Ioan. Torque. lib. 4. de ecclesia, parte 2. cap. 1. & cap. 13. Guido de hæresibus cap. 3. Silvester in summa, verbo, hæresis. 1. quæst. 2. Ioan. Lupus allegat. de hæresi. §. 2. Alberti. in rubri. de hæreti. lib. 6. quæst. 13. nu. 8. & lib. de agnoscen. assertio. catho. q. 2. Alfonso. lib. 1. aduersus hæreses cap. 1.]

9 Post hæc, ut christianus efficiatur hæreticus, opus est, ut erret in fide catholica: nam si in alio errauerit, hæreticus

non erit: quemadmodum supra ostendimus, cum de hæresi tractarem. Proinde si quispiam crederet, aliquam propositionem hæreticam esse, cum esset catholica: ille quidem peccaret grauissime, sed in foro exteriori non iudicaretur hæreticus: quia nihil credit contra catholicam fidem. Nec requiritur ut contra totam catholicam fidem erret hæreticus: sed sat est, si ab aliqua fidei parte aberrer. Quod Conradus Brunus in sua definitione planius completus est, dicens, illum hæreticum esse, qui semel fidem christianam professus, dogma falsum, contra fidem orthodoxam, vel a Christo & Apostolis nobis traditam, vel vbi libet in scripturis sanctis contentam, vel ecclesiæ catholicæ definitionibus nobis reuelatam, pertinaciter asserit: siue ad articulos symboli pertineat, siue ad sacramenta, siue ad auctoritatem & iudicia ecclesiæ, siue ad alias res, quas nobis credendas sancta Romana & apostolica præcepit ecclesia. [Hæc ille lib. 1. de hæreti. cap. 2. vide. l. 2. §. si sub conditione pro emptore. Arist. lib. 2. magno. mora. cap. 6.]

10 Præterea, necessaria est ad hæresim scientia, vel notitia contrariæ veritatis: non enim sufficit, quod baptizatus erret in fide, nisi etiam sciat, id quod approbat, contrarium esse catholice veritati. Nam hæresis electio est: nemo autem ignorat, quæ eligit, ut lib. 1. rhetoric. Arist. author est. Etenim electio voluntatis operatio est, quæ ex consilio provenit: ea enim cum electione agimus, quæ antegressa est deliberatio: quemadmodum idem Philosophus docet lib. 5. ethi. Et ut ait Ioannes Torquemada, Electio firmam adhesionem habet. [Arist. lib. 1. rhetori. cap. 10. & 5. ethi. cap. 8. Torquemada lib. 4. de ecclesia, parte. 2. cap. 13.]

11 In eo ergo cōsistit potissima ratio heresis, quod hereticus consulto se ipsum ab ecclesia separat. Vnde Hieronymus, & Anselmus, seu Heruēus, interpretantes Apostoli verba in epistola ad Titum aiunt: Paulus, suo ipsius iudicio condemnatum dicit hereticum, quia cum reliqui facinorosi per sententiam iudicum nonnunquam ab ecclesia propellantur, soli heretici in semetipsos ferunt sententiam, suo arbitrio de ecclesia recedentes: quę recessio proprię conscientię damnatio esse videtur: quinimo ab ecclesia recedere, maxima condemnatio est. Cui confinia sunt Redemptoris nostri verba, apud Ioannem dicentis: Qui non credit, iam iudicatus est. Vbi Theophylactus addit rationē, quoniam ipsa incredulitas cōdemnatio est. Esse enim extra lucem, per se maximū supplicium est. [ad Tit. 3. & ibidem Hieron. & Ansel. Ioan. 3. Alber. Pighius lib. 1. hierar. eccles. cap. 4. Brunus lib. 1. de hereti. cap. 1.]

12 Ad hęc, pertinacia est, quę consummatum facit hereticum: ea vero non tantum in obstinatione consistit, sed etiam in electione, & adhęsione. Nam quicumque sciens pręponit opinionem hereticam veritati catholicę, eo ipso hereticus pertinax est, vt plenius titulo de pertinacibus dicturi sumus. Proinde qui sententiam, quamuis falsam atque peruersam, nulla pertinaci animositate defendunt, quærunt autem cauta sollicitudinē veritatem, corrigi parati, cum eam inuenerint, nequaquam sunt inter hereticos reputandi, vt Augustinus quidam in epistola scripsit. Ceterum qui probabili deceptus ignorantia, non pertinaciter errat, sed corrigi paratus est, & quęrit solícite veritatem, is est, qui recte dicit: Errare potero, sed hereticus non ero. [Augusti. contra Donati-

stas epistola. 162. c. dixit apostolus. 24. q. 3. Tho. in priorem Pauli epistolam ad Corin. cap. 11. lectione. 4.]

13 Ad postremum, plerisque placet, illū proprię hereticum dici posse, qui non deserit totam catholicam fidem: ille enim qui totam abnegat, proprio nomine apostata solet appellari. Quam sententiam Alfonso Castręsis oppugnat, a se ipso, & ab alijs dissentiens: cuius argumenta omnia eo tendunt, vt apostatam hereticum esse probent: quod quidem nemo fere doctorem negat. Est enim apostasia, circumstantia heresis, eam aggrauans, vt ait beatus Thomas. Magis itaque verborum, quam rerum ea dissensio est: nec enim illi se iunxerunt heresim ab apostasia, quod putauerint, esse vsqueadeo separatas, vt eidē conuenire non possent: sed quia sit apostasia tam insignis diuersaque ab alijs heresibus, vt vix aliquis sit, qui heresis nomine apostasiam intelligat. Est enim definitione ac nomine ab heresi distincta, & iure ciuili tam diuersa & separata, vt hereticus ad fidem conuersus, Cęsarum legibus admittatur, apostata vero non item. Quamobrem prętereo lōgam Cani disputationem: quis enim ignorat, quid heresis, quid apostasia sit? Huc demum spectat heretici definitio, quam Ioannes Torquemada tradit his verbis: Hereticus est, qui post susceptā religionem Christianam, Christi fidem generaliter profitens, aliquam in specie opinionē cōtrariam catholicę veritati pertinaciter tenet, vel sequitur. Et hactenus de definitionibus. [Guido de hęresibus cap. 3. Torquemada li. 4. de ecclesia parte. 2. cap. 13. Antoninus in summa, parte. 2. titul. 12. cap. 15. Alberti. in rubri. de hęretic. lib. 6. q. 13. nu. 6. Alfonso lib. 1. aduersus hęreses cap. 9. idem Alfon. contra omnes lib. 1.

- lib. 1. de iusta hæreti. punit. cap. 9. Tho.
2. 2. quæst. 12. arti. 1. l. Manichæos. C.
de hæreti. l. hi qui. de apost. Canus lib.
12. de locis theologi. cap. 9.]
- 14 Nunc autem videamus, vnde cognoscantur hæretici. Cui quæstioni breuiter veritas ipsa per Matthæum respondet: A fructibus eorum cognoscetis eos. Et Arist. lib. 4. ethi. ait. Qualis est quisque, talia sunt eius & facta, & oratio, & vita. Et Sapiens in prouerbis: Doctrina, inquit, sua noscitur vir. Demum prouerbium est antiquissimum, in libris quoque regnorum celebratum: Ab impijs egredietur impietas. [Matth. 7. lib. 4. ethi. cap. 7. Prouerb. 12. 5. vlt. instit. de rerum diuisione. lib. 1. Regum cap. 24. vide Iansenium in concordiam euangelicam cap. 43. vbi recte de cognoscendis hæreticis & fructibus eorum]
- 15 Hac eadem regula plane cognoscimus huius temporis pestiferos hæreticos omnes: nam Lutherani, Sacramentarij & Anabaptistæ, doctrina sua, scriptis & actis, & fructibus impijs manifestissimi sunt. Et sicut omnes fere omnium præcedentium hæreticorum hereses hi operarij subdoli ab inferis reuocarunt: sic etiam omnes illorum pessimos mores hodie secuti, & æmulati sunt. Quod breuiter & cursum hoc loco demonstrare conabitur.
- 16 Solent hæretici conuiciatores & procaces esse: quid autem vnquam cum istis conferri poterunt? quorum amentia, vt Isocrates dixit, ex ipsis maledictis animaduerti ab omnibus facile potest? A quorum scriptis, si conuitia tollas, ex magnis libris paruos libellos efficies. De hoc hæreticorum more loquens Gregorius Nazianzenus inquit: Iniurijs quâdoque decertant, & verbis pugnantes prauitatem intellectus iniurijs detegunt. & Hieronymus in apologia aduersus
- Ruffinum: Istæ machinæ hæreticorum sunt, vt conuicti de perfidia, ad maledicta se conferant. Os eorum, sicut Apostolus ait, maledictione & amaritudine plenum est. Et vt Sapiens in prouerbis docet: Omnes stulti miscentur contumelijs. Et: Vbi fuerit superbia, ibi erit & contumelia: vbi autem est humilitas, ibi & sapientia. Quod si maledicta, contumeliæ, tum iracundiæ, contentiones, concertationesque in disputatione pertinaces, indignæ philosophia videri solent (vt eleganter Cicero lib. 1. de finibus bonorum & malorum scriptum reliquit) quanto conuicia & maledicta indigniora sunt christiana theologia? [Nazian. orati. 27. ad Rom. 3. Prouerb. 11. & 20. Isocrates in Helenæ laudatione.]
- 17 Adhæc, Lutherani, tanquā ab schola Luciani prodeuntes, irrisores sunt hominum atque diuorum. Irrident illi ecclesiæ cæremonias, sanctorum venerationem, sacramentorum ritus, cathedram apostolicam, pias fidelium obseruationes, sacramenta confirmationis, ordinis, vñctionis, & quid non? Hi sunt, quos ecclesia catholica in lib. Iob indicat, inquiens: Derident me iuniores tempore: nam heri & nudius tertius ex patre diabolo nati sunt. Et quemadmodum in eodem libro scriptum extat: Bibunt subsannationem quasi aquam. Hi sunt quos apostolorum princeps appellat illusores, iuxta proprias concupiscentias: hi sunt impij parasti, & scurræ procaces: quos quidem subsannabit Dominus, & interitu eorum ridebit. [Iob. 30. & 34. & 2. Pet. vlti. ad Ephe. 5.]
- 18 Hi sunt fabricatores mendacij, & cultores peruersorum dogmatum, pleni sermonibus, & qui quasi de industria recesserunt a Deo, & omnes vias eius intelligere

intelligere noluerunt: sed hostes ecclesiæ consulto facti sunt, ambulantes in vanitate sensus sui, tenebris obscuratū habentes intellectum. Infatuatum est consilium eorum, & spiritus mendax datus est in ore suorum prophetarum: & propter superbiam fugit mens & cōsiliū ab eis: & excæcavit eos malitia, & mutavit intellectum illorum: & cor eorundem insipiens nubibus errorum obscuratum est. Callidi facti sunt, non spiritu sapientiæ, sed spiritu versipellis astutiæ, quo solent hæreticorum feruere præcordia, & pacem perturbare sanctorum. [Iob. 13. & 32. & 34. ad Ephe. 4. Sapien. 2. & 4. ad Roma. 1. Augusti. lib. 6. de ciuitate Dei cap. 2.]

19 Comparatur in sacris literis hæretici multis feris bestiis, & noxijs, & obscœnis animalibus: quæ omnia Lutheranis, Sacramentarijs, & Anabaptistis adumissim quadrare perspicuum est. Dicuntur lupi rapaces, sub vestimentis ouium insidiantes Christi ouili. Comparantur lamij, qui humanam quidē faciem, sed beluina per impietatem corda gestant. Comparantur & pardis, vulpibus, simijs, canibus, & multis alijs id genus animantibus. Vocantur quoque organa diaboli, vasa iræ, Deo odibiles, fures, latrones, sacrilegi, antichristi, pseudoprophetæ, pseudoapostoli, vasa mortis, ligna infructuosa, vaccæ pingues, corona superbiæ, filij perditionis, montes mali, operarij subdoli, vaniloqui, mentis seductores, & mille talia: quorum rationes & causas, si quis nosse cupit, Fabrum & Brunum legere poterit. [Fabrum contra Lutherum tracta. 5. tex. 16. & tex. 25. & rursus tracta. 10. tex. 8. Conradum Brunum lib. 1. de hæreti. c. 3. & iterum cap. 13. cum seq.]

20 Hi sunt præterea qui oderunt ieiunia, & abstinētiā, & virginitatem: qui

terrena sapiunt: quorum Deus venter est: quorum finis interitus, & gloria in confusione ipsorum. Hi quoque sunt, de quibus apostolorū princeps loquens inquit: In conuiujs suis luxuriantes, pellicientes animas instabiles, superba vanitatis loquentes, libertatem promittentes, cum ipsi serui sint corruptionis. Sed vt S. Chrysost. sermone, in verba illa Esaia, Si volueritis, & audieritis me, inquit: Misera seruitus, quam generat libertatis excessus. Beata inquam libertas, quæ seruit legi, obtēperat iudici, pareat auctori: quæ humilis Deo est, subiecta Christo: quæ imperata tenet, iussa complet, præcepta cōseruat, cōtendit vt placeat, vt promereatur instat, timet offendere, veretur delinquere, amat diuina monita frequētare. Vt enim obsequia legis obtinēt libertatē, ita contēptus generat seruitutē. Et quid aliud sunt istorū infana, & carnalia, & impia dogmata, quam Epicuri placita, & vinolentorum somnia? [ad Philipp. 3. & 2. Petr. 2.]

21 Hi autē hæretici sui similes magistros habuerunt: quorum princeps fuit Lutherus, obscurus homo, temerarius & scelestus, peridoneus satanæ minister. Ab hoc tanquam radice pessima innumerabiles hæreses pullularunt. Is ruptis vinculis Christianæ religionis, ab instituto diui Augustini resiliens, cui iādiu addictus fuerat, post satanā retro abiēs, totam fere Germaniam varijs repleuit hæresibus. Is diabolico spiritu plenus, aliquandiu simulauit, se pium & continentem. Id certe moris est apud hæreticos, vt quemadmodum Chrysostomus ait, obumbrent se ipsos, atque occultent in principijs, quousque maiorem fiduciam capiant, & quodam fauore multitudinis iuuetur: tunc enim contagiosa venena intrepidi effundunt. Sed non potuit impietas Lutheri latere

GG diutius:

- diutius : suis namque sermonibus , & scriptis pessimum hæresiarcham haud ita multo post cunctis se palâ prodidit . Nec enim , vt Nazianzenus , & beatus Ambrosius aiunt , quicquam simulatû durable esse potest . Et quemadmodû Isidorus lib. 3. de summo bono scriptû reliquit : Omne syncerum permanet : quæ vero simulata sunt , diuturna esse non possunt . Et ante illos Cicero lib. 2. offic. Vera , inquit , virtus radices agit , atque etiam propagatur : ficta omnia celeriter , tanquam flosculi , decidunt : nec simulatû potest quicquam esse diuturnum . Et Seneca lib. 1. de clementia : Nemo potest personam diu ferre fictam . ficta cito in naturam suam recidunt : quibus veritas subest , quæque , vt ita dicam , ex solido enascuntur , tempore ipso in maius meliusque procedunt . [Nazian. oratio . 14. Amb. 2. offi. c. 22. Isidor. lib. 3. cap. 24. Chrysosto. in cap. Matth. 13. homil. 47.]
- 22 Hic est ille Lutherus , qui magna colloquia frequenter cum demone habuit , & familiariter cum illo conuersatus est : qui monachus atque sacerdos monialé Deo dicatam incestis ac nefarijs nuptijs sibi publice copulauit : similis pessimo illi Heliogabalo , cuius meminit Herodianus lib. 5. dicens : Vestalem sacerdotem , quam leges castam & virginem perpetuo volunt , abreptam e tēplo pro vxore habuit , ad senatum scribens , sacerdoti congruere sacerdotis nuptias : idque se fecisse ausus est dicere , vt ex ipso pontifice & ea sacerdote vestali liberi diuini nascerentur . author Dion Nicæus in eodem . Is idem Lutherus est , qui omnem ecclesiasticam hierarchiam subuertit , & qui sacra profanis miscēs , omnem Christianam religionem funditus extirpare tentauit : impostore illo Mahumete longe quidem impurior &
- peior . [Vide Christoph. Longolium in oratione ad Lutherianos . Fabrum contra Lutherum tracta. 4. §. 7. Echium homilia. 24. de sacramentis , & homil. 71. Ioan. Coclæum in commentarijs , de actis & scriptis Lutheri . Hosium li. 1. aduersus prologomena Brentij .]
- 23 Lutherus profugit ab institutis monachorû diui Augustini : Oecolampadius apud Birgitianos monachos religionem professus , non solum monachus insignia proiecit , verum etiam sacerdotij iura violauit , & Christianismi vota contempsit , vt Franciscus Titelmannus est author . Bucerus apostata est ab ordine sancti Dominici , alijque multi defecerunt ab institutis illis sanctissimis , Benedicti , Bernardi , Francisci , & cæterorum : Vt proculdubio verissima etiâ num sit beati Augustini sententia , qui ad clerum scribens inquit : Ex quo Deo seruire cœpi , quomodo difficile sum expertus meliores , quam qui in monasterijs profecerunt : ita non sum expertus peiores , quam qui in monasterijs ceciderunt . [Titelman. in præfatione cōmentariorum in ecclesiastem . Aug. epistola. 137. c. quantumlibet. 47. dist.]
- 24 Traxerunt isti post se magnam Germaniæ partem , non quidem vitæ sanctitate , aut excellentia doctrinæ (nihil enim sanctum apud illos , nec quicquâ sublime est) sed voluptate , quæ auctore Platone , esca est malorum omnium , qua quidem capiuntur homines , vt hamo pisces , quemadmodum Cicero in Catone maiore scriptum reliquit . Hi pretextu Christianæ libertatis , diabolicam seruitutem inducunt . Nec enim libertas est , aut pars libertatis peccandi potestas , vt inquit Anselmus dialogo de libero arbitrio : nec Redemptor noster docuit vnquam , vt Christiani viuerent , vt cuique libitum esset : imo , Qui vult , inquit ,

inquit, venire post me, abneget semetipsum, & tollat crucē suam, & sequatur me. Infecit Mahumetes eadē causa vniuersum pene orbē: ergo mirū videri non debet, si hæretici isti effrænata libertate, tam multos cœperint. Vt enim apud Xenophontem est, lib. 2. de pēdia Cyri. Fit persepe, vt habeant plures, qui secum sentiant, improbi viri, quam probi. Improbis enim proficiscens per subitas voluptates, harum persuasio nibus vitur, quo multi secum sentiant: at virtus ad arduum agens, non est admodum præpotens, vt subito, inconsultoque ad se trahat. Et sicuti Clemens Alexandrinus lib. 5. Stromatum ait: Sapientiam & iustitiam, nō ex veritate, sed ex ijs, quibus delectatur, maxima pars vulgi metitur. Accedit etiam quod sapiens in Prouerbis inquit: Suavis est homini panis mendacij. [Prouerb. 20.]

25 Hi omnes, sicut & patres eorum antiqui hæretici, contra præcepta sapientis, prudentiæ suæ innituntur, & sapientes esse volunt apud semetipsos: nec sacris concilijs, aut sanctissimis & sapientissimis viris acquiescentes, conuersi sunt in vaniloquium: & vt est apud Hieremiam, Visionem cordis sui loquuntur, nō de ore Domini. Cens absq; consilio, & sine prudentia, qui zelum amarum habent, & contentiones in cordibus: & gloriantur, & mendaces sunt aduersus veritatem. Non est ista sapientia, sicuti Iacobus apostolus ait, de sursum descendens a patre luminum, sed terrena, animalis, diabolica. Hi sunt quos apostolorum princeps venturos esse prædixit: Erunt in vobis magistri mendaces, qui introducent sectas perditionis, & multi sequentur eorum luxurias, per quos via veritatis blasphemabitur: quibus iudicium iam olim non cessat, & perditio eorum non dor-

mitat. [Prouerb. 3. & 1. Timo. 1. Hierem. 23. Deut. 32. Iacobi. 3. 2. Pet. 2.]

26 Superbi sunt isti hæretici, & præse alios non ducunt homines: & nisi quod ipsi docent, & credunt, nil rectum putant. Cæterum, vt Ecclesiasticus ait, Sapiētia longe abest a superbia, quæ authore Augustino, mater est hæreticorum omnium: quibus inflatis sensu carnis suæ, cū Hieremia recte dicere possumus: Arrogantia vestra, & superbia cordis vestri decipit vos. Percepistis a Deo acumen sensus & ingenij, vt bona naturæ in Deicultum verteretis, & fecistis vobis ex his idola. Non animaduertunt perditii homines, quam sit fragilis ac debilis intellectus humanus, & quam pronus & facilis ad errores. Sicut se habet oculus noctuæ ad lumen solis, sic & intellectus noster ad notissima naturæ, vt vere Aristoteli ait lib. 2. metaph. quanto autem imbecillior erit ad super naturalia, & arcana diuina? Vnde beatus Ambrosius de noctua loquens, eleganter inquit: Animal istud hæreticorum figura est, qui tenebras amplectuntur diaboli, lucē Saluatoris horrescunt: & grandibus disputationum oculis cernunt vana, non respiciunt sempiterna: sunt enim acuti ad superstitiosa, hebetes ad diuina: qui dum se putant subtilibus euolare sermonibus, tanquā noctuæ veri luminis splendore turbantur. [Eccli. 15. Augusti. contra epist. fundamenti. cap. 6. ad Coloss. 2. Hierem. 49. Hierony. in Oseam cap. 10. Amb. serm. 43. Chry. in epist. 2. ad Tim. hom. 2. cōfess. Poloni. c. 92. prop. finē.]

27 Corpus quod corrumpitur, aggrauat animam: & terrena inhabitatio deprimat sensum multa cogitantem: & difficile æstimamus, quæ in terra sunt, & quæ in prospectu sunt, inuenimus cum labore: quæ in cælis sunt autem quis inuestigabit? Non fumus sufficientes

GG 2 aliquid

aliquid cogitare a nobis, quasi ex nobis, sed sufficientia nostra ex Deo est: in captiuitatem redigere debemus omnem intellectum in obsequium Christi, & ecclesiæ catholicæ: nec plus sapere, quam oportet sapere, sed sapere ad sobrietatē: nec altum sapere, sed timere, atque humilibus consentire. Nam quemadmodū Euripides in Andromache inquit: Nimis sapere, non est sapientia, & non secundum mortalem sapere naturam. Sapientia quidem hæreticorum, stultitia est apud Deum: & lumen quod habere se putant, procudubio tenebræ sunt. Non ergo in hæreticorum adinventionibus, nec in acumine ingeniorum nostrorum confidendum est: sed ecclesiæ catholicæ traditionibus, & sanctorum patrum doctrinis adhærere debemus. Quod si fecerimus, nunquam aberrabimus. [Sapient. 9. & 2. ad Corinth. 3. & 10. ad Roma. 12. Iustinus Philosophus & martyr in expositione fidei. Reginaldus Polus ad Henricum. V I I. regem Angliæ lib. 4.]

28 Præterea, hæretici nouitatis dulcedine plebem decipere solēt: est enim, ut quidam inquit,

Plebs leuis, & rerum semper studiosa nouarum.

Et Ammianus lib. 26. ait, insitū esse plebisq; vulgariū nouitatis repentinam iocunditatem. Et Ouidius cecinit:

Est quoque cunctarum nouitas gratissima rerum.

Sed ne nouitatibus hæreticorum capiamur, scripsit Paulus Timotheo prioris epistolæ cap. 6. O Timothee, depositū custodi, deuotans profanas vocum nouitates. Quæ verba enarrans Vincentius ille Lirinenfis libro aduersus hæreses, inquit: Quis est hodie Timotheus? nisi vel vniuersa ecclesia, vel specialiter totum corpus præpositum, qui inte-

gram diuini cultus scientiā, vel habere ipsi debent, vel alijs infundere? Depositum custodi: id est, quod tibi creditum est, non quod a te inuentum: quod accepisti, non quod excogitasti: re non ingenij, sed doctrinæ: non vsurpationis priuatæ, sed publicæ traditionis: rem ad te perductam, non a te prolatā: in qua non author debes esse, sed curator: non institutor, sed sectator: nō ducens, sed sequens. Depositū, inquit, custodi: catholicæ fidei talentū inuiolatum, illibatumque conserua: quod tibi creditum est, hoc penes te maneat, hoc a te tradatur. Nolo mihi pro alijs alia subijcias, sed eadē quæ didicisti ita doce, ut cum dicas noue, non dicas noua.

29 Et paulo procul idem Vincentius ait: O Timothee, depositum custodi, deuotans profanas vocum nouitates. Deuota, inquit, quasi viperam, quasi scorpionem, quasi basiliscum: ne te non solum tactu, sed etiam visu afflatuque percutiant. Quid est profanas? quæ nihil habent sacri, nihil religiosi: ab ecclesiæ penetralibus, quæ est templum Dei, penitus extraneas. Profanas, inquit, vocum nouitates. Vocum, id est, dogmatum, rerum, sententiarum nouitates: quæ sunt vetustati, quæ antiquitati contrariæ: quæ si recipiantur, necesse est, ut fides beatorum patrum aut tota, aut certe magna ex parte violetur: necesse est, ut omnes omnium ætatum fideles, omnes sancti, omnes casti, continētes, virgines, omnes clerici, leuitæ & sacerdotes, tanta confessorum millia, tanti martyrum exercitus, tanta vrbium, tanta populorum celebritas & multitudo, tot insulæ, prouinciæ, reges, gentes, regna, nationes, totus postremo iam pene terrarum orbis per catholicam fidē Christo capiti incorporatus, tanto seculorum tractu ignorasse, errasse, blasphemasse,

sphemasse, nescisse quid crederet, pronuntietur. Profanas, inquit, vocum no-uitates deuota: quas recipere atque sectari nunquam catholicorum, semper vero hæreticorum fuit. Hæc ille, & alia in eandem sententiam plurima.

30 Petrus quoque apostolorum princeps apud Clementem lib. 8. recognitionū, inquit: Nec aliquid proprium, & quod vobis non est traditum, proloquimini, etiam si vobis verisimile videatur: hinc enim sæpe contingit, declinare quosdā a veritate, dum speciem sibi verioris & validioris veritatis proprijs cogitationibus reperisse se credunt. Et Paulus apostolus epist. ad Hebr. cap. vlti. Nolite abduci doctrinis varijs & peregrinis, id est, nouis & singularibus. Et Augustinus lib. 10. de ciuitate Dei cap. 23. neque nouis vocibus de religione loqui permittit, ne verborum licentia, etiam de rebus, quæ his significantur, impiā signat opinionem. Et idem Diuus libro de ratione animæ, opinionem quādam nouam non alia ratione refellit, nisi quia ipsa sola nouitate displicebat. Et in sexta synodo generali actio. 12. dixerunt patres. Omnino necesse est, non solum secundum sensum sequi sanctorum patrum dogmata, sed eisdem vocabulis vti cum illis, nihilque penitus innouari. Et nos quidem secundum sanctiones diuinorum eloquiorū oportet sapere, illa videlicet refutantes, quæ quidem nouæ voces noscuntur sanctis Dei ecclesijs scandalum generare.

31 Nec ferendi quidam, qui Ciceronianæ, quā Christiane loqui malunt, aliud nonnunquam significantes, quam voces ecclesiæ spleant. Quale est, quod persuasionē, pro fidē, abutuntur. Quis enim est, qui non plane perspicit, longe aliud esse catholicam fidem, quam persuasionē? Adde illud Socratis apud

Platonem in Theeteto: Vti nominibus verbisque communioribus, neque exacte curioseque disquirere, sæpenumero generosi animi est: contrarium autem, illiberalis. Et Plato ipse sapientissimus iuxta & eloquentissimus in libro ciuili inquit: Si verborum curiositatem vitabis, euades in senectute admodum sapientior. Prætereo Senecam, Hieronymum & alios. [Seneca epistola. 116. Hierony. epistola ad Eustochium, de virginitate seruanda. Gerson epistola ad Bartolo. Carthusia. parte. 1. & tractatu de examinatione doctrinarum, cōsideratione. 1. & parte. 4. lect. 2. considerati. 6.]

32 Ceterum silentio prætereundum non est, quod Spiridoni contigisse ferunt. Conuentus aliquando agebatur, in quo Tryphillius erat Ledrensis episcopus, literarum artibus probe eruditus, & legibus discendis diu Beryti versatus: hic episcoporum iussu populum docens, Spiridone præsentē, cum dictum quoddam referre deberet, quo Christus ad Paralyticum est vsus, illud scilicet, Tolle grabatum tuum & ambula: pro grabato, lectum dixit: quod moleste ferēs Spiridon: Non tu quidem, inquit, præstantior es eo, qui grabatum dixit: qui igitur, malum, pudor iste est, verbis illius cum decoro non velle vti? Atque his dictis, in conspectu omnium episcopali sede exurgens, factum, & superciliū eorum, qui orationē affectata sese effarent, contrahere est conatus: recte enim id facere potuit, quamuis apertus omnino & simplex esset: magna quippe dignitate gloriaque venerandus, propter mirifica, quæ edebat opera, atque etate prouectiore, sincere & grauiter episcopali munere gerendo clarus erat. Multis profecto Spiridonibus opus est hodie aduersus nouatores istos, qui lingua
rum

rum peritia pollere se iactant. [Nicephorus lib. 8. cap. 42. & hist. trip. lib. 1. cap. 10.]

33 Quod si in legibus ciuilibus, alijsque humanis actionibus, in quibus plerumque nihil refert, an hoc, siue illo modo fiant, suspectæ sunt nouitates, ac periculosæ: quid futurum putamus in rebus fidei & religionis, in quibus salus christiana consistit? Etenim, vt ait Chrysostomus, Nihil adeo animos perturbat, etiam si vtilitas secutura expectetur, quæ immouere aliquid, & a consuetudine alienum facere, & maxime cum de cultu ac Dei gloria agitur. Et Iamblicus ille gentium quidem theologus, sed Lutheranis lōge cordatior, in libro de mysterijs, inquit: Quemadmodum veritatem consecuti sunt primi, qui leges nobis de religionis sanctimonia tradiderunt, sic perseuerare in eis debemus.

Si quid enim aliud in sacris legibus ritibusque Deo placet, firmitas ipsa maxime placet, & præcipue cōgruit. Et post aliqua, inquit: Ea quæ multis seculis & operoso labore in sacris comprobata sunt, nefas est ex nonnullis repente incidentibus temere iudicando mutare. Et Hipodamus Pythagoreus lib. de repub. de talibus loquens, inquit: Non medio crem, sed maximam infœlicitatem hominum animis sophistarum dissertationes ingenerāt, si quid ausi fuerint innouare præter commune iudicium in diuinis humanisque rebus: quo admissoneque veritas maior, neque vita iustior honestiorue futura sit, sed maiori potius caligine, atque perturbatione inuoluenda. Quemadmodum Stobæus retulit sermone de republica. & Pausanias in Arcadicis: nimirum, De rebus diuinis non aliter omnia, atque a maiorebus accepimus, exponēda sunt. [Chrysost. in epist. 1. ad Corin. homi. 7.]

34 Plato in libris legum & alibi sepe, cui Aristoteles in politicis, & cæteri sapientes subscribunt, nihil perniciosius esse censet, quam temere ab antiquis legibus, moribus, & consuetudinibus recedere, atque moliri. Hinc lex illa Zalauci, quam Demosthenes oratione contra Timocratem laudat, apud Locros recepta fuit, cuius hæc sunt verba: Si quis voluerit leges sancitas mouere, aut nouam statuere, is collo in laqueum immisso de lege verba faciat: quod si per suffragia videatur, legem veterem esse tollendam, aut eam quæ noua infertur, bonam esse, indemnitas maneat: contra, si prior lex melius habere videatur, aut quæ noua proponitur, iniusta sit, is qui mouet infertue legem, laqueo attracto moriatur. Retulit Stobæus sermone de legibus.

35 Cæterum, vt ad id quod institui, reuertar, quis non videt, nouitatibus hæreticorum omnia perturbari? Leuiiores quidem sunt Lutherani, quam Græci illi, de quibus loquēs Iamblicus in suis mysterijs inquit: Par est, in Deorum cultu ritus veteres, tanquam sacros & optimos, semper custodire, eosque intactos & inuiolatos seruare, ne quid omnino addatur, aut etiā adimatur: hinc enim factum est, vt numina ipsa & vota, com minuta ac debilitata appareant: quod ex ipsa quidem præuaticatione, ac nouandæ religionis studio permulta immutata sint, & in dies magis immutentur. Nam & Græci ipsi suo pte ingenio rerum nouarum studiosi, in quamlibet partem facile ad quæque momenta vertuntur: vt qui leues sint, & instar nauis, in qua nihil sabuli infederit, nihil omnino seruant, quod a maioribus acceptum: sed immutantes subinde omnia, vetera eijciunt: & ex ingenua leuitate alia

re alia atque alia commutant, in re nulla constantes.

36 Ad eundem prorsus modum, tot profanis nouitatibus Germaniam fere totā infecerunt hæretici, vt scite admodum dixerit Gregorius ille Saxonix dux inclitus: Nesciunt hodie Lutherani, quid anno sequenti credituri sunt: quippe qui pessimo nouitatis studio quæcunq; religiose ac pie a maioribus nostris in Dei atque ecclesiæ gloriam sunt instituta, turbāt, atque impio scelere euertūt, & diuina omnia contaminare conātur. Miseri homines, & miserabiles, quibus (vt Augustinus ait) cognita vilescunt, & nouitatibus gaudent. Sic etiam olim impius Eudoxius, & Acacius Græcorū ecclesiam ad absurdas opiniones distraxerunt. Et res nouæ tum laudabantur, paulatimque incrementa sua capiebāt, atque ad mutationem insolitam spectabant: & vt inquit Nicephorus, eodem præfractę temeritatis peruenerūt, vt homines veteres, & patrias leges contemnerent, & nouas sibi pro se quisque conderet: ac noua identidem dogmata comminiscebantur, neque se ab alijs super alias nouis rebus inueniendis continere poterant. [Augustin. lib. de vera religione cap. 53. Nicephorus lib. 9. ecclesi. hist. cap. 46. & Nazianzenus oratione. 12.]

37 Scio equidem iucundas esse nouitates, & mutationem esse dulcissimam: sed, vt Aristoteles ait, ob quandam prauitatem: homo enim prauus facile mutabilis est: & mobilis, & varia est ferme natura malorum. Quod Augustinus differens libro de spiritu & anima cap. 59. inquit: Mens cæca & vaga, qualitate earum rerum, quas respicit, variatur: eiq; iure non sufficit quidquid Deus nō est: hinc est, quod huc illuc dispergitur, & per infinita distrahitur, quærens requiē

vbi non est. Sed quia vnum Deum, quem sufficienter habere poterat, dereliquit, nunc per multa ducitur: vt quia qualitate rerum satiari non potest, saltem varietate satietur. Sic hæretici sydera errantia, quia in ecclesia catholica quiescere nolunt, huc illuc nouis erroribus, & omni vento doctrinę circumferuntur. Nam vt apud Esaiam est, cap. 57. Impij quasi mare seruēs, quod quiescere non potest, & redundant fluctus eius in conculcationem & lutum. Sed concludamus tandem cum Sophronio illo episcopo: Si per singulos dies nouā edere fidem licuerit, veritatis integritas non manebit. [7. ethico. cap. vlti. Socrates lib. 5. histo. triparti. c. 34. Nicephorus lib. 9. c. 43. Sepulveda epist. 31.]

38 Vt autem hæreticos istos, vel nouo nomine cognoscere valeamus, non Christianorum titulum seruant, sed suorum præceptorum, aut errorum nomina volentes, aut inuiti retinent. Præmonuit nos huius rei diuus Hieronymus aduersus Luciferianos, dicens: Sicubi audieris eos, qui dicuntur Christi, non a domino Iesu Christo, sed a quoquam alio nuncupari, vtputa, Marcionitas, Valentinianos, Montenses: scito non ecclesiā Christi, sed antichristi esse synagogam. Beatus quoque Augustinus libro de vera religione, animaduertendum esse ait, quod hæretici, qui errores suos animosius defendere, quam cautius corrigere maluerunt, exclusi a catholica communione, propria vocabula, propriosque conuentus, non in sermone tantum, sed etiam in superstitione meruerunt: vt Photiniani, Arriani, multiq; præterea, Lutherani, videlicet, Sacramentarij, & Anabaptistę. [Augusti. de vera religione cap. 5. l. damnato. C. de hæreti. & ante illos Lactantius lib. 4. diuina. institut. cap. vltimo.]

- 39 Nec moueat quempiam, si forte vide-
rit hæreticum aliquem, speciem pieta-
tis præferentem: etenim inter tot mil-
lia hæreticorum, consentaneum est, esse
aliquos, qui prima fronte boni viri esse
videantur, cum tamen nihil minus sint:
nam vel hoc tantū quod hæretici sunt,
prauī homines sunt. Quid enim boni
esse potest homini amissa catholica fide?
Omnes animæ, vt inquit Cæsiodorus
libro de anima, sine recta fide teterrimæ
sunt. Nihil enim cuiquam prodest vi-
tasse noxias cupiditates, eneruatam non
amasse luxuriam, deceptricem fugisse
fallaciam, alienum se a terrenis vitijs ef-
fecisse, si non permanet in Christi eccle-
sia, & fidei catholicæ non tenet vnitatē.
Necesse est laboret incassum, qui ab ec-
clesia separatur, & remuneratorem bo-
norum omnium sibi reddit offensum.
Quid? quod (vt Paulus nobis prædixit)
hi sunt operarij subdoli transfigurantes
seipsos in apostolos Christi. Et sicuti
Leo magnus inquit, humiliter irrepūt,
blande capiunt, molliter ligant, laten-
ter occidunt. Nec vlla pernicies vitæ
maior inueniri potest, vt est apud Ci-
ceronem, quam in malitia simulatio
intelligentiæ. Ac totius iniustitiæ nul-
la capitalior est, quam illorum, qui
cum maxime fallunt, id agunt, vt
viri boni esse videantur. Malus enim
vbi bonum se simulat, tūc est pessimus.
Nec mirum alicui videri debet, si quid
boni dixerint, fecerint, vel scripserint
impij: nam sicut Hieronymus ait, Ne-
mo est tam sicarius, tam parricida, tam
veneficus, qui nō aliquid boni aliquan-
do fecerit. [1. Cor. 11. Leo sermone. 5.
de ieiunio decimi mensis. Cicero lib. 1.
& li. 3. offi. Hierony. in episto. ad Titū.
cap. 1. c. si quis a catholica. 23. quæst. 4.]
- 40 Quinimo tanto magis vitandi sunt
hæretici, qui boni viri esse videntur,

quanto plusquam alij nocere possunt.
Vnde Origenes homilia septima in Eze-
chielē inquit: Iuxta mei animi sensum,
multo nocentior est hæreticus bonæ vi-
tæ, & plus in doctrina sua habet autho-
ritatis eo, qui vitam conuersatione ma-
culat. Qui enim vitæ pessimæ est, non
facile homines ad falsum dogma soli-
citatur: nec potest per vmbra sanctita-
tis audientium decipere simplicitatem:
qui vero sermone peruersus est, & disci-
plinis salutis contrarius, mores autem
compositos & ornatos habet, nil facit
aliud, nisi accipit indumenta varia in-
stituti boni, & conuersationis quietæ,
& circumdat ea in dolis suis, vt magis
decipiat audientes. Idcirco solícite ca-
ueamus hæreticos, qui bonæ conuersa-
tionis sunt, quorum forte vitam non
tam Deus, quam diabolus instruxit.
Nam quomodo quasdam illecebras ef-
carum aucupes proponunt, vt facilius
aues capiant per oblectamenta gulæ: sic
(vt audacius dicam) est quædam ca-
stitas diaboli, id est, decipula humanæ
animæ, vt per istiusmodi castitatem, &
mansuetudinem, & iustitiam, possit fa-
cilis capere, & falsis sermonibus ir-
retire. Decipimur specie recti, vt Ho-
ratus ait,

*Quia mala sunt vicina bonis, errore
sub illo.*

Pro vitio virtus crimina sepe tulit.

*Fallit enim vitium specie virtutis, &
vmbra.*

Sæpe vitia se ingerunt, & se virtutes
esse mentiuntur. Quidam superbiam
libertatis loco ducunt: adulationem pro
humilitate suscipiunt: malitiam pruden-
tiæ vice amplectuntur: & iustitiæ sim-
plicitatis nomen imponunt: & fallaci
ac pessima similitudine decepri vitijs
pro virtutibus gloriantur. [Hierony. ad
Demetriadem, c; sæpe. 41. distin. adde
Ciceronem]

Ciceronem in partionibus. Senecam episto. 121.]

41 Si quis malum in prætextu boni facit, duplici poena dignus est, sicuti Basilius recte censuit: propterea quod, & non bonum operatur, & utitur ad perficiendum peccatum ipso bono, cooperatore & auxiliario. Et, ut Plato dial. 2. de repub. inquit, Extrema iniustitia est, iustum videri eum, qui non sit iustus. Accedit illud Ecclesiastici: Qui dissimulauerit, delinquit dupliciter. & Hieronymus epistola ad Latam: Venena non dantur, nisi melle circumlita: & vitia non decipiunt, nisi sub specie, umbræque uirtutum. Et in epistola ad Celantiam: Multo deformior illa est superbia, quæ sub quibusdam humilitatis signis latet: nescio enim quomodo turpiora sunt vitia, quæ uirtutum specie celantur. D. Crisostomus in Matt. homilia. 74. Omnes qui perperam agunt, supplicio digni sunt: qui uero simulatione bonitatis ad improbitatem tendit, multo grauiori poena omnino afficiendus est. Et Theophylactus: Maiori condemnatione, inquit, dignus est, qui prætextu boni in malum allicit. Omniū rerum, authore Cicerone, simulatio est vitiosa: tollit enim iudicium veri, idque adulterat. Postremo, Bernardus in Cantica, de hæreticis hæc eleganter scripta reliquit: Omnibus una intentio hæreticis semper fuit, captare gloriam de singularitate scientiæ: quod ut commode faciant, non sufficit hæreticos esse, nisi & hypocritæ sint, ut sit supramodum peccans peccatum. Hi sunt qui veniunt in uelamentis ouium, ad nudandas oues, ad spoliandos arietes: intus autem sunt lupi rapaces. Hi sunt oues habitu, vulpes actu, actu & crudelitate lupi. Mali sunt, & videri boni volunt, ne soli sint mali. Mali videri

timent, ne parum sint mali. Etenim minus semper malitia palam nocuit: nec unquam bonus, nisi boni simulatio ne deceptus fuit. Nec enim est apud eos uirtutes colere, sed vitia colorare, quasi quodam uirtutū minio. Demum, simulata æquitas, duplex iniquitas est. [Basilius epistola. 76. ecclesiastici. 23. Theophyla. in Mattheum cap. 23. Cicero in Lælio. Bernar. super cantica sermo. 66.]

42 Obijciunt frequenter hæretici abusus & vitia catholicorum. Sed primum, quod attinet ad abusus, nos eos non approbamus. Deinde ut sunt impij omnes mendaces, plurima ipsi confingunt, quæ catholici, nec commiserunt unquam, nec somniarunt quidem. Postremo, quid est tam sanctum, quo improbitas quorundam abuti non queat: & sicut Isocrates in Symmachio inquit: Non conuenit hominum improbitatem in res transferre: sed illi ipsi culpandi sunt, qui bonis rebus male utuntur. & Crisostomus, de uerbis Isaia, Vidi dominum, homilia 4. Non oportet damnare res, sed eum, qui re bona male utitur: quando quidem & Iudas proditor fuit, uerum non ob id accusatur ordo apostolicus: & cætera in eandem sententiam.

Nil prodest, quod non lædere possit idem. Igne quid uilius? si quis tamē vrere testā Comparat, audaces instruit igne manus. Eripit interdum, modo dat medicina salutem.

Quæque iuuat monstrat, quæque sit herba nocens.

Et latro, & cantus præcingitur ensu viator.

Ille sed insidias, hic sibi portat opem. Discitur innocuas ut agat sacūdina causas, Protegit hæc fontes, immeritosque premit.

43 Quod uero de uitijs aiunt, plerumque magnum est impudensque mendacium. Adhæc, Vitia erunt donec homines, ut

scribit Cornelius Tacitus. Et Plato in Thæteto: Impossibile est, inquit, mala penitus extirpari: nam bono oppositū aliquid esse semper necesse est. Atque ea quidem vetus querela est: hoc maiores nostri questi sunt: hoc nos querimur: hoc posteri nostri querentur: euerfos esse mores: regnare nequitiam, in deterius res humanas & in omne nefas labi: ut ciuis meus Seneca quadam in epistola scripsit. Et Lutherus ipse conqueritur, sua doctrina egregia discipulos eius factos esse Sodomitis decies deteriores. Adde quod hæretici isti bona opera flocci non faciunt: cur ergo a catholicis omnibus ea tam seuerè exigunt?

44 Diuus quidem Hieronymus in epistola, quæ est ad Pammachium & Marcelianum, de talibus hæreticis loquens, dicit: Quid maledicorum pannos hinc inde cōiuitis, & eorum carpitis vitam, quorum fidei resistere non valetis? num idcirco non estis vos hæretici, si nos quidam assertionem vestra crediderint peccatores? & os impietate foedum non habebitis, si cicatricem potueritis in nostra aure monstrare? Quid iuuat vestrā perfidiam, vel prodest pellis æthiopica, & pardi varietas, si in nostro corpore nœuus apparuerit? Et beatus Augustinus alia in epistola ad clericos: Hæretici non habendo quod in causa suæ diuisionis defendāt, non nisi hominum crimina colligere affectant, & ea ipsa plura falsissime iactant: ut quia ipsam diuinæ scripturæ veritatem, qua vbiq; diffusa Christi ecclesia commendatur, criminari & obscurare non possunt, homines per quos prædicatur adducant in odium: de quibus & fingere quidquid in mentem venerit, possunt.

45 Idem diuus contra Donatistas inquit: Si quis a catholica ecclesia fuerit separatus, quantumlibet laudabiliter se vine-

re existimet: hoc solo scelere, quod a Christianitate seiunctus est, non habebit vitam: sed Dei ira manet super eum. Quisquis autem in hac sancta ecclesia bene vixerit, nihil ei præiudicant aliena peccata: quia in ea vnusquisque propriū onus portabit, sicut ait Apostolus. Et ut quidam recte scribit: Si dæmon homines in impietatem deduxerit, non est de reliquis sceleribus admodum sollicitus: quoniam hoc erroris iactō fundamento, quidquid proborū morum virtutumque superstruxeris, nihil prorsus ad beatitudinem confert. Itaque finit hæreticos bonis naturæ uti, eosque adiuvat sæpenumero: ut specie probitatis offendantur modicæ fidei homines, & iniiciatur eorum animis scrupulus de fide catholica: & hæretici in erroribus suis confirmantur. Nos tamen floccifacimus virtutes istorum simulatas, atque fallaces: & cum diuo Hieronymo dicimus, signum esse maioris gloriæ, si quem hæretici detestantur.

46 Huius temporis hæretici carnis operibus dediti captiuas mulierculas trahunt, quemadmodum parentes eorum fecisse memorantur. Simon magus heresim cōdidit, Helenę meretricis adiutus auxilio. Nicolaus Antiochenus omnium immunditiarum repertor, choros duxit scæmineos. Marcion Romam præmisit mulierem, quæ decipiēdos sibi animos præpararet. Apelles Philomenam suarum comitem habuit doctrinarum. Mōtanus immundi spiritus prædicator, multas ecclesias per Priscam & Maximillā, nobiles & opulentas scæminas, primum auro corrupit, deinde hæresi polluit. Arius ut orbē deciperet, sororē principis ante decepit. Donatus per Africam ut infœlices quosque sceleribus pollueret aquis, Lucillę opibus adiutus est. In Hispania Aegape Elpidiū, mulier virum, cæcum

cæcum cæca duxit in foueam : successoremq; sui Priscillianum habuit. Zoroastris magi studiosissimum , & ex mago episcopum : cui iuncta Galla, non gente, sed nomine, germanam huc illucq; currentem alterius, & vicinæ hæreseos reliquit hæredem. Et nunc quoque mysterium iniquitatis operatur, & duplex sexus vtrumq; supplantat. hæc diuus ille Hierony. aduersus Pelagianos scripta reliquit : & ea ipsa apud Lutheranos quotidie euenire videmus.

47 Hi prauī homines & seductores intra quadraginta annos pro sua libidine innumerabiles perditionis sectas introduxerunt. Nam vt Prudentius ait.

Quid non libido mentis humane struat ?

Quid non malorum pruriat ?

Statum laceſſunt catholica ecclesia

Calumnioſis litibus :

Fidem minutis diſſecant ambagibus,

Vt quique lingua eſt nequior.

Quid referam eorum impia ſimul & petulantia, & plane inſana dogmata ?

Plurima ſunt, ſed pauca loquar : ne dira relatu

Dogmata catholicam maculent male prodita linguam.

Ea autem retuliſſe, conſutaſſe eſt. Aiunt iſti hæreticorum, qui vnquam fuerunt, peſſimi, in prioribus ſeculis neque Chriſtum, neq; euangeliũ, neque baptiſma, neq; fidẽ, neq; opera bona fuiſſe cognita. Aiunt, vbi fides eſt, ibi nullum peccatum. Aiunt, eos qui bonis operibus cooperti ſunt, vix poſſe cælum penetrare. Aiunt, nihil prodeſſe bona opera, nec Deum reſpicere opera. Aiunt, nullũ peccatum poſſe damnare hominẽ, præter incredulitatem. Aiunt, licere Chriſtiano plures ſimul vxores habere. Quid plura? vix quippiam reliquum fecerunt futuris apoſtatis & hæreticis.

48 Ad ſummam fructus Lutheranorum,

& Sacramentariorũ ſunt, ſacramentorũ fere omnium abrogatio : ieiuniorum & orationum neglectio : votorum transgreſſio: omnis pudicitie & caſtitaſis proſtigatio: deſtructio ac deuaſtatio templo rum, & monaſteriorum: expugnation & eiection ſanctarũ imaginum: rerum omnium ſacrarum profanatio : denique nihil reliqui fecerunt ijs, qui ſtudioſi erunt improbitatis, & impietatis. Dicit in euangelio ſecundum Matthẽũ Chriſtus: Intrate per anguſtam portam. Et mox: Quam anguſta porta, & arcta via eſt, quæ ducit ad vitam, & pauci ſunt, qui inueniunt eam. Iſti vero ſecundum Lutherum effrenata libertate, inuenerũt latam portam, & ſpatioſam viam, nepe illam, quæ ducit ad perditionem, & multi ſunt qui intrant per eam. Non igitur miramur, (vt apud Ambroſium eſt) ſi luporum rabiẽ grex Domini perhorreſcat, in quibus Chriſti vocẽ non recognouit. Agreſtis enim vlulatus eſt, nullam virginitaſis gratiam, nullum caſtitaſis ordinẽ ſeruare, promiſcũ omnia velle confundere, diuerſorũ gradus abrogare meritorũ. Quid tandem aptius in iſtos dicere poſſumus, quam quod propheta regius iam olim cecinit? Narrauerunt mihi iniqui fabulationes, ſed non vt lex tua. Vbi ſiue fabulationes cum Hieronymo, Ambroſio, & vulgata editione legas: ſiue, delectationes cum Auguſtino: ſiue cum Euthymio, garrulitates: non aptius cuiquam alijs, quam iſtis hæreticis quadrat. Sunt enim dogmata & narrationes illorum nihil aliud, quam fabulationes, & delectationes, & garrulitates: ſed non vt lex Dei, non vt euangeliũ Chriſti. [Matth. 7. Ambro. epiſtola. 81. pſal. 118. & inibi Hieronymus, Ambroſius, Auguſtinus, Euthymius, & cæteri.]

49 Oportet autem hæreses esse, quemadmodum Apostolus ait, ut qui probati sunt, manifesti fiant. Sed etsi surrexerit in medio nostri propheta, aut qui somnium se vidisse dicat, & prædixerit signum atque portentum, & euenerit quod locutus est, & dixerit nobis, Eamus & sequamur deos alienos, lege diuina prohibemur audire verba prophete, aut somniatoris illius: quia tætat nos dominus Deus noster, ut palam fiat, utrum diligamus eum, an non, in toto corde nostro, & in tota anima nostra. Ob has igitur causas Deus omnipotens hæreses esse permittit. Quod & Cyprianus tractatu de simplicitate prælatorum eleganter tradidit, dicens: Hinc hæreses & factę sunt frequenter, & fiunt, dum peruersa mens non habet pacem, dum perfidia discordans non tenet unitatē. Fieri vero hæc Dominus permittit & patitur, manente proprię libertatis arbitrio: ut dum corda & mentes nostras veritatis discrimen examinat, probatorum fides integra, manifesta luce clarescat. Et post paulum: Sic probantur fideles, sic perfidi deteguntur, sic & ante iudicii diem hic quoque iam iustorum atque iniustorum animę diuiduntur, & a frumento paleę separantur. Quod & Tertullianus ante illum docuit, in exordio libri de præscriptionibus aduersus hæreticos. [1. Cor. 11. Deuter. 13. Vincentius Lirinensis lib. aduersus hæreticos. Vide Cornelium Iansenium in concordiam euangelicam cap. 71.]

50 Accedit Augustinus, in Enchiridio dicens: Malum eminentius commendat bona, dum comparantur malis: nec enim Deus omnipotens, cum summe bonus sit, ullo modo sineret, mali esse aliquid in operibus suis, nisi usque adeo esset omnipotens & bonus, ut benefaceret etiam de malo. Et ante illum Cle-

mens Alexandrinus libro primo Stromatum: Diuinę sapientię, inquit, & virtutis & potentię est officium, non solum bona facere, sed illud quoque maxime, ut id quod per malos aliquos excogitatum est, ad bonum aliquem finem, & vtilem deducat, & vtiliterijs, quę videtur mala, vtatur. Adde etiam quod, sicut Origenes in librum Numerorum inquit, Vtitur Deus nedum bonis ad opus bonum, sed malis etiam: illi cogitant malum, sed Deus vertit in bonum.

Hęc igitur vtilitas ab hæreticis prouenit, quod inter inimicos erudimur, & fides ac dilectio nostra potest esse probatior. Multa quippe ad fidem catholicam pertinentia, dum hæreticorum callida inquietudine exagitamur, ut aduersus eos defendi possint, & considerantur diligentius, & intelliguntur clarius, & instantius prædicantur: & ab aduersario mota quæstio discendi existit occasio. Accedit etiam, quod improbatio hæreticorum eminere facit, quid ecclesia censeat, quid habeat sana doctrina. Et ut Gregorius ait, Sancta ecclesia subtilius in sua semper eruditione instruitur, dum hæreticorum quęstionibus impugnatur. Denique ne longius abeam, ecclesia catholica per totum orbem valide lateque diffusa, ut est apud Augustinum libro de vera religione, omnibus errantibus vtitur ad profectum suos, & ad eorum correctionem, cum euigilare voluerint. Vtitur enim gentibus ad materiam operationis suę: schismaticis ad documentum stabilitatis suę: Iudæis ad comparisonem pulchritudinis suę. [Augustinus in Enchiri. cap. 11. Origenes in lib. Nume. homil. 14. Gen. cap. vlti. Grego. epist. ad Anastasium. Augusti. lib. de vera religione. cap. 6. & cap. 8. item epist. 50. & 141. & in psal. 67. & lib. 1. de Genesi contra Manicheos

nichæos cap. 1. c. vlti. 24. quæst. 3. Iſidorus lib. 1. de ſummo bono cap. 19. Vincentius Lirinensis lib. aduerſus hæreſes. Nicephorus lib. 14. eccleſiaſticę hiftorię. c. 48. Beda, Petrus Lombardus, & cæteri in priorem Pauli epiſtolā ad Corin. cap. 11. Alex. Ales. parte. 1. quæſt. 18. & q. 38. Torquemada lib. 4. de eccleſia parte. 2. cap. 5. Brunus lib. 2. de hæreti. c. vlti. Michael Medina lib. 2. de recta in Deum fide cap. vlti.]

Sanctus Chryſoſtomus in epiſt. 1. ad Corin. ſermone. 17. vere atque eleganter ſcripſit: Vtrumque inuicem confirmatur, malitia ab incredulitate, & incredulitas a malitia. animus namque qui multorum ſclerum ſibi conſcius eſt, cum futurum iudiciū formidet, atque exhorreſcat, nolitque mutata vita in melius ſibi conſulere, incredulitate


quietem animi quærit. nam ſi tu reſurrectionem negaueris & iudiciū, dicet ille; igitur neq; ego ſclerum meorum pœnas dabo. & Theophylactus in 2. epiſt. ad Timo. cap. 3. Qui nullius ſibi boni conſcius eſt, prauis doctõribus facile obtemperat, ſe ipſum conſolans, quaſi nõ ſit daturus pœnas propter opera ſua. & Aeneas Syluius in hiftoria Bohemica: Grauari vitiorum ſarcina, non quibus explicent, vitamque corrigant, ſed quę ceptum iter approbent, ea dogmata facile imbuunt. & alius recte dixit: Qui ad legem Dei cupiditates ſuas dirigere grauantur, hi legem Dei ad cupiditates ſuas detorquere conantur. atq; ea quidem ſunt, quę hodie tot hæreticos faciunt, qui ſibi perſuadent, ſola fide in cælum perueniri poſſe.

De idololatria Titulus XXXII.

S V M M A R I V M.

- 1 **I**dololatriam quis primum docuerit.
- 2 **I**dololatria quid ſit, & quid etiā idoli.
- 3 **H**æreſes nonnunquam idola appellātur.
- 4 **A**dorationis genus triplex eſt.
- 5 **L**atrię cultus ſoli Deo debetur.
- 6 **I**dololatria maxima quę ſit.
- 7 **H**æreticus ipſo facto cenſetur, qui ſacrificia idolis offert.
- 8 **I**dololatria ex orationibus cognoſci po-
teſt, et quid oratio ſit, et quot modis fiat.
- 9 **I**dololatra non eſt qui hoſtiam non conſecratam, vel demones in angelos lucis tranſfiguratos, bona fide adorat.
- 10 **I**dololatrę lege diuina veteris teſtamenti mortis pœna afficiebantur.
- 11 **I**dololatrę quomodo puniantur.
- 12 **I**dololatrę acriter in ſacris literis et ſanctis doctõribus reprehenduntur.

De idololatria.



VM humani generis ſempiternus hoſtis iuſtiſſimo Dei iudicio præcipitatus fuiſſet cū angelis ſuis e cælo in tenebras inferiores, non deſtitit ab eo te mpore, neque in vl-

timum ſeculi diem ceſſabit vnquam, peſtiferis artibus, dolis & fraudibus, cū ſctis hominibus inſidiari, eos perpetuo inſtigans in fraterna odia, homicidia, adulteria, aliaq; multa execranda flagitia: ſed prima ab initio cura illi fuit, vt homines in idololatriam induceret, vt miſeras

miseras multorum animas a vero Dei cultu, quo solo mundantur & sanantur, auerteret. Sunt quippe dæmones, vt August. ait, spiritus nocendi cupidissimi, a iustitia penitus alieni, superbia tumidi, inuidia liuidi, fallacia callidi: qui cultum Dei ad se ipsos enixe transferre student: quibus artibus iam olim vniuersum fere orbem impietate atque idololatria repleuerunt: vsque eo sapientes alioqui viros excæcantes, vt quamuis Deum cognouissent, non tamen sicuti Deum glorificarent: sed mutauerunt gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentium, commutantes veritatem Dei in mendacium, & colentes creaturam potius quam creatorem. Sed cum hodie sint pauci, qui in idololatriam incidunt, breuiter de ea differemus. [Ad Roma. cap. 1. August. lib. 8. de ciuitate Dei. c. 22. cap. neque mirum. 26. q. 5.]

2. Est autem idololatria, cultus Deo debitus, creaturæ exhibitus. Vel est, honor diuinus exhibitus creaturæ representatione per aliquam sensibilem formam seu figuram, quæ dicitur idolum. Generalius vero idolum hominis est, quidquid plusquam Deum colit aut diligit: Origene dicente, Vnusquisque quod præcæteris colit, quod super omnia miratur & diligit, hoc ei Deus est. Cui confine est, quod Cyprianus inquit lib. de duplici martyrio. Quidquid homo qui uis Deo anteponit, sibi Deum facit. Neque tantum committitur idololatria, cum simulacra coluntur, sed etiam cum creaturæ loco creatoris diuino cultu honorantur. Hoc autem peccatum in Exodo maximum esse dicitur: quia sicut in terrena repub. grauissimum est, regiū honorem alteri, quam vero regi impendere: sic maximum crimine esse videtur,

si quispiam diuinū honorem exhibeat creaturæ: quia quantum in se est, alium Deum facit, & minuit principatum veri Dei, & exequat creaturam creatori. [Origene in lib. Iudi. homil. 2. glo. lib. 1. Reg. c. 15. Exo. 32. Tertulli. lib. de idolola. Alex. Ales. 2. p. q. 178. Tho. 2. 2. quæst. 93.]

3. Nonnunquam hæreses appellantur idola. Hierony. explicans illud Zachariæ: Disperdam nomina idolorum de terra, inquit: Sicut idola fiunt manu artificis, ita hæreticorum peruersa doctrina, quodcunque simulauerit, vertit in idolum, & facit pro Christo adorari Antichristum. & in Esaïam cap. 2. Possumus dicere, quod omne dogma contrarium veritati adoret opera manuum suarum, & constituat idola in terra sua. & in Ezechielem cap. 18. Idola, idest simulachra, quæ de suo corde finxerunt, omnes hæretici faciunt. & in Osee cap. 10. Hæreticorum terra fecunda est: qui a deo acumen sensus & ingenij percipientes, vt bona naturæ in Dei cultum vertent, fecerunt sibi ex his idola. Nullus enim potest hæresim struere, nisi qui ardentis ingenij est, & habet dona naturæ quæ a Deo artifice sunt creata. Et Augustinus: Est alius deterior & inferior cultus simulachrorum, quo phantasmata sua colunt, & quidquid animo errante, cum superbia & tumore cogitando imaginati fuerint, religionis nomine obseruant. Et Vincentius Lirinensis, aliena ab ecclesia dogmata, vetus testamentum, Deos alienos appellare scribit.
4. Triplex est genus adorationis: latría, dulíæ, & hyperdulíæ. Latría est cultus Deo debitus. Vel summæ venerationis cultus soli Deo exhibendus: Vel est voluntaria professio diuinæ maiestatis. Dulíæ est honor, vel cultus qui exhibetur creaturæ ratione alicuius bonitatis,

ris, sanctitatis, vel virtutis: & hac exhibetur sanctis. Hyperdulia est adoratio dignior dulia: quæ quidem exhibetur creaturæ, ratione excellentiæ singularis comunicatæ a Deo: & hac veneramur sacratissimam virginem veri Dei matrem: cui non qualiscunque dulia debetur, sed illa, quæ per duliā, quasi ad latriam accedit. [Tho. Duran. & cæteri in lib. 3. senten. distin. 9. glo. & interpretes in cap. Venerabiles. de consecra. distin. 4. & in Clem. 1. de religi. & vener. san. Confessio Polonica. de spe & oratione. cap. 58.]

5 Soli Deo debetur cultus latriæ, non solum interior, sed etiam exterior: ut enim Augustinus ait, Exteriora sacrificia signa sunt interiorum, sicut verba signa sunt rerum. Quocirca sicut orantes atque laudantes, ad Deū dirigimus significantes voces, cui tamen res ipsas in corde, quas significamus, offerimus: ita sacrificantes, non aliter visibile sacrificium offerendum esse nouerimus, quam ei, cuius in cordibus nostris inuisibile sacrificiū nos ipsi esse debemus. Soli igitur Deo debetur spirituale sacrificium, sicuti creatori nostro, & summo bono, & ultimo fini, in quo beatitudo animæ nostræ consummata consistit: eius contemplatione beati sunt angeli, eadem & nos beatos esse futuros credimus & speramus. Illa namque visio Dei, tantæ pulchritudinis visio est, & tanto amore dignissima, ut sine hac, quibuslibet alijs bonis præditum, atque abundantem non dubitet Plotinus infœlicissimum dicere. [Augusti. lib. 10. de ciuitate Dei. c. 19. & c. 16. Tho. 2. 2. quæst. 85.]

6 Tanto stupidior ac deterior est idololatria, quāto vilioribus ac deterioribus creaturis diuinus honor exhibetur. Nam peccatū sit grauius ex vilitate rei,

in quam diuinus honor trāsferitur: quia id magis contra rationis & naturæ ordinem est: & eo maior contumelia Deo infertur, quo vilior est creatura, quæ præponitur, aut exæquatur ei. Ceterum idololatria illa omnibus alijs detestabilior est, qua cultus Deo debitus dæmonibus tribuitur. Quod tribus potissime rationibus comprobatur. Prima, quia dæmones sunt inferiores brutis deiectione propriæ malitiæ, ac miseria culpe & pœnæ: altera, quia sunt hostes & inimici Dei: tertia, quia periculosior est hominibus talis idololatria. Magis itaque Deo displicet, qui honorem ei debitum tribuit inimicis Dei pessimis: & qui seipsum in maius periculum iniicit. Sunt enim dæmones ad decipiendum vigilantissimi, neque est vllum malorū genus, quo non delectentur, & deorum induti personam, in errorem atque stultitiam impulsisse nos gaudent. Magna Dei misericordia necessaria est, ne quisquam cum bonos angelos amicos se habere putat, habeat malos dæmones amicos fictos: eosque tanto nocentiores, quanto astutiores ac fallaciores patitur inimicos. Magna enim miseria nostra, ignorantia tanta premitur, ut facile istorum simulatione fallatur. [1. liberi. C. de in offi. test. Augusti. lib. 3. de ciuitate Dei. c. 7. & lib. 19. cap. 9.]

7 Qui sacrificia idolis offert, aut illis tribuit honorem diuinum, ipso facto censetur hereticus: quia in tam graui crimine præsumitur malus animus. Neque excusatur omnino qui metu coactus est: nisi forte coactio fuerit præcisa, ut alibi diximus. [cap. 1. de præsum. cap. nunc autem. 21. distinct. & inibi. glo. Archidiaconus, Cardinal. & ceteri. cap. presbyteros. 50. distinct. Albert. in rub. de hereti. lib. 6. quæst. 2. num. 41.]

- 8 Per orationes & preces cognosci quoque poterit idololatria. Est enim oratio actus religionis proprie pertinens ad reuerentiam & honorem Deo exhibendum: per quam homo Deo subijcitur, & proficitur se eo indigere sicuti auctore suorum bonorum. Fit autem oratio dupliciter: vel petimus aliquid ab ipso Deo, quod solus nobis dare potest, ut gratiam & gloriam: ad quas consequendas ordinari ac dirigi debent omnes orationes nostræ: vel aliquos oramus, ut pro nobis intercedant, quod petere possumus a sanctis angelis & hominibus, ut eorum precibus & meritis orationes nostræ suum effectum habeant. Igitur qui hoc, aut illo modo, funestas preces offert idolis, dæmonibus, aut pseudoprophetis, hoc ipso vehementer suspectus ac pene cōiunctus esset. Proinde consultissime quodam instructionū capitulo præcipitur inquisitoribus, ut diligenter inquirant, de orationibus hæreticorum: quia ex illis manifeste constabit de animo & intentione reorum, & confessions eorum veras esse apparebit, neque facile reuocare illas poterunt. Nemo enim orationes memoriæ commendat, qui eas non putet sibi profuturas. [Tho. 2. 2. quæst. 83. prima instruct. Hispal. cap. 4.]
- 9 Si quis tamen hostiam non consecratam, vel dæmonem transfiguratum in angelum lucis, aut in effigiem cuiuspiam sancti, bona fide adoraret, præsertim si id faceret, insuperabili victus ignorantia, non solum idololatra non esset, verum etiam tantundem mereretur, quantum si angelo lucis, aut sancto viro dulci adorationem exhibuisset. [glo. 2. Corin. 11. Theol. in lib. 3. sent. distin. 9. Alber. in rub. de hære. lib. 6. quæst. 2. num. 65.]
- 10 Idololatræ, lege diuina veteris testamē

ti, pœna mortis coercerantur. Verba legis hæc sunt: Qui immolat dijs, occidetur, præter Domino soli. Ordo autē iudicij, & genus pœnæ traditur plenius in Deuteronomio his verbis: Cum reperti fuerint apud te, intra vnam portarum tuarum, quas dominus Deus tuus dabit tibi, vir aut mulier, qui faciant malum in conspectu domini Dei tui, & transgrediatur pactum illius, ut vadant & seruiant dijs alienis, & adorēt eos, Solem & Lunam, & omnem militiam cæli, quæ non præcepi: & hoc fuerit tibi nunciatum, audiensque inquisitoris diligenter, & verum esse repereris, & abominatio facta est in Israel, educes virum ac mulierem, qui rem scelestissimam perpetrarunt ad portas ciuitatis tuæ, & lapidibus obruentur. [Exod. 22. Deuter. 17.]

- 11 Helias interfecit prophetas Baal, & Iheu alios multos Idololatræ. Moyses itidem eos, qui vitulum adorauerant. Et Aza propter idololatriam, matrem suam regno priuauit: quemadmodum in Exod. & Paralipo. & in Reg. libris plenius continetur. Iure quoque civili pœna mortis cum publicatione bonorum idololatræ puniuntur: sed pontificio iure inquisitores perinde procedunt aduersus Christianum hominem, qui in idololatriam inciderit, atque aduersus quemcumque alium hæreticum, vel apostatam. Aliud autem erit, si Iudæus vel Saracenus idololatra factus fuerit: illum enim inquisitores punire non poterunt: cum aduersus hæreticos tantum iurisdicctio eis mandata sit: & ita ego cenfeo, quidquid alij putent. [Exod. 32. lib. 3. Reg. c. 18. & lib. 4. c. 10. lib. 2. Paralip. c. 15. & l. ex senatus cōsulto. de sicar. l. 1. & penul. C. de paga. Alber. in rub. de hæret. lib. 6. q. 2. num. c. gaudemus. de diuortijs.]

12 Postremo, aduersus idololatrias multa in sacris literis & sanctis doctoribus passim scripta sunt. Ac primum in lib. Sapientiae legitur: Infelices sunt, & inter mortuos spes illorum est, qui appella-
uerunt Deos opera manuum hominum, aurum, & argentum, artis inuentione, & similitudines animalium, aut lapide inutilem, opus manus antiquae, & caetera. Et Propheta regius inquit: Dij gentium daemones. Et Hierem. Si facit homo deos, ipsi autem non sunt dij. Et Paul. apost. Scimus quia nihil est idolum in mundo, & quod nullus est Deus nisi vnus. Et Baruch, & Petrus, & caeteri alia plurima in eam rem tradiderunt. Pretereo Cyprianum, Lactantium,

Athanasium, Cyrillum, Aug. & ingens agmen. [Sapient. c. 13. cum seq. Hiere. 20. & c. 16. & 1. Corin. 8. Baruch. vlti. Clemens lib. 5. recogniti. & alter Clemens Alex. lib. adhortatorio ad gentes. Cyprian. de idolorum vanit. & lib. de exhorta. marty. Nazian. oratione in sancta epiphaniarum lumina. Chrysost. lib. singulari contra Gentiles. Lactan. in priorib. libris diuina. insti. & ibidem Aug. de ciui. Dei. Tho. contra Gentil. plenius & melius Cyrillus, decem libris contra Iulianum. Pet. Crinitus. lib. 3. de honesta disciplina. cap. 14. & lib. 2 5. cap. 12. Iustinus martyr apolo. 2. pro christianis, & oratione parænetica ad Gentes. Philo lib. de decalogo.]

De imaginibus Titulus XXXIII.

S V M M A R I V M.

- 1 Imaginum vsus nouus non est, neque ab hominibus inuentus.
- 2 Imaginum vsus iam erat Moysi tempore.
- 3 Imaginum sanctarum vsus in euangelica lege vetustissimus est.
- 4 Imago Saluatoris nostri ab ipso Nicodemus facta est: & statua ad eius similitudinem a muliere profluvio laborante illi erecta memoratur.
- 5 Imaginem Christi, & sacratissimae matris eius, & principum apostolorum Lucas euangelistas depinxit.
- 6 Imaginum sanctarum vsus catholica ecclesia induxit, docuit, & seruauit.
- 7 Imaginum sanctarum vsus, quem commoda christianis hominibus importet.
- 8 Imagines sanctas colendas esse, & in templis collocandas septima synodus generalis precipit.
- 9 Imaginibus eadem veneratio exhibenda est, quam sanctis ipsis.
- 10 Imagines sanctorum dupliciter afficere

possunt eorum animos, qui eas inspicunt.

- 11 Imagines sanctorum improbandae non sunt, propter periculum quod heretici confingunt.
- 12 Imagine aliqua si populus abuteretur, aut periculum idololatriae immineret, quid faciendum esset.
- 13 Imagines deformes & profanae in templo Dei pingendae non sunt.
- 14 Imagines deorum & pseudoprophetarum confringi debent, & eorum templa diruenda, aut in alium vsus commutanda sunt.
- 15 Imagines deorum, & eorum templa, multi combusserunt in veteri testamento.
- 16 Imagines & templa deorum multi christiani olim diruerunt & combusserunt.
- 17 Imaginibus sanctis iniuriam inferens a quibuscumque puniri debet.
- 18 Imaginibus sanctis iniuriam faciens ab inquisitoribus puniendus est.

- 19 Imaginum sanctorum violatores & irrisores quia pena sint coercendi. puniendi sint a iudicibus ecclesiasticis.
- 20 Imaginum sanctorum irrisores quomodo 21 Imaginū sanctorum contemptores ab inquisitoribus quo pacto coercēdi sunt.

De imaginibus.

1



E. T. V. S. T. V. S. & impius error fuit quorundā hæreticorum, qui sanctorum imagines reprobare, & ab ecclesia pellere

frustra conati sunt: quos hæretici quoque huius temporis sequuntur. Xenaias quidam genere Persa, & fortuna seruus, peridoneus satanæ minister, primus, (o audacem animum, & os impudens) vocem illam euomit, Christi & eorum, qui illi placere, imagines venerandas non esse, vt Nicepho. in eccle. histo. est author. Verum hæc hæresis multis magnique concilijs iam olim damnata fuit: sed illo præcipue quod sub Adriano primo celebratum est, in cuius actione

2. memorantur plurimi sacri doctores, qui vsum imaginum ab ipsis apostolorum temporibus in ecclesia viguisse testantur, & eas esse venerandas & adorandas docent. Qui autem illic recensentur, hi sunt. Grego. Nisen. Basil. Chryso. Cyril. Arhanas. Ambrosius. & Hierony. quibus addo Eusebium, Socratem, Gregor. ac Damascē. qui asserit nos habere vsum imaginum ex traditione apostolorum. Est igitur imaginum vsus, nec nouus, neque humano ingenio inuentus: sed diuina & apostolica institutione introductus, ex veteris ac noui testamenti scripturis, apostolicis traditionibus, sanctorum patrum & conciliorum decretis, & omnium seculorum consuetudine & vsu approbatus: postremo plurimis maximis, verissimisque miraculis illustratus. [Eusebius lib. 7. eccle. histo. cap. 14. Socrat. lib. 6. tripart. cap. 41.

Grego. episto. 53. lib. 7. Damas. lib. 4. fid. orthodo. cap. 17. Pagninus Lucensis in Isagogis ad mysticos sacr. scriptu. sensus lib. 8. c. 16. Nicepho. lib. 16. c. 27. Linda lib. 3. Panopliæ euangelicæ cap. 23.]

2. Populus Hebræorum in idololatriam pronus admodum erat: sed nihilosecius Deus ipse Moysi præcepit, vt cum propiciatorio duos cherubim aureos faceret: quorum Paulus quoque meminit in epistola ad Hebræos. Et idē Moyses iussu Dei, serpentem æneum fecit: & in templo illo Salomonis imagines cherubim fuere. [Exod. 25. ad Hebræos 9. lib. 3. Reg. cap. 6.]

3. Vetusissimus quoque est imaginum vsus lata euangelicā lege. Nam Augustinus, Edessenorum princeps, desiderio Christi percussus, pictorem eximium ad eum misit, eique vt diligenter & accurate faciem eius in pictura effingeret, imaginemque pro desiderio illo sibi afferret, imperauit. Et ille quidem venit, atque in loco sublimiore stans, pingere Christi vultum, vt decebat, conabatur: cum vero cœptum opus non succederet (diuinus quippe splendor, & gratia in vultu eius coruscans impedimento erat) re ea cognita Saluator textum lineum petit, in eoque prius loto, faciem suā exprimit, & ad Augustinum mittit. Dicitur quoque Persarum rex, manu ingenioque promptum pictorem misisse, & per hunc feruenti dei desiderio, simul & ipsius Christi, & quæ cum diuino modo genuit, matris, quam celerrime imaginem depictam

etiam accepisse. Per eam autem imaginem Saluatoris Edeffa ciuitas contra vim Persarum seruata est: quemadmodum Nicepho. in ecclesiastica historia memorat lib. 2. ca. 7. & lib. 17. c. 16.

4 Insuper etiam Saluatoris effigiem ab ipso Nicodemo factam fuisse, diuus Athanasius lib. de passio. imagi. Christi testis locupletissimus est. Et mulier illa sanguinis profluuio laborans, quæ a Saluatore nostro curata est, in memoriam eius beneficii statuam Christi, pro ædium suarum foribus erexit: ad cuius statuæ pedes herba nascebatur, quæ aduersus omne genus morborum auxilium habuit præsentissimum. De qua loquens Euseb. inquit: Hanc statuam ad similitudinem vultus Iesu formatam esse tradebant: quæ permansit ad nostra vsque tempora, sicut ipsi oculis nostris inspeximus: & eius quoque semel atque iterum Nicepho. in eccl. histor. meminit. [Euseb. lib. 7. cap. 14. Nicepho. lib. 2. cap. 15. & lib. 10. c. 30.]

5 Et Lucas euangelista primus Christi, & eius sacratissimæ matris, atque item principum apostolorum effigiem pingendi arte adumbravit: & Pulcheria Augusta imaginem illam Dei genitricis habuit, quam diuus apostolus Lucas suis ipse manibus depinxit, illa adhuc viuente, & tabulam ipsam vidente, gratiamque a Deo illi formæ suæ immittere: vt a Nicephoro lib. 15. memoriæ proditum est. Ac Lucas quidē primus eas imagines accurate manibus suis depinxit: deinde vero ex veteribus alij quoque viri, pro eo atque par erat, veluti seruatores idem fecere: Ethnica quidem illi fortasse consuetudine ducti: sed ecclesia inde acceptum magis ac magis adauxit (prouidentia Dei curante, atque disponente) non modo effigies & statuas, verum etiam vestes,

baculos, & lectos sanctorum illorum virorum conseruans ad memoriam eorum sempiternam. [Hæc Nicephorus lib. 6. ecclesia. histo. cap. 16. & lib. 2. cap. 43. & lib. 14. cap. 2. & lib. 15. cap. 14.]

6 Præterea, Catholica & apostolica Christi ecclesia, columna & firmamentum veritatis, continua seculorum serie imaginum sanctarum vsum induxit, docuit, seruauit. Postremo maxima, plurima, vtilissimaque miracula, (quæ proculdubio signa sunt euidentia diuinæ voluntatis) imaginum sanctarum vsum semper & vbique illustriorem reddunt. Nemo enim est, qui nesciat in plurimis Christianorum templis, apud imagines Christi & sacratissimæ virginis, atque adeo multorum sanctorum virorum, magna quotidie miracula fieri. Vidi ego, vidit quin etiam vniuersa Hispania, Pusionem quendam, cuius lingua penitus fuerat a latronibus excisa, qui coram imagine illa sacratissimæ virginis (quæ in municipio Annislupi summa veneratione colitur) repente sine lingua, vsum lingue vsque eo accepit, vt eas quoque literas clarissime pronunciaret, quæ non nisi dentibus lingua percussis recte exprimi possunt. Sed id genus miraculorum pleni sunt libri historicorum veterum & nouorum. [Nicepho. lib. 14. cap. 46. & lib. 16. cap. 36. Marcellinus Comes in chronico. diuus Grego. lib. 3. dialogo. cap. 32. Victor lib. 3. de persecu. Vandalica. Iustinianus in. l. 1. c. de offi. præfe. præto. Africa.]

7 Imagines autem quam plures nobis vtilitates afferunt. Excitant enim & conseruant memoriam eorum, quæ a Christo & sanctis Dei hominibus gesta sunt. Eas præterea honoris causa ponimus, velut stimulos intuentium ad virtutem,

& vt in illis legat vulgus illiteratum, & aliquanto quam in scripturis efficacius, fortia facta, gloriososque triumphos & agones ducum nostrorum. Nam quod legentibus scriptura, hoc idiotis præstat pictura cernentibus. Accedit Salustius, qui in præfatione belli Iugurthini inquit: Sepe audiui ego Quintum Maximum, Publium Scipionem, præterea ciuitatis nostræ præclaros viros solitos dicere, cum maiorum imagines intuerentur, vehementissime animum sibi ad virtutem accendi: scilicet, non ceram illam, neque figuram, tantam vim in se habere, sed memoria rerum gestarum eam flammam egregijs viris in pectore crescere, neque prius sedari, quam virtus eorum famam atque gloriam adæquauerit. Et Plato dialog. 11. de legi. Deos non videmus quidem, sed eorum imagines fabricamus, easque licet inanimes dum honoramus, Deos ipsos existimamus ob id maxime nobis gratos & propitios fore. Imagines igitur ponuntur & fiunt in honorem & cultum Dei & sanctorum, in eruditionem populi, ad contemplationem, pietatem, & imitationem.

- 8 Inde illud est quod in septima synodo generali traditur his fere verbis: Si facimus hominum piorum similitudines, non tamen ea fiunt, vt adorentur vt dii: sed vt eas videntes, ad imitationem sanctorum illorum irriteremur: & quo mens per ea quæ conspicit sursum volet. Et mox: Omnibus manifestum est, cum audimus virilia & fortia sanctorum facta, constantiam fortitudinemque animorum illorum, nos beatificare & laudare. Quin etiam cum in diuinis scripturis sanctorum vitas legimus, cumq; in picturis easdem contemplamur, in memoriam reuocamus, quantopere in Deum feruore fuerint accensi. Nam

quæ oratio per auditum exhibet, hæc scriptura tacens per imitationem ostendit. Postremo in definitione eiusdem synodi, Patres his verbis concludunt: Sanctorum nostrorum, & diuinorum patrum doctrinæ insistentes, & catholice ecclesiæ, in qua Spiritus sanctus inhabitat, traditionem obseruantes, definimus cum omni diligentia & cura venerandas, & sanctas imagines in templis collocandas Dei, habendasque tum in sacris vasis & vestibus, tum in parietibus & tabulis, in ædibus priuatis, in vijs publicis: quo scilicet per hanc imaginum inspectionem, omnes qui contemplantur, ad prototyporum memoriam & recordationem & desiderium veniant: illisque salutationem, & honorariam adorationem exhibeant. Hæc ibi, & alia in eandem sententiâ plurima. In summa, imagines instruunt simplices, admonent sapientes, afficiunt omnes.

[Septima synodus actione. 4. cum seq. c. perlatum. de consecra. dist. 3. & octaua synodus generalis actione tertia. Brunus libro de Imaginibus cap. 19.]

- 9 Eadem autem veneratio exhibenda est imagini, quæ sanctis ipsis: honor siquidem imagini exhibitus ad prototypum refertur: & qui adorat imaginem, adorat & sanctum illum, cuius forma, & figura est imago. Quod Athanas. lib. 4. contra Arrianos aptissimo exemplo confirmat dicens: In imagine regis forma & species est, in rege vero ea quæ est in imagine, forma existit: impermutabilis autem est in imagine regis similitudo, ita vt qui imaginem inspexerit, ipsum quoque regem simul inspiciat: rursus, qui regem cõspicit, nouit eum esse, quem in imagine conspexerat, quando quidem autem ex eo quod similitudo nõ differt, volenti post imaginis inspectionem regem videre, recte dixerit imago, Ego

Ego in illo sum, & ille in me: & quod in me vides, vides & in illo. Accedit etiam Ioannes Chrysoſt. quadam oratione ſcribens, Qui iniuriam facit imagini, eum qui per imaginem repræſentatur, iniuria affeciffe intelligitur. Vnde & qui imaginem imperatoris violauit, non ſecus atque ſi imperatorem ipſum contumelia affeciſſet, punitur. Ex his igitur conſtat, eadem eſſe debere venerationē imaginis & prototypi: quod receptius quidem eſt a plerisque: quam uis nonnulli diſſentiant. [Chryſoſt. in oratione in Peluin. Conrad. Brunus. li. de imagin. c. 20. Martinus Ayala. lib. de diui. & eccl. tradi. titulo de imagi.]

10 Cæterum, duplex eſſe poteſt motus animæ in imaginem: prior, quo in ipſam imaginem fertur, & in ea ſiſtit, materiam tantum, aut formam conſiderans: ſcilicet, lignum, aut lapidem, argentum, aurum, vel picturam: Alter motus eſſe poteſt, contemplans imaginem, tanquam referentem & repræſentantem prototypum. Priori modo nulla debetur imagini reuerentia: imo idololatria eſſet, argentum, aut aurum, aliamque materiam, vel artis inuentio- nem adorare: poſteriori autem motu, ſanctas imagines adorare, iuſtum & piū eſt. Quem igitur imaginibus ſacris im- pendimus honorem, non tam ipſis im- pendimus picturis aut ſtatuīs, quā illis, quos nobis referunt. Illum, inquit ſanctus Gregorius, in toto corde diligis, cuius imaginem præ oculis habere deſideras. Nec nos ante imaginem, quaſi ante diuinitatem proſternimus, ſed illum adoramus, quem per imaginem, aut na- tum, aut paſſum, aut in celeſtis gloriæ throno reſidentem, recordamur.

11 Non ſunt ergo ſanctorum imagines improbandæ, quia hæretici ſuſpicentur, quosdam propter illas in idololatriam

incidere: neque enim tam rudis eſt populus Chriſtianus, vt ignoret modum, quo ſunt imagines adorandæ, neque ſi quiſpiam in hoc erraret, difficile eſſet, illum ab errore reuocare: neq; propter quorūdam abuſum (qui eſt Lutherano- rum, baculus arundineus) repudianda & condemnanda ſunt optima. Demū, qui imagines damnat, non modo in Deum, & in eccleſiam blaſphemus eſt, ſed contra omnem omnino rationem, & contra naturam pugnat. Nam cum uſus imaginum introductus ſit ad memoriam eorum, quorū imagines ſunt, naturam proſecto damnat, qui hunc modum cognoscendi per imagines, au- ferre conatur. Omnis enim cognitio noſtra in imagine & ſimilitudine ſit, neceſſeque eſt intelligentem phantaſmata ſpeculari: nec aliquid cognoscere poſſumus, niſi formata prius imagine in cognitiua facultate. Neque refert, an uilus externe moueatur per imaginem externam: an ſenſus interior & intelle- ctus per internam: cum utrobique ſit ea- dem ratio & modus cognoscendi, per modum uidelicet ſimilitudinis natura- lis inter imaginem & rem imaginatione comprehenſam. [Ariſto. lib. 2. de anima. Martin. Pererius Ayala. lib. de di- ui. & eccl. tradi. corollario de imagi- ni. ſanct. lib. 4. Reg. c. 18.]

12 Sicubi tamen periculum idololatriæ immineret, aut populus aliqua imagine abuteretur: tunc pontificis, vel prælati authoritate liceret imagines tollere, de- lere, aut frangere: idque ſine ſcandalo populi, & ſine offenſione ſanctorum ſa- ciendum eſſet. Quamobrem olim Eze- chias æneum ſerpentem, quem ex præ- cepto Domini Moyſes fecerat, confre- git: non quia malum erat ſerpentem il- lum habere, ſed quia videbat populum ſerpenti æneo diuinum honorem dare.

Quem-

quemadmodum Echius, Alfon. & Brunus tradunt: quibus illud addo, imagines deformes, turpes, inhonestas, & fabulosas, similiter auferendas esse. Vnde in sexta synodo generali, patres canonicum hunc condiderunt: Facile sensus corporei, quæ sua sunt in animum deriuant: picturas igitur oculorum præstigiatrices, siue in tabulis, siue alias propositas, & mētis corruptrices, & ad turpes voluptates incitatrices, sancimus, ut nullo modo in posterum pingantur: si quis autem hoc fecerit, excommunicatur. [can. 100. libro. 4. Reg. cap. 18. Bru. libr. de imagini. cap. 21.]

- 13 Cui confine est, quod in septima synodo generali a sanctis episcopis decretum est: ut tēpla nō nugacibus & vanis picturis ornentur, sed historijs veteris & noui testamenti: ut hi qui literas nesciunt, & sacram scripturam legere nequeunt, contemplatione picturæ in memoriam reducant, qui nam vero Deo per fortia facta seruierunt: atque in certamē excitentur, laudabilium facinorum, per quæ cum cælo terram illi commutauerunt. Et Plato dialo. 3. de repub. curandum esse ait, ne artifices mali moris simulachrum aliquod non bene castigatum, opus illiberale, deforme, & indecens faciant: ne in prauitatis imaginibus enutriti homines, tanquam noxio in gramine, multa paulatim pascentes, vnum aliquod maximum malū ignari in animo contrahant. Aristot. quoque lib. 7. polit. vetat, ne pueri turpes vel picturas, vel fabulas spectent: ad officium magistratuum pertinere docēs, ut nihil neque fictum, neque pictum sit, quod actiones turpes imitetur. Multo igitur magis episcopi prælati, & visitatores curare debent, ne quid tale in templis veri Dei fiat: sed ut illas tantum imagines populo proponi sinant, quæ sacræ sint,

non profanæ, veræ historiæ non fabulæ & somnia: non nugaces & vanæ, sed probatæ fidei: non turpes & lasciuæ, sed honestæ, & omnino tales, quæ instruant: non quæ decipiant, sed quæ intuitiū animos corroborent: non quæ emolliant, & a pietate auertant. [Septima synodo actio. 4. Arist. 7. politi. cap. vlti. Bru. lib. de imagi. cap. vlti. ac demum concilium Tridentinum sessione. 25.]

- 14 Idola quoque atque imagines Deorum & pseudoprophetarū confringi debent, & eorum templa diruenda sunt, aut in alium vsum commutanda. Quod in Exodo Deus ipse præcepit, dicens: Non adorabis Deos eorum, neque coles eos: non facies opera eorum, scilicet Amorharum, sed destrues eos, & confringes statuas eorum. Et iterum, de eisdē loquens inquit: Caue ne vnquam cum habitatoribus terræ illius iungas amicitias, quæ sint tibi in ruina: sed & aras eorum destrue, confringe statuas, lucos succide. Et in Deutero. Aras eorū subuertite, & confringite statuas, lucosque succidite, & sculptilia comburite. Et rursus ait: Subuertite omnia loca, in quibus coluerunt gentes, quas possessuri estis. Deos suos super montes excelso & colles, & subter omne lignū frondosum: dissipate aras eorum, & confringite statuas, lucos igne comburite, & idola comminuite, disperdite nomina eorum de locis illis. [Exod. 23. & 34. Deut. 7. & 12.]

- 15 Sic Rex Asa fecit rectum ante conspectum Domini, sicut David pater eius: & abstulit effœminatos de terra, purgauitque vniuersas sordes idolorum, quæ fecerant patres eius. Insuper & Maachā matrem suam amouit ne esset princeps in sacris Priapi, & in luco eius, quem consecrauerat: subuertitque specū eius, & con-

& confregit simulachrum turpissimū , & combussit in torrēte Cedron . Sic duces & milites Iheu ierunt in ciuitatem templi Baal, & protulerunt statuam de fano Baal, & combusserunt, & comminuerunt eam . Destruxerunt quoque ædem Baal, & fecerunt pro ea latrinas. Sic Ezechias dissipauit excelsa , & contriuit statuas, & succidit lucos, confregitq; serpentem æneum, quem fecerat Moyſes : si quidem vsque ad illud tempus filij Israel adolebant ei incensum. Sic deniq; Iosias cōbussit vasa Baal , & destruxit aras , & contriuit statuas idolorum , quemadmodū plenius in Reg. libris continetur. [3. Reg. 15. & 4. Reg. 10. & cap. 18. & 23.]

16 Prætereo Moysen, Daniele, & cæteros veteris testamenti patres, vt exempla quædam Christianorum hominum breuiter commemorare possim . Cum enim populi & ciuitates ad Christi cultum accederent, idolorū cultores, Deorum simulachra pretiosissima christianis tradiderunt , & quæ antea occulta erant, & solis sacerdotibus manifesta, facta sunt omnibus perspicua, atque vilissima: & statuæ, & imagines ex pretiosa confectæ materia, igne crematę sunt: & Aesculapij tēplum in Cilicia, & Veneris domus penitus euersa fuere. Et in Heliopoli circa Libanum, quidam diaconus, nomine Cyrillus, zelo diuino succensus, multa idola, quæ ibi adorabantur, contriuit, & igni cremauit. Et Theophilus Alexandrinam urbem idolorum errore purgauit, & a fundamentis eorum templa subuertit, & Serapim Aegyptiorum Deum, qui magnitudine sua terrebat conspicientes, igne cōbussit: & ad hunc modum, omnia vbique terra marique fana simulachrorum destructa fuerunt, vt in ecclesiastica historia Sozomenus, & Theoderitus autho-

res sunt. [Exod. 32. Daniel. vlti. & lib. 2. histor. tripar. cap. 20. lib. 6. cap. 15. lib. 9. cap. 28. Theodo. lib. 3. ecclesi. histo. cap. 7. & lib. 5. cap. 22.]

17 Si quis autem dixerit, aut commiserit aliquid contra sanctas imagines, puniri potest per iudices ordinarios ecclesiasticos, aut seculares: quia crimen hoc misti fori est, & a quolibet accusari, & a quocunque iudice ordinario coerceri debet. Publice enim interest res sacras, & religiosas inuiolatas esse: & quidquid in eas committitur, in omnium ferrur iniuriam. [l. 1. §. huius studij. de iustitia & iur. l. Manichæos. C. de hæretic. Ioan. de Ana. in cap. 2. de maled. nume. 14. Felin. in cap. postulasti. de Iud. & in cap. cū sit generale. de for. comp. Hippol. in l. ex senatus cōsulto. de ficiarijs.]

18 Et quamuis crimen hoc hæresis consummata non sit, nisi forte accesserit error in fide pertinax contra doctrinam ecclesiæ, vt supra disseruimus: inquisitores tamen de his criminibus cognoscere solent, propter suspicionem hæresis, quam prima fronte præ se ferunt. Non enim est verisimile, vt is qui rectā fidē habeat, perpetrare audeat talia crimina: neque est in hoc facinore quippiam quod allicere, aut mouere queat voluntatem in imaginum sacrarum iniuriam, nisi pertinax error intellectus perperam sentientis de veneratione illarū. Nam peccata illa quæ natura obiecti non trahunt voluntatem, verisimile est, quod perpetrentur voluntate mota ab intellectu peccantis. Iure igitur cognoscūt inquisitores de his criminibus, præsertim postea quam pestiferi hæretici Lutherani & Sacramentarij damnatā iam olim Iconomachiam, superioribus annis ab inferis reuocarunt. [Matth. de Afflict. in prima constit. Siciliæ. q. 4. Alf. Caltr. li. 1. de iusta hereti. puni. c. 1.]

19 Poena eorum, qui sacras imagines frangunt, conspurcant, irrident, aut quomodo eis sacrilegas manus afferunt, in æstimatione & arbitrio iudicis est: ita tamen ut ne quid grauius, aut remissius constituat, quam causa deposcit. Aliter tamen puniet iudex secularis, aliter ecclesiasticus: quia ille poena mortis punire potest, hic vero sine sanguinis effusione crimina coercere debet. Iudex igitur secularis, interdum poena capitis puniet, illum videlicet, qui sacram imaginem Christi, aut sanctæ crucis, aut beatissimæ virginis, insigni aliqua contumelia affecerit: interdum etiam sacrilegam manum amputabit, ut Angelo visum est: quod & regis legibus septipartitis contra plebeios constitutum est: sæpe etiam exilio, verberibus, aut poenis pecuniarijs, iuxta criminis qualitatem, utitur. Cæterum Epiphanijs verba præterire non possum, qui in septima synodo generali, huiusmodi orationem habuit: Quemadmodum despiciens imaginem imperatoris, non aliter castigatur, quam si ipsum imperatorem contumelia affecisset: cum tamen ipsa imago, præter lignum & colores nihil sit: eodem modo qui typum siue figuram alicuius ignominia afficit, in illum ipsum, quem typus repræsentat, iniurius est: quod quidem ipsa rerum natura repræsentat. Hoc etiam vniuersi mortales agnoscunt, patresque sanctos ita tradidisse norunt: & hi qui aliter docent, ecclesiæ catholicæ, imo naturæ rerum contradicunt. [l. nō contrahit. l. qui statuas. & l. famosi. in fine. ff. ad. l. Iulii. maiestat. & illic Angel. & Franc. Tigrin. Alexand. consil. 233. lib. 6. Ioan. de Anan. in. cap. 2. de maled.

Hippoly. in. l. ex senatusconsulto. de fidei. regia. l. 5. titul. 28. part. 7. Chrysost. in oratione in Peluim. & pluribus homilijs ad populum Antiochenum, & maxime homi. 20. Epiphan. in. 7. synodo. Tomo. 4. Brun. de. imagi. c. 20. Menochius, de arbitra. casu. 376.]

20 Iudices autem ecclesiastici punire item istos debent perpenso iudicio, & arbitrio recto: interdum grauius dura & ultrice sententia: quemadmodum Gregor. X. in concil. Lugdu. constituit. sæpe etiam publica poenitentia, vel ieiunijs, eleemosynis, & orationibus, vel multa pecuniaria, vel ictibus fustium. [l. respiciendum. de poen. c. 2. §. vlti. de offi. ordin. lib. 6. c. vniuersitatis. de sent. excom. & ibi Feli.]

21 Iisdem quoque poenis inquisitores uti possunt: sed hoc amplius ad eorum officium pertinet, ut scire laborent, si forte intellectus errore pertinaci facinora ista perpetrata sunt: quod si repperint, aut suspicati fuerint, non secus aduersus istos procedent, atque aduersus alios quoslibet hæreticos vel suspectos. Poterunt igitur inquisitores tormentis, ab iurisdictione, purgatione canonica, & alijs arbitrarijs poenis uti: pertinaces quoque atque impoenitentes curiæ seculari relinquare, sicuti suis locis a nobis singula differuntur. [Vide Hiero. aduersus Vigilantium, Echium in Enchiridio. cap. 16. Pighium. lib. 1. hiera. eccle. c. vlti. Alfons. lib. 8. aduersus hæreses verbo Imago. Bunderiū in compendio concertationis. tit. 29. Brunum, Aialā & cæteros supra commemoratos, & omnino Euthymium lib. 2. orthodoxæ fidei.]

De inquisitoribus apostolicis Tit. XXXIIII.

S V M M A R I V M.

- 1 **H**eretici & impij homines apud omnes nationes, & potissimū apud Athenienses seuerissime puniebantur.
- 2 Eumolpidarum munus.
- 3 Athenis ante bis mille annos fuerunt iudices violata religionis sacerdotes.
- 4 Inquisitorum apostolicorum munus.
- 5 Inquisitionem sanctam aduersus hereticos Ferdinandus & Isabella reges catholici in Hispaniam induxerunt.
- 6 Inquisitor generalis quis sit, & quod munus exerceat.
- 7 Consiliarios senatus sanctæ inquisitionis quis eligat, & eorum munus quod sit.
- 8 Carolus Magnus archanum concilium integerrimorum hominum sine promotione instituit.
- 9 Inquisitoris munus quibus committendum.
- 10 Inquisitores & iudices qua in virtute potissimum excellere oporteat.
- 11 Inquisitoris officio functurus, vt Clementis constitutione cauetur, quadragesimum annum attigisse debet.
- 12 Inquisitores, satis esse triginta annos esse natos, Pontificis max. generali decreto constitutum est.
- 13 Inquisitores apostolici i causarū cognitio ne parū distāt ab ordinarijs iudicibus.
- 14 Inquisitorum officium cur non finiatur morte Pontif. Max. a quo ipsi delegati sunt.
- 15 Inquisitores, si arduum aliquod negotium & difficile se obtulerit, ad senatum id referre debent.
- 16 Inquisitores sex horis quotidie sedeant in tribunali.
- 17 Inquisitores assidue eos libros legere tenentur, in quibus testimonia contra hereticos scribuntur.
- 18 Inquisitores, si inter ipsos aliqua contentio mota fuerit, eam occultare debent, & ad generalem inquisitorem referre.
- 19 Iudicium discordia quot incommodorum sit causa.
- 20 Inquisitor antiquus quomodo praferendus est, etiam si sit translatus ab vna prouincia in aliam.
- 21 Inquisitores consanguinei in eadem prouincia duo creandi non sunt.
- 22 Inquisitores quid sine episcopo, et episcopus sine inquisitoribus facere possint, & quid non.
- 23 Inquisitores vti possunt familiaribus armatis ad suam iurisdictionem tuendam.
- 24 Inquisitores, quorumcunque principum & magistratuum auxilium inuocare possunt.
- 25 Inquisitores, vel ambo simul, vel alter eorum separatim, inquirere possunt contra hereticos in tota prouincia sibi commissa.
- 26 Inquisitores prohibere possunt ne suspecti armis vtantur.
- 27 Armis vti generaliter cuicunque vetitum est.
- 28 Inquisitores, illos punire possunt, qui factis aut verbis ipsis iniuriam fecerint.
- 29 Inquisitores committere possunt uices suas.
- 30 Inquisitores cognoscere possunt ubi scandalum fuerit ortū ex aliqua questione catholica fidei.
- 31 Inquisitorum iurisdictionem nulla preuogatiua tollere potest.
- 32 Inquisitores quemcunque & cuiuscunque sit ordinis & dignitatis punire possunt, si in haresim inciderit.
- 33 Inquisitorum arbitrio multa relinquuntur, potissimum illa, quæ non inueniuntur iure, aut instructionibus definita.

- 34 Inquisitorum & aliorum iudicum arbitrio quid relinquatur.
- 35 Inquisitores quid facere debeant in negotijs grauioribus, quæ legibus comprehensa non sunt.
- 36 Inquisitores, in quos nequeant inquirere.
- 37 Inquisitor alter sine altero ad reorum capturam procedere non potest.
- 38 Inquisitores sine episcopo ordinario non possunt hæreticos duro & arcto carcere tradere, neque illos torquere, &c.
- 39 Inquisitores soli non possunt victos inedia cogere ad veritatem aperiendam.
- 40 Inquisitores præter alias pœnas quibus puniendi sunt, si hæreticos, vel suspectos non coerceant, & innocentes infamant, in sententiam maioris excommunicationis incurrunt.
- 41 Inquisitores munera ne accipiant.
- 42 Munera accipere quam sit periculosum iudicibus, probatur multorum sanctorum autoritatibus.
- 43 Iudicibus, regijs legibus vetitum est, ne esculentum aut poculentum quid accipiant.
- 34 Inquisitores, qui pecuniam extorquent, quomodo puniri soleant.
- 35 Inquisitores, qui dona accipiunt, quo pacto puniendi sint.
- 36 Inquisitores quid in memoria & ante oculos habere debeant.
- 37 Inquisitores relinquentes curiæ seculari quoscunque hæreticos pertinaces, non incidunt in irregularitatem.
- 38 Omnes iudices & magistratus tenentur obedire mandatis Illustrissimorum Card. generalis inquisitionis.

De inquisitoribus apostolicis.

1



M P I I homines, & hæretici, hostes reipublice perniciosissimi, summis cruciatibus atq; supplicijs ab omnibus fere nationibus

semper affecti sunt: id quod sub titulo de pœnis plenius exequemur. Apud Athenienses autem qui (vt in Atticis Pausanias est author) maiori studio, quam alij, res diuinas habuerunt: & qui Deorum cultu studioque religionis longe cæteras omnes ciuitates anteibant, non tantum Areopagite impios seuerissime puniebant, sed etiam causa violatæ religionis apud Eumolpidas agebatur, sicut in oratione aduersus Androuonem Demosthenes memorat.

2 Erant autem sacrificorum pars Eumolpide, ac Eleusinae sacra faciebant, & apud hos sæpe impietatis agebatur, qui volebant, quemadmodum Vlpianus rhetor Demosthenis interpres enarrat:

& veteres quidem Græci mysterium Eleusinum omnibus, quæ pietatis causa dijs suis offerebant, tanto esse augustius duxerunt, quanto Deos ipsos heroibus prætulerunt. Testis Pausanias lib. 10. de rebus Phocensiis. qui lib. 5. Eliacorum scripsit: Multa sane habet Græcia, quæ vel spectentur, vel audiantur cum admiratione: sed omnium accuratissime, diuinitus religione imbutis animis Eleusina initia, & Olympici ludi celebrantur.

3 Vnde illud obseruabis: in repub. Atheniensem, religiosissima quidem omnium & sapientissima (quod enim in oculo pupilla, in anima ratio, hoc Athenæ sunt in Græcia, vt ait Philo) ante bis mille annos fuisse iudices violatæ religionis sacerdotes: eosq; non qualescunq; sed optimorum maximorumq; mysteriorum: vt inde elucere possit origo quedam inquisitorum nostrorum. Sic etiam apud Romanos, cum de religione, deque sacrificijs dissensio erat, populus pontificem maximum consulabat:

sulebat: illudque perutile fore ratus est Numa Pōpilius, eius sacerdotij author, ne ius diuinū negligendo, patrios ritus, peregrinosque ascindendo, turbaretur. vt lib. 1. de sacerdotijs prodidit Fenestella. c. 8. Sed iā ad inquisitores veniamus.

4 Inquisitores apostolici, sunt iudices a Pontifice maximo delegati, quibus iure pontificio data est iurisdictio plena contra omnes hæreticos & apostatas. Eorū autem officium nō modo vtile est Christianæ reipub. sed etiam admodū necessarium: Quod quidem in Hispania indies magis magisque cōpertū habemus. Hoc enim officio sacrosancto, fides catholica pura, inuiolataque iam pridem apud nos custoditur. Quod, si pari diligentia, authoritate & potestate, in ceteris Christianorum regnis, prouincijsq; factum esset: alia profecto nunc foret Christianæ reipub. facies, quam quæ hodie in Germania, & alijs nationib. foedissima cernitur. Nā sicū primū Lutherus, Zuīnglius, Bucerus, aliaq; id genus pestifera monstra, sua venenata dogmata in vulgū spargere cōeperunt, ab inquisitoribus apostolicis cōprehensi combustiq; fuissent, non tam breui tēpore tot infortuniarū myriades istorū hæresibus infectæ periissent. Sic olim Arrius in Alexandria, vna scintilla fuit: sed quoniam nō statim oppressus est, totū orbē eius flamma populata est: adeo omne malū, vt nascens facile opprimitur, ita inueteratū, & robustius sit, & vix magno negotio extinguitur. [c. refecandę. 24. q. 3. Cicero. Philip. 5. Brun. li. 5. de leg. a. c. 18.]

5 Reges illi nostri, vere catholici, Fernāndus & Isabella, sanctā hāc inquisitionē aduersus omnes hæreticos authoritate Pontificis maximi, in Hispaniā induxerunt, & iudicij ordinē, quo etiam hodie vtimur, magna ex parte instituerunt: per omnes Hispaniarū prouincias locis op-

portunis inquisitores apostolicos dispoſuerunt, quibus vniuersa Hispania, cunctis hæresibus liberata quiescit. Sic olim Archadius, Honorius, Theodosius, simile quippiam fecisse memorię traditū est. Nam ad arcendos illicitos hæreticorū conuentus, lata lege instituerunt, vt in specula fidiſſimi quiq; constituerentur, qui & hæreticos cohibere possent, ac de prehenſos iudicijs offerret, seueriſſimū, secundū veteres sanctiones, & Deo supplicium daturus, & legibus: quemadmodum in codice Theodosiano sub titulo de his, qui super religione contendunt, plenius continetur. l. 6.

6 Caput autem & princeps huius sancti officij est inquisitor generalis, quem rex noster eligit, & Pontifex maximus approbat, eiq; plenissimam potestatem tribuit in causis hæreticorū. Ad huius officij pertinet, inquisitores & omnes alios ministros eligere; visitatores, ad inquisitorum prouincias mittere: cum pænitentibus & eorum filijs nonnunquā dispensare: ac de rebus grauiorib; deliberare.

7 Consiliarij senatus sanctę ac generalis inquisitionis, ab inquisitore generali nominantur, & a rege nostro eliguntur: & hi summā habent cognitionē & iurisdictionē. Eorū autē officij est, causas appellationū excutere, dissidia inquisitorū cōponere, crimina ministrorū punire, & cū inquisitore generali de rebus arduis cōsultare: ad summā, senatum supremū, iuxta Solonis legem, a Plurarcho in Solone relatam, speculatorem rerum omnium & legum custodem esse oportet.

8 Paul⁹ Aemilius de Carolo magno scribens lib. 3. inquit: Sanctius arcanumq; delectissimorum integerrimorumq; virorū conciliū sine prouocatione institutum, delectiq; pari sanctitate, velut speculatores, qui ceteris omnibus ignaris, oppida vicofq; ac cōciliabula circumi-

rent moreſq; & dicta cuiuſq; factaq; notarent, ac quécunq; perditæ religionis reuerſi incōcilio coarguiſſent ſi ne interceſſione, primo quoque tēpore, vbi cunq; comprehendī poſſet, necaretur. Nemi- ni ſua dignitas ſuffragabatur: ſummi infimique prius laqueo ſuſpenſi conſpiebantur, quam rei fuiſſe audiebātur: iudices ſpeculatoresque rem totam, no- taſque, quibus reus coargueretur, tam ſanctē occulere, vt cum Carolo Augu- ſto deſuncto, idem inſtitutum viueret, nullis vnquam minis, nullo malo addu- ci potuerint vt enunciarent.

9 Ad hoc autem munus, tam ſanctum & venerandum, non quilibet ſunt eli- gendi: ſed viri probitate, & prudentia præditi. Oportet enim, vt Plato inquit, eos qui recte magiſtratū accepturi ſunt, ab adoleſcētia probatos fuiſſe, tam ip- ſos, quam ſuos vſque ad ipſam electio- nem. Et lib. 1. de repub. Qui magi- ſtratum gerere debent, probi electique ſint: Nam vt oculi propria virtute pri- uati, male vident: ita anima propria virtute deſtituta, male ſuum opus per- agit. Neceſſe eſt igitur, malam animā male imperare, atque curare: bonam vero hæc omnia benefacere. Ariſto. quoque lib. 6. ethic. cap. 12. ait, Bonū niſi bono viro apparere nemini. Per- uertit enim iudicium vitioſitas, & exce- rat intellectum, efficitque vt circa prin- cipia rerum agendarum improbus ho- mo fallatur. Et Philo lib. de legat. ad Caium: Solet Deus bonis viris bona cō- ſilia, ſibi & reipub. commodā ſuggere re. [Plato. 6. de legib.]

10 Itaque omni virtute ornatos inquito- res eſſe oportet: quippe qui reorum nō iudices modo, ſed etiam curatores & pa- tres eſſe debeant: ſed inter virtutes om- nes iudiciis neceſſarias, prudētia obti- net principatum: virtus quidem occul-

tiſſima, ſalubribus intentā conſilijs, præ- terita, præſentia, & futura conſpiciens. Docet in Memnone Plato, neminem recte præſeſſe poſſe, niſi ſit prudens: & omnes animæ impetus, atq; omnes de- clinationes, ducente prudentia, ad bea- tudinem tendere, imprudentia verō ad contrarium. & Ariſto. lib. 6. ethic. c. 13. ait: Neque ſine prudentia quem- quam verē probitatis, neque ſine virtu- te prudentiæ nomen obtinere poſſe. Neque enim vlla poteſt eſſe iuſtitia ſine prudentia, ne aliæ quidem virtutes, ſed inuicem ſeſe coadiuuant, comitantes prudentiam. Et vt itidem Ariſt. inquit. lib. 3. politi. cap. 3. Virtutum ſola pru- dentia eſt imperium obtinētis propria. ſed de his alio loco pluribus.

11 Nemo inquisitoris officio fungi debet qui quadrageſimum annum nondum attigerit, vt Clementis conſtitutione ca- uetur, idq; rectiſſime: Maturitas enim ætatis, ad tam graue munus neceſſaria eſt: ætas autem quadraginta annorum (vt ait Dionyſ. lib. 2. Roman. antiqui- ta.) prudentiſſima eſt, & ſolidæ doctri- næ & experiētiæ tribuitur: quin etiam- mens & intellectus in pleriſq; maxime viget circa quinquageſimū annum au- thore Ariſto. lib. 7. politico. cap. 6. Mi- rum autem videri poteſt, quod in epi- ſcopo, qui ordinarius inquisitor eſt, ætas duntaxat triginta annorum exigi- tur, in apoſtolicis vero inquisitoribus requirantur anni quadraginta. Sed vt inquit Panor. Epiſcopi apud Papam in collegio Cardinalium promouētur, ſed inquiſitores creari ſolent, non tam ex- acte cauſa cognita: ideoque maturiores ætate eos lex eſſe voluit, quo intelli- gant omnes non temere in ſuſpectos de- hæreſi eſſe irrumpendum, ſed ſapienter & cum ſumma animi prudentia tractā- dum eſſe tale negotium. [c. cum in cun- ctis.

- etis. & illic Abbas. de electi. Corasius de sacerdotio, parte 3. cap. 3.]
- 12 Sed quia nonnunquam scientia & prudentia defectum ætatis supplet, Pontificis Max. generali decreto constitutum est, vt qui trigessimum annum attigerit, inquisitor apostolicus in Hispania esse queat. Neque id iniuria: nam Chrysost. in euangelium Marci, homil. vlti. inquit: Hominibus perfecta ætas triginta anni sunt. Et Theophylactus in Lucam cap. 3. Aetas triginta annorum perfectissima est, & illa homo, vel probus, vel improbus cognoscitur. [Clem. 2. de hæreti.]
- 13 Quamuis inquisitores apostolici, iudices delegati sint, in causarum tamen cognitione, atq; in plerisque alijs, parū distant ab ordinarijs iudicibus. [c. ne aliqui. cap. per hoc. de hæretic. lib. 6. & ibi interpretes. Anchar. & Collecta. in ca. ad abolendam. de hæret. & Gemini. conf. 54. Alciat. in ru. de off. ordi. nu. 19.]
- 14 Inde est, quod inquisitorum officium, non finitur morte Pōtificis Max. a quo delegati sunt, etiam si nondum iurisdictione delegata vsi fuerint: id enim iure singulari in fauorem fidei constitutum est. Qua ratione durat etiam eorum officium inquisitore generali mortuo, quamuis ab eo delegati esse videantur: & eo magis, quia sub hac forma delegatur: Committimus vobis vices nostras, donec specialiter illas ad nos duxerim⁹ reuocandas: quo casu, mortuo delegante, iurisdictione iudicis delegati durat. [c. si delegatus. de offi. delegat. lib. 6. cap. ne aliqui. & ibi doct. de hæreti. Nicolaus Arelata. de hæreti. nota. 4.]
- 15 Si quid arduum atque difficile contigerit in prouincia, inquisitores ad senatum ea referre debent: vt olim iudices Israel quidquid grauius erat, referebāt ad Moysen. [Exod. 18. & 4. instructio-
ne Toletana cap. 21.]
- 16 Sex horis quotidie sedent inquisitores in tribunali: & si quid inuenerint, quod ad inquisitores alterius prouincię pertinere possit, ad eos id mittant: & nuncio soluantur itineris expensæ ab eis inquisitoribus ad quos missus fuerit. [1. Titium & Mæuium. §. i. ff. de administ. tutorum. 4. instructione Toletana cap. 28. & 3. Valdolitana cap. 9.]
- 17 Præterea, inquisitores assidue legant eos libros, in quibus testimonia contra hæreticos scribuntur: vt ex his colligentes nomina reorum & scelera, de criminibus vniuscuiusq; seorsum cognoscāt: qua in re vt possunt opera promotoris fiscalis, & notariorum. De hoc autem visitatores nominatim inquirere debēt, & ad inquisitorem generalem referre, si forte inquisitores negligētes fuerint. [5. instruct. Hispalen. cap. 3.]
- 18 Summa ope niti debent inquisitores, vt amici sint & concordēs: si qua vero inter se contentio fuerit orta, eam occultent, & ad inquisitorem generalem referāt, vt causa cognita rem componat, & inter illos iudicet. [prima instr. Hispal. c. 26.]
- 19 Maxima quidem incommoda ex discordia iudicum oriri solent: nec maior pernicies esse potest reipub. quam dissidentium inter se magistratuum discordia: Dum enim quisq; ad suum tendit consilium, negotia publica pessum ire videas: & vt Grego. ait lib. 19. in Iob, Peruersæ mentes si semel ad studium contrarietatis eruperint, siue prauum, siue rectum quid a contradicentibus audiant, aduersus hoc responsionibus impugnant: quia cum persona per contrarietatem displicet, neque recta quæ protulerit placent. Illa quoq; præclara est Aristot. sententia: Magistratus si cōcordes

*Summum diuini ordinis
non habere in singulis
rebus, sed in generalibus
rebus, ut in q. de offi.
delegat. no. 18.*

- des sint, facile repub. moderaturos, discordibus vero plebē ipsā dominari.
- 20 Antiquior inquisitor p̄ferendus est etiam si translatus fuerit ab vna prouincia in aliam: nisi forte antiquior priuatus sit officio, & postea restitutus: vel sp̄ote ad certum tempus inquisitor esse desierit: quemadmodum quadam epistola inquisitoris generalis plenius continetur. [l. qui ad tempus. ff. de decurio. c. 1. de maior. & obediē.]
- 21 In eadem prouincia duo inquisitores consanguinei creandi non sunt, neque habere debent officialem aliquem in familiam aut familiarem. [2. instru. Hispal. cap. 1. & 4. Toletana. c. 12.]
- 22 Inquisitores sine episcopo inquirere possunt, & in ius vocare, & reos in carcerem mittere, & eos vincire compedibus & manicis ferreis: & eadem facere potest episcopus sine inquisitoribus. Sed episcopus & inquisitores simul cōuenire debent, vt puniant hæreticos, & apostatas, & eorum fautores, defensores & receptatores: & vt innocentes absoluant, & pœnitētes ad ecclesiā vnitatem admittant. [Clem. 1. §. 1. de hæreti. c. vt commissi. §. priuandi. de hære. lib. 6. cap. ad abolendam. eod. tit. lib. 5.]
- 23 Possunt inquisitores vti familiaribus armatis ad suam iurisdictionem tuendam: est enim necessarium (vt ait Aristotele. lib. 7. politi. cap. 8.) habere in rebus publicis arma, quibus & magistratibus parere inobedientes compellantur, & vis propulsetur externa. Nam qui reipub. p̄sunt, hos armis, tum ad tuendum imperium vt detrectātes coerceantur, tum ad vim, si quis iniuriam extrinsecus inferre conetur, propulsandam, instructos esse necesse est. [Clem. 2. §. vlti. de hæret. Lucas, in rub. c. de fabricen. lib. 11.]
- 24 Possunt præterea ignocare auxilium quorumcunque principum & magistratum, etiam tyrannorum & excommunicatorum: & testes trahere vltra duas dietas, & committere citationes, & alia acta iudicij: & conuocare clerum & populum, vt audiant sermonem de fide, & pœnam perpetui carceris temperare: & quoscunque iudices cōpellere, vt exhibeant acta contra hæreticos facta. [cap. p̄sidentes. c. vt officium. §. denique. c. vt cōmissi. de hære. lib. 6. glo. in Clem. nolentes. de hære. Cardi. in Clem. 1. §. quia. eo. tit. c. cum Bertholdus. de senten. & re iudi.]
- 25 Possunt quoque ambo inquisitores simul, & alter eorum separatim, inquirere contra hæreticos, in tota prouincia sibi commissa, & ius dicere possunt in qualibet eius parte, & executore absente possunt alium creare. [ca. vt officiū. de hæret. lib. 6. & illic Anchar. 3. instructi. Valleolit. cap. vlti.]
- 26 Possunt inquisitores prohibere, suspectos vti armis, idque magnis pœnis sancire: p̄sertim cū in eos tute inquiri nō potest. Nam omnibus magistratibus secundum ius potestatis suæ concessum est, iurisdictionem suam defendere pœnali iudicio. Et cui iurisdicō data est, ei quoque concessa ea esse videtur, sine quibus iurisdicō explicari non potuit. Postremo, quia inquisitores punire eos possunt, qui quoquomodo impediunt officium sanctæ inquisitionis. [l. 1. si quis ius dicen. non obtem. pe. l. 2. ff. de iurisd. cap. accusatus. §. vlti. cap. vt officium. §. compescendi. de hæret. lib. 6.]
- 27 Adde quod generaliter vetitum est, ne quispiam armis vtatur: & Thebis nulla priuatim erant arma, vt Diodorus Siculus lib. 5. retulit: satisq; constat cines Romanos arma priuatim nō habuisse: sed in Tarpeia rupe, aut in armilustrio fuisse condita: nam quoties exercitus deduc-

deducendus erat, inde accipiebantur arma: unde illud Lucani: iam rupes Tarpeia sonat. Et Spartianus ait, Vespasianum ex armilustrio arma legionibus permisisse: memoratque id Blondus li. 6. Romæ triumphantis. & Bartho. Marlianus lib. 5. de antiquæ Romæ Topographia cap. 4. [l. 1. ff. ad l. Iuli. de vi publica. auth. de armis. constitutio. 85.]

28 Poterunt quoque punire illos, qui factis aut verbis ausi fuerint ipsismet inquisitoribus iniuriam facere: ac tanto quidē id magis, quanto sanctius & venerabilius esse debet eorum officium, quam aliorum omnium iudicium. [cap. 1. de pœnis lib. 6. Zanchi. cap. 32.]

29 Item committere possunt vices suas, & propter valetudinem, & absentiam subdelegare queunt. [Clem. 1. §. porro. & Clem. 2. de hære. vbi notant glos. & Bonifac. nume. 30. & Gonsalus de hæretica prauita. q. 7. Zanchi. cap. 30.]

30 Possunt quoque inquisitores cognoscere vbi scâdalu fuerit ortum ex aliqua quæstione catholicæ fidei. Nam etsi nemo sit qui accuset, nihilominus tamē ex officio suo hi iudices inquirere possunt ad publicam animarum utilitatē. [cap. inter sollicitudines. de purga. cano. Ioan. Monac. Ioan. Andr. Domin. & Philip. Francus. in cap. vt officium. in princip. de hæret. lib. 6.]

31 Item possunt compellere fautorum hæredes, vt pœnam fautoribus impositam ex bonis eorum soluant: nisi forte fautores decesserint, priusquam pœnitentia fuerit illis iniuncta. Demum procedere possunt contra quoscunque apostatas, hæreticos, & suspectos, etiam si multis magnisque priuilegijs, dignitatibus, aut exemptionibus illi muniti sint. Nulla enim prerogatiua cuiquam prodesse potest, vt a iurisdictione inquisitorum eximatur. [ca. accusatus. §. seculares. de hæ

ret. lib. 6. cap. excommunicamus. §. credentes. in fine. c. sicut. c. ad abolendam. §. vlti. eod. tit. lib. 5. & illic Lapis, Anch. Ioan. de Ana. & cæteri.]

32 Itaque quicumque in hæresim incidit, puniri potest ab inquisitoribus, siue laicus ille sit, siue clericus, siue monachus cuiuslibet ordinis, instituti, aut religionis: siue nobilis, siue ignobilis: siue liber sit, siue seruus. Etenim sapienter admodū Theophylactus ait, Nullā esse cuiusquam dignitatis habendam rationem, vbi de dogmatibus ipsis, & fide agitur. Quam ob causam superioribus annis declaratum fuit a rege nostro Carolo maximo, vt milites sancti Iacobi, si forte hæretici fuerint, exempti non sint a iurisdictione ordinaria, neque ab inquisitorum iurisdictione: quod eadē omnino ratione seruandum erit in militibus sancti Ioannis, & aliarum militiarum. Consulendus tamen est inquisitor generalis, & res ad senatum referenda est, priusquam religiosi, aut egregie personæ ab inquisitoribus mittantur in carcerem: vt quodam senatusconsulto plenius continetur: quod mea quidem sententia expectandum non est, cum reus fugere vellet, aut periculum est in mora. [Theophyla. in episto. ad Gala. c. 1. concordia cum militibus sancti Iacobi anno domini 1527. Petr. de Anchar. in cap. vt officium. de hæret. lib. 6. l. ait prætor. §. si debitorē. quæ in fraud. cred. Alexan. consi. 64. li. 3. Decius consi. 75. & l. 1. de dam. infæ. & ibi Franc. Rip. nu. 4. Ioannes Igne. in l. hæres qui. ad Sillan. Hippol. in practica. §. constante.]

33 Multa præterea inquisitorum arbitrio relinquuntur: sed illa potissimum, quæ non inueniuntur iure, aut instructionibus definita. Quod & in alijs quibuscunque iudicijs iure constitutum est. Nam ea quæ legibus non sunt expresse sancita,

sancita, necesse est vt iudicum arbitrio relinquuntur. [1. instr. Hisspal. cap. 28. l. 1. de iure delib. l. 1. de effraeto. & expilato. Decius in. ca. de causis. de offi. deleg. Hippo. in. l. de minore. de quaesti. Tiraq. in. l. si vnquam. C. de reuocan. donat. glo. omnia. nu. 30. Menochius de arbitrarijs copiosissime.]

- 34 Cæterum inquisitorum, & aliorum omnium iudicum arbitrio, leuiores tantum relicta sunt, & illa etiam quæ legibus comprehendere impossibile est. Nam vt est apud Platonē, Grauiora legibus definienda sunt, non autem arbitrio iudicis relinquenda. Quod Arist. quoque docet pluribus rationibus additis: Maxime, inquit, conuenit, vt quæ recte positæ sunt leges, cuncta ipsæ explicent, quæ explicari queant, & quam minima iudicibus relinquāt. Primum, quia vnum, aut paucos prudentes, qui leges ferre possint, aut iudicare, facilius est inuenire, quam multos: deinde, quoniam longi temporis consideratione leges feruntur, iudicia breuissime consiciuntur; difficile est, vt bene a iudicibus iustum & cōducibile distribuatur. Illud aut omnium maximum est, quod legislatoris iudiciū, nō de singulis, neq; de præsentibus, sed de vniuersalibus, & de futuris est: senator vero & iudex de præsentibus iā determinatisq; iudicant. Vnde fit, vt cum ament & oderint, sua quoque vtilitas connexa sit, non satis queant veritatem perspicere: sed propria vel voluptas, vel dolor iudicia sua obūmbret. Quare minimam cæterarum rerum potestatem iudici tribuendam dicimus. Factum vero esse, aut non factum, & fore, aut non fore: esse quoque, vel non esse: hæc omnia cum non possit legislator prouidere, iudicibus relinquenda necessario sunt. [Plato. 9. de legib. Aristor. lib. 1. rhetor. cap. 1. & li.

3. Politi. cap. 11.]

- 35 Inquisitores igitur grauiora negotia legibus non comprehensa, arbitrio suo definire non possunt: sed inquisitorem generalem & senatum de illis causis cōfulere debent. Neque in his rebus, quæ arbitrio eorum relinquuntur, pro voluntate aut libidine, sed secundum iura & leges iudicare queunt. Neque suam ipsorum conscientiam sequi possunt, nisi legibus vndiq; sit informata. Adde, quod magis periculosa esse possunt horum iudicia, quam aliorum iudicia: quia cum de salute spirituali & conuersione reorum potissime tractent, conscientias tamen eorū de quibus iudicāt, vt August. inquit, cernere nequeunt. Mitius igitur & cautius in omnibus eos agere oportet. [2. instr. Hisspal. cap. vlt. l. illicitas. §. veritas. de officio præsid. Aug. lib. 19. de ciuitate Dei cap. 6.]
- 36 Sunt autem aliqua inquisitoribus prohibita, breuiter iam commemoranda. Primū, ne in episcopos, vel superiores prælatos inquirant, nisi hoc fuerit illis expresse commissum. Deinde prohibetur eis, ne aduersus nuntios, vel alios officiales apostolicæ sedis procedant insciente Papa: sed possunt examinare testes, vt Papam consulant, alioqui eis non crederetur. [c. inquisitores. de here. lib. 6. extrauag. cum Mattheus. eod. tit.]
- 37 Neque potest alter inquisitor sine altero procedere ad capturam reorum: neque ad purgationem indicendam: neque ad publicationem testimoniorū: neque ad copiam actorum reo dādam. Alia vero leuiores ab altero tantum inquisitore peragi possunt. Hoc tamen seruandum est, cum ambo inquisitores præsentibus sunt: nam altero absente, alter solus ea omnia facere potest, conuocatis peritis vbi opus fuerit. [4. instr. Tol. cap. 1.]

- 38 Ad hæc, inquisitores sine episcopo ordinario, aut eius vicem gerente, aut sine delegato capituli sede vacante, nequeunt hæreticos duro & arcto carceri tradere: neque illos torquere, neque sententias proferre. Quod si secus factum fuerit, irritum est ipso iure: nisi forte intra octo dies postquam episcopus, aut capitulum sede vacante fuerint requisiti, legatum, aut vicem gerentem mittere noluerint. Nam etsi absentes sint, possunt tamen per literas vices suas committere. Sed quidam putant, posse inquisitores sine ordinario torquere testes, quamvis reos ipsos torquere ordinario iñcio nequeant. [Clem. 1. §. duro. de hæreti. Et illic Ioan. de Imola, & Cardina. quæst. 3.]
- 39 Nec possunt inquisitores inedia cogere vinctos ad reuelandam veritatem, nisi cum episcopo simul, vel delegatis: quia hæc species magni tormēti est, nec possunt hæreticos damnatos restituere in integrum. [glo. in dict. §. duro. & inibi Paul. Cardin. Ioan. Imol. & Bonif. adde Tiraq. de retra. municipali. §. 26. gl. 1. nu. 21. Zanchi. cap. 38.]
- 40 Præterea, inquisitores, qui hæreticos, vel suspectos non coercent, & qui innocentes infamant, præter alias pœnas, quibus pro mensura criminis puniendi sunt, in sententiam quoque maioris excommunicationis incurrunt, & absolui ab alio nequeunt, quam ab ipso Papa, præterquam in mortis articulo: quo casu satisfactionem prius offerre debent. Ab hac tamen pœna immunes sunt inquisitores, qui propter aliquam iustam, & probabilem causam hæc fecerint, aut omiserint. [Clemen. 1. §. verum. de hæret. & ibid. glo. & cardi. §. ult. quæst. 5. Caiet. in summa, verbo, excommunicatione. cap. 3.]
- 41 Inquisitores ne accipiant munera, ut enim in Exodo legitur: Munera etiam prudentes excæcant, & subuertunt verba iustorum. Et in Deutero. Non accipies personam, neque munera, quia munera excæcant oculos sapientum, & mutant verba iustorum. Et in Ecclesiastico: Xenia & dona excæcant oculos iudicum, & quasi mutus in ore auertit cor reptiones eorum. Et libro 1. Reg. Filij Samuel acceperunt munera, & peruerterunt iudicium. [Exod. 23. Deutero. 16. Eccles. 20. lib. 1. Reg. cap. 8.]
- 42 Multa præterea in eandem sententiã sacri doctores frequenter inculcant. Nazianze. oratio. 23. Est aurum tyrannus occultus, qui nunc ut plurimum res peruertit humanas, atq; eis illudit. Ambro. in priorem Pauli epistolam ad Corinth. Libertatem arguendi amittit, & peccat, qui ab eo accipit, qui ideo dat ne corrigatur. Et Leo magnus sermo. 9. de passi. dom. Nullum est in illo corde iustitiæ vestigium, in quo sibi auaritia fecit habitaculum. Prætereo Chrysost. Isidorum, Platonem, Demosthenem, & innumerabiles alios. [Chrysost. in Ioan. homil. 64. cap. Pauper. 11. quæstio. 3. Plato lib. 12. de legib. Demosthen. oratione de pace. & Philippi. 3. & oratione de falsa legatione. Cicero lib. 2. offi. & quæ ipse collegi lib. 6. de republica, cap. 3. & 4.]
- 43 Quamuis legibus Romanis permitteretur iudicibus, esculentum & poculentum accipere, quod intra dies proximos prodigeretur, & pontificio iure id ipsum quoque liceret iudicibus delegatis: legibus tamen regijs vetitum est, & magnis pœnis sancitum, ne iudices dona, esculenta, vel poculenta accipiant. [1. solet. de offi. procons. l. plebi. scito. de offi. præsid. cap. statutum. & insuper. de rescri. li. 6. l. 7. cum sequitu. 15. lib. 2. ordin.]
- 44 Inquisitores qui pecuniam extorquunt,

in sententiam excommunicationis ipso facto incurrunt: & absolui non possunt, nisi ablata restituant. Conuicti autem de hoc crimine, officio priuandi sunt, & pro modo criminis puniendi: & officiales hoc indicare debent. [Clem. 1. §. verum. & Clem. 2. de hæret.]

45 Sed hoc amplius est additum instructionibus nostris, vt inquisitores, qui dona acceperint, in sententiam excommunicationis incurrant, & officio priuentur, & duplum reddant: idque etiã si ab officialibus dona acceperint: quin imo, qui id commiserint, decem milibus nummis præterea multentur. Et officiales qui hoc non retexerint, eisdẽ poenis afficiantur. [prima instructi. Hispal. cap. 25. & instru. 2. c. 1. & instru. 4. cap. 15.]

46 Postremo, inquisitores meminerint semper eorum, quæ Iosaphat rex Iuda præcepit iudicibus, dicens: Videte quid faciatis: non tantum hominis exercetis iudicium, sed Domini: & quodcunque iudicaueritis, in vos redundabit: sit timor Domini vobiscum, & cum diligentia cuncta facite. Et vt iam ante dixi, inquisitores non tantum iudices, sed etiam curatores & patres reorum esse debent. Plus erga corrigendos agat beneuolentia, quam seueritas, vt ait Leo: plus exhortatio, quam comminatio: plus charitas, quam potestas. Et iuxta Gregorij dictũ: Sit amor, sed non emollius: sit rigor, sed non exasperans: sit

zelus, sed non immoderate sæuens: sit pietas, sed non plusquam expedit parcens: ad summum sint inquisitores in rebus inquirendis diligentes & cauti: in puniendis pertinacibus, constantes & seueri: in recipiendis poenitentibus, clementes & benigni: denique in rebus omnibus prudentes & iusti. [2. Paralip. cap. 19. Leo. epist. 82. Gregor. lib. 20. in lob. cap. 6. c. licet. cap. disciplina. 45. distin. cap. iudicantem. 30. quæst. 5. 1. l. de iudicijs. C. Theodosi.]

47 Tum illud addo, quod inquisitores relinquentes curiẽ seculari quoscumque hæreticos pertinaces, non incidunt in irregularitatem: quia Pontificis Max. & legum autoritate hoc faciunt: idque est præcipuum eorum munus. Neque opus est protestatione, aut aliqua intercessione, vt ab irregularitate liberentur: quia id nullo iure cauetur: quamuis ecclesiasticam mansuetudinem deceat, pro istis intercedere. [Specu. titu. de iud. dele. §. iuxta. Archi. in summa. 23. q. 8. Maria. Socin. in. cap. ad audientiam. de homici. nume. 57. Couar. in Clem. si furiosus. de homicidio. part. 2. §. 5.]

48 Omnes iudices & magistratus tenentur obedire mandatis illustrissimorum Cardinalium generalis inquisitionis in his, quæ ad eorũ sanctum officiũ pertinent: & omnes reges & principes debent eis & eorum officialibus fauere & auxiliũ præbere, sicuti Pius V. cõstituit: cuius præceptũ in fine huius operis cõtinetur.

De Iudais Titulus XXXV.

S V M M A R I V M.

1 Iudæorum cecitas.

2 Iudæorum obstinationem & cecitatem, quibus verbis patres nostri decreto quodam Toletano execrentur.

3 Iudæi falsa & vana spe perpetuo torquentur.

4 Iudæorum perfidia veteris instrumenti testimonijs conuincitur.

5 Iudæi

- 3 Iudæi cur tolerentur in nonnullis prouincijs, & quid in eos in concilio quodam Toletano sancitum sit, eo quod in Hispaniarum regem olim cōspirauerint.
- 6 Iudæi an iuste expelli possint ex Christianorum prouincijs.
- 7 Iudæos iure optimo reges catholici ab Hispania expulerunt, pœna indicta, ne amplius ad eam reuerterentur.
- 8 Iudæorū expulsiois ab Hispania elegāter meminit Ioan. Picus Mirādule comes.
- 9 Iudæorum qui ab Hispania pulsi sunt numerus. Et quid olim sexto cōcilio Toletano decretum sit, de non permittendis Iudæis, Mauris, & alijs huiusmodi, in Hispania degere.
- 10 Iudæi, cum baptizati non sint, hæretici vel apostata dici non possunt.
- 11 Iudæi, nisi hæreticos receptauerint, aut inquisitorum officium impedierint, ab inquisitoribus puniri nequeunt.
- 12 Iudæus baptizatus si ad iudaicam superstitionem redierit, puniri potest ab inquisitoribus.
- 13 Iudæi cogendi non sunt ad fidem catholicam suscipiendam.
- 14 Iudæis Christianas uxores aut concubinas habere non licet.
- 15 Iudæorum ritibus nemo se addicit, nisi qui ex Iudæis descendit.
- 16 Iudæorum superstitiones multi authores Christiani & ethnici irrident.

De Iudæis.



IN vmbra veteris legis stupidissima cecitate sedentes Iudæi, perinde ac vespertiones & noctuæ, lucis Euangelicæ fugiunt splendorem: & iustitiæ solem, Christum Deum nostrum, synceræ fidei oculis intueri non possunt. Etenim, vt Apostolus ait, Dedit illis Deus spiritum compunctionis: oculos, vt non videant: & aures, vt non audiant, vsque ad hodiernum diem. Sunt plane illis vsque hodie manus plenæ Christi sanguine: nempe consentientibus maiorum suorum parricidio, & Christum dominum blasphemantibus: quibus miscuit Deus spiritum sceleris, in tanti sceleris retributionem: factaque est ipsis scriptura sancta in captionem, in scandalum, & in iudicium proprium. Obtrusi sunt sensus eorum, & velamen, quod ponebat Moyses super faciem suam, id ipsum positum est super cor eorum, & manet illis in lætatio

ne veteris testamenti non reuelatum, quoniam in Christo euacuatur. [ad Roman. 11. & 2. Cor. 13.]

- 2 Extat patrum nostrorum aduersus Iudæos hoc decretum Toletanum: Licet in condemnationem perfidiæ Iudæorū numerosæ antiquorum patrum sententiæ ac leges promulgatæ nitescent: tamen quia vt prophetale vaticinium narrat, peccatum Iudææ scriptum est stylo ferreo in vngue adamantino, super petram duriores effecti in obstinationis suæ cæcitate perdurant. Omnia quidem elementa Christum verum Deum esse cognouerunt, & perpersionis suæ tempore mirabilibus signis id ipsum ostenderunt: Iudæi vero (vt beatus Cyprianus, Leo magnus, & Gregorius Papa eleganter aiunt) Messiam, quem patres eorum expectauerunt, & prophetae clarissime prædixerunt, cognoscere noluerunt. Tanta est Iudæorum cecitas, tanta perfidia. [Hier. 17. cōcilio. Tolet. 16. c. 1. Cyprian. serm. de resurrect. Christi, Leo ser. 17. de passi. Dñi. Greg. super euan. homi. 10.]

3 Dormiunt quidem isti, somniantque vigilantes, aduentumque Messiae quotidie sperantes, falsis diuinationibus & fallacibus prophetiis tertio quoque anno illuduntur insanissime: nec tandem aliquando resipiscere volunt sepiissime decepti. Spes quippe, ut Basilii ait, nihil aliud esse videtur, quam somnium hominis vigilantis. Et ante illum, Pindarus, spem dicebat esse vigilantium somnia. Hac vana & falsa Iudaei perpetuo torquentur & nutant. Nam spes quae differtur, affligit animam: & sicuti Mantuanus inquit.

Spes longa dolor. Et

Expectare diu labor est, & pondus iniquum.

Et ut ait Fabius. Nihil grauius quam destitutae spes torquent. Qua vel sola ratione, non infacere superioribus annis dicebat quidam, se nunquam Iudaeum futurum. [Ioan. 1. & 4. Nicepho. lib. 14. ecclesi. histo. cap. 40. Basilii. epist. 17. Prouer. 13. Fab. decla. 12.]

4 Multa sunt euidentissima testimonia scripturae sacrae, quibus perfidia Iudeorum planissime confutatur. Sed ut mittam apostolorum & euangelistarum scripta, quibus isti miseri & miserabiles credere nolunt, vnum aut alterum ex innumeris veteris testamenti locis aduersus illos adducere placuit: quos nulla tergiuersatione, nulla callida interpretatione subuertere, aut vitare poterunt. Prior locus est in prophetia illa morientis Iacob, cuius haec sunt verba: Non auferetur sceptrum de Iuda, & dux de femore eius, donec veniat qui mittendus est, & ipse erit expectatio gentium. Quod nemo non intelligit in aduentu Christi fuisse completum: nec enim sceptrum, nec dux fuit eo tempore in Iuda, ut eleganter docet Aug. lib. 12. contra Faustum. & Nicepho. lib. 1.

ecclesi. histo. c. 6. & 9. & rerum euidentia id ipsum perspicuum factum est. Posterior locus est in hebdomadibus Danielis, ubi tempus ipsum veri Messiae Christi Dei nostri, subobscurae prima fronte, sed tamen certissime assignatum, ac pene digito ostensum est: quemadmodum ibidem diuus Hieron. & plerique alij subinde alibi docent. Pretereo sciens Esaiam, & reliquos omnes prophetas, quorum vaticinia manifestissime veritatem eandem vno ore consentiunt. [Genes. 49. Dani. 9. Esai. 53. August. lib. 12. contra Faust. cap. 42. Chryso. oratio. 2. aduersus Iudaeos. Clemens Alexan. lib. 1. Stromatum, verus finem.]

5 Tolerantur Iudei in nonnullis prouincijs, propterea quod magna tributa pendunt: diuina quoque prouidentia facit, ne funditus extirpentur: ut hostes etiam & inimici nostri testes sint certae fidei & integritatis scripturarum nostrarum: qui per vniuersum orbem dispersi, veteris testamenti codices proferentes, testimonio nobis sunt, scripturas integras apud nos haberi: quas illi magna diligentia seruant, ad suum iudicium & condemnationem. Sunt autem Iudaei cunctis nationibus inuisi, apud omnes abiecti, irrisi, oppressi, & infames: neque iniuria, quippe cum superstitionibus, usuris, & seditionibus omnia inficere ac perturbare soleant. Et quamuis timidissimi sint, ausi tamen olim fuerunt contra regem Hispaniarum conspirare: quamobrem in seruitutem redacti sunt, ad quam reuocari debent, qui libertate superbiunt. Contra illos itaque in concilio quodam Toletano huiusmodi decretum extat: Quoniam Iudaeorum perfidia, non solum tunicam sacri baptismatis Christiani, quam susceperat, maculauit, sed etiam contra regem, regnumque

gnumque conspirare ausi sunt: suis omnibus rebus nudati, tam eorum perfidorum personæ, quam vxores eorum, ac filiorum & reliquæ posteritatis per cunctas Hispaniarum prouincias seruituti subiaceant perpetuæ, maneatque vsq; quaque dispersæ: illique qui eisdem ludæos in seruitutem acceperint, in nullo eos permittant rituum suorum cæremōnias celebrare, aut colere. [17. concilio Tolera. c. 8. Alex. Ales. 2. p. q. 179.]

6 Quæri autem solet, an ludæi expelli iuste possint ex christianorum prouincijs. Quod quidem multis magnisque rationibus iam pridem obtinuit, ne perfidia sua noceant catholicis, & peccare eos faciant, aut certe illis fiant in scandalum. Etenim eam retributionem ludæi solent impendere, quam mus in pera, serpens in gremio, & ignis in sinu, suis consueuerunt hospitibus exhibere. Sicut Innocen. 111. archiepiscopo Senonens. scite admodum scripsit. Sic tamen expellendi sunt, vt accepto prius deliberandi spatio, vel discedere possint, vel eandem cum ciuibus religionē amplecti: sicuti prudenter Hermas Letematus inquit. Et tertio imperij sui anno Iustinianus promulgauit legem, vt in iurisdictione sua non essent pagani neq; hæretici, nisi soli Orthodoxi Christiani, datis illis inducijs vsque ad menses tres ad conuersionem. Author Paul. diacon. lib. 16. rerum Roman. [Exod. 23. in fin. c. & si Iudæos, de Iudæis. Oldr. conf. 87. & conf. 264. Socin. conf. 86. lib. 4. Corset. de potesta. Reg. quæst. 81. Alber. in rub. de hæret. lib. 6. quæst. 7. Hermas lib. 2. de instaur. religio. cap. 12.]

7 Igitur iure quam optimo expulsi fuere Iudæi tota Hispania legibus regum catholicorum Fernandi & Isabellæ: quibus longa sapientum consultatione præ-

missa concessum fuit quadrimestre spatium, intra quod possent conuerti ad fidem catholicam, vel bonis suis omnibus veditis ab Hispania discedere: quo tempore lapso, qui in sua perfidia perstiterunt, coacti sunt abire cum vxoribus, filijs, seruis, familiaribus, & rebus suis: & ventum illis fuit, ne vnquam in Hispaniam redirent: in qua si deinceps reperti essent, pœna mortis & publicationis bonorum statim ob eam rem punirentur. Cautum præterea legibus pragmaticis est, vt nullus ludæus ingrediatur Hispaniam quouis quæsito colore: eadem pœna mortis & confiscationis bonorum in eos exequenda, qui in Hispania comprehensi fuerint: & vt nihil eis prosit, si forte dixerint, se velle ad fidem conuerti, nisi in primo regni limite id ipsum fuerint publice protestati. Quod si quispiam Christianorum ludæos receptare conuictus fuerit, in pœnam publicationis bonorū omnium incurrat. [pragm. 5. data Granatæ anno Domini. 1492. & pragmat. 6. ibidem lata anno domini. 1499.]

8 Ioannes Picus Mirandulæ comes lib. 5. aduersus Astrologos huius memorabilis eiectionis eleganter meminit, his ipsis verbis: Non minoribus fere post ea tēpora calamitatibus gens Hebræorum obruta est, quam aut sub Tito, aut sub Adriano: pulsus nuper Iudæis omnibus ex tota Hispania a Christianissimo illo rege, nunquam certe satis laudato: vbi & numero, & diuitijs, & auctoritate plurimum poterant. Quae eiectione nihil vnquam fere vel tristius, vel acerbius passos, ipsi se non diffitentur. Ita multi naufragio, pestilentia quamplurimi, fame maxima pars eorū absumpti, vt nobis etiam Christianis in tanta calamitate, in qua diuinæ iustitiæ gloria delectabatur, homines tamē extrema

ma adeo patientes commiserationem facerent & dolorem. c. 12.

- 9 Tunc autem fuerunt ab Hispania pulsa quadringenta millia Iudæorum, vt Reuchlin, alijque testantur: qui si diutius crescere ac multiplicare permisi forent, non dubito quin totam fere Hispaniam, & perfidia infecissent, & vsuris spoliaffent. Sed melius res habet: nullus enim vel Iudæus, vel Maumetanus, vel alterius cuiuslibet sectæ aut hæresis, permixtus est exinde in Hispania commorari. Quod iam olim in sexto concilio Toletano maiores nostri decreuerant, hoc verborum tenore: Sanctum concilium simul & cum consensu Christianissimi principis suorumque optimatum, illustriumque virorum hanc promulgamus Deo placituram sententiam: vt quisquis succedentium temporum regni sortitus fuerit apicem, non ante conscendat regiam sedem, quam inter reliqua conditionum sacramenta pollicitus fuerit, nullum non catholicum permittere in suo regno degere. Si vero postquam ad regni gubernacula accesserit, ipse temerator huius extiterit promissi, sit anathema maranatha in conspectu sempiterni Dei: & pabulum efficiatur ignis æterni: similiter & omnes, qui cum eo consenserint. [Hec illi cano. 3. Alberti. in rub. de hæretic. lib. 6. quæst. 3. Lucius Marinus Siculus lib. 19.]

- 10 Cum igitur Dei gratia iam pridem Hispania liberata sit a Iudæorum superstitione: non opus est pluribus in hoc tractatu immorari. Adde quod Iudæi, cum baptizati non sint, nec fidem Christi professi, hæretici vel apostatæ dici non possunt, ac proinde inquisitorum iurisdictioni non subiacent: ecclesia namque de his, qui foris sunt, non iudicat: & inquisitoribus iurisdicção duntaxat

mandata est aduersus hæreticam prauitatem & apostasiam. [cap. filij. cum sequenti. de hæret. lib. 6. in superscriptionibus. & 1. Corin. 5. c. multi. 2. q. 1. cap. gaudemus. de diuortijs.]

- 11 Neque audiendi quidam, quorum est Oldraldus, existimantes, ecclesiam & inquisitores procedere posse contra Iudæos quoties illi errauerint contra vetus testamentum, aut Christianum quempiam ad iudaismum induxerint, aut circumciderint, aut fidem catholicam abnegare coegerint. Nam primo casu hæretici non sunt, nec nostra refert, an vetus testamentum violent, vel obseruent, cum utroque modo foris sint: in alijs vero per iudices laicos puniendi sunt. Tamen si non abnuerim, inquisitores de his causis cognoscere quoque posse constitutione quadam extrauagante Nicolai 1111. Cæterum si Iudæus, Maumetanus, aut quicumque alius hæreticos receperit, defenderit, vel illis fauerit, vel inquisitoribus obfisteret, vel eorum officium impediret: vel hæreticorum libros hodie retineret, vt Frânciscus Bursatus recte respondit, puniri quidem posset ab inquisitoribus: quia, sicut Vlpianus ait, Omnibus magistratibus, secundum ius potestatis suæ concessum est, iurisdictionem suam defendere pœnali iudicio: quod multo magis inquisitoribus permissum est. [Oldra. consil. 36. Guido carmeli. de hæresi Iudæorum. c. vlti. Brun. lib. 4. de hæretic. cap. 2. l. Iudæos. l. Iudæi. 2. C. de iudæis. Directorium. fol. 133. vbi extrauag. Nicolai. l. 1. si quis ius dic. non obtemperat. c. accusatus. §. vlti. de hære. lib. 6. Zanchi. cap. 36. Fran. Bursatus consil. 90.]
- 12 Si vero Iudæus baptizatus ad iudaicam superstitionem redierit, canis scilicet ad vomitum, aut Christianus aliquis ad ritus Iudæorum transierit, puniri potest ab

- ab inquisitoribus tāquam aliquis alius hæreticus, vel apostata. Et ad probandum hoc facinus, etiam Iudæorum testimonium admittitur, quo legitime probato, relapsi & impœnitentes regijs legibus igni traduntur. [cap. contra Christianos. de hæret. lib. 6. regia. l. 7. titu. 24. par. 7. & l. 1. tit. 1. lib. 4. fori leg. Alberti. lib. de agnoscen. assert. catho. quæst. 32.]
- 13 Iudæi autem admonendi sunt, non autem cogendi ad fidem catholicam suscipiendam: cuius enim vult Deus miseretur, & quem vult indurat: nec inuiti conuertendi sunt, sed volentes, ut integra sit forma iustitiæ. Verum compellendi sunt, ut in fide suscepta permaneant: præmijs quoque atque honoribus allici debent ad salutem: & onerari possunt exactionibus, & infamia notari, ut conuertantur. [4. conc. Toleta. cano. 55. c. de Iudæis. 45. dist. l. 1. de iust. & iur. Alex. Ales. 2. part. quæst. 179. in fine. Hermas Letmatius. lib. 2. de instau. relig. cap. 12.]
- 14 Neque licet Iudæis Christianas vxores ducere, aut illas pro concubinis habere. Quod si filios ex tali coniunctione susceperint, assumendi sunt ad baptismum, etiam inuitis parentibus, ut multis concilijs ecclesiasticis decretum est. Præterea, Iudæi qui Christianis mulieribus se commiscere ausi fuerint, acerbissime puniri debent sicuti Oldra. Alex. & Philip. Corneus. alijque iurisperiti tradunt. [3. conc. Tolet. ca. 14. & concil. seq. can. 61. Oldra. conf. 333. Alex. conf. 99. lib. 6. & conf. 13. lib. 7. Cornel. conf. 114. lib. 1. Grillan. de pœnis omnifa. coitus. q. 12. Hippol. conf. 101. Boerius decisione. 316. Al-

- ciar. lib. 7. parerg. iuris. cap. 23.]
- 15 Nemo quidem ad Iudæorum ritus iam transit, nisi qui ex Iudæis parentibus descendit, & ab eis iudaicam superstitionem didicerit: quod ante multa secula. Iuuenalis satyra. 14. his versibus prodidit:
- Quidam sortiti metuentem sabbatha patrem,*
Nil præter nubes, & celi numen adorant,
Nec distare putant humana carne suillam,
Qua pater abstinuit: mox & præputia ponunt.
Romanas autem soliti contemnere leges
Iudaicum ediscunt, & seruant, ac metunt ius.
Tradidit arcano quodcumque volumine
Moses.
- 16 Multa demum contra Iudæos, & eorū perfidiam scripsere theologi, Tertullia. Cypr. Athana. Paul. Burgen. & cæteri, quæ omnia legere cupientibus passim obuia sunt: & Plutar. eos irridet libro. de superstit. [Tertul. lib. contra Iudæos, itidē Cyprianus, duobus libris. Athan. lib. de incarn. Verbi. Chrys. orationibus aduersus Iudæos. Iustin. martyr dialogo. cum Triphone aduers. Iudæos. Niceph. lib. 10. ca. 32. cum seq. & lib. 14. c. 16. Marfil. Ficinus lib. de Christ. relig. cap. 27. cum sequen. & Ludoui. Viues lib. 3. de verita. fid. Christia. Burgen. in scrutin. script. & alij multi. 4. conc. Tolet. can. 61. cum seq. & 1. concil. Matifconesi cano. 8. & deinceps. Tiraq. de iure primogen. quæst. 66. copiosissime Finus Hadrianus in flagello contra Iudæos.]

De iudicibus secularibus Tit. XXXVI.

S V M M A R I V M.

- 1 **H**æresis cognitio ad solum ecclesiasticum iudicem pertinet.
- 2 Iudices seculares cognoscere non possunt de causis civilibus, aut criminalibus, quarum cognitio pertinet ad inquisitores.
- 3 Iudices seculares punire debent illos, quos inquisitores, hæreticos declarauerint.
- 4 Iudex secularis an sententiam iudicis ecclesiastici in causa hæresis exequi teneatur, nulla de iustitia ipsius cognitione vel fide facta.
- 5 Iudicem secularem in causa hæresis merum esse executorem, multorum vera est opinio.
- 6 Iudicem secularem aliquando exequi non teneri sententiam iudicis ecclesiastici, quorundam falsa est opinio.
- 7 Iudicem secularem de nullitate sententię inquisitoris cognoscere posse, quidam sentiunt.
- 8 Iudicem secularem, quo in casu sentiant Igneus & alij, non debere sententiam inquisitorum exequi.
- 9 Ignei temeritas & procacitas notatur.

De iudicibus secularibus.



- C**OGNITIO hæresis ad solum ecclesiasticum iudicem pertinet: quia crimen hoc aduersus fidem & religionem committitur: de ijs enim criminibus, quę secularis administratio ignorabat, & christiana religio ostendit crimina esse, solus cognoscit ecclesiasticus iudex: vt sunt hæresis, schisma, & alia id genus. In quacunque igitur parte iudicię secularis inciderit eiusmodi criminum cognitio, protinus ad ecclesiasticos iudices remittenda est, vt recte Masuerus tradit. [c. vt inquisitionis. & c. prohibemus. de hæret. lib. 6. l. 1. C. Theod. titu. de religione. Abb. & cæteri in c. cum sit generale. de for. cõpet. Zanchi cap. 8. Aleiat. in. cap. 1. de offi. ordi. num. 73. Herm. lib. 7. de instaur. religi. cap. 1. 6. Masuer. in præct. Forensi. titu. de remis. ad finem. Eleganter Osius lib. 2. contra Prologomena Brentij.]
- 2 Hoc amplius hodie iure regio prohi-

betur, ne quispiam secularium iudicum, quantacunque dignitate ac potestate sit præditus, cognoscere villo modo præsumat de causis civilibus, aut criminalibus, quarum cognitio pertinet ad inquisitores, & iudices bonorum publicatorum: ne sub prætextu quidem subleuandi vi oppressos, quod alioqui saluberrimum & præsentissimum remedium esse solet, ad propulsanda grauamina iudicum ecclesiasticorum. Si qui tamen appellare voluerint in superscriptis causis, adire debent senatum sanctę generalis inquisitionis. [Mandatum regium datum Burgis die Martij. 17. anno salutis. 1508. renouatum anno proximo. 53.]

3 Sed quamuis iudices seculares de causis hæreticorum cognoscere nequeant, condemnare tamen, & punire debent illos, quos inquisitores declarauerint hæreticos esse, pertinaces, relapsos, aut impœnitentes. Eorum enim officium in prædictis causis non in cognoscendo, sed in exequendo consistit. Hanc autem executio-

executionem facere tenentur, cum fuerint ab inquisitoribus requisiti: etenim cum ecclesia non habet ultra quid faciat, cum hæreticos ad fidei unitatem conuertere nequit, cum poena seuera illos punire non possit, iudicibus secularibus animaduersione debita puniendos relinquit: ut quod non prævalent sacerdotes efficere per doctrinæ sermonem, potestas secularis hoc imperet per disciplinæ terrorem. [cap. ut inquisitio nis. de hæc. lib. 6. cap. cum non ab homine. de iudi. cap. princeps. 23. q. 5. Ioan. Lup. in cap. per vestras. §. 48. Guillel. Benedi. quæsti. de homicidio. Brunus lib. 4. de hæc. cap. 14.]

4 Hinc exoritur quæstio anceps, de qua inter iurisperitos acris contentio est: an iudex secularis in causa hæresis, sententiam iudicis ecclesiastici statim oculis, quod aiunt, clausis exequi teneatur, nulla de iustitia ipsius cognitione vel fide facta. Bart. & complures alij putant iudicem secularem, noua inquisitione instituta tam de processu & sententia inquisitoris, quam de crimine cognoscere posse: ideoque ipsum non prius teneri ad exequendam sententiam inquisitoris, quam ei de iustitia processus, causa cognita plena fides facta fuerit. Quod argumento cuiusdam constitutionis Iustiniani confirmant: quæ tantum de crimine mixti fori loquitur, cuius cognitio tam ad secularem, quam ad ecclesiasticum iudicem pertinet: Et hæc est communis opinio Legistarum [ut Ioan. Imol. & Felin. testatur authen. de sancti. episcopis. §. si vero de crimine. Guillel. de Cu. Bar. Bal. Ange. Alber. Paul. & Fulgo. in l. Magistratibus de iurisd. omni. iudi. Ioan. Imol. in cap. 1. de offi. ordi. Feli. in c. ad abolendam. de hereti.]

5 Alij vero aiunt, iudicem secularem in

causa hæresis merum executorem esse: nec de processu, vel sententia inquisitoris, neque de crimine cognoscere posse: sed quod inquisitor iudicauerit, sine mora, & absq; nouo processu, & cognitione secularem exequi debere. Quæ sententia verior quidem & receptior est, & vsu etiam comprobata, & constitutione Bonifacij. viij. aperte confirmata [c. inquisitionis. §. prohibemus. de hæret. lib. 6. & est communis Canonistarum sententia, quam & Legistæ sequuntur. Bal. in auth. clericus. C. de episcopis & cleri. Ange. in l. diuus. 2. de custod. reor. Abba. & Anchar. in c. at si clerici. de iudi. Salicet. in l. ea quidē. C. qui accus. non pos. las. Deci. Purpura. & Orosius. in l. magistratibus. de iurisd. omni. iudi. Ioan. Imol. & Alciat. in c. 1. de offi. ordin. Matth. de Affli. in proem. cōsti. Siciliæ. glos. Gladij. Brun. lib. 4. de hæret. cap. 15. Alber. lib. de agnos. aller. catholicis. quæst. 2 §. nu. 44.]

6 Ab hac generali sententia nonnulli excipiunt quosdam casus, qui proculdubio in Hispania recipiendi non sunt. Primus est, cum iudici seculari liquido constaret, sententiam inquisitoris esse iniustam & iniquam: quo casu illam exequi non tenetur contra conscienciam suam: auxilium enim brachij secularis non est impariendum ad iniusticiam, sed ad ea, quæ Deo placita sunt, exequenda: neque potest iudex secularis occidere illum, quem scit innocentem. Quam ob rem aiunt causam referendā esse ad eundem inquisitorem, ut illam rectius diiudicet. Hæc est opinio Gonzali, Alciati, & Conradi Bruni. Sed bona eorum venia dixerim, opinatio ista falsa & periculosa est. Vnde enim scire potest iudex secularis illum esse innocentem, quem inquisitor hæreticum esse pronunciat? Nunquid ex actis? Area

examinare non potest, ut paulo ante dixi. Nunquid ut priuatus? At secundum propriam conscientiam iudicare non debet. Relinquitur ergo ut hæc opinio falsa sit & inanis. Quid? quod vix unquam fieri poterit, ut quisquam sciat reum hæreticum nunquam fuisse. [cap. 1. de offi. ordin. & illic Alcia. nu. 110. Gonfal. de hæret. prauit. quæst. 19. Brun. lib. 4. de hæreti. cap. 15. l. illicitas. §. veritas. de offi. præsid. cap. quoniam contra. de probati. c. quia verisimile. de præsumpt.]

- 7 Addit præterea isti exceptionem aliam, eodem prorsus morbo infectam: aiunt enim, iudicem secularem de nullitate sententiæ inquisitoris cognoscere posse, si sententia propter defectum iurisdictionis nulla esse dicatur: quia talis sententia exequenda non est. Neque obstat quod secularis iudex de his causis cognoscere nequit: eo enim casu non cognoscit de hæresi, sed de sententia nulla. Hæc inquam exceptio nihilo magis vera esse potest, quam opinio paulo ante relata: quia secularis iudex protinus exequi tenetur inquisitoris sententiam, nec ullam cognitionem harum rerum habet. Adhæc, sententia inquisitorum coram clero & populo publice proferri solet, memoratis breuiter atque relatis totius causæ actis: quo fit, ut nullitas sententiæ illic sine scandalo tractari non possit. Adde, quod inquisitorum sententiæ cum consilio peritorum, & cum deliberatione magna prolata, non facile de nullitate possunt esse suspectæ. [cap. si eo tempore. de referi. lib. 6. & inibi Archidiacono. Ioan. And. & Domi. l. 4 §. condemnatum. de re iudic. Gonfa. & Brun. locis prænotatis. c. ut inquisitionis. §. prohibemus. de hæret. li. 6.]

- 8 Ad hæc, Andreas Alciat. asserit, iudicem laicum non teneri statim damna-

re reum ab inquisitoribus sibi relictum, quando vere non fuisset reus hæresis crimine maculatus, tamen si iudex ecclesiasticus id pronunciaisset: & ita, inquit, dictum fuit, quod iudex laicus non tenebatur exequi sententiam inquisitoris, qua pronunciauerat mulierem quandam hæreticam, quæ re vera solummodo fecerat pocula amatoria, & insuper contra eam erant indicia quarundam maleficarum. Ioan. Igneus quoque memorat, id ipsum bis contigisse Mediolani: ubi duæ mulieres ab episcopo Parmensi & inquisitore, de hæresi condemnatae impunes euaserunt: compertumque extitit, recte eas de fide semper sensisse. Addit etiam, quod Rothomagi muliercula quædam, veluti hæresis rea flammis destinata, absoluta fuit a secularibus iudicibus: & qui eam damnauerant, fuere in expensis condemnati. Sed profecto hæc omnia, & id genus alia, vel conficta sunt in odium sanctæ inquisitionis, vel certe a prauis & imperitis iudicibus temere & inique facta. At vero in Hispania nihil tale inueniri, ne suspiciari quidem potest: tum quia inquisitores eliguntur eruditi, prudentes, & boni: tum etiam quia omnia cum consilio peritorum agunt, & consultissime atque iustissime iudicant. Vnde relinquitur quod iudices laici eorum sententias confestim exequi debent, nec ullo modo cognitionem hanc usurpare possunt. [Alciat. in cap. 1. de offi. ordi. nume. 104. Ioan. Igneus. in. l. 1. §. cum dominus. ad Sillania. nume. 41.]

- 9 Cæterum quoniam in illum Igneum conuiciatorem incidimus, qui subinde ponere os in celum scriptis editis veritus non est: operæ prætiū erit eius maledicam temeritatem & intemperatum iudiciū breuiter & cursim notare, ne procacia impudētissima illi cedat impune. Nam
ut omittam

ut omittam ea, quæ in Alciatum literatissimum, nulla iniuria lacepsitus, licentiosius, amarius atque prolixius, temere atque inuerecunde effutiuit: quis ferat illum de summo Pontifice, Christi vicario his verbis loquentem? Bonifacius octauus gladium extensum habuisse visus est, interdicens iudicibus secularibus notionem & iudiciũ, volens eos prompte sententias ab episcopo & inquisitore latas exequi, sub interminatione censuræ ecclesiasticæ: quasi sententiæ illius sanguinarię iudices laici lictores esse debeant. Hæc ille, qui si sententias inquisitorũ, quibus impœnitentes & pertinaces, hæreticos esse declarant, sanguinarias vocat, insipiens omnino ac demens est. Si vero sanguinariam ait esse sententiam Pontificis Max. qua supremus pastor iudicibus laicis præcipit, ut hæreticos animaduersione debita pu-

niant, proculdubio in Papam ipsum sacrilegus, & hæreticorum fautor censeretur. Sed ulterius progressa hominis huius, impudentia dicã, an insania? omnes quotquot vnquam fuerunt imperatores, quo iure, qua iniuria procacissime infamat, ut tandem ore sacrilego fraterculus iste gigantum, Carolum Cæsarem regem nostrum, imperatorem omnium Christianissimum, optimũ & fœlicissimum, quasi criminũ successorem, cõfictis fabulis temere ac false infesteretur. Qua in re quidem helleboro magis, quã confutatione dignus est: neque aliud ei verius responderi potest, quam id quod olim de Cornelio Tacito Tertullianus in apologetico scripsit, quod tute ipse legere poteris. [Igneus in. l. 1. §. cum dominus. ad Silla. num. 39. & in tract. An rex Franciæ subsit imperatori.]

De lamijs Titulus XXXVII.
S V M M A R I V M.

- 1 **L**amiarum nomina, & vnde sic dicta fuerint.
- 2 Stryx quid sit, & vnde dicatur.
- 3 Lamia plerunque mulieres esse solent, raro autem viri in hoc crimine deprehenduntur.
- 4 Dæmones an fieri possit, ut sint incubi & succubi.
- 5 Dæmones interdum assumunt corpora, & sunt incubi & succubi.
- 6 Lamię, an fieri possit, ut a dæmonibus deferantur per aera.
- 7 Lamias non vere ferri per aera, sed mentetantum & cogitatione, quidam asserunt.
- 8 Lamias interdum vere & corporaliter ferri per aera, verissimum est.
- 9 Ancyranum concilium non negat ea se-

- ri posse, quæ sæpe a dæmonibus cum lamijs perpetrantur.
- 10 Lamias per aera ferri a dæmonibus, facilius est creditu, quam easdem pro veris falsas illusiones habere.
- 11 Ecstasis & raptus quomodo fiat.
- 12 Lamia, cum a dæmonibus illusionibus falsis decipiuntur, quomodo fiat, ut earum corpora nihil sentiant.
- 13 Lamiarum causa cur ad inquisitores pertineat.
- 14 Lamijs, qui sit, ut fides habeatur contra se ipsas, aut contra ceteras, si in solo spiritu illusiones patiuntur.
- 15 Lamijs quomodo fides adhibenda sit aduersus alias maleficas.
- 16 Lamię quo pacto puniende sint, si constet eas hæreticas fuisse.

- 17 *Lamia, quas infantes occidisse constat, si redire volunt ad agendam penitentiam, an ab inquisitoribus relinqui possint curiæ seculari.*
- 18 *Iudices seculares propter alia crimina punire non possunt lamias sibi relictas, nisi causa cognita.*
- 19 *Lamiæ quando iudicibus secularibus tradendæ sint.*
- 20 *Lamiarum filias in vitium maternum succedere, falsa est opinio.*

De lamijs.



VARIIS nominibus peruerſæ quædam, & maleficæ mulieres vocari ſolent. Sunt qui lamias, ſut qui ſtryges appellēt, & idiomate Hiſpano, Biuxas & Xorgui nas nominant. Lamia frequentius a plerisque lamia appellatur, idque ob ſimilitudinem cuiusdam beſtiæ, quæ ſpeciem habet humanam, & corpus beſtiale: & ut inquit Gregorius, ita crudelis eſt, ut ſuos filios dilaniet. Et Philoſtratus lib. 4. de vita Apolonij. c. 8. ait, lamias a quibuſdam Laruas appellari, & lemures, eſſeque ad amorem & venere rem pronas. Duris autem lib. 2. Liby corum inquit, mulierem pulchram fuiſſe Lamiam Belli & Libyes filiam, quâ Iuppiter adamarit, ex eaque filium ſuſceperit: at Lunonem Zelotypia inſenſam, cum infantem perdidiffe, ipſamque in ſeram mutaffe, quæ nunc ſui deſiderio alienos filios rapiat, perdatque. hæc Alciatus plenius, quam Suidas, in verbo, lamiam.

- 2 Stryx a ſtridore vocis dicta, avis eſt nocturna & importuna: inde dicuntur ſtryges mulieres iſtæ, quia noctu præcipue verſantur in maleficijs, & infantium ſanguinem ſugunt. Nam ut Feſtus ait: Stryges dictæ ſunt mulieres maleficæ & volaticæ, ab ave huius nominis inauſpicata, quæ ſimilis eſt Buboni, & infantium corpora noctu inuadit, exugitque ſanguinē, & ſuffocat: vnde a ſtrin-

gendo nomen habet, vel ſicut alijs placet a ſtridendo. Vnde. Ouid.

Noctæ volant, puerosque petunt nutricis egentes:

Et vitiant cunis corpora rapta ſuis.

Carpere dicuntur lactætia viſcera roſtris:

Et plenum poto ſanguine guttur habent.

Eſt illis ſtrygibus nomen, ſed nominis huius.

Cauſa, quod horrenda ſtridere nocte ſolent.

Siue igitur naſcuntur aues, ſeu carmine ſiunt,

Neniæq; in volucres falſa figurat anus.

Et cætera, quæ ſcripſit lib. 6. faſtorum: ſed de nominibus maleficarum ſatis & ſuper. [Vide Ludoui. Cælium. lib. 29. lectio. antiqua. cap. 5. Alſon. lib. 1. de iuſt. hæret. punit. cap. 16. Alciat. lib. 8. Parerg. iuris. cap. 22.]

- 3 In hac autem ſectâ plerunque mulieres, & raro viri reperiuntur. Cuius rei cauſas eſſe aiunt, quia mulieres proniores ſunt ad maleficia, & citius credunt, & facilius decipiuntur, quam viri. Quas ob res frequentius demones illas aggrediuntur & fallunt. Ad hæc, mulieres, ut alibi diximus, aptiores ſunt ad ſuſcipiendâs has reuelationes propter humidiorẽ qualitatem. Deinde ſicut Comicus ait: Mulieres ſerme ut pueri leuis ſententiæ ſunt: ideoque demonum pollicitationibus facile moueri ſolent. Præterea, Non eſt ira ſuper iram mulieris, ut Sapiens inquit: & ſicut alius canit,

canit, Nemo magis gaudet vindicta, quā
fœmina: quo fit nonnunquam, ut ad
iram exequendam, opera dæmoniorū
abutantur. Ad postremum, prouiores
sunt mulieres ad libidinem, quam viri:
& præcipuus finis, ad quem huius artis
professores tēdunt, est carnis voluptas,
cuius illæ insatiabiles sunt. Comper-
tum quippe est, multis magnisque com-
probatum exemplis, quod tota illa dia-
bolica tragœdia, quam maleficæ istæ
mulieres cum incubis peragere solent,
choreæ, saltationes, conficta conuiuia,
spurcissimæ cœremoniæ, aliæque id genus
omnia, eo tendunt, ut post illusiones
plurimas, hanc quoque maximam, fœ-
dissimamque patiantur, ut nefarijs cō-
plexibus, sceleratissimisque connubijs,
dæmonibus, qui humana forma eas lu-
dificant, libidino se commisceantur.
[Eccli. 2. 5. Prou. 30. cap. in eo. 32. q. 4.]

- 4 Illud tamē quod diximus de incubis,
probabilem dubitationem habet: quā-
uis enim Platonici (quibus accedunt
Orige. Basilus, Augu. & quidam alij)
putent, dæmones habere corpora aerea
& subtilia: verior tamen atque recep-
tior sententia theologorum est contra
illos: sunt enim angeli ac dæmones, spi-
ritus sine corpore, ut satis aperte docet
Apost. in epistola ad Hebræos. Vnde
relinqui videtur, quod cum lamijs, dæ-
mones commisceri nequeunt: nec fieri
possit ut sint aliqui ex illis incubi & suc-
cubi. Quod quidem Plutarcho in vita
Numæ Pompil. perdifficile creditu vi-
sum est: Quamquam, inquit, videntur
Aegyptij nō absurda uti partitione, qui
aiunt, mulieri quidem spiritum Dei ap-
propinquare posse, & quædam sobolis
principia ingignere: viro autem nullū
esse corporis cum Deo neque commi-
stionem, neque congressum: ignorant
autem mistum, cui miscetur, commu-

nionem vicissim equalē reddere. Quo
in loco Plutarchus de his ipsis dæmoni-
bus loquitur: quoniam, ut ait Psaltes,
Dij gentium dæmonia. Et Aug. Eugu-
binus. lib. 8. de perenni philosophia:
Nec natura, inquit, fieri potest, neque
assentitur philosophia, spiritus corpore
nudatos amore fœminarum capi, aut
ex eis generare posse: habent enim fon-
tem suum, & inferiores ortus cupidita-
tes, si desit causa, desit effectus. Vbi nō
est cibus & potus, non est sperma: vbi
non fuit quærenda successio & propa-
gatio, non adhibuit natura cupiditatem
generandi. Sicut spiritus nudi sitire,
esurireque non possunt: sic veneris libi-
dine nequeunt inflammari. Hęc ille
cap. 32. [Aug. lib. de diuin. dæmo. &
lib. 3. de Genesi ad literam cap. 10. ad
Hebræos cap. 1. Iamblicus. lib. de my-
sterijs. Apuleius lib. de Deo Socratis.
Augusti. Eugubinus lib. 8. de perenni
philo. cap. 26. cum seq. Ludouicus Cę-
lius lib. 2. lectionum antiqua. c. 5. Theo-
logi. lib. 2. sent. distin. 8. vide Casianum
collat. 8. ca. 21. Iustinum martyrem
& eius interpretem in apologia prima
pro Christianis.]

- 5 Sed quamuis dæmones spiritus sint si-
ne corpore, assumunt tamen interdum
corpora, & ea mouent. Sic dæmon ap-
paruit Euę in figura serpentis, & Chri-
stum dominum in deserto tentauit: &
sepe, ut Aposto. ait, transfigurat se in
angelum lucis. Mirum igitur videri nō
debet, si dæmones assumptis corporibus
incubi fiant & succubi: quod Isidorus,
Beda, & innumerabiles alij fatentur. Et
beatus August. verissima scriptura id
cōprobari affirmat: qui etiam a multis
expertum esse dicit, de quorū fide dubi-
tandum non sit, Syluanos & Faunos,
quos vulgo incubos vocāt, improbos se
pe extitisse mulieribus, & earū appetisse

ac peregrisse concubitus: & quosdam demones, quos Dufios Galli nuncupant, hanc assidue immunditiam, & tentare, & efficere: quod temporibus diui Bernardi palam omnibus factum fuit, demone quodam incubo, mulierem persequente, quam sanctissimi illius viri precibus, Deus ab illo liberauit. Et superioribus annis id ipsum horrendo ac memorabili casu Cordubę deprehensum scimus. [Gene. 3. Matth. 4. Isidorus li. 8. Etymol. in fine. Beda lib. 3. in euangelium Lucę. c. 3. 1. Aug. lib. 15. de ciuit. Dei. c. 23. Alex. de Ales. 2. part. q. 78. membro. 2. art. 2. & q. 158. membro. 6. Tho. 1. primę. q. 51. art. 2. & 3. Gerson. part. 4. in collatione de angelis, & lib. 2. de vita sancti Bernar. c. 6. Plessus lib. de demonibus. cap. 1. cum seq. Ludoui. Cęlius lib. 2. lectio. antiqua. cap. 6. Bartho. Sibylla in speculo peregrina. quęstio. decadis tercię cap. 2. Brunus libro de imaginibus. cap. 14. Scotus, Bonauen. Durand. & ceteri in lib. 2. sentent. distinct. 8. Siluester lib. 2. de strigimagarum & demonum mirandis. cap. 3. & 5. Bartholomeus Spineus, libro, de strigibus cap. 6.]

6 Quęri autem solet, an fieri possit, ut lamie deferantur a demonibus per aera, & breui temporis spatium uolent per loca remotissima. Cui respondetur, non solum id non esse impossibile, verum etiam fieri per quam facile posse: quia omnia corpora inferiora, subduntur impetio angelorum, bonorum & malorum, quantum ad motum localem. Quod si angeli mouent orbis celestes immensę magnitudinis, ut uerior est & receptior theologorum & philosophorum sententia: quanto facilius demones mouere poterunt humana corpora de loco, ad locum? Ut enim post sacrum Dionysium omnes theologi docent, na-

turalia in demonibus manserunt integra: unde naturali uirtute, hec & multo maiora, demones facere possunt. Accedit eodem, quod Iesum Christum dominum assumpsit diabolus, & transtulit in sanctam ciuitatem, & statuit eum super pinnaculum templi, ac deinde transtulit in montem excelsum ualde. Cur ergo non idem facere poterit de corporibus lamiarum? Nec me fugit Cyprianum, & quosdam alios interpretari aliter locum illum Matthei, dicentes Christum dominum fuisse ductum a diabolo. Diuus tamen August. lib. 2. ad Simplicianum, corpus Iesu assumptum fuisse dicit: quod & Gregor. & Thom. & alij multi confirmant. Sed inter omnes conuenit, fieri hoc potuisse Deo permittente: quia ut alibi ait idem August. tantum demones possunt, quantum, secreto omnipotentis arbitrio permittuntur. Postremo, ex theologorum omnium sententia, quantum angeli naturali uirtute, tantum demones possunt: at quosdam a bonis angelis momento temporis, ad longissima locorum spatia translatos fuisse scimus. Nam & spiritus Domini rapuit Philippum, & postea inuentus est in Azoto: & angelus Domini apprehendit Abacuch in Iudea, & portauit eum capillo capitis sui, posuitque in Babylonem, & confestim restituit in loco suo. [Matth. 4. August. ad Simplicianum. lib. 2. quęst. 3. & lib. 2. de ciuitat. Dei. cap. 23. Grego. lib. 2. in Iob. cap. 9. cum seq. Act. 8. Daniel. 14. Bartho. Sibylla. 3. decadis. cap. 7. quęst. 4. Theologi omnes in lib. 2. sent. distinct. 7.]

7 Sed quia, ut uulgo dici solet, possibilitas est res ampla, & multa possibilia sunt, quę uix euenire posse creduntur: idcirco non immerito dubitatur, an lamie istę uolent, & per varia loca ferantur,

tur, & corporaliter ludis interfint: & alia omnia, quæ ab illis narrari solent, vere faciant: vel hæc sint illusiones dæmonum fallaces, quibus lamia decipiuntur: nam talia phantasmata, solent a maligno spiritu mentibus irrogari: quod plerique iurisperitorum verius esse putant, quibus Alciatum accessisse miror. Eorum autem opinio non alia ratione fulcitur, quam capite quodam concilij Ancyran, quo prima fronte de cretum esse videtur, hæc omnia, illusio

8 Cæterum, tametsi plerunque dæmonum illusionibus decipiantur lamia, & non ferantur corpore, sed spiritu: nihilominus tamen, verissimum est, interdum lamias vere transferri corporaliter, per aera, & per longissima & remotissima loca. Quod quidem tam certis testimonijs, ac tam euidenti rerum experientia, comprobatum & comperitum est, vt sit plane stupidum tenacius id inficiari, & vt ait Siluester, id negare, insanire sit. Adde quod cum hoc sit possibile, imo etiam Deo permittente, per facile, quid prohibet credere, id sepe factum fuisse? Hæc igitur sententia tenenda est, quæ ab omnibus theologis concorditer approbatur. [Tho. 2. 2. quæst. 95. arti. 5. & inibi Caiet. art. 3. Bonauen. in lib. 3. sentent. distin. 19. Abule. Matth. 4. quæst. 47. Card. Hispa. in eodem cap. episcopi. Ioan. Maior in lib. 2. sentent. distin. 14. q. 3. Siluest. in summa verbo, hæresis. 3. §. 6. Malleus malefica. parte. 2. q. 1. cap. 3. Baritho. Sibylla. 3. decadis cap. 7. q. 4. Picus dialogo Stryx. Paul. Grillan. de

forileg. quæstio. 7. Francis. Victoria relectione de magia. quæst. 7. Alfons. lib. 1. de iusta hære. puni. c. 16. Ioan. Nider præcepto. 1. cap. 11. quæst. 4. Alber. lib. de agnosce. assertio. catholi. quæst. 24. iterum atq; iterum Siluester lib. 1. de strigimags, cap. 14. & lib. 2. cap. 1. & 4. copiose & eleganter Franciscus Picus tribus libris dial. stryx. & Bartholomæus Spineus plenissime, lib. de strigibus. cap. 1. cum seq.]

9 Restat vt concilio Ancyrano ac diuo Augustino eadē dicenti respondeamus. Vera ergo intelligentia est, quod patres isti non loquuntur de lamijs, sed de quibusdam hæreticis, qui credebant quod Diana fuit in deam conuersa, & quod creatura mutari, aut trāsformari potest ex vna substantia in aliam, vel de vna specie in aliam speciem, ab alio, quam a vero Deo: & quod bestijs vehebatur, vt Herodiadi seruirent. Quæ omnia falsa sunt, erronea, & hæretica, & a lamiarum secta longe diuersa. Neq; illi patres negant, lamias posse corporaliter a dæmonibus, transferri per longa spatia regionum. Neque illum hæreticum, aut stultum esse decernunt, qui credit, ea fieri posse, quæ sepe a dæmonibus cum lamijs perpetrantur. Postremo, exempla ab eis adducta nihil concludunt: quia particularia sunt, ex quibus ad vniuersalia inefficax argumentum, & inanis collectio est. & ita respondent theologi supra memorati, & Siluester, libro illo 2. cap. 1. plenius & melius cæteris Bartho. Spineus libro, de strigibus, cap. 21. cum seq. [c. episcopi. 26. quæst. 5. August. lib. de spiritu & anima cap. 28.]

10 Profecto longe difficilius intelligitur a nobis, quomodo lamia sensibus obseratis tam notabiliter decipiantur, & tam fortiter opprimantur, vt falsas illusiones,

nes, res veras esse credant, & nihil sentiant earum corpora, etiam si vapulent, aut pungantur, vel exurantur: quam quomodo a dæmonibus, tanquam a velocibus equis, vehantur, aut illis commisceantur assumptis crasis corporibus. Hoc enim sensibus cognosci, illud autem vix intellectu percipi potest. Andreas Lacuna. in lib. 4. Dioscoridis. cap. 75. illud euenire ait, ex vnguento quodam soporifero, quo lamiæ vngi solent. Diuus August. quadam in epistola scribit, profundissimam esse quæstionem de his visionibus & illusionibus, quæ sæpe dormientibus, & interdum vigilantibus accidunt. Et tandem inquit: Ego autem, quamuis quomodo fiant ista veluti corporea sine corpore, verbis prorsus explicare non possum: tamen sicuti scio, non ea corpore fieri, vtinam sic scirem quomodo discernerentur, quæ videntur aliquando per spiritum, & per corpus videri putantur: quomodo distinguantur visa eorum, quos error vel impietas plerunque deludit, quando visis piorum atque sanctorum similia pleraque narrantur. [Hæc ille ad Euodium epistola. 100. Vide Platon. in sophista, prope finem. Nicephorum lib. 2. cap. 36. Clement. lib. 6. de constit. aposto. cap. 9. vbi de Simone Mago fit mentio.]

- 11 Mercurius ille Trismegistus in Pymandro: Anima, inquit, mentis præsentia destituta, neque agere quicquam, neque dicere potis est: sæpe vero mens extra animam habitat, quo quidem in tempore neque audit, neque videt anima, sed animali similis est ratione carenti: tanta est potentia mentis quæ animam huiusmodi deserit implicitam corpori, & ab eadem tractam ad infera. Et alius ait: In ecstasi & raptu sopiuntur vires inferiores, & anima sæpe administratione

corporis suspendit. Etenim ordo & connexio est in homine virtutis naturalis, animalis, & intellectualis: virtus autem naturalis seruire solet animali, & animalis virtus intellectuali: vnde actio vehemens & profunda virtutis sensitivæ interioris, sopire potest sensus exteriores, & facere debiliores vires naturales propter earundem virium connexionem. Quo etiam effici potest, vt vehemens intellectualis spirituum contemplatio, in qua phantasia vel interior sensitiva in excessu laborat, naturales vires enervet: ac sensus exteriores sopiat, & ecstasim, vel raptum inducat. [Mercurius in Pymandro, dialogo. 10. Henri. de Asia super Genesim. Bartho. Sybilla in speculo peregrini. quæst. decadis primæ cap. 8. quæst. 2.]

- 12 Sed propius ad illusiones, quibus lamiæ decipiuntur, accedit, quod libro de mysterijs Iamblicus scriptum reliquit, vbi loquens de miraculis, quæ fiebant a prophetis Gentilium nimirum dæmonibus agitata, inquit: Animi diuinitus afflati percipique, subiecerunt vitam suam penitus afflanti Deo, neque vtuntur sensibus, neque mouentur humano more, neque suum statum animaduertunt, neque vllam edunt cognitionem actionemque propriam, neque viuunt tunc ipsa animali vita: quod vel ex eo patet, quia multi eorum, admoto igne, non vruntur, ignem videlicet repellente Deo intus afflante: vel si vruntur, non persentiunt: neque pungentia percipiunt, vel radentia, vel vlla tormenta. Item quod actiones eorum non sint humanæ, constat: quoniam per inuia vadunt, perque ignem feruntur intacti, & flumina transeunt mirabiliter. Et post pauca: Inspirati alij mouentur vel toto corpore, vel quibusdam membris, vel contra quiescunt. Item, choreascant lenasque con cunasi

concinnas agunt, aut contra: rursum, corpus eorum vel excrecere videtur in altum, vel in amplum, vel per sublimia ferri, atque contra. Item, voces edunt vel æquales perpetuasque, vel inæquales, & silentio interruptas. Hæc ille, atque alia in eandem rem plurima, quæ sine dubio a dæmonibus fieri solent peruersa phantasia hominum, & mota & alienata eorum mente. Quas dæmonum ludificationes, & quibus modis fieri soleant, August. Gerson, & alij theologi tradunt. [Aug. lib. 12. de Genesi ad litteram. & lib. 18. de ciuit. Dei. cap. 18. Gers. in collatione de angel. par. 4. Fabius declama. 10.]

13. Ex his ergo quæ a lamijs istis perperantur, perspicuum est, horum criminum cognitionem ad inquisitores pertinere. Nam in principio suorum scelerum solent semper fidem catholicam abnegare: deinde ipsos dæmones adorant, & cum illis fœdus percutiunt, & pacta nefanda faciunt: vnde relinquitur quod hæreticæ sunt & apostatæ, vel certe vehementer suspectæ. Accedit etiam, quod causæ lamiarum longe melius tractari possunt ab inquisitoribus, quam ab alijs quibusuis iudicibus: tum propter secretum carcerem, vbi cautelis aduocatorum locus non relinquitur: tum etiam propter monitiones interrogationesque frequentes, quibus inquisitores commodius reos examinare solent: & hoc iure maiores nostri, & nos semper vsi sumus: & Siluester ait, quod bene contra illas procedunt inquisitores Hispaniæ, & quatuor summi Pontifices inquisitoribus causas istas commiserunt, nimirum Innocentius viii. Iulius ii. Hadrianus vi. Clemens vii. vt Bartho. Spineus retulit lib. de strigibus c. 3. Malleus maleficarum part. 1. quæst. 14. Siluest. in summa verbo Hæresis.

3. in fine. Alphonfus lib. 1. de iusta. hæretic. punit. cap. 16. Alciat. lib. 8. parergo. cap. 22. Syluester lib. illo. 3. cap. 1. & lib. 1. cap. 2. & lib. 2. cap. 4. Picus lib. 3. illius dialogi.]

14. Quæret fortasse quispiam, si verum est, sicuti est, quod plerunque lamiæ a dæmonibus decipiuntur, & in solo spiritu, & non in corpore, eueniunt illis illusiones istæ, qui fieri potest vt fides adhibeatur eis, aut contra seipsas, aut contra cæteras? Cui respondetur, quod proprijs confessionibus convinci possunt non secus atque alij quicunque reorū. Nam etsi ludificationibus dæmonū plerunque decipiantur, nihil tamen illis deest ad malitiam eorum facinorum, quibus vigilantes consentiunt. Quid? quod pacta cum dæmonibus facere, & nefarias nuptias cum illis plerunque celebrare solent, corpore simul & spiritu. Quid ergo mirum si plena fides lamijs habeatur in his criminibus, quæ se commisisse fatentur, & ab illis vere perpetrari solent? Quid? quod etiam in facinoribus ab alijs perperratis, ratihabitio persæpe nocet, & retro trahitur, & mandato comparatur: multo igitur magis nocere debet consensus præcedens illusiones, & eas postea ratificans, etiam si concedamus illusiones nonnunquam, & non res veras esse. Cui suffragari possunt ea quæ Theologi tradunt de pollutione nocturna. [1. 1. C. de confess. c. cū quis. de sententia excom. li. 6. c. testamētum. dist. 6. l. 1. §. sed etsi quod. ff. de vi & vi arm. Felinus. in c. sicut tuis. de simo. Alexand. Ales. part. 2. quæst. 122. mēb. 10. §. 4. Gersō tract. de preparat. ad missam, considera. 5. Albert. lib. de asserti. catho. q. 24. nu. 15. & q. 25. Alciat. li. 8. Parergon. c. 22. recte author lucernæ inquisitorum. c. vlti. nu. 9. rectius Bartho. Spineus lib. de strigibus cap. 14.]

15 Maius tamen dubium est, an fides adhibenda sit lamijs aduersus alias maleficas, quas in eisdem sceleribus secum versatas esse testantur. Nam cum testis de his testimonium perhibere tantum possit, quæ corporeis sensibus cognouit, nullius prorsus momenti futurum est lamiarum testimonium, si dixerint se scire illa, quæ re vera neque viderunt, neque audierunt: sed ludificationibus dæmonum deceptæ, se vidisse persuasum habenti: quod quidem verum est, & negari non potest. Cæterum tunc, mea sententia, fides aliqua lamijs haberi poterit, cum testificatæ fuerint de criminibus aliarum maleficarum, quæ perpetrata esse dixerint alio loco & tempore, quam illo, quo volare solent per aera, & choreas illas agere, quas se videre putant, cum a dæmonibus ludificari ac decipi solent. Etenim si de illis criminibus testificantur, quæ aliæ maleficæ vigilantes coram ipsis perpetrarunt, aut se perpetrassæ confessæ sunt, ut puta, si se vixerunt ad volandum, vel dæmonem inuocauerunt, vel fœdus percusserunt cum illo, vel hæc atque id genus alia narrauerunt, aut persuadere tentarunt, non video cur fides illis non sit adhibenda: præsertim contra alias suspectas ac infamatas, & quas verisimile sit eadem crimina commisisse. [l. testium. C. de testi. cap. cum causam. de testib. l. 3. §. 1. cod. titu. Bart. tract. testimo. Ponzinibius de lamijs nu. 53. & 65. Alciat. lib. 8. par. cap. 22. Lucerna inquisitorum cap. vlt. num. 13.]

16 Posthæc, de pœnis lamiarum videndū est, quas si constiterit hæreticas fuisse, punire debent inquisitores, perinde atque alios quoscunque hæreticos. Nam si conuictæ fuerint de errore in fide pertinaci, quia fidem abnegarunt, vel aliud crediderunt de potestate dæmonum,

quam habet definitio traditionis ecclesiasticæ: si veram pœnitentiam agere voluerint, recipiendæ sunt benigne iuxta canonicas sanctiones: sin autem impœnitentes, pertinaces, vel relapsæ fuerint, relinquendæ sunt iudicibus secularibus: qui confestim illas in ignem mittere debent. [cap. ad abolendam. cap. penul. de hære. c. sup eo. li. 6. eiusdē. tit.]

17 Quæsitum scio, an lamiæ, quæ infantes occidisse, & alia nefanda & atrociora crimina perpetrassæ deprehenduntur, si redire volunt ad agendam condignā pœnitentiā, relinqui ab inquisitoribus possint curiæ seculari. Quod probabilius multis videri solet, tum quia dæmonum ope, facinora ista committuntur, quamobrem eorum cognitionem ad inquisitores pertinere putant: tum etiam quia indignæ videtur misericordia maleficæ talia perpetrantes. Mihi tamen longe probabilior veriorque videtur contraria sententia. Nihil enim commune habet causa catholicæ fidei, cum infanticidijs, alijsque criminibus a lamijs perpetratis. Vnde meo quidem iudicio relinqui non possunt iudicibus secularibus propter alia crimina, quæ propter hæresim, etiam si mille infantes occidissent. Neque enim eorum delictorum cognitio ad inquisitores vllō modo pertinet, neque claudere gremium ecclesiæ possunt, nisi pertinacibus, impœnitentibus, aut relapsis. Nec iure aliquo, aut euidenti ratione opinio diuersa niti, aut fulciri valet: quinimo iniqui admodum essent inquisitores, qui talibus maleficis beneficiū absolutionis, & salutarem pœnitentiā denegarent. Neq; satis intelligo qua via excusari possent ab irregularitate, qui maleficas vere pœnitentes curiæ seculari relinquerent. Quam sententiam Arnaldus Albertinus diffusius verfans, mecum sentit. [lib. de agn. assert. catho.]

catho. quæst. 25. num. 66.]
 18 Addo etiam, iudicē seculare lamias propter alia crimina sibi relictas punire non posse, nisi causa cognita: neque enim ex processu inquisitorum, iudicū scilicet non competentium, infanticidas indicta causa punire queunt. Accedit eodem, quod maleficas, non hereticas, punire non debent poena ignis, sed poena furcarum, aut qualicunque alia contra sicarios, aut maleficos legibus civilibus constituta. Nec facile de infanticidijs fides lamias est adhibenda, nisi prius constiterit, infantes ipsos eodem tempore occisos esse. [c. at si clerici. de iudic. l. nemo. l. multi. C. de male. & mate. l. 1. §. itē illud. ad sena. cōs. Sillan.]
 19 Illo tantum casu maleficæ iudicibus secularibus tradendæ sunt ab inquisitoribus, cum a iudicibus secularibus comprehensæ traditæ fuerant inquisitoribus propter incidentem hæresim. Verbi gratia, secularis iudex comprehendit maleficam, quia de infanticidio, aut frugū excantatione apud eum accusata fuerat: post hæc in causæ cognitione constitit, illam hæreticam esse, quamobrem ad inquisitores misit eam, ut de causa ecclesiastica criminis hæresis cognosceret: peracto iudicio hæresis, eidem iudici seculari restituenda malefica est, ut aliorum criminum coeptum iudicium legibus civilibus peragat. Quod recte docuit Masuerus, cui ego vehemēter assentior. Addendum eodem est, quod etsi lamia propter crimen hæresis ab inquisitoribus punita sint, nihilominus tamē a iudice seculari puniri poterunt de infanticidijs, alijsque sceleribus, quorum cognitio ad laicum iudicem tantū pertinet. [Masuerus in pract. forensi. titulo de remis. prope finem. l. solemus. §. ultimo. de iudic. c. 2. de privileg. cap. cum ad verum. cap. duo sunt. 96. distin.]

Alfons. lib. 2. de iusta hæreti. punit. cap. 16.]

20 Ad prostremum, confutanda & expoldenda est vulgaris quædam idiotarum opinio, existimantium, filias lamiarum in vitium maternum succedere. Putant enim simplices quidam, filias a matribus hæredes maleficiorum relictas, necessario maleficas esse futuras. Quinimo quidam finxit, inquisitorem quendam asserentem, filias maleficarum materno morbo a teneris vnguiculis infectas esse: tū quia solitæ sunt maleficæ mulieres foetus suos illico natos sacrificare dæmonibus: tum etiā quia solent illos ex incuborū dæmonum cōcubitu ut plurimū concipere: quo circa in hac prole contingere, veluti ex hæreditario morbo radicatam remanere malitiam. Verum hæc omnia stulta sunt, erronea & hæretica. Nemo enim inuitus tam graui crimine inficitur: neque peccatum aliquod patrum in filios transit, præter vnū illud originale, quod sacro baptismo mundatur. Accedit etiam, quod etsi Tertulli. Apollina. & maxima pars occidentalium autumauerint olim, ex traduce animam esse, ut quomodo corpus ex corpore, sic anima nascatur ex anima: vera tamen ac catholica La&antij, Hieron. Augustini ac theologorū omnium sententia est, quod animæ nō sunt ex traduce, sed quotidie illas De⁹ creat, & in corpuscula mittit. Nam ut Hieronymus inquit: Ecclesiasticum est secundum eloquia Saluatoris, pater vsque modo operatur, & ego operor. Et illud Esaie: Qui format spiritum hominis in ipso. Et in psalmis. Qui finxit per singulos corda eorum. Quotidie igitur Deus fabricatur animas, cuius velle fecisse est, & conditor esse non cessat. Prudentius ille Hispanus de natura animæ inquit:

NN 2 Vitandus

Vitandus tamen error erit, ne traduce
carnis,
Transfundi in sobolem credatur fons ani-
marum,
Sanguinis exemplo, cui texta propagine
vena est:
Non animas animæ pariunt, sed lege la-
tenti
Fundit opus natura suum, &c.
Quamvis ergo lamia sit mater, & suffu-
rato femine esset incubus pater: nil ta-
men huius vitij transfundere possunt in

prolem. [15. quæst. 1. cap. 1. cum seq.
Lactant. de opific. Dei cap. 19. Hiero-
aduersus errores Ioan. Hierosolymitani
& epist. ad Marcelli. August. lib. 10. de
Genes. ad literam & li. de spiritu & ani-
ma. cap. 41. & 48. Thom. & cæteri in
lib. 2. senten. dist. 18. Ludoui. Cælius
lib. 2. lecti. antiqua cap. 22. & lib. 10.
cap. 16. Bartholo. Sibylla in speculo
peregr. quæstio. decadis. 1. cap. 1. Frã-
cis. Titelma. lib. 8. de consider. rer.
nat. cap. 4.]

De libris Titulus XXXVIII.

S V M M A R I V M.

- 1 **L**ibros noxios tam catholici quã ethni-
ci damnare solent.
- 2 Libri multi cremati sunt ab antiquis, eo
quod perniciosi viderentur.
- 3 Libros vaticinos a prætoribus Rom. com-
bustos, Liuius author est.
- 4 Libros veteris testamenti edicto pænali
rex Antiochus prohibuit, putans eos
esse noxios.
- 5 Libri noxij iure optimo comburuntur.
- 6 Libri hæreticorum inquirendi sunt a ca-
tholicis, & inuenti concremandi.
- 7 Libri, quorum authores damnantur, si-
militer damnati intelliguntur.
- 8 Libros impiorum multis legibus condem-
nant religiosi principes.
- 9 Libri hæreticorum in multis concilijs, et
a quamplurimis sanctis viris combu-
sti fuerunt.
- 10 Libri fontibus comparantur, & cur plus
noceant hæreticorum scripta, quam eo-
rum praua colloquia.
- 11 Libros sanctorum quomodo veneno suo
inficere hæretici conantur.
- 12 Lutherani corrumpunt hodie omnes fe-
re libros christiana religionis.
- 13 Libri sancti ab hæreticis deprauati com-
burendi sunt.
- 14 Libri sanctorum, ne ab hæreticis corrũ-
pantur, quo pacto curandum sit.
- 15 Libros poetarum non emittendos in lucẽ
ante censuram constitutorum iudicum,
statuit Plato quadam in lege.
- 16 Libros excudi, priusquam ab episcopo
& apostolico inquisitore sint examina-
ti, vetant concilium Lateranense &
Tridentinum.
- 17 Libri hæreticorum vitandi & comburẽ-
di sunt, etiam si aliqua in illis elegan-
ter tractata reperiantur.
- 18 Christus saluator noster cur demones ue-
ritatem dicentes loqui prohibuit.
- 19 Libros hæreticorum ob curiositatem le-
gentes reprehenduntur.
- 20 Libros hæreticorum quomodo & quile-
gere possint.
- 21 Libros hæreticorum, eos præsertim qui
religionis non sunt, permissu summi pō-
tificis legere possunt viri sapientes.
- 22 Libri hæreticorum, nisi eorum nomen
supprimatur, legi non possunt.
- 23 Hæreticum esse illum, apud quem hære-
ticorum libri reperiantur, immerito
quidam censent.

24 Libros hereticorum habentes quo in numero ponendi sint.

25 Libris haresum convinci possunt, qui eos ediderunt.

26 Libros hereticorum retinentes quomodo

puniendi sint.

27 Libri Lutheranorum, nihil aliud fere sunt, quam famosi libelli in Pontificem Max. & in catholicam ecclesiam.

De libris.



ON solum veræ religionis cultores, sed ij etiam qui peruersam atq; impiam religionē suscipiunt, libros noxios damnare solent.

Plato ille diuinus poetarū libros, qui de dijs suis parum religiose loqui videbantur, repudiandos & extirpandos. lib. 7. de legib. censuit. Et Prothagoræ libros, in quibus de diuinitate male sentiebat, Athenienses in concione combusserunt, sub præconis voce a singulis, qui illos habebant, inuestigati, vt Cicero. li. 1. de nat. deo. & Laertii. lib. 9. & Lactant. lib. de ira Dei, authoros sunt. & Augustus Cæsar duo milia Fatidicorum librorum cōcremauit: quemadmodum Sueto. in eodem Augusto. & Dion lib. 54. memorant.

2 Et libri religionis Numæ Pompilij a prætore in senatum delati, quia leues quasdam sacrorum causas continebāt, ex patrum autoritate cremati sunt. Additque Valer. Maxi. li. 1. c. 1. septē fuisse libros illos græcos de disciplina Sapientiæ: quos quia aliqua ex parte ad soluendam religionem pertinere existimabantur, Petilius prætor Vrbani ex autoritate senatus, per victimarios facto igne, in conspectu populi cremauit: quia noluerūt prisca viri, quicquam in ciuitate asseruari, quo animi hominum a Deorum cultu auocarentur. [Cuius rei meminerunt Plutarchus in Numæ Pompilij vita, Plinius. lib. 13. natura-

lis histor. cap. 13. & alter Plinius. lib. de viris illustri. Titus Liuius. lib. 40. Lactant. lib. 1. de diuin. instit. ca. 22. diuus Augu. lib. 7. de ciuita. Dei cap. 34. Freculphus. lib. 3. chroni. Francisc. Floridus lib. 1. lectionum successiuarum cap. 13.]

3 Liuius quoque li. 39. ita scribit: Quoties hoc patrum auorumque ætate negotium est magistratibus datum, vt vaticinos libros conquirent comburerentque? Et idem Liuius lib. 25. Quo diutius trahebatur bellum, tanta religio, & ea magna ex parte externa, ciuitatem incescit, vt aut homines, aut dii repente alij viderentur facti, &c. Vbi potentius iam esse id malum apparuit, quam, vt per minores magistratus sedaretur: prætori vrbis negotium ab senatu datum est, vt his religionibus populum liberaretis & in concione senatus consultum recitauit, & edixit, vt quicumque libros vaticinos, præcationesue, aut artem sacrificandi conscriptam haberet, eos libros omnes literasque ad se deferret, ne quis in publico, sacroque loco, nouo aut externo ritu sacrificaret. Hæc ille. Et Iulius Paul. lib. 5. receptarum sententiarum. titul. ad leg. Corneli. de Sica. Libros magicæ artis apud se neminem habere licet, at penes quoscumque reperiuntur, bonis ademptis, ambutisque his publice in insulam deportentur: humiliores capite puniatur. & Vlpianus ait, libros improbatæ lectionis protinus corruptēdos esse. [in l. Ceteræ. ff. fam. hercis.]

4 Et rex

- 4 Et rex ille Antiochus putans libros veteris testamenti, noxios & reprobos esse, edicto pœnali eos prohibuit: & milites eius, libros legis Dei combusserunt igni, scindentes eos: & apud quemcunque inueniebantur libri testamenti Domini, secundum edictum regis, trucidabant eum, vt sacra Machabæorum historia proditur. lib. 1. cap. 1. Et eodem errore atq; impietate infectus Diocletianus, edictis iussit, vt sacra omnia volumina igni concremarentur. [Euseb. lib. 8. eccl. histo. cap. 2. Nicepho. lib. 7. c. 3.]
- 5 Ex quibus omnibus alijsq; multis perspicuum est, sapiētes homines iure quodam gentium, vt susceptam quique religionem tuerentur, reprobos libros damnasse: ac multo id magis fieri debuit a veræ religionis cultoribus, ne in-expiabiles religiones, in rempub. nostram inducerentur. Quamobrè Hebræi quidem atq; Christiani libros impiorum combusserunt, & multi ex eis, qui fuerant curiosa sectati, vt in actis apostolicis legitur, contulerunt libros, & combusserunt eos coram omnibus: & computatis pretijs illorum, inuenerunt pecuniam denariorum quinquaginta millia: ita fortiter crescebat verbum Dei, & confirmabatur. [Act. 19. Faber in mal. contra Luthe. tex. 19. §. 3.]
- 6 Quo vel solo patet, tales libros exure, signum evidens esse augmenti & confirmationis sincerae fidei: e contrario autem eos tolerare, maximum argumentum est, fidem catholicam frigere, minui, & infirmari. Itaque inquirendi sunt a catholicis hæreticorum libri, & inuenti protinus concremandi: quod multis legibus pontificijs est cautum.
- 7 In sexta synodo generali can. 63. historias ab hæreticis confictas igni tradere iubent patres: & Leo ille magnus præcipit, vt hæreticorum codices interdicantur, & ignibus concrementur. Quod in concilio Constantien. renouatum est, & apostoli ipsi libros hæreticorum damnarunt. cano. 59. & damnatis authoribus, libri quoque illorum vetiti intelliguntur. [conci. Constantien. sessio. 8. & 15. cap. fraternitatis. de hæret. Nicepho. lib. 8. eccl. histo. c. 53. & lib. 3. cap. 1.]
- 8 Multis quoque legibus religiosi principes libros impiorum condemnant. Constantinus magnus Arrij libros, Theodosius & Valentinianus libros Nestorij, Valentinianus & Martianus libros Eutychetis & Apollinarij, Honorius & Theodosius libros Mathematicos, Arcadius, Honorius, & Iustinianus libros omnes hæreticorum publice comburi iusserunt. Addo etiam Carolum magnum, qui libro legis Franciæ. cap. 73. hanc legem tulit: Pseudographæ & dubiæ narrationes, vel omnino quæ contra fidem catholicam sunt, neque credantur, neque legantur, sed comburantur, ne in errorem per talia scripta populus mittatur. [1. damnato. l. quicunque. C. de hæret. l. vlt. tit. 16. lib. 9. & l. 24. tit. 4. lib. 16. C. Theodosi. 5. synodo Constantino. actione. 1. Socrates lib. 2. histor. tripar. c. 15. Nicepho. lib. 8. histo. eccl. cap. 25. & lib. 17. cap. 9.]
- 9 Huius rei suppetunt affatim exempla. In synodo illa Nicæna Arrij libri combusti sunt. In sexta & octaua synodo generali hæreticorum scripta cremata fuere. Diuus Cyprianus libros magicos palam combulsit, vt Grego. Nazianzenus est author, orati. 19. quod ipsum Theodas quoque fecit, sicuti Damasce-nus in historia retulit. Gelasius, Symmachus, & Ormisda Manichæorum libros exuri fecerunt: & qui olim arte magica insignes erant, ad Christianam religionem

nem conuersi, impiæ vanitatis libros incendijs tradebant, vt Athanasius memorat libr. de incarnat. verbi. Quid plura? quotannis in Hispania plurimi hæreticorum libri ardent.

10 Multæ autē sunt causæ, propter quas libri hæreticorum in ignem mittendi sunt: nam si vitare debemus impiorum colloquia praua, multo magis eorum libros: ea enim quæ scribuntur, magis nocere possunt, quia præmeditata sunt, & fortiores neruos habent. Ad hæc, qui legunt, vehementius insistant, quā qui audiunt, & plus veneni bibunt: & sæpius libros legere atque ex eis discere possunt. Deinde, semel emissum volat irreuocabile verbum: at scripta per multa secula durant, & posteros etiam inficere queunt. Denique voces hæreticorum, ciuitatem vnam replere vix possunt, libri vero de populo in populum, de regno in regnum perfacile trāseunt. Quamobrem habendi sunt veluti perennes quidam fontes, perpetuū virus scaturientes. Libri etenim fontes esse intelliguntur. vt ex psal. 67. satis apparet, & inibi theologi obseruant. & Pierius retulit in Hieroglyphicis. [Alfonsus Castrensis. lib. 2. de iusta hæreti. puni. cap. 15.]

11 Non tantum venenati sunt omnes hæreticorum libri, sed & ipsi hæretici sanctorum scriptis virus suum immiscere solent, verbulo vno, alteroue clanculū aut addito, aut dempto, aut mutato, prout cuique ad suam rem facere videtur. Sic olim euangelia ipsa, & apostolorum scripta, ab hæreticis sæpe fuisse deprauata, Tertullianus contra Marcionem locuples testis est. Sic libri Clementis, Dionysij, Origenis, & aliorum ab impijs corrupti fuerunt. Sic demum synodus Chalcedonen. & acta quintæ synodi, & capita quædam Ephesini con-

cilij adulterata fuisse, authores multi sunt. [Euseb. lib. 4. eccl. histo. cap. 23. & lib. 5. cap. vlti. & lib. 6. cap. 10. Ruffinus lib. de adulter. librorum Origenis, Isidor. lib. 3. de sum. bon. cap. 12. Ioannes Picus in apologia. quæst. 7. Brunus lib. 6. de hæreticis. cap. 7.]

12 Et ne longe factorum exempla petantur, corrumpunt hodie Lutherani sacros fere libros omnes: quos magno studio curant, vt sic deprauati, ad Indos vsque perueniant: vsque adeo verum est, quod ille Hieron. de hæreticis iā olim scripsit: In eo se lucrum putant consequi, si alios decipiant, & ipsi perditæ cæteros perdant. Fieri enim fere solet, tam in alijs disciplinis, quam in religionis, vt quod quis vehementius amaret, idem cupiat omnes contemplari atque amplecti: & quæ pertinaciter sibi persuaserit, ea in lucem prodant, firmiterque credenda totis viribus persuadere conetur. [Hieron. in Esa. cap. 19. Hermas Letteratus lib. 2. de instau. relig. c. 5.]

13 Scripta quoque sancta ab hæreticis deprauata, laceranda & cōburenda sunt: quia plusquam libri hæreticorum nocere possunt: Hos enim vitamus omnes: illa vero bona fide legimus: ac fieri potest, vt legentes in insertos alicubi errores, velut in scopulos aliquos impingamus: atque inde id eueniet quod Leo ille magnus epistola. 91. scriptum reliquit, Vt pietate sanctorum voluminū deprauata, non quod Spiritus sanctus docuit, sed quod diaboli minister inseruit, legatur & prædicetur.

14 Huius autem contagij nō aliud remedium inueniri potest, nisi qua dignum est diligentia curetur, ne vsquam locorum, quouis idiomate, siue religionis, siue serij, siue ludicri libri aut libelli imprimantur, vendantur, importentur, legantur, habeantur: nisi quos publica autho-

- authoritate delecti censores approbarent: ita plane ut officinæ excudendorum librorum publicæ ubique authoritati pateant, non secus atque officinæ cudendæ monetæ. Et hoc tanto maiore sollicitudine, quanto par est existimandum, plus interessere ipub. religionem incorruptam esse, quam monetam. Ac tanto quidem iustius transgressores punire licebit, quanto maleficio ipsum circa præstabilius est. [9. ethi. cap. 3. Hermas. lib. 3. de instau. religio. c. 5. Brunus lib. 6. de hæretic. cap. 7.]
- 15 Eodem fere pertinet lex illa Platonis: Nemo poeta præter ciuitatis leges, & præter iusta vel honesta, vel bona, fingere quicquam audeat: neque liceat quæ composuerit, ulli priuatorum ostendere, antequam constituti hac de re iudices, legumq; custodes, & viderint & approbauerint. Et paulo post: Insaniremus & nos omnino, & ciuitas omnis, si antequam magistratus viderint quæ composuisti, & dicenda ad populum iudicauerint, admitteremini. Hæc Plato lib. 7. de legibus. qui lib. 8. addit. Nemo audeat musam horum iudicio non probatam canere, etiam si Thamyra, Orpheique hymnis sit suauior.
- 16 Extat concilij Lateran. decretum, vetans ne quis liber imprimatur, nisi per episcopum & inquisitorem apostolicum diligenter sit examinatus: qui contra fecerit, in sententiam excommunicationis incurrat, & libri publice ardeant. Quod in synodo Tridentina renouatum est, & regijs pragmaticis poenis magnis sancitum. [Lateran. sess. 10. Trid. sess. 4.]
- 17 Et quamuis in hæreticorum libris (in ijs præsertim qui ad religionem pertinent) aliqua reperiantur eleganter tractata: nihilominus tamen libri eorum vitandi, & comburendi sunt. Nam ut Irenæus lib. 3. aduersus hæreses. cap. 4. inquit: Non oportet quærere apud alios veritatem, quam facile est ab ecclesia discere. Adde quod ut Leo magnus ait: Quamuis sint in illis quædam quæ videantur speciem habere pietatis, nunquam tamen vacua sunt venenis: Sine mendacio consummabitur verbum legis, & sapientia in ore fideli complanabitur. [Eccl. 34.]
- 18 Timendum quidem est, ne dulcedine veritatis lectores allekti, impietatis venenum incauti liguriant: atque ea causa fuit ut Christus saluator noster demonia veritatem dicentia loqui prohibuerit, quemadmodum Theophylactus, Euthymius, & alij in euangelium Marci obseruarunt. c. 1. Et inibi Beda inquit: Quare autem demonia Dominus se loqui prohibet, Psalmista manifestat, qui ait: Peccatori autem dixit Deus, quare tu enarras iustitias meas per os tuum? Nequis dum prædicantem audit, sequatur errantem. Improbis enim magister est diabolus, qui falsa veris sepe permiscet, ut specie veritatis, testimoniū fraudis obtexat. Quod idem in acta apostolorum. cap. 16. iterans addit.
- Ne corrupamur amari
Melle doli, si vera canit, qui falsa ministrat.*
- Ut Arator ait. Tum illud addo.
Impia sub dulci melle venena latent.
[Simile quippiam tradit Origenes in lib. nume. homil. 16. & Chrysost. in cap. Matth. 13. homil. 47. & concio. 2. de Lazaro.]
- 19 Sed quamuis hæc ita sint, quiescere tamen nescit praua curiositas, & Eux filij ut bonum & malum sciant, libros hæreticorum legunt. Quasi vero in omni doctrinarum genere innumerabiles libri non extent, quorum lectione curiosi homines satiari non queant. Isti vero præcepta Pontificum contemnentes, vehementer

- hementer peccant: nam qui eos spernit, Christum spernit. Deinde committunt se periculo erroris impij: & Qui amat periculum, peribit in illo: & Qui tegerit picem, inquinabitur ab ea. [Luc 10. Ecclesi. 3. & 13.]
- 20 Summi tamen theologi, concessu Pontificis Max. libros hereticorum legere poterunt, ut fallaces eorum doctrinas refellant: exemplo Dionysij episcopi Alexandrini, qui lib. 3. de baptismo huiusmodi verba scripta reliquit: Ego & tractatus hereticorum lego, & traditiones eorum perscrutor, cui si videar ad horam verbis eorum pollui: sed multum mihi confert hoc ipsum, quod ex ipsorum verbis arguere eos possum. Denique cum aliquis ex fratribus & presbyteris prohiberet me, ne heretica lectione, tanquam coeni alicuius foetore polluerer, visio mihi quedam a Deo ostenditur, quae me confirmaret, & sermo ad me factus est, haec mihi euidenter proloquens: Lege omnia quaecunque in manus tuas venerint: quia probare singula quaeque, & discernere potes: quandoquidem ex initio tibi haec causa fuit credendi. Amplexus sum visionem, quia & apostolicę sententię congruebat, dicenti: Omnia probate; quod bonum est, tenete. [Retulit haec Eusebius lib. 7. eccle. histo. cap. 6. & Nicephorus meminit lib. 6. cap. 8. Godofredus in l. damnato. C. de heret.]
- 21 Viri quoque sapientes, permissu Pontificis Max. legere possunt hereticorum libros: eos praesertim qui religionis non sunt, sed vel iuris civilis, vel medicine, vel artium liberalium: ut si qua prodesse catholicis queant, ab hereticis, tanquam ab iniustis possessoribus, auferantur. Quod iam olim de libris gentilium legendis diuus August. alijque tradiderunt. [Aug. lib. 2. de doctri. chri. cap.

40. cap. turbat. cum seq. dist. 37. Nicepho. lib. 10. ecclesiast. histo. cap. 26.]

22 Sed si id fiat, ne nominandi quidem heretici sunt. Laudat Plutarchus Lacedaemonios, eo quod flagitiosus quidam, cum optimam dixisset sententiam, Lacedaemones ipsam approbarunt, sed illi ablatam, alij qui bene vixerat, ascripserunt: Quod prolixè memoras Aulus Gellius; nobile id & illustre consilium fuisse dicit, ac tandem his verbis concludit: Sic bona sententia mansit, turpis authori mutatus est. Quod si viri illi, vera pietatis ignari, dedignati sunt ex improborum ore veras & honestas sententias audire: quanto magis catholici cauere debent, ne vel ex ore, vel scriptis hereticorum immortalitatis verba capiant: ut quos etiam Deus tanquam organa diaboli indignos iudicat, ex quorum ore veritas denunciatur? [Plutar. in Apophtheg. Gelli. lib. 18. cap. 3. Philo lib. quod deterius potiori insidiari solet. Brun. lib. 6. de heret. cap. 6.]

23 Multi iurisperiti, non admodum perite aiunt: Si libri hereticorum apud aliquem reperiantur, hoc ipso probatum erit, illum hereticum esse: atque adeo ut conuictum puniri posse. In quo mea quidem sententia bis errant. Primum, quod praeter leges id genus probationis inducunt: quod neque vsquam relatū; neque vnquam receptum est. Deinde, quod ex ea sola praesumptione siue ficta probatione, putant, Christianum hominem impietatis danari posse: quod lege pontificia nominatim vetitū est. [c. literas. de praesumpt. Falluntur Archidia. Ioā. And. & Domini. in c. filij. de heretic. li. 6. Ludoui. Roma. singul. 326. Ioan. Anan. in c. si quis episcopus. de heret. Hippol. in l. qui falsam. ff. de fals. & in practica. §. diligenter. & cōsi. 52. Gratus cōsil. 151. li. 2. Ludoui. Care. de hereticis. nu. 125.]

24 Sunt qui aiunt, suspectos esse illos, qui libros hæreticorum habent : quorum sententia probabilis est. Ego vero plurimum arbitrio iudicium tribuendum cenfeo : nam ex personarum & librorum qualitate, aliisque circumstantiis, causa cognita, iudices in vnaquaque specie melius statuere poterunt : hodie vero multis summorum Pontificum decretis, & bulla in cæna Domini seuerissimæ pænæ sancitæ sunt contra eos, qui libros hæreticorum legunt, vel possident. [Ioã. And. & Domin. in cap. 2. de hæret. lib. 6. Matth. in constit. Siciliæ titul. 1. q. 10. Felin. in. c. si quis episcopus. de hæret. Gonfa. de hære. prauit. q. 13. Alber. de assertioni. cath. q. 28. Godofred. in l. damnato. C. de hæreti. Zanchi. cap. 7. Fran. Bursat. consil. 90.]

25 Cæterum libris hæresum cõuinci possunt eorum authores, & plenam aduersus eos probationem faciunt, si modo plane constiterit ab eis compositos esse. Nec enim minus hæretici sunt, qui hæreses dicunt, quam qui eas scribunt : imo deliberatione maiori libri scribuntur, quam verba emittantur. Accedit eo Iustinus ille martyrio & philosophia illustris, qui in prima quæstione Gentibus posita inquit : Impium est, etiam sola cogitatione indigna de Deo sentire : si vero ad huiusmodi impietatem, quam sola opinio & cogitatio pariat, etiam oratio & assertio addatur, maior impietas efficitur : si & asseratur, & scripto enuntietur, necessario omnem malitiã & vitium talis impietas complectitur. Quamobrem diuus Aug. epist. 96. inquit : Anathemet Pelagius scripta sua, vbi contra gratiam Dei, etsi non per contumaciam, tamen per ignorantiam disputat, &c. [cap. vlti. 24. q. 2. Leo epistola. 91. cap. 15. l. lex Cornelia. §. si quis librum. ff. de iniur. Sozome-

nus. lib. 3. histor. tripart. cap. 9.]

26 Qua pœna sit afficiendus, qui libros hæreticorum retinet, sæpe quæsitum est. & lex quidem magni Constantini ait : Si quis conscriptiones Arrii celasse comperiat, & non repente proferens, igne consumpserit, mortis supplicio subiacet. Honorius quoque & Arcadius hæc legem tulerunt : Codices, hæreticorum doctrinam continentes, summa sagacitate quæri ac prodi mādamus, sub aspectibus iudicantium incendio mox cremandos : ex quibus si quid forte aliquis, qualibet occasione vel fraude occultasse neque prodidisse conuincitur, sciat se velut noxiorum codicum retentorem capite esse plectendum. Valentinianus autē & Martianus aliquanto mitius, lex enim eorum ait : Nemo huiusmodi habere libros, & sacrilega scriptorum audeat monumenta seruare : quod si qui in his criminibus fuerint deprehensi, perpetua deportatione damnentur. Postremo Iustinianus constitutione nouella inquit : Neque Seueri dicta scripta æ apud quemquam Christianorum manento, sed profana sunt, & a catholica ecclesia aliena, ignique comburantur a possessoribus : nisi illis retinendis in periculum adduci velint. Præterea, a nemine in posterum conscribuntur, sciēs quod illius dicta conscribentibus, abscissio manus in pœnam irrogabitur : nolumus etenim vt illorum blasphemiam ad alia prorepat secula. [Socrat. lib. 2. histo. tripart. cap. 15. l. 24. titul. de his quæ super religione cõtred. C. Theod. l. quicumque. C. de hæret. Nouella. 42. vt Anthimus, Seuerus, &c.]

27 Nobis vero, qui sententiam sanguinis ferre non possumus, magno argumento esse debent suprascriptæ leges, vt seuerius in eos animaduertamus, qui dolo malo hæreticorum libros occultant.

Quod

Quod si hi qui famosum libellum reperiunt, & non illum statim supprimunt, capitali sententia damnantur: quanto acerbius puniendi sunt, qui libros hæreticorum seruant, præsertim Lutheranorū? qui nihil aliud fere sunt, quam in Pontifices Max. in diuos om-

nes, in ecclesiam catholicam, in religionem Christianam, impij famosque libelli. l. i. c. de famos. libellis. vide bullas Leonis X. & Iulij III. contra eos latas, qui libros Lutheri & aliorum legerint: eos enim pœnis hæreticorum, & læsæ maiestatis condemnant.

De Mahumetanis


Tit. XXXIX.

S V M M A R I V M.

- 1 Mahumetanorum appellatio quos cōplectatur.
- 2 Mahumetis vitia, & secta ab eo introducta turpitudine.
- 3 Mahumetis sectam, ridicula cum sit, cur tot homines sequantur.
- 4 Mahumetani ad inquisitorum iurisdic-

- tionem non pertinent, nisi fuerint baptizati.
- 5 Hispania eo potissimum nomine felix appellari debet, quod ab hæresibus int acta est.
- 6 Christianus Mahumetis secta se addicens, quomodo puniendus.

De Mahumetanis.

- 1  AHUMETANORVM appellacione hoc loco accipimus Sarracenos, Mauros, Turcas & cæteros barbaros omnes, qui Mahumetem illū impostorem, & pseudopphetam colunt: quorum omnium secta falsissima & spurcissima est, & quæ facile a quouis homine, infimæ etiam eruditionis, expugnari & confutari potest: ea enim lumini naturali & supernaturali repugnat, & ab omni philosophia rectaque ratione prorsus abhorret. Composuit Mahumetes ipse Alcoranū, idest, collectionem præceptorum: librum quidem vsque adeo confusum & inuolutum, vt vix magno labore ab homine quopiam doctissimo explicari, aut ordinari queat: quod euidenter ostendit imprudentiam & ignorantiam atque cæcitatem authoris. Continet præterea tot fabu-

losa portenta contra legem Dei & bonos mores, vt irrisione magis, quam confutatione dignus sit.

- 2 Mahumetes ipse homo fuit sacrilegus, tyrannus, peruersus, qui non doctrina, eruditione, aut vitæ sanctitate, sectam suam persuasit, sed vi & armis, fraudibus atque muneribus eam introduxit. Nihil habet ea secta præclarum aut sublime, nihil attingit de puritate cordis, nihil de contemplatione veritatis, nihil de vera beatitudine, tota est in terrenis delitijs, in obscœnis corporis voluptatibus: nullis vnquam veris miraculis claruit Mahumetes, neque ab vllō propheta, viro sancto aut erudito vnquam laudatus est: a seipso sapissime dissidet: & ingenue falsus est, nescire se, an ipse, & qui eum sequuntur, in via salutis essent. Addiditque se credere quod nullus legem suam erat intellecturus: neque mirum

id, quando quidem illemet seipsum non intellexit. Etenim ut Sapiens ait. Impius confundet, & confundetur. Docuit auditores suos, quod qui occidit inimicum, vel ab inimico occiditur, in paradysum ingrediatur: paradysum vero dicebat, carnalis cibi, & potus, & commixtionis mulierum, fluviumque vini & mellis & lactis, & sceminarum, non presentium, sed aliarum commixturam, multorum annorum futuram, & affluentem voluptatem: neque non & alia luxuria, & stultitia plena, ut Paul. diaconus memorat, libr. 18. rerum Romanorum. [vide Pompon. Latum. in Licinio. & Baptistam Egnatium post vitam Heraclij.]

- 3 Dixerit fortasse quispiam, quid est igitur quamobrem tam innumerabiles hanc sectam sequuntur? In promptu causa est, quia voluptatibus servit. Etenim (ut apud Xenophontem est) Fit per sepe ut habeant plures qui secum sentiant improbi viri quam probi. Improbitas enim proficiens per subitas voluptates, harum persuasionibus utitur, quo multi secum sentiant: At virtus ad arduum agens non est admodum potens, ut subito & inconsulto ad se trahat. Et Arist. 6. Polit. inquit: Permissio vivendi, ut quisque velit, magnam colligit fauentium multitudinem: nam vulgo dissoluta gravior est, quam temperata vita. Sic meretrici dicenti (viti Elianus refert lib. 13.) Ego quidem, o Socrates, multum tibi praesto: nam cum tu nemi ne ex meis a me possis abalienare, ego cum libitum est, tuos omnes a te auoco. Respondit Socrates, quid mirum est hoc? Si quidem tu ad declivem tramitem omnes rapis: ego vero ad virtutem cogo, ad quam arduus & plerisque insolitus est ascensus. Sic Mahumetes, Lutherus & fere caeteri haeretici omnes,

hac ampla via, improbos homines rapiunt, relicta illa Christi arcta, quae ad vitam ducit: quam viam cōficiunt admodum pauci.

- 4 De Mahumetanis autem non est, cur pluribus disputemus, quandoquidem ad jurisdictionem inquisitorum non pertinent, nisi forte baptizati fuerint: quo casu in haeticorum vel apostatarum numero habendi sunt. Accedit etiam quod lege regia expulsi sunt Mahumetani e tota Hispania: & praeterea interdictum illis est, ne vnquam ad eam reuertantur, poena mortis & publicationis bonorum aduersus illos, qui contrarium fecerint, constituta. Item illud eadem lege continetur, ut bona omnia eorum, qui Mahumetanos receperint, ipso facto confiscentur.

- 5 O nimium felix Hispania nostra piorum principum beneficio, ab impiorum & haeticorum pestifera contagione purgata: fatentur hoc ipsum exteri, qui regnum nostrum ob eam rem aiunt esse, sicuti est, foelicissimum: sed vnus testimonio breuitatis causa contentus ero. Hosius ille Cardinalis illustris, multis nominibus suspiciendus, libro. 3. aduersus prologomena Brentij: Nullum, inquit, regnum est, nostro hoc infelici seculo, magis ab haesibus intactum, quam sit, vel hoc solo nomine felicissimum, Hispaniarum regnum: cui propter hanc in fide catholica constantiam, & eius tuendae diligentiam, alias praeterea multas felicitates Deus largitur. Sic etiam Pausanias libro. 1. de religione Atheniensium loquens, inquit: Quanto caeteris Deorum cultu Athenienses praestent, secunda, qua in praesentia vitur fortuna, argumento esse potest. Incredibile pene est, quanta felicitate coalescant regna, in quibus iustitia permixta est cum religione: quae cum in Hispania

spania fulgeant, mihi conijcere licet, diuina prouidentia factum esse, vt Indorum gens tam late longeque diffusa, ab Hispanis potius, quam ab alijs nationibus inueniretur: nempe vt rectam puramque fidem ab Hispanis hominibus edoceantur. Annuntiatum a nostratibus est omnibus fere Indis euangelium Christi, & innumerabiles barbari facti sunt Christiani, Domino cooperante, & multis magnisque signis catholicam fidem confirmante, ad hæreticorum omnium confusionem.

6 Sed ad Mahumetanos reuertamur.

Contra Christianum, qui Mahumetis sectam secutus fuerit, regia lege capitis pœna constituta est: sed iure pontificio, quo inquisitores apostolici vtuntur, desertor ille tanquam apostata puniendus est. [l. 4. titul. 25. part. 7. c. contra Christianos. de hæreti. lib. 6. Denique contra Mahumerem & Alcoranum multi multa scripserunt: vide si vis Nicolaum Cusam atq; Dionysium, & Armacanum libro. 18. de erroribus Armenorum. Ludoui. Viues lib. 4. de veri. fid. chri.]

De matrimonio Titulus XL.

S V M M A R I V M.

- 1 **V**xores duas, aut plures habens a iudice seculari puniendus est.
- 2 Inquisitores cur sapenumero de causis eorum cognoscunt, qui plures habent vxores.
- 3 Inquisitores quatenus cognoscere debeant de illorum causa, qui plures habent vxores.
- 4 Inquisitores quando procedere debeant aduersus eos qui plures vxores habent.
- 5 Vxorem alienam qui sciens ducit, & mulier quæ scienter nubit alterius viro, a quibus puniendi sint.
- 6 Vxores plures habentes qua pœna affici soleant ab inquisitoribus.
- 7 Iudices ecclesiastici ad verbera damna re possunt reos.
- 8 Monachus post professionem solemnem, matrimonium contrahens, si occulte id faciat, an ab inquisitoribus puniendus sit.
- 9 Monachum, qui occulte matrimonium contrahit, ab inquisitoribus puniri non debere, falsa videtur opinio.
- 10 Inquisitores cognoscere etiam possunt de crimine monachi occulte vxorem ducentis.
- 11 Lutheri hæresis asserentis monachos posse ducere vxorem, iam olim condemnata est.
- 12 Clerici qui vxorem ducunt, eodem stylo ac monachi coercendi sunt.
- 13 Clerici nuptijs incestis inquinati qua pœna afficiendi sint.
- 14 Maritus qui vxore viua absque eius iusto consensu ad sacros ordines promouetur, qua pœna afficiendus sit.
- 15 Sacerdos qui filiam spiritualem nefario incestu contaminauerit, quomodo puniendus sit.
- 16 Maritus an habitare teneatur cum vxore heretica ecclesie reconciliata, & vxor cum marito.
- 17 Matrimonium contractum inter catholicos & hæreticos, an ratum sit.
- 18 Matrimonium prædictum ratum esse non nullis rationibus ostenditur.
- 19 Matrimonium prædictum ratum non esse, & prædictas rationes nullius esse momenti, demonstratur.

- 20 Matrimonium inter Christianos & hæreticos multa concilia prohibent.
- 21 Concilia quæ matrimonium inter Christianos & hæreticos prohibent, a pontificibus maximis approbata sunt.
- 22 Matrimonium inter Christianos & hæreticos vetitum est, pœnis etiam adiectis.
- 23 Matrimonium hoc qui dixerit ratum esse, probare debet exceptionem, cum regula sit ei contraria.
- 24 Matrimonij prædicti non qualiscunque prohibitio est, sed varijs pœnis sancta.
- 25 Matrimonia legitima & iusta separantur propter hæresim superuenientem.
- 26 Matrimonium & societas cum hæreticis diuino iure prohibetur.
- 27 Matrimonium iisdem de causis quibus irritum est inter infideles & Christianos, inter hæreticos & fideles irritum censetur.
- 28 Hæreticorum consuetudo periculosior est quam infidelium.
- 29 Hæreticorum societatem perniciosam esse ex Paulo ostendi potest.
- 30 Christianis graue & nefarium iugum est, cum hæreticis societatem coniungere.
- 31 Matrimonium cum infideli contractum, cur potissimum irritum esse debere, quidam theologus assenerabat.
- 32 Christi membrum efficitur quisquam, nō solum per sacramentum fidei, sed per fidem etiam sacramenti.
- 33 Matrimonium catechumeni, aut apostatæ, cum catholica, vel infideli, an sit ratum.
- 34 Matrimonium apostatæ cum catholica ratum esse, quidam theologus ex Ambrosio deducebat.
- 35 Ambrosius de matrimonio loquens, nuptias infidelis & hæreticæ cum Christiano ex æquo prohibuit.
- 36 Matrimonium inter fidelem & infidelē prohibet Tertullianus.
- 37 Christianum virum cum muliere hæretica coniungi non licere, docet canon 72. sextæ synodi generalis.
- 38 Sextæ synodi generalis canones magnā habent auctoritatem.
- 39 Theodorus Balsamon Antiochenus patriarcha canoni sextæ synodi generalis multum tribuit.
- 40 Matthæus monachus Græcus de canone sextæ synodi generalis magnifice sentit.
- 41 Matrimonium inter Christianos & infideles aut hæreticos, leges septipartitæ prohibent.
- 42 Hæreticus infidelis dici potest.
- 43 Matrimonium inter Christianos & hæreticos cur contrahere non liceat.
- 44 Hieronymus matrimonium inter hæreticos vel infideles & Christianos, quibus verbis improbet.
- 45 Matrimonium prædictum multa concilia & sancti viri damnant, & prohibent.
- 46 Matrimonium prædictum quantum distet a iusto sanctoque connubio, docet Tertullianus.
- 47 Matrimonium prædictum quibus rationibus adducatur author, ut irritum putet.
- 48 Matrimonium inter hæreticos & Christianos contractum, iure optimo irritū esse censeretur debet.

De matrimonio.



Ad iudicem secularem pertinet, punire eum qui duas, aut plures vxores habet: quemadmodum plurimis Romanis & regijs legibus continetur. Et Athalaricus Gothorum rex, huiusmodi legem tulisse fertur: Vno tempore duabus nemo copulatur vxoribus: quia se nouerit rerum suarum amissione plectendum. Nam aut libido est, & recte perfrui non finitur: aut cupiditas, & iure nuditate damnatur. Author Casiod. lib. 9. variarū. Episcopi quoque atque iudicis ordinarij cognitio est, quoties de viribus huius, vel illius matrimonij questio tractatur. [1. eum qui duas. C. de adult. c. 2. de secu. nupt. l. miles. §. mulier. de adult. authen. hodie. C. de repudijs. regia lex. 7. titul. 15. lib. 8. ordinat.]

2 Ceterum inquisitores de his criminibus in Hispania cognoscere sæpe solent propter abusum matrimonij, & suspicionem hæresis inde orientem: censetur enim de hoc sacramento male sentire, qui cum pluribus matrimonium simul contrahit: quamobrem plerique putant inquisitores de tali crimine cognoscere posse. [Lapus in cap. accusatus. §. sane. de hæret. lib. 6. Domi. & Philip. Franc. in princ. eiusdem cap. Francisc. Squila. in tract. de fide. catho. cap. 15. Sum. Rose. verbo hæreticus, num. 6. Gonfa. de hæret. prauis. quæst. 9. Felin. in cap. ad abolendam. de hæret. Ioan. Lup. in cap. per vestras. §. 18. nu. 25. Couar. lib. 4. decretal. par. 2. c. 7. §. 3. Alfon. lib. 1. de iusta hæret. puni. cap. 1. Conrad. Brun. lib. 1. de hæret. c. 2. diffusius Alberti. lib. de agnoscen. assertio. cathol. q. 23. nu. 49.]

3 Videtur tamen quod inquisitores, vsque eo duntaxat cognoscere valeant, vt plane intelligant, vtrum reus male sentiat de sacramento matrimonij, vel nō: quod vbi peregerint, functi sint officio suo. Nam si constiterit, reum in fide non aberrasse, neque vnquam credidisse, licere simul duas vxores habuisse: videtur quidem quod inquisitores vltra procedere nequeant. Nihilominus tamen consuetudo inualuit, vt interdum reos istos puniant: sed ea consuetudine abuti non debent. Nā si colore aliquo reus excusetur a suspitione hæresis, consultius facient inquisitores, si cognitionem hanc iudicibus ordinarijs reliquerint. Quid enim si prius matrimoniū ex causa probabili nullum esse dicatur? quid si propter longam absentiam, & rumores mortis alterius coniugis, alter ad secundas nuptias transferit? Nunquid infamandi, aut puniendi tanquam hæretici erunt, qui talia matrimonia bona fide contraxerint? Profecto longe aliud sacris canonibus decretum est. Nam vxorem absentis, quæ priusquā de morte viri sui certa esset, alteri nupsit, quodammodo venia dignam iudicauerunt patres, in sexta synodo generali. Quod multis quoque patrum decretis Gratian. comprobatur. [Sexta syno. cap. 93. c. 1. cum seq. 34. quæstio. 1. vi. l. miles. §. mulier. ff. de adulterijs.]

4 Tunc autem iure procedunt inquisitores, cum de hæresi suspectus est reus, vel quia originem habet ex gente Mahumetanorum, vel quia palam duas duxit vxores. Nam priori casu verisimiliter præsumi potest quod legem sequitur Mahumetis: & posteriori, suspectus est ipso facto, quia male videtur sentire de sacramento matrimonij, qui publice illud

ce illud sperint, eoque abutitur. Quod idem in aliis similibus causis seruari poterit: nam si barbari ad fidem conuerſi plures vxores secundum leges maiorum ſuorum habeant, in eadem cauſa ſuſpicionis erunt: multo quidem ante Mahumetem, barbari & carnales homines pluribus vxoribus abuti ſolebant. Cuius rei Saluſtius in bello Iugurthino his iſtis verbis meminit: Iugurthæ filia Bocco nupſerat: verum ea neceſſitudo apud Numidas Maurosque leuis ducitur, quod ſinguli pro opibus quiſque quamplurimas vxores, denas alij, alij plures habent: ſed reges eo amplius: ita animus multitudine diſtrahitur, nullam proſocia obtinet, pariter omnes viles ſunt.

5 Eadem quoque cauſa eſt puniendi eū, qui ſciens matrimonium cōtrahit cum aliena vxore: & item inquirendi aduerſus mulierem illam, quæ ſcienter nubit alterius viro: quia vterque abutitur ſacramento matrimonij, & cooperatur adulterino coniugio. [Abb. in. cap. 2. de ſponſ. duorum. gloſ. in. l. vtrū. ad. l. Pomp. de parri. l. ſiquis vxori. de furt.]

6 Pœna vero qua inquiſitores punire ſolent iſtos, ſi plebei ſint, hæc eſt. Reus ad publicum ſpectaculum ſimul cum hæreticis trahitur, & propter leuem ſuſpicionem abiurat, & ſuſtibus cæditur: hodie quoque ad triremes ad quinquenniū damnandus eſt, parte dimidia bonorū publicata, ſi filios non habuerit: quem admodum lege regia plenius continetur. Ad quas pœnas inquiſitores damnare reos poſſunt, etiam ſi ſacerdotes iſi ſint: non enim connumerantur inter pœnas ſanguinis, quas imponere clerici nequeunt. Sic anno ſuperiori falſidicos teſtes ad triremes condemnauimus. [l. eum qui duas. C. de adult. iuncto. §. Itē lex Iulia. de adulterijs. inſti. de publ.

iudi. petitio. 105. anno. 1548. Alberti. de aſſert. catho. quæſt. 23. nu. 76.]

7 Et iſtus ſuſtium iudicibus eccleſiaſticis iam olim in vſu fuiſſe, diuus Auguſt. eſt author, qui Marcellino ſcribens inquit: Confeſſionem virgarum verberibus eruiſti, qui modus coercionis, & a magiſtris artium liberaliū, & ſæpe etiā in iudicijs ſolet ab epiſcopo haberi, & clerici etiā flagellis cædi poſſunt. [Aug. epiſtola. 159. cap. ſententiam ſanguinis. ne cler. vel mona. c. vniuerſitatis. de ſen. excom. & illic Felin. cap. fraternitas. 12. quæſt. 2. cap. 1. de calumni. c. cum beatus. 45. diſt. Ioan. Ber. in pra. c. 125. l. eum qui duas. C. de adulte. §. item lex Iulia. inſtit. de publi. iudi. Alberti. de aſſertio catho. quæſt. 23.]

8 De Monacho illo, qui poſt ſolemne religionis profeſſionem contrahit matrimonium, hac diſtinctione iuriſperiti communiter vti ſolent: Si publice facinus hoc perpetravit, eo caſu magis ſuſpectus eſt, ipſo facto male ſentiens de votis monaſticis: videtur enim aſſerere, id ſibi licere, quod palam committere non erubeſcit: Aliud eſſe aiunt, cum occulto monachus duxit vxorē, quia tunc magis præſumitur dolo peccaſſe, quam intellectus errore. Quamobrem priori caſu procedere poterunt inquiſitores, poſteriori non item. [ar. l. 2. §. pen. ff. vi bon. rapt. Iacob. Butr. & Bald. in. l. nemo. C. de ſum. Trinit. Abb. in. c. de homine. de celeb. miſ. & conſ. 68. lib. 1. Idē rursus & Feli. in. c. cum quidam. de iur. iur. Ioan. de Anan. & Feli. in. c. ad abolendam. de hæret. Franc. Squilla. de fide catholi. cap. 15. Gonſa. de hæret. prauit. q. 9. Matth. de Affli. in conſuet. Sicil. tit. 1. q. 7. Ioan. Lup. in cap. per veſtras. §. 18. Albert. in rub. de hæret. lib. 6. q. 13. nu. 37. Alſon. lib. 1. de iuſt. hæret. puni. c. 1. Brun. lib. 1. de hæreticis cap. 2. Ludouicus

cus Carer. tractatu de hæreticis. nu. 38.]
 9 Sed vereor ne hæc opinio falsa sit, & ratione careat: mihi certe parum fundata videtur: nam etsi impudentius ille faciat, qui palam has nuptias celebrat, non tamen suspitione magna carebit, qui easdem occulte contraxerit: quini- mo plerunque fit, vt vehementiori sus- pitione laboret, qui clanculum talia committit: nam qui male agit, odit lu- cem. Et vt Arist. lib. 7. ethic. ait, Magis iniusti sunt ij, qui magis occulte procedunt. Et sicuti Socrates lib. 5. histo. eccle. inquit: Ea quæ occulte geruntur, improbitatis suspitione plenissima sunt. Quod multis exemplis confirmare pos- sem, quæ alij ante nos retulerunt. [Ioã. 3. Arist. 7. ethic. cap. 6. Socrat. hist. tripa. lib. 5. c. 34. l. vltim. de ritu nupti. l. non existimo. ff. de admi. tuto. cap. cū ex iniuncto. de hæret. Tiraq. in præfa- tione de retra. conuen. nume. 13. & dein- cept. & lib. de pœn. causa. 57.]

10 Cum igitur crimen vtroque casu idem prorsus sit, neq; differentia ponatur nisi in qualitate ambigua, nō video cur tam diuersa cognitionis causa constituenda sit. Itaque mea sententia cognoscere quoque poterunt inquisitores de crimi- ne monachi occulte matrimonium cō- trahentis: præsertim his temporibus, postquam impius & impurus Lutherus palam docere non erubuit, licere mo- nachis omnibus, etiam cum virginibus Deo dicatis, libere matrimonium con- trahere. Quod & ipse apostata publice perpetravit: sanctimoniali, quam mi- seram secum traxit in perditionem, in- cеста copulatus libidine. Quem non puduit frequenter asserere, æque non esse arbitrij sui, vt se seruaret ab vsu & commixtione scemina: quam non e- rat arbitrij sui, mas esset an scemina. Ex quo pari absurditate colligere sole-

bat votum castitatis esse impossibile. Quod ideo illum sensisse puto, quia he- luo & vinolentus erat: venter enim vi- no estuans, cito despumat in libidinem. Vnde ciuis meus Lucanus lib. 10. elegan- ter cecinit:

*Plenum epulis, madidumque mero, vene-
rique paratum
Inuenies.*

11 Hæc autem hæresis Lutheri iam olim condemnata est, & multi doctissimi vi- ri nominatim illam confutarunt. Cæ- terum illud præterire non potui, quod in cōcilio Turonico eo tēpore celebra- to, quo li cebat clericis iuxta usum Ori- entalis ecclesiæ habere Vxores, de mo- nachis tamen tale decretum extat: Si qui in monasterio conuersi sunt, nulla- tenus exinde habeant licentiam euagan- di: neque, quod absit, vllus eorum con- iugem ducere, aut extranearum mulie- rum familiaritatem habere. Nam si vxo- rem duxerit excommunicetur, & de vxoris male sociatę consortio etiam iu- dicis auxilio separetur: & infœlix mo- nachus tali coniunctione scedatus, ab ec- clesia segregetur, donec reuertatur ad septa monasterij: & indictam ab Abba- te, quandiu præceptum ei fuerit, agat pœnitentiam. Hactenus concilij canon. Inquisitores vero ieiunia & orationes iniungere solent, cū detrusione perpetua in monasteriū. [cōcil. 2. Turonico. can. 11. Adde. c. impudicas. c. si quis sacro. c. monacho. c. & quia. 27. q. 1. Vide Nice- pho. li. 2. c. 15. cū seq. & li. 6. c. 30. Alfōf. Viruef. aduersus Lutheri dogmata. Philip. 18. cum seq. Perionium lib. 2. topico. theologorum.]

12 Differentiā illam inter publicū & oc- cultum matrimonium monachorum se- quuntur aliqui in matrimonijs clerico- rum: sed iisdē omnino rationibus ab eis disētio: idemq; seruari debere sentio, in

PP presby-

*Lage fin. ff de re
iust. l. 1. §. 1.*

presbyterorum, diaconorū, & subdiaconorum nuptijs, quę in matrimonio monachorum supra retuli. Has quoque incestas nuptias clericorum eodem errore approbat impurus ille Lutherus contra innumerabilia fere concilia, & sanctorum patrum decreta: denique aduersus traditionem, & consuetudinem totius occidentalis, hoc est catholicę atq; apostolicę Christi ecclesię. [Ioan. Lup. in c. per vestras. §. 18. Ioan. Bern. in pract. crimi. c. 74. cōtra Lutheri dogmata. Gratia. 27. dist. cū seq. & dist. 32. Hiero. li. 1. aduersus Iouinia. & iterū epist. aduersus Vigilantiū. Gerson dialogo de castit. eccl. Faber in malleo contra Lutherum tract. 4. Echius in Enchirid. tit. 19. Alfōs. aduersus hęreses, verbo sacerdotiū. Albert. Pighius cōtrouersia. 15. Tiraquel. in. 15. lege connubiali. nu. 82. Bartho. Latomus aduersus Bucerum, controuersia de cōlibatu sacerdotū. Marti. Ayala. de diuinis & eccl. tradi. tit. de cōlibatu.]

13 Clerici autem in sacris ordinibus constituti, qui nuptijs incestis inquinantur, officio & beneficio ecclesiastico priuandi, & vxores dimittere cogendi, & digna pœnitentia puniendi sunt. Presbyteri ab ordine deponantur, & sacro ministerio priuentur. Diaconus sit alienus a ministerio, & vacet a clero, & ab omni ordine sacro remoueatur, & officio ac beneficio ecclesię careat: quibus pœnis pari ratione subdiaconus puniendus est: & ita sacris canonibus continetur. Senerius autem constituerunt patres in octauo concilio Toletano, hoc verborū tenore: Quicumque etiam si inuiti, ad ecclesiasticarum officia dignitatum assumuntur, deferere quā semel receperūt gratiam, donumq; nequaquā audeāt. Si vero ad cōiugia moresq; seculi redire attētauerint, omni ecclesiastica dignitate priuentur, & apostatę habeantur, & in

monasterio donec vixerint, sub pœnitentia retrudantur. Hodie tamen solent ad tempus in monasteria detrudi, vt illic ieiunijs certis & orationibus vacent: & vltra suprascriptas pœnas canonicas, pecunia quoque multantur. [cap. 1. de cleri. cōiu. c. decernimus. c. presbyter. c. presbyterū. 28. dist. c. si quis a modo. cū seq. 81. dist. 6. synod. generali. c. 6. c. diaconus. 27. dist. c. eos. 32. dist. & 8. cōcil. Toletano can. 7. regia. l. 4. 1. cū seq. tit. 6. par. 1. Cleme. 1. de consang. & affin. Ioan. Ber. in pract. c. 27.]

14 Quæsitum fuit, quā pœna puniendus esset maritus, qui vxore viua sine iusto cōsensu illius, ad sacros ordines promotus fuit. Cui quæstioni respondimus, nō esse aliam pœnam iure pontificum definitam, quam eam, quę constitutione quadā Ioan. xxij. cōtinetur: hoc est, quod neq; matrimonio soluto in suscepto ordine ministrare, neq; ad superiores ordines prouehi, neq; ad aliquod beneficiū, vel officium ecclesiasticum valeat promoueri. Sed quia non tam de criminis punitione, quam de effectu sacrorum ordinum, illic tractatū esse videtur, & impunitum esse non debet tam graue crimen, placuit omnibus, qui de proposita quæstione consultabamus, vt instar eorum, qui post sacros ordines vxorem ducunt, illi quoque punirētur. Neq; enim magni refert, an matrimonium antecedar vel cōsequatur, quandoquidē vtroq; casu, & sacramento matrimonij, & sacrorum ordinū, & cōlibatui clericorum par sit iniuria. Quamobrē cum ex facto quæstio tractaretur, suspendimus reum ab officijs & beneficijs ecclesiasticis, & prater publicā pœnitentiā, qualis blasphemis iniūgi solet, multa pecuniaria imposita, in monasteriū ad certum tempus illū detrusimus. [extranag. antiquę cōcertationi. Ioā. xxij. tit. de voto. & illic glo. in

glo. in part. nouerit conuenire, & quæ paulo ante diximus num. 12.]

15 Sacerdos, qui spirituales filiam ne fario incestu contaminauerit, ab omni officio deponatur, & cunctis diebus uitæ suæ in monasterium detrudatur. [c. omnes. c. si quis sacerdos. 30. quæst. 1. Ioan. Ber. in pract. c. 76.]

16 Quæsitum fuit, an vir, aut vxor habitare teneatur cū coniuge hæretico ecclesiæ reconciliato. Et cum fornicatio illa spiritualis efficiat, ut matrimoniū separari possit, relinquitur plane, coniugem catholicū cogendum non esse ad habitandum cū hæretico pœnitente. Quin etiā catholicus poterit vxore illa inuita ad religionē cōuolare. [c. vlt. de cōuers. coniug. cap. de illa. de diuort. Sot. in. 4. sentent. dif. 39. arti. 4.]

Sed nisi vxor velit sanctimonialis esse, cogi potest, ut ad virum pœnitentem redeat: & hanc esse communem opinionem aiunt Abbas in. c. de illa. de diuort. & Iulius Clarius li. 5. recepta. sent. §. hæresis. vers. item propter.

17 Cæterum perdifficilis, & perobscura quæstio est de matrimonio contracto inter catholicos & hæreticos: multi enim putant ratū esse id matrimoniū. [Tho. & Sot. li. 4. sent. dist. 39. Guil. in specul. tit. de diuor. glo. in. c. non oportet. 28. q. 1. Card. Præp. & alij in c. vlt. de cōdi. ap. pos. Viguer. in inst. tit. de sacram. matrimonio. Siluest. verb. matrimoniū. 8. §. 10.]

18 Huius opinionis rationes admodum paucas inuenio: sed eruditus quidā theologus has mihi suggessit. Vnam, quod hæreticus habet fidei signaculum indelebile, quamobrè capax est sacramentorū: Alteram, quod tale matrimoniū nullo iure est irritum: Tertiā, quod sequeretur ex contraria sententia, hæretici mētalis cum catholica, nullū esse matrimoniū: Quartam, quod hæreticus ante sententiā

non priuatur dominio bonorum: ergo multo minus priuatus erit potestate sui corporis, ut illud i huiusmodi matrimonium transferre non queat: Quintam, quod hæreticus cōtrahens matrimoniū cum Iudæa, vel infideli non obligatur, neq; ratū est tale matrimoniū propter signaculum fidei: Sextā, quod irritum est matrimonium catholicæ contractum cum catechumeno quamuis ille credat, & confiteatur catholicam fidem: Septimam, quod hæresis non tollit fidē conubialem, neq; prolē, neque sacramentum: ergo non repugnat coniugio, si nō pugnat cum bonis coniugij: Octauam, quod inter Iudæos & infideles verū est matrimonium, & melioris conditionis sunt catholicus & hæreticus: Nonā, quod si hæresis superueniens, non dirimit matrimonium, ergo neq; illud impedit, sed separabuntur coniuges quousque resipiscat hæreticus.

19 Sed iam videamus an isthæc argumenta dissolui possint. Primū quidem fortissimū esset, nisi huiusmodi matrimonium prohibitū foret: nā hæretici aliqua sacramenta retinēt. c. sacramēta cū seq. 1. q. 1. Ad hoc, negamus tale matrimonium non esse iure aliquo irritū, quinimo id postea probabimus: Nec vires habet argumentū tertiū, quia de hæretico intellectuāli, siue pure mentali ecclesia nihil iudicat. Quartū vero argumentū fragilissimum est, quia hæreticus nō priuatur potestate sui corporis, sed eius matrimonium cū catholica contractum irritum est ipso iure. Quintum quoq; argumentum negari potest eadē facilitate, qua asseritur: & quāuis cōcederemus verū esse, nihil inde relinqueretur aduersus nostrā sententiā. Item argumentū sextū negari posset, quia diuus Ambro. nō loquitur de catechumeno, & si de eo loqueretur, nostrę sententiæ nō aduersaretur,

quinimo pro nobis est. c. cauc. 28. q. 1. Deinde septima ratio fragilis est, quia neque infidelitas tollit fidem coniugalem, neque prolem, neque sacramentum: & quia legibus ecclesiasticis, matrimonium istud hæreticorum fit irritum. Octauum autem argumentum fragile est: quid enim ex eo sequitur, quod inter Iudeos & infideles verum sit matrimonium? Denique supremum argumentum fragilissimum quidem est: quia legitimum iustumque matrimonium dirimi non potest culpa vnius conjugis, alioqui hæreticus fieri posset, aut fingeret se hæreticum esse, qui vellet relinquare coniugem: & quos Deus coniunxit, separaret homo.

- 20 Hactenus contrariæ opinionis argumenta fere omnia explosa eiectaque sunt: nunc vero sententiam nostram probabiliorē esse fortasse ostendemus. Ac primum quidem, concilium Elibertinum inquit: Hæreticis, qui errant ab ecclesia catholica, neque ipsis catholicas dandas puellas, sed neque Iudæis, neque hæreticis dari placuit, eo quod nulla possit esse societas fidelis cum infideli: si contra interdictum fecerint, pariter abstinere per quinquennium placuit. c. 16. Et concilium Laodicenum: Eos qui ad ecclesiam pertinent indifferenter filios proprios hæreticorum nuptiis minime sociare debere. & rursus: Quoniam non oportet cum hæreticis commiscere connubia, & vel filios, vel filias dare, sed potius accipere, si tamen profiteantur Christianos esse futuros esse & catholicos c. 10. & 31. Et concilium Carthag. tertium: Item placuit, ut filij vel filiae episcoporum, vel quorumlibet clericorum, gentilibus vel hæreticis, aut schismaticis matrimonio non iungantur. ca. 12. Et concilium Agathen. Non oportet cum hominibus hæreticis miscere connubia, & vel filios, vel filias dare, sed potius

accipere, si tamen se profiteantur Christianos esse futuros, & catholicos. [c. 67. cap. non oportet. 28. q. 1.]

- 21 Quod si quispiam dixerit, hæc omnia concilia esse provincialia: huic ego responderim, a Pontificibus summis & ecclesia catholica fuisse approbata: & proferam præterea concilium œcumenicum Chalcedonense, cuius verba sunt: Quoniam in quibusdam provinciis concessum est lectoribus & cantoribus vxores ducere, constituit sancta synodus, nulli eorum licere, alterius sectæ accipere vxorem. Et paulo post: Nō possint liberos suos, hæretico, vel pagano, vel Iudæo matrimonio coniungere, nisi utique persona, quæ orthodoxæ coniungitur, se ad orthodoxam fidem conuertendam spondeat. Si quis vero hanc definitionem sanctæ synodi præterierit, regularum condensationibus subiaceat, can. 13.
- 22 Ex quibus omnibus perspicuum est, matrimonium propositum vetitum esse, poenis etiam adiectis: quo fit ut possimus asserere, irritum fore atque inane. Quod si quis dicat, multa prohibetur, quæ facta valent: huic equidem obiecerim iuris regulam prorsus contrariam. Lex enim inquit: Quæ lege fieri prohibentur, si fuerint facta, non solum inutilia, sed pro infectis etiam habeantur: licet legislator fieri prohibuerit tantum, nec specialiter dixerit, inutile esse debere quod factum est: sed & quod fuerit subsequutum ex eo, vel ob id quod interdicente lege factum est, istud quoque cassum & inutile esse præcipimus. Nam legislatori, quod fieri non vult, tantum prohibuisse sufficit, cætera quasi expressa ex legis licet voluntate colligere. l. nō dubium. C. de legib.

- 23 Ergo qui ait connubium illud ratum esse, probare debet exceptionem, cum regula sit ei contraria. Nam dicere multa

- multa prohibita, si fiant, valent: ergo matrimonium istud ratum est, perinde est, ac si dixeris: Multi mortui sunt, igitur Petrus est mortuus: multi sunt in ecclesia, ergo & Ioannes est in ecclesia: quæ collectiones falsæ sunt, & ineptæ.
- 24 Adde quod non ea qualiscunque prohibitio est, sed varijs pœnis sancita, vt ex concilijs Elibertino, Chalcedonensi quæ patet. Ac præterea Bonifacius octauus constituit, vt mulierum, quæ scilicet hereticis nupserint, dotes confiscentur. [cap. decreuit. de heretic. lib. 6.] Et Theodo. Balsamon enarrans canonem prænotatum concilij Chalcedonen. inquit: Definitum est, ne eorum liberi hereticis, vel ludæis coniungatur, nisi vti quæ prohibet personæ polliceantur a sua heresi, vel superstitione recedere: tunc enim, si ad orthodoxam fidem acceperint, consequentur quoque nuptiæ. Eos autem qui hæc transgrediuntur, canonicis pœnis subiicit synodus. Lege Laodicenam synodum & Carthaginensem, & inuenies separari matrimoniū, quod cum heretico contractum est: existimo autem etiam cum separatione, eos quoque puniri secundum præsentem canonem, sic enim ad concordiam deducuntur canones. Hæc ille.
- 25 Vides, non solum prohibitionem, sed pœnas: neque tantum pœnas, verum & separationem. Nec mirum id, nam & legitima, & iusta matrimonia separantur propter heresim superuenientem, quemadmodum epistolis maximorum Pontificum sacrisque decretis sepe constitutum est. [cap. 2. c. de illa, c. quanto. de diuortijs.]
- 26 Et quid attinebat vetare tot legibus id quod sæpissime diuino iure iam pridem prohibitum fuerat, si post innumerabiles prohibitiones, adhuc sceleratum illud matrimonium, firmum ratumque

futurum erat? Paulus apostolus ait, Nec cibum quidem cum hereticis esse sumendum, eosque deuittandos esse: & apostolus atque euangelista Ioannes vetat, ne eos in domum recipiamus, nec aue illis dicamus. Et apostoli omnes prohibuerunt, ne cum hereticis oremus. Et a concilio. 4. Carthag. interdicuntur cōuiuia & sodalitates hereticorum: & nihilominus ratum erit contractum cum eis matrimonium?

- 27 Huc accedunt omnes fere causæ, quibus irritum est matrimonium inter catholicum & infidelem contractum: quæ quidem locum habent in connubio catholice atque heretici. Nam causa quæ videtur esse potissima, ea est: ne coniux catholicus ab infideli corrumpatur. Inquit enim lex: Non sociabis cum eis coniugia, neque filiam tuam dabis filio eius, neque filiā illius accipies filio tuo: quia seducet filium tuū ne sequatur me, & vt magis seruiat dijs alienis: irasceturque furor Domini, & delebit te cito. [Deut. 7. & 1. Esdræ. cap. vlti.]
- 28 Maius autem periculum seductionis imminet ab heretico, quam ab alio infideli vlllo, quemadmodum quotidiana experientia compertissimum est. Omnes enim deridere solemus Iudeos, idololatrias, & Mahumetanos, paucique catholici ab istis capiuntur vnquā ab hereticis vero plurimi decipiuntur in dies.
- 29 Aliæ quoque causæ hereticis accommodari possunt: quid enim prohibet quin verbis Pauli apostoli paululum permutat, ita loqui possimus? Nolite iugum ducere cum hereticis, quæ enim participatio iustitiæ cum iniquitate? aut quæ societas luci ad tenebras? Quæ autem conuentio Christi ad Belial, aut quæ pars fideli cum heretico? Quis autem consensus templo Dei, cum idolis? [2. Corin. 6.]

- 30 Iugum quidem graue ac nefarium id esset, quod catholicus duceret cum hæretico: nullaque participatio veræ religionis cum hæresibus est: nulla societas catholicæ lucis cum hæreticorum tenebris, nulla conuentio Christi ad Belial, nulla pars fidei cum impio, nullus consensus templo Dei cum hæresibus: quæ nihil aliud quam idola sunt.
- 31 Sed theologus ille dicebat, præcipuam causam, qua irritum est matrimonium cum infidei contractum, eam esse, quod infidelis non habet characterem baptismi: vnde tria deducebat. Vnum, quod catechumenus fidem habens catholicam, non potest matrimonium contrahere cum catholica, sed huiusmodi nuptiæ sunt irritæ: Alterum, quod apostata, qui penitus recessit a fide catholica, & factus est Iudæus, vel Mahumetanus, si contrahat cum catholica, ratum erit matrimonium: Tertium, quod si idem ille apostata, contrahat cum Iudæa vel infidei, erunt irritæ nuptiæ. Hæc ille asserit, sed ea non probat.
- 32 Mihi vero admodum dubia ea omnia esse videntur: nam Innoc. 1. 1. 1. argumendo in alia quæstione inquit: Non solum per sacramentum fidei, sed per fidem etiam sacramenti aliquem effici membrum Christi: & qui Christum habet per fidem, etiam si baptismum non habeat, habet vtrique fundamentum, præter quod aliud poni non potest, quod est Christus Iesus: super ædificare posse videtur, sicut salutifera opera, sic & quælibet ecclesiastica sacramenta: cum illud non sit generaliter verum, neque de nouis, neque de veteribus sacramentis, quod baptismus sit fundamentum illorum: quoniam & sacramentum coniugij & eucharistiæ a non baptizatis recipi potest. Hæc ille. cap. vlti. de presb. non bapti.
- 33 Quo vel solo patet, tria illa iam antea dicta, labare: nam & catechumeni matrimonium cum catholica contractum ratum esse videtur: & cum baptismus non sit fundamentum omnium sacramentorum, neque sine fide catholica prodest, fortassis verius est quod apostata contrahere poterit cum infidei, & firmum erit connubium illud: quod si cum infidei contraxerit, irritum prorsus sit matrimonium. Nam & Apostolus, & sacra decreta, de fide magis quam de baptismo loquuntur. Neque vlli dubium est, olim catechumenos multos solitos esse differre baptismum, vt ab omni peccato expiati, recta via in cælum tenderent: & tamen interim catholicam fidem tenebant, nec satis scio an infideles tunc dici possent.
- 34 Noster ille Theologus suæ opinionis laudabat authorem diuum Ambro. qui lib. de Abraham inquit: Non est satis nisi ambo initiati sitis sacramento baptismi, &c. Quasi vero baptismi sacramentum efficiat, vt eo initiatus etiam hæreticus, etiam apostata, matrimonium cum catholica contrahere possit, cum infidei non possit. Sed si recte perpendantur verba omnia beatissimi Ambrosij, nihil minus probant, quam opinionem prædictam. Inquit enim Ambro. Caue Christiane Gentilem vel Iudæam atque alienigenam, hoc est omnem hæreticam & alienam a fide tua, accipere tibi uxorem. Prima coniugij fides castitatis gratia est, si Christiana sit, non est satis, nisi ambo initiati sitis sacramento baptismi, simul ad orationem nocte vobis surgendum est, & coniunctis precibus obsecrandus Deus. [c. caue. 28. quæst. 1. plenius libro de Abraham, cap. 9.]
- 35 Vbi primum obserua diuum Ambrosium equiparasse infidelem hæretico, & pariter

pariter viriusque nuptias prohibuisse :
deinde nihil esse locutum de characte-
re baptismi, neque de eius effectu, cum
initiatu efficitur hæreticus, vel apostata.
Postremo, perpende beatum Am-
bro. de solo matrimonio legitimo & ra-
to verba illa dixisse, ait enim : Simul ad
orationem vobis surgendum est, & con-
iunctis precibus obsecrandus Deus.

Non sufficit ergo ut sacramento bap-
tismi sint coniuges initiati, nisi & ambo
catholici sint. Nam cum apostata, vel
hæretico, neque orandum est, neque lo-
quendum quidem. Quin etiam diuus
August. vetat, ne quis ducat vxorem, ni-
si eiusdem religionis & fidei, neque ali-
ter coniugia maneant copulata. Tum
illud addo, quod Paulus apostolus con-
iugem fidelem cum infideli habitare
permittit: ecclesia vero catholica sepa-
rat coniugem fidelem ab hæretico, neq;
eos simul habitare finit. Quo plane
intelligitur, periculosius esse cum hære-
tico, quam cum alio infideli habitare.

[1. Cor. 7. c. sic enim. 28. q. 1.]

36 Accedunt eodem, quæ Tertullianus
scripsit. lib. 2. ad vxorem: Quis dubi-
tet obliterari quotidie fidem commer-
cio infideli? Bonos corrumpunt mores
confabulationes male, quanto magis
conuictus & indiuiduus vsus? Quomo-
do potest mulier duobus dominis serui-
re, Deo, & marito Gentili? Sed viderit
qualiter viro officia pendat, Domino
certe non potest pro disciplina satisfacere,
habens in latere diaboli seruum pro
curatorem domini sui, ad impediendū
fidelium studia & officia, ut si ieiunia
obseruanda sunt, maritus eadem die cō-
uiuuium exercent: & cætera in eandem
sententiam.

37 Quid plura? Canon septuagesimus se-
cundus sextæ synodi generalis inquit,
Nō licere virum orthodoxum cum mu-

liere hæretica coniungi: neque vero or-
thodoxam, cum viro hæretico copulari:
sed etsi quid eiusmodi ab vilo ex omni-
bus factum apparuerit, irritas nuptias
existimare, & nefarium coniugiū dissol-
ui: neque enim ea, quæ non sunt miscē-
da, misceri, neque ouem cum lupo, ne-
que peccatorum sortem cū Christi par-
te coniungi oportet. Si quis autem ea
quæ a nobis decreta sunt, transgressus
fuerit, segregetur.

38 Sed aiunt multi, canones illos non es-
se factos a sexta synodo generali, neque
omnino recipiendos esse. Hi autem
sunt Anastasius, Theophanes, Humber-
tus, Franciscus Torrensis, & Canus.

Contra Gratianus inquit, Hadrianum
papam sextam synodum suscepisse cum
omnibus canonibus suis. Et in septi-
ma synodo Tarasius Patriarcha, & Pe-
trus episcopus, & Epiphanius, omnes
illos canones tanquam sextæ synodi ap-
probant. Quod quidem si verum est,
peracta controuersia est. c. sextam. cum
seq. 16. dist. Tamen si autem canones il-
li œcumenici concilij non sint, quis du-
bitat eos, paucis exceptis, autoritatis
pene inuitabilis esse? Primo, quia con-
diti sunt a ducentis viginti septem epis-
copis catholicis. Ad hæc, quia plurimi
sapientissimi viri theologi & iurisperi-
ti episcopis illis adfuerunt, ut fieri solet
in huiusmodi conuentibus celeberrimis.
Deinde, quia tota Græcorum ec-
clesia eos canones ut concilij generalis
suscepit ac venerata est. Postremo, quia
Gratianus, Innocentius 111, septima
synodus œcumenica, & alij multi horū
canonum autoritate vtuntur iure quā
optimo: quia multa ibidem continen-
tur notatione ac veneratione digna.

Habet hoc præterea canon ille. 72. quod
cum rem grauissimam sanciat, neq; ab
ecclesia catholica, neque ab vniuersa-
libus

libus, aut generalibus synodis, neque ab villo sanctorum doctorum vnquam reprobatus est. Canus quin etiam vir acerrimi ingenij, qui quotquot canones Trullanos potuit, lacerauit ac vellicauit, de canone tamē illo nihil quod male diceret, habuit: vt proculdubio tacito omnium consensu videri possit, esse probatus. [vide Canum lib. 5. de locis theologi. cap. vlt.]

39 Neque verisimile est canonem istum ab hæreticis fuisse corruptum, quia totus contra hæreticos est. Adde quod Theodorus Balsamon Antiochenus patriarcha canonem illum integrum retulit, atque ita interpretatur: Lex ciuilibus definit matrimonium, societatem & communicationem diuini & humani iuris: hinc ergo consequenter sancti patres decernunt, iure matrimonij nō esse coniungendum virum fidelem mulieri infideli: vel infidelem mulierem viro fideli: sed & si quid eiusmodi factum fuerit, diuellendum ac separandum esse matrimonium, vt quod consistere non possit. Quæ est enim, inquit, lupo cum agno societas, quorum est penitus contraria voluntas: sibi que sunt inuicē in omnibus aduersi & infesti, quod sit contraria eorum viuendi ratio? Et non solum separandum esse matrimonium, sed eum qui tale aliquid ausurus est, segregandum esse statuunt.

40 Eadem fere scribit Matthæus monachus Græcus in opere canonum græcorum cap. quod non oporteat contrahere cum hæreticis: vbi laudans canonem superscriptum, addit: Si secundum legē ciuilem matrimonium definitur, communicatio & commercium diuini humanique iuris, quomodo conueniri poterunt inter se illi, qui circa maiora discordes sunt, animæ dispositione contraria sentientes circa fidem? Propterea

etiam post illiciti matrimonij solutionem, excommunicare quoque dignum censet perseverantes.

41 Tum illud addo, quod magni illi theologi ac iurisperiti, qui regias leges septi partitas condiderunt, hanc quoque sententiam comprobarunt, & lata lege sanxerunt. Et quamuis in foro ecclesiæ constitutio illa pro lege non sit habenda, perspicuum tamen omnibus est, esse leges illas omnigena eruditione refertas. [l. 15. titul. 2. par. 4.]

42 Quod si vim ipsam nominis obserues, infidelis est, qui fidem promissam violat: hæreticus autem fidem catholicam, quam professus fuerat, violat: ideoque Balsamon recte pro hæretico infidelem posuit. Et scholastici theologi aiunt, heresim esse infidelitatis speciem: & vt alibi retuli, hæreses idola sunt, atque adeo hæretici infideles & idololatræ, non iniuria dici poterunt: quo fit, vt irritum eorum cū catholicis matrimonium contractum sit.

43 Accedit eodem, quod hæreticus extra ecclesiam est. Et cum hæretico non licet loqui, quia sermo eius vt cancer serpit: hæreticus deuitandus est, vt vipera, vt basiliscus. Quo igitur iure catholicus connubio stabili cum eo iungi potest? Cum hæretico neque cibus fumen- dus est, nec eum in domum introducere possumus: & tamen cum eo matrimonium ratum contrahere possumus? Qui colloqui prohibent, qui orare simul ver- tant, qui cohabitare non sinunt, hi matrimonium contrahere permittunt, aut ratum volunt esse contractum?

44 Diuus quidem Hieronymus inquit: Nullus est inter eos fidus affectus, quorum diuersa fides est: neque vllum odiū vehemētius est, quam quod ex religionis dissidio nascitur: nulla ergo inter coniuges istos erit amicitia, nulla socie-
tas,

tas, nullum cōsortium, nulla diuini aut humani iuris communicatio: nullum igitur matrimonium.

45 Concilium Laodicenum, & Carthaginen. tertium concilium Agathense, diuus Ambrosius & Augustinus tale matrimonium damnant & prohibent. Conci. Elibertinum, & œcumenica synodus Chalcedon. & Bonifacius viij. nō tantum id verant, sed etiam puniūt. Alexāder 111. Vrbanus 111. Innocentius 111. propter superuenientem hæresim separant matrimonia, etiam legitima, & rata. Ecclesia Græcorum omnium irritas nuptias declarat, & nefarium coniugium dissoluit: Quomodo Deus istos coniūget? quomodo erunt duo in carne vna? quomodo ergo a sacerdote benedicentur? & quo denique modo, connubium inde sumet originem, vnde separari debet? Neque enim potest quicquam ab eo casu incipere, quo debet extingui. [l. vsum fructum cum moriar. de vsu. & vsuf. legato.]

46 Quantum vero tales nuptiæ distent a iusto sanctoque matrimonio, ex verbis Tertulliani satis perspicuū est. Is enim in fine libri posterioris ad vxorem inquit: Vnde sufficiam ad enarrandam felicitatem eius matrimonij, quod ecclesia conciliat, & confirmat oblatio, & obsignatum angeli renunciant, pater ratum habet? Quale iugum fidelium duorum vnus spei, vnus voti, vnus disciplinæ, eiusdem seruitutis? Ambo fratres, ambo conserui, nulla spiritus carnisue discretio: at qui vere duo in carne vna, vbi caro vna, vnus & spiritus,

simul orant, simul voluptantur, & simul ieiunia transigunt, alterutro ducen-
tes, alterutro hortantes, in ecclesia Dei pariter, in angustijs, in refrigerijs, neuter alterum celat, neuter alterū vitat, neuter alteri grauis est: libere æger visitatur, indigens sustentatur, elemosynæ sine tormento, sacrificia sine scrupulo: sonant inter duos psalmi & hymni, & mutuo prouocant, quis melius Deo suo canet. Talia Christus videns & audiens gaudet, his pacem suam mittit.

47 Equidem multas, magnasque causas video, quibus adducor vt putem irritū esse matrimonium propositum: ecclesiæ legem non inuenio, quæ tales nuptias permittat, nedum approbet, vel confirmet: contra vero iam ante retuli ecclesiasticas leges non paucas, quæ nefariū istud connubium vetant, damnant, puniunt, separant, atque dissolunt.

48 Quod si propter consanguinitates & affinitates quasdam remotas, nullum efficitur dirimiturque matrimonium, si œcumenica Tridentina synodus clandestina connubia, etiam inter catholicos iuncta, iure ac merito irrita, nulliusque roboris esse decernit, quanto id magis fieri debet in eo, de quo disputatio est, iniusto nefarioque matrimonio? Ego quidem optarim summi Pontificis decreto canonem illum Trullanum aut confirmatum, aut renouatum esse: his præsertim temporibus, quibus (proh dolor) omnia fere regna (Hispaniam excipio) impiorum hæreticorum sunt plena. [Vid. Couar. lib. 4. decret. par. 2. cap. 6. §. vltim. in. 3. editione.]

De ministris, & eorum officijs Tit. XLI.

S V M M A R I V M.

1 Ministros reipub. optimos & idoneos
eligi permagni interest.

2 Alexandri Seueri in eligendis magistratibus prudentia & integritas.

QQ

3 Ministri

- 3 Ministri sanctæ inquisitionis quot sint ,
& eorum nomina .
- 4 Iudex bonorum publicatorum qui eligē-
dus , & quod sit eius munus , & ad
quem ab eo prouocari liceat .
- 5 Executor quis sit , & quot nominibus
appellari soleat , eiusque munus qua in
re versetur .
- 6 Custos carceris a quo hodie creari soleat .
- 7 Notarij qui eligendi , & eorum officium
quod sit .
- 8 Tabellionem alium possunt inquisitores
creare , si id postulet necessitas .
- 9 Scripta sanctæ inquisitionis , & actorū
quomodo custodienda sint , & quibus
eorum cura demandanda .
- 10 Medici , & custodes ianuarū quales sint
eligendi in sancta inquisitione .
- 11 Assessores siue consultores ab inquisito-
ribus conuocari debent .
- 12 Assessores quales eligendi .
- 13 Assessores seu consultores ab inquisito-
ribus vocati consilium gratis præbere
debent .
- 14 Consultores simul cum inquisitoribus de-
liberare debent , & ea tenenda senten-
tia cui maior illorum pars adhæserit .
- 15 Familiarium siue stipendorum munus &
numerus : & quales sint eligendi .
- 16 Familiaribus immunitates quadam nu-
per concessæ fuerunt iussu regis , & eo-
rum numerus fuit præfinitus .
- 17 Familiarium numerus quo pacto fuit præ-
finitus .
- 18 Familiarium catalogus in unaquaque pro-
uincia dandus est consistorijs ciuitatū .
- 19 Familiares in causis criminalibus exi-
muntur a iurisdictione iudicū secula-
rium , exceptis nonnullis criminibus .
- 20 Familiares comprehendi possunt a iudici-
bus secularibus .
- 21 Familiarium causa quando referenda sit
ad regiam curiam .
- 22 Familiaris qui simplex homicidium com-
mittit , ab inquisitoribus puniendus .
- 23 Adulterij crimē grauius esse quā homici-
dium , quidam Scauolam sensisse aiunt .
- 24 Adulterij crimen grauius esse quam ho-
micidium , Scauola non sensit .
- 25 Adulterij crimen grauius esse quam ho-
micidium , Scauolam non sensisse , mul-
tis ostenditur rationibus .
- 26 Scauola verba , ex quibus colligebant nō
nulli , grauius esse adulterij crimen quā
homicidium , declarantur .
- 27 Ministri sanctæ inquisitionis , oportet vt
interdum suorum munerum rationem
reddant .
- 28 Visitatoris munus , & qualis is eligi de-
beat .
- 29 Inquisitores & ministri nihil emant ex
bonis publicatis .
- 30 Ministri omnes sanctæ inquisitionis iura-
re tenentur coram inquisitoribus &
episcopo , quod officia sibi commissa fi-
deliter exercebunt .
- 31 Inquisitores , consultores , & ceteri , iu-
rare tenentur se arcana omnia fideliter
celaturos .
- 32 Magistratus quantum deceat arcana
celare .
- 33 Inquisitorum & ministrorum stipendia ,
& a quibus eis soluenda sint .
- 34 Salaria ministris sanctæ inquisitionis sol-
uuntur ex bonis publicatis , & quo-
modo solui soleant .
- 35 Inquisitores & ceteri omnes ministri
per se ipsos officijs inseruiant .
- 36 Ministri sanctæ inquisitionis , si iter fa-
cere velint , a quo veniam petere de-
beant , & quot dies abesse possint .
- 37 Ministri omnes suis stipendijs contenti
sint , & munera non accipiant .
- 38 Minister nemo esse debet in ea provin-
cia , in qua inquisitor sit eius consangui-
neus , vel dominus .
- 39 Ministri sanctæ inquisitionis a quibus
puniendi sint .

40 Officijs duobus sanctæ inquisitionis nemo præesse potest, aut duobus salarijs frui.

41 Officialem sanctæ inquisitionis qui vulnerat, aut occidit, a quibus puniri debeat, & est Pij V. constitutio de hac re.

De ministris, & eorum officijs.



REIPUBLICAE salus non tam in legibus sita est, ut Aristoteli placer, quam in magistratibus & ministris, ut mihi quidē videtur. Leges enim ciuiles, & humanæ in chartis mutæ iacent, neque per se solas valde nocent, aut prosunt: magistratus vero & ministri reipub. leges ipsas loqui, aut silere faciunt: & cunctis nocere passim & prodesse possunt. Fieri nō posse videtur, inquit Arist., ut recte ex legibus administretur ciuitas, non quæ optimis, sed quæ a prauis ciuibus gubernatur. Quo magis enitendum erit, ut optimarum legum, optimi eligantur custodes, ne leges ipsæ iaceant & fileant: sed vna eademque voce omnibus semper & vbiq; loquatur. Id autē facile fiet, si magistratū electōres, non priuatis affectibus custodes legum quæsierint, sed tantū iustitiæ zelo: non propter consanguinitatem, affinitatē, amicitiam, familiaritatem, preces, fauorē, ambitionem, aut propter alia id genus omnia: sed propter merita idoneorum, propter commune bonum, propter salutem reipub. Debentur quidē præmia melioribus, officia peritioribus, deniq; reipub. debentur optima. Canem quidē (inquit eleganter Demost.) ouili degenerem & ignauū custodiēdo nemo præfecerit: reipub. autem gubernatoribus plerique dicunt, quoslibet esse præficiendos custodes, qui cum delinquentes se differre simulent, ipsi vel in primis custodiendi essent. [Arist. lib. 1. rhetor. l. 1. solut. matri.

Demosthe. orat. 2. contra Aristogitonem. 4. poli. 8.]
2 Alexander ille Seuerus, Romanorum imperatorum omnium fere optimus, qui consiliarios habere meruit Sabinū, Vlpianum, Paulum, Pomponiū, Alphenum, Africanum, Florentinum, Martianum, Callistratum, Hermogenum, Venuleium, Tryphonium, Metianum, Celsum, Proculum & Modestinum: omnes iuris professores celeberrimos, quorum faciebat cuncta consilio: ille inquam Alexander, exemplo nobis esse potest, qui præsides, pro consules, & legatos nunquam fecit ad beneficium, sed ad iudicium vel suum, vel senatus: & vbi aliquos voluit prouincijs iudices dare, vel magistratus, aut præpositos facere, nomina eorum proponebat, hortans populum, ut si quis aduersus eos quid haberet criminis, probaret manifestis rebus. Dicebatque graue esse, cum id Christiani & Iudæi facerent in prædicandis sacerdotibus, qui ordinandi sunt: non fieri in prouinciarum rectoribus, quibus & fortunæ hominum committerentur, & capita. Idem quoque princeps dicere subinde solebat: Inuitos, non ambientes in rempublicam collocandos. Denique Vlpianum virum optimū & iuris peritissimū, non tantum pro consiliario, sed etiam pro tutore habuit: atque ideo summus imperator fuit, quod eius consilij præcipue rempublicam rexit. Author Aelius Lampridius in Alexandro Seuerō.

- 3 Sed iam ad ministros officij sanctæ inquisitionis reuertamur. In vnaquaque provincia Hispaniæ duo, aut tres inquisitores esse debent: iudex bonorum publicatorum vnus: executor vnus: notarij tres: duo a secretis, tertius sequestrationum: custos carceris vnus: nuntius vnus: custos ianuarum vnus: & medicus vnus. Præterea necessarij sunt assessores & consultores periti, familiares & alij, de quibus nunc seorsum tractare oportet: si prius hoc tantum dixerim, experientia iam olim in Hispania fuisse compertum, longe vtilius & commodius esse, vt inquisitores eligantur iurisperiti, quam theologi: quidquid theologaster ille deliret Occam. [4. instruct. Tolerana. c. 2.]
- 4 Iudex bonorum publicatorum, is eligendus est, qui sit vir probus, & iurisperitus, non ex genere ludæorum, Mahumetanorum, vel hæreticorum, sed qui assessoris officio fungi queat. Huius officij est iudicare inter fiscum & priuatos de his causis, quæ de bonis hæreticorum tractantur. Sed & cognoscere poterit inter priuatos cum causa fuerit conexa, vt Gabriel Quemada tradit. q. 1. & 3. Ab eius sententijs ad senatum appellari debet, non autem ad alios iudices: Sed si lis fuerit inter fiscum & ecclesiam reā, vel inter ecclesiasticas personas, vel de redditibus beneficiorum, tunc inquisitores cognoscere debent, vt quodam senatus consulto plenius continetur. Hunc autem iudicem, & alios omnes ministros inquisitor generalis consilio senatus eligit.
- 5 Executor est, qui præcepta inquisitorū exequitur. Huius officium præcipue versatur in comprehendendis & custodiendis reis, quos etiam absentes persequi, & vincere tenetur, salario sibi constituto contentus. Sed si opus fuerit vt

familiares illam comitentur, taxandū est illis salarium ab inquisitoribus, & a receptore soluendum ex bonis fisci. Et cum sit merus executor mandati, fines custodire diligenter debet, ac præcepta iudicium ad vnguem executioni mandare. De eius officio Aristot. lib. 6. politi. huiusmodi verba scripta reliquit: Alius magistratus ex omnibus fere & maxime necessarijs, & idem molestissimus est, qui in iudiciorum executionibus, siue damnatus quis fuerit, siue factus reus, versatur: quique carceri, custodijsque præest. Itaque propter odium, quod magnum incurrit, molestus est: sed tamen magistratus necessarius est: frustra enim exercentur iudicia, nisi ad finem perducantur. Quod & Plato lib. 6. de legibus, alijque tradiderunt. Hos, & apparitores, & statores appellant. [4. instruct. Toleta. c. 26. Aristot. 6. politi. c. 8. l. 2. §. post originem. de orig. iur. c. 1. §. vlti. de statu. regular. lib. 6. Catel. Cotta. in memora. verbo, statores.]

- 6 Custodia carceris ad executoris officium olim pertinebat, & quoties illum abesse contigerat, alium custodem suis sumptibus carceri præficere tenebatur: hodie vero custos carceris ab inquisitore generali creatur, diuersusque est ab executore. Quod ante multa secula Athenis quoque fieri solebat, vt loco prænotato Aristot. est author: vbi, Multis in ciuitatibus, inquit, custodiarum præfectus diuersus est ab executore, vt Athenis magistratus eorū, qui vndecim viri nominantur. Itaque commodius est, vt hic magistratus diuisus sit, & solerter, quod eius ratio postulat, prouideatur: neque enim minus hic necessarius est, quam is de quo modo disseruimus: nam viri probi maxime magistratum hunc recusant, improbis non recte committ-

committitur, qui custodiri magis debent, quam alios custodire. [4. instru. Toleta. c. 26. Arist. 6. poli. c. 8.]

- 7 Tabelliones, quos & notarios, & secretarios appellant, denunciationes, accusationes, & omnia causarum acta scribere debent: hi sunt eligendi laici, sed in causis hæresis hoc munere fungi possunt clerici & monachi, in sacris etiam ordinibus constituti. Et quamuis in Hispania laici creati soleant, fortassis tamen expediret, ut clerici eligerentur: quia minus indigerent, quam hi, qui uxores & filios habent: nam salarium vix vni sufficit. Hi quoque scribere tenentur in libro quodam omnia mandata inquisitorum data executoribus & receptoribus contra hæreticos, & eorum bona, ut si quaestio de his emergerit, illinc assumi queat quidquid ad eam dirimendam sit necessarium. Præterea, hi salario contenti nihil pro scripturis accipere debent, excepto notario bonorum publicorum, cui licet iura legitima petere, quia non habet certum salarium. Suis quoque sumptibus proficisci debet intra provinciam suam, ad faciendum testium ratificationem, & probationem defensionum, & exceptiones adversus testes: ut quodam senatusconsulto continetur. [c. ut officium. §. ad conscribendas. de hærer. lib. 6. secunda instruct. Hispalen. c. 13. & instru. 4. Tol. c. 18.]
- 8 Quod si necessitas urgeat, possunt inquisitores alium tabellionem creare, eique salarium iustum solvere, ut epistola quodam senatus cauetur. Is autem qui est a secretis, tenetur promotori fiscali, & alijs litigantibus fidem facere, ac testimonium scriptum tradere, de tempore condemnationis, & commissi criminis. Neque enim exhibenda est copia totius processus, ne lites oriantur ex libris, & totius causæ retegantur arcana: unde

consequeretur, ut omnibus manifesta fierent nomina testium, & saluti eorum parum consultum esset: ac exceptiones plurimæ a calumniatoribus adversus eos proponerentur. Iure igitur his damnis occursum est epistola quadam generalis inquisitoris. Præterea, hi omnes notarii quotidie debent sex horis ad tribunal inquisitorum assistere. Quod si quispiam eorum in officio deliquerit, puniendus est pro mensura delicti poena pecuniaria, vel officij suspensione, aut priuatione, vel exilio, generalis inquisitoris, & senatus arbitrio moderando. [Epistola data Granatæ die 4. Septemb. anno Domini. 1499. & instru. 4. Toleta. c. 28. & 13.]

- 9 Scripta sanctæ inquisitionis sub tribus clauibus custodienda sunt: quas promotor fiscalis & notarii servare tenentur, neque legi aut ostendi cuiquam debent, nisi coram illis omnibus. Præterea, scripturæ actorum diligenter sunt custodiendæ in auditorio inquisitorum, ut præsto sint quoties illis opus fuerit: neque licet notarijs eas ostendere alicui, neque in alium locum transferre: quod si contrarium fecisse coniecti fuerint, officio sine spe veniæ priuandi sunt. Inquisitores tamen a regijs iudicibus, vel ab his quorum interesse constiterit requisiti, præcipere debet notarijs, ut exemplum earum exhibeant: ita tamē ut secreta officij, quæ occulta esse oportet, propterea non retegantur: quod epistola quadam senatus cauetur. Exemplum autem actorum, quæ publice legi solent, dari debet, videlicet confessio num, sententiarum, & aliorum eiusdem generis, neque præterea quicquam. [3. instruct. Valdolita. cap. 7. & Tolet. 4. cap. 13.]

- 10 De nuncio, ianuarum custode, ac me dico plura dicere superuacaneum est, quia

quia ministeria eorum omnibus nota sunt, & nihil fere aliud eos facere oportet, quam id quod officiorum nomina præ se ferunt: hi eligendi sunt (sicut alij omnes ministri) viri boni, minimeque suspecti, & ex veteribus Christianis procreati.

- 11 Assessores periti, quos consultores nominare solemus, ab inquisitoribus conuocandi sunt, vt in causis fidei consiliū eis præbeant. Cum enim de rebus grauiissimis deliberandum persæpe sit, necesse est viros sapientes, theologos & iurisperitos conuocare: theologos, vt propositiones examinent, & earum explicent qualitatem: iurisperitos, vt de punitione vel absolutione reorum, ac de alijs causarum meritis consilium præbeant opportunum. Horum probitas in primis necessaria est: nam vt libro de legatione ad Caium inquit Philo: Solet Deus bonis viris bona suggerere consilia. Hos ad se vocandi, quoties expedire visum fuerit, potestatem habent inquisitores: & sine illis nihil definire solent: quo fit, vt syncerissima, iustissima & sanctissima sint eorum iudicia. Erit enim selus, vt Sapiens ait, vbi multa consilia. Et sicut cogitationes dissipantur vbi non est consilium, sic vbi sunt plures consiliarij, confirmantur. Et qui agunt omnia cum consilio, reguntur sapientia. Quamobrem Plato in Theage, consilium sacram rem esse dixit. Et Polybius ab Euripide dictum scribit, consilio sapienti magnam vinci militum manum. Etenim cum plures ad consultandum conueniunt, & vnusquisque partem habet virtutis ac prudentiæ, fiunt in vnū collecti, quasi homo vnus, qui multos pedes habeat, & multas manus, multosque sensus: vt alij aliam partem, cuncti autem cūctas discernant, vt Aristot. inquit: quod

Ioan. Chrysost. eleganter exornat. [c. vt commissi. §. aduocandi. de hæret. lib. 6. Prouerb. 11. & 13. & 15. Aristot. lib. 3. polit. c. 7. & 11. Chrysost. ad populum Antiochenum homil. 51. Ludouic. Cælius lib. 11. lect. antiqua. cap. 9.]

- 12 Eligendi autem sunt ad hoc munus viri prudentes, boni & periti, quibus acta omnia causarum referenda & communicanda sunt, & eorum audito consilio, ad sententias procedendum est. Præterea, inquisitores cum his peritis simul, & non seorsum, consultare ac deliberare solent, vt quibusdam epistolis senatus cauetur. Hi quoque iurare debent, quod arcana omnia celabunt: quæ, si post iuramentum præstitum, & indictū eis, secretum sub pœna excommunicationis ipso facto incurrendæ vnquam reuelauerint, in sententiam excommunicationis ipso iure incurrent. [c. vlti. §. 1. cum seq. de hære. lib. 6.]

- 13 Hi assessores seu consultores ab inquisitoribus vocati, consilium gratis præbere debent, vt quidam iurisperiti aiunt: & quauis possint salarium sponte oblatum recipere: illud tamen petere nequeunt, quia negotium catholicæ fidei omnes Christiani defendere ac procurare tenentur. Cæterum assessores, qui vt Hadrianus pontif. libr. quæst. inquit, Oculi sunt iudicium, in quacunque causa, & si spiritualis illa sit, iuste accipiunt salarium pro ministerio & labore: sed multa honeste accipiuntur, quæ inhoneste petuntur. [Archid. Ioan. Andre. Domini. & Philip. Franc. in c. vt commissi. §. aduocandi. de hæret. li. 6. Anchar. in principio eiusdem capituli. Brunus lib. 4. de hæreti. c. 3. Hadrianus quolib. 10. c. statutum. §. assessores. de rescrip. lib. 6. l. 1. §. proinde. de varijs, & extra ordi. cogniti.]

- 14 Quæri autem solet, an inquisitores consilium

filium consultorum consequi teneatur: quod Arnal. Alber. probabilius esse putat, nisi forte consilium esset iniustum. Verior tamen sententia est, quod simul omnes deliberare debent, & suam sententiam singuli dicere: illa vero sequenda est, quæ maiori & saniori parti melior & iustior visa fuerit. Extat epistola senatus apud inquisitores Corduben. qua decretum est, vt si concordēs sint inquisitores & ordinarius iudex, eorum sententia præferatur: quamvis diuersus sit consultorum omnium cōsiliū: est enim iurisdictio inquisitorum & ordinarij iudicis: & ipsi auditis peritorū sententijs, & actis causarum penitus inspectis, & circumstantijs omnibus plenius excusis, certius & melius definire possunt. Sed apud inquisitores Valdo-litanos nisi plures in eandem sententiā conuenerint, etiam si prædicti iudices concordēs fuerint, nihilominus ad senatum causa mittitur: sed generaliter illa sententia vera est, quod inquisitores non tenentur necessario sequi cōsiliū consultorum, vt recte respondit Franciscus Bursatus consilio 90. [Alber. in c. 1. de hæreti. lib. 6. q. 10. & lib. de agnos. assertio. catho. q. 26. l. puberibus. de susp. tuto. l. vlti. §. vbi. C. de bonis quæ libe. Abb. Decius & ceteri in c. si pro debilitate. de offi. deleg.]

25 Familiares quoque, siue stipatores, necessarii sunt, vt inquisitores comitētur, & eos, si opus fuerit, ab hæreticorū insultibus tueantur, & vt executorem sequantur cum reos voluerit comprehendere, & vt alia faciant, quæ ad officij sanctæ inquisitionis munus melius exequendum iudices expedire decreuerint. His familiaribus concessum est, vt armis uti queant, sed eis abuti non debēt. Eligendi autem sunt viri boni & pacifici, & qui vxores habeant, vt episto. qua

dam senatus cauetur: neque plures admitti debent, quam officij necessitas postulauerit. [Clem. 2. §. vlti. de hæreti.]

16 Et quia salaria non dantur familiaribus, & nemo gratis seruire teneatur, necesse est, vt eis priuilegia aliqua concedantur: qua in re diuersis mandatis regijs iam pridem variatum est: modo concessis immunitatibus, modo propter familiarium excessus, & effrenatā eorum multitudinem, abrogatis. Tandem anno superiori iussu Regis conuenientes in vnum, quidam ex regio consilio, cum senatu sanctæ inquisitionis, constitutionem promulgarunt, qua familiaribus immunitates quedam conceduntur, & eorum numerus præfinitur, & ordo etiā præscribitur, quo diffensiones & contentiones inter inquisitores & regios iudices in causis familiarium deinceps supprimantur & componantur. [4. instruct. Tolet. c. 5. constit. regia, promulgata die. 19. Martij anno Domini. 1553.]

17 Ac primum, de numero familiarium constitutum est, vt in Toletana ciuitate ab inquisitoribus eligantur quinquaginta familiares: in ciuitate Hispalensi, totidem, & alij quinquaginta in Granatensi, & non plures: in Cordubensi & Cōchen. & municipio Valleolitano quadraginta: in ciuitate Murciæ triginta: in Calagurria, & Ilerena viginti quinque: in quolibet oppido triū millium municipum eligi possint decē: in vno quoque oppido mille municipū sex: in singulis alijs quingentorū, quatuor: in ceteris vicis minoribus duo tantū in vno quoque illorū. Sed in quolibet vico maritimo, aut limitaneo eligi queāt quatuor. Hæc de numero familiarium, q̄ si plures electi fuerint, nullo priuilegio fruuntur. [l. 1. §. 1. C. de collegiatis. l. 11. l. vlt. de appar. magist. mili. l. 11. l. vlt. ff. de execu. tuto.]

18 Item

- 18 Item eadem constitutione cauetur, vt in vnaquaque prouincia detur cōsistorijs ciuitatum matricula familiarium: vt præfecti vrbibus, & decuriones cognoscant ipsos familiares, & videant, ne numerum excedant: & si forte seditiosi fuerint, aut officio indigni, vt id significant inquisitori generali & senatui: quod fieri quoque debet, quoties quispiam in alicuius familiaris locum subrogatur. Præterea, constitutum est, vt in omnibus causis ciuilibus familiares coram iudicibus secularibus conueniantur, perinde ac si familiares non essent. [Lex eo tēpore. ff. de milit. testam.]
- 19 In causis vero criminalibus familiares eximuntur a iurisdictione iudicum secularium, & puniri debent ab inquisitoribus, excepto crimine læsæ maiestatis, & nefando crimine contra naturā, & rebellionis vel seditionis publicæ. Itē a laicis iudicibus coercendi sunt familiares, qui cōtra literas securitatis a Principe concessas deliquerint: & qui rebelles & contumaces fuerint aduersus mandata regia, & proditores & raptores mulierum: & publici latrones, & effractores ecclesiarum, monasteriorum, vel aliarum ædium, & incendiarij: & qui alia crimina, vel his maiora, vel atrociora commiserint: & qui procaciter, aut pertinaciter contemnunt regios iudices: & qui eis resistunt, & qui officia secularia exercentes, in officio suo delinquant.
- 20 Cæterum, seculares iudices comprehendere possunt familiares, propter illa etiam crimina, quorum cognitio ad inquisitores pertinet: sed tunc, statim eos remittere debent ad suos iudices, cū probatione summaria delictorum, idq; sumptibus familiaris delinquētis. Item eadem constitutione cauetur, vt quoties familiares deliquerint in vrbe, aut loco vbi non resident inquisitores, toties teneantur ostendere iudicibus loci in quo familiaris deliquit, exemplum sententię aduersus eum ab inquisitoribus latę, cum testimonio publico, quo plane cōstet satisfactum esse sententię contra eū super illo crimine latę.
- 21 Si vero lis oriaturs inter inquisitores, & seculares iudices, super cognitione criminis a familiare commissi, tunc referenda causa est ad regiam curiam cum probatione delicti summaria: vt causa cognita per duos consiliarios regios, & alios duos senatus sanctę inquisitionis, simpliciter & sine strepitu & figura iudicij causa remittatur ad illos iudices, ad quos eius cognitio pertinere visa fuerit: & ab hac sententia supplicare non licet. Præterea, si discordes fuerint hi supremi iudices in remittendis reis, nec tres in vnam sententiā cōsenserint, rex ipse consulendus est. Interim autem custodiendus est familiaris ab eo iudice, qui comprehendit illum: sed supersedendum est in causa, donec remittatur ad suum iudicem, cui facta declaratione statim restituendus est, si forte ab alio iudice vinctus fuerit. Hactenus regia constitutio, data die. 10. & confirmata die 19. Martij, anno Domini. 1553.
- 22 Ex quibus omnibus perspicuum est, cognitionem homicidij simplicis a familiare commissi ad inquisitores pertinere. Quid autem adulterij? quidam dicebat, maius crimen esse adulterij, quam homicidij: sed id verum non est. Nam siue animam attendas ad Dei offensam, siue ad reipub. damnum, siue ad facti atrocitatem, siue ad legum poenas, longe grauius esse homicidium, quam adulterium inuenies. [c. si quod q. 33. q. 2. Socinus in rubri. de adult. in fine. & noster Padilla in l. transfigere. C. de transf. nu. 77.]

23 Atqui non pauci iuris periti putant Scæuolam iuriconsultum aliud sensisse: verum illi non bene considerarunt, quid Scæuola dixerit: is enim inquit, Matre & vxore hæredibus institutis ita cauit: a te vxore charissima peto, ne quid post mortem tuam fratribus tuis relinquas: scis vnum fratrem tuum filium nostrum occidisse, dum ei rapinam fecit: sed & alius mihi deteriora fecit. [l. Lutius. §. matre. ff. de legat. 2.]

24 Ex his verbis extremis quidam male coniiciunt, deteriora illa fuisse adulterium cum vxore testatoris commissum: sed ij non perpendunt illum, quæ adulterum esse fingunt, fratrem esse vxoris, quam testator neque vocasset charissimam, neque hæredem instituisset, si eam adulterium cum incestu commisisse sciret.

25 Quod si quispiam dixerit, adulterium fuisse commissum cum alia vxore testatoris: is primum consideret, nihil tale in specie proposita retulisse Scæuolam: deinde neque facta esse præsumenda, neque extraneam personam esse intelligendam, nisi expressa sit. Postremo, illud consequi absurdissimum, quod simplex adulterium deterius esset, quam parricidium: neque enim illud simplex fuit homicidium, sed occidit sobrinum auunculus, idest ex sorore nepotem. [l. si emancipati. C. de collati. l. si ita. §. Chrysogonus. ff. de verbo. oblig. l. Lutius. §. matre. de legat. 2. l. 1. ff. de parric.]

26 Ergo verba illa, Mihi deteriora fecit, de alijs criminibus adulterio grauioribus accipienda sunt: vel per hyperbolam & excessum ab offenso & irato testatore dicta fuisse: vel certe comparatiuum propositiuo interpretandum est, vt in illis Martiani verbis, Si seruus vxorem domini corrupisse dicatur, aut aliud quid grauius admisisse: non enim faci-

le grauiora crimina reperire licebit, quæ ea sunt quæ Scæuola & Martianus commemorant: comparatiuum autem propositiuo positum sapissime obseruatum est. [l. interdum. §. 1. ff. de publica. l. 2. §. cæterum. ff. vi bon. rapt. l. benignius. ff. de legib. l. 1. C. de dolo. vide Tiraquel. lib. de pœnis, causa. 1.]

27 Sed iam ad inquisitores, aliosque ministros reuertamur: quorum officia cum sint perpetua, necesse est vt interdum rationem suorum munerum reddant: quod valde quidem vtile est, vt qui male fecerint, puniatur; qui autem bene, laudetur & præmiuni consequantur: denique vt omnes cautiore fiant, est enim commodum vt animi pœdeant, neque eis quidquid velint, efficere liceat: nam vt Arist. ait, Licentia quidquid liber agendi, non potest malum quod est in quoquo homine cauere. Erant & Athenis magistratus logistæ, quibus omnes magistratu functi, intra triginta dies, quam magistratu decessissent, administrationis rationem reddebant: præco autem proclamabat his verbis: Quis vult talem tali functum magistratu de antea etæ vitæ accusare facinoribus? & qui accusare volebat, adnitebatur. Huius quoque rei meminit Plato lib. 6. de legib. hoc verborum tenore: Nemo iudex magistratusue sit; qui gesti officij rationem sui non referat, præter eos, qui regum instar finem rebus imponunt. Obserua exceptionem a diuino Platone positam, qui indecens esse iudicauit, vt supremi iudices maleuolorum calumnijs, sicut cæteri iudices, exponantur. [l. 1. C. vt omnes iud. tam ciuil. quam mil. Aristo. 6. polit. c. 4.]

28 Solet igitur creari magistratus, qui visitet inquisitores, & omnes alios ministros: quem ob eam causam visitatore appellant. Hunc Plato eligendum esse

cenfer, vitum pene diuinum, quem inuenire difficile esse fatetur. Circandus ergo est ad hoc munus vir aliquis moribus & eruditione conspicuus, & ætatis maturæ: is (vt apud Platonem est) in omni virtutum genere cunctis excellere debet, quique non pauciores, quam quinquaginta, natus sit annos. Is visitare omnes inquisitorum prouincias, & quidquid correctione dignum cognouerit, ad inquisitorem generalem & senatum referre debet. Fines mandati diligenter obseruet, nec sit hospes eorum, quos visitat: neque ab eis aliquid accipiat, neq; per interpositas quidem personas. Si vero vnus non sufficit, alter vel plures eligendi sunt. Pætus Phræsea apud Cornelium Tacitum lib. 15. annualium inquit: Olim quidem nō modo prætor, aut consul, sed priuati etiam mittebantur, qui prouincias viferent, & quid de cuiusque obsequio videretur, referrent, trepidabantque gentes de æstimatione singulorum. Solus, vt audio, magnus meus auunculus Fræiscus Simancas ecclesiæ Corduben. Archidiaconus, vir profecto reipublicæ non poenitendus, hoc munere sine collega hætenus functus est: nam priuatim hodie creari solent visitatores quoties in aliqua prouincia id expedire videtur. [Plato. 12. de legib. 4. instru. Tolet. c. 3.]

19 Præterea, prohibitum est inquisitoribus & ministris, ne quid emant ex bonis publicatis, etiam si publice vendantur. Qui vero aliquid emerit, quamuis id faciat palam & bona fide, nihilominus in sententiam excommunicationis incurrit, & ceterum aureorum multa puniendus est. [4. instru. Tolerana. c. 23.]

30 Item, omnes ministri sanctæ inquisitionis iurare tenentur coram inquisitoribus & episcopo, seu eius vicem gerente: quod officia sibi commissæ fideliter

exercebunt: quod alij quoque magistratus & ministri reipub. similiter iurare solent. [Clem. 1. 8. porrd. de hæret. l. rem non nouam. C. de iudi. l. iubemus. 2. de erogat. milit. anno. lib. 12. & illi Ioannes de Platea.]

31 Iurant præterea inquisitores, consultores, & ceteri, quod arcana omnia fideliter celabunt, quæ si quis eorum prodere ausus fuerit, dignus profecto est qui officio priuetur, & alijs etiam poenis, pro criminis qualitate puniatur: nā id grauius delictum est genere suo, quam furtum. Quamobrem sapienter admodum verus disciplina regum Persarum, silentium vitæ periculo sanxerat. Et sicuti Q. Curtius lib. 4. memorat, Lingua grauius castigatur, quam vllum probum, neque magnam rem sustineri posse credunt ab eo, cui tacere graue sit, quod homini facillimum voluerit esse natura. Vnde apud eosdem Persas, Nemo consiliorum est conscius, præter optimates taciturnos & fidos, vt Ammianus Marcellinus. lib. 21. est author. Ex omnibus, quibus humana pectora serijs grauib; & complectuntur affectibus, nullam difficiliorem credit Fabius, declamatione. 19. quam silentij virtutē, adeo promptissimo sermone facile delinquimus: additque non prodere secretum, primam fuisse sapiētiam in priscis illis morum mentiumq; rectoribus. [4. instru. Tolet. c. 4. Domi. Sot. lib. de ratione regendi secretum. q. 1. Ioannes Robemius lib. 3. de moribus omnium gentium c. 24. Angelus in. l. atheletas. 6. calumniator. de his qui not. infam. Brūnus lib. 3. de legat. c. 2.]

32 Addendum eodem est, quod magistratus & ceteri ministri, qui reipub. consilijs intersunt, vsque adeo arcana omnia fideliter custodire tenentur, vt ante pari debeant fortunarum & vitæ dispendij, quam

quam ut ea volentes, inuirti, aut coacti reuelent. Nam cum arcana reipub. sint propter salutem vniuersorum, ab illis usque ad animam & sanguinem custodienda sunt, quibus tota reipub. arcana sua committit, & honores atque stipendia pro officijs tribuit, & qui iurando fide suam in idipsum alstrinxerunt. Quod quidem tanto magis seruari debet, quanto res ipsa, grauior & periculosior sit: puta, si torqueatur quispiam, ut earum rerum arcana reuellet, quæ in sacro inquisitorum foro aduersus hæreticos decerni solent. [Soto prope finem de rat. teg. secre.]

33 Salaria inquisitoribus & ministris a reipub. soluenda sunt, cui magno quidē labore, sed maiore utilitate inserviunt. Cuiuslibet igitur inquisitori præfinita sunt sexaginta millia annua, hodie centum millia numerum: quorum quilibet estimantur duobus numulis æreis, quos albos vulgo appellant iudici bonorum publicorum triginta millia: promotori fiscali totidem: tabellioni siue notario triginta: executori sexaginta, receptori totidem: nuntio viginti millia: custodi ianuarū decem millia: medico quinque millia: quæ salaria possunt augeri arbitrio generalis inquisitoris, & soluenda sunt a receptore temporibus præfinitis: qui si secus fecerit, priuari poterit ab inquisitoribus ipsis officio. [4. instru. Tol. c. 2. & instru. 3. Val doli. c. 13.]

34 Hæc omnia salaria soluantur ex bonis publicatis, & pars tertia præstari debet in principio cuiusque quadrimestris, & exinde deberi incipiunt, ex quo iudices & ministri proficiuntur ex domibus suis ad negotia huius sanctæ inquisitionis tractanda: quod si moriatur ante quadrimestre completum in nihilominus eorum erunt, nec ab hæredibus

repetenda sunt. [1. legatus ante quam. ff. de legatio. l. 1. §. diuus Seuerus. de extraordi. cogni. l. sed addes. §. vltim. ff. locati. 2. instru. Hispalen. cap. 2. l. tempus. ff. de vacatio. & excusatio. munerum.]

35 Illud prudenter admodum instructio nibus continetur, ut inquisitores & ceteri omnes ministri per se ipsos officijs inserviant, non autem per substitutos: atque id quidem iustissime, quia eorum industria eligitur, non aliorum: nec iustitia patitur, ut alter onera subeat, alter vero stipendia & honorē ferat. Recte igitur Alexander Seuerus dicere sæpe solitus erat, eos esse promouendos, qui per se reipub. gerere possent, non per assessores: & vnum quemque id agere debere, quod nosset. [3. instru. Valdolit. c. vlt. Aelius Lampridius in Alexandro Severo. l. vlt. de excusa. tuto. l. nullus qui nexu. C. de decurio. lib. 10. l. 1. §. ne autem. C. de caduc. tollen. c. vlt. §. 1. de offic. delegat.]

36 Ministri autem abesse non debent, nisi prius veniam ab inquisitoribus impetrauerint, quam illis concedere possunt, usque ad viginti dies duntaxat: qui vero absens fuerit ultra viginti dies, aut venia non impetrata discesserit, salario priuetur: & absentiarum ministrorum scribantur, & salaria illis non soluantur a receptore, nisi libro absentiarum inspecto: & ita senatus epistolis quibundam scriptis.

37 Præterea, cautum est multis instructionum capitulis, ut ministri omnes suis stipendijs contenti sint, & munera non accipiant, ne poculenta quidē, aut esculenta: qui vero accepisse aliquid conuictus fuerit, officio priuetur, duplum soluat, in excommunicationis sententiam incurrat, ac decē millibus numis mulctetur: & qui ex ministris id sciuerit, & inquisitoribus non reuelauerit,

RR 2 iisdem

- ijsdem poenis subiaceat. [1. instru. Hispalen. c. 25. & instruct. 2. c. 1. & instruct. 4. Toleta. c. 15. & 18.]
- 38 Ad hæc, nemo esse debet minister huius sancti officij in ea prouincia, in qua inquisitor sit eius cōsanguineus, vel dominus. Prohibitum quoq; est, ne quispiam ministrorum alicui negotiationi se immisceat, neque id facere possit per interpositas personas: qui vero contra fecerit, officio priuetur, & viginti milibus numis mulctetur: & qui hoc non prodiderit, excommunicetur. [4. instr. Toleta. c. 12. & in fine omnium instructionum scriptarum, & in impressis fo. 21. confert. l. militem. C. de procurat. l. milites. locati. l. 1. & illic glo. & cæteri. C. negotiato. ne militet. li. 12.]
- 39 Si quid autem leuius commiserint hi ministri, ab inquisitoribus puniri debent: si vero aliquid grauius in officio admiserint, ad inquisitorem generalem & senatum referendum est: vt si causa id expostulet, officio illos priuet, quæ pœna iure recepta est, vt qui delinquūt in officio, priuentur, aut interdiciantur illo. [1. instruct. Hispalen. c. 27. l. 1. de legatio. l. si aliquid. C. de suscepto. & archat. li. 10. regia. l. 12. tit. 29 par. 7.]
- 40 Prohibitum quoque est ijsdem instructionibus, ne quis duobus officijs præsit, neus duobus fruatur salarijs. Quod si in omnibus officijs publicis, & beneficijs ecclesiasticis seruaretur, longe profecto melius rebus publicis consultum esset: neque enim occuparet vnus, quæ multis sufficerent: neque multi deficerent, vbi vnus non sufficit. Vnde Plato. lib. 8. de legibus: Duas artes, inquit, aut studia duo diligenter exercere humana natura non patitur. Nemo etiā satis potest arti quidem vni vacare, & alterius artis opifici præsidere. Quam

ob causam eodē libro statuebat, vt qui duabus artibus vacaret, vinculis, mulcta, expulsione, vnam tantum completi cogeretur. Et lib. 2. de repub. idem Plato ait, Impossibile esse, vnum plures artes bene exercere. Et rursus lib. 3. eiusdem operis: Singuli singula recte conficere possunt: plura vero minime. Quod si quis plura tractare aggredia- tur, in singulis ita deficiet, vt in nullo euadat egregius. Et Arist. lib. 2. politi. Prauum videri ait, ab homine vno plures magistratus geri: vnicum enim ab vno optime perficitur opus. Et iterum lib. 4. Profecto munus quodq; melius, si quis vni tantum procuratori vacet, obitur, quam si multis negotijs distineatur. Xenophon quoque lib. 8. de pædia Cyri, scriptum reliquit: Fieri nō potest, vt qui multis vtitur artibus, is homo omnia pulchre faciat. [4. instruct. Toleta. c. 18. Arist. 2. polit. c. 9. & lib. 4. c. 15. Thomas li. 4. de regimi. princip. c. 20. l. si plures. ff. de pact. c. 89. distin. l. quisquis. C. de postul. l. hac par. de proxi. sacro. scrit. li. 12. regia. l. 10. tit. 4. par. 3. Lucas in l. omnes iudices. de decurion. lib. 10.]

- 41 Qui occidit aut vulnerat officialem, puniri debet ab inquisitoribus, & relinqui curiæ seculari, si crimē fuerit dignū morte: & ita Leo X. constituit, & eo iure vtitur. [Alber. li. de secreto. nu. 64.]
- Pius V. edidit constitutionem iustissimam aduersus eos, qui occiderint, verberauerint, vel perterrefecerint ministros sancti officij, vel accusatores, denunciatores, vel testes. & cōtra eos qui incenderint libros, aut scripturas pertinentes ad officium, vel ad causas sanctę inquisitionis: quam, quia longa est, hic non adiungimus: sed in fine huius operis impressa inuenietur.

De occultis Titulus XLII.

S V M M A R I V M.

- 1 **O**ccultorum criminum variae species sunt.
- 2 Haereticus occultus an sit excommunicatus ipso iure.
- 3 Haereticum pure intellectualem, non incidere in sententiam excommunicationis, theologorum fere omnium sententia est.
- 4 Ecclesia non habet potestatem super actus solos interiores.
- 5 Ecclesiam non habere potestatem super actus solos interiores, multis argumentis probatur.
- 6 Ecclesia quos actus interiores punire et prohibere soleat.
- 7 Haereticus qui haeresim quam corde concipit, verbo aut scripto parit, licet occultissime, in sententiam excommunicationis incidit.
- 8 Haereticus pure mentalis inueniri potest, contra Pighium.
- 9 Haereticus pure mentalis, qui haeresim occultissimam amico detegit ab eo consilium petens, an incidat in excommunicationem.
- 10 Haereticus pure mentalis an incidat in excommunicationem, tametsi per iocum dixerit, se aliquando hanc aut illam haeresim credidisse.
- 11 Haeresis pure mentalis, qua nunquam prodijt in actum exteriorem, non eget absolutione inquisitorum.
- 12 Haereticus occultus qui alios inficit, debet statim iudicibus indicari.
- 13 Haereticus occultus an se ipsum prodere teneatur.
- 14 Haereticum se quispiam esse confitens in foro poenitentiae, & neq; poenitentiam agere, neque alios quos scit haereticos esse prodere volens, an indicari possit a sacerdote.
- 15 Haeresim in confessione dictam, quando sacerdotes indicare debeant.
- 16 Haeretici ubi puniuntur, solent esse occulti formidine poenae & ut catholicos decipiant, & ut aliquid magni se discere existiment, latenter praedicant.
- 17 Acta in iudicio cum haeretico occulto non sunt ipso iure nulla.

De occultis.



MULTIFARIAM crimē aliquod occultum dicitur: nam est crimē per se occultum, quod nihil habet unde possit ab hominibus cognosci: hoc est crimen, quod sola cogitatio ne cōmittitur, & solo corde retinetur, nec voce aut opere extra procedit. Est & crimen occultum per accidens, quod extrinsecus progreditur, sed testibus probari non potest. Hoc autē crimen quā-

uis occultissimum sit, posset tamen ab aliquo naturaliter audiri, aut videri.

Crimen quoq; occultum dicitur, quod plene probari nequit: & illud itē quod non est manifestum, aut notorium. [c. vestra. de cohabit. clerico. & muli. & illic interpretes. Alfon. lib. 2. de pot. leg. poen. cap. vlti.]

2 Quāri autem solet, an haereticus occultus excommunicatus sit ipso iure, & in alias etiam poenas incidat, contra heueros statutas. Cui quaestioni simpliciter

citer iurisperiti respondent, quod etsi hæresis occulta sit, nihilominus occultus hæreticus incidit in illas pœnas. Qui si hoc putant verum esse, cum hæresis natura sua est occulta, id est pure mentalis siue intellectualis, proculdubio vehementer errant. Sin autem de occulto, loquuntur, quod opponitur probabili, aut notorio, sententia eorum vera erit. Sic igitur accipienda est horum iurisperitorum sententia. [Ioan. Gófre. Raimun. & glo. in Clemen. 1. §. verum. de hæret. & inibi Paul. Stepha. & Ioan. Imole. nu. 18. & Cardin. in §. vlti. lre. Abb. Ioan. de Anan. & Felip. in c. vlti. de hæreti. Andre. Tiraq. in l. si ynquã. C. de reuocand. donation. verbo reuertatur. nu. 240.]

- 3 Nam quod hæreticus pure intellectus, qui nunquam hæresim protulit, nõ incidat in sententiã excommunicationis, neque ob eam rem subiaceat iudicio ecclesiæ, aut iurisdictioni ciuili, constans & recepta theologorum sententia fere omnium est: quam frustra impugnare conatur Arnaldus Albertinus. [Petrus de Palude. in lib. 4. senten. distinct. 13. Antoni. 3. par. sum. tit. 24. c. 4. Angel. in sum. verb. hæreti. nu. 2. Siluest. verb. excommunicatio. 7. Caieta. verb. hæresis. in fin. Ioan. Driedo. lib. 3. de liber. Christ. pagi. 60. Alfons. lib. 2. de iust. hæreti. puni. c. 12. & iterum lib. 2. de pote. leg. pœn. cap. vlti. Hermas. lib. 2. de instaur. religion. c. 6. Soto. in lib. 4. senten. distinct. 22. q. 2. arti. 3. contra Alberti. lib. de agno. asser. cat. q. 33.]

- 4 Maxima & præcipua ratio huius propositionis est, quia vt cõcorditer Theologi docent, ecclesia non habet potestatem super actus solos interiores, neque illos sua iurisdictione, dirigere, prohibere, aut punire potest. [Gerson in re-

gul. morali. Duran. in lib. 4. senten. dist. 11. q. 8. Petrus Palud. ibidem. distinct. 13. & Almain. distinct. 17. q. 1. art. 3. & iterum tract. de potest. eccles. c. 10. & rursus tract. de autho. eccles. c. 3. Caietan. & Fran. Victo. super Tho. 2. 2. q. 11. artic. 3.]

Quæ sententia multis argumentis vrgentissimis comprobatur. Primo, quia leges humanæ gubernare nequeunt cogitationes hominum, neque illas iudicare, quia eas non cognoscunt. Ad hæc, ecclesia nunquam vĩa est hac potestate, ergo eam non habet: nam otiosa est potentia, quæ nunquam aliquid operatur. Præterea, ecclesia nullam potestatem, aut iurisdictionem exercere potest per solos actus interiores: non excommunicare, non absolvere, non sacramenta aliqua ministrare: igitur neque potestatem habet super actus interiores. Dein de verum ac tritum prouerbiũ est, quod ecclesia non iudicat de occultis. Ad postremum, occultorum actuum cognitio soli Deo reservata est, neque enim iuxta intuitum hominis Deus iudicat: Homo nãque videt ea, quæ apparent, Dominus autem intuetur cor. Accedit Paul. Apostol. qui ad Corin. scribens inquit: Nolite ante tempus iudicare, quoad vsque veniat Dominus qui manifestabit consilia cordium. [1. cogitationis. de pœn. c. tua nos. c. sicut. de simon. c. humanæ aures. 22. q. 5. li. 1. Reg. c. 16. & 1. ad Corin. c. 4.]

6 Contrariam tamen opinionem defendere conatur Hadrianus, ponif. Max. lib. quæstionum, cui subscribit Albertus Pighius. lib. 6. hierarch. eccles. Sed argumẽta illorum facile refelli possunt: nam etsi ecclesia nõnunquam prohibere aut punire videatur actus interiores, non eos solos tunc intuetur, sed actus alios exteriores, quorum interiores vel sunt

sunt causæ, vel rationes. Nam interior actus duobus modis considerari potest: priori, perfectantur, puta cum in solo corde nascitur & consummatur, & extra non procedit, quo casu loquitur theologorum agmen: posteriori modo considerari poterit simul cum actis exterioribus tanquam causa commissionis, aut omissionis illorum: tunc autem perspicuum est, quod iudicio & iurisdictioni ecclesiæ subijciuntur, ac iudicium etiam secularium. Verbi gratia, propter actum aliquem exteriorem inquiri poterit de intentione & voluntate, de scientia vel ignorantia, ac de alijs id genus: cæterum solus actus interior, sine actu aliquo exteriori, non subijcitur humanæ legi. [Hadrian. quolib. 8. Albert. Pighius. li. 6. hierar. eccl. c. 6.]

7 Theologi omnes vno ore fatentur, quod is, qui hæresim, quam corde conceperat, verbo aut scripto pepererit, quavis id clanculum, & occultissime fecerit: nihilominus eo ipso in sententiam excommunicationis incidit, & alijs poenis hæreticorum obnoxius est. Nam etsi eadem omnino causa esse videatur huius hæretici, & illius qui hæresim corde occultat, differentia tamen inter utrumque magna est; occultum enim per se habet ex propria natura, non subesse cognitioni sensitivæ, ex qua incipit humana cognitio, secundum quam ecclesiæ iudicat: occultum vero per accidens, subiaceret sensibus humanis, etiam si testibus probari nequeat. Quam ob causam huiusmodi occulta sæpe iudicantur ab ecclesiâ, occultis peccatoribus excommunicatis: quod tamen de alijs occultis pure intellectualibus nusquam ab ecclesiâ factum fuisse legitur: ut non immerito recepta sit a doctissimis hæc differentia, quæ apud plurimos & prudentissimos durat. [Omnes theologi supra

citati. c. porro. de sent. excomm. c. clericis. de immu. eccl. li. 6. glo. in Clem. 2. §. verum. de hæret.]

8 Neque audiendus est Albert. Pighius loco prenotato, negans inveniri posse hæreticum aliquem pure mentalem: quia statim hæresis consummata, ut ille ait, prodit exterius, neque potest celari, si electio errori coniuncta, efficax perfecta que sit. Ego vero non sane dispicio, quid prohibere possit ne hæresis consummata retineatur in corde, aut hæreticus pure mentalis propter metum, aut pudorem, vel ob aliam quamlibet causam celare tamen hæresim nequeat. Nam quod solo corde consummari possit hæresis, non puto ipsum Albertum Pighium inficias fuisse iturum: sicut enim fides virtus est, quæ perficitur interius, sic ex opposito hæresis intime consummatur solo dissensu interiori cum consensu impiæ voluntatis: quemadmodum Caietanus tradit, & ante illum docuit Bal. Erravit tamen in alio Baldus putans hæreticum pure mentalem excommunicatum esse, & hæreticorum poenis coerceri posse: quem recentiores quidam pari errore secuti sunt. Sed ut paulo ante dixi, ea opinio concorditer ab omnibus, iure quam optimo iam pridem explosa est. [Caiet. 2. 2. q. 11. art. 3. Bal. in l. Si quis non dicam rapere. C. de episcopis. & cleri. Ioan. de Ana. in c. si quis episcopus. de hæretic. Ludou. Careri. tract. de hæreti. nu. 87. Albert. lib. de agno. asser. cath. q. 25.]

9 Peregrina questio est, an hæreticus pure mentalis, qui coram inquisitoribus occultissimam hæresim confitetur, vel eam reuelat amico, petens ab eo consilium, incidat in excommunicationem propter illum actum exteriorem. Cui respondit Franciscus Victoria, talem hæreticum excommunicatum non esse, quia exterior

exterior ille actus est bonus, & hereticus non protulit hæresim asserendo illam, cui sententiæ vehementer assentior: illud quoque addens, multo magis eandem sententiam locum habere, cum hereticus in foro sacro pœnitentiæ intellectualem hæresim confessus fuerit: quia non modo actus ille bonus, sed pius etiam, & extra iudicium humanum est. [Fran. Victoria super Tho. 2. 2. q. 11. art. 3. c. si sacerdos. de offi. ordin. Couaru. in. c. peccatum. dereg. iur. lib. 6. part. 2. reg. 1. nu. 7. vide Chrys. I epist. ad Hebræ. homil. 21. colu. vlti.]

- 10 Illud autem maiorem dubitandi rationem habet, quod idem ille celebris theologus addit, hæreticum scilicet pure mentalem excommunicatum non esse, tametsi per iocum dixerit, se aliquando hanc, aut illam hæresim credidisse: quia non asserit hæresim illam, sed tantum narrat, aut refert. In qua equidem opinione subsisto: nam qui aiunt sufficere qualemcunque actum exteriorem, ut hereticus incidat in excommunicationem, non addunt, necessariam esse assertionem in illo actu. Accedit eodem, quod in re tam seria iocus execrabilis est: nam ut alibi quoque retuli,

Non patitur ludum fama, fides, oculus.

Fauet nihilominus illi opinioni vulgare iurisperitorum prouerbium: Qui declarat, narrat, aut refert, nil noui facit. Quamobrem fortassis hæc opinio benignitatis gratia defendi poterit. [l. nam ludus. ad. l. Aquil. l. hæredes. §. 1. de testamen. l. adeo. §. cum quis. de acqui. rerum domin.]

- 11 Ex distinctione supra scripta inter occultum per se, & occultum per accidens colligenda est vera intelligentia cuiusdam capituli primæ instructionis Hispalen. vbi cum generaliter primum tradatur forma publicæ abiurationis, dein

de hæc exceptio ponitur: nisi crimen vsque adeo fuerit occultum, ut solus peccans illud sciat, nec ab aliquo reuelari possit: tunc enim secreto reconciliatus, absolendus est. Hoc inquam intelligi debet, cum hereticus intellectualem hæresim protulit, vel scripsit, & nullus eam audiuit, vel legit. Nam hæresis pure mentalis, quæ nunquam prodijt in actum exteriorem, non eger absolutione inquisitorum, neque abiuratione, aut reconciliatione: sed sufficit eam proprio sacerdoti confiteri, & ab illo beneficium absolutionis impartiri potest.

[Prima instructio Hispalen. cap. 3. Directo. inquisi. fo. 139.]

- 12 Cæterum, etsi occultus hereticus sit, qui alios inficit atque peruerit, potest ac debet statim iudicibus indicari, nulla præcedente monitione: quia subuersus est, qui est huiusmodi. Alios occultos peccatores monemus & corripimus ut respiscant, ut eorum existimationi consulamus: cæterum de pertinaci heretico, qui perniciosissima rei publicæ pestis est, qui spirituale venenum propinat catholicis, nulla spes conuersionis est: quamobrem publicum bonum, præferri debet bono illius priuato. Et hæc est constans theologorum & iurisperitorum sententia, quam & Leo ille magnus probare videtur, sermo. 4. de collectis, dicens: Manichæos vbicunq; latentes vestris presbyteris publicate: magna est enim pietas, proderet latebras impiorum, & ipsum in eis, cui seruiunt, diabolus debellare. Tum addo tria: Vnum quod hereticus non in te, sed in Deum peccat: Alterum, quod non frater, sed hostis est: Tertium, quod qui ecclesiæ non credit, is neque te corrigentem audiet. [Tho. 2. 2. q. 33. artic. 7. Hostien. in sum. tit. de heret. col. 4. Innoc. in. c. de testib. cog. Gonfal. de heret. prauis.]

prau. q. 6. Theologi in li. 4. sent. dist. 19. Albert. Pighi. lib. 1. hierar. eccle. c. 4. Alfo. lib. 2. de iust. hæret. puni. c. 25. Soto lib. 5. de iust. & iur. quæst. 5. art. 1. Vide titulum de denuntiatione.]

- 13 Quæri autem solet, an hæreticus occultus teneatur seipsum prodere, cum in generali inquisitione interrogatur a iudice, vtrum sciat aliquem hæreticum esse, idque sit nulla præcedente infamia. Prima fronte videri posset, quod talis hæreticus teneatur seipsum prodere: quia quoties iudex iuste interrogat, toties subditus debet illi dicere veritatem. At in proposita specie iudex iuste inquisitionem generalem facit. Nihilominus tamen contraria sententia verior & benignior est: Iugum enim Domini suauis est, & onus eius leue: esset autem res grauissima, obligare aliquem, vt se prodatur sine indicij interrogatus. Quam ob causam beatus ille Chrysostomus super epistolam Pauli ad Hebræos, scriptum reliquit: Non tibi dico, vt te prodas in publicum, neque vt te apud alios accuses, sed obedire te volo prophetæ dicenti: Reuela Domino viam tuam: neque enim quispiam se ipsum prodere tenetur, iudici iniuste interroganti: iudex autem nisi præcedant indicia, non iuste interrogat istum tãquam reum, sed tanquam testem. Quamobrem poterit reus iuste celare crimen dicēs, nescire se quis fecit, quia non sic scit, vt dicere teneatur. [c. quis aliquando, de pœni. distin. 1. Chrysosto. in episto. ad Hebræos. homi. 31. col. pe. & ad popul. Antioche. homi. 41. Caie. 2. 2. q. 70. art. 1. Domi. Soto. li. de rat. te. secre. memb. 2. q. 7.]
- 14 Deinde quæritur, si quis in foro pœnitentiæ confitetur, se hæreticum esse, & non vult agere de tam graui crimine pœnitentiam, neque alios prodere, quos scit hæreticos esse, quid tunc faciet sa-

cerdos? Albericus, & quidam alij respōdent, quod poterit hoc reuelare illis, qui prodesse possint, & non obesse. Sacerdos enim, vt isti aiunt, tunc non est astrictus sigillo confessionis, quia hæreticus non vult agere pœnitentiam, sed hæc opinio fallissima est, quia sacerdos eo etiã casu obligatus est sigillo sacramēti, quod ei nullo modo frangere aut aperire licet. Neque enim potest vquam tã graue periculum ecclesiæ imminere, quo non sit grauius violare huius confessionis sacramentum. [Alberic. post Ray. in rub. C. de hæreti. nu. 8. contra illos est Hostien. in summa. tit. de pœn. 5. in quo tenentur. Archid. in c. sacerdos. de pœnit. dist. 6. Alex. Ales. 4. par. q. 78. memb. 2. art. 1. Gerson sermo. de pœnitentia. & iterum sermo. 2. contra superbiam. omnes Theologi lib. 4. sent. dist. 21. Martinus Nauarrus referens plures in eodem c. sacerdos. nu. 119. Ioan. Medina lib. de pœnit. titu. de confess. celanda. Domi. Soto. lib. citato supra. memb. 3. q. 4. Alberti. de agnos. assertio. catho. q. 25. & lib. de secreto. num. 211. & est communis omnium sententia.]

- 15 Adde quod si liceret tales hæreticos indicare, deterrentur illi a sacramento confessionis, & pœnitentiam non agerent, nec alios hæreticos proderent: e contrario autem sacerdotes possunt salutaribus monitis confitentibus prodesse, ac bono communi consulere, prædicando in genere cōtra hæreticos, & admonendo generaliter inquisitores, & alios iudices. Cæterum, species vna duntaxat excipitur, in qua licet hæresim in confessione dictam reuelare: nimirum, cum hæretici simulata confessione, hæreses suas persuadere conātur ipsismet sacerdotibus: quod nonnulli hæretici Luthe- rani tentasse dicuntur: in qua sola spe-

cie verus esse poterit versiculus ille:
*Est crimen heresis, quod nec confessio
 celat.*

Nam si de confessione intelligatur, quæ
 est vera accusatio, (quamvis fiat ab im-
 pœnitente) falsissimus esset, atq; adeo
 Christianis auribus indignus, vt supra
 memorati tradunt.

- 16 In Hispania & Italia vbi puniuntur hæ-
 retici, occulti esse solent formidine pœ-
 næ, & vt catholicos decipiant, fingere so-
 lent, se esse catholicos, & in occulto su-
 as hæreses docent. Diuus Hieronymus
 in cap. 9. Prouerbiorum, explicans ver-
 ba illa, Aquæ furtiux dulciores sunt,
 inquit: Aquæ furtiux & panis abscon-
 ditus, doctrina hæreticorum, quæ stultis
 ac perditis suauior videtur. Sapientia
 palam mēsam proposuit, & miscuit vi-
 nū suum. Catholica ecclesia palā mun-
 do diuinorum eloquiorū conuiuia pan-
 dit. Addo illud Redemptoris nostri: Ego
 palam locutus sum mūdo. Ego semper
 docui in synagoga & in templo, quo
 omnes Iudæi conueniunt, & in occulto
 locutus sum nihil. Ioan. 18. Beatus Au-
 gustinus in Ioannem, tractatu. 97. Va-
 nitas impiorum, cum sit ignara verita-
 tis, promittit scientiam veritatis: occul-
 tos tamen panes promittit, quos tamen
 dicit, libenter attingi, & aquæ furtiux
 dulcedinem, vt ea libentius & dulcius
 ædiantur & agantur, quæ palam in ec-
 clesia Dei dici, credique prohibentur.
 Ipsa quippe occultatione condiunt
 quodam modo nefarii doctores sua ue-
 nena curiosi, vt ideo se existiment ali-
 quid discere magnum, quia mereantur
 habere secretum, & suauius hauriāt in-
 sapientiam, quam putant scientiā, cuius

prohibitam quodammodo furantur au-
 daciā. Et sanctus Gregorius lib. 5. in
 Iob. cap. 18. Verbum absconditum hæ-
 retici audire se simulant, vt auditorum
 mentibus quandam prædicationis suæ
 reuerentiam obducant. vnde & latèter
 prædicant, quatenus eorum prædicatione
 tanto sancta, quanto & occulta videat-
 ur: communē autem scientiam habere
 refugiunt, ne ceteris æquales æstimetur.
 occulta vel noua semper exquirūt: quæ
 dum alij nesciunt, apud imperitorum
 mentes ipsi de scientiæ singularitate glo-
 riantur. Hæc ideo retuli, vt moneantur
 a parochis, & a concionatoribus impe-
 riti homines atque mulierculæ, ne oc-
 culta cōuenticula sub prætextu pietatis
 ac religionis frequentent, sed ea sciant
 esse suspecta, nisi coram multis doctis
 & religiosiis viris eadem occulti illi do-
 ctiores dicere audeant. illa enim fraude
 multi fuere in Hispania seducti, nec ius-
 tam excusationem habuerunt, quia pe-
 stiferos dogmatistas occultabant.

- 17 Acta in iudicio cum hæretico occulto
 non sunt ipso iure nulla: quia hoc non
 est aliqua lege sancitum, quod post lon-
 gam disputationem concludit Francis-
 cus Bursatus, vir pereruditus & multæ
 lectionis, consilio. 14. vbi tamen
 multa scribit, de bonis hæreticorum
 pœnitentium non publicandis, quæ vt
 alibi dixero, consuetudine Italiæ ma-
 gis recepta esse videntur, quam iure
 pontificio. In Hispania vero non so-
 lum ex eodem iure, sed ex legibus etiam
 regijs, bona hæreticorum, quamuis pœ-
 nitentes sint, confiscantur. [c. super
 quibusdam. de verbo. signifi. c. cum se-
 cundum leges. de hæreti. lib. 6.]

De officio receptoris Tit. XLIII.

S V M M A R I V M.

- 1 **R** eceptoris officium quod sit.
- 2 Receptor qualis eligendus.
- 3 Receptor adesse debet bonorum sequestrationibus.
- 4 Sequestro & depositum quomodo differant.
- 5 Sequestro quo pacto fieri debeat.
- 6 Sequestro quo modo tradenda sunt bona reorum.
- 7 Sequestro quando non traduntur bona reorum.
- 8 Bona aliena conscripta cum bonis hereticorum, proprijs dominis sunt restituenda, et etiam alienum protinus soluendum est.
- 9 Receptor quæ bona reorum distrabere debet.
- 10 Bona reorum quæ servari possunt, locanda sunt a receptore & sequestro.
- 11 Bona reorum vendi non debent nisi auctione constituta, quod & in locatione servandum est.
- 12 Fiscus simpliciter duntaxat præstabit pro evictione, quamvis duplum vel triplum receptor promiserit.
- 13 Bona heretici, postquam ille fuerit damnatus, cui & quomodo tradenda.
- 14 Bona reorum, de quibus lis est, & quæ pignori nexa sunt, quando & quomodo vendi possint.
- 15 Bonorum publicatorum distractio propter temerarias lites differenda non est.
- 16 Bona fisco & alijs communia, si commode dividi nequeant, a quo vendenda sunt.
- 17 Receptorum poena, si secus fecerint ac tenentur, in ijs quæ sui muneris sunt.
- 18 Receptores & alij officiales non possunt quicquam emere ex bonis publicatis.
- 19 Receptores unius provincie non debent occupare bona hereticorum, quæ ad alios receptores pertinent.
- 20 Receptores pecuniam a sequestro receptam, vel ex bonorum venditione collectam, intra tres dies proximos deponere debent in arcam publicam.
- 21 Receptores debitoribus fisci nequeunt remittere, aut donare pecunias.
- 22 Receptores transactionem facere nequeunt.
- 23 Receptores quo pacto se gerere debeant cum fisci debitoribus.
- 24 Cause fisci quomodo agenda.
- 25 Debitoribus fisci quod spatium temporis concedi potest, ut comparant pecuniam, quam fisco solvant.
- 26 Bona reorum aestimari debent antequam vendantur: & praconia in loco celebri facienda.
- 27 Receptor, si aliquid emerit ex pecunia fisci suo nomine, non fisco sed sibi acquirit.
- 28 Receptor, si rem alienam vendidit putans esse heretici, tenetur domino pretium restituere.

De officio receptoris.



RECEPTOR vulgo appellatur, qui bona publicata recipit, qui mandato regis procurator fisci est: & bona confiscata petit, defendit, vendit: & salaria & alias impen-

sas sancti officij soluit.

1. Is eligendus est ad hoc munus, qui vir probus & locuples sit, & rationes conficere & referre sciat, & fideiussores idoneos dare debet, ut persolvant reliqua.
3. Ad officium receptoris pertinet adesse

SS 2 bono.

- bonorum sequestrationibus: et si enim generaliter in causis civilibus prohibita sit sequestratio, in criminalibus tamen frequentissime fieri solet: præferim in causis grauioribus, qualis est hæresis: ne quis bona publicanda, vel surripiat, vel abscondat. [l. si quis intra. C. de bon. dam.]
- 4 Et quamuis id, quod sequestrationem appellant, depositum magis esse videatur, quam sequestrum, quia hoc est, quod a pluribus in solidum, certa conditione custodiendum reddendumque traditur: depositum vero ab vno dumtaxat fieri potest: & sequestres quoque a depositarijs in eo differant, quod illi plurimum partium se medios gerat, & apud eos eandem rem, de qua controuersia est, plures deponant: depositarij autem ab vno etiam deligantur. Ego tamen, vt apertius loquar, & sequestrationem, & sequestrum vsurpabo. [l. proprie. & l. licet. ff. de positi. l. sequester. & inibi Alciat. de verb. significa.]
- 5 Sed ad receptores redeamus. Sequestratio fieri non debet, nisi antecedente iussu inquisitorum: fieri autem debet per executores coram receptore & notario sequestrationum, & alio tabellione, & omnia bona reorum, quæ in eorum potestate inuenta fuerint, & ab alijs non possidentur, scribenda sunt sigillatim in indice, siue inuentario: & eius bina exemplaria conficienda sunt, ab utroque notario seruanda. [l. si quis intra. C. de bon. dam. l. 3. de boni. vac. lib. 10. secunda instructione Hispalensi. cap. 8.]
- 6 Ea omnia bona tradenda sunt sequestro cum inuentario subscripto ab executore, & eodem sequestro & notarijs: alterum autem exemplar custodiendum est a notario sequestrationum: & eligendus est ab executore & receptore sequester, cuius aliquis idoneus, qui non sit consanguineus hæretici, neque malo genere natus. & ita quodam senatusconsulto cautum est.
- 7 Sed quando proceditur contra hominem mortuum, non debent sequestro tradi bona illius, sed scribenda & obsignanda sunt, & fideiussoribus datis relinquenda sunt possessoribus. Sed neque reorum bona, deponenda sunt apud sequestrum, cum ex crimine delato confiscatio bonorum fieri non debet, quæ admodum quibusdam senatusconsultis continetur.
- 8 Si bona aliena conscripta fuerint cum bonis hæretici, confestim dominis eorum restituenda sunt. Aes quoque alienum soluendum est ex bonis sequestro traditis, non expectato totius causæ exitu. Demum, si reus fuerit absolutus, omnia eius bona protinus ei reddenda sunt. [l. vlti. ff. de requir. reis. 4. instr. Tolera. c. 22.]
- 9 Res tempore perituras, & quæ deterior res sunt, item ea quæ nimium sumptuosa sunt (veluti iumenta aut venatoria) receptor distrahere debet iussu inquisitorum: neque enim sine permissu eorum quicquam facere potest. Ex alijs quoque causis vendere poterit, præsertim res superuacuas, puta, vt ædificia sarciantur, ne agri inculti sint: si qua pecunia sub pœna debetur, vt restituatur: denique vt reus alimenta percipiat. [l. Aristo. l. igitur. l. ait prætor. §. vlti. ff. de iure deliberan.]
- 10 Deductis necessarijs impensis, pecunia quæ superfuerit ex venditione earum rerum deponenda est apud eundem sequestrum: & nihil de ea receptor attingere debet, donec reus damnatus sit. Cæteræ autem res, quæ seruari possunt, locandæ sunt iustis pretijs a receptore atque sequestro: & ita multis instructionum

tionum capitulis continetur.

11 Sed ea bona, & quæ fuerint confiscata non sunt vendenda nisi auctione constituta; & præconio addicenda sunt plurimo licenti. Idem erit seruandum in locatione, ipsdem enim iuris regulis locatio & venditio consistit. [2. instruct. Hispal. c. 9. l. 2. ff. locati.]

12 In his autem venditionibus fides & diligentia exigenda est a receptore: & quāuis duplum, vel triplum receptor promissionem promiserit, re tamen euicta, fiscus simplum dumtaxat præstabit. [l. nō intelligitur. §. diui. & l. si curator. ff. de iur. fisc.]

13 Hærenico damnato sequester statim tradere debet bona omnia receptori coram duobus notarijs, neque quicquam recipere aut vendere potest, nisi coram eis. Iudex vero bonorum publicatorū, instantia receptoris præconibus concludere iubeat auctiōem. futuram quisquis sua interesse putauerit, sciat bona publicata vendenda esse: ac si quid petere voluerit, ad iudicem veniat, & ius suum persequatur: nemine autem veniente, bona immobilia distrahenda sunt, & in auctiōe addicenda trigesimo die, præconijs & alijs solemnibus antecedentibus, idest, receptore, & cæteris quorum interest, citatis. [4. instruct. Tolet. c. 24. l. 1. & 2. C. de fid. instru. & iur. hæstæ fiscal. lib. 10.]

14 Res vero, quæ in controuersia sunt, non debent a receptore distrahi, sed differenda est eorum venditio, donec lis finita sit: res autem nexas pignori distrahere possunt receptores, ita tamen ut nō lædatur ius creditorum: sed si quid superfluum est in re, ea lege vendatur, ut in primis creditoribus præcedentibus satisfiat: & si quid superfluerit, fisco inferatur. [l. res quæ ff. de iur. fisc. 4. instruct. Toleta. c. 23.]

15 Verum propter temerarias lites non est differenda diu bonorum publicatorum distractio: sed ea bona vendi poterunt: & deponenda est apud sequestrū quantitas pretij æqualis æri alieno in iudicium deducto, & æstimationi litis: sicuti quodam senatusconsulto decretum est.

16 Bona præterea communia fisco & alijs si commode diuidi possunt, diuidenda sunt: si vero commode diuidi nequeunt, aut utilius est, ut integra & indiuisa vendantur, id fisci priuilegium est, ut etiam si minima portio ad eum pertineat, vniuersa a receptore distrahantur, sed pretium suæ partis tantum fisco tribuendum est: reliquum alijs dominis restituendum. [l. 1. C. de vendit. rerum fisc. lib. 10. & 4. instructione Toleta. cap. 23. Quemada. q. 5.]

17 Receptores nihil prætermittere debent ex his quæ supra scripta sunt: nam si secus fecerint, in sententiam excommunicationis incurrent, & centum aureorum pœna plectentur, & præterea damna omnia fisco refarcient. [eo. c. 23.]

18 Neque receptores, neque alij officiales quicquam emere possunt ex bonis publicatis, nec per se nec per interpositas personas, etiam si ea publice vendantur: qui contra fecerint, in supra scriptas pœnas incurrent. [4. instruct. c. 24. l. non licet. ff. de contrah. empt. l. auferitur. §. 1. ff. de iur. fisc.]

19 Receptores vnius provincie non debent occupare bona hereticorum, quæ ad alios receptores pertinent, sed eos certiores earum rerum facere: qui secus fecerint, officio priuati, & damnum, & duplum soluent. [2. instructio. c. 11. conferr. l. Titium & Meuium. §. 1. ff. de administ. tutorum.]

20 Omnes numos receptos a sequestro, & pecuniam ex bonorum venditione redactam

- redactam receptores intra tres dies proximis deponere debent in arcam publicam tribus clauibus occludendam: quod facer senatus noster excommunicatione & poena pecuniaria sanxit.
- 21 Receptores, fisci debitoribus pecunias remittere nequeunt: & si quæ sint ab eis remissæ, reuocantur. Idemque erit in donationibus: non enim ad hoc eis conceditur bonorum administratio, ut perdant. [l. imperatores. ff. de pact. l. filius familias. ff. de donati.]
- 22 Sed neque transactionem receptores facere possunt: nulli enim procuratorum principis, non consulto principe, transigere licet, & eo iure utimur. [l. nulli. ff. de transa. l. 1. de offi. procura. Celsa. 4. instruct. c. 23.]
- 23 Illud quoque obseruare debent, quod Ulpianus lib. singulari, de officio curatoris reipublicæ his verbis scripsit: Prospicere reipublicæ securitati debet præses prouinciæ, dummodo non acerbum se exactorem, nec contumeliosum præbeat, sed moderatum, & cum efficacia benignum, & cum instantia humanum: nam inter insolentiam iniuriosam, & diligentiam non ambitiosam, multum interest. Et hæc quidem receptoribus dicta videri possunt, qui fisci debitores inquietare non debent, si modo ius fisci saluum sit. [l. si bene collocatæ. ff. de vsur.]
- 24 Causæ fiscales agendæ non sunt, nisi præsentibus his, qui negotijs fisci solent interuenire: quod si non interueniente fisci aduocato decisæ fuerint, in integrum restituntur. [l. non intelligitur. §. pena. & l. si fiscus. ff. de iur. fisci.]
- 25 Fiscalibus debitoribus petentibus ad comparandam pecuniam, ut eam fisco soluant, dilatio duorum vel trium mensium concedenda est, iudicantis arbitrio: prolixioris autem temporis spatium a rege postulandum est. [l. in fraudem. §. fiscalibus. ff. de iure fisci.]
- 26 Res estimari debent antequam vendantur, & præconia facienda sunt in locis frequentioribus ciuitatis, aut oppidi vicinioris: & omnia legum solemnia seruare tenetur receptor in subhastatione & auctione. [l. hac editali. §. is illud. C. de secu. nupt. l. iubemus. C. de defens. ciuit. Petrus Rebusus. tract. de præconijs & licitati.]
- 27 Si receptor emerit aliquid nomine suo ex pecunia fisci, non fisco, sed sibi acquirat: poterit tamen fiscus alijs bonis receptoris non stantibus, agere actione hypothecaria, ut scribit Gabriel Quemada; quæst. 21.
- 28 Si receptor vendidit rem alienam, putans eam esse heretici, tenetur restituere pretium domino. [l. bene a Zenone. C. de quadr. præf. Quemada. q. 22.]

De ordine procedendi Titulus XLIII.

S V M M A R I V M.

- 1 **I**nquisitores quid facere debeant, cum primum prouinciam aliquam, aut ciuitatem ingrediuntur, quas nunquam ingressi fuerant.
- 2 Inquisitores clerum & populum præconio conuocare debent, cum primum ingrediuntur aliquam ciuitatem.
- 3 Inquisitores, ubi primum ad aliquam prouinciam perueniunt, quale edictum proponere debent.
- 4 Inquisitorum alter uisitare debet prouinciam, alter vero in ciuitate, ubi sedes eorum

- eorum constituta sit, manere.
- 5 Inquisitores vicissim facere debent visitationem, & generalem inquisitionem.
 - 6 Inquisitores & eorum ministri, quorum hospitio vti non possint.
 - 7 Inquisitio generalis quando fieri soleat.
 - 8 Inquisitio specialis quid sit, & quando fiat.
 - 9 Inquisitio specialis quando fieri possit in crimine hæresis.
 - 10 Inquisitores an procedere possint aduersus hominem bonæ famæ propter literas secretas alicuius.
 - 11 Testes quomodo ab inquisitoribus excipi debent, cum ad illos veniunt testificandi gratia.
 - 12 Citatio realis quid sit, & quid verbalis.
 - 13 Reus citatus ex diuersis locis & eodem tempore ab episcopo & ab inquisitoribus, coram quibus se sistere debet.
 - 14 Rei quid ab inquisitoribus interrogandi sint prius.
 - 15 Reos quid amplius interrogare oporteat.
 - 16 Rei decem primis diebus post eorum capturam benigne admonendi sunt, vt veritatem fateantur.
 - 17 Rei admonendi sunt, vt relictis & abiuratis erroribus conuertantur.
 - 18 Hæretico quot monitiones fieri debeant.
 - 19 Hæretico tres monitiones fieri debere, quare verior sit sententia.
 - 20 Rei ter admoneri solent, antequam a promotore fiscali accusentur.
 - 21 Promotor fiscalis quando & quomodo proponere debet accusationem reis.
 - 22 Accusationis copia reo fieri solet.
 - 23 Testium ratificatio quomodo & coram quibus fieri debet.
 - 24 Testes cum sibi & prioribus testimonijs non constant, quomodo tractandi sint.
 - 25 Testimonia si inter se cohæreant, quomodo & quando reis edenda sint.
 - 26 Inquisitores quando ad sententias vel interlocutiones procedere debeant.
 - 27 Inquisitores generaliter interrogare debent reos de socijs criminum, & de ijs a quibus hæreses didicerunt.
 - 28 Rei, si suspicionem aliqua premantur, interrogari debent de socijs & sceleribus suis, adhibitis etiam tormentis.
 - 29 Inquisitor, qui prius cognoscere cepit de aliqua causa, alijs in eadem præferendus est inquisitoribus.
 - 30 Hæresis causa simpliciter & de plano tractanda est.
 - 31 Inquisitoribus Hispaniæ præscriptum est cap. quodam tertiæ instructionis, vt de plano & absque strepitu procedant in causis hæreticorum.
 - 32 Hæreticorum causa quanta potest fieri breuitate tractari debent, vt pluribus instructionum capitulis continetur.
 - 33 Hæreticorum causa non sunt differenda ab inquisitoribus, vt reos complures simul puniant.
 - 34 Reos in carcere inclusos æquum est aut quam citissime puniri, si pœna digni sint: aut absolui, si culpa careant.
 - 35 Inquisitores multis prudentibusq; interrogationibus vti debent.

De ordine procedendi.



T vniuersum ordinem iudicij sanctissimæ huius inquisitionis cursim breuiterque disseramus, necesse est a primo inquisitorum ingressu rem ipsam exordiri. Cū

primum igitur inquisitores ingrediuntur prouinciam aut ciuitatem, quas nunquam ingressi fuerant, debent in primis literas delegationis, quibus inquisitores creati sunt, ostendere capitulo ecclesiæ maioris, & consistorio ciuitatis: vt constet

- confiter eos caufarum hærefis iudices esse. [prima instruct. Hispalen. cap. 1. l. obseruare. de offi. proconsul. & leg. l. 1. C. de mandat. prin. c. cum in iure. de offi. delega. Brunus lib. 1. de legatio. c. 8. cum sequenti.]
- 2 Deinde, conuocare debent præconio clerum & populum, vt certo die festo conueniant omnes in ecclesiam maiorem, vt illic sermo de catholica fide habeatur, & potestas & iurisdictio inquisitorum, & quamobrem missi sunt, publice declaretur. Posthæc, sermone finito, præcipiant inquisitores, vt omnes simul coram cruce, ac libro euangeliorum, iurent se præstaturos fauorem & auxilium sanctæ inquisitioni, eiusque ministris: & quod non impredient illos per se, vel per alios, aut quouis quæsito colore. Quod iusurandum specialiter præstare tenentur seculares iudices, & eorum ministri: & in actis scribendum est a tabellionibus inquisitorum. Præterea, confestim legendæ sunt coram omnibus literę monitorię aduersus cunctos rebelles. [prima instruct. Hispalen. c. 1. & 2. confert. c. vt commissi. §. conuocandi. de heret. lib. 6. c. excommunicamus, §. moneantur. eo. tit. lib. 5. authen. si vero. C. de hæreti.]
- 3 Post hæc, proponere debent inquisitores edictum cum dilatione triginta, vel quadraginta, vel plurius dierum, prout melius eis visum fuerit: intra quam quicumque sponte, suos errores & hæreses coram inquisitoribus plene confessi fuerint, & alios hæreticos indicauerint, admittendi sunt ad poenitentiam salutarem, & ecclesiæ catholicæ reconciliandi: nec mortem aut vincula, nec bonorum publicationem patientur: sed inquisitorum arbitrio, pro qualitate personarum & criminum, poenam aliquam pecuniariam soluent, aut eleemosynas dabunt: quod benignitate regia concedi solet: cuius gratiæ patentes literæ inferi debent edicto. [1. instr. Hispalen. c. 3. & 7. confert. c. vergentis. de heret. & Hostien. in sum. tit. de heret. col. 2.]
- 4 His actis, alter inquisitorum visitare debet prouinciam, & quacunque ierit, edicta generalia proponet, quibus præcipiet sub excommunicationis poena, vt quicumque nouerit, aliquid factum vel dictum contra fidem catholicam, & legem euangelicam, id protinus inquisitori reuelet. Si quid autem relatum fuerit, scribendum est secreto per tabellionem inquisitorum. Alter vero inquisitor manere in ciuitate, in qua sedes eorum constituta fuerit, & ordinandis actis caufarum præsidere debet. Sin autem res nulla sit, quæ hunc residere cogat, ne otiosus sedeat, aliam quoque prouincię partem eodẽ ordine visitabit. Iuste proponuntur talia edicta ad reuelandas hæreses occultas, vt recte docet Iansenius in cõcordiam euangelicã c. 72. [quinta instruct. Hispal. c. 2.]
- 5 Hanc visitationem, & generalem inquisitionem vicissim facere debent inquisitores per omnes vrbes & municipia prouinciæ suæ: qua in re qui negligentes fuerint, officio priuandi sunt. In hac autem visitatione possunt inquisitores compellere, vt iurent ac testimoniũ perhibeat, eos omnes quos expedire crediderint. Simile quippiam fieri solebat temporibus Iustiniani: sed non ea sinceritate, qua nostri inquisitores vtuntur. [c. excommunicamus. §. adiicimus. & §. ult. de hæret. const. nouella. 17. præcepta præsidium. §. enim uero.]
- 6 Cauere autem debent in hac visitatione inquisitores ab hospitio eorum, qui consanguinei sint, vel affines hæreticorum, Iudæorum, & Mahumetanorum: quod

quod etiam seruire tenentur ministri eorum, neque ab hospite quippiam gratis accipiant: quia stipendijs suis contenti esse debent, & quia non leuis amicitia propter eam causam conciliari solet: nā vt Homer⁹ cecinit, Loco fratris hospes est: vnde priscis viris iungi hospitio, erat arcētissima iungi amicitia: & hospitio renunciare, nil erat aliud, quam amicitia renunciare. Adhæc, tam firmum erat ius hospitij apud veteres, vt nulla ratione, nisi renunciatum dissolui posset. Quod exemplo Quinti Crispini Romani, & Badij Campani comprobat Liuius lib. 5. 2. belli Puni. Et Aristote. lib. 2. magnorum moralium: Amicitiarum, inquit, hospitalis validissima videtur: neque enim vllus in ea est communis, de quo ambigatur, finis. Et in libris sacris sæpe hospitij mentio facta est: nam & Eliseus hospitibus suis fauit. [lib. 4. Regum c. 4. & 8. 4. instru. Toletan. c. 19. Arist. lib. 2. magno. moral. c. 11. Gellius. lib. 5. c. 13. Conrad. Brun. lib. 3. de legatio. c. 8.]

7 Per inquisitionem vero procedunt inquisitores, plerunque motu proprio ratione officij sui, & interdum ad alterius promotionem, vel denunciationē: idq; vel generaliter, vel specialiter. Generaliter inquirunt, quoties prouinciam visitant, & generalia edicta proponunt ad inquirendos occultos & incertos hæreticos: & hæc inquisitio non exigit necessario præcedentem infamiam, sed ratione officij fieri potest, ac debet, in fidei catholicæ fauorē, & Christianæ reipub. vtilitatem. [c. excommunicamus. §. adiicimus. & §. vlti. de hæret. l. 25. de his qui super religi. conten. C. Theod. Bart. in. l. 2. §. si publico. de adult.]

8 Specialis inquisitio est per quam specialiter de certis personis & criminibus inquiritur: & hæc fieri non debet: nisi

præcedat infamia, quæ vicem accusationis obtinet. [Gene. 18. Luc. 16. c. qualiter. de accus. Hipol. conf. 53. Gratus conf. 59. lib. 2.]

9 In crimine tamen hæresis procedi potest ad hanc specialem inquisitionem propter indicia & suspensiones, & præsumptiones verisimiles: etiā si infamia non præcedat, quod tamen caute atque secreto fieri debet, ac sine damno cuiusquam. [c. excommunicamus. §. adiicimus. de hæret. & inibi Cardi. Ioan. de Anani. & Felin. c. vt officium. in princ. eod. titul. lib. 6. & illic Dominic. & Philip. Fran. Bart. in. l. congruit. de offi. præsi. Bald. in. l. iubemus. C. de proba. Alciat. in. c. 1. de offi. ordi. num. 49.]

10 Quæsitum scio, an inquisitores procedere possent aduersus hominem bonæ famæ propter literas secretas alicuius, quibus de illo aliqua crimina hæresis, vel apostasiæ indicabantur. Et prima quidem fronte videbatur id non licere, ac prohibitum esse quadam epistola decretali Innoc. iij. Placuit tamen plerisque eo casu procedi posse, si modo is qui literas ad inquisitores misit, fide aliqua dignus esse videatur, & iuramento id confirmauerit apud inquisitorum delegatos siue cōmissarios: parui enim refert, vtrum voce, vel scriptis quispiā reum iudicibus indicet. Adde, quod multi qui longe absunt, non aliter possunt hæreticos indicare: eorum igitur testimonium repellendum non est. Quod neque Innoc. iij. negat: cuius decretalis epistola, de illis tantum loquitur, qui famosos libellos occulte mittunt, aut spargunt. Quod idem iam olim Traianus Plinio rescripsit his verbis: Sine auctore propositi libelli, nullo crimini locum habere debent: nam & pessimi exempli, neque nostri seculi est. Author idem Plinius lib. 10.

TT epistola.

epistolarum. [c. inquisitionis. §. tertia. de accusati. l. 3. cum seq. de famos. libel. C. Theod. c. testes. 3. q. 9. Adde Tho. 2. 2. q. 67. ar. 4. Lucam de Pena in. l. vlti. C. de bon. vac. lib. 10. Angel. tract. de malef. parte, hæc est quædam inquisitio. Hippol. in practica. §. constante. Alciar. in. c. 1. de offic. ordin. nu. 34. cum seq. Albert. lib. de agnosce. assertio. cathol. q. 34. num. 54.]

11 Cum testes ad inquisitores veniunt, ut contra hereticos, vel suspectos testificentur, exhortandi sunt atque monendi, ne odio, inimicitia, aut alio prauo affectu, falsum testimonium perhibere audeant: & præterea declarandum est illis, quam graue scelus committant, si testes omnes: sed hi præcipue, qui de crimine hæresis innocentes infamant: quod si zelo catholice fidei se moueri dixerint, scribenda sunt eorum testimonia. Post hæc, visitatione peracta, conuenire debent inquisitores, & collatis, & perscrutatis testimonijs, cōuocatisq; si opus fuerit viris peritis, promotore fiscali id postulante, de comprehendendis reus deliberabunt. [4. instruct. Tollet. c. 20. & instru. §. Hispal. c. 1.]

12 Deinde, quidam reorum reali citatione, alij verbali citandi sunt. Realis citatio est, quæ fit per capturam: verbalis quæ fit per literas, vel per nuntium. De citatione reali suo loco satis diximus multa: de citatione verbali hoc fere tantum obseruandum est, quod tunc demum fieri debet, cum de leuiori crimine agitur, vel cum leuiter suspectus est reus: nam si graue crimen sit, & plene probatum: citatione reali opus est, ne reus fugiat. Addo etiam quod citatio verbalis causam continere nō debet, propter quam reus citatur; ideoque neque loci, neque temporis, neque delicti declaratio requiritur: sed generaliter illi præ-

cipiendum est, ut se sistat coram inquisitoribus, quia volunt ab eo quædam scire. [Clem. 1. de heret. Brun. lib. 4. de heret. c. 6.]

13 Quod si reus ex diuersis locis citatus fuerit eodem tempore ab episcopo & ab inquisitoribus, sistere se debet coram inquisitoribus: quia ad causas fidei specialiter delegati sunt: nisi forte aduersus exemptos procederet episcopus iure delegato: quo casu locus esset gratificatio. In Hispania tamen semper in his causis præferendi sunt inquisitores, ut alibi dixi. [c. sane. de offi. delega. c. studuisti. de offi. delega. iuncto. c. ut commissi. de heret. lib. 6. l. si quis graui. §. si cum omnes. & ibi Ioan. Igneus ad Sillani. Archid. Ioan. And. Domin. & Philip. Franc. in. c. per hoc. de heret. li. 6. Ioan. de Anani. & Felin. in. c. excommunicamus. §. vlt. eo. titul. Iacobatus lib. 2. de concil. ar. 5.]

14 Post hæc, rei ab inquisitoribus interrogari debent, qui sunt, quibus parentibus orti, quibus locis conuocati, quibus officijs & exercitijs educati: ut ex eorum confessione (quæ scribenda est a tabellione) intelligi possit, vtrum vita eorum, cum dictis testium congruat. Sed in primis necessarium est, ut de locis in quibus conuersati sunt, diligenter interrogentur: primo, ut videant iudices, an in locis illis verisimile sit, hereses fuisse dictas: deinde, ut ex confessione reorū constet, eos in locis illis fuisse, in quibus hereses dictas esse probatur: postremo, ne falsis testibus locus relinquatur probandi negatione coarctatam loco & tempore. Sed multa simul interroganda non sunt, ne reus cum Sy-cophanta Plautino dicere possit: Multa simul rogitas, nescio quid expediam potissimum: sin vnū quidquid singillatim & placide percunctabere, & meū nomen, & mea

& mea facta, & itinera, ego faxo scias.

[Plautus in Trinum.]

15 Deinde, querendū est ab eis, nunquid sciant, quam ob causam citati, aut comprehensi sunt: qui si palam confessi fuerint veritatem, peracta erit eorū causa: si vero dixerint, se nescire quamobrem vocati, aut vincti sint: tunc inquisitores addent, non esse moris officij sanctę inquisitionis, quempiā sine causa citare, aut comprehendere, aut in carcerem mittere: proinde conscientias suas exonerantes, Deum solum pre oculis habentes, excogitent, num forte dixerint, aut commiserint aliquid aduersus fidem catholicam, & legem euangelicam: quod si adhuc negauerint, aut se non recordari, dixerint, protinus monitiones fieri debent, quemadmodum iam dicturi sumus. Omnia autē interrogata, respōsa, dictaque reorum a notarijs perscribenda sunt.

16 Benigne igitur admonendi sunt rei, & subinde exhortandi, vt simpliciter, plene, ac vere fateantur, quidquid commiserint contra catholicā fidem: & vt caueant ne forte contra se ipsos, aut cōtra quoslibet alios falsum testimonium dicant: quod si fecerint, benigne cum eis agatur: sin autē veritatē occultauerint, audietur promotor fiscalis, & fiet iustitia. Quę monitiones eodem tenore renouandę sunt, intra decem primos dies post capturam reorum, & ita olim eadē dilatio decē dierū cōcessa fuit Nestorio per Celestinū Papā. [4. instru. Tolet. c. 6. Alfons. lib. 2. de iusta heret. puni. c. 1.]

17 Admonendi autem sunt rei, vt relictis & abiuratis erroribus, conuertantur. Quod Paulus apost. Timoth. docet inquit: Cum modestia corripientē eos, qui resistunt veritati, ne quando det illis Deus poenitentia: idest, si forte aliquando illuminati a Deo poeniteāt de errore,

& resipiscant a diaboli laqueis, a quo captiui tenentur ad ipsius voluntatem. Hęc est voluntas eius, qui vult, omnes homines saluos fieri, & ad agnitionem veritatis venire, vt beatus Bernardus ait. Hoc deniq; velle se perhibet, qui nō simpliciter, capite vulpes, sed capite inquit, nobis vlpes paruulas. Sibi ergo & sponse suę, hoc est catholicę ecclesię, iubet acquiri has vulpes, cum ait, capite nobis. Itaq; qui hereticū admonet, illo intentionem suam dirigere debet, vt erratē cōuertat: cogitans illud Iacobi apostoli: Qui conuerſi fecerit peccatorem ab errore vię suę, saluabit animam suā a morte, & operit multitudinem peccatorum. [2. Timoth. 2. Iacob. 5. Bernar. super cantic. sermo. 64. Alfons. lib. 2. de iust. heret. puni. c. 18.]

18 Sed quāri solet, quot monitiones heretico fieri debeant. Alfons. Castr. duas tantum fieri debere contendit: quia nō plures exigit Paulus in epistola ad Titū. Apostolus tamen de his monitionibus non loquitur, sed de correctione extraiudiciali: vel certe illic nō traditur ordo procedendi ad punitionem heretici: sed tantum docet Paulus, hereticum pertinacem vitandum esse: quod post vnam duntaxat correptionem fieri debet, cum constar illum insanabilem esse.

19 Quamobrem fortassis multi aiunt, Paulum vnam tantum correptionem ibidem exigere: non enim legitur apud eos, post primam & secundam correptionem, sed post vnam solam: sic enim est apud Iræneum. lib. 3. aduersus heres. apud Tertull. lib. de præscriptio. aduersus heretic. apud Cyprian. lib. 3. ad Quirinum. Apud Ambros. in eandem epistolam Pauli ad Titum, & ibi idipsum adnotarūt alij, & fatetur Hierony. hanc quoq; lectionem

apud quosdam Græcos se reperisse. Verius igitur est, ut tres monitiones requirantur, quod & consuetudine receptum est: nam trinis diebus fieri solent, & alibi sæpe tres monitiones requiruntur. [Alfons. lib. 2. de iust. hære. punit. c. 1. epist. ad Tit. c. 3. Gonsa. de hære. prauit. q. 8. act. 3. synodi Chalcedonen. c. conuenientibus. 1. q. 7. canon. apost. 32. c. Deus omnipotens. 2. q. 1. c. omnes decimæ. 16. q. 7. c. de presbyterorum. 17. q. 4. c. contingit. 2. de sent. excom. c. nouit. de iudic. c. de illi cita. 24. q. 3. c. 1. de milite vassal. qui contu. est. libro feudo. Ioannes Lupus allegatione de hæresi. §. 4.]

20 Tres autem monitiones fiunt antequam reus a promotore fiscali accusetur: alia præterea fit ante publicationem testimoniorum: alia ante sententiam quæstionis habendæ: alia ante canonicam purgationem. Sed hæc omnes admonitiones, modeste fieri debent, & cum charitate: non autem asperere, aut cum rigore: ne suggestionem, aut metu iudicium, rei ea, quæ non commiserint, confiteatur. Et ita epistola quadam senatus sanctæ inquisitionis sapienter admodum continetur.

21 Quod si tribus monitionibus iudicium, reus nihil confessus fuerit, promotor fiscalis decimo die a tempore capturæ, proponet accusationem, in qua reum de his criminibus accusat, quæ testimonium dictum comprobata sunt, eaque articulo factorum commemoratione completitur. Cæterum, personarum nomina, locus, ac dies commissorum criminum in accusatione occultantur: cætera vero nominatim exprimuntur. Verbi gratia, promotor fiscalis accusat Bucerum, dicens illum hæreticum esse: quia certo die præsentis anni, coram certis personis, in quodam loco, dixit, votum ca-

stitatis esse impossibile, ac proinde neminem obligare: cui cum quidam ex his, qui id audierunt, dixisset, hanc hæresim esse Lutheri, respondit Bucerus animo pertinaci, non esse hanc hæresim, sed veram sententiam: unde concludit promotor fiscalis petens, Bucerum hæreticum declarari, & grauissimis poenis contra hæreticos iure statutis, puniri.

22 Huius accusationis copia reo fieri solet, cui protinus per articulos respondere debet: eiusque responsum a tabellione coram inquisitoribus illico scribendum est. Quod si adhuc negauerit, ad uocatus ei datur, qui nihil fere aliud facere solet, quam ea, quæ in accusatione continentur, negare: ac simul asserere reum esse, & semper fuisse catholicum, idque ex pluribus eius pijs rectisque operibus euidenter constare: & apud omnes existimationem eius integram optimamque semper fuisse. Deinde concluditur, & ad probationem eorum, quæ utrinque allegata sunt, terminus a iudicibus præfinitur: intra quem promotor fiscalis testes iterum producat, & reus suas defensiones probat. [c. qualiter. 2. §. debet. de accus. Albert. lib. de agnos. assertio. cathol. q. 24. nu. 23.]

23 Vocati autem a iudicibus testes, diligenter perscrutari & interrogari debent: ac primum eis dici solet, numquid sciāt, quorsum vocati sint. Qui si responderint scire, aut suspicari, se vocatos esse propter illam causam, in qua testimonium coram eisdem iudicibus perhibuerunt: tunc iterum ab eis quæritur, an meminerint eius, quod in eadem causa testificati sunt: & an id verum sit, & utrum velint addere, detrahere, mutare, aut corrigere aliquid: interim autem quidquid responderint scribendum est fideliter a notario: deinde iterum examinatur, & priora testimonia illis ostē-

di non

- di non solent, vt planius veritas aut mendacium ex eorum constantia, aut incōstantia deprehēdatur: etenim, vt in pro uerbio est: Mendacem memōrem esse oportet. Demum hęc ratificatio corā iudicibus & tabellione ac duabus religiosis ac discretis personis fieri debet. Nam cū pars ipsa, cuius interest, adesse non potest, eius vice interuenire debēt honestę personę. [l. 1. §. si pecunia. ff. de posit. l. sed si quis ex signatoribus. ff. quemad. testa. aperi. c. vt officium. §. verum. de hærer. lib. 6.]
- 24 Quod si posteriora testimonia, cum prioribus congruentia non fuerint: tūc testibus legi debent priora testimonia, & interrogandi sunt, cur illa tam varie dixerint: & modeste monendi, vt in veritate persistant: postremo quidquid responderint, scribendum est: & testes varij ac vacillantes in custodiam mittēdi sunt, etsi id causa deposcit, torquendi & puniendi sunt. [l. eos. de fals. l. ex libero. de quæstionibus.]
- 25 Si vero testimonia conuenientia fuerint, edenda sunt reis post dilationem concessam ad probationes faciendas: sed nomina testium occultari solent: quia vel illis, vel sanctę inquisitioni graue periculum ac detrimentum ex testiū recte tione immineret. Deinde per triduum testimonia illa descripta reis relinquantur: quo tempore lapsō respondere debent singulis testimonijs per articulos, negando aut cōfitendo. Quod si hæreses confessi fuerint, acta fere causa erit: sin autem adhuc negauerint, cōmunicare debent cum aduocato exceptiones ac defensiones, quas contra testes, & eorū testimonia proponere atq; probare sibi expedire putauerint, ad quarum probationē iterum dilatio concedenda est. [c. vlti. §. 1. de hærer. l. 1. C. de dilation. cum seq.]
- 26 Quibus omnibus peractis, iudices cū assessoribus & consultoribus, probationibus excusis, deliberabunt, & iuxta causarum merita ad sententias, vel interlocutiones procedent: & innocentes absoluent, & pertinaces iudici seculari relinquent: & suspectos pro criminū, personarum, & probationum qualitate condemnabunt ad quæstionē, vel aburationem, vel purgationem, vel carcerem, vel relegationem, vel vt poenā pecuniarum soluant: vel eis iniungent, vt ieiunijs, orationibus, & elemosynis suam culpam purgent, & redimant.
- 27 Item illud quod penē omiseram diligenter iudices curabunt, vt reos generaliter interrogent, de socijs criminum, ac de omnibus alijs, a quibus hæreses didicerunt, & quos hæreticos esse, vel fuisse sciunt. Quod si quid eorum retexerint, id a notario scribendum est in libris inquisitionum. Neque dubium est, quin liceat in crimine hærese de cōscijs interrogare, quia vergit impietas in maximam reipub. perniciē: & quia peior est crimine læsę maiestatis. [quinta instructio Hispalen. cap. vlti. Bald. conf. 95. lib. 5. Ioan. Drie. lib. 1. de libert. Christi. pag. 228. Domin. Soto. lib. de rat. tēgen. secret. membro. 2. q. 6. dd. in l. repeti. de quæstio. & in l. vlti. C. de accusa.]
- 28 Nam si in multis alijs criminibus hoc licet, multo magis in hærēsi. Iulius Paulus lib. 5. sent. tit. de quæstio. inquit: In criminibus eruendis, quæstio quidē adhibetur: sed non statim a tormentis incipiendum est: ideoque prius argumētis quærendum est: & si suspicione aliqua reus arguatur, adhibitis tormentis de socijs & sceleribus suis confiteri cōpellitur. Et idem in eodem lib. titu. ad leg. lul. maiest. in reum maiestatis inquiri prius cōuenit, quibus opibus, quafactione,

factione, quibus hoc authoribus fecerit: & idipsum in crimine falsæ monetæ, & in alijs quibusdam sancitum est. [l. 1. C. de fals. monet. l. Diuus Hadrian. ff. de custod. reorum. l. & si certus. l. prius. ff. de senat. consul. Sillani.]

29 Cum autem a diuersis iudicibus aduersus eosdem hæreticos procedi possit, ille inquisitor qui prior procedere incœpit, alijs in eadem causa præferendus est. Quamobrem inquisitores aliarum prouinciarum ad illum qui præuenit mittere debent testimonia, & quidquid contra reos habuerint: etenim præuentioni locus est inter inquisitores, quia inquisitio succedit in locum accusationis: & quemadmodum præfertur in accusatione, is qui præuenit: sic etiam in inquisitione. [3. instructio. Valdolitana. c. 8. l. diuus. C. de custod. reorum. l. qui de crimine. C. de accusat. l. 1. de offic. cōsul. l. si quis a multis. de noxalib. & illic notant Dynus & Floria. Itē Bonifacius de Vitali. in Clem. Pastoralis. §. nos tā ex superioritate. de re iudica. nu. 150.]

30 Illud quoque sciendum est, quod in his criminibus procedi debet simpliciter & de plano, sine aduocatorum strepitu: & illis solemnibus omiſsis, quæ magis ordinem iudiciorum, & ritum actorum, quam substantiam & veritatem causarum respiciunt. [cap. vlti. de hæret. lib. 6. Clem. sæpe. de verb. signi. glo. in extrauag. ad reprimendum. quo modo in læsæ maiestatis crimine proc. Oldra. conf. 115. Socinus senior conf. 54. lib. 4. Philip. Corn. conf. 315. lib. 3. Felin. in c. 1. de libel. oblati. Brun. lib. 4. de hæret. c. 5.]

31 Præterea, capite quodam tertie instructionis cauetur, vt omnes inquisitores Hispaniæ in procedendo aduersus hæreticos & suspectos eundem ordinem seruent: quod quia in vsu non erat, se-

culus octoginta capitula, quibus idem ordo iudicij vbique sibi constet: quæ quidem ab omnibus inquisitoribus custodienda sunt, quemadmodum edicto generalis inquisitoris continetur, quod typis excusum est anno Domini sexquingentesimo sexagesimo primo.

32 Postremo, pluribus instructionum capitulis continetur, vt in his causis quantā fieri potest breuitate procedatur: nec differantur, aut suspendantur, spe futurarum probationum: quia forte nunquam superuenient, & interim rei opprimuntur, & eorum bona dissipantur ac dilabuntur. [3. instru. Valdolitana. c. 2. & 3. & iterum. 4. Toleta. c. 6. & rursus. 5. Hispalen. c. 6.]

33 Quas ob causas hoc vnū animaduertendum & vitandum est, quod inquisitores quidam facere solent, qui vt reos quamplures simul puniant, multorum causas, iamdudum conclusas, diutius differunt atque suspendunt: vnde fit, vt rei qui plene suos errores confessi sunt, carceris pœnam indigne patiantur, & squalore, tabe, ac diuturna custodia macerentur: & quod longe grauius & periculosius est, vt confessiones iuste factas reuocare, & euanescere in cogitationibus suis, atque interdum mori, ac desperare soleant. Sanctius igitur & benignius fiet, si plene confessi, ecclesiæ protinus reconcilientur, quod die festo intra ecclesiam aliquam satis soleniter fieri poterit: excepto si iusta causa aliud facere cogat.

34 Gratianus & Valentinianus Augu. de custodiendis reis legem huiusmodi condiderunt: De his quos tenet carcer inclusos, id aperta diffinitione sancimus: vt aut conuictos velox pœna subducatur, aut liberandos custodia diuturna non maceret. Constantinus quoq; alia lege constituit, vt salubribus locis custodiantur

diantur vincti, & vſurpata luce ſubleuētur, ne pœnis carcerum perimantur: quod innocentibus miſerum, noxijs nō fatis ſeuerum eſſe cognoſcitur. [l. 1. & l. vlti. C. de cuſto. reorum, l. 1. & l. 6. tit. 3. lib. 6. C. Theod.]

35 Denique inquiſitores multis prudentibusque interrogationibus vti debent: & vt inquit beatus Aug. Diligens inqui

ſitor, & ſubtilis inueſtigator, ſapienter, & quaſi aſtute interroget a peccatore quod forſitan ignorat, vel verecundia velit occultare, & varietate criminis nō dubitet inueſtigare & locū, & tempus, &c. [c. 1. de pœnit. diſtinctio. 6. l. vbi-
cunque. ff. de interrogat. c. iudicet. 3. q. 7. c. vlti. 30. q. 5.]

De Papa Titulus XLV.

S V M M A R I V M.

- 1 **P**apam Lutherani & Sacramentarij conuicijs & mendacijs primatu expellere conantur.
- 2 Pontifex max. Chriſti vicarius eſt ſub calo.
- 3 Petri primatus ex pluribus locis euangelica hitoria oſtenditur.
- 4 Petri prerogatiua ex multis euangeliorum locis demonſtrantur.
- 5 Petro plus eminentia datum eſt in actis apoſtolorum, quam ceteris omnibus.
- 6 Pontificē max. Petro ſucceſſiſſe in apoſtolica ſede apertiffime oſtenditur.
- 7 Pontificem max. Petro ſucceſſiſſe, probatur ſumpta ſimilitudine ab eccleſia triumphante ad militantem.
- 8 Pontificem max. Petri ſucceſſorem eſſe probatur ſumpto argumento a ſynagoga ad eccleſiam.
- 9 Monarchia regimen omnium aliorum optimum eſt.
- 10 Pontificem max. vnum eſſe debere, penes quem ſumma eccleſia poteſtas ſit, probatur, quia regimen monarchia optimum eſt.
- 11 Eccleſia catholica nullo modo conſiſtere poſſet abſque vno ſupremo capite, eum quo in terris communicaret.
- 12 Pontificem Max. vnum eſſe oportet in eccleſia, aliter eum multa incommo-
- da orirentur.
- 13 Petro non tanquam piſcatori & homini priuato, ſed tanquam apoſtolorum principi, & antiſtiti maximo, promiſit Chriſtus clauſes regni calorum.
- 14 Petro, non tanquam piſcatori clauſes regni calorum relictas eſſe, probatur.
- 15 Lutherani, ſedis apoſtolicae & Pōtificis max. authoritatem ac poteſtatem negant.
- 16 Pontificis Max. authoritatem & poteſtatem quomodo Lutherani eleuare ſtu-
deant.
- 17 Pontifices Max. a Lutheranorum conuicijs aſſeruntur.
- 18 Pontificum Max. ſucceſſio.
- 19 Pontifex ſummus quomodo eligendus eſſet ab eccleſia, etiam ſi Petrus nihil olim de ſucceſſore prouidiſet, aut hodie Cardinales omnes periſſent.
- 20 Pontifices Max. vt nunquam defecerūt a fide catholica, ſic nunquam defeſſuros eſſe, multi ſanctiſſimi viri docent.
- 21 Pontifices Max. ſemper in fide catholica permanſiſſe, & permanſuros, ſynodi quamplurimę teſtantur.
- 22 Pōtiffes Max. ſemper in fide catholica permāſuros probatur ex uerbis Chriſti.
- 23 Pontifices Max. ſemper in fide catholica permāſuros probatur rationibus.

- 24 Pontificis summi amplissima potestas, & quomodo ab eo incæperit & pendeat Romanorum imperium.
- 25 Pontifex Max. in ordine ad finem spiritualem, amplissimam habet potestatem in omnes principes orthodoxos.
- 26 Pontificis Max. hæc amplissima potestas, probatur rationibus.
- 27 Lutherus, ecclesiarum & Pontificum bona diripienda esse, impiissime docebat.
- 28 Pontificibus et episcopis necessarius est rerum externarum splendor & affluentia.
- 29 Paupertas quantum imminuat auctoritatem antistitum & presbyterorum.
- 30 Paupertas neq; ex se ipsa quidpiam habet magna commendatione dignum, neque vituperandum diuitiæ.
- 31 Diuitias, si cum sapientia coniunctæ sint, multi sapientes viri merito laudant.
- 32 Quæstiones dubiæ de fide, quæ ad Papam referri debent, quando ab inferioribus prelati decideri possunt.
- 33 Inquisitores Hispaniæ, si scandalum timeatur ex qualitate, aut multitudine eorum qui de hæresi suspecti sunt, quid facere debeant.
- 34 Pape, si concedat rescriptum seu priuilegium in præiudicium officij sanctæ inquisitionis, quomodo obtemperandum.
- 35 Papa, si hæreticus esset, quomodo obuiari oportet.
- 36 Papæ nomen solus Romanus Pontifex retinuit.

De Papa.

1



VONIAM, Lutherani & Sacramentarii, alijque huius temporis pestiferi hæretici, Papam, Pontificem Max. in ordinem cogere, ac primatu expellere impijs conuicijs, mendacijs, cauillationibus, argumentis fallacibus, diſterijs sacrilegijs, & mille nocendi artibus, perſæpe tentarunt, in diesque idipſum conari & perpetrare non deſinunt: ſentientes nimirum Petri gladium ſuis ceruicibus imminere: operæpretium me facturum putauī, ſi pauca, quæ hanc hæreſim euidentiffime confutant, breuiter a me ſtriſctimque dicantur, in eorum præcipue gratiam, qui præter Bartholum & Baldum nihil fere legere ſolent: ne ſi caſu in libros, aut hæreticorum colloquia inciderint, turbati eos, aut hæſitare contingat.

- 2 Conſtanter igitur aſſerimus, & cum catholica eccleſia conſitemur, omnes

Pontifices Max. recte iuſteque electos, Chriſti vicarios eſſe ſub cælo, & legitimos Petri apoſtolorum principis ſucceſſores: eoſque habere ſummam in eccleſia catholica poteſtatem: quibus obtemperare in his, quæ ad fidem & religionem pertinent, & in ſpiritualibus obedire tenemur: ſi modo ad ouile Chriſti pertinere voluerimus: quæ veritas literis ſacris, conciliorum canonicis, patrum decretis, ſanctorum doctorum ſententijs, & vnanimi orthodoxorum omnium, quotquot vnquam fuerunt, conſenſu, & eccleſiæ vniuerſalis traditionibus approbata, peruagata, tradita, & conſecrata eſt. [c. omnes. 22. diſtin.]

- 3 In primis ergo primatus Petri a nobis aſſerendus eſt: quia ille fuit, vt vere diſſertit Euſebius primus Chriſti vicarius, & Chriſtianorum Pontifex. Ex pluribus autem locis euangelicæ hiſtoriæ primatus Petri oſtenditur manifeſte. Primo, ex euan-

ex euangelio Matthæi, vbi Iesus dixit Petro, Tu es Petrus, & super hanc Petram ædificabo ecclesiam meam: & portæ inferi non præualebunt aduersus eam: & tibi dabo clauēs regni cælōrū: & quodcunque ligaueris super terram, erit ligatum & in cælis: & quodcunque solueris super terram, erit solutum & in cælis. Deinde, ex verbis illis a Ioanne relatis eadem veritas comprobatur, quibus Redemptor mūdi eidem Petro dixit, Pasce agnos meos, pasce oues meas: ego orauī pro te, ne deficiat fides tua: & tu aliquando conuersus, confirma fratres tuos. Alij quoque euangelistæ cæteris apostolis Petrum præferre solent, ac multis prærogatiuis eum prælatum esse ostendunt. Sic a generalitate aliorū honoris gratia eximitur: sic pro eo census soluitur: sic ipse tanquam os apostolorū sæpe Domino nostro solus respondit: sic Iesus eius nomen mutauit: sic solus Petrus ad Christū super aquas venit, & misit se in mare: alij autem discipuli nauigio venerunt: sic alijs mandatur, vt laxent retia sua, & soli Petro dicitur, Duc in altum. [Matthæi. 16. Ioan. vltim.]

4 Præterea, Petrus ante alios apostolos fraternæ correctionis modum diligenter quæsiuit: & alibi ad ecclesiæ catholicæ vtilitatem, ipse solus Iesum interrogauit, dicens: Ecce nos reliquimus omnia, & secuti sumus te, quid ergo erit nobis? & imminente passionis tempore, soli Petro dixit Iesus, non potuisti vna hora vigilare mecum? volens ostendere, Petrum præ cæteris ex commissio sibi officio vigilare debuisse. Et cum multi discipulorum abiissent retro, & Iesus dixisset apostolis, Nunquid & vos vultis abire? respondit ei Simon Petrus: Domine, ad quem ibimus? verba vitæ æternæ habes, & nos credimus: & cognoui-

mus, quia tu es Christus filius Dei. Item Petrus amputauit Malchi auriculam, & vt inquit beatus Gregorius, Ipse tollit gladio spirituali aurem interiorem male intelligentis. Postremo, Iesus dixit Petro, Sequere me, quod non modo intellexit de genere martyrij, sed de ordine magisterij, vt ait Theophilus, & alij exponunt: Sequere me, scilicet, gerendo vices meas, & in officio pastoralis, & in martyrio. Quæ omnia ex ipsismet euangelij Petri primatum non obscure ostendunt.

5 In actis quoque apostolorum plus eminentiæ datum est Petro, quam cæteris omnibus: neque vllus fuit apostolus, qui præsentibus reliquis tanta fecerit, quanta Petrus. Ille enim primatus officia exercuit in electione Mathiæ, & in concilio apostolorum. Idem ipse in die Pentecostes, omnes apostolos defendit: ipse locutus est in concilio repletus Spiritu sancto. Ananiam quoque & Sapphiram solus Petrus sententia mortis damnauit: Simonem illum magum ipse confudit: & quam plurimos Iudæorum ad Christi fidem conuertit, multisque miraculis præ alijs omnibus claruit. Sed & Paulus ille diuinissimus Petri primatum agnouit, ascendens Hierosolymam, vt cum eo conferret euangelium. Denique Petrus in fide ardentiorem se omnibus præstitit. Quas ob causas vniuersi sapientes Christiani orbis semper & vbique Petrum apostolorum principem, & Christi vicarium vno ore confessi sunt.

6 Quod autem omnes summi Pontifices Petro successerint in apostolica sede cum eadem autoritate, & æquali potestate super vniuersum orbem, non solum perspicuum est fundatissima ecclesiæ catholicæ traditione, sed vnanimitiam Christianorum omnium senten-

tia receptum & probatum est. Hoc sane multi gloriosi martyres atque pontifices scriptis suis subinde testantur: hoc omnia iusta concilia fatentur: hoc omnes sanctissimi & sapientissimi viri asserunt: hoc denique omnes Christi omnes ab exordio nascentis ecclesie semper cognouerunt. Ceterum vt cursim quosdam commemorem, qui scriptis suis hanc veritatem asserunt: quos mihi videre contigit, hi vere sunt: Clemens, Anacletus, Sixtus, Iulius, Anicius, Eleutherius, Zepherius, Anterius, Fabianus, Marcellus, Melchiades & Cyprianus, martyres pontificesque sanctissimi: ite Polycarpus, Irenaeus, Athanasius, Ambrosius, Hieronymus, Augustinus, Optatus, Cyrillus, Socrates, Anselmus, Bernardus, Thomas, & innumerabiles alij. Hoc idem in omnibus sacris synodis, generalibus, sacerdotalibus, & prouincialibus saepissime confessi sunt Patres: hoc tandem antipodas ipsos, & eos omnes, qui in prouincijs, insulisque remotissimis sub Hispanorum ditione viuunt, hodie tenere, ac profiteri scimus. [Hieronymus in episto. ad Damasum, & in epist. ad Theophilum. Chrysost. episto. 1. ad Innocen. August. contra Donatistas episto. 162. & episto. 165. Cyprianus episto. 11. & episto. 13. lib. 3. Gratianus in patrum decretis distin. 17. cum seq. Athalaricus apud Cassiodorum lib. 8. variarum. Thomas contra errores Graecorum opusculo primo. Torquemada lib. 2. de ecclesia. c. 48. cum seq. Armacanus lib. 7. de erroribus Armenorum. Aluarus Pelagius lib. 1. de planctu ecclesie. arch. 60. Pomponius Letus in vita Galli: Alciatus in episto. inter claras. C. de summ. Trinit. Lindanus lib. 4. Panopliae euangelicae. c. 82. & deinceps. Canus lib. 6. de Locis theologicis. c. 3. & ultimo. Cornelius

Iansenius in concordia euangelica. c. 66.] Et quamuis argumenta humana debiliora sunt, quam vt in rebus fidei summa ope eis niti oporteat: quia tamen ingenia nostra solidis rationibus plurimum delectantur: aliquas vrgentissimas &, vt Plato dicebat in Gorgia, ferreas adamantinasque breuiter iam addere placuit: quarum prima sumitur a similitudine militantis ecclesie ad triumphantem: illa enim ad exemplar huius effigiata est. Quemadmodum igitur in ecclesia celitum vnus Deus hierarchie celestis praest, vbi ipse est omnia in omnibus: sic in ecclesia militante necessarius est summus Pontifex, qui omnibus ecclesiasticis ordinibus praesit. Hac similitudine vtitur Apostolus in epistola ad Hebraeos: hac sacer Dionysius in ecclesiastica hierarchia: hac Bonifacius 11. in epistola ad Eulaliu: vbi eleganter ostendit, per diuinam sapientiam optime constitutum esse, vt minora maioribus subdantur, & omnes episcopi Papae obediunt. Eadem vtitur diuus Gregorius, & post eum Bernardus lib. 3. de consideratione. ad Eugenium: hac tandem vsi sunt patres in concilio Romano sub Iulio 11. [ad Hebraeos. 8. Ioan. Torquemada lib. 2. de ecclesia. c. 1. cum seq.]

8 Deinde, a synagoga ad ecclesiam, sicuti a figura ad veritatem, efficax argumentum est, dicente Apostolo: Omnia in figura contingebant illis. & ait alibi: Lex vmbra habet futurorum bonorum, non ipsam imaginem rerum. Sicut ergo synagoga Iudeorum praefuit vnus, qui princeps sacerdotum dicebatur, cui qui non obtemperabat (vt in Deuteronomio legitur) morte dignus erat: sic & in ecclesia Christi, quae longe melior & perfectior est, quam Iudeorum synagoga fuerit, Pontifex summus venerandus & suspiciendus est. Quanti autem fuerit pontifica-

pontificatus, rex Agrippa testatur in ea epistola, quam ad Caium Imperatorem scripsit: Equidem, inquit, Iudæus natus sum, natale solum mihi sunt Hierosolyma, auos, proauosque reges habui, & ex his etiam aliquot summos pontifices: quam illi dignitatem pluris faciebant, quam regiam, rati quāto Deus antestat homini, tanto pontificatum regno excellentiorem: ad illius enim curam diuinas res, humanas ad huius pertinere. Hæc apud Philonem lib. de legatione ad Caium. [1. Cor. 10. ad Hebræos. 10. Deute. 17. Echius lib. 2. de primatu Petri cap. 27. Albertus Pighius lib. 2. hierarch. ecclesiast. c. 3.]

9 Ad hæc, regimen monarchiæ omnium aliorum est optimum: iuxta quod libro secundo Iliados Homerus cecinit.

Non bona multorum ditio: rex imperet vnus.

Et Darius apud Herodotum in Thalia inquit: Vnius viri qui optimus sit, imperio nihil esse melius: additque monarchiam esse omnium præstantissimum. Et Plato libro ciuili ait: Vnius dominatio bonis coniuncta legibus sola omnium rectissima est. Et Isocrates in Symmachico: Si & ingenia hominum, & actiones intueamur, vniuersi monarchias præstare cæteris fateantur. Et ciuis meus Lucanus:

Nulla fides regni socijs, omnisque potestas,

Impatiens consortis erit.

Et Seneca item Cordubensis in Agamemnone.

Ne regna socium ferre, nec tede sciunt.

Et Q. Curtius: Imperium quod sub vno stare potest, dum a pluribus sustinetur, ruit. & Origenes homilia nona in Ezechielem: Principium malorum omnium est multitudo & diuisio: principium vero bonorum vnitas, & a turbis, a multitu-

dine in vnitatem redactio. Et Cyprianus tractatu de idolorum vanitate: Quando vnquam regni societas, aut cū fide coepit, aut sine cruore desijt? Ad summam, post Aristotelem in libris ethicorum, hæc est omnium, qui recte philosophantur, concors vnanimisque sententia. [8. ethic. c. 10. Stobæus sermone. 47. Tiraquel. de iure primogeniorum. q. 4. & quæ ipse collegi li. 3. de repub. c. 2. & 3.]

10 Cum autem opera Dei perfectissima sint, vt in Deuteronomio traditur, quis credet illum ecclesiæ suæ dilectissimæ regimen aliud reliquisse, quam optimū? quod & ipse p. Esaiā haud obscure significasse videtur, dicens: Quid ultra debui facere vineæ meæ, & non feci? Accedit Ezechielis vaticinium: Pastor vnus erit omnium. Et iterum: Suscitabo super eos pastorem vnum. Et illud idē Osee: Congregabuntur filij Iudæ, & filij Israel pariter, & ponent sibi caput vnum. [Deut. 32. Esaiā. 4. Ezechielis. 37. & 34. Osee c. 1. Gregorius ad episcopos Galliar. Leo nonus aduersus præsumptiones Michaelis. Bernar. lib. 3. de consideratione ad Eugenium. Thom. lib. 1. de regimine principū c. 2. & 5. Tiraquel. de iure, primogeniorum. quæst. 4. num. 23.]

11 Accedit eodem, quod ecclesia catholica, quæ maximam vnitatem habet, nullo modo consistere posset sine vno supremo capite, cum quo in terris cōmunicaret: perinde atque alia omnia corpora naturalia & mystica. Etenim omnis multitudo, vt subsistere possit, ordinari debet per vnum aliquod principatum obtinens: neque regnum sine rege, neque exercitus sine duce, neque ciuitas sine præside, diu permanere possunt: quod non tantū recta ratio, & rerū experientia docet: sed naturæ quoque ordo id ipsū euidenter ostendit. Planetæ inferioris subsunt superioribus: & animalia

brutaque ducem sequuntur: auis item vna cunctas ducit: apes in ministerio Regi obediunt: in corporibus quoque animantium, caput cetera tuentur, & venerantur membra: & in partibus animæ rationi appetitus subijcitur: quod si ab eo desciscat, in præceps non solum animam, sed & corpus trahit: denique sine ordine nec respublica gubernari, nec natura constare, nec vlla ratio in hominum mentibus esse potest. Vnde cognoscere facile licet, quales nouitij hæretici sint, qui omnem ecclesiæ ordinem medio tollunt, & hierarchiam ecclesiasticam peruertunt, & acephalos nosse volunt. [Basilii de præceptis religiosorum. Seneca lib. 1. de clementia. Cyprianus tractatu de simplicitate prælatorum. Chrysost. in episto. ad Romanos: sermone. 23. & in epistola ad Hebræos homilia vltima. Nazianze. sermone, de moderandis disputationibus. Hieronymus ad Rusticum monachum. c. in apibus. 7. quæ. 1. Albert. Pighius. lib. 2. hierar. ecclesiasticæ. c. 2. Confessio Polonica de fide & symbolo c. 26.]

12 Ad hæc, rerum contingentium difficultas atque perplexitas principem vnum in ecclesia desiderant: nam quoties de fide, aut religione, aut intelligentia sacræ scripturæ quæstiones & contentiones emergunt, necesse est, vt supremus aliquis iudex adeatur, cuius inuitabile sit iudicium: qui possit ecclesiasticas lites, inter ipsos etiam episcopos ortas, componere, & contumaces punire: alio qui nec vnam fidem haberemus omnes, nec foret vnquam vllus controuersiarum finis: sed schismata & hæreses vniuersam ecclesiam conturbarent: essetque deformior & scædior Christianæ reipublicæ facies, quam alterius cuiuslibet sectæ, religionis, aut superstitionis. Accedit Cyprianus pluribus epistolis di-

cens: Vnde schismata & hæreses oborte sunt & oriuntur, nisi dum episcopus, qui vnus est, & ecclesiæ præest, superba quorundam presumptione contemnitur? & Hieronymus aduersus Luciferianos: Ecclesiæ salus in summi sacerdotis dignitate pendet: cui si non exors quædam, & ab omnibus eminens datur potestas, tot in ecclesia efficiuntur schismata, quot sacerdotes: quæ omnia hodie rebus ipsis in hæreticorum conciliabulis experimur. [Cyprianus epistola. 3. lib. 1. & episto. 9. lib. 4. Ambrosius Cathari. in secunda clauæ scripturarum prope finem. Bartholomæus Latomus aduersus Bucerum post dimidium controuersiarum de autoritate ecclesiæ.]

13 Deinde verba illa omnia, quibus Iesus promisit Petro clauæ regni cælorum, & illi dedit iurisdictionem summam ligandi atque soluendi: & illa item quibus Petro commisit omnes oues suas, & constituit eum summum ecclesiæ pastorem: & illa denique verba quibus priuilegium illud prorsus diuinum imputrauit Petro, Ne scilicet fides eius vnquam deficere posset: ea inquam omnia credenda sunt Petro dicta, non quasi piscatori, aut homini priuato post paucos annos morituro: sed potius tanquam apostolorum principi, & ecclesiæ catholicæ antistiti maximo: ac proinde cum vita Petri extincta non fuerunt, sed ad omnes eiusdem dignitatis legitimos successores eodem iure diuino transferunt. Ea etenim quæ dignitati conceduntur, non pereunt morte regentis, aut habentis illam, sed ad omnes successores eiusdem dignitatis transeunt. [c. quoniā Abbas. de offic. delegat. l. mortuo. l. proponatur. de iudicijs.]

14 Quæ veritas comprobatur, quia Christus ecclesiam suam constituit & ordinauit, vt esset in seculum seculi duratura,

ra, iuxta diuinum illud Esaïæ vaticiniū: Super solium Dauid, & super regnum eius sedebit, vt confirmet illud, & corroboretur in iudicio & iustitia, amodo & vsque in sempiternum. Accedit veritas ipsa per Matthæum dicens: Ecce ego vobiscum sum omnibus diebus, vsque ad consummationem seculi: sed Christus ædificauit ecclesiam suam super Petrū: consequens ergo fuit, vt eo mortuo, alius post alium cum eadem Petri potestate semper substitueretur: sicuti & in veteri lege semper fuit aliquis summus sacerdos: nec minus diligit nunc ecclesiā suam Christus, quam tempore Petri dilexerit. Adde, quod longissime distaret a diuina sapientia, talem primatum ecclesiæ suæ relinquere, qui in ipso statim exordio periret, & cum primo Pontifice extingueretur. Postremo, eadem ratio, qua Petrus factus fuit princeps ecclesiæ, durat in successoribus eius: quin imo, longe magis necessarius fuisse videtur post Petrum primatus ille, quam Petri tempore: tum quia in ipso initio religionis Christianæ, per alios apostolos atque discipulos potuisset ecclesiā melius consuli, quam illis defunctis: tum etiam quia postea maior diffusiorque facta fuit ecclesiā, & plures subortæ sunt hæreses, maiorque schismatum superuenit occasio. Quid multa? cui hæc non sufficiunt, plura nihil proderunt. [Esaïæ. 9. Matth. vlti. Torquemada lib. 1. de ecclesia c. 28.]

15 Lutherani tamen contra rerum naturam, contra sacras literas, contra ecclesiam catholicam, contra synodos omnes, contra vnanimem consensum patrum, denique contra veritatem clarissimam, sedis apostolicæ atque Pontificis Max. autoritatem & potestatem ore sacrilego negant: nosque acephalos, id est, sine capite, sine ordine, sine vincu-

lo & vnitatem, in schismate, ac plusquam Babylonica cōfusione perpetuo esse volunt. Nam vt Gregorius Nazianzenus quadam oratione scribit: Sine capite, nullus ordo; sine ordine, nulla multitudo subsistit: vbi autem ordo non est, quid aliud quam confusio esse potest? Etenim, vt Apostolus ait, quæ sunt a Deo, ordinata sunt. & alibi inquit: Omnia secundum ordinem fiant in vobis. Et in Canticis canticorum, Ecclesia dicitur esse terribilis, vt castrorum acies ordinata. Econtrario autem, In inferno nullus est ordo: cui similis est Lutheranorum ecclesia, in qua nullus est ordo, sed sempiterna confusio: quibus illud euenit, quod libro Iudicum legitur: In illis diebus non erat rex in Israel, sed vnusquisque, quod sibi videbatur bonum, hoc faciebat. [Nazianze. oratione. 21. ad Roma. 13. Cantico. 6. Iudicum. 17. & c. vlti. August. lib. 1. de libero arbitrio c. 6. & lib. 2. de ordine.]

16 Sed aiunt hæretici, multos Pontifices summos malos viros fuisse, ac proinde illis parendum non esse: quibus veritas per Matthæum responder: Super cathedram Moysi sederunt scribæ & pharisæi: Omnia ergo quæcunque dixerint vobis seruare & facite: secundum opera verorum nolite facere. Nec enim dignitas officij damnanda est propter hominum peccata: quod olim prudenter admodum Catonem dixisse Plutarchus est author: nam cum Publius Clodius accusaretur a Cicerone, & Cicero diceret a Clodio in tribunatu gesta irrita esse oportere: non placuit id Catoni, sed assurgens dixit: Si tribunatu quem admodum cæteri multi abusus est Clodius, ipsum corrigere oportere, qui deliquerit, non vero potestatem tribunitiam dissoluere. Et vt beatus Augustinus inquit: Verissimum est, non res ipsas,

ipſas, ſed homines; qui eis male vtuntur, eſſe culpandos: quod & Fabius eleganter diſſerit. & Hieronymus ad Ruſticum monachum ſcribit: In omni cōditione & gradu optimis mixta ſūt peſſima. Fuerunt inter ſanctos angelos dæmones: inter prophetas Balaam: inter apoſtolos Iudas: inter diaconos Nicolaus: denique inter optimos peſſimi. [Matth. 23. Plutar. in Catone Vticenſi. Auguſt. lib. 1. de libero arbitrio. c. 15. Fabius lib. 2. inſtitutio. oratoria. c. 17. Reginaldus lib. 2. ad Henricum octauū regem Anglię. confeſſio Polonica de fide & ſymbolo c. 29.]

- 17 Adde quod plurimi iam olim fuerunt ſanctiſſimi, doctiſſimi, & ſapientiſſimi Pōtiſces Maximi, qui glorioſo martyrio conſummati ſunt: quorum vitam & mortem omnipotens Deus plurimis maximisque miraculis illuſtrauit: qui primatum eccleſiæ, nec approbaſſent, nec geſſiſſent, niſi ab ipſo Chriſto illum conſtitutum, creatum, & comprobatū eſſe certiſſime noſſent. Addo etiam Chryſoſtomi verba, qui quodam loco ſcribit: Cum videris ſacerdotem indignum, ne traducas ſacerdotium: non enim oportet damnare res, ſed eum qui re bona male vtitur, quandoquidem & Iudas proditor fuit: verum non ob id accuſatur ordo apoſtolicus, ſed illius animus: nec crimen eſt ſacerdotij, ſed malum animi: & tu igitur ne ſacerdotium vituperes, ſed ſacerdotem male re bona vtentem. Etenim ſi quis tecum diſputet, dicatque: Vidisti illum Chriſtianum? reſpondeto, at ego non de perſonis, ſed de rebus tibi loquor. Alioqui quot medici facti ſunt carniſices, ac venena pro pharmacis dederunt? non tamen artem vitupero, ſed male vtentē arte. Quot nauitæ male rexerunt nauigia? verum non ars nauigandi mala

eſt, ſed illorum animus. Si Chriſtianus fuerit improbus, ne incuſes profeſſionē ac ſacerdotium, ſed re bona vtentem male. Hęc ille, & alia in eodem loco plurima. Ex quibus omnibus, multisque alijs perſpicuum eſt, iſtam perditionum hominum opinationem, non tam hæreſim, quam phreneſim eſſe. In ſūma, Pontifex Maximus ab omnibus venerandus, & in terris Chriſti vicarius credendus, & aſſerendus eſt: hoc viſum eſt diuinitus, hoc a beatis maioribus traditum: hoc perturbare velle atque peruertere (ſicuti quodam loco beatus Auguſtinus inquit) nihil eſt aliud, quam ad veram religionem ſacrilegam viā quærere. Ad ſummam, vt noſter Prudentius in Hippolyto cecinit.

Vna fides vigeat, priſco quæ condita templo eſt,

Quam Paulus retinet, quamque cathedra Petri.

[Chryſoſtomus de verbis Eſaiæ, vidi dominum. homilia. 4. & in epiſtola ad Colof. homi. 3. in fine, & in epiſt. 2. ad Tim. hom. 2. col. 4. cum ſeq. & ſerm. de virtutibus & vitijs. col. pen. Auguſt. lib. de vtilitate credendi c. 10.]

- 18 Cæterum, quia de ſucceſſione Pontificum nihil fere iure diuino cautum inuenitur, ſciendum eſt, omnes antiſtites maximos ſolemni electione ſucceſſiſſe, nonnullos etiam a ſuis prædeceſſoribus nominatos, ac designatos fuiſſe: quod in exordio catholicæ eccleſiæ interdum factum fuiſſe traditur: quia Chriſtiani tunc non habebant liberam eligendi facultatem, propter tyrannorum perſecutiones: quā ob cauſam authoritas ſumma Pontificum eiſdem temporibus cognita cunctis non erat: quia impedita & ſupreſſa fuit gentiliū & hæreticorū tyrannide. Ipſe autem Petrus Clemens ſibi ſucceſſorem elegit, dicens: Sicut

cut mihi gubernandi tradita est a domino meo Iesu Christo potestas, ligandi soluendique: ita & ego tibi committo, vt ordines dispositores causarum diuersarum. Cuius rei clemens ipse, Alexander primus, Ioannes tertius, Aegesippus, Nicephorus, alijque multi auctores sunt. Et Hadrianus primus concilio Græcorum scribens ait, Petrum diuino iussu auctoritatem potestatis, & pastorem curam successoribus suis reliquisse. [Clemens episto. 1. ad Iacobum fratrem Domini. Alexander episto. ad omnes orthodoxos. Ioannes episto. decretali ad vniuersos episcopos Germaniæ & Galliæ, Nicephorus lib. 2. histo. ecclesiasticæ c. 25. c. si Petrus. 8. q. 2. cū seq. Torquemada lib. 2. de ecclesia. c. 35. cum seq. & iterum c. 51. Platina de vitis Pontificum.]

19 Quamuis autem Petrus nihil de successore prouideret, aut hodie Cardinales omnes bello, peste, aut alio casu simul perirent, ecclesia tamen posset Pontificem summum eligere. Quia cum hæc dignitas a Christo creata sit, vt perpetuo duret in ecclesia, consequens etiā est, vt ecclesia semper ius habeat eligendi, alioqui fieri posset, vt perpetuo vacaret sedes apostolica, & conditio ecclesiæ deterior esset, quam cuiusuis alterius reipublicæ. Quod si talis casus eueniret, tunc ius eligendi Papam ad solos episcopos pertineret: quia illi sunt pastores, quibus post antistitem maximum tota rerum ecclesiasticarum administratio iure diuino concessa est, quippe qui successerunt in locum apostolorum. Sed hæc electio multis ecclesiasticis constitutionibus iam pridem Cardinalibus commissa est, a quibus Pontifices summi, non interrupta serie temporum, vsque ad præsens certa successione electi sunt. [c. in nouo. 21. dist. c. vlti. 68.

dist. c. in nomine. 23. distin. c. licet. de electio. c. vbi periculum. eo. titu. lib. 6. & in Clem. ne Romani. de electio. Tho. Vualdensis in doctrinali. to. 1. lib. 2. c. 39. Driedo lib. 1. de libertate Christiana. c. 2.]

20 Hæc autem sententia memoratu digna est, fidem ac definitionem sedis apostolicæ, principium esse certissimum indubie veritatis eorum, quæ certa fide tenenda, credendaque nobis sunt: nec enim dissensit vnquam a sententia catholice ecclesiæ: sed cum sacris literis, & apostolicis, ecclesiasticisque traditionibus semper ei conuenisse compertissimum. Quam veritatem plurimi sanctissimi & sapientissimi viri docent, & comprobant: asserentes, cathedrā apostolicam ab ipso Deo Christo tali priuilegio in persona Petri donatam fuisse, vt sicuti nunquam errauit hactenus, sic etiam in finem vsque seculi, fidem eius nunquam defecturam esse credamus. Hoc scriptis suis testantur antistites multi sanctitate, doctrina, & antiquitate venerandi: Lucius, Sixtus, Felix, Marcus, Eusebius, Euaristus, Alexander, Iulius primus, Bonifacius secundus, Agatho, & Leones duo, primus & nonus: quorum verba scienter omittimus, vt breuitati consulamus, vno tantum, aut altero testimonio contenti. Leo ille maximus inquit: Venerabilis & efficax oratio Christi obtinuit, quod hactenus fides Petri non defecit, neque defectura credatur in throno illius in seculum seculi: sed confirmabitur corda fratrum, sicut hucusque confirmare non cessauit. Et Leo nonus contra Michaelē hæc verba scripta reliquit: Nonne a sede principis apostolorum, tam per eundem Petrum, quam per successores suos reprobata, conuicta, atque expugnata sunt omnium hereticorum cōmenta, & fratrum

- trum corda in fide Petri, quæ nec defecit, nec vnquã deficiet, sunt confirmata?
- 21 Comprobant eandem sententiã multarum synodorum, & sanctorum patrum testimonia complura. Hoc enim docuit Alexandrina synodus sub Athanasio, & ecclesia Carthagenensis temporibus Bonifacij 11. & concilium Alexandrinum in epistola synodali ad Felicem, & magna synodus Chalcedonensis: & sexta synodus generalis, & item octaua: hoc etiam confessi sunt omnes episcopi Tarraconenses ante mille annos: & vniuersi episcopi Numidiæ ante mille ducentos: quod & Irenæus, Cyprianus, Athanasius, Ambrosius, Hieronymus, Augustinus, & cæteri omnes consentiunt. Sed vnus diuinissimi Bernardi verba præterire non potui, qui ad Innocentium scribens inquit: Oportet ad vestrum referri apostolatum pericula quæque, & scandala emergentia in regno Dei, ea præsertim, quæ in fide cõtinentur: dignum namque arbitror, ibi potissimum refarciri damna fidei, vbi non possit fides sentire defectum: hæc quippe est huius sedis prærogatiua.
- 22 Hæc eadem sententia satis aperte probatur illis Christi verbis: Ecce satanas expetiuit vos, vt cribraret sicut triticũ: ego autem rogaui pro te, vt nõ deficiat fides tua: & tu aliquando conuersus confirma fratres tuos. Et item ex illis, Pascite oues meas. &, Non pro eis rogo tantum, sed & pro eis, qui credituri sunt. & ex illis, Tu es Petrus, & super hanc Petram ædificabo ecclesiam meam: & portæ inferi non præualebunt aduersus eam. Quæ verba non tantum de Petro, & pro ipso Petro dicta sunt, sed etiã pro summis Pontificibus legitimis Petri successoribus, quorum fides in officio illo pastorali nõ deficit, nec deficiet vnquã: & portæ inferi, hoc est, hæresis, infidelitas, & erronea fides, non præualebunt aduersus hoc fundamentum ecclesiæ. Adde, quod si verum est, sicuti est, quod sacerdoti legali concessum erat in veteri synagoga, priuilegium hoc, vt in rebus fidei ac religionis indicaret semper iudicij veritatem, vt in Deuteronomio continetur, multo magis credendũ est, concessum id ipsum fuisse Pontifici summo, qui præest apostolicæ cathedræ, quam elegit Dominus. [Luc. 22. Ioan. 21. & 17. Matth. 16. Deut. 17.]
- 23 Hanc veritatem catholicæ ecclesiæ traditione, sacrisque literis fulcitam, rationes quoque multæ viuæ atque spirantes cõtrobant. Nam omnis de fide quæstio ad summum Pontificem referenda, & iudicio eius terminanda est: quod si is diuino illo priuilegio munitus nõ esset, profecto male consultum foret ecclesiæ in tantis errorum, hæresumque procelis. Si Papa vt vnus nostrum permetteretur errare: quorsum quæstiones fidei iudicio eius erant committendæ? Quomodo potest cæteros fratres confirmare, qui æque labi potest, vt illi labuntur? Multa præterea ex opinacione contraria consequerentur absurda: quippe nullus teneretur definitioni summi Pontificis in rebus fidei credere: nec ecclesia facile suum finem attingere posset, inexplicabilibus tenebris & hæresibus confusa & inuoluta, plurima suborirentur schismata: nec haberemus omnes vnã fidem: nec vllus esset hæresum finis. Sed longe melius res habet: Christus enim constituit & ordinauit, vt fides apostolicæ sedis nunquam deficeret: sed semper præfulgeret ecclesiæ: vt facile possent hæreses omnes extirpari: quod & rebus ipsis, & subsecutis effectibus perspicuum factum est. Accedit eodem, quod hanc diuinam constitutionem nihil hætenus dissoluere potuit: nõ schismata,

mata, non hæreses, non mors, aut vincula, non odium, nō amor, non timor, non corruptissimi mores: nihil horum, inquam, efficere potuit, vt sedes apostolica deficeret, aut quippiam definiret hæreticum. Quæ cum ita sint: quis vsque eo desipiat, vt iudicium Dei non agnoscat? Nunquid non dicere possumus, vere digitus Dei est hic: [c. quoties. 24. quæst. 1. c. maiores, de bapt. c. cuncta. 9. q. 3. c. a recta. 24. quæst. 1. cum seq. Torquemada. lib. 2. de ecclesia. c. 109. cum seq. Alber. Pighius lib. 4. hierar. eccles. Hosius. lib. 2. aduersus Brentium.]

24 Nec tantum in controuersijs fidei Papa summus iudex est, verum etiam in rebus ecclesiasticis & spiritualibus ipse summus princeps est, ad quem omnes Christi oues in his causis cōfugere, atq; appellare possunt. Eius curæ atque regimini Christus Deus noster subiecit fideles vniuersos, quando suas oues illi pascendas commisit. Hunc omnes reges & principes venerari & adorare tenentur, iuxta vaticinium illud Esaïæ: Reges eorum ministrabūt tibi. Et mox: Gens & regnum, quod non seruerit tibi, peribit. Ab eodem summo Pontifice incœpit iustum Romanorum imperium: quod Leo III. transtulit a Græcis ad Germanos. Imperij quoque electores instituit Gregorius V. Item ab eodem antistite maximo confirmatur electus, inungitur, consecratur, & coronatur, & eidem Pontifici solemniter imperator iurat. Præterea Pontifices maximi imperatores etiam ipsos condemnare, & exaugurare possunt. Sic Innocentius III. Federicum secundum damnauit: Gregorius VII. Henricum III. abiecit: Innocentius III. Philippum eiecit, & cōfirmavit Ottonem: quod & Clemens VI. fecit, repudiatis

Ludouicum Bavarum, & in eius locum Carolum III. confirmans. [c. si quis vestrum. 2. q. 6. cum seq. Esaïæ. c. 60. c. venerabilem. de electio. c. tibi domino. 63. dist. Clem. I. de iure iuran. Tho. lib. 3. de regimine principum. c. 10. & 19. Platina de vitis Pontificum.]

25 Quamuis autem ecclesiastica potestas distincta sit a seculari, & Papa iurisdictionem civilem non habeat in secularium principum regna, nihilominus tamen in ordine ad finem spiritualem habet Pontifex maximus amplissimam potestatem in omnes principes orthodoxos. Vnde si princeps aliquis inutilis esset, aut iniquas leges contra religionem, aut contra bonos mores conderet, aut quippiam simile faceret in detrimentum rerum spiritualium, posset Papa seruatis iustis circumstantijs congruum remedium adhibere: priuando etiam talem principem administratione & iurisdictione, si id res ipsa exostularet. Quod Zacharias Pontifex aduersus Childericum Francorum regem fecisse traditur: & Innocentius III. aduersus quendam Portugalliæ regem. Quæ omnia nisi summus Pontifex posset, manca procul dubio eius potestas esset: nec satis perfecte Christus prouidisset ecclesiæ. Cæterum, cum respublica spiritualis perfecta sit, & sibi sufficiens, vt seipsam indemnem seruet: potest ea omnia facere, quæ necessaria fuerint ad suum finem consequendum, exercendo etiam iurisdictionem in eos, qui in rebus temporalibus alioqui sibi subiecti non essent: quod quidem iure naturali cuicumque principi facere cōtra aliorum rempub. licet. [c. cū ad verū. c. duo sunt. 96. dist. c. si duobus. §. ult. de appellatio. c. grandi. de supplen. neglig. prælato. c. alius. 15. q. 6. Ioan. Torquemada. lib. 2. de ecclesia. c. 113. cum sequen.]

26. Accedit eodem, quod finis temporalis potestatis pendet quodammodo a fine potestatis spiritualis: felicitas enim humana, quæ secularis potestatis finis vltimus est, vt pote imperfecta, in beatitudinem supernaturalem ordinatur; tantquam in sui perfectionem, & summum omnium bonum: ergo si temporalis potestas ab illo fine deuians, rebus spiritualibus obstat, merito a summo rerum spiritualium principe moneri, ordinari, & coerceri iure diuino & naturali potest. Præterea, cum Christus ipse omnes oues suas Pontifici Max. regendas commiserit, addita potestate plenissima ligandi atque soluendi: consequens etiam est, vt omnia illi concessa esse intelligamus, quæ necessaria sunt ad id munus perfecte gerendū. Poterit igitur omnes Christianos ad concordiam & vnitatem cogere: delinquentes punire: excessus corrigere: officio inutiles amouere: lites componere: controuersias definire: denique omnia ecclesiæ necessaria ordinare, regere, & constituere. [l. 2. de iurisdicção. omni. iud. c. præterea. de officio deleg. l. vlti. de officio eius. l. 1. si quis ius di. non obtempera. vide Abulen. Numerorum. 15. quæst. 48. omnes theologos in lib. 4. senten. dist. 18. Albert. Pighiū li. 5. hierar. eccles. Hermam lib. 7. de instauranda religio. Marti. Ayalam lib. de diuinis & ecclesiasticis traditionibus parte. 3. tit. de episcopali potestate.]
27. Et quia impius Lutherus, quosdā alios secutus hæreticos, ecclesiarum & pontificum bona diripienda esse docebat, id scilicet moliens, vt authoritas, atque potestas ecclesiastica vilesceret, atque periret: (nam spiritualia sine temporalibus vix sustentari possunt) non fuerit alienum pauca, quæ hanc insanissimam hæresim destruant, breuiter hoc loco perstringere. Ac primum quidem hæretici cum Laurentio Valla suadere nituntur, magnum Constantinum ecclesiæ Romanæ nullā fecisse donationem: sed quæ nunc possidet bona, iniuste ab ecclesiā & summis Pontificibus occupata fuisse, quod quidem est a ratione & veritate longe aduersum: satis enim constat, nō modo magnum illum Constantinum, sed etiam Aribertum & Luithprandū, Longobardorum reges, Pipinum quoque & Carolum magnum, alios item complures, multis magnisque donationibus ecclesiam Romanam iam olim locupletasse. [c. ego Ludouicus. 63. dist. c. futuram. 12. q. 1. l. diui. C. de natura. liberis. c. Constantinus. 96. distin. c. fundamēta. de electio. lib. 6. Gratianus. 12. q. 1. Nicepho. li. 8. eccle. histo. c. 54. Paulus Diaconus lib. 6. de gestis Longobardorum c. 10. & c. 13. Albertus Pighius lib. 5. hierarch. ecclesiast. c. vlt. Alfonsus Castren. lib. 6. aduersus hæreses titul. de ecclesiā, hæresi. 4. Alciatus lib. 7. parer. iurif. c. 19. Couaru. lib. 4. resolutio. c. 16. Eugubinus duobus libris contra Vallā.]
28. Habet itaque Romana ecclesiā sub antistitum sacra ditione magnum iustūque principatum: non solum iustis quas sibi titulis, sed etiam diuina prouidentia ordinatum. Aeterna quippe Dei sapiētia, humani ingenij morumque nostrorum conscia, sane intelligens, carnalibus hominibus (vt est pars maxima ecclesiæ) non satis reuerendā & venerabilē fore sacrosanctam Pontificum authoritatē, a qua regi voluit vniuersalem ecclesiā, si abiecta lateret in paupertatis sordibus, externarum rerum affluentia eā extulit & sublimauit: vt omnibus etiā principibus esset venerabilis, nocentibus & sceleratis metuenda. Quod & in reliquis episcopis atque prælatis necessarium esse perspicuum est: nō enim magis eos, quam

quam reges & principes, aut seculi milites, paupertatis iugo oneravit Christus: nec minus in rectoribus ecclesiæ, quam in magistratibus secularibus necessarius est rerū externarum splendor, si modo veneranda & metuenda esse debet eorum autoritas. Quam doctrina tantū, aut moribus, aut vitæ exēplo, (etsi quispiam diui Petri sanctimoniam haberet) tantam deploratissimo hoc seculo assequi, atq; tueri, quanta necessaria est, nullo sane modo poterit. Vt enim libro tertio de summo bono Isidorus noster ait: Plus venerantur homines in hoc seculo pro tēporali potentia, quā pro reuerētia sanctitatis. c. 63. adde Geronem tra&. de statibus ecclesiasticis.]

29. Etenim paupertate vilescunt, ac peneludibrio habentur isti titulo tantum episcopi, & clerici mercenarij: e contrario autem diuites atque potentes omnibus sunt venerabiles. Paupertas enim, vt ille ait,

Ridiculos homines facit, et ubique iacere.

Et sicuti Sapiens in Prouerbijs inquit: Etiam proximo suo pauper odiosus est. Et iterū: Fratres hominis pauperis oderunt eum, insuper & amici procul recesserūt ab eo. Prætereo cōsulto plura, quæ in eādē sententiam Ioannes Stobæus, alijque retulerunt. [Prouerb. 14. & 19. Stobæus sermone. 94. Lucas de Pena in. l. vlt. C. de his qui num. libero. li. 10. Seneca de vita beata ad Gallionem.]

30. Nihil ex se ipsa paupertas habet magna commendatione dignum, nec vituperatione diuitiæ. Absit ab animis fidelium, vt inquit Ambrosius, tam irreligiosa persuasio, vt cuiquam sanctorū, quibus Deus & diuitias est largitus, & honores, ad verā humilitatis meritum credatur, vel opulencia offuisse, vel dignitas: cum eis ad huius virtutis profectum vitæq; profuerint. Quamuis enim

tota vita hominis tentatio sit super terram: & tam abundantia, quam inopia, materia soleant esse peccati, cum vel diues extollitur ad superbiam, vel pauper profilit ad querelam: extiterunt tamen in omni tempore, & in nostra quoque ætate non defunt, sicut & boni pauperes, ita & boni diuites. Cui consonant Hieronymi verba, in epistola ad Saluinam: Nec diuiti obfunt opes, si eis bene vtatur: nec pauperem egestas commendabiliorem facit, si inter sordes & inopiam peccata non caueat. Ad vtriusque rei testimonium, & Abraham patriarcha, & quotidiana exempla suppeditat: quorum alter in summis diuitijs amicus Dei fuit: alij quotidie in sceleribus deprehensi, pœnas legibus soluūt. [Vide Chrysosto. in epist. ad Philip. sermo. 2. col. pen. 25.]

31. Adde quod, vt Ecclesiasticus ait, Vtilior est sapientia cum diuitijs, & magis prodest videntibus solem: sicut enim protegit sapientia, sic protegit pecunia: cui sane obediunt omnia. Et rursus: Bona est substantia, cui non est peccatum in conscientia. Et Plato lib. 1. de legibus, diuitiæ cæcæ non sunt, sed acute cernunt, si prudentiam sequantur: quod & in lib. 1. de repub. docet. Et Aristoteles lib. 1. ethic. Fieri non potest, aut nō facile fit, vt is res agat præclaras, cui defunt facultates: quia, vt alius ait:

. . . plurimum virtutibus obstat

Res angusta domi. Pindarus quoq; asserit, diuitias, si cum sapientia coniunctæ sint, præstantissimas esse. Nec ab his dissentit Horatius inquiring:

Scilicet uxorem cum dote, fidemque, & amicos,

Et genus, et formā regina pecunia donat.

Et alibi ait,

Et genus & virtus nisi cum re, vilior alga est.

Vereque ille censuit (vt apud Plutarchū est) qui primus pecunias, rerum agenda rum neruos esse dixit. Et Leo ille magnus sermone quinto de collectis: Diuitiæ, inquit, bonæ sunt, & humanæ societati plurimum prosunt, cum a beneuolis habentur & largis: nec illas aut luxuriosus prodigit, aut auarus abstrudit. Denique, Redemptio animæ viri diuitiæ eius: quoniam qui pauperi donat, redimit animam suam. Improbe igitur maligneque faciunt sacrilegi hæretici, qui ecclesiarum & sacerdotum bona, occupanda, expilanda, rapiendaque esse, contra naturalia diuinaque iura impudenter, impieque asserere non verentur. [Ecclesiastes. 7. & 10. & 13. Aristote. 1. Ethicorum. 8. Prouerb. 13. Plutar. in Cleomene. Ambrosius lib. 8. in Lucam. Augustin. lib. quinquaginta homiliarum hom. 30. Greg. lib. 10. in Iob. c. 28. Stobæus serm. 89. cum seq.]

Vere quidam rerum non ignarus dixit: Vbi est abundantia, ibi est obseruatiua rerum sacrarum, cū pietas, religio, ritusque sacri cum pompa sacra peraguntur, quæ populus cernens veneretur, & admiretur. Sordida religio contemnitur. nisi diuites sint episcopi & sacerdotes facile contemnantur: quibus contemptis sacramenta ipsa contemnantur, & religio ac Deus ipse contemnitur. quod si aliqui clerici male diuitijs vtuntur, culpa illorum erit, & eorum, qui elegerunt illos, cum longe meliores eligere potuissent: in Germania & Polonia soli fere antistites diuites supersunt, ceteris ab hæreticis suppressis. Postremo considerandum est, an laici diuites plus minusue diuitijs abutantur, quam clerici. [Vide Eugubinum lib. 1. contra Laurentium Vallam. §. 7. cum seq.]

32 Ceterum, vt a digressione reflectamus ad id quod erat institutum, quamuis du

biæ quæstiones, quæ in fide catholica & religione Christiana oriuntur, ad Pontificem Max. referendæ sint: inferiores tamen prælati in concilijs prouincialibus eas interdum definire poterunt: nimirum, cum erit in mora periculum.

Quod eleganter his verbis Hermas Letematus ait: Si vero quis aliquod dogma in vulgus sparserit, de quo dubitari possit, hæreticum ne esset, an religioni consentaneum, huius diiudicatio est summo summæ societatis religiosæ tribunali reseruanda: vt sapientissimæ potestati difficillima detur quæstio excutienda. Nec enim prius inferioris dignitatis personis libera de his sententia dabitur, quam super iam diuulgato dogmate ita suprema potestas pronuntiauerit, vt de re iudicata nulla amplius supersit ambiguitas. Si tamen illi, quibus harum rerum summa commissa est, serâ sint allaturi opem, & periculum sit, ne ipsi negotium in peius serpat, erit interim inferiori potestati huius suspecti dogmatis discussio permittenda: vt tamen illi, cum res postularit, superioribus iudicibus eam committant. Hoc propterea cautum, ne dum superiorum censura spectatur, populo Christiano pestilens doctrina pro sano dogmate diuulgetur. [c. maiores. de baptis. c. quotties. 24. q. 1. Hermas lib. 2. de instauratione. religi. c. 9.]

33 Adde etiam, quod si ex qualitate, aut multitudine illorum, qui suspecti de hæresi essent, graue scandalum timeretur, non liceret inquisitoribus aduersus eos procedere non consulto Pontifice summo. Sed inquisitores Hispaniæ consulere debent in his, aliisque grauioribus causis inquisitorem generalem, & senatum. [c. inquisitores. de hæreticis lib. 6. & inibi. Ioan. And. & Philip. Fran. 4. instr. Toletana. c. 21. vide Gonsalum

Gonsalum de hæret. prau. q. 7. Alfonso lib. 1. aduersus hæreses cap. 8. & lib. 1. de iusta hæretic. puni. cap. 5. & deinceps.]

34 Illud autem prætereundum non est, quod si Papa concesserit rescriptum seu priuilegium aliquod in præiudiciū officij sanctæ inquisitionis, obtemperandum est illi, sed non est executioni mā dandū. Debet ergo supplicari ab eiusmodi rescriptis, vt Papa rectius informatus a regio legato ea reuocet, vel suspendat. Nec enim verisimile est, vt summus pastor ecclesię quippiam facere voluerit in detrimentum catholicę fidei, & hæreticorum fauorem. [2. instr. Hispalen. c. 3. c. si quando. & illic interpretet de rescript. Hosti. & Ioan. Andr. in c. proposuit. de concessio. præben. Floria. in l. sed & loci. §. 1. finiu regundo. Lud. Carc. tract. de hæreticis nu. 99.]

35 Postremo, si Papa hæreticus esset, generale concilium de illius hæresi cognoscere posset: si vero hæreticus decesserit, successor eius iudex esset. [c. si Papa. 40. distinctio. & illic Præpo. & cæteri. 24.

q. 1. c. 1. Archidia. Ioan. And. Ancha. Domini. & Philip. Francus in c. in fidei. de hæreti. lib. 6. Albericus in rub. C. de hæreticis. Gonsalus de hæret. prau. q. 7. Almainus de autoritate ecclesiæ c. vlti. Decius consil. 151. Caietanus de potestate Papę c. 18. cum seq. Albertus Pighius lib. 6. hier. eccles. c. 14. & deinceps Alexand. Ias. Decius & Horosius noster in. l. est receptum. de iurisdic. omn. iud. Iason consilio 95. lib. 4.]

36 Neque est prætereundū id, quod Onuphrius annotauit in vita Bonifacij 111. his verbis: Additumq; vt Papę nomē, quod omnium vocabulorum episcopaliū excellentius esse statutum est, solus Romanus Pontifex (cum ante omnibus commune esset episcopis) retineret. quo vno, & illi tantum particulari nomine potestatis eius dignitas, & supra ceteras ecclesias vetus prærogatiua designaretur. Diuus quidem Hieronymus beatum Augustinum in epistolis ad eum scriptis, Papam vocat, & olim alij episcopi venerandi, appellari Papę solebant.

De pœnis Titulus XLVI.

S V M M A R I V M.

- 1 Pœna triplici de causa a sceleratis hominibus repeti solent.
- 2 Pœna, quę duntaxat tendit ad illius emendationem qui peccauit, cuiusmodi sit.
- 3 Pœna, qua damnum illatum refarcitur, qualis sit.
- 4 Pœnas a sceleratis hominibus repetere reipub. interest.
- 5 Pœna vnius, metus multorum est.
- 6 Pœna eorum qui delinquant, documentum, doctrina, et exemplum est aliorū.

- 7 Hæretici propter multas causas iustissime puniuntur.
- 8 Hæretici puniendi sunt, ne multos sibi similes faciant.
- 9 Hæretici maxima adhibita diligentia puniri debent.
- 10 Hæretici asserunt neminem propter hæreses esse puniendum.
- 11 Libertas Lutheranorum pessima.
- 12 Licentia & impunitas homines deteriores reddit, correctio autem & virga bonos.

- 13 Hæreticos puniri debere ex euangelica lege deducitur.
- 14 Hæreticos puniri oportere, multis sanctorum testimonijs probatur.
- 15 Hæreticos multo magis puniri oportet, quam adulteros.
- 16 Hæretici maiori quodam iure puniri debent, quam falsarij.
- 17 Hæreticum multo magis punire oportet, quam sicarium & homicidam.
- 18 Seditio quam pestifera & perniciosa sit reipub.
- 19 Hæreticus perniciosissima seditionis causa est in republica.
- 20 Hæresis & schisma unitatem & amicitiam ciuitatum & populorum miserabiliter dissipant.
- 21 Mæcenatis consilium ad Augustum Cæsarem in nouarum religionum auctores.
- 22 Hæreticis cum catholicis nulla pax neque amicitia esse potest: neque inter ipsosmet hæreticos.
- 23 Hæretici quot malorum causa extiterint semper in reipub.
- 24 Arriana pestis quot mala olim inuexerit.
- 25 Hæretici cum muros ecclesiæ catholicæ violent, multo maiori supplicio digni sunt, quam qui muros ciuitatum demoluntur.
- 26 Hæretici cum in clericos & monachos immanissimi sint, puniri debent.
- 27 Lutherani cum sanctimoniales & uirgines rapiant & violent, graui supplicio afficiendi sunt.
- 28 Lutherani multo grauius puniri debent quam sacrilegi.
- 29 Lutherani cum sacram Dei militiam deserant, grauius puniendi sunt quam militie profanae desertores.
- 30 Lutherani grauius quam transfuga puniri debent.
- 31 Lutherani cum occidant ecclesiam matrem regenerantem, grauius quam parricida puniri debent.
- 32 Hæretici iustissime puniuntur, quia fures sunt, & latrones, & per ostium ecclesiæ non intrant.
- 33 Religionis violatores apud omnes nationes seuerissime semper puniti sunt.
- 34 Religionum nouarum auctores, in quos grauissime animaduersum est, nonnulli adducuntur.
- 35 Religionis cōtemptores, qui ea de causa puniti sunt.
- 36 Ecclesia catholica in quem finem hæreticos punire soleat.
- 37 Ecclesiæ prima intentio est, ut hæretici conuertantur.
- 38 Panis cur impios affici oporteat.
- 39 Legis officium.
- 40 Hæreticos quantum oporteat puniri, docet experientia.
- 41 Hæreticorum punitionem rem esse reipub. saluberrimam, Hispania testis est.
- 42 Hæretici impijssimi ultimi supplicij pœna iure optimo damnantur.
- 43 Hæreticos ultimo supplicio affici debere, ex Numerorum libro deducitur.
- 44 Religionis contemptores reos esse mortis, omnes philosophi senserunt.
- 45 Hæretici iure optimo comburuntur.
- 46 Hæreticos igni tradi, iuri diuino consonat.
- 47 Ignis pœna aduersus impios & hæreticos antiquissima est.
- 48 Hæretica pestis igne extirpanda est, ne nobis Deus irascatur.
- 49 Hæretici qui igni tradendi sint.
- 50 Hæreticis pertinacibus et manifestis bellum inferre licet, illoque indicto eos occidere & spoliare.
- 51 Prægnans mulier, etsi hæretica sit, non punienda est donec pariat.
- 52 Hæreticis data fides seruanda non est.
- 53 Hæreticis data fides quare non sit seruanda.
- 54 Hæreticis fides a principe vel publica potestate data seruanda est.

- 55 Hereticis quare omnia commercia sint interdicta.
- 56 Hereticis quæ legata fuerint, quando ad fiscum pertineant.
- 57 Heretici ab omnibus iudiciorum actibus repelluntur.
- 58 Heretici iudices esse non possunt.
- 59 Philippus pater magni Alexandri quem dam iudicem officio priuauit, eo quod capillos sibi inficeret.
- 60 Theodericus Afer diaconum suum occidit, quod ad Arrium defecisset.
- 61 Heretici non possunt aliquod officium publicum gerere.
- 62 Heretici nullam ecclesiasticam potestatem habere possunt.
- 63 Heretici beneficijs & iuribus ecclesiasticis frui non possunt.
- 64 Iudices plures & diuersi, eodem tempore, contra eundem hereticum, procedere possunt.
- 65 Hereticus ad ecclesiam fugiens, non defendetur presidio sanctitatis loci.
- 66 Heretici perpetua notantur infamia.
- 67 Pœna eadem in plebeios & nobiles constituta est in crimine hæresis.
- 68 Nobilis in hæresim incidens, infamis & vilis habetur, & plebeiorum pœna puniendus est.
- 69 Clericus, qui sit hereticus pertinax, relapsus, vel impœnitens, quo pacto puniendus sit.
- 70 Clericorum hereticorum degradatio siue exauguratio, quo pacto faciēda sit.
- 71 Clerici heretici bonis omnibus temporalibus ecclesiasticisque beneficijs & dignitatibus priuandi sunt.
- 72 Clerici heretici an beneficijs ecclesiasticis priuati sint ipso iure.
- 73 Hereticis manifestis eorum vassalli obedire non tenentur, nec quisquam eis depositum reddere, aut fidē & obsequiū præstare debet.
- 74 Hereticus priuatus est omni dominio naturalis, ciuili, & politico.
- 75 Regis heretici regnum cum superiorem non habeat, an confiscari possit.
- 76 Suspecti de heresi quando puniri possunt pœnis pecuniarijs.
- 77 Hæredes eorum qui suspecti erant de crimine hæresis, condemnari non debent ad pœnas pecuniarias præstandas.
- 78 Iudex quo pacto se gerere debeat in pœnis arbitrarijs.
- 79 Iudex, cum causa id exigit, pœnas etiā legibus præfinitas augere, vel temperare potest.
- 80 Hæresiarchæ et magistri errorum durius puniendi sunt.
- 81 Iudex an possit arbitrio suo pœna mortis aliquem afficere.
- 82 Heretici non modo pœnis temporalibus, sed æternis etiam puniuntur.
- 83 Hæresiarcharum pœna in inferno erit grauissima.
- 84 Opera bona extra caritatem & vnitatē facta quid prosint.
- 85 Iudices quali animo esse debent ad iudicandum.
- 86 Pœna cur publica esse debeat.
- 87 Hæresim qui dixit, aut fuit hereticus ante multos annos, mitius puniendus est si correctus fuerit.
- 88 Domus in quam heretici conueniebant ad hæreses docendas, olim a fisco vendicabatur.
- 89 Domus aliena in quam conueniunt heretici, domino domus permittente, confiscatur, & dominus punitur.
- 90 Domus prædicta ecclesiæ catholicæ ad iudicatur plurimis constitutionibus.
- 91 Domus ista hodie aut publicatur, si heretici est: aut funditus euertitur, si aliena.
- 92 Officialem sanctæ inquisitionis qui se finxerit, quomodo puniendus sit.
- 93 Officiālē sanctæ inquisitionis qui se finxerit, quomodo hodie puniri solcat.

De pœnis.



- D**UM & naturali lege, iniustorum, superborumq; crimina iustissime vindicatur: peccatis autem puniendis tres causas attribunt. Vnam, vt is qui deliquit, corrigatur & emendetur: alteram, vt ei satisfiat, in quem est peccatum: tertiam, vt cæteri a similibus peccatis metu pœnæ deterreantur.
- 2 Cæterum pœna illa, quæ tendit ad emendationem duntaxat eius, qui peccauit, leuior & occultior vt plurimum esse solet: cuiusmodi est, castigatio parentum, maritorum, dominorum & magistrorum: addo etiam & inquisitorum, quoties leuiora peccata pœnitentium occulta pœna coercent. [l. i. de emenda. propinquo. & l. i. C. de emenda. seruo. l. præceptoris. ff. ad legem Aquil. l. item quaritur. §. item Iulianus. ff. locati.]
- 3 Ea vero pœna, qua damnum datum refarcitur, ad iustitiam commutatiuam præcipue pertinet: commutat enim multam pro culpa: quinimo iustitia ipsa punitiua (vt verbis utar Scoti) est commutatiua pœnæ pro culpa, & non respicit punctum indiuisibile: sed mediū habet latitudinem intra metas rectæ rationis. [Scotus in lib. 4. sent. dist. 19.]
- 4 In grauioribus tamen criminibus, non tantum satisfieri debet ei qui damnum passus est, sed etiam vniuersæ rei publicæ: cuius in primis interest, ne crimina sint impunita. [l. locatio. §. quod illicite. de publi. & vectigalib. c. vt famæ. de sent. excommunica.]
- 5 Sed illa causa peruagatior est, vt vnus pœna metus multorum sit: nam & in Deuteronomio legitur, Vt omnis Israel audiens timeat: vt audientes cæteri ti-

morem habeant: vt vniuersus Israel audiens pertimescat. & in Prouerbij: Pestilente flagellato stultus sapientior erit: multato pestilente sapientior erit paruulus: nam dum flagellatur pestilens, etiam innocens astutior fit. [l. i. C. ad leg. Iuli. repetun. Deute. 13. & 19. & 21. Prouer. 19. & 21.]

- 6 Accedit eodem, quod pœna eorum, qui delinquant, documentum, doctrina, & exemplum est aliorum. Diuinus Plato in Gorgia: Conuenit, inquit, omnem qui ab aliquo recte punitur, vel ipsum fieri meliorem, vilitatemque percipere, vel ceteris exempla dare, vt alij pœnas eius conspicientes, meliores ob timorem efficiantur: profunt enim alijs tanquam exemplum, monumentum & spectaculum. Et Iulius Cæsar libro sexto de bello Gallico: Vt sint reliquis documento, & magnitudine pœnæ perterreant alios. Et Seneca libro primo de ira: Vt omnium documentum sint, & qui alicui noluerunt prodesse, morte certe eorum res publica utatur: id est, vt qui vita nocuerunt, morte saltem exemplo profint. Et Cyprianus sermone de lapsis: Plectuntur quidam, quo ceteri corrigantur: exempla sunt omnium, tormenta paucorum. Et Hieronymus ad Demetriadem: Vt pœna quorundam sit doctrina multorum. Quamobrem veteres quoque nostri exempla pro maximis grauisimisque pœnis dicebant: & a Græcis quasdam pœnas paradigma, id est, exempla deterrentia dici, satis compertum est. Itaque merito pro res publica puniuntur improbi, vt qui semel peccauit, non peccet iterum: & qui tranquillitatem publicam perturbauit, eam deinceps promoueat, dum is qui præbuit exemplum peccandi, præbeat alijs

alij etiam exemplū satisfaciendi. [Gellius lib. 6. c. 14. Cælius lib. 6. c. 14. Biesius lib. 2. de repub.]

7 Propter has omnes & alias causas hæretici iustissime puniuntur, vt corrigantur & emendentur, vt Christianæ reipublicæ satisfiat, vt cæteri pertimescant. Accedit illa quoque causa, vt ne bonis noceant: ideo enim factæ sunt leges poenales (quæ Augustini & Isidori sententia est) vt humana coerceatur audacia, utaque sit inter improbos innocentia: & in ipsis improbis formidato supplicio refrænetur nocendi facultas. Marcus ille Caro apud Salustium ait: Qui paucis scelestis parcunt, bonos omnes perditum eunt. Et ciuis meus Seneca libro de moribus: Bonis nocet, qui malis parcit. Et Isæus: Qui puniunt iniustos, ij reliquis iniuriam fieri prohibent. Et Lactantius libro de ira Dei: Bonorum salutem custodit, qui malos punit. [Augustinus Macedonio epistola 54. Isidorus lib. 5. etymo. c. 20. c. factæ. 4. distin.]

8 Lactantius c. 17. c. pen. 45. distin.] Eodem fere tendit Platonis dictū, lib. 10. de legib: Qui libere aduersus Deos, sacrificia, vel iusiurandum obloquitur, nisi puniatur, multos forsan sibi similes faciet. Itaque puniendi sunt hæretici, ne multos sibi similes faciāt: nam sermorum vt cancer serpit. & vt Hieronymus inquit: Sibilus hæreticorum irremediabiliter mentes auditorum vulnerat. Oportet igitur, vt coerceantur hæretici antequam alios corrumpan. Vt enim Demosthenes contra Aristogitonem ait: Insanabile ingenium oportet exterminare, & tollere emedio, nec eo vsque spectare, dum accipiatis malum, præsertim quod sit reipublicæ perniciōsum: sed mature præcauendum est. Sic enim considerate, nemini fortasse velutrum vnquam serpens inuomordit, aut

araneus: sed tamen eas animantes vt videritis, statim occidetis. Ad eundem igitur modum, Athenienses, etiam cum natura serpentina præditum hominem videritis, ne dum vestrū singulos mordeat, spectate, sed primus quisque qui in eum inciderit, vliscatur. Cuius sententiam Philo renouans, libro secundo de specialibus legibus, inquit: Sicut viperas, scorpiones, aliasque venenosas bestiolas, priusquam mordeant, aut sauciant, aut omnino se commoucant, sine mora ad primum aspectum occidimus, præcauendo genuinam eorum malitiā, priusquam noceant: eodem modo etiā homines plectendi sunt, qui cum sint animalia rationalia, nihilo secius a natura mansuetudine in ferinos mores degenerant: & pro delectamento habent, lædendi quotquot possunt licentiam.

9 Multo magis puniri debent hæretici, qui iam nocuerunt, præsertim si sint insanabiles. Vt enim Cicero inquit Philippica octaua: In corpore si quid eiusmodi est, quod reliquo corpori noceat, vti ac secari patimur, vt membrorum aliquod potius, quam totum corpus intereat: sic in reipublicæ corpore, vt totum saluum sit, quidquid est pestiferum amputetur.

Cuncta prius tentanda, sed immedicabile vulnus

Ense recidendum est, ne pars syncera trahatur.

Et Plato diuinus lib. 9. de legibus ait: Quos insanabiles legislator esse senserit, vltimo supplicio hos afficiet, non ignorans, satius fore his, qui insanabiles sunt, mori, quam viuere: ac si vita priuantur, dupliciter prodesse cæteris: nam horum exemplo a peccato cæteri deterrentur, & improbis hominibus ciuitas ipsa mundatur. Et Hieronymus apud Gratianum: Refecandæ

YY sunt

sunt putridæ carnes, & scabiosa ouis a caulis repellenda; ne tota domus, malfa, corpus & pecora ardeant; corrumpantur, putrescant, intereant. Arrius in Alexandria vna scintilla fuit: sed quoniam non statim oppressus est, totum orbem eius flamma populata est. [c. resecanda. 24. q. 3.]

10 Sed aiunt hæretici, fidem rem esse liberam, ac proinde neminem propter hæreses puniendum esse. In quo sane mihi perinde facere videntur, ac si fures, latrones, raptores, sicarii & cæteri facinorosi dicerent, furta, latrocinia, rapinas, homicidia, & alia similia crimina, impunita esse debere: nam hæresis crimen his omnibus, grauius & pestilētius est. Quod autem aiunt, neminem esse cogendum ad suscipiendam fidem, quis negat? Sed qui fidem catholicam suscepit, cogendus est in ea pericueare: ne arbitrio suo abutens, in hæreses infamissimas præcipitetur, & perditus ipse cæteros perdat. Diuus Chrysostomus, sermone de fide, spe, & charitate, rectissime, vt solet, inquit: Est fides pactum cum Deo, cum Christo placitum, consignatio promissorū. deniq; quoties ad istam fidē acceditur, & pactum inter hominem & Deum firmatur; tunc homo Deo se credere profitetur, & a Deo homini pignus quoddam Spiritus sancti tribuitur. Teneris igitur Christiane, & tenes: aliud a Deo accipis, aliud Deo promittis: non debes placitum destruere, cuius te pignus conspicias retinere. nam si inter homines semper pacta seruantur, & quidquid inter socios aliquando placuerit, inconcussa fidei firmitate tenetur, ne sit violatæ fidei reus, qui aut placitum soluerit, aut pactum ruperit, aut socialem conuentum perfida calliditate mutauerit: quanto tenacius firmitusque seruandum est, quod

cum Deo contrahitur, quod cum Christo initur, quod in spem promissorum cælestium copulatur? [c. displicet 23. quæst. 4. cum seq. c. vides. 23. quæst. 6. c. de Iudæis 45. distin. confessio Polonica. c. 91. Cornelius Iansenius in cōcordiam euangelicam. c. 32. vbi recte responderet parabolæ de zizanij.]

11 Nec moueat quenquam effrænata illa libertas Lutherandorum: nam vt Augustinus inquit, Posse peccare, nec libertas est, nec pars libertatis: quæ est enim peior mors, quam libertas erroris? Et Plato epist. 8. Seruitus ac libertas, si modum excedat, vtraque mala est: si modum obseruet, vtraque bona. Et Aristoteles lib. 5. polit. c. 9. ait, Vitiosum esse viuere vt vnusquisque vult: viuere autem conuenienter reipublicæ, non seruitutem, sed salutem esse. Et Chrysostomus in epist. Pauli ad Romanos, serm. 23. Libertas dissoluta, & modamine carēns, vbique mala, confusio, nisque causa est. Postremo, ij hæretici sunt, quos diuus Petrus velut digito ostēdit, dicens: In errore conuersantur, libertatem promittētes, cū ipsi serui sint corruptionis, & car. [2. Petr. 2. Aug. epist. 166. & epistola vlt. c. extremo, de pœnitentia, distin. 2.]

12 Virga atq; correctio tribuit sapientiā, vt ait Sapiēs: Puer autem qui dimittitur voluntati suæ, confundit matrem suam. Et Comicus: Deteriores nos omnes sumus licentia. Et Esaias: Sola vexatio intellectu dabit auditui. Et alibi: Misereamur impio, & non discet iustitiā facere. Et li. 2. Machab. c. 6. Multo tempore nō sinere peccatoribus ex sententia agere, sed statim ultiones adhibere, magni beneficii est indicium. Adde quod, vt Hieronymus inquit, li. 2. aduersus Pelagianos: Ille hæreticū interficit, qui esse hæreticū patitur. Cæterū nostra correptio, viuificatio

- catio est: vt heresi moriēs, viuat catholice fidei. [Prouerb. 29. Esaię. 26. & 28.]
- 13 Et ne aliunde argumenta petamus, ex ipsa euangelica lege perspicue constat, hæreticos puniendos esse. Ac primum quidem veritas ipsa per Matthæum & Marcum inquit, Vt homini illi, per quē scandalum venit, expedit enim ei, vt suspendatur mola asinaria ad collū eius, & demergatur in profundū maris. Nemo autem est, a quo tam graue scandalum veniat, quam ab hæretico. Deinde, Paulus apostolus pseudoprophetam cæcitāte percussit, quia subuertebat vias Domini rectas, & proconsulem a fide conabatur auertere. Et alibi, punitiōnem hæreticorum idem Paulus desiderabat, inquires: Vtinam abscondantur, qui vos conturbant. Et in Ioannis Apocalypsi, Deus ipse increpauit episcopos, qui hæreticos tolerabant. Postremo, eodem pertinent omnia illa Christi verba, quibus hæretici nominantur lupi rapaces. Qui enim lupos ouibus Christi inhiantes, non persequatur? quis comprehensos non interficiat? [Matth. 18. Marci. 9. Act. 13. ad Galat. 5. Apocalyp. 2. Matt. 7.]
- 14 Præterea, id ipsum innumerabiles ecclesie Pontifices sancti, doctoresque traderunt: ego tamen breuitatis causa tribus ero contentus. Anastasius Pontifex Max. Manichæos, quos ad fidem catholicam perducere non potuit, ne sanctū gregem sua contagione polluerent, per publicos iudices perpetuo exilio relegauit. Et Leo ille magnus ad Leonem Augustum scribens, inquit: Hæreticorum pertinax insidiosa contentio illico conquiescit, si imperiali potestate frænctur. Et Bernardus in Cantica: Melius foret proculdubio, vt coercerentur gladio illius, qui non sine causa gladium portat, quam vt multos in suos errores attrahe-

re permittantur. Prætereo Cyprianum, Origenē, Nazianzenū, & ingens agmen, [Constantinus Armenopulus lib. 6. promptuarij. tit. 11. Origenes super Numeros homilia. 9. Cyprianus lib. de exhortatione martyrij. c. 5. Nazianz. oratio. 10. August. lib. 3. contra Gaudentiū c. 26. & epistola. 48. Leo epist. 72. & 80. & 91. Bernar. in Cantica homil. 66. Thom. 2. 2. quæst. 10. cum seq. Alfonso lib. 2. de iusta hæretic. punitiōe. c. 3. Hermas lib. 7. de instauratione religio. c. 22. & deinceps. c. non vos. & sequē. c. si audieris. 23. quæstio. 5. c. nimirū. c. displicer. cum seq. 23. quæst. 4. cap. nec is. 15. quæst. 1.]

15 Huc accedunt argumenta fortissima: nam hæretici crimen grauius est, quam adulterij corporei: seuerius igitur puniendum est. Quo argumento vtitur Augustinus in ea epistola, quæ est ad Bonifacium, dicens: Cur enim cum datū sit diuinitus homini liberum arbitriū, adulteria legibus puniantur, & sacrilegia permittantur? an fidem non seruare animam Deo, leuius est, quam sceminam viro? epistola. 50. & sanctus Ambrosius sermone. 50. Grauius est, religionis adulterum esse, quam corporis.

16 Deinde, falsarius qui monetam, qui leges, qui rescripta principis falsat, iustissime quidem punitur: quanto magis hæreticus, qui scripturam sacram, qui leges omnipotentis Dei corrumpit, atque subuertit? Demosthenes ille, oratione contra Timocratem, inquit: Illud etiam vobis recitabo, quod Solonē aliquādo dixisse ferunt apud iudices, in eo accusando, qui legē perniciosam rogarat, in hanc sententiā: Receptum esse in vniuersū apud omnes ciuitates, qui monetam adulterarit, morte multandum. Deinde interrogasse iudices, nū eis ea lex iusta & laudabilis videretur? Qui cum

YY 2 vide

- videri sibi respondiſſent, ſubieciffe: pu-
tare ſeſe, argenti monetam priuatorum
contractuum cauſa repertam inter ci-
ues, ſed leges monetam eſſe reipublice:
iudices igitur oportere, multo magis ſi
quis eam, quæ ciuitatis moneta ſit, cor-
rumpat, odiſſe & punire, quam ſi quis
eam, quæ ſit hominum priuatorum.
Atque vt intelligerent, haud dubie ma-
ius eſſe delictum corrumpere leges,
quam adulterare monetam, addidiſſe:
multas ciuitates haud diſſimulanter ar-
gento, quod ſit ære & plumbo contem-
peratum, vtentes, tamẽ eſſe incolumes,
nec vllum ex ea re capere detrimẽtum:
at ſi qui perinde legibus adulterinis uſi,
receptas corrumpi ſiuerint, eorum nul-
los vnquam non internectione periſſe.
- 17 Ad hæc, homicida iuſtiſſimas pecca-
ti ſui pœnas luit: & eo magis ſi per inſi-
dias aut veneno interfecerit quẽquam:
hæreticus autẽ inſidiator peſſimus gra-
uioribus pœnis dignus eſt, quippe qui
multorum incautas animas veneno pe-
ſtiferi dogmatis morte inſeliciffima oc-
cidit. Atteſtatur mihi diuus ille Hiero-
nymus, qui in caput Iob. 24. Hæreti-
cus, inquit, homicida eſt, qui animas
hominum noxijs & lethalibus ſenſibus
interficir. Et Auguſtinus qui ait: Vide-
te qualia faciunt, & qualia patiuntur.
Occidunt animas, affliguntur in corpo-
re, ſempiternas mortes faciunt, & tem-
porales ſe perpeti conqueruntur. Ad-
de quod vbi de religiõẽ, ibi de vita quo-
que agitur, vt Philo inquit libro in Flac-
cum. [c. quando. 23. q. 4.]
- 18 Item, ſeditioſi homines, qui ciu-
um pacem & amicitiam peruertunt, & rei-
publicæ tranquillitatem diſſipant & di-
ſturbant, quibus ſupplicijs digni non
ſunt: Hoc ſpectant leges, hoc volunt,
incolumem eſſe ciu-um cõiunctionem,
quam qui dirimunt, eos morte, exilio,
vinculis, damno coercent, vt Cicero di-
xit. Et Plato ille diuinus lib. 5. de re-
pub. docet, Nihil eſſe ciuitati pernicio-
ſius, quam diuiſionem atque diſcordiã:
nihil melius quam concordiam & vni-
tatem. Ariſtoteles quoque lib. 2. po-
liticorum, cap. 2. ait: Summum bonũ
ciuitatibus in amicitia ponendum eſſe.
Et alibi: Videtur, inquit, amicitia rem
pub. continere, & maiore quam iuſti-
tia, in ſtudio fuiſſe legumlatoribus:
quod ſi amicitia inter omnes eſſet, nihil
eſſet quod iuſtitiam deſiderarent: at ſi
iuſti eſſent, tamen amicitia præſidium
requirerent. Denique finis vniuerſæ
virtutis eſt amicitia, & vnitas, vt Pytha-
gorici tradunt, & Proclus eſt author, li-
bro de anima & dæmone. [Ariſto. 8.
ethico. c. 1. Cicero 3. offic. Iulius Pau-
lus lib. 5. ſent. tit. de ſeditioſis.]
- 19 Atqui nemo eſt, qui tam pernicioſam
ſeditionem in rempub. inferat, quam
hæreticus impius: nemo qui tot ſimul
populorum, tot gentium, tot nationũ,
non modo corporibus, verum etiam
animis peſtem & interitum machine-
tur. Eſt quidem hæreticus violator peſ-
ſimus eccleſiaſticae pacis, quæ non niſi
vhitate prædicationis euangelicæ cuſto-
ditur, vt Leo ad Martianum Auguſtum
ſcripſit. [epiſt. 57. l. 4. tit. 1. lib. 16. C.
Theodo. Brunus lib. 2. de ſeditio. c. 10.]
- 20 Vnitatem autem & amicitiam nihil
magis peruertit quam ſchiſma & hære-
ſis: vt enim Nazianzenus inquit: Ni-
hil eque Germanos Dei cultores inter
ſe conciliat, atq; conſentientes de Deo
ſententia: quemadmodum contra, nul-
la re facilius amicitia diſſoluuntur, quã
diuerſa in huiusmodi rebus animorum
ſententia: hic enim leniſſimus quiſque
& moderatiſſimus intumefcit, & man-
ſuetus vere pugnax efficitur, cum ſolẽ-
nitate ſua Dei iacturam facere perſpicit.

imo, ut rectius loquar, prolapsione sua Deum detrimento afficere, qui nos & pro diuitijs habet, & diuites reddit. Et Hieronymus: Nullus est inter eos fidus affectus, quorum diuersa fides est. Nam quemadmodum extra controuersiam est, nulla re magis, quam efficaci religione, atque eius unitate, in vnius corporis societatem conciliari contineri; liberos homines: sic omnibus perspicuum est, nihil eos magis separare & contra se diuidere, quam in religione dissidium, pugnam atque discordiam. Id nanque dissidium omnium maximum & perniciosissimum est: primum, quod rem præstantissimam, religionem scilicet, perturbet: deinde, quod societatem omnibus communem & ætatis simam sua contagione laxet: denique, quod amicitiam soluat, qua neque iucundior, neque sanctior esse potest. Nam cum inter omnes res humanas nihil sit religione præstantius, nil in quo pari animorum alacritate prouisi sint homines, nil etiam cui firmitus adhæreant; necessario relinquitur, ut nulla neque ætior, neque tenacior, neque iucundior esse queat, aut debeat amicitia, quam ea quæ ex Christianæ religionis consensu nascitur: & contra, nullum odium vehementius & pertinacius, & acerbius, quam quod ex religionis dissidio oritur: ex diuersitate autem religionum protinus seditiones oriuntur. [nouel. constitutio. 103. Acto. 14. Nazianze. oratione. 1. de pace. Hierony. in Matth. c. 10. Hermas. lib. 2. de instauranda religione. cap. 1.]

21 Huc pertinet consilium illud prudentissimi Mæcenatis ad Augustum Cæsarem: Deum, inquit, semper & ubique ita cole, ut moribus patriæ est receptum, ad eundemque cultum alios compelle: peregrinarum vero religionum autho-

res odio & supplicijs prosequere, non modo Deorum gratia, quos qui contemnit, haud dubie nihil quoque aliud magni faciet, sed propterea etiam, quod qui noua numina introducunt, multos ad utendum peregrinis legibus pellunt: inde coniurationes, coitiones, & conciliabula existunt, minime vnius principatui commodæ res. Hæc Dion Cassius historiæ Romanæ lib. 52.

22 Non igitur amicitia vera, nec concordia aut pax esse potest inter catholicos & hæreticos, ne inter ipsos quidem impios. Non enim est pax impijs, ut ait Esaias, sed sunt quasi mare feruens, quod quiescere non potest, & redundat fluctus eius in conculcationem & lutum. Et ut Plato inquit in Lyside: Improbi nunquam vel sibiipsis, vel inuicem, similes sunt, & amici, sed stolidi penitus & instabiles. Et Aristoteles lib. 9. ethi. Improbi nisi ad breue & exiguum tempus concordare esse non possunt. Et alibi: Præuus nunquam sibi amicus est, se nanque semper oppugnat. Et Proclus libro de anima: Improbus secum consentire non potest. Cumque semper secum pugnet, nimirum cum alijs consentire non potest: necesse est enim tum propter naturam rationalem videre quodammodo verum, tum propter rationem perturbatam plurimum ignorare, secumque dissidere. Et paulo post: Contingit merito plerisque ad seipsos discordia frequens: quoniam aliqua quidem a sensibus intromittunt, aliqua rursus ab imaginatione, aliqua ab opinione frequenter, nonnulla ab ira, a concupiscentia multa: non enim solum ex opinionibus tales quædam passiones mouentur hominibus, sicut Stoici tradunt: sed etiam contra, propter passiones quædam & impetus, opiniones sæpe permutant: quandoque ex optimis pessima

ma sæpe reportant. Hi ergo a multis principijs atque potentijs, & his quidē deterioribus, multiformes in se motiones accipientes, nimirum animam diffidentem habent atq; discordem. Scientia vero recta præditi ab vno quodam superiore principio cognitionem suscipiunt vniuersam: intellectus enim eis principia tradit: iam vero omnes sententiæ veræ, filiæ sunt intellectus. cum igitur a tali quodam principio simplicitate procedant omnes, merito omnes inuicem sunt concordēs. [Esaia. 48. & 57. lib. 9. ethic. c. 6. & lib. 2. magno. moralium. c. 11.]

23 Quam sint hæretici rebus publicis perniciosi, testis est nunc Germania, testis Gallia, testis Flandria, testis fuit nuper Anglia, testis iam olim vniuersus orbis, impiorum hæresibus frequenter concussus. Arrianorum perfidia (vt vno sim exemplo contentus) non solum paruæ res, sed etiam maximæ labefactæ sunt. Nec enim tantum affinitates, cognationes, amicitia, domus, verum etiam vrbes, populi, prouinciæ, nationes, vniuersum postremo Romanum imperiū funditus concussum & emotum est. Nam cum profana ipsa Arrianorum nouitas, velut quædā furia, capto prius omnium imperatore, cuncta deinde palatij culmina legibus nouis subiugasset: nequaquam deinceps destitit vniuersa miscere atque vexare, priuata ac publica, sacra profanaque omnia: nullum boni & veri gerere discrimen, sed quoscūque collibuisse, tanquam de loco superiore percutere.

24 Tunc temerata coniuges, depopulatæ viduæ, profanatae virgines, monasteria demolita, disturbati clerici, verberati leuitæ, acti in exilium sacerdotes, op-pleta sanctis ergastula: quorum pars maxima interdictis vrbibus, protrusi,

atque extorres, inter desertas, speluncas, feras, saxa, nuditate, fame, siti affecti, attriti & tabefacti sunt. Atque hæc omnia nunquid vllam aliam ob causam, nisi vtique dum pro cælesti dogmate humanæ superstitiones introducuntur: dū bene fundata antiquitas scelestas nouitate subruitur: dum superiorum instituta violantur: dum rescinduntur scita patrum: dum conuelluntur definita maiorum: dum sese intra sacratæ atque incorruptæ vetustatis castissimos limites profanæ ac nouellæ curiositatis libido non continet? Hæc Vincentius Lyrinensis libro aduersus hæreses. [Vide Reginaldum Polum ad Henricum octauū regem Angliæ, Ioannem Cocleum, de actis & scriptis Lutheri, Bartholomæum Latômum in consutatione criminatio-nis Bucerii.]

25 Accedunt præterea argumenta fortissima contra hæreticos Lutheranos (quorum appellatione Sacramentarij & Anabaptistæ, ac ceteri pestiferi huius temporis impij continentur) lex ait: Si quis violauerit muros, capite punitur: quanto maiori pœna digni sunt, qui muros ecclesiæ catholicæ violant, & ecclesias ipsas funditus euertunt? [1. vlti. ff. de rer. diuersio.]

26 Si quid in sacerdotes, aut alios ecclesiæ ministros committitur, capitali sententia vindicatur: & ij hæretici nihil non admittūt cōtra clericos, & monachos, & ceteros Dei ministros. [1. si quis in hoc genus. C. de episcop. & clericis.]

27 Raptores virginum, aut viduarum, quæ Deo dicatæ fuerint, pessima criminum peccantes, capitis supplicio plectēdi sunt: quinimo si quis non dicam rapere, sed attentare tantum modo iungēdi causa matrimonij sacratissimas virgines ausus fuerit, capitali pœna feriendus est: & ij homines scelera ti & nefarij san-

- rij sanctimoniales rapiunt, easque ince-
stis nuptijs polluant. [l. raptōres . l. si
quis non dicam. C. de episcop. & cleri.
c. si quis rapuerit. 27. q. 1.]
- 28 Sacilegi ad bestias damnantur, aut
vivi exuruntur, vel in furcas suspendū-
tur, vt Vlpianus memorat. Aelianus
quoque lib. 11. variæ historiæ retulit,
Sacilegos iuxta legem delphicam, præ-
cipites agi solitos, & ij omnes hæretici
publica sacra compilant. [l. sacrilegij.
& l. sacrilegi. ff. ad leg. Iuliam peculat.
c. quisquis. 24. quæst. 3. c. nulli. c. præ-
dia. 12. q. 2.]
- 29 In profana militia desertores capite
puniri solent: quanto magis puniendi
sunt impij, qui sacrâ Dei militiâ deserunt?
[l. nō omnes. §. desertor. ff. de re milit.]
- 30 Transfugæ vivi exuruntur, vt inquit
Vlpianus, aut certe furca suspenduntur,
vt ait Iulius Paulus: & transfugas ubi-
cunque inuēti fuerint, interficere licet,
sicuti Martianus est author: quinetiam
is qui volens transfugere apprehensus est,
capite punitur, quemadmodum Mode-
stinus tradidit. Exurendus est itaque
impius, qui ad hæreticos hostes pessi-
mos Christianæ reipublicæ transfugit.
[l. aut damnum. §. hostes. l. si quis ali-
quid. §. 1. ff. de poenis. l. 3. in fine. ff. ad
leg. Cornē. de sicarijs. l. 3. §. is qui ad ho-
stem. l. proditores. ff. de re militari.]
- 31 Ad extremum, quibus poenis digni nō
sunt parricidæ? ij autem hæretici eccle-
siam occidunt matrem regenerantem:
fatendum est igitur, eos plusquam par-
ricidas esse: si quidem est atrocius ani-
mæ matrem occidere, quam corporis.
Ea est igitur atrocitas tot ac tantorum
criminum, vt grauissimam animaduer-
sionem, & horrendi exempli postulet
supplicium. [l. poena. ff. ad leg. Pompe.
de parrici. leg. sancimus. C. de sacro-
sanct. ecclesijs. c. qui abstulerit. 12. q. 2.]
- 32 In summa, hæretici iustissime puniū-
tur, quia fures sunt & latrones, & per
ianuam ecclesiæ non intrant: quia sunt
adulteri, atq; falsarij: quia sicarij sunt,
& occidunt animas: quia seditiosi sunt,
& hostes: quia respublicas labefaciunt,
atque peruertunt: denique, quia direc-
to diuinam maiestatem lædunt. Nam
si in eos rectissime legumlatores ani-
maduertunt, qui principem lædunt,
atque rempublicam, quanto rectius in
eos animaduertendum est, qui Deum
ipsum omnipotentem lædunt: cum sit
longe grauius diuinam quam humanā,
& æternam, quam temporalem lædere
maiestatem? [authen. Gazaros. C. de
hæreticis. c. vergentis. de hæreti. c. cum
secundum. eod. tit. lib. 6.]
- 33 Quas ob res non modo veræ religio-
nis cultores punire solent hæreticos,
sed hi etiam qui verum Deum ignora-
bant, varijs poenis eos afficiebant, quos
impios & hæreticos esse putabant. Sic
eos qui Deorum prouidentiam negabant,
impietatis damnabat antiquitas, vt li-
bro de superstitione Plutarchus est au-
thor. Sic Diopites decretum fecit, vt
omnium, qui de dijs non recte sentirent,
aut de rebus cælestibus novos sermones
inducerent, nomen deferretur, & iubē-
te populo decretum ratum fuit, quem-
admodum idem Plutarchus in Pericle
tradidit. Sic in causa violatæ religio-
nis licebat Athenis, abducere in carce-
rem, accusare publice, causam apud
Eumolpidas agere, proponere apud re-
gem, vt a Demosthene proditum est,
oratione aduersus Androcionem. Sic
Iulius Paulus lib. 5. receptarum senten-
tiarū titulo de vaticinatoribus: Qui ho-
uas, inquit, & vsu vel ratione incognitas
religiones inducunt, ex quibus animi
hominū moueantur, honestiores depor-
tantur, humiliores capite puniuntur.

Et in

Et in curia Areopagitica publicum & capitale iudicium exercebatur propter nouam religionem. Quin etiam qui verbo vno patriam religionem læderet, atque minuerent, religionis læsæ tanquam maiestatis rei damnabantur. Sic denique, vt Cicero lib. 2. de legibus inquit: In omni religione impij, non solum vita cruciati atq; dedecore, verum etiam sepultura, & iustis exequijs caruerunt. Et Eusebius in proœmio libri quarti præparationis euangelicæ indicat, fuisse hoc quoddam ius gentium, vt noua religio reprimeretur, cum eius reprimendæ causa, dicat, vbique scriptas fuisse leges capitales.

34 Huius rei affatim exempla suppetunt, quorum acervatim aliqua memorabimus. Scythæ Anacharsim occiderunt, & regem suum Scylé regno priuarunt, & necarunt, propter externos ritus, vt Herodotus libro quarto scriptum reliquit. Anaxagoras impietatis accusatus est, quod solem lapidem esse dixisset: author Plutarchus libro de superstitione. Athenienses Diagoram philosophum pepulerunt, quia Deos negavit, & omnem eorum opem. Tatianus in oratione contra Græcos inquit: Diagoras Atheniensis erat, sed quod mysteria apud Athenienses profanasset, ab eis punitus est: iidem Socratem damnauerunt, quod nouam religionem introducere videbatur, ac de Atheniensium religionibus detrahebat, sicuti Plato in apologia & epistola septima, & Cicero libro primo de natura Deorum, & Seneca epistola 105. & Iustinus martyr in apologia prima pro Christianis, & innumerabiles alij tradiderunt. [Alciat. lib. 9. parergon. c. 15. & Valerius maxim. lib. 1. c. 1. Suidas verbo, Diagoras.]

35 Alcibiades absens tanquam hæreticus damnatus est, vt Thucydides libro sex-

to & libro octauo, & Plutarchus in eius vita, & Iustinus historicus libro quinto commemorant. Accusatus impietatis Aristoteles, quod cultum Deorum minus probaret, in Chalcidem profugit, vbi diu versatus, cum literis amicorum ad reditum vocaretur, in hunc modum respondit: Ex Athenis quidem recessi, ne causam Atheniensibus darem iterum scelus committendi, sicuti in Socratem commiserunt: neue impie contra philosophum rursus fecisse incusentur. Cuius rei Origenes libro primo contra Celsum, Guarinus in vita Aristotelis, & Crinitus libro decimo de honesta disciplina capite tertio, Laertius alijque meminerunt. Persæ virum alioqui grauissimum Socratem capitis poena damnarunt, quod a Persarum religione ac caeremonijs auersus erat, & uxorem defunctam contra patrium ritum humauit: Testis Procopius libro primo de bello Persico. Prothagoras, Anaxagoras, Anacharsis, & innumerabiles alij, apud Græcos, Scythas & Persas, ob eadem causam varijs tormentis & supplicijs affecti sunt, vt Iosephus libro secundo contra Apionem, Plutarchus in vita Niciæ, Diogenes Laertius in eorum vita, Chrysostomus in priorem Pauli epistolam ad Corinthios, homilia quarta, & Cyrillus libro sexto contra Iulianum, authores sunt. Quid plura? idololatraz, hæretici, Mahumetani, non ob rem aliam tot Christi martyres beatissimos, exquisitissimis pœnis excarnificarunt, nisi quod suis religionibus, sectis, & superstitionibus aduersabantur.

36 Caterum, catholica Christi ecclesia non punit hæreticos, vt eos funditus perdat, sed vt conuertantur, & viuant. Eo enim tendunt argumenta omnia, quibus Augustinus docet, hæreticos puniendos esse. Phreneticus ligandus, inquit, & cor-

& corripiendus est, ne præcipitur : & qui somno lethargico tenentur, excitandi sunt etiam flagellis: Deus quoque nos omnes flagellis corrigit : & pater filios, & pastor item errantia pecora flagello reuocat ad gregem . Præterea, pro hæreticis sunt leges istæ pœnales, quæ illis videtur aduersæ: quoniâ multi per illas correcti sunt, & quotidie corriguntur . Molestus est & medicus furenti phrenetico, & pater indisciplinato filio, ille ligando, ille cædendo, sed ambo diligendo: si autem illos negligent, & perire permittant, ista mansuetudo falsa, crudelitas quidem est. Hæc Augustinus, & alia in eandem sententiam. Diuus quoque Hieronymus ad Riparium scribens, inquit: Non est crudelitas crimina pro Deo punire, sed pietas. [Augustinus epistola. 48. & 50. lib. 3. Regum. c. 20. c. legi. 23. q. 8.]

37 Cuius ille meus Seneca, in libro de Clementia, dixit: In iudicando, siue corrigendo hanc legem princeps quoque sequi debet: ut aut eum, quem punit, emendet: aut pœna eius cæteros meliores reddat: aut sublatis malis securiores cæteri viuant. Ecclesiæ quidem prima intentio est, ut conuertat hæreticos, sicut iam ante dixi: altera, ut hæretici pœna sit metus omnium: ut qui malitia nocuit, supplicij prosit exemplo: ut quos Dei timor a malo non reuocat, temporalis saltem pœna cohibeat a peccato. Lætabitur iustus, inquit Propheta regius, cum viderit vindictam impij, manus suas lauabit in sanguine peccatoris. Non lætabitur iustus, quod insulset peccatoris calamitati, sed quod videat gloriam Dei illustrari, & homines a maleficio deterreri, dum improbi pœnas luunt. [Psal. 58. Chrysostomus ad populum Antiochenum homil. 50. l. 1. C. ad leg. Iulii. repetund.]

38 Sapienter admodum, ut solet, Aristoteles in fine libri vltimi ethic. inquit: Multitudo necessitati potius, quam rationi: & pœnis, quam honestati pareat: idcirco aduersus inobedientes & hebetiores ingenio, castigationes pœnaeque instituere oportet: eos vero qui curari & emendari nequeunt, extrudere & exterminare. Improbis enim dolore afficiendus est, perinde atque iumentum. Nam, ut Fabius ait, qui ratione traduci ad meliora non possunt, solo metu continentur. Et Plato diuinus lib. 12. de legibus: Pœnis maligni vexantur, ut & ipsi, & qui puniri iniquitates viderunt, iniustitiam oderint, aut saltem minus in simili vitio peccent. Theodosius quoque & Valentinianus hæreticos puniebant addita ratione, ut ab errore perfidiæ, si ratione retrahi nequeunt, saltem terrore reuocentur. Et Demosthenes, oratione contra Aristogitonem: Dux res sunt, propter quas omnes feruntur leges: tum ut ne quisquam iniusti aliquid agat, tum ut ijs qui ius violant, punitis, alij meliores reddantur. [Fabius lib. 12. c. 7. leg. 54. tit. 4. lib. 16. C. Theodosiani.]

39 Ad tertiam illam causam ea pertinet, quæ Clemens Alexandrinus prope finem libri primi Stromatum, in hanc sententiam scripta reliquit: Lex eorum, qui ei parent, curam gerens, ad pietatem in Deum instituit, & dictat ea, quæ sunt facienda, & propulsat vnumquodque peccatû: pœnas imponens ijs, quæ sunt mediocria: cum autem viderit aliquem ita se habere, ut videatur immedicabilis, ut pote qui ad extremam prouehatur iniustitiâ: tunc aliorum iam curam gerens, ne ab ipso corrumpantur, tanquam aliquam partem a toto corpore resicans, sic eum qui est huiusmodi, occidit saluberrime. Ac de his quæ nimis fortasse multa.

- 40 Sed quid argumentis opus est? Magistra rerum experientia docet, puniti-
nem hereticorum remedium esse maxi-
mum ad extirpandas hereses: quemad-
modum e contrario, maxima est illece-
bra peccandi impunitatis spes, ut Cice-
ro dixit in oratione pro Milone. Cy-
prius quoque sermone de passione
Christi ait: Facilitas veniæ peccatis la-
xat habenas: & ut inquit Ambrosius,
incentiuum tribuit delinquendi. Et Chry-
sostomus sermone de Absalon: Semper
scelera dum non refecantur, incrementum
& in augmenta facinorum prosilitur,
quoties secuta impunitate peccatur.
Vbi autem experimentum docet, quid
conferat, quid illic opus est speculatio-
nibus? ut Dionysius dixit, lib. 11. anti-
quitatum Romanarum. Et sicuti Cle-
mens Alexandrinus, libro primo stro-
matum inquit: Est vel maxime fide di-
gna probatio, quæ est cum experientia,
quia nihil fere distat a demonstratione.
[c. est iniusta. 23. q. 4.]
- 41 Huius autem effectus testis est diuus
Augustinus in ea epistola, quæ est ad
Vincentium: testis religiosissima Hispa-
nia, cuius plebs inquieta, auida que est
in nouas res, ut ait Liuius, & effrænata
libertatis cupida esse solet, & quæ nisi
paret, imperat: attramen hoc præsentis
remedio quiescit, & catholicam fidem
puram ab hæresibus seruat: quod sane
ad egregiam Hispaniæ laudem pertinet:
quæ, ut Vassæus inquit, Sicut opulentia,
bellica virtute, imperij amplitudine re-
liquas omnes prouincias vel superat, vel
certè æquat: ita religionis antiquitate,
& verè fidei cultu nulli omnino priores
partes concedit. Fuit profecto Hispa-
nia Christianæ religionis semper obser-
uantissima, & fidem catholicam, qua
semel imbuta, syncerissime usque coluit,
hæreticis infestissima. Quotquot in Hi-

spania sunt de rebus fidei cognitores, ea
fide religionem officij seruant, ea inte-
gritate ac vigilantia, ut nemo quisquam
hiscere contra sacrosancta ecclesiæ sta-
tuta quidquam audeat. Alibi forsan
impie facere non licebit, in Hispania ne
loqui quidem nisi pie, conceditur: alibi
errores forte iam nati extirpantur, in Hi-
spania ipsa etiam errorum semina, antea
quam pullulent, opprimuntur. [Au-
gust. epist. 48. Liuius lib. 22. Vassæus
priori tomo chronicorum Hispaniæ.
cap. 9. Godofre. in. leg. vltim. C. de
hæreticis.]

- 42 Sed ad eam partem, ex qua egressi su-
mus, reuertamur: in hæreticos, impios,
& idololatrias vltimi supplicij pœna ius-
tissime constituta est a diuino etiam
legislatore. Nam in Deuteronomio lex
ait: Propheta, qui dixerit, eamus, & se-
quamur Deos alienos, interficietur: quia
locutus est, ut vos auerteret a domino
Deo vestro. Et rursus: Propheta, qui
arrogantia deprauatus, voluerit loqui
in nomine meo, quæ ego non præcepi
illi, ut diceret, interficietur. Itaque Io-
sias & Mathathias plurimos idololatrias
occiderunt, ut in libris Regnorum &
Machabæorum continetur. Et Athe-
nienses quos impietatis damnabant,
lapidibus obruebant, ut est apud Aelia-
num lib. 5. variæ historiæ. [Deute.
13. & 18. lib. 4. Regum c. 23. lib. 1.
Machabæo. c. 2.]
- 43 Quin etiam in lib. Numerorum cap.
25. iratus Dominus contra Iudæos
quia Deos filiarum Moab adorauerant,
& initiati erant Beelphegor, dixit ad
Moysen: Tolle cunctos principes po-
puli, & suspende eos contra solem in
patibulis. Et Phinees virum & mu-
lierem ob eam causam pugione per-
fodit. De qua re differens Philo in pri-
mo libro de monarchia, inquit: Qui
a pie-

pietate deficiunt, plectendi sunt poena ultima, quod tenebras praeponant luci clarissimae, & data opera mentem excæcant, cum potuerint verum cernere. Permissum est autem cuius bene nato educatoque a talibus sine mora poenas sua manu exigere, non expectato assensu senatus & iudicum, imo ne delato quidem nomine: & sequi animi amanti Deum, infestique vitij impetum, concitati aduersus impios nulla dignos clementia, semel accepta potestate senatus, iudicum, prætorum, tribunorum, accusatorum, testium, legum, populi: vt absque omnibus impedimentis intrepide pro pietate decertare liceat. Et Paulus apostolus in epistola ad Hebræos c. 10. hoc argumento vtitur: Irritam quis faciens legem Moyfi, sine ulla miseratione, duobus vel tribus testibus moritur: quanto magis putatis, deteriora mereri supplicia, qui filium Dei conculcauerit, & sanguinem testamenti pollutum dixerit, in quo sanctificatio est, & spiritui gratiæ contumeliam fecerit?

44 Celeberrimi quoque philosophi in eadem sententia sunt. Plato quidem lib. 10. de legibus, impios non vna morte dignos esse censuit, sed pluribus. Isocrates in Panathenæico dixit: Existimo, confessione omnium, pessimos viros esse, grauissimæque poena dignos, qui res ad hominum salutem inuentas, ad aliorum perniciem conuertunt: neque ijs contra barbaros, neque contra delinquentes, sed contra coniunctissimos, & cognatos suos abutuntur: quod hæretici omnes proculdubio faciunt. Et idem Isocrates in oratione contra Locrum: Aequum est, eos qui id violant, quod maximi facitis, grauissimo supplicio affici a vobis. Prætereo sciens alios.

45 Quamuis autem pluribus modis vlti-

mum supplicium irrogetur: impij tamen hæretici generali omnium consuetudine comburi solent: quod iustissimum quidem est, tamen quidam dissentiant. [Hostien. Ancha. Ioan. And. Card. Henri. & cæteri in. c. ad abolendam, de hæret. Brunus lib. 5. c. 3. Areti. & Alciat. in. l. 1. C. de summa Trinit. Bertradius consilio. 212. lib. 2. Alfonsus lib. 2. de iusta hæretico. punitio. cap. 12. Corasius lib. 3. miscellane. cap. 8.]

46 Nec iniqua est ea consuetudo, sed iuri diuino consonat. inquit enim Saluator noster: Si quis in me non manserit, mittetur foras sicut palmes, & arefcet, & colligent eum, & in ignem mittent, & ardet. Et Paulus in epistola quæ est ad Hebræos: Terra proferrens spinas ac tribulos, reproba est, & maledicto proxima, cuius consummatio in combustionem. Huiusmodi terra est animus hæreticorum, quæ tribulos & spinas proferret, suffocantes verbum Dei. Et ignis egressus a Domino interfecit impios, qui recesserunt a Moyse. [Ioan. 15. ad Hebræos. 6. Nume. 16.]

47 Quamobrem antiquissima est poena ignis aduersus impios & hereticos, vt ex actis Chalcedonensis concilij satis constare potest. Illic enim episcopus Alexandrinus dixisse traditur: Si Eutyches præter dogmata ecclesiæ sapit, non solum poena dignus est, sed & igne. Anatolium quoque hæreticum igni viuum combusserunt, vt Nicephorus prodidit lib. 18. ecclesiast. hist. cap. 4. Gregorius quoque lib. 1. dialogorum refert, Basilium magum Romæ fuisse combustum, & rem gestam laudat. Et propter impiam atque scelestam disciplinam Templarij cōcremati fuerunt, vt Petrus Crinitus & Paulus Aemilius & Gaguinus in vita Philippi Pulchri authores sūt. & Basilus hereticus cōmuni suffra-

gio combustus fuit, sicuti Zonaras retulit in imperio Alexij Comneni: alibi quoque hæretici iam olim viui cremati sunt, quemadmodum Paulus Aemilius lib. 6. de rebus Francorum retulit. Itē constitutionibus Siculis cauetur, vt viui hæretici in conspectu populi comburantur, flammarum commissi iudicio. Quod legibus quoque Hispanis constitutum, & consuetudine iam pridem receptum est. Accedit etiam quod eadē pœna ethnici & hæretici catholicos punire solebant, vt Eusebius, Ruffinus, Sozomenus, Nicephorus, ac Theodorus in ecclesiastica historia locupletissimi testes sunt. [actione. 1. Synodi Chalcædonen. Grego. lib. 1. dial. c. 4. constitutio. Sicilia lib. 1. tit. 1. regia. l. 2. titu. 26. parte. 7. & l. 2. tit. 1. lib. 4. fori legum. 2. Machabæo. 6. Eusebius lib. 4. histor. eccles. c. 15. & lib. 5. c. 3. & lib. 6. c. 31. & lib. 8. cap. 11. Ruffinus lib. 11. eiusdem operis. cap. 2. Sozomenus lib. 6. historię tripartitæ. c. 9. & 11. Theodorus eodē lib. c. 16. Pet. Crinitus lib. 1. de honesta disciplina c. 13. & lib. 24. c. 13. Paulus Aemilius lib. 8. Nicephorus lib. 3. c. 35. & lib. 5. c. 30. & c. 31. & lib. 7. c. 10. & sæpe alibi.]

- 48 Igne igitur extirpanda est hæretica pestis: ne nobis Deus irascatur, si hæreticos dimittimus impunitos. Iuxta quod imperator Theodosius inquit: Vnde ver solitam gratiam abiurauit? vnde æstas messe ieiuna laboriosum agricolam in spe destituit aristarum? vnde hyemis intemperata ferocitas vbertatem terrarū penetrabili frigore sterilitatis læsione damnauit? nisi quod ad impietatis vindictam transit lege sua naturę decretum? Quod ne posthac sustinere cogamur, pacifica ultione pianda est supremi numinis veneranda maiestas. Hæc ille: qui eandem illam constitutionem

his verbis exorditur: Inter cæteras sollicitudines, quas amor publicus peruigili nobis cogitatione indixit, præcipuā imperatoriæ maiestatis curam esse perspicimus veræ religionis indaginem: cuius si cultum tenere potueris, iter prosperitatis humanis aperimus inceptis. Et post aliqua: Præterea præcipimus, vt quicumque seruum seu ingenuum inuitum, vel suasionē flectendo ex cultu Christianæ religionis in nefandam sectam, ritumue traduxerit, cum dispensio fortunarum capite puniatur. Et paulo post: Cernat præterea, bona sua proscripita, pœnæ mox sanguinis destinandus, qui fidem alterius expugnauit peruersa doctrina. Lex profecto Hispano imperatore digna: vt enim Honorius & Theodosius aiunt, Grauius est morte, & immitius cedere, si quis ex Christiana fide incredulitate Iudaica polluitur. Addo Leonem magnum quodam loco dicentem: Diligenter attendite fratres, & scitote, aliud esse in Deum peccare, aliud in hominem. Quando enim in nos peccant homines, si pœnitentibus veniam non indulgemus, peccatū incurrimus: quando aliquis in Deum peccauerit, si sine grandi districtione indulgere voluerimus, participes nos peccatis eorum efficimur. Quæ sententia Cyrilli quoque fuit libro sexto in euangelium Ioannis. c. 9. [C. Theodosi. titu. de Iudæis. l. 1. & li. 16. titu. 6. l. 75. Leo sermone de martyribus.]

49 Hac autem pœna ignis hæretici tantūmodo relapsi, pertinaces, & impœnitentes puniuntur: nam alij omnes hæretici salutari pœnitentia iniuncta, ecclesiæ catholicæ gremio benigne admittuntur excipiuntur. Nec enim hæretici, etiam pertinaces, statim in ignem mittendi sunt: sed prius moneri sæpe debent, & viris religiosi & eruditissimis colloquen-

quentibus, de statu causæ, & animæ salute illis consulendum est: nec protinus audiendi sunt perire volentes, sed sententia differri debet, ut hæreticus furor elanguet, donec ut Lucanus cecinit, *Deferat hic feruor mentes, cadat impetus amens,*

perdant, velle mori.

Nam sicut alius ait:

Nulla vnquam de morte hominis cunctatio longa est.

Eteo magis, quod de morte animarum æterna dilatio & cunctatio est. Quod si diutius in errore permanferit hæreticus pertinax, tunc lata sententia, qua de claretur hæreticus, iudici seculari relinquendus est, qui confestim illum condemnare, & in ignem mittere debet: pertinaces autem viui cremari, alij vero antequam comburantur, strangulari solent. [Quod Leyua quoque; noster lib. 2. variar. resolutio. retulit. c. 10. Lucanus lib. 5. c. ad abolendam. de hæreticis. quinta instruct. Hispal. c. 9. Alfonsus. lib. 2. de iusta hæreti. puni. c. 1. Hermas lib. 2. de instau. religio. c. 15. Godofredus in l. 4. C. de hæreti.]

50 Adde etiam, quod aduersus pertinaces & manifestos hereticos iustissima est belli causa: quia sunt orthodoxorum hominum hostes omnium perniciosissimi. Indictio autem eis bello, cuiunque licebit spoliare, comprehendere, atque occidere illos: & ciuitates eorum ferro & igne depopulari. Præterea, Innocentius tertius constituit, ut catholici, qui crucis assumpto character ad hæreticorum exterminium se accinxerint, illa gaudeant indulgentia, illoque sancto privilegio sunt muniti, quæ accedentibus in terræ sanctæ subsidium conceduntur. [Deut. 13. c. si audieris. c. si vos. 23. q. 5. c. excommunicamus. §. catholici. de hæreticis. Hostien. in summa. tit.

de hæreti. §. qualiter. Raymundus quoque; §. sed nunquid. Ioan. And. Ancha. & ceteri. in c. præfidentes. de hæreti. lib. 6. Alex. Ales. 2. parte q. 181. membro. 11. Gonsalus de hæreti. prau. q. 14. Alfonsus lib. 2. de iusta hæreti. punitio. c. 14. Hermas lib. 2. de instaura. religio. c. 13. Brunus lib. 3. de hæreti. cap. vlti. & lib. 5. cap. 16. Ludo. Carerius de hæretic. num. 148.]

51 Item, prægnans mulier etsi heretica sit vel suspecta, nec punienda tamen, nec excrucienda est quoad pariat. Quod antiquissima Aegyptiorum lege cautum erat: existimabant enim, penitus iniquum esse, eum qui nihil commisisset, vna cum facinoroso poenam pati: aut duos plecti, cum vnus deliquisset. Insuper, cum sola peccasset mater, minime equum censebant, filium patri matrique communem luere maternam poenam. Cuius legis meminit Diodorus Siculus lib. 2. & Plutarchus libro de sera numinis vindicta, dicens, eam quoque Græcis transcriptam fuisse: a quibus, ni fallor, ad Romanos translata fuit, & ab illis in Hispanos deriuata. [l. prægnantis. de poenis. l. 2. ff. de mortuo infer. l. 1. §. & generaliter. de ven. in possessio. mittent. l. regia. vlti. tit. 31. par. 7. Chrysostomus hom. 5. de poenitentia. Clemens Alexandrinus lib. 2. Stromatum.]

52 Ad poenam quoque pertinet, & hæreticorum odium, quod fides illis data seruanda non est. Nam si tyrannis, piratis, & ceteris publicis predonibus, quia corpus occidunt, fides seruanda non est, longe minus hæreticis pertinacibus, qui occidunt animas: porro fieri non potest incolumibus viris huiusmodi, quin simplices fidelium animæ capiantur. At graue est fidem fallere: verumtamē (ut Marius Salomonius ait) promissa contra Christum fides, si præstetur, vtiq; perfidia

perfidia est. Iure igitur heretici quidam grauisimo concilij Constantiensis iudicio legitima flamma cōcremati sunt, quamuis promissa illis securitas fuisset. Sed Iacobus Menochius, non male probat, concilium Constantiense nihil fecisse contra saluum conductum, qui seruandus omnino est, cum a principe vel a publica potestate fuerit illis cōcessus, ut paulo post adiungam. Beatus quoque Thomas censet, hereticum indocilem prodendum esse iudicibus, non obstante fide, & iuramento, quibus catholicū astrinxerit. [Concilium Constantiense canone. 6. Salomonius in l. 2. §. exactis. de orig. iur. Tho. 2. 2. quæstio. 70. arti. 1. & quæstio. 40. articu. 3. Cicero lib. 3. offic. c. pen. Ambrosi. lib. 1. offi. c. 29. Bar. in quæstio. Lucanæ ciuitatis. & in l. conuentionum. de pactis. & illie Fortunius & ceteri. Menochius consil. 180. nu. 225.]

- 53 Accedit eodem, quod cum hereticis nullum commercium, nec pax vlla catholicis esse debet: quamobrem fides illis data, etiam iuramento firmata, cōtra publicum bonum, contra salutem animarum, contra iura diuina & humana, nullo modo seruanda est. In malis promissis, inquit Isidorus, rescinde fidem: & iuramentū esse non debet vinculum iniquitatis. Accedit etiam, quod pax & communicatio cū hereticis pertinacibus, iniusta & impia est: nec enim omnino pax esse potest, quæ hereticorum simul & catholicorum professione permixta, cunctas religionis veræ & synceræ sedes semper turbauit. Vnde Gelasius Papa ab Anastasio imperatore infirmulatus, quasi pacem detrectaret, quam ipse cum hereticis, iniquis tamen conditionibus facere instituerat, qualis ea esset pax, his verbis demonstrat: Ergo, inquit, gloriose imperator, nolo

ego ecclesiarum pacem, quam etiam si cum mei sanguinis impendio prouenire possit, amplecterer? Sed precor te cuiusmodi debeat esse pax ipsa, non utcunque, sed veraciter Christiana mente libremus. Quomodo enim potest esse pax vera, cui charitas intemerata defuerit? Charitas autē qualiter esse debeat, nobis euidenter Apostolus prædicat, qui ait: Charitas de corde puro, & conscientia bona, & fide non ficta. Quomodo, quæso, de corde erit puro, si contagio inficiatur externo? quomodo de conscientia bona, si prauis fuerit malisque commixta? quomodo fide non ficta, si maneat sociata cū perfidis? Quæ cum a nobis sæpe iam dicta sint, necesse est tamen incessabiliter iterari: & tādū non tacere, quandiu nōmen pacis obtenditur: ut nostrum non sit (ut inuidiose iactatur) facere pacē, sed talem velle doceamus, qualis & sola pax esse, & præterquam pax nulla esse monstratur. [c. in malis. c. inter cætera. 22. q. 4. l. generaliter. de verbo. obligatio. c. non est obligatorium. de regul. iuris. Gelasius tomo de vinculo anathematis: Brunus lib. 3. de hereti. cap. 14. cum sequent.]

- 54 Si tamē fides hereticis data esset a principe vel publica potestate: exacte seruanda esset: si modo quod addixisset, non sit de illo genere rerum, quas lex aut inspirata, aut naturalis vetat præstare. Non enim videtur esse vetitum, eorum quæ ad naturæ, aut gentium ius attingunt, habere cum heretico commercium, præsertim quod incolumi religioni haberi possit: quia possibile esset ut per pia monita, etiam pertinacissimus ad saniolem mentem redeat: quod tamen priuatus inuito superiore seruare non teneretur: publica namque auctoritas nullius partis suæ, siue magnæ, si-

ue parum, sed a Dei voluntate, imperioque dependet: contra, ab istius imperio pedit omnium, & singulorum, qui sub eo comprehenduntur, voluntates. Quamuis autem hæreticus magis vitandus sit, quam reliqui religionis hostes, qui permitti queunt ex causa in Christiana republica commorari: nam ritibus nostris inspectis, suaque religione cum nostra discussa, spes est piorum hominum monitis ad nostram societatem posse perducere: hæreticus tamen nullo modo in nostræ religionis republica erit admittendus: tam propter infatigabile alios corrumpendi studium, quam propter fucatisimæ impietatis, ideoque perniciosissimæ, latius & latius semper serpens contagium, sub pulcherrimæ (quod periculosissimum est) Christianæ pietatis prætextu: ut difficile sit nō tentari, peneque impossibile non inquiri. [Hermas lib. 2. de instaur. religio. c. 14. & c. 6.]

55 Poena igitur ignis puniri debent hæretici: aut si id fieri non possit, certe amandandi & expellendi sunt, bonis etiam publicatis. Quod legibus regum Gothorum iam olim in Hispania cautum fuisse legimus: confiscabantur enim hæreticorum bona, & honore ac dignitatibus exuti, perpetuo exulabant: nec enim vlla communicatio catholicis esse debet cum impijs & hæreticis, ut sepissime diximus. Vnde fit, ut omnia commercia sint hæreticis interdicta: nec eorum contractus, aut voluntates vlumque, nec alia eorum acta rata sint, nec ex testamento alterius quippiam accipere queant, præsertim cum manifesti, aut conuicti fuerint. [regia. l. 2. tit. 2. lib. 12. legum Gothicarum. l. Manichæos. l. Arriani. C. de hæreticis. Brunus. lib. 5. de hæreti. c. 14. & lib. 6. c. 3. cū seq. regia l. 4. tit. 3. parte. 6. & l. 4. tit. 26. parte. 7.]

56 Inde etiam fit, ut quidquid hæreticis relinquitur, fiscus rapiat, si modo scilicet illis relictū fuerit: nam si quis ignorans aliquem hæreticum esse, heredem illum instituerit, probabilius est, ut pro non scripta sit institutio, & hereditas proximioribus defuncti consanguineis deferatur: quemadmodum Baldo, & quibusdam alijs placere video, quibus assentior. Nam si episcopus, aut alij clerici hæreticos, etiam consanguineos, hæredes instituerint, anathemandi sunt, & illorum nomina delenda: id tamen locum non habet in his, qui ignorantes illos hæreticos esse, eosdem hæredes instituerunt. [regia. l. 16. tit. 6. lib. 3. fori legum. Bald. in l. eam quam. C. de fideicommissis. Ancha. & Imolen. in c. 2. de testa. Alex. in l. 1. C. de hered. instit. c. si quis episcopus. c. in eos. de hæreti. & illic Ioann. de Ana. Feli. in c. 2. de hæret. lib. 6. Bal. consil. 334. lib. 2. Brunus lib. 5. de hæreti. c. 11. & Ludo. Care. eod. titu. nu. 151.]

57 Hinc & illud est, quod hæretici repelluntur ab accusatione, ac testimonio, & ab omnibus iudiciorum actis, & omnino ab omni actione: nec audiendi sunt in iudicio si quid velint exigere: quia excommunicati sunt, & iuribus atque actionibus ipso iure priuati. Quamobrem exceptio hæresis omnem actionem excludit, sine qua nemo recte experiri solet. [cap. pagani. c. alieni. cap. non potest. 2. quest. 7. l. quoniam. C. de hæretic. cap. excommunicamus. eod. tit. cap. intelleximus. de iudic. l. si pupilli. §. videamus. de negot. gestis. cap. cum secundum. de hæretic. lib. 6. glos. & Præpositus in cap. quo iure. 8. distinction. Ripa. in l. naturaliter. §. nihil commune. de acqui. posses. Brunus. lib. quinto. de hæretic. cap. 10.]

58 Hæretici

- 58 Hæretici iudices esse non possunt, quia infames sunt & excommunicati, & omni dominio ac iurisdictione priuati. [c. vlti. de hæret. lib. 6. l. vlti. C. de Iudicis l. 1. titul. 2. lib. legum nouellarum Theodosij.]
- 59 Quod si Philippus magni Alexandri pater, iudicem quendam officio recte priuauit, quia capillos inficere solitus erat: quanto iustius a iudicandi munere repellendus hæreticus est? Memorat Plutarchus in apophthegmatis, quod cū Philippus quēdam ex Antipatri amicis iudicum numero ascripisset: posteaquā & barbam, & capillos eum sibi inficere fecerat, remouit: quod diceret, eum qui in capillis infidus esset, dignum nō esse, cui in negotijs fides haberetur. Qui in pilis, inquit, infidus est, qualem in negotijs remur futurum? Cui confine est, quod Archidamus Lacedemoniorum rex in Cæum senem dixisse aiunt: Quid hic sani diceret, cuius non solum animus, verum etiam caput fucis contaminatum est? author Aelianus lib. 8. variæ historiæ. [Vide Clementem Alexandrinum. lib. 3. pædagog. c. 3. Ludo. Cælium lib. 18. c. 11.]
- 60 Tum illud addo, quod maiores nostri in quarto concilio Toletano dixerunt: Non potest erga homines esse fidelis, qui Deo extiterit infidelis. Nec mirum est, inquit Theodoritus, vt hæretici qui sic insaniunt aduersus Deum & sanctā ecclesiam, licenter etiam alias transgrediantur leges. Quamobrem iure laudatur Theudericus Afer, qui (vt apud Nicephorum est) cum diaconum haberet orthodoxum, a se admodum dilectum, & in Arrianisimum conuersus esset, vt eidem Theudericico faueret, gladio eum interemit, dicens: Si Deo fidē synceram non seruasti, quomodo mihi, qui homo sum, conscientiam sanam præstabis? [c. non potest. 2. questio. 7. Theodoritus. lib. 2. historiæ tripar. c. 22. Nicephorus. lib. 16. historiæ ecclesiasticæ. c. 35. Zonaras tomo. 3. annaliū. in imperio Anastasij Dicori.]
- 61 Ad hæc, hæretici, aduocati, tabelliones, aut procuratores esse non queunt, nec omnino publicum aliquod officium gerere: sunt enim infames & excommunicati, & nullum cum eis commercium debet esse catholicis. [c. nulla officia. 54. distinct. c. infames. 6. q. 1. c. alieni. 2. q. 7. Brunus. lib. 5. de hæreti. c. 9.]
- 62 Item hæretici nullam habere possunt ecclesiasticam potestatem: quia diuisi sunt a capite illo, vnde omnis auctoritas & potestas in membra influit ad edificationem totius corporis ecclesiastici: & quia subiectos non habent, in quos iurisdictione vti possint, cū ab eis liberati sint ipso iure, vt etiam ante dixi. [c. dicimus. c. pudenda. 24. q. 1. c. præter. 32. distin. c. verbum Dei. cum seq. de poenitentia distin. 1. Cyprianus epist. 6. lib. 1. Torquemada lib. 4. de eccle. 2. parte. c. 18. & seq. Pighius li. 4. hierar. ecclesiasti. c. 8.]
- 63 Alijs quoque beneficijs omnibus & iuribus ecclesiasticis priuati sunt hæretici: ex quo fit, vt ius patronatus habere non queant: quia rerum ecclesiasticarum capaces non sunt, & omnibus omnino beneficijs habentur indigni. Quas ob res nec impetrare possunt beneficium annualis possessoris, nec defenduntur sedis apostolicę regulis. [Lamberti. li. 1. de iure patron. parte. 1. quest. 1. art. 7. Ludoui. Gomes in regula cancellarię de annali possessore quest. 3. & 52. & in regula de triennali. q. 52. Brunus lib. 5. de hæreticis. c. 7.]
- 64 Item, illud in odium & poenam hæreticorum constitutum est, vt eodem tempore contra eundem hæreticum plures ac di-

ac diuersi iudices procedere possint : & ut hæreticus teneatur contra seipsum edere libros, & probationes ad confirmandam intentionem accusatoris. [c. per hoc. de hæreti. lib. 6. Clem. 1. & extrauag. ex co. eiusdem titu. Ponzini. de lamijs. num. 74. Ludo. Gomes. in. c. dispendia. de rescript. lib. 6. nu. 18. interpretes. in. c. cum parati. de appellat. Iacoba. lib. 2. de concilio. arti. 5. Almainus de suprema potestate laica. quæst. 3. c. 8. de libris edendis. glo. & Philipp. Francus in. c. ut commissi. de hæretic. lib. 6. Purpuratus in. l. vltim. C. de eden. Nicol. Arelata. de hæreticis, notab. 21.]

65 Adde etiam, quod hæreticus ad ecclesiam fugiens non defendetur præsidio sanctitatis loci, idest, immunitate ecclesiarum : tum quia contra ecclesiam delinquit: tum etiam, quia per insidias multorum animas inficit, & occidit. Nā ut Augustinus inquit, Veneno falsæ, perniciosæque doctrinæ animas, multo infelicius, quā barbaricus gladius, trucidant. Quamobrē Gundemirus Gotthorū rex, qui hāc immunitatē Hispaniarū ecclesijs ante nongentos annos concessit, tria hominum genera excepsisse dicitur : scilicet, latrones, proditores, & hæreticos, ut in eius vita Petrus Medina memorat. [c. vlti. de immunit. ecclesia. c. 1. de homicidio. Augustinus Hieronymo epist. 28. Gōsalus de hæreti. prau. quæst. 11. Hippolyt. in. l. ex senatus consulto. de sicarijs. Boherius decisio. 110. Remigius Gonni. de immunita. ecclesiar. fallentia. 18. Couaru. lib. 2. resolutio. c. vlt. Petrus Medina lib. de memorabilibus Hispaniæ cap. 18. Vide Alfonso Tostadam. Exod. 22. quæst. 16. & Iosue 20. quæst. 3. cum. seq. Catell. Cottam in memorabilibus, verbo, asylum. Alciatum. lib. 3. præsum-

ptio. c. 33. & lib. 7. parergon. c. 6. Corasium lib. 5. miscellan. c. 23.]

66 Præterea, hæretici perpetua notantur infamia : quæ pœna viris bonis est maxima : honor enim, ut Aristoteles ait, maximum bonorum externorum, & proprium virtutis præmium est : e contrario autem infamia peccati comes, & propria pœna est. Nec immerito hæreticis & infamibus portæ dignitatum omni iure clauduntur. [authe. Gazaros. C. de hæretic. c. infames. 6. quæstio. 1. c. alieni. 2. q. 7. c. infamibus. de regul. iuris. c. 2. §. hæretici. de hæreti. lib. 6. Arist. 4. ethic. c. 3. l. isti quidē. quod met. causa. Brunus. lib. 5. de hæreti. c. 8.]

67 Et quamuis in omnibus fere criminibus alia pœna nobiliores, alia plebei puniri soleant : in crimine tamen hæresis eadē omnibus pœna sine delectu personarum constituta est. Solent quidem apud plerasque nationes aliter honestiores, aliter fordidiore puniri : de Memnone Thessalo Xenophon loquēs, libro secundo de expeditione Cyri minoris, inquit : Interemptis vero ijs, quos ante dixi, prætoribus, eo nomine quod Cyrum contra regem iuuissent, cum eiusdem criminis esset damnatus, non statim tamen, neque eodem mortis genere sublatus est : non enim ei, ut cæteris, est caput a ceruicibus abscissū (quod supplicij genus honestissimū habetur) sed quod eius sceleris dignum fuit, regis iussu, multis corporis cruciatibus laceratus, vix anno exacto exanimatus est. Item Hirtius lib. 6. de bello Hispaniensi, his verbis militum & seruorum pœnam distinguit : Serui sunt in crucem sublati, militi ceruices abscissæ. Eusebius quoque lib. 5. ecclesiasticæ historiæ : Rursum cruces, rursum pœnæ, rursum tormenta reparantur : & si qui forte ciues Romani reperti sunt, hos

AAA plesti

plecti capite decernit, cæteros vero be-
stij tradit. Sic etiam legibus Hispaniæ
nobilium ceruices amputantur, plebei
vero furcis suspenduntur. [Eusebius
lib. 5. c. 3. l. moris. §. sed enim. de pœ-
nis. l. Pedius. de incen. ruina. naufra.
regia. l. vltim. titul. 18. parte. 1. & l.
24. tit. 22. parte. 2. l. 3. & inibi glos.
de re mili. Bart. in l. capitaliū. §. serui
cæsi. de pœnis. Tiraquel. de nobilita.
c. 20. nume. 104.]

- 68 Cæterum nobilis in hæresim incidens,
infamis & vilis erit, & plebeiorum pœ-
na puniendus: nec enim vlla differentia
est in rebus fidei & religionis inter ma-
gnos & paruos, inter nobiles & ignobi-
biles. Etenim in vno spiritu omnes nos
in vnum corpus baptizati sumus, siue
Iudæi, siue Gentiles, siue serui, siue li-
beri, vt Paulus apostolus in epistola ad
Romanos scriptum reliquit. Et iterum
ad Galatas scribens ait: Non est Iudæus,
neque Græcus: non est seruus, neque
liber: non est masculus, neque fœmina:
omnes enim vos vnum estis in Christo
Iesu. Et alibi: Non est Gentilis & Iu-
dæus, circumcisio & præputium, barba-
rus & Scythæ, seruus & liber: sed omnia
& in omnibus Christus. Hieronymus
quoque in epistola ad Celantiā inquit:
Nescit religio nostra personas accipere,
nec conditiones hominum, sed animos
inspicit singulorum: seruū & nobilē
de moribus pronunciat: Summa apud
Deum est nobilitas clarum esse virtu-
tibus. Et Chrysostomus in epistolam
ad Romanos sermone secundo: Vbi fi-
dei nobilitas quæritur, ibi nemo bar-
barus, nemo Græcus, aduena nemo,
nemo ciuis, sed in eandem simul omnes
ascenderunt dignitatis excellentiam. Et
sermone decimoquarto: Nobilitas no-
stra ex se est. Cum igitur nobilis æqua-
lis plebeio sit in rebus fidei & religio-

nis, & eadem pœna contra omnes hæ-
reticos constituta sit, relinquitur plane,
quod perinde puniendus est hæreticus
nobilis, atque plebeius: & eo magis,
quo grauior & perniciosior est nobiliū
hæresis, magisque reipublicæ nocet.
Nam vt eleganter ille cecinit.

*Omne animi vitium tanto conspectius
in se*

*Crimen habet, quanto maior qui pec-
cat habetur.*

- Et lex Honorij atque Theodosij ait: Pa-
res cæteris sint, quibus pares sunt in
dogmatis prauitate. Et alia lex inquit:
Quos par facinus coinquinat & æquat,
vtrosq; similis pœna comitetur. [l. 49.
tit. 4. lib. 16. C. Theod. & l. 1. titul.
27. lib. 9. eiusdem operis. l. si quenquā.
C. de episcopis & cleri. l. nec infames.
C. de decurio. lib. 10. ad Roman. cap.
10. ad Galatas. 3. ad Colof. 3. Origenes
li. 1. in Iob. col. 18. Cyprianus. tractat.
contra Demetrianum. Lactantius. lib.
5. diuina. institutio. cap. 15. Nazianzen.
oratione 24. l. quædam. de pœnis. l. 2.
ff. de re milita. c. nulli fas. 25. quæst.
1. c. quia sanctitas. 50. distin. cap. cum
quidam. de iure iuran. & illic Felinus
colu. 3. Archidia. in. c. qui contra. 24.
quæst. 1. Tiraquel. de nobilitate. c. 20.
nume. 118. & lib. de pœnis, causa. 31.
nume. 25. & 34. Brunus lib. 5. de se-
ditio. cap. 4.]
- 69 Quod si clericus in hæresim incidat,
& pertinax sit, relapsus, vel impœ-
nitens, degradandus est, & iudici se-
culari relinquendus: tunc autem rea-
lis regradatio, siue refectio, fieri de-
bet ab episcopo loci ordinario, cōuo-
catis abbatibus, alijsque prælatis, &
religiosis ac doctis viris. Verum hæc
exauguratio fieri non debet in alijs cri-
minibus ab vno tantum episcopo, nisi
cum reus constitutus est in minoribus
tantum

tantum ordinibus: in maioribus enim vnus episcopus non sufficit, præterquam in crimine hæresis. Sed hodie ab vno episcopo duntaxat degradatio fieri potest. [Concil. Tridentin. sess. 13. cap. 4. cap. ad abolendam. cap. excommunicamus. §. 1. cap. penul. de hæretic. c. 1. & inibi interpretes. de hæret. li. 6.]

70 Per hanc autem degradationem clericus ordine, dignitate, & omni priuilegio exuitur: & fieri exauthoratio debet cum solenni detractioe insigniū clericalis militiæ: qua quidem a militia sacra missus, & exauthoratus omni priuilegio clericali destituitur, ademptis singulis ornamentis, ad eius, qui exaugurandus est ordinem pertinentibus: quæ omnia solemniter fieri debent coram iudice seculari: cui degradatus est relinquendus, sed non tradendus. Quinimo iudices ecclesiastici pro eo efficaciter intercedere debent, vt secularis sententiam & pœnam citra mortem moderetur. [cap. nouimus. de verb. signifi. c. degradatio. de pœnis. lib. 6. l. qui de libertate. ff. de libertate. l. proditores. ff. de re milit. l. 2. de his qui not. infam. Cyprianus epistola. 1. lib. 2. Lucas in. l. 1. de priuilegi. schola. lib. 12. Bertachin. tract. de episcopo. lib. 5. ad finem. Albertinus in c. 1. de hæretic. lib. 6. Brunus lib. 4. de hæreticis. cap. 13.]

71 Præterea, clerici hæretici non solum bonis omnibus temporalibus priuati sunt, verum etiam dignitatibus, beneficijs, & sacerdotijs, alijsque stipendijs ecclesiasticis. Diœcesani tamen requirendi sunt ad priuationem beneficiorum, nisi forte constiterit, eos scilicet hæreticis illa contulisse. [cap. vt commissi. §. priuandi. de hæretic. lib. 6. cap. ad abolendam. cap. excommunicamus. §. credētes. de hæretic. li. 5.]

72 Sed hinc exoritur quæstio, an isti hæretici beneficijs ecclesiasticis priuati sint ipso iure, vel sententia iudicum sit necessaria. Multi dicunt sententiam priuationis non esse necessariam: sed Alfonsus Castrensis, ait, necessariam esse sententiam: quia nusquam inuenitur hæc pœna constituta verbis significantibus sententiam ipso iure latam. Cui ego vehementer assentior: tum quia semper sententia, saltem declaratoria, necessaria est, vt alibi ostendimus: tum etiam quia hæc opinio æquior & benignior est. Adde, quod frustra requirendi essent ad beneficiorum priuationem diœcesani, si clerici iure ipso priuati forent, & sententia iudicum necessaria non esset. [Compositel. in. c. quod sicut. de electio. Præpositus in cap. quo iure. 8. distinct. & in cap. vlti. 19. distin. Felinus in. cap. 2. de rescrip. Anchara. & Nicol. de Milis, & Ioan. Bernard. qui eos citat in practica criminali. cap. 106. Alfonsus contra, lib. 2. de iusta hæretic. puniatio. cap. 9.]

73 Item absoluti sunt a debito fidelitatis, dominij, & omnis obsequij, quicumque lapsi manifeste in hæresim, aliquo pacto, quacunque firmitate vallato, tenebantur astricti: quemadmodum Gregorius nonus constituit. Vnde relinquitur, quod is apud quem hæreticus quippiam deposuerit, non tenebitur post manifestam hæresim depositam rem illi reddere, sed fisco petenti. Præterea, custodes arcium & quicumque Vassalli eadē constitutione liberati sunt a vinculo sacramenti, quo dominis fidelitatem promiserant. Quin etiam catholica vxor hæretico viro debitum reddere nō tenetur. [c. vlti. de hæret. l. bona fides deposi. c. illa. de diuortijs. Alfonsus li. 2. de iusta hæret. puniatio. cap. 7.]

- 74 Ex eiusdem Gregorianæ constitutionis verbis constat, hæreticum esse priuatum omni dominio, scilicet, naturali, ciuili, & politico: naturali, quod habet in filios, nam propter hæresim patris efficiuntur filij sui iuris: ciuili, quod habet in seruos, ab eo enim serui liberantur: politico, quod rerum domini habent in subiectos, quo hæretici quoque priuantur. [c. vlti. de hæreti. c. 2. §. vlt. c. cum secundum. de hæreti. lib. 6. l. Manichæos. C. eod. tit.]
- 75 Quæsitum scio, an regnum hæretici regis, qui superiorem non habet, confiscari queat. Causa dubitationis oritur ex hoc, quod bona hæreticorum deferuntur fisco domini superioris: quamobrem Alfonsus Castrensis censet, regnum illud ad filium regis catholicum pertinere, perinde ac si hæreticus defunctus esset. Quod si filius, & proximiores consanguinei hæretici quoque sint, regnum ipsum catholicum posset regē orthodoxum eligere. Si vero regnum hæreticum esset, electio regis catholici ad summum Pōtificem perungeret. Hęc est Alfonsi nostri sententia, quæ mihi quidē non displicet: addo tamen quod regnum illud potest a catholicis occupari. [c. vergentis. de hæreti. l. Gallus. §. & quid si tantum. de libe. & posthu. c. grandi. de supplen. negligē. prælato. c. alius 1 §. q. 6. Aluarus Pelagius lib. 1. de planctu ecclesiæ. arti. 56. Alfons. lib. 2. de iusta hæreti. puni. c. 7. Bal. in l. 1. C. de emancipa. libero. Corsetus de potestate regia. q. 76. Godofre. in authen. si vero. C. de hæreti.]
- 76 Suspecti autem de crimine hæresis puniri poterūt pœnis pecuniarijs arbitrio inquisitorum: quod tum demum fieri solet, cum reus est vehemēter suspectus, & propter ætatem, vel valetudinem, vel aliam causam, nec torqueri, nec purgari potest: nam tunc trahitur cum alijs reis in publicum, indutus habitu pœnitentiæ, & abiurat solemniter, & tertia parte bonorum mulctatur, plus minusue, arbitrio iudicum. Sed has pœnas applicare debent expensis officij sanctę inquisitionis: nec eas accipere possunt, ne insolutum quidem ratione salarii sibi, aut ministris debiti, vt mandato quodam generalis inquisitoris plenius continetur. [c. accusatus. §. seculares. de hæreti. lib. 6. c. si vos. 26. q. 5. & inibi glo. item Cardinalis. & Ioan. Imolen. in Clem. 1. de vsuris. idem Cardin. in Clem. vlt. in fine de hæreti. Fran. Squillacen. de fide cathol. c. 31. Gonsalus. de hæretica prauitat. quæst. 8. Couar. lib. 2. varia. resolutio. c. 9. & instru. 4. Tolet. c. 8. Ioan. Bern. in pratic. c. 134. Zanchi. de hæreti. c. 19. Fran. Bursat. consil. 90.]
- 77 Cæterum hæredes eorum, qui suspecti erant de crimine hæresis, condemnari non debent ad pœnas istas pecuniarias præstandas, etiam si mortui fuerint illi suspecti accusatione pendente: quia suspiciones, quantumuis vehementes morte reorum extinguuntur. [c. accusatus. §. porro. de hæreti. lib. 6. l. vlti. ad leg. Iuliam. maiest. Domini. & Philip. Fran. in dicto. §. porro. Anchar. in c. filij. de hæreti. lib. 6. notab. 2. Hippolyt. in l. vlti. de quæst.]
- 78 In his autem, alijsque pœnis arbitrijs iudex non quidquid libuerit iudicare, sed leges & æquitatē seruare debet. Nam sicuti Marcellus inquit, Respicendum est iudicanti, ne quid aut durius aut remissius constituatur, quam causa deposcit: sed perpenso iudicio, prout quæque res expostulat, statuendum est: & iuxta regulam Deuteronomij, Pro mensura peccati erit & plagarum modus. Sæpissime quidem necesse est, vt iudex

iudex in pœnis legum, arbitrio suo utatur, ita tamen ut leges non offendant: nec enim homo dominari debet, sed lex, & ratio. Et ut Aristoteles ait, Qui legem imperare iubet, is Deum & leges iubet imperare: qui vero hominem, belluam adiungit: huic enim similis est cupiditas: & ira magistratus etiam optimos viros peruertit: lex autem est mens sine appetentia: rectius igitur omnia ex legibus, quam ex voluntate hominum, quæ periculosa norma est, efficiuntur. Legum ministri (ut in oratione pro Cluentio inquit Cicero) magistratus: legum interpretes, iudices: legum denique idcirco omnes serui sumus, ut liberi esse possimus. Et libro tertio de legibus, Vere dici potest, magistratū legem esse loquentem, legem autem mutum magistratum. [l. respiciendum. de pœnis. Deutero. 25. l. 1. de vsuris. Aristotel. 5. ethico. c. 5. & lib. 3. politico. c. vlt. & lib. 2. c. 8. l. 1. §. 1. ad Turpilianū. Brunus li. 3. de legatio. c. 5. Tiraquel. lib. de pœnis, in præfatione.]

79 Ex causa tamen iudex potest pœnas etiam legibus præfinitas augere, vel temperare. Causæ autem ex circumstantiis nasci solent: quæ septem modis estimantur, ut Claudianus iureconsultus ait: causa, persona, loco, tempore, qualitate, quantitate, euentu. [l. quid ergo. §. pœna grauior. de his qui notan. in fa. c. de causis. de officio delegati. Chrysostomus. in Matthæ. hom. 76. col. vlti. de circumstantiis. l. aut facta. de pœnis. Fortunatianus lib. 2. Theoriticorum in principio. Lucas in l. 1. de colo. Illyria. lib. 11. & in l. si apparitor. de cohorralib. lib. 12. Tho. 1. secundæ quæst. 7. & quæst. 18. Duran. Richar. & ceteri in lib. 4. sententia. dist. 16. Brunus. li. 5. de hæreticis. c. 19. Almainus trac. 1. moralium. c. 6. cum seq. Tiraquel.

de pœnis, in præfatione.]

80 Durius autem puniendi sunt hæresichæ, magistri errorum, & nouarum hæresum authores & inuentores, & veterum resuscitatores: quia longe grauius, quàm alij hæretici delinquant: sunt enim lupi rapaces, non parcentes gregi: loquentes peruersa, ut adducant discipulos post se: non tantum errantes ipsi, sed alios etiam in errorem mittentes. Docet hoc Ioannes in Apocalypsi dicens: Apprehensa est bestia, & cum ea pseudopropheta, qui fecit signa, quibus seduxit eos qui acceperunt characterem bestię, & qui adorauerunt imaginem eius: viui missi sunt hi duo in stagnum ignis ardentis sulphure, & ceteri occisi sunt in gladio, & cetera. Quibus plane intelligitur, grauiori pœna puniendos esse aliorum seductores, quam seuu etiam ab illis. [Apocalyp. 19. Brunus. lib. 1. de hæreti. c. 4. & lib. 5. de sedition. cap. 6.]

81 Et quamuis magna sit inter iurisperitos dissensio, possit ne iudex arbitrio suo pœna mortis damnare quempiam: & plurimi putent id ex magna causa licere: benignior tamen & verior sententia est, neminem quantumuis sceleratū, solo iudicis arbitrio pœna vltimi supplicij puniri posse. Prohibitum enim est præcepto diuino, hominem occidere, cuius præcepti exceptiones (ut Augustinus inquit) eadem ipsa diuina fecit auctoritas, ut scilicet, occidere liceat secū dum diuinas leges, publica tantum reipublicę, aut principis, aut legislatoris auctoritate: non autem cuiusuis iudicis aut magistratus arbitrio: nam iudex legis custos, eiusque minister est: nec vllam habet potestatem in hominis vitam, nisi expressa lege mortis pœna pro tali crimine constituta sit: etenim solus Deus dominus est vitę & mortis: nec

vita

vita cuiuspiam ex alterius arbitrio pendere potest. Perniciose igitur errant iudices, qui ultimo supplicio puniunt illos, quorum crimina plane probata non sunt: vel si forte probentur, non tamen clarissima lege pœna mortis pro eisdem criminibus statuta sit. Etenim, ut Plato, Aristoteles, ceterique consentiunt, minima tantummodo iudicis arbitrio relinquenda sunt: mortis vero supplicium omnium pœnarum grauissimum & maximum est. Quod si crimen aliquod atrocissimum committatur, cui pœna mortis nominatim legibus præfinita non sit; consulere principem iudex debet, non autem aliarum legum pœnas ad exemplum trahere, tametsi par, maiorve ratio id ipsum postulare videatur. [l. 1. de furib. balnea, l. 1. de effracto. & expilato, l. 1. ad Turpilia. Seneca. lib. 3. de beneficijs. Iason in l. qui iurisdictioni. de iurisdic. omni. iudi. Alfonsus Castren. lib. 1. de potestate legis pœnalis c. 6. in fine. Domini. Soto. lib. 5. de iustitia & iure quæst. 1. arti. 3. consulendus est princeps, l. diui fratres. l. ad bestias. de pœnis, nec extendendæ sunt leges pœnales. l. at si quis. §. diuus autem Marcus. de religio. & sumpti. fune. §. cum igitur. authen. de non eligend. secundo nuben. Ias. in l. cum quidam. de liber. & posthu. Aymo de antiquitate. 4. parte. §. transco nunc. nu. 147. cum seq.]

- 82 Adde etiam quod hæretici non modo pœnis tēporalibus puniuntur, sed quod grauissimum & vehemēter dolendum est, pœnis etiam æternis. Etenim hæretico homini, qui ecclesiæ non tenet unitatem (ut ait Augustinus libro de fide ad Petrum) neque baptismus, neque elemosyna, neque mors pro nomine Christi suscepta, proficere poterit ad salutē. Quod & Origenes, Cyprianus, Isido-

rus, & ceteri omnes tradūt. Cuius rei causa in promptu est: quia extra ecclesiam non est salus: & sicuti Augustinus inquit, Ecclesia catholica sola corpus est Christi, cuius ille caput est, saluator corporis sui. Extra corpus neminem viuificat Spiritus sanctus: quia, sicut ipse dicit Apostolus, Charitas Dei diffusa est in cordibus nostris per Spiritum sanctum, qui datus est nobis: non est autem particeps diuinæ charitatis, qui hostis est unitatis: non habent itaque Spiritum sanctum hæretici, qui sunt extra ecclesiam. [c. firmissime. de hæret. c. alienus. c. ubi sana fides. cū seq. 42. q. 1. cum seq. Aug. lib. de fid. ad Petrum. cap. 39. Origen. lib. 1. in Iob col. 9. Cyprianus epistola ad Iubaianū de hæreti. baptizan. prope finem. Isidorus lib. 1. de summo bono. c. 20. c. si quis a catholica. 23. q. 4. Augu. ad Bonifacium epistola. 50. & contra Donatistas epistola. 152. & libro, de vera & falsa pœnitentia c. 12.]

- 83 Sed hæresiarcharum pœna in inferno erit grauissima, & crescet ex discipulorum damno. Magnus Basilius libro de vera virginitate inquit: Marcion & reliqui hæreticorum dogmatum duces, quia per eam peruersitatem doctrinæ quam mundo inuexere, maxime nocēt cuncti, qui salutis suæ damna per eos in hac vita perceperunt, auctores proditiōnis suæ, & si dudum vita functos, atrocioribus illic supplicijs tradūt. Et Theophylactus in epistolam ad Timotheum cap. 5. Docet aliquis praua, perniciosæque sapientiæ institutionem, dogmaue profert, huius peccatū ipsum sequitur. non enim vna cum ipso extinguitur, sed post eū supersunt corruptionis eius successores, quod genus sunt omnes, qui præter ecclesiasticum dogma commentaria scripserunt, dabunt autem illi pœnas,

nas, non solum quod ipsi sunt seducti & errauerint, verum etiam quod sequentibus authores erroris extiterint. atque his similia Oecumenius ibidem quoque scripta reliquit.

84 Ceterum, neque hæreticus, neque alius quispiam facinorosus cessare debet ab operibus bonis: nam etsi bona opera extra charitatem & vnitatem facta, mortua sint: profunt nihilominus ad impetrandam culpæ remissionem & gratiam: ad promerenda bona temporalia: ad vitandam transgressionem præceptorum: ad obfistendum inclinationi peccatorum: ad habitum virtutum generandum: ad consequendam intercessionem sanctorum: ad veniam facilius impetrandam: denique ad supplicium leuius. [c. si quando. cum seq. de pœnitentia. distin. 3. Alexand. Ales. 3. par. quæstio. 74. membro. 5. Altiſiodorensis. lib. 3. tractatu. 2. q. 7. Abulensis Matth. 5. quæstio. 171. Duran. in lib. 4. sent. distin. 15. q. 3. & illic Gabriel distin. 16. q. 2. & Ioan. Maior. distin. 15. q. 1. Siluester in summa, verbo charitas. §. 8. Hadrianus quolib. 8. col. 9.]

85 Iudices vicem eorum dolere debent, quos ultimo supplicio legibus condemnare tenentur. Imple Christiane iudex inquit Augustinus, pij patris officium: sic succensere iniquitati memineris, vt non in peccatorum atrocitatibus exerceas vlciſcendi libidinem: sed peccatorum vulneribus curandi adhibeas voluntatem. Sane qui sponte hominem occidit, etiam quem lex occidere iubet, homicida est. Hi qui reipublicæ præſunt (vt apud Ciceronem est) legum similes esse debent, quæ ad puniendum, non iracundia, sed æquitate ducuntur. Vera iustitia compassionem habet, falsa vero dedignationem. Nil cupiditate nocendi fiat, sed omnia consulendi

charitate: nil fiat immaniter, nil inhumaniter: non homines, sed peccata odio habeantur: & quod seuerius castigare necesse est, non saeuientis plectatur animo, sed medentis. Non sine commiseratione ac dolore ferenda est sententia ultimi supplicij, vt regijs legibus continetur: & serenissimus Portugalliarum rex clementer admodum id seruare dicitur. Qua in re iure ac merito laudatur Vespasianus, qui neque cæde cuiuspiam vnquam lætatus, iustis supplicijs illachrymauit etiam & ingemuit. Bias quoque damnaturus quempiam ad mortem, lachrymatus est: & cum dixisset quidam: Quid est hoc quod fleas, cum penes te sit condemnare hominem? respondit: quia necessarium est, naturæ affectum, legi suffragium reddere. [August. ad Marcellinum epist. 159. c. circuncelliones. c. cum minister. c. prodest. 23. quæst. 5. Cicero. lib. 1. offic. c. vera iustitia. 45. dist. c. odio. 86. distin. Chrysostomus in Genesim homil. 17. & in Acta apostolorum homil. 43. & in priorem Pauli epistolam ad Corin. hom. 33. regia. l. vlti. titul. 3. parte. 7. Sueto. Trāquil. in Vespasiano c. 15.]

86 Hæretici pertinaces publice in conspectu populi comburendi sunt: & id fieri solet extra portas ciuitatis: quemadmodum olim in Deute. cap. 17. idololatra educebatur ad portas ciuitatis, & lapidibus obruebatur. Pœna autem publica esse debet, quia & potestas, & iurisdicatio iudicij publica est: & vt ciuis meus Seneca controuers. 17. inquit: Non magis priuatum potest esse supplicium, quam iudicium. Et libro tertio de ira: Quid tam inauditum, quam nocturnum supplicium? animaduersiones quot notiores sunt, plus ad exemplum, emendationemque proficiunt. Et Plutarchus libro de sera numinis vindicta: Scele-

storum

florum supplicia ideo manifeste cunctis ostenduntur, quoniam vindictæ cum ratione inflictæ officium est, alios per aliorum animaduersiones compescere ac cohibere.

- 87 Qui hæresim dixit, aut hæreticus fuit ante multos annos, mitius puniendus est, si correctus fuerit: nam si diu permanserit, puniendus est durius: tum quia crimen hæresis habet tractum successuum: tum etiam, quia tanto grauiora sunt peccata, quanto diutius animam alligant. [c. vlti. de consuet. c. nō debet. de consangu. & affinit. Tiraquel. lib. de pœnis, causa. 29.]
- 88 Domus vero, in quam hæretici conueniebant ad hæreses docendas, atque discendas, olim quidem fisco vendicabatur, vt multis constitutionibus codicis Theodosiani continetur, titulo de his, qui super religione contendunt. [l. 20. l. 23. l. 35. l. 49.]
- 89 Quin etiam domus aliena, in quam hæretici conueniunt, domino domus permittente, aut conuiuente, similiter confiscatur, & dominus ipse punitur: & colonus, qui id non indicauit, deporatur, actor vel procurator possessionis verberibus coercitus, perpetuo metallorum operi deputatur. [eodem titul. l. 11. l. 24. l. 26. l. 30. & l. vltim. C. de sacrificijs paganorum.]
- 90 Sed plurimis constitutionibus, & quidem posterioribus, domus illa ecclesiæ catholicæ adiudicatur. [l. 33. l. 42. l. 44. l. 47. l. 56. de his qui super religione contendunt. C. Theod. & l. 3. l. Arriani. l. quicumque. C. de hæretic. & constitutione nouella. 132.]
- 91 Hodie tamen, si domus erat hæretici,

cum reliquis eiusdē bonis publicatur: si vero aliena est, & in eam conuenerūt hæretici permittente aut sciente domino, funditus eueri solet. Quinimo nonnunquam diruitur domus, & pretium eius domino ignoranti datur, cum id expedire videtur ad publicam ciuiū vtilitatem: vt habeant, scilicet, quibus commoneantur ac deterreantur. [Iosue. 7. numerorum. 16. cap. denique. §. turibula. 7. quæstio. 1. argumento. l. Lucius. ff. de euietio. l. si quis sepulchrum. ff. de religiosis. Zanchi. cap. 39. & 40.]

- 92 Quid autem de eo fiet, qui se finxit officialem sanctæ inquisitionis, vt aliquem opprimeret, spoliaret, vel eluderet? Modestinus ait: Qui se pro milite gessit, vel illicitis insignibus est vsus, vel falso diplomate vias commeauit, pro admissi qualitate grauissime puniendus est. & Iulius Paulus libro quinto receptarum sententiarū, Qui insignibus, inquit, altioris ordinis vtuntur, militiamque confingunt, quo quem terreant, vel concutiant, humiliores capite puniuntur, honestiores in insulam deportantur. [l. 1. ff. de abigis. Iul. Paul. lib. 5. titul. ad legem Cornel. testamentariam. l. eos. ff. de falsis.]
- 93 Sed melior est Modestini sententia, vt recto iudicis arbitrio pro admissi qualitate puniatur impostor. Solet autem flagellis cædi: & nonnunquam ad triremes damnari. Nam, etsi quid grauius admiserit, non possunt inquisitores apostolici eum curiæ seculari relinquere: iubebunt tamen vt ablata restituat. [l. 1. ff. de concussione. l. poen. ff. stellionatus.]

De pœnitentibus & conuersis Tit. XLVII.

S V M M A R I V M.

- 1 Pœnitentia post crimen admissum nihil prodest ad veniam & impunitatem coram iudicibus secularibus.
- 2 Iudices ordinarij, cum delicti perpetrati veniam quis petit, eam concedere non possunt.
- 3 Deprecatio quid sit, & apud quos locum habeat.
- 4 Deprecatio in sacro inquisitorum foro locum habet, & in eo iuris clementia est.
- 5 Pœnitentia & vera peccati confessio magis momenti est, ad veniam facilius consequendam.
- 6 Pœnitentibus hæreticis non solum pontificiæ leges, sed Cæsareæ etiam veniam concedere solent.
- 7 Hæreticis ad ecclesiâ redeuntibus quantum olim temporis pœnitentia præstinebatur, & quanti hodie.
- 8 Pœnitentia hæreticis imposita publice agenda est.
- 9 Pœnitentes publici quo vestitu induti esse debent.
- 10 Pœnitentiam olim agentes cilicio & sacco induebantur.
- 11 Vestitum pœnitentis qui abiecerit, aut occultauerit, puniendus est ut impœnitens.
- 12 Inquisitores moderari non possunt tempus ab eis præfinitum, ad vestitum pœnitentia ferendum.
- 13 Vestitus pœnitentium, & saccus hæreticorum damnatorum suspendendus est in ecclesia, in cuius parœcia habitauerunt.
- 14 Pœnitentia insignia qui furantur, quomodo puniri debeant.
- 15 Hæretici qui ad ecclesiam redeunt, non solum publicam pœnitentiam agunt, sed eorum etiam bona confiscantur.
- 16 Pœnitentium bona interdum non confiscantur, quod non ipso iure, sed principum indulgentia fit.
- 17 Pœnitentibus qui ad rectam fidem redeunt intra tempus ab inquisitoribus præfinitum, quid concesserint reges catholici.
- 18 Pœnitentes an sint exempti a iurisdictione regia.
- 19 Pœnitentes non liberantur a iurisdictione regia.
- 20 Pœnitentes exemptos esse a iurisdictione regia, non statuit decretum Leonis magni.
- 21 Pœnitentes liberos esse a iurisdictione regia, quos intellexerit Leo magnus.
- 22 Pœnitentibus ecclesiæ reconciliatis, & filiis ac nepotibus damnatorum, quibus rebus interdicatur.
- 23 Pœnitentibus, & filiis ac nepotibus damnatorum prohibetur ne equis vehantur.
- 24 Pœnitentes, & filij ac nepotes hæreticorum neque equalis uti possunt.
- 25 Pœnitentibus, & filiis ac nepotibus hæreticorum mulabus etiam interdicatur.
- 26 Pœnitentes videntur neque asinis, nec vehiculis uti posse.
- 27 Pœnitentes hæretici quo tempore & quomodo admittantur.
- 28 Pœnitens, qui publice in alio regno hæreticus vel apostata fuit, & priusquam ab aliquo accusaretur, veniam petit, quomodo admittendus est.
- 29 Pœnitens, qui metu imminentium probationum ad inquisitores venit, quomodo excipiendus.
- 30 Pœnitens, qui in carcere veniam petit, quomodo tractandus.
- 31 Pœnitens qui admonitus confitetur hereses, priusquam ei dicta testium edantur, quomodo excipiendus.
- 32 Pœnitens qui post editam accusationem confitetur, quomodo admittendus.

- 33 Pœnitens, qui postquam testibus se conuictum videt, confitetur, quomodo admittendus.
- 34 Hæreticus manifeste deprehensus, nisi continuo post deprehensionem veniam sponte petat, seculari iudici relinquendus est.
- 35 Pœnitens errores cōfiteus priusquam testibus publicatis conuincatur, dammandus non est ad perpetuum carcerem.
- 36 Hæreticum quo vsque nonnulli asserant admittendum esse.
- 37 Hæreticus vt admittatur, quando se conuertere debeat.
- 38 Iudicium arbitrio nonnulli asserunt relinquendum esse tempus admittendi hæreticum.
- 39 Iudicium arbitrio relinquendum esse tempus admittendi hæreticum, periculosa est opinio & explosa.
- 40 Pœnitentes hæreticos vsque ad definitiuam sententiam admitti posse, sapienter maiores nostri decreuerunt.
- 41 Pœnitentes quomodo admittendos Lucij constitutio decernat.
- 42 Hæretici, quos lex pontificia exigit vt sponte sua conuertantur, qui sint.
- 43 Sponte non semper significat liberā voluntatem sine respectu cuiusquam.
- 44 Sponte sua confiteri, quis dicatur.
- 45 Pœnitens, qui non confessus est nisi vi et tormentis adhibitis, an admittendus sit.
- 46 Pœnitens confessionem tormentis extortam ultro post ratam faciens, loco sibi fatentis habendus est.
- 47 Continuo & confessim ad ecclesiā vnitam recurrere, quomodo quis dicatur.
- 48 Hæreticus qui errores confitetur ante sententiam definitiuam, quomodo admittendus sit.
- 49 Iudices expectare vsque ad sententiam definitiuam, non longum tempus alicui videri debet.
- 50 Pœnitentes benigne sunt recipiendi.
- 51 Confessio reorum qualis sit iusta & vera censenda.
- 52 Lachrymæ nonnullis nihil profuerunt.
- 53 Pœnitentia vere optimum signum humilitas est.
- 54 Hæreses qui docet, an recipiendus sit, sibi redire velit.
- 55 Hæresiarcham non recipit Lucij tertiæ constitutio.
- 56 Hæresiarcham non recipi Lucij tertiæ constitutione, probatur amplius.
- 57 Hæresiarchas seuerissime puniendos esse, etiamsi veniam petant.
- 58 Hæresiarchæ & doctores errorum non vna morte digni sunt.
- 59 Lex quæ de aliquo crimine simpliciter loquitur scrutanda non est, cum alia concurrunt crimina.
- 60 Hæresiarchæ & errorum magistri curiæ seculari sunt relinquendi.
- 61 Hæresiarchæ curi ignoscere non oporteat.
- 62 Hæresiarcha multorum malorum causa est, & vt talis puniendus.
- 63 Lutheranarum hæresum magistris curi nullo pacto sit ignoscendum.
- 64 Hæresum authores & magistros seuerissime puniendos esse Paulus docet.
- 65 Lutheranarum hæresum magistris merito curiæ seculari relinquuntur.
- 66 Lutherani non modo pestiferi hæretici sunt, sed etiam seditiosi atque euersores reipub.
- 67 Mæcenatis consilium quod Augusto dedit de religione seruanda.
- 68 Hæreticus qui regi aut principi hæreses persuadere tentauerit, iudici seculari sine ulla miseratione relinquendus est.
- 69 Hæretici qui reginam, aut filias, aut sorores regis, hæresum venenis inficere conantur, seculari iudici relinquendi sunt.
- 70 Hæretici qui filios regis inficiunt, iudici etiam seculari relinquendi sunt.
- 71 Lutheranarum hæresum magistris seuerissime

- rissime omnium hereticorum puniendi sunt.
- 72 Hereses qui docere voluit, & nulli nocuit, an recipi possit.
- 73 Hæreticus ille, utrum iudici seculari iterum sit relinquendus, qui ab eo restitutus est inquisitoribus, eo quod dixisset se pœnitere velle, & alios hereticos indicare, si plenissime confessus fuerit.
- 74 Clericis cur non soleat publica pœnitentia iniungi.
- 75 Clericis in grauioribus criminibus publica pœnitentia iniungi debet.
- 76 Episcopi, cardinales, & ceteri huiusmodi publicam pœnitentiam agere debent, si hæretici sint.
- 77 Pœnitentiæ iniunctæ qui plane non satisfecerit, quomodo puniendus sit.

- 78 Pœnitentia ab inquisitoribus, diligenti consideratione præcedente, imponenda est.
- 79 Inquisitores ad misericordiam & clementiam, quam ad crudelitatem & seueritatem propiores esse debent.
- 80 Iudices qui seueritatis gloriam affectant, & crudeles, & atroces sunt, pernicio se errant.
- 81 Conuersi qui dicantur.
- 82 Conuersi & eorum liberi an veteribus Christianis in omnibus æquandi sint.
- 83 Conuersorum atque Christianorum veterum non par habenda ratio in honoribus & dignitatibus.
- 84 Conuersi recentiores, & nondum satis edocti catholicam fidem, si labantur in hæresim, quomodo tractandi sint.

De pœnitentibus & conuersis.



ROST crimen admissum nihil pœnitentia prodest in foro iudiciorum ad veniam & impunitatem impetrandam, quod & in republica

Hebræorum vsitatum erat, ut Iustinus philosophus author est. [q. 104. l. qui ea mente. ff. de furtis. l. si quis seruo. C. eod. titul. leg. penul. ff. vi bono. raptorum.]

- 2 Vnde sit, ut coram ordinarijs iudicibus non sit locus deprecationi: quippe iurati & astricti religione iudices, gratiam delicti facere non possunt. Idque est quod Cicero pro Murena inquit: Fateretur aliquis se peccasse, & eius delicti veniam petit, nefarium est facinus, ignoscere.
- 3 Est autem deprecatio, cum & peccasse, & consulto fecisse reus confitetur, & tamen postulat, ut sui misereantur: & ea locum habet apud principem & magistratus maximos, qui religione non

ligantur, & ubicunque iuris clementia est: in qua deprecatione plurimum valere solet, benemerita, nobilitas, dignitas, propinqui, & amici. [Rhetoricæ ad Herennium lib. 1. Fabius lib. 7. cap. 5.]

- 4 In sacro inquisitorum foro iuris clementia est, atque adeo deprecatio locum habet: cæterum benemerita, nobilitas, dignitas, propinqui, & amici nihil hic prodesse possunt, sed cordis contritio, & confessio iusta, & spes in futurum innocenter videndi. Est quædam in peccatis verecundia, & pœnitentiæ portio, crimen fateri, nec deriuare culpam, sed recognoscere, ut Ambrosius inquit. [li. 2. de Cain & Abel. c. 9.]
- 5 Sed quia talium sententiarum pleni sunt libri theologorum veterum & nouorum: non erit alienum ab alijs quædam mutuari. Marcus ille Cicero in Vatinium ait: Facilius ijs ignoscitur, qui non perseuerare, sed ab errato se reuocare

moliuntur: est enim humanum errare, sed ferinum in errore perseuerare. Et alibi: Sit errati medicina, confessio.

Et Seneca epistola. 54. Somnium narrare vigilantis est: & vitia sua confiteri, sanitatis indicium est. Et alter Seneca in Agamēnone: Quem pœnitet peccasse, pœnæ est innocens. Et Arrianus libro septimo de rebus gestis Alexandri Magni: Summa medicina peccati est, & peccatum confiteri suum, & eiusdem pœnitentiam præ se ferre. Et Periander Corinthius: Cum peccaueris, subeat te pœnitentia. Et Ouidius.

numen Confessis aliquod patet.

Et idem alibi:

Sæpe leuant pœnas, ereptaque lumina reddunt,

Cum bene peccati pœnituisse vident.

Ex quibus omnibus alijsque multis perspicuum est non ignorasse philosophos pœnitentiam esse virtutem: tamen si nescisse videantur, eam esse virtutem specialem iustitiæ, qualis inter homines ad Deum esse potest.

- 6 Verum ad hæreticos reuertamur: quibus pœnitentibus, non solum pontificiæ leges, sed etiam Cæsareæ veniam cōcedere solent. Arcadius, Honorius, & Theodosius, lege contra hæreticos lata, inquit: Delicti veniam pœnitentibus damus. Et idem alia in lege: Licet crimina soleat pœna purgare: nos tamen prauas hominum voluntates ad monitione pœnitentiæ volumus emendare. Quicunque igitur hæreticorum, catholicam fidem, & ritum, quem per omnes homines cupimus obseruari, simplici confessione susceperint, licet adeo inueteratum malum longa ac diuturna meditatione nutriuerint, vt etiam legibus ante latis videantur obnoxij: tamē hos statim, vt fuerint Deum simplici religione confessi, ab omni noxa absol-

uendos esse censemus: vt ad omnem reatum, etiam si maxime reos pœna videatur vrgere, sufficiat ad abolitionem errorum proprio damnauisse iudicio: quia nunquam debet miseris inuocati religionis deesse subsidium. [l. 4. C. de hæret. l. 31. & l. 55. de his qui super religione contendunt. C. Theodo.]

7 Hæreticis ad ecclesiam redeuntibus longi temporis pœnitentia olim præfinita erat. In concilio Elibertino c. 22. decennium: in concilio Agathensi, biennium, ijs pœnitentibus præstituerunt patres: sed hodie arbitrio iudicum id tempus præscribendum est, præsertim cum conuertuntur hæretici priusquam sint in hæresi deprehensi. [c. ad abolendam. de hæret. c. tempora. c. his qui. c. pœnitentibus. c. pro qualitate. c. hoc sit. 26. q. 7.]

- 8 Hæc autem pœnitentia publice agenda est, vt cæteris exemplo sit: & quia enormia crimina confusione publica puniri debent. [c. ego. de consecratio. distin. 2. c. iudicet. de pœnit. distin. 1. Alex. Ales. 4. parte. quæst. 64. & prima instr. c. 5.]

9 Ad hæc, publici pœnitentes induti esse debent vestitu pœnitentiæ duplici cruce insignito, quem vulgo sancti Benedicti nomine appellant, eoque vti debent tempore a iudicibus definito. [4. instr. c. 9. c. in capite. 50. distin. c.]

- 10 Sic olim qui pœnitentiam agebant, cilicio & sacco induebantur. Propheta regius psalmo. 34. Ego autem cum mihi molesti essent, induebar cilicio: humiliabam in ieiunio animam meam. Quo in loco diuus Hieronymus inquit: Cilicium vestitus pœnitentiæ est. Et idē propheta psalm. 29. Conuertisti planctum meum in gaudium mihi, cōscidisti saccum meum. Vbi Euthymius ait: Saccus pœnitentiæ atque humilitatis signum

gnum erat. Et Saluator noster, apud Matthæum c. 11. Si in Tyro & Sidone factæ essent virtutes, quæ factæ sunt in vobis, olim in cilicio & cinere poenitentia egissent. Quæ verba enarrans Theophylactus dixit, saccum illum cilicij, poenitentia symbolum esse. Possem talia multa proferre, sed loca indicasse sufficiat. [lib. 3. Regum. c. 21. & lib. 4. c. 19. Danielis. 9. Ioele. 1. Ionæ. 3. Hester 4. Esaiæ. 58. c. qui sanctus. de poenitentia distinct. 1. c. Achab. eodem tractatu, distinctio. 3. concilio. 1. Toletano. c. 2.]

Sunt autem notatu digna quæ magnus Basilius scribit in Esaiam cap. 3. explicans verba illa: Pro tunica prætextatæ purpuræ, circumcingeris sacco. quibus adiungit: Saccus siue cilicium præbet non mediocre compendium ad parandam contritionem, & sui humiliationem. Equidem qui amiculo circumtextitur purpureo, cunctatur se in terram demittere, & procidendo adorare Deum, suo parcens ornatui, ne floridus ille vestis color emarcescat. ex diuerso, qui sacco induitur, locum omnem sibi præstituit accommodum ad procidendum.

11 Hoc vestitu insigniti esse debent poenitentes, & cum super alias vestes portare: qui vero abiecerit eum, aut occultauerit, puniendus est vt impoenitens. [l. in lege. ff. de contrahen. emptio. Oldra. consilio. 184. Ana. in rubri. de apostata. Lupus in rubri. de donati. inter vir. & vxor. §. 70.]

12 Nec inquisitores ipsi moderari possunt præfinitum ab eis tempus ad hunc vestitum ferendum: tum quia sancti sunt officio posteaquam de tribunali pronuntiarunt: tum etiam quia id reseruatum est inquisitori generali atque senatui. [l. iudex. ff. de re iudi. 4. instru. c. 9.]

13 Vestitus ille poenitentium & saccus hæreticorum damnatorum suspendendus

est in ea ecclesia, in cuius parœcia habitauerunt, vt ea insignia monumentum sint ad memoriam impietatis eorum sempiternam: inscribenda enim sunt & renouanda in illis nomina hæreticorum, & quamobrem damnati sint: cuius exemplar videre licet, in libro Numerorum, vbi ignis egressus a Domino interfecit ducetos quinquaginta impios, qui obtulerunt incensum: & locutus est Dominus ad Moysen dicens: Præcipe Eleazaro filio Aaron sacerdoti, vt tollat turibula, quæ iacent in incendio, & ignem huc & illuc dispergat: quoniã mortificata sũt in mortibus peccatorũ, producatque ea in laminas & affigat altari, vt cernant ea pro signo & monumento filij Israel. & Eleazar sacerdos affixit laminas altari, vt haberent postea filij Israel quibus commonerentur. [c. 16. c. & dixit Dominus. de consecrat. dist. 2. c. denique. §. turibula. 7. q. 1.]

14 Quæsitum fuit, qua pœna esset afficiendus, qui insignia ista furatus est: & plerisque placuit arbitrio iudicum puniendum esse, non quidem vt furem, aut sacrilegum, sed vt contemptorem religionis, & iudicum: ergo fustibus siue flagellis castigandus, aut ei multa irroganda, aut in exilium eijciendus est. [l. si familia. l. si quis id quod. ff. de iurisdic. & illic noster Orosius.]

15 Non solum publicam poenitentiam agunt hæretici, qui ad ecclesiam redeunt, sed etiam bona eorum publicantur, & ecclesiasticis beneficijs priuantur: nec ea recuperare possunt, etsi ecclesiæ gremio excipiantur: qua in re Paulus Parisius, veteres quosdam secutus, & Petrus Rebuffus insigniter errare mihi visum est, donec comperi, eos & alios complures iurisperitos, Italiæ consuetudinem sequi, quæ cum sit vetustissima, & a summis Pontificibus approbata, pro lege ab eis

eis seruanda est. in Hispania vero iura ipsa Põtificia & regias leges sequimur: nec enim inquisitoribus licere putamus, bona ipso iure confiscata, relinquere pœnitentibus in damnum fisci. cui videtur iam ius esse quæsitum. [c. su per quibusdam. de verbo. signifi. c. cū secundum. c. vt commissi. §. priuandi. de hæreti. lib. 6. Parisius consil. 2. lib. 4. Rebuffus tractatu de pacificis possessorib. nu. 196.]

16 Quamuis enim bona pœnitentium interdum non confiscantur: id tamen non ipso iure, sed principum indulgentia fit, hoc est, cum hæretici conuertuntur intra tempus, quod gratiæ vocant: nam tunc priuilegio principis bona nõ auferuntur ab eis, [c. vergentis. de hæreti. prima instruct. c. 3. & cap. 7. Feli. consil. 10. Brunus lib. 5. de hæretic. cap. 6.]

17 Hoc amplius constituerunt reges catholici, vt ij qui ad rectam fidem redeunt, intra tempus ab inquisitoribus præfinitum, bona omnia perinde recuperare ac dispensare queant, ac si nunquam in hæresim incidissent: excepto, si bona immobilia alienare voluerint, id enim prohibentur facere sine decreto principis: ne bonis omnibus venditis ad religionis hostes transfugiant. [2. in instructio. c. 5.]

18 Illud quæsitum est, an pœnitentes isti exempti sint e iurisdictione regia, & ab inquisitoribus duntaxat puniri possint. Et multi quidem putabant, a iudicibus regijs hos puniri non posse, tamen si hominem vulnerauerint, aut occiderint, quia Leonis magni decretum extat, quo pœnitentium causæ ad ecclesiasticum iudicem remitti videntur. Et Gratianus addit, generaliter id esse accipiendum, tam in ciuilibus causis, quam in criminalibus: nec desunt iurisperiti hu-

ius opinionis authores. [c. aliud. 11. q. 1. & inibi interpretes. Calde. consil. 7. titu. de iudicijs. Hostien. in summa. tit. de foro compet. Guil. in speculo. tit. de competen. iudi. aditio. §. 1. versic. 17. Anto. in c. 2. de foro competen. Alciatus in praxi. tit. de competen. iudi. aditio. versicu. 16. Augusti. Beroius in c. de his. de accusatio. vbi ait, hanc esse communem opinionem.]

19 Sed hæc opinio a ratione & veritate longe est auersa: nec enim crimen eximit quenquam a iudice suo: nec lex aliqua istos liberat a iurisdictione regia: atque ea quidem multorum sententia est, qua vtimur. [l. pœn. ff. de interd. & relegat. Innoc. in c. significantibus. de officio delegat. Abbas, Fran. Areti. Andr. Siculus. in c. 2. de foro competen. Maria. in c. 1. eiusdem titu. versicu. decima declaratio. Couar. lib. quæstionũ c. 34.]

20 Neq. his obstat decretum Leonis magni: illud enim consilium est, non lex: nec de reo loquitur, sed de actore. Nam & in epistola, quæ est ad Rusticum. c. 8. inquit: Si quis pœnitens habeat causam quam negligere forte non debeat, melius expetit ecclesiasticum, quam forense iudicium: & ita multi ea verba interpretantur. [c. vlti. 14. q. 1. Hugut. archid. Torquemada, & Prepositus in c. aliud. 11. q. 1. Fran. Areti. & And. Siculus in c. 2. de foro compet.]

21 Adde quod pœnitentes illi, de quibus Leo locutus est, non fuerant hæretici ecclesiæ reconciliati, sed religiosi homines, qui statum pœnitentiæ profitebantur: hi autem quodam modo ecclesiastici erant, nam per inanem impositionem cilicium accipiebant, & vestitum commutabant, vt in concilio Agathensi cap. 11. proditum est. De his quoque in concilio Aurelianensi cano. 16. cauetur, vt qui pœnitentiæ benedictio-

ne suscepta, ad secularem habitum, militiamque reuerti præsumpserint, excommunicatione plectantur. Et in quarto concilio Toletano can. 33. decreuerunt patres, ut quicumque ex secularibus, accipientes poenitentiam, totonderint se, & rursus præuaricantes, laici effecti fuerint, ab episcopo suo ad poenitentiam reuocentur: quod si admoniti ad poenitentiam redire noluerint, ut veri apostatae coram ecclesia anathematis sententia condemnentur. Præterea multa in eadem sententiam. [3. concil. Tolet. cap. 12. & concilio. 13. c. 10.]

22 Poenitentibus autem reconciliatis ecclesiae, & filijs ac nepotibus damnatorum interdictum est, ne argento, & auro, & pretiosis vestibus, & armis utantur, & ne officijs publicis fungantur, quod poena ignis sancitum est: sed hodie arbitrio inquisitorum puniuntur, qui secus fecerint. Et olim quidem togæ iure carebant, quibus aqua & igne interdictum erat, ut lib. 4. epistolatum Plinius est author.

23 Capite sexto primæ instructionis præterea prohibetur, ne isti in equum ascendant, aut vehantur in equo, idemque erit in equa: nam appellatione masculi foemina comprehenditur. [1. si ita scriptum. ff. de lega. 2. l. legatis. §. iumentis. de lega. 3.]

24 Sed neque in equulis sedere poterunt: quia equus paruus, equus est. Et quamuis varij sint equuli, & varijs nominibus appellentur, non ideo tamen equi esse desinunt: nec genere differunt, sed mediocritate. [l. vlti. ff. de fundo instrui. vel instrumen. legato.]

25 Plusculum dubitationis habet, an isti mula aduehi possint: multa enim alterius speciei est. Verum eadem omnino ratione, neque in mulam ascendere poterunt. Adde quod mulæ Hispanæ

nonnunquam sunt equis pretiosiores. Quin etiam rex ille Dauid mulam suam plurimi fecisse videtur: cum filium suum Salomonem, regem creare volens, Imponite, inquit, filium Salomonem super mulam meam. & reges olim albas mulas in pretio habebant, ut Chrysostomus in euangelium Ioannis est author. [homilia. 11. lib. 3. Regum cap. 1. l. qui duos. ff. de legat. 3.]

26 Ad summam, si mula, mulus, & equulus, frænis & ephippijs ornati sint, non magis uti eis poterunt isti, quam generosis equis. Quid? quod si aliunde argumenta sumere licet, nec asinis, nec vehiculis uti poterunt, sed pedibus iter facere debent: nam & ea poenitentia quibusdam facinorosis imponitur. [c. admonere. c. latorem. 33. q. 2. canone vltim. concilij Vormaciensis. can. vltim. 13. quæst. 2.]

27 Quæstio quidem vehemens atque admodum implicita est: quo tempore, & quomodo hæretici poenitentes admittantur. In solutione huius quæstionis longa distinctione opus est. Aut enim occultus hæreticus, a nemine indicatus, seipsum ad inquisitores desert, & errores suos plene fatetur: & is proculdubio recipiendus est, nec debet ei publica poenitentia imponi: sed secreto absolendus est, quemadmodum sub titulo de confessis plenius diximus.

28 Aut alio in regno publice apostata, vel hæreticus fuit, & anteaquam aduersus eum quispiam testimonium dixerit, ipse ad sanam mentem sponte rediens, veniam & absolutionem ab inquisitoribus postulat, & is quoque admittendus est: sed errores abiurare publice debet, & salutarem poenitentiam agere. Ceterum nec poenam carceris patietur, nec habitum poenitentium induet. [1. instructio. cap. 8.]

- 29 Aut metu imminentium probationū ad inquisitores venit, & consceleratos indicat, & errores suos plene fatetur: & is quidem, si testes contra eum superuererint, ecclesiæ reconciliandus est: sed mitius cum eo agi debet: nec enim ad perpetuum carcerem damnandus est, nec habitum pœnitentium diu portabit. [l. quisquis. §. vlti. C. ad leg. Iuli. maiest. Hostien. & Felin. in. c. de hoc. de Simoni. Tiraquel. de pœnis, causa. 30.]
- 30 Aut iam comprehensus, in carcerem coniectus fatetur hæreses: & quidam putant, hunc admittendum non esse, quia tunc confessio spontanea non est. Sed horum opinio crudelis & falsa est, & ab omnibus fere damnata: quia lex pontificia nil tale sancit, nec efficit carcer, ut ea confessio non videatur sponte facta. [c. ad abolendam. de hæret. Grillan. quæstio. 5. Alex. consil. 9. lib. 7. Syluanus consil. 89.]
- 31 Quinimo qui admonitus confitetur hæreses, priusquam ei dicta testium edantur, benigne recipiendus, nec ad perpetuum carcerem damnandus est: nam & is fateri videtur antequam deprehensus sit: nondum enim testibus, aut confessione conuictus est. [Hostien. in summa. tit. de hæreti. §. qualiter deprehensus. cuius sententia ab omnibus probata est, & prima instructione confirmata. cap. 11. addo. cap. presbyterū. 50. distinct.]
- 32 Aut confitetur post editam accusationem, & admittendus quidem, sed seuerius puniendus est: quia non ante confiteri voluit, quam ex accusatione instrueretur, & plane intelligeret quarum hæresum accusaretur.
- 33 Aut postquam testibus conuictus est, id est, publicatis testimonijs confiteretur errores: & is etiam admitti poterit, sed in perpetuum carcerem detrudendus

est: ut Gregorius nonus constituit: qui Lucio tertio non aduersatur, ut male Syluanus existimauit: sed in diuersis speciebus loquuntur. [c. pen. §. vlti. c. ad abolendam. de hæreti.]

- 34 Lucius quidem ait, Quicumque manifeste fuerit in hæresi deprehensus, nisi continuo post deprehensionem erroris ad fidei catholicæ vnitatem sponte recurrerit, secularis iudicis arbitrio relinquatur. Omiserat maximus ille Pontifex, qualem pœnitentiam agere debeat, qui postquam fuerint deprehensi, redire voluerint ad ecclesiæ gremium: idque est, quod Gregorius supplet, dicens: Ad agendam condignam pœnitentiam, in perpetuum carcerem detrudantur.
- 35 Ex quibus id quoque intelligitur, quod is qui confitetur errores ante quam deprehendatur, id est, priusquam testibus publicatis, aut sua ipsius asseueratione conuincatur; is, inquam, damnandus non est ad perpetuum carcerem: sed iudicum arbitrio salubris pœnitentia imponenda est ei. [c. mensuram. de pœnitent. distinctio. 1. l. 1. ff. de iure delibandi.]
- 36 Sed quousque admittetur hæreticus? Multi aiunt, hæreticum pœnitentem ecclesiæ gremio excipiendum esse, etiā post sententiam diffinitiuam, donec tradatur curiæ seculari: quia quandiu est sub inquisitorum manu, tandiu videtur locum esse misericordiæ. [Ioan. And. Abb. & Ana. in c. excommunicamus. l. §. 1. de hæret. Card. in c. ad abolendam. Alvaro. in §. Gazaros. de statu. & cōsuetudi. lib. pseudo. Siluester. in summa, verbo, hæresis. l. q. 12. Decius. consil. 137. Albertin. in c. 1. de hæreti. lib. 6. q. 12. Boherius decisione. 343. Ludouic. Carre. de hæreti. nu. 159. Iulius Clarus l. 5. recepta. sentent. §. hæresis. Fran. Buratus, consilio. 90. nu. 34.]

37 Hæc autem opinio a iure & ratione longe est auersa: iura enim exigunt, vt statim post deprehensionem conuertatur hæreticus. Et diuus Cyprianus inquit: Prohibendi sunt a spe communionis & pacis, qui in infirmitate atque periculo cœperint deprecari: quia rogare illos non delicti prenitentia, sed mortis vrgentis admonitio compellit. Adde quod index posteaquam semel dixit sententiam, iudex esse desinit: semel enim male seu bene functus est officio. [c. idcirco. de pœnitent. dist. 7. l. iudex. ff. de re iudic. l. si quis forte. ff. de pœn.]

38 Aliorum est opinio, id tempus in arbitrio iudicum esse: ij enim magis scire poterunt, quousque sit quilibet admittendus. [Hostien. in cap. ad abolendâ. Matth. in constitu. Siciliæ titu. 1. Grilân. de hæret. q. 5.]

39 Verum ea periculosa opinio explosa quoque atque eiecta est: nec enim vita pœnitentium ex arbitrio iudicum pendere debet, quorum arbitratui leuiora duntaxat relinquenda sunt, & ea quæ impossibile fuit legislatori definire, vt Plato & Aristoteles tradunt. An ficta sit, nec ne, cuiuslibet pœnitentis confessio, id quidem legislator præuidere non potuit, cum sit magis facti, quam iuris: quamobrem arbitrio iudicum idipsum reliquit, tempus autem facile præfinire potuit. [Plato. 9. de legibus. Aristote. lib. 1. rhetor. cap. 1. c. vt officium. §. si vero. de hæret. li. 6. l. mora. ff. de vfuris.]

40 Sapienter igitur decreuerunt maiores nostri, vt hæretici pœnitentes, vsque ad sententiâ definitiuam admitti possint, nec deinceps veniæ aut clementiæ sit locus: quod & Gerson, & nostrates tradiderunt: & eo iure vtimur. Verba Gersonis sunt: Difficillimum est convincere, aliquem pertinacem & incorrigibilem fuisse ante iudicium: nam etiam

millies protestatus fuerit ante sententiam, quod defendet errorem suum, admittitur tamen ad veniam in puncto sententiæ proferendæ, si se monstret pœnitere, & velle stare iudicio superioris: quamuis Occam videatur oppositum tenuisse, contra quem est vsus & lex ecclesiæ. Hæc ille. [1. instruct. cap. 12. Gerson 2. tractatu de schismate. Gonsal. de hæreti. prauit. q. 20. Alberti. in c. 1. de hæreti. lib. 6. quæst. 12. Alfons. lib. 1. de iusta hæret. punit. c. 22. Bertran. consil. 212. lib. 2. Zanchi. c. 16.]

41 Suprascriptis tamen vehementer obstat celebris illa Lucij constitutio, quæ vt admitti queat hæreticus, exigit, vt sponte, continuo, & confestim ad vnitatem catholicæ fidei recurrat. Quomodo sponte ad vnitatem redit, qui squalore fatigatus carceris, & sæpe monitus post sexcenta periuria, vix tandem confitetur errores? Quomodo continuo, confestimq; ad ecclesiam recurrit, qui post admonitiones, post accusationem, post edita testimonia, post menses plures, supplicium deprecatur? [c. ad abolendâ de hæret. Godofre. in. l. 4. C. eod. tit.]

42 Vt ea dissoluantur, obseruandum est in primis, quod lex pontificia non requirit, vt omnes hæretici sponte sua conuertantur: sed ij duntaxat, qui clerici, aut monachi, aut cuiuslibet religionis obumbratione fucati fuerint, hi maxime ad fidei vnitatem vltro redire debent: quia vt Cyprianus inquit, Religio violata, aut fraternitas perdita duplices pœnas eis irrogabit. Atque hæc quidem est legislatoris distinctio clerici a laico, hæctenus a nemine animaduersa.

43 Deinde, notandum animaduertendumque est, verbum, sponte, non semper significare liberam voluntatem sine respectu cuiusquæ, vt in loco illo poetæ: Saturni gentem non vincis, nec legibus

æquam, sed sponte sua: & in multis iuris ciuilibus locis. Nonnunquam enim, sponte fieri dicitur, quod quis voluntate sua, per se, & suo iudicio facit: quin etiam quod fit alio instante atque impellente, sponte fieri dicitur. Cicero ad Atticum: Quod profecto cum sua sponte, tum te instante faciet. Et libro de oratore: Si sua sponte, quo impellimus, inclinant. Denique sponte quoque fit, quod nulla vi adhibita fit. idem Cicero de senectute: Senex autem, sicut sua sponte nulla adhibita vi consumptus ignis, exstinguitur. [l. sed & si alio. l. qui totam. ff. ad Trebelli.]

44. Sic ergo in proposito, sponte sua confiteri, is quoque dicitur, qui coniectus in carcerem, suo iudicio & voluntate sua fatetur errores, nulla vi adhibita. Quod eo magis intelligi potest ex subiecta materia: quia Pontifex maximus ait, eos ad fidei catholicæ unitatem sponte recurrere, qui postquam fuerint in hæresi deprehensi, ad ecclesiam redeunt: deprehensio autem est, cum quis in facinore manifesto deprehenditur: aut cum assæuatione sua in errore persistit, aut cum testibus, vel scriptis plane conuincitur. Cæterum quocunque modo deprehensus confiteatur, non omnino fatetur libere & ultro, & nihilominus cõfiteatur sponte: nec enim omnis coactio voluntatem excludit. Cogitur aliquis vi veritatis, cogitur alius conscientia, & alius voluntate sua, ut ait Comicus in Andria: Coactus, inquit, tua voluntate es. & in eodem opere: Coactus legibus eam uxorem ducet. & in Adelphis: Quod vos ius cogit, id voluntate impetret. [c. ad abolendam. & inibi glo. & omnes. l. si mulier. §. ult. ff. quod met. causa.]

45. Plurimum dubitationis ea res habet, cum reus non ante confiteri vult, quam

confessio ab eo vi adhibita, idest, tormentis extorqueatur: videtur enim, non sua sponte fateri, cui consequens est, ut admittendus non sit: & ita Laurentio Syluano placuit. [consil. 89.]

46. Sed id ego longe fecus existimo: nam etsi prior illa confessio tormentis extorta sit: ea tamen efficax non est ad probationem & condemnationem, nisi sponte posteriore confessione rata habeatur: cum autem reus confessionem violentam ultro ratam facit, non est cõfendus inuitus: nec illa rati habitio vi adhibita extorquetur, sed omnino voluntaria est. Relinquitur ergo, ut si eius confessio iusta fuerit, is quoque admittendus sit. Et hæc sententia iudicum omnium consensu probata & recepta est.

47. Superest, ut alterum scrupulum eximamus: quomodo continuo & confestim ad unitatem ecclesiæ recurrit is, qui post longum tempus confitetur errores. sed lex pontificia id exigit, post deprehensionem, hoc est, ut postquam fuerit reus in hæresi deprehensus, continuo siue confestim ad ecclesiam redeat: ex autem dictiones cum aliquo temperamento temporis accipiendæ sunt: & modo breuius, modo longius tempus pro subiecta materia exigunt. Nam & Vlpianus modicum tempus esse dixit, triginta dierum: & in proposito, non solet esse tempus longum a deprehensione usque ad sententiam: neque hoc interuallum alio fine terminari potuit. [l. ratum. & l. quod dicimus. ff. de solutionib. l. promissor. de constitu. pecu. l. 1. §. item si ita. ff. ad leg. falcid. l. 1. in princip. ff. de itinere actusque priuato. l. quo enim. §. 1. ff. re rat. haberi. interpretes omnes in l. 3. §. eum igitur. ff. de vi & vi armata.]

48. Igitur hæreticus errores cõfessus ante sententiam diffinitiuam, recipi quidem poterit: sed iudices non semper eum admittere

mittere debent, nisi confessio iusta sit, & non falsa, & ficta seu simulata. Qua in re iterum eodem loco Laurētius Sylluanus labitur, dicens non esse in arbitrio iudicum, non admittere hæreticū confitentem ante sententiā: quasi vero iudicum arbitratu rei cōdemnarentur, & non potius id fiat a lege pontificia: quæ non potuit hæc facta, & eorum circumstantias prudentiæ iudicum non relinquere. [c. vt officium. §. 1. de hæret. lib. 6. l. mora. ff. de vsuris. l. 1. §. 1. ff. ad Turpil.]

49 Quod si cui longum esse videatur expectare vsque ad sententiā, is multa consideret. Primum, quod nulla vnquā de morte hominis cunctatio longa est. Deinde, quod Sextus Cæcilius angustissimū tempus esse dicebat sexaginta dierum alienandis manumittendis uersis: non erit igitur longum, plures dies opperiri, vt hæreticus conuertatur & uiuat. Ad hæc, difficillimæ sunt repentinae mutationes: itaque tempore hæreticus eget, vt ab impietate discedat. Tum illud addo, quod reipublicæ quoque interest, vt hæretici spe veniæ consequendæ, participes impietatis iudicibus indicent: quod facere non solent ij, qui sciunt, sibi non esse ignoscendum. Postremo, non est vsque adeo facile ac dulce, fateri se fuisse hæreticum, vt pudor, vt infamia, vt publicatio bonorum, vt habitus impietatis, denique vt dæmon ipse non vehementer obsistat: Nihil ergo humanum a nobis alienum esse debet. [l. prospexit. ff. qui & a quib. c. si sermo. de pœnitent. distin. 2. c. ancillam. 3. 2. q. 2.]

50 Vidi ego dicentes: Qui fieri potest, vt conuertantur sponte, i: qui latitabant, fugiebant, & vix comprehendi poterāt, & inuiti detinentur in carcere? Eorum confessio metu mortis imminētis ma-

gis fit, quam vt reuertantur ex animo. Quibus respondere solebam: Spiritus vbi vult spirat, & vexatio dat intellectū: ecclesia de occultis non iudicat: leges pontificiæ in hæresi deprehensos admittunt: omnia sunt in benigniorem partem accipienda: propensiores debemus esse ad absoluendum, quam ad condemnandum: & pœnis legum contenti, seueriores esse non debetis, quam leges ipsæ: nec præsumptionibus & suspicionibus quenquam damnare debetis. Nabuchodonosor pœnitentiam meruit fructuosam: nonne post innumeras impietates flagellatus, pœnituit, & regnū quod perdiderat, rursus accepit? [cap. Nabuchodonosor. 23. quæstio. 4. l. si stipulatio. 19. de verb. obligat.]

51 Nos vero integram confessionem, iustam esse iudicamus, præsertim cum reus fleuit & ingemuit: hæc enim sunt signa veræ confessionis & pœnitentiæ: iuxta quod Propheta regius inquit: Lachrymis meis stratum meum rigabo. & alibi: Laboravi in gemitu meo, & gemitus meus a te non est absconditus: & apostolorum princeps fleuit amare. Præterea multa in hanc sententiā, quæ ex Hieronymo, Ambrosio, Chrysostomo, Augustino, alijsque multis Gratianus retulit. [Lucæ 22. c. lachrymæ. c. porro. c. conuertimini. c. quem pœnitet. de pœnitentia. distin. 1. c. pœnitentiam. c. sunt plures. de pœnit. dist. 3.]

52 Nec me later, lachrymas nonnūquam nihil profuisse: veluti cum Esau non inuenit pœnitentiæ locum, quamuis cū lachrymis inquisisset eam: sed lachrymæ illæ, vt ait Chrysostomus, non erant pœnitentiæ, sed animi violenti, & indignationis internæ: quod ex operibus eius perspicuum est. vel vt recte inquit Anselmus: Licet vbertim fletis, tamen pœnitentiæ locum non inuenit, per quam

primogenita, quæ prius vendiderat, recuperaret: vel benedictionem quam frater eius acceperat, ipse sumeret: quia sero fleuit, & sero pœnitentiam quæsiuit. Impossibile enim iam erat, mutari quod factum fuerat. hæc ille ibidem. [ad Hebræ. 12. c. irrisor. c. Iudas. de pœnitent. distinct. 3.]

53 Optimum quoque signum est veræ pœnitentiæ, humilitas: nec enim sufficit a præteritis malis recedere, nisi etiam de his quæ facta sunt satisfiat Domino per pœnitentiæ dolorem, & per humilitatis gemitum: quia pœnitentia est humilius & bonorum fidelium pœna quotidiana, vt Augustinus inquit: & vbi superbia regnat, humilitas locum habere non potest: sine humilitate vero veniam sperare non licet. superbi autem omnes hæretici sunt, vt sæpe Hieronymus inquit: itaque pœnitentes superbi, hæretici adhuc esse videntur. [c. non sufficit. c. tres sunt. c. quis aliquando. in fine. de pœnitent. distinct. 1.]

54 Existit autem hoc loco quæstio subdificilis, an is qui docet hæreses, quæ dogmatizantem vocant, recipiendus sit re dire volens. Et prima quidem fronte videtur, hunc pœnitentem admittendum esse: nam & Lucius 111. in constitutio ne illa celebratissima, qua hæreticos pœnitentes excipit ecclesiæ gremio, eum quoque accipit, qui de sacramentis ecclesiasticis aliter docet, quam sacrosancta Romana ecclesia prædicat & obseruat. [c. ad abolendam. de hæret.]

55 Sed ea constitutio eget interpretatione iusta, non enim recipere videtur dogma rictam, sed credentem: nam in prima parte vtrunque pariter vinculo perpetui anathematis obligat, quia vterque in excommunicationem incurrit: cum autem de admittendis pœnitentibus loquitur, nullam doctoris mentionem fe-

cit. Nec existimandus est legislator æqualiter dissimiles accipere voluisse, cum sit longe grauior magistri quam discipuli culpa: lapsis enim & erratibus subuenitur, non autem seductoribus perditis, quibus lex diuina non parcat. Ait enim lex: Si tibi voluerit persuadere frater tuus, aut filius, aut vxor, vel amicus, clam dicens, eamus & seruiamus dijs alienis: non acquiescas ei, nec audias, neque parcat ei oculus tuus, vt mifereris & occultes cum, sed statim interficies. Sit primum manus tua super eum, & post te omnis populus mittat manum: lapidibus obrutus necabitur, quia voluit te abstrahere a domino Deo tuo. [Deutero. 13. l. hiqui. C. de apostatis.]

56 Huc accedit, quod consequens clausula generalis, non est æqualiter ad antecedentia referenda, cum ratio dissimilis fuerit, & inæquabilis causa. Quis autem ignorat, maximam esse distantiam inter doctorem & discipulum, deceptorem atque deceptum? [l. cohæredi. §. qui discretas. & inibi. Areti. de vulga. & pupilla. Angel. in. §. hinc nobis. authen. de hæredi. & falci. Imol. in. l. Caius solut. matri. Paul. in l. vlti. C. de senten. Alex. in l. in testamento. C. de testam. milit. Decius consil. 456.]

57 Quamuis autem alijs quoque pontificijs legibus pœnitentes hæretici recipiantur: ea tamen regula generali non comprehenduntur hæresiarchæ, neque doctores errorum. Et si enim alijs hæreticis venia concedatur, isti tamen seuerissime puniendi sunt, qui magistri fuerint & impietatis duces. Sic olim quia populus Israel fornicatus cum filiabus Moab, adorauit Deos earum, iratus Dominus ait ad Moysen: Tolle cunctos principes populi, & suspende eos contra solem in patibulis, vt auertatur furor meus ab

- ab Israel. Sic etiam duces seditionum durius puniri solent, etiā si cæteris ignoscatur. [Numerorum. 25. & l. quoniā multa facinora. C. ad leg. Iuli. de vi publica. Tiraquel. li. de pœnis causa. 74.]
- 58 Ad hæc, pontificiæ leges, quæ hæreticos pœnitentes recipiunt, non sunt ad eos trahendæ, qui non vna morte digni sunt, sed pluribus: satis enim superque est, vt vno crimini morte dignissimo ignoscatur: nec iustum aut æquum est, vt multa crimina sint impunita. Hæreticus autem propter quamlibet hæresim in pœnam mortis incurrit: qui vero doctor hæresum est, hoc ipso altera dignus est morte. nam vt lex ait: Ultimo supplicio coercendi sunt, qui illicita docere tentauerint: & qui fidem alterius expugnant peruersa doctrina. [l. quicumque. C. de hære. l. pen. de apostat. & l. si. de Iudæis. l. 7 §. ti. 6. li. 16. C. Theodosiani. l. 1. §. persuadere. & §. sed utrū. ff. de seruo corrupto.]
- 59 Accedit eodem, quod lex, quæ de aliquo crimine simpliciter loquitur, seruanda non est, cum alia concurrunt crimina. Vt enim Vlpianus inquit: Nunquam plura crimina concurrentia faciunt, vt vllius impunitas detur: nec delictum ob aliud delictum minuit pœnam: sed interest publice nullum impunitum relinqui. [l. nunquam plura. de priuatis delictis l. si adulterium cum incestu. l. vim passam. §. præscript. ff. ad leg. Iuli. de adulte.]
- 60 Itaque relinquendus est curiæ seculari hæresiarcha & magister errorum, & eo magis, si multis nocuit: venia enim in dignus est, qui hæreses pluribus persuaferit: perinde atq; homicida, qui multos occidit homines. Nam & hæreticus tot occidit homines, quot induerit: homicida est & dolosus, quotidie animarum sanguinem fundens, vt in-
- quit Hieronymus in psalmum quintū. [l. 3. C. de episcopali audientia.]
- 61 Præterea punire oportet hæresiarchas, nec eos vlllo pacto recipere, vt rudioribus discipulis atque reipublice melius eo exemplo consulatur. Et vt diuus Hieronymus inquit, Ideo magistri hæreticorum percutiuntur, vt salui fiant discipuli. [in Amos. c. 9. Brunus lib. 5. de seditione. cap. 6.]
- 62 Tum illud addo, quod qui docet hæreses, non gladio, sed veneno pestiferi dogmatis interficit: nō corpus occidit, sed animam: non breui morte, sed sempiterna: quas ob res grauissimo supplicio dignus est. Huc accedit Augustinus alicubi dicens, Pœnam Arrij apud inferos nondum esse ad certum acerbis modum terminatam, sed adhuc eam augeri, quod nec dum finis sit sui prauis dogmatis, quo plurimorum animas nō cessat occidere. [l. 1. C. de maleficis. l. sancimus. de sacrosanct. ecclesia. l. respiciendum. ff. de pœnis.]
- 63 Ex quibus omnibus, aliisque multis perspicuum est, magistris Lutheranarū hæresum nullo pacto ignoscendum esse. Quippe cum multis simul vitij & flagitijs sint contaminati: hostes ecclesiæ, inimici sanctorum, diuini iuris violatores, sacrilegi, bonorum operum, atq; adeo bonorum omnium morum corruptores, rerum publicarum euerfores. Nec enim ignosci potest ijs, qui nefaria crimina tantorum facinorum ac tam atrocium suscipiunt.
- 64 Magno quidem argumēto est Paulus apostolus in epistola ad Hebræos c. 10. dicens: Irritam quis faciens legē Moysi, sine vlla miseratione duobus vel tribus testibus moritur: quāto magis putatis, deteriora mereri supplicia, qui filium Dei conculcauerit, & sanguinem testamenti pollutum duxerit, in quo sanctificatus

ficatus est, & spiritui gratiæ contumeliã fecerit? Lutherani autem filium Dei & ecclesiam sponsam eius conculcant, & sanguinem testamenti polluant, euangelium deprauantes, & fide viua abutentes, & sacramenta omnia tollentes ac profanantes. Denique Spiritui sancto contumeliã faciunt, traditiones eius irridentes, ac plane dicentes, nullam veritatem eum docuisse per mille quingentos circiter annos. Relinquitur ergo ut seductores Lutherani, apostolo iudice, sine vlla miseratione puniantur. cum Lutheranos dico, Sacramentarios, Anabaptistas, Hugonotos & cæteras huius temporis pestes intelligo, quia eadem fere causa eorum omnium est.

65 Præterea, qui docet hæreses istas, flagitium graue committit, non solum damnable, sed etiam damnosum: falsarius est pessimus, qui non literas Pontificis falsat, sed omnipotentis Dei. Cum autem ecclesia non habeat pœnam condignã, qua iuste hunc punire possit, restat ut eum curiæ seculari relinquat. [c. nouimus. de verb. signific. c. ad falsariorum. de crimine falsi. c. cum non ab homine. de iudi. & inibi Anchar. & Alcia. Abb. & cæteri. in c. at si clerici. de iudi. Feli. in c. i. de constitutio.]

66 Deinde, qui dogmata peruersitatis per suadent, ij proculdubio rempublicam ipsam disturbant ac dissipant: quod cum hæreticorum fere omnium sit, isti tamem multo id magis efficiunt, qui hierarchiã ecclesiasticam tollunt, & christianam rempublicam labefaciunt, atque perfringunt. Quamobrem seuerissime puniendi sunt, non modo ut pestiferi hæretici, sed etiam ut seditiosi, atque euersores reipub.

67 Consuluit Mæcenas, Romanorum sapientissimus, ut non solum more maiorum Augustus Cæsar numen diligenter

coleret, sed & alios ad eum cultum compelleret: eos vero qui peregrinum aliquid, aut nouum in religione tentaret, puniret & coerceret: non solum religionis causa, sed etiam ipsius reipublicæ, ut a Dione proditum est lib. 42. Videbat vir prudentissimus religione mutata, mutari quoque respublicas: vtrunque autem in bene constituta republica perniciosissimum est, & maximis supplicijs dignissimum.

68 Ille quoque hæreticus qui regi, aut principi hæreses persuadere tentauerit, mea quidem sententia, sine vlla miseratione iudici seculari relinquendus est: coniunxit enim hæresim cum crimine læsæ maiestatis, hostili animo aduersus principem & rempublicã animatus: est quippe crimen maximi sceleris animã principis, atque adeo vniuersæ reipublicæ occidere velle. Nam ut ciuis meus Seneca libro primo de clemetia inquit: Animus reipublicæ, princeps est: ille vinculum est, per quod respublica coheret: ille spiritus vitalis, quem tot millia hominum trahunt. Rege incolumi mens omnibus vna est: impijs regnantibus, ruinæ hominum. [Prouerb. 28. regia lex 13. & l. 24. tit. 13. parte. 2.]

69 Similia dici possunt de hæreticis illis, qui reginam, aut filias, vel sorores regis venenatis doctrinis inficere conati fuerint. Nam & reges ipsi per eas mulieres facilius perueriti possunt: & in crimen læsæ maiestatis incurrunt, qui harum sceminarum pudicitiam polluunt: ac multo quidem magis qui animas earum adulterant. [regia lex. 1. cum sequit. 14. parte. 2. cap. vlti. de conuersio. coniugato.]

70 Eadem dici possunt in eos, qui filios regis inficiunt: nam & hi regiam quoque maiestatem lædunt. Quadus Manicheos suæ ditionis omnes occidit, eorumque episco-

- episcopum, & libros combussit, quod vnum ex filiis suis, in detestandam illā hæresim pellexissent: author Ioannes Zonaras in imperio Iustini Thracis.
- 71 Ad postremum, doctores siue magistri istorum dogmatum, non sunt puniendi vt ceteri heretici, sed pœnis seuerissimis sine vlla miseratione coercendi: tū quia exacerbanda sunt supplicia, quia multis grassantibus exemplo est opus: tum etiam quia propter immanitatem facinororum licitum est a regulis iuris discedere: & vt iurisperiti aiunt, Propterea licet iura transgredi. [l. aut facta. §. vlt. ff. de pœn. Innoc. & ceteri in c. 1. de constituto. Tiraquel. li. de pœnis, causa. 49.]
- 72 Quod si quis docere voluit hereses, & nulli nocuit, recipi fortasse poterit: sed maiora in eo signa pœnitentiæ requirēda sunt, vt ne ficta eius conuersio esse videatur. Neq; enim facile credendus est quispiam ab extrema impietate discessisse repente: Nam peruersi, vt Ecclesia ftes inquit, difficile corriguntur, & mali homines & seductores proficient in peius, errantes & in errorem mittētes, vt ait Paulus in posteriore epistola ad Timotheum. [c. 3. ecclesiastes. c. 1.]
- 73 Ex eo autem quod supra diximus, nata dubitatio est: an hæreticus post sententiam diffinitiuam conuersus, qui se dixit pœnitere velle, & alios hæreticos iudicibus indicare, si ob eam rem a iudice seculari restitutus sit inquisitoribus, & coram illis plenissime confessus fuerit, relinquendus sit iterum eidem iudici seculari. Quæ quæstio cum superioribus annis apud inquisitores Conchenfes exacto agitata esset, consulti supremi iudices, multique periti vnanimi sententia responderunt, pœnitentem eiusmodi non esse curiæ seculari iterum relinquendum: tum quia veram confessionē fecerat coram inquisitoribus, & ab illis tradi non debebat: tum etiam quia secularis iudex iuri suo renunciasse visus est, qui hæreticum sibi relictum inquisitoribus tradidit. Adde, quod nec bonū nec equum patitur, vt qui iam nec impœnitens, nec relapsus est, seculari potestati vllō modo tradatur.
- 74 Cæterum sacerdotibus, & alijs clericis non solet publica pœnitentia iniungi, tum propter ordinis dignitatem: tū etiam ne grex fidelium offendatur, & patiatur scandalū. [c. illud. c. alienum. c. de his. c. confirmandum. §. o. dist. c. presbyter. 82. distinct. & inibi Archidia. Præposit. & ceteri. Alex. Ales. 4. parte. q. 64. membro. 3.]
- 75 Sed quamuis hoc in leuioribus criminibus seruandum sit, in grauioribus tamen sacerdotes etiam cogendi sunt ad subeundam publicam pœnitentiam: & eo magis in crimine hæresis, quo sacerdotes grauius, quam laici delinquant. Vt enim Cyprianus inquit: Cum hoc laicos deceat, ne occasionem blasphemandi opponant: tum maxime clericos vehementer necessitas ista contingit: quibus aut religio blasphemata, aut fraternitas perdita, pœnas duplices irrogabit. [c. presbyter. 82. distinct. c. vlti. §. o. distinct. c. si quis episcopus. 81. distinct. c. si quis sacerdos. 30. quæstio. 1. Cyprianus tractatu de singularitate clericorum. c. accusatus. §. vlti. de hæreti. lib. 6.]
- 76 Nec soli clerici & presbyteri publicā pœnitentiam agere debent, sed etiam episcopi, cardinales, & ceteri quantalibet dignitate præfulgeant: par enim omnium conditio est in his, quæ ad fidem pertinent orthodoxam, vt suis locis fusius diximus. Adde etiam, quod clerici hæretici ad ecclesiam redeuntes, post alias pœnitentias deponendi sunt, saltem degradatione verbali, qua suspenduntur ab exercitio suorum ordinum: iuxta

iuxta id quod in cōcilio Elibertino decreuerūt patres, hoc verborum tenore: Ex omni hæreſi, qui ad nos fidelis venerit, minime eſt ad clerum promouendus: vel ſi qui ſunt in præteritum ordinati, ſine dubio deponentur. hæc ibi. [c. 51. c. 1. de hæreſi. lib. 6. & illic. Domini. Philip. Franc. & Alberti. notabi. 6. Abba. Ioan. de Ana. & Felinus in. c. pœn. de hæreſi. & in tracta. eiufdem tit. Grillan. quaſtio. 7. Gonſalus, quaſt. 19. Brunus. lib. 4. c. 13. Ioan. Bernar. in præſt. c. 127.]

- 77 Qui vero pœnitentiæ iniunctæ plane non ſatisfecerit, nunc pœna pecuniaria coercetur, nunc pro relapſo habetur. Nam ſi pœnitentia iniuncta omnino contraria eſt hæreſi, puta, ſi pœnitenti præcipitur, vt abiuret, vt aduerſus errores ſuos prædicet, vt hæreſicis non communicet, vel quippiam ſimile, tunc ille qui non paruerit, puniri poterit tanquam relapſus: ſi vero pœnitentia ad purgationem culpe tendat: vt puta, ſi ieiunia, orationes, vel alia opera pia fuerint pœnitenti iniuncta: is qui ea omnia non fecerit, puniri poterit pœna arbitraria. Hæc eſt concors plurimorum opinio, a quibus ego vehementer diſſentio: nam qui pœnitentiæ iniunctæ non ſatisfacit, pertinax, aut impœnitēs eſt, aut quidvis potius, quam relapſus. Quod ſicum ſuæ negligentia, aut pertinaciæ iterum pœnituerit: arbitrio iudicum pœnitentiam denuo pro criminis qualitate agere cōpelleretur. [Matthæ. Zenzeli. & Ioan. Imolen. num. 23. in Clement. vlti. de hæreſi. Calderin. in. c. literas. de præſumptio. Feder. Senenſis conſil. 156. Cardi. in Clemen. 1. §. ſanc. de vſuris. Fran. Squillacen. de fide catholica. c. 19. Nicola. Arelata. de hæreſi. notab. 30. Menochius conſil. 82.]

- 78 Cum autem pœnitentia in plerisque

rebus arbitrio iudicum moderanda ſit, necesse eſt, vt in ea imponenda inquiſitores multa conſiderent. Nam vt patres in ſexta ſynodo generali decreuerunt, oportet peccati qualitatem ſpeculari, & peccatoris promptitudinem ad reuerſionem, vt reducatur errans, & vulneratus curetur. Eaque cautione procedendum eſt, ne per præcipitia deſperationis pœnitens detrudatur: neque ei laxentur habentæ ad vitæ diſſolutionem, & contemptum. Vtraque igitur ſcire oportet, & quæ ſunt rigoris, & quæ cōmiſerationis, vt homo ad claritatem illam ſupernam vocatus, prudenter gubernetur. Extat quoque canon concilij Vormaciensis hoc verborum tenore: De pœnitentibus ſecundum differentiā peccatorum ſacerdotis arbitrio pœnitentiæ decernantur. Debet itaque ſacerdos in pœnitentia dāda ſingulorum cauſas ſingulatim conſiderare: originē quoque, modumque culparum, & affectus, gemitusque delinquentium diligenter examinare, manifeſteque cognoſcere: temporum etiam & perſonarum, locorum quoque & ætatum qualitates inſpicere, vt etiam pro conſideratione locorum, ætatum, vel temporum, ſeu pro qualitate delictorum, atque gemituum vniuſcuiusque delinquentis, a ſacris regulis oculos non refleſcat. hæc ibi: quæ quamvis de foro ſacro pœnitentiæ dicta ſint, ad forum tamen inquiſitorū omnino pertinere quiuiſ facile intelliget: quia & hoc forum mixtum eſt. [6. ſynodo generali. c. vltim. & concilio Vormaciensi. cano. 7. c. meſuram. de pœnit. diſt. 1.]

- 79 In his autem, alijsque pœnis omnibus ad miſericordiam & clementiam, quæ ad crudelitatem & ſeueritatem proniores eſſe debemus. Beati miſericordes (inquit Saluator noſter) quoniam ipſi miſericor-

miserecordiam consequentur . Et Sapiens in Prouerbijs: Misericordia & ueritas te nō deserant: circūda eas gutturi, & describe in tabulis cordis, & inuenies gratiam coram Deo & hominibus. Profecto iustitia sine misericordia & lenitate, non iustitia, sed crudelitas est: Est enim erremus modicam pœnitentiam imponentes, melius tamen est, sicut Ioannes Chrysostomus inquit, propter misericordiam rationem reddere, quā propter crudelitatem. Etenim Deus ipse (ut apud Oseā est) misericordiā mauult, quam sacrificium. Et iuxta Gregorij Nazianzeni sententiam: Nulla ex omnibus re Deus perinde ac misericordia colitur: quoniam nil aliud tam peculiare est Deo, quam illa. Vnde Claudianus eleganter cecinit:

*Sis pius in primis, nam cum vincamur
in omni*

*Munere, sola Deos aequat clementia
nobis.*

Et sicuti Cicero in oratione pro Ligario scribit: Nulla uirtus nec gravior, nec admirabilior misericordia est: homines enim ad Deos nulla re propius accedunt, quam salutem hominibus dādo. Quærendæ sunt ignoscendi causæ, ut Ammianus Marcellinus ait, non puniendi occasiones: quod iudicis considerati est proprium. Et ut Sospater quadam in epistola scribit: Gratie, quæ iustitiā transgrediuntur, ne gratiæ quidem dici debere videntur: amicas autem iustitiæ nemo reiecerit ultro, qui modo nō ex quercu, aut petra natus sit. Et mox: Iudicia quidem, quæ occupantur circa iustitiæ emendationem in contrahentibus, omnino non agnoscunt gratiarum genus: quæ autem circa delicta versantur, mansuetam & humanam gratiarum faciem non recusant. Denique pro Iacobi apostoli sententia,

Superexaltat misericordia iudicium. [Matth. 6. Prouerb. 3. Chrysostom. in. c. alligant. 26. quæst. ult. Osee. 6. Nazianze. oratio. 16. Claudianus de quarto consulatu Honorij. lib. 12. Ammianus. lib. 19. rerum gestarum. epistola Iacob. cap. 2.]

80 Meminerint semper iudices Iacobi apostoli eodem loco dicentis, iudicium sine misericordia illi, qui non facit misericordiam. Perniciose quidem iudices errant, qui seueritatis gloriam assestant, & crudeles, & atroces sunt. Nā sicut misericordia sursum ad Deum leuat, ita deorsum crudelitas in infernum deiicit: Est enim hominū nature, quam sequi debemus, maxime inimica, ut Cicero libro tertio officiorum scriptum reliquit. Igitur in leuioribus causis, ut eleganter Marcellus inquit, Proniores ad lenitatem iudices esse debent: in grauioribus pœnis seueritatem legum cum aliquo temperamento benignitatis subsequi. [Iacobi. 2. l. respiciendum. de pœnis. c. licet. c. disciplina. 45. distin. cum sequentibus.]

81 Haftenus de pœnitentibus diximus: superest ut pauca quædam de conuersis breuiter perstringamus. Conuersos hoc loco intelligimus, eos omnes, qui ex Iudæis, Mahumetanis, aut alia qualibet secta, ad fidem catholicam conuertuntur: nam vulgus Hispanorum eos tantum conuersos nominare solet, qui ex Iudæis conuersi sunt, vel ex Iudæorum gente descendunt. Hi autem docendi & fouendi sunt, adiuuandi quoque & honorandi, ut catholicam fidem libentius amplectantur. Primordia conuersorum, inquit Isidorus, blandis refouenda sunt modis, ne si ab asperitate incipiant, exterriti ad priores lapsus recurrant. Nam ut Chrysostomus ait, Contumeliæ ac derisiones non parū valent ad

commouendam animam, ni fides profunde sit radicata. Nihil enim æque tabefacit mentem ac diſteria & conuicia: nam multi viri per conuicia sunt sæpè subuerſi. Quod ſi quiſpiam eis perſuaſerit, vt deſerant catholicam fidẽ, is vltimo ſupplicio lege regia puniẽdus eſt. [pragmatica. 11. Eccleſiaſtici. 8. Sto bæus ſermone. 110. Chryſoſtomus in dictum Apoſtoli, Habentes autem eundem ſpiritum, ſerm. 3.]

82 Sed hinc aſpera & vehemens quæſtio exoritur, vtrum iſti ad fidem recenter conuerſi, & eorum liberi, veteribus Chriſtianis in omnibus æquandi ſint. Quidam multis argumentis probare conantur, inter hos & illos nullum eſſe diſcrimen conſtituendum: quod facile illis conceſſerim in his tantum rebus, quæ ad fidem & religionem, vel ad ius naturale, vel iuſtitiam commutatiuam pertinent: in hiſenim omnes æquales

eſſe debemus, ſicut illorum argumenta oſtendunt. [c. 1. cum ſequent. 56. diſt. glo. in regia. l. 2. tit. 3. l. 4. fori legum. Buridanus in lib. 5. ethico. quæſt. 11.]

83 In honoribus tamen, ac dignitatibus, in diſtributiua iuſtitia, & id genus alijs, plurimum refert, nobilis ſit quis, vel ignobilis: ciuis an peregrinus: Iudæus, an Græcus: neophytus, an ex vetuſtiſſimis Chriſtianis: id enim ratione naturali apud omnes gentes conſtitutum, & apud omnes populos uſitatum, & iure gentium receptum eſt. Vide plura de hac re in deſenſione ſtatuti Toletani.

84 Poſtremo, ſi neophyti labantur in hæreſim, aut relabantur, nondum ſatis edo cti catholicam fidem, mitius cum eis eſt agendum: parcitur enim tyroni, præſertim diſciplinam ignorant. [l. deſertorem. §. ſi plures. l. qui cum vno. §. vlti. l. qui comiteatus. ff. de re militari. Tiraquel. lib. de pœnis. cauſa. 10.]

De pertinacib. & impœnitentib. Tit. XLVIII.

S V M M A R I V M.

- 1 **P**ertinacia quid ſit, & quis pertinax dicendus.
- 2 Pertinacia nonnullorum hæreticorum.
- 3 Pertinacium hæreticorum furorem eleganter exprimit Auguſtinus.
- 4 Pertinaces hæreticos quomodo deſcribat Bernardus, & Albertus Campẽſis.
- 5 Pertinaces hæretici dæmonibus peiores ſunt.
- 6 Pertinaces quomodo puniendi ſint.
- 7 Pertinacia quæ conſummata facit hæreticum, cuiuſmodi ſit.
- 8 Pertinacem eſſe, qui credit contrarium eius, quod ſcit eccleſiam tenere, probatur ratione.
- 9 Pertinaces ex iuris præſumptione qui ſint.
- 10 Pertinax hæreticus eſſe cẽſetur, qui aſſerit aliquam hæreſim, cuius contrariam veritatem catholicã prius docuerat.
- 11 Pertinax prædictus hæreticus quando non cenſeretur.
- 12 Pertinax hæreticus eſſe præſumitur, qui diu perſiſtit in errore, cuius contrariam veritatem catholicam explicite ſcire non tenebatur.
- 13 Præſumptio ſola non ſufficit, vt quiſpiam vt hæreticus puniatur, ſaltem pena ordinaria.
- 14 Pertinax indiſta cauſa iudicandus nõ eſt, qui aſſerit propoſitionem aliquã hæreticam, cuius contrariam veritatem catholicam explicite ſcire nõ tenebatur.
- 15 Pertinax cenſetur, qui licet ignorantia probabili erret, legitime tamen admonitus

- nitus non resipiscit.
- 16 Pertinax is præsumitur, etiam si minus legitime admonetur, si statim tanta sollicitudine veritatem non querit.
- 17 Admonitio, qualis esse debeat, ut hæreticum pertinacem faciat.
- 18 Admonitio quæ censenda sit legitima.
- 19 Admonitione legitimā esse inquisitoris assertionē, dicētis errare aliquē contra fidem catholicam, nonnulli censent.
- 20 Admonitionem legitimam esse inquisitoris prædictam assertionem, perperam negat Alfonso Castrensis.
- 21 Pertinax quando censendus est qui probabili ignorantia errat.
- 22 Pertinax quomodo censendus non est, qui probabili ignorantia ductus iurat se nunquam ab aliqua hæretica propositione discessurum.
- 23 Hæreticus incorrigibilis quis sit dicēdus.

- 24 Pertinacia quare in dubio præsumenda non sit.
- 25 Impœnitens quis dicatur.
- 26 Impœnitentes hæretici qui suos errores negare quam confiteri malunt, iure optimo comburuntur.
- 27 Hæretici qui errores omnes, de quibus manifeste conuincuntur, confiteri nolunt, merito curiæ seculari relinquuntur.
- 28 Impœnitentes diminuti qui dicantur.
- 29 Pœnitentia iniuncta qui nō satisfaciunt, quomodo puniendi sint.
- 30 Inquisitores cognoscere possunt, an pœnitentes iniunctam pœnitentiam agant.
- 31 Inquisitores cōtra illos procedere debēt, qui ad ecclesiam redeunt, de seipsis, aut de alijs, plenam veritatem non dixerunt.
- 32 Inquisitores non debent statim prædictos homines curiæ seculari relinquere.

De pertinacibus & impœnitentibus.

Pertinacia hæresis complementum, & quæ cōsummatum facit hæreticum, operpretium erit, quid pertinacia sit explicare. Pertinacia, ut inquit Cicero, finitima est perseverantiæ, nam utraque in rebus cœptis persistit: sed perseverantia occupatur in bono, pertinacia vero in malo. Significat itaque pertinacia obstinationē & peruciā, qua quis in eo persistit, quod tenere non debet. Unde pertinax dicitur (ut apud Isidorū est lib. 10. etymolo.) quasi impudenter tenax, qui persistit in eo, quod debet dimittere. Denique pertinax est, qui persistit in errore, quem omnimodo deserere tenetur. [Arch. in. c. hæresis. 24. q. 3. Ioan. Mona. in Clem. 1. de usuris. Alberti. lib. de agnoscendis assertio. ca

thol. q. 3. & 29. Alfonso Castren. lib. 1. de iusta hæret. punitio. c. 9.]

2 Sunt autem quidam hæretici pertinaces usque adeo perdit, ut mortem, mortisque quoslibet cruciatus ante sint subituri, quam ab errore discedant: ut qui non minus tenaces sunt hæresum, quam celebratissimi olim Christi martyres fuerint religionis diuinitus inspiratæ. De his pertinacibus loquens Cyprianus, tractatu de simplicitate prælatorum: Cum Deo, inquit, manere nō possunt, qui esse in ecclesia Dei vnanimes noluerunt: ardeant licet flammis, & ignibus traditi: vel obiecti bestijs, animas suas ponant, non erit illa fidei corona, sed pœna perfidiæ: nec religiosæ virtutis gloriosus exitus, sed desperationis interitus. Et libro de duplici martyrio: Neque tamē statim martyr est, qui occiditur: occiduntur & sicarii & piratæ.

piratę. Non suppliciũ facit martyrem, sed causa. Neq; hoc est testimoniũ præbere Deo, id facere, quod & Deo displicet, & gentium legibus prohibetur. Plurimum interest inter barbaram immanitatem, & martyrum modestissimam constantiam, in se imbecillem, in Christo fortem. Sunt qui certis artibus corpus stupefaciunt, ne sentiant cruciatus: sunt & affectus impotentes, qui sensum adimunt animo, ita vt vel mortem impauidi perferant: sed placidum illud ac mansuetum, illud humiliter sublime, & sublimiter humile, non videmus nisi in Christi martyribus: Non intuentur trucibus oculis carnificem: non minitantur tyranno: magis dolent de illorum cæcitate, quam de suis afflictionibus. Hæc ille his ipsis verbis persecutus est, cæteraque grauissime. [Addo Tertullianum lib. de præscriptionibus hæreticorum in principio, eundem Cyprianum, epistola. i. li. i. Hermam Letmarium li. 2. de instauran. religio. c. 7.]

3 De iisdem quoq; pertinacibus loquens diuus Augustinus inquit: Hæretici non possunt habere martyrum mortẽ, quia Christianorum nõ habent vitam, cum martyrem non faciat pœna, sed causa. Et alibi: Martyres veros non facit pœna, sed causa. Nemo ergo miretur si tã peruiacem hæreticum viderit, & tam inflexibilis obstinationis, vt pertinaciter & gaudenti similis, tormenta patiatur & mortem: nec enim talium est alacritas vera, sed infania & furor: nec patientia, sed immanitas: nec certitudo salutis, sed inscitia & cæcitas & confusio: nec conscientia sana, sed cauteriata ignito ferro cupiditatis glorię, & proprio iudicio iam damnata: nec est in istis fortitudo, sed timor: quẽ vt vincant, in desperationẽ descendũt. Nonne Calanus Sophista id ipsum spon-

te fecit? qui cum in morbum incidisset, nec pateretur se ad ægrotantium regulã curari, pyram conscendens omnibus admirationi fuit, quod cũ cremaretur, quasi ignis nihil noceret, toto corpore immobilis stetit: vt est apud Arrianũ libro septimo de rebus gestis Alexãdri Magni. & Esseni in medijs cruciatibus subridentes, & eis qui tormenta admo- uerant illudentes, animas cum quadam hilaritate reddebant: author Iosephus libro secundo de bello Iudaico, capite septimo. Ioannes quoque & Hieronymus hæresiarchæ a Constantiensis concilio damnati, pertulerunt ambo constanti animo necem: & quasi ad epulas inuitati ad incendium properauerunt, nullam emittentes vocem, quæ miseri animi posset facere indicium: vbi ardere cœperunt, hymnum cecinere, quem vix flamma & fragor ignis intercipere potuit: sicuti Aeneas Syluius prodidit. [historiæ Bohemicæ c. 36. August. Dulcitio. episto. 61. & epist. 167.]

4 Accedit etiã sacer ille Bernardus, quodam sermone super Cantica dicens: Probatum est, mori magis volunt, quam conuerti. Mirabantur aliqui, quod nõ modo patienter, sed & læti, vt videbatur, ducerentur ad mortem: sed non inde mirandum, si aduertatur, quanta sit potestas diaboli, non modo in corpora hominum, sed etiam in corda, quæ semel permissus possederit. Non ne plus est, hominem sibi met injicere manus, quam id libẽter ab alio sustinere? Hoc autem potuisse diabolum, frequenter experti sumus in multis, qui semetipsos aut submerserunt in aquas, aut fecerunt ex sublimi præcipites, aut laqueo se suspendebant. Nil ergo simile habet constantia martyrum, & pertinacia hæreticorum: quia in illis, pietas: in istis, cordis duritia contemptum mortis operatur.

ratur. Quam sententiā renouat Alber-
tus ille Capensis dicens: quod si quibus
forte tentationi est, quod horum pluri-
mi pro suæ impietatis defensione non
solum patienter, sed etiā alacriter mor-
tem excipere videantur, quod sese in mi-
nistros Christi transfigurent, patrem
suum vocantes Deum, & pro persecu-
toribus suis orantes, atque id genus alia
quædam, quæ simplicibus quibusdam,
sed incautis, imo & doctioribus non-
nullis, sed instabilibus in fide, sunt nō
tentationi solum, verum etiam scanda-
lo: hi non perpendūt antiqui illius cal-
lidiq; hostis artes & potentiam in eos,
quos semel totos obsedit. Nec enim,
præmonente nos id Apostolo, cuiquam
mirum videri debet, cum ipse satanas
sese transfiguret frequenter in angelum
lucis, si ministri eius transfigurentur, si
cut ministri iustitiæ. Hæc ille. [lib. 1.
hierarchiæ. eccles. c. 6. Hosius in Bren-
tium. lib. 1. Bernardus super Cant. ser-
mo. 66.]

5 Horum omnium pertinacia (vt elegā-
ter Letmatius inquit) maxime execran-
ter Letmatius inquit) maxime execran-
da est, ac diabolicę peruersitatis simili-
ma: ex eadem enim radice, nempe su-
perbiæ, oritur vtraque hæc peruersitas:
diaboli quidē, ex insita dignitate: per-
tinaciæ autem ex naturali acumine. In
eundem etiam finem tendunt, nempe
in exitiale odium: illa quidem diuinæ
maiestatis, hæc diuinæ veritatis. Quin
hos ipsi dæmonibus magis miseros de-
clarat scriptura diuina: quia mentem,
quæ dæmonibus recta manet, ipsi de-
prauatam habeant. Illi enim, vt testa-
tur Iacobus, credunt & contremis-
cunt: hi contra, quantum scientia, tan-
tum sunt & metu religioso soluti: sunt
igitur pertinaces hæretici dæmonibus
in eo deteriores, quod dæmones credūt
& timent: hæretici vero pertinaces, nec

credunt, nec timent. [Hermas Letma-
tius. lib. 2. de instauran. religio. c. 3.]

6 Igitur pertinaces eiusmodi viui com-
burendi sunt, & in ignem trahendi ore
obstructo & lingua ligata, ne pusillos
offendere queat. Talis fuisse dicitur Ma-
charius, qui cunctis orthodoxis patri-
bus contrarius, in sexta synodo genera-
li dixisse fertur: Non confitebor duas o-
perationes, & duas naturales voluntates
in Christo, etiam si membratim inci-
dar, & mittar in mare. Cui fere simi-
lis fuit Acesius episcopus, qui (vt apud
Socratem est) tercentum patribus Nice-
næ synodi subscribere noluit, nec eis
omnibus omnino cedere: quem Con-
stantinus imperator pulchra elusit face-
tia dicens: O Acesi, pone scalam, & si
potes, in cælum solus ascende. [Bal. in
l. 1. C. ex delict. defunct. 6. synodo ge-
nerali. actio. 8. Socrates. lib. 2. historię
triparti. c. 13. Nicepho. lib. 8. c. 20.
Paulus diaconus. lib. 14. rerum Roma-
narum. c. super quibusdam. de verbo.
significatio.]

7 Hoc autem annotatu dignū est, quod
quicumque credit aliquam propositio-
nem veram esse, cuius contrariam scit
esse catholicam, hoc solo consumma-
tus hæreticus pertinax est. Nec audien-
di quidam, quorum est Alciatus, qui pu-
tant, neminem hæreticum pertinacem
esse, qui non habet animum obstinatū,
& admonitus non persistit: nam perti-
nacia, quę consummatum facit hereti-
cum, non est obstinatio sola, sed quili-
bet etiam verus consensus cōtrarius co-
gnitę veritati catholicę. Nec refert ex
qua causa ventum sit ad talem verum
consensum, siue ex passione, siue ex in-
firmitate: vere enim pertinax est, qui
credit contrarium eius, quod scit eccle-
siam tenere. Quia sicut fides perficitur
assensu intellectus cum consensu volun-
tatis:

- tatis: sic heresis consummatur dissensio
ne intellectus, & consensu voluntatis.
Et hæc est vera & recepta theologo-
rum omnium sententia. [Alciat. in l. 2.
C. de summa Trinit. Gerson alphabe-
to. 14. ad finem. Caieta. & Fran. Victo-
ria super Thomam. 2. 2. quæst. 12. ar-
ticul. 2. Ioan. Driedo. lib. 1. de liberta-
Christiana. pagi. 238. Alfon. Castren.
lib. 1. de iusta hæreti. punitio. c. 9. Ca-
nus lib. 12. de locis theologicis. c. 9.]
- 8 Accedit etiam ratio viua quidē & spi-
rans: quia sacra scriptura, & ecclesiasti-
ca definitio, quibus fides catholica con-
tinetur, plus valet, plus operatur & po-
test, quam sexcētæ iudicis monitiones,
& quam mille prohibitiones iuris hu-
mani. Sicut igitur is, qui contradicit
legitimis hominum admonitionibus,
pertinax est, & qui facit contra prohibi-
tionem legis humanæ, ipso facto inci-
dit in excommunicationem, quæ non
nisi præcedentibus admonitionibus fer-
ri solet, & legis autoritas pertinacem
haberi facit quemlibet legis transgresso-
rem: sic etiam qui contra scripturam
sacram, aut ecclesiæ catholicæ definitio-
nem sciens errat, hoc solo sine alia ad-
monitione pertinax hæreticus est: nec
præterea opus est, vt sit obstinatus, in-
flexibilis, aut immutabilis: satis enim
est ad consummatam pertinaciam, vt
hæreticus credat aliquid esse verum, cu-
ius contrarium scit sacris literis, aut ec-
clesiasticis definitionibus cōtineri: quia
putat fidei subesse falsum, & scienter er-
rat eligendo pertinaciter, non redigere
in capriuitatem intellectum in obsequi-
um Dei, & catholicæ fidei. [cap. si quis
suadente. 17. q. 4. c. sacro. de senten-
excommunicatio. c. nemo. 11. q. 3. Cai-
eta. in summa, verbo, hæresis.]
- 9 Sunt & alij, quorum pertinacia non-
dum plane manifesta est, sed tamen iu-

ris præsumptione pro cōsummatis per-
tinacibus habentur: verbi gratia, qui-
cunque rationis capax negat aliquam
propositionem catholicæ fidei, apud
omnes fideles publice diuulgatam: hoc
ipso censetur pertinax, præsertim si pe-
ritus fuerit, aut sagax: quia præsumitur
scire ea, quæ omnes sciunt, & quæ om-
nes Christiani explicite scire tenentur.
Signum quidem est pertinaciæ (vt Ger-
son recte docet) si quis asserit errorem,
cuius oppositam veritatem explicita fi-
de credere tenetur: vel ex publica obser-
uatione, vel ex communi doctrina eccle-
siæ, vel ex officio, aut statu suo, vel ex
sufficiente informatione, vel ex natura-
li iudicio rationis. [c. turbatur. 1. q. 4.
l. latæ culpæ. de verb. significa. Gerson
Alphabeto. 14. prope finem.]

10 Ille quoque, qui asserit aliquam hære-
sim, cuius contrariam veritatem catho-
licam prius docuerat, eo ipso hæreticus
pertinax esse censetur: etiam si erret in
his propositionibus, quas explicite scire
non tenebatur: quia satis euidenter cō-
stat, quod iste scienter errat. [Gerson
tractatu de duodecim cōsiderationibus,
& signis, quibus solet aliquis de pertina-
cia conuinci. Ioan. Torquemada. li. 4.
de ecclesia. part. 2. c. 16. Confert glos.
in l. Fulcinus. §. sed is qui. verbo, ani-
mus. quib. ex cau. in poss. eatur. Lucas
in l. 1. C. si propter inimici. crea. facta
sit. lib. 10. Paulus. in l. etiam. §. licet.
solut. marri. Carol. Ruynus conf. 116.
lib. 5.]

11 Hæc tamen propositio locum non ha-
beret, quando daretur probabilis obli-
uio: scilicet, ex diuturnitate, vel vitio
memoriæ, vel stoliditate: quibus casti-
bus prodesse posset ignorantia probabi-
lis, nisi forte res esset insignis & memo-
rabilis, quales esse solent omnes, quæ
ad fidem catholicā pertinent. [Gerson
loco

- loco prenotato. l. peregre. de acquirenda possessio. Ludo. Romanus consil. 481. Alex. in l. si res obligata. de lega. 1. Feli. in cap. cum illorum. de sentent. excommunicata.]
- 12 Item ille pertinax hæreticus esse præsumitur, qui diu persistit in errore, cuius contrariam veritatem catholicam explicite scire non tenebatur: quia culpa sua persistit in errore, quem deferere tenetur de necessitate salutis, & negligens est in quærenda veritate, in qua salus Christiana consistit. Quod quidem, ut plurimum, verisimilius est, ex malitia, quam ex ignorantia provenire: excepto, si personarum, & errorum qualitas benigniorem interpretationem suadeat: tenetur enim quilibet, in his præsertim rebus gravissimis, consulere peritiores. [l. in bonorum. ff. de bon. posse. l. 2. in fine. quis ordo in bon. poss. serv. l. regula. §. sed iuris. ff. de iuris & facti ignorant. Ioan. Torquemada. lib. 4. de ecclesia. par. 2. c. 16. Guido Carmeli. in summa. de hæresibus. c. 3. Archiepiscopus Floren. 2. parte summa. tit. 12. c. 5. Silvester, verbo, hæresis. 1. q. 2. Ioan. Lupus allegatio. de hæresi. §. 10.]
- 13 Eadem omnino ratione præsumitur hæreticus pertinax, qui impedit prædicationem, defensionem atque doctrinam catholicæ fidei: & qui contemnit censuras ecclesiæ: item qui iurat, se nunquam ab errore discessurum: ad summam, quicumque in fide catholica errat, & paratus non est ad suscipiendam correptionem, is hæreticus pertinax esse præsumitur, sicuti Gerson, & Ioannes Torquemada locis paulo ante commemoratis, & Arnaldus Albertinus prolixè admodum tradunt. Verum solis præsumptionibus nemo ut hæreticus puniri debet, saltè pœna ordinaria. [c. literas. de præsumptio. c. asserte. eod. tit. & illiciti interpretes. Alberti. lib. de agnoscendo assertio. quæst. 30.]
- 14 Cæterum is, qui asserit aliquam propositionem hæreticam, cuius contrariam veritatem catholicam explicite scire non tenebatur, propter probabilem ignorantiam non est indicta causa pertinax iudicandus: sed ex qualitate personæ, & hæresis, & ex alijs circumstantijs, magis, aut minus suspectus erit. [1. Tim. 1. & omnes paulo ante memorati.]
- 15 Sed quamvis aliquis ignorantia probabili erret, si tamen legitime admonitus statim non respiscit, exinde pertinax esse censebitur: quia perinde hæreticus est, ac si a principio sciens erraret. Vnde Cyprianus epistola ad Iubaianum, de hæreticis baptizandis ait, Ignosci posse simpliciter erranti: sed post veritatis revelationem factam, qui in eo, quod errauerat, perseverat, prudens & sciens, sine venia ignorantie peccat: præsumptione enim atque obstinatione superatur. Quam sententiam subinde tradunt, Augustinus, Leo magnus, & ingens agmen. [c. qui in ecclesia. c. quid autem. 24. q. 3. Gerson tractatu, de protestatione, consideratio. 10. Alfon. Castren. lib. 1. de iusta heret. punitio. cap. 9.]
- 16 Addendum eodem est, quod etsi minus legitime admonetur is, qui probabili ignorantia errat, nihilominus tenetur statim cauta sollicitudine querere veritatem: quod si non fecerit, merito pertinax præsumi poterit: quia per talem admonitionem constituitur in mala fide. [Gerson, loco prenotato. consideratio. 5. Alfon. prædicto. c. 9. confert. c. dixit apostolus. 24. q. 3. & l. quidam Iberus. de servit. verba. prædio. & quæ tradunt Felinus, Decius, & ceteri de interpellatione extrajudiciali. in cap. novit. de iudic.]

- 17 Quæri autem solet, an quælibet admonitio sufficiat, vt hæreticum pertinacem faciat. Cui quæstioni respondetur, legitimam esse debere admonitionem, vt hæreticum consummatum reddat errantem. Nec eadem erit omnium hæresum ratio: nam in hæresibus plane damnatis legitima erit admonitio, si ostendatur erranti sacra scriptura, vel ecclesiæ catholicæ definitio hæresibus contraria: si vero hæresis nominatim condemnata non sit, argumenta euidentia vicem iustæ admonitionis obtinebunt. [Alfon. Castren. lib. 1. de iusta hæret. punit. cap. 10.]
- 18 In summa, pro legitima admonitione habenda est, quæcunque causa errantem probabiliter ab errore ad veritatem reuocauerit. Vt puta, si ei quoquo modo constiterit, propositionem errori suo contrariam, esse catholicam: vel si iustis argumentis fuerit a quocunque conuictus: tenetur enim confestim ab errore discedere, & acquiescere cognitæ veritati: quod si non fecerit, pertinax esse non immerito iudicabitur: quia impudenter insistit errori, quem sub reatu deserere debet. [Gerson tracta. de protestatione, consideratio. 10. Fran. Viçtoria super Thom. 2. 2. quæst. 11. art. 2. Alfonf. Castren. prædicto. c. 10.]
- 19 Plurimis quoque videtur, legitimam esse admonitionem, inquisitoris assertionem dicentis, errare aliquem contra fidem catholicam, & illius propositionem hæreticam esse. [Barthol. in. l. 3. §. tutores, de suspect. tutori. quem illic sequitur, Ioan. de Neapoli. Compustellanus in Clem. 1. de vsuris. glo. 3. in extrauag. cum inter. Ioanis. xx. 1. Ioan. de Ana. & Felin. in rubri. de hæretic. Ioan. Lupus allegatione de hæresi. §. 3. Nicol. Arelata. in tracta. eiusdem titul. notab. 19.]
- 20 Sed Alfonso noster ab hac sententia dissentit: quia non semper hæresis est talis, vt inquisitor sciat illam hæresim esse: & quia fieri potest, vt inquisitor erret. Meo tamen iudicio a communi sententia recedendum non est: nec enim Alfonso argumenta magis receptam doctrinam destruunt, quam vna, aut altera exceptio generalem regulam tollit. Cû autem inquisitores viri docti & prudentes esse soleant, & cum peritorum consilio facere omnia teneantur, præcipue illa, quæ dubia atque difficilia fuerint, is qui errat, credere illis debet in dubijs quæstionibus, ad eorum officium pertinetibus. Adde, quod inquisitores & ordinarij iudices ecclesiastici (vt apud Gersonem est) multas propositiones dubias declarare possunt hæreticas esse, nisi forte propositio sit vsque adeo ambigua, vt egeat summi pontificis, aut generalis concilij declaratione. [Alfonfus. lib. de iusta hæret. punitio. cap. 10. Gerson tracta. de propositio. ab episcopo hæreticandis. Hadrianus sextus quo. lib. 2.]
- 21 Illud autem, quod pene omiseram, addendum est, quod etsi probabilis ignorantia excusare soleat a pertinacia: si tamen is, qui per ignorantiam errat, iuraret se nunquam a sua opinione discessurum, statim hoc ipso iudicandus esset pertinax: quia ponit obicem veritati, & nõ est paratus ad correctionem, & sua temeritate declarat animi sui obstinationem. Idem dicendum est, si quispiam firmiter protestetur, se nunquam recedere velle ab aliqua propositione hæretica: & ita quibusdam theologis placere video. [Gersoni tract. de protestatio. consideratio. 10. Alfonso Castrensi. lib. 1. de iusta hæretic. punitio. cap. 9.]
- 22 Veruntamen de hac opinione meo quidem

quidem iudicio amplius deliberandum est: nam si is qui errat, probabili ductus ignorantia credit aliquam propositionem esse catholicam, eadem probabilitate asserere ac iurare potest, se nunquam ab eadem propositione discessurum. Quinimo qui insuperabili, aut iusta ignorantia firmiter crederet, aliquid esse catholicum, non modo protestari & iurare potest, se id constanter defensurum, verum etiam summa ope, ac tota mēte id ipsum facere teneretur, perinde ac si propositio vere catholica foret: quia nisi id ex animo faceret, inconstans esset in ea fide, quam credit esse catholicam: & faceret contra conscientiam: contra quam quisquis aliquid facit, ædificat ad gehennam. [l. ult. C. de non numer. pecunia. c. ultim. de præscriptioni.]

23 Præterea, incorrigibilis hæreticus dicitur, qui non habet animum se corrigendi, sed vult esse pertinax, obstinatus, & induratus. Ille autem censetur hæreticus incorrigibilis, qui semel & iterum correctus, in errore suo persistit. Quod satis aperte docet Paulus in epistola ad Titum dicens: Hæreticum hominem post unam & secundam correctionem deuita: sciens quia subuersus est, qui huiusmodi est, & delinquit, cū sit iudicio proprio condemnatus. Vbi subuersum vocat Apostolus incorrigibilem, sicuti Theophylactus & alij quidam interpretantur. Parui tamen refert, an hæreticus pertinax, vel incorrigibilis sit, eisdem enim regulis uterque iudicandus est. [ad Tit. 3. Alfon. Castren. lib. 2. de iusta hæreti. punitio. c. 1. interpretes in. c. cum non ab homine. de iudic.]

24 Postremo, cum errantis pertinacia grauissimum crimen sit, consequens est, vt in dubio minime sit præsumen-

da: tum quia res dubiæ in partem benigniorem interpretari debet: tum etiā, quia crimina non præsumuntur: demū, quia quælibet causa excusare solet a malitia, ac dolo, quibus cessantibus nemo hæreticus pertinax erit. [Ioan. And. Ancha. & Domini. in. c. cum contumacia. de hæretic. lib. 6. Ioan. Lupus. allegatione de hæresi. §. 9 Nicola. Arelata. de hæreti. notab. 20. l. merito. pro socio. c. estote. de regulis iuris. l. igitur. §. potest. de libera. causa. Thomas. 2. 2. quæstio. 60. arti. 4. Abulen. Matth. 7. quæstio. 4. Alciat. lib. 3. præsumptio. cap. 1.]

25 Hactenus de pertinacibus breuiter disseruimus, sequitur vt pari breuitate de impœnitentibus hæreticis pauca perstringamus. Est autem impœnitens quisquis erroris sui pœnitentiam agere non vult: in quo pertinax quoque solet esse omnis impœnitens. Vnde si hæresis alicuius plane probata sit, & ille puro corde errorem confiteri noluerit, paratus hæresim abiurare, & iniunctam pœnitentiam subire, tanquam pertinax & impœnitens iudici seculari relinquendus est: quamuis millies protestetur, se fuisse & esse catholicum, & in fide Christiana viuere ac mori velle. [Auditores rotæ decisione antiqua. 875. Bernard. de Bisnegto in nouis decisionibus. titu. de hæreticis. & Hostien. in summa, eod. titu. colu. 2. & item Calderi. consil. 2. Ioan. de Ana. in. c. excommunicamus. §. adiicimus. de hæreti. Alberti. lib. de agnoscen. assertio. catho. q. 8. & quæst. 34. nume. 51. Boherius decisione. 343. qui errauit decisione 341.]

26 Comprobatur hæc propositio rationibus viuis & spirantibus: nam si hæresis plene probata est, iam ecclesiæ constat, istum hæreticum esse: qui nisi errores suos confiteatur, impœnitens hæreti-

cus est, & curiæ seculari merito relinquendus, vt quodam primæ instructio-
nis capite plenius continetur: addita
ratione, quia ecclesiæ non satisfacit: nec
enim parcitur hæreticis, nisi pœnitentibus
& recte conuersis: nam vt habet
regula iuris, Venia non datur nisi corre-
cto. Accediteodem, quod perinde pu-
nitur is, qui legitime conuictus est, atq;
ille, qui obiecta crimina cōfiteatur. Parui
enim refert, an homicida testibus, an
propria confessione conuictus sit: nec
ideo minus punietur, quia plane pro-
bato crimine, illud impudenter se com-
misisse negat. Præterea, confessio ne-
cessaria est ad pœnitentiam, nec veniā
consequi meretur, qui peccatum non
agnoscit: & vt Aristoteles ait: Quem
non pœnitet, is insanabilis est: mirum
igitur videri non debet, si legitima flā-
ma comburantur impœnitentes hereti-
ci, qui suos errores negare, quam con-
fiteri malunt. [prima instructio. Hispa-
len. c. 14. c. ad abolendam. de hereti-
c. super quibusdam. de verbo. significa-
l. 2. C. quorum appellatio. non reci-
pian. c. serpens. c. non potest. cum seq.
de pœnit. dist. 1. Aristo. lib. 7. ethi. c. 7.]

27 Ex quibus omnibus duo consequun-
tur. Vnum, quod si quis conuictus fue-
rit, dixisse, aut scripsisse aliquam here-
sim, nihil ei proderit, quod ante vel post,
vel omni alio tempore probetur fuisse
catholicus, nisi ad ecclesiam rediens,
pœnitentiam egerit: nec enim respi-
cientia sufficit, vt heretici aiunt. Alte-
rum est, quod immerito Iulius Clarus
censet hoc esse acerbum, cum sit is per-
tinacissimus, qui non vult hæresim
confiteri, neque satisfacere ecclesiæ, cū
ipso facto incurrerit in excommunica-
tionem, & in alias pœnas, quamuis per
vnā tantum horam, vel per breuius
tempus hereticus fuerit, vt in titulo de

occultis dixi, & recte respondit Bur-
satus. [Iulius Clarus lib. 5. recepta. sent.
§. heresis. Fran. Bursatus consilio. 38.]
Eisdem omnino rationibus curiæ se-
culari relinquēdi sunt heretici illi, quo-
rum errores manifeste probantur, &
nihilominus eos omnes iudicibus confi-
teri non volunt. Nam & isti vere im-
pœnitentes sunt, qui omnia crimina nō
confitentur: falsam enim pœnitentiam
eam esse constat, cum spreis pluribus,
de vno solo agitur pœnitentia: aut cum
sic agitur de vno, vt non discedatur ab
alio. Etenim quædam impietas infide-
litas est, ab illo qui iustus & iustitia
est, dimidiam sperare veniam. [c. quem
pœnitet. de pœnitent. distin. 1. c. vltim.
de pœnitent. dist. 5. c. sunt plures. de
pœnite. dist. 3. c. omnis vtriusque sexus.
de pœnitent. & remis. Alex. Ales. 4. parte
quæst. 77. memb. 5. articul. 6. & ceteri
in lib. 4. sent. dist. 16. cum seq.]

28 Hi autem impœnitentes, vulgo dimi-
nuti dicuntur, quia non fatentur inte-
gre iudicibus hereses omnes. Isti vero
defectus pœnitentiæ multifariam con-
tingere solent: vel quia heretici non cō-
fitentur omnes suos errores: vel non
omne tempus errorum: vel non omnes
qualitates & circumstantias grauiores:
vel non produunt omnes, quos hereticos
esse sciunt: vel negant intentionem &
malitiam errorum: vel quippiam si-
mile dicunt ad excusandos, vel minu-
endos errores. Non tamen facile quis-
quam damnandus est propter defectus
& diminutiones huiusmodi: tum quia
obliuisci potest hereticus talium circū-
stantiarum: tum quia is, qui se here-
ticum fuisse fatetur, satis concludit, se
plurimas cæremonias hæreticorum fe-
cisse: nec summo iure agendum est cum
his, qui ad fidem & ecclesiam catho-
licam redeunt.

- 29 Qui vero poenitentiae iniunctae non satisfaciunt, puniri debent ut impoenitentes, periuri, & fide conuersi, quemadmodum Ioannes Calderinus & Philippus Decius aiunt. Sunt enim impoenitentes, quia poenitentiam non peragunt: periuri, quia violant iuramentum, quo promiserunt, se mandatis ecclesiae obtemperaturos: fide conuersi, quia nec veram poenitentiam agunt, nec permanent in ecclesiae debita obedientia. [c. non sufficit. cum seq. de poeniten. distin. 1. Calderi. consil. 2. titu. de haereti. Decius consil. 137.]
- 30 Falluntur tamen Decius & Philippus Probus, negantes posse inquisitores cognoscere, an suprascripti poenitentes iniunctam poenitentiam peragant: id enim ad eorum officium pertinet, perinde atque alia omnia, sine quibus iurisdicatio in haereticos plenissime exerceri nequit. [Decius eodē consil. 137. Probus ad Ioannem Monachum in. c. praesidentes. de haereti. lib. 6. contra quos est. c. ut commissi, §. nec non. eod. tit. c. literas. de praesumptionibus. l. cui iurisdicatio. de iurisdic. omni iudiciu.]
- 31 Procedere quoque debent inquisitores, tanquam contra impoenitentes & fide conuersos, contra illos, qui eo tempore, quo ad ecclesiam catholicam redierunt, de seipsis, vel de alijs, quos haereticos

esse sciebant, plenam iudicibus veritatem non dixerint, nisi forte sit verisimile, id per obliuionem factum fuisse: & ita capite quodam primae instructionis Hispalensis cauetur. c. 13.

32 Ceterum, impoenitentes isti non sunt protinus curiae seculari relinquendi: sed iure agendum est cum eis, usque ad sententiae definitivae prolationem, quemadmodum recte Ioannes Calder. tradit. Neque enim ante ab ecclesia catholica sunt euellendi, quam per viros doctos, pios, & religiosos de salute animae semel atque iterum & sapius admoneantur. Id enim & iuri, & aequitati congruit, & quibusdam instructionum capitulis specialiter cautum, & a Platone lib. 10. de legibus, iam olim constitutum est. Ille namque de haereticis diuine admodum loquens, inquit: Impij secretis carceribus mediterraneis coerceantur, & nullus cum ipsis ciuium loquatur, praeter aliquos viros, qui admonentes ad salutem animae colloquantur. [Calder. cons. 2. titu. de haeretic. 3. instructione Val. dolitana. cap. 5. & instruct. 5. Hispal. cap. 9. cap. conuenientibus. 1. quest. 7. glo. in. cap. excommunicamus. in §. qui autem. de haeretic. Ioan. Lupus alleg. de haeretic. §. 4.]


De predicatoribus Titulus XLIX.

S V M M A R I V M.

- | | | | |
|---|--|---|--|
| 1 | Predicare nullus audeat qui examinatus & approbatus non sit. | 4 | Predicator qualis esse debet. |
| 2 | Predicare publice non debent laici neque feminae. | 5 | Predicatori quid sit fugiendum. |
| 3 | Predicator examinatus et approbatus, si aliquid scandalosum aut suspectum dixerit, quomodo coercendus sit. | 6 | Predicator debet seipsum accommodare ingenio discipulorum. |
| | | 7 | Predicator irreprehensibilis esse debet, & vita & doctrina insignis. |
| | | 8 | Predicatoris vitam verbis suis debere |

- consonare, multi & sapientissimi au-
thores asserunt.
- 9 Prædicatoribus, qui dum concionantur
episcopos reprehendunt, perperam sa-
ciunt.
- 10 Prædicatoribus qui temere episcopis detra-
hant, seuere puniendi sunt.
- 11 Prædicatoribus in concilio Lateranen-
si præcipitur, ne episcopis publice de-
trahant.

De prædicatoribus.

- 1  Vm ab hæreticis cõcio-
natoribus & prædicatoribus maximum peri-
culum Christiano populo immineat, pro-
uidendum est diligen-
ter, ne quispiam prædicare audeat qui
examinatus & approbatus non sit. [c.
excommunicamus. §. quia vero. de hæ-
retic. & in concil. Lateranensi sub Leo-
ne. X. sess. 11. Brun. lib. 1. de legatio-
nib. c. 5.]
- 2 Neque laici prædicare publice debent,
neq; scemine: id enim Paulus apostolus
prohibet, ac iure pontificum vetitum
est. Et sicuti docet Gerson, & rebus
ipsis frequentissime comprobatum est,
mulierum doctrinæ fragiles & suspectæ
sunt. [1. Corin. 14. c. cum ex iniuncto.
de hæreti. c. noua. de poenit. & rem. Ger-
son. tract. de exam. doctri. par. 2. con-
fide. 2.]
- 3 Quod si prædicator examinatus & ap-
probatus, aliquid scandalosum aut sus-
pectum dixerit, ab inquisitoribus vo-
candus est, & statim cogendus, vt publi-
ce illud retractet, vel pio & catholico
sensu populo exponat: & præterea cor-
rigendus & admonendus est, ne talia ite-
rum prædicare audeat. Si vero hæresim
aliquam prædicauerit, puniendus quo-
que est, pro modo criminis, & officio
prædicationis priuandus: ea enim pœ-
na infligenda est illis, qui grauius in offi-
cio delinquant. [1. de legatio. l. si ali-
quid. C. de suscept. & arca. lib. 10. Al-
- bert. lib. de agnoscen. assertio. catholi-
quæst. 36. nu. 8.]
- 4 Prædicator autem esse debet apprime
eruditus, doctus, irreprehensibilis, ma-
turus, & pauidus, sicuti beatus Petrus
constituit: debet quoque gratiam docē-
di habere, & in ipsa doctrina discretus
esse, ne aut tacenda proferat, aut dicen-
da taceat. Ad hæc, eligendus est idoneus,
morum honestate, ætate, doctrina, pro-
bitate, prudentia, & vitæ exemplo com-
mendatus. [c. oportet. 8. q. 1. c. 1. dist.
43. sessio. 11. concilij Lateranensis, sub
Leone. X.]
- 5 Cauere insuper debet prædicator, ne
pròlixa nimiaque loquacitate odiosus
fiat: Breuitatem, vt inquit Origenes, au-
ditores ecclesiæ diligunt: etenim brevis
& prudens sermo, & auditur libentius
& attentius, & melius memoriæ com-
mendatur: e contrario, Satietas inimi-
ca est auribus, quemadmodum cibus
superfluous corporibus, sicut Gregor.
Nazianzenus ait. [c. sit rector. 43. dist.
Origen. sup. lib. Iudicum homil. 6. Na-
ziāzenus oratione in sanctum lauacrū.]
- 6 Debet præterea prudens esse, vt pro in-
genio discentiū semetipsum possit apta-
re, ne secreta mysteria, quæ vulgi captū
excedunt, coram indignis & non intel-
ligentibus referet. Qui enim ea docet,
quæ ab auditoribus non valent intelli-
gi, non ad eorum vtilitatem, sed ad sui
ostentationem id proculdubio facit.
Persectorum est, vt inquit Paulus, soli-
dus cibus: nec spargendæ sunt marga-
ritæ

ritæ ante porcos. Accedit Mercurius ille Trismegistus in Asclepio dicens: Tractatum tota numinis maiestate plenissimum, irreligiosæ mentis est, multorum conscientia prædicare. [Ad Hebr. 5. c. in mandatis. c. vlti. 43. distin. 1. Corin. 2. cum seq. can. vlti. apostolorum. Chryso. in c. Matth. 7. homil. 24. colu. 4. Nazianz. oration. 13. Petr. Crit. lib. 6. de honesta disciplina. c. 3.]

7 Super omnia vero prædicatorem irreprehensibilem esse oportet, cuius vita doctrinæ respondeat, ut ædificare possit, & fidei doctrina, & morum disciplina. Ut enim Ioan. Chrysost. eleganter scripsit: Nihil est doctore frigidius, qui verbis duntaxat philosophatur: neque enim hoc doctoris est, sed histrionis & hypocritæ. Et alibi inquit: Multum nocet, qui quod docet, non facit. Et Arist. lib. 10. ethic. Circa humanas actiones, minus creduntur sermones, quam opera, nisi sint operibus concordēs. Verba cum discrepant a vita, non sunt nisi verba, id est gloriolæ ac venditiones. Et Cypria. lib. de dupl. martyrio: Efficacius est vitæ, quam linguæ testimoniū: habent & opera suam linguam, habent suam facundiam, etiam tacente lingua. Et Luciani Toxaris: Res ipsæ longe magis loquuntur quam verba. Et Lactantius lib. 4. diuina. institut. Malunt homines exempla quam verba: quia loqui facile est, præstare difficile. Et Hieron. ad Principiam virginem: Erubescit quamvis præclara doctrina, quam propria reprehendit conscientia. Et Oceanus scribens, ait: Perdit authoritatem docendi, cuius sermo opere destituitur. [Chrysost. in actis aposto. homil. 1. & homil. 30. Arist. 10. ethic. c. 1. Lactantius. lib. 4. c. 23.]

8 Præterea, in eandem sententiam plurima sapientissimi authores multi frequē-

tissime docere solent, quorum pauca in præsentia memorasse sufficiet. Theophylactus in euang. Lucæ inquit: Quādo docens facit quæ docet, alleviat onera, exemploque suo consolationē affert discipulis: quando autem nihil horum facit, quæ docet, tunc quæ docet graui onera videntur discipulis, ita ut a doctore nullam recte faciendi vim accipiant. Et Grego: Cuius vita despicitur, restat ut eius prædicatio contemnatur. Et Leo magnus serm. de sancto Laurentio: Validiora sunt exempla, quam verba: & plenius est opere docere, quam voce. Et Isidorus lib. 3. de sum. bono: Tam doctrina quam vita clarere debet ecclesiasticus doctor: nam doctrina sine vita, arrogantem reddit: vita sine doctrina inutilem facit. Autoritate magisterij caret, qui quod docet non facit: Doctoris vitio, etiam ipsa vera doctrina vilescit: quia dum non viuit, sicut docet, ipsam quam prædicat veritatem contempibilem facit. Qui bene docet & male viuit, tanquam es aut cymbalum sonum facit alijs: ipse tamen sibi manet insensualis. Qui bene docet, & male viuit, æquatur cereo, qui bonam quidē alijs lucem præstat, se vero in malis suis consumere videtur, atque extinguere. Idem ipse bonum malo coniungit, lucē tenebris miscet, veritatem mendacio mutat. [Theophyl. in Lucam. c. 11. Grego. in pastoral. par. 2. c. 4. Isidor. lib. 3. c. 36. cum seq. Adde Tho. Vuald. tomo. 1. lib. 2. c. 70. cum seq. Alphon. Castren. lib. 3. de iusta hære. pu. c. 2. cum seq. Brun. lib. 6. de heret. c. 4.]

9 Tetrici quidam atque arrogantes prædicatores, egregiam laudem, magnum & memorabile nomen referre se putant, si in cōcionibus publicis, quo iure, qua iniuria episcopis detrahant: quasi vero id Christianæ libertatis magis sit, quam procaci-

procacitatis & insolentię. Honorandi sunt episcopi, non modo qui bene præfunt, sed etiam discoli: nam & hi secreto sunt admonendi correctione fraterna, non publice traducendi per ora hominum: id enim prælatis ipsis non prodest, subiectis vero plurimum nocere solet. Atque ut quidam recte inquit: Sūt qui solum inobedientiam & rebellionē subditorum nutriendo, vitia culpant superiorum, etiam dum absunt. Nihil plausibilius audit inuida plebs, quam superiorum vitia prodere, augere, culpāre. [Gabriel super canonē, lect. 77.]

- 10 Tales igitur concionatores temerarij, & insolentes, seuerè puniēdi sunt. Clem. 3. in conc. Viennensi inquit: Religiosis in virtute sanctę obedientię, & sub interminatione maledictionis aternę districtius inhibemus, ne in sermonibus suis ecclesiarum prælatis detrahant. [Clem. 1. §. 1. de priuilegiis.] Et Patres concilij Senonensis aiunt: Nonnulli prædicatorēs beneuolentiam vulgi captantes, administratoribus tam ecclesiasticis, quam secularibus detrahunt: subditos suis maioribus rebelles & inobedientes reddunt. Et post aliqua: Si prælatis ecclesię & principibus detraxerint, ac populum ab obedientia superiorum retraxerint, nos volumus tales, tam ineptos & perniciosos cōcionatores, ob officio

prædicationis suspendi, & a suis superioribus, pro modo & censura excessus acriter puniri. [Hæc illi in decretis morum. c. 35. & 36.]

- 11 In concilio quoq; Lateranensi sub Leone X. sess. 11. hæc post alia decreuerūt Patres: Inhibemus omnibus & singulis clericis, secularibus vel regularibus, ceterisque cuiuscunque status, gradus, & ordinis existant, qui onus prædicationis assument, ne de cætero in sermonibus suis publicis futura ex literis sacris constanter prædicent: sed ex diuinæ vocis præcepto, euangelium omni creaturæ, cum vitiorum detestatione, & virtutum commendatione declarent: & pacem ac dilectionem mutuam, a redemptore nostro, tantopere commendatā, vbique fouentes, non scindant vestem inconsutilem Christi, sed ab episcoporum & prælatorum, ac aliorum superiorum, eorumque status scandalosa detractatione, quos coram vulgo & laicis, non modo incaute, sed etiam intemperanter reprehendunt, & mordent, & ab eis male gestorum expressis quandoq; nominibus, aperta & manifesta redargutione abstineant. Denique constitutionem felicis recordationis Clementis Papę V. quam tenore præsentium innouamus, & approbamus, inuiolabiliter ab eis obseruari debere decernimus.

De præsumptionibus & suspicionibus Titulus L.

S V M M A R I V M.

- | | | | |
|---|--|---|--|
| 1 | Præsumptionibus & coniecturis nō est locus in rebus eidentibus & plane probatis. | 4 | dex debet, quam leges ipsę credunt. |
| 2 | Præsumptionibus et cōiecturis in rebus dubijs & occultis temere credendum non est. | 5 | Præsumptionis etymologia & definitio. |
| 3 | Præsumptionibus non magis credere in- | 5 | Præsumptiones, quæ veritatem ipsam iudicantur demonstrare, cuiusmodi sint. |
| | | 6 | Præsumptio iuris contra quam probatio admittitur, quomodo definiatur. |
| | | 7 | Præsumptiones ex diuersis personarum & rerum |

- 8 *Et rerum circumstantijs orta.*
 9 *Presumptiones ex natione & patria.*
 10 *Presumptio ex natione & patria parū efficax est.*
 11 *Presumptio ex parentibus.*
 12 *Presumptio ex parentibus non semper vera est.*
 13 *Presumptio ex educatione quam vim habeat.*
 14 *Educatio bona vel praua quantum valeat in filijs.*
 15 *Consuetudinis & amicitiae vis.*
 16 *Presumptio ex moribus.*
 17 *Vita praesens cur ex antea acta spectari soleat.*
 18 *Inquisitores cur in prima parte actorum reos tam diligenter interrogent, de eorum natione, patria, familia, &c.*
 19 *Presumptio ex malefactis et maledictis.*
 20 *Presumptio ex maledictis & malefactis cur nocere soleat reis.*
 21 *Presumptiones efficaciores sunt, quae verisimiliores.*
 22 *Presumptiones & coniectura non satis sunt ut aliquis condemnetur, praesertim in crimine haeresis.*
 23 *Suspicio quomodo differat a praesumptione, & eius definitio.*
 24 *Suspicionum variae species, & earum definitiones, & unde augeantur, & quomodo infirmari soleant.*
 25 *Suspicio levis unde oriatur.*
 26 *Suspicio vehemens unde sumatur.*
 27 *Violenta suspicio unde deducatur.*
 28 *Suspicionem de haeresi duci posse ex signis & indicijs leuibus, modo sint probabilia, aliqui censent.*
 29 *Suspicio de haeresi sumi non debet ex signis & indicijs leuibus.*
 30 *Suspicioni leui adherendū esse in crimine haeresis, nonnulli falso existimant.*
 31 *Suspicio de haeresi nascitur aliquando ex grauissimis criminibus perpetratis.*
 32 *Opiniones nouas asserens in materia morali, easque pertinaciter defendens, suspectus in fide merito censetur.*
 33 *Presumptio non levis contra illos est, qui ex Mahumetanis descendentes vinum non bibunt, & suillam carnem non edunt.*

De praesumptionibus & suspicionibus.



V M ex praesumptionibus, coniecturis, & suspicionibus, nō nunquam ad eruendam veritatem perueniri queat, in his praesertim criminibus, quae clanculum perpetrari solent, non erit alienum pauca quaedam ex his breuiter commemorare, ut rudiores instruere, doctiores admonere possimus. Illud in primis constat in rebus euidentibus, certis, & plane probatis, locum non esse praesumptionibus, aut coniecturis. [l. continuus §. cum ita. de verbo. obligati. l. ille aut ille. §. cum in verbis, de leg. 3.]

2 Illud praeterea memoratu dignum est, dubia, occulta, & incerta, temere pro certis iudicanda non esse. Vnde Xistus Papa scripsit episcopis per Hispaniam constitutis: Incerta nemo pontificum iudicare praesumat: & quauis vera sint, non tamen credenda, nisi quae certis indicijs comprobantur, nisi quae manifesto iudicio conuincuntur, nisi quae iudicario ordine publicantur. Victor quoque Papa Theophilo ita scripsit: Incerta charissime nullatenus iudicemus, quousque veniat Dominus, qui latentia producet in lucem, & manifestabit consilia cordium. Et Euaristus epist. 2. Nullū ante verā, iustamque probationē iudicare, aut damnare

damnare debemus, teste Apostolo qui ait: Tu quis es, qui iudicas seruum alienum? domino suo stat, aut cadit. Mala utique audita nullum moueant, aut passim dicta absque certa probatione quicquam vnquam credat: sed ante audita diligenter inquirat, ne præcipitando quicquam aliquis agat. [c. si quis diuinis. 30. q. 5. cum seq. cap. Deus omnipotens. 2. q. 1.]

- 3 Accedit eodem, quod iudex præsumptionibus non magis credere debet, quàm leges ipsæ credunt: etsi enim vehementer putet, præsumptionem aliquam esse veram, ea tamen moueri non potest ad aliquem condemnandum: cum ex propria conscientia, etiam sibi certa iudicare non debeat, sed ex fide eorum, quæ probata fuerint. Nec ideo leges transgrediatur iudex, ut ne crimina sint impunita: occulta enim & incerta solum Deum ultorem habent. Et ut Anacletus inquit, Si omnia in hoc mundo punirentur, diuina iustitia locum non haberet. [c. literas. de præsumptio. l. illi citas. §. veritas. de offic. præsidis. c. si omnia. 6. q. 1.]

- 4 Sed ut ad propositum reuertamur, præsumptio dicitur, a præ, id est, ante, & sumptio, quia ante legitimas probationes aliquid sumit pro vero. Quidam ita definiunt: Præsumptio est rei dubiæ coniectura verisimilis, quæ ex naturali causa, vel circumstantiis negotiorum, aut personarum proficiscitur. Hanc iurisperiti diuidere solent in præsumptionem iuris, & a iure: & præsumptionem iuris tantum, priorem sic definiunt, ut sit legis dispositio aliquid præsumen-
tis, & super præsumpto, tanquam sibi comperto, statuentis. Hæc autem ab apertis & violentis indicijs proficiscitur: & contram illam non admittitur probatio, quia pro manifesta veritate ha-

betur. Huius præsumptionis exempla plurima extant, sed in proposito vnum, aut alterum commemorasse sufficiat. Suspectus & infamatus, qui tempore mortis petit consolationem ab hæreticis secundum eorum consuetudinem, si constat cum eo tempore sanæ mentis fuisse, condemnatur a iure tanquam consummatus hæreticus. Quod eadē omnino ratione locum habere censeo in conuersis ex Iudæis, Mahumetanis, vel alijs hæreticis, qui iuxta ritus parentum suorum decedere, ac sepeliri vouerunt. Sic etiā sine spe veniæ hæreticus relapsus præsumitur, qui post abiuratam hæresim, acceptat, deducit, visitat, comitatur hæreticos: vel munera eis mittit, vel fauorem impendit. [c. filij. c. accusatus. §. ille quoque. de hæreti. lib. 6. l. antiquæ. C. ad Velleia. l. a diuo Pio. §. si pignora. de re iudi. c. is qui fidem. de sponsalib. & illic interpretes. Corasius lib. 3. de arte iuris. cap. 7.]

- 5 Eodem fere pertinet violentæ illæ præsumptiones, quæ veritatem ipsam cunctis demonstrare videntur: cuiusmodi sunt, indicia indubitata, quæ ad aliud trahi nequeunt, quam ad id, quod indicant: ea enim pro veris probationibus sunt habenda, ut quidam iurisperiti aiunt. Tale est, hæreticos adorare, ritus Iudeorum, aut Mahumetanorum seruare, ieiunia, cæremonias, & orationes eorum facere: & id genus alia, quæ non nisi ad manifestam hæresim trahi posse videantur. Est autem indicium apertum, tale signum facti, quod urgeat animum boni & constantis viri ad rem plane credendam. [Archid. Ioan. And. Do min. & cæteri in. c. 2. de hæreti. lib. 6.]
- 6 Altera præsumptio iuris est, contra quam probatio admittitur: eam sic definit Alciatus: Præsumptio iuris est, probabilis coniectura ex certo signo pro-
ueniens

ueniens, quæ alio non adducto, pro veritate habetur. Nihil autem differunt præsumptio iuris apud iurisperitos, & argumentum probabile apud rhetores: apud quos argumenta probabilia sunt, quorum oppositum verum esse possibile est: illis tamen stabitur, donec aduersarius contrarium probet. Sic etiã iuris præsumptio, nisi contrarium probetur, pro plena probatione haberi solet. [l. 1. C. de impube. & alijs substitutio. l. licet imperator. de legat. 1. Alciatus lib. 1. præsumptio. part. 3. Tiraquel. in. l. si vnquam. C. de reuo. donatio. parte, donatione largitus. nu. 127. cum sequentib.]

7 Aliæ sunt præsumptiones ex diuersis personarũ & rerum circumstantijs ortæ: quæ quidem tam variæ sunt, & innumerales, vt eas certa regula comprehendere impossibile sit: necessario igitur in æstimatione iudicis erunt. Alexander theologus inquit: Præsumptionũ alias esse leues, alias probabiles, alias temerarias: adde etiam alias esse violentas. De his tamen a nobis differendum erit in præsentia, quæ probabiles esse videntur, & in hoc iudicium frequentius incidunt. [Alex. Ales. 3. parte. q. 45. membro. 7.]

8 Præsumitur aliquis nonnunquam bonus vel malus ex natione & patria: sunt enim cuique nationi vitia quædam peculiararia, propriique mores: nec idem in barbaro, Germano, & Hispano, æque probabile est. Vnde Nathanael apud Ioannem inquit: A Nazareth potest aliquid boni esse? Vlpianus quoque loquens de venalibus seruis ait: Plerumq; natio serui, aut prouocat, aut deterret emptorem: idcirco interest nostra scire nationem. Præsumptum etenim est, quosdam seruos bonos esse, quia nationis sunt non infamata: quosdam malos

videri, quia ea natione sunt, quæ magis infamis est. Et Plato in fine dialogi quinti de legibus: Nec illud nos fugiat, magnam esse locorum ad ferendos meliores peioresque homines, differentiã. Quippe alij varietate vëtorum & turbine, difficiles & proterui sunt: alij propter aquas, alij propter cibos, qui ex terra non solum corporibus cõmodi, aut incõmodi oriuntur, verũ animis quoq; non minus. Quod Isocrates etiam in Areopagitico docet. [Ioan. 1. & l. quod nolit. §. qui mancipia. de adilit. editio. si c. si gens Anglorum. cum seq. 56. dist. Tiraquel. de nobilitate. cap. 12.]

9 Ea tamen præsumptio, vt nimis generalis, sic etiam parum efficax est, nisi forte alijs argumentis fulciatur. Nulla enim natio, nulla patria est, in qua non sint homines diuersorum inter se ingeniorum & morum: nec natio quæpiam bonũ, aut malum esse cogit. Vnde Iuuenalis:

. . . . cuius prudentia monstrat,
Summos posse viros, & magna exempla
daturus,

Veruẽ in patria, crassoq; sub aere nasci.
Et Aufonius de Scuero Cæsare.

Punica origo illi, sed qui virtute probaret,

Non obstare locum, cum valet ingenium.

Et Themistocles Seriphio in iurgio respondit, cum ille dixisset, non eum sua, sed patriæ gloria splendorem assecutum: Vera, inquit, hercule, narras: veruntamen nec si ego Seriphius, ignobilis: nec si tu Atheniensis esses, clarus vnquam fuisses. Aristides quoque de eadem re loquens dixisse fertur: Vobis & Lacedemonij, & reliqui Græci, qui nunc adestis, dicimus, quoniam locus nec virtutẽ præstat, nec adimit. Author Plutarchus in vita Themistoclis & Aristidis, De Themistocle quoq; scribit He-

rodotus in Vrania, quod cum Timodemus, vnus ex inimicis eius, subinde diceret, illum Athenarum respectu, non sui a Lacedemonijs honores affectum, inquit ei Themistocles: O homo, ita res habet, neque ego si Belbinitanus forem, sic a Spartanis honoratus fuisset: neque tu, etsi Atheniensis. Quod & Plato dialogo primo de republica memorat his verbis: Equidē si ipse Seriphius essem, in eadem gloria viuerem: tu vero si Atheniensis, minime. Quod & Cicero libro de senectute retulit. Cæterum, si aliæ probationes adsint, hæc quoque præsumptio eas probabiliore efficit: nec enim his periculosis temporibus tam facile præsumendus erit hæreticus, homo Hispanus, Gallus, aut Italus, quam Boemus, Germanus, aut Anglus.

10 Præterea, talis præsumitur esse filius, qualis pater: Vt enim ex hominibus hominem, ex belluis belluam, sic ex bonis bonum generari consentaneum est. Et quamuis (vt Aristoteles inquit) hoc sepe natura velit efficere, non tamen possit: attamen, sicut idem Philosophus alibi ait, ex melioribus meliores procreari, probabile est. Accedit eodē vetus illud prouerbiū ab Ezechiele memoratum: Ecce omnis, qui dicit vulgo prouerbiū, in te assumet illud dicens: Sicut mater, ita & filia eius. tum illud: Mali corui, malū ouum. Vnde Iulius Maximinus (vt Sextus Aurelius Victor in eius vita est author) dum persequitur pecuniosos, infontes pariter, noxiosque, apud Aquileiam seditione militum disceptus est, vna cum filio, conclamantibus cunctis militari ioco, ex pessimo genere, ne cæculum quidem habendum. Accedit etiā Ecclesiasticus dicens: In filiis suis agnoscitur vir. Chærondas quoque apud Stobæum inquit: In quibus ciuitatibus senes impudentes fuerint, liberi etiam,

nepotesque ipsorum impudentia laborabūt. Cui attestatur Plato dialogo quinto de legibus, dicens: Vbi senes minus pudici sunt, necesse est ibi iuuenes impudētissimos esse. Item Fabius libro quinto: Similes patribus ac maioribus suis filij plerumque creduntur, & nonnunquā ad honeste turpiterque viuendum, inde causæ fluunt. Nam cum filij parentes suos ament, & ab eis omnia fere discere soleant: quæcunque in eis vident, bona, honesta, & licita esse putant: & vt Mantuanus cecinit:

Qui viuet in folijs venit a radicibus humor,

Et patrum in natos abeunt cum semine mores.

Recte proinde Plutarchus in exordio libri de liberis educandis ait: Pulcher thesaurus est, bonis procreatū esse parentibus. & Nazianzenus in laudem Cæsarij: Mater iā olim ab ipsis proauis Deo consecrata, pietatem instar necessariæ cuiusdam hæreditatis, non ad se ipsam tantūmodo, sed ad liberos quoque deducens, ex sanctis primitijs vere sancta conspersio. [glo. in. l. quod si nolit. §. qui mancipia. de ædilit. edicto. Aristote. lib. 1. politi. c. 4. & lib. 3. c. 8. & lib. 4. de generatione. c. 3. Ezechiel. 16. Ecclesiastici. c. 11. Stobæus serm. 42. & 86. & 88. Fabius. li. 5 institutio. oratoria. c. 10. Alciat. lib. 1. præsumptio. c. 48. Alfon. Castren. lib. 2. de iusta hæreti. punitio. c. 8. Tiraquel. in l. 7. cōnubiali. Ansel. i. epist. ad Tit. c. 1.]

11 Sed quamuis hæc præsumptio tam generalis non sit, quā superior, non multo tamē efficacior est, quā illa: quia sepius fime prauis sunt filij bonorum, & nonnunquā boni efficiuntur prauorum filij. Spartianus in Seuero, plurimis exemplis probat, neminē prope magnorum virorum bonum & vtilē filium reliquisse. Cuius rei

rei nō alia probabilior causa mihi visa est, quā praua filiorum educatio: quæ blanda parentum indulgentia corrumpi solet. Vnde Socrates apud Platonem libro 3. de legibus, eam labem indulgentiæ matrum (quæ teneriores sunt) acceptā refert. [Alex. Aphrodisæus pro blemate. 25. sectione. 4. Stobæus serm. 85. Lactātius li. de opificio Dei. c. 19. Abulen. de optima politia. num. 148. Alciat. lib. 1. præsumptio. c. 24. Tiracquel. lib. de poen. causa. 52. num. 43.]

12 Fortior illa præsumptio est, qua talis esse quisque præsumitur, qualis eius educatio fuerit: ex bona enim, vel mala educatione, bonus, vel malus homo præsumi potest: quia educatio ipsa mores facit. Nā vt Plato dialogo quarto de re publica inquit: Quale cuiusq; fuerit pueri educationis initium, talia etiam erunt quæ sequuntur. Et sicut Horatius ait: *Quo semel est ibuta recens, seruat odorē Testa diu.*

Et Socrates apud Xenophontem docebat, Ingenia illa indigere doctrina, quæ quam optima sunt: nam & equorum quicunque fortes, animosi, ac dociles sunt, si ab ineunte ætate domentur, optimos ac vtilis: si vero indomiti maneant, effrenatos ac pessimos euadere. Canesq; quæcunque ingeniosæ, sagaces, laboriosæ, feris importunæ, bene quidem eruditæ optimas ac peritiles venationib⁹: econuerso vero, yanas, furiosas, ac indobedientes effici. Similiter etiā quotquot ingeniosi, animo fortes, rebus agendis idonei sunt, eruditi quidem ac rerum illarum docti, quæ agenda sunt, optimi atque vtilis fiunt: plura namque ac maxima bona operantur: rudes autem atq; indocti, pessimi, noxijque efficiuntur. Cum enim discernere nequeant, quæ agenda, quæue omittenda sint, sæpe prauis operibus vacant: quod si etiam elati

animi, vehementeque sunt, effrenati præterea, pericacæque redduntur: quo circa plurimorum, magnorumque malorum causa sunt. [Aristotel. & Faber li. 2. ethico. c. 1. Plutar. in Apophtheg. Laconicis. Xenophon. lib. 4. de factis & dictis Socratis.]

13 Idem quoque Socrates apud Platonē inquit: Puerorum natura convenientē nacta disciplinam, semper proficiendo ad omnem peruenit virtutem: enutrita autem si fuerit peruerse, ad contraria facile dilabitur. Est itaq; consentaneum naturam optimam, si sub aduersa forma nutriatur, deteriorem euadere quā ignauam: & animos præstantissimo ingenio præditos, si male fuerint educati, pessimos fieri. Et putandum est, infanda scelera, & extremam nequitia ex generoso ingenio educatione corrupto, potius quam ex ignauo procedere. Ex educatione igitur fit, vt sæpe soleat filius similis esse patri: nam vt Cicero libro primo officiorum scripsit, plerumque parentum præceptis imbuti filij, ad eorum consuetudinem moremque deducuntur. Et Iuuenalis Satyra decima quarta:

*Sic natura iubet, velocius & citius nos
Curumpunt vitiorum exempla domestica.
Vt nō immerito diuina sapientia tanto
pere filiorū educationē patribus frequē
tissime cōmendauerit. Inquit enim Ec
clesiasticus: Filij tibi sunt, erudi illos, &
cyrua illos a pueritia eorum. Et rursus
idem: Qui docet filium, laudabitur in
illo: mortuus est pater eius, & quasi non
est mortuus, similem enim reliquit sibi
post se. Et mox: Equus indomitus euadet
durus, & filius remissus euadet præ
ceps. & cætera in eadē sententiam. Item
Daniel de Susanna loquens ait, eam fuisse
pulchram & timentem Deū, addita
ratione, quia parentes illius, cum essent*

FFF 2. iusti,

iusti, erudierunt filiam suam secundum legem Moyſi. Denique Paulus apostolus: Vos patres, inquit, nolite ad iracundiam prouocare filios vestros: sed educate illos in disciplina & correptione Domini. [Plato. 6. de republica. Ecclesiastic. 7. & 30. Daniel. 13. ad Ephe. vlti. c. sicut. 47. distin. Cornel. Tacitus. dialogo de oratorib. Iuuenalis tota Satyra. 14. & plura quæ collegi. lib. 9. de republica cap. 25. de educatione puerorum.]

- 14 Hinc & illud est, quod talis esse vnus quisque præsumatur, quales illi sunt, cum quibus conuersatur. Vt enim veteri prouerbio fertur, Similes cum similibus facillime congregantur. Salomō quoque inquit: Qui cum sapientibus graditur, sapiens erit: amicus stultorū similis efficietur. Rursus: Noli esse amicus homini iracundo, neque ambules cum viro furioso: ne forte discas scimitas eius, & sumas scandalum animæ tuæ. Et Ecclesiasticus: Qui tetigerit picem, coinquabitur ab ea: & qui cōmunicauerit superbo, induet superbiam. Accedit Propheta regius dicens: Cum sancto sanctus eris: & cum viro innocente innocens eris. Et cum electo electus eris: & cum peruerso peruerteris. Et iuxta Theognidis sententiam a Platone in Memnone, & a Xenophonte in conuiuio relata:

*Iusti docent iusti, prauis conuixeris, ante
Quæ fuerat probitas protinus effugiet.
Vel sicut alij vertunt:*

*Tebona namque boni, si vna versere,
docebunt.*

Praui sed periment quod fuit ingenium.
Vnde Hieronymus ad Demetriadem scribit: Semper in comitatu tuo graues scēminas habeas: mores & studia dominarum plerunque ex ancillarum & comitum moribus iudicatur: qualis enim

quæque sit, talium cōsortio delectatur. Nec id mirum videri debet, nam & cellæ (vt habet prouerbum) perinde ac heræ sunt. Et sicut Euripides in phœnice inquit: Mala improborum consuetudo cui placet, is qui fiet vir non rogo: sciens sodalium illum conuenire moribus. Adde quod nihil tam perniciosū ac pestiferum est, vt consuetudo & conuersatio prauorum hominum: quippe cum, vt Chrysostomus ait, Amicitia atq; necessitudo & ad nocendum, & adiudum plus nonnunquam efficit, quam necessitas potuisset. Prætereo Senecam lib. 3. de ira, & epistola. 95. [Prouerb. 13. & 22. Ecclesiasti. 13. psal. 17. Aristotel. 9. ethi. c. vlti. Plato. 8. de repub. Chrysosto. in Matth. homil. 60. & in Ioan. hom. 56.]

- 15 Præterea, facilius præsumendum est malum de homine malo, quam de bono. Vnde regula iuris: Semel malus semper præsumitur malus. Quamobrem multi iurisperiti aiunt, de malo homine non nisi malum præsumendum esse. Econtrario Megabyſus apud Herodotū lib. 3. histo. Ex optimis viris, inquit, credibile est, optima existere consilia. Vtrunq; autem confirmat Cicero pro Cluentio dicens: Perinde, vt opinio est, de cuiusque moribus, ita quid ab eo factum & non factum sit, existimari potest. Et lex ait: Ex personis hominum dicta pēsamus. Chrysostomus in dictū Apostoli, Nolo vos ignorare, inquit: Sicut mala dogmata impuram inducere consueuerunt vitam, ita & vita peruersa dogmatum peruersitatem sepe parit. & in illud dictum eiusdem, Habentes autem. &c. Impossibile est, impossibile profecto, si vitam impuram habeas, in fide non vacillare. & Theophylactus in epist. ad Tim. c. 3. Quando mentem quispiam perturbationibus, prauisq;

prauisq; affectibus corruerit, tum re probus efficitur circa fidē. Dixit enim insipiens, non est Deus: vnde? quia corrupti sunt & execrabiles facti sunt in iniquitatibus suis. [psal. 13. l. 1. C. si quis impe. mal. dix. Hosti. in sum. tit. de Iudæ. §. quibus. Lucas. in l. quemadmodum. C. de agrico. & censu. l. 11. Alciat. lib. 1. præsump. cap. 7.]

16 Inde etiam fit vt talis esse hodie vnusquisque præsumatur, qualis olim fuit. Spectanda quidem sunt, vt Fabius ait, ante acta, dictaque: ex præteritis enim æstimari solent præsentia. Quis vllam vllius boni spem habebit in eo, cuius primum tempus ætatis palam fuerit ad omnes libidines diuulgatum? Nemo repente fit turpissimus: omnibus in rebus (vt apud Ciceronem est) quæ grauior, maioresq; sūt, quid quisq; voluerit, cogitarit, admisit, non ex crimine, sed ex moribus eius, qui arguitur, est pōderandum. Neque enim potest quisq; nostrum subito fingi, neque quisquam repente vita mutari, aut natura conuer- ti. Cui subscribit Fabius dicens: Inter rogo quid ante perdit, quid flagitio se, quid impie fecerit. Innocentia per gradus certos ab homine discedit: & ne in maximis trepidet audacia, diu vires in minoribus colligit. Nemo inde cœpit, quo incredibile est peruenisse. Chrysostomus in varia Matthæi loca, homilia. 87. Nemo repente ad extremam improbitatem insilijt. habet quippe insitum quendam animæ pudorem, atque innatum, quem subito calcare atq; proijcere non posset, sed sensim atque paulatim ex negligentia perit. sic e contrario, Nemo repente fit optimus. Vnde Flavius Vopiscus in vita Probi eleganter ait: Neminem vnquam peruenisse ad virtutum summam iam maturum, nisi qui puer seminario virtutum gene-

rosiore concretus, aliquid inclytum de signasset. [Fabi. lib. 5. c. 10. & iterum declamat. 1. Cicero. ad senatum post reditum. & rursus in oratione pro Silla c. ex studijs. de præsumpti. c. si sermo. de pœnit. dist. 2. Bal. in l. ex persona. C. de probati. Feli. in c. scribam. de præsumptio. Alciat. lib. 2. c. 25. cod. tit.]

17 Ex superscriptis alijsque personarum & rerum circumstantijs plane intelligitur, quamobrem inquisitores in prima parte actorum, tam diligenter interrogare soleāt reos, ex qua natione, patria, familia, cognatione, sint: apud quos educati, quos habuerint magistros, præceptores, socios, amicos. Ea enim & mille talia, considerari solent in rebus dubijs, vt inde argumenta vrsimilia ducantur: quemadmodum vrsus rhetores docent in causa coniecturali. Aiunt enim argumenta sumenda esse, ex genere, natione, patria, educatione, disciplina, bonitate, prauitate, ac tempore præterito: de quibus hætenus satis diximus. Addunt etiam sexum esse considerandum, vt latrocinium facilius in viro, veneficium & superstitionē in foemina credas. Aetatem, quia aliud alijs annis magis conuenit. Fortunam, neque enim tam idem credibile est in diuite, ac paupere. Conditionis distantiam, nam clarus an obscurus, magistratus an priuatus, pater an filius, ciuis an peregrinus, liber an seruus, laicus an clericus sit, plurimum distat. Animi naturam, etenim auaritia, ira, iracundia, misericordia, crudelitas, seueritas, aliaque his similia, afferunt frequenter fidem, aut derrahunt. Studia quoque: nam rusticus, forensis, negotiator, miles, nauigator, monachus, aliud atque aliud efficiunt. His etiam adiungunt causam, tempus, locum, occasionem, modum, & cætera rerum acciden-

accidentia, quæ longum esset mihi dicere, præsertim ad alia properanti. [Vide Cicero. lib. 2. de inuenti. & lib. 2. rhetor. ad Herenni. Fabium. lib. 5. orato. institutio. c. 10. Fortunatianum. li. 2. rhetor. in prin. Trapezuntium item li. 2. l. aut facta. de pœn.]

18 Deinde, male facta, & male dicta, præsumuntur male præmeditata: humanæ aures talia verba nostra iudicant, qualia foris sonant: neque est præsumendus quisquam dicere, quod non prius mente agitauerit. Sane ut Aristotel. inquit, sermones sunt ingeniorum & morum velut imagines. Et alibi ait: sermones esse notas earum, quæ in anima sunt, passionum siue animi affectionum quædam notæ. Et Horatius:

Format enim natura prius nos intus ad omnem

Fortunarum habitum &c.

Post effert animi motus interprete lingua.

[L. si quis extraneus. de acqui. hæredi. l. si non conuitij. C. de iniur. cap. 1. de præsumptio. & illic Felin. Marth. 12. lob. 34. cap. humanæ. 22. quæstio. 5. l. labeo. §. idem Tubero. de supell. legat. Aristo. rhetor. ad Alexandrum. c. de specie laudandi. Ioan. Lup. allegat. de hæresi. §. 7. cum seq.]

19 Ad hæc, non præsumitur sanæ mētis, qui non habet memoriam ordinatam. Vsq̃ue adeo quippe vicinæ sunt, & connexæ omnes animæ virtutes, ut vix vna earum lædi possit, quin cæteræ quoque lædantur. Quo efficitur, ut ex cuiuslibet illarum læsione homo facile reddatur insanus. Et ut Plato inquit in Philebo: Memoria est sensus conseruatio: quo fit ut qui memoria caret, non bene sensum conseruet. [cap. filij. de hæreti. lib. 6. & illic Dominicus, Philippus Fran. & cæteri.]

20 Illæ autem coniecturæ, ac præsumptio-

nes efficaciores erunt, quæ verisimiliores fuerint. Omnis enim præsumptio, quæ temeraria non sit, in verisimilitudine fundata esse debet. Et ut Bal. ait: Illa præsumptio fortior est, quæ verisimilior. Neq̃ aliud est præsumptio (ut apud eundem Bal. est) quam ratiocinatio de re verisimiliori: id sane probabilius, credibilius, & vero proximius est, quod verisimilius fuerit. De singulis loquens Aristo. lib. rhetoric. ad Alexandrum, inter alia inquit: Signa vero efficiunt, alia quidem opinionem, alia vero scientiam: id autem pulcherrimum est quod scientiam efficit: secundo autem loco, quod opinionem maxime verisimilem operatur. Accedit eodem, quod incredibile, suspectumque est, ut plerique aiunt, quicquid non est verisimile: habet enim quandam falsitatis imaginem. Denique sæpissime quod verisimile est, pro veritate habetur: quod vero non est verisimile, omnino falsum esse censetur. [c. quia verisimile. de præsumpt. l. non est verisimile. quod met. caus. l. Meuius. in princip. de legat. 2. Bal. in l. 2. c. de scar. & in rub. de probat. & in l. 1. C. de seru. fugiti. Felin. in cap. auditis. de præscrip. Decius. conf. 596. Hippolyt. conf. 101. fufius. Andreas Tiraquel. in l. si vnquam. C. de reuoc. dona. in principio a numero 37. deinceps.]

21 Ex coniecturis autem & præsumptionibus nemo condemnandus est, præsertim in crimine hæresis. Et ut hoc obiter dicam, coniectura dicta est, auctore Fabio, a coniectu, id est, directione quadam rationis ad veritatem: ex præsumptionibus tamen, indicijs, & coniecturis ad remedia extraordinaria proceditur. Neque enim pœna ordinaria imponenda est propter suspensiones, vel probationes, quæ non sint luce meri-

diana clariōres : quemadmodum recte docent Innocen. Antoni. & innumera- biles alij. [c. literas. de præsumpt. Fa- bius. lib. 3. c. 7. Fortunatianus lib. 1. rhetor. c. de statu. Innocen. in c. quia verisimile. de præsumpt. Anton. Card. & ceteri in c. afferte. eo. tit. Ioan. Lup. allegat. de hæresi. §. 11. Hippol. in rub. de proba. nu. 241. Boerius decisio. 264. Tiraquel. de pœnit. caus. 27.]

22 Eadem fere omnia, quæ de præsum- ptionibus diximus, de suspicionibus quoque dici possunt : nam & ex iisdem locis ducuntur & oriuntur : nisi quod ut Bal. ait. Suspicio minor est, quam præsumptio: Facilius enim suspicamur aliquid, quam id ipsum præsumamus : sed ex suspicionibus oriri solent præsumptiones : & quod suspicamur, sæpe verum esse præsumimus. Et hæc quidē probabiliora esse videntur, quā ea quæ Budæus in forensibus tradit : Suspicio- nes, inquit, a Cicerone dicuntur, quas iurisperiti appellant præsumptiones : & causa suspiciosa est, in qua multe sūt præsumptiones. Est autem suspicio, ac- ceptio vnius partis cum formidine alte- rius. Vel est opinio mali ex leuibus si- gnis, ut inquit B. Thom. Vel sicuti Bal. definit. Suspicio est passio animi aliquid firmiter non eligentis. [Bal. in auth. si quis. C. de adulter. Thom. 2. 2. q. 60. art. 4. Bal. in rub. de probation. Soro. lib. de iusti. & iure. q. 4. arti. 3.]

23 Suspicionum autem, alię sunt leues, alię vehementes, alię temerarię, alię probabiles. Levis suspicio est, quæ le- uiter aliquid suspicamur : sic etiam ve- hemens, quæ vehementer : temeraria, quæ temere : probabilis, quæ verisimili- ter & probabilitate mouemur ad suspi- candum. Augentur autem & minuun- tur suspensiones ex argumentis, coniectu- ris, & signis, alijsque circumstantijs, per

sonarum & rerum. Sic rhetores auge- re suspensionem docent ab argumentis, & signis, & ceteris locis : ut cum multa concurrunt argumenta & signa, quę in- ter se consentiunt, orator dicat, rem per- spiciuam, non suspiciosam videri oportere. Item plus oportere signis & argu- mentis credi, quam testibus : hæc enini eodem modo exponi, quomodo re vera sunt gesta : testes corrumpi posse, vel pre- tio, vel gratia, vel metu, vel similitate. Melius tamē & iustius cōtra argumēta, & signa, & ceteras suspensiones dicere do- cent hoc modo : ut demon- stremus, nul- lam rem esse, quam non suspicionibus quouis possit criminari. Deinde, ut vnā quamque suspensionem extenuemus, ac- demus operam, ut ostendamus nihilo magis in nos eam, quam in alium quē- piam conuenire : indignum facinus es- se dicentes, sine testibus coniecturam & suspensionem firmamenti satis habe- re : Neque enim propter suspensiones ali- quem condemnare licebit. [lib. 2. rhe- to. ad Herenni. cap. literas. de præs. l. absentem. de pœnis. l. 1. §. si suspicio. de incen. ruin. & naufra. & in l. Admo- nendi. de iure iura. Bart. l. f. R. ipa. Cur- tius & ceteri.]

24 Cæterum in materia hæresis, Gerson tract. de protestatione, suspensiones hoc modo differit : Suspicio levis prouenit ex signis exterioribus operum aut ver- borum, ex quibus capitur coniectura, qua concludi potest, non quidem frę- quenter, sed raro, seu casu, quod talia dicens vel faciens hereticus sit : idque deducitur leui consequentia, ut puta, si argumentemur : Petrus deierat frequen- ter, ergo non bene in Deum credit.

25 Suspicio vehemens sumitur ex signis exterioribus operum, aut verborum, ex quibus capitur argumentū concludens frequenter, & ut in pluribus, quod ta- lia

lia dicēs vel faciens est h̄reticus. Verbi gratia, si quis neget explicite, palam, & publice, aliquas propositiones fidei, quas tenetur ex officio scire, is vehementer suspectus est: quamuis fieri possit, ut talis negatio, ex ignorantia, vel animi leuitate sit orta.

26 Violenta suspicio est, quę provenit ex signis exterioribus operum aut verborum, ex quibus cōcludi solet efficaciter & fere semper, quod talia dicens vel faciens, est h̄reticus: ut si quis propositiones h̄reticas publice asserat, vel adoret sepulchrum Mahumetis. Nam etsi possibile sit, quod ista sine intellectus errore, aut sine pertinacia dicantur, aut fiant: ecclesia tamen, quę iudicat exteriora, pręsumit violenter, eiusmodi homines h̄reticos esse, nisi forte purga-uerint se ipsos, probando ignorantiam, timorem, vel fictionem, & ostendendo se correctioni paratos: Hęc Gerson. In summa, hi omnes suspecti de h̄resi sunt, de quibus indicia aliqua extant, quod de fide catholica male sentiunt. Gerson de protesta. confid. vltu.]

27 Sunt qui putant, suspicionem de h̄resi, duci posse ex signis & indicijs leuibus, modo probabilia sint: nam plene ea probari oportet. [Innoc. in c. sicut. de sumo. Ioan. Andr. in. c. ut officium. §. 1. Anchara. in. c. Accusatus. in princ. de h̄eret. lib. 6. Feli. in. cap. literas. de pręsum. Contra. Bruñ. lib. 1. de h̄eret. cap. 4.]

28 Ea tamen opinio, meo quidem iudicio sine delectu recipienda non est. Nā leuia signa mouere non debent animū constantis viri ad suspicandum tam graue crimen, sed potius interpretanda sunt in partem benigniorem. Ut enim Cicero ad Quintum fratrem scripsit: Ut quisq; est vir optimus, ita diffidillime esse alios improbos suspicatur.

& Nazianzenus oratione in laudē Athanasij: Malus celerrime adducitur, ut bonum etiam virum condemnet in rebus dubijs & incertis: contra, Vir probus, ne malum quidem facile condēnauerit. & oratione. 1. in Iulianum: Minime is malitiam fraudemque suspicatur, cuius animus a malitia liber est, & immunis. & epistola. 21. Qui a vitio liber est, is vitium in alio minus prōpte suspicatur. Deinde ex leuibus signis, male suspicari de homine Christiano, haud leue peccatum est: quia talis suspicio esset actus voluntarius a recta ratione dissonans. Neque enim ex leuibus signis moueri debemus aduersus catholicos, quibus iniuria fit, si malam opinionem de illis habuerimus absque iusta & probabili causa. Postremo, iudicium temerarium est (ut Theolo. docent) cum aliquis iudicat de his, quę dubia sunt, propter aliquas leues coniecturas. Igitur ex leuibus indicijs suspicari nullo modo debemus aliquem h̄reticum esse. [c. estote. de reg. iur. Tho. 2. 2. q. 60. artic. 2. Caiet. in sum. verb. suspicio. Domin. Soto. lib. 3. de iusti. & iur. quęst. 4. art. 3.]

29 Hoc amplius addunt quidam, in crimine h̄resis leui suspicioni adherendū esse, saltem eo vsque ut inquisitor procedere possit ad interrogandum, quid suspectus sētiat de catholica fide. Quod equidem falsum & periculosum esse putato: nisi forte id fiat ex probabili causa, & cum homine alioqui abiecto, vili, & infami. Nam honestum hominem in iudicium trahere propter leuem suspicionem, eumque interrogare de fide, ac dubitare, an catholicus sit, graue quidem iudicio meo & iniustum admodū est. [Matth. de Affl. in consti. Sicilit. 1. colu. ante pen. Ludo. Carer. tract. de h̄er. nu. 116.]

30 Interdum autem ex grauiſſimis criminibus, longe ab hæreſi diſtantibus naſcitur ſuſpicio non leuiſ, quod talis facinoroſus non bene ſentit de fide catholica. Nam qui catholicus eſt, Deum timere, & ab eiufmodi criminibus abſtinere ſoler. Vnde qui cum ſceminis, conſanguineis, affinibus, monialibus, commatribus, alijsque id genus, facile commiſcetur, non immerito ſuſpectus cenſeri poteſt. Quamobrem regia lex huiusmodi crimina hæreſim ſapere dicit: neque enim perpetrari ſolent a viris orthodoxis & bene Chriſtianis. Sed & laſon ſpeciem hæreſis eſſe putat, iuramenta ſcelerata facere. [regia. l. 5. tit. 15. lib. ordin. 8. ad Rom. c. 1. & inibi Chryſo. ſermo. 4. Auguſt. ad fratres in exermo. ſermon. 47. laſon. in. l. 3. iurari. de iure iurando.]

31 Suſpectus quoque in fide merito cenſeri poteſt; qui nouas & ſingulares opinionones aſſerit in materia morali, eaſque

pertinaciter tuetur contra communes & receptas ſententias: inde enim ad hæreſes facilis admodum via eſt. Ad ſummam, in omnibus præſumptionibus & ſuſpicionibus, vt Gerſon inquit, plurimum ad rem faciunt, accidentia & circumſtantię perſonarum & rerum. Quędam enim ſufficiunt ad vehemẽtem ſuſpicionem habendam de aliquo homine, quę alium hominem ſuſpectum nõ redderent, nõ leuiter quidem. [Gerſon tract. de proteſt. conſiderat. vlti. Fran. Victoria ſuper Thom. 2. 2. q. 11. art. 2.]

32 Neque leuiſ præſumptio eſt contra deſcendentes ex Mahumetanis, qui vinũ non bibunt, neq; carnem ſuillã edunt, neque aprum animal propter conuiuia natũ, vt ait Satyricus, cum ſint voluptatibus dediti, quę ſine his frigere ſolent: vt proculdubio præſumi poſſit in maiorum ſuorum ſectas, eos adhuc permanere: quod quidẽ ab inquiſitorib⁹, ſua ipſorum cõfeſſione, frequẽtiſſime deprehẽditur.

De probationibus Titulus L I.

S V M M A R I V M.

1 **H**æreſis crimen cur ſumma cura & prudentia examinari oporteat.

2 Probationes in crimine hæreſis luce clarioreſ eſſe debent.

3 Teſtis vnus cum fama publica non ſufficit ad plenam probationem in crimine hæreſis.

4 Iuramentum deferendum non eſt accuſatori in crimine hæreſis, ad ſupplementum imperfectę probationis.

5 Probationes imperfectę, aut ſemiplenę, eſi multe concurrant, non ſufficiunt ad plenam faciendam fidem in crimine hæreſis.

6 Teſtibus in cauſa hæreſis, quãdo non ſit adhibenda plena fides.

7 Teſtes duos non ſufficere in cauſa hæreſis ad plenã iuſtamque probationem, nonnulli putant.

8 Teſtes duos non ſufficere, falſa eſt opinio.

9 Teſtes duo quales eſſe debeant, vt plene iudici fidem faciant.

10 Teſtes excommunicati, & ſocij criminis, cur in cauſa hæreſis recipiantur.

11 Probationes in crimine hæreſis, leuioreſ quam in alijs criminibus ſufficere, falſa eſt opinio.

12 Probatio minus plena ad quid ſufficiat.

13 Probatio indirecta contra violentam iuris, & a iure præſumptionem, quomodo recipienda.

14 Hæreſis quomodo probari poſſit ſcriptis

GGG hæretici

heretici.
 15 Probationum, argumentorum, & indi-

ciorum inter se consensus plurimum
 refert in omnibus reorum causis.

De probationibus.



- A** V S A hæresis grauior est, quam aliorū fere omnium criminum: tum quia pœnis acerbioribus puniuntur heretici, tum etiam quia infamia ex eo crimine orta, domum, familiam, & cognationem obscurare & maculare solet. Quas obres prudētius & cautius, in hoc iudicio, quam in alijs agendum est. [c. vergentis. de hæreti. cap. vt officium. §. verum eo. tit. lib. 6. c. vbi periculum. de electi.]
- 2 Hinc est quod cum in ceteris criminibus necessariæ sint ad cōdemnationem probationes luce clariores: multo magis idipsum necessarium sit in crimine hæresis: eo accedente quod facultas defensionis manca quodā modo reis istis concedi solet. [l. vltim. c. de probatio. Oldra. consi. 210. Anchar. in c. Accusatus. in principio, de hereticis lib. 6.]
- 3 Ab eodem fonte manat, quod quemadmodum in alijs criminibus ad plenā probationem non sufficit vnus testis cū fama publica, neque plures testes singulares cum eadem fama: sic etiam ad probandam hæresim talis probatio inutilis erit. [glo. & interpretes in. c. veniens. de testib. Alex. consi. 143. li. 2. Decius. consi. 458. Ioan. de Lignano, & Matth. in Clem. 1. & 2. de hæreti. Ioan. And. & Domin. in. c. vt officium. eod. tit. lib. 6. Gonsal. de hæret. prauit. quæstio. 13. Ioan. Lupus allegatio. de here. §. 12.]
- 4 Et sicut in alijs criminibus non deferatur iuramentum accusatori ad supplementum imperfectæ probationis: sic etiam deferendum non est in hæresis

comprobationem. [glo. communiter approbata in. l. 3. de iur. iurando. & illic Alex. nu. 12.]

- 5 Sic & in crimine hæresis diuersæ species imperfectæ, aut semiplenæ probationis non iunguntur, vt plenam fidem iudici faciant: quæadmodum nec in cæteris criminibus coniungi possunt: tamen, vt Fabius ait: Singula leuia & cōmunia nocere solent vniuersa, etiam si non vt fulmine, tamen vt grandine. Sed id locum habet in causis ciuilibus, & ad maiorem duntaxat suspicionem in criminalibus, non autem ad plenam probationem. [Fabius lib. 5. cap. 12. Barto. & cæteri in l. si quis ex argentarijs. §. 1. de eden. Alex. consi. 143. lib. 2. Decius consi. 615. Ripa. in. l. admonendi. de iure iuran. num. 209. Gratus consi. 47. lib. 2.]

- 6 Sic etiam in causa hæresis non est plena fides testibus adhibenda, qui testimonij sui probabilem causam non reddunt, etiam non interrogati. [Salicet. in. l. vltim. C. de probat. Alex. consi. 15. lib. 1. Decius consi. 419.]

- 7 Sunt præterea qui putant, duos testes non sufficere in causa hæresis ad plenā iustamque probationem: tum quia Innocen. 111. tres, aut plures boni testimonij viros exigere videtur: tum quia vt sæpe diximus, in his causis non solet concedi reis libera defensionis facultas. [cap. excommunicamus. §. adijcimus. de hæretic. cap. vltim. eod. tit. lib. 6. Hostien. in summa. titul. de hæretic. §. qualiter. vers. vt autem. Albert. lib. de agnos. assert. catho. quæstio. 34.]

- 8 Sed hæc opinio a plurimis est repro-

bata,

bata, nec immerito quidem: quia casus iste non inuenitur exceptus ab illa per-
uagata & vulgari regula diuini & hu-
mani iuris: In ore duorum vel trium sta-
bit omne verbum. Neque Innocen.
111. de speciali hæresis probatione lo-
quitur, sed de inquisitione generali, quã
iudex facere debet per tres aut plures vi-
ros, aut per omnes homines totius pa-
rocæ. Neque facultas defensionis vllò
modo reis denegari solet, quinimo cau-
tius ac benignius cum eis semper, quam
cum alijs reis agitur. [c. licet vniuersis.
de testib. c. cum esses. de testam. dicto
§. adijcimus. Ioan. de Ligna. Ioan. And.
Anton. Cardi. Ioan. Imolen. quos re-
ferunt & sequuntur Domini. & Philipp.
Franc. in. c. vt officium. de hæret. lib.
6. Socin. in. c. excommunicamus. nu.
27. dicens hanc esse communem opi-
nionem. Gonsal. tracta. de hæreti. pra-
uit. quæstio. 13. Siluest. in sum. verbo.
hæresis. 2. q. 4. Ludoui. Carerius in
pract. num. 162. plenius Albert. in. c.
1. de hæret. lib. 6. quæst. 16. Godofre-
dus. in. l. 8. & quicunq; C. de hæret.]
9 Cæterum vt per duos tantum testes
plene probetur hæresis, necesse est, vt
illi sint integri & irrefutabiles, & (vt
vulgo dici solet) omni exceptione ma-
iores: idque multo magis quam in cæ-
teris criminibus, ob eas causas, quas
supra memorauimus. [c. in primis. 2.
q. 1. glo. & interpretes in cap. at si cle-
rici. de iudi. Bal. in. l. vltim. C. de pro-
bati. Ioan. Lup. allegatione de hæresi.
§. 13. Albert. in. c. 1. de hæreti. lib. 6.
quæstio. 16. num. 25. Decius consil.
429. & innumerabiles alij.]
10 Neque obstat quod in fidei fauorem,
ad inquirendam hæreticam prauitatem
recipiuntur testes excommunicati, & so-
cij criminis, infames, & alij, qui in cæ-
teris criminibus repelluntur. Id etenim

fit ad inquisitionem, ad indicium, ad
præsumptionem: ad summum, ad qua-
lem qualem probationem: non autem
vt propterea legitimi testes esse credan-
tur, aut solis duobus plena fides sit ha-
benda. Nam (vt inquit Alex. 1111.)
Tales testes in aliarum probationum
defectum admittuntur: ac tunc demum
audiendi sunt, cum ex verisimilibus
coniecturis, ex numero testium, ex qua-
litate personarum & rerum, alijsque
circumstantijs, falsa dicere non præsu-
mantur. [c. in fidei. de hæret. li. 6. Franc.
Aretin. in. c. vlt. de testib. & Ioan. Lup.
allegatione de hæref. §. vlt. Conra. Bru.
lib. 4. de hæret. c. 9.]

11 Errant ergo quicunque putant leui-
res probationes sufficere in crimine hæ-
resis, quam in alijs criminibus proban-
dis. Lex enim Theodosij, qua isti de-
cepti sunt, nihil de leui probatione lo-
cuta est: sed id tantum ait, hæreticorū
vocabulo eos contineri, qui vel pro leui
argumento a iudicio catholicæ religio-
nis, vel tramite detecti fuerint deuiare.
Leuis igitur probatio, non sufficit ad
condemnationem, sed ea constitutione
hæreticus esse dicitur, qui leui argumen-
to deuiat a catholica fide, seu qui leui
indicio errare conuincitur, accedente
scilicet eius confessione, aut plena hæ-
resis probatione. Tum illud addo, le-
gem illam corruptam esse in vulgaris
editionibus. Nam vera eius verba sunt.
Hæreticus est, ac latis aduersus hæreti-
cos legibus succumbit, qui vel paululū
ab orthodoxa declinat fide: vel qui ab
orthodoxa fide vel minimum declinat.
Et ita vertit Photius patriarcha in no-
mocanone, siue iure pontificio Græ-
corū. Ea vero lectio Photij mihi valde
probatur, quia in constitutione illa
& in titulo, sub quo sita est, nihil mi-
nus tractatur, quam de probationibus,

- sed de ipsis hæreticis agitur: qui si in aliquo deuiauerint a catholica fide, etiam in minimo, vere hæretici sunt, vt beatus Ambrosius, sanctus Isidorus, Rabanus Maurus, alijq; plurimi docet. [Ambrosius epistola. 84. Isidorus lib. 2. de eccle. offi. c. 23. Rabanus lib. 2. de instit. clericorum c. 57. tit. 12. c. 2. l. 2. C. de hæret. & inibi Godofre. Ioan. Lupus allega. prænota. §. 12. Albert. in rub. de hæret. lib. 6. quæst. 13. nu. 28. Conrad. Brun. lib. 4. de hæret. c. 9.]
- 12 Sed quamuis ad pœnam ordinariam non sufficiat minus plena probatio: nihilominus tamen ad inquisitionem, purificationem, quæstionem, pœnam arbitriam, & pœnitentiam salutarem imperfecta probatio sufficiet: leuior enim ad eas res, quam ad condemnationem requiritur. [Prima instruct. Hispalen. c. 5. glo. in c. literas. de præsumpt. Innoc. in c. sicut. de simo. Cardi. & Ioan. Imol. in Clem. 1. de hæreti. Ioan. Lup. cod. §. 12.]
- 13 Tamen si autem contra violentam presumptionem iuris & a iure, qua consummatus hæreticus aliquis esse censetur, non recipiatur directa probatio in contrarium: recipienda tamen est indirecta probatio, qua reus iuste defendatur, & crimina obiecta omnino excludat: vt si probare velit falsos esse testes, aut ea indicia non esse vera, ex quibus violenta præsumptio ducitur: & ita quidam iurisperiti docet, quibus assentiôr. [cap. accusatus. §. 1. cum seq. de hæret. lib. 6. Ioan. And. Domin. & Philipp. Francus. in c. filij. cod. tit.]
- 14 Potest hæresis probari scriptis hæretici. c. vlti. 24. q. 2. l. sciant. C. de pro-

bat. sed debet hæreticus manum suam, scripta, vel signa cognoscere. [Authentica qui contra propriam. C. de num. pecu.]

- 15 Postremo, in omnibus hæreticorum, aliorumque reorum causis ad fidem certitudinemque faciendam, plurimum refert an probationes, argumenta & indicia inter se concordent & congruant, vel e contrario, dissonent, varient, & sibi inuicem aduersentur. Nam vt est apud Aristot. Vero consonant omnia: falso autem cito dissonat verum. Et Seneca epist. 103. Veritatis vna vis, vna facies est, nunquam autem falsis constantia est: variantur & dissident. Et sicuti diuus ille Hierony. inquit: Non potest verum esse, quod dissonat: vniformis enim res veritas, mendacium autem in varia distrahitur. Nihil veritate potentius (vt apud Chrysost. est) nihil mendacio imbecillius, etsi innumeris obtegatur operimentis: nam etiam sic deprehenditur & effluit facile. Veritas autem etsi innumeris circumueniatur insidijs, tuta permanet: & qui ad eam confugiunt, tanquam firmissimo, & tutissimo muro eius viribus custodiuntur. Et alibi inquit: Huiusmodi est veritatis natura, vnde magis oppugnatur, inde magis confirmatur: & quo magis obtegatur, eo clarior euadit. Sane quæ a veritate non veniunt, nemine etiam impellente, seipsa subuertunt. Fere ita est (vt Ioan. Picus ait) mala causa quo se plus defendit, plus prodit: contra veritas sicut ignis, quo plus excutitur, plus clarescit. [Aristote. 1. ethi. c. 8. Hierony. in prolo. Osee. Chrysost. in euang. Ioan. homil. 2. 8. & homil. 57.]

Deprocuratoribus Titulus LII.

S V M M A R I V M.

- 1 **P**rocurator frustra interuenit ad grauiora absentium crimina defendenda.
- 2 Procurator eos defendere potest, qui sunt in vinculis.
- 3 Hæreticus in carcerem coniectus per procuratorem causam suam tueri potest, si neget.
- 4 Absens suspectus de hæresi a quocunque excusari potest coram iudicibus.
- 5 Filij & hæredes defendere possunt causam defuncti per procuratorem.
- 6 Procurator generalis sanctæ inquisitionis Hispaniæ in Romana curia quis sit eligendus.

De procuratoribus.



Ad grauiora absentium crimina defendenda frustra procurator interuenit: tum quia in primis necessaria est reorum confessio: tū

etiam quia sententia condemnationis non posset in absentes executioni mandari. [l. pen. §. ad crimen. de publi. iudi. Felin. in c. meminimus. de accusa. Marian. in c. veniens eod. tit. Hippolyt. in pract. §. seq.]

- 2 Quæ causæ cum cessent in reo, qui in vincula coniectus est, cessat etiam iuris prohibitio: quamobrem victus poterit a procuratore defendi, vt recte Barto. censuit. Clericus quoque atque alij, qui pro leuioribus criminibus arbitrio iudicum puniendi sunt, a procuratoribus defendi eadē omnino ratione possunt. [Bart. in l. non tantum. de appellatio. Bart. Angel. Imol. & Rubeus in §. ad crimen. Signorol. conf. 169. Anchar. conf. 272. Gratus conf. 71. lib. 2. Felin. in cap. meminimus. de accusa. nume. 15.]

- 3 Hinc est, quod hæreticus carcere clausus per procuratorem causam suam agere ac tueri potest, vt quodam primæ instructionis capite continetur. Id tamē

tunc fieri debet, cum reus negat, se hæreticum esse: nam si vellet hæreses tueri, non liceret vllō modo cuiquam eius impiam causam defendere. Quin etiā audiendus antea procurator non est, quam id iudices expressim concesserint, vt alibi diximus. Raro autem procurator admittitur, sed aduocatus solet esse procurator, & officio inquisitorum fiunt reorum defensiones. [Prima instruct. Hispal. cap. 16. si aduersus. de hæreticis. supra de aduocatis, numero primo.]

- 4 Si vero contra suspectum absentem procederetur, tunc posset quilibet eius excusationes iudicibus allegare: quæ si iustæ fuerint, sententia differenda est: iure enim concessum est, vt aliquis reum absentem defendat, probabiles & iustas causas absentiae allegans, ne forte innocens inauditus, & indefensus a calumniatoribus opprimatur. [l. pen. §. ad crimen. de publi. iudi. l. 3. C. de accusa. Barthol. in extrau. ad reprimendum, verbo, legitime. quomodo in læsæ maiestatis crim. procedatur. Ludouicus Care. de hæreti. num. 113.]

- 5 Filij & hæredes defendere possunt causam defuncti per procuratorem, tamen si accusatus fuerit de crimine hæresis: quia

quia de eo agitur, quod eorum interest. Alberi. in l. seruum quoque. §. publice. de procura. Bal. in l. reos. C. de accus. Feli. in c. meminimus. eod. tit. Rubeus in §. ad crimen. nu. 126.]

6 Demum vir aliquis peritus & probus


eligendus est, qui sit procurator generalis sanctæ inquisitionis Hispaniæ, vt in Romana curia negotia huius sacrosancti officij gerat, cui iustum salarium sol- uendum est ex bonis publicatis. [2. in- struct. Hispal. c. 2.]

De promotore fiscali Titulus LIII.

S V M M A R I V M.

- 1 **P**romotor fiscalis qualis sit eligendus.
- 2 Fiscalis esse non potest quis in ea prouincia, ex qua originem ducit.
- 3 Promotoris fiscalis munus.
- 4 Promotor fiscalis comprehensio & admonitis reis, eos accusare debet.
- 5 Promotor fiscalis reos etiam confessos accusare debet.
- 6 Promotor fiscalis quomodo libellum accusatorium iudicibus edere teneatur.
- 7 Promotor fiscalis quid factururus sit, vbi a iudicibus concessa fuerit dilatio ad probandum.
- 8 Promotor fiscalis, quocunque tempore testes aliarum heresum superuenerint, reos de his accusare debet.
- 9 Promotor fiscalis diligenter perscrutari debet reorum confessiones, & eorum dicta & responsa.
- 10 Promotor fiscalis quando abesse debeat, & quando adesse.
- 11 Fisci causas quis defendere teneatur.

De promotore fiscali.

- 1  **P**ROMOTOREM fiscalem vulgo appellant officialem sanctę inquisitionis, qui officio accusatoris fungitur. Is eligendus est vir probus, diligens, industrius, & iurisperitus.
- 2 Iulius Paulus lib. 5. receptarum sententiarum, titulo, de fisci aduocato, inquit: In ea prouincia, ex qua quis originem ducit, officium fiscale administrare prohibetur: ne aut gratiosus, aut calumni- osus apud suos esse videatur.
- 3 Ad huius officium pertinet, dicta testi- ficia exquirere, & reos ad inquisitores deferre, siue denunciare illos iudicibus: ac petere vt comprehendantur, & in car- cerem conijciantur.
- 4 Deinde comprehensio & admonitis reis, eos accusare debet, quemadmo- dum sub titulo de accusationibus plenius diximus.
- 5 Et quamuis rei dum admonentur, con- fessi fuerint omnes suas hæreses, nihilo minus promotor fiscalis de eisdem eos accusare debet, vt iudicium ex accusa- tore, & reo, & iudice constet.
- 6 Libellus accusatorius edendus est a pro- motore iudicibus, addito iuramento, quod eius capita non ab eo malitiose proferuntur, sed vt ius suum persequa- tur, quia ea probare intendit.
- 7 Vbi autem fuerit a iudicibus concessa dilatio ad probandum, producet con- tra reum testes, petetque vt examinen- tur, & eorum dicta rata fiant, & testi- monia publicentur.

- 8 Quod si testes aliarum hæresum, quocunque tempore superuenerint, adijcitur id accusationi, ac de his hæresibus promotor fiscalis reum accusabit.
- 9 Obseruare præterea debet, vt omnes reorum confessiones, omniaque dicta & responsa eorum diligenter perscrutetur, vt inde colligere possit, quæ ad eorundem vel aliorum hæreticorum causas pertinere videantur.
- 10 Cum autem dicta testium scribuntur, & rata habentur, & cum iudices & consultores de sententia ferenda deliberant, abesse debet promotor fiscalis: præsens tamen esse poterit relationi actorum processus, & ex facto & iure allegare quidquid expedire putauerit.
- 11 Olim promotor fiscalis causas fisci defendere tenebatur coram iudice bonorum publicatorum: quod in quibusdam prouincijs etiam nunc est in vsu: in plerisque tamen hodie ad fisci aduocatum ea res pertinet: & vt id obiter dicam, fisci aduocatum, primus Hadrianus imperator instituit, vt in eodem, Spartianus est author.

De propositionum qualitate Titulus LIII.

S V M M A R I V M.

- 1 Propositiones examinare ad quos pertineat.
- 2 Theologorum responsa quibus propositionum qualitates continentur, ab eisdem subscripta, actis iudiciarij processus inferenda sunt.
- 3 Propositionem hæreticam eam tantum esse, quæ ab hæretico prolata sit, perperam quidam putant.
- 4 Propositio fidei contraria, a quocumque proferatur, hæretica propriè dici potest.
- 5 Propositio multis modis hæretica esse potest.
- 6 Propositio quæ dicenda sit hæresim sapere.
- 7 Propositiones sapientes hæresim quomodo Canus examinandas esse existimet.
- 8 Erroneæ propositiones, & varia de illis theologorum sententia.
- 9 Erroneas propositiones quomodo distinguat Canus ab hæreticis.
- 10 Propositio male sonans quæ sit.
- 11 Propositionum male sonantium assertiones quomodo coercendi.
- 12 Propositio temeraria, quæ sit.
- 13 Propositio scandalosa quæ sit.
- 14 Propositio schismatica quæ sit.
- 15 Propositio seditiosa quæ sit.
- 16 Propositio blasphemata uel maledicta quæ sit.
- 17 Propositio hæreticis fauens quæ sit.
- 18 Propositio iniuriosa quæ sit.
- 19 Propositio eadem varias habere potest qualitates.
- 20 Propositiones in fide ambiguae a quibus definiri possint.
- 21 Propositionum interpretationes diligenter attendendæ sunt, cum eas rei in suam gratiam exponunt.
- 22 Propositionum interpretationes, quas admitti non deceat.

De propositionum qualitate.

- I**N cognitione causarū h̄eresis, in sacro fidei tribunali nonnunquā incidit quæstio, de qualitate propositionum, quæ ab h̄ereticis, vel suspectis reis prolata sint: hoc autē suo iure ad theologorū officiū pertinet.
2. Theologorum responsa, quibus propositionum qualitates continentur, actis iudiciarij processus, ab eisdem subscripta, inferenda sunt: perinde ac dicta, testimoniaque aliarum rerum peritorū. Sic non dimittuntur milites, nisi quos constat, medicis denunciatis, & iudice competente diligenter examināte, vitium contraxisse. Sic tres obstetrices probata & artis & fidei assumēdæ sunt, ut inspiciant, utrum mulier prægna sit. Et sæpe iudices artificum & magistrorum iudicio fidem habere solent. [l. semel. C. de re militari. lib. 12. l. 1. ff. de inspic. ventr. c. vltim. de frigi.]
3. Sed iam de propositionū qualitatibus disseramus. Quidam putant, non esse propositionem h̄eticam, nisi ab h̄eretico prolata sit: quod si ab alio dicta fuerit, dicetur propositio contraria fidei, sed h̄eretica proprie non erit. Hęc fuit opinio. Thom. Caiet. quam ut mihi quidem videtur, non bene defendit Canus. Eius enim argumenta omnia eo tendunt, ut comprobent, non omnem propositionem h̄eticam, h̄eresim proferentis esse: quod nemo vnquam vocauit in dubium. [Caiet. 2.2. quæst. 11. art. 1. Canus li. 12. de locis theolo. c. 8.]
4. Melior ergo & crebrior sententia est, quod omnis propositio contraria fidei h̄eretica proprie dici possit. Neq; enim pendet ex proferente an h̄eretica dici debeat, necne. Quia sicut propositio
- vera, semper est vera, quamuis a mendace dicatur: sic propositio h̄eretica, semper erit h̄eretica, siue ab hoc, siue ab alio proferatur. Adde quod cuiusq; propositionis qualitas, ex ipsamet propositione materiata consideranda est: & ita Theologi propositionum qualitates explicare solent. Alia vero diiudicatio est, utrum is qui talem propositionem dixit, h̄eticus sit: quod quidem recto iudicis arbitrio, ex personarum; locorum & temporum, alijsque circumstantijs perpendendum est. [Torquem. lib. 4. de eccle. part. 2. c. 3. Hadrian. in. lib. 4. sente. quæst. de conse. Alphon. lib. 1. de ius. h̄. pu. cap. 1. Addo Couar. lib. 3. resolu. c. 1.]
5. Multis autem modis propositio h̄eretica esse potest: primo, si contraria sit scripturæ sacræ: secundo, si contradicat ecclesiæ: tertio, si aduersetur decretis concilij generalis recte congregati, in his quæ ad fidem pertinent: quarto, si obuier definitioni sedis apostolicæ: quinto, si opposita sit communi sententiæ doctorum ecclesiæ, ut suis quæque locis plenius disserui.
6. Illa vero propositio sapit h̄eresim, quæ prima verborum significatione, & prima facie sensum habet h̄eticū, quamuis pie intellecta possit habere sensum catholicum. Et illa sapit manifestam h̄eresim, quæ prima fronte præ se fert saporem h̄eresis manifeste. Aliter: illa propositio sapit manifestam h̄eresim, ex qua & quibusdam veris, quæ nulla tergiversatione negari possunt, sequitur h̄eresis manifesta. [Gerson in declaratione veritatum credendarum. Echius lib. 1. de prim. Petri. c. 6. Alberti. de agnos. assertio. catholi. quæst. 6. Alphon. lib. 1. de iusta h̄etic. puni. cap. 3.]

7 Sed noster Canus (vt erat vir acris ingenij) quædam ex his iure ac merito reprehendit, quædam vero non item. Exempla enim primę regulę mihi quę displicent: nam illę propositiones: Pater est maior filio: Christus est creatura: in altero sensu hæreticę sunt, in altero vero catholicę: ac proinde in neutro eorum sapiunt hæresim. & illa propositio: Tres sunt dii, omnimodo hæretica est. Illud vero non iure facit, quod exceptionem illam (quamvis propositio pie intellecta possit habere sensum catholicum) interpretatur sic, vt semper propositio hæresim sapiens, possit habere sensum catholicum: quod nemo vnquam dixit. Prætereo nunc quod saporem & odorem confundit, & propositionis huius qualitates, non ex verbis & sensu eius, vt iacet, quod theologi munus est, sed ex qualitate dicentis, alijsque circumstantijs interpretatur: quod quidem iudicis est, non theologi. Sed exemplum ab eo positum mihi non displicet: Ridiculum est Eucharistię sacramentum solēni ritu per vias publicas circumferre: ea enim propositio, Lutheranorum & Sacramentariorum hæresim sapit, & quidem manifestam. [Canus lib. 12. de locis theologi. cap. 11.]

8 De erronea propositione theologi variant. Diuus Antoninus ait, erroneam propositionem ab hæretica, hoc tantū differre, quod illa pertinacia caret, hæretica vero ex pertinacia constat. Sed hæc opinio quia neque rationem habet, neque causam probabilem, aut satis idoneam, explodenda atque eijcienda est. Ioann. Torquemad. inquit: Erronea propositio est, asserens aliquid falsum: quasi vero & hæretica non asserat omnia falsa. Ioan. Picus, erroneam vocat eam propositionem, quę falsa

quidem est, sed nondum ab ecclesia contrarium est definitum. Alfonsus Castrensis. Propositio erronea, inquit, nihil fere distat ab hæretica, nisi forte discrimen constituatur inter credibilia, quibus propositiones aduersantur: vt illa dicatur hæretica, quę est contra credibilia, quę superant omnem virtutem intellectus: erronea vero sit, contra credibilia, quę naturali ratione probari possunt. [Antoni. 2. part. sum. tit. 12. c. 15. Torquemad. lib. 4. de ecclesia. part. 2. c. 11. Picus in apolog. quęst. 7. Alfons. lib. 1. de iust. hære. pu. c. 3.]

9 Melchior Canus loco prænotato in primis ait, propositionem erroneam ab hæretica, non cogitatione modo, sed etiam separari: neque erroneam propositionem accipiendam esse in significatione generali: vt omnem comprehendat errorem, sed vt concilium Constantiense accepisse videtur, pro specie propositionis diuersę ab hæretica: non vt genus ab specie secernitur, sed tanquam vna species erroris ab altera. atq; hætenus ei vehementer assentior: deinde alia subiungit, quę mihi non omnino probantur. Nam propositiones contra veritates catholicas & vniuersales, & quę doctrinę Christianę veritates sunt, erroneas esse, sed non hæreticas, id vero est, quod mihi displicuit: illud autem probo, erroneā propositionem, minus quippiam continere, quam hæreticam manifestam, atque adeo erroneum esse asserere aliquid contra veritatem ab ecclesia nondum plane definitam: vel contra veritatem catholicam, non omnibus manifestam, aut certe ab eo ignoratam, qui propositionem erroneam dixit.

10 Propositio male sonans, & pias aures offendens est, quę auditoribus, siue lectoribus pijs, scandalum & occasionem

HHH ruina

- ruinæ præbet: vt Ioan. Torquemada, Albertinus, & Alfons. Castren. docent. Addit Canus, dupliciter de propositione male sonante nos loqui posse: vno modo generaliter, quo omnis propositio contraria fidei pias aures offendit: alio modo specialiter, quo gradû quendam propositionum constituimus ab illo hæreticarum distantem. Quæ ratione eas proprie male sonantes propositiones, & pias aures offendentes esse ait, in quibus nullus error contrarius fidei manifeste notari potest, sed absolum nescio quid, atque absurdû, quod pias atque religiosas aures offendat.
- 11 Cum autem aliqui offensi fuerint talibus propositionibus, illarum assertor ab inquisitoribus cogendus est, vt publice verum sensum earum exponat, vt ab eo datum scandalum: cesser. Quod si is, qui talem propositionem dixerit, alioqui suspectus erat, vocandus est a iudicibus, atque interrogandus: qui si probabilem sensum eorundem verborum attulerit, non est cogendus, vt publice illum explanet, si modo nullus scandalizatus fuerit: monendus tamen est, ne talia deinceps dicere audeat. [Hæc prudenter Alfons. Castren. lib. 1. de iust. hæret. pun. c. 3.]
- 12 Propositio temeraria est, quæ nulla graui autoritate, aut iusta ratione, insolenter vel audacter, contra ecclesiasticam modestiam asseritur. Vt si dicatur: Dies supremi iudicij erit intra proximum mensem. Interdum tamen eiusmodi propositiones, non censentur esse temerariæ: præsertim cû modeste dicuntur, & aliquam verisimilitudinem habent, & piam audientium aut legentium vtilitatem: qualia sunt multa quæ viri contemplationi dediti, gesta fuisse, verisimiliter imaginantur. [Antoninus, Torquemada, Albertin. Alfons. & Canus locis prænotatis. & Gerson. in fine epist. de susceptione humanit. Christi.]
- 13 Propositio scandalosa (vt recte inquit Canus) est, in qua scandalum notari potest, etiam si alioqui hæretica non sit. Vt enumeratio incommodorum sacræ confessionis: ecclesiæ Romanæ abusus coram plebe narrare: tum illæ propositiones: prælatus malus, est vere fur & latro: vniuersitates & collegia, vanitate hominum sunt inducta: leguminibus & piscibus venter inflatur, & ad cõcubitû redditur aptior. Hæc enim atque talia, infirmis causam ruinæ præstant, & non leue scandalum generant. Vide Iansenium in concordiam euangelicam cap. 71.
- 14 Propositio schismatica est, quæ diuisionem ecclesiæ inducit.
- 15 Propositio seditiosa est, quæ in ecclesia est seditionis causa vel occasio.
- 16 Propositio blasphemica vel maledica est, qua Deo vel sanctis irrogatur iniuria.
- 17 Propositio fauens hæreticis est, quæ personis aut erroribus hæreticorum, quoquomodo fauet, vt est hæc: Hæretici non sunt puniendi.
- 18 Propositio iniuriosa est, quæ alicui fidelium statui, vel illustri personæ, vel dignitati detrahit, vel iniuriam facit: quales sunt quæ contra cardinales, & monachos, insani & impij effutire solent.
- 19 Nihil autem prohibet, eandem propositionem varias simul habere qualitates. Vna enim propositio esse potest erronea, & hæretica, schismatica & seditiosa, temeraria & iniuriosa: & vnâ, duas, aut plures habere qualitates.
- 20 Quamuis quæstiones in fide ambiguæ a summo Pontifice, vel generali concilio definiendæ sint, per modum tamen doctrinæ explicari ac definiri solent a viris doctis atq; prudentibus, quæ propositio

positio sit huius, uel illius qualitatis, quā munus propriæ theologorum est: quicquid enim ad catholicam fidem pertinet, ex theologia discitur. Sed nonnunquam iurisperiti ex pontificum, conciliorum & sanctorum patrum decretis hæc facile diiudicare poterunt. Certe si quis diligenter perlegerit opus Alphonsi nostri, aduersus omnes hereses, eo vel solo, ad propositiones hereticas per noscendas, satis & super erit instructus. [Gerso. tract. de exami. doctrina. Alberti. de agnoscend. assertio. cathol. quæstio. 10.]

21 Cæterum quia multi cum propositiones a se dictas negare non queunt, eas ita interpretari conantur, ut crimen excludant: diligenter obseruandum est, an eorum expositiones recipiendæ, vel potius reiciendæ sint. Nam iustæ ac

verisimiles declarationes, admittendæ sunt: quæ quidem aut omni modo, aut certe magna ex parte crimina obiecta diluere poterunt: quemadmodum sub titulo de defensionibus luculenter executi sumus.

22 Ea vero expositio explodenda est, quæ absurda fuerit, aut non verisimilis, incredibilis, & quæ non congruit cum antecedentibus & consequentibus, neque cum ratione recti sermonis, neque cum circumstantiis personarum temporum & locorum, & quæ alioqui non iusta interpretatio sit, ut lib. 2. de primogenitis Hispaniæ plenius disserui. Sed illa potissimum eiicienda est, quæ sub prætextu interpretationis, verum sensum propositionis perimit atque corrumpit. [cap. cum dilecti. de accusa. Alber. de agno. asser. cath. q. 7. & 8.]

De protestatione Titulus LV.

S V M M A R I V M.

- 1 Protestationes cur faciant docti & catholici viri, cum de rebus fidei agunt.
- 2 Protestatio auctoris.
- 3 Protestationis finitio.
- 4 Protestatio quocunque loco & tempore fieri potest, & quam vim habeat.
- 5 Protestatio quando excusare soleat.
- 6 Protestatio excusare non potest scienter errantem contra catholicam fidem.
- 7 Protestatio contraria facto, nihil protestanti prodest.
- 8 Protestatio non omnino excusat eum, qui per ignorantiam errat in his, quæ explicite scire tenetur.

- 9 Protestatio plurimum prodest in rebus difficilibus & ambiguis, etiam si ad fidem pertineant.
- 10 Protestatio aliquando excusat apud homines, & non apud Deum, & e contra.
- 11 Protestatio quomodo excuset illum apud Deum & homines, qui ignorantia errat in his, quæ explicite scire non tenetur.
- 12 Protestatio plus minusue prodest ex personarum & rerum circumstantiis.
- 13 Protestatio nonnunquam nocere potest, quamuis aliquando nil profit.

De protestatione.



QUAE periculosum est de rebus fidei & religionis differere, tamen si vera dicantur, idcirco viri eruditi, sapientes & pii, hæc eadem tractantes, prudenter admodum protestari solent, se nolle a fide catholica aliquo pacto deuiare: sed in omnibus semper ecclesiæ vniuersalis doctrinam amplecti, & eius censuræ libenter subiaccere velle. Deinde, reuocationem sub conditione subiiciunt, in hunc fere sensum: quod si forte aliquid contra fidem catholicam, eos dixisse, aut scripserisse contigerit, exinde illud reuocant, & ex imperitia vel imprudentia dictum aut scriptum intelligi volunt: non autem ex malitia vel pertinacia. De hac igitur protestatione pauca in præsentia breuiter & succincte dicemus. [cap. hæc est fides. 24. quæst. 1.]

- 2 Sed ne ipse vtilitate huius protestationis caream, qui ordine propositæ materiæ ductus, nonnunquam coactus sum professionis meæ cancellos transgredi: testor, & iterum atque iterum testor, me nihil magis quam hæreses odisse: & ut impietates cum hæreticis omnibus funditus extirpentur, semper in votis habuisse: quamobrem laborem hunc qualemcunque suscepi. Proinde, si quid erroneum, aut quouis modo suspectum, in hoc opere fortassis scripserim: id inscientiæ meæ ascribi, & pro non scripto haberi volo. Paratus equidem sum, non modo ecclesiæ catholicæ definitionibus obtemperare: sed etiam cuiusque meliora docenti, & veriora dicenti libenter accedere: ac eius admonitionem & correctionem, summi beneficii loco habere. Non vincimur quando

offeruntur nobis meliora, sed instrui-
mur: maxime in his, quæ ad ecclesiæ
vnitatem pertinent, & spei ac fidei no-
stræ veritatem, ut inquit Cyprianus in
epistola ad Quirinum.

- 3 Sed iam ad propositum reuertamur.
Hanc protestationem sic definit Ger-
son, ut sit confessio quædam, qua decla-
ratur, quid protestans in fide sentiat.
Nam (sicut docet Paulus in epistola ad
Rom.) Corde creditur ad iustitiam, ore
autem confessio fit ad salutem. Vel ali-
ter: Protestatio in materia catholicæ fi-
dei est religiosa & modesta deprecandæ
impietatis, pertinaciæque cautio, animi
nostri declaratoria & certificatoria.
Testatur enim quo animo simus locutu-
ri, aut scripturi. [Ad Rom. 10. Ger-
son. tractatu. de protestatione. consi-
dera. 1.]
- 4 Cum autem hæc protestatio in nullius
detrimentum sit, sed ea tantum conti-
neat, quæ pendunt ex mera voluntate &
intentione protestantis, fieri quidem
potest, quocunque loco & tempore: &
eneruat, declarat, & vincit verba & fa-
cta subsequencia. [l. per seruum. §. 1. de
usu & habi. l. qui in aliena. §. Celsus. de
acqui. herede. l. si mihi & tibi. §. vlti. de
leg. 1. l. si quis in principio testamenti.
de lega. 3. Bart. in l. non solū. §. mor-
te. de nou. op. nuntiatio. num. 14. quæ
illic sequuntur communiter interpre-
tes omnes, & in c. cum. M. de constit.
Feli. num. 27. Decius. num. 17. Ripa.
num. 67. vide. c. hæc est fides. 24. quæ-
stio. 1. Scepolam cautela. §6. Corasium
in l. si tam angusti. de seruiz. nu. 9.]
- 5 Hoc tamen in proposito tunc demum
excusare poterit, cum verba dubia fue-
rint, & mens loquentis aut scribentis
ambigua: longe secus foret, si verba &
mens

mens protestantis manifestam heresim faperent. [l. Nensenius. de negot. gestis. l. at si quis. §. plerique. de religio. & sumpti. funerum.]

6 Vnde qui sciens errat contra catholicam fidem, quamuis millies protestetur, nihilominus tamen consummatus hereticus erit: quia non vult in captiuitatem redigere intellectum in obsequiū Christi: neq; est paratus corripi ab ecclesia, quam impie contemnit, ac errare posse temere putat. [Gerfo. tract. de protest. considera. 3. cum seq. Alфонс. lib. 1. de iust. heret. pu. c. 11.]

7 Accedit eodem, quod si sola protestatio excusare posset ab heresi, liberum esset cuilibet, protestatione premissa, hereses quaslibet impune docere. Sed protestatio contraria facto, nihil protestanti prodest: neque ideo minus impius erit, qui fatetur, se rectam fidē tenere, factis autem negat. [c. solitudinem. de appel. c. ea te. de iur. iura. l. si non conuitij. C. de iniurijs. l. si quis extraneus. de acqui. heredi. c. vlti. de homic. lib. 6. Et communiter omnes iuris interpretes in l. non solū. §. morte. de noui oper. nuntiati. & in c. cum M. de constit. Alber. lib. de agn. asser. cat. q. 12. num. 9.]

8 Hinc est, quod qui per ignorantiam errat in his, quę explicite scire tenetur, quamuis protestatus fuerit, non tamen excusatur omnino: nisi forte ignorantiam suam, aut aliquam erroris causam probare potuerit: quia vnusquisque scire presumitur, ea quę scire tenetur: & ignorantiam alleganti incumbit onus probandi defensionem suam. [l. 2. §. Seruius. de orig. iur. l. professio. C. de mun. patrimo. lib. 10. l. 2. quod quisque iur. l. 1. de exceptio. l. ab ea parte. de proba.]

9 Considerandum vero est, quę qualia-

que sint ea, in quibus quispiam errauerit. Sunt enim aliqua ad fidem etiam & religionem pertinentia, vsque adeo difficilia, obscura, & ambigua, vt viros doctissimos nonnūquam latere possint: in rebus autem talibus protestatio plurimum proderit: quia ex ignorantia magis, quam ex malitia error natus esse censebitur. [Alфонс. lib. 1. de iust. heret. pun. c. 11. glo. in princ. inst. de obli. ga. quę. ex qua. del. nas. Anchar. conf. 289. Felinus in c. cum ex officij. de prefc. & in c. 1. de re iudi.]

10 Illud quoque nouisse conueniet, quod interdum protestatio excusat apud homines, & non apud Deum, & contra: quia homo iudicat ea, quę apparent: Deus autem intuetur cor. Nam si protestatio pio animo fiat, excusat ab heresi apud ipsum Deum, quamuis protestans errauerit in his, quę explicite scire tenebatur: tamen si enim tunc aliquis peccet, tale peccatum erit ignorantie, non autem impietatis. Si vero sciens quispiam errauerit, in his etiam, quę nō tenebatur explicite scire, quamuis apud homines protestatione excusetur, nihilominus tamen coram Deo cōsummatus hereticus erit. [1. Reg. 16. Gers. de protest. consid. 8. Alфонс. lib. 1. de iusta hereti. puni. c. 11.]

11 Is autem qui ignorans errat, in his quę non tenetur explicite scire, hac protestatione omnimodo excusatur ab heresi, apud Deum & homines: tenetur tamen cognitz veritati statim assentiri. Proderit ergo tunc protestatio ad excludendam suspicionem & presumptionem pertinacię & malitię. [Alberi. in rub. C. de hereti. ad fin. Gerson, loco prenotato, consideratione. 5. & item Alфонс. eod. c. 11. Alber. lib. de agno. as. cath. q. 12. nu. 4.]

12 Igitur ex personarum & rerum circumstantijs

stantijs plus minusue proderit isthec 13 Sed quamuis plerunque nihil pro-
 protestatio. Nam, sicuti Gerson inquit, fit hæc protestatio, nunquam tamen noce-
 Protestatio generalis non efficit, ut pro re poterit. Nam siue generalis, siue spe-
 testans nequeat haberi suspectus de hæ- cialis fuerit, non reddit suspectum pro-
 resi, quandoque leuiter, interdum ve- testantem: quippe cum fiat, ut excuset
 hementer, nonnunquam etiam violen- a pertinacia. Neque enim actus homi-
 ter, iuxta personarum, errorum, loco- num producere solent effectus contra-
 rum ac temporum circumstantias. Quod rios intentioni operantis: nec reuoca-
 si rem ipsam penitus intueamur, profe- tio conditionalis, aliquid concedit, aut
 cto vulgaris illa & generalis, prestatio, ponit. [Gerson loco sæpe citato confide-
 quæ pæssim ab omnibus fieri solet, quã rat. 2. l. legata inutiliter. de adimen. le-
 & pestifer ille Lutherus olim fecisse di- ga. si quis nec causam. l. non omnis. si
 citur, nec animum errantis exuit, nec cert. per. l. si quis sub conditione. si quis
 pertinaciam excludit, nec magni mo- omis. caus. testam. glo. in c. exhibita. de
 menti censenda est. [Gerso. confid. 12.] homic. Feli. in c. literas. de præsu. nu. 19.]

De purgatione canonica Titulus LVI.

S V M M A R I V M.

- 1 **P**urgatio canonica in sacro inquisitorum foro etiam nunc in usu est.
- 2 Suspicio nulla ferenda est in hæresis & impietatis crimine.
- 3 Purgatio canonica quid sit.
- 4 Purgare se debet suspectus de hæresi, cum id sibi a iudice legitime fuerit in- iunctum.
- 5 Purgatione multi etiam Pontifices ma- ximi usi sunt.
- 6 Purgatio canonica quando indicenda sit.
- 7 Purgatio illis non est indicenda, qui ab inimicis vel maleuolis, vel leuibus ho- minibus infamia afficiuntur.
- 8 Purgatio, recto iudicis arbitrio relinqui- tur, quando reis sit indicenda.
- 9 Purgatorum quoque numerus iudicis ar- bitrio relinquitur.
- 10 Purgatores qui dicantur.
- 11 Purgatores quales eligendi sint.
- 12 Purgatio cur illis indicenda non sit, qui ex parentibus Iudæis aut Mahumeta- nis nati sunt.
- 13 Pæna eius qui in purgatione defecit.
- 14 Purgare qui se non potuit, & defecit in purgatione, tanquam consummatus he- reticus puniendus est.
- 15 Deficere in purgatione quis dicatur.
- 16 Purgare se volens ab hæresi, & in ipsa purgatione succumbens, an statim sit cu- ria seculari relinquendus.
- 17 Reos vehementer suspectos, prius tor- mentis, deinde purgatione, mox abiur- ratione, eadem arbitrarijs pænis oppri- mendos esse, vetus & iniqua consuetu- do docebat.
- 18 Pæna duplex pro eodem crimine infligi- non debet.
- 19 Rei pluribus pænis simul puniendi non sunt.
- 20 Purgatio, vel quæcumque alia pæna in suspectos de hæresi statuta, per se effi- cax est ad quaslibet suspensiones pur- gandas.
- 21 Purgatorum numerus augeri potest, si purgandus reus sit. & idem acerbissi- me torqueri potest, si torquendus sit, pro magnitudine suspensionis.

- 22 Iudici suspectus reus esse non debet, ubi iura omnem suspicionem purgatam esse declarant.
- 23 Consuetudo antiqua, qua tormentis, purgatione, abiuratione, tandem arbitrarijs pœnis rei coercebantur, crudelis et iniqua erat.
- 24 Reum post tormenta purgandum, aut post purgationem puniendum, neque lege, neque ratione probari potest.
- 25 Purgatio canonica quo ordine & ritu iudici solet.
- 26 Purgatores tot nominare tenetur reus, quot in sententia inquisitorum continentur.
- 27 Purgatoribus conuocatis in auditorium inquisitorum, & reo ad tribunal ducto, interrogatur ab inquisitoribus reus, an illos homines agnoscat.
- 28 Purgatores quomodo admonere & interrogare soleant inquisitores.
- 29 Purgationis canonice origo.
- 30 Iuramentum a suspecto de veritate dicenda præstari debet: a testibus vero de credulitate.
- 31 Probatione canonica non temere iudices quenquam examinare debent.

De purgatione canonica.



PURGATIONIS canonica sepe fit mētio, in iure pōtificum: sed in omnibus fere alijs criminibus in vsu esse desijt, in crimine tamē

hæresis, etiam nunc vsitata, & in sacro inquisitorum foro frequentata est. Quā obrem Godofredus (vt ex eius scriptis conijcere licet) vir doctus & pius, laudat Hispaniam nostram his verbis: Puniantur suspecti hæreseos, in religiosissimis Hispaniæ regnis, vel hoc maxime his temporibus triumphantibus, & singulari laude dignis, quod nulla non solum plane hæresis, verum ne suspicio quidem hæreseos sine digna, vel momēto, maneat nota. Aliorum sane criminum suspicio bonis viris maxime fugiēda est: nam vt Plato inquit: Non oportet vnquam parui facere, vtrum probus an improbus alijs videaris: quando quidem multi, (tametsi improbi sint) qui tamen probi, & qui improbi iudicant. Nam prauis quoque hominibus, diuina vis quædam conijciendi inest, per quam multi vel pessimi, recte tum opi-

nione, tum verbis a melioribus deterioribus distinguant. Indidit quippe nobis Deus, sicuti Chrysostomus ait, iudiciū inuiolabile, quod nunquam corrumpi valeat, etiam si ad fundum iniquitatis veniamus: idcirco etiam qui maligni sunt, condemnant seipfos, & similes quoque morum suorum: etenim malitiam omnes accusant, etiam hi, qui eā exercent, & in ea versantur. Quocirca vtiliter ciuitatibus præceptum est, vt bonam apud multos existimationem non parui pendant. Et vt Cicero lib. 1. officiorum ait: Negligere quid de se quisque sentiat, non solum arrogantis est, sed etiam omnino dissoluti. Cui accedit illud Tiberii Cæsaris, apud Cornelium Tacitum. lib. 4. annalium: Contemptu famæ, contemni quoque virtutes. Quas ob res Alexander ille magnus prudenter admodum dixisse fertur: Satius est, purgatos esse, quam suspectos. [c. si mala fama. 2. q. 5. Plat. lib. 12. de legib. Quint. Curt. lib. 7. Chrysosto. in epistola. ad Hebræos. homil. 24. c. nolo. 12. questio. 1. Godofred. in l. 2. C. de hæreticis.]

- 2 Sed quamuis in plerisque aliis criminibus sinistra maleuolorum suspicio, interdū tolerari, aut negligi possit: in hæresis tamen & impietatis crimine, nulla suspicio ferenda, vel dissimulanda est. Scribit enim sapientissime Rufinus, li. 1. inuestiuarum in Hieron. Esse quidē gloriosum, Christi exemplo patienter iniurias tolerare: at vnam notam hæreseos qui ferat, vel dissimulet, non esse Christianum. Et ipsemet diuus Hierony. quanta maxima potest animi contentione clarissima exclamat voce: Nolo in suspitione hæreseos queinquam esse patientem: ne apud eos, qui ignorant innocentiam eius, dissimulatio cōscientia iudicetur, si taceat. Hæc ille, in epistola ad Pamachium aduersus errores Ioannis Hierosolymitani, quod & Ioannes Picus in præmio apologiæ retulit.
- 3 Iure igitur catholica ecclesia mater nostra sanctissima, suspensionem hæresis vllō modo ferre non potest, sed varijs antidotis medetur suspectis, eos nonnunquam abiurare, aut se purgare cogens: interdum etiam quæstionibus veritatem eruens, ac frequentissime poenis extraordinarijs eos coercens. Purgatio autem canonica nihil aliud est, quam de obiecto crimine innocentie ostensio, vt Alexand. Theologus, ceterique definiunt. [Alex. Ales. 3. p. q. 45. Membro 3. & in Summis ver. purgatio. Ray. Gofr. Siluest. & alij.]
- 4 Suspectus de heresi qui se purgare noluerit, cum id sibi a iudice fuerit legitime iniunctum, eo ipso hereticus esse cēsetur. Quod si per annum in eadem pertinacia perstiterit, tunc condemnandus est, legibus ciuilibus, tanquam condemnatus hereticus: sed iure pontificū statim puniri potest, vt hereticus pertinax: nec opus est, vt tam longo tempore punitio suspecti pertinacis differatur. Et hoc iure maiores nostri & nos semper vsi sumus. [c. excommunicamus. §. adiicimus. de heret. Auth. Gazaros. c. cod. tit. c. Tua nos. de cohabi. cleri. & mulierum. Innoc. Abb. & ceteri in: c. cum. P. Manconela. de purgati. canon.]
- 5 Neque tantum priuati homines hac purgatione vsi sunt, sed multi etiam Pontifices Maximi, de grauioribus criminibus infamati, quamuis a nemine iudicari possent, nihilominus ex charitate, ad auferendam subditorum offensionē, dedignati nō sunt publice solemniterque se ipsos nonnunquam purgare. Vt enim B. Augusti. lib. de bono viduitatis scriptum reliquit: Nobis necessaria est vita nostra, alijs fama nostra. Quāobrem Paschalis primus, Damasus, Symmachus, & quidā alij Pontifices Maximi, corā populo solēniter purgati sunt. Et Leo 111. coram Carolo Magno, Gregorius. vii. corā Henrico. 1111. Sixtus 111. coram Valentiniano, & Pelagius primus coram Narsete publice quoque purgati fuisse traduntur. [Augu. loco citato. c. 22. c. mandastis. c. auditum. 2. quæst. 5. Platina & ceteri authores in annalibus Pontificū, Albertus Pighius. lib. 6. hierar. eccle. cap. 17. Brunus. lib. 4. de heret. c. 11.]
- 6 Ceterum, purgatio canonica indicenda non est, nisi cum reus publica laborat infamia, & crimen plene probatum non est: nam si horum alterum desit, non purgatione, sed condemnatione, vel absolutione causa peragenda est. [c. nos inter. c. si quis de gradu. c. cum dilectis. de purg. cano. l. qui accusare. C. de eden.]
- 7 Ad hæc, opus etiam est, vt causa & origo infamie, nec ab inimicis, vel maleuolis, nec ab infamibus, aut leuibus hominibus orta sit. Non enim temere quispiam

quispiam debet cenferi publice infamatus propter istorum rumores: præsertim cum apud bonos & graues viros eius existimatio laesa non est. [c. cum in iuuentute. c. penul. de purg. canon. cap. in cunctis. 11. quæst. 3. c. inquisitionis. §. ultimo. de accusationi.]

8 Solet præterea reus ad purgationem cogi, propter graue scandalum ab eo maledatum: & propter magnam & publicam infamiam: denique propter vehementem suspicionem ex testium dictis exortam. In summa, recto iudicis arbitrio relinquitur, vt Philip. Decius ait, quando reis purgatio sit indicenda. [cap. inter sollicitudines. c. cum in iuuentute. de purga. canoni. Deci. in cap. at si clerici. de iudic. nume. 10.]

9 Purgatorum quoque numerus in arbitrio iudicis est: ita tamen vt plures præfiniantur, cum reus maiore laborat infamia, & grauioribus suspicionibus vrgetur. Quamobrem legumlatores modo plures, modo pauciores expurgatores requirunt: eorum scilicet numerum arbitrio iudicum relinquentes. Quod & Leo Papa, quadam in epistola scribit, inter alia dicens: Si sacerdos suspectus fuerit, ne in crimine, aut suspicionem remaneat, cum tribus, aut cum quinque vel septem bonis, ac vicinis sacerdotibus, vel eo amplius, si suo episcopo visum fuerit, & cum alijs bonis & iustis hominibus, sacramento coram populo super quatuor euangelia dato, se purgatum ecclesiæ reddat. [c. omnibus. cap. presbyter. 2. q. 5. c. ex tuarum. de purga. can. c. significasti. de adult. c. inquisitionis. §. ultimo. de accus.]

10 Purgatores autem a iuris canonici conditoribus dicuntur ij, quos Cicero laudatores vocat, si Budæo credimus in forensibus: & legitimus numerus laudatorum olim erat denarius, vt ex Cicero

ne constat. Sic enim in Verrem scribitur actione vltima: Primum vt in iudicijs qui decem laudatores dare non potest melius est ei nullum dare, quam illum legitimum numerum non explere: sed fallitur Budæus: nam laudatores, ij feruntur, quos hodie testes probitatis vocamus. Solebant olim accusati viros grauissimos laudatores in suam commendationem producere: quod ex Asconio in oratione pro Marco Scauro constat: & Blondus retulit lib. 4. Romæ triumphantis: Pompeius vero interdixit, ne qui reorum laudatores haberentur, vt Dion Cassius lib. 40. Rom. histor. author est.

11 Purgatores autem eligi debent ij, qui eandem dignitatem & conditionem habent, quam reus ipse: si modo tales inueniri possint. Si vero huiusmodi expurgatores non inueniantur: eligendi saltem sunt aliqui viri probi & catholici, qui vitam & mores suspecti, non tam præsentis tempore nouerint, quam præterito: quique ciues sint, honesti, & estimationis bonæ: vt verisimile sit, eos neque amore, odio, timore, pretio aut prece, verum occultaturos, vel falsa dicturos. [c. si legitimi. 2. quæst. 4. c. cum P. Mancolena. c. constitutis. c. inter sollicitudines. c. cum dilectus. de purgatio. canonica.]

12 Cæterum purgationis remedium, cæcum, fragile, ac periculosum admodum est, quippe cum ex alieno arbitrio pendeat. Ouidius ait: *Conscia mens recti famæ mendacia ridet.* Mox tamen addit:

Sed nos in vitium credula turba sumus. Quamobrem cogendi non sunt ad hanc purgationem, hi qui ex parentibus Iudeis aut Mahumetanis nati sunt: eos etenim ad purgationem mittere, nihil est aliud, quam recta via in ignem mittere. Quis

- enim de istis non facile male opinetur, aut saltem de illorum innocentia non dubitet. Rectius igitur fuerit, abiuratio ne, tormentis, aut poenis arbitrarijs eos coercere. Si vero isti ad purgationē forte condemnati sint, & expurgatores, quales supra diximus, non inuenerint, admittendi erunt alij, quamuis eque idonei non sint, ne prorsus defensionis facultas eis auferatur. [c. cum in iuuentute, in fin. de purga. cano. & inibi notant glo. & interpretes. & Hugo. Laurent. & Archidi. in. c. si legitimi. 2. q. 4. Ioan. Vincent. Host. & alij relati ab Henrico & Abbate in. c. inter sollicitudines. de purg. can. & glo. vltim. & illic Feli. c. cū. P. Māconela. de accusa.]
- 13 Et quamuis acris contentio sit inter iurisperitos, de poena eius qui defecit in purgatione: ea tamen sententia verior & receptior est, vt reus in purgatione deficiens puniendus sit poena ordinaria criminis, ac si vere conuictus esset. Id tamen fieri debet iuxta modum & qualitatem iudicij, quo reus coactus fuit se purgare: hoc est, vt si antecessit accusatio, poena ordinaria puniatur: si vero per denunciationem aut inquisitionem proceditur, poena ordinaria iudicis arbitrio temperetur. [c. de hoc. de simo. c. inquisitionis, in princi. de accusa. Hostien. Henri. Abba. & ceteri in. c. inter sollicitudines. de purga. cano. Gofred. Hostien. Abb. Ioan. de. Anan. & Felin. in. c. accedens. de accusati. Angel. & Siluest. in sum. verb. purgatio. Ioan. Bernar. in pra. crim. c. 141.]
- 14 Cum ergo de crimine hæresis promotor fiscalis semper accuset, consequens est, vt qui deficit in purgatione, non secus atque consummatus hæreticus poena ordinaria puniri debeat. Quod Nicolaus Tudiscus ait, ceterique consentiunt: & hoc iure vtimur. [Abba, in di. c. inter sollicitudines. col. vlt.]
- 15 Quæri autē potest, quis dicatur in purgatione deficere. An is qui ab omnibus expurgatoribus derelinquitur: vel qui a maiori parte, an qui a parte minore, vel qui ab vno tantū. Olim sane qui deficiebat vno duntaxat expurgatore, vt conuictus condēnabatur, quia nō purgabatur ab omnibus. Sed cum id periculosissimum esset, ac forte ab omnibus purgatus dici posset, qui a maiore parte purgaretur: idcirco receptum est, vt eo tempore quo numerus expurgatorum definitur, eodem quoque decernatur, vt si defecerit in vno, duobus, vel tribus, aut pluribus, pro conuicto hæretico habeatur: vtrunque enim eadem omnino ratione in arbitrio iudicis est. [l. quod maior. ad municipa. l. duo ex tribus. de re iudi. l. 1. de iur. delib. cap. ad abolendam. de hæretic.]
- 16 Quæsitum scio, an is qui se ab hæresi purgare vult, & in ipsa purgatione succumbit, statim sit curiæ seculari relinquendus: an poenitentiam agere volens admittendus sit. Quod quidem verius est, nisi forte relapsus, vel impoenitens fuerit. Nam si is admittendus est, cuius hæresis testibus & propria confessione probatur, vtiq; multo magis illi ecclesiæ beneficium impartiendum est, qui præsumpta quadam, seu ficta probatione conuincitur. [l. filio quem pater. de liberi. & posthu. c. assert. de præsumptionibus.]
- 17 Fuit olim magna inter peritos dissensio, an illa ferenda esset consuetudo, quæ apud multos inquisitores inualuit, vt reus vehemēter suspectus, prius torquetur: deinde, si nihil cōfessus fuerit, vt se purgare cogatur: post hæc, si expurgatus sit, vt abiurare quoq; teneatur: & tandē post abiurationē arbitrarijs etiam pēnis puniatur. Consuetudinē hāc defendere quidam

quidā conabantur, his argumentis. Primo, quia vetusta est, & a multis eruditis iudiciis recepta. Ad hoc, quia iurisperiti quidā id fieri posse scripserunt. Præterea, exēplo Innocentij 111. qui suspectum quendā ab officio suspendere iussit, & post suspensionē publice quoque abiurare. Quidā aiunt in arbitrio iudicis esse, ut reum omnibus pœnis superscriptis coerceat: eo accedente, quod Innocentius & multi alij iuris interpretes aiunt, licere iudici in crimine hæresis, alijsq; similibus delictis, post purgationē, damnare reū ad abiurationē, aliasq; pœnas arbitrarias, propter suspicionē adhuc remanentē. Deinde dicebāt, plurimum in eiusmodi pœnis arbitriū iudicis posse: neq; reum illū grauari, qui cū forte summo iure pœna ordinaria condemnari posset, clementia iudicum leuioribus pœnis subijceretur. [l. minime. de legi. Cardi. in Clement. 1. de vsur. colu. vlt. Francisc. episcopus Squilacen. tract. de fide catholi. cap. 31. c. inter sollicitudines. de purg. cano. & illic Innocen. Hostien. Ioan. Andr. Anton. Anchara. & Cardi.]

18 Verior tamen, & benignior, & æquior est contraria sententia: quam tunc viri quidā doctissimi asseriebant, quibus ego vehementer assentior. Nā illud in cōfesso est, neminem posse simul pluribus legibus pro vno crimine condēnari. Non cōsurgit, inquit Nā propheta, duplex tribulatio: neque vindicabit Dominus bis in idipsum. Neq; pro eodem crimine debet quispiam duplici pœna conteri: quod legibus quoq; Atheniensium iam olim constitutum fuit, ut apud Demosthenē est, oratione aduersus Leptinem. [l. senatus. de accusa. c. at si clerici. §. vlt. de iudic. Naum. c. 1. c. sceleratior. c. sunt plures. in fine. de pœn. dist. 3. can. aposto. 23. cap. presbyter. 81. dist.

cap. quid ergo. 23. quæstio. 5.]
 19 Accedit eodem, quod sicut pluribus actionibus experiri non licet, sed vna illarum eligi debet, nō autē omnes cumulari queunt: sic etiam in criminalibus causis, pluribus pœnis simul vtendum non est, sed vna illarum est eligenda. Et eo magis, quod in ciuilibus causis parui plerunq; refert, vtrum vna, vel pluribus actionibus experiaris: in criminalibus vero non potest non referre plurimum, vna duntaxat vel pluribus pœnis puniari. [l. quod in hæredem. §. eligere. de tributo. l. cum filius. §. varijs. de lega. 2. l. 1. C. de fur. Barr. & cæteri in. l. 3. §. 1. de oper. no. nuntiatio. l. absentem. §. aduersus. de pœnis.]

20 Tum illud addo, quod vnaqueq; harū pœnarū efficax est ad quaslibet suspensiones purgandas, ut proculdubio superuacuum & iniquum sit, pluribus simul suspectum reum affligere. Nam qui tormenta vincit, purgat quæcunq; indicia: & qui purgationi canonicæ satisfācit, absolendus est, & boni testimonij vir declarandus: neq; de his quæ iam purgata sunt remanere sinistra suspicio debet. Et ut Pomponius inquit: Pœnis legū contenti esse debemus. [Barr. & cæteri in. l. vlt. de quæst. c. 1. §. q. 5. c. ex tuarum. de purga. can. c. habet. c. Menā. 2. q. 4. l. si stipulatio facta. ff. de verb. oblig.]

21 Ad hæc, si reus euidentioribus suspicionibus vrgetur, potest quæstionis modus augeri: si vero leuiter tortus fuerit, poterit in quæstionē repeti: quod si purgatus fuerit, numerus compurgatorū amplior erit: ita ut suspensiones quātumlibet vehementes, vel his remedijs, vel alijs arbitrarijs pœnis legitime diluantur. [l. quæstionis modum. l. vnus. §. reus. de quæst. c. inter sollicitudines. de pur. can.]

22 Præterea, iudex nō debet plus suspicionibus credere, quam leges ipsæ credunt:

nec ei suspectus deinceps reus est habendus, ubi iura omnem suspicionem purgatam esse declarant. Deinde, iudex qui tormentis, aut purgatione canonica veritatem inquirat, totam probationis fidem in his constituere, ac inter culpā & innocentiam æquali animo esse debet. Quemadmodum igitur plenam fidem indicij habet, cum reus tormentis crimen confitetur, vel in purgatione succumbit: sic e contrario, credere tenetur eum, qui tormenta vicit, aut legitime purgatus est, innocentem esse. Idque eo magis, quo proclivior ad benigniorem partem, & ad absolvendū, quam ad condemnandum pronior esse debet. [c. iudicet. 3. q. 7. l. quæstionis modum, de quæstio. c. iudicantem. 30. quæst. 5. c. estote. de reg. iur. l. absente. de pœn. l. Arrianus. de actio. & obliga. Aristot. problem. 13. & 15. part. 29. Alciar. lib. 3. præsumpt. c. 44.]

23 Ex his facile perspici potest, sententiā nostram, æquam, benignam, iustam & veram esse: illam vero consuetudinem crudelem, iniustam, & laqueis plenam: qua nimirum efficitur, ut qui tormenta vicerit, ad purgationē teneatur: & qui legitime purgatus fuerit, errores, & hæreses abiurare cogatur: postremo, ut post tormenta, purgationem, & abiurationem, alijs quoque pœnis arbitrio iudicis coerceatur: quo quid durius, aut iniquius esse queat? Formido quidem, fouea & laqueus super illos esset, quæ admodum Esaias inquit: Ut qui fugerit a facie formidinis, cadat in foueam: & qui se explicauerit de fouea, teneatur laqueo. Vel sicut apud Hieremiam est: Ut qui fugerit a facie pavoris, cadat in foueam: & qui conscenderit de fouea, capiatur laqueo. [Esa. 24. Hier. 48.]

24 Neque obstant argumenta contrariæ opinionis: quia sicuti beatus Cyprianus

contra epistolam Stephani scribit: Consuetudo sine veritate vetustas erroris est: & prauum vsum (ut Isidorus in synonymis ait) lex & ratio vincere debet: auctoritas autem iuris interpretum, contra ius & æquum, parum efficax, & inanis est. Neque sententiæ nostræ aduersatur epistola decretalis Innocentii. 111. quia purgatio illic indicta fuit Senonensi Decano, propter vulgatam hæresis infamiam, graue scandalum, & vehementem suspicionem, ex testium dictis exortam: sed in pœnam familiaritatis quam scilicet cum hæreticis habuit, quæ legitime probata erat, suspensus ille fuit ab officio, donec sopiretur scandalum: & coactus præterea fuit abiurare, non quidem illas hæreses, de quarum suspicionem iam purgatus erat, sed familiaritatem duntaxat hæreticorum: quod iniubi Nicolaus Tudiscus cordatius cæteris obseruauit. Non igitur lege aut ratione probari poterit, ut post tormenta, reus purgandus sit, aut post purgationē puniendus. Vide tamen id quod in enchiridio scripsi. [c. consuetudo. 8. dist. c. vsus. cum seq. 111. dist. l. 1. §. sed neque ex multitudine. C. de vet. iur. enucl. c. inter sollicitudines. de purg. canon. & illic Abb. nu. 3.]

25 In causa purgationis canonice hoc ordine & ritu procedi solet. Conueniunt in vñ inquisitores, episcopus, aut eius vicarius, & assessores, seu consultores periti, & excusis probationibus, reum condemnant, ut se purget, septem plus minus testibus: hoc addito, ut si defecerit in vno, duobus, tribus, aut pluribus, exinde conuictus plene de crimine censetur. Hæc autem sententia reo dicenda est, & ab ea potest prouocare, & post appellationem causa referenda est ad senatum, nisi forte scripta fuerit appellatio: quia tunc ei ab inquisitoribus deferendum

rendum non est, vt generaliter Clemēs
1111. constituit, & specialiter epistola
quadā senatus sanctæ inquisitionis ple-
nius continetur. [l. 2. C. de decurio. li.
10. l. 1. de appel. c. cum appellationi-
bus friuolis. de appel. lib. 6.]

26 Deinde, si a sententia non fuerit appel-
latum, vel post appellationem senten-
tia confirmata sit, vel appellatio friuo-
la reiecta fuit ab inquisitoribus, tunc
reus ad se purgandum debet nominare
tot viros bonos, testes expurgatores,
quot in sententia inquisitorum continē-
tur. Illi autem testes vocari seorsum
debent ab inquisitoribus, & ab eis tria
sunt inquirenda. Primum, an reum
cognoscant, & a quo tempore: Secun-
dum, an reus, vel eius consanguinei,
vel affines dederint, aut promiserint ali-
quid ipsismet testibus, vt reo fauerent:
Tertium, an testes ipsi se obtulerint ad
reum purgandum. Quæ omnia quo-
dam instructionum capite plenius cau-
ta sunt.

27 Post hæc, testes omnes conuocantur
in auditorium inquisitorum, & reus ad
tribunal ducitur, & ab inquisitoribus
interrogatur, an homines illos cogno-
scat, & an illi sint, quos ipse in testes
purgatores nominauit: qui respondere
solet, se illos cognoscere, & eosdem esse,
quos nominauit. Fiunt autem hæc om-
nia coram inquisitoribus solis, ac tabel-
lione seu notario, qui literis mandare
singula debet: nec alius quispiam præ-
sens esse huic purgationi permittendus
est: ne ipse quidem vicarius episcopi or-
dinarij, vt quadam epistola senatus san-
ctæ inquisitionis continetur: a sententia
vero purgationis excludi non potest or-
dinarius, aut eius vicarius, vt dixi titu-
lo de abiuratione. [consert cap. 1. 15.
quæst. 1.]

28 Deinde, inquisitor ad expurgatores

conuersus, talia dicere solet: Scitote fra-
tres, quod Achacius reus de hoc & illo
crimine accusatus, & suspectus est: quā-
obrem ab ea suspicione se purgare tene-
tur, & vos nominati estis in testes inno-
centiæ suæ. Tu vero Achaci per Deum
& sacrosancta euangelia responde, an
ea crimina commiseris. Et statim reus
coram illis iurat, se nihil eorum dixisse,
aut fecisse. Deinde reus abire iubetur:
& inquisitor interrogat purgatores, an
ea omnia probe intellexerint: qui respō-
dent, se intellexisse. Mox testes omnes
secedunt: & singulis seorsum vocatis,
& ab eis solemni iuramento exacto, que-
rit inquisitor, an credant, Achacium iu-
rasse verum, vel falsum: & quidquid re-
sponderint, a notario fideliter scriben-
dum est. Hactenus de ritu purgationis
canonicæ.

29 Origo autem huius purgationis in sa-
cris literis est, vt Alex. theologus ait.
Nam in Exodo, suspectus de furto iura-
re tenebatur, quod non extenderit ma-
num in rem proximi sui. Et in Deute-
ronomio, maiores natu ciuitatis suspec-
tæ de homicidio, purgabant illam di-
centes: Manus nostræ non effuderunt
sanguinem hunc, nec oculi viderunt:
propitius esto populo tuo Israel, quem
redemisti Domine, & ne reputes san-
guinem innocentem in medio populi
tui Israel. quo peracto auferebatur ab
eis reatus sanguinis. Quod si homici-
dij & furti suspicio lege diuina purgan-
da erat: quanto id magis fieri oportet,
in hæresis & impietatis suspicione?
[Exod. 22. Deute. 21. Alex. Ales. p. 3.
q. 45. memb. 3.]

30 Illud quoque obseruandum est, quod
iuramentum a suspecto, de veritate di-
cenda præstari debet: a testibus vero de
credulitate. Nec enim aliud ab eis qua-
rendum est, quam quod supra diximus,
scilicet,

438 *Depurgatione canonica Titulus LVI.*

scilicet, an credant, reum iurasse verū, vel falsum, neque præterea quicquam: sicuti quodam instructionum capite cauetur. Vbi & illud inquisitoribus præcipitur, vt ne legant coram expurgatoribus testimonia, quæ contra reum dicta & scripta sunt: ne illi ab expurgatione deterreantur. [c. quoties. 2. q. 3. c. quoties. de purgat. canon. quinta in structio. Hispal. c. 8.]

- 31 Ad postremum, admonemus iterum atque iterum iudices, vt ne temere, aut facile quispiam ad purgationem canonicam ab eis cōdemnetur. Est enim purgatio hæc fragilis & periculosa, cæca & fallax: quippe cum res, fama, & vitam reorum, ab opinione, arbitrio & credulitate testium expurgatorum pēdeat. Accedit eodem, quod ita sunt iam cor-

rupti omnes fere hominum mores, ita Christiana charitas refrixit, vt vix inueniri queat, qui alterum purgare velit: & qui non de quibusuis facile sinistram suspicionem habeat: & qui res dubias in deteriorem partem non interpretetur. Quid? quod vt succumbat reus, sat est, quod testes respondeant, se nescire, vel dubitare, vtrum ille verum vel falsum iurauerit. Quis autem anceps non erit, qui sciat, neminem ad purgationem esse damnandum, qui vehementer suspectus non fuerit? Mea igitur sententia, illi tantum se purgare cogendi sunt, quorum fama populo Christiano valde necessaria est, episcopi scilicet, sacerdotes, prædicatores, & id genus alij. [cap. presbyter. 82. dist. c. presbyter si a plebe. c. si mala fama. 2. q. 4.]

De relapsis Titulus LVII.

S V M M A R I V M.

- | | |
|--|---|
| <p>1 Relapsi qui dicantur.</p> <p>2 Relapsus dupliciter quispiam dici potest.</p> <p>3 Relapsus secundo modo is est, qui post abiurationem in easdem hæreses incidit.</p> <p>4 Relapsi qui sint.</p> <p>5 Relapsus an sit ille, qui post abiuratas hæreses, de quibus vehementer suspectus erat, cum hæreticis communicat.</p> <p>6 Relapsus an iudicandus sit ille, qui post abiuratum aliquam hæresim plane probatam, cōmunicauit cum ijs, qui alias diuersas hæreses sequebantur.</p> <p>7 Lex pœnalis non debet extendi ad eum casum, in quo non eadem ratio prorsus inuenitur.</p> <p>8 Relapsus an sit, qui postquam detrusus est in perpetuum carcerem, ausugerit.</p> <p>9 Relapsus censendus est, qui iterum da-</p> | <p>mones inuocat, postquam ob vehementem de ea re suspicionem abiurauerat.</p> <p>10 Relapsi pœna.</p> <p>11 Relapsis veniam non esse concedendam ex Gratiani verbis deducitur.</p> <p>12 Peccata in Deum grauius punire debemus quam quæ in nos committuntur.</p> <p>13 Hæreticis, etiamsi millies in hæreses labantur, parcendum esse, quidam hæretici contendunt.</p> <p>14 Hæreticis relapsis parcendum non esse probatur.</p> <p>15 Relapsis pœnitentibus quæ bona concedat catholica ecclesia, & quæ auferat.</p> <p>16 Relapsis pœnitentibus cur vñctio extrema denegetur.</p> <p>17 Relapsis vere pœnitentibus concedendū esse ecclesiasticam sepulturam, testatur Alfonso Castrensis.</p> <p>18 Relapsis hæreticis interdum veniam cōced</p> |
|--|---|

- cedi posse, sunt qui asserant.
- 19 Relapsus nullus indicari potest, nisi bis fuerit conuictus de hæresi.
- 20 Conuictus proprie dici non potest, qui sponte crimen confessus est.
- 21 Relapsus hæreticus etiamsi se ipsum ac-

- cuset, & veniam prius petat a iudicibus, quam accusetur ab alijs, puniendus est vt relapsus.
- 22 Relapsis hæreticis cur non parcitur.
- 23 Relapsus audier dñs est, cum de eius scelere non constat.

De relapsis.



HÆRETICI relapsi dicuntur, qui in eandem hæresim iterum inciderunt. Quidam autem sunt relapsi manifesti, alij præsumpti: manifesti sunt ij, de quorum primo & secundo lapsu legitimis probationibus manifeste constat: præsumpti relapsi sunt, quorum duplex lapsus non plane probatur, sed tamen violenta iuris præsumptione relapsi esse censentur.

2 Præterea, dupliciter quispiam relapsus dici poterit: & plurimum refert, an hoc vel illo modo relapsus sit. Est enim aliquis relapsus, & tamen ad pœnitentiam admittitur: sunt & alij relapsi, quibus ignosci non potest. Priori modo relapsi dicuntur, qui in eundem errorem iterum atque iterum labuntur, nulla pœnitentia solemniter interueniente. Nam si quis per longum tempus eisdem hæresibus inhæreret, aut in eisdem sæpissime incideret, antequam solemniter illas abiuraret, is etsi vere relapsus sit, puniri tamen non debet, tanquam pertinax & insanabilis, si modo veram pœnitentiam agere sit paratus.

3 Altero modo relapsus dicitur, is qui post abiuratas hæreses, iterum in eas incidisse conuincitur: qui quamuis breui tempore fuerit hæreticus, post abiurationem tamen iterum errans in fide, cõdemnandus est sine spe veniæ. Ille igitur põtificio iure relapsus hæreticus est,

qui post solemnem abiurationem relapsus fuerit: non autem is, qui ante abiurationem sæpissimè relapsus est. [c. accusatus. c. super eo. de hæreti. lib. 6. Petr. Anchar. in eod. c. accusatus. nu. 2. Petr. de Palud. in lib. 4. senten. distin. 13. q. 3. conclus. 5. Guido Carmeli. in sum. de hæresi. c. 10. Alfonsi. Castren. lib. 2. de iust. hæret. pu. c. 2.]

4 Hæreticus quoque relapsus dicitur, qui propter vehementem suspicionem, hæresim aliquam abiurauit: & postea in eandem incidisse conuictus fuerit. Et is item relapsus est, qui propter aliquam hæresim coactus fuit simpliciter, aut generaliter abiurare, & post abiurationem, in quamlibet aliã hæresim relapsus est. Postremo, relapsus hæreticus censetur, qui post abiuratas hæreses hæreticos alloquitur, visitat, sequitur, aut eis munera mittit, & illis fauet, atque communicat, ita vt excusari non queat, quin ex approbati erroris cõsequencia id fecisse intelligatur. [c. accusatus. in prin. & §. 1. & §. ille quoque. de hæreti. lib. 6.]

5 Ex his quæstio exoritur, an is qui propter vehementem suspicionem abiurauit hæresim, & post hoc hæreticis communicat, eo ipso relapsus hæreticus sit. Quod quidem prima fronte Alexandri IIII. decreto constitutum esse videtur: sed contraria sententia vera est. Nam vt Alfonsi. Castros recte obseruauit, in illa constitutione Alexandri requiritur, vt saltem semel de hæresi relapsi plane in iudi-

in iudicio constet : in specie vero proposita , nunquam de vno aut altero lapsu plena fides iudicibus facta est. Relinquitur ergo , vt solis præsumptionibus , nemo tanquam relapsus condemnari possit. [c. accusatus. §. ille quoque. de hæret. lib. 6. & illic Domi. c. literas. de præsumpt. Alson. lib. 2. de iusta hæreti. puniti. c. 2.]

6 Huic affinis illa quæstio est , an is qui abiurauit aliquam hæresim plane in iudicio probatam , & postea communicauit hæreticis , qui alias diuersas hæreses sequebantur , iudicari debeat , esse relapsus . Alsonus Castrus negat , talem hominem esse relapsum : quia in ea specie cessat ratio constitutionis supra memoratæ. Non enim censetur ille pristinam hæresim , hoc ipso approbasse : tametsi de alijs hæresibus nouam dederit suspicionem . Igitur legis ratione cessante , legis pœna locum habere non debet. [c. accusatus. §. ille quoque. de hæret. lib. 6. c. cum cessante. de accus. Alson. Cast. supra. di. cap. 2.]

7 Sed quamuis hæc sententia subtili disputatione fortasse subuerti possit , tum quia omnes hæreses connexæ sunt inuicem & colligatæ : tum etiam quia semper omnes simul hæreses abiurari solent : nihilominus tamen verius hoc , & benignius est : nelex pœnalis extendatur ad eum casum , in quo non eadem ratio prorsus inuenitur. [l. cum quidam. de lib. & posthu. Bart. & cæteri in. l. si cōstante. & in. l. si vero. §. de viro soluto matrimonio.]

8 Sunt præterea qui putant , eum quoque relapsum hæreticum esse , qui quostquā abiurauit , ac detrusus est in perpetuum carcerem , ex vinculis & custodia fugerit : quia de priori lapsu conuictus fuit , ac de altero lapsu dedit vehementem suspicionem . Cæterum , quia non sus-

ficit suspicio vehemens , vt quispiam dicatur esse relapsus : nec fuga relapsum facit , sed impœnitentem , vt alibi ostendimus , istorum opinio refellenda & explodenda est. [Abb. in. c. cum non ab homine. de iudi. Alsonf. lib. 2. de iust. hæret. pu. c. 2.]

9 Ad hæc , is qui dæmones inuocabat , & propter hæresim , aut vehementem suspicionem coactus fuit solemniter abiurare : ac deinde iterum dæmones inuocasse conuincitur , puniri poterit tanquā relapsus. [Lapus. Archi. Domi. & Philip. Franc. in. c. accusatus. §. sane. de hæret. lib. 6. confert ratio textus in. §. ille quoque eiusdem cap.]

10 Pœna autem hæretici relapsi est , vt sine spe veniæ iudici seculari relinquatur , animaduersione iusta puniendus . Semelenim tantum hæreticis pœnitentibus parcitur : quod iure pontificio cauetur : & ante multa secula diuinus Plato id ipsum prudenter cōstituit . Is enim lib. 10. de legib. sanxit , vt impij prioris lapsu ad carcerem damnarentur : si vero rursus impietatis crimine condemnati essent , morte sine venia plecterentur. [c. ad abolendam. de hæret. c. super eo. cod. tit. lib. 6. Plato. 10. de legib. prope finem.]

11 Accedit eodem , id quod Gratianus , & imperij eius socij constituerunt his verbis : Remissionem veniæ crimina , nisi semel commissā , non habeant : nec in eos liberalitatis augustæ referatur humanitas , qui impunitatem veteris admissi , non emendationi potius , quam consuetudini deputarunt . Sic etiam durius puniri debent , qui bis aut sæpius vim faciunt , quam qui semel : & qui seruos fugitiuos sæpe celauerint : & qui in eisdem criminibus perseverant . Quod multis quoque legibus frequentissime constitutum est. [l. 3. C. de epif. audien. l.

seruo

seruos. C. ad. l. Iul. de vi publi. l. qui-
cunque de seru. fugit. l. 1. C. de super-
exacto. lib. 10. Lucas de Pen. in l. vlti.
de com meat. lib. 12. Ludou. Rom. cōf.
236. Felin. in. c. cum contingat. de for.
comp. & in. c. atsi cleric. §. de adulterijs.
de iudi. Hippoly. in. l. Maritus. de que
stio. Alciat. in. c. cum non ab homine.
de iudic. Casa. in cons. Burgund. ru-
bri. 1. §. quinto.]

12 Quæ omnia cum iustissime constitu-
ta sint in his criminibus puniendis, quæ
aduersus homines perpetrantur: quanto
rectius exequenda sunt in eos, qui maie-
statem diuinam lædunt? Vt enim Leo
magnus in sermone de martyribus in-
quit: Aliud est in Deum peccare, aliud
in hominem. Quando enim in nos
peccant homines, si pœnitentibus veniã
non indulgeamus, peccatū incurrimus:
quando autem aliqui in Deum peccau-
erint, si sine distictione grandi indulge-
re voluerimus, participes nos in eorum
peccatis efficimus.

13 Hæc cum ita sint, quidam tamen hæ-
retici, qui vellent errare impune, futi-
lissima ratione aiunt, parcendum hæ-
reticis esse, tamen si sæpe sapius in hære-
ses quaslibet relabantur: quia ecclesia
catholica nemini ad se redeunti gremiū
claudit. [Matth. 18. & Ezech. 18. &
33. Cyprianus sermone de cœna do-
mini prope finem.]

14 Verum huic argumento facile respon-
detur: quod longe alia ratio est fori pœ-
nitentiæ, quam fori exterioris: in illo
enim semper locus est pœnitentiæ, ac
hæreticis etiam relapsis absolutio salu-
taris non denegatur: in hoc vero hære-
tici relapsi curiæ seculari relinquuntur.
[c. super eo. de hæret. li. 6. c. de his de
accusa. & illic. Fel. & ceteri.]

15 Nam bonum spirituale relapsis pœni-
tentibus ecclesia semper impartit, bona

vero temporalia, idest vitam, famam,
& cætera bona iure ac merito adimit.
Vt enim Theologi magno consensu
aiunt: Spirituale bonum quibuslibet etiã
perditissimis semper velle tenemur, tẽ-
porale autem bonum ex officio chari-
tatis non tenemur velle hominibus, nisi
in ordine ad salutem æternam eorum
& aliorum. Quamobrem si tale bonū
impedit felicitatem æternam alicuius,
aut multorum, velle potius tenemur, vt
quilibet illo careat, quam vt illud ha-
bens, sibi & cæteris noceat: quia salus
æterna præferenda est bono temporali:
& multorum bonum, bono vnus. Iure
igitur catholica ecclesia hæreticis rela-
psis non parcat, quia rempublicam fa-
cile inficere possunt, & quia signum cui
dens dederunt inconstantia suæ, aduer-
sus fidem orthodoxam. [Thom. 2. 2. q.
11. art. vlt. Ricar. in lib. 4. sent. dist. 3.
ar. 5. & ibidem Gabri. quest. 2.]

16 Relinquitur ergo curiæ seculari rela-
psus animaduersione debita puniendus
sed illi vere ad ecclesiam, Deumq; con-
uerso, non denegantur sacramenta pœ-
nitentiæ & eucharistiæ: vñctio tamen ex-
trema non dabitur ei, quia illi tantum
dari debet, qui morbo aliquo fatigati,
in extremo vitæ discriminē positi sunt.
Huc accedit, quod istis ad mortem dā-
natis non potest prodesse vñctio extre-
ma ad salutem corporis, qui est alter ef-
fectus huius sacramenti. [Iacob. 5. c. 1.
de sacra. vñctio. c. quæsitum. 13. q. 2.
Tho. Petr. de Palu. Almain. & pleriq;
alij in lib. 4. sent. dist. 23. c. super eo.
de hæret. lib. 6. & illic Ioan. And. Do-
mini. & Philip. Fran.]

17 Hoc amplius Alsonf. Castren. ait: Hæ-
reticis relapsis vere pœnitentibus con-
cedendam esse ecclesiasticam sepultu-
ram, perinde ac cæteris catholicis om-
nibus. Quod quidem a iure & consue-

*Moribus ex generali
inuetudine. Hispania
nig. Inquisitio nigr
recepta, qd. d. Somp
in G. d. de hæreticis
q. 1. no. 6 in fin.*

rudine longe est auersum : illorū enim corpora igni comburenda sunt. Hoc tamen cum eis mitius agitur, quam cū pertinacibus & impœnitentibus, quod hi viui in ignē mittuntur: illi vero ante ignem strangulari solent: quod & humanius est, & ad pœnitentiam ducit. [Alfonf. lib. 2. de iust. hære. punit. c. 2. c. super eo. de hæreticis lib. 6.]

18 Sunt autem qui putant, relapsis hæreticis interdum veniam concedi posse: nimirum, cum quispiam vere relapsus, nec dum accusatus, nec testibus vllis conuictus secreto inquisitoribus se deserens, & sponte suos errores confessus, flebilis misericordiā petit, paratus quācūq; pœnitentiam subire: tali relapso aiunt, iniuncta graui pœnitentia, mortis pœnam condonari posse: quia cessat in eo sinistra illa suspicio, qua relapsi præsumi solent sicte conuersi. Tamen si autem horum sententia nullo iure probari videatur, magna tamen æquitate fortasse defendi potest. Quid? quod neque is incorrigibilis est, qui sponte crimen fatetur, & veniā errati supplex puro corde precatur: neq; pœna ordinaria puniri debet, qui occultum crimen fatetur, vt alibi diximus. [Ioan. Lup. senior apud Montal. in. l. regia. 1. titu. 36. par. 7. Alber. lib. de agno. assertio. catho. quæst. 25. nume. 25.]

19 Accedit eodem, quod Alfonf. Castré. inquit, Hominem illum non esse vere relapsum, qui post abiuratam hæresim lapsus est in eandem: si modo sponte sua, & ex vera peccati cognitione, ad inquisitores accedens, & crimen confitēs, veniā petat. Quia nullus iudicari potest relapsus nisi bis fuerit conuictus de hæresi: at ille qui sponte sua crimē fatetur, non est dicendus secundo conuictus: nō potest ergo dici relapsus. Quo fit, vt necellario sit ad veniam admittendus, quia

non est incorrigibilis. Hæc ille. [lib. 2. de iust. hæret. punit. c. 2.]

20 Hæc Alfonfi sententia conuerti potest argumentis paulo ante commemoratis, & præterea sulcitur doctrina quædam communiter a iurisperitis recepta, qua vulgo aiunt, confessum a conuicto differre, neque proprie conuictum dici, qui sponte crimen confessus est. Vnde illud etiam frequentissime traditur, mitius agendum esse cum sponte confesso, quam cum conuicto. [Interpretes omnes in. c. at si clerici. de iudic. & in. c. de hoc. de simo. & alibi sæpe.]

21 Tamen si autem hoc æquius & benignius sit, si quis tamen summo iure quæstionem hanc excutere velit, profecto multis iuribus, magnisque rationibus non deficietur. Principio enim is de quo agimus, forma & materia, re ipsa, & iure ipso, manifeste relapsus est: qui ergo fieri potest, vt is non sit censendus relapsus, quem vere constat esse relapsum? Deinde, probatio alterius lapsus nihil commune habet cum crimine hominis relapsi: quamobrem æque relapsus habendus est, is cuius posterior error, hoc, vel illo modo iudicibus manifestus fuerit. Ad hæc, longe maiorem vim habet confessio sponte facta, quam ceteræ omnes probationes, vt alibi dixi. Præterea, reus conuictus quoque vere appellatur, qui propria confessione vincitur. Quod si nonnunquam relapsus esse præsumitur, qui de hæresi vehementer suspectus est, quāto magis relapsus, erit iudicandus, qui manifestam hæresim iudicibus confessus fuerit? [l. qui sententiam. C. de pœn. c. accusatus. §. ille quoque. de hære. lib. 6.]

22 Accedit etiam, quod confessus nomine tantum distat a conuicto, re enim ipsa idem omnino sunt: nec enim alia pœna confessus, alia conuictus puniri debet,

debet, sed eadem vterque coercendus est, præsertim cum pœna certa legibus præfinita est: quod recte Philipp. Decius obseruauit. Nec illa sola ratio est, qua hæreticis relapsis non parcuritur, quod censeantur incorrigibiles, sed etiam aliæ: quia grauissime peccarunt, semel & iterum contra Deum & ecclesiam: & quia nulla spes est constantiæ illorum: postremo, quia reipublicæ interest, ne talia crimina sint impunita. Vna ergo ratione ex pluribus cessante, non cessat lex, quæ omnibus illis innititur. Quas ob res nisi sententia illa benigna interpretatione iuuetur, opinio hæc stricto iure potior erit: non enim iudex hæretico relapso pœnam condonare valet, qui legum custos & minister est, non dominus. Facti quidem quæstio (vt Marcellus iureconsultus inquit) in arbitrio iudicantis est: pœnæ vero persecutio non eius volun-

tati mandatur, sed legis authoritati reseruatur. Et vt Lactantius Firmi. lib. de ira Dei scribit: iudex peccati veniam dare non potest, quia voluntati seruit alienæ. [Decius in. c. at si clerici. de iudi. §. affinitatis instituit. de nuptijs. l. 1. ad Turpili. Lactantius de ira Dei. cap. 19.]

23 Ad postremum, prætereundum non est, quod et si relapso plane conuicto denegeretur omnis audientia, is tamen, quem nondum constat esse relapsum, audiendus omnino est: suam enim innocentiam fortasse probare poterit, ac perspicue iudicibus persuadere, se nunquam fuisse relapsum: quod quidem iustum & in confesso est. [cap. super eo. de hæretic. lib. 6. Gonsal. de hæret. prauit. quæstio. 11. glo. in cap. cupientes. §. quod si per viginti. de electione. lib. 6.]

De schismaticis Titulus LVIII.

S V M M A R I V M.

- 1 Schisma quid significet.
- 2 Schisma soror est hæresis.
- 3 Schisma quam graue malum sit.
- 4 Schismaticorum tria sunt genera.
- 5 Schismaticorum secundum genus.
- 6 Schismatici secundi generis parum ab hæreticis distant.
- 7 Schismatici eisdem fere pœnis coercentur, quibus hæretici.
- 8 Schismaticorum communicationem fugere debent catholici.
- 9 Schismaticorum tertium genus.
- 10 Theodosii & Valentiniani lex de schismaticis & hæreticis a communione catholicorum expellendis.
- 11 Christus multis in locis nobis præcipit, vt vnum simus.
- 12 Hæretici recentes non vnum sunt, sed varijs sectis & opinionibus se addicunt.
- 13 Hæreticorum dissidia & variæ opiniones inter se.
- 14 Hæreticos quam æquum sit punire.

De schismaticis.



SCHISMA græcū nomen est, latine scissuram sonat: verum apud Christianos infame nomen est, significās illicitam discessio-

nem ab ecclesiæ vnitatē. Vnde schismatici dicuntur, qui ab obedientia Pōnificis Maximi se ipsos inique separant, & ab ecclesiæ catholicæ vnitatē discedunt. [c. schisma. 24. q. 1. Alex. Ales. 2. p. q. 182. Tho. 2. 2. quæ. 39. Ioan. Torquem. lib. 4. de eccl. part. 1. c. 1.]

2 Est autem schisma soror hæresis, non qualiscunque, sed vtrinque coniuncta. Hæ sane sūt sorores illę peccatricis Hierusalem, quarum propheta Ezechiel meminuit, quemadmodū Origenes eleganter explicat, inter alia dicens: Vbi schismata, ibi hæreses, ibi dissensiones: aut enim incommunitatē non venit schisma, aut absque peiōre se comite diu nō subsistit. Et beatus Hieronymus in epistolā Pauli ad Titum, inter hæresim & schisma hoc interesse arbitratur, quod hæresis peruersum dogma habeat: schisma vero post episcopalem discessionem ab ecclesiā pariter separat. Quod quidem in principio aliqua ex parte intelligi potest diuersum: cæterum nullum schisma non sibi aliquam hæresim confingit, vt recte ab ecclesiā recessisse videatur. [c. inter hæresim. 24. quæst. 3. Orige. in Ezech. hom. 9.]

3 Schisma summum malum est, & feruenter olim ab ipso Deo punitum, quā parricidium, & grauius quam idololatria: sicuti docet Optatus episcopus Mileuitanus, lib. 1. aduersus Parmenianū. Dathan enim & Abiron cum suis omnibus dehiscens terra viuos absorbit.

Chore quoque cum ducentis quinquaginta viris cælestis flamma vindex deuorauit. Tantopere Israeli indignatus est Dominus, quia se diuiserūt a domo Dauid, & relictis Hierosolymis (vbi erat cathedra illa Mosayca) secesserunt in Samariam, vt demolitus sit eos, dederitque in direptionem, ac plane abiecerit a facie sua: neque enim talis erat schismatis culpa, vt veniam mereretur. Mandata est terræ fames (inquit Optatus) & statim fauces suas in populi diuisores aperuit. Intra momenti spatium ad eos transglutientos terra patuit, rapuit, clausa est. Et ne beneficiū de mortis compendio consequi viderentur, dū non essent digni viuere, eis neque mori concessum est: tartareo carcere subito clausi, ante sunt sepulti, quam mortui. Prætereo plurima, fastidij vitandi causa, quæ Iræneus, Cyprianus, alijq; multi, in eandem sententiam literis commendarunt. [Num. 16. Iræneus li. 4. aduersus hæreses c. 62. Cyprian. tract. de simplici. prælat. Ioan. Torquem. lib. 4. de ecclesiā. part. 1. c. 5. Faber in malleo contra Lutherū tract. 6. tex. 8. Albert. Campen. in fine. lib. vlti. de Hierarch. ecclesiast. Contra. Brunus. lib. 5. de hæreti. cap. 18.]

Schismaticorum autem tria sunt genera. Primum, eorum qui consummati hæretici sunt; alterum aliorum, qui hæreticis confines sunt: tertium, orthodoxorum, qui longe ab hæreticis distant. Primi sunt qui non solum a summo Pōnifice, & ab ecclesiæ vnitatē discedunt, sed id etiam licere credunt, vel putantes non esse vnitatem in ecclesiā catholica, vel certe credentes, non esse obediendū summo ecclesiæ pastori. De his autem nihil attinet plura in præsentia dicere, quia

quia ineri hæretici sunt, & eo quidem cæteris hæreticis deteriores, quo maiorem fidei catholicæ diuisionem, & unitati ecclesiasticæ addunt scissuram & of-
fensionem. [Ioan. Torquema. lib. 4. de ecclesi. part. 1. c. 4. Brun. lib. 1. de hæreti. c. 16. & lib. 1. de sedit. c. 3.]

5 Alij sunt schismatici, hæreticis confines, qui nondum in aliquam aliam hæresim inciderunt, sed tantummodo ab unitate ecclesiæ, ac summi Pontificis obedientia discedunt, de quibus loquens diuus Hieronymus inquit: Separant deceptam multitudinem ab ecclesiâ Dei, & rudes animas abrumpunt & diuidunt: tamen hoc non faciunt credulitate, qua hæretici deceptos quosq; trucidant, sed in eadem regula fidei permanentes, dilatare cupiunt terminos suos, & nomen gloriæ in posteros mittere. Beatus quoque Augustinus contra Faustum de eodem schismate scribens ait: Schisma est, eadem opinantem, ac eodem ritu colentem, quo cæteri, solo congregationis delectari dissidio. Et libro de fide & symbolo: Schismatici dissensionibus suis a fraterna charitate dissoluunt, quâuis ea credant, quæ credimus, quod & Cyprianus, & alij consentiunt. [c. denique. 7. q. 1. Hierony. in episto. Amos. c. 1.]

6 Hi autem schismatici parum ab hæreticis distant, nam et si Christianos se esse mentiantur, re tamen ipsa palam ostendunt; se credere, quod extra ecclesiam sit salus: quod summo Pontifici nō est parendum: quod scindi potest unitas ecclesiæ: quod extra ecclesiam sunt vera sacramenta: & alia præterea multa erronea, hæretica, & impia: quæ quidē omne schisma sequuntur: ut merito Clemens quintus dixerit, Inueteratū schisma, hæresim esse. [extrauag. Ad certitudinem. de sentent. excom. c. pudenda.

c. schisma. 24. q. 1. Ioan. Lup. de iure Nauarrę. par. 5. §. 7.]

7 Hinc est quod schismatici eisdem fere pœnis coercendi sunt, quibus hæretici puniuntur. Nam & ipso iure sunt excommunicati, & ecclesiastica potestate, atq; omni dignitate priuantur, & omnia eorum bona publicantur. [c. 2. de schismat. c. de liguribus. 23. q. 5. c. in nōmine. 23. distin. c. didicimus; 24. q. 1. cap. 1. de schisma. lib. 6. Ioan. Bern. in pract. c. 105.]

8 Præterea, catholici schismaticorum cōmunicationem diffugere debent: eosq; propter schisma iuste debellare possunt, & iudices ecclesiastici & seculares eos punire tenentur tanquam hæreticos, aut certe tanquam vehementer suspectos. Ceterum, si ad ecclesię unitatem puro corde redierint, benigne admittendi sunt, schismate prius abiurato. [c. clericus. 24. q. 3. c. quoties. 1. q. 7. Alex. Ales. 2. par. q. 182. Ioan. Torquema. lib. 4. de eccl. part. 1. c. 8. & 15. Ioan. Lup. de iure Nauarrę. par. 4.]

9 Alij sunt schismatici, qui nec hæretici sunt, neque in pœnam aliquam iuris incurrunt, quia iustam excusationem habent, & culpa carent. Hi sunt qui probabili, aut insuperabili ignorantia ducti putant aliquem esse summum Pontificem, qui recte electus non est: quod tunc euenire solet, cum propter ambiguum electionem duo, aut plures de pontificatu contendunt, & aliqui bona fide, quendam illorum pro vero Pontifice habent, qui tamen iuste electus non est. Nam et si credere teneamur, verum Petri successorem, ecclesię catholicę supremum principem esse: non tamen teneamur eadem fide credere, hunc vel illū esse verum Petri successorem, quando magna probabilitate dubitatur an ille sit recte electus. Nec enim ad fidem catholicam

tholicam pertinent, ea quæ ex dubio factæ pendent : sed quæ ex certo iure nascuntur. [Vide Gersonem, tract. de modo habendi se tempore schismatis, & iterum sermo. de Angel. par. 2. Ioan. Torquemada. li. 4. de ecclesi. par. 1. c. 14. Franc. Picum. lib. de fide, theoremate 17. Aluarum Pelagium. lib. 1. de planctu ecclesiæ. articulo. 65. Alfons. lib. 1. aduers. hæreses. c. 9. Iacobatium lib. 7. de concilio. arti. 1.]

10 Extat in codice Theodosiano, sub titulo de his qui super religione contendunt, lex Theodosij & Valenti. his ipsis verbis : Manichæos, hæreticos, Schismaticos, Mathematicos, omnemque sectam catholicis inimicam, ab ipso aspectu urbis Romæ exterminari præcipimus : ut ne præsentis criminoforum contagione scædentur. Circa hos autem maxime exercenda commonitio est, qui prauis suasionibus a venerabilis Papæ sese communionem suspendunt, quorum schismate plebs etiam reliqua vitatur. His conuentione præmissa viginti dierum condonauimus inducias : intra quos, nisi ad communionem redierint unitatē, expulsi vsque ad centesimum lapidem, solitudine, quam eligunt macerentur. [l. quinquagesimatertia.]

11 Christus Deus noster apud Ioānem c. 17. enixe Patrem pro nobis rogat, ut vnum simus : Pater sancte, serua eos (inquit) in nomine tuo, ut sint vnum sicut & nos. Et paulo post : Et ego claritatem, quam tu dedisti mihi, dedi eis, ut sint vnum sicut & nos vnum sumus. Et Paulus apostolus prioris epistolæ ad Corinthios. c. 1. Obsecro autem vos fratres, per nomen domini nostri Iesu Christi, ut id ipsum dicatis omnes, & non sint in vobis schismata : sitis autem perfecti in eodem sensu, & in eadem sententia. Et ad Ephesios. c. 4. Obsecro vos ut digne

ambuletis, vocatione qua vocati estis, cum omni humilitate & mansuetudine, solliciti seruare vnitatem spiritus in vinculo pacis.

12 Nouelli autem hæretici hisce temporibus neque vnum sunt, neque Dei claritatem habent, neque permanent in eodem sensu & eadem sententia : nec seruāt vnitatem spiritus in vinculo pacis, nec id ipsum dicunt omnes, sed sunt inter eos schismata, ita ut vel in vna domo varias fides inuenias, dum aliud maritus, aliud vxor, aliud liberi, aliud credit familia. Fredericus quidem Staphilus triginta quatuor sectas discipulorum Lutheri enumerat : & plures quoque retulit Osius lib. 1. aduersus prologomena Brentij, & Lindanus in dubitant. Neque dubitari potest, quin propediem innumerabiles alias inuenturi & excitaturi sint : tam varij, diuersi, & multiformes sunt. Quo vel solo patet, eos omnes in magna religionis confusione versari, & spiritu caliginis agitari.

13 Tales sunt omnes hæretici (ut inquit Irenæus lib. 5.) & qui se plus aliquid præter veritatem inuenire putant, varie & multiformiter imbecille faciētes iter, de eisdem non semper easdem sententias habentes, veluti cæci a cæcis circumducuntur. Et Tertul. lib. de præscrip. Vnde autem extranei & inimici apostolis hæretici, nisi ex diuersitate doctrinæ, quam vnusquisque de suo arbitrio aduersus apostolos aut protulit, aut recepit? Et Athanasius in decretis synodi Ephesinæ : Homines duplici animo, & instabiles in omnibus vijs suis, nec eandem habentes sententiam, sed nunc in hanc, nunc in illam sese vertentes : & nunc quidem probantes quod dicunt, mox vero vituperantes quod paulo ante laudauerunt. Et Hilarius. lib. 7. de trini. ait, hæreticorum esse incerta omnia & vana,

& vana, inuicem disfidere, non eadem de eisdem dicere, semetipsum arguere, de eisdem verbis non consentientes differentia dicere, in idem tamen blasphemiam concurrere propositum. Et Epiphanius lib. 3. Quando aliquos ex illis interrogaueris, omnes sane diuersum respondet. & Augustinus in epistolam Ioan. tract. 7. Tollis te ab unitate orbis, diuidis ecclesiam per schismata, corpus Christi dilanias. & cetera in eandem sententiam.

14 In hos igitur fanaticos impios, qui di

uina omnia contaminare conantur, in surgant leges igne vltore. Pellantur Hispania pestiferi hæretici: qui omnem disciplinam veterem, quam Spiritus sanctus docuit, quam tot maiorum ætates, tantus gentium consensus, tot præclari, & omni sanctitatis atq; doctrinæ laude florentes homines tradiderunt, ex vera illa Christianæ reipublicæ gubernandæ ratione, in perturbationem rerum omnium, & plusquam Babylonicam confusionem coniungunt.

De scripturis diuinis Titulus LIX.

S V M M A R I V M.

- 1 Scripturas diuinas veraces esse, credere debet quicumque catholicus.
- 2 Scripturas diuinas adulterare solent impijssimi hæretici.
- 3 Libri, quos impij hæretici reijciunt, pro sacris habendi sunt.
- 4 Scripturam diuinam a suo tantum Luthero fuisse intellectam, sceleratissimi Lutherani impijssime asserunt.
- 5 Scripturam diuinam quilibet de plebe & idiota interpretari audet apud Lutheranos.
- 6 Lutherani quomodo interpretentur scripturas sacras.
- 7 Hæretici noui aiunt, nihil esse credendum quod in sacris scripturis non sit expressum.
- 8 Scripturas sacras perperam & oblique in confirmationem suarum hæresum adducere solent hæretici.
- 9 Scriptura verbis passim abutuntur hæretici.
- 10 Hæretici, quorum nullus est, qui sacræ paginæ testimonijs suos errores non tueatur, diabolum patrem suum in hoc imitantur.
- 11 Disputandum quomodo sit cum hæreticis.
- 12 Scriptura diuina intelligentia vnde sumenda.
- 13 Scripturam sacram in alium sensum, quā solet ecclesia catholica, interpretari prohibet Tridentina synodus.
- 14 Hæretici, cum euangelicos se esse gloriētur, euangelij verba ad confirmanda nefaria dogmata perperam interpretantur.
- 15 Scripta sacra viri docti & pijs frequenter legere debent.
- 16 Scriptura sacra verba ad profanas res non esse detorquenda, cauetur in quarta sessione concilij Tridentini.
- 17 Scripturas sacras qui profanis rebus admiscet, grauissime a Deo puniri solent.
- 18 Garcias Sanctius poeta celeberrimus in furorem versus est, quod Iob lectiones profanis amoribus accommodauerit.

De scripturis diuinis.



- R**IMVS gradus veritatum credendarum in religione Christiana, est canon totius sacrae scripturae, & singulorum quae in eo sensu literario traduntur. Ad fidem enim catholicam in primis pertinet, credere, scripturas diuinas veraces esse, quippe quas Deus ipse manibus sanctorum virorum scripsit. Qui vero id inficiabitur, apostata quidem, & nihil minus, quam Christianus erit. [Orig. li. 4. de princ. Euseb. li. 8. de prepa. euangel. c. 1. Gers. in declar. veritatu credend. Aug. lib. 11. contra Faustum. c. ego solis. dist. 9.]
2. Cum autem sacrarum literarum non solum sententias, sed etiam ipsam formam loquendi & ordinem, imo literas, ac literarum apices, dignum sit, tanquam res numine plenas venerari & amplecti, haeretici pessimi sunt, qui totos interdum libros, interdum partes quasdam refecant, quia excogitatis a se nouis dogmatibus, eas potissimum vident reluctari. Quod olim Marcion & Basilides, hodie autem Lutherus, Calvinus, & plerique omnes impii faciunt. [Hierony. in proem. in epistolam Paul. ad Titum Chrysost. in euang. Ioan. homil. 35. & Nicephor. lib. 4. eccles. histo. c. 21. & cap. 28. Hermas lib. 8. de instauran. religione cap. 1.]
3. Sed hi libri, quos haeretici homines impia temeritate reiciunt, pro sacris, & afflatu diuino conscriptis habendi ac venerandi sunt. Eos enim columna veritatis ecclesia, ut sacros agnouit, atque probauit. [Apostoli. cano. vlt. Hieron. in praefati. ad lib. 1. reg. Innocen. 1. epistola ad Exuperium. August. lib. 2. de doctri. Christi. c. 8. Damascen. lib. 4.

de fid. ortho. Isidor. lib. 6. etymo. cap. 2. concil. Laodicen. cap. 59. concil. 3. Cartha. c. 47. concil. Tridentin. sess. 4. Nicepho. lib. 2. c. penul. cum seq. Driodo. lib. 1. de dogmat. ecclesi. Hermas lib. 8. de instau. religio. Couarub. lib. 4. resoluti. cap. 14. Lindanus lib. 3. Panopliae euangelicae c. 3. & deinceps. Canus lib. 2. de locis theologi. c. 9. no. ster Medina lib. 6. de recta in Deum fide, qui est omnino legendus.]

4. Aiunt insanissimi haeretici, scripturam diuinam esse facilem intellectu, & tamen a nemine fuisse intellectam vsque ad Lutherum. In quo ut in plerisque alijs, hellebore magis, quam confutatione digni sunt. Inde fit ut apud istos haeticos, fullones, cerdones, sutores, & id genus ceteri, stupidi homines atque deliri, idonei sint concionatores, & impiorum dogmatum doctores, ut dignum sit patella operculum: similes quidem Vranio illi, cuius meminit eleganter Agathius lib. 2. historiarum: & tamen eorum deliramenta ecclesiae catholicae anteponunt, ut & magistri atque discipuli prorsus sint inexcusabiles. Denulla re audet pronuntiare nisi doctus, exercitatus, & prudens: de religione autem quilibet, qui neque scientiam habet neque spiritum.

5. Idque est quod olim diuus Hieronymus querebatur in epistola ad Paulinum. Agricola, inquit, & camentarii, fabri metallorum, lignorumue caesores, lanarii quoque & fullones, & ceteri, qui variam supellestem & vilia opuscula fabricantur, absque doctore non possunt esse, quod cupiunt: sola scripturarum ars est, quam sibi omnes passim vendicant: hanc garrula anus, hanc delirus senex, hanc sophista verbosus, hanc vniuersi

vnuerſi præſumunt, lacerant, docent, antequam diſcant. [Quod Auguſt. fere repetit lib. de vtilit. creden. c. 17. Addo Ciceronem lib. 6. epiſtola. 120. De obſcuritate ſcripturæ diuinæ multa noſter Medina lib. 7. de recta in Deum fide. cap. 2. cum ſeq.]

6 Peſtiferi huius temporis hæretici deditur, verum euangelij ſenſum ab ipsis apoſtolorum temporibus huc uſq; in eccleſia obſeruatum, ſequi, volentes potius errorum eſſe magiſtri, quam diſcipuli veritatis: catholici contra, non enim ex noſtra præſumptione ſcripturarum ſenſum accipimus, ſed ex ipſa eccleſia, columna & firmamento veritatis: quemadmodum ſapientiſſimos atq; ſanctiſſimos maiores noſtros feciſſe, & præcepiſſe memoriæ proditum eſt. [Clemens lib. 2. & lib. 10. recognit. Irenæus lib. 4. cap. 45. Hierony. in prolog. ſuper lib. Paralipo. & in epiſtolam Pauli ad Ephes. & in epitaphio Paulæ ad Euſtochium. Auguſti. li. de moribus eccl. c. 1. Leo ad Flauian. epiſtol. 10. Vincent. Lirinen. lib. aduerſus hæreſes a principio. Ruſſi. lib. 11. eccleſi. hiſtoriæ cap. 9. Theodoritus lib. 1. tripart. cap. 14. cap. relatum. 37. diſtinct. cap. quid autem. 24. q. 3.]

7 Illud vero, quod noui hæretici aiunt, nihil eſſe credendum, quod in ſcripturis diuinis non ſit expreſſum, non modo impium eſt, ſed etiam prorfus inſanum. Neque enim ſymbolum apoſtolorum, quod iſti recipiunt, in ſcripturis expreſſum eſt; & paſſim hæretici ipſi ad eccleſiæ traditiones vel inuiti conſugiunt. Sed hanc dementiam impiam multi viri docti planiſſime conſutarunt, & nouiſſime Hoſius lib. de expreſſo Dei verbo. & Lindanus lib. 1. Panoſiæ euangelicæ. & lib. vltimo.

8 Nec miretur, nec decipiat aliquis, ſi

hæreticum viderit ſcripturæ verba reſonantem: is enim fuit ab initio, eritque ſemper mos hæreticorum omniū, quod ſanctiſſimi quique & antiquiſſimi maiores noſtri obſeruarunt. Irenæus lib. 5. aduerſ. hæreſ. inquit: Omnes hæretici mendacium abſcondunt per ſcripturas. Epiphanius: Hæretici fere omnes, de puriſſimo ſcripturarum fonte aſſumentes teſtimonia, ſimplicitatem ſermonis eccleſiaſtici, id volunt ſignificare, quod ipſi ſentiunt. Hilarius ad Conſtantium imperatorem: Memento neminem hæreticorum eſſe, qui non ſecundum ſcripturas prædicare ea, quibus blaſphemat, mentiatur. Ambr. in epiſtolam Pauli ad Titum: Hæretici hi ſunt, qui per verba legis, legem impugnant. Hierony. aduerſus Luciferianos: Nec ſibi blandiantur, ſi de ſcripturarum capitulis videntur ſibi affirmare, quod dicunt: cum & diabolus de ſcripturis aliqua ſit locutus, & ſcripturæ non in legendo conſiſtant, ſed in intelligendo. Et ne longū fiat, Aug. lib. quæſt. ait: Non poteſt error oriri palliatus nomine Chriſtiano, niſi de ſcripturis male intellectis: ſic enim a principio naſcentis eccleſiæ, uſq; ad ſeculum noſtrum factum eſſe comperimus. Nam & beatus Petrus teſtatur, Paulinas epiſtolas ab aliquibus perperam intellectas fuiſſe, qui eas in ſuum errorem detorquere conabatur. hæc ille lib. 83. quæſtionum c. hæreſis. 24. q. 3.]

9 Nihil ergo magni faciunt nouitij hæretici, cum ad perſuadenda peregrina & impia dogmata, ſcripturæ verbis paſſim abutuntur. Arrius pro ſua hæreſi quadraginta teſtimonia diuinæ ſcripturæ proferebat. Et Neſtorius pro ſua impietate, ſexaginta. Sed audi Origenem in Ezechielem: Cum hæretici ex dogmatibus falſis volentes aſſumere deſenſionem, dicunt: Scriptum eſt in propheta:

LLL reſtat

testatur Moyses : loquitur apostolus : quid aliud faciunt quam accipientes patres veritatis, proponunt eos simulachris, quæ ipsi fingunt? Quod & alibi renouat Origen. in Ezechiel. [homil. 7. & in Lucam homil. 31. Epiphani. in. 7. synodo generali tom. 4.]

10 In hoc autem, ut in cæteris fere omnibus, imitantur hæretici patrem suum diabolum, qui Christum dominum tenens, post alia dixit: Si filius Dei es, mitte te deorsum, scriptum est enim, quia angelis suis mandauit de te, &c. Sic nunc hæretici dicunt catholico: Si filius Dei esse vis, & regnum cælorum facile consequi, sola fide viuam, speretis bonis operibus, mitte te deorsum: demitte te ex arce catholicæ ecclesiæ, & nostras adinventiones sequere. Quod si forte interrogas, unde tibi probent, id quod aiunt verum esse, statim illi: scriptum est enim: & continuo mille testimonia proferunt, de lege, de psalmis, de prophetis, de apostolis, de euangelistis, quibus malo more interpretatis, ex arce ecclesiæ in heretis barathrum infœlix anima precipitur. [Vide Vincentium Lirinensem lib. aduersus hæreses. Hosium libro de expresso Dei verbo.]

11 Cum autem hæretici verum scripturæ sensum peruertere soleant, non est vlllo pacto solis scripturis cum eis disputandum. Nam, ut inquit Tertulianus, lib. de præscript. aduersus hæreticos: Quantumvis sit aliquis in scripturis exercitatus, cum hæreticis disputatione congregiens, nihil proficiet, neque ipsis audientibus orthodoxis. Quoniam siue defenderit tu quid, siue negaueris: scripturas veluti Lesbicæ ædificationis plumbeam quandam regulam, ingenij versutia in contrarium sibi accommodabunt. Quod si dixeris, vim afferri scripturis, & incongrua eas expositione torqueri, idem

occlamabunt tibi: a se, videlicet, veritatem earundem stare, a te vero adulterari easdem: æqua enim est pars vtriusque negandi & affirmandi. Non est ergo in scripturis aduersus hæreticos constituendum certamen, in quibus aut incerta, aut parum certa est victoria.

12 Intelligentia verò scripturæ diuinæ summa est ab ecclesia catholica, quæ neque fallere potest, neque falli: & quæ, ut ait Irenæus, vbique prædicat veritatem. Et in concilio Mileuitano cap. 2. decreuerunt patres, non aliter intelligenda esse verba sacræ scripturæ, nisi quemadmodum ecclesia catholica semper intellexit. Et hæc veritas omnium Christianorum consensu ab exordio religionis nostræ huc vsque recepta est. [Irenæus lib. 3. aduers. hæres. cap. 40. & lib. 4. cap. 43. & 45. Origen. in Matthæ. homil. 29. Vincent. Lirinen. lib. aduers. hæres. Leo magnus epistol. 40. & noster Ayla lib. de traditionibus, assert. 5.]

13 Tum illud addo, quod in Tridentina synodo constituerunt patres, his verbis: Ad coercenda petulantia ingenia, decreuit hæc sancta synodus, ut nemo suæ prudentiæ innixus in rebus fidei, & morum, ad ædificationem doctrinæ Christianæ pertinentium, sacram scripturam ad suos sensus contorqueat: aut contra eum sensum, quem tenuit & tenet sancta mater ecclesia, cuius est iudicare de vero sensu & interpretatione sanctarum scripturarum, aut etiam contra vniuersum consensum patrum, ipsam scripturam sacram interpretari audeat. Qui contrauenerit, per ordinarios declaratur, & poenis a iure statutis puniatur. [sess. 4.]

14 Et quamuis hæc ita sint, hæretici tamen huius temporis, omni fallacia pleni, scripturas diuinas pro sua libidine, impijs interpretationibus ad confirmanda nefaria dogmata, contra clarissima euāge-

lij verba passim detorquent: & nihilo fecius (si diuis placet) euangelici dici volunt, Manichæis quidē omnino similes, quibus diuus ille August. prudentissime dixit: Qui in euangelio quod vultis creditis, quod vultis non creditis, vobis potius, quam euangelio creditis. [lib.

17. contra Faustum cap. 3.]

- 15 Postremo, viri docti & pij scripta sacra frequenter legere debent: nam vt idem Augustinus ait: Quidquid homo extra didicerit, si noxium est, ibi damnatur: si vtile est, ibi inuenitur. Et beatus Isidorus inquit: Cum oramus, ipsi cum Deo loquimur: cū vero legimus, Deus nobiscum loquitur. Et Ioan. ille Chrysostomus, concione. 3. de Lazaro: Fieri nō potest, vt quispiam salutem assequatur, ni perpetuo versetur in lectione spiritali. Et paulo post: Vbicunque fuerint libri spirituales, illinc omnis expellitur vis diabolica, multaue in habitatibus accedit consolatio: quandoquidem ipse etiam per se librorum aspectus segnior nos reddit ad peccandum. Quod si accefferit diligens lectio, non aliter quā in sacris adytis, rebus diuinis vacans anima, sic repurgatur meliorque redditur, Deo cum ipsa per illas scripturas loquente. [Aug. lib. 2. de doct. Chri. c. vlt. & ad fratres in eremo sermo. 38. & 56. Isidorus lib. 1. de sum. bono. c. 18. & lib. 3. c. 8. cum seq. Basili. epist. 1. Chryso. in Genes. hom. 29. & 35. in Matth. homil. 2. & 4. in acta apostolorū homil. 19. & de pœnitentia. homil. 7. Cassianus collat. 8. c. 3. & deinceps. Damascen. lib. 4. orthodo. fidei. c. 18. Bernardus in scala claustralium.]

- 16 Illud autē præterire non possum, quod in quarta sessione concilij Tridentini decreuerunt patres, his verbis: Post hæc, temeritatem illam reprimere volens, qua ad profana quæque conuertuntur,

& verba torquentur, & sententię sacrę scripturæ, ad scurrilia, scilicet, fabulosa, vana, adulationes, detractiones, superstitutiones, impias & diabolicas incantationes, diuinationes, sortes, libellos etiam famosos, mandat & præcipit, ad tollendam huiusmodi irreuerentiam & cōtemptum, ne de cetero quisquam, quomodolibet verba sacrę scripturę ad hæc & similia audeat vsurpare: & vt omnes eius generis corruptores, temeratores, & violatores verbi Dei, iuris & arbitrij pœnis per episcopos coerceantur.

- 17 Hoc quoque notatione dignum est, quod Iosephus memorat lib. 12. antiquitatū Iudaicarū. c. 2. Rex Ptolomęus videns septuaginta interpretum translationem in publicum cessisse commodum, multum gauisus est: cœpitque de ea re conferre cū Demetrio, rogans qui factum sit, vt tam admirandarum legū, neque historicus vllus, neque poeta mentionem fecerit. Tum Demetrius respondit: neminem ausum eam attingere, quam constaret diuinam esse, & omni veneratione dignissimam: & punitos esse quosdam a cælesti numine, qui illā temere atrectare non sint veriti. Theopompum enim volentem inde quædā suis scriptis inferere, mente motum fuisse diebus triginta, & per interualla insanix, precibus Deum placasse, facile coniicientem, quæ morbi causa fuerit, atque etiam in somnijs admonitum, hæc ideo pati, quod fuisset circa res diuinas curiosior, easque voluisset proferre profanis hominibus: quare cū a cœpto destitisset, sanam mentem ei fuisse redditam. Theodotæ etiam poetæ, cum in quadam tragœdia vellet aliquid e sacris libris admiscere, oculos glaucomate suffusos caligasse: & cum erratum agnouisset, exorato Deo, redditam aciem.

18 Simile quippiam temporibus nostris contigisse scimus. Nam Garcias ille Sācius Pacensis, idiomate Hispano poeta celeberrimus, dum furori poetico nimium indulgeret, ac sacras tibi lectio-

nes profanis amoribus accommodare tentaret, iustissimo Dei iudicio, mente lapsus est: atque eius infaniam, ob eam causam obuensis, vniuersa Hispania palam professā est.

De sententijs Titulus LX.

S V M M A R I V M.

- 1 **S**ententias per alios proferre possunt inquisitores.
- 2 Sententia condemnatoria quomodo formanda sit ab inquisitoribus.
- 3 Sententia condemnatoria continere debet tempus ex quo reus in haresim incidit.
- 4 Sententia qua in haresim lapsi ecclesia reconciliantur, non debet continere, illos esse aut fuisse hareticos, vt nonnulli asserunt.
- 5 Sententia qua in haresim lapsi ecclesia reconciliantur, debet continere illos hareticos fuisse.
- 6 Sententia condemnatoria quid continere debeat.
- 7 Sententiæ forma contra relapsū vnde sumi possit.
- 8 Sententia reconciliationis iam lata, quomodo iterum examinari possit reus.
- 9 Sententia reconciliationis sine magis interlocutoria, quam definitiua.
- 10 Sententia quomodo ferenda est, cum inquisitores dissentiant.
- 11 Sententiæ cum publice proferuntur aduersus hareticos, quis ordo in illis seruari soleat.
- 12 Sententiæ contra hareticos descendentes ex Iudæis & ex Mauris quomodo in Hispania proferebantur.
- 13 Sententia absolutoria in fauorem hareticorum occultorum nunquam transeunt in rem iudicatam ex constitut. Pij V.

De sententijs.



1 **Q**UONIAM iudices recitare sententias ex libello, seu breuiculo tenentur: neque debent id per alios facere, excepto si sint illustres, vel illustrem administrationem gerant. Quamobrem cum inquisitores causam fidei plusquā illustrem tractent, sententias per alios proferre possunt: quod quidem fieri debet corā clero & populo ad instructionem & documentum atque terrorem: & ita Hispanorum moribus iam olim

receptum est. [l. 2. C. de sentent. sine peric. recit. Domini. & Philip. Francus. in c. vt commissi. de hæreti. li. 6. Conrad. Brunus lib. 4. de hæret. c. 10.]

2 Inquisitione autem criminis & totius causæ diligenti examinatione cōtra reū facta, inquisitores cū episcopo vel eius vicario, & cum peritorum consilio, de sententia deliberabunt: vt reus vel condemnetur, si cōfessus aut conuictus fuerit: vel absoluator, si de innocentia eius constiterit. Sententia igitur condemnatoria, ita formabitur, vt in ea primum qualitas doctrinæ & dogmatum ab ipso

reō assertorum declaratur, deinde diligens criminum inuestigatio, citationes, admonitiones, confessiones, legitimæ probationes, & datæ ad pœnitentiam dilationes: ad hæc, in erroribus suis obduratus animus, & pertinax perseverantia, & reliqua omnia, quæ ad iustū processum, contra ipsum institutū & obseruatum, pertinent, enumerentur. Quibus omnibus ex ordine narratis, postremo pro qualitate criminis secundum regulas ecclesiasticas subiungatur ipsa sententiæ dispositio, quæ condemnationē dogmatum, authorum, librorum, & cetera continebit. [Brun. eod. c. 10.]

3 Præterea, in sententia condemnatoria declarari debet tempus, ex quo reus in hæresim incidit: ut ea sola inspecta, iudex bonorum publicatorū scire valeat, ex quo die bona ipso iure cōfiscata sūt. Quod epistola quadam generalis inquisitoris ideo cautum est, ut ne sit opus totum processum ad eam rem excutere, ubi solent alia cōtineri, quæ occulta esse oportet. Item alia epistola senatus cauetur, ut cum iudices & periti de sententia ferenda deliberant, tunc etiam tempus hæresis definiant. [Epistola impressa inter instructiones, data Granatæ anno salutis millesimo quadringentesimo nonagesimo nono.]

4 Quidam autem putant, quod ea sententia, qua in hæresim lapsi reconciliantur ecclesiæ, non debet continere, illos esse aut fuisse hæreticos: sed hac formula ferendā esse: Quia te inuenimus per tuam confessionem, & legitimam probationem hæreticum fuisse: nunc autē saniori vñs consilio vis, ut asseris, ad vñtate ecclesiæ puro corde, & fide non ficta redire, ideo te in primis, abiurata omni hæretica prauitate, iuxta formam ecclesiæ, ab excommunicationis vinculis, quibus tenebaris astrictus, absolui-

mus, si tamen ad eandem vñtatem ex corde redieris, & iniuncta tibi mandata seruaueris. [Arch. in c. vt commissi. de hæreti. lib. 6. & illic Domini. in. §. necnon. Ioan. de Anan. in c. penul. eo. titul. lib. 5. Gonsal. de hæreti. prauit. quæstio. 20. Franciscus Squila. de fide catholica. c. 27.]

5 Verior tamen sententia est Ioannis Andree dicentis, iudices pronunciare debere talem conuersum, hæreticum fuisse: neque enim est quicquam, quod obftet, cum ecclesiæ constet, illum fuisse hæreticum. Et ita quodam instructionis capitulo nominatim cauetur, addita formula huiusmodi, ut qui reincorporantur vel vniuntur ecclesiæ, declarētur fuisse hæretici, vel apostatæ, & incidisse in pœnas iure statutas: sed quia dicunt, se velle puro corde & fide non ficta ad ecclesiam redire, iudices absoluunt eos ab excommunicatione, & reconciliant eosdem ecclesiæ, si ita est, ut asserunt, quod absque vlla simulatione vere conuertuntur. [Ioan. And. in eod. c. vt commissi. 1. instru. Hispal. c. 10.]

6 In sententia vero condemnatoria debet reus declarari hæreticus pertinax, & eius bona publicari: eius quoque dogmata & scripta sunt condemnanda, & anathematizanda: & præterea priuandus est beneficijs ecclesiasticis, & officijs publicis, & quibuscunque honoribus: postremo, curiæ seculari relinquendus est, animaduersione iusta puniendus. [Concilio Constantien. sessio. 15. Conradus Brunus li. 4. de hereti. c. 10.]

7 Forma sententiæ contra relapsum poterit ex ea sumi, quæ contra Hieronymum de Praga lata fuit in concilio Cōstantiensī hoc verborum tenore: Sancta synodus eundem Hieronymum, palmitem putridum in vite non manentem foras mittendum decernit: ipsumque hereti-

hæreticū, & in hæresim relapsū, excō-
municatū, anathematizatū, pronū
tiat, declarat, & damnat, &c. [sess. 21.]

8 Cæterum, qui post sententiam recon-
ciliationis conuictus fuerit hæreses ali-
quas, vel hæreticos celasse, aut se iactas-
se, dicendo se fuisse innocentem & iniu-
ste damnatū, iterum examinari debet,
tanquam impœnitens: neque enim pro-
derit ei sententia, qua fuit reconciliatus
ecclesiæ, quia eo ipso apparet, eam fuis-
se latam ex ficta confessione, & simula-
ta conuersione. Præterea, si quid nouæ
probationis contra conuersum accesserit,
debet rursus causa tractari, non ob-
stante sententia reincorporationis, vel
absolutionis, vel purgationis, vel quæ-
stionis in eadem causa prius lata. E ita
quibusdam instructionum capitulis cō-
tinetur. [prima Hispalensi. c. 13. & in-
structio. 3. Valdoli. cap. 3.]

9 Præterea, sententia reconciliationis,
vt quidam putant, interlocutoria magis
est quam diffinitiuā: quamobrem auit
eam ab eisdem iudicibus ex causa reuo-
cari posse. Sed quamuis hoc ita sit, meo
tamen iudicio sententia illa, magis dif-
finitiuā est, quam interlocutoria: quia
finem causæ imponit, absolutione &
condemnatione. Neque ideo minus
diffinitiuā est, quia reuocari potest ex
causa: cum etiam diffinitiuā sententia,
qua reus absoluitur, vel ad perpetuum
carcerem damnatur, ex iusta causa re-
tractari queat, vt paulo antea ostendi-
mus. [Ioan. Andre. Domini. & Anchar.
in c. vt commissi. de hæreti. lib. 6. l. 1.
& l. quod iussit. de re iudi. c. cum ces-
sante. de appella.]

10 Cum autem inquisitores dissentiant,
& causa in senatu sanctæ inquisitionis
definitur, sententiæ subscribere omnes
debent, etiam ij qui contrariam, vel di-
uersam opinionem tuebantur. Quod

si forte in prouincia quapiam tres in-
quiritores sint, & vnus eorum cum episco-
po vel eius vicario sentiat, alij autē duo
inquisitores ab eis dissentiant, remitten-
da causa est ad senatum. Si vero duo in-
quisitores cum ordinario iudice consen-
tiant, sententia protinus ferenda est, nō
expectato iudicio senatus. Præterea, cū
supremi iudices sententiam ferunt, dis-
sidentibus inquisitoribus, nulla men-
tio dissensionis in sententiæ prolatione
fieri debet. Quæ omnia pluribus sena-
tus epistolis plenius continentur.

11 Illud quoque vsu receptum est, vt cū
sententiæ aduersus hæreticos publice p-
feruntur, nouissime legantur illæ, qui-
bus pertinaces & impœnitentes damnā-
tur. Et illud item, vt prælectis summa-
ria relatione actis processus, priusquam
sententiæ condemnatoriæ proferantur,
sistatur paululum, & coram omni po-
pulo admoneantur hæretici, vt conuer-
tantur tandem, quia durat adhuc tem-
pus misericordiæ: qui si dixerint, se cō-
uertere velle, reducendi sunt ad carcerem,
& ad pœnitentiam, si conuersi fuerint,
admittendi: si vero in sua pertinacia &
impœnitentia perstiterint, legenda sen-
tentia est, & confestim a iudice seculari
rapiendi sunt, & ad ignem damnandi,
& protinus concremandi. Cum Luthe-
ranis autem aliud fieri debet: quia sunt
omniū hæreticorū pessimi & pernicio-
sissimi, & perraro recte conuertuntur:
quas ob res seuerius cum eis est agendū.

12 Hoc ordine proferebantur sententiæ
in Hispania contra hæreticos descendē-
tes ex Iudæis & ex Mauris: quia sibi ip-
sis dumtaxat, aut his, qui sui generis e-
rant, nocere poterant: nec enim per
octingentos annos nobiles, aut veteres
christiani ab istis contaminati sunt. Sed
postea quam pestiferi huius tēporis hæ-
retici, non solum veteres christianos, sed

sed aliquot etiam nobiles impietate sua inficere sunt deprehensi, non admittuntur vsque ad momentum illud temporis sententiæ proferendæ: quia tunc metu magis mortis imminenti, quam spōte aut ex animo veniam petunt, & quia sicte conuersi plurimum nocere possunt. postremo, de sententijs & earum for-

mulis multa scripsit Zanchinus lib. de hereticis capite vltimo.

- 13 Sententiæ absolutoriæ & cæteræ in fauorem hæreticorum occultorum latæ, nunquam transeunt in rem iudicatam, vt rectissime constituit Pius V. cuius cōstitutionem inuenies in fine huius operis.

De seruis Titulus LXI.

S V M M A R I V M.

- 1 Serui quales fuerint apud antiquos.
- 2 Serui Christianorum non efficiuntur Christiani bello capti.
- 3 Seruos nō effici Christianos bello captos ex Vlpiani responsū deducitur.
- 4 Serui ex quo genere hodie, et quales sint
- 5 Seruorum genus cur nequam & peruersum sit.
- 6 Serui quo pacto educari debeant.
- 7 Seruorum libertas cur neque pia sit, neque utilis nostris temporibus.
- 8 Serui eorum, qui labuntur in hæresim,

- si Christiani sint, libertate ipso iure donari solent.
- 9 Seruis libertas semel concessa non adimenda est, etiam si eorum domini hæretici ad fidem catholicam redeant.
- 10 Serui Christiani possideri non debent ab hæreticis, Iudæis, aut Mahumetanis.
- 11 Serui hæretici quomodo puniendi sint.
- 12 Seruus si iussu domini sui imagines sanctorum fregerit, mitius puniri debet.
- 13 Seruus in quibus causis contra dominum suum testis esse possit.

De seruis.



ET ER E S legumlatores & iureconsulti frequentissime seruorum meminerunt: vsque adeo, vt bonam iuris ciuiliis partem serui occupent. Quod quidem iure ac merito ab illis eo tempore fieri solebat, quo plerique seruorum viri boni & prudentes erant, dominis suis in eo tantum inferiores, quod bello victi efficiebantur eorum serui: quamobrem digni erant, quibus domini res suas crederent: & eorum libertas pia & fauorabilis erat. Seruus fuit olim diuinus Plato, seruus Aesopus, seruus Diogenes, alijque multi præterea præstantissimi vi-

ri: non ergo mirum videri debet, si plurimum leges seruis fauerent. Etsi enim seruus quis sit, nihilominus homo est, vt ait Philemon: & sicuti Sophocles inquit: Etsi corpus seruum sit, mens tamē libera est. Nomen sane (Euripide authore in Menalippe) non corrumpit bonū seruū: sed multi meliores sunt, quam ingenui. Et alibi dixit. Quam iucunda res est dñis, seruū beneuolū in edibus nancisci. De his seruis loquēs ecclesiasticus inquit: Seruus sensatus sit tibi dilectus quasi anima tua: nō defraudes illū libertate, neq; inopem derelinquas illū. Et iterū: Si est tibi seruus fidelis, sit tibi quasi anima tua, quasi fratrem, sic eum tracta.

- tracta. De his quoque seruis Plato dialogo sexto de legibus inquit: Multi serui quibusdam meliores ad virtutem omnem, quam fratres & filij, domos, rem domorum omnem, & dominos ipsos seruauerunt. De talibus denique seruis multa ciuis meus Seneca, alijque tradiderunt. [Eccles. 7. & 33. Stobæus serm. 62. Senec. episto. 47. Geli. lib. 2. c. 18.]
2. Cæterum antiquissima & optima consuetudo lege regia comprobata, inter omnes Christianos inualuit, ut bello victi Christiani, non efficiantur Christianorum serui. [regia. l. 1. tit. 29. par. 2. Bart. in. l. hostes. de captiuis. Ioan. de Platea in. l. 1. C. ut armo. usus lib. 11. Abb. & Bellame. in. c. sicut. 3. de iure iuran. Salicet. in. l. ab hostibus. C. de capti. Siluest. in summa, verbo, bellum. 1. Conrad de contracti. quest. 74. Bohe. decisi. 178. & in consuetudi. Bituricen. in prin. Couaru. in cap. peccatum. de reg. iur. lib. 6. p. 2. §. 11.]
3. Conuestiri potest ea consuetudo responso quodam Vlpiani dicentis, In ciuilibus dissensionibus captos ciues, non amittere ingenuitatem, etiam si vendati sint: bella autem inter Christianos dissensiones sunt plusquam ciuiles, cum simus omnes fratres in Christo & ecclesia, & inimicos etiam diligere teneamur. Accedit eodem, Plato ille diuinus lib. 5. de republi. docens, Neminem graecum a graecis bello captum seruum esse debere: quia dissensiones inter ipsos graecos, magis seditiones esse censebat, quam iustum bellum. Quamobrem legem illis sanctissimam ponebat, ut neque popularentur agros, neque igne aedes consumerent. Neque putabunt, inquit, in singulis ciuitatibus omnes sibi aduersos esse, sed paucos admodum inimicos. Addit præterea, sic bellum esse gerendum, ut existiment, non semper se inui-
- cem pugnatu-
ros, sed quandoque reconciliandos: quod utinam hodie Christiani facerent. [l. si quis ingenuam. de captiuis.]
4. Cum ergo iam serui non sint, nisi vel Mahumetani vel Aethiopes, perfidi homines & stolidissimi, quibus (ut in pro uerbo est) Serpentum saccum vix credere possis, non est opus hodie multa disputare de seruis. Est sane seruus, ut Democritus inquit, necessaria magis quam iucunda possessio. Semper improbi sunt serui, & malum est eorum genus, authore Euripide. Et iuxta Theognidis sententiam, Nunquam rectum est seruale caput, sed semper intortum, & obliquum collum habet. Seruorum in dominos (sicuti Lucianus in Palinuro ait) semper prompta maledicta, furta, impositiones, fuga, arrogantia, negligentia, temulentia, edacitas, somnolentia, tarditas, ignauia. Et Plautus in Aulularia: Serui furaces, versipelles, callidi, oclusa sibi mille clauibus referant, furtimque raptant, consumunt, ligniunt, centena nunquam dicturi furta cruce. Sunt profecto, serui fere omnes proterui, mendaces, fures, belluones, impudici, ac dominorum hostes. Vnde iam olim dici solebat: Nihil in animo seruiente integrum esse, neque quicquam seruorum generi esse credendum. Quod & Homerus apud Platonem testatur, dicens: Dimidium mentis Iupiter illis aufert, qui seruitutis sortis subiecti sunt. Et Caius Cassius de supplicio seruorum in senatu loquens, inter alia dixit: Suspecta maioribus nostri fuerunt ingenia seruorum, etiam cum in agris, aut domibus ipsorum nascerentur, charitatemque dominorum statim acciperent: postquam vero nationes in familijs habemus, quibus diuersi ritus, externa sacra, aut nulla sunt: colluui-

istam nō nisi metu coercueris. [Author Cornelius Tacitus lib. 14. annali. Plauto dialogo sexto de legibus.]

5 Harum rerum causas Theophylactus tradit, his verbis: Est nescio quo pacto seruorum genus, petulans, nequam, & improbum: quia neque recte sint & liberaliter educati, sed a dominis semper neglecti: neque sub ratione proborum hominum veniant, & libertate fruuntur: neque libere sint, vel enutriti, vel instructi. Addit Cælius, quia seruitus ingenuos animos frangit: misera enim est, & contempnibilis. Et iuxta Homerum Odiseæ septimo: Dimidiū virtutis ei perit, quæ seruilis obuallarit necessitas. Vnde fieri solet, seu premente vi, siue educatione praua, seu vtroque potius, ut parte plurima serui de prima malitiæ ac vafriæ nota sint, & habeantur. [Thophyl. in epistolam Pauli ad Titum. c. 2. Cælius lib. 7. lectionum antiqua. cap. 31. Athenæus lib. 6. cap. 7.]

6 Quo autem modo serui sint educandi, docet Plato loco prenotato, dicens: Educantur serui recte, non solum ipsorum gratia, sed dominorum multo magis. Est autem recta horum educatio, ut nulla ipsis contumelia inferatur, iniuriæque his multo minus, si fieri possit, quam æqualibus inferenda. Et paulo post: Castigandi, cædendi; semper iure sunt serui, neque ita monendi ut liberi, ne molliores fiant. Allocutio omnis ad seruos, quodammodo imperium sit, neque iocus ullus cum ipsis, seu sceminis, siue masculis habeatur. Quod multi stulte facientes, dum delicatos eos nutriunt, difficiliorem vitam & sibi ad imperandum, & illis ad obediendum reddunt. Eodem fere pertinent, quæ de seruis apud Ecclesiasticum scripta sunt: Cibaria, & virga, & onus asino: panis, & disciplina, & opus seruo. Operatur

in disciplina, & querit requiescere: laxa manus illi, & querit libertatem. Iugum & lorum curuant operationes assiduas. Seruo maleuolo tortura & compedes: mitte illum in operationem, ne vacet: multam enim malitiam docuit otiositas: in opera constitue eum, sic enim comode decet illum. Quod si non obaudierit, curua illum compedibus, & non amplius fices super omnem carnem: verum sine iudicio nihil facias graue. Vnde sanctissime legibus prohibetur, ne domini seruos suos occidant, neque in eos seuerius animaduertant. [Ecclesiastici. 33. ad Ephes. vltim. Exod. 21. l. 1. C. de emenda. seruo. §. 1. cum seq. insti. de his qui sunt sui vel alie. iur. Alexan. ab Alexandro. lib. 3. Genia. dierum cap. 20. Igneus. in. l. etsi certus. §. si vnus. ad Sillani.]

7 Cum igitur omnes fere serui hodie stolidi atque improbi sint, eorum libertas, mea quidem sententia, nec pia, nec utilis est: nisi forte serui sint boni, & industria sua facile alimenta querere possint. Nam qui aliter manumittuntur, otiosi protinus & fures fiunt, & in carcere & furcis, vel certe in pauperum domibus mori solent: quibus longe melius foret in seruitute manere, quam licentiosa libertate, in sui necem abuti. Ut enim Menander ait: Multo potius est, bonum dominum esse nactum, quam viuere liberum humiliter & male. Satius quidem est bonum consequi dominum, quam liberum humiliter & male vitam degere.

8 Sed quamuis hæc ita sint, nihilominus tamen iuxta libertati fauent: unde si serui Christiani sint, & eorum domini labantur in hæresim, legum latoribus placuit, libertatem illis ipso iure concedere. [1. Manichæos. c. de hæret. c. vlt. eod. tit. lib. 5. regia. l. vlt. tit. 21. par. 4.]

- 9 Neque ideo minus libertatem consequentur serui, quia domini eorum hæretici ad fidem catholicam forte conuersi fuerint. Nam etsi ad ecclesiæ unitatem, intra tempus gratiæ redierint, & omnia illis bona fuerint a rege concessa, seruorum tamen dominium recuperare non debent: quia libertas, quocunque modo data, reuocanda non est: neque beneficium principis cuiquā damnosum esse debet. [Prima instructio Hispanen. cap. 24. l. 1. cum seq. C. si aduer. libertat. l. 2. §. si quis a principe. ne quid in loco publico fiat.]
- 10 Præterea, serui Christiani possideri nõ debent ab hæreticis, Iudæis, Mahumetanis, vel alterius cuiuscunque sectæ hominibus: neque ab eis emptionis, donationis, successione, aut quolibet alio titulo haberi, vel detineri possunt: sed vel ad libertatem perducendi sunt, vel certe ab eis auferendi: ne religio Christiana, istis subiecta polluat. Nefas quippe est, ut is, quem Christus dominus sanguinis sui effusione redemit, Christianæ religionis hostibus seruire permittatur, a quibus facile corrumpi & subuersti queat. Ut enim Euripides inquit: Serui plerunque dominorum morbis infici solent. Hinc sanctissime Imperatorum leges ortæ sunt, quibus id ipsum sapissime prohibetur: sed illam præterire non possum, quam Honorius & Theodosius his ipsis verbis promulgarunt: Christiana mancipia nemo audeat comparare: nefas enim æstimamus, religiosissimos famulos, impijssimorum emptorum inquinari dominio, & cætera quæ consequuntur. [in codice Theodosiano, titulo. ne Christian. mancipia Iudæus habeat. c. mancipia cum seq. 54. distin. c. 1. & 2. de Iudæis. l. 1. C. ne Christian. manci. tertio concilio Aurelian. cano. 10. & 4. con-

- cilio. can. 18. & 1. Matifconen. cano. 10. & 4. Toletano cano. 64. regia. l. 13. tit. 9. pa. 6. & l. pen. tit. 24. p. 7. Tiraq. de pœn. caus. si. nu. 95.]
- 11 Postremo, seruus hæreticus pertinax & impœnitens curiæ seculari relinquendus est. Si vero ad ecclesiam vere pœnitens conuersus fuerit, admittendus est, salutarî pœnitentia iniuncta. Nonnunquā tamen fieri solet, ut seruus pro modo culpæ flagellis castus domino reddatur: quia pœna pecuniaria in seruum non cadit, neque infamia notari potest, cum nullius existimationis sit. Quamobrè, pœna liberi hominis commutatur aduersus seruos in aliam extraordinariam coercionem: quod iure ciuili frequentissime constitutum est. Et id Plato ille diuinus legibus suis cauit: de his enim loquens, qui ficus aut uuas alienas furto subtraxerit, Si homo liber fuerit, quoniam lex est, inquit, ut nemo moueat quæ non deposuit, mulctetur. Quod si seruus quispiam, non persuaso agri domino eas acceperit, pro singulis ficibus, & uuarum acinis æqualia numero verbera patiat. Demosthenes quoque in oratione aduersus Androktionem dixit: Si considerare vultis inter seruitutē & libertatem quid intersit, hoc potissimum reperiatis, quod seruis omnia scelerata corpore sunt luenda: ingenuis autē tametsi maxima in se facinora admiserint, corpus tamen tueri licet: his enim pleraque delicta pecuniaria multa luenda sunt. [l. in seruorum, de pœnis. l. hos accusare. §. omnibus. de accusat. l. quod attinet. de reg. iur. Plato. 8. de legib. regia. l. 10. tit. 1. par. 7. Chrysost. in priorem Pauli epistolam ad Corinth. homil. 19. & in epistola ad Titum homilia quarta.]
- 12 Si seruus iussu & coactu domini im-
gines sanctorū fregerit, aut simile quip-
pian

piam commiserit, mitius puniendus est, [l. seruos. C. ad. l. Iul. devi. & inibi interpretes. l. 2. C. de sepul. violato. Tiraquel. de pœnis causa. 34.]

- 13 Quamuis autem seruus contra dominum testis esse non queat, neque in caput domini torqueri possit: quia vt Iulius Paulus inquit: Non oportet in rebus dubijs, salutem dominorum seruorum arbitrio committi: excipitur tamen crimen læsæ maiestatis, atque adeo hæresis. Reijciendæ quidem sunt, vt lex inquit, accusationes ac delationes seruorum in dominos, excepto maiestatis

crimine, in quo etiam feruis honesta proditio est. Et alia lex ait: Vocem seruorum funestam in dominos interdicti oportet, maiestatis crimen excipimus. Et Iulius Paulus: Damnati serui, siue post sententiam, siue ante sententiam dominorum facinora confessi sint, nullo inodo audiuntur, nisi forte reos deferant maiestatis. [l. penul. C. qui accusat. no. pos. l. 1. C. de quæstio. l. vltim. de delator. lib. 10. Iulius Paul. lib. 5. senten. titul. 15. & titul. 18. & l. 2. tit. 6. lib. 9. C. Theodosi.]

De sortilegis Titulus LXII.

S V M M A R I V M.

- 1 Sortilegi qui sint. 2 Sortilegi ab inquisitoribus quando puniri possint. 3 Sortilegia, quæ manifestâ heresim sapiant.

De sortilegis.



ORTILEGI sunt qui sub nomine fictæ religionis, per quasdam sortes, quas apostolorum vel sanctorum vocant, diuinationis sciētiam profitentur. Item, illi sortilegi sunt, qui quarumcunque scripturarum fortuita inspectione futura prædicunt. Isti autem, qui sortibus inquirunt futura contingentia, vel præsentia, vel præterita vsque adeo occulta, vt naturaliter ab eisdem sciri non possint, vani sunt, & fallaces, & illicitæ, ac superstitiosæ rei dant operam, ac dæmonum astutia falluntur, & fallunt, sicuti theologi docent. [26. q. 1. cap. 1. vterque Thom. 2. 2. q. 95. art. 8. Siluest. in sum. verbo,

superstitio. quæstio. 9.]

2 Quamuis autem sortilegi puniendi non sint ab inquisitoribus, sed ab ordinarijs iudicibus: hoc tamen locum non habet, cum sortilegia sapiunt manifestâ heresim, aut vehementer suspecta sunt. Veluti, si sortibus dæmon consuleretur, vt futura prædiceret: solius namque Dei est, futura præscire, qui in sui contemplatione, etiam angelos, illa præscire interdum facit. In summa, de his fere omnibus sortilegijs cognoscere possunt inquisitores, quia noxia & superstitiosa sunt, ex quadam pestifera societate hominum improborum ac dæmonum, quasi pacta infidelis & dolosæ amicitia constituta. [c. accusatus. §. sane. de hæret. lib. 6. 26. quæstio. 5. cap. 1. & 26. quæst. 2. cap. illud.]

3 Illa sortilegia sapiunt manifestam heresim,

resim, quæ sine aliqua hæresi exerceri nequeunt. Item illa sortilegia sapiunt hæresim, & valde suspecta sunt, quæ prima fronte præferunt odorem & saporem hæresis. Verbi gratia, cum in sortibus aut sortilegijs commiscetur aliqua dicta, vel facta hæretica, vel quæ probabilem suspiciõnem hæresis præbent. Proinde qui cadaver hominis baptizat, ut inde sortium responsum habeat: & quia alijs sacramentis ecclesiæ, in eandem superstitionem abu-

titur, & qui dæmonem sortibus inuocat: denique quicumque simile quippiam committit, ab inquisitoribus interrogari, & recto arbitrio pro modo culpæ, damni dati, & scandali puniri debet. [Vide Lucam in l. 2. C. quand. & quib. libi 10. Alex. Ales. 2. part. 9. 185. Thom. 2. 2. quæst. 95. Paul. Gril lan. tract. de sortil. Albert. Campen. lib. 8. de liber. hom. arbi. c. 4. Alphon. Castren. lib. 1. de iust. hære. puni. c. 13. Ioan. Bernar. in pra. c. 100.]

De superstitionibus Titulus LXIII.

S V M M A R I V M.

- 1 Superstitio quid sit.
- 2 Superstitionum plures sunt species.
- 3 Superstitio in Deuteronomio vehementer improbat.
- 4 Superstitionem execratur Origenes.
- 5 Superstitiosum & impium est somnijs credere.
- 6 Superstitiosi sunt, qui quosdam dies sortunatos, alios esse infelices putant.
- 7 Superstitiosi sunt, qui ex syderibus & cometis futura prædicunt.
- 8 Auguria obseruare, & futurorum euentus ex stellarum cursu rimari, quam impium sit, docet diuus Hieronymus.
- 9 Vespasianus cum æger esset, de cometa quodam quid dixerit.
- 10 Superstitiosum est, per sortes de futuris aut occultis inquirere.
- 11 Pactum cum dæmone facere, quam impium sit.
- 12 Pactum cum dæmone non solum expresse, sed etiam tacite sit.
- 13 Pacta cum dæmone facta rescindi non posse, nisi dæmon ipse consentiat, vulgus imperitum falso credit.
- 14 Magica artes ex pactis demoniorum cõfiant.
- 15 Magos peregrinos Tiberius Casar morte affecit.
- 16 Magicas artes quibus verbis detestetur Cyprianus.
- 17 Magicas artes quibus verbis detestetur Augustinus.
- 18 Magica artes quam vana & perniciosæ sint, docet Gratianus.
- 19 Superstitiosis annumerantur ligaturæ & remedia, quæ medicorum etiam disciplina condemnat.
- 20 Superstitiosa remedia quibus verbis reprehendat Chrysostomus.
- 21 Periculis superstitio cum langueret ex morbo.
- 22 Figuras aut stigmata fieri, quomodo prohibebatur in Leuitico.
- 23 Superstitionibus qui se addicunt, Christiana fidei & baptismi præuicatores sunt.
- 24 Superstitiones quomodo irrideant Tertullianus, Cicero, & M. Varro.
- 25 Superstitiosos quibus scommatis multi veteres irriserint.
- 26 Superstitiosos quomodo irrideat in comedia Philemon.
- 27 Hector Polydamanitem augurem quomodo

- modo irrideat apud Homerum.
- 28 Iudæi cuiusdam in angrem quandam 32 *Dæmones a nulla re corporea pati possunt.*
- 29 Pactum cum dæmone habere, qui iudicandi sint. 33 *Superstitiosum esse aliquid, quomodo cognosci possit.*
- 30 *Dæmones ab homine cogi non possunt, ut inuiti in amulo aut pyxide trahantur.* 34 *Inquisitores apostolici sortilegos & superstitiosos quando punire possunt.*
- 31 *Dæmones fingunt se captos & vinctos a* 35 *Magos & excantatores quomodo censeat Plato puniendos esse.*

De superstitionibus.



SUPERSTITIO, VT Varro inquit, est falsa religio, quæ falsum Deum, aut verum quidem, sed falso ac vane metuit. Et Cicero: In superstitione inest timor inanis Deorum: imbecilli animi atque anilis est superstitio: qua qui est imbutus, quietus esse nunquam potest. Gellius: Superstitio est inepta & importuna religio. Et Seruius: A superstitie superstitio dicta, quæ anicularum propria est, quæ multis per ætatem superstites sunt: & quæ rebus inanibus addictæ, dum volunt videri nimis religiosæ, superstitione fiunt, & ita delirant. Theologi vero superstitionem esse aiunt, vitium religioni oppositum, exhibens cultum diuinum cui nõ debet, vel eo modo, quo non debet. [Lactant. lib. 4. diuina. institutu. c. 18.]

2 Superstitiorum autem plures sunt species, & omnes diuino cultui aduersantur, secundum diuersos fines. Ordinatur enim diuinus cultus ad reuerentiam Deo exhibendam: & contra illum est idololatria. Ordinatur etiam vt homo instruat a Deo: & huic opponitur superstitio diuinationum, quæ dæmones consulit expresse vel tacite. Demum or-

dinatur ad quandam directionem humanorum actuum secundum præcepta Dei: & contra hoc est superstitio quarundam obseruationum, quibus facta superstitiosorum perperam diriguntur. De diuinationibus, & idololatria, suis locis disseruimus: superest, vt de obseruationibus superstitiosis, de pactis dæmonum, ac de illorum præstigijs, aliqua referamus. [Tho. 2. 2. q. 92.]

3 In Deutero. legitur c. 18. Caue ne imitari velis abominationes illarum gentium, neque inueniatur in te, qui lustret filium suum, aut filiam, ducens per ignem: aut qui ariolos sciscitetur, & obseruet somnia atq; auguria, nec sit maleficus, nec incantator, nec qui pythones consulat, neque diuinos, & quærat a mortuis veritatem: omnia enim hæc abominatur Dominus, & propter istiusmodi scelera delebite eos. Diuus Chrysostomus in cap. 2. Esaia: Plerique nostrum in hoc genus morbi inciderunt, dum suam ipsorum vitam labefactantes absurdissime isti captandæ diuinationis dementiæ se dedunt, offenso ac repudiato Deo. quare & hinc decerpimus plurimum doloris & tristitiæ. Ad hoc studium omne suum adhibuit diabolus, vt parum cordatos decipiat, & labores qui adhibentur parandæ virtuti, & donum liberi arbitrij e medio auferat

ferat per vaticinia & auguria. hoc per signa procurat, per obseruationem dierum, per improbatum dogma de fato, de sortibus, & per alia item multa.

- 4 Origenes lib. 1. in Iob: Quidam, inquit, sternutamentis obseruiunt, & inuocationibus, atque reuocationibus, & occursibus, atque volucrum vocibus: non intelligentes miseri & spe vacui, quod a Domino gressus hominis diriguntur. Et paulo post: Qui autem ad hoc intenderint, horum gressus conturbabuntur, horum opera impediuntur, ab istis Dei visitatio recedit, istos sancti Angeli derelinquunt, cum istis diabolus permanet infatuans mentes eorum, obtundens corda illorum, abstrahens a Deo sensus eorum. [Hæc & alia in eandem sententiam tradit Origenes ibidem, & lib. 3. colu. 12. & in libro Numerorum homil. 13. & 17.]

- 5 Somnijs credere, superstitiosum & impium est. Non augurabimini, neque obseruabitis somnia, inquit scripta sacra: Vana spes & mendacium viro in sensato: & somnia extollunt imprudentes. Quasi qui apprehendit umbram & persequitur ventum, sic & qui attendit ad visa mendacia: secundum hoc visio somniorum, diuinitio erroris & auguria, mendacia, & somnia malefacticium, vanitas est. Ne dederis in illis cor tuum: multos enim errare fecerunt somnia, & exciderunt sperantes in illis. Non est igitur somnijs habenda fides (quidquid scripserit Artemidorus) quia vana sunt, & ex repletione, aut vacuitate, aut ægritudine, aut illusione dæmonum, aut ex causis naturalibus, eorum imagines & phantasmata provenire solent. [Leuit. 21. Ecclesiast. 34. Thom. 2. 2. quæst. 95.]

- 6 Qui putat dies quosdam fortunatos, alios infelices esse, hi proculdubio ve-

hementer errant. Neque enim ratio reddi potest, cur magis infausti sint dies martis & veneris, aut quidam alij, quam cæteri dies: Deus etenim eodem modo fecit hos atque illos dies. Scribit Hieronymus in Ecclesiasten, cap. 7. Virtutes bonos dies viuenti faciunt, vitia malos. & in Amos cap. 6. Parantes sibi vitio suo dies malos: non quo dies vllus sit malus, sed quo vnusquisque paret sibi malum. & paulo post: Stultum est enim res ferre ad tempora, cum in nostra sit potestate vel bonum die nobis facere, vel malum. Et sicut diuus Chrysostomus oratione Kalendis habita, inquit: Dies bonus & malus est, non sua quadam & propria natura, (nihil enim dies a die differt) sed nostra vel negligentia, vel ignauia. Si iustitiam feceris, bonus tibi dies erit: sin peccatum designaueris, malus & supplicio plenus. Et beatus Augustinus in Enchiridio: Quis existimaret, quam magnum peccatum sit dies obseruare, & menses, & annos, & tempora, sicut obseruant qui certis diebus, siue mensibus, siue annis, volunt, & nolunt aliquid inchoare, eo quod, secundum vanas doctrinas hominum, fausta vel infausta existiment tempora, nisi huius mali magnitudinem ex timore apostoli pēsaeremus, qui talibus ait: Timeo ne sine causa laborauerim in vobis. [Ad Galat. 4. c. non obseruetis, cum seq. 26. q. 7. Macrobius lib. 1. Saturnalium.]

7 Est & alia superstitio eorum, qui ex syderibus, & cometis, & facibus cælestibus futura prædicunt: quorum omnium impia temeritas coercenda & reprimenda est: sed illorum præcipue, qui omnia pendere ab astris, & ab eis largiri putant: hi enim consummati hæretici sunt. Augures, inquit Esaias, qui contemplabantur sydera, & supputabant menses, vt ex eis annuunciarent ventura ubi,

tibi, ecce facti sunt quasi stipula, ignis combussit eos. Et per Hieremiam Dominus: Iuxta vias gentium nolite discere, & a signis cæli nolite metuere, quæ timent gentes: nolite timere, ea quæ neque male possunt facere, neque bene. [Esaia. 47. Hierem. c. 10. Aug. lib. 2. de Genesi ad literam. c. 17. Cælius lib. 14. leæio. antiqua. c. 9.]

8 Diuus Hieronymus inquit: Obseruare auguria, requirere stellarum cursus, & euentus ex his futurorum rimari, cæterisque huiusmodi superstitionibus implicari, opprobrium Aegypti est, idololatriæ matris. [c. sed & illud. 26. q. 2. Cælius lib. 14. c. 1.]

9 Vespasianus æger, ijs qui de comete nescio quid inter se colloquebantur, dixit: Non mihi, sed regi Parthorū, mortem portendit: ille enim comatus est, ego caluus sum. author Xiphilinus cum Dione Nicæo, in eodem Vespasiano.

10 Per sortes quoque de occultis aut futuris inquirere, supersticiosū est. Diuus Augustinus episto. 119. inquit: Hi qui de paginis euangelicis sortes legunt, etsi optandum est, vt id potius faciant, quā ad dæmonia consulenda concurrant, tamen ista mihi displicet consuetudo, ad negotia secularia, & ad vitæ huius vanitatem, diuina oracula velle conuertere. Et Gratianus: Etsi sortibus nihil inest mali, prohibentur tamen fidelibus, ne sub specie diuinationis ad antiquos idololatriæ cultus redeant. [c. hi qui. c. fors. 26. quæst. 2. Troilus Maluetius tract. de sortibus.]

11 De pactis cū dæmonibus factis, ac de impia illorum societate, pauca nunc commemorabo: quia omnes fere superstitiones inde nascuntur, vel eodem redeunt. Gerson, pactum cum dæmone facere, speciem idololatriæ atque apostasie esse ait. Et Isaia sub istorum perso-

na: Percussimus fœdus cum morte, & cum inferno fecimus pactum. Et Aug. lib. 2. de doctrina Christia. c. 23. Superstitiosum est quidquid institutum est ab hominibus, ad consultationes & pacta quædam significationum cum demonibus placita atque fœderata. [Gerson part. 1. tracta. de erroribus circa artem magicam. dicto. 2. c. illud. 26. q. 2.]

12 Non tantum expresse fit pactum cum dæmone, sed etiam tacite. Nam qui dæmonem inuocat, vel alijs modis ei communicat, pactum cum eo fecisse videtur, nam re ipsa cum illo societatem habet: includit namque societas pactum, conventionem, & fœdus: si non verbis, saltem factis. Quo fit, vt nonnunquam tacite inuocetur dæmon figuris, characteribus, verbis & signis ignotis & superstitionis: idque ad aliquem effectum qui nascitur ex diabolo prouenire, vel etiam cum aliquis talibus rebus se implicat, qualibus dignum est vt se dæmō immisceat, quamuis id eueniat præter hominis intentionem. Sed vix est, vt id contingat præter intentionem eius, qui id facere, aut scire studet, quod absque dæmonis ope consequi nequit: nā qui vult consequens, vult & illud ex quo id sequitur. [Caiet. 2. 2. q. 95. art. 3.]

13 Vulgo imperito persuasum est, pacta cum dæmone facta rescindi non posse, nisi dæmon ipse cōsentiat: & eo magis, si chirographum confectum fuerit sanguine chirographarij perscriptum: aut si membrum aut membri partem dæmon pro pignore acceperit. Hęc tamē omnia fatua sunt, & inepta: quia talia pacta scelerata sunt & nefaria: atque adeo nulla, cum sint cōtra naturę leges atque diuinas: quamuis in contrahentium perniciem nonnunquam valere soleant: vt recte docuit Bressius lib. 2. de republi. Adde quod hęc & omnia alia crimina

- crimina sacramento poenitentię delentur. Nec enim demonum arte ac fraudibus diuina misericordia & gratia impediri potest. [Ezechiel. 18. l. si vnus. §. pacta. que turpem. ff. de pactis.]
14. Magicę artes ex pactis demoniorum constant, & ab Ethnicis etiam reprobate sunt. Plinius. lib. 30. natural. histo. c. 1. inquit: Magicas vanitates sapius coarguimus. Et mox: Magia fraudulentissima est omnium artium. Et c. 2. ait, eam artem vanam & falsam, instabilem, irritam & inanem esse, habentem tamen quasdam veritatis umbras, sed in his veneficas artes pollere, non magicas.
15. Tiberius Cæsar Magos peregrinos morte affecit: ciues autem Romanos misit in exilium, vt Xiphilinus in Epitome Dionis retulit in eodem Tiberio. Et Iulius Paulus lib. 5. sententiarum recept. titul. 25. inquit: Magicę artis cōscios summo supplicio affici placuit, id est, bestijs obijci, aut cruci suffigi: ipsi autem magi viui exuruntur.
16. Diuus Cyprian⁹ libro de duplici martyrio: Qui magicis artibus vtuntur (a quo malo nos Domini misericordia liberauit, sicut a cæteris omnibus, quibus iuxta veterem hominem quondam ambulantes tenebamur) tacite Christum abnegant, dum cum dæmonibus habēt fœdus. Et beatus Aug. lib. 18. de ciuit. Dei cap. 19. Magicas artes esse ait malefica, pestifera, & scelerata, & humano generi perniciofa. Et Hermogenes in compendio rhetorice tradit, has omnes artes perniciosas esse, & ad perniciem politicam & civilem repertas. [Addo Augustin. lib. 10. de ciuita. Dei cap. 10. Tostadum in lib. Numero. c. 21. q. 19. & in Leuitic. c. 19. q. 18. & 29.]
17. Idem diuus Aug. lib. 2. de doctrina Christiana: Molimina magicarum artium placita esse fœderata cum demonibus tradidit. Et alibi inquit: Omnis inquisitio, & omnis curatio, quæ a diuinis & magicis artibus experitur, morus potius dicenda est, quam vita: & qui ea sectantur, si se non correxerint, ad eternam perditionem tendunt. Et mox: Itaque hæc vanitas magicarum artium, ex traditione malorum angelorum, in toto orbe terrarum plurimis seculis inualuit per quādam scientiam futurorū & infernorum, & per inuentiones eorū inuēta sunt aurispicia, & augurationes, & ipsa quæ dicuntur oracula, & necromantia. [c. illud. cum seq. 26. q. 2.]
18. Gratianus in sanctorum patrum decretis hoc retulit: Admoneant fideles sacerdotes populos suos, vt nouerint magicas artes, incantationesque, quibuslibet infirmitatibus hominum nihil remedij posse conferre: non animalibus languentibus, claudicantibusue, vel etiā moribundis quicquam mēderi: sed hæc esse laqueos & insidias antiqui hostis, quibus ille perfidus, humanum genus decipere nititur. Et si quis hæc exercuerit, clericus degradetur, laicus anathematizetur. [c. admoneant. 26. quæst. 7.]
19. Ad genus quoque superstitionum pertinent omnes ligaturæ atque remedia, quæ medicorum etiam disciplina condemnat: siue in præcantationibus, siue in quibusdam notis, quas characteres vocant, siue in quibuscunque rebus suspendendis atque ligandis, sicut sunt inaures, in summo singulariū aurium, aut de struthionum osibus ansulæ in digitis, aut cum dicitur tibi singulctenti, vt dextera manus sinistrum pollicem teneas. In his omnibus ars dæmonum est, ex quadam pestifera societate hominum & angelorum malorum exorta. Vnde hæc cuncta vitanda sunt Christiano, & omni penitus execratione repudianda

dianda atque damanda, vt August. & Iſidorus tradunt. [c. illud. 26. quæſt. 2. c. neque mirum. 26. q. 5.]

20 Huc accedit Ioannes Chryſoſt. in epiſtolam Pauli ad Coloſſen. dicens: Superſtitioſa remedia nihil profunt, ſed ſeductio ſunt, & ludibrium, & idololatria. Etenim ſuperſtitioſa illa, quæ egrotis applicantur, etiam ſi mille modis philoſophentur, qui quæſtum ex ipsis faciunt, dicentes: Deum inuocamus, & præterea nihil facimus, Chriſtiana eſt hæc anus & fidelis, idololatriam tamen ſapiunt. Hæc & alia in eandem ſententiam ibidem & alibi docet. [homil. 8. & ad populum Antiochenū homil. 21. quem omnino perlege.]

21 Theophrastus in libris, quos de morali philoſophia edidit, dubitans nunquid circa animos vertantur mores, & acti corporis doloribus a virtute decifcant, tradidit, Periclem cum langueret ex morbo, amico cuidam, qui cum viſendi gratia adierat, incantationes quaſdā pendentes collo a mulieribus alligatas oſtendiſſe: vt appareat hominem peſſime animo affectum fuiſſe, cū huiusmodi infanias perferebat. Hæc Plutarchus in Pericle.

22 In Leuitico c. 19, prohibitum eſt ne figuræ, aut ſtigmate ſiant: quo intelligitur, vetitum eſſe, ne quiſpiam faciat ſigna ſuperſtitioſa & imagines aſtologie, & nomina ignota, & characteres, & id genus omnia, quæ (vt Origenes lib. 3. in Iob ait) diaboli ſunt ſeductioes, dæmonum ſunt irriſiones, idololatriæ ſunt fax, animarum inſatuation, & cordium ſcandalum. Miſer quoque ille eſt,

Qui ſumantia conſulit exta,

Qui rimatur aquas, & qui conſiderat ignes,

*Qui pluuias, ſpecula, & pelues, niti-
dasque ſecures*

Inſpiciť, & temere deſcripta in puluere ſigna.

Vt Mantuanus cecinit in Apolonia. Vide Gersonem tractatu aduerſus doctrinam cuiuſdam medici. Crinitum lib. 25. cap. 2.]

23 Diuus Aug. lib. 2. de doctri. Chriſti. His adiunguntur, inquit, millia inaniffimarum obſervationum, ſi membrum aliquod ſalierit, ſi iunctum ambulanti- bus amicis canis, aut lapis, aut puer me- dius interuenerit. Hinc ſunt etiam il- la: limen calcare, cum ante domum ſuam tranſit: redire ad lectum, ſi quis dum ſe calceat, ſternutauerit: redire do- mum, ſi procidens offenderit, vel ſi ve- ſtis a ſoricibus roditur. Et alibi: Qui at- tendunt ſomnialia ſcripta, & falſo Da- nielis nomine intitulata, & ſortes quæ dicuntur apoſtolorum, & auguria auium, aut aliqua pro domo facienda, aut pro- pter coniugia copulanda, aut in colle- ctionibus herbarum carmina dicunt: aut pytaciola pro quauis inſirmitate ſcripta ſuper homines & animalia po- nunt, præter ſymbolum & orationem dominicam: aut magicis falſitatibus, aut grandinarijs tempeſtatibus credunt, ſciant ſe fidem Chriſtianam & baptiſ- mum præuariçaſſe, & in iram Dei gra- uiter in æternum incurriſſe, niſi eccleſia ſtica pœnitentia emendati Deo recon- ciliantur. [Addo Chryſoſto. in epiſtola ad Ephēſi. ſerm. 12. c. illud. 26. quæſt. 2. cap. non obſeruetis. 26. quæſtio. 7. Thom. 2. 2. quæſt. 96.]

24 Superſtitioſas obſervationes irridens Geta Terētianus in Phormione, inquit: Quot res poſt illa monſtra euenerunt mihi: introijt in eſes ater alienus Canis: Anguis per impluuium decidit de tegu- lis: Gallina cecinit, interdixit ariolus, Aruſpex vetuit, ante brumam aliquid noui negotij incipere, quæ cauſa eſt iu-
NNN ſiſſima.

missima. Cicero quoque Nonio dicitur, optimam spem habere licere, quod septem aquilæ in castris Pompeij essent capte: Recte moneres, inquit, si aduersus picas nobis pugnandum foret. Et Marcus Varro: Deos dixit otiosos, & feriarios fore, si sua consilia corniculæ crederent, aut coruo, superstitionis hominibus indicanda.

- 25 Illa vero non sunt prætereunda, quæ Clemens Alexandrinus scite atque sapienter de hac re differuit. Is lib. 7. Stromatum inquit: Superstitiosi cum sint procliuēs ad iram, pertimescunt: & quæcunque eueniunt, existimant esse signa & causas malorum. Si mus aram, quæ erat e luto constructa, perfoderit, & cū nihil aliud haberet, lecythum corroserit: si Gallus qui alitur, vespere cecinerit, hoc alicuius signum esse statuentes. Talem quendam ludificatur Menander in comœdia, quæ inscribitur, superstitionis. Quid nam boni mihi accidat, o boni Dei? Nam dexteri alligans calcei corrigiam rupi: merito o nugator, erat enim putrida: tu autem es parcus & fordidus, qui nolis nouos emere. Lepidum est illud Antiphontis: nam cum quidam male præfagiret ex eo, quod sus porcellos deuorasset, isque eam vidisset, obfœdes eius, qui ipsam alebat, fame valde attenuatam: de signo, inquit, latrare, quod cum sic esuriret, filios tuos non comederit. Quid mirum (inquit Bion) si mus calathum arroserit, cum non inueniret, quod comederet? Hoc enim fuisset mirum, si ut ludens argutabatur Archesilaus, murem calathus comedisset. Recte certe Diogenes quoque ad eū, qui admirabatur, quod inuenisset pistillum a serpente in gyrum circumdatum: Ne mireris, inquit, esset enim illud mirabilius, si vidisses rectum serpentem esse a pistillo circumdatum.

26 Philemon quoque comicus talia ridet in comœdia: Cum videro, inquit, obseruantem, quis sternutauerit, vel quis sit locutus, aut respicientem, quis sit, qui pullo procedat, statim in foro sternutat vnusquisque nostrum: is secum ingreditur & loquitur, dicens: ciuibus res non euenire, ut earū fert natura. multi quoque timent scripturas suspensas. Lepide admodum Diogenes, cum inuenisset scriptum super domū cuiusdam improbi: Insignis Victoria Hercules hic habitat, nihil mali ingreditur: & quomodo ingreditur, inquit dominus ædium? Ij autem ipsi omne lignum, & omnem lapidem pinguem, ut dicitur, adorantes, lanas flauas, & frusta salis, & faces, & scyllam, & surfur timent, incantati a præstigiatoribus, per quasdam immundas expiationes. Hæc & alia Clemens Alexandrinus memorat. Et Theodorus lib. 6. de Dei prouidentia.

- 27 Hector ille fortissimus Polydamantem arguens, ut vanum augurem apud Homerum lib. 12. Iliados dixit:

... tuis cupis me accedere vanis
Augurijs: quæ sperno equidem quia
stulta videntur.

Sen dextra spectentur aues, Phaetonis ad ortum,

Siue sinistra petant, obituri limina solis.

Nihil rationis habent, cum sint ratione carentes.

Qui insit sperare, Ioui nos credere oportet,

Quem penes est hominum, diuinumque æterna potestas.

Augurium tamen est, quod praeualeat omnibus vnum.

Pro patria pugnare armis, defendere ciues.

Et Silius Italicus libro quinto:
Sat magnus in hostem,

Augur

*Augur adest en sis, pulchrumque &
milite dignum,
Auspicium, latio quod in armis dex-
tera prestat.*

Et Paulo post:

*deforme sub armis,
Vana superstitio, dea sola in pectore
virtus*

Bellantum riget.

Papyrius consul aduersus Samnites cū exercitu missus cum a præliarijs auguri- bus coniectantibus, congregi prohiberetur, irridens eos tam foeliciter, quā constanter arripuit bellum, confecit- que. [Author Eutropius lib. 2. rerum Romanarum.]

28 Hecataus Abderita, qui historiam Iu- dæorum scripsit, cum vno eorum ser- monem huiusmodi se habuisse narrat: Cum ad mare rubrū proficiscerer inter alios equites Iudæus quidam nomine Mysonianus, me sequebatur: erat autem vir animi maximi, & arcu peritissimus: is cum augur quidam omnes nos stare iussisset: interrogauit, quare fixi stare- mus: augureque auem ostendebat, atq; dicente, conducere ita stare, quousque, quo auis tenderet, perspexissent: vt si ad anteriora volaret, coeptum iter perage- rent: sin autem posteriora volatu pe- teret, reuertentur: silentio arcu tracto, auem percussit, atque interfecit: tunc augur, & nonnulli alij valde commo- ti, ei maledicebant: ipse vero: Quis est, inquit, iste furor, o homines? quomodo enim auis ista, quæ nihil de sua salute præiudicat, veri aliquid de itinere no- stro poterat nobis prædicere? quæ si fu- tura præcisset, nunquam huc venisset, ne a Mysoniano Iudæo interficeretur. Quod vt prudenter factum ac scite di- ctum commemorant Iosephus lib. 1. contra Apionem. Euseb. lib. 9. præpa- rationis euangelicæ cap. 2. & Polidorus

lib. 3. de prodigijs.

29 Illi præterea foedus cum dæmone fe- cisse videntur, qui defunctorum ani- mas euocant: & qui excantant pueros: & qui dæmones familiares circumsu- runt, & qui (vt dicitur) spiritus pas- cunt in vitro, per quos se prophetare mentiuntur: & qui delusiones & phan- tasmata edunt, & miracula quædam circulatorijs artibus ludunt. De his autem Augustinus inquit: Omnia mi- racula magorum, doctrinis fiunt, & operibus dæmoniorum. [lib. 8. de ci- uitat. Dei, cap. 19. Addo Lactantium lib. 2. diui. institutio. c. 17. Leonem magnum sermo. vltim. de pas. domi- ni. Thom. & cæteros lib. 2. sentent. distinctio. 7.]

30 Nemo autem putet dæmones ab ho- mine cogi posse, vt in annulo aut pyxi- de inuiti trahantur. Nec enim homi- nes id facere valent, nec signa, verba, herbæ, aut characteres naturaliter eam vim habent: nec spiritus illi potentis- simi, eiusmodi rebus compelli queunt. Sed, vt ait beatus Augustinus: Illiciu- tur dæmones ad inhabitandum per creaturas, quas non ipsi, sed Deus con- didit, delectabilibus pro sua diuersita- te diuersis: non vt animalia cibis, sed vt spiritus signis, quæ cuiusque dele- ctationi congruunt, per varia gene- ra lapidum, herbarum, signorum, animalium, carminum, rituum. Vt autem illiciantur ab hominibus, prius eos ipsi astutissima calliditate seducit: aut inspirando eorū cordibus virus oc- cultum, vel etiam fallacibus amicitijs apparendo, eorumq; paucos discipulos suos faciunt, plurimorumque doctores. Nec enim potuit, nisi primum ipsis do- centibus, disci quod quisque illorū ap- petat, quod exhorreat, quo inuitetur no- mine, vnde magicæ artes, earumque ar-

rifices extiterunt. Maxime autem possident corda mortalium, qua potissimum possessione gloriantur. [lib. 21. de ciuitat. Dei cap. 6.]

- 31 Ergo dæmones ab homine non compelluntur: sed ut quidam recte inquit: Non dæmonem cogis, aut in vinculis eum, ut putas, tenes: sed hoc certum habere, quod ille simulat se captum, ut te capiat: se vincitum, ut te vinciat: se tuo imperio subditum, ut te sibi subdat: a te inclusum, ut te includat: fingit se deum tua arte vel imagini, vel lapidi ligatum, ut te funibus peccatorum ligatum, ad infernum perducatur. Et quidam ex persona dæmonum non ineleganter cecinit:

Nos vero quoties animas magus euocat orco,

Illarum assumpta mentimur imagine vultus.

Carmimbus, folijs, aubus, fumoque ligari

Dicimur: et circumductis in puluere signis.

Sed veluti plerisque alijs, ita fallitur isto

Mens hominum.

[Henricus super Genes. & Barth. Sibylla libro peregrinarum questionum, De cadis tertiæ, cap. 8. q. 1.]

- 32 Ad hæc, neque fumo dæmones expelli possunt, neque a re aliqua corporea pati queunt: neque enim spiritus purus quicquam pati potest a corpore, quia longe illo præstantior est. Quo perspicue patet, errare eos, qui homines a dæmonibus obsessos flagellant, & alapis cadunt, aut fumo fatigant: nam dæmonia fingunt se dolere, aut affigi, ut fatuos decipiant: & ut corpora illa torqueantur. [Barthol. Sibylla loco prænotato questio. 2.]

33 De superscriptis autem omnibus, alijsque multis obseruationibus, hæc generalis doctrina traditur: Ea quæ naturaliter illos effectus producere nequeunt, ad quos efficiendos adhibentur, superstitiosa sunt, & pertinent ad pacta dæmoniorum. Atque etiam hæc: Omnis obseruatio cuius effectus expectatur aliunde, quam ex naturali ratione, vel miraculo vero, vel voluntate diuina, reprobari debet: quia vehementer suspecta est de pacto expresso, vel occulto cum dæmone facto. Proinde obseruare nomina, signa, characteres, & cætera omnia, quæ natura sua nullam virtutem habent, superstitiosum est, atque adeo vehementer suspectum. [Thom. 2. 2. q. 96. & opusculo. 25. de fortibus. c. ult. Gerson tracta. aduersus doctrinam cuiusdam medici. Martinus Arles tractatu de superstitionibus.]

34 Et quamuis lege pontificia veritum sit, ne inquisitores apostolici, de diuinationibus & sortilegijs cognoscant, nisi hæresim sapiant manifeste: plerumque tamen superstitiones, diuinationes, & sortilegia, manifestam hæresim sapiunt, propter scædus cum dæmone factum, expresse vel tacite: quod quidem species infidelitatis & idololatriæ est. Quamobrem inquisitores punire debent, superstitiosos istos præstigiatores, magos, planetarios, excantatores, augures, & id genus alios, qui iuste plerumque flagellis cæsi ad remos mittendi, aut certe relegandi sunt.

35 Diuinus Plato lib. 11. de legibus, inquit: Quando quis nodis, inductionibus, cantibus, similibusque veneficijs ad nocendum paratis, deprehensus est, si aruspex, aut prodigiorum interpret sit, occidatur: sin vero non fuerit, iudex de ipso, quid dare patire debeat, statuatur.

De testibus Titulus LXIIII.

S V M M A R I V M.

- 1 **T**estes unde dicantur, & testimonium quid sit.
- 2 Probatio quæ testibus fit, cur inartificialis dicatur apud rhetores.
- 3 Testibus omnibus non eadem habenda fides.
- 4 Testes cuiusmodi sint considerare oportet, ut docet Cic. in partitionibus.
- 5 Testium mores, naturam, fortunam, animum & statum humanae leges considerare solent.
- 6 Testes esse nequeunt quatuor personarum genera.
- 7 Testes quid admoneri debeant ab inquisitoribus.
- 8 Testis quid in primis iurare debeat coram iudicibus.
- 9 Testes examinandi sunt ab inquisitoribus.
- 10 Testimoniorum fidem diligenter perscrutari debent inquisitores.
- 11 Testium examinatio ab ipsismet inquisitoribus fieri debet.
- 12 Testes, quicumque ij sint, cogi possunt ab inquisitoribus, ut coram eis se sistant.
- 13 Testes quomodo cogi debeant ad perhibendum testimonium, si egregia persona sint.
- 14 Testimonia quando dicenda sint in ceteris criminibus ab hæresi.
- 15 Testes quando recipiendi sint in causa hæresis.
- 16 Testimonia recepta inquirente iudice, aut informatio summam facta neminem damnare debent.
- 17 Testimoniorum recognitio an fieri debeat post litem contestatam.
- 18 Testimoniorum recognitio quando fieri debeat in crimine hæresis.
- 19 Testimonia in causa hæresis nihil refert
- hoc an illo tempore rata fiant.
- 20 Contestatio litis cur necessaria non sit in causa hæresis.
- 21 Testes cur nihil referat in causa hæresis utrum repetantur ante accusationem, vel post litem contestatam.
- 22 Promotor fiscalis instare debet, ut testes coram religiosis viris sua dicta repetant, & testimonia iterent.
- 23 Testes quando repeti possint ante litem contestatam.
- 24 Testes iterum ab inquisitoribus vocandi, & rursus interrogandi sunt, cum obiecta crimina negat reus.
- 25 Testes iterum examinare & interrogare debent iudices, quamvis reus dicat se eos habere velle pro ratificatione.
- 26 Testium publicatio quando fieri debeat, & eorum exemplum quomodo reis exhibendum sit.
- 27 Testium nomina nullo pacto reis ipsis retigenda sunt.
- 28 Rei cur citandi non sint in crimine hæresis ad testium ratificationem.
- 29 Testium nomina reis edenda sunt in alijs criminibus ab hæresi.
- 30 Testium nomina qui in inquisitionibus et visitationibus aduersus iudices & ministros eorum dicunt, ipsis sunt aperienda.
- 31 Testimonio unius hominis plena fides habenda non est.
- 32 Testes duo vel tres necessarij sunt ad plenam cuiusque rei probationem.
- 33 Testimonio unius aliquando habendam esse si dem plenam iurisperiti, probare nituntur.
- 34 Testimonio unius, quando censeant nonnulli plenam fidem habendam esse.
- 35 Testimonio unius nunquam plena fides habenda

- habenda est.
- 36 Testes duo sunt necessarij ad plenam hæresis probationem.
- 37 Participi criminis nullam fidem habendam esse, sunt qui asserant.
- 38 Socio criminis credendum quomodo sit.
- 39 Testimonia, etiam fide dignissimorum hominum, nullum habent pondus in his, quæ ab alijs audierint.
- 40 Testes oculati magnum pondus habent ad faciendam fidem.
- 41 Testificari nequeunt hæretici contra catholicos.
- 42 Testimonium hæretici aduersus hæreticum admittendum est.
- 43 Testimonium hæreticorum quando alias admitti possit.
- 44 Testimonium hæreticorum recipiendum est ad reorum defensionem, ut quidam putant.
- 45 Testibus hæreticis cur nullo modo credendum sit.
- 46 Testimonium contra suos consanguineos dicere in causis criminalibus nemo cogi potest.
- 47 Testimonium dicere tenetur quilibet aduersus consanguineos suos in causa hæresis.
- 48 Testimonium consanguineorum aduersus consanguineos, cur validissimum sit.
- 49 Testimonium falsum qui contra consanguineum dixerit, cur seuerius puniri debeat, quam qui aduersus extraneum.
- 50 Testes, etiam publicatis testimonijs, semper admittendi sunt in causa hæresis.
- 51 Testes cur semper admitti possint in causa hæresis.
- 52 Testes concordēs esse debent, ut fides eis haberi queat.
- 53 Testimonijs illorum plena fides habenda est, qui concordant in rerum substantia.
- 54 Testimonium illorum suspectissimum est qui eundem, præmeditatumque sermonem asserunt.
- 55 Testis legitimus est in causa hæresis is, qui hæreticum iudicibus indicat.
- 56 Testis, qui contra hæreticum dixit, & moriens testimonium suum reuocat, quomodo credendum sit.
- 57 Testis quamuis moriens testimonium reuocet quod dixerat, priori eius testimonio standum est.
- 58 Testis, qui contrarium dicit eius, quod prius testificatus erat, in causa hæresis interdum audiendus est.
- 59 Testi morienti cur magis credendum sit.
- 60 Testimonio posteriori fidem habendam non esse, qui putant, audiendi non sunt.
- 61 Testibus singularibus seu discordibus, tametsi plurimi sint, hæresis probari plene nequit.
- 62 Testes singulares qui contrarij sunt, fidem sibi ipsis abrogant.
- 63 Testes plurimi singulares & prorsus diuersi, perinde sunt, ac si vnus tantum modo testificaretur.
- 64 Testes diuersi & singulares, si de rebus connexis testimonium dixerint, plusquam semiplenam probationem faciunt.
- 65 Testibus singularibus sufficit probare partes ad probandam rem indiuiduam vel continuum actum.
- 66 Testes singulares, qui de singulis speciebus testimonium dicunt, sufficiunt ad probandum aliquid generale, ut multi censent.
- 67 Testibus, qui de singulis speciebus testimonium dicunt, non esse habendam fidem, verior est sententia.
- 68 Testibus singularibus probari posse aliquem hæreticum esse, sunt qui asserant.
- 69 Testibus singularibus probari posse aliquem hæreticum esse, periculosa & falsa

- falsa omnino opinio est.
- 70 Testes singulares non sufficere ad probationem hæresis, rationibus demonstratur.
- 71 Testibus singularibus si hæresis probari posset, multa sequerentur absurda.
- 72 Testibus pluribus singularibus probari posse aliquem hæreticum esse in genere, ineptissime nonnulli dicunt.
- 73 Testes in specie debent sui testimonij rationem reddere.
- 74 Testibus singularibus neque in genere, neque in specie probatur hæresis.
- 75 Testes de eadem specie hæresis testificantur, quamvis singulares sint in loco & tempore, concordant in eiusdem hæresis probatione.
- 76 Tempus & locus non sunt circumstantiæ necessariæ ad probandam hæresim.
- 77 Testibus singularibus cum ad eundem finem tendunt, & plures sunt, & fide digni, fides plene haberi potest.
- 78 Testes quomodo idonei probari possint.
- 79 Testes quomodo refutare possit reus.
- 80 Exceptiones quæ admitti debeant, aduersus testes.
- 81 Exceptiones si iuste aduersus testes obijciantur, admittendus reus est ad earum probationem.
- 82 Consanguinei reorū admittendi non sunt ad probandas exceptiones contra testes accusatoris.
- 83 Testis periurus, qui testimonium suū quod iurauerat se celaturum, patefacit, quomodo puniendus sit.
- 84 Falsi testes quot malorum causa sint.
- 85 Falsi testes qua pœna coerceri possint in causis civilibus.
- 86 Falsus testis puniendus est pœna talionis in causis criminalibus.
- 87 Falsus testis quomodo coercendus sit lege duodecim tabularum.
- 88 Falsi testes hodie non sic damnantur, ut e saxo præcipitentur.
- 89 Falsi testes qui virum catholicum hæreticum esse testantur, omnium pessimi sunt.
- 90 Falsus testis in causa hæresis quomodo puniri debeat.
- 91 Falsi testes qui suo testimonio parum nocuerunt, qua pœna afficiendi sint.
- 92 Falsi testis, qui combustus fuit, virum filij, & nepotes infames sint.
- 93 Talionis pœna non vti debent inquisitores, nisi ob maximam causam.
- 94 Falsus testis in causa hæresis an admittendus sit ad pœnitentiam, si prius veniam petat, quam curiæ seculari relinquatur.
- 95 Falsus testis qui seipsum detulit, mitius puniendus est.
- 96 Testem qui auro, aut quouis alio modo corrumpit, ut falsum diceret testimonium quo pacto puniendus sit.
- 97 Iezabelis facinus.
- 98 Testes si testibus aduersentur, qui alijs sint præferendi.

De testibus.



TESTES a testando dicuntur: nā testari est sententiam nostram exponere. Vnde testes dicti, quod ea, quæ de rei gestæ veritate sentiunt, in iudicium proferant. Testimo-

niū vero est, rei cognitiæ voluntaria confessio. [Authore Arist. lib. rhetor. ad Alexan. cap. de testimonio & testibus. Alciat. in l. plebs est. §. i. de ver. sign.]
2 Probatio, quæ testibus fit, inartificialis apud rhetores dicitur: quia ipsa per se caret arte, & extra causam sumitur, & non

& non colligitur aliqua ratione argumē-
tationum: sed extra dicendi rationem
eam accipit orator. Est autem firmis-
sima probatio, quæ testibus fide dignis
constat, quia hominum scientia nititur.
Vnde diuinis Hebræorum legibus fre-
quentissime cauetur, vt in ore duorum
vel trium testium stet omne verbum.

[Arist. lib. 1. rhetori. cap. vlti. Cicero
in partitioni. orat. c. 1. Fabius. lib. 5.
institu. orato. cap. 1. Deut. 17. nu. 3 §.
c. in omni. c. licet vniuersis. de testi.]

- 3 Caterum non eadem fides omnibus
testibus habenda est. Nam ex perso-
narum qualitate, plus, minusue fidei his
vel illis tribuendum erit. Quamobrem
(sicuti iure consulti docent) multa ex-
ploranda sunt in testibus, scilicet, con-
ditio, dignitas, diuitiæ, paupertas, ami-
citiæ, inimicitia, sexus, ætas, & id genus
alia. Cicero quoque in topicis inquit:
Non qualiscunque persona testimonij
pondus habet. Ad faciendam enim fi-
dem autoritas quæritur: sed authorita-
tem, aut natura, aut tempus affert. Na-
turæ autoritas in virtute inest maxi-
me: in tempore autem multa sunt, quæ
afferant authoritatem: ingenium, opes,
fortuna, ars, vsus, necessitas. Nam &
ingeniosos, & opulentos, & ætatis spa-
tio probatos, dignos quibus credatur
putant, non recte fortasse, sed vulgi opi-
nio mutari vix potest: ad eamq; omnia
dirigunt, & qui iudicant, & qui existi-
mant. [l. 2. cū sequenti. ff. de testibus.]

- 4 Et in partitionibus oratorijs idem Ci-
cero de singulis testibus considerare do-
cet, si forte natura vani sunt, si leues, si
cum ignominia, si spe, si metu, si iracun-
dia, si misericordia impulsī, si præmio,
si gratia adducti testimonium perhibue-
runt. Denique, vt Hadrianus impera-
tor scripsit: quæ argumenta ad quem
modum probandæ cuiquæ rei sufficiāt,

nullo certo modo satis definiri potest.
Alias numerus testium, alias dignitas &
authoritas, alias veluti consentiens fa-
ma confirmat rei, de qua quæritur, fi-
dem. Ad summam, iudex his omnibus
exploratis magis scire poterit, quanta
fides testibus sit habenda. [l. 3. §. 1. ff.
de testibus.]

- 5 Ea tamen hoc loco præterire non po-
tuit; quæ Alexander Theologus his ver-
bis scripta reliquit: Humanæ leges con-
siderarunt quinque in personis testium,
videlicet, mores, naturam, fortunam,
animum, & statum. Circa mores con-
siderarunt duo, propter quæ non debet
fides testibus adhiberi: errorem, & ma-
litiam. Propter errorem, infideles, pro-
pter malitiam, infames repellendos esse
a testimonio constituerunt. Item, circa
naturam duo considerarunt, ætatem, &
sexum. In pueris defectus ætatis obnu-
bilat rationem: in mulieribus sexus
emollit voluntatem, propterea pueros
& mulieres idoneos nō esse ad testimo-
nium censuerunt. Item, circa fortunam
considerauerunt duo: conditionem ser-
uitutis, & aduersitatem paupertatis. Ser-
uitus habet annexum dominationis ti-
morem: paupertas vero temporalitatis
amorem, quæ solent plurimum ad men-
dacium inclinare. Item, circa animum
duo potissimum considerauerunt, in-
tellectum, & affectum: & in intellectu
considerauerunt alienationem rationis,
& in affectu libidinem voluntatis: &
hanc diduxerunt in libidinem iræ, quæ
est in odio, & libidinē concupiscentiæ,
quæ est in desiderio.

- 6 Præterea, libidinem concupiscentiæ cō-
siderauerunt dupliciter: scilicet, quantū
ad se, & quantum ad alios. Et iuxta
hanc distinctionem contingentium ex
parte animi, quatuor genera personarū
ad testimonium perhibendum indigna
esse

esse censuerunt: videlicet furiosos, propter alienationem rationis: inimicos, propter libidinem voluntatis in irascendo: domesticos, propter concupiscentiā voluntatis respectu familiæ: ac multo magis iudicant inidoneum esse testē in re propria respectu sui: quemadmodum beatus quoque Cyprianus eleganter quadam in epistola disserit. Considerauerunt præterea æmulationem, status laicorum & clericorū, & alios personarum defectus: quas ob res multos ad perhibendum testimonium parum idoneos esse censuerunt. Est autem legalitas siue idoneitas personę testificantis, dignitas quædam hominis, cuius testimonio debet fides haberi, absque omni suspitione mendacij. Inidoneitas vero est defectus dignitatis in persona, propter quem fides testi nō habetur ob suspicionem mendacij. [Alexan. Ales 3. p. q. 43. membro. 3. Cypria. episto. 9. lib. 4. Gratian. in patrum decretis. 3. q. 4. & iterum. 4. q. 2. cum seq.]

7 Sed iam ad hereticos reuertamur: quorū aliqui testificari volunt in causā hæresis, moneri diligenter debent ab inquisitoribus, vt ne prece, pretio, ira, odio, aut qualibet alia illicita, vel iniusta causa, villo modo falsum testimoniū dicant. Ad hæc, admonendi sunt vt considerent, quam graue sit & horrendum tanti criminis innocentem aliquē infamare.

8 In primis autem iurare testis debet coram iudicibus, se dicturum omnino veritatem, idque sub forma solemnī, quę fere hodie est eadem ipsa, qua olim accusatores iurare solebant: vt ex Demosthene intelligitur oratione aduersus Cononem, vbi tale iusiurandum memorat: Iuro ego per Deos Deasque omnes, me omnino a Conone perpeßum ea, quę cōqueror: quod si sancte iuro, mul-

ta mihi bona eueniant, neque in posterū quicquam tale accadat: sin peiero, funditus peream & ipse, etsi quid mihi est, aut futurum est. Sic iurant catholici per Deum, & crucē, & sacrosancta Dei euangelia, se dicturos veritatem: quod si fecerint, Deus illos adiuuet: sin autem contra, Deus eos condemnet. Testi autē non iurato fides habenda non est, etiā si vir alioqui fide dignissimus sit. [c. hortamus. 3. quæst. 9. c. nuper. de testibus. l. iurisiurandi. C. eodem titulo.]

9 Deinde, testes examinandi sunt ab inquisitoribus: & coram duobus religiosīs viris, clericis aut monachis rata facere debent sua testimonia, & fideliter scribenda sunt a publico tabellione ea omnia, vel a duobus alijs ad eam rem idoneis. Hoc propterea cautum, vt tot inspecta oculis, tot insinuata sensibus, falsi suspicionem excludant, sicuti Petrus Anchar. ait. [c. vt officium. §. verum. & inibi Domini. c. vlti. de hæret. lib. 6. & illic Anchara.]

10 In eadem autem examinatione inquisitores diligenter perscrutari debent testimoniorum fidem, & subinde testes interrogare multa de ante actis, multa de insecutis, ac de loco, tempore, persona, & cæteris quemadmodum olim ab oratoribus & patronis causarum testes interrogari solebant. Nam cum in hoc iudicio rei, & eorū aduocati, testes interrogare non queant, iustissimum quidem est, vt inquisitores in hac parte patronorum personam induant. Quid? quod in Deuterono. cauetur, vt iudices diligentissime perscrutentur, an testes mendacium dicant. Et ad Galliæ provincias scribens Eleutherius Papa: Iudicantem, inquit, oportet cuncta rimari, & ordinem rerū plena inquisitione discutere. Postremo, ad officium inquisitorum pertinet, vitam & mores te-

stium sedulo inuestigare, quemadmodum quodam primæ instructionis capitulo plenius continetur. [Fabius lib. 5. insti. orato. cap. 1. Deuterono. 19. c. iudicantem. 30. quæst. 5. prima instructio. Hispalen. c. 14.]

- 11 Ad hoc, testium examinatio ab ipsismet inquisitoribus fieri debet: nec vlllo modo est cuiuspiam cõmittenda, excepto si testes iuste sint impediti, & iudices ad eos ire, neque facile possint, neque omnino debeant: tunc enim committere poterunt inquisitores testium examinationem vicario episcopi, vel alteri eclesiastico iudici, aut certe alicui perito, & prudenti viro, qui tabellione siue secretario causæ testimonia scribente, testes diligenter examinare, ac modum & constantiam, & alias testium, & testimoniorum circumstantias ad inquisitores mittere debet. Et ita multis instructionum capitulis cauetur, & iuri & rationi satis consonat. [prima instr. Hispalen. cap. 17. instructio. 4. Toleta. c. 14. Bal. in c. 1. de controuer. inuesti. lib. feudorum. Feli. in. c. cum causam. de testi. Iaso. in. l. admonendi. de iure iuran. col. 101. Couar. lib. 2. var. respo. cap. 13.]

- 12 Possunt autem inquisitores cogere quæcunque testem, etiam si sit persona egregia, vt coram eis se sistat, & in causa fidei catholicæ testimonium perhibeat: hoc enim & iudicum authoritati, & fidei fauori debetur. [glo. in c. 1. de testib. cogen. Domin. in. c. præsentium. de testib. lib. 6. Ludoui. Roma. notabili. 401. Iaso. in. l. ad egregias. de iure iuran.]

- 13 Id tamen prudenter fieri debet, ita vt egregiæ personæ, rogari potius, quam compelli videatur: id etenim vrbanius & modestius est. Præterea, illustres viri, & moniales, & aliæ honestiores soc-

minæ, non sunt facile in iudicium ab inquisitoribus trahendi: sed vel ad has personas iudices ire, vel certe alios mittere debent: quod quidem ex dignitate, authoritate, honestate, alijsque testium qualitatibus constituendum erit. Cæterum, Vrgulanæ (quam supra leges amicitia Augustæ, Tiberij temporibus extulerat) potentia adeo nimia Romanæ ciuitati fuit, vt testis in causa quadã, quæ apud senatum tractabatur, venire dedignaretur. Missus est prætor qui domi interrogaret: cum virgines vestales in foro, & iudicio audiri, quoties testimonium dicerent, vetus mos fuerit. Author Corn. Tacit. lib. 2. annali.

- 14 In cæteris criminibus testimonia dicenda sunt intra dilationem partibus concessam ad probandum, & procedi non debet ad receptionem testium lite non contestata, quemadmodum in causis ciuilibus planius id constitutum est. [cap. accedens. 2. cap. quoniam. vt lite non contestata.]

- 15 Sed in causa hæresis, in qua inquisitio iudicis officio fieri solet, dubiũ non est, quin testes recipiendi sint lite nondum contestata. [c. quoniam frequenter. §. sunt & alij vt lite non contestata.]

- 16 Ex testimonijs tamen receptis inquirente iudice, aut informatione summatim facta, nemo damnari debet, nisi testes in ordinario iudicio fuerint repetiti, & rata fecerint sua testimonia. Et hæc quidem sententia ab omnibus probata est: quia citandus est reus, vt testes cognoscat, & eos eorũque dicta refellat. [c. 2. de test.]

- 17 Hic autem illud queritur, an recognitio testimoniorum fieri debeat post lite contestatam. Et in alijs quidem criminibus nulla dubitatio est: sunt enim testes repetendi reo citato, vt ante dixi.

- 18 Quid ergo in crimine hæresis, in cuius probatione reus citandus non est?

Ac mea

- Ac mea quidem sententia, cum id com-
mode fieri nequit, opus non est, ut di-
cta testium rata habeantur intra dila-
tionem temporis a iudice assignati ad
probandum: quia cessat causa, propter
quam id leges exigunt. [cap. ultim. de
hæret. lib. 6. Felinus, Decius, & cæteri
in cap. 2. de testibus.]
- 19 Accedit huc, quod si verum est, sicuti
est, quod in causa hæresis nomina testiu-
non sunt edenda reo: quid refert utrum
hoc an illo tempore rata testimonia fiant?
Frustra expectatur euentus, cuius nullus
est futurus effectus. l. hæc stipulatio. §.
diuus. ff. ut lega. seu fid. com. no. cau.]
- 20 Ad hæc, in causa hæresis proceditur
simpliciter, de plano, sine iudiciorum
strepitu & figura: quo casu litis conte-
statio necessaria non est, ut Clemens V.
constituit. [c. ult. de hære. li. 6. Clemen.
sæpe. de verborum significatione.]
- 21 Deinde in examinatione testium adhi-
bentur duo religiosi ac discreti homines,
qui loco rei absentis testes cognoscant:
& saluum ius est reo refutandi testes &
eorum testimonia, cum dicta eorum fue-
rint publicata: nihil ergo interest, utrum
testes repetantur ante accusationem, vel
post litem contestatam. [cap. ut officiu.
§. verum. de hæret. lib. 6. cap. quonia
in princ. ut lite non contest.]
- 22 Vigilet ergo promotor fiscalis, & in-
stet, ut testes coram religiosis viris sua
dicta repetant, & testimonia iterent: ne
forte moriantur, aut absint, antequam
lis contestetur. Iudices autem hoc dene-
gare non debent, ne probationes pereant:
sed quæcunque iusta aut probabilis cau-
sa esse videatur, testes iterum producendi,
& (ut vulgus loquitur) ratificandi sunt.
- 23 Iusta causa est repetendi testes ante
litem contestatam: si testes ægri sunt
morbo graui: si diu absuturi sint: si
reus ipse est absens, aut præsens quidē,
- sed nondum comprehensus, neque in
carcerem coniectus: denique si testes
curiæ seculari relinquendi sunt. [c. quo-
niam frequenter. ut lit. non con.]
- 24 Cum autem obiecta crimina negat reus,
tunc accusatione a promotore fiscali
post admonitiones edita, testes iterum
ab inquisitoribus vocandi, & rursus
interrogandi sunt. Quod fieri solet non
osteso illis priori testimonio, ut rectius
intelligi queat, utrum vera vel falsa dicant:
Mendacem enim (ut proverbio dicitur)
memorem esse oportet: quamuis in alijs
causis aliud fieri debeat, ne testis anceps
periurum subire cogatur. [Felin. in c. cum
in tua. de testib. Nicol. Boer. decis. 108.]
- 25 Præterea, cum in hac posteriori testiu-
examinatione, omnis fere testimoniorum
pondus consistat, quamuis reus dicat se
habere velle testes, ut vulgo dicunt, pro
ratificatis, nihilominus iudices eosdem
iterum examinare & interrogare debent:
ne forte defensio reorum pereat, cui ne
nominatim quidem renuntiare queunt,
ut alibi dixit. [l. si non defendantur. de
pæn. glos. & interpretes in. l. pactum
inter. de pact.]
- 26 Post hæc, publicatio testium fieri de-
bet: & eorum exemplum reo dandum
est, illis duntaxat circumstantiis omissis,
ex quibus reus facile intelligere possit,
qui sint illi, qui contra eum perhibue-
runt testimonium. Inde est, quod reo
dari non solet hora, neque dies, quibus
testes dicunt crimina fuisse commissa,
nisi forte id reus petat, ut se defendere
queat: sicuti alibi diximus. Item exem-
plum testimoniorum describendum est
a secretarijs, & ab inquisitoribus excu-
tiendum & corrigendum, & alterum
exemplum inferendum est actis proces-
sus. Præterea, ita reo dari debet te-
stimoniorum exemplum, ut plane in-
telligat, an testes de his quæ ab alijs

audierunt, vel de his quæ ipsi viderunt testificari sint. Et ita multis instructionum capitulis, & senatus epistolis continetur. [prima instru. Hispal. cap. 16. Bart. in l. solum. C. de testi. Abb. Deci. & cæteri in c. causam. q. 1. eod. tit.]

27 Cæterum, in hac testimoniorum publicatione nomina testium reis edenda non sunt: quia semper graue periculum ex ea re immineret testibus: vel certe causis fidei vniuersis. Nam pauci admodum inuenirentur, qui aduersus hæreticos testimoniū perhibere vellent. Quas ob res constitutione quadam extravagante Innocentij. v. r. prohibetur, ne nomina testium reis ipsis vlllo pacto retegantur. Verba constitutionis hæc sūt: Volumus vt nomina tam accusantium prauitatem hæreticam, quam testificantium super ea, nullatenus publicentur, propter scādalum vel periculū, quod ex publicatione huiusmodi sequi posset: & adhibeatur dictis huiusmodi testium nihilominus plena fides. Sic olim Socrati accusato de hæresi, ne nomina quidem accusatorum dicta fuerūt. De qua re apud Platonem in apologia Socrates ipse conquerebatur, dicens: Accusatores perimulti sunt, & longo iam tempore me accusant, & in ea ætate vobis suaserunt, in qua plerique vestrum pueri, aut certe adolescentuli perfacile credidistis, deserta in causa nemine me defendente: atque id quod a defensionis ratione omnium alienissimum est, neque nomina quidem illorum scire licet atque proferre. [c. vlti. de hereti. lib. 6. extrauag. Innocen. v. r. in directorio inquisitorum impressa. fol. 52. contra Paul. Paris. conf. 2. lib. 4.]

28 Hinc est, quod in crimine hæresis non debet citari reus ad ratificationem testium, ne illos cognoscat: quamuis in omnibus alijs criminibus, ad cognoscē-

dos testes rei citandi sint. [l. de vno quoque. de re iudic. l. nam ita diuus. de adoptio. authen. de testib. §. & hic vero multoties. Ludou. Roma. singula. 366. Hippoly. consilio. 8. Ludou. Care. de hæreti. nu. 121.]

29 Sic etiam in cæteris quibuscumque criminibus nomina testium reis ipsis edenda sunt, vt testes refutare possint, & innocentiam suam ostendere, quod sane fieri semper debet, etiam si per inquisitionem procedatur: ne per nominum occultationem infamandi, per defensionis vero denegationem, perhibendi falsum testimonium, improbis audacia præbeatur: etenim defensionis facultas nulli vnquam auferenda est. [c. qualiter. 2. §. pen. de accusa. l. defensionis. de iure fis. lib. 10.]

30 Quæ omnia multo magis locum habere debent in inquisitionibus & visitationibus, quæ aduersus iudices & ministros eorū fiunt. Sunt enim positi quasi signum ad sagittam: neque possunt omnibus placere, cum ex officio teneantur, litigantes plurimos quotidie increpare, in carcerem & exilium mittere, multa re, condemnare, ac nonnunquam poena mortis punire: vnde fit, vt sepiissime in multorum odium incurrant, & insidias patiantur. Quod Cicero pro Flacco elegantissime his verbis depingit: O conditiones miseras administrandarum ciuitatum & prouinciarum, in quibus diligentia plena simultatum est, negligentia vituperationum: vbi seueritas periculosa est, liberalitas ingrata, sermo insidiosus, assentatio perniciofa, frons omnium familiaris, multorum animus iratus, iracundiæ occultæ, blanditiæ apertæ: venientes prætores expectant, præsentibus inseruiunt, abeuntes deserunt. Demosthenes quoque adolescentem monere solebat, ne ad rem publicam

blicam se conferrent, affirmans, si duæ essent viæ ab initio propositæ, vna quæ ad rempublicam, altera quæ ad interitum aperte ferrent: essentque manifesta illa, quæ gerentes respublicas subire oportet, formidines, inuidias, odia, calumnias, simultates, contentiones, certamina, illam potius electuros esse homines, quæ ad interitum ferret. Author Plutar. in Demosthene. Ipse quin etiâ Plutar. in politi. inquit: Quævis reipublicæ administratio inimicitias & dissidia quædam affert. Quas ob res nomina testium aperienda sunt omnibus etiâ magistratibus, si modo id necessarium erit ad eorum defensionem, quemadmodum lege regia plane constitutum est. In visitationibus vero non eduntur nomina testium, quia neque pœna ordinaria imponitur. [c. qualiter. 2. de accusati. regia. l. 11. tituli. 1. lib. 8. ordinati. cap. 1. de accusa. lib. 6. Paulus Parisius consilio. 2. lib. 4.]

31 Illud palam est, vnius hominis testimonio plenam fidem habendam non esse: quod non tantum legibus humanis, sed etiam diuino iure frequentissime constitutum est. Lex enim Deutero. ait: In ore duorum aut trium testium peribit, qui interficietur: nemo occidatur vno contra se dicente testimonium. Et iterum: Non stabit testis vnus contra aliquem, quidquid illud peccati & facinoris fuerit: sed in ore duorum aut trium testium stabit omne verbum. Et lib. Numero. Homicida sub testibus punietur: ad vnius testimonium, nullus condemnabitur. Et in euangelio Matthæi: Adhibetecum vnum vel duos, vt in ore duorum vel trium testium stet omne verbum: quod & alibi sepe cauetur. [Deutero. 17. & 19. Nume. 35. Matth. 18. Ioan. 8. 2. Corin. 13.]

32 Plurimis quoque Pontificum & Cæ-

sarum constitutionibus id ipsum renouatum est. Et quamuis olim apud ciues Romanos magna esset Catonis auctoritas, nihilominus tamē orator quidam, cum vnico testi credendum non esse diceret, Neque si Cato, inquit, is foret. Author Plutar. in Catone Vticensi. Duo itaque vel tres testes necessarij sunt ad plenam cuiusque rei probationem: quia vnus facile corrumpi & peruerri poterit: plures vero quam duo vel tres in quacunque causa requirere, graue admodum atque adeo impossibile foret. [l. vbi numerus. de testib. cap. licet vniuersis. eo. tit. episcopus Abulen. in Deuter. c. 19. quæstio. 4. Domin. Soto. lib. 5. de iust. & iur. quæst. 7. arti. 2.]

Sanctus Thomas in episto. ad Hebræos cap. 10. lectio. 3. inquit: Quia in iudicio vnus affirmat, alter negat, non plus credendum est vni, quam alteri: multitudini autem est credendum. Omnis autem multitudo cōpletur numero ternario: & ideo sufficit, quod sint duo cum accusante, sed tertius testis superadditur ex abundantia. Et idē diuus in euangelium Ioannis cap. 8. lectione. 2. Duorum hominum testimonium verum est: intelligendū est, quod pro vero in iudicio est habendum. Cuius ratio est, quia in actibus humanis vera certitudo haberi non potest: & ideo accipitur inde id, quod certius haberi potest, quod est per multitudinem testium: magis enim est probabile, quod vnus mentiatur, quam quod multi.

33 Plures autem sunt exceptiones, quibus iuris periti probare conantur, vnico testi nonnunquam habendam esse plenā fidem. Sed vtunque res habeat in causis ciuilibus, in causis criminalibus tamen vni testi credendum non est: id enim periculosissimum pariter & iniquissimum esset. [Guilel. in speculo iur. de testib.]

- de testib. §. restat. Anto. & Felin. in cap. veniens. 1. cod. titul.]
- 34 Ceterum, ille casus césura dignus est, in quo multi putant vnus testimonio plenam fidem habendam esse: tunc, sci licet, cum quispiam de proprio facto testificatur. [l. quæro. §. vlti. de ædilit. edi. l. cum probatio. de proba. l. si quis decurio. C. de fals. l. seruire sponso. de testib. l. interrogari. C. de quæst. Oldra. consil. 95. Salice. in l. si quis decurio. Paul. Castren. in l. quicumque. C. de seru. fugit. Alexan. consil. 197. lib. 7. Firmia. in reposito. parte, testes duo. Socin. senior, consil. 28. lib. 3. Ruinus. consil. 105. lib. 4. Decius consil. 342. & 650. Alciat. in l. 1. §. vltim. de verbo. oblig. Matth. de Afflict. Neapolitana decisione. 369. Hippolytus consil. 111. & consil. 113.]
- 35 Sed queniadmodum paulo antea ostēdimus, diuinis & humanis legibus frequentissime prohibetur, ne in detrimentum alterius, vni testi plene credatur. Parui autem refert, vtrum de facto proprio, an de alieno quispiam testimoniū dicat: cum securius homines in facto suo mentiri, quam in alieno possint. Neque est, meo quidem iudicio, cur in hoc magis, quam in illo, veraces aut mēdaces esse credantur: par enim est virobique eiusdem hominis testimonij pōdus. Quod si qua sunt iura, quæ prima fronte ob stare videantur, ea vel de ministro reipublicæ, cui fides haberi solet in realiqua leuissima officij sui, vel de seruo loquuntur, cui nonnunquam creditur in damnum leue domini sui. Quæ quidem iure singulari constituta sunt: neq; ad exemplum trahi debent in grāue cuiuspiam detrimentum. Et ita plurimi iuris periti tradunt, quibus assentior. [Cinus & cæteri in l. si quis decurio. C. de fals. Anton. in c. cum a nobis. de testib. Alex. consil. 192. lib. 6. idem Alex. & Iaso. in l. 2. §. si absens: si ex noxa. cau. aga. & ambo in l. neque is. de acqui. hæred. Paul. Castren. consil. 337. lib. 1. Curtius senior tract. de testib. conclu. vlti. Caro. Ruinus consil. 19. & consil. 65. lib. 5. Tiraquel. de retract. §. 1. glo. 14. num. 50. Syluanus consil. 17. lib. 1.]
- 36 Duo igitur testes necessarij sunt ad plenam heredis probationem: sed opus est vt sint fide digni, & omni, quod aiunt, exceptione maiores. Hinc est, quod quāuis excōmunicati & socij criminis non repellātur omnino, vt ne testimonium dicere queant aduersus hæreticos, defensores, receptatores, & cæteros omnes suspectos, non tamen plena fides talibus testibus habenda est, nisi cum ex verisimilibus coniecturis, ex numero, ex personarum qualitate, alijsque circumstantijs, vera eos dicere perspicuum fuerit. [c. in fidei fauorem. de hæreti. lib. 6. & illic Archidiano. Anchar. & alij. Hippolyt. Marfil. consil. 109. & iterum singulari. 209. & rursus in practica. §. diligenter. nume. 60. Gonsal. de hæret. prauit. quæst. 13. Albert. lib. de agnoscen. assertio. catholic. quæst. 34. Coras. lib. 5. Miscella. cap. 20.]
- 37 Sunt autem qui putant participi criminis nullam fidem habendam esse, nisi tormentis testimonium eius fuerit confirmatum. [cap. penult. §. quæstio. 5. Fulgos. consil. 171. Hippolyt. consil. 109. Gratus consil. 59. lib. 2.]
- 38 Verior tamen sententia eorum est, qui aiunt, socium criminis testimonio suo indicium facere, maius aut minus personarum qualitate, & criminum, & aliarum rerum circumstantijs: idq; etiā si sponte sine tormentis testimonium dixerit. Neque enim ex libero homine, pro testimonio non vacillante quæstionem

nem habere oportet. [l. ex libero. de quæstio. c. penul. §. quæst. 5. & inibi. glos. & interpretes. regia lex. 21. titul. 16. p. 3. & l. ultim. titul. 7. lib. 2. fori legum. cap. 1. de testib. lib. 6. & illic doct. glos. & alij in l. si filium. C. de liberal. causa. Alexan. conf. 120. lib. 7. Corne. conf. 58. lib. 1. Ruinus conf. 158. lib. 5. Iason in l. 4. §. si tibi indicium. de condi. ob turp. caus. Aymon. conf. 178. lib. 1. Cassan. in consue. Burg. rub. 1. §. 5. Boherius decisione. 319.]

39 Tamen si autem fide dignissimi testes sint, nullum tamen erit pondus testimoniorum suorum, nisi de his, quæ plane scierint, non de his, quæ ab alijs audierint, testificentur. Quod scimus loquimur, inquit veritas, & quod vidimus testamur: & testimonium nostrum non accipitis. Et Sapiens in proverb. Qui quod nouit loquitur, iudex iustitiæ est. Demosthenes quoque in oratione. 2. in Stephanum, dixit: Manifestæ impudentiæ esse, ea testari quibus testis non adfuit. Et mox addit: Leges autem non ita loquuntur: sed quæ norit aliquis, & quibus gerendis interfuerit, ea testari iubent, atque tabulis inscribere: ut neque adimere liceat quicquam, neque addere his, quæ scripta fuerint: rem vero e viuente auditam testari non sinunt. Et Fabius: Gentium simul vniuersarum eleuata testimonia ab oratoribus scimus, & tota genera testimoniorum, ut de auditionibus: non enim ipsos esse testes, sed iniuriatorum afferre voces. [Ioan. 3. Proverb. 12. Quintili. lib. 5. cap. 1. l. testium. C. de testib. c. licet ex quadam. eodem titulo. & vtrobique interpretes. Alex. Ales. 3. par. quæst. 45.]

40 Huc accedit Plautus in Truculento dicens: Pluris est oculatus testis vnus, quam auriti decem. Qui audiunt, audita dicunt: qui vident, plane sciunt.

Et incertus ille author, qui Echnæ montis carmina scripsit, hæc inter alia inquit:

Non illic duce me occultas scrutabere causas:

Occurrent oculis ipsa, cogentque facteri.

Mille sub exiguo ponent tibi tempore veras

Res: oculique docent, res ipsa credere cogunt.

Nec locus ingenio est, oculi te iudice vincent.

Et Philo libro de confusione linguarum: Visus certus, potius quam fallax auditus, testis adhibendus est. Quapropter in optime constituta republica, lege cautum est, ne quis audita dicat pro testimonio: quia iudicium auditus naturaliter facile est corruptibile. Apud Mossem quoque inter verita legitur: Non admittes auditionem vanam. Vbi non tantum interdicit, ne quis falsum sermonem aut stultum accipiat auribus: sed docet, quod ad manifestam veritatis perceptionem, longe minus quam visus idoneus habeatur auditus, cum sit refertus vanitatibus. Idem Philo lib. de iudice: Qui auritos testes accipit, vane non sane accipit: nam oculi rebus ipsis interueniunt, & contrectant quodammodo negotia, totaque percipiunt, adiuvante luce, per quam illustrantur, deprehendunturque omnia: aures autem minus fidei habent, quam oculi, ut quibus non cum rebus ipsis sit commercium, sed cum sermonibus rerum interpretibus, non semper veritatem sectantibus.

41 Præterea, hæretici cum sint excommunicati & infames, testificari nequeunt contra catholicos. Quod primo apostoli decreuerunt, deinde Pontificum & Cæsarum legibus sæpe renouatum & constitutum est: postremo maiores nostri,

- stri, canonibus. 4. concil. Toletani, id ipsum inseruerunt, addita ratione: quia sicut in fide Christi, suspecti sunt, ita in testimonio humano dubij habentur. [Apostoli. cano. 74. c. non potest. c. Pagani. 2. q. 7. c. beatus. 3. q. 4. cap. suspectos. 3. q. 5. l. quoniam. C. de hæret. nouella cōstitutio Iustiniani. 45. & 4. concil. Toletano. can. 62.]
42. Hæretici vero testimonium aduersus hæreticum admittendum est: vt (quod Iustinianus inquit) dignus sit testis litigatore, actalis qualis est reus. Neque enim hæreticus in alio reprobare pōtest mores, quos in se approbat. [l. quoniā. C. de hæret. & inibi Godofred. l. in arenam. de inoffi. testam. l. eum qui. §. Iulianus. de furt. c. si hæreticus. 2. q. 7. Lucas in. l. veterani. C. de vetera. lib. 12.]
43. Et sicuti quibusdam placet, hæreticorū testimonium admitti potest vtraque parte approbante: vel cum rem a se gestam explicant, adhibitis tormentis: vel cum testimonium perhibent in causis grauioribus, idest hæreseos, simonię, læsę maiestatis, expilatę annonę: quibus casibus eis creditur, si verisimilia dicāt, vel sint plures numero. [Bart. Iaso. Alciat. in l. 1. C. de sum. Trinit. Brun. lib. 5. de hæretic. cap. 10.]
44. Sunt etiam qui putant recipiendū esse testimonium hæretici ad reorum defensionem, vt ne facultas probandi innocentiam reis auferatur. [Felin. in cap. de cætero. de testib. Guillel. Benedi. in c. Rainuntius. de testam. part. qui cum alia. num. 250.]
45. Sed meo quidem iudicio vix vnquam opiniones istę recipiendę sunt. Primo, quia nullo iure probantur: deinde, quia legibus multis palam aduersantur: postremo, quia cum hæreticis omne commercium catholicis est interdictum, omnisque communicatio prohibita. Non igitur hæreticis testibus vllō modo credendum est: excepto si forte tormentis fatigati, occultum aliquid, & reipublicę vtile patefecerint. Ad summam, iudex magis scire poterit, quanta fides talibus hominibus sit habenda. [l. 3. §. 1. de testibus.]
46. Illud præterea nouisse cōueniet, quod quamuis consanguinei iure ciuili cogi non possint, vt in causis criminalibus contra consanguineos testificentur: si tamen sponte aduersus eos testimonium perhibent, plena fides illis, perinde atq; alijs testibus extraneis habenda est. [l. lege Iulia cum seq. de testib. & illic Bar. l. reg. 11. ti. 16. par. 6. & l. vlt. ti. 13. p. 7.]
47. Sed hoc amplius in causa hæreseos constitutum est, vt consanguinei teneantur contra consanguineos & propinquos testimonium dicere: ac tanto firmitus eorum testimonium, quanto a suspitione odij consanguinei longius absunt. [Deut. 13. cap. si audieris. 23. q. 5. cap. literas. de præsumpt. & ibi Abb. gl. in cap. vlt. de testi. lib. 6. Aimon. Crauenta conf. 220.]
48. Accedit eodem, quod qua ratione sua cuique confessio plurimum nocet, cum e contrario testimonium in rem suam nullius ponderis sit: eadem omnino ratione, validissimum est consanguineorum aduersus consanguineos probabile testimonium, cum contra in fauorem eorum nihil aut parum prodesset. Nam quemadmodum nemo vnquam carnē suam odio habuit, sic etiam nemo consanguineos suos gratis odio habere existimandum est: cum his enim amicitia (vt inquit Cicero in Lælio) natura ipsa peperit. [l. 1. C. de confes. l. omnibus. C. de testib. ad Ephesios. 5. cap. non æstimemus. 13. quæstio. 2.]
49. Hinc est, quod seuerius puniri debet qui falsum testimonium dixerit contra consan-

consanguineum, quam qui aduersus extraneum: sicuti docet eleganter Demosthenes priore in Stephanum oratione, dicens: Propter quod igitur Stephanus exilio in primis dignus est, id ex me audite. Iniquum est quemcunque tandem opprimere falso testimonio, sed multo iniquius & grauius vindicandum in cognatos: Non enim scriptas tantummodo leges talis homo, sed ipsius etiam naturæ coniunctionem euerit. [l. capitulum. §. omnia admissa. ff. de poen. Confert. l. 1. cum seq. ad leg. Pom. de parric.]

50 Et quamuis publicatis testimonijs non admittantur testes super eisdem articulis, vel prorsus contrarijs: in causa tamen hæresis semper admittendi sunt, siue in fauorem rei, siue contra illum. Et hæc est sententia recepta communiter, quam varijs in locis asserunt Bal. Angel. Feli. & ingens agmen. [cap. fraternitatis. de testib. Clem. vlt. eo. tit. Bal. in. l. eos. §. si quid. C. de appel. Angel. in. l. per hanc. C. de temporib. appellat. Domin. in. c. ut officium. §. verum. de hæreti. lib. 6. Felin. in. d. c. fraternitatis. Alberti. in. c. 1. de hæreti. lib. 6. quæst. 16. num. 19. Ludoui. Care. tracta. de hæreti. num. 124.]

51 Cuius sententiæ fundamenta sunt hæc. Primum, quia publicatio secreto fieri solet, quamobrem suspicio corruptionis testium in his causis cessat. Alterum, quia plurimum reipublicæ Christianæ interest, ut veritas in hoc iudicio quocunque tempore manifesta fiat, ne vel hæresis impunita sit, vel iniuria puniatur innocens. Tertium, quia per inquisitionem contra suspectos proceditur: quo casu testes semper sunt recipiendi. [c. constitutis. 2. de testib. Bar. & ceteri in. l. 2. §. si publico. de adulter. Authen. atqui semel. C. de probati. Innoc. Ho-

stien. & alij. in. c. cum clamor. de testi.]
52 Testes autem concordēs esse debent, ut fides eis haberi queat: nam testes varij non modo fide carent, sed falsi esse facile deprehenduntur. Sic testes illi, qui contra Susannam testificabantur cōuicti fuerunt a Daniele. Sic pessimi testes, qui contra Christum dominum falsum testimonium dicebant, norantur ab euangelista, quia non erant conuenientia eorum testimonia. Sic etiam cum Sceuinus & Natalis diuersi olim interrogati, non congruentia responderent, exorta suspicio fuit, eos cum alijs multis aduersus Neronem coniurasse: unde factum est, ut quæstione habita, & coniuratione patefacta, & ipsi, & Seneca, & Lucanus ciues mei celeberrimi, & ceteri omnes perirent. Sicuti Cornel. Tacitus lib. 15. annalium memorat. [Danie. 13. Marci. 14. l. eos. & illic Bartol. ad l. Corne. de fals. Felin. in. c. cum in tua. de testib. & alibi sæpe.]

53 Cæterum, eorum testimonio plena fides habenda est, qui concordant in rerum substantia, quamuis in accidentibus, aut leuibus circūstantijs discrepēt. Nam & memoria hominum labilis est, & harum rerum obliuio facilis. [c. nihil obstat. de verbo. significa. l. quæ extrinsecus. de verbo. obligat. l. qui sententiam. C. de poen. l. 2. §. si quid autem. de veter. iure enuclean. l. peregre. de acquire. posses. Bart. in. l. eos. de fals. Bal. in. l. de quibus. de legib. Fulgo. conf. 161. Corneus consil. 34. lib. 4. Aretin. conf. 60. Alex. consil. 5. lib. 1. Socin. senior consil. 244. li. 2. Thom. 2. 2. quæstio. 70. arti. 2.]

54 Quinimo qui eundem, præmeditatūque sermonem asserunt, suspectissimi sunt: videri enim possunt, ad perhibendum eisdem verbis testimonium, ante coniurasse. Quam suspensionem theo-

- logi multi, & iurisperiti plurimi considerandam esse frequentissime docent. [1. 3. §. 1. de testib. Ioan. Chrysost. super Matthæ. homil. 1. & illic Theophylactus in fine exordij. Tho. 2. 2. quæst. 70. ar. 2. Domin. Soto. lib. 5. de iust. & iur. q. 7. artic. 2. Bal. conf. 121. lib. 2. Alexand. conf. 137. lib. 6. Decius cōf. 627. Hippolyt. conf. 1. Gratus cōf. 75. lib. 1. Paul. Paris. consilio. 55. lib. 4.]
- 55 Quamuis autem in eadē causa, nemo esse possit pariter accusator & testis: is tamen qui iudicibus hereticum indicat, (quem veteres indicem, vulgus hodie denunciatores appellat) testis legitimus est. Neque enim vllō priuato modo talis testis mouetur, sed zelo sanctissimo religionis ad publicam ecclesiæ catholicæ vtilitatem, vt hæreticus corrigatur. Quod si is qui fraterna correctione vtitur, in numero testium habendus est, multo id magis fieri debet, cum ad publicam etiam reipublicæ vtilitatem iudicibus hereticus indicatur, & ita vtimur. [c. in omni. de testib. Domini. Soto. de ratio. regend. secret. mēb. 2. q. 4. & iterum lib. 5. de iust. & iur. q. 6. ar. 2. conclusionē. 4.]
- 56 Quæsitum scio, si testis contra quempiam de crimine hæresis, coram iudicibus testificatus sit, & postea moriens testimonium illud reuocauerit, cui nam testimonio maior fides habenda sit. Multi putant, priori testimonio, non autem posteriori credendum esse. [1. generaliter. C. de non nu. pec. l. 1. §. si quis filium. de carbo. edi. c. sicut. de testib. Bart. in l. eos. de fals. Abb. & Philipp. Decius in. c. per tuas. de probatio. Alexan. conf. 251. lib. 6. Cornel. conf. 58. lib. 1. Socin. senior consil. 253. lib. 2. Feli. in. c. literas. de præsumpt. Albert. in. c. 1. de hæret. lib. 6. quæst. 16. nu. 72. Boherius decis. 108.]
- 57 Huius sententiæ rationes magni roboris sunt, quia prius testimonium coram iudice solenni iuramento præstito, dictum fuit: posterius vero priuatim, & sine iurando perhiberi solet. Sed etsi cōtra prius testimonium, in posteriori iurauerit, iam eo ipso planissime constat, eū esse periurum, cui fides habenda non sit. Accedit eodem, quod ex priori testimonio, ius alteri quæsitum est, quod idem testis ab eo auferre non potest. Postremo, prius testimonium suspitione caret, posterius vero aliorum persuasione dictum præsumi potest. Quam suspitionem olim Demosthenes oratione aduersus Phormionem eleganter obiecit Lampidi testi, dicens: Lampis, quo iste nritur, testimonium dicit, cum ab initio negarit, se recipisse aurum: vos vero decernentes eum recepisse, non futuri estis testes negotij? & ijs quæ vere dixit, non vtemini pro argumento? quæ vero commentus est deinceps, postquam corruptus est, ea credibilia esse existimabitis? Atqui multo iustius est Athenienses ex his quæ ab initio dicta sunt, coniecturam capere potius, quā ex his, quæ postea concinnata fuerunt, nam ea non edoctus, sed veritatis studio dicebat: hæc posteriora per mendacium, & ad suam vtilitatem.
- 58 Tamen si autem suprascripta sententia plerumque vera & recipienda sit, in causa tamen hæresis audiendus est interdū testis, qui contrariū dicit eius quod prius testificatus erat. Scilicet cum apparuerit manifestis indicijs, eum non leuitate, odio, aut pretio, sed zelo catholicæ fidei testimonium prius velle corrigere. Quod tunc sane intelligi poterit, cū probabilē causam retractationis ostenderit: & verisimilibus argumentis & coniecturis posterioris testimonij verius esse existimari possit. [c. accusatus. §. licet. de hæret. lib.

lib. 6. Curti. senior consil. 69. Hippolyt. consil. 109. Couaru. lib. 2. variarū resolutionum cap. 13.]

59 Ac tanto quidem magis morienti credendum est, quanto minus ad peccadū eo tēpore audax est. Quis enim credat eum qui moritur, mentiri, ac falsum testimonium dicere? Nihil a morientibus fingitur, inquit Fabius: nihil enim vita laborante simplicius: moriens quidem existimandus non est immemor salutis eterne, cū locus salubri penitentię non relinquitur. Spes enim longioris vitę maxime fascinat homines, eosq; ad peccandum audaces facit: qua destituti morientes, pręterita peccata plangere, non autē alia noua committere solēt: Quādiu hic sumus, inquit Chrysostomus, anima voluptatum illecebris delinita, tristitia ægre admittit animo: cū vero migratura ex corpore est, tunc iā maiore continetur metu, quippe quę ad ipsa iudicij peruenit limina. Cū enim pulsare animam, metus mortis incipit, ignis instar, pręsentis vitę omnia succidens, philosophari eam cogit, & futura sollicita mente versare. [Fabius declama. 17. Signorol. conf. 78. & 106. Alex. cōf. 14. lib. 3. Feli. in. c. exhibita. de homici. Guillel. Benedi. in. c. Rainutius. de testam. parte, in extremis positus, nu. 19. Hippolyt. i. pract. §. restat. Ludo. Rom. & loā. Igneus in. l. si quis graui. §. 1. ad Syllani. Chry. epist. 2. ad Tim. hom. 5. col. pen.]

60 Neque audiendi sunt, qui putant non aliter posteriori testimonio fidē habendam esse, quam cum testis prius testimonium corrigit contra hæreticos in fauorem catholicę fidēi. Nam etsi prima frōte Alexandri 111. constitutio, id plane dicere videatur, mēs tamen legislatoris aliud proculdubio vult. Aequalitas enī seruanda est in iudicijs inter accusatōrē & reum: neque fauorabilior esse debet

hæresis resectio, quam innocentis a tam graui crimine liberatio. Quid? quod fauorabiliores reis esse debemus, & ad absoluendum, quam ad condemnandū proniores: longeque satius est, nocentem absolvere, quam innocentes punire. [c. accusatus. §. licet. de hæret. lib. 6. l. scire oportet. §. aliud. de excusa. tutorum. l. ex facto. de vulga. & pupil. l. vlt. C. de fructi. & lit. expen. l. in sacris. 3. & ibi Lucas, & Ioan. de Plate. C. de prępos. sacro. scriu. lib. 12. l. fauorabiliores. de regul. iur. l. Arrianus. de actionib. & obligatio. l. absentem. de pœn.]

61 Item, illud sciendū est, quod testibus singularibus, seu discordibus, tametsi plurimi sint, hæresis probari plene nequit: opus enim est ad integram probationem, vt saltem duo testes concordēs sint. [c. licet causam. de probat. c. licet vniuersis. de testib. Bal. conf. 394. lib. 2. Anton. in. c. cum oporteat. de accusat. Ioan. lup. allegatione de hæresi. §. 12. Albertinus referens plures, in. c. 1. de hæret. lib. 6. quęstio. 16. num. 54. Hippolyt. cōf. 109. Boerius, decisione 342. Paulus Parisius consilio. 2. lib. 4.]

62 Qua in re partitio a Baldo tradita consensum fere omnium meruit. Is enim ait, Testes singulares, vel contrarios, vel omnino diuersos, vel fere ad eundem finem tendere: qui contrarij sunt, fidem sibi ipsis abrogant: sunt enim eorum testimonia sese refellētia, & inter se collidentia: & non modo plenam probationem non faciunt, sed interdum etiā, vt falsi puniendi sunt. [Bal. in. c. licet causam. de probatio. Daniel. 13. c. ex tenore. c. cum causam. de testib. Aymon de antiquit. par. 4. §. sed enim.]

63 Testes autem plurimi singulares & prorsus diuersi, perinde sunt ac si vnus tantummodo testificaretur. Si enim primus de hac, secundus de illa,

tertius de alia re longe diuersa testimonium dixerint, & plurimi alij similiter, nihilo magis aliquid gestum esse probabunt, quam si vnus tantum perhibuisset testimoniū: quia re vera singuli seorsum de singulis testantur. [cap. nihilominus. 3. q. 9. Bal. in l. iuris iurand. C. de testib. Decius cons. 649. Aymon loco prænotato, nu. 4. & 7.]

- 64 Si vero testes diuersi & singulares fuerint, de rebus tamen connexis, vel de his quæ ad eundem finem tendunt, testimonium dixerint: quamuis in causis criminalibus plena fides illis non sit habenda, nihilominus tamen plusquam semiplenam probationem faciūt. [Bal. in c. licet causam, de probatio. Felin. in c. licet ex quadam, de testib. Decius consil. 650. Aymon loco memorato, nu. 8. cum seq. & consil. 35. & 73. & 78.]
- 65 Cui confine est, quod ad probandam rem indiuiduam, vel continuum actū, sat est vt partes eius probentur per testes singulares: verbi gratia, Ad probationem plenam sacrificij Eucharistiæ, sufficit quod a singulis testibus, de singulis eiusdem sacrificij partibus testimoniū perhibeatur: & ita plerique iurisperiti tradunt, quibus ego vehementer assentior, quia in toto consentiunt. [l. 3. in principio. de acqui. possessio. glos. in c. nihilominus. 3. quæstio. 2. Felin. citās plurimos in c. licet ex quadam, de testi.]
- 66 Illud quoque multis placere video, quod ad probandum aliquid generale, sufficiant singulares testes, qui de singulis speciebus testimonium dicant. Veluti ad probandam iurisdictionem generalem, satis sit, quod singuli testes de singulis speciebus, aut actis iurisdictionis testificentur: quia omnes, vt isti aiūt, in generali iurisdictione concordant. [Glo. in l. ob carmen. §. vltim. de testib. Innocen. Bal. Anto. Abb: Ioan.

Imolen. & alij a Felino relati, in c. licet ex quadam, de testibus. Anchar. consil. 277. Alexan. consil. 92. lib. 5. Aretin. consil. 60. Corne. consil. 34. lib. 2. Hippolyt. consil. 1. Boherius decisio. 23. Aymon consil. 73. lib. 1. & plenius lib. de antiquit. part. 4. §. sed enim. Alberti, in c. 1. de hæret. lib. 6. quæst. 16. num. 48.]

- 67 Sed verior sententia est, quod talibus testibus fides non sit habenda: quia in specie propofita, omnes singulares atq; diuersi sunt: neque aliquid inuenitur duobus testibus comprobatum. Vnde relinqui nullo modo potest, quod generalis iurisdicctio probata esse intelligatur: quandoquidem, nulla species eius, duobus testibus probata est. Et ita multi iurisperiti tradunt, quibus accedo. [c. licet causam, de probatio. & inibi Bal. item Hostien. in sum. titu. de testib. §. quæ diuersitas. Innocen. in cap. licet ex quadam, de testib. Ricard. & Bal. in l. ob carmen. §. vltim. de testib. Ioan. Imol. in c. cum oporteat, de accusa. Alex. & alij quos refert Ias. in repe. l. admonendi, de iure iuran. col. 114.]
- 68 Sunt etiam qui aiunt, probari posse testibus singularibus, aliquem hæreticū esse: vtputa, si vnus testis, de quadam hæresi, alius de alia, & alij itidem de alijs hæresibus eiusdem hominis testimonium dixerint: iam probatum erit in genere (vt isti asserunt) hominem illum hæreticum esse. [Iacob. Butri. in l. Arriani. C. de hære. Iacob. de Aret. in l. testium. C. de testib. Bal. in c. cum omnes, de consil. Ioan. Imol. in c. cum oporteat, de accusa. Ioan. Lup. senior tract. de hæret. c. 12. Curtius de testib. concl. 37. Albert. in c. 1. de hæreti. li. 6. q. 16. nu. 51. Aymon Crauet. consil. 78. lib. 1. & loco prænotato. num. 11. Zanchi. c. 13.]

- 69 Horum tamen opinio periculosa est, & omnino falsa. Quamobrem a ple-
risque iurisperitis confutata, & ab in-
quisitoribus iam olim iure quam opti-
mo explosa & eiecta est. [Anto. in c. cū
oporteat. de accu. Ioan. Andr. in c. vt
officium. §. 1. de hæret. lib. 6. & illic
Domini. in §. verum Bal. consil. 394.
lib. 2. Cardin. in Clemen. 1. §. verum.
de hæreti. Salicet. in l. testium. C. de
testib. Alexand. consil. 72. lib. 1. Iaso.
in rep. l. admonendi. de iure iurand.
colu. 114. Philip. Decius in cap. licet
causam. de probatio. Conrad. Brun. li.
4. de hære. c. 9.]
- 70 Quod autem opinio illorum falsa sit
& absurda, cuius etiam semidocto faci-
le perspicuum esse poterit. Nam quem
admodum testibus singularibus atque
diuersis probari non potest hæresis in
specie, vt paulo antea ostendimus: sic
etiam talibus testibus aliquem hæreticū
esse in genere vlllo pacto probari nequit.
Nisi enim aliqua species hæresis duo-
bus aut pluribus testibus plane probata
sit, non potest inde inferri, hæresim in
genere plene probatam esse. Neque
enim inferri potest verum esse in suo ge-
nere, ex eo quod non potest dici verum
in tali specie: vt quidam iurisperiti re-
cte ante nos tradiderunt. [Salicetus in
l. testium. C. de testib. Conrad. Brun.
lib. 4. de hæret. c. 9.]
- 71 Ad hæc, si testibus singularibus proba-
ri posset aliquem hæreticum esse, proba-
ri quoque talibus testibus posset, quem
piam furem adulterum, sicarium, aut
quiduis aliud esse. Par enim ratio, imo
eadē prorsus militat in probatione ho-
rum omnium, atque id genus aliorum
criminum. Deinde probari nequit, Pe-
trum hæreticum esse, nisi aliqua hæresis
ab eo dicta vel facta, pluribus testibus
in specie probetur. Postremo, de sin-
gulis hæresibus accusari, defendi, & con-
uinci, quilibet hæreticus debet, & itidē
ad fidem conuersus errores singulos no-
minatim confiteri & abiurare tenetur:
non igitur sufficere poterit vt probatio
generalis aduersus eum testibus diuer-
sis seu singularibus fiat. Neque est cur
in hæresi probanda recedi possit a regu-
lis iuris: præsertim cum in hoc iudicio,
quia maius periculum vertitur, cautius
sit agendū. [c. vt officium. §. verum. de
hæretic. lib. 6. Bal. consil. 98. lib. 1.
Aymon Craueta consil. 262.]
- 72 Cæterum ineptissimū illud est, quod
ipse audiui quosdam dicentes, pluribus
testibus singularibus probari posse ali-
quem hæreticū esse in genere: ac si pos-
sibile esset, hominem aliquem hæreti-
cum esse in genere. Quod si quispiam
serio id fieri posse cōtendat: iam (vt Au-
gustini verba vsurpem) nemo doctus
risum tenebit, nemo non succensebit in
doctus. Genus est, vt Porphyrius cæte-
rique definiūt, quod prædicatur de plu-
ribus differentibus specie: est sane ge-
nus, vniuersale, generale, & commune,
incertum, confusum, & informe: quod
vere prædicari potest de pluribus diuer-
sis speciebus, aut indiuiduis diuersarum
specierum: quod generale est, nec visu,
neque tactu, neque vlllo sensu compre-
henditur, vt ciuis meus Seneca inquit,
sed cogitabile est. Homo generalis sub
oculos non venit, sed specialis venit, vt
Cicero & Cato. Animal in genere non
videtur, sed cogitatur: videtur autem
species eius, equus, & canis. Et sicut
Mercurius Trismegistus in Asclepiō
inquit: Omnia genera immortalia sūt.
Species vero seu forma in proposito est
certa res, quæ iusta certitudine, qualis,
& quanta sit apparet. Multum autem
interest inter genus & speciem siue for-
mam: genus enim neque videri, nec
tangi

tangi potest: indiuiduum autem, siue forma, tangitur, & videtur, & nullo modo genus esse potest. Itaque probatio in genere, nusquam est, vt rectissime dicit Alciatus. Ex quibus omnibus multisque alijs perspicuum est, tam nō posse hunc, aut illum hominem hæreticum esse in genere, quam species genus esse non potest. [l. si peculium. de manu. testam. Francisc. Titelma. lib. 1. dialecticæ considera. c. 7. Seneca epistola. 59. Alciat. lib. 10. Parergo. c. 16.]

73 Eisdem omnino rationibus euidentissimum est, neminem in genere cinēdū esse posse: neque enim possibile est, probare in genere aliquem cinēdum esse: quia testes in specie debent sui testimonij rationem reddere. Proinde quamuis regia lege pragmatica sancitum sit, vt in huius nefandi criminis cognitione procedatur, sicuti in crimine hæresis, & læsæ maiestatis: nihilominus tamen testibus singularibus, nemo plene conuinci potest, esse cinēdus. Cum autē quidam anno superiori clamaret dicens: probatum esse in genere testibus singularibus, reum quēdam esse cinēdum, me respondisse memini: si nefandum crimen probatum est in genere: pœna similiter irrogetur in genere: saluum sit indiuiduum: & cinēdus in genere, si liber, comburatur. [Vide Paul. Parisi. consil. 163. lib. 4.]

74 Ergo, vt a digressione reflectamus ad id, quod erat institutum, neque in genere neque in specie probatur hæresis testibus singularibus. Neque enim hæc probatio excipitur a generali regula iuris. [c. licet causam. de probationi. c. bona. 1. de electio. cap. nihilominus. 3. quæstio. 9.]

75 Duo tamen casus ab ea regula sunt excipiendi. Prior cum testes de eadem specie hæresis testificantur, sed singula-

res sunt in loco & tempore: hi enim concordant in eiusdem hæresis probatione: locus vero ac tempus extraria sunt, & vt iurisperiti loquuntur, non plurificat hæresim sæpius dictam & continuatam. [Salicet. in l. testium. C. de testib. Brun. lib. 4. de hæret. c. 9. Albert. lib. de assertio. catho. quæst. 34.]

76 Horum sententia verissima est, vt mihi quidem videtur. Primum, quia tempus & locus non sunt circumstantiæ necessariæ ad probandam hæresim. Deinde, quia diuersitas testium in alijs, quam in substantia, non abrogat fidem eorū. Ad hæc, perinde facit hæreticus, qui varijs locis & temporibus, eandem hæresim repetit: ac fur, qui id, quod rapuit & furatus est singulis testibus ostendit, varijs temporibus & locis. Postremo, absurdum admodum esset, vt seductor quispiam singulos homines totius populi, seorsum doceret suas hæreses, & tamen vniuersorum testimonij conuincere non possit: quod nemo sanus probabit. [Thom. 2. 2. q. 70. arti. 2. Bart. in l. eos. ff. de falsi. cuius sententia communiter est recepta. l. inficiando. §. infans. ff. de furtis. & inibi Bart.]

77 Excipitur & posterior casus, cum testes singulares ad eundem finem tendunt, & plures sunt, & fide digni. Nam si eorum testimonia verisimilia sunt, iudex poterit plenam fidem eis adhibere. Quod quidem a plurimis traditum, & vsu forensi receptum est. [l. 3. §. 1. & l. ob carmen. §. vlti. ff. de testib. Paul. & Cacialup. in l. admonendi. ff. de iureiuran. Brun. li. de indic. col. 3. Socini. conf. 262. lib. 2. Scevola. conf. 3. De cius consil. 163. Curtius iunior consil. 106. Crauet. consil. 78. Hippolyt. singul. 114. & in l. 1. §. ad quæstionem. ff. de quæstio. Tiraquel. de pœnis. causa. §. 1. nu. 106. Syluanus consil. 36.]

- 78 Post hæc, de refutandis testibus quædam sunt adiicienda: quia sola eorum reiectione reorum causæ nonnunquam defenduntur. Est autem locus a testibus, & contra testes iureconsultis rhetoribusque communis. Multa enim pro testibus, & contra testes ab utrisque dici solent. Sed ea quæ pro testibus dicuntur, breuiter cõcludi possunt: quia qui libet bonus esse præsumitur, donec probetur contrarium. A testibus itaque dicitur secundum auctoritatem & vitam testium & constantiam & verisimilitudinem testimoniorum. [l. scire. §. sufficit. de excusat. tutorum. c. 1. de scrutin. & lib. 2. rhetor. ad Herennii.]
- 79 Contra testes vero dicere poterit reus, eos esse infames, fures, raptores, & facinorosos, excommunicatos, seruos, pauperes, & perfidæ nationis. Id quod eleganter facit Cicero, in oratione pro Lucio Flacco, qui testes græcos nimium eleuat, dicens, nullam grauitatem, nullam constantiam, nullum firmum in græcis hominibus consilium, nullam denique testimonij fidem: perditos græcorum mores vsque ad danda mutuo testimonia. Hæc & id genus alia multa ad refutandos testes obijci possunt. [c. testimonium. de testib. & inibi gl. & interpretes. Aristo. rhetoricæ ad Alexan. c. de testimo. & testibus. Cicer. lib. 2. rhetoricæ, ad Herennium. Fabius. lib. 5. institut. orato. cap. 7. Trapezuntius lib. secundo cap. 1.]
- 80 Hæc tamen omnia in causa hæresis fidem testimoniorum eleuant, sed testes ipsos penitus non refellunt. Quamobrem a iudicibus cõsideranda sunt, non autem a reis probanda. Verum exceptiones illæ aduersus testes admitti debent, quibus probatis perspicuum esse possit, eos, non zelo iustitiæ, sed malignitatis fomite perhibuisse testimonium. Ut si

- dicatur, quod testes aduersus reum conspirarunt, aut quod inimici sunt, vel subornati, aut quippiam simile. [c. in fidei. de hæreti. lib. 6. c. per tuas. 1. de simon. c. repellantur. c. cum oporteat. c. cum dilectus. de accusat. c. cõspiratores. 3. quæst. 4. Paul. Parisi. cons. 2. lib. 4.]
- 81 Cum autem exceptiones iuste aduersus testes obijciuntur, admittendus est reus ad earum probationem. Qua in re testes caute sunt interrogandi: ita ut quoad fieri possit, eos lateat, qui fuerint illi testes, qui contra reum perhibuerunt testimonium. Id vero fiet interrogando testes a reo productos, non solum de inimicitia, vel conspiratione testiũ, sed etiam aliorum hominum, qui non dixerunt aduersus reum testimonium. Quod prudenter admodum quadam senatus epistola plenius cautum est.
- 82 Ad probandas exceptiones contra testes accusatoris, non sunt admittendi consanguinei reorum intra quartum gradum: sicuti repelluntur in probatione defensionis oblique, seu indirectæ: quoniam pœna hæreticorum ad dolorem & iniuriam consanguineorum porrigitur. Et ita multis senatusconsultis veteribus & nouis constitutum est. [cap. filij. de hæreti. lib. 6. l. 2. ff. de liberali causa.]
- 83 Superest, ut de periuris & falsis testibus & errorum corruptoribus cursim aliqua disseramus. Ac primum quæri potest, qua pœna coercendus sit periurus testis, qui iurauit, se celaturum testimonium suum, & postea illud ante publicationem retexisse conuincitur. Respondimus olim crimine stellionatus, extra ordinem, pro modo culpæ ac damni, plectendum esse. Iudices igitur iusto arbitrio poterunt condemnare istum, ut publicam poenitentiam agat: vel poenam pecuniariam soluat:

vel in exilium abeat: vel deridendus publice trahatur: vel fustibus cædatur. Quod si criminis qualitas id forte deposcit, ad triremes etiam condemnari poterit. [l. 3. & l. vltim. de crimi. stel. lio. l. qui falso, & ibi Florian. de testib. cap. si testes. §. item qui falso. 4. q. 3. glo. in l. si duo patroni. §. vltim. de iure iuran.]

- 84 Nunc autem de falsis testibus dicendū est; quorum crimen grauissimum quidem est: ut enim Isidorus inquit lib. 3. de sum. bono: Testis falsidicus tribus est personis obnoxius, primum Deo, quem peierando contemnit: deinde iudici, quem mentiendo fallit: postremo inno cēti, quem falso testimonio lēdit. Quā obrem iustissime multis varijsque pœnis falsi testes puniri possunt. Deū enim citare testem mendacij, scelus est nefarium, ut ait Philo lib. de decalogo. Et post aliqua: Falsi testes multis magnisque molestijs sese inuoluunt: primo sanctam veritatem violant, qua nihil est in rebus sacratius, solis in morē illustrante negotia, ne quid eorum in obscuro lateat. Deinde, notitiam rerum, quasi nocte quadam tegunt, & caligine, & iniustus adiuvant, aduersanturque iniuriā patientibus, dum quæ neque viderunt, neque audierunt, neque cognouerunt, se certo scire & probe tenere asseuerant. Addunt & tertium peccatū peius prioribus: quoties enim defunt argumenta, aut probationes, quæ ex scripto fiunt, ad testes recidit controuersia, quorum verba pro regula sunt iudicibus pronuntiaturs sententiam: necesse est enim ut his solis attendatur, cum nemo adsit iudex alius. Hinc fit, ut qui litem perdūt, grauati testimonio, iniuriam patiantur, cum potuissent vincere: & iudices iniquitatis, non iustitiæ opinionem lucrifaciant. [c. 1. de crimi. fals. Isidor. lib.

3. de sum. bon. c. 59. Iurisperiti in l. 2. C. de reb. credit. & indi. c. 1. de crimi. fal. & in. c. 2. de rescript. & in c. querelam. de iure iurando. et sæpe alibi.]

- 85 In causis ciuilibus falsi testes coerceri possunt pœnā legis Corneliæ de falsis: & insuper condemnandi sunt, ut parri lēse damnum soluant. Lege autem regiā, vsu recepta, damnum datum pendit falsus testis in causa ciuili, & præterea quintus quisque dens ab eo publice euellitur. [l. 1. ad l. Corn. de fals. Paul. Ioan. Andre. & cæteri in. c. 1. de crimi. fals. regia. l. 3. titul. 12. lib. 4. fori. legū.]

- 86 In causis vero criminalibus falsus testis puniendus est pœna talionis. Hoc est eadem pœna, qua reus erat plectendus, si obiectum crimen fuisset ab eo commissum, & plene coram iudice probatum. Quod lege diuina primo sancitum, deinde multis ciuilibus & regijs constitutionibus renouatū est. [Deute. 19. l. 1. §. 1. ad l. Corne. de sic. cap. hæc imago. 33. quæstio. 5. Danie. 13. regia Taurina. l. 83. Alexand. conf. 55. lib. 7. Feli. in. c. sicut. de testib. las. in. §. item si quis postulante. de action. col. 14. & in. l. si legibus. C. si cont. ius vel vtil. publi. Calsan. in consuet. Burgund. rubrica decima. columna vltima. Coaruuias libro secundo variarum resolutionum. cap. 9.]

- 87 Lege quin etiam duodecim tabularum falsus testis e saxo Tarpeio, quod miræ altitudinis erat, præcipitabatur. Verba legis hæc sunt: Qui falsum testimonium dixisse conuictus fuerit, e Saxo Tarpeio decisor. Quæ pœna cum fortasse nimis dura Phauorino philosopho visa esset, Sextus Cæcilius iureconsultus hæc inter alia dixisse fertur: An putas Phauorine, si nō illa etiam ex duodecim tabulis de testimonijs falsis pœna aboleuisset: etsi nunc quoque, ut antea, qui

qui falsum testimonium dixisse conuictus esset, e saxo Tarpeio deiiceretur, mentituros fuisse pro testimonio tam multos, quam videmus? Acerbitas ple- runque vlciscendi maleficij bene atque caute viuendi disciplina est. [author Aul. Gel. lib. 20. nocti. Attica: cap. 1.]

88 Hodie vero nemo sic damnari potest, vt e saxo præcipitetur. Ea tamen pœna olim vñtata fuit, non solum apud Romanos, vt ex Plutarcho in Romulo, & item in Camillo, & ex alijs plurimis constat: sed etiam apud nostrates, vt ex ipsis legibus septipartitis, quibus facile intelligere poterit. Illud tamen non est silentio inuoluendum, quod Cornelius Tacitus lib. 5. annalium retulit: Mariũ quendam Hispaniarum ditissimum, Tiberij tēporibus delatum, incestasse filiam, saxo Tarpeio deiectum iuste fuisse. [1. sidiutino. de pœnis. regia. l. 6. tit. 31. part. 7. Seneca controuers. 3. & rur- sus declamatione. 3. lib. 1. regia. l. 9. titul. 18. & l. pe. titu. 21. p. 2.]

89 Si quis autem alius falsus testis pessime delinquit, is profecto maxime, qui vi- rum catholicum, hæreticum esse testa- tur: tum quia sub prætextu pietatis, gra- uissimo periculo innocentem exponit, quippe cum testium falsorum nomini- bus occultatis vix se defendere queat: tum etiam quia impudentius, audacius, & horribilius facinus est, coram inqui- sitoribus & religiosis viris, in causa hæ- resis, quam coram tabellione, aut peda- neo aliquo iudice, falsum testimonium in alia causa dicere. Accedit huc De- mosthenes oratione aduersus Phormio- nem dicens: Alia res est Athenienses, in vestros vultus intuētem, testari falsum, quam apud arbitrum. Apud vos enim, & indignatio vehemens, & pœna pro- posita est mentientibus: apud arbitrum autem secure & impudenter testantur

quidquid collibitum fuerit.

Est quoque falsus testis, qui refert qui- dem verba ipsa rei, sed de his testifica- tur alio sensu, quam prolata sunt: ver- bigratia, si ea non integra refert, vel ait ea fuisse affirmando dicta, cum referen- do, aut interrogando prolata fuerint. Sic diuus Hieronymus in Mattheum c. 26: quærit, quo modo falsi testes sunt, si ea dicunt, quæ Dominum dixisse le- gimus: & respondet statim: sed falsus testis est, qui non eodem sensu dicta in- telligit, quo dicuntur.

90 Falsus igitur testis in causa hæresis re- linquendus est curiæ seculari, & pœna talionis puniendus. Qua in re extat Leonis decimi diploma, quo inquisito- res possunt falsum testem curiæ secula- ri relinquere, irregularitatis securi. Mea tamen sententia, non quilibet falsus te- stis dimittendus est iudicibus seculari- bus: sed ille duntaxat, qui reo notabili- ter nocuit. Neque inquisitores testem, qui falsum testimonium dixit, in pro- batione obiectorum aduersus alios te- stes, punire debent pœna talionis, sed extraordinaria aliqua coercionem: quem- admodum quibusdam epistolis senatus sanctę inquisitionis plenius continetur. [4. instru. Toletana. cap. 11. & supra nu. 76. Socinus senior consi. 103. cum sequenti, lib. 1.]

91 Et si autem summo iure omnes falsi te- stes in causa hæresis comburi possent, bonis etiam publicatis: æquius tamen & benignius est, vt qui falso testimonio parum nocuerunt, extra ordinem pun- niantur: quod quidem frequentissime fieri solet. Falsi enim testes cum hæ- reticis & pœnitentibus in publicum spe- ctaculum trahuntur, mitella picta in- famanteque conspicui (nam hodie quo- que inualuit ea consuetudo, cuius An- gelus & Ias. alijque meminerunt,) dein

QQQ de fu-

- de fustibus cęsi, vel in exilium, vel in triremes mitti, vel alia extraordinaria coercionem puniri solent. [Angel. & Ias. in. l. si duo patroni. §. vltim. de iur. iur. Ioannes Bernard, in pract. cap. 87.]
- 92 Quæsitum fuit, vtrum filij & nepotes falsi testis, qui cõbustus fuerat, infames essent, & alijs pœnis obligati, quibus liberi hæreticorum afficiuntur. Et causidicus quidam non imperitus aiebat, falsorum testium & hæreticorum liberos exequandos esse, ne pœna eorum dissimilis sit. Verum id neque vsquam relatum, neque vnquam receptum est: neque enim eque delinquit falsus testis, qui vni nocere voluit ratque hæreticus impius Christianæ reipublicæ hostis perfider, & exitiosus. Sed etsi demus par esse vtriusque crimen, nulla tamen lege sancitum est, vt liberi falsi testis hæreticorum liberis exequentur. Leges autem pœnales nõ sunt producendę, quamuis par causa id exigere videatur. Etsi enim non desit ratio, deest tamen autoritas & voluntas siue arbitrium legislatoris. [cap. pœnæ. de pœnit. dist. 1. Alfons. Castus lib. 1. de potestate legis pœnalis. cap. 7.]
- 93 Sed talionis pœnæ, quia perquã dura est, in desuetudinem fere abiit: non igitur ea vti debent inquisitores nisi maxima causa. Prætereosciens plurima, quę de pœna talionis diffuse traduntur a plurimis. [Matth. 5. c. hæc autem vita. 23. q. 4. Aristot. & eius interpretes. §. ethi. c. 5. Gelius lib. 20. noct. atticarum c. 1. Thom. 2. 2. q. 68. Episcopus Abul. Exod. 21. q. 26. & iterum Leuit. 24. quæstio. 12. & rursus Matth. 5. q. 322. Budæus in. l. ius ciuile. de iust. & iure. Aleiat. lib. 9. parerg. iuris. c. 8.]
- 94 Quæsitum scio, an testis qui in causa hæresis falsum testimonium dixit, veniam petens antequam curię seculari relinquatur, admittendus sit ad pœnitentiam subeundam, sicut hæreticus ad ecclesiam conuersus admittitur. Cui quęstioni responderetur, parcendum non esse testi pœnitenti: quia hæretico tantummodo id concessum est, vt ad fidem catholicam redeat. Accedit huc, quod cū falsus testis innocentem hæreticum esse testatur, ille pœnitentiam agere non debet, nec errorem aliquem confiteri potest: quippe cum catholicus sit: vnde relinquitur, quod innocens, tanquam pertinax & impœnitens cõdemnandus erat. Iure igitur falsus testis id pati debet, quod fratri suo facere cogitauit. [l. qui ea mente, de furt. Deut. 19. Ioan. de Platea. in. l. 1. C. de grege domi. li. 1. r. Bald. in. l. vlt. C. de accusationib. regia lex Taurina. 83.]
- 95 Sed quamuis pœnitentia testi falso nõ proffit, vt non coerceatur eadem pœna qua hæreticus ad ecclesiam conuersus puniendus erat, mitius tamen agendum est cū eo, qui seipsum detulit: præsertim si alios etiam eiusdem coniurationis socios iudicibus indicauerit. Id enim & publica vtilitas, & ipsa clementia suadet, ac multis etiam legibus & exemplis comprobatur. [l. 1. C. de his qui se defen. lib. 10. & l. 1. de deserto. & occulta. lib. 12. l. quisquis. §. vlt. C. ad l. Iul. maiest. regia l. 5. titu. 2. par. 7. Ioan. Igne. in. l. 3. §. si ex stipulatu. ad Sillanum. 26.]
- 96 Eadem quoque pœna talionis puniri debet, qui pretio aut precibus testem corripuit, vt falsum testimonium diceret: quia eiusdem criminis particeps est. Quinimo plus delinquit is, qui testi mandatum, vel persuadet, vt falsum testimonium dicat, quam testis ipse: quia nocendi animus prior habet, & alium ad idem facinus impellit. Qua ratione eadem omnino pœna coercendus est, qui mandauit

uit alicui vt quempiā testem corruppe-
ret. Quandoquidē ipse primo peccauit,
& alios peccare fecit. Et Iulius Paulus
inquit: initium rei præstitit. [l. non ideo
minus. C. de accus. l. non solum. §. si mā
dato meo. & inibi Bar. de iniuri. l. si ego
quod vi, aut clam. cap. mulieres. §. 1.
& illic Feli. de sent. excom. Clein. l. de
pœni. l. is damnum dat, qui iubet dare.
& ibi Decius & ceteri. de reg. iur. Tiraq.
de pœnis, caus. 37. & seq.]
97 Hoc facinus ante multa secula perpe-
trauit impia illa Iezabel, mandans vt
contra Naboth submitterentur duo fal-
si testes, qui eum blasphemasse dicerēt:
si testes, qui eum blasphemasse dicerēt:
quos diuina scriptura filios diaboli, & fi-
lios Belial, & viros diabolicos nomi-
nat. Illi autem dixerunt contra Naboth
falsum testimonium, scilicet, Benedixit
Naboth Deū & regem. Quamobrē edu-
xerunt eum extra ciuitatem, & lapidi-
bus interfecerunt. Vbi obiter adnotan-
dum est, verbum, Benedixit, pro male-
dixit, per antiphrasim positum esse: id
quod frequentissime in scripturis diui-
nis fieri solet. Siquidem blasphemiae cri-
men, antiquis illis & pijs hominibus,
tam fuit inuisum & execrabile, vt pro-
prio vocabulo ipsum nominare refuge-
rent. Scriptura diuina, vt Chrysost. ait,
benedictis maledicta velauit: vt tū si-

delis discas, cū alieni mali turpia nar-
raueris, eadem verborum honestate ve-
lare: neque honestis turpibus operam
præbens, sed turpium locutionem fu-
giēs. Propterea inquit Apostolus: Omne
verbum turpe non exeat de ore vestro.
Et Philip. presbyter inquit: Non fuit
ausus scriptor historię, ore suo blasphe-
miae verbū exprimere, sciens diuinitati
etiā contrarij verbis dicendis sum-
mam deberi reuerentiam. [3. Reg. 21.
Chryso. homi. 4. de patien. Iob. Ambro.
lib. de Nabuth. c. 11. Franc. Titelm. post
alios in annotati. ad primum. c. Iob.]
98 Postremo, si testes testibus aduersentur,
præferendi sunt plures paucioribus: viri
sceminis: nobiliores plebeis: affirman-
tes negantibus: testes reorum testibus
accusatorum: denique præferendi sunt,
qui probabilia & verisimilia testi-
monia dixerint. [l. quod maior. ad mu-
nicipia. l. ob carmen. §. vlt. de testib. c.
in nostra. cod. tit. c. vlti. de sent. & re-
iudi. glo. in. l. diem proferre. §. si plu-
res. de arbitr. regia. l. 40. cum sequen-
titul. 16. par. 3. Philip. Cornel. consil.
123. lib. 4. Socinus senior consil. 244.
lib. 2. Felin. in cap. in nostra. de te-
stib. Decius in cap. in præsentia. de
probat.]

De tormentis Titulus LXV.

S Y M M A R I V M.

- 1 **Q**uestio quid sit.
- 2 **Q**uestionum & tormentorum vsus multi sapientes viri non probant.
- 3 **Q**uestionibus resistendū esse docet Cic. in partitionibus.
- 4 **Q**uestionum & tormentorū vsus improbat Cic. in libris ad Herennium.
- 5 **T**ormenta improbant diuus Augustinus
- 6 **L**udouicus Vines, & alij.
- 7 **L**udouicus Vines reprehenditur, quod lo-
cum Cic. in oratione pro Deiotaro per-
peram intellexerit.
- 8 **L**udouicus Vines reprehenditur, quod
tormentorū vsus iniquum esse di-
xerit.
- 9 **T**ormentorū vsus necessarium esse.

- 9 Tormenta non condemnant rhetores.
- 10 Tormentorum vsus vni sanctissimi probant.
- 11 Inquisitores torquere possunt & debent vehementer suspectos.
- 12 Tormentis neminem debent iudices exponere, nisi prius an id iura permittat, accuratissime expendant.
- 13 Tormentis quando vtendum.
- 14 Tormentis vt quispiam condemnetur, duo potissimum necessaria sunt.
- 15 Tormentis non debet quispiam condemnari, nisi indicia magna sint, & vehementer vrgentia.
- 16 Indicia vrgentia vbi bene probata fuerint, eorum exemplum reo exhibendum est.
- 17 Torquere hominem inauditum, iniquum est.
- 18 Torqueri vt quispiam possit, exigitur vt accusator id postulet.
- 19 Torqueri possunt hæretici, cum id iudicibus expedire videbitur.
- 20 Hæreticis ad tormenta damnatis sententiæ copia facienda est, vt si velint, appellare possint.
- 21 Iudex qui per imperitiam vel dolo malo aliquem torserit, qua pœna afficiendus sit.
- 22 Indicia arbitrio iudicis aestimanda sunt.
- 23 Torqueri potest reus, si vnius hominis fide digni testimonio infametur, nisi ipse bonæ sit famæ.
- 24 Torqueri posse reum vnius hominis fide digni testimonio infamatum, probatur.
- 25 Torqueri potest reus, cum eius hæreses semiplene probatæ sunt.
- 26 Torquendus nemo est solo testimonio eius qui particeps fuit criminis.
- 27 Confessio criminis extra iudicium facta, ad reum torquendum sufficere creditur.
- 28 Torqueri potest, qui post commissum crimen fugit, antequam accusetur.
- 29 Fugientes, antequam accusentur de commissio criminis, non semper vehementer suspecti sunt.
- 30 Alcibiades & Demosthenes accusati, auferuntur.
- 31 Torqueri potest reus, qui suspectus cum ob sit, vacillat, mentitur, & peierat.
- 32 Vultus & coloris mutatio signum est animi sibi male consensu.
- 33 Torqueri non possunt rei propter solam signa externa vultus, aut similia.
- 34 Torqueri tunc posse reum, cum ab eo crimen fuisse commissum publica fama est, sunt qui teneant.
- 35 Famæ crebra & constantis vis.
- 36 Torqueri propter solam famam non debet reus.
- 37 Torqueri vt quispiam possit propter famam, quid requiratur.
- 38 Fama quam mendax & vana plerumque sit.
- 39 Fama quo pacto a Fabio describatur.
- 40 Famæ mala Tertullianus & Hieronymus enumerant.
- 41 Fama vnde ortum habeat.
- 42 Plebis insipientia & temeritas.
- 43 Plebis vitia.
- 44 Torqueri possunt in crimine hæresis, omnes qui torqueri possunt in crimine læsæ maiestatis.
- 45 Minores viginti quinque annis torqueri possunt propter hæresis suspicionem.
- 46 Torqueri possunt ob crimen hæresis monachi, & sanctimoniales, & religiosi omnes.
- 47 Clericos & religiosos torqueri non posse, nisi infamati sint, quidam asserunt.
- 48 Clerici ob vehementem suspicionem torqueri possunt.
- 49 Clerici & monachi rarius & mitius torquendi sunt.
- 50 Clerici torqueri non debent a ministro seu tortore laico.

- 51 Tormentis occulta crimina debet iudex diligentius explorare.
- 52 Torqueri potest, qui confitetur se dixisse aut fecisse aliquid hæreticum, negat tamen intentionem hæreticam.
- 53 Sententia qua reus ad tormenta damnatur, notificanda est promotori fiscali.
- 54 Iudex præsens esse debet, dum questio habetur.
- 55 Torqueri publice non solent rei apud Hispanos.
- 56 Tormentis reos condemnatos iudices benigne admonere debent, ut veritatem simpliciter fateantur.
- 57 Tormentis condemnati rei, quo pacto a iudice interrogandi sint.
- 58 Tormentis hæretici damnati, quomodo interrogandi sint ab inquisitoribus.
- 59 Tormentis hæretici damnati, non de se tantum, sed de alijs etiam interrogari possunt.
- 60 Torqueri potest suspectus de hæresi, & plene etiam convictus, in caput alienum.
- 61 Tormenta quomodo adhibenda sint.
- 62 Tormenta neque semper, neque in omni causa & persona exercenda sunt.
- 63 Tormenta pro criminum gravitate infligenda sunt.
- 64 Confessio in tormentis extorta nihil reo nocere potest, si reus ipse tormentis inique fuerit expositus.
- 65 Carcer species tormenti est.
- 66 Torquendi si multi sint, a quo incipendum.
- 67 Tormentis extorta confessio non satis est, ut reus condemnatur, nisi eam postea ratam habeat.
- 68 Metus vis & potentia.
- 69 Confessio quando dicatur extorta metu tormentorum.
- 70 Confessio tormentis extorta parum efficax est, nisi post tormenta a reo fuerit confirmata.
- 71 Confessio tormentis extorta quomodo nocere possit reo consentienti.
- 72 Iudex quando & quomodo alloqui debeat illum, quem adit, ut confessionem ab ipso tormentis extortam ratam habeat.
- 73 Ratihabitio etiam necessaria est, quando reus vel testis in tormentis contra alios testificatur.
- 74 Tormenta qui pernegans vincit, hoc ipso obiecta crimina diluit.
- 75 Torqueri iterum quando reus debeat.
- 76 Torqueri quoties possit reus.
- 77 Torqueri reus ter non debet.
- 78 Tormenta sæpius olim repetita iniustissime aliquando fuerunt.
- 79 Torqueri an iterum possit reus, qui postquam in tormentis confessus est, sequenti die confessionem factam negat.
- 80 Tormenta an in causa hæresis repeti possint, cum reus quod tortus fuerat confessus, postea negat.
- 81 Torqueri an tertio possit reus, qui bis tortus bis confitetur, & reuocat.
- 82 Tormenta quando fortassis tertio repeti poterunt.
- 83 Iudices quid in questionibus habendis considerare debeant, ut veritatem explorare possint.
- 84 Indicia non ita perspicua & evidenter esse possunt, ut fallere sæpe non queant.

De tormentis.

1



TORMENTORVM,
& quaestionum vsus
in causis criminali-
bus frequentissimus
est, & inquisitores
apostolici sapissime
reos torquere solent. Quamobrem
non erit alienum, de quaestionibus in
praesentia differere. Quaestio autem
est, vt Arist. inquit, inuita conscij homi-
nis confessio.

- 2 Tot vero ac tanta contra quaestiones
dicta & scripta sunt, vt non desint qui
putent, iniquum esse torquere homi-
nem, quem nondum constat esse nocen-
te. Adde quod quaestio, sicut Vlpianus
ait, res est fragilis & periculosa, & quae
saepe veritatem fallat. Nam plerique
patientia, siue duritia, ita tormenta co-
temnunt, vt exprimi ab eis veritas nul-
lo modo possit: alij tanta sunt impatie-
tia, vt in quouis potius mentiri, quam
pati tormenta velint. Et ita fit, vt etiam
vario modo fateantur, vt non tantum
se, verum etiam alios criminentur. [1.
§. quaestioni. de quaesti.]

- 3 Accedit eodem, quod Cicero in parti-
tionibus oratorijs docet, saepe quaestio-
nibus resistendum esse: quod & dolorē
fugientes multi in tormentis ementiti
persaepe sint, morique maluerunt falsa
fatendo, quam vere inficiando, dolere:
multi etiam suam vitam neglexerunt,
vt eos, qui his chariores, quam ipsi sibi
essent, liberarent. Alij autem aut na-
tura corporis, aut consuetudine dolen-
di, aut metu supplicij, aut mortis, vim
tormentorum pertulerunt: alij ementi-
ti sunt in eos, quos oderunt.

- 4 Idem Cicero, siue quis alter li. 2. rhe-
tor. ad Herēni. Contra quaestiones, ait,
dolori credi non oportere: quod alius

alio sit recentior in dolore, quod inge-
niosior ad comminiscendum, quod de-
niq; saepe scire aut suspicari possit quid
quaesitor velit audire: quod cum dixe-
rit, intelligat finem sibi doloris futurū.
Eis enim qui torquentur, credi nō opor-
tet, quod extorta veritas labore, sitque
tum minus tuta, quod varia sint inge-
nia hominum, varij affectus, varia tole-
rantia. Sunt enim nonnulli constantes
in tormentis, more stoicorum: qui se-
cūri poenarum, securi cruciatuum, ni-
hilo magis veritatem prodant: alij sūt
poenarum impotentes, qui facile men-
tiantur, dum cesset cruciatus.

Diuus quoque Aug. inquit: Iudicia ho-
minum de hominibus, quam sunt mi-
sera, quam dolenda: quid cum in sua
causa quisque torquetur, & cum quaer-
ritur, vtrum sit nocens, cruciatur: &
innocens luit pro incerto crimine cer-
tissimas poenas, non quia illud commi-
sisse detegitur, sed quia non commisisse
nescitur: ac per hoc ignorantia iudicis
plerumque est calamitas innocentis: &
quod est intolerabilius, cum propterea
iudex torqueat accusatum, ne occidat
nesciens innocentem: fit per ignorantie
miseriam, vt & tortum, & innocentem
occidat, quem ne innocentem occide-
ret, torserat. Et post pauca: Hi qui ar-
guuntur vi doloris plerumque superati,
& de se falsa confessi, etiam puniuntur
innocentes: cum iam torti fuerint in-
nocentes: quod etsi non morte punian-
tur, in ipsis vel ex ipsis tormentis pleru-
que moriuntur. Cui addit Ludouicus
Viues: Sic torquemus homines, ne in-
fontes moriantur, vt magis eorum nos
miseret, quam si morerentur: vsque
adeo grauiora sunt saepe tormenta, quā
mors. An non frequentes quotidie vi-
demus,

demus, qui mortē perpeti malint, quā tormenta? & fateantur fictum crimen de supplicio certi, ne torqueantur? Etiam innocentes cogit mentiri dolor, ut Mi mus ait. Et sicut canit Tibullus: Frangit fortia corda dolor. Et Seneca declamatio. 6. inquit: Verba dolor parum consi derat. [Aug. lib. 19. de ciuit. Dei. c. 6. & inibi Ludoui. Viues.]

6 Obiter tamen notandus est error Lu douici Viues, viri alioqui non indocti, qui eodem loco non intellexit, cur Ci cero pro Deioraro dixerit: More maio rum de seruo in dominum, ne tormen tis quidem quæri licet. Nam si ius ci uile ignorauit, quo id frequentissime constitutum est: certe historici, eum id ipsum docere poterant, quorum vnum aut alterum locum breuiter in præsen tia memorabo, quia propositæ materiæ congruunt. Cornelius Tacit. lib. 2. an nual. Libonis causam referens, post alia inquit: Negante reo, agnoscentes ser uos per tormenta interrogare placuit. Et quia vetere senatusconsulto, quæstio in caput domini prohibebatur, callidus & noui iuris repertor Tiberius, man ci pari singulos actori publico iubet: sci licet, ut in Libonem ex seruis, saluo se natusconsulto quæreretur. Flauius quo que Vopiscus in Tacito retulit, Causisse Tacitum imperatorem, ut serui in do minorum capita non interrogarentur, ne in causa maiestatis quidē. Nec enim oportet, ut Iulius Paulus inquit, salutē dominorum, seruorum arbitrio com mitti. Adde quod sicut Aristot. dixit: Magis consentaneum est, seruos aduer sus dominos, quo suum effugiant cru ciatum, ementiri, quam multos dolo res, & corporibus, & animis tolerare, quia nihil mali patientur, ubi mentiri voluerint. [l. vnus. §. seruo. de quæstio nibus. Aristotel. lib. rhetor. ad Alexan.

c. de quæstione. l. 1. & 2. C. de quæst. Carolus Sigonius lib. 1. de antiquo iu re Romanorum, c. 6.]

7 Illud vero grauiori censura dignum est, quod idem Ludouicus Viues, omnē tormentorum vsum condemnans, ait: tyrannicum id esse inuentum, charitati & mansuetudini Christianæ, sed & om ni etiam humanitati contrarium. Ad dit etiam, hoc vtile non esse, & sine dā no rerum publicarum tolli posse. Præ terea, multas esse gentes, & quidem bar baras, quæ serum & immane arbitran tur, torqueri hominem, de cuius faci nore dubitatur: Profecto, inquit, car nifices animos habemus, qui sustinere possumus gemitus, & lachrymas tanto cum dolore expressas hominis, quem nescimus sit ne nocens. Quid? quod acerbam, & perquam iniquam legem sinimus in capita nostra dominari: cum suspiciones tormentis armamus, & ini micis delationibus. Et tandem fortis sima esse ait, quæcunque rhetores con tra tormenta dicunt: quæ vero pro tor mentis futilia & imbecilla.

8 Sed quidquid id sit, quod ille contra omniū fere gētium leges & mores licen tiose tentauit: ambigi sane nullo modo potest, an torquere liceat hominem ve hementer suspectum: id enim vetus & antiquum est: neque tantum apud eth nicos vñtatum, sed etiam apud catholi cos omnes vigent hodie, semperq; mo ribus receptæ sunt in Christiana repu blica iustissimæ leges, quæ torquere ho mines iubent, a viris sapientissimis, & vñu rerum publicarum prudentissimis, non ab insipientibus aut barbaris con ditæ. Neque quispiam est negotiorum forensium vsque adeo ignarus, qui non plane intelligat, nullum fere criminale iudicium, sine tormentis recte tractari aut peragi posse.

9 Neque

9 Neque rhetores ipsi tormenta cōdemnant: quinimo pro quæstionibus æque atque contra quæstiones dicere docent. Ac primum Aristor. inquit: Cum vtile fuerit vehemētem efficere quæstionem, dicendum erit, vt priuatim quidem homines de valde necessarijs, ciuitates autē de maximis rebus ex quæstionibus probationes capiunt, quodque testibus certior est quæstio. Nam testibus mentiri conducit sæpe: quibus autem quæstiones admotæ sunt, veritatem loqui plurimum vtilitatis affert: sic enim cruciatu celerrime liberantur. Et Isocrates in Trapezitico: Videō autem vos quoque neque publicis, neque priuatis in rebus quicquam fide maiore dignum, aut verius existimare tormentis, ac fieri quidem posse vt aliqui subornentur, vt testes sint rerum non factarum: per cruciatu autem exorta testimonia, perspicue ostendere, vtri vera dicant. Cicero quoque rhetorum & oratorū princeps, in Topicis dixit: Facit etiā necessitas fidē, quæ tū a corporibus, tū ab animis nascitur. Nam & verberibus torti, & igne fatigati, quæ dicunt, ea videtur veritas ipsa dicere. Fabius item, quæstionem vera fatendi necessitatem vocat. Et Seneca in Troade: Verberibus, igne, morte, cruciatu eloqui quodcunque celas adiget inuitam dolor: e pectore imo condita arcana eruet: necessitas plus posse, quam pietas solet. Quid attinet plura de his? Plenæ sunt orationes veterum ac nouorum. [Arist. rhetor. ad Alex. c. de quæstio. Fabi. li. 5. insti. orato. c. 4.]

10 Viri quin etiam sanctissimi hæc cadē fere dicere solent. Beatus Cyprianus tractatu illo elegantissimo, contra Demetrianum inter alia inquit: Torqueri debui si negarem, sicut in cæteris quæstionibus torquentur rei, qui se negant, crimine quo accusantur, teneri: vt facino-

ris veritas, quæ indice voce non promittitur, dolore corporis exprimatur. Et in fine tractatus, de idolorum vanitate: Dolor tormentorum, veritatis testis est. Item Ambrosius li. 2. de Caim & Abel: In iudicijs secularibus impositi equuleo torquentur negantes: & quædam tangit iudicem misericordia confitentis. Et Eusebius pontifex ad episcopos Galliæ scribens, ait: Veritatem diuersis cruciatibus & latebris suis religiosus tortor exigere debet: vt dum pœnis corpora subiiciuntur, quæ gesta sunt fideliter & veraciter exquirantur. Neque diuus ipse Augustinus quæstiones istas reprobatur, quinimo fatetur ingenue, leges, quæ reos torquere iubent, ciuitatibus in quantalibet pace manentibus deesse non posse: neque iudicem sapientem ab his abstinere debere, quippe cum constringat eum humana societas, quam deserere nefas ducit: cui quidē prodesse intendit, ne crimina sint impunita. Nec facit hæc nocendi voluntate, sed necessitate nesciendi: & tamen quia cogit humana societas, necessitate etiā iudicandi. Hæc sunt verba diui Augustini, quæ quidem non solum gentilibus, & de gentilibus (vt Ludouicus Viues cominiscitur) sed generaliter omnibus, ac de omnibus etiam Christianis dicta fuisse quibus facile intelliget. Ac de his quidem satis arbitror dictū. [Hester, 12. Ambrosii. lib. 2. de Caim & Abel. cap. 9. cap. penul. 5. quæst. 5. August. lib. 19. de ciuitat. Dei. c. 6. c. circumceliones. 23. quæst. 5. Ioan. maior. in lib. 4. sent. distinct. 15. quæst. 22. Siluester, in summa verbo, inquisitio. 2. §. nono.]

11 Tamen si autem inquisitores clerici & sacerdotes esse soleant, nihilominus torquere possunt & debent vehemēter suspectos, vt errores confessi cōuertantur & viuant. Eodem enim fine Paulus tradidit

- tradidit Corinthium Satanæ in interitū carnis, vt spiritus eius saluus fieret. Ille hæreticum interficit (vt apud Hieronymum est) qui hæreticum eum esse patitur. Cæterum nostra correptio viuificatio est: vt hæresi moriens, viuat catholica fidei. [1. Corinth. 5. Hieronymus lib. 3. aduersus Pelagianos.]
- 12 Verū quia plurimi & periculosissimi sunt abusus iudicum in quæstionibus, vt Galindus noster in apologia & inuestiua commemorat, & nos ipsi eius rei testes sumus, iudices omnes hortamur, vt ante oculos Deum habentes, neminē prius torqueant, quam id fieri iura permittant: aliud enim facere zelus esse fortasse poterit, sed iniquus sane, & non secundum scientiam. Inde enim facile fit, vt innocens male torqueatur, & extorta falsa confessione, multo peius iniustiusque damnetur.
- 13 In primis autem animaduertere oportet, non esse a quæstionibus incipiendū: sed ita demum ad eas veniendum esse, cum suspectus est reus, & alijs argumentis ita vrgetur, vt sola eius confessio deesse videatur. [l. 1. de quæstionib. l. milites. C. cod. titul. cap. cum in contēplatione. de regul. iuris.]
- 14 Duo igitur necessaria sunt contra reū: primum, vt suspectus sit: alterum, vt vrgeatur argumentis & indicijs verisimilibus. Sed multa præterea requiruntur, vt reus torqueri possit: nimirum vt indicia singula duobus aut pluribus testibus plene probata sint. [glos. communiter approbata. in. l. vlt. C. famili. herciscun. Innoc. in cap. sicut. de simon. Bart. & cæteri in. l. vlt. de quæst. Angel. Paris. Brunus, & innumerabiles alij relati ab Hippolyto in. l. 1. §. idem Cornel. de quæstionib. & in pra. §. diligenter.]
- 15 Neque satis est quod indicia plene probentur, nisi magna sint & vehementer vrgentia. Leuia enim argumenta, efficacia non sunt ad torquendum hominem. [l. milites. C. de quæstio. regia. l. 26. titul. 1. p. 7. gl. communiter approbata in. l. cum probatio. de probationibus. Bartho. & cæteri in. l. vlt. de quæstio.]
- 16 Vbi autem indicia vrgentia plene probata fuerint, necesse etiam est, vt eorum exemplum, siue copia reo detur, & ei concedatur dilatio ad ea diluenda, & suam innocentiam probandā: id enim & natura æquum est, & iure probatur, & ab omnibus iuris peritis cōmuniter traditur. [l. vnus. §. cogniturum. ff. de quæst. l. 3. §. si ad diē. de re milit. Clem. Pastoralis de re iudi. c. 1. de cau. possess. & propri. Bart. & cæteri in. l. vnus. de quæstionib. Iaso. consil. 175. Bosius titul. de indicijs. Alciat. lib. 8. parerg. cap. 21.]
- 17 Crudelis profecto & iniquus est iudex, qui contra diuina & humana iura hominem inauditum torquet. Nam de sensationis facultas, quæ iure naturali omnibus concessa est, nulli vnquam deneganda est: nec eum excusare valet zelus puniendi maleficia, est enim (vt paulo ante dixi) prauus, & non secundum scientiam. Quid? quod nō sunt faciēda mala, vt veniant bona: iuste sunt exequenda, quæ iusta fuerint. Nam si recte offeras, recte autem non diuidas, peccasti. Quid? quod satius est (vt Vlpianus inquit) impunitum relinquere facinus nocentis, quā innocentem damnare. Quod si nemo damnandus est in causis ciuilibus iuris ordine non seruato, quanto id minus fieri debet in homine quantumlibet suspecto torquendo? De paruula summa iudicaturō tibi res sine teste non probaretur, testis sine iureiurando non valeret, vtrique

- parti dares actiones, dares tempus, non semel audires: (vt ait Seneca lib. 2. de ira) & hominē torquere audes antequam illi vel indicia nosse liceat, vel testes. [Genes. 4. & 18. l. defensionis factas. C. de iure fisc. lib. 10. Actorum 25. cap. super eod. de vsur. l. absentē. de poen. l. prolatam. C. de sent. & interlocutio. omnium iudicum.]
- 18 Demum exigitur, vt accusator postulet reum torqueri. [l. vlt. ff. de calumni. l. de minori. §. tormenta. l. patre vel marito. de quæstio. l. quamuis. i. cum glo. C. de adulter. l. quicunque. de seruis fugitiuis.]
- 19 Sed etsi promotor fiscalis nō postulet vt hereticus torqueatur, torqueri tamen debet, si id iudicibus expedire videbitur. Neque enim accusatoris negligētia vel imperitia damnosa debet esse rei publicæ, cuius plurimum interest, ne impij sint impuniti. Adde, quod in his causis, solemnia iuris non sunt obseruanda, & officio iudicis inquiritur ad publicam vtilitatem. [cap. vlti. de heret. li. 6. cōiuncta Clem. sæpe. de verb. signi. l. congruit. ff. de officio præsid. l. 2. §. si publico. de adult. l. 1. C. vt quæ defuncti ad uocatis.]
- 20 Si vero reus nihil probauerit, quo indicia diluar, & suam innocentiam ostēdat, tunc iudex eum condemnare poterit ad id genus tormenti, quod in eadem prouincia fuerit vsitatum: cuius sententiæ copia eidem reo fieri debet, vt appellare possit. Qui si appellauerit, audiendus est, iterum probare volens quæ non probauerat, & appellationi eius deferendum est, si modo non sit manifeste friuola: neque prius sententia exequenda est, quam a iudice superiori fuerit confirmata, vel appellatio tanquam friuola reiecta sit. [l. ante sententiam, de appellat. recipi. l. per hanc. C. de tempo. appel. cap. cum appellationibus friuolis. de appel. lib. 6.]
- 21 Iudex autem qui per imperitiam hominem torserit, non seruatis ad vnguē omnibus supra scriptis, tenetur pro modo damni & culpæ reo satisfacere, non modo in foro ciuili, sed etiam in foro conscientiæ. Si vero dolo malo torserit hominem, hoc iuris ordine prætermisso, puniri etiam seuerius arbitrio iudicis debet. [l. vlt. de var. & extraord. cogni. l. vlt. C. de poen. iudi. qui mal. iudi. §. 1. inst. de obliga. quæ ex qua. deli. nas. Lucas in. l. 2. C. de nūm. & actua. lib. 12. Felin. in cap. tua nos. de homicid. Gabr. in lib. 4. sent. dist. 15. quæst. 6. Franc. Brun. de indicijs. q. 7. secūdæ partis. Hippolyt. in. l. 1. §. Præterea. ad l. Corn. de fica. & in pract. §. succesiue. Bossius tit. de tortura.]
- 22 Hactenus de ordine procedendi vsq; ad executionem sententiæ satis fere diximus: sequitur vt pauca (quæ primo loco dici oportuit) de indicijs nunc disseramus. Ac primum, cum argumenta, signa, & indicia, quibus suspectus est reus, ex varijs circumstantijs personarū, temporum, locorum, & aliarum rerum orientur, nulla certa regula comprehendendi possunt: quamobrem arbitrio iudicum æstimanda sunt. Sed leuiter moueri non debent iudices ad torquendos homines: opus enim est vt ad eam rem indicia vehementer vrgeant. [Bar. in l. vlti. de quæstionib. Bal. Angel. Alex. Feli. & alij sexcenti, quos citat Hippolyt. in pra. §. diligenter.]
- 23 Cæterum, quædam conclusiones communi iuris peritorum consensu in hoc tractatu traduntur: quarum vna est, Quod vnus tantum hominis fide digni testimonio reus infamatus torqueri potest. Si vero reus fuerit vir bonæ famæ, necesse est, vt alia etiam indicia probentur.

- bentur. [gl. in. l. 3. C. ad leg. Iul. mar-
tist. Bart. & alij in l. Martius. de quæ-
stionib. Signorol. conf. 237. Alex. cōf.
180. lib. 2. Gulliel. Benedi. in. c. Rai-
nutius. de testam. parte, adiectæ im-
puberi. num. 34. Hippolyt. conf. 65.
Boherius decisio. 163. Paul. Paris. cōf.
151. lib. 4. & complures alij.]
- 24 Comprobatur etiam hæc eadem sen-
tentia regis legibus septipartitis, & no-
minatim in causa hæresis a multis asser-
ta est. [regia. l. 10. tit. 11. part. 3. & l.
3. tit. 30. part. 3. Matth. Card. & Ioan.
Imolen. in Clem. 1. de hæret. Franc.
Squilla. tractatu de fide catho. cap. 31.]
- 25 Illud præterea memoratu dignum est,
quod capite quodam primæ instructio-
nis Hispalensis generaliter continetur,
scilicet, ut reus torqueri possit, cum hæ-
reses eius fuerint semiplene probatæ.
Quod magno quidem argumento est,
neminem torqueri posse, nisi crimina,
quæ commississe dicitur, semiplene sal-
tem probata sint. Et eodem fere ten-
dunt omnes omnium iurisperitorum
sententiæ. Proinde cum testis vnus fi-
de dignus semiplenam probationem
faciat, perspicuum est ad reum suspe-
ctum & infamatum torquendum testi-
monium eius sufficere. [Prima instruct.
Hispalen. cap. 15. glo. communiter ap-
probata in. l. bonæ fidei. C. de reb. cre-
dit. & in. l. admonendi. de iure iuran.
& inibi Iaso. in lectura, col. 25. & in
rept. colu. 87. Curtius iunior num. 51.
Fran. Ripa num. 175.]
- 26 Hinc est, quod solo testimonio eius
qui fuit particeps criminis, nemo tor-
quendus est, nisi alijs quoque verissimi-
bus indicijs vrgeatur. [l. 4. C. de quæ-
stionib. c. vlt. 15. q. 3. regia. l. vltim.
tit. 7. lib. 2. fori legum. Bal. cōf. 95.
lib. 1. & conf. 79. lib. 3. Ias. in. l. 4.
§. si tibi. de condi. ob turp. caus. Hip-
polyt. in pract. §. diligenter. Boheri. de-
cisione. 319. Blanchus in. l. vlti. ff. de
quæstionib. num. 378.]
- 27 Inde etiam fit, ut confessio criminis
extra iudicium dicta, ad reum torquen-
dum sufficere credatur, quia semiplenā
probationem facit, si modo duobus aut
pluribus testibus plene probata sit. [l.
vlt. de interroga. actio. glo. recepta
communiter in. l. cap. 5. de adulter.
Bart. & cæteri in. l. vlt. de quæstionib.
Abb. & alij in c. arti clerici. de iudic.
Hippolyt. in. l. de minore. de quæstio-
nib. vide Alberti. lib. de agnos. assertio.
catho. quæst. 25. num. 3. cum seq.]
- 28 Ex eodem fonte nascitur, quod is qui
post commissum crimen fugit, antequā
accusetur, poterit ob eam causam tor-
queri: quia ut plerique putant, fuga il-
la semiplenam probationē facit. Aliud
esse aiunt, cum reus accusatus fugit, tūc
enim fuga non probat semiplene. [Glo.
in l. in bonæ fidei. C. de reb. credi. &
in l. admonendi. de iure iurando, vbi
Franc. Ripa testatur hanc esse commu-
nem opinionē. Oldra. conf. 65. Bart. in
l. 1. de bonis eorū. Ias. in eadem. l. ad-
monendi, & illic Ripa, & cæteri. Decius
cōsilio. 234. Boherius decis. 215.]
- 29 Sed quāvis hæc plurimis persuasa sint,
meo tamen iudicio, neq; iure aliquo, ne-
que vrgenti ratione probatur. Suspectus
est, fateor, qui fugit post commissum cri-
men: sed ea suspicio, cū ex varijs persona-
rum & rerū circumstātijs maior aut mi-
nor esse queat, certa quadā regula defini-
ri nō potest: sed necessario id arbitrio iu-
dicis relinquendū est. Sed qui fugit, aut
latitat sine iusta causa, vehemēter suspe-
ctus est. Ut enim Sapiens ait, Fugiet im-
pius nemine persequente. Nonnunquā
tamen innocentes fugiunt, veriti scuitiā
iudicum, aut potentiam inimicorū, aut
falsos testes, aut quippiam simile: qui

quidem propterea torquendi non sunt.

[*l. Fulcinius. §. quid sit autem latitare.*

quib. ex caus. in pos. eatur. Prouerb. 28.

cap. accedens. 1. vt. lit. non contest.

Bal. in l. in bonæ fidei. C. de reb. cre-

ditis. Blancus in l. vlt. de q. nu. 28 §.]

30 Fugit olim Alcibiades, & roganti cui-
dam, num patriam suspectam haberet:
respondisse aiunt, Se patriæ plurimum
credere, vitæ autem discrimen, ne ma-
tri quidem suæ committendum putare:
fieri enim ignorantia posse, vt nigrum
pro albo ferat lapillum. Author Plu-
tarchus in Alcibiade. Quod alibi me-
morans idem Plutarchus inquit: Cum
ad iudicium capitale ab Atheniensibus
in Sicilia vocaretur, se ipsum abscondit,
quod diceret, eum stultum esse, qui ac-
cusatus, cum liceat fugere, quærat ab-
solui & liberari: Sed cum quidam di-
xisset: non credis patriæ de te ipso iudi-
cium? Ego quidem ait, ne matri quidē,
ne forte ignorans pro calculo albo ni-
grum ferat. Quod Aelianus quoque
lib. 13. variæ historiæ retulit. Fugit
quoque Demosthenes, & fugam suam
excusans quadam in epistola scripsit: Iam
ob discessum meum iure irasci mihi nō
potestis: neque enim ideo abij, quod
aut de vobis desperarem, aut vspiam
alio respicerem: sed primum carceris
ignominiam animo ferebam grauiter:
deinde propter ætatem, afflictionem il-
lam corporis perpeti non poteram. De-
nique & vos non nolle putabam, illam
contumeliam me effugere, quæ neque
vos quidquam iuuabat, & me perde-
bat. Quibus rationibus & exemplis,
alijsque multis perspicuum fit, causas
fugæ interdum probabiles, sæpe etiam
iustas & necessarias esse posse. [*Demo-*
sthenes epistola secunda de suo reditu.]

31 Præterea, qui suspectus est, & vacillat,
& mentitur, & peierat, ob hæc eadem

omnia torqueri nonnunquam poterit:

sunt enim signa conscientia, vt inquit

Cicero, Titubatio, permutatio coloris,

oratio inconstans, tremor, & id genus

alia: nempe, si constiterit, reum cum

ad eum ventū est, erubuisse, expalluisse,

titubasse, inconstanter locutum esse,

concidisse, pollicitū esse aliquid. Qui-

bus attestatur Demosthenes oratione

de falsa legatione dicens: Conscientia

scelerum eripit audaciam, linguam re-

primit, obturat os, angit, silentium im-

ponit. An ista (inquit Callidio Cicero)

si vera essent, sic a te dicerentur? Pro-

prium quidem est nocentium trepida-

re, vt ait Seneca. [*epistola. 98. Cicero in*

partitionibus, & lib. 2. rhetori. ad He-

ren. l. ex libero. de quæstionib. & inibi

Bart. Hippolyt. & alij. regia. l. penul.

titul. 30. par. 7. Fabius lib. 11. c. vlti.

Bart. & cæteri in l. de minore. §. pluri-

um. & in l. vlti. de quæstionib. Hip-

polyt. in pract. §. diligenter.]

32 Accedit huc, quod Ecclesiasticus in-
quit: Cor hominis immutat faciem il-
lius, siue in bono, siue in malo. Tum
illud sapientis in Prouerbis: Pauor his
qui operantur malum. Et in libro Sa-
pientia: Cum sit timida nequitia, testi-
monium dat condemnationis: semper
enim præsumit sæua, perturbata con-
scientia. Et in lib. Iob. Sonitus terro-
ris semper in auribus impij: & cum pax
sit, ille insidias suspicatur. Accedit etiā
Cicero lib. 1. de finibus, & alibi sæpe,
hæc & mille talia dicens: Si impietas
impie molita quippiam est, quamuis
occulte fecerit, nunquam tamen confi-
det id semper fore occultum. Plerun-
que enim improborum facta primo su-
spicio insequitur: deinde sermo atque
fama: tum accusator: tum iudex, mul-
ti etiam ipsi se indicant. Iuuenal. quoq;
satyra. 13. inquit:

Hos

Hos tu euasisse putēs, quos diri con-
scia facti

Mens habet attonitos, & surdo ver-
bere cadit,

Occultum quatiens animo tortore fla-
gellum.

Omitto illud:

Heu quam difficile est, crimen non pro-
dere vultu.

Prætereo etiam in eandem sententiam
plurima, quæ Aristot. Plutar. Chryso-
sto. alijsq; tradiderunt. [Eccles. 13. Pro
verb. 10. Sapien. 17. Iob. 15. Cicero
pro Roscio Amerino, & lib. 1. de legi.
Arist. 9. Ethic. cap. 4. Plutarch. de tran-
quilli. anim. prope finem. & de fera nu-
minis vindicta, circa dimidium. Chry-
sosto. in Genes. hom. 20. & rursus in
actib. apostol. hom. 47. & concione
4. de Lazaro. col. 6. & 7. ad populum
Antiochenum, homilia. 8. Grego. lib.
12. in Iob. c. 19.]

33 Tametsi autē signa supra scripta reos
vehementer suspectos interdum faciāt,
nihilominus ad eos torquendos ea so-
la nunquam sufficiunt, quia extranea
sunt, & ambigua, & plerunque fallacia.
Multi namque verecundia, timore, ma-
gnitudine periculi, rei nouitate, iudiciū
authoritate, ira, dolore, alijsue animi
perturbationibus facile commoueri so-
lent, vt palleant, titubent, concidant,
& inconstanter loquantur. Non igitur
propter ea tantum signa quispiam tor-
queri debet, nisi & suspectus sit, & va-
cillet ac peieret. [Lucas in l. quoties. C.
de dignitat. lib. 12. Paris. de syndicato,
verbō tortura. 1. Thom. Gramma. vo-
ro. 30. Hippolyt. in pract. §. diligenter.
& item Ludouicus Care. nu. 120.]

34 Sunt etiam qui putāt reum tum quo-
que torqueri posse, cum vulgo publica
fama est, crimen ab eo fuisse commissū:
quia fama in causis ciuilibus, præsertim

in rebus antiquis, nonnunquam semi-
plenam, sæpe etiam plenam probatio-
nem facit: in causis autē criminalibus,
vehementem suspicionem frequenter
gignit. [c. 1. §. si iudex. de pace tenen.
& eius violat. lib. feudorum. Episcopus
Abulen. 23. quæst. 2. Fulg. consil. 145.
Alexand. consil. 103. lib. 7. Cornel.
consil. 222. lib. 1. Curtius senior con-
sil. 82. Decius consil. 428.]

35 Accedunt eodem plurima, quæ de vi-
ribus famæ frequentissime dicuntur a
plurimis. Hesiodus inquit:

Non moritur fama omnino, quam tur-
ba virorum

Plurima vulgauit, quoniam est ipsa
vna dearum.

Vel sicut alius vertit:

Quam populi sermo celebrat creber,
irrita nunquam

Fama cadit penitus, quædam dea cum
sit & ipsa.

Et Aristot. lib. 7. Ethico.

Quam populi celebrant omnino fama
perire.

Nulla potest.

Et Martialis lib. 7.

Certus abest author, sed vox hoc nun-
ciat omnis:

Credo tibi, verum dicere fama soles.

Et Cicero ait: Nō temere nasci famam,
quin subsit aliquid. Et rursus in Topi-
cis inquit, Vulgi famam, quoddā mul-
titudinis esse testimonium. Fabius quo-
que famam, consensum ciuitatis, & ve-
lut publicum testimonijū vocat. Con-
ferunt etiam quædam, quæ sacris literis
continentur, quale est illud Heli: Nō
est bona fama, quā ego audio, vt trans-
gredi faciatis populum Domini. Et il-
lud quod in Genesi Dominus ait: Descē-
dam & videbo, vtrum compleuerint. Tum
illud villici, cui dominus dixit: Quid
hoc

hoc audio de te? redde rationem villicationis tuæ. Et illud denique: Nunquam dictus fuerat sermo huiusmodi de Sanna. Et quemadmodū diuus Petrus apud Clemen. ait: Sæpe etiam fama vulgi, prophetiæ speciem tenet. [Demosthenes oratione de falsa legatio. Aristot. lib. 7. ethico. c. 13. Fabius. lib. 5. insti. orator. c. 3. Trapezun. lib. 2. lib. 1. Reg. c. 2. Genes. 18. Luc. 16. Dan. 13. Clemens lib. 3. recognitionum.]

36 His tamen non obstantibus, verior & receptior iurisperitorum sententia est, quod propter solam famam, nemo torqueri debet. Tum quia fama pondus testimoniij non habet, sed vicem indicis vel accusatoris obtinet: tum etiam, quia hi, qui de fama, quantumlibet publica testificantur, hi in quâ de auditionibus loquuntur: & vt Fabius inquit, Iniuriatorum afferunt voces, quibus in iudicijs nulla fides haberi potest. [c. qualiter. 2. de accusa. Fabius lib. 5. c. 7. Iurisiurandi. & glo. in l. testium. C. de testib. Lucas in l. tribuni. de re milit. lib. 12. Anchar. consil. 253. Ias. & ceteri in l. admonendi. de iure iura.]

37 Igitur vt propter famâ quispiam torqueri queat, hæc omnia simul requiruntur: quod reus vilis, & infamatus sit, quod fama sit orta non a maleuolis aut leuibus hominibus, sed ab honestis & fide dignis: postremo quod fama per idoneos testes recte probata sit: nec enī fat est, quod testes dicant, hanc esse publicam famam, nisi etiam rationem addant, qua id necessario concludant: quæ admodum Barto. & ceteri omnes iurisperiti docent. Quod autem reus vilis & infamatus esse, & origo famæ a fide dignis oriri debeat: & legibus septipartitis, & iure pontificum nominatim cautum est. [c. qualiter. 2. de accusa. regia l. 26. tit. 1. & l. 3. tit. 30. part. 7. Bar.

& Hippolyt. in l. de minore. §. plurimum. de quæstionib. Alex. consil. 35. lib. 7. Felin. in c. cum oporteat. de accusatio. Paul. Paris. consil. 153. lib. 4. Aymon consil. 41. lib. 1.]

38 His adijce quod longe plura, fortiora que sunt ea, quæ contra famam, quam quæ pro fama dicuntur. Magnus ille Alexand. apud Curtium lib. 9. inquit: Nunquam ad liquidum fama perducitur: sed falsis mixta omnia, illa tradente maiora sunt vero. Et princeps poetarum canit:

*Fama malum quo non aliud velocius
vllum*

*Mobilitate viget, viresque acquirit
cundo:*

*Tam ficti, prauique tenax, quam nun
cia veri.*

Cui concinit Ouidius dicens:

Fama loquax peruenit ad aures:

Deianira tuas, quæ veris addere falsa

*Gaudet, & a minimo sua per vestigia
crescit.*

Et alibi scite admodum fingens domū famæ, post alia inquit:

*Atria turba tenet, veniunt leue vul
gus, euntque,*

*Mixtaque cum veris, passim commen
ta vagantur*

*Millia rumorum, confusaque verba
volutant.*

*E quibus hi vacuas implent sermoni
bus aures:*

Hi narrata serunt alio, mensuraq; ficti

*Crescit, & auditis aliquid nouus adij
cit author.*

Et Seneca: Fama vix vero fauet. Et alter Seneca: In illis nihil inuenies veri, nihil certi, quæcunque famæ placent. [Ouidi. Metamorpho. lib. 9. & lib. 12. Seneca tragœdia 4. & alter epist. 67.]

39 Fabius quoque dixit, Famam esse sermonem sine vlllo certo authore dispersum,

sum, cui malignitas initiū dederit, credulitas incrementum: quod nulli non etiam innocentissimo, potest accidere, fraude inimicorum falsa vulgantium. Et alibi ait: Hunc primū calumniæ tuæ obijcio rumorē: quis enim, iudices, ne sciat, hanc famæ esse naturam, ut sit primo vnius hominis audacia? De nulla re locutus est continuo populus, nec quicquam adeo subito statimque notum est, ut in illo pariter omnium sermo consentiat. Quam non possit mouere ciuitatem, quem non replere populum, si quod omnibus nobis narres, in nullo non cœtu loquaris, & de re quam tum maxime fingas, iam dicas esse rumorē? Et rursus: Materiam miraris rumoris, de qua nemo neque sibi credit: quam qui narrat, assignat alij? Rumor res sine teste, sine indice, res ex incertis improbißima, maligna & fallax. & cætera. [lib. 5. instituti. oratori. c. 3. & declarat. 11. & 18.]

40 Accedit eodē Tertullianus in Apologetico dicens: Fama malum plurimum mendax, quæ ne tum quidem, cum aliud quid veri affert, sine mendacij vitio est, detrahens, adiiciens, demutans de veritate. Quid? quod ea illi conditio est, ut non nisi cum mentitur, perseueret, & tandiu viuunt, quādiu non probat: si qui dem ubi probauit, cessare esse, & quasi officio nunciandi functa, rem tradit, & exinde res tenetur, res nominatur: Nec quisquā dicit, verbi gratia, fama est hoc Romæ factum: aut, fama est, illum prouinciam sortitum: sed, sortitus est ille prouinciam: &, hoc factum Romæ. Fama incerti est, cui nemo credit, nisi inconsideratus, quia sapiens non credit incerto. Sæpe mendacium ab vno seminat, aut ingenio æmulationis, aut ambitio suspitionis, aut ingenua mentendi voluptate. Beatus quoque Hierony-

mus ad Rufinum scribens inquit: Multum in vtranque partem crebro fama mentitur, & tam de bonis mala, quam de malis bona falso rumore concelebrat. Multi profecto sunt falsi rumores, a maleuolis & nugigerulis cōficti: quibus enim potest turpem de quolibet rumore proferre, & cōfictam fabulam dissipare: temere etiam consilari solent ea, quæ ex rumoribus sparguntur, sine certo authore, sine radice veritatis. [Tertulli. in apologeti. c. 8. Isido. lib. 5. etymolog. cap. 27. Lucas de Pen. in l. tribuni. C. de re milit. lib. 12. Alciat. lib. 1. parergon iurif. c. 6.]

41 Quid attinet plura de his? nonne fama ex rumoribus, & vanis populi vocibus oritur, fouetur, & crescit? Vanz autem voces populi, neque audiendæ sunt, neque eis credi oportet: quoniam plerunque aut noxium crimine absolui, aut innocentem condemnari desiderat. Quamobrem eius electio iure damnatur, qui vocibus populi postulatus est. [l. decurionum filij. C. de pœn. l. si constat. de appellatio. c. 2. & illic Decius & alij. de electione. Lucas in l. 1. C. de imponend. lucrat. descripti. lib. 10. Guillel. Benedi. in c. Raynutius. de restam. patre, mortuo. l. nu. 191. vide Abulen. Exod. 23. q. 2.]

42 Sane, ut est apud Herodotum in Thalia, Populari multitudine nihil est neque insipientius, neque insolentius. Plebi etenim suum est nihil intelligere: quo enim pacto sciat, qui neque edoctus est, neque honestum nouit, ne domesticum quidem: qui ad res agendas sine consilio præceps ruit, torrenti flumini similis. Et ut Plato in Axiocho dixit: Populus ingratus est, morosus, crudelis, inuidus, immodestus: ut qui sit ex colluue turbæ, & stultis insolentibus collectus. Xenophon quoque in Atheniensem politia:

In po-

in populo, inquit, plurima inſcitia, cōfuſio, & malitia, nullaq; ordinis cōſeruatione. Et Phalaris in epiſto. ad Aegeſippū: Populus omnis temerarius eſt, demens, deſidioſus, perfidus, incertus, velox, prodigus, fraudulentus, ad iram & laudem facilis. Demotheſenes item in oratione illa de falſa legatione ait: populum eſſe turbam, rem omnium incōſtantiſſimā & ſtolidiſſimam, vt in mari vndam fluctuantem, quæ fortuito agitetur: alium accedere, alium abire, rem publicam curæ eſſe nemini: ac quid actum ſit, ne meminiffe quidem.

- 43 Saluſtius quoque in bello Iugurthino inquit: Vulgus vti plerunque ſolet, ingenio mobili, ſeditioſum atque diſcordioſum eſt, cupidum nouarum rerum, quieti & otio aduerſum. Horatius populum belluam multorum nominat capitum. Cicero pro Roſcio Comædo: Sic eſt vulgus, ex veritate pauca, ex opinione multa æſtimat. Et oratione pro Plancio: Nō eſt conſilium in vulgo, non diſcrimen, non diligentia. Et oratione pro Murena: Nullum frētum, nullus Euripus, tot motus, tantas, tum varias habet agitationes fluctuum, quantas perturbationes, & quantos ætus habet ratio comitiōrū. Dies intermiſſus vnus, aut nox interpoſita, ſæpe perturbat omnia: & totam opinionem parua nōnunquam commutat aura rumoris. Sæpe etiam ſine vlla aperta cauſa fit aliud, atque exiſtimamus, vt nonnunquam ita factum eſſe etiam populus admiretur, quaſi vero non ipſe fecerit. Ad ſummam plebs eſt errorum princeps, prauarum cōſuetudinum magiſtra, ingens malorum cumulus, neq; enim rationibus neque authoritatibus, neque ſuaſionibus ſteſtitur, cum illas non intelligat, has aſpernetur: ad perſuaſiones vero indocilis ſit & obſtinata: cuius mores incoſtantiſſimi: ſemper

noua cupit, laudat præterita, odit præſentia: penes quam ſere nunquam ſine periculo, aut fruſtra ſapientum conſilia audita ſunt, ſemper multitudinis ſtultitia præualente. [Vide Crinitum. lib. 1. de honeſt. diſcipli. cap. 4. Hieronymū Oſorium. lib. 1. & 2. de gloria.]

- 44 Sed iam ad tormenta reuertamur. Diximus hætenus de ordine procedendi ac de indiſcijs, quæ neceſſario ante quaſtionem probari debent: ſequitur vt de reis, qui torqueri poſſunt, pauca quadā eadem breuitate diſſeramus. Ac primū illud ſcire oportet, quod quamuis in multiſcriminibus, multi torqueri non poſſint, in crimine tamen hæreſis, omnes illi torquendi ſunt, qui in crimine læſæ maiestatis torqueri poſſunt. Quia longe grauius eſt, diuinam quam humanam, æternam quam temporalem lædere maiestatem. Proinde nobiles, milites, decuriones, doctores, & omnes omnino, qui quantalibet prærogatiua præfulgeant, in hoc iudicio torqueri poterunt. [l. nullus. C. ad l. Iulii. mai. l. decuriones. C. de quaſtio. l. 1. & 2. co. tit. C. Theodoſi. authen. Gazaros. de hæret. cap. vergentis. co. tit. Hippolyt. in l. ediſtum. de quaſt. & in præſt. §. expedita. Ludoui. Care. de hæret. num. 117. Couaru. lib. 2. variarum reſoluti. cap. 9. Grillan. de quaſtionibus & tortura, quaſt. 6.]
- 45 Hinc eſt, quod minores viginti quinque annis, propter ſuſpicionem hæreſis torqueri poſſunt: minores quinetiam quatuordecim annis, terreri poterunt, & habena vel ſerula cædi. [l. 1. §. impuberi. & l. excipiuntur: ad Syllan. l. de minore. & inibi Hippo. & alij. de quaſt. glo. in l. 3. §. idē diuus. de teſtib. Grillandus de quaſtionibus. quaſt. 4.]
- 46 Clerici quoque, & monachi, & ſanctimoniales, & cæteri omnes religioſi torqueri

queri poterunt propter crimen hæresis. Tum quia id facinus omne priuilegiū extinguit: tum etiam quia grauius quā laici delinquant. Vt enim Cyprianus inquit: Cum hoc laicos deceat, ne occasio nem blasphemandi opponant, tum maxime clericos necessitas ista cōstringit: quibus aut religio blasphemata, aut fraternitas perdita pœnas duplices irrogabit. [c. 1. de deposito. c. ad abolendā. §. vlt. de hæret. Cyprian. tract. de singularit. clericorum. cap. accusatus. §. vltim. de hæretic. lib. 6. & supracitati, num. 42.]

47 Cæterum, etsi multa sint indicia cōtra clericum, vel alium religiosum hominem, nihilominus tamen propterea torqueri nō debet, nisi de eodem crimine infamatus etiam sit. Et hæc est sententia iurisperitorum approbata communiter. [docto. in. c. 1. de deposit. Felin. in. c. veniens. 1. de testib. Ias. in. l. magistratibus. de iuris. omni. iudi. Ioan. Bern. in practi. cap. 117. Hippolyt. in practi. §. nunc videndum. Boherius. de cisi. 163. Ludoui. Care. in practi. nu. 161. & num. centesimo octuagesimo. post alios multos.]

48 Quamuis autem hæc opinio admodū benigna sit, arbitror tamen eam facile subuerti posse. Primo, quia nullo iure aut euidenti ratione fundatur: deinde, quia plusquam infamia operantur ingētissima indicia, quæ ex perspicuis coniecturis oriri solent. Ad hæc, semiplena probatio, & euidencia signa rem ipsam iudici fere notoriam faciunt. Postremo, in hæresi & alijs criminibus, quæ clanculum committi solent, non requiritur ad quæstionem publica infamia, sed semiplena probatio sufficit. Et ita tradit Alciatus, cuius sententia meo quidem iudicio verior & probabilior est. [c. super eo. de eo qui cogn. consan. vxor. Iug.

cap. cum olim. de verb. signific. Alciat. in cap. 1. de officio ordina. num. 43. & quæ supra dixi de semiplena probatione.]

49 Vt cunque tamen res habeat, clerici, & monachi, præsertim sacerdotes, rarius & mitius torquendi sunt, quam laici: tum propter periculum excommunicationis, si forte modus quæstionis excedatur: tum etiam propter dignitatem sacerdotij, cui summa semper & vbique reuerentia debetur. [Hugo, Archidi. & alij, quos Præpositus refert, & sequitur in cap. illi qui. §. quæstio. 5. Siluest. in summa, verbo. inquisito. 2. §. 9. Ioan. Bernard. in practi. cap. 117. Dominic. Soto lib. 5. de iust. & iure, quæstio. 6. art. 2. Chrysost. libris de sacerdotio.]

50 Illud quoque obseruandum est, quod clerici torqueri non debent a ministro seu tortore laico, nisi forte inueniri non possent clerici, qui id facere sciant, aut velint: quia tunc frustra pronunciarent iudices, clericum, aut monachum esse torquendum, si id nemo executurus esset: qua ratione vsitatum est, vt a ministris laicis clerici torqueantur, quemadmodum plurimi iurisperiti testantur. [c. vt fame. cap. vniuersitatis. de sent. excom. & inibi interpretes. Præposit. in cap. illi qui. prope finem. §. quæst. 5. Ioan. Bern. in pra. cap. 117.]

51 Hoc etiam annotatu dignum est, quod in criminibus occultis pronior, quam in alijs, ad tormenta inferenda iudex esse debet: & eo magis in hæresi quo cæteris criminibus solet esse occultior: quippe cum in corde hæretici lateat. Quid? quod eius confessio, & ipsi hæretico, & vniuersæ reipublicæ plurimum est profutura. [l. dius Pius. de quæstionib. l. non omnes. §. a barbaris. de remilit. Bal. in. l. nemo. C. de episcop. audien. Alexand. consil. 77.

lib. 1. Decius consil. 363. Thom. Gramma. voto. 30. Ludouic. Care. in pract. num. 183.]

52 Ille quoque torqueri poterit, qui confessus fuerit, se dixisse, aut fecisse aliquid hæreticum, sed negat intentionem hæreticam. Nam cum eo ipso sit plane conuictus, aut certe vehementer suspectus, iure quam optimo torqueri potest, ut intentionem declarat. & ita vitimur. [Card. in Clement. ult. de vsur. Albert. li. de agnos. assert. catholicis, questione 36. in fine.]

63 Vbi autem iuris ac iudiciorum ordine seruato, lata fuerit sententia, qua reus ad tormenta damnatur, protinus notificanda est promotori fiscali, ut vel appellet ab ea, vel eius executionem postulet, quemadmodum epistolis sanctæ inquisitionis continetur.

54 Post hæc, iudex præfens esse debet, dum quæstio habetur: quia ut Arcadius iureconsultus inquit: Plurimum in excutienda veritate etiam vox ipsa, & cognitionis subtilis diligentia affert: nam ex sermone, & ex eo qua quis constantia, qua trepidatione, quid diceret, quædam ad illuminandam veritatem in lucem emergunt. Et Cassiodorus lib. de anima: Facies ipsa prudentiæ patefacit indicia, & in effigiem nostram exeunt occultæ cogitationes: & ex hac parte cognoscitur, qualis intus animus voluntasque versetur. Vultus si quidem noster, qui a voluntate nominatur, speculum quoddam est animæ suæ: & quod substantialiter non cernitur, per eius habitum evidentissime declaratur. Inquisitores igitur ipsi reos interrogare debent dum torquentur, neque possunt id alijs committere, nisi forte fuerint vehementer occupati: tunc enim viris bonis & peritis hoc delegare poterunt: ut quodam capite primæ instructionis Hispanen, cauetur.

Cæterum, quæ causa iusta esse queat, ut ne saltem in tempus aliud tormenta differantur, equidem non dispicio: res enim tanti momenti, nulli vnquam committenda est. [l. de minore. §. plurimū. de quæstione. 1. instru. Hispan. c. 18.]

55 Et quamuis apud alias nationes rei publice torqueri soleant, apud Hispanos tamen regia lege prohibetur, ne quispiam sit præfens, dum rei torquentur, præter iudices, tabelliones, atque tortores. Quod & Bar. fieri debere censuit, & longe quidem melius est, quam ut id palam fiat, ne vel circumstantiū conspectu, vel aduocatorum fauore, vel teneriorum gemitu, lachrymis, aut commiseratione, reus falsum confiteatur, aut verū celet. Hoc amplius curare debent inquisitores, ut eligant tortores idoneos, ex veteribus Christianis ortos, quos iureiurando astringere debent, ne villo pacto occulta retegant, neque dicta foras eliminent. [regia. l. 3. tit. 30. par. 7. Bart. in l. custodias. de publi. iudic. Ludouic. Care. in pract. num. 187.]

56 His omnibus rite peractis, iudices benigne reos admonere debent, ut veritatem simpliciter fateantur, neque velint pertinaciter negando, tam dura tormenta pati, quam parata esse vident. Adhuc, iudices protestari solent, ut si forte reus in tormentis, vel ex tormentis moriatur, aut membrorum læsionem patiat, id sibi non imputetur, sed ipsi reo, qui priusquam torqueatur, non vult planissime veritatem dicere.

57 Deinde, caute a iudice reus est interrogandus, ut prudenter admodum Vlpianus docuit his verbis: Qui quæstione habiturus est, non debet specialiter interrogare, an Lucius Titius homicidium fecerit: sed generaliter, quis id fecerit: alterum enim magis suggerentis, quam requirentis videtur. Quod idem regia lege

lege cauetur: hoc amplius addito, ne reus de se ipso specialiter interrogetur, quia facile aperiretur via mendacis, & reus id confiteretur, quod quæstitor velit audire. [l. §. qui quæstionem. & inibi Bart. Hippolyt. & alij. ff. de quæstionib. regia lex 3. titul. 30. parte. 7.]

58 Verum hæc in alijs criminibus locum habere poterunt: in hæresi autem & id genus sceleribus grauissimis, rei de se interrogari poterunt, hac vel tali formula: Dic Bucere veritatem, responde simpliciter, an credideris vel dixeris aliquid contra legem euangelicam & fidem catholicā. [l. 1. §. diuus Adrianus. de quæst. l. prius. ad Sillani.]

59 Neq; tantum de se interrogari potest hæreticus, sed etiā generaliter de socijs & participibus criminis, de magistris atque discipulis suis: eos enim vt sæpe diximus, indicare debet, etiam si non sit interrogatus: cum autem interrogatur, eos indicare tenetur, multo magis, quam aliorum criminum grauissimorum socios. Sed non est nominatim interrogandus, etiam si interrogetur vt testis (ne via periurijs aperiatur) sed generaliter & caute. [l. prius ad Sillani. l. 2. §. diuus Pius. de iure fis. glo. & interpretres in. l. vltim. C. de accusat. Hippolyt. in. l. repeti de quæstio. Domin. Soto lib. 5. de iust. & iur. quæstio. 6. artic. 2. Zanchi cap. 9. & ibidem Camillus.]

60 Quin etiam suspectus de hæresi, & ple
ne etiam conuictus torqueri potest, in
caput alienum: id est, vt socios aut parti-
cipes criminis retegat. Non tamen ob
eam causam facile quispiam torquendus
est, excepto si vacillauerit, vel semiple-
ne saltem probatum fuerit, quod facto
interuenerit, vel quod socios aut parti-
cipes criminis habet. Vt enim indicet il-
los, torqueri testis & reus poterit: quā-

uis proprium crimen plene cōfessus sit.
[Lex libero. l. vnus. §. testes. de quæ-
stionib. l. qui. vlt. ff. de poen. regia. l. 8.
tit. 30. p. 7. l. etsi certus. ad Sillani. &
inibi Ludo. Roma. & Ioan. Igneus. Al-
beri. & Salicetus in. l. vlti. C. de quæ-
stionib. Gandin. de malef. c. de torm.
Aug. ad Angel. de malefic. parte, fa-
ma. Bosius tit. de tortura testium.]

61 Tormenta autem habenda sunt, non
quanta accusator postulat, sed vt mode-
rata rationis temperamenta desiderat:
id quod recto iudicis arbitrio cōstituen-
dum est, qui quæstionis modum ita mo-
derari debet, vt ne reus in ipsis, vel ex
ipsis tormentis moriatur: id enim cru-
delissimum & iniquissimum esset. Verū
quemadmodum Vlpianus ait: Ita quæ-
stionem haberi oportet, vt reus saluus
sit, vel innocentia, vel supplicio. [l. de
minore. §. tormenta. l. quæstionis mo-
dum. ff. de quæstionibus. & inibi Hip-
polytus.]

62 Præterea, quæstiones, vt Augustus Cæ-
sar edixit, neque semper, neque in omni
causa & persona desiderari debent: sed
cum capitalia & atrociora maleficia nō
aliter inuestigari, & explorari possunt,
quam per quæstiones. Considerare ita-
que iudices debent qualiter persona-
rum, criminum, & indiciorum. Aliter
enim torquendi sunt serui, quam liberi:
fortes quā timidi: iuuenes quam senes:
robusti quam debiles: humiles quam
honesti: nobiles quam ignobiles: hi
enim clementius, illi durius torqueri
debent. [l. edictum. de quæstionibus. l.
Peditus de incen. ruin. & naufra.]

63 Et in criminibus atrocioribus, gra-
uiora tormenta, quam in leuioribus
habenda sunt, Et sicut Bal. inquit: In-
dicia maiora tormentis maioribus pur-
gari debent: leuia enim indicia com-
minatione tormentorum elidi solent.

Cum autem tormenta pœnam inferant satis acerbam, respiciendum est iudicâti, ne quid aut durius, aut remissius in eis constitutur, quam causa deposcit: Neque enim aut seueritatis, aut clementiæ gloria affectanda est, vt Marcellus ait: sed perpenso iudicio, prout quæq; res postulat, statuendum est. [l. decuriones. C. de quæstionib. l. respiciendū. de pœnis. c. non afferamus. 24. quæst. 1. Baldus in cap. 1. §. si vassallus. de controuer. inuesti. lib. feudorum]

64 Hactenus ea fere omnia diximus, quæ iudices facere debent, priusquam ab inuitis reis confessionem tormentis extorqueant: si vero indicij magnis non præcedentibus, aut non semiplene probatis, aut eorum copia reo non facta, aut eius defensione reiecta, confessionem dolore tormentorum extorserint, etiâ si reus illam ratam habuerit, nihil ei nocebit, sed reiicienda & explodenda est, tâquam res iniqua & iniusta. Quid enim ex iniuria iudicis manat, iniustum est, & iniustitia causæ permanet in effectu: neque enim ex iniuria ius nasci potest. Et hæc est vera & recepta iurisperitorum omnium ac theologorū sententia. [glos. & interpretes in l. pe. de quæstio. doct. in c. cum in contemplatione. de reg. iurif. Alexan. conf. 1. lib. 3. Brun. de indicij. quæst. 5. Paul. Grillan. quæst. 3. Angel. de malef. part. fama publica. Hippol. in pract. §. 2. q. Ludouicus Care. in practica, nu. 181. Dominic. Soto lib. de ratione regen. secret. memb. 3. q. 1. & lib. 5. de iust. & iure. q. 6. art. 2.]

65 Quod idem locum habere videtur in illo qui vincus est iniuste, & in carcere confitetur hæresim, præsertim si confessionem postea reuocauerit: nam carcer species tormenti est: & ea confessio metu carceris & iudicum extorta præsu-

mi potest. [l. item apud Labeonem. §. quæstionis. de iniur. Anchar. conf. 24. Rom. conf. 241. Corn. conf. 134. Angel. conf. 178. Cuma. conf. 157.]

66 Quod si plures eiusdem criminis socij & participes torquendi sint, iudex a suspectissimo incipere debet, & a quo facillime posse sciri verum, verisimilius fuerit: id est, ab eo qui timidior, debiliior, ac deterior sit. [l. 1. §. 1. & illic Bal. Hippol. & alij, de quæstio. l. vnus. eo. tit. regia. l. 5. tit. 30. p. 7.]

67 Cæterum, etsi suprascripta omnia ad vnguem seruata fuerint, nihilominus tamen reus condemnari non debet ex confessione tormentis extorta, nisi postea in ea perseverauerit. Pessimum est enim (vt inquit Alex. Papa) de suspitione, aut extorta confessione, quemquam iudicare: nec ferenda est contraria consuetudo, quæ quidem crudelis & iniqua est, & ab omni ratione atque humanitate aliena. [15. q. 6. c. 1. regia. l. 7. tit. 29. p. 7. glos. Hippolyt. & cæteri in l. 1. §. diuus Seuerus. de quæstionib.]

68 Idem iuris est, si confessio extorqueatur timore, aut metu imminentium tormentorum: ea enim paria sunt sicuti iuris ciuilibis authores tradunt. Quintetiam Xenophon lib. 3. de pædia, seu disciplina Cyri, eleganter docet, Metū maiori supplicio esse hominibus, quam si reipsa male afficiantur. Metus etenim rerum omnium horribilium maxime animos perterret. Quem secutus lib. 6. epistolarum famil. Cicero inquit: Plus in metuendo est mali, quam in eo ipso quod timetur. Et alibi ait: Maior est ea vis, quæ periculo mortis iniecto, formidine animum perterritum loco sæpe, & certo de statu dimouet, quam quæ ad corpus nostrum, vitamque peruenit. Itaque saucijs sæpe homines, cum corpore debilitantur, animo tamen nõ cedunt,

cedunt, neque eum relinquunt locum, quem statuerunt defendere: atque alij pelluntur integri, vt non dubium sit quin maior adhibita vis ei sit, cuius animus sit perterritus, quam illi, cuius corpus vulneratum sit. Et vt apud Stobeu[m] est, sermone de timiditate: Omnia mala plus terrere solent eos, qui ipsa futura expectant, quam vbi iam acciderint molestare. Metus enim tam improbus est, vt multi rem quam metuunt, ipsimet anticipent: vt qui in naui tempestate periclitantur, non expectata submersio ne nauis, manum sibi prius inferunt.

[Cicero lib. 6. epistola. 82. & oratione pro Aulo Cecinna. l. nouissime, quod fals. tuto. autore. l. 2. C. quorum appellatio non recipitur.]

- 69 Tunc autem confessio dicitur extorta metu tormentorum, cum reus trahitur in eum locum, in quo rei torqueri solent: & illic spoliatur vestibus, aut ligatur, aut ita terretur a iudice, vt magna probabilitate credat inferenda sibi tormenta fore. Nec enim sufficit vt leuiter alibi a iudice terreatur, nisi metus ille cadere posset in hominem constantem. [l. metum. quod met. causa c. penul. de his quæ vi metusue. cau. fi. Anchar. cōf. 88. Decius conf. 100. Hippolyt. conf. 18. Franc. Ripa in c. cum M. Ferrariensis. de const. nu. 179.]

- 70 Neque audiendi sunt qui putant, non esse necessariam ratihabitionem, cum ventum est ad tormenta probatis indicij indubitatis, vel antecedente extraiudiciali confessione, præsertim geminata. Nam etsi hæc, & longe maiora indicia probata sint, nihilominus tamē confessio tormentis extorta, coacta, & inuoluntaria, & parum efficax est, nisi post tormenta fuerit ratificata. Ea igitur opinio, quæ quidem nec iure, nec ratione fundatur, crudelis & inhumana

& iniqua omnino est. [Antonius Gomez tom. 3. c. 13. & Blanchus in l. ult. ff. de quæstio. nu. 208.]

- 71 Ergo vt confessio tormentis extorta, nocere queat reo confitenti, necesse est, vt post aliquod temporis interuallum, rata fiat. Plerique autem putant, id esse debere spatium vnus diei, quod & lege regia expressim cauetur. Quinetiam capite quodam primæ instructionis Hispalen. additur, vt post vnum vel duos dies ea ratihabitione fiat. Et inquisitores in tertium diem illam differre solent: quod quidem benignius est, ne adhuc dolor tormentorum, & vehemens animi perturbatio duret. [regia. l. 4. titul. 30. part. 7. prima instructi. Hispal. c. 15. Bart. Hippolyt. & alij in l. 1. §. diuus Seuerus. de quæstio. Iacob. Butrio. & Bal. in l. 2. C. de his quæ vi. Angel. & Ioan. Imolen. in l. qui in aliena. §. vlti. de acquiren. hæredi. Andr. Tiraquel. de retractu conuenti. §. 1. glos. 5. nu. 21.]
- 72 Post vnum itaque vel alterum diem iudex coram tabellione ac testibus talibus verbis reum alloquitur: Meministi eorum Bucere, quæ in tormentis dixisti: nunc autem dic libere veritatem. Deinde tabellio scribere debet eius responsum. Quod si perseverauerit in confessione tormentis extorta, fides plenissima contra eum habenda est illi. [l. 4. titul. 30. part. 7. prima instructi. Hispalen. cap. 15. Ioan. maior lib. 4. sentent. dist. 15. q. 22.]
- 73 Sunt autem qui putant, hanc perseverantiam, non esse necessariam, quando reus vel testis in tormentis, contra alios testificatur. Sed meo quidem iudicio, neque probabilem causam, neque satis idoneam huius opinionis afferunt. Quinimo cum non sit confessio voluntaria, sed coactum, ac tormentis extortum testimonio.

testimonium, probabilius mihi veriusque videtur, ut etiam in hac specie, per seuerantia & rati habitio maxime sit necessaria. Prefertim cum dicenda testimonia sint coram honestis personis. [c. ut officium. §. verum. de hæret. lib. 6. Bal. in l. vlt. C. de quæstio. Parisi. tra. de syndicatu, verbo tortura, c. testis.]

- 74 Si vero reus in quæstionibus pernegauerit, ac tormenta vicerit, hoc ipso obiecta crimina diluit: & purgat, ut aiunt, omnia præcedentia indicia. Quæ fuit iam olim Caij Plinij sententia iustissima. is enim Aristoni scribens: Referebatur, inquit, de libertis Afranii Dextri consulis incertum sua, an suorum manu, scelere, an obsequio perempti. Hos alius: quis? ego, sed nihil refert, post quæstionem supplicio liberandos, alius in insulam relegandos, alius morte puniendos arbitrabatur. Et quamuis earum sententiarum tanta diuersitas esset, ut non possent esse, nisi singulæ (ut idem Plinius ibidem ait) hæc tamen sententia, tum lege regia, tum etiam communi iuris peritorum calculo recepta & cōprobata est. [Plini. epistola ad Aristonem lib. 8. reg. l. 4. tit. 30. part. 7. Bart. in l. vlti. & Alber. in l. editum. de quæstionib. Angel. de malefic. par. fama publica. num. 119. Gandin. de quæstionib. nu. 21. Bonifac. tit. quib. caus. quis torque. pos. num. 13. Hippolyt. in l. repeti. de quæstionib. Boherius decisio. 163. Aymon Crauera consil. 168. & 287. Ludo. Care. post alios plures in pract. nu. 160. & nu. 202.]

- 75 Sed hæc locum non habent in his casibus, in quibus quæstionem repetere licet: tunc enim reus absolendus non est, donec iterum tormenta vincat. Sunt autem hi casus: Si reus euidentioribus argumentis opprimatur: si noua indicia superueniunt: si crimē obiectum

atrocissimum sit, & indicia fuerint indubitata: si reus non fuit sufficiēter tortus: in his tantum speciebus reus iterum torqueri tunc demum poterit, cum in tormenta corpus, animusque durauerit: neque enim dilaniandus reus, aut excarnificandus est. [l. repeti. & l. vnus. §. 1. de quæstionib. regia. l. 4. tit. 30. part. 7. Bart. & cæteri in dicta l. repeti. & innumerabiles alij.]

- 76 Sed quamuis nonnunquam reus in quæstionem repeti possit, non tamen sæpius torquendus est, sed bis tantum: alioqui enim tormenta nūquam finem essent habitura. Cum autem non ad coercendos homines, sed ad veritatem inquirendam tormenta habeantur: iniuissimum est, quæstionem sæpe repetere: quia vel sic fatigati rei excarnificati morientur, vel certe crimina, quæ non commiserunt, confiteri cogentur. [regia. l. 4. sæpe citata. Aluarus Pelagius lib. 2. de planctu ecclesiæ, artic. 41. colu. 3.]

- 77 Et quamuis multi putent, reum ter saltem torqueri posse, eorum tamen opinio neque lege aliqua, neque probabilis ratione fulcitur. Adde, quod leges permittentes repetere quæstionem, de prima repetitione sunt accipiendæ: aut pari ratione tormenta in infinitum abirent. [l. bones. §. hoc sermone. de verbo. signi. l. 1. §. si cui. ff. ut legato, seu fideicommiss.]

- 78 Proinde crudelissima & iniuissima fuisse tormenta sæpissime repetita, quæ Valerius Maximus ac diuus Hieronymus retulerunt, quis nisi Nero, aut Neroni similis negare poterit? Alexander quidam Fannij seruus, cum in suspicionem Caij Flauij equitis Romani occisus venisset, septies tortus pernegauit ei se culpæ affinem fuisse: sed perinde atque confessus, & a iudicibus damnatus, & a

Lucio Calpurnio trium viro in crucem actus est. Item, Fulvio Flacco causam dicente, Philippus seruus eius, in quo tota quaestio nitebatur, octies tortus, nulum omnino verbū, quo dominus perstringeretur, emisit, & tamen reus damnatus est, cum certius argumentum innocentiae vnus octies tortus exhiberet, quam octo semel torti praeuissent.

Pari crudelitate Vercellis temporibus diui Hieronymi, quaedam mulier de adulterio suspecta, septies tormentis laeniata, & tandem damnata fuit, cum nūquam fuisset crimen confessa. Sed omnipotens Deus ad confundendam sauitiam iudicum, praesenti miraculo eam ab iniusta morte liberauit. Profecto talia facere, non iudicis aequi officium, sed crudelissimi carnificis est. [Valeri. Maxim. lib. 8. cap. de quaest. Hieron. epistola ad Innoc. de muliere septies icta.]

79 Quæri autem solet, an reus, qui obiecta crimina, vi, metu, ac dolore tormentorum confessus est, & sequenti die confessionem reuocauit, ob eam causam iterum in quaestionem repeti possit? Plerisque iurisperitorum placuit, eo casu repeti quaestionem posse: quia reus vacillauit, & propria confessione roborauit praecedentem probationem. Denique quia nouum signum seu indicium ore suo addidit. & ita lege regia, & quadam Sicula constitutione cauetur. [Regia. l. 4. titulus. 30. par. 7. constitutio. si damna clandestina, & inibi Andre. de Ifernia. & Matth. de Afflict. notab. 14. lib. 1. constit. Siciliae. titulus. 27. Bal. in l. in bonae fidei. C. de reb. credit. Paris. de syndica. vers. viso. de repetitione. Paul. Castren. in l. vlti. C. de probatio. Bohe. decisio. 163. Ludo. Care. in pract. num. 190. Bosius. titulus. de tortura, prope finem.]

80 Atqui, capite quodam primae instructio

nis Hispalensis cautum esse videtur, vt in causa hæresis quaestio non repetatur. Ibidem enim hoc decretum extat: Qui confessionem tormentis extortam, alio die reuocauerit, abiuret solemniter errores illos, de quibus infamatus fuerat: & arbitrio iudicum poenam aliquam pecuniariam soluat, propter infamiam & suspicionem aduersus eum adhuc remanentem. Sed quamuis id ita sit, nihilominus tamen sapissime apud inquisitores vidimus quaestionem eo casu repeti: quod quidem iustius est, nec illo decreto prohibetur. [Prima instructio- ne Hispalensi. c. 15.]

81 Plusculum dubitationis habet, cum reus bis tortus, bis confitetur & reuocat, an tertio torquendus sit? Multi putant rursus de integro quaestionem haberi posse: quorum opinio, mea quidem sententia, nunquam, aut certe vix vnquam recipi debet. Primo, quia lex nulla reperietur, quæ ter hominē torquere permittat. Nam si qua sunt iura, quæ dicant repeti quaestionem posse, de prima quaestione tantum accipienda sunt. Deinde, quia confessio altera tormentis extorta, non praebet nouum indicium, quippe cum sit eadem, quæ prius dicta, & reuocata fuerat. Postremo, quia si ob eam causam tertio reus torqueri posset, pariratione millies quoque illum torquere liceret, neque vllus foret vnquam tormentorum finis: quo quid iniquius aut crudelius dici cogitariue possit ignoro. [l. boues. §. hoc sermone. de verb. signi. l. dotis promissio. de iure doti. c. non potest. de praebend. lib. 6. Alexan. consil. 16. lib. 4. Felin. in c. vlti. de tre. & pac. Iason in l. duobus. §. si ei qui. de iureiur. Deci. consil. 512. Fran. Ripa lib. 2. respon. c. 27. Boheri. decis. 131.]

82 Verum opinio illa tunc demum recipi fortasse posset, cum reus bis fuerit leuissime

uissime tortus, & in posteriore illa confessione, aliqua noua signa priori confessioni addiderit: quorum si desit alterum, desit etiam tormentorum toties repetita scruitia: satis enim quæsitum est, neque vltra torquendus est reus. [Angel. de malef. parte, fama public. q. 9. Hippol. in. l. repeti. de quæstio. Guillan. q. 7. Tho. Gram. cōf. 4 §. Boher. decif. 163. col. vltim. Ludoui. Care. in pract. num. 194.]

- 83 Vt autem iudices scire queant, quanta fides quæstionibus sit habenda, considerare prudenter oportet ea, quæ Fabius docet ab oratoribus considerari debere: & eo magis quia hi suadent, illi diiudicant: hi ius alterius litigatoris, illi causam vtriusque perpendunt: denique hi dicunt, quæ volunt, illi quæ iusta fuerint proferre, atque exequi debent. Quædam igitur, vt Fabius ait, propria sunt cuiusque litis: nam siue de habenda quæstione agatur, plurimum intererit quis & quæ postulet aut offerat, & in quem, & ex qua causa: siue iam erit habita, quis ei præfuerit, quis, & quomodo sit tortus, an credibilia dixerit, an inter se constantia, perseverauerit in eo quod cœperat, an aliquid dolore mutauerit, prima parte quæstionis, an procedente cruciatu: quæ vtrinque tam infinita sunt, quam ipsa rerum varietas. [lib. 5. insti. oratoriar. cap. 4.]

84 Admonendi præterea iudices a nobis sunt, vt ne sibi vnquam persuadeant, vsque eo signa & indicia perspicua nunquam & euidentia esse, vt fallere se pe non queant. Inde etenim frequentissime factum est, vt innocentes crudelissime torti, & falsa crimina confessi damnati etiam fuerint innocentes. Suppetunt affatim eius rei exēpla plurima, miseranda quidem atque dolenda: sed vnum duntaxat memorasse sufficiet, quod Valer. Max. his ipsis verbis retulit: Marci Agrij Argentarij seruus, Alexandrum Titi Fannij seruum occidisse insimulatus est: eoque nomine tortus a domino, admisisse id facinus constantissime asseueravit: itaque Fannio deditus, supplicio affectus est: paruulo deinde tempore interiecto, ille cuius de nece creditum erat, domum redijt. In anticipi negotio (vt sapientissime Aristot. inquit) potius ad eam partem vergere oportet, vbi si forte fuerit erratum, peccetur leuius: at minus est malum, absolvere nocentem, quam innocentem dānare. Vnde Hadrian. Imperator Audio Seuero rescripsit, Neminem de suspicionibus dānari debere: satius enim esse, impunitum relinqui facinus nocentis, quam innocentem dānare. [Valeri. Maxi. lib. 8. cap. 4. de quæstio. Aristot. problem. 13. particula, siue sectione vigesima nona l. absentem. de pœnis.]

De vsuris Titulus LXVI.

S V M M A R I V M.

- | | |
|--|--|
| <p>1 V Surasiure optimo omnes semper exequi crati sunt.</p> <p>2 <i>Vsuræ quas ob causas vitandæ sint.</i></p> <p>3 <i>Vsurarum cognitio ad quos iudices pertineat.</i></p> | <p>4 <i>Vsurarios quando punire possint inquisitores.</i></p> <p>5 <i>Is qui credit simplicem fornicationem non esse peccatum, vere hæreticus est.</i></p> |
|--|--|

De vsuris.



ACRIS vtriusque testamenti literis, ecclesiæ definitionibus, conciliorum vniuersaliū canonibus, pontificum maxi-

morum, & sanctorum patrum decretis quam plurimis, prohibita damnateque sunt vsuræ. Quin etiam lumine naturali dūtaxat illuminati vetustissimi qui que philosophi, vsuras frequentissime sunt execrati: cuius rei causas Plutarchus eleganter in hunc fere modum colligit: Primū, quod minime conuenit, mutua, quæ charitatis, beneficij, & amicitia causa inducta sunt, in lucri sordidi certitudinem vertere. Deinde, quod vsura contra regulam illam naturæ sit: ex nihilo nihil gigni: quod paupertati vnicuiusque solatium, nempe animi securitatem, aufert: quod nondum natos fructus deuoret: quod qui accipiunt sub vsuris, vorsuram ex vorura facientes nunquam se extricant: quod vt plurimum ex luxu æs illud alienum contrahatur. [c. super eo. de vsu. Plutar. lib. de vsura vitanda. Alciat. in. l. vsura pecuniæ. de verbo. signifi.]

2 Alij quoque alias rationes addunt, quod vsurarius vendidit vsum pecuniæ, qui ab eius consumptione est inseparabilis: vnde fit, vt bis idem æstimet: quod venditur vsum pecuniæ, quæ post mutuum est aliena: quod cum statim pecunia periculo sit recipientis, absurdum sit, vt fructus eius ad alium pertineant: quod sit vsura contra commune bonum: ei namque dediti homines, bonas artes omnes deserunt, & aliorum facultates exhauriunt: quod præter naturam nummus nummū parit: vnde authore Arist.

iure vituperatur: quia non est naturæ conueniens, sed eo pertinens, vt homines alij ex alijs lucrentur. Quo fit, vt optimo iure sit sceneratorum ars odiosa, propterea quod lucrū ex ipso nummo capiat: neque sequitur eum finem, cuius gratia nummus fuit inductus: ad faciendas enim permutationes repertus est. Denique tanto deterior est vsura, quam alia crimina, quanto plus indigentia hominum insidiatur: ac tanto magis execranda, quanto commercium rei magis necessariae difficilius reddit. [Arist. 1. politi. cap. 7. Ambrosii. lib. de Tobia. cap. 2. cum sequenti. Chrysost. in cap. Metthæi. 1. homil. 5. in fine. & homilia. 57. cap. eiciens. 88. distinct. Thom. opusculo. 73. de vsur. cap. 4. Contra. de contract. q. 22.]

3 Sed quamuis hæc ita sint, inquisitores tamen de quæstionibus vsurarum cognoscere non possunt: sed iudicibus ordinarijs eas relinquere debent. Nam cum auri sacra fames, vi obiecti mouere soleat voluntatem, etiam meliora videntem, ad eiusmodi sordida lucra: ea quidem crimina committi existimandum est, non tam errore intellectus, quam auaritia, & lucri cupiditate: quo efficitur, vt eorum cognitio inquisitorum non sit. [cap. accusatus. §. de quæstionibus. de hæret. lib. 6. & inibi Ioan. Monachus, Archidia. & cæteri. Federi. Senen. cons. 157.]

4 Si vero quispiam crederet scenerari licere, puniri posset ab inquisitoribus perinde atque quiuis alius hæreticus: & inter alia, pœnitenti quoque posset ab eisdem iniungi, vt agens pœnitentiam restitueret male paratas vsuras: id enim veræ pœnitentiæ pars magna & necessaria est. [Clem. 1. §. vltim. de vsur.

TTT cap.

cap. peccatum. de regul. iur. lib. 6. Domin. & Philip. Francus, & ceteri in cap. accusatus. §. sane. & §. ultim. de hæret. lib. 6. Federicus loco prænotato. Ioan. Calderin. conf. 2. titul. de hæret. Bal. in. cap. 1. §. ad hæc. de pace iuramen. firman. Felin. in. c. cum sit. de foro compet. Zanchi. cap. 20.]

5 Eadem omnino ratione, is qui credit simplicem fornicationem non esse peccatum, vere hæreticus est: neque satis

intelligo, quare obrem sapere non puniatur, ut hæreticus, præsertim cum eius hæresis ignorantia sit inexcusabilis. Nemo enim qui vnquam peccata sua fuerit confessus, non audiet a confessario, fornicationem simplicem, peccatum esse lethale, ac lege diuina prohibitam. [Alfonſus Caſtrus aduerſus hæreſes, verbo, coitus. Iulius Clarus lib. 5. recepta. senten. §. hæresis.]

*Trino & uni Deo gloria, imperium,
honor.*



ERRATA, QUORVM PLVRIMA VITIO EXEMPLARIS
contigerunt, corrige hoc modo.

Primus numerus paginam, secundus paragraphum, tertius lineam ostendit.

Pagina 52. nu. 143. lin. 7. lucrorum. locorum. 60. 181. 7. oblata. ablata. 79. 263. 5. a republica. e republica. 59. 21. 2. partibus. participibus. ibidem columna 2. lin. 1. his is. 135. 5. iudice. indice. 141. 6. 10. quoque. quosque. 152. 6. 17. omno. omne. 158. 26. 16. quid sit. dele. sit. 210. 26. 22. non. non. dele alterum, non. 215. col. 2. lin. 2. persequendi. afficiendi. 232. 16. 2. quid. qui. 265. 10. 6. occultissima. oculatissima. 276. 1. 7. lamia delectatur, quia bis positum. ibidem col. 2. lin. 14. neuia. nania. 278. 6. 3. spatium. spatio. 287. 12. 10. religionis. religione. 325. 13. 7. futuram quis. futuram ut quis. 328. 4. 8. relatum. reuelatum. 343. 20. 10. compertissimum. adde, est. 355. 13. 22. quienim. quis enim. 356. 20. 11. solennitate. selenitate. 373. 80. 19. seducti. seductos. 384. 33. 2. confiteretur. confiteatur. 417. 32. 8. sectas. secta. 426. 12. 10. & piam. ad piam. 463. 12. 12. nascitur. noscitur. eadem col. lin. pen. Brestius. Biesius. 464. 16. 10. malefica. maleficia. 477. 32. 12. duo. duos. 479. 39. 24. iniuriatorum. in iuratum. ibidem lin. 26. cap. 1. cap. 7. 480. 48. 12. existimandum. existimandus. 483. 62. 4. diuersos. diuersos esse. 491. col. 1. lin. 3. & Iulius & ut Iulius. 502. 36. 9. iniuriatorum. iniuratum. 505. 48. 5. ingentissima. vigenissima. 511. 81. 11. prima quaestione. prima repetitione.



CONSTITVTIONES
SANCTISS. D. N. D. PII. PAPAE V.

PRAECEPTVM, QVOD PRINCIPES, IVDICES,
*et Iustitiae ministri mandatis Cardinalium Inquisitorum generalium
in concernentibus officium Sanctissimae Inquisi-
tionis pareant & obediant.*



SANCTISS. D. N. D. Pius diuina prouidentia Papa Quintus, statuit, decreuit, & ordinauit, ac mandauit, vt negotia fidei omnibus, & singulis alijs praerantur, cum fides sit substantia, & fundamentum christianae religionis. Idcirco omnibus, & singulis almae Urbis eiusque districtus Gubernatori, Senatori, Vicario, & Camerae apostolicae Auditori, & quibuscunque alijs Legatis, Vicelegatis, Gubernatoribus prouinciarum, & terrarum suae Sanctitati, & S. R. E. mediate, & immediate subiectarum, ac eorum locateneñ. Officialibus, Barisellis, & alijs ministris, necnon alijs locorum ordinarijs, caeterisque Magistratibus, & officialibus, ac cuiusuis conditionis, & status hominibus in omnibus, & singulis terris, oppidis, & ciuitatibus, ac in tota republica christiana existeñ. sub excommunicationis latae sententiae, ac indignationis suae Sanctitatis & alijs arbitrio suae Sanctitatis, & Illustrissimorum, & Reuerendissimorum Domino Cardinalium Inquisitorum Generalium imponendis, & exequendis pœnis, vt eisdem Cardinalibus Inquisitoribus, ac eorum praecipis, & mandatis in quibuscunque officium Sanctae Inquisitionis huiusmodi concerneñ. pareant, & obediant.

Reges vero, Duces, Comites, Barones, & quosuis alios Principes seculares in Dei nomine rogauit, vt eisdem Cardinalibus Inquisitoribus, eorumque officialibus faueant, auxiliumque praebent, & a suis magistratibus subditis auxilium praebere faciant in negotijs ad dictum officium spectant. Necnon carceratos quoscunque pro quibusuis delictis, & debitis etiam atrocibus apud dictum Inquisitionis officium quomodolibet delatos, vel denunciatos, suspensa aliorum criminum inferiorum cognitione, ad eosdem Cardinales, & Inquisitionis carceres, ibidemque ad criminis haeles totaliter cognitionem, & expeditionem retinendos, & postea ad eosdem officiales pro aliorum criminum expeditione remittendos, sine mora transmutant.

Declaratio, & Constitutio, quod sententia in reorum inquisitorum favorem per quoscunque Iudices contra iurisdictionis dispositionem, vel stylum officij Sanctissimæ Inquisitionis latę, & ferendę, nunquam transierint, nec in futurum in rem indicatam transire possint.

P I V S P A P A V.



Otu proprio &c. Inter multiplices curas, quę animum nostrum assidue pulsant, illa in primis est, prout esse debet, vt Ecclesia Dei nobis ex alto commissa, purgatis immo quantum fieri potest procul exterminatis omnibus hæresibus & prauis erronearum opinionũ dogmatibus; tuto militare, & tanquam naui in tranquillo mari, sedatis omnibus tempestatum fluctibus & procellis, secure nauigare, & ad optatũ salutis portum peruenire possit. Cum itaque nos, dum in minoribus constituti sanctissimi officij Romanę, & vniuersalis contra hæreticam prauitatem Inquisitionis negotia tractaremus, tandem ex longo vsu atque experientia rerum magistra cognouerimus, quod multi rei delati, & in prædicto sanctissimo officio, seu alibi coram locorum ordinarijs, & hæreticę prauitatis Inquisitoribus processati, ac de hæreticę prauitate inquisiti falsos testes ad eorum defensam examinari faciendo, ac compurgatorum de eorum vita, & doctrina minime informatorum opera, & testimonio se iuuantibus, ac diuersis alijs illicitis modis, excogitatisque dolosis excusationibus, & malitijs prædictũ sacrum officium sanctissimæ Inquisitionis, ceterosque iudices, & etiam Romanos Pontifices deludendo, & decipiendo, plures etiam veluti innocentes diffinitiuas a prædictis processibus, & inquisitoribus absolutorias, & præcedente canonica purgatione eorum assertę bonę, & catholicę fidei, vitę, & doctrinę, declaratorias sententias, seu decreta ab eodem sanctissimo officio, alijsque locorum ordinarijs siue delegatis, & Inquisitoribus, ac etiam Ro. Pont. prædecessoribus nostris obtinuerunt, seu extorserunt: quas sententias, & decreta præfati Romani Pont. etiam cum perpetui silentij impositione, ac inhibitione, ne dictum sanctissimum officium, aut alij Inquisitores ad vltiora procedere possent seu deberent, nec non etiam cum causarum auocatione ad solum Romanum Pontificem sub cuius protectione submittebantur, alijsque derogatorijs derogatorijs, & efficacissimis clausulis, ac etiam irritantibus, & alijs decretis etiam in forma gratiofa ampliando, per varios, & varias eorum Motus proprios, ac etiã sub plumbo, vel annulo piscatoris expeditas literas etiam in consistorio, seu consistorialiter emittentes, confirmarunt, vnde eueniebat, quod prædicti rei inquisiti sub velamine, & tutamine prædictarum sententiarum declaratarum, & literarum apostolicarum, & præsertim vigore clausulę inhibitorię contra Inquisitores factę confidentes, clam, & etiam aliquando palam in antiquis eorum erroribus contra fidem catholicam perseuerando, nunquam ad gremium Ecclesię vere redibant, immo cum alijs secure, & tanquam catholici conuersando, eorundem aliorum animos corrumpere, & inficere, ac in suas hæreticas opiniones trahere de facili potuerunt in totius reipublicę christianę nõ modicũ scandalum & præiudiciũ, prædictorumque delatorum animarum perniciem, & iacturam. Nos huic scandalo adeo periculoso, & contagioso obuiare, dictarumque ani-

marum

marum saluti consulere, & providere, omnemque iurisperitorum dubietatem, & altercationem, ac quæcunque impedimenta & obstacula, propter quæ sancta inquisitio hereticæ prauitatis quomodocunque, & qualitercunque impediretur, vel retardaretur, tollere volentes, Motu simili, & ex certa nostra scientia, ac de apostolicæ potestatis plenitudine, In primis omnes, & singulas, ac quascunque literas apostolicas sub quacunque verborum forma etiam in prædictis, ac quibusuis alijs causis hæresis etiam Motu proprio &c. ac etiam consistorialiter &c. & alias quomodolibet emanatas, necnon etiam desuper signatas Motuum priorum, & alias cedulas quasilibet ad ius, & iustitiâ, ac iuris terminos reducentes, necnon fisco prædicti sancti officij Inquisitionis, & aliorum ordinariorum, & delegatorum iudicum aduersus prædictas literas inhibitiones, ac etiam derogatarum derogatorias, aliasque clausulas quasilibet os aperientes, & quatenus iurisdictionis dispositioni, vel stylo dicti officij sint contraria, illas penitus, & perpetuo reuocantes, hac nostra perpetua perpetuoque valitura vniuersali constitutione omnes, & singulas, & quascunque etiam ex capite assertæ innocentie absolutorias, vel etiam præcedente canonica purgatione sub quacunque verborum forma declaratorias sententias etiam definitiuas, & decreta in eorundem reorum inquisitorum, & delatorum fauorem per prædictum sanctissimum officium, aliosque iudices ordinarios, & delegatos, ac etiam Roman. Pontifices latas, & lata, aut in futurum per nos etiam & successores nostros Rom. Pontifices pro tempore existentes ferendas, & ferenda, nunquam fecisse, nec in futurum posse facere transitum in rem iudicatam, apostolica auctoritate declaramus decernimus statuimus & ordinamus, præfatisque sententijs, & decretis, & quantumcunque per literas apostolicas etiam in forma gratiosa etiam iteratis vicibus, ac etiam a pluribus Romanis Pontificibus emanatis, confirmatis, vel confirmandis cum prædictis, vel alijs quibuscunque etiam derogatarum derogatorijs, ac etiam irritantibus, alijsque clausulis, & decretis, necnon inhibitionibus, ac etiam canonicis sanctionibus, quorum omnium, & singulorum aliorumque præmissorum, & inde secutorum tenores, ac si de verbo ad verbum infererentur præsentibus haberi volumus pro expressis, ac totaliter insertis, cæterisque incontrarium facientibus quibuscunque non obstant. per prædictum sanctum officium Sanctæ Inquisitionis, ac dilectos filios modernos, & pro tempore existentes S. R. E. Cardinales hæreticæ prauitatis Inquisitores, & super dicto officio nunc, & pro tempore deputatos, contra eosdem reos delatos, & inquisitos etiam si fuerint, & sint Episcopi, Archiepiscopi, Patriarchæ, Primates eiusdem S. R. E. Cardinales Legati, etiam de latere, Comites, Barones, Marchiones, Duces, Reges, & Imperatores, tam de antiquis, quam nouiter etiam super eisdem articulis receptis, vel recipiendis testibus, alijsque argumentis, probationibus, & indijs iuxta facultates eisdem Cardinalibus Inquisitoribus per nos & quoscunque prædecessores, & successores nostros Roman. Pontifices pro tempore existentes dâdas, & Apostolicam quomodolibet concessas, & datas, ac in futurum respectiue dâdas, & concedendas denuo inquiri, & procedi posse, & debere etiam in omnibus, & per omnia perinde, ac si prædictæ sententiæ, decreta, & literæ apostolicæ, ac etiam canonicæ purgationes in prædictorum reorum delatorum, & Inquisitorum, etiam Episcopo rum, Archiepiscoporum, Patriarcharum, Primatum, Cardinalium, Legatorum, Comitum, Baronum, Marchionum, Ducum, Regum, & Imperatorum fauorẽ non emanassent, nouis præsertim superuenientibus indijs eiusdem, vel alterius speciei hæresis

tempus præteritum etiam respiciē. vel vbi appareret per aliqua indicia quod illicitis modis prius ipse delatus, vel inquisitus fuisset absolutus, eadem apostolica auctoritate volumus pariter, & mandamus. Concedentes eisdem Cardinalibus Inquisitoribus, & super dicto sacrosancto Inquisitionis officio nunc & pro tempore deputatis plenam liberam amplam & omnimodam facultatem potestatem & auctoritatem causas huiusmodi etiam auctoritate oecumenici vniuersalis Concilij Tridentini decisas reuicendi, ac in statu & terminis in quibus ante prædictas sententias, & decreta, ac etiam canonicas purgationes quomodolibet reperiēbantur, reassumendi, sineque debito terminandi, prout in alijs causis pendentibus indecisus per eosdem Cardinales Inquisitores iuxta eorum facultates fit, fierique potest, & consuevit. Et insuper vestigijs fel. rec. Pauli Papæ iij. prædecessoris nostri inherendo Constitutionem alias cōtra hereticos & schismaticos per eundem Paulum prædecessorem, sub data videlicet Romę apud Sanctum Petrum Anno incarnationis dominicę 1558. quintodecimo Kal. Martij, Pontificatus sui anno quarto editam, tenore præsentium renouamus, & etiam confirmamus, illamque inuiolabiliter, & ad vnguem obseruari volumus, & mandamus iuxta illius seriem atque tenorem. Et sic in omnibus, & singulis supradictis censi, ac ita per prædictos, & quoscunque iudices &c. sublata &c. iudicari &c. debere. Irritum &c. perpetuo decernimus, & declaramus. Non obsta. præmissis, ac regula nostra de non tollendo iure quęsito, & quibusuis alijs apostolicis vniuersalibus, prouincialibus, & synodalibus constitutionibus, ordinationibus, necnon etiam iuramento &c. roboratis statutis &c. priuilegijs quoque, indultis, & prædictis, ac alijs literis, & etiam Motibus propriis quibuslibet, etiam præfatis reis, & inquisitis etiam Episcopis &c. ac Imperatoribus etiā absolutis, & quibusuis alijs personis in genere, vel in specie sub quibuscunque tenoribus &c. ac cum quibusuis etiam derogatorijs derogatorijs aliisque clausulis, ac etiam irritantibus, & alijs decretis, ac etiam pœnalibus inhibitionē. etiam Motu proprio &c. ac consistorialiter &c. & alias in contrarium quomodolibet concessis &c. in posterumque concedendis &c. quibus omnibus etiam si de illis &c. eorum tenores &c. latissime hac vice derogamus, ceterisque contrariis quibuscunque, cum clausulis opportunis.

Fiat Motu proprio. M.

ET cum absolute a cē. ad effectum &c. & de reductione &c. reuocatione singulis declaratione, decretis, statuto, ordinationē. voluntatibus, mandatis, concessione renouatione, confirmatione, derogatione, alijsque præmissis vt supra in forma gratiofa perpetuo, & ad perpetuam rei memoriam. Et quod postquam præsentis, seu desuper forsan conficiendę literę per aliquem vel aliquos ex Cursoribus nostris in Basilicę Principis Apostolorum de Vrbe, & Cancellarię Apostolicę valuis, ac acie Campi florę affixę, & publicatę fuerint, omnes prædictos etiam Episcopos &c. ac Imperatores, & alios quorum interest, afficiant, & ardeant perinde, ac si eis personaliter intimatę, & insinuatę fuissent, ac vim & efficaciam solemnem, personalis, validę, & peremptorię monitionis, & citationis habere, omnesque ligare habeant. Et quod præsentis nostri Motus proprii sola signatura sufficiat, & vbique fidem faciat in iudicio & extra, regula contraria non obsta. Et nihilominus si videbitur literę desuper etiam per breue nostrum, aut officium contradictarum simul, vel ad partem expediri possint. Et quod

quod præsentium, seu desuper conficiendarum literarum transumptis etiam impressis manu alicuius notarij publici subscriptis, & sigillo alicuius personæ in dignitate ecclesiastica constitutæ, aut curiæ ecclesiasticæ munitis eadem prorsus fides adhibeatur, quæ ipsis originalibus adhiberetur si exhibitæ forent, vel ostensæ.

Fiat. M.

Datum Romæ apud Sanctum Petrum Duodecimo Kal. Ianuarij Anno primo.

Anno a natiuitate Domini 1567. Indictione decima, die vero Lunæ trigesima mēsis Decembris, Pontificatus Sanctissimī in Christo patris, & D. N. D. Pij diuina prouidentia Papæ V. anno primo, superscriptus Motus proprius affixus, & publicatus fuit ad valuas Principis apostolorum beati Petri de Vrbe, Cancellariæ apostolicæ, ac in acie Campi Floræ, dimissis ibidem eiusdem copijs affixis, vt moris est, per nos Ioannē Gerardi, & Christianum de Monte prælibati Sanctiss. D. N. Papæ Cursores.

Stephanus de Olea Magister Curs.

Registrata in lib. pri. Secretorum fol. 51. G. S. Sarde.

E I V S D E M

*Constitutio contra offendentes statum, res, & personas sacri
Inquisitionis hæreticæ prauitatis officij.*

PIVS Episcopus seruus seruorum Dei, ad perpetuam rei memoriam.



Sed de protegendis cæteris omnibus ecclesiæ ministris, quos in fidē & clientelam nostram a domino recepimus, cura nobis quotidiana insidet, quanto maiore studio eā nos sollicitudinem capessere necesse est, vt qui in sacro Inquisitionis Hæreticæ prauitatis officio versantur, sub tutela inuiolatæ auctoritatis huius sedis periculorum omnium expertes, quæque munera ad exaltationem fidei catholicæ exequantur? Cum itaque eius generis impiorum vis quotidie magis inualescat, qui omnibus malis artibus prædictum officium subuertere, ministrosque functionibus disturbare moliuntur, eo iam nos detrusit necessitas, vt nefariam, & scelestam illorum audaciam acerbiorē castigationis verberē reprimamus. Hac igitur generali constitutione de fratrum nostrorum consilio sancimus, vt quicumque siue priuatus, siue cuncta ciuitas, siue populus, siue dominus, Comes, Marchio, Dux, vel potiore titulo illustris, quemuis ex Inquisitoribus, Aduocatis, Procuratoribus, Notarijs, alijsque ministris prædicti officij vel Episcoporum id munus in sua diocesi, aut prouincia obeuntium, seu accusatorem, denunciatorem, aut testem in causa fidei quomodocunque productum, vel euocatum occiderit, verberauerit, deiecerit, seu perterrefecerit, quicquid ecclesias, ædes, aliasue res siue publicas, siue priuatas officij, aut ministrorum expugnauerit, inuaserit, incenderit, expilauerit, aut libros, literas, auctoritates, exemplaria, regesta, protocolla, exempla, scripturas, aliaue instrumenta siue publica, siue priuata vbicunque posita combusserit, diripuerit, seu interuerterit, seu ex incendio, aut direptione, aut alio quocunque modo illa exportauerit, seu qui in conflagratione, expugnatione, aut direptione etiam inermis, siue capiendi, siue comburendi, siue

di, siue suppressendi causa fuerit, siue res, aut personas seruari, defendiue prohibuerit, quiue carcerem, aut aliam custodiam, seu publicam, seu priuatam effregerit, vinetum extraxerit, seu emisit, capiendum prohibuerit, captumue eripuerit, receperit, occuluerit, seu facultatem effugiendi dederit, seu iusserit id fieri, qui cœtum, concursusue fecerit, siue vt aliquid prædictorum fieret homines accommodauerit, siue alias auxilium, consilium, aut fauorem publice, vel occulte in quolibet prædictorum scienter præstiterit, licet nemo occisus, nemo verberatus, nemo extractus, emissus, vel ereptus, nihil expugnatum, nihil effractum, succensum, directumue, nullum denique damnum re ipsa sit secutum: nihilominus is sit anathemate præsentis canonis auctoritate ligatus, idem quoque læsæ maiestatis reus, dominio, dignitate, honore, feudo, ac quocunque alio beneficio temporali, & perpetuo eo ipso priuatus, sæcularis iudicis arbitrio relinquatur, qui de eo illas ipsas pœnas exigat, quæ damnatis primo capite dictæ legis per constitutiones legitimas irrogantur, bonis, rebusque omnibus fisci iuribus applicatis, vti etiam est de damnatis hereticis per sanctiones canonicas constitutum: eius filij paterna infamia subiecti, omnis, & cuiuscunque hereditatis, successione, donationis, & legati siue propinquorum: siue extraneorum omnino sint expertes, eisdem præterea portæ nunquam pateant dignitatum. Nemo autem expurgationem habere, aut causam vllam proponere, vel pretendere possit, qui tantum nefas in contemptum, & odium huius officij admiserit, nisi contrarium per claras probationes docuerit se fecisse. Quod porro de prædictis eorumque filiis statuimus, illud idem de omnibus clericis, & presbyteris sæcularibus, & quorumuis ordinum, etiam exemptorum regularibus, & quacunque etiam Episcopali, & maiori dignitate præditis, ac etiam priuilegio quomodocunque suffultis, decernimus exequendum, ita vt ipsi beneficijs, & officijs omnibus ecclesiasticis, præsentium auctoritate priuati, per Iudicem ecclesiasticum Hæreticorum more degradentur, demum potestati seculari traditi, pœnis prædictis laicorum instar subiiciantur: Pontificum tamen causis nobis, & successoribus nostris reseruatis, vt re quæsitæ, & nobis renunciata contra eos ad depositionem, & alias pœnas prædictas procedamus, vti criminis atrocitas videbitur postulare. Quicumque autem pro talibus veniam petere, aut alias intercedere tentauerint, in easdem illas pœnas quæ in Hæreticorum fautores a sacris constitutionibus inferuntur, ipso facto se nouerint incidisse. Verum si quis etiam huiusmodi criminum conscius, vel affinis, siue religionis studio, siue pœnitentia ductus rem adhuc incognitam retexerit, supplicio liberetur. Ceterum eam omnium, & quarumcunque absolutionum rationem a prædictis criminibus, necnon habilitationum, & restitutionum etiam ad famam, & honores, ita deinceps habendam optamus, vt successores nostri nullas nisi saltem semestri post cuiusque assumptionem ad huius dignitatis fastigium excurso, ac precibus apud supremum officium Inquisitionis hic institutum verificatis, concedant. Decernentes omnes, & quacunque huiusmodi absolutiones, habilitationes, & restitutiones, quæ precibus sic non verificatis de cetero fient, nemini prorsus prodesse, sed nec præsentibus, nisi toto ipsarum tenore ad verbum inferro, & gratia ex certa Romani Pontificis scientia facta, & propria manu subsignata, vlla in parte derogari, nec derogatum censi debere, & si illis ex quacunque causa aliter derogari contigerit, derogationes huiusmodi nullius prorsus fore roboris, & momenti. Tubemus igitur vniuersos, & singulos Patriarchas, Primates, Archiepiscopos, Episcopos, & cæteros ecclesiarum prælatos per vniuersum orbem

orbem constitutos, vt per se, vel alium, seu alios præsentes literas, aut earum exempla in suis quisque prouincijs, ciuitatibus, diœcesibus, & locis solemniter publicare, & quantum in se est, firmiter obseruari procurent, contradictores quoscunque per censuras, & pœnas ecclesiasticas appellatione postposita compescendo, ipsasque censuras, & pœnas etiam iteratis vicibus aggrauando, inuocato etiam ad hoc, si opus fuerit, auxilio brachij sæcularis. Non obstantibus constitutionibus, & ordinationibus apostolicis, cæterisque contrarijs quibuscunque. Volumus autem vt præsentium exempla etiam impressa edantur, eaque Notarij publici manu, & cuiuscunque curiæ ecclesiasticæ, vel prælati sigillo obsignata, eandem illam prorsus fidem vbique locorum faciant, quam ipsæ præsentes facerent, si essent exhibitæ vel ostensæ. Cæterum omnes orbis terrarû Principes, quibus gladij sæcularis potestas ad malorum vindictam est permissa, per eâ quam se tueri promiserunt fidem obtestamur, ita suas quisque partes siue in præstando ministris prædictis auxilio, siue in criminum post ecclesiæ sententiam animaduersione, interponere, vt eorum quoque præsidij ministri ipsi tanti officij munus pro Dei æterni gloria, & religionis incremento feliciter exequantur, amplissimum a Domino præmium recepturi, quod fidei prædictæ assertoribus in æternæ beatitudinis consortio præparauit. Nulli ergo omnino hominum liceat hanc paginam nostræ sanctionis, legationis, statuti, decreti, iussuionis, obtestationis, & voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri, & Pauli apostolorum eius se nouerit incursum. Datum Romæ apud Sanctum Petrum, anno incarnationis Dominicæ, Millesimo Quingentesimo Sexagesimo Nono, Kal. Aprilis, Pontificatus nostri anno quarto.

✠ Ego Pius V. Catholica Ecclesiæ Episcopus.



Constitutiones Pij Papa V.

- | | |
|--|--|
| ✦ F. Cardinalis Pisanus Episc. Hostien. | ✦ Ego M. Antonius Card. Columna. |
| ✦ Io. Card. Moronus Episc. Portuen. | ✦ Ego Ptolemæus Card. Comensis. |
| ✦ Christoph. Madrucius Episc. Prenestin. | ✦ Ego P. Card. de Sancta Cruce. |
| ✦ Otho Card. Truchses Episc. Albanen. | ✦ Ego Z. Card. Delphinus. |
| ✦ A. Card. Farne. Vicecanc. Episc. Tusc. | ✦ Ego Hu. Card. S. Sixti. |
| ✦ Io. Bapt. Cicada Episc. Sab. Card. S. Cle. | ✦ Ego Alexander Card. Cribellus. |
| ✦ Ego Iulius Cardinalis Vrbinus. | ✦ Ego Guido Card. Vercellus. |
| ✦ Ego Fulvius Cardinalis Perusin. | ✦ Ego Guilielmus Card. Sirletus. |
| ✦ Ego Ioa. Riccius Card. Politianus. | ✦ Ego F. Michael B. Card. Alex. Camer. |
| ✦ Ego Scipio Cardinalis Pisarum. | ✦ Ego Hieronymus Card. de Claraualle. |
| ✦ Ego Iacobus Cardinalis Sabellus. | ✦ Ego Ludouicus Card. Madrucius. |
| ✦ Ego Aloysius Cardinalis Cornelius. | ✦ Ego Innocentius Card. de Monte. |
| ✦ Ego Ph. Cardinalis a Burdisera. | ✦ Ego Hieronymus Card. Simoncellus. |
| ✦ Ego Antonius Card. Granuelanus. | ✦ Ego Ferd. Card. de Medicis. |
| ✦ Ego Franciscus Card. Paciecus. | ✦ F. Cardinalis Alciatus. |
| ✦ Ego Hieronymus Card. de Corrigio. | ✦ Io. Paulus Cardinalis ab Ecclesia. |
| ✦ Ego Io. Franciscus Card. de Gambara. | ✦ A. Cardinalis Carafa. |
| ✦ Ego Nicolaus Card. de Sermoneta. | |
| ✦ Ego Ind. de Aualos Card. Aragonia. | |

Anno a Natiuitate Domini millesimo quingentesimo sexagesimo nono, Indictione duodecima, die vero secunda mensis Maii, Pontificatus sanctiss. in Christo patris, & D. N. D. Pij diuina prouidentia Papæ V. anno quarto retroscriptæ literæ Apostolicæ, lectæ, affixæ, & publicatæ fuerunt ad valuas Basilicæ principis Apostolorum de Vrbe, Cancellariæ apostolicæ, & in acie Campi Floræ, vt est moris, dimissis in locis præfatis præsentibus literis per aliquatulum temporis spatium affixis, & deinde a motis per nos Iulium Parinum, & Ioannem Bornotum prælibati Sanctiss. D. N. Papæ Curs.

Ant. Clerici Mag. Curs.





REGESTVM.

a b c d, A B C D E F G H I K L M N O P Q R S T V X Y Z,
 A A B B C C D D E E F F G G H H I I K K L L M M N N O O P P Q Q
 R R S S T T V V X X Y Y Z Z.
 A A A B B B C C C D D D E E E F F F G G G H H H I I I K K K L L L M M M
 N N N O O O P P P Q Q Q R R R S S S T T T.

Omnes sunt Duerniones, præter TTT, qui est Ternio.



R O M Æ,

In Aedibus Populi Romani Anno Iubilæi.

M. D. L X X V.



8
407

A FD/229




UNIVERSIDAD DE SEVILLA



600711217

i 27880801



Simoneo et Titiano et Jaco

F.D
229